

ე. ლონაძე

რუსეთ-საზრანგეთის ურთიერთობა
XVIII—XIX საუკუნეების მიჯნაზე

სტალინის სახელობის
თბილისის სახ. უნივერსიტეტის გამომცემლობა
თბილისი — 1959

შ ე ს ა ვ ა ლ ი

ამა თუ იმ ქვეყნის საგარეო პოლიტიკის ხასიათს და მიმართულებას განსაზღვრავს მოცემული ქვეყნის საშინაო პოლიტიკის ხასიათი და მიმართულება. რაც თავის მხრივ წარმოებითი ურთიერთობის ხასიათით არის შეპირობებული. პოლიტიკა კონცენტრირებული ეკონომიკაა; საგარეო პოლიტიკა კი პოლიტიკის ერთერთ ნაწილს შეადგენს. სახელმწიფოთა პოლიტიკა ცვალებადია ისევე, როგორც სკვალებადია ყველაფერი საზოგადოებასა და ისტორიაში. იგი იცვლება მატერიალური ცხოვრების წესში, წარმოებით ურთიერთობათა ხასიათში მომხდარი ცვლილებების შესატყვისად. კლასობრივ საზოგადოებაში კლასობრივი ინტერესები ბატონობენ. ყოველგვარი სახელმწიფო კლასობრივი ბატონობის იარაღს წარმოადგენს და ამა თუ იმ კლასის კლასობრივ ინტერესებს ემორჩილება. სახელმწიფოთა საგარეო პოლიტიკის არსის გასაღებს გვაძლევს კონკრეტულად მოცემული სახელმწიფოს კლასობრივი სტრუქტურა. როგორცაა ამა თუ იმ სახელმწიფოს გაბატონებული კლასის კლასობრივი ინტერესები და მისწრაფებები. ისეთივეა მისი საგარეო პოლიტიკის ხასიათი. ამიტომ მარქსისტულ-ლენინურ მსოფლმხედველობასთან შეუთავსებელია ყოველგვარი ცდა განხილულ იქნეს რომელიმე სახელმწიფოს ან ისტორიული პერიოდის საგარეო პოლიტიკა საშინაო პოლიტიკისაგან იზოლირებულად. წარმოებითი ურთიერთობათა ხასიათისა და მიმართველი კლასის ინტერესებისა და მოთხოვნილებების გათვალისწინების გარეშე. „პოლიტიკისაგან „საგარეო პოლიტიკის“ გამოყოფა. — წერდა ვ. ი. ლენინი. — ან მითუმეტეს, საშინაო პოლიტიკისადმი საგარეოს დაპირისპირება—ძირფესვიანად უმართებულო, არამარქსისტული, არამეცნიერული აზრია“¹.

მაგრამ ცალკეული ქვეყნის საგარეო პოლიტიკის ხასიათის ასახნელად საკმარისი არაა მარტო მოცემული ქვეყნის შინაგანი ვითარების გათვალისწინება, ამ სახელმწიფოს გაბატონებული კლასების ეკონომიური და პოლიტიკური ინტერესების შესწავლა. ამისათვის, აგრეთვე საჭიროა მხედველობაში იქნეს მიღებული სახელმწიფოთა პოლიტიკური ურთიერთობის სისტემა. ცნობილია, თუ როგორ სასტიკად აკრიტიკებდა ვ. ი. ლენინი ცდას — განეხილათ ამა თუ იმ სახელმწიფოს საგარეო პოლიტიკა და დიპლომატია იზოლირებულად სხვა სახელმწიფოთა პოლიტიკისაგან, სახელმწიფოთა პოლიტიკური ურთიერთობის სისტემისაგან მოწყვეტით. „მთელი საქმეა სისტემა პოლიტიკური ურთიერთობისა ომის წინ და ომის დროს,“ — წერდა ვ. ი. ლენინი ინესა ირმანდს 1916 წლის დეკემბრის წერილში¹. ამა თუ იმ ქვეყნის კონკრეტული ისტორიული მონაკვეთის საგარეო პოლიტიკა მკიდროდ არის გადანასკვეული სახელმწიფოთა პოლიტიკურ ურთიერთობის სისტემასთან, საერთაშორისო კავშირ-ურთიერთობათა რთულ ჯაჭვთან, ისიც არა მარტო მოცემულ ისტორიულ მონაკვეთში, არამედ წინა პერიოდშიც. აღნიშნულის გამო საჭიროა ამა თუ იმ სახელმწიფოს საგარეო პოლიტიკის შესწავლის დროს მხედველობაში მივიღოთ და გავითვალისწინოთ როგორც მოცემული ქვეყნის სოციალურ-ეკონომიური და პოლიტიკური ვითარება, ისე საერთაშორისო ურთიერთობის ხასიათიც, სახელმწიფოთა პოლიტიკური ურთიერთობის სისტემა.

* * *

✓ რუსეთ-საფრანგეთის ურთიერთობას ხანგრძლივი ისტორია აქვს. მთელ რიგ შინაგან და საერთაშორისო ხასიათის ფაქტორთა ზეგავლენით რუსეთ-საფრანგეთის ურთიერთობამ განვლო უაღრესად რთული, წინააღმდეგობებით და ზიგზაგებით აღსავსე გზა[✓] ისტორიული განვითარების გარკვეულ ეტაპებზე აღნიშნულ სახელმწიფოთა ურთიერთობა ნორმალურ კალაპოტში ვითარდებოდა, მეგობრულ ხასიათს ატარებდა და ორივე ქვეყნის სასიცოცხლო ინტერესებს უპასუხებდა. მაგრამ დრო და დრო მეგობრული, ჯანსაღი ურთიერთობა ადგილს უთმობდა ამ სახელმწიფოთა შეხლამეგობლას და მწვავე კონფლიქტებს, რაც ცალკეულ შემთხვევებში მათ შორის ნორმალური კავშირ-ურთიერთობის გაწყვეტამდე და ომამდე მიდიოდა. ✓

¹ ვ. ი. ლენინი, თხზ., IV გამ., ტ. 35, გვ. 277—278.

რუსი და ფრანგი ხალხის სამშვიდობო ნიშნაფებები, ამ სახელ-
მწიფოთა ეროვნული ინტერესები მათ შორის მეგობრულ კავშირს,
ნორმალურ დიპლომატიურ, სავაჭრო-ეკონომიურ და ეულტურულ
ურთიერთობას მოითხოვდა. რუსი და ფრანგი ხალხების ურთიერთ-
ბაში არასოდეს არ წამოჭრილა ისეთი სადავო საკითხები. რომელთა
მშვიდობიანი გზით მოგვარება შეუძლებელი ყოფილიყო. თუ, მიუ-
ხედავად ამისა, რუსეთ-საფრანგეთს შორის ზოგჯერ ომის ვითარება
იქმნებოდა, ამაში ბრალი მიუძღვით არა ამ ხალხებს, არამედ მათი
ქვეყნების მმართველ წრეებს, რომლებიც წარმართავენდენ აღნიშ-
ნულ სახელმწიფოთა საგარეო პოლიტიკას, ხელმძღვანელობდენ
არა ხალხის ნება-სურვილებით, არამედ საკუთარი ვიწრო ეგოის-
ტურ-კლასობრივი ინტერესებით და დინასტიური მოსაზრებებით.

ქვეყნის რუსეთის და საფრანგეთის მმართველები: თვითპყრო-
ბელი მონარქები რუსეთში, მეფე-იპყრატორები ან რესპუბლიკის
ხელისუფალნი საფრანგეთში თავიანთ საგარეო პოლიტიკას უმორ-
ჩილებდენ მეზობელი ქვეყნების დაპყრობების, საკუთარი ქვეყნის
ტერიტორიულ გაფართოებისა და დინასტიურ ინტერესებს. თვით
ეს დაპყრობები და ტერიტორიული გაფართოებისათვის მისწრაფება
გაბატონებული კლასების ეკონომიური და პოლიტიკური ინტერესე-
ბით და მოთხოვნებით იყო შეპირობებული. რუსეთის და საფრანგე-
თის მმართველი ზედაფენის საგარეო პოლიტიკური მიზნები და
მიმართულება ურთიერთსაინააღმდეგო ხასიათის იყო. რუსეთის
საგარეო პოლიტიკა, მისგან პერიოდულად წარმოებული დაპყრო-
ბები და აგრესიული ნაბიჯები, პირობადებული იყო „...რუსეთის
სამხედრო-ფეოდალურ-ვაჭრული ზედაფენის „მოთხოვნებით“
ზღვისაქენ გასასვლელებზე, საზღვაო ნავსადგურებზე, საგარეო ვაჭ-
რობის გაფართოებასა და სტრატეგიული პუნქტების დაუფ-
ლებაზე...“¹

რუსეთის გაბატონებული კლასების ეს ეკონომიური და სამ-
ხედრო-სტრატეგიული „მოთხოვნა“ წარმოშობდა ხშირ კონ-
ფლიქტებს და მკვეთრ მობრუნებებს რუსეთ-საფრანგეთის ურთი-
ერთობაში, რადგან იგი ეჯახებოდა საფრანგეთის გაბატონებული
კლასების შესატყვის ეკონომიურ და სამხედრო-სტრატეგიულ „მო-
თხოვნას“.

საფრანგეთის საგარეო პოლიტიკაც, დაპყრობებისა და ტერი-
ტორიული გაფართოებისაქენ იყო მიმართული. სრგი ჯერ ფრანგი

¹ ი. ბ. სტალინი, ენგელსის სტატიებზე „რუსეთის ცარიზმის საგარეო პო-
ლიტიკა“, გახ. „კომუნისტი“, 1941 წლის 28 მაისი.

მეფეების დინასტიური ინტერესებით და თავადაზნაურთა კლასობრივი „მოთხოვნებით“ იყო შეპირობებული, ბურჟუაზიული რევოლუციის გამარჯვების შემდეგ კი კაპიტალიზმის განვითარების „საპირობებით“, გამარჯვებული ბურჟუაზიის მისწრაფებით — ხელთ ეგდო ახალი ბაზრები და გავლენის სფეროები, დაუფლებოდა მნიშვნელოვან სამხედრო-სტრატეგიულ პუნქტებს.

რუსეთის და საფრანგეთის გაბატონებული კლასების ეს ურთიერთსაწინააღმდეგო ინტერესები და მისწრაფებები, რომლებიც წარმართავდა შესაბამის საგარეო პოლიტიკას და დიპლომატიურ ნაბიჯებს, ხშირად ქმნიდა დაძაბულობას რუსეთ-საფრანგეთის ურთიერთობაში და ზოგჯერ ომის ვითარებასაც წარმოშობდა. ამას ცალკეულ შემთხვევებში ემატებოდა წინააღმდეგობა პოლიტიკურ რეჟიმთა განსხვავებასა და იდეოლოგიურ დაპირისპირებათა ნიადაგზე (საფრანგეთის პირველი ბურჟუაზიული რევოლუციის დროიდან).

რუსეთ-საფრანგეთის ხანგრძლივი ურთიერთობის ისტორიის ერთერთ მნიშვნელოვან მონაკვეთს XVIII — XIX საუკუნეების მიჯნა წარმოადგენს. ქრონოლოგიურად ეს ისტორიული მონაკვეთი ემთხვევა პაველ I-ის მეფობის წლებს რუსეთში და აღმასრულებელი დირექტორიის მმართველობის მეორე ნახევარსა და კონსულობის საწყის პერიოდს საფრანგეთში. ევროპის სახელმწიფოთა მაშინდელი პოლიტიკურ ურთიერთობათა სისტემის მიხედვით ეს არის მეორე ანტიფრანგული კონტრრევოლუციური კოალიციის შექმნის, მისი მოქმედებაში შესვლისა და ამ კოალიციის დაშლის პერიოდი (1796 წლის ნოემბრიდან 1801 წლის 11 მარტამდე).

რუსეთ-საფრანგეთის ურთიერთობის ისტორიის ეს მოკლე მონაკვეთი მეტად საინტერესოა როგორც ამ ორი ქვეყნის ურთიერთობის თვალსაზრისით, ისე ევროპის იმდროინდელი პოლიტიკური ვითარების მხრივაც. იგი რუსეთ-საფრანგეთის ურთიერთობაში გარკვეულ მთლიანობას ქმნის და საგრძნობლად განსხვავდება როგორც წინა, ისე მომდევნო ხანის შესაბამისი ურთიერთობისაგან.

ევროპის კონტინენტი აღნიშნულ წლებში საფრანგეთის დიდი ბურჟუაზიული რევოლუციის მიერ მოხდენილი ღრმა სოციალურ-ეკონომიური, პოლიტიკური და იდეოლოგიური ცვლილებების უშუალო შთაბეჭდილების ქვეშ ცხოვრობდა. მიუხედავად იმისა, რომ თვით საფრანგეთში რევოლუცია უკვე ჩახშობილი იყო და მსხვილი ბურჟუაზიის კონტრრევოლუციური დიქტატურა ბატონობდა, აღნიშნული რევოლუციის მიერ მოხდენილი ცვლილებების

გავლენა მაინც საგრძნობი იყო ევროპის დიდ და პატარა სახელმწიფოთა ცხოვრებაზე, საერთაშორისო ურთიერთობის მიმართულეებზე. მართალია, ფრანგი ხალხის რევოლუციური, „ქეშმარიტად სამართლიანი და განმათავისუფლებელი ომი“ რევოლუციური საფრანგეთის წინააღმდეგ ამხედრებული ფეოდალურ-მონარქიული, კლერიკალურ-კონტრარევოლუციური კოალიციის წინააღმდეგ უკვე დამთავრებული იყო და საფრანგეთის გამარჯვებული ბურჟუაზია უსამართლო, დაპყრობით ომებს აწარმოებდა, მაგრამ რევოლუციის „ექსპორტი“ მაინც გრძელდებოდა. საფრანგეთის ბურჟუაზია ევროპის დაპყრობილ ადგილებში ძალის გამოყენებით ნერგავდა იმ ბურჟუაზიულ-პროგრესულ, ისტორიულად გამართლებულ ღონისძიებებს, რომლებიც მან რევოლუციის ჩახშობის მიუხედავად თვით საფრანგეთში შეინარჩუნა. მაგრამ საფრანგეთის მიერ წარმოებული ომების ხასიათის შეცვლამ პოლიტიკურ ურთიერთობათა ახალი სისტემა წარმოშვა და უშუალო გავლენა მოახდინა საერთაშორისო ურთიერთობის ხასიათზე. თუ 1789 — 1794 წლებში ევროპის სახელმწიფოთა საერთაშორისო ურთიერთობის ღერძს რევოლუციური-იაკობინური საფრანგეთის წინააღმდეგ ფეოდალურ-მონარქიული ევროპის ბრძოლა წარმოადგენდა (რომელსაც არისტოკრატიულ-კონსერვატიული ინგლისი ედგა სათავეში), 1795 წლიდან საერთაშორისო ურთიერთობის კვანძად იქცევა ინგლის-საფრანგეთის ბრძოლა უპირატესობისათვის ევროპაში. ბრძოლა ჰეგემონობისათვის სავაჭრო, საზღვაო და კოლონიურ ასპარეზზე.

მეფის რუსეთი, რომელიც ევროპის კონტინენტს ერთერთ ყველაზე ძლიერ და ცენტრალიზებულ მონარქიას წარმოადგენდა, საერთაშორისო ურთიერთობის ამბებსა და ევროპის იმდროინდელ პოლიტიკურ ცხოვრებაში უაღრესად აქტიურ და შეიძლება ითქვას, გადამწყვეტ როლს ასრულებდა. მაშინდელი ევროპის სახელმწიფოთა ურთიერთობაში არ ყოფილა არც ერთი მნიშვნელოვანი საკითხი, რომლის გადაწყვეტაშიაც მეფის რუსეთს არ მიეღოს უაღრესად აქტიური მონაწილეობა. საფრანგეთთან ურთიერთობას, კერძოდ, საფრანგეთის პირველი ბურჟუაზიული რევოლუციიდან მოკიდებული, ერთ-ერთი წამყვანი ადგილი ეკირა მეფის რუსეთის ევროპულ პოლიტიკაში და მისი საგარეო პოლიტიკის ფოკუსში იყო მოქცეული.

საფრანგეთის დიდი ბურჟუაზიული რევოლუციის მიერ მოხდენილმა სოციალურ-ეკონომიურმა და პოლიტიკურმა ცვლილებებმა უშუალო გავლენა მოახდინა რუსეთ-საფრანგეთის ისტორიულად

ჩამოყალიბებულ კავშირ-ურთიერთობაზე. მან დაარღვია მათ შორის მანამდე არსებული დიპლომატიური, სავაჭრო-ეკონომიური და კულტურული ურთიერთობა და სრულიად ახალი ვითარება შექმნა აპ სახელმწიფოთა ურთიერთობაში.

1796 წლის დასასრულისათვის, საიდანაც ვიწყებთ ჩვენ რუსეთ-საფრანგეთის ურთიერთობის მიმოხილვას, ამ ორ ქვეყანას შორის შეწყვეტილი იყო ყოველგვარი ნორმალური კავშირ-ურთიერთობა. მეფის რუსეთი რესპუბლიკური საფრანგეთის მიმართ შეიარაღებული ნეიტრალიტეტის მდგომარეობაში იმყოფებოდა და არაპირდაპირი გზით მონაწილეობას იღებდა მის წინააღმდეგ ბრძოლაში, თუმცა ფორმალურად არ შედიოდა პირველი ანტიფრანგული კოალიციის შემადგენლობაში. პარალელურად ამისა, რუსეთის ცარიზმის მესვეურები ენერგიულ ზომებს ღებულობდნენ საფრანგეთის რევოლუციის ყოველგვარი გავლენის წინააღმდეგ ქვეყნის შიგნით და აძლიერებდნენ რეპრესიულ ზომებს არსებული სოციალური სისტემის ყოველგვარი მტრების წინააღმდეგ.

1797 წლის დასაწყისიდან საფრანგეთის რესპუბლიკის დიპლომატიის ინიციატივით დაისახა გარკვეული მოზრუნება რუსეთ-საფრანგეთის ურთიერთობაში; გადადგმულ იქნა პრაქტიკული ნაბიჯები მათ დასახლოებად. ამ სახელმწიფოთა შორის დაიწყო არაოფიციალური მოლაპარაკება რევოლუციამდელი ურთიერთობის აღდგენისა და „ევროპის დამშვიდების“ ბაზაზე. მათ შორის სათანადო ხელშეკრულების დასადებად. მაგრამ აღნიშნული მოზრუნება ბოლომდე არ ყოფილა მიყვანილი. ამ მიმართულებით გადადგმული დიპლომატიური ნაბიჯები რუსეთ-საფრანგეთის ხელშეკრულების დადებით არ დამთავრებულა. პირიქით, ძველმა და ახალმა ეკონომიურმა, პოლიტიკურმა და სამხედრო-სტრატეგიულმა მოტივებმა კიდევ უფრო გააღრმავა ამ ორ ქვეყანას შორის არსებული ანტაგონიზმი და მათ შორის ომის შესაძლებლობა რეალურ სინამდვილედ აქცია. 1799 წლის დასაწყისში მეფის რუსეთი — მეორე ანტიფრანგული კოალიციის ერთ-ერთი მთავარი იდეურ-პოლიტიკური ხელმძღვანელი — კოალიციის სხვა წევრებთან ერთად ომს აჩაღებს საფრანგეთის რესპუბლიკის წინააღმდეგ. მაგრამ კოალიციის რიგებში აღმოცენებულმა ღრმა წინააღმდეგობებმა და რუსეთის მიერ საფრანგეთის წინააღმდეგ ომში დასახული პოლიტიკური და სამხედრო სტრატეგიული მიზნების განუხორციელებლობამ განაპირობა რუსეთ-საფრანგეთის ომის შეწყვეტა და მათი მორიგი დაახლოება

1800 წელს, მაგრამ 1801 წელს პავლე I-ის მკვლელობამ კვლავ ყველაფერი შეაბრუნა.

მოცემული პერიოდის რუსეთ-საფრანგეთის ურთიერთობის საკითხზე მონოგრაფიული გამოკვლევა არ არსებობს; მაგრამ ეს იმას როდი ნიშნავს, რომ აღძრული საკითხი არ ყოფილა მეცნიერული დაკვირვებისა და შესწავლის საგანი.

აღნიშნულ საკითხს ცოტად თუ ბევრად შეეხნენ ის რუსი და საზღვარგარეთელი ისტორიკოსები. რომლებმაც თავიანთ შრომებში გააშუქეს 1789 — 1815 წლებში ევროპის სახელმწიფოთა პოლიტიკური ურთიერთობის, დიპლომატიის მიმართულებებს და რუსეთისა და საფრანგეთის საგარეო პოლიტიკის საკითხები. ამ პრობლემის რთული კომპლექსის ცალკეული საკითხების შესახებ თავიანთი მოსაზრებები გამოთქვეს იმ ისტორიკოსებმაც, რომლებმაც ვრცელი გამოკვლევები მიუძღვნეს ნაპოლეონის ცხოვრებასა და მოღვაწეობას, ეკატერინე II-ისა და პავლე I-ის მეფობას. ცნობილი რუსი დიპლომატების (ა. ა. ბუზობროდკოს, ნ. ა. პანინის, ს. რ. ვორონცოვის, ა. კ. რაზუმოვსკის და სხვ.) ცხოვრებასა და დიპლომატიურ საქმიანობას. ზოგადი ცნობები რუსეთ-საფრანგეთის 1796—1801 წლების ურთიერთობის შესახებ მოცემულია აგრეთვე სარკ ხალხთა ისტორიის სახელმძღვანელოებში და ლექციების კურსებში, ნარკვევებში, დიპლომატიის ისტორიის I ტომის შესაბამის თავებში, ზოგიერთი საბჭოთა ისტორიკოსის მეცნიერულ-პოპულარულ ლექციებში, მეცნიერულ ნარკვევებში, წერილებსა და მონოგრაფიებში.

მაგრამ არსებული მეშვიდრობა რუსეთ-საფრანგეთის ურთიერთობის შესახებ XVIII — XIX საუკუნეების მიჯნაზე არ შეიძლება ჩაითვალოს ამომწურავად და დაკმაყოფილებლად. ეს პრობლემა „სახელმწიფოთა - სისტემასთან“ კავშირში, რუსეთ-საფრანგეთის საშინაო პოლიტიკასთან და ევროპული ურთიერთობის რთულ კომპლექტთან კავშირში დღემდე საფუძვლიანად არ ყოფილა განხილული.

რუსი და საზღვარგარეთელი ისტორიკოსები (ძირითადად ფრანგები), რომლებიც თავადაზნაურული და ბურჟუაზიული ისტორიოგრაფიის ბანაკს ეკუთვნიან (ს. ტატიშჩევი, ნ. შილდერი, კ. ვალი-შევსკი, ფ. მარტენსი, ა. ტრაჩევსკი, გ. კლოჩკოვი, დ. მილიუტინი, ე. შუმიგორსკი, ს. სოლოვიოვი, ა. სორელი, მ. ბარანი, გ. გროსიანი, ვ. ბურჟუა, ლ. პინო, ე. დოდე, ე. დრიო, ა. ტიერი, რ. გიო, ი. გრეპი, და სხვები) ორიოდვე ისტორიკოსის გამოკლებით (დ. მილიუტინი, გ. გროსიანი, ა. ტრაჩევსკი) XVIII საუკუნის დასასრულსა და XIX საუკუნის დასაწყისის პერიოდის რუსეთ-საფრანგეთის ურთიერთ-

ბის საკითხს ეხებიან და არკვევენ ზოგადად, სხვა საკითხებთან დაკავშირებით. რუსი ისტორიკოსების სქელტანიანი შრომები უმთავრესად შეიცავენ პავლე I-ის მეფობის დახასიათებას, მის საშინაო და საგარეო პოლიტიკის გარკვევას, მისი როლის ნათელყოფას ამ პოლიტიკის წარმართვაში, მისი მეფობის პერიოდის მსგავსება-განსხვავების ჩვენებას, წინამორბედ მეფობასთან შედარებით. რუს ისტორიკოსთაგან რუსეთ-საფრანგეთის აღნიშნული პერიოდის ურთიერთობის კომპლექსის გარკვევას კონცენტრირებული ყურადღება მიაქციეს მილიუტინმა და ტრაჩევსკიმ. პირველმა ეს საკითხი გააშუქა თავის კაპიტალურ სამტომიან ნაშრომში რუსეთის ომის შესახებ საფრანგეთის წინააღმდეგ 1799 წელს, მეორემ კი — სტატიაში 1794 — 1799 წლების რუსეთ-საფრანგეთის ურთიერთობის შესახებ და ვრცელ შესავალში, რომელიც წაუშემდგარა რუსეთ-საფრანგეთის ურთიერთობის (1800 — 1802 წწ.) დოკუმენტთა კრებულს.

უცხოელი ავტორები თავიანთ შრომებში, რუსეთ-საფრანგეთის ურთიერთობას დირექტორიისა და კონსულობის პირველ პერიოდში აშუქებენ მხოლოდ გაცვრით და ისიც საფრანგეთის რევოლუციის შედეგად აღმოცენებულ საფრანგეთის საშინაო და საგარეო პოლიტიკის მიმოხილვასთან დაკავშირებით.

დასახელებული ისტორიკოსები, უარყოფენ რა ისტორიის მატერიალისტურ გაგებას, რუსეთ-საფრანგეთის ურთიერთობის ხასიათს მოცემულ ქრონოლოგიურ მონაკვეთში ხსნიდნენ ამ ქვეყნების ისტორიული პიროვნებების იდეებით, შეხედულებებით და მისწრაფებებით, „კაპრიზებით“ და არა მატერიალური ცნობრების პირობებით, რუსეთის და საფრანგეთის მაშინდელი გაბატონებული კლასების ეკონომიური და პოლიტიკური მოთხოვნილებებით და მისწრაფებებით. ეს ისტორიკოსები ყურადღებას არ აქცევდნენ მასებს — საზოგადოების და ისტორიის შემომქმედ ძალას და ისტორიული პროცესის განმსაზღვრელ ძალად, საზოგადოებრივი განვითარების ქვაკუთხედად მიაჩნდათ მეფეთა, მხედართმთავართა და სხვა თავკაცთა ნება-სურვილი.

ამ მცდარი კონცეფციის შესატყვისად აღნიშნული სკოლის ისტორიკოსები, კერძოდ, რუსი ისტორიკოსები, მოცემული პერიოდის რუსეთის საგარეო პოლიტიკის ხასიათისა და მიმართულების ახსნას ეძებდნენ არა მატერიალური წარმოების მოცემულ წესში, რუსეთის შემამულეებისა და ვაჭრების კლასობრივ ინტერესებში, არამედ პავლე I-ის ხასიათში, მის ჟინსა და კაპრიზებში. პერიოდული შემობრუნებები რუსეთ-საფრანგეთის ურთიერთობაში, რასაც ადვილი

ჰქონდა პავლეს მეფობის ხანმოკლე მონაკვეთში, მათი აზრით, აგრეთვე რუსეთის თვითმპყრობელი მონარქის კაპრიზებით, ენია-ნობით, „რანდული მოსაზრებებით“ და პერსონალური ნება-სურვილით იყო პირობადებული. ისინი, ამავე დროს, დიდ მნიშვნელობას ანიჭებდნენ ფეოდალური არისტოკრატის მრავალრიცხოვანი წარმომადგენლების, კერძოდ, მეფის კარის ზედაფენის როლსა და ზემოქმედებას თვითმპყრობელ მონარქზე, ამ გზით კი ქვეყნის საშინაო და საგარეო პოლიტიკის მიმართულებაზე. თითქმის ასეთსავე შეხედულებას ანვითარებენ დასახელებული საზღვარგარეთელი ისტორიკოსებიც, რომლებიც უმთავრესად რუსულ წყაროებსა და რუსი ისტორიკოსების გამოკვლევებს ემყარებიან.

რა სახელმწიფოებრივი ინტერესები, რა ეკონომიური და პოლიტიკური ფაქტორები აპირობებდა რუსეთის მონარქის, დირექტორიის ხელისუფლების და ნაპოლეონ ბონაპარტის ამა თუ იმ ნაბიჯს რუსეთ-საფრანგეთის ურთიერთობაში, რა საზოგადოებრივი კლასების ეკონომიური „მოთხოვნილებები“, ყოფიერების ინტერესები ამოქმედებდა რუსეთის და საფრანგეთის ხელისუფლების მესვეურთა პოლიტიკურ კურსს, რაც თავის გამოხატულებას ჰპოვობდა ამ ორი ქვეყნის ურთიერთობაში? ამ კითხვაზე რუსი და საზღვარგარეთელი ისტორიკოსების გამოკვლევებსა და სქელტანიან ნაშრომებში პასუხს ვერ ვპოულობთ.

ერთი სიტყვით, მიუხედავად იმისა, რომ რუსმა და საზღვარგარეთელმა ისტორიკოსებმა დიდი მუშაობა გასწიეს კვლევის ობიექტის გარშემო, ბევრი ახალი მასალა გამოაველინეს, ბევრი ფაქტი გამოატანეს მზის სინათლეზე და გარკვეული შეფასება მისცეს. მაგრამ იდეალისტურმა მსოფლმხედველობამ მაინც ხელი შეუშალა მათ აეხსნათ და გადაეწყვიტათ რუსეთ-საფრანგეთის მოცემული პერიოდის ურთიერთობის საკითხთა კომპლექსი ისტორიული სინამდვილის შესატყვისად, „საზოგადოების მატერიალური ცხოვრების პირობების“ საფუძველზე.

ძველი ისტორიოგრაფია უძღური იყო აეხსნა და გაერკვია რუსეთ-საფრანგეთის ურთიერთობა ისტორიისა და საზოგადოების ობიექტური კანონების შესატყვისად, მოეცა ამ ურთიერთობის პირობამდელ ფაქტორთა მეცნიერული ანალიზი და მის საფუძველზე დაეხატა ამ ურთიერთობის რეალური სურათი. ამ ამოცანის გადა-

წყვეტა შეეძლო მხოლოდ საბჭოთა ისტორიოგრაფიას, რომელიც კვლევის მოწინავე მეთოდით არის აღჭურვილი.

რუსეთ-საფრანგეთის ურთიერთობა XVIII — XIX სს. მიჯნაზე არც ერთ საბჭოთა ისტორიკოსს არ გაუხდია საგანგებო კვლევადიებისა და მონოგრაფიული შესწავლის საგნად. საბჭოთა ისტორიკოსთაგან, რომლებმაც თავიანთი შეხედულებები გამოთქვეს საკვლევ საკითხზე, აღსანიშნავია აკად. ე. ტარლე, პროფესორები: ს. ოუენი, ე. ბურჯალოვი, თ. გოტიე, ა. ნაროჩნიკი, ვ. ნოტმანი, რ. ლანინი. მ. პოკროვსკი და სხვები.

აქადემიკოსი ტარლე თავის ნაშრომში—დიდი რუსი ადმირალის ეშაკოვის 1798 — 1800 წლების საზღვაო ოპერაციების შესახებ ხმელთაშუა ზღვაში—გზადაგზა არკვევს მეორე ანტიფრანგული კოალიციის აღმოცენების პროცესს, მის მიზნებს, ხასიათს, შინაგან წინააღმდეგობებს და დაშლის მიზეზებს. მისი მსჯელობა, ანალიზი და დასკვნები ამ პროცესების შესახებ მეცნიერულად გამართული და მეთოდოლოგიურად სწორია. მაგრამ შრომას მიზანი მას საშუალებას არ აძლევდა წინა პლანზე წამოეწია რუსეთ-საფრანგეთის ურთიერთობის ყველა მხარე. და ამდენად მისი თავისთავად მეტად სასარგებლო და ყურადსაღები დასკვნები ქრონოლოგიურადაც და გაშუქებულ საკითხთა მოცულობითაც ვერ ამოწურავს მოცემული ურთიერთობის მთელ კომპლექსს.

პროფესორი ოუენის სსრკ ისტორიის ლექციების კურსში (1796 — 1825 წლები), სადაც განხილულია რუსეთის ისტორიის მნიშვნელოვანი ეტაპი, რუსეთის ისტორიული პროცესის სხვა შემადგენელ საკითხებთან ერთად, ზოგადად განხილულია რუსეთ-საფრანგეთის ურთიერთობაც პავლე I-ის მეფობის წლებში. მართალია, ავტორმა თითქმის ყველა საკითხზე გაამახვილა ყურადღება და სათანადო პასუხიც გასცა, მაგრამ სალექციო კურსის მოცულობა და მასალის სიმჭიდროვე საშუალებას არ აძლევდა მას გასცილებოდა ზოგადობის სფეროს, ღრმად შექრილიყო საკვლევ საკითხის სიღრმეში და პასუხი გაეცა ყველა საკითხზე, რომელიც რუსეთ-საფრანგეთის ურთიერთობის ხასიათთან, მის ცვლილებებთან და ამ ცვლილებების პირობაზედელ ფაქტორებთან იყო დაკავშირებული.

ლანიმმა თავის წერილში პავლე I-ის 1796 — 1798 წლების საგარეო პოლიტიკის შესახებ, რუსეთ-საფრანგეთის ურთიერთობის ორწლიანი მონაკვეთი გააშუქა საკმაო სისრულით, მაგრამ დასახელებული წერილი მისი შეზღუდული მოცულობისა და ხასიათის

გამო საშუალებას არ აძლევდა ავტორს ყოველმხრივ გაეშუქებინა ანტიფრანგული კოალიციის შექმნისა და მოქმედებაში შესვლის საკითხები. ამასთან ერთად, ეს მიმოხილვა ქრონოლოგიურად მხოლოდ 1798 წლამდე გრძელდება და ყურადღების გარეშე ტოვებს ანტიფრანგული კოალიციის დაშლას, რუსეთის ომიდან გამოსვლას და რუსეთ-საფრანგეთის დაახლოების ამბებს. დასასრულს, უნდა აღინიშნოს, რომ საკვლევი საკითხის ანალიზისას ავტორი ემყარება მხოლოდ გამოქვეყნებულ დოკუმენტებს (ისიც ნაწილს) და მონოგრაფიული ლიტერატურის ნაწილს.

პროფ. ბერჯალოვა საჯარო ლექციის სტენოგრამაში საფრანგეთის რევოლუციასთან ეარიზმის ბრძოლის შესახებ, საფრანგეთ-რუსეთის ურთიერთობის როგორც საკითხებსაც გასცა პასუხი. ბროშურის პოპულარული ხასიათი და მიზანდასახულება გამორიცხავდა იმის შესაძლებლობას, რომ ავტორს ვრცლად მოეკიდა ხელი პაე-ლე I-ის მეფობის წლების საფრანგეთ-რუსეთის ურთიერთობის საკითხისათვის, წყაროები და ლიტერატურა მოეტანა და მათი ანალიზი შედეგები ამომწურავი დასკვნებით დაეგვირგვინებინა.

ნოტმანი, ნაროჩნიცკი, ავერბუხი და გოტიე მხოლოდ ზოგად შეხედულებებს გამოთქვამენ ჩვენი პრობლემის ირგვლივ.

საბჭოთა ისტორიკოსებიდან პროფ. მ. ნ. პოკროვსკი ერთ-ერთი პირველთაგანი შეეხო აღნიშნული პერიოდის რუსეთ-საფრანგეთის ურთიერთობას, თუმცა გ.კვრით და ზერელედ. მან ეს ურთიერთობა წარმოადგინა მეტად გამარტივებულად, გადასვლებისა და ვარიაციების გარეშე. გამოდიოდა რა ეკონომიური მატერიალიზმის ყალბი სქემიდან, მ. პოკროვსკი რუსეთის ეარიზმის საგარეო პოლიტიკაზე საერთოდ, კერძოდ კი მოკემულ ისტორიულ მონაკვეთში, მიაჩნდა თავად კაპიტალის იარაღად. პოკროვსკი საკვლევო პერიოდის რუსეთ-საფრანგეთის ურთიერთობის შესახებ უშვებს ისეთ მეთოდოლოგიურ შეცდომებს, რომლებიც ფასს უქარგავენ მის ზოგიერთ საყურადღებო შენიშვნას.

ვითვალისწინებთ რა იმ გარემოებას, რომ დასახელებული პერიოდის რუსეთ-საფრანგეთის ურთიერთობის რთული კომპლექსის შესახებ რევოლუციამდელი რუსი და საზღვარგარეთელი ისტორიკოსების მემკვიდრეობა არ არის საკმაო, თანაც მოძველებულია და ვეღარ პასუხობს ისტორიული კვლევა-ძიების თანამედროვე მოთხოვნებს. საბჭოთა ისტორიულ მეცნიერებაში კი ეს საკითხი არ არის გაშუქებული საკმაო სიღრმით, ჩვენ მიზანშეწონილად მივიჩ-

ნიეთ აღნიშნული პრობლემა სპეციალური გამოკვლევისა და მონო-გრაფიული შესწავლის საგნად გაგვეხადა.

რუსეთ-საფრანგეთის მოცემული პერიოდის ურთიერთობის ხასიათისა და მთავარი ნიშნების განსაზღვრა, ამ ურთიერთობის როლისა და ადგილის ჩვენება რუსეთ-საფრანგეთის ხანგრძლივი ურთიერთობის ისტორიასა და ევროპის მაშინდელ პოლიტიკურ ცხოვრებაში; იმ ეკონომიური, პოლიტიკური და სამხედრო-სტრატე-გიული ფაქტორების გარკვევა, რომლებითაც განპირობებული იყო ამ ურთიერთობის ხასიათი — წარმოადგენს ჩვენი შრომის ძირითად ამოცანას.

წარმოდგენილ ნაშრომში განხილულია რუსეთ-საფრანგეთის ურთიერთობის მხოლოდ ერთი მხარე — პოლიტიკური მხარე, რად-გან კვლევის ობიექტად აღებულია რუსეთ-საფრანგეთის ურთი-ერთობის ისეთი მონაკვეთი, როცა ამ ორ ქვეყანას შორის შეწყვე-ტილი იყო ყოველგვარი ნორმალური ურთიერთობა — ეკონომიურ-საეკონომიკური, კულტურული და პოლიტიკურ-დიპლომატიური. როგორც ცნობილია, რუსეთსა და საფრანგეთს შორის 1793 წელს შეწყდა ყოველგვარი ურთიერთობა და იგი ნორმალური სახით მხოლოდ 1801 წელს, პავლე I-ის სიკვდილის შემდეგ იქნა აღდგენილი. დრო-ის ამ მონაკვეთში, კერძოდ 1797 — 1800 წლებში აღნიშნულ სახელ-მწიფოთა შორის ურთიერთობა ხორციელდებოდა ან ომის სახით, ან შემთხვევით ან და მესამე სახელმწიფოს მეშვეობით. ნაშრომში თავისი ანახვა პპოვა მოცემული კონკრეტული ურთიერთობის ხასი-ათმა და იმ ფაქტორებმა, რომლებითაც პირობადებული იყო ეს ურთიერთობა.

მარქსიზმ-ლენინიზმის კლასიკოსები მუდამ უდიდეს ყურადღე-ბას აქცევენ ამ თუ იმ ქვეყნის საგარეო პოლიტიკისა და დიპლო-მატიის. სახელმწიფოთა პოლიტიკურ ურთიერთობათა საკითხებს საერთოდ, კერძოდ კი კაპიტალისტური ურთიერთობის აღმოცენების დროიდან. ისინი საფუძვლიანად სწავლობდნენ ცალკეულ სახელმწი-ფოთა საგარეო პოლიტიკას, ამ პოლიტიკის ვარიაციებს და მზის სინათლეზე გამოჰქონდათ მათი ფარული დიპლომატიის ოინები.

კაპიტალისტური სახელმწიფოების საგარეო პოლიტიკისა და დიპლომატიის შესწავლა, სახელმწიფოთა პოლიტიკურ ურთიერთო-ბათა ხასიათის გარკვევა მარქსიზმ-ლენინიზმის კლასიკოსებისათვის არ წარმოადგენდა თვითმიზანს. იგი შრომელი მასების რევოლუცი-ური აღზრდის, მათი პოლიტიკური შეგნებულობის ამაღლების და კაპიტალიზმის მახინჯი მხარეების მხილების მეტად მნიშვნელოვან

ზარალად მიაჩნდათ. ამიტომ იყო, რომ ისინი მუშათა კლასისა და მისი რევოლუციური ავანგარდისაგან მოითხოვდნენ უფრო ღრმად ჩაწედომოდნენ სახელმწიფოთა საგარეო პოლიტიკისა და დიპლომატიის არსში, უფრო მეტი ყურადღება მიექციათ საერთაშორისო ურთიერთობის ყველა მნიშვნელოვანი ამბების გარკვევასა და მათი აღმოცენების მიზეზების შესწავლის საქმისათვის.

მეცნიერული კომუნიზმის დიდი ფუძემდებლების, მარქსისა და ენგელსის მთელი როგი კლასიკური ნაშრომი, ნარკვევები და სტატიები (ყ. მარქსის „ქრონოლოგიური ამონაწერები“, „ქრონოლოგიური ამონაწერები ინდოეთის ისტორიის შესახებ“, „კლასობრივი ბრძოლა საფრანგეთში 1848 — 1850 წლებში“, „სამოქალაქო ომი საფრანგეთში“, „საიდუმლო დიპლომატია“, „თვრამეტი ბრიუმერი ლეი ბონაპარტისა“, „ესპანეთის რევოლუცია“, მარქსისა და ენგელსის: „წმინდა ოჯახი“, „დემოკრატიული პანისლავიზმი“, ენგელსის: „ანტი-დირინგი“. „ქრონოლოგიური ამონაწერები ირლანდიის შესახებ“, „პო და რაინი“, „ისტორიული მატერიალიზმის შესახებ“, რუსეთის ცარიზმის საგარეო პოლიტიკა“ და სხვ.) მეტად თუ ნაკლებად ეხებიან საკვლევო პრობლემის ცალკეულ საკითხებს. იგივე უნდა ითქვას მარქსისა და ენგელსის პრავალრიცხოვან წერილებზე და სტატიებზე. აღმოსავლეთის საკითხის, საფრანგეთისა და ინგლისის ისტორიის, კოლონიური პოლიტიკისა და სამოქალაქო ომის შეახებ ა. შ. შტატებში. რომლებშიც მებრძოლი რევოლუციონერის პოზიციიდან, მეცნიერული სიღრმითაა გაშუქებული ევროპის პოლიტიკური ცხოვრებას, საერთაშორისო ურთიერთობის, კაპიტალისტური სახელმწიფოების კოლონიური პოლიტიკისა და დიპლომატიის მთავარი პროცესები XVIII საუკუნის დასასრულსა და XIX საუკუნეში. ამ ნაშრომებში საფუძვლიანი შესწავლა ცხადყოფს, თუ როგორი პასუხისმგებლობით ეკიდებოდნენ ისინი ამ საქმეს, რა ღრმად სწავლობდნენ მას კონკრეტული ეპოქებისა და ქვეყნების მაგალითებზე. ფაქტებისა და წყაროების საფუძვლიანი ცოდნა, ინტუქციისა და დედუქციის დიდი ძალა, განზოგადებისა და დასკვნების მაღალი მეცნიერული დონე, აი რით ხასიათდება მათი ძვირფასი მემკვიდრეობა ამ დარგში.

ზემოაღნიშნული ხასიათის ნაშრომებში მარქსმა და ენგელსმა სხვა საკითხების გვერდით პასუხი გასცეს მოცემული პერიოდის რუსეთ-საფრანგეთის ურთიერთობასთან კავშირში მყოფ საკითხთა ისეთ წყებას, როგორცაა: რუსეთის ცარიზმის, დირექტორიის და კონსულობის საგარეო პოლიტიკის ხასიათი, თვრამეტი ბრიუმერის

სახელმწიფო გადატრიალების კლასობრივი არსი, ინგლისის ბურჟუაზიის როლი ანტიიაკობინურ ომში და სხვ.

მარქსისა და ენგელსის საქმის დიდმა განმგებლობმა, ვ. ი. ლენინმა ამ საკითხშიაც გაავლიდრა და განავითარა მარქსისა და ენგელსის ნიღდარი შემკვიდრობა.

სტატიაში „საგარეო პოლიტიკის საიდუმლოებანი“ ვ. ი. ლენინი გელისტკივლით აღნიშნავდა „...რომ ხალხის მასები ვერ წაიკითხავენ ვერც დიპლომატიის ისტორიის წიგნებს, ვერც კაპიტალისტური გაზეთების მოწინავე სტატიებს... დიპლომატიური სამყაროა „დიდი ადამიანების“ მათთვის კარგად ცნობილ სტატიებს“.¹

ნაშრომებსა და სტატიებში „იმპერიალიზმი როგორც კაპიტალიზმის უმაღლესი სტადია“, „რევულები იმპერიალიზმის შესახებ“, „ინტერნაციონალი და მისი ადგილი ისტორიაში“, „სოციალიზმი და ომი“, „იუნეისის ბროშურის შესახებ“, „უბედური ზაფი“, „ომი და რევოლუცია“, „რევოლუციური ფრაზის შესახებ“, „ბონაპარტიზმის დასაწყისი“ და სხვ. ვ. ი. ლენინმა ფარდა ახადა კაპიტალისტური სახელმწიფოების საგარეო პოლიტიკისა და დიპლომატიის მრავალ საიდუმლოებას. გამოდიოდა რა იმ ღრმა მეცნიერულ დებულებიდან, რომ ომი არის ომამდელი პოლიტიკის გაგრძელება ძალის გამოყენების მეთოდებით, ვ. ი. ლენინმა პირველი მსოფლიო იმპერიალისტური ომის მიზეზების გარკვევის დროს ამომწურავად შეისწავლა იმპერიალისტური სახელმწიფოების ომამდელი საგარეო პოლიტიკა და დიპლომატია თვით კაპიტალიზმის გენეზისიდან მოკიდებულა. მის დასახელებულ ნაშრომში დასმულია და პასუხისგაუცემელია ბევრი ისეთი საკითხი, რომელიც უშუალოდ დაკავშირებულია რუსეთ-საფრანგეთის ურთიერთობასთან XVIII — XIX საუკუნეების მიჯნაზე.

¹ ვ. ი. ლენინი, თხზ., მე-4 გამ., ტ. 24, გვ. 452.

თ ა ვ ი რ

1. წყაროებისა და საავტორული ლიტერატურის მიმოხილვა

ურომაში აღძრული საკითხების გააშუქებლად ჩვენს მიერ გამოყენებულა:

1. საარქივო ფონდების მასალები (განოუქვეყნებელი და გამოქვეყნებელი);
2. მემუარული ლიტერატურა;
3. მარქსიზმ-ლენინიზმის კლასიკოსების სათანადო ნაშრომები;
4. რევოლუციამდელი რუსი და საზღვარგარეთელი ისტორიკოსების ნაშრომები;
5. საბჭოთა ისტორიკოსების ნაშრომები.

პირველწყაროებისა და დოკუმენტების ძირითად ფონდს ჩვენთვის სხვადასხვა საარქივო ფონდების მასალები წარმოადგენდა.

ეს არქივებია:

1. Архив внешней политики Россия Министерства иностранных дел СССР (АВПР).

2. Центральный Государственный архив древних актов (ЦГАДА).

3. Центральный Государственный военно-исторический архив (ЦГВИА).

დასახელებული არქივებიდან პირველ რიგში უნდა მოვიხსენიოთ სსრ კავშირის საგარეო საქმეთა სამინისტროს რუსეთის საგარეო პოლიტიკის არქივი. ამ არქივში კონცენტრირებულია იმ დოკუმენტების უდიდესი ნაწილი, რომელიც შეუქს ჰენს მეფის რუსეთის საგარეო პოლიტიკას საერთოდ. კერძოდ კი XVIII — XIX საუკუნეების მიჯნაზე და, მათსადამე, საკვლევო პერიოდის რუსეთ-საფრანგეთის ურთიერთობის საკითხებს. ამ არქივში ჩვენ შევისწავლეთ შემდეგი ფონდები (1797 — 1801 წწ.).

„Сношєвня Россіи с Фравдвей“¹, „Сношєния Россіи с Англией“², „Сношєния Россіи с Австріей“³, „Свошєния Россіи с Пруссіей“⁴, „Сношєния Россіи с Туршіей“⁵, „Сношєвня Россіи с Неаполем“⁶, „Сношєния Россіи с Гамбургом“⁷, „МИД. Канцелярія“⁸.

აღნიშნული საარქივო ფონდების მრავალფეროვანი მასალებიდან ჩვენ, პირველყოვლისა. გამოვიყენეთ ისეთი ხასიათის დოკუმენტები, როგორცაა: 1) იმპერატორ პავლე I-ის რესკრიპტები და დეკრეტები ევროპის სახელმწიფოთა მთავრობებთან მყოფი რუსეთის დიპლომატიური წარმომადგენლებისა, რეზიდენტებისა და აგენტებისადმი; 2) მისივე ოფიციალური და „ინჰიმური“ წერილები პირველ და მეორე ანტიფრანგულ კოალიციებში მონაწილე სახელმწიფოების (ინგლისის, ავსტრიის, ნეაპოლის და სხვ.) მეფეებისა და მთავრობათა მეთაურებისადმი, ისე როგორც პრუსიის და გერმანიის სხვა სახელმწიფოების მეფეებისა და მთავრობებისადმი; 3) რუსეთის მიერ ინგლისთან, ავსტრიასთან, თურქეთთან, ნეაპოლთან, პრუსიასთან, ჰამბურგთან და გერმანიის სხვა სახელმწიფოებთან (მოცემულ პერიოდში) წარმობულ დიპლომატიურ, სამხედრო და ეკონომიურ მოლაპარაკებათა ოქმები, ხელშეკრულება-კონვენციათა პროექტები, ხელმოწერილ ხელშეკრულებათა ასლები, ინსტრუქციები მოლაპარაკებათა თაობაზე და ა. შ.; 4) რუსეთის საგარეო საქმეთა კოლეგიის ხელმძღვანელების: ა. ა. ბეზბოროდკოს, ნ. პ. პანიჩინს, თ. ვ. როსტოპჩინის და ა. ბ. კურაკინის ოფიციალური და პირადი ხასიათის დეკრეტები და წერილები, როგორც რუსეთის დიპლომატიური წარმომადგენლებისადმი საზღვარგარეთ, ისე მთავრობები-

¹ საქმეები №№: 520, 525, 525ს, 1380, 1382, 1388, 1391, 1398, 1407, 1448, 1474, 1392, 1623, 526, 526, (1798—1800 წწ.).

² საქმეები №№: 490, 653, 666, 491, 492, 657, 507, 509, 510, 513, 516, 527, 528, 532 (1797—1800 წწ.).

³ საქმეები №№: 872, 273, 874, 875, 883, 890, 891, 892, 900, 901, 918, 919, 920, (1797—1800 წწ.).

⁴ საქმეები №№: 512, 513, 514, 515, 516, 517, 518, 519, 520, 524, 525, 526, 527, 532, 533, 534, 536, 543, 548, 153, 553, (1798—1800 წწ.).

⁵ საქმეები №№: 863, 865, 867, 870, 873, 875, 888, 869, 892, 893, 894, 897, 909, (1798—1800 წწ.).

⁶ საქმეები №№ 257, 258, 264, 265, 272, 273, 274, 275, 68, 35, 69, 71, 286, 287, 288, 290, 291, (1797—1800 წწ.).

⁷ საქმეები №№: 315, 318, 329, 330, 331, 336 (1799—1800 წწ.).

⁸ საქმეები №№: 8944, 8945, 8953 (1801 წ.).

სადმი; 5) რუსეთის ელჩების და დიპლომატიური აგენტების (ს. რ. ვორონცოვის, ნ. პ. პანიჩის, ა. კ. რაზუშკოვსკის, ს. ა. კოლიჩევის, ვ. ს. ტამარას, ბ. პ. კოჩუბეის, ა. ა. იტალენსკის, ი. მ. მურავიოვის, ბ. მუსინ-პუშკინის, ი. სიმოლინის და სხვების) რელაციები პავლე პირველისადმი, მათივე წერილები საგარეო საქმეთა კოლეგიისადმი და „ინტიმურა“ მიმოწერა ურთიერთშორის; 6) ავსტრიის, პრუსიის, ნეაპოლის და ევროპის სხვა სახელმწიფოთა მონარქების წერილები რუსეთის იმპერატორებისადმი, პრემიერების და საგარეო საქმეთა მინისტრების დეპუტები და წერილები მათი დიპლომატიური წარმომადგენლებისადმი პეტერბურგის სამეფო კარზე; 7) რუსეთში აკრედიტებული ევროპის სახელმწიფოთა ელჩების და დიპლომატიური აგენტების მიმოწერა რუსეთის საგარეო საქმეთა კოლეგიასთან და თავიანთ მთავრობებთან და სხვ.

აღნიშნული დოკუმენტების დიდი ნაწილი არქივის ფონდებში დაცულია უმთავრესად ასლების და პროექტების სახით. გამონაკლის შემთხვევაში კი დედნების სახითაც. როგორც წესი, დოკუმენტები დაწერილია ფრანგულ ენაზე. მცირე ნაწილი — რუსულზე (ორივე შემთხვევაში ხელნაწერის სახით).

ძველი აქტების ცენტრალურ სახელმწიფო არქივში (ЦГАДА) ჩვენ შევისწავლეთ „Фонд Павловых“¹, „Фонд Воронцовых“² და „Фонд XV“³, საიდანაც ამოგვკრიბეთ და გამოვიყენეთ რუსი დიპლომატების ს. რ. ვორონცოვისა და ნ. პ. პანიჩის დიპლომატიური მიწერ-მოწერა, მათი პირადი წერილები, პავლე I-ის რესკრიპტების ასლები და სხვა ხასიათის დიპლომატიური მასალები (ფრანგულ და რუსულ ენებზე).

ცენტრალურ სახელმწიფო სამხედრო-ისტორიული არქივიდან (ЦГВИА) ჩვენს მიერ შესწავლილია „Фонд ВУА“⁴ და „Фонд 43“⁵, საიდანაც ამოგვკრიბეთ განსაზღვრული რაოდენობის მასალა, რომელსაც კავშირი ჰქონდა შრომაში დასმულ საკითხებთან.

დასახელებული საარქივო ფონდების მრავალფეროვანი მასალები ნათელს ჰფენენ რუსეთ-საფრანგეთის ურთიერთობის ხასიათს XVIII — XIX საუკუნეების მიჯნაზე. ეს დოკუმენტები, პირდაპირ თუ არაპირდაპირ, პასუხს იძლევა კითხვაზე. თუ რით იყო პირობა-

¹ საქმეები №№: 212, 249, 255, 262, 269, 271, 274, 283, 292, 293, 297, 327, 329, 367, 446, 475, 773, 800, 323, 770, 16, 369, (1797—1800 წწ.).

² საქმეები №№: 903, 1882, 1902, 1926. (1797—1800 წწ.).

³ საქმეები №№: 604, 607, (1798 წ.).

⁴ საქმეები №№: 309, 319, 1797 (1798—1800 წწ.).

⁵ საქმეები №№: 1616, 1619, 1623, 1482, 1448, 1474, (1799 წ.).

დებული მეფის მთავრობის, პირადად პავლე I-ის, ესა თუ ის საგარეო პოლიტიკური ნაბიჯი, რა ამოქმედებდა მას მეორე ანტიფრანგული კოალიციის ორგანიზაციის დროს, როგორი იყო რუსეთის ცარიზმის პოლიტიკა ინგლისის, ავსტრიის, პრუსიის, თურქეთის, იტალიის და გერმანული სახელმწიფოების მიმართ მოკემულ პერიოდში, თავის მხრივ, რა კურსს ახორციელებდნენ აღნიშნული სახელმწიფოები რუსეთის მიმართ, რა ფაქტორებმა განსაზღვრა შემობრუნება რუსეთ-საფრანგეთის ურთიერთობაში 1800 წლის დასაწყისიდან და ა. შ.

დასახელებულ არქივების ფონდებში ჩვენს მიერ შესწავლილი და შრომაში დასმული პრობლემების გასაშუქებლად გამოყენებული დოკუმენტების და მასალების მნიშვნელოვანი ნაწილი სხვადასხვა დროს უკვე გამოქვეყნებული იყო (დოკუმენტთა კრებულებში, არქეოგრაფიულ-ისტორიულ ჟურნალებში და ზოგიერთ რევოლუციამდელ რუს ისტორიკოსთა ნაშრომებში დანართის სახით). ეს მასალები საფუძვლად დაედო რევოლუციამდელი რუსი და საზღვარგარეთელი ისტორიკოსების იმ გამოკვლევებს, რომლებშიც მიმოხილულია რუსეთის ცარიზმის საგარეო პოლიტიკა, კერძოდ რუსეთ-საფრანგეთის ურთიერთობა XVIII საუკუნის დასასრულსა და XIX საუკუნის დასაწყისში. მიუხედავად ამისა, გამოქვეყნებული მასალებით სარგებლობისას ჩვენ ვარჩიეთ მიგვემართა თვით საარქივო ფონდებისათვის და იქიდან ამოგვეღო საჭირო დოკუმენტები, ვიდრე გვესარგებლა გამოქვეყნებული მასალებით. ასე მოვიქციეთ ჩვენ, პირველ ყოვლისა, იმიტომ, რომ ამას მოითხოვდა მეცნიერული სიზუსტის დაცვის საჭიროება. არქივების ფონდებში დაცული დოკუმენტების შეჯერებამ გამოქვეყნებულ დოკუმენტებთან რიგ შემთხვევაში ცხადყო, რომ უკანასკნელნი საეცებით არ ემთხვევიან არქივებში დაცულ დოკუმენტებს. ხშირად გამოქვეყნებულია ამა თუ იმ დოკუმენტის ნაწილი (თავი ან ბოლო), არასწორადაა ნაჩვენები თარიღი, მისამართი, სათაური და ა. შ.

მაგრამ არქივების ფონდებში ჩვენს მიერ შესწავლილი და გამოვლინებული იყო დოკუმენტების და მასალების მეორე წყებაც, რომელიც დღემდე არ ყოფილა გამოქვეყნებული და მკვლევართა მიერ გამოყენებული. დოკუმენტების ამ წყებამ მნიშვნელოვანი დახმარება აღმოგვიჩინა ჩვენ ცალკეული საკითხების გაშუქების დროს. ასეთ დოკუმენტებს მიეკუთვნება სიმოლინის რელაციები დასავლეთ გერმანიიდან, ნეაპოლის მეფეთან რუსეთის დიპლომატიური წარმომადგენლების მუსინ-პუშკინის და იტალინსკის რელა-

ციები, ევროპის სახელმწიფოების რუსეთში აკრედიტებული ელჩების მიწერ-მოწერის ნაწილი, რუსეთ-ავსტრიის, რუსეთ-თურქეთის და რუსეთ-პრუსიის ურთიერთობის ფონდებში დაეული დოკუმენტების ნაწილი და სხვ.

საარქივო ფონდების დოკუმენტები „ოფიციალური სამყაროს“ — სამეფო კართა, მთავრობათა, ელჩთა და ა. შ. თვალსაზრისს გამოხატავს. ამიტომ თავისი ხასიათის გამო იგი ტენდენციურია, მეტწილად სანდოა გამოსაყენებლად და მოითხოვს სათანადო კრიტიკულ შეფასებას. ჩვენ მხედველობაში მივიღეთ ეს გარემოება მათი გამოყენების დროს.

შრომაში აღძრულ პრობლემებზე პასუხის გაცემისას ჩვენ ვისარგებლეთ აგრეთვე დოკუმენტთა სხვადასხვა კრებულებში (რუსეთში და საზღვარგარეთ) გამოქვეყნებული დოკუმენტებით და მასალებით. დოკუმენტთა ასეთი კრებულებიდან პირველ რიგში უნდა დავასახელოთ:

1. *Дипломатические сношения России с Францией в эпоху Наполеона I*. Под редакцией А. Трачевского, т. I—1800—1802, Сборник РИО, т. 70, СПб. 1890.

2. *Архив князя Воронцова* (8, 10, 11, 12, 13, 14, 16, და სხვ.), М., 1876—1888.

3. *Ф. Мартенс, Собрание трактатов и конвенций, заключенных Россией с иностранными державами* (ტ. 2, 5, 6, 9, 10, 13 და სხვ.), СПб., 1875—1902.

4. *Полное собрание законов Российской империи*, ტ. 14, 15, 16 (1796—1801 гг.), СПб., 1830.

5. *Генералиссимус Суворов. Сборник документов и материалов*, под ред. Н. Коробкова, М., 1947.

6. *Napoléon I, empereur. Correspondance, publiée par ordre de l'empereur Napoléon III*, tt. 3—8, Paris, 1860—1861.

7. *Preussen und Frankreich von 1895 bis 1807. Diplomatiscbe Correspondenzen*, Bd. 1—2, Leipzig, 1881—1887. H rsg. V. P. Bailleu.

8. *The Dispatches and Letters of Vice-Admiral Lord Viscount Nelson*, v. III, London, 1845.

პროფ. ალ. ტრაჩევსკის რედაქტორობით გამოქვეყნებული დიპლომატიური მასალების კრებულში „Дипломатические сношения России с Францией в эпоху Наполеона“ (კრებული — „Сборник или. русского исторического общества“, 70-ე ტომი) თავმოყრილია მეტად ღირებული მრავალფეროვანი

დიპლომატიური დოკუმენტები და მასალები, რაც პროფ. ალ. ტრაჩევსკიმ რამდენიმე წლის მუშაობის შედეგად ამოკრიბა საფრანგეთის მთავარი არქივებიდან (ზოგიერთი შესწორებით და დამატებით, რუსეთის არქივებიდან ამოკრებილი მასალების საფუძველზე). დოკუმენტების მრავალფეროვნებასთან და სერიოზულ ღირსებასთან ერთად ამ კრებულს ის დადებითი მხარეც გააჩნია, რომ მას აქვს რედაქტორის ვრცელი წინასიტყვაობა (რომელშიც გამოვლენილია მისი თვალსაზრისი რუსეთ-საფრანგეთის ურთიერთობის იმ პერიოდის პროცესების შესახებ, რომლის სფეროსაც მიეკუთვნება გამოქვეყნებული დოკუმენტები). კრებულს დართული აქვს სახელთა საძიებელი, ვრცელი შენიშვნები და აგრეთვე სქოლიოში ფრანგული ტექსტების რუსული თარგმანი. კრებულში დოკუმენტები დალაგებულია ზუსტი ქრონოლოგიური თანმიმდევრობით.

აღნიშნულ კრებულში თავმოყრილი დოკუმენტებიდან ჩვენს მიერ გამოყენებულ იქნა მხოლოდ ნაწილი (რომელიც ქრონოლოგიურად მოიცავს 1800 წელს და 1801 წლის დასაწყისს), სახელდობრ: ნაპოლონ ბონაპარტის და პავლე I-ის მიწერ-მოწერა, საფრანგეთის საგარეო საქმეთა მინისტრ ტალეირანის და რუსეთის საგარეო საქმეთა კოლეგიის ხელმძღვანელთა მიწერ-მოწერა, პეტერბურგსა და პარიზში შედგენილი ინსტრუქციები, კონფერენციათა ოქმები, კოლიჩევის რელაციები პარიზიდან იქ წარმოებული რუსეთ-საფრანგეთის მოლაპარაკების შესახებ და სხვა მასალები, რაც მკაფიოდ ასახავს რუსეთ-საფრანგეთის ურთიერთობის ხასიათს 1800 წელსა და 1801 წლის დასაწყისში. საფრანგეთის მთავრობის თვალსაზრისის ამსახველი დოკუმენტების სიმრავლით აღნიშნული კრებული გამოირჩევა სხვა დასახელებული კრებულებიდან.

საკვლევი პერიოდის რუსეთ-საფრანგეთის ურთიერთობისა და რუსეთის საგარეო პოლიტიკის ცალკეული საკითხების გასაშუქებლად ჩვენთვის არანაკლები მნიშვნელობა ჰქონდა ვორონცოვის არქივის მრავალტომეულს. ათეული ტომისაგან შემდგარი დოკუმენტების ეს კრებული, რომელიც იძლევა საინტერესო ცნობებს რუსეთის საშინაო და საგარეო პოლიტიკის შესახებ (თითქმის ერთი საუკუნის მანძილზე XVIII საუკუნის მეორე ნახევრიდან XIX საუკუნის პირველ ნახევრამდე), შეიცავს რუსეთის გამოჩენილი სახელმწიფო მოღვაწეების, დიპლომატების ცნობილი ოჯახის — ვორონცოვებს ოჯახის წარმომადგენელთა პირად არქივებში დაცულ მრავალფეროვან მასალებს.

ვორონცოვის არქივის მრავალტომეულიდან ჩვენს მიერ ძირითადად გამოყენებული იქნა მე-8, 10, 11, 12, 13, 14, 17 ტომები. ეს ტომები შეიცავს ცნობილი დიპლომატის, რუსეთის ლონდონელი ელჩის გრაფ ს. რ. ვორონცოვის საქმიან და ინტიმურ მიწერ-მოწერას თავის ძმასთან გრაფ ალ. რ. ვორონცოვთან, გრაფ თ. ვ. როსტოპჩინთან, გრაფ ნ. პ. პანინთან, გრაფ პ. ზავადსკისთან და სხვა ოფიციალურ პირებთან.

ამ მიწერ-მოწერის მნიშვნელოვანი ნაწილი ქრონოლოგიურად მოიცავს პავლე I-ის მეფობის პერიოდს და ეხება რუსეთის როგორც საშინაო პოლიტიკის სხვადასხვა სფეროს, ისე საგარეო პოლიტიკის დარგს. იგი იძლევა ცნობებს ინგლის-რუსეთის ურთიერთობის, მეორე ანტიფრანგული კოალიციის შემზადების, მისი მოქმედებაში შესვლისა და დაშლის შესახებ და ა. შ. აქვე მოთავსებულია ს. რ. ვორონცოვის რედაქციები პავლე I-სადმი. მისივე მოხსენებითი ბარათები საგარეო საქმეთა კოლეგიისადმი, პავლე I-ის რესკრიპტები და დეპეშები რუსეთის დიპლომატიური წარმომადგენლებსადმი საზღვარგარეთ და სხვ., რომლებიც აგრეთვე ბევრ მასალას იძლევიან მოცემული პერიოდის რუსეთ-საფრანგეთის ურთიერთობის შესახებ. დასასრულ, აღსანიშნავია კრებულის ზოგჯერ ტომში მოთავსებული (სიმპატიკური მეღნით დაწერილი) ინტიმური წერილები, რომელთა ავტორები არიან თვით ს. რ. ვორონცოვი, ნ. პ. პანინი და თ. ვ. როსტოპჩინი. წერილებში მოცემულია პავლე I-ის ზოგიერთი საგარეო პოლიტიკური ნაბიჯის კრიტიკა და გამოვლინებულია მათი სუბიექტური შეხედულება რუსეთის საგარეო პოლიტიკის ანა თუ იმ ნაბიჯისა და ღონისძიების შესახებ.

„ვორონცოვის არქივი“ ყურადღებას იქცევს მასში მოთავსებული დოკუმენტების მრავალფეროვნებით და კარგი გარეგნული გაფორმებით. მას აქვს კარგი სარჩევი, საძიებლები, დოკუმენტების ნომრები. დოკუმენტები იქ დალაგებულია არა მარტო ქრონოლოგიური თანმიმდევრობით (მეფობის მიხედვით), არამედ თვით დოკუმენტთა ხასიათის მიხედვითაც, რაც კიდევ უფრო აადვილებს მათ გამოყენებას.

ბრიტანეთის მიერ გამოცემულ ხუთტომეულ კრებულში „Материалы для жизнеописания графа Никиты Петровича Папина“¹ თავმოყრილია ბევრი ისეთი დოკუმენტი და მასალა, რომელიც

¹ შრომის მომდევნო თავებში შემოკლებით იქნება მითითებული „Материалы...“

ასახვეს როგორც გრაფ ნ. პ. პანინის საქმიანობას დიპლომატიურ ასპარეზზე რუსეთსა და პრუსიაში, ისე რუსეთის საგარეო პოლიტიკის რიგ საკითხებსაც XVIII — XIX საუკუნეების მიჯნაზე. კრებულში გამოქვეყნებულია: ნ. პ. პანინის მიწერა-მოწერა საგარეო საქმეთა კოლეგიასთან, ს. რ. ვორონცოვთან და რუსეთის მაშინდელ სხვა დიპლომატებთან, მისი რელაციები პავლე I-სადმი, პავლე I-ის რესკრიპტების ასლები, ფარული გზით აგენტების საშუალებით მიღებული ცნობები საფრანგეთში არსებული მდგომარეობისა და საფრანგეთის დიპლომატიის ამა თუ იმ ნაბიჯის შესახებ. ბერლინის მოლაპარაკებათა მასალები, ხელშეკრულებათა პროექტები და სხვა მასალები.

კრებულში მოთავსებული მასალების ქრონოლოგიური ჩარჩოები საკმაოდ ვრცელია. ჩვენთვის საინტერესო პერიოდის შემცველი დოკუმენტების (1797 — 1800 წლების) უმრავლესობა კონცენტრირებულია კრებულის მე-2, 3 და 4 ტომებში.

ნ. პ. პანინის რელაციებში პავლე I-სადმი და წერილებში სხვადასხვა პირებისადმი (კერძოდ საიდუმლო წერილებში) მოჩანს ამ დიპლომატის სიმპათია-ანტიპათია ამა თუ იმ დიპლომატიური ნაბიჯისადმი და საგარეო პოლიტიკური კურსისადმი. ამას კი მნიშვნელობა აქვს როგორც თვით მისი საგარეო პოლიტიკური მრწამსის გასარკვევად, ისე შრომაში აღძრული ზოგიერთი საკითხის ნიუანსების ასახსნელად. ასევე მნიშვნელობა აქვს აღნიშნული კრებულის იმ მასალებსაც, რომლებიც პანინს მიღებული აქვს სააგენტურო არხების მეშვეობით.

საერთაშორისო სამართლის ცნობილი რუსი სპეციალისტის ფ. მარტენის მიერ გამოცემული კრებული „Собрание трактатов и конвенций, заключенных Россией с иностранными державами“, т. 2, — Трактаты заключ. с Австрией; т. 6, — с Германией; т. 9 — 10 — с Англией; т. 13, — с Францией; т. 5, — с Турцией და სხვ. აგრეთვე მნიშვნელოვან ცნობებს შეიცავს შრომაში აღძრული რიგი საკითხების გასაშუქებლად. ამ კრებულში მარტენსმა თავი მოუყარა ათეულ სავაჭრო-ეკონომიურ და დიპლომატიური ხასიათის ტრაქტატს, კონვენციას, ხელშეკრულებას და მსგავს დოკუმენტს, რომელიც მეტის რუსეთმა სხვადასხვა დროს უცხოეთის სახელმწიფოებთან დადო. ამ დოკუმენტების ნაწილი მოიცავს ჩვენთვის საინტერესო პერიოდს და დაკავშირებულია პავლე I-ის მეტობასთან. კრებულის რედაქტორი არ დაქმნაყოფილებულა მარტო აღნიშნული მასალების ქრონოლოგიური დალაგებით და მისთვის

'შენიშვნების გაკეთებით. მას წამძღვარებული აქვს ვრცელი ისტორიული ექსკურსი რუსეთის ურთიერთობიდან იმ ქვეყნებთან, რომლებთანაც ხელმოწერილი იყო ესა თუ ის ხელშეკრულება-კონვენცია. ამ ექსკურსების დროს მარტენსი ემყარება სათანადო საარქივო და გამოქვეყნებულ დოკუმენტებს, მოტანილი აქვს მისგან ამონაწერები და იძლევა მათ შეფასებას. რითაც ავლენს თავის პირად შეხედულებას რუსეთის ამა თუ იმ საგარეო პოლიტიკური ნაბიჯის შესახებ.

ჩვენთვის კონკრეტულად საინტერესო იყო კრებულის ის მასალები, რომლებიც 1797 — 1800 წლების პერიოდთანაა დაკავშირებული და შეიცავს პავლე I-ის მიერ ინგლისთან, ავსტრიასთან, ნეპოლთან, თურქეთთან და სხვა სახელმწიფოებთან წარმოებულ მოლაპარაკებას, ხელშეკრულებებს და ა. შ., მარტენსის მიერ გამოცემულ დოკუმენტთა კრებულიდან ჩვენ. პირველ ყოვლისა, გამოვიყენეთ ისეთი მასალები (ხელშეკრულებები, კონვენციები, დიპლომატიური მიწერ-მოწერა), რომლებიც ყველაზე მკაფიოდ ასახავს რუსეთ-საფრანგეთის ურთიერთობის რთული პროცესის ცალკეულ რგოლებს.

მარტენსი, როგორც ზემოთ აღვნიშნავდით, ვრცელ ისტორიულ ექსკურსში იმ ისტორიულ ფონს მიმოიხილავს, რომელთანაც დაკავშირებული იყო ესა თუ ის დიპლომატიური ნაბიჯი, ხელშეკრულება, მოლაპარაკება და სხვ. აქ იგი ავლენს თავის საკუთარ აზრს და რუსეთის რევოლუციამდელ სხვა ისტორიკოსების მსგავსად იდეალისტურად აშუქებს განხილულ ისტორიულ მოვლენებს, კერძოდ საფრანგეთ-რუსეთის ურთიერთობის აფეროდან XVIII—XIX საუკუნეების მიჯნაზე. იგი ჩქმალავს რუსეთის თავადაზნაურულ-ბატონყმური მონარქიის კლასობრივ ინტერესებს და ამ ქვეყნის საგარეო პოლიტიკა მეფეთა, სააბლის არისტოკრატიის, რჩეულ დიპლომატთა ნება-სურვილის გამოვლინებად მიაჩნია.

ნაპოლეონ ბონაპარტის დასახლებული კორესპონდენციების ცალკეული ტომები შეიცავს მეტად საჭირო ცნობებს საფრანგეთისა და პავლე I-ის მთავრობის ურთიერთობის შესახებ. ამავე კრებულში მოთავსებული სხვა მასალები — ნაპოლეონ ბონაპარტის ბრძანებები, განკარგულებები, სიტყვები, წერილები, ინსტრუქციები და სხვ. — რომლებიც ამ კორესპონდენციებშია წარმოდგენილი. ეხება ისეთ ამბებს, როგორებიცაა იტალიის 1796 — 1797 წწ. კამპანია და კამპო-ფორპიოს ზავის დადება, მზადება ეგვიპტეზე ლაშქრობისათვის, მალტის დაპყრობა ფრანგების

ბიერ და ეგვიპტეში შექრა, თურქეთ-საფრანგეთის ურთიერთობა 1798 — 1800 წლებში, ბალკანეთის ნ/კ და იონიის კუნძულების საკითხი რუსეთ-საფრანგეთის ურთიერთობაში, ნაპოლეონ ბონაპარტის პოლიტიკა პავლე I-ის მიმართ თერაპეტი ბრიუმერის სახელმწიფო გადატრიალების შემდეგ და სხვ. დაბოლოს, აქ მოთავსებული მასალების ნაწილი დაკავშირებულია ინდოეთისათვის ინგლის-საფრანგეთის ბრძოლასთან, ინდოეთზე საფრანგეთ-რუსეთის ერთობლივი ლაშქრობის მოწყობის პროექტთან და სხვა ისეთ საკითხებთან, რომლებსაც უშუალო კავშირი აქვს მოცემული პერიოდის რუსეთ-საფრანგეთის ურთიერთობასთან.

აღვნიშნავთ რა ნაპოლეონის კორესპონდენციების სერიოზულ მნიშვნელობას შრომაში დაყენებული პრობლემების ნაწილზე პასუხის გაცემის თვალსაზრისით. ჩვენ, ამასთან ერთად, არ შეგვიძლია არ მივუთითოთ ამ მასალების უმრავლესობის ტენდენციურ ხასიათზე, რადგან ისინი, უმთავრესად, საფრანგეთის, კერძოდ კი ნაპოლეონ ბონაპარტის პირად შეხედულებას გამოხატავენ, რის გამოც მათი უკრიტიკოდ მიღება არ შეიძლება.

ცნობილი ინგლისელი ადმირალის ნელსონის მოხსენებით ბარათების, პირადი წერილების და დეპეშების კრებული აგრეთვე მნიშვნელოვან ცნობებს შეიცავს რუსეთ-საფრანგეთის ურთიერთობის ჩვენთვის საინტერესო მონაკვეთის ცალკეული საკითხების შესახებ. კერძოდ ჩვენთვის მნიშვნელობა აქვს ამ კრებულის იმ მასალებს, რომელნიც 1798 — 1799 წლების პერიოდს განეკუთვნებიან და ეხებიან ინგლის-რუსეთის საზღვაო ოპერაციებს ხმელთაშუა ზღვის აუზში 1798 — 1799 წლებში (იონიის კუნძულები, მალტა, ეგვიპტის სანაპიროები, იტალიის სანაპიროები და სხვა). ეს მასალები მკაფიოდ ავლენს ინგლისის მთავრობის ნამდვილ ზრახვებს რუსეთის მიმართ, იმ ქვეყნის მიმართ, რომელთანაც მას საფრანგეთის წინააღმდეგ ომში სამხედრო-პოლიტიკური კავშირი ჰქონდა შეკრული. კრებულში მოთავსებულ ნელსონის დეპეშებში და წერილებში ცალმხრივად არის გაშუქებული ხმელთაშუა ზღვის აუზში საფრანგეთისა და ანტიფრანგული კოალიციის ძალების წარმოებული ოპერაციების მიმდინარეობა და შედეგები. იქ ყოველმხრივ გაზვიადებულია ინგლისის ფლოტის, პირადად ნელსონის დამსახურება ფრანგებზე გამარჯვების საქმეში და მიჩქმალულია რუსეთის ფლოტის როლი და დამსახურება. ეს მასალები კომენტარების გარეშეც ზევს: გვეუბნება. იქ მითითებულია, რომ ინგლისის მთავრობის არმიის და ფლოტის ხელმძღვანელები მტრულად იყვნენ განწყობილნი

რუსეთის მიმართ, უცქერდნენ მას როგორც მხოლოდ თავიანთა ეგოისტური გეგმების სისრულეში მოყვანის იარაღს.

შრომაში აღძრული საკითხების ერთ წყებაზე პასუხის გაცემის დროს ჩვენ გამოვიყენეთ სხვადასხვა პერიოდულ კრებულებში და რუსულ ისტორიულ-არქეოგრაფიულ ეურნალებში სხვადასხვა დროს გამოქვეყნებული დოკუმენტები და მასალები¹. აღნიშნული პერიოდებიდან ამოკრებილი დოკუმენტებიდან პირველ რიგში უნდა აღინიშნოს: ინდოეთზე რუსეთ-საფრანგეთის ერთობლივი ლაშქრობის გეგმა (1801 წ.) და პავლე I-ის განკარგულებანი გენ. ორლოვი-სადმი დონის კაზაკთა ინდოეთისაკენ ლაშქრობის შესახებ (1801 წ. თებ.), ს. რ. ვორონოვის, ნ. პ. პანიჩის, თ. ვ. როსტოპჩინის, ს. კოლიჩევის და სხვა რუს დიპლომატთა ზოგიერთი რელაცია და წერილი, თ. ვ. როსტოპჩინის ცნობილი დიპლომატიური ბარათი, მალტის რაინდთა ორდენის წარმომადგენლის რუსეთში გრაფ ლიტას დეპეშეები ორდენის დიდი მაგისტრისადმი. ლუი XVIII მიწერ-მოწერა პავლე I-ლთან, რუსეთ-საფრანგეთის ურთიერთობასთან დაკავშირებული დიპლომატიური მოლაპარაკების ზოგიერთი მასალა, უცხუ-ეღ დიპლომატთა ჩანაწერებისა და წერილების ფრაგმენტები და სხვ.

გარდა ზემოაღნიშნული მასალებისა, ჩვენ გამოვიყენეთ ზოგიერთი ნახევრად დოკუმენტური ხასიათის ნაშრომებში თავმოყრილი მასალებიც. ასეთი ნაშრომებია:

1. Д. Милютин, История войны 1799 года между Россией и Францией в царствование императора Павла I, т. 3, СПб., 1857.

2. Н. Грпгорович, Кавілер влязь А. А. Безбородко в связи с событиями его времени, тт. 1—2, СПб., 1879—1881 (Сборник РИО, тт. 26—29).

3. В. Александренко, Русские дипломатические агенты в Лондоне в XVIII веке, тт. 1—2, Варшава, 1897.

4. А. Васильчиков, Семейство Разумовских, тт. 3—4, СПб., 1882—1887.

5. Mémoires tirés des papiers d'une homme d'Etat sur les causes secrètes, qui ont déterminé la politique des cabinets dans

¹ „Сборник Русского исторического общества“, „Русская старина“, „Русский архив“, „Вестник Европы“, „Сборник Московского главного архива“, „Древняя и новая Россия“, „Памятники новой русской истории“, „Сборник географических, топографических и статистических материалов по Азии“, „Славянин“, „Отечественные записки“ და სხვ.

les guerres de la Révolution depuis 1792 jusqu'en 1815, Paris, 1831—1838.

დ. მილიუტინის დასახელებული ნაშრომის მესამე ტომში ქრონოლოგიური თანმიმდევრობით დალაგებულია ის მრავალრიცხოვანი საარქივო ფონდების მასალები და გამოქვეყნებული დოკუმენტები, რომლებიც გამოიყენა ავტორმა თავისი კაპიტალური შრომის პირველ და მეორე ტომში. ჩვენ ვისარგებლეთ ამ დანართით და იქიდან გამოვიყენეთ ზოგიერთი საინტერესო მასალა, მასალა, რომელიც მეორე ანტიფრანგული კოალიციის აღმოცენების, რუსეთ-საფრანგეთის 1799 წლის ომის და კოალიციის დაშლის ამბებს ეხება. პირველ ყოვლისა, ეს ითქმის ისეთ დოკუმენტებზე, რომლებიც საარქივო ფონდებში ვერ გამოვავლინეთ და სხვა მხრივ ხელმიუწვდომელი გახდა ჩვენთვის. ამ დოკუმენტებს შორის უნდა დავასახელოთ პავლე I-ის ზოგიერთი რესკრიპტი, საზღვარგარეთული წყაროები, ელჩთა მიწერ-მოწერა, ინსტრუქციები, ხელშეკრულებათა პროექტები და სხვა.

ნ. გრიგოროვიჩმა, ვ. ალექსანდრენკომ და ა. ვასილჩიკოვმა დასახელებულ ნაშრომებში ვრცლად აწერეს: პირველმა კანცლერ ა. ბეზბოროდკოს ცხოვრება და დიპლომატიური საქმიანობა, მეორემ — რუსეთის დიპლომატიური აგენტებთან საქმიანობა ლონდონში მე-18 საუკუნეში და მესამემ — ცნობილი რუსი დიპლომატის

კ. რაზუმოვსკის ცხოვრება და დიპლომატიური საქმიანობა, კერძოდ მისი დიპლომატიური საქმიანობა ვენაში ელჩად ყოფნის დროს. მათ ამისათვის მოიშველიეს ბევრი წყარო და დოკუმენტი (უმთავრესად სახელმწიფოს საგარეულო არქივების ფონდებიდან), რომლებიც აშუქებენ არა მარტო ა. ბეზბოროდკოს, ა. რაზუმოვსკის და რუსი დიპლომატების საქმიანობას ლონდონში მე-18 საუკუნეში, არამედ, ამასთან ერთად, ნათელს ფენენ რუსეთის საგარეო პოლიტიკისა და რუსეთ-საფრანგეთის ურთიერთობის ცალკეულ საკითხებს ჩვენს მიერ მითითებულ პერიოდში. ამ ნაშრომთაგან განსაკუთრებით უნდა დავასახელოთ გრიგოროვიჩის ვრცელი ორტომიანი ნაშრომი ა. ბეზბოროდკოს შესახებ, რომელიც პავლე I-ის გამეფებიდან 1799 წლის დასაწყისამდე, როგორც იმპერიის კანცლერი, უშუალო მონაწილეობას იღებდა რუსეთის საგარეო პოლიტიკის კურსის განსაზღვრასა და ცალკეული დიპლომატიური ღონისძიების განხორციელებაში. ავტორი მრავალფეროვან დოკუმენტებზე მითითებით აშუქებს (თუმცა ტენდენციურად) ბეზბოროდკოს საქმიანობას ამ დიდ საპასუხისმგებლო პოსტზე. ამ

დოკუმენტების მნიშვნელოვანი ნაწილი კი პასუხს სცემს რუსეთ-საფრანგეთის ურთიერთობის ბევრ საკვანძო საკითხს აღნიშნულ საპასუხისმგებლო პოსტზე ბეზბოროდკოს ყოფნის პერიოდში.

Mémoires ი კომბინირებული ხასიათის მრავალტომეულია, რომელშიც მოთხრობილი ამბების ქრონოლოგიური ჩარჩოებია 1792—1815 წლები. ზოგიერთი ავტორი ამ მრავალტომეულის გამოცემას მიაწერს ალონვილს (Allonville, comte Armand), ალფონს ბუშამს (Alphonse de Bouchamp) და შუბერტს (Schubert). ზოგიერთი კი მის გამომცემლად მარტო ალონვილს თვლის, რომელმაც, მათის აზრით, გამოიყენა ალფონს ბუშამის მასალები (...les papiers...). მასში თავმოყრილია, სისტემატიზირებულია და ქრონოლოგიური თანმიმდევრობით დალაგებულია პრუსიის სახელმწიფო მინისტრის ჰარდენბერგის (Hardenberg) მიერ დატოვებული ქაღალდები — მემუარები, დიპლომატიურ მოლაპარაკებათა მასალები, ხელშეკრულებათა ასლები, ინსტრუქციები, ელჩთა და დიპლომატიურ აგენტთა მოხსენებითი ბარათები. პირადი ჩანაწერები და სხვ.

პრუსიის სახელმწიფო მინისტრი ჰარდენბერგი პარიზში, ლონდონში, ვენასა და ევროპის სახელმწიფოთა სხვა დედაქალაქებში აკრედიტებული პრუსიის ელჩებისაგან, დიპლომატიური აგენტებისაგან და ადგილობრივი პოლიციური აგენტებისაგან დროგამოშვებით იღებდა ცნობებს სათანადო სახელმწიფოთა შინაგანი მდგომარეობის, მათი საგარეო პოლიტიკური ნაბიჯებისა და დიპლომატიურ ღონისძიებათა შესახებ. ამ ცნობებს იგი აჯამებდა და მათ საფუძველზე აკეთებდა ჩანაწერებს. გამოჰყავდა ესა თუ ის დასკვნა ინგლისის, საფრანგეთის ან რომელიმე სხვა სახელმწიფოს მმართველ წრეების მიერ გადადგმული ნაბიჯის შესახებ სხვა სახელმწიფოებთან მიმართ. Mémoires-ის გამომცემლები საერთაშორისო ურთიერთობის ამბების თხრობისა და მათი შეფასების დროს ეყრდნობიან როგორც ჰარდენბერგის ხელში თავმოყრილ მრავალფეროვან სააგენტურო ცნობებს და დიპლომატიურ მასალებს, ისე თვით ჰარდენბერგის შენიშვნებს, ჩანაწერებს და დასკვნებს. ამა თუ იმ ისტორიული მოვლენის გაშუქების, დიპლომატიის ან სახელმწიფოს მმართველის დახასიათების დროს ზოგჯერ თვით გამოქვეყნებული ლაპარაკობენ, ეყრდნობიან რა უხვად მოტანილ სათანადო დოკუმენტებს, ზოგჯერაც კი ისინი ხან ჰარდენბერგს, ხანაც ჰარდენბერგის აგენტებს აღაპარაკებენ. ამიტომაც, რომ Mémoires-ი ორიგინალური ხასიათის მრავალტომეულია, რომელიც დოკუმენტთა კრებულსაც მიაჯავს, მემუარებსაც და ისტორიულ მიმომხილველსაც.

ზრომაში დასმულ საკითხებთან უშუალო კავშირი აქვს Mémoires-ის 3ე-4 და 5 ტომებში გამოქვეყნებული მასალების ნაწილს. ამ მხრივ განსაკუთრებით აღსანიშნავია მე-7—8 ტომები, რომლებშიც ბევრი საინტერესო მასალა მოთავსებული იმ მოლაპარაკებათა შესახებ, რომლებსაც რუსეთისა და საფრანგეთის მთავრობები აწარმოებდნენ ბერლინში პრუსიის გადაბირების თაობაზე. იქვეა ცნობები ნაპოლეონის ეგვიპტეზე ლაშქრობის, ამ პერიოდის რუსეთ-თურქეთისა და თურქეთ-საფრანგეთის ურთიერთობის, მეორე ანტიფრანგული კოალიციის დაშლისა და ნაპოლეონ ბონაპარტის რუსეთთან დაახლოების განზრახვის შესახებ და სხვ.

დიდი რაოდენობის დოკუმენტებისა და მემუარული ცნობების მოტანა ამ მრავალტომეულის დადებით ღირსებაზე მიგვიბრუნებს. მის ჰასარგებლოდ ლაპარაკობს ისიც, რომ მისი მეშვეობით ჩვენ შეგვიძლია წარმოდგენა ვიქონიოთ პრუსიის მმართველთა დამოკიდებულებაზე რუსეთ-საფრანგეთის ურთიერთობაში მოცემულ პერიოდში მომხდარ შემობრუნებათა მიმართ და ა. შ.

მაგრამ კომბინირებული ხასიათი Mémoires-ს უარყოფით დაღსაც ასვამს. მასში თანმიმდევრულად არ არის განხილული ისტორიული პროცესი. საფრანგეთ-რუსეთის ურთიერთობის ამბებზე XVIII — XIX საუკუნეების მიჯნაზე იქ ლაპარაკია იმდენად, რამდენადაც ამის საშუალებას იძლეოდა პარდენბერგის არქივის მასალები. გამომკემლები არ იძლევიან გამოქვეყნებული დიპლომატიური მასალების კრიტიკულ ანალიზს ან არ ავსებენ მას სხვა მასალებით. თხრობა ისტორიული პროცესის შესახებ იქ ცალკეულ პიროვნებათა — სახელმწიფო მოღვაწეთა და დიპლომატთა — საქმიანობის ფონზეა გაშლილი.

ზრომაში აღძრულ ზოგ საკითხზე პასუხის გაცემის დროს ვისარგებლეთ მემუარული ხასიათის ლიტერატურით, მათგან პირველ რიგში უნდა დავასახელოთ შემდეგი რუსი და საზღვარგარეთელი ავტორების მემუარები. 1. რუსი ავტორები: ა. ჩარტორისკის¹, ა. ხრაპოვიცკის², ფონ-ვიზინის³, ა. ტურგენევის⁴, დ. ზავალი-

¹ Мемуары князя Адама Чарторийского..., тт. 1—2, М., 1912—1913.

² Дневник А. В. Храповицкого, СПб., 1874.

³ Записки Фон-Визина, очевидца смутных времен царствований Павла I, Александра I и Николая I, Лейпциг, 1859.

⁴ Записки Александра Михайловича Тургенева, „Русская старина“, 1885 г. (сент. и окт.) и 1886 г. (январь).

შინის¹, ს. ფანჯულიძის², თ. ლუბიანოვსკის³, ვ. ენგელგარდტის⁴.

2. უცხოელი ავტორების: სტანისლავ-ავგუსტ პონიატოვსკის⁵, ა. რიბოპიერის⁶, გრაფ. სეგიურის⁷, მ. არმფელდტის⁸, რეიმერის⁹, ი. ერენსტრემის¹⁰, გრაფ. სტედინგის¹¹, ტალეირანის¹², ნაპოლეონ ბონაპარტის¹³, გეიკინგის¹⁴ და სხვ.

ეს ავტორები მრავალ ისეთ საინტერესო ამბებზე მოგვითხრობენ და ათეულ ისეთ მოვლენაზე ამახვილებენ ყურადღებას, რომელთაც უშუალო კავშირი აქვთ რუსეთ-საფრანგეთის ურთიერთობის რთულ ვარიაციებთან პავლე I-ის მეფობის წლებში.

ამ მემუარების (ზოგიერთის გამოკლებით, სადაც საფრანგეთის ან ევროპის პოლიტიკური ურთიერთობის ამბებია მოთხრობილი) ავტორები, როგორც რუსი, ისე უცხოელი, ავციწერენ პეტერბურგის სამეფო კარს, ცალკეულ დიპლომატებსა და სასახლის თავაჯებებს, პავლე I-ის ხასიათს, მმართველობის წესებს, მეფის მთავრობის ამა თუ იმ საგარეო პოლიტიკურ ნაბიჯს. ფეოდალური არისტოკრატის რიგებში არსებულ დაპირისპირებას საფრანგეთის მიმართ აღებული

¹ Д. Завалишин, Пребывание русских войск на Нормандских островах в 1799 и 1800 гг. („Древняя и новая Россия“, 1876 г., № 12).

² С. Пачулидзе, История Кавалергардов 1724—1799, тт. 1—2, СПб., 1091.

³ Воспоминания Федора Петровича Лубяновского, М., 1872.

⁴ Воспоминания... В. Е. Энгельгардта „Русский Архив“, 1872 г., № 7—8.

⁵ Записки Станислава Августа Понятовского, „Вестник Европы“, 1808 г., № 11.

⁶ Записки графа Александра Ивановича Рибопьера, „Русский архив“, 1877 г., № 4 и 5.

⁷ Записки графа Сегюра о пребывании его в России в царств. Екатерины II 1785—1787), СПб., 1865.

⁸ Встреча с Суворовым в 1799 году. Из записки барона Густава-Маврикия Армфельдта, „Русская старина“, 1893 г. Март.

⁹ Реймерс, С-Петербург при императоре Павле Петровиче в 1796—1801 гг., „Русская старина“, 1893 г., т. 39.

¹⁰ Из исторических записок Иоанна-Альберта Френстрема, „Русская старина“, 1893 г., т. 79.

¹¹ Mémoires posthumes du feld-maréchal comte de Stedingk, Paris, 1815.

¹² Талейран, Мемуары... М.—П., 1934.

¹³ Наполеон, Избранные произведения, М., 1946.

¹⁴ Император Павел и его время (Записки курляндского дворянина барона Гейкинга, „Русская старина“, 1876 г., ноябрь и декабрь.

გარკვეული კურსის გამო, პავლე I-ის მკვლელობის ორგანიზაციას და მის მიზეზებს და სხვ. მათში, ამასთან ერთად, არის სპორადული ცნობები თვით მეორე ანტიფრანგული კოალიციის ორგანიზაციის, 1799 წლის ომის. ანტიფრანგული კოალიციის დაშლის, რუსეთ-საფრანგეთის ურთიერთობაში 1800 წლის დასაწყისიდან მომხდარი მობრუნების შესახებ და ა. შ. ზოგიერთ შემთხვევაში დასახელებულ მემუარებში მოთხრობილია ისეთი მოვლენების ან პროცესების შესახებ. რომლებიც ან მკრთალად ან სრულიად ვერ პოულობენ წყაროებში თავის ასახვას. ადამ ჩარტორისკის მემუარები, ზრაპოვიცკის დღიურები, ფანჩულიძის მოგონებები ან სეგიურისა და სტანისლავ-ავგუსტ-პონიატოვსკის ტიპის უცხოელთა ცნობები პავლე I-ის მეფობისა და მისი მთავრობის კონკრეტული ნაბიჯების შესახებ ქვეყნის შიგნით და საფრანგეთის მიმართ, ყურადსაღებია, ანგარიშგასაწევია და ხშირ შემთხვევაში სწორად ასახავს ვითარებას. ყოველივე ეს ჩვენს მიერ გამოყენებული მემუარების ღირსებაზე მიგვითითებს.

მაგრამ ჩვენ, ამასთან ერთად, ხაზი უნდა გავუსვათ მითითებული მემუარული ლიტერატურის უარყოფით მხარეებსაც. ამ მემუარების ავტორების უმრავლესობა „სახელმწიფო პირთა“ კატეგორიას მიეკუთვნებიან. ამას კი არ შეეძლო დალი არ დაესვა მათი მემუარებისათვის და არ მიეცა მათთვის სუბიექტური, ტენდენციური ხასიათი. კერძოდ ეს ითქმის იმ ავტორების შესახებ, რომლებიც მმართველი სოციალური ზედაფენის სხვადასხვა წრეების წარმომადგენლები არიან და მათ სულისკვეთებას გამოხატავენ. ამიტომაც, რომ მათი ცნობები რუსეთის საგარეო პოლიტიკის ამა თუ იმ ნაბიჯისა და ცალკეულ დიპლომატთა შესახებ მეტ-ნაკლებად სუბიექტურია, ტენდენციურია და ამიტომაც სინამდვილის დამახინჯებას წარმოადგენს. „ისტორიულ“ პიროვნებათა „ღვაწლის“ გაზვიადება, თუ ეს პიროვნება მათ ბანაკს ეკუთვნის, და მუქი საღებავების ჩმარება მათ მიმართ, რომლებიც მოწინააღმდეგეთა დაჯგუფების წარმომადგენლები არიან, წითელი ზოლივით გასდევს მითითებულ რუს ავტორთა მემუარების უდიდეს ნაწილს. იგივე უნდა ითქვას უცხოელ ავტორთა ცნობების შესახებ რუსეთის მიმართ, რამდენადაც მათი ავტორები ხშირად ან სუსტად იცნობენ რუსეთის ცხოვრებას ან შეგნებულად ამხანაჯებენ მას. ჩვენ გავითვალისწინეთ ეს გარემოება და შევეცადეთ კრიტიკულად მივდგომოდით მემუარულ ცნობებს.

მემუარულმა ლიტერატურამ, მიუხედავად ზემოაღნიშნულისა, საშუალება მოგვცა ჩვენ ცალკეულ შემთხვევებში შეგვევსო ოფიციალური დოკუმენტების მონაცემები და ალაგ-ალაგ კორექტივიც

შეგვეტანა მათში. გამონაკლის შემთხვევაში, ზოგიერთი დასკვნის გაკეთებისას სათანადო წყაროს უქონლობის გამო ჩვენ მოგვიწინდა მემუარულ ცნობებზე დაყრდნობა (ცხადია, სათანადო შეჯერების შემდეგ).

რევოლუციამდელი რუსი ისტორიკოსების ნაშრომები

არც ერთ რევოლუციამდელ რუს ისტორიკოსს, როგორც უკვე აღნიშნული იყო შესავალში, მიუხედავად იმისა, თუ რა მიმდინარეობას ეკუთვნოდა იგი და რა ხასიათის იყო მათი ისტორიული გამოკვლევა, სპეციალური მეცნიერული დაკვირვებისა და შესწავლის საგნად არ გაუხდია რუსეთ-საფრანგეთის ურთიერთობის ხასიათი XVIII — XIX საუკუნეების მიჯნაზე. ამიტომ ჩვენ არ გავაჩნია ისეთი გამოკვლევა, მონოგრაფია, თუ ნარკვევი, რომლის საგანგებო ანალიზის მიზანსაც მოცემული პრობლემა წარმოადგენდეს. მიუხედავად ამისა, ამ ურთიერთობის რთულ კომპლექსს ზოგადად, თუ მისი ცალკეული სახეების მიხედვით, შეეხნენ ის ისტორიკოსები, რომლებმაც თავიანთ გამოკვლევებში, მონოგრაფიებში და ნარკვევებში გააშუქეს პაველ I-ის მეფობა. რუსეთის იმპერიის საშინაო და საგარეო პოლიტიკა მისი მეფობის წლებში. რუსეთის ომი საფრანგეთის წინააღმდეგ 1799 წელს. ნაპოლეონისა და პაველ I-ის ურთიერთდაპოკიდებულება, ცნობილი რუსი დიპლომატების ა. ა. ბეზბოროდკოს, ს. რ. ვორონცოვის, ნ. პ. პანინისა და ა. კ. რაზუმოვსკის ცხოვრება და დიპლომატიური საქმიანობა და სხვ. მათი მონაცემები და დასკვნები საკვლევი საკითხის შესახებ წარმოადგენს მნიშვნელოვან მემკვიდრეობას, რომლის სიავკარგის შეფასებასაც აქვე ეძღვებით.

ასეთი ხასიათის ნაშრომებიდან პირველ რიგში უნდა დავასახელოთ ცნობილი სამხედრო ისტორიკოსის დ. მილიუტინის შრომა: „История войны 1799 года между Россией и Францией в царствование императора Павла I“, тт. 1—2, СПб., 1857.

ამ ნაშრომში. რუსეთის თავადაზნაურული ისტორიოგრაფიის ეს თვალსაჩინო წარმომადგენელი საფუძვლიანად აშუქებს 1799 წლის ომს რუსეთსა და საფრანგეთს შორის, ემყარება რა მდიდარ საარქივო ფონდებს, გამოქვეყნებულ დოკუმენტებს, მემუარებს, მონოგრაფიებს და პერიოდიკის მასალებს. მაგრამ მილიუტინს მარტო 1799 წლის ომის მიმდინარეობის და შედეგების მიმოხილვით როდი აქვს შემოზღუდული დასახელებული შრომის ჩარჩოები.

შესწავლის მთავარ ობიექტთან ერთად მასში ვრცლად არის გაშუქებული მრავალი ისეთი საკითხი, რომელიც მეტად თუ ნაკლებად დაკავშირებულია 1799 წლის ომის აღმოცენებასთან, მის მიმდინარეობასთან და შედეგებთან. მილიუტინი ვრცლად მიმოიხილავს ევროპის სახელმწიფოთა პოლიტიკურ ურთიერთობას, განსაკუთრებით რუსეთ-საფრანგეთის ურთიერთობას 1799 წლის ომის წინ.

ნაშრომის პირველი ტომის შესავალ ნაწილში ავტორი ზოგადად არკვევს ევროპის სახელმწიფოთა ურთიერთობას, საფრანგეთის საერთაშორისო მდგომარეობას, მის საშინაო ვითარებას და დიპლომატიურ საქმიანობას ღირექტორიის მმართველობის პირველ წლებში (1795—1796 წწ.). აქვე იგი მიმოიხილავს ეკატერინე II-ის მმართველობას, კერძოდ მისი მთავრობის დამოკიდებულებას საფრანგეთისადმი მისი მეფობის მიწურულში. ამის შემდეგ, ავტორი ვრცლად ჩერდება მეორე ანტიფრანგული კოალიციის შემზადებაზე, რუსეთის მეფის მთავრობის როლზე მის ორგანიზაციაში, თვით კოალიციის მიზნებზე და მასში შემავალ სახელმწიფოთა ურთიერთობაზე. შრომის პირველი ტომის მეორე ნახევარი და მეორე ტომის დიდი ნაწილი დათმობილი აქვს თვით რუსეთ-საფრანგეთის 1799 წლის ომის მიმდინარეობასა და მასთან კავშირში მყოფი ამბების მიმოხილვას. კერძოდ მას ვრცლად აქვს გაშუქებული რუსეთის არმიის სახელგანთქმული ლაშქრობანი სუვოროვის ხელმძღვანელობით ჩრდილო იტალიასა და შვეიცარიაში, აგრეთვე უშაკოვის სარდლობით რუსეთის ფლოტის ძლევამოსილი ოპერაციები ხმელთაშუა ზღვის აუზში. შრომის მეორე ტომის ნახევარში განხილულია მეორე ანტიფრანგული კოალიციის დაშლის, რუსეთის ამ კოალიციიდან და თვით ომიდან გამოსვლის ამბები. ნაშრომის დასასრულს ავტორი მოკლედ ეხება ახალ მობრუნებას რუსეთ-საფრანგეთის ურთიერთობაში, კერძოდ ნაპოლეონ ბონაპარტის დაახლოვებას პავლე I-თან.

მილიუტინის აღნიშნული ნაშრომი ერთ-ერთი საუკეთესო გამოკვლევაა იმ რევოლუციამდელ რუს ისტორიკოსთა ნაშრომებს შორის, რომლებშიც მეტ-ნაკლები სისრულითაა გაშუქებული რუსეთის ცარიზმის საგარეო პოლიტიკა, კერძოდ რუსეთ-საფრანგეთის ურთიერთობა აღნიშნულ პერიოდში. აღძრული საკითხების ვრცლად გაშუქება, დიდძალი დოკუმენტისა და ლიტერატურის გამოყენება, მათდამი კრიტიკული მიდგომა, ანალოზისა და განზოგადოება-დასკვნების მეცნიერული დონე, უცხოური წყაროების საფუძვლიანი ცოდნა ამ შრომის უდავო ღირსებაზე ლაპარაკობს. ამიტომაც,

რომ მას დღესაც არ დაუქარგავს რამდენადმე თავისი მნიშვნელობა და აქტუალობაც.

მაგრამ მილიუტინის შრომას დროისა და ავტორის კლასობრივი მსოფლმხედველობის დალი აზის, რის გამოც იგი საკმაოდ მოძველებულია და ვეღარ უპასუხებს ისტორიული მეცნიერების განვითარების თანამედროვე მოთხოვნებს.

მილიუტინი, როგორც რუსეთის ბატონყმურ-თავადაზნაურული მონარქიის იდეოლოგი, შეურიგებელი სიძულვილითაა გაუღენთილი არა მარტო 1789 — 1794 წლების საფრანგეთის რევოლუციის იდეებისადმი, არამედ თვით აღმასრულებელი დირექტორიისადმი, რომელიც მას რევოლუციის გამგრძელებლად, რევოლუციურ ხელისუფლებად მიაჩნია. პირიქით, იგი სიმპათიურადაა განწყობილი ნაპოლეონ ბონაპარტისა და მისი მმართველობისადმი, პირველ ეტაპზე, ვინაიდან მასში რევოლუციის ჩამხშობს და „წესიერების“ აღმდგენს ხედავს. მეორე ანტიფრანგული კოალიციის შექმნისა და 1798 წლის ოპის აღმოცენებისათვის იგი მთელ პასუხისმგებლობას დირექტორიას და მის აგრესიულ საგარეო პოლიტიკას აკისრებს. თავისას მიუზღავს რა ავსტრიის და ინგლისის მთავრობებს რუსეთის მიმართ გამოვლენილი ვერაგობისა და ეგოისტური ზრახვებისათვის, მილიუტინი, ამასთან ერთად, ცდილობს გაამართლოს მეფის რუსეთის მონაწილეობა ანტიფრანგულ ომში და იგი უანგარო და კეთილშობილი მისწრაფებებით ახსნას. მილიუტინის შრომას წითელი ზოლივით გასდევს პავლე I-ის კულტი. რუსეთის საგარეო პოლიტიკის მიმართულებას, რუსეთ-საფრანგეთის ურთიერთობის ვარიაციებს პავლე I-ის მეფობის წლებში მილიუტინი ხსნის არა ისტორიულად მნიშვნელოვანი ფაქტორებით, არამედ პავლე I-ის ნება-სურვილით და სუბიექტური მოტივებით. თავისი იდეოლოგიურ-პოლიტიკური მრწამსის შესატყვისად მილიუტინის ნაშრომში უგულუბელყოფილია ეკონომიური ფაქტორის როლი რუსეთის იმპერიის საგარეო პოლიტიკაში და, მასმასადამე, რუსეთ-საფრანგეთის ურთიერთობაში.

კ. ვალიშევსკი თავის ნაშრომში „Сын великой Екатерины император Павел I...“ (СПБ., 1914) საკმაოდ ვრცლად განიხილავს რუსეთის იმპერიის საშინაო ვითარებას. საგარეო პოლიტიკას და დიპლომატიურ საქმიანობას ეკატერინე II-ის მეფობის მეორე ნახევარსა და პავლე I-ის მეფობის წლებში. ვინაიდან მე-18 საუკუნის დასასრულსა და მე-19 ს. დასაწყისში მეფის რუსეთის საგარეო პოლიტიკის ერთ-ერთ მთავარ ამოცანას რევოლუციური საფრანგე-

.თის წინააღმდეგ ბრძოლა და საფრანგეთის რესპუბლიკის მზარდი აგრესიისათვის გზის გადაღობვა წარმოადგენდა. ბუნებრივია ამ საკითხების გაშუქებას მნიშვნელოვანი ადგილი უჭირავს ვალიშევსკის ნაშრომშიც. ნაშრომის თექვსმეტი თავიდან ხუთი თავი დათმობილი აქვს რუსეთის იმპერიის საგარეო პოლიტიკის საკითხებს და საკმაო ცნობებია მოცემული რუსეთ-საფრანგეთის ურთიერთობის შესახებ პავლე I-ის მეფობის წლებში. ავტორი ამავე საკითხებს შრომის სხვა თავებშიაც ეხება გაკვერიტ.

მაგრამ ვალიშევსკის ნაშრომის ძირითადი დანიშნულება პავლე I-ის ცხოვრების და მეფობის საფუძვლიანი გაშუქებაა. მასში სწორედ წინა პლანზე თვითმპყრობელი მონარქიაა წამოწეული. რუსეთის იმპერიის ცხოვრება, მისი საშინაო და საგარეო პოლიტიკა, ამ პოლიტიკის განმაპირობებელი ფაქტორები — ყოველივე ეს ავტორისათვის მხოლოდ იმ ისტორიულ ფონს წარმოადგენს, რომელმაც მკითხველს უნდა დაანახოს პავლე I-ის მბრძანებელი როლი ამ ამბების მიმდინარეობაში. ნაშრომის ასეთი ზასიათი მკაფიოდ ავლენს ავტორის პოლიტიკურ მრწამსს, მის მეთოდოლოგიურ საფუძვლებს. ვალიშევსკი რუსეთის რევოლუციამდელ სხვა ისტორიკოსებთან ერთად იდეალისტურად აშუქებს საზოგადოებისა და ისტორიის განვითარების პროცესს. ნაშრომის არქიტექტონიკა, მასალის დალაგება და საკითხთა გაშუქება სწორედ ამის შესატყვისადაა მოცემული. მისი აზრით, „დიდ პიროვნებათა“ — მონარქთა და სხვათა — ნება-სურვილი წარმართავს მსოფლიო ისტორიის მსვლელობას. ამიტომაც, რომ რუსეთის იმპერიის მოცემული პერიოდის საგარეო პოლიტიკის ხასიათი და მიმართულება მასაც პავლე I-ის ნება-სურვილის, ეჩინის და სასახლის ფეოდალური არისტოკრატიის ზედაფენის სხვადასხვა დაჯგუფების კაპრიზებიდან გამომჟავს.

ვალიშევსკი ისტორიკოსთა იმ ჯგუფს ეკუთვნის, რომლებიც აიღეს ალებენ ეკატერინე II-ს და. პირიქით, მუქი საღებავებით ხატავენ პავლე I-ის მეფობას, უწოდებენ რა ამ ხანმოკლე პერიოდს „ჩაეარდნას“ და „გადახვევას“ რუსეთის ისტორიის კანონზომიერი პროცესიდან. ვალიშევსკი გმობს რუსეთის ჩაბმას მეორე ანტიფრანგულ კოალიციის და საფრანგეთის წინააღმდეგ ომის დაწყებას 1799 წელს. მისი შეხედულებით ეს ნაბიჯები არ გამომდინარეობდა რუსეთის ნაციონალური ინტერესებიდან, ტრადიციული საგარეო პოლიტიკური კურსიდან გადახვევა იყო და პავლეს თვითნებობის, ეჩინის და სუსტი გონების ნაყოფს წარმოადგენდა. ასევე ხსნის იგი ახალ მობრუნებას რუსეთის საგარეო პოლიტიკაში, რაც გამოიხატა მეორე

ანტიფრანგული კოალიციის რიგებიდან მის გამოსვლაში და საფრანგეთთან დაახლოვების ტენდენციაში. არ ეძებს რა ამ შემობრუნების რეალურ მოტივებს, ვალიშევსკი მასაც პავლე I-ის ხასიათის შეცვლითა და მასზე ფავორიტების ახალი ზეგავლენით ხსნის.

ვალიშევსკის ნაშრომში, შრომის თავისებური ხასიათის გამო რუსეთ-საფრანგეთის ურთიერთობის ხასიათი 1797 — 1800 წლებში მხოლოდ ზოგადად, სქემატურად არის მოცემული. მიუხედავად ამისა ეს ნაშრომი მაინც გვეხმარება ჩვენს შრომაში აღძრულ ზოგიერთ საკითხზე პასუხის გასაცემად. შრომაში მოტანილია ბევრი საარქივო და გამოკვეყნებული დოკუმენტი, მემუარული ლიტერატურისა და მონოგრაფიების მონაცემები რუსულ, ფრანგულ, გერმანულ და ინგლისურ ენებზე.

ვალიშევსკის ნაშრომის ტიპისაა ისტორიკოს ნ. შილდერის ნაშრომები: „Император Павел Первый — историко-биографический очерк“ და „Император Александр Первый, его жизнь и царствование“.

შილდერის ნაშრომებიც ისტორიულ-ბიოგრაფიულ ნარკვევებს წარმოადგენენ. ამ ნარკვევების მიზანდასახულობაა არა რუსეთის ისტორიის რომელიმე პერიოდის ან პროცესის მიმოხილვა, არამედ იმპერატორ პავლე I-ის და მისი შვილის ალექსანდრე I-ის ცხოვრებისა და მეფობის აღწერა. რუსეთის მოცემული პერიოდის საშინაო და საგარეო პოლიტიკის საკითხები. რომლებიც გაშუქებული აქვს ნ. შილდერს აღნიშნულ ნარკვევებში, მისთვის მხოლოდ ზოგად ფონს წარმოადგენს ძირითადი საკითხების — ამ იმპერატორთა ცხოვრების — გაშუქებისათვის.

ნ. შილდერის მითითებული ნაშრომები, მიუხედავად მათი მიზანდასახულობისა, მნიშვნელოვანი ღირებულებებს მქონეა. მათში გამოყენებულია მდიდარი საარქივო მასალა და დოკუმენტები, მემუარული ცნობები და სხვა სახის ლიტერატურა რუსულ და უცხოურ ენებზე. ამ ნაშრომებში აღძრულია ბევრი ისეთი საკითხი. რომელთაც უშუალო კავშირი აქვს ჩვენს საკვლევო პრობლემასთან.

მაგრამ დასახელებულ ნაშრომებს მისი ავტორის მცდარი მეთოდოლოგიური მრწამსის ბეჭედი აზის.

ნ. შილდერს ბევრ სხვა რუს ისტორიკოსთან ერთად ისტორიის განვითარების განმსაზღვრელ ფაქტორად მიაჩნია არა მატერიალური წარმოების წესი და საწარმოო ძალთა განვითარება, არამედ ცალკეულ დიდ ისტორიულ პიროვნებათა — მონარქთა გონება და ნებასურვილი. მას რუსეთის ისტორია არსებითად მეფეთა ისტორიად

წარმოუდგენია: თავის დასახელებულ ნაშრომებში პავლე I-სა და ალექსანდრე I-ის მეფობის პერიოდში რუსეთის საშინაო და საგარეო პოლიტიკის ცალკეული საკითხების გაშუქების დროს ნ. შილდერი ცდილობს გვიჩვენოს ამ გვირგვინოსან ხელისუფალთა ნების განმსაზღვრელი როლი აღნიშნული პროცესების წარმართვის საქმეში.

ნ. შილდერიც რუსეთის იმ რევოლუციამდელ ისტორიკოსთა ჯგუფს ეკუთვნის, რომლებიც ქება-დიდებათ იხსენიებენ ეკატერინე II-სა და ალექსანდრე I-ის მეფობას და აძაგებენ პავლე I-ის მეფობას, პავლეს არანორმალურს, დესპოტს, ეინიანს უწოდებენ, მის მეფობას კი აფასებენ როგორც კომპარის წლებს, წყვეტილსა და გადახვევას რუსეთის ისტორიის წინამორბედი პროცესისაგან.

ამ თვალსაზრისით განიხილავს იგი პავლე I-ის პერიოდის რუსეთის საგარეო პოლიტიკას, კერძოდ რუსეთ-საფრანგეთის ურთიერთობის პროცესს ამავე პერიოდში. ნ. შილდერი გმობს რუსეთის საგარეო პოლიტიკის მიმართულებას პავლე I-ის მეფობის წლებში, რადგან პავლე I, მისი აზრით, ანგარიშს არ უწევდა იმპერიის სასიცოცხლო ინტერესებს და უარყოფდა ყოველგვარ დაპყრობას და ტერიტორიულ გაფართოებას; ეს პოლიტიკა გამომდინარეობდა რევოლუციური საფრანგეთის წინააღმდეგ ყველა საშუალებით ბრძოლის წარმოშობის საჭიროებიდან და აშკარა რომანტიკაზე იყო დაფუძნებული.

ეხება რა რუსეთ-საფრანგეთის ურთიერთობას, შილდერი გაუმართლებლად, რუსეთის ნაციონალური ინტერესების აბუჩად აგდებად მიიჩნევს რუსეთის ჩაბმას მეორე ანტიფრანგულ კოალიციაში და 1799 წელს საფრანგეთის წინააღმდეგ ომის გაჩაღებას. ამ ომში რუსეთის მიერ გაღებულ მსხვერპლს იგი თვლის უნაყოფო მსხვერპლად, რისთვისაც პავლე I-ს დებს ბრალს. მკვეთრ შემობრუნებას რუსეთ-საფრანგეთის ურთიერთობაში და რუსეთის შემხვედრ ნაბიჯს საფრანგეთთან დასახლოვებლად შილდერი აგრეთვე მოულოდნელ, არაკანონზომიერ ნაბიჯს უწოდებს. ეხება რა ინდოეთზე რუსეთ-საფრანგეთის ერთობლივი ლაშქრობის პროექტს და დონის კაზაკთა მიერ დაწყებულ ლაშქრობას ინდოეთისაკენ (1801 წლის დასაწყისში), ნ. შილდერი უარყოფს აღნიშნული პროექტის რეალობას, ხოლო თვით დონის კაზაკთა ლაშქრობა პირადად პავლე I-ის ქიპერიულ-ფანტასტიური გატაცების ნაყოფად მიაჩნია.

ფორმალური ობიექტივიზმი, ფაქტების დოკუმენტაცია და განზოგადოების სისუსტე შილდერის აღნიშნული ნაშრომების მორიგ ნაკლოვან მხარეებს შეადგენს.

ე. შუმეგორსკი თავის ისტორიულ-ბიოგრაფიულ ნარკვევებში „Император Павел I. Жизнь и царствование“, რომელიც ვალი-შევსკისა და შილდერის აღნიშნულ ნაშრომთა ტიპს მიეკუთვნება, აგრეთვე მოგვითხრობს რუსეთ-საფრანგეთის ურთიერთობის ცალკეულ ამბებზე პავლე I-ის მეფობის წლებში.

შუმეგორსკი პეტრე I-სა და ეკატერინე II-ს მიიჩნევს მსოფლიო მნიშვნელობის გენიოსებად, რომლებიც, მისი აზრით, ავსებენ რუსეთის ისტორიას მე-18 საუკუნეში და თავის განვსაზღვრელ მიმართულებას აძლევენ რუსი ხალხის ცხოვრებას. ნარკვევში ამ კონცეფციის შესატყვისად არის გაშუქებული პავლე I-ის ცხოვრება და მეფობაც.

რუსეთის საგარეო პოლიტიკის საკითხებს ავტორი სპეციალურად არ იხილავს. იგი მას ეხება გზადაგზა, გაკვრით, პავლე I-ის მეფობის გაშუქებისას. მართალია, შუმეგორსკი ცდილობს მოხსნას პავლე I-ს „დაუსაბუთებელი ბრალდებები“ და აღადგინოს „ისტორიული ქეშმარიტება“, დიდების შარაევანდელი შემოსოს იგი, მაგრამ ეს ხელს არ უშლის მას ეკვიპის ქვეშ დააყენოს ამ მონარქის საგარეო პოლიტიკური კურსი და გააკრიტიკოს იგი. შუმეგორსკი იწონებს მეფის მთავრობის პირველ ნაბიჯებს საფრანგეთის მიმართ და მას პირადად პავლე I-ის მშვიდობისმოყვარე ბუნებით ხსნის, მაგრამ მას არ მოსწონს პავლე I-ის მიერ თავის თავის ლეგიტიმისტური ევროპის დაპყველად და მედროშედ იგამოცხადება. მთელრიგ მოვლენებს რუსეთ-საფრანგეთის ურთიერთობაში ავტორი მარტივად და სქემატურად აშუქებს და მათ ასახსნელად მეორეხარისხოვან მიზეზებს ასახელებს. მაგალითად, რუსეთის ჩაბმას მეორე ანტიფრანგულ კოალიციაში, მის გადაწყვეტილებას ეოპა საფრანგეთის წინააღმდეგ ავსტრიასთან და ინგლისთან კავშირში, შუმეგორსკი ხსნის მალტის თაობაზე პავლე I აღშფოთებით და გაბოროტებით. ასევე ზერელედ ხსნის იგი რუსეთის გამოსვლას მეორე ანტიფრანგულ კოალიციიდან. პავლემ დაინახა, წერს იგი, რომ მისმა მოკავშირეებმა იგი მოატყუეს და იარაღად გამოიყენეს, რისთვისაც გაეთიშა მათ და საფრანგეთთან დაახლოვება გადაწყვიტა. ეს რუსეთის საგარეო პოლიტიკაში საფრანგეთის მიმართ მომხდარი ცვლილების ზედაპირული ახსნაა. ავტორს საკიროდ არ მიაჩნია ჩაწვდეს სიღრმისეულ მოვლენებს და მათი ნამდვილი მიზეზი გაიგოს.

შუმეგორსკის ნარკვევში უგულვებელყოფილია რუსეთის გაბატონებული კლასების ეკონომიური და პოლიტიკური ინტერესები, როგორც რუსეთ-საფრანგეთის ურთიერთობაში მომხდარი ცვლილე-

ბების განმაპირობებელი ფაქტორები. აქიტომ ამ ნარკვევში ადგილზე არ აქვს მოცემული პერიოდის რუსეთ-საფრანგეთის ურთიერთობის კომპლექსის სერიოზულ ანალიზს.

ჩვენს შრომაში აღძრული ზოგიერთი საკითხის შესახებ თავისი მოსაზრება აქვს გამოთქმული აგრეთვე პროფ. მ. კლოჩკოვს ნაშრომში: „Очерки правительственной деятельности времени Павла I“.

როგორც თვით სახელწოდებიდან ჩანს, კლოჩკოვის ნარკვევის მიზანს შეადგენს პავლე I-ის პერიოდის რუსეთის სამეფო ხელისუფლების საქმიანობის გარკვევა და პირადად პავლე I-ის როლის ჩვენება სახელმწიფო ხელისუფლების საქმიანობის რთულ კომპლექსში. კლოჩკოვი შილდერის და შუმეგორსკის მსგავსად, კვლევა-ძიებისა და დაკვირვების ობიექტად ხდის თვითმპყრობელ მონარქს, მის ხასიათს, ნება-სურვილსა და მისწრაფებებს ქვეყნის საშინაო და საგარეო პოლიტიკის წარმართვაში. მასაც ისტორიის შემოქმედად მიაჩნია არა ხალხი და ეკონომიური ფაქტორები, არამედ „დიდი ადამიანები“ და მათი სუბიექტური მისწრაფებები. ამას ისიც უნდა დაემატოს, რომ კლოჩკოვი იმ რუს ისტორიკოსთა პლეადას ეკუთვნის, რომლებიც თავიანთი ნაშრომებით ცდილობენ აღადგინონ „შებლალული ისტორიული ქვეშარიტება“, მოახდინონ პავლეს რეაბილიტაცია და გაამართლონ მისი საშინაო და საგარეო პოლიტიკა შთამომავლობის თვალში.

ბევრი საარქივო მასალა, მემუარული ცნობა და სხვა სახის ლიტერატურა, რომელიც უხვად აქვს კლოჩკოვს მოტანილი დასახელებულ ნაშრომში, ბევრი მოვლენა თავისებურად გაშუქებული, მახვილგონიერი დასკვნები და მსჯელობა, რომელიც ამ ნაშრომის დადებითი მხარეა, ავტორის ზელში ერთ მიზანს ემსახურება: დაამტკიცოს პავლე I-ის საშინაო ღონისძიებების ღანმიმდევრობა-გონივრულობა, მისი საგარეო პოლიტიკური ნაბიჯების მიზანშეწონილობა და გეგმიანობა, რუსეთის საგარეო პოლიტიკის ისტორიულად გამომუშავებულ მიმართულებასთან მისი მკიცხრო კავშირი და სხვ.

რუსეთ-საფრანგეთის ურთიერთობის ხასიათის ზოგადად გარკვევის დროს კლოჩკოვი თავის ნაშრომში ორ გარემოებას უსვამს ხაზს: 1) საფრანგეთის ბურჟუაზიული რევოლუციის გამოძახილს რუსეთში და 2) ინგლის-საფრანგეთის ბრძოლას მსოფლიოში ჰეგემონობისათვის. მისი შეხედულებით, „პავლე I-ის სიძულვილმა საფრანგეთის რევოლუციისადმი დიდი გავლენა მოახდინა რუსეთის პოლიტიკაზე საფრანგეთის მიმართ. კლოჩკოვი ბევრ სხვა რე-

ვოლუციამდელ რუს ისტორიკოსთან ერთად მეორე ანტიფრანგულ კოალიციაში რუსეთის მონაწილეობას ხსნის პავლე I-ის რაინდული მისწრაფებით—აღედგინა საფრანგეთის რევოლუციის მიერ დამხობილი ტახტები, დაეცვა რელიგია და „კანონიერი წესრიგი“. მისი აზრით, აგრეთვე რაინდულმა სულმა და სამართლიანობისადმი სიყვარულმა აიძულა პავლე I თავი მიენებებია მეორე ანტიფრანგული კოალიციისათვის და საფრანგეთთან დაახლოვებისკენ აელო გეზი. აქედან იგი დაასკვნის: პავლე I-ის დიპლომატია გარკვეული პრინციპების შესაბამისად მოქმედებდა. ნაპოლეონ ბონაპარტის და პავლე I-ის დაახლოებაშიაც კლოჩკოვი დიდ როლს აკეთვნებს რუსეთის მონარქის, ვითომდა, სამართლიან ხასიათს. რუსეთ-საფრანგეთის ურთიერთობის რთულ ვარიაციების მთავარ და არსებით ფაქტორებს ავტორი ყურადღების მიღმა ტოვებს.

შრომის ბოლო ნაწილში კლოჩკოვს საკმაო ფაქტიური მასალა აქვს მოტანილი ისეთი საკითხების ირგვლივ როგორცაა: პავლე I-ის ურთიერთობა მალტის სასულეორო ორდენთან, მეორე ანტიფრანგული კოალიციის დაშლა და რუსეთის გამოსვლა მისი რიგებიდან, რუსეთ-საფრანგეთის დაახლოება 1800 წელსა და 1801 წლის დასაწყისში, ინდოეთზე განზრახული ერთობლივი ლაშქრობისათვის მზადება და პავლე I-ის მკვლელობა. მაგრამ აღნიშნული საკითხებიც მის მიერ განხილულია იდეალიზმის პლატფორმიდან, ზოგადად, თანაც ტენდენციურად.

რუსეთ-საფრანგეთის ურთიერთობის საკითხებს ჩვენს მიერ საკვლევ პერიოდში შეეხო რუსეთის დიპლომატიის ცნობილი ისტორიკოსი ს. ტატიშჩევი. ეს საკითხები მის მიერ აღძრულია ისეთ ნაშრომებში როგორებიცაა: „Из прошлого русской дипломатии“ (Истор. исследования и статьи), „Император Павел. Война 1799 г.“ (წერილი მოთავსებულია ჟურნ. „Русский архив“, 1912 г., № 12); „Paul et Bonaparte“ (ეს ვრცელი წერილი მოთავსებულია ფრანგულ ჟურნალში „La Nouvelle Revue“-ის 1887 წლის 47, 48, 49 ტომებში).

ს. ტატიშჩევი ნაპოლეონ ბონაპარტის და პავლე I-ის ურთიერთობის გაშუქების დროს ფართოდ მიმართავს შედარებებს, ისტორიულ პარალელებს. იგი თანამედროვე რუსეთის და საფრანგეთის ვითარებას უპირისპირებს XVIII - XIX საუკუნეების მიჯნის შესაბამის ვითარებას. თავის მსჯელობას, დასკვნებს, შედარებებს ს. ტატიშჩევი აფუძნებს მრავალფეროვან პირველ წყაროებზე და სხვა ხასიათის მასალებზე (რუსულ, ფრანგულ, გერმანულ ენებზე). ყოვე-

ლივე ზემოთ აღნიშნული და ბევრი ფაქტიური მასალა, რომელიც მოტანილია აღნიშნულ ვრცელ წერილში პავლე I-ისა და ნაპოლეონ ბონაპარტის ურთიერთობის გასაშუქებლად, ამ წერილის უდავო ღირსებაზე მიგვითითებს.

წერილის პირველ ნაწილში ს. ტატიშჩევი უფრო ზოგად მსჯელობას მიმართავს საფრანგეთ-რუსეთის კავშირის საჭიროებისა და აუცილებლობის თაობაზე. 1887 წელს, როდესაც აღნიშნული წერილი დაიბეჭდა, უკვე მოიხაზა რესპუბლიკური საფრანგეთის და მონარქისტული რუსეთის დაახლოების კონტურები, შემზადდა ნიადაგი ამ სახელმწიფოთა სამხედრო-პოლიტიკური კავშირისათვის. ს. ტატიშჩევი ამ კავშირის თავგამოდებული მომხრე და ქომაგია. იმიტომ, რომ დასაბუთოს რუსეთ-საფრანგეთის კავშირის სასურველობა ორივე ქვეყნის ინტერესებისათვის, ს. ტატიშჩევი მიმართავს ისტორიას და ვრცელი წერილის საგნად ხდის რუსეთ-საფრანგეთის ურთიერთობის ერთ მონაკვეთს, კერძოდ 1800 წელს და 1801 წლის დასაწყისს, როდესაც პრაქტიკული ნაბიჯები გადაიდგა ამ სახელმწიფოების დასახლოებლად.

ამიტომაც, რომ ს. ტატიშჩევი გმობს რუსეთის 1799 წლის ომს საფრანგეთის წინააღმდეგ. გაკვირვებით განიხილავს რა რუსეთსა და საფრანგეთს შორის 1797 წელს გამართულ მოლაპარაკებას, ს. ტატიშჩევი სინანულს გამოთქვამს მისი წარუმატებელი შედეგების გამო. იგი უმთავრესად სუბიექტური ხასიათის მოტივებით ხსნის აღნიშნული მოლაპარაკების ჩაშლას, თანაც ფიქრობს, რომ საესეებით შესაძლებელი იყო მისი წარმატებით დამთავრება, ორივე მხარეს მეთი ურთიერთდამთმობლობა რომ გამოეჩინაო.

წერილის შემდეგ ნაწილებში ს. ტატიშჩევი მოგვითხრობს იმ ამბებზე, რაც წინ უძღოდა მეორე ანტიფრანგულ კოალიციის დაშლას და საკმაოდ აშუქებს თვით ამ კოალიციის დაშლის პროცესს, რაშიაც მთავარ პასუხისმგებლობას ინგლისს და ავსტრიის საიმპერატორო კარს აკისრებს.

წერილის დიდი ნაწილი, როგორც აღნიშნული იყო, აშუქებს იმ ამბებს რუსეთ-საფრანგეთის ურთიერთობაში, რასაც ადგილი ჰქონდა მეორე ანტიფრანგული კოალიციის დაშლიდან 1801 წლის დასაწყისამდე. ს. ტატიშჩევი აქაც, ისე როგორც სხვაგან, ამართლებს პავლე I-ის ახალ ნაბიჯებს საფრანგეთის მიმართ და ღრმა სინანულს გამოხატავს იმის გამო, რომ რუსეთ-საფრანგეთის დაახლოების ტენდენცია თავის ფინალურ აქტამდე არ მივიდა, ხელსაყრელი შესა-

ძლებლობა ხელიდან იქნა გაშვებული და ეს დაახლოება ამ სახელმწიფოთა მეგობრული კავშირით არ დაგვირგვინდა.

ს. ტატიშჩევი, შილდერის მსგავსად, რუსული ბურჟუაზიული სკოლის წარმომადგენელია. მაგრამ მათ შორის ის განსხვავებაა, რომ ს. ტატიშჩევი მთავარ ყურადღებას აქცევს რუსეთის საგარეო პოლიტიკას და დიპლომატიას. ისიც მონარქიული იდეოლოგიის მატარებელია. მას შეფეთა და ქვეშევრდომთა ურთიერთობა პატრიარქალურ, მამათა და შვილთა ურთიერთობად მიაჩნია. მისი კონცეფციაც სუბიექტურ-იდეალისტურია. ისიც ისტორიის შემოქმედად პავლე I-ებსა და ნაპოლეონ ბონაპარტებს თვლის, რუსეთ-საფრანგეთის მოცემული პერიოდის ურთიერთობის ცვალებადობას მათი ნების გამოვლინებად მიიჩნევს.

ა. ტრაჩევსკიმ თავის რამოდენიმე ნაშრომში დააყენა და გააშუქა რუსეთ-საფრანგეთის ურთიერთობის ცალკეული საკითხები პავლე I-ის მეფობის წლებში. ეს ნაშრომებია: ვრცელი წინასიტყვაობა მის მიერ გამოქვეყნებულ დოკუმენტთა კრებულებისა „Дипломатические отношения России с Францией в эпоху Наполеона I“ (გამოქვე. კრ. РИО, ტ. 70): „Наполеон I. Первые шаги и Консульство“; „L'Empereur Paul et Bonaparte, Premier Consul“ (მოთ. თურნ. „Revue d'histoire diplomatique“, 1889, № 2); „Россия и Франция в конце прошедшего века (1794—1799 гг)“ (მოთ. თურნ. „Вестник Европы“, 1885, № 6, кн. 6).

ტრაჩევსკი დასახელებულ რევოლუციამდელ რუს ისტორიკოსებთან ერთად ხალხთა და სახელმწიფოთა ბედ-იღბლის წარმართვის საქმეში გადამწყვეტ როლს „რჩეულ ადამიანთა“ ნება-განწყობილებას („направленне умов“, როგორც წერს ავტორი) აკუთვნებს. მაგრამ სხვებისაგან განსხვავებით, იგი რამდენადმე წინ მიდის და ცდილობს, რუსეთის საგარეო პოლიტიკას მოუნახოს სხვა მოტივებით, ისეთი პოლიტიკური და სამხედრო მოტივები, რაც „მხედველობიდან გამორჩაით“ სხვა ისტორიკოსებს. ტრაჩევსკის აღნიშნული ნაშრომები, განსაკუთრებით დოკუმენტთა კრებულის ვრცელი წინასიტყვაობა და აგრეთვე ვრცელი წერილი რუსეთ-საფრანგეთის ურთიერთობის შესახებ 1794 — 1799 წლებში გამოირჩევა ბევრი სხვა იდენტური ხასიათის ნაშრომისაგან არა მარტო. შედარებით უფრო საფუძვლიანი ანალიზით და დასკვნებით. არანედ იმითაც, რომ იგი ფრანგული არქივებიდან ამოკრეფილ მდიდარ პირველ წყაროებს ემყარება. ავტორი წლების განმავლობაში მუშაობდა საფრანგეთის არქივებში და რუსეთ-საფრანგეთის მოცემული პერი-

რღის ურთიერთობასთან დაკავშირებულ საკითხებზე ბევრი მნიშვნელოვანი დოკუმენტი გამოაქვეყნა დასახელებულ კრებულში. ამასთან ერთად, უნდა აღინიშნოს, რომ ა. ტრაჩევსკი რუსეთ-საფრანგეთის ურთიერთობას განიხილავს არა როგორც ფონს და დამატებას პავლე I-ის მეფობის გასაშუქებლად, არამედ როგორც ძირითად საკვლევ პრობლემას.

რევოლუციამდე რუს ისტორიკოსთა უმრავლესობა პავლე I-ის მეფობის პერიოდის რუსეთ-საფრანგეთის ურთიერთობის ცალკეული საკითხების გაშუქებისას უმთავრეს ყურადღებას აქცევს მეფის მთავრობის საგარეო პოლიტიკური ნაბიჯების ხასიათის გარკვევას, თანაც ძირითადად რუსულ წყაროებს ემყარება. ა. ტრაჩევსკი კი, ემყარება რა როგორც რუსულ, ისე მრავალფეროვან ფრანგულ წყაროებს, თანაბარ ყურადღებას აქცევს როგორც პავლეს მთავრობის საგარეო პოლიტიკას, ისე დირექტორიისა და პირველ კონსულ ნაპოლეონ ბონაპარტის მთავრობათა საგარეო პოლიტიკის მიმართულების გარკვევას.

მიუხედავად ზემოთ აღნიშნულისა, პროფ. ა. ტრაჩევსკის ისტორიული კონცეფცია მაინც მიუღებელია ჩვენთვის. მისი დასახელებული ნაშრომები მოვლენათა გაშუქებით, წამოყენებული დებულებებით და დასკვნებით ვერ უპასუხებს ისტორიული კვლევა-ძიების თანამედროვე მოთხოვნებს. რუსეთის და საფრანგეთის გაბატონებული კლასების ეკონომიური და პოლიტიკური მოთხოვნილებანი, როგორც ამ ურთიერთობის ვარიაციების განმაპირობებელი ფაქტორი მის მიერაც უგულებელყოფილია. ისიც წინა პლანზე წევს გარეგან მოვლენებს.

აღნიშნულ ისტორიკოსთა გარდა ამ საკითხების კომპლექსის გაშუქებას თავიანთ შრომებში ადგილი დაუთმეს ს. სოლოვიოვმა¹, ა. კორნილოვმა², ა. ვასილჩიკოვმა³, ვ. კლიუჩევსკიმ⁴, ა. ბრიკნერმა⁵, მ. პოლიევქტოვმა⁶, ვ. ალექსანდრენკომ⁷, ნ. გრიგოროვიჩმა⁸, ე. კარ-

¹ С. Соловьёв, Император Александр Первый..., С.-Петербург, 1877.

² А. Корнялов, Курс истории России XIX века, ч. 12, М., 1912.

³ А. Васильчиков, Семейство Разумовских, т. 3, СПб., 1882.

⁴ В. Ключевский, Курс Русской истории, ч. V, М., 1937.

⁵ А. Брикнер, Вторая половина XVIII века в письмах-братьев, гр. С. и А. Воронцовых, „Вестник Европы“, т. 8, 1888 г.

⁶ М. Полиевктов, Проект союза России с Сардинским королевством в царствование императора Павла, СПб., 1902.

⁷ В. Александренко, Русские дипломатические агенты в Лондоне в XVIII в., ч. I, Варшава, 1897.

⁸ Н. Григорович. Канцлер князь Александр Безбородко .. „Сборник РИО, тт. 26, 29, СПб, 1879—1881.

ნოვიჩმა¹, მ. მიროშკინმა², პ. ბეზობრაზოვმა³, ვ. ბილბასოვმა⁴ და სხვებმა. ნაშრომში ჩვენ მოტანილი გვაქვს აღნიშნულ ისტორიკოსთა ცალკეული შეხედულებები და კიდევით მათ შეფასებას.

საზღვარგარეთელი ისტორიკოსების ნაშრომები

XVIII — XIX საუკუნეების მიჯნაზე რუსეთ-საფრანგეთის ურთიერთობის ხასიათი და მასთან დაკავშირებული საკითხები მეტ-ნაკლებად გაშუქებულია ზოგიერთ ფრანგ, ინგლისელ, გერმანელ და იტალიელ ისტორიკოსთა ნაშრომებში. აქვე უნდა აღინიშნოს, რომ რამდენიმე ფრანგი ისტორიკოსის გამოცლებით არც ერთ უცხოელ ავტორს არ აქვს მოცემული ისეთი ვრცელი ცნობები, როგორც რუს ავტორებს. ბევრი მათგანი არსებითად იმეორებს რუს ისტორიკოსთა მოსაზრებებს, თანაც ძირითადად რუსულ წყაროებს ემყარება.

საზღვარგარეთელ ავტორთაგან პირველ რიგში უნდა დავასახელოთ ცნობილი ფრანგი ისტორიკოსი ალბერტ სორელი, რომელმაც თავის კაპიტალურ რეაქციონარ ნაშრომში „Европа и Французская Революция“ (პირველი ტომი გამოვიდა 1885 წელს, მერვე — 1904 წელს)⁵. საფრანგეთის პირველი ბურჟუაზიული რევოლუციის წლებისა და მომდევნო პერიოდის ევროპის სახელმწიფოთა პოლიტიკური ურთიერთობის ვინაობისას, გააშუქა რუსეთ-საფრანგეთის ჩვენთვის საინტერესო პერიოდის ურთიერთობის საკითხებიც. მართალია, მას ამ საკითხისათვის არ დაუთმია სპეციალური განყოფილება ან თავი. და იგი განიხილა სხვა საკითხებთან კავშირში, მაგრამ განიხილა იგი საკმაოდ თანმიმდევრულად და ქრონოლოგიური პრინციპის დაცვით. აღნიშნული ურთიერთობის კომპლექსის შესახებ ცნობები მას მოცემული აქვს თავისი შრომის მე-5 და მე-6 ტომებში.

¹ Е. Карнович, Мальтийские рыцари в России („Отечественные записки“, № 7—8, 1877).

² М. Мирошкин, Иезуиты в России с царствования Екатерины II-й до нашего времени, ч. I. СПб., 1867.

³ П. Безобразов, О сношениях России с Францией... М., 1892.

⁴ В. Вильбасов, Россия и Англия в XVIII веке, „Русская старина“, 1893 г., окт.

⁵ ჩვენ ვსარგებლობთ რუსული თარგმანით.

ალბერტ სორელი ბურჟუაზიული წრიდან გამოსული ზომიერი ლიბერალია მონარქისტული იერით. მის ნაშრომებს ბევრ სხვა საზღვარგარეთელ ისტორიკოსთა ნაშრომებთან შედარებით უდავო უპირატესობა გააჩნია. დასახელებული მრავალტომეული ხანგრძლივი შრომის ნაყოფს წარმოადგენს. მასში გამოყენებულია დიდძალი საარქივო მასალა და სამეცნიერო ლიტერატურა (ევროპის ყველა ძირითად ენაზე). ავტორს აქვს შესანიშნავი ენა, ლიტერატურული გემოვნება და მიმზიდველი სტილი. აღნიშნული შრომის ღირსებად უნდა ჩაითვალოს ისიც, რომ სორელს შესანიშნავად ეხერხება ცალკეულ ისტორიულ პირთა მოხდენილი დახასიათება, მათი პორტრეტების ოსტატური გამოკვეთა.

ზოგიერთი უცხოელი ავტორის მსგავსად სორელი მიზნად ისახავს განიხილოს საფრანგეთის პირველი ბურჟუაზიული რევოლუცია და მისი შედეგები საერთაშორისო ასპექტში და გაარკვიოს შინაგანი და საერთაშორისო ფაქტორების ურთიერთკავშირი. მაგრამ სხვებისაგან განსხვავებით მან ეს გააკეთა გაცილებით უკეთ და მიმზიდველად. სორელის შრომა გარეგნული არქიტექტონიკის მიხედვით გერმანელი ისტორიკოსის ზიბელის შრომის მსგავსია, მაგრამ შინაარსისა და განზოგადოების მხრივ მას ბევრი საერთო რამ აქვს ფრანგ ისტორიკოს ტოკვილის ნაშრომთან.

ანსთანავე ა. სორელის ნაშრომს თავიდან ბოლომდე გასდევს ავტორის მათემატიკურად დასაბუთების დამახასიათებელი ნაკლი: სუბიექტივიზმი, ტენდენციურობა, ევოლუციონიზმი, ნაციონალისტური გადახრა და სხვ. იგი შეუურიგებელი სიძულვილის გრძნობითაა გაჟღერებული იაკობინელებისა და იაკობინელთა დიქტატურისადმი, რომესპიერისა და მარატისადმი მამინ, როდესაც მირაბო და დანტონი მის სათაყვანო გმირებს წარმოადგენენ. მას ტოკვილის მსგავსად 9 თერმიდორი, დირექტორიის მმართველობა, თერამეტი ბრიუპერის სახელმწიფო გადატრიალება რევოლუციის გაგრძელებად მიჩნია. სორელიც აიგივებს საფრანგეთის რევოლუციისა და კონსულობის პერიოდების დიპლომატიას.

რუსეთ-საფრანგეთის ურთიერთობის საკვლეფო პერიოდის გაშუქებისათვის სორელი კონკრეტულად ჩერდება პავლე I-ის მეფობაზე და ცდილობს გაარკვიოს მისი როლი რუსეთის საგარეო პოლიტიკის მიმართულებაში. რევოლუციამდე რუს ისტორიკოსთა პლევადასთან ერთად სორელიც უფრო გარეგან, მეორეხარისხოვან ფაქტებს და მოვლენებს ანიჭებს გადამწყვეტ როლს და მათით ხსნის რუსეთ-საფრანგეთის ურთიერთობაში მომხდარ ცვლილებებს. სორელი,

მაგალითად, სერიოზულად მსჯელობს იმის შესახებ, თუ რა გავლენას ახდენდნენ პავლე პირველზე მიწი ფავორიტები ლოპუხინა და ნელიდოვა ან ცოლისძმა ვიურტემბერგის პრინცი ფერდინანდი, ან რა როლი შეასრულეს მათ საფრანგეთის მიმართ რუსეთის მთავრობის მიერ აღებულ ამა თუ იმ კურსის შემუშავებაზე.

სორელის აზრით, პავლე I გადაიწყვეტ როლს ასრულებდა რუსეთის საგარეო პოლიტიკის მიმართულების შემუშავებაში. მის ნება-სურვილს ექვემდებარებოდა თვით რუსეთ-საფრანგეთის ურთიერთობის ცვალებადობაც. ამიტომაც, რომ სორელი ცდილობს დაგვიხატოს პავლე I-ის პორტრეტი და გადმოგვცეს მისი ხასიათის ძირითადი ნიშნები. იგი იზიარებს იმ რუს ისტორიკოსთა აზრს, რომლებიც პავლე I-ის მეფობაში ხედავენ „ჩაფარდნას“, ხოლო მას ნახევრად არანორმალურ ადამიანს უწოდებენ. პავლე I-ის მეფობას იგი უწოდებს ქარიშხლიანს, ნათელი ამინდიანი დღეებს იშვიათი გამოჩაყლისებით. მაგრამ აქვე უნდა აღინიშნოს, რომ, სორელის აზრით, პავლე I უფრო მეტ სიციხადეს და თანმიმდევრობას იჩენდა საგარეო პოლიტიკის დარგში, ვიდრე საშინაოში. თუმცა მის პოლიტიკას საფრანგეთის მიმართ იგი ნახტომისებურს, გადახვევებით და უკანდახვევებით აღსავსეს უწოდებს.

ისტორიული პროცესის ნამდვილი მამოძრავებელი ძალებისა და პიროვნების როლის შეფასებაში, კვლევის მეთოდებსა და მიღებულ დასკვნებში სორელი ძალზე შორააა კვლამართებისაგან და ოდნავადაც ვერ სცილდება ბურჟუაზიული ისტორიოგრაფიის მეთოდოლოგიურ საწყისებს. ამიტომაც, რომ, მთელი თავისი დიდი ერუდიციის მიუხედავად. ჩვენი საკვლევი პრობლემის შესახებ ა. სორელის მემკვიდრეობა საგრძნობლად ჩამორჩება ისტორიული კვლევადიების თანამედროვე მოთხოვნებს.

რუსეთ-საფრანგეთის ურთიერთობის საკვლევო პერიოდის მკვლევარი გვერდს ვერ აუვლის რაიმონდ გიოს (R. Guyot) სქელტანიან ნაშრომს: „Le Directoire et la paix de l'Europe...“, Paris, 1911.

რაიმონდ გიო ფრანგ ისტორიკოსთა იმ მემარცხენე რადიკალურ სკოლას ეკუთვნის, რომელსაც მათიეზი ედგა სათავეში. ისტორიკოსთა ამ ჯგუფის კონცეფციას რადიკალური. მოსოციალისტო ელფერი გადაკრავს, მას გარკვევით ატყვია მარქსიზმის გავლენა. მაგრამ ამ ისტორიკოსებისათვის და. მაშასადამე, გიოსთვისაც მარქსიზმი არ წარმოადგენდა კვლევის მეთოდოლოგიურ საფუძველს. მათ ახასიათებდათ ეკლექტიზმი.

გიოს ვრცელი შრომა მიზანდასახულობისა და არქიტექტონიკის მხრივ მიაგავს ა. სორელის განხილულ შრომას. გიოც, სორელის მსგავსად, მიზნად ისახავს თავის შრომაში დაგვიხატოს ევროპის სახელმწიფოთა პოლიტიკური ურთიერთობის სურათი საფრანგეთის ბურჟუაზიული რევოლუციის ფონზე და გვიჩვენოს ამ უკანასკნელის გავლენა აღნიშნულ ურთიერთობის ხასიათზე. გარდა იმისა, რომ გიოს შრომა მხოლოდ დირექტორიის ოთხწლიანი მმართველობით შემოიფარგლება, იგი სორელის შრომისაგან განსხვავდება მოტანილი წყაროების შეფასებით, ანალიზის ხასიათით და დასკვნებით.

გიოს შრომას აქვს ვრცელი შესავალი, რომლის უდიდეს ნაწილს ავტორი მიუძღვნის წყაროებისა და ლიტერატურის ანალიზს და ზოგიერთი ისტორიკოსის თვალსაზრისის გარკვევას საკვლევო საკითხის შესახებ. შრომაში მოტანილია მრავალფეროვანი პირველწყაროები და სხვა ხასიათის ლიტერატურა (როგორც საარქივო, ისე გამოქვეყნებული დოკუმენტები მოტანილი ფრანგულ, ინგლისურ, გერმანულ და რუსულ ენებზე), რაც ამ შრომის ერთ-ერთ ღირებულ უნდა ჩათვალოს. ვრცლად იყენებს გიო ფრანგულ ენაზე თარგმნილ რუსულ წყაროებს და მემორუალ-მონოგრაფიულ ლიტერატურას. მაგ., მას გამოყენებული აქვს მარტენისის, ტრაჩევსკის, კორნკოვის. ბრიენერის დოკუმენტთა კრებულები, მილიუტინის, ვასილჩიკოვის, ტატიშჩევის ნაშრომები, ცალკეული წერილები და სხვა მასალები.

თავის ნაშრომში გიო არ კმაყოფილდება მარტო დირექტორიის პერიოდის საფრანგეთის საგარეო პოლიტიკისა და დიპლომატიის ანალიზით. იგი ამასთან ერთად ეხება საკითხთა მთელ წყებას, რომელსაც ასე თუ ისე ეკუთრები აქვს ძირითად საკითხთან. მაგალითად, მის ნაშრომში განხილულია აღმასრულებელი დირექტორიის ფუნქციები. მისი ხელქვეითი დიპლომატიური ორგანოები, ფრანგი დიპლომატების (დელაკრუა, კაიარი, ტაღეირანი) საქმიანობა, საგარეო ურთიერთობის განმანორციელებელი ორგანოების ევოლუცია და ა. შ.

ავტორი ყურადღების გარეშე არ ტოვებს არც ერთ მნიშვნელოვან დიპლომატიურ კონფლიქტს, მოლაპარაკებას, ხელშეკრულებას, თუ საომარ კამპანიას, რომელსაც ადგილი ჰქონდა 1795 — 1799 წლებში და რომლებიც დაკავშირებულნი იყვნენ საფრანგეთთან. (პირველი ანტიფრანგული კოალიციის მარცხი და პრუსიის ომიდან გამოსვლა; ინგლის-საფრანგეთის მოლაპარაკება ლილში; იტალიის

საკითხი და იტალიის კამპანია ნაპოლეონის ხელმძღვანელობით; კამპო-ფორმიოზ ზავი; რაშტადტის კონგრესი, ნაპოლეონის ექსპედიცია აღმოსავლეთისაკენ და მისი მარცხი, მეორე ანტიფრანგული კოალიციის აღმოცენება; კოალიციასა და საფრანგეთს შორის გაჩაღებული ომის პერსპექტივა და სხვ.). აღნიშნული საკითხები ავტორს განხილული აქვს მდიდარი საარქივო მასალების, გამოქვეყნებული დოკუმენტების, მემუარების და მონოგრაფიული ლიტერატურის საფუძველზე.

საფრანგეთ-რუსეთის ურთიერთობა მოცემულ პერიოდში ავტორის სპეციალური ყურადღების და კვლევის ჯაგანს არ წარმოადგენს. მის შესახებ მას მხოლოდ სპორადული ცნობები აქვს მოცემული, 'მრომის უკანასკნელი, მე-18 თავის გამოკლებით, სადაც ეხება რა მეორე ანტიფრანგული კოალიციის აღმოცენების ამბებს, შედარებით ვრცლად იხილავს ამ ორი ქვეყნის ურთიერთობას, კერძოდ რუსეთის როლს ამ კოალიციის ორგანიზაციაში. მაგრამ ამასთან ერთად, უნდა აღინიშნოს, რომ ამ საკითხის მიმოხილვისას ავტორი უმთავრესად რუსული დოკუმენტების ზემოთ დასახელებულ კრებულებს და მონოგრაფიულ ლიტერატურას ემყარება და იმ თვალსაზრისს იზიარებს, რომელიც რუსული ისტორიული სკოლის ნაშრომებშია გატარებული.

ემყარება რა რუსულ წყაროებს და ლიტერატურას, ავტორი რუსეთის საგარეო პოლიტიკის ხასიათის, რუსეთ-საფრანგეთის ურთიერთობის ფორმების და მეორე ანტიფრანგული კოალიციის აღმოცენების საკითხების შესახებ თითქმის სავსებით იზიარებს იმ იდეალისტურ, ზერელე შეხედულებას, რომელსაც აღნიშნულ საკითხებზე ავითარებენ რუსი ისტორიკოსები თავადაზნაურული და ბურჟუაზიული ბანაკიდან. რუსეთ-საფრანგეთის ურთიერთობის ღრმა ანალიზს, კერძოდ ეკონომიური ფაქტორისათვის ანგარიშის გაწევას ვერც მის ნაშრომში ვპოულობთ. ხალხის უგულუბელყოფა, პავლე I-ის როლის გაზვიადება, მისი ხასიათის ხშირი ცვლილებებისა და ამ ცვლილებებზე სასახლის არისტოკრატის სხვადასხვა ჯგუფების ზეგავლენისათვის დიდი როლის მიკუთვნება დამახასიათებელია გიოს აღნიშნული ნაშრომისათვისაც. ამას უნდა დაემატოს ნაციონალისტური სულისკვეთება, დირექტორიის საგარეო პოლიტიკის მთელ რიგ ნაბიჯთა გამართლება და სხვ.

ფრანგმა ისტორიკოსმა ეორჟ გროჟანმა (Georges Grosjean) საფრანგეთ-რუსეთის ურთიერთობას დირექტორიის პერიოდში მი-

უძღვნა მცირე ფორმის ნარკვევი სახელწოდებით: „La France et la Russie pendant le Directoire“.

ნაშრომი სულ 10 თავისაგან შედგება: პირველ თავში ავტორი არკვევს ეკატერინე II-ის საგარეო პოლიტიკას და მის დამოკიდებულებას საფრანგეთისადმი. მეორე თავში მიმოხილულია პავლე I-ის გამეფება, მისი ხასიათი და მისი საგარეო პოლიტიკის მიმართულება; მესამე თავში გადმოცემულია ცნობები დირექტორიის ინიციატივით ბერლინში რუსეთ-საფრანგეთის მოლაპარაკების დაწყების ცდის შესახებ; მეოთხე, მეხუთე, მეექვსე, მეშვიდე და მერვე თავებში ლაპარაკია ამ სახელმწიფოთა ბერლინის მოლაპარაკების ირგვლივ.

ავტორი თანმიმდევრობით მოგვითხრობს იმ მოლაპარაკების შესახებ, რომელიც ბერლინში მიმდინარეობდა რუსეთსა და საფრანგეთს შორის. იქვე მოკლედ განხილულია ამ მოლაპარაკების პერიპეტეიები, მისი წარუმატებლობის განმაპირობებელი ფაქტორები, მოლაპარაკების მონაწილე სახელმწიფოთა დამოკიდებულება ევროპის სხვა დიდ სახელმწიფოებთან და სხვა. მეცხრე თავში განხილულია რუსეთ-საფრანგეთის ბერლინის მოლაპარაკების ფინალი და კრაზი. ამავე თავში ავტორი იძლევა ცნობებს იმ მიზეზების შესახებაც, რომელთაც განაპირობებს მოლაპარაკების ჩაშლა; დასასრულს, მეათე თავში ავტორი მოგვითხრობს რუსეთ-საფრანგეთს შორის ყოველგვარი ურთიერთობის გაწყვეტის, რუსეთის ანტიფრანგულ კოალიციაში ჩაბმისა და საფრანგეთის წინააღმდეგ ომის გაჩაღების შესახებ.

აღძრული საკითხების გაშუქებისას ავტორი იყენებს, როგორც ფრანგულ წყაროებს (საგარეო საქმეთა სამინისტროს არქივიდან), ისე რუსულ დოკუმენტებსა და ლიტერატურას: მაგალითად, იგი ემყარება ეკატერინე II-ის და გრიმის მიწერ-მოწერას, ვორონცოვის არქივს, მარტენის კრებულს, ტატიშჩევის ნაშრომებს და სხვ.

ბერლინის მოლაპარაკების მიმდინარეობის დეტალურად განხილვა, ამ მოლაპარაკებაზე ზემოქმედ მთელ რიგ პირობებისათვის ხაზის გასმა, ფრანგული, რუსული და გერმანული წყაროების საკმაო რაოდენობით გამოყენება აღნიშნული ნაშრომის დადებით თვისებებზე მიუთითებს.

მაგრამ ამასთან ერთად ხაზი უნდა გაესვას გროფანის ნაშრომის ნაკლოვან მხარეებსაც. ნაშრომი, რომლის მოცულობა, როგორც აღნიშნული იყო, მცირეა, არსებითად მეცნიერულ-პოპულარული ხასიათისაა. იქ ჩვენ ვერ ვხვდებით ფაქტების და მოვლენების ღრმა ანალიზს, მათი ბუნების ახსნას, ყოველ თავში ქარბობს ფაქტების

უბრალო რეგისტრაცია და გადმოცემა. ამასთან ერთად უნდა აღინიშნოს, რომ ავტორის მსოფლმხედველობა იდეალისტურია. მართალია იგი ცდილობს რუსეთ-საფრანგეთის ურთიერთობის ვარიაციას მოუწახოს სათანადო ახსნა, მაგრამ ამაოდ. იგი ყურადღებას აქცევს ზერელე, მეორეხარისხოვან ფაქტორებს, რომლებიც, მისი აზრით, თითქოს, გადააწყვეტი იყო ბერლინის მოლაპარაკების ჩაშლისა და რუსეთის საფრანგეთის წინააღმდეგ ომში ჩაბმის საქმეში. ამავე დროს მას მხედველობის არეღან „რჩება“ ის ღრმა ეკონომიური და პოლიტიკური მიზეზები, რომლებიც საფუძვლად ეღო ამ ორი ქვეყნის ურთიერთობას ღირექტორიის პერიოდში. დასასრულ, უნდა აღინიშნოს ისიც, რომ ავტორი ფრანგი ნაციონალისტის პოზიციიდან აშუქებს ორი ქვეყნის ურთიერთობის რიგ მომენტებს და ცდილობს მიჩქმალოს აღმასრულებელი ღირექტორიის აგრესიული ნაბიჯები საგარეო პოლიტიკის ღარგში.

ცნობილი ფრანგი ბურჟუაზიული ისტორიკოსი და პოლიტიკოსი, მშრომელთა დაუძინებელი მტერი, ღირექტორიისა და ნაპოლეონ ბონაპარტის თაყვანისმცემელი ა. ტიერი თაერს ოთხტომიან ნაშრომში: „История Консульства и Империи во Франции“ (ტ. 1-4, СПб., 1846 — 1847, 1849),¹ მთელ რიგ სხვა საკითხებთან ერთად გაკვრიო შეეზო რუსეთ-საფრანგეთის ურთიერთობის ამბებს პავლე I-ის მეფობის წლებში. მას აზრი აქვს გამოთქმული მეორე ანტიფრანგული კოალიციის შექმნა-ღაშლის, პავლე I-ისა და ნაპოლეონ ბონაპარტის დაახლოების, მალტის საკითხის მნიშვნელობის, რუსეთ-საფრანგეთის პარიზის მოლაპარაკების (1801 წ. დასაწყისში) შესახებ და სხვ. აღნიშნული საკითხების შესახებ სათანადო მასალები მოთავსებულია შრომის პირველ, მეორე და მესამე ტომებში.

ტიერის მიერ გაკეთებული დასკვნები არ გამოირჩევა სიღრმით, განზოგადოების ძალითა და ორიგინალობით. მათში აშკარად გამოსკვივის ფრანგული ნაციონალისტური თვალსაზრისი, სუბიექტივიზმი, პიროვნების კულტი, ეკონომიური ფაქტორების უგულუბეღყოფა და სხვ.

ტიერის აზრით, პავლე I კეთილშობილური, ღიდსულოვანი მოსაზრებებით იღებღა მონაწილეობას მეორე ანტიფრანგულ კოალიციაში. რუსეთის გამოსვლას მეორე ანტიფრანგული კოალიციიდან ტიერი აგრეთვე პავლე I-ის პირად ნებას და სეპარატულ გადაწყვეტილებას უკავშირებს. იგი მთელ რიგ ფრანგ ისტორიკოსებთან ერთად

¹ ჩვენ ვსარგებლობთ რუსული თარგმანით.

ისტორიულ სინამდვილეს აყალბებს და ნაპოლეონ ბონაპარტისა და პავლე I-ის დაახლოების ინიციატივას რუსეთის იმპერატორს მიაწერს. ეხება რა რუსეთ-საფრანგეთის მოლაპარაკებას პარიზში (1801 წ.), ტიერი მისი გაქიანურებული ხასიათისა და უპერსპექტივობისათვის ბრალს დებს რუსეთის წარმომადგენელ კოლიჩევს. იგი იზიარებს იმ პოზიციას, რომელიც პარიზის მოლაპარაკების დროს ნაპოლეონმა და ტალიერანმა დაიჭირეს. რუსეთ-საფრანგეთის ურთიერთობის ამბებთან დაკავშირებული საკითხების აღძვრის დროს ტიერი ეწევა ნაპოლეონ ბონაპარტის აპოლოგიას და ყოველმხრივ აქებს მის დიპლომატიურ ნაბიჯებს.

ტიერმაც, სხვა ბურჟუაზიული ისტორიკოსების მსგავსად, რუსეთ-საფრანგეთის ურთიერთობის ამბების მიმოხილვის დროს პავლე I-ის მეფობის წლებში უმთავრესად ფაქტები გადმოსცა, ექსესუარები წამოსწია წინა პლანზე და ამ ურთიერთობის რთული კომპლექსის ქეშმარიტ ახსნას გვერდი აუარა.

განხილულ ფრანგ ისტორიკოსებთან ერთად რუსეთ-საფრანგეთის ურთიერთობის შესახებ XVIII — XIX საუკუნეების მიჯნაზე გაკვრივ: ცნობებს იძლევიან და თავიანთი მოსაზრებები აქვთ გამოთქმული შემდეგ ფრანგ ისტორიკოსებს: პ. ლანფრეს¹, ე. დრიოს², ე. ბურჟუას³, მ. ბინონს⁴, მ. ბარანტს⁵, ე. დოდეს⁶, ლეფევრს⁷, ლ. პენგოს⁸, შ. ლარივიერს⁹, ე. მიშლეს¹⁰, ტ. მასონს¹¹, ლ. მადლენს¹²,

¹ P. Lanfrey, Histoire de Napoléon 1^{er}. Paris, 1869—1870. ტ. 1—3.

² E. Driault, La politique extérieure du Premier Consul 1800—1803. Paris, 1910; მისივე — La question d' Orient depuis ses origines jusqu'à nos jours, Paris, 1909.

³ E. Bourgeois, Manuel historique de politique étrangère, t. 2, Les Révolutions (1789—1830), Paris, 1926.

⁴ M. Bignon, Histoire de France depuis le 18 Brumaire... jusqu'à la paix de Tilsit. Bruxelles, 1839.

⁵ M. Barante, Histoire du Directoire... t. 1—3, P., 1855

⁶ E. Daudet, Bourbons et la Russie pendant la Révolution française, P., 1886.

⁷ A. Lefebvre, Histoire des cabinets de l'Europe pendant le Consulat et l'Empire, 1800—1815, t. 1, P., 1845.

⁸ L. Pingaud, Les français en Russie et les russes en France... P., 1886.

⁹ Ch. Larivière, La France et la Russie au XVIII siècle, P., 1909. მისივე—Catherine II et la Révolution française, P., 1895.

¹⁰ J. Michelet, Histoire du XIX siècle jusqu'au 18 Brumaire—Waterloo... Paris, 1875.

¹¹ T. Masson, Les départements des affaires étrangères pendant la Révolution..., Paris, 1877.

¹² L. Madelin, Le Consulat et l'Empire 1799—1809, P., 1933.

ლ. ბუეელენს¹, ფ. ბურგუანს², მ. სენ-პრის³ და სხვებს. ზოგიერთი მათგანის მოსაზრება ცალკეულ საკითხზე საინტერესო და ყურადსაღებია.

მაგრამ ჩვენ არ გვაქვს შესაძლებლობა ცალკეულად განვიხილოთ და შევადგინოთ ისინი იმისდა მიხედვით, თუ როგორ არის მათში გაშუქებული ჩვენთვის საინტერესო პრობლემის კომპლექსის ესა თუ ის მხარე. აქვე უნდა აღვნიშნოთ, რომ ჩვენი საკვლევი საკითხი სპეციალური კვლევის ობიექტად არც ერთ მათგანს არ გაუხდია. რაც შეეხება მათ მიერ გამოთქმულ ორიგინალურ აზრს ამა თუ იმ საკითხის შესახებ, მათზე თვით შრომის სათანადო თავებში გვექნება საუბარი.

ცნობილმა გერმანელმა ისტორიკოსმა ზიბელმა თავის მრავალტომიან შრომაში „Histoire de l'Europe pendant la Révolution française, tt. 5—8, Paris, 1886—1888“ სხვა საკითხებთან ერთად განიხილა ზოგიერთი იაეთი საკითხიც, რომელსაც კავშირი აქვს რუსეთ-საფრანგეთის ურთიერთობასთან XVIII—XIX საუკუნეების მიჯნაზე.

ზიბელის საზოგადოებრივ-პოლიტიკური მრწამსის ნათელსაყოფად საკმარისია აღინიშნოს, რომ იგი იყო კონსერვატორი, კონსტიტუციური მონარქიის მომხრე, ბისმარკის თაყვანისმცემელი, დემოკრატიისა და მშრომელი ხალხის მტერი.

ზიბელი იყო პირველი ისტორიკოსი საზღვარგარეთ, რომელმაც სორელამდე ვრცლად გააშუქა ევროპული ურთიერთობა საფრანგეთის რევოლუციის წლებში და ამ მიზნისათვის ბევრი მანამდე გამოუყენებელი დოკუმენტით და სხვა მასალით ისარგებლა. საფრანგეთის რევოლუციის პერიოდის ევროპულ ურთიერთობას და ამ რევოლუციის გავლენას ევროპის სახელმწიფოთა ცხოვრებაზე, ზიბელი განიხილავს კონსერვატიული თვალსაზრისით. იგი გმობს საფრანგეთის რევოლუციის გავლენის ყოველგვარ გამოვლენას ევროპულ პოლიტიკასა და ცხოვრებაზე და მასში „ანარქისტულ საწყისებს“, „კომუნისტურ დესპოტიზმს“ და სხვ. მის მსგავსთ ხედავს.

¹ L. Bousgelin. *Malte ancienne et moderne*, tt. 1—3, P., 1808.

² F. Bourgoing, *Histoire diplomatique de l'Europe pendant la Révolution française...*, P., 1871.

³ M. Saint-Priest, *Mémoires sur l'ambassade de France en Turquie...*, Paris, 1877.

⁴ ჩვენ ვსარგებლობთ ფრანგული თარგმანით.

აშუქებს რა საფრანგეთის პირველი ბურჟუაზიული რევოლუციის პერიოდის საერთაშორისო ურთიერთობას, ზიბელი ამ პერიოდში ათავსებს როგორც დირექტორიის ხანას, ისე კონსულობასაც, რაც ისტორიულ სინამდვილეს არ შეესაბამება. თავისი კონსერვატიული კონცეფციის შესაბამისად, ზიბელი, ამასთან ერთად, უარყოფს ევროპის ფეოდალურ-მონარქისტული და კლერიკალური ძალების შეთქმულების ფაქტს რევოლუციური საფრანგეთის წინააღმდეგ და ამდენად ამართლებს კონტრრევოლუციური კოალიციის ბრძოლას ძველი ურთიერთობის აღსადგენად.

ცალკეული ცნობები რუსეთ-საფრანგეთის 1797 — 1801 წლების ურთიერთობის შესახებ, ზიბელის მრავალტომეულის მე-5 და მე-6 ტომებშია მოთავსებული. აქ მას ცოტად თუ ბევრად გაშუქებული აქვს ისეთი საკითხები როგორცაა: მეორე ანტიფრანგული კოალიციის აღმოცენება, რუსეთის ომი საფრანგეთის წინააღმდეგ 1799 წელს; კოალიციის დაშლა და რუსეთის გამოსვლა ომიდან, პავლე I-ისა და ნაპოლეონ ბონაპარტის დაახლოება და სხვა.

რუსეთ-საფრანგეთის მოცემული პერიოდის ურთიერთობის ზოგიერთი საკითხის განხილვა ევროპის სახელმწიფოთა ურთიერთობის ფონზე, მრავალფეროვანი წყაროების და ლიტერატურის გამოყენება, აღმოსავლეთის საკითხის სიმწვავისათვის ხაზის გასმა და ზოგიერთი ორიგინალური დასკვნების გაკეთება ზიბელის შრომის დადებით მხარეზე მიუთითებს.

მაგრამ ზიბელის შრომას სერიოზული ნაკლოვანი მხარეებიც გააჩნია. კონსერვატიული და იდეალისტური თვალსაზრისი, „დიდ ადამიანთა“ წინა პლანზე წამოწევა, ისტორიაში მასების როლის უგულვებლყოფა, ზედაპირული მოვლენების ისტორიული პროცესის მთავარ ფაქტორებად მიჩნევა წითელ ზოლად გასდევს მთელ შრომას. ამას უნდა დაემატოს ნაციონალისტური ტენდენცია. საფრანგეთ-გერმანიის ურთიერთობის მიმოხილვისას ზიბელის ნაციონალისტური შეზღუდულობა და სულსკვეთება განსაკუთრებით მკაფიოდ ვლინდება.

რუსეთ-საფრანგეთის მოცემული პერიოდის ურთიერთობის რთული კომპლექსის საფუძვლიანი ანალიზის ნაცვლად ზიბელი მხოლოდ ფაქტების კონსტატაციით და ზერეულ თხრობით კმაყოფილდება. ზიბელი დიდ ადგილს უთმობს პავლე I-ის პიროვნებას და მეფობის გაშუქებას, რათა ხაზი გაუსვას მის გადამწყვეტ გავლენას რუსეთ-საფრანგეთის ურთიერთობის ბედ-იღბალზე. საფრანგეთის

მიმართ პავლე I-ის მიერ აღებული კურსის არათანაბარმიმდევრობის ახსნას ზიბელი ამ იმპერატორზე ფავორიტთა გავლენას უკავშირებს.

იტალიელ დიპლომატ ე. გრეპის შრომაში— „Révélation diplomatiques sur les relations de la Sardaigne avec l'Autriche et la Russie pendant la première et la deuxième coalitions“, Paris, 1859¹—ძირითად საკვლევო საკითხთან დაკავშირებით აღძრულია რუსეთ-საფრანგეთის ურთიერთობის საკითხები მოცემულ პერიოდში.

როგორც იტალიელი ნაციონალისტი და მისი სამშობლოს დამონებელი ავსტრიის შეუთრეგებელი მტერი, გრეპი სარდინიის ურთიერთობას ავსტრიასთან და რუსეთთან პირველი და მეორე ანტიფრანგული კოალიციის წლებში განიხილავს ტენდენციურად, თავისი სუბიექტური განწყობილების შესაბამისად. იგი სარდინიის მიერ მაშინ განცდილ უბედურებათათვის ბრალს დებს არა იმდენად საფრანგეთს, რამდენადაც ავსტრიას და მის მთავრობას, რომელსაც ამ ქვეყნის მიმართ მხოლოდ მტაცებლური ზრახვები ამოქმედებდა. რუსეთის მთავრობას, პირადად ეკატერინე II-ს და პავლე I-ს გრეპი სიმპათიით ეპყრობა და მათ იტალიის მეგობრებად თვლის. განსაკუთრებით მადლობის გრძნობით არის იგი გამსჭვალული პავლე I-ის მიმართ, მას იტალიის მფარველს და მზრუნველს უწოდებს. ამ პრიზმის ქვეშ განიხილავს იგი რუსეთის და პირადად პავლე I-ის პოლიტიკას იტალიის სახელმწიფოების მიმართ, რუსეთ-ავსტრიის ქიშობას ამ ნიადაგზე. რუსეთის გამოხვლას მეორე ანტიფრანგული კოალიციის შემადგენლობიდან, ავსტრია-რუსეთის დაპირისპირებას და სხვ.

საერთოდ გრეპის შეხედულება და დასკვნები მოცემულ საკითხზე არ გამოორჩევა სიღრმით და ორიგინალობით. მისთვის დამახასიათებელია ფაქტოლოგია, მოჩვენებითი ობიექტივიზმი და იდეალისტური კონცეფცია. გრეპის მოცემულ შრომას ჩვენთვის იმდენად აქვს მნიშვნელობა, რამდენადაც მასში გამოვლინებულია იტალიელი ავტორის თვალსაზრისი საკვლევო პრობლემის ცალკეულ საკითხზე².

¹ წიგნი დაწერილია ფრანგულ ენაზე.

² ჟურნალში „Вопросы истории“ № 12, 1956 წ., დაიბეჭდა ცნობილი იტალიელი ისტორიკოსის ჯ. უ. ზეკე ბერტის წერილი: „რუსეთის და იტალიის სახელმწიფოების ურთიერთობა (XVIII საუკუნის დასასრულიდან 1860 წლამდე)“. წერილის ავტორი ემყარება როგორც იტალიის, ისე რუსეთის საგარეო პოლიტიკის არქივსაცავში არსებულ მასალებს. მაგრამ წერილი მოცემული ურთი-

ამერიკელი კაპიტანი ალფრედ ტ. მეხენი თავის ნაშრომში „Влияние морской силы на Французскую революцию и империю“ (1793—1819, тт. 1—2, М., 1940) გაკვრით შეეხო ჩვენს საკვლევო პრობლემასთან დაკავშირებულ ზოგიერთ საკითხს.

მაგალითად, იგი იხილავს აღმოსავლეთის საკითხს, ინგლის-საფრანგეთის ბრძოლას მალტისათვის, ნაპოლეონის ლაშქრობას ეგვიპტეზე, მის წარუმატებლობას და სხვ. ამ საკითხებთან მკიდრო კავშირში აქვს მას განხილული რუსეთ-საფრანგეთის ურთიერთობის ცალკეული საკითხები, კერძოდ, რუსეთის ჩაბმა მეორე ანტიფრანგულ კოალიციაში, ამ კოალიციის წარუმატებლობა და რუსეთის გამოსვლა მისი შემადგენლობიდან, ახალი მობრუნება რუსეთ-საფრანგეთის ურთიერთობაში 1800 წლიდან და სხვ. ამ საკითხების გაშუქების დროს ა. მეხენი წინა პლანზე აყენებს პავლეს და მისი პირადი სურვილით ხსნის რუსეთის მთავრობის ამა თუ იმ ნაბიჯს საფრანგეთის მიმართ. რუსეთის მთავრობის საგარეო პოლიტიკა, კერძოდ, საფრანგეთის მიმართ აღებული კურსი მას მიაჩნია არათანმიმდევრულად და არაკანონზომიერად, რასაც თვით პავლე I-ის ხასიათის არათანმიმდევრობით და დაუდევრობით ხსნის. მეხენი ყურადღების გარეშე ტოვებს სოციალ-ეკონომიური ხასიათის ღრმა მიზეზებს, რომლითაც პირობადებული იყო რუსეთ-საფრანგეთის ურთიერთობა პავლე I-ის მეფობის წლებში.

ა. მეხენი ბურჟუაზიული ისტორიოგრაფიის ე. წ. „ნაციონალისტური სკოლის“ წარმომადგენელია და ამერიკის აგრესიული მარინიზმის „მამად“ ითვლება. იგი ამ სკოლის კონცეფციის შესაბამისად აშუქებს შრომაში აღძრულ საკითხებს; გადაჭარბებით აფასებს ფლოტის როლს. ინგლისის გამარჯვებას საფრანგეთზე და ნაპოლე-

ერთობის მოკლე აღწერას წარმოადგენს და მოკლებულია კვლევით ხასიათს. მასში მხოლოდ გაკვრით არის მოცემული რუსეთის ურთიერთობა იტალიის სახელმწიფოებთან (ნეაპოლის, სარდინიის და ა. შ.) 1797—1801 წლებში. აღნიშნული პერიოდის მიმოხილვას დამოძილი აქვს ერთი გვერდი, სადაც აღნიშნულია, რომ რუსეთის მიმართ დამოუკიდებელ პოლიტიკას იტალიის მხოლოდ ორი სახელმწიფო ატარებდა. ეს სახელმწიფოები იყო სარდინიისა და ნეაპოლიტანიის სამეფოები. ავტორის აზრით, აღნიშნულ სახელმწიფოთა მეფეები ცდილობდნენ გამოეყენებინათ რუსეთის იმპერატორი პავლე I რევოლუციური საფრანგეთის წინააღმდეგ ბრძოლაში. ამავე დროს ავტორი ხახვასმით აღნიშნავს ინგლისის მნიშვნელოვან გავლენას სარდინიისა და ნეაპოლიტანიაზე, თუმცა მისი აზრით ნეაპოლიტანიაში შედარებით უფრო მეტად იგრძნობოდა ეს გავლენა, ვიდრე სარდინიაში, სადაც მას რუსეთი მეტოქეობდა. დასახ. წერილი, გვ. 55—56.

ონის იმპერიის დამხობას იგი ძირითადად ინგლისის ფლოტის ძლიერებას და მის ოპერაციებს მიაწერს. მეხენი ქება-დიდებას ასხამს ინგლისის საგარეო პოლიტიკას, პიტი უმცროსის დიპლომატიას და ინგლისის ომს საფრანგეთის წინააღმდეგ უწოდებს სამართლიან, თავდაცვით ომს, რომელიც, თითქოს, მშვიდობისა და უშიშროების დაცვას ისახავდა მიზნად. იგი ამავე დროს მეორეხარისხოვან როლს აკუთვნებს რუსეთს იმდროინდელ ევროპის ამბებში და სავსებით ჩქმალავს რუსეთის ფლოტის ბრწყინვალე ოპერაციებს ხმელთაშუა ზღვის აუზში.

იმ ინგლისელი ისტორიკოსებიდან, რომლებმაც თავიანთ ისტორიულ შრომებსა და კრებულებში გაკვირვებით გააშუქეს რუსეთ-საფრანგეთის ურთიერთობის რთულ კომპლექსთან დაკავშირებული საკითხების ნაწილი, პირველ რიგში უნდა დავასახელოთ: ჰ. დოიჩი¹, ჯ. როზი², ს. როზი³, რ. მოუატი⁴, გ. გუჩი⁵, ს. ედუარდსი⁶.

ჩვენ საქიროდ არ მიგვაჩნია აღნიშნულ ინგლისელ ავტორთა ნაშრომების გარჩევა და მათში გატარებული თვალსაზრისის კრიტიკულად შეფასება. ამას გვიკარნახებს, პირველ ყოვლისა ის, რომ აღნიშნული ავტორები თავიანთ შრომებში ჩვენ საკვლევო პრობლემებს მხოლოდ გაკვირვებით ეხებიან და სავსებით გვერდს უვლიან პრობლემის კვანძის ანალიზს: მეორეც — მათგან მოტანილი ცნობები სქემატურია და უმთავრესად რუსი და ფრანგი ისტორიკოსების მასალას ემყარება, ბევრ შემთხვევაში მათ თვალსაზრისის იმეორებს. დაბოლოს, მათგან მოტანილი ცნობები აღწერილობითი ხასიათისაა და არავითარ სიახლეს არ შეიცავს.

შრომში აღძრულ ზოგ საკითხებს ეს ავტორები ინგლისური ნაციონალისტური პოზიციიდან ამუქებენ და არსებითად სწორედ ამ თვალსაზრისით არიან საინტერესო ისინი ჩვენთვის. მაგალითად, მეორე ანტიფრანგული კოალიციის შექმნა, ამ კოალიციის ომი სა-

¹ Harold Deutsch, The genesis of Napoleonic imperialism, Cambridge, 1938.

² John H. Rose. The life of Napoleon I, London, 1907. t. I; მისივე, Life of William Pitt, London, 1923, tt. 1—2.

³ Stanhope Rose, Life of the right honourable William Pitt, London, 1862.

⁴ R. B. Mowat, The diplomacy of Napoleon, London, 1924.

⁵ G. P. Gooch. Europe and French Revolution (მოთ. კრებულში The Cambridge moderne history, t. 8—XXV, 1900).

⁶ H. Suterland Edwards, Russian projects against India from the czar Peter to general Skobeleff..., London, 1885.

ფრანგეთის წინააღმდეგ და მისი შედეგები აღნიშნულ ავტორებს სწორედ ამ პრიზმით აქვთ განხილული. მთელ პასუხისმგებლობას მეორე ანტიფრანგული კოალიციის შექმნისათვის ისინი საფრანგეთის დირექტორიას აკისრებენ, თანაც უარყოფენ ამ ომის უსამართლო, აგრესიულ ხასიათს კოალიციის მხრივ. თვით კოალიციის დაშლაში მთავარ დამნაშავედ მათ რუსეთის მეფის მთავრობა და პირადად პავლე I მიაჩნიათ. ასევე აშუქებენ ისინი პავლე I-ის და ნაპოლეონ ბონაპარტის დაახლოების და ინგლის-რუსეთის კავშირის გაწყვეტის ამბებს. ისინი აქაც საბრალოდებულო სკამზე სვამენ რუსეთის იმპერატორს და მას ინგლისისადმი მტრულ ზრახვებს მიაწერენ.

დასახელებულ ინგლისელ ისტორიკოსთაგან ცალკე უნდა აღინიშნოს ედუარდსი, რომელიც თავის ნაშრომში რუსული პროექტების შესახებ ინდოეთის მიმართ ცდილობს დაამტკიცოს, რომ რუსეთის ცარიზმი ისტორიულად მტრულად იყო განწყობილი ინგლისის ბატონობისადმი ინდოეთში, ცდილობდა მის იქიდან გამოძევებას და მისი ადგილის დაქერას. ამ თვალსაზრისის შესატყვისად განიხილავს იგი რუსეთ-საფრანგეთის ერთობლივი ლაშქრობის გეგმას ინდოეთისაკენ პავლე I-ისა და ნაპოლეონ ბონაპარტის დაახლოების დროს 1801 წ. დასაწყისში.

საბჭოთა ისტორიკოსებმა აკად. ე. ტარლემ, პროფესორებმა ს. ოკუნმა, ე. ბურჯალოვმა, რ. ლანინმა, ა. ნაროჩნიცკიმ, კ. ნოტმანმა, რ. ავერბუხმა, ა. პრესნოვმა, ვ. სამოილოვმა და სხვებმა, რომლებიც ირკვევდნენ XVIII—XIX საუკუნის მიჯნის პერიოდს, თავიანთი აზრი გამოთქვეს რუსეთ-საფრანგეთის იმდროინდელი ურთიერთობის შესახებ.

განსვენებულმა აკად. ე. ტარლემ თავის ნაშრომებში: „Наполеон“, М., 1942; „Талейран“, М., 1948; „Адмирал Ушаков на Средиземном море“, ნაპოლეონ ბონაპარტის, ტალეირანის და აღმირალ უშაკოვის ცხოვრებისა და მოღვაწეობის გაშუქებისას აღძრა რუსეთ-საფრანგეთის მოცემული პერიოდის ურთიერთობის ცალკეული საკითხი და პასუხი გასცა მას. შედარებით მეტი ადგილი დაუთმო მან ამ საკითხს თავის ნაშრომში აღმირალ უშაკოვის შესახებ.

ამ ნაშრომში ე. ტარლე განიხილავს აღნიშნულ ურთიერთობასთან კავშირში მყოფ შემდეგ საკითხებს: ნაპოლეონის ლაშქრობას აღმოსავლეთში, მალტის დაპყრობას, ეგვიპტეში შეჭრას და ამასთან დაკავშირებით რუსეთში გამოწვეულ შემფოთებას; რუსეთ-თურქეთის თავდაცვითი კავშირის შექმნას, რუსეთის ჩაბმას მეორე ანტი-

ფრანგულ კოალიციაში, კოალიციის შინაგან წინააღმდეგობას, ავსტრიისა და ინგლისის დაპყრობით ზრახვებს, ფრანგთა აგრესიას იტალიასა და ხმელთაშუა ზღვის აუზში, 1799 წლის ომს, რუსეთის წამყვან როლს ამ ომში, ამ ომის შედეგებს და ა. შ. ნაშრომში ვრცლადაა გაშუქებული რუსეთის ესკადრის ოპერაციები ხმელთაშუა ზღვის აუზში და ადმირალ უშაკოვის როლი ამ ოპერაციების წარმატებაში. ავტორი აღნიშნულ საკითხებს განიხილავს მისთვის ჩვეული ერუდიციით, დიდძალი წყაროების, მემუარული მასალებისა და სხვა ხასიათის ლიტერატურის ანალიზის საფუძველზე.

ბურჟუაზიული ისტორიკოსებისაგან განსხვავებით, ე. ტარლე არ კმაყოფილდება მარტო ფაქტების გადმოცემით და ზედაპირული მოვლენების აღწერით. იგი, ოსტატურად იმარჯვებს რა მარქსისტულ-ლენინურ მეთოდოლოგიას, საფუძვლიან ანალიზს უყენებს განსახილველ საკითხებს, ნათელყოფს მათ შორის არსებულ კავშირს და არკვევს იმ ეკონომიურ, პოლიტიკურ და სამხედრო-სტრატეგიული ხასიათის მოტივებს, რომლებითაც განპირობებული იყო მეტამორფოზები ევროპის სახელმწიფოთა ურთიერთობაში. მაგ., რუსეთსა და საფრანგეთს შორის არსებული ანტაგონიზმის ნათელსაყოფად ე. ტარლე სხვა ფაქტორებთან ერთად ყურადღებას აქცევს აღმოსავლეთის საკითხის დიდ როლს და მოტანილი მასალების ანალიზისა და განზოგადოების საფუძველზე იძლევა მის დასაბუთებას.

მაგრამ ე. ტარლე დასახელებული ნაშრომების გარკვეული მიზანდასახულობისა და მოცულობის გამო ჩვენი საკვლევო პრობლემის მხოლოდ ზოგიერთ საკითხს აშუქებს და ისიც შედარებით მოკლე ქრონოლოგიურ ჩარჩოებში, გაკვრით და მოკლედ. ამიტომ, ბუნებრივია, რომ, სწორი მეთოდოლოგიური პრინციპების მომარჯვების, ღრმა ანალიზისა და საფუძვლიანი დასკვნების მიუხედავად, მას არ შეეძლო მოეცა პრობლემის მთელი კომპლექსის რამდენადმე ნათელი სურათი.

რუსეთის საგარეო პოლიტიკას საერთოდ, კერძოდ კი მის ურთიერთობას საფრანგეთთან XVIII ს. დასასრულისა და XIX ს-ის დამდეგისათვის აშუქებს პროფ. ს. ოკუნი (С. В. Окунь) თავის ნაშრომში: „Очерки истории СССР, конец XVIII—первая четверть XIX века“, Ленинград, 1956.

რუსეთის ისტორიის სხვა საკითხებთან ერთად დასახელებულ ნაშრომში პროფესორი ოკუნი ქრონოლოგიური თანმიმდევრობით

აშუქებს რუსეთის საგარეო პოლიტიკასაც. მაგრამ ვინაიდან XVIII — XIX სს. მიჯნაზე რუსეთის საგარეო პოლიტიკის ფოკუსში საფრანგეთის რევოლუციური იდეების წინააღმდეგ ბრძოლა იყო მოქცეული, ამდენად, ბუნებრივია, რომ ოკუნი სერიოზულ ყურადღებას აქცევს ამ საკითხს.

ოკუნი აღნიშნული საკითხის მიმოხილვას იწყებს პავლე I-ის მეფობით, მისი საგარეო პოლიტიკური პრინციპების დადგენით, ამასთან ერთად იგი იძლევა მრავალი ისტორიკოსის ურთიერთსაწინააღმდეგო შეხედულებათა სამართლიან კრიტიკას.

ეხება რა პავლე I-ის დამოკიდებულებას ეკატერინე II-ის მემკვიდრეობისადმი საგარეო პოლიტიკის დარგში, ავტორი ასახელებს იმ ნაბიჯებს, რომელიც პავლემ გადადგა საფრანგეთთან ურთიერთობაში. აქვე იგი განიხილავს რუსეთის დიპლომატიურ ნაბიჯებს ავსტრიისა და პრუსიის მიმართ კამპო-ფორმიოს ზავის დადებამდე.

ზაზგასმით აღნიშნავს რა საფრანგეთთან მორიგების შეუძლებლობას, ავტორი ჩამოთვლის იმ პოლიტიკურ და სამხედრო-სტრატეგიულ მოტივებს, რომლებიც საფუძვლად დაედო რუსეთის იმპერატორის გადაწყვეტილებას — შეეკოწიწებინა ანტიფრანგული კოალიცია და მისი ერთ-ერთი ორგანიზატორი გამხდარიყო. ამის შემდეგ ავტორი განიხილავს 1799 წლის ომს საფრანგეთის წინააღმდეგ, კერძოდ სუვოროვის ბრწყინვალე ოპერაციებს იტალიასა და შვეიცარიაში და ამ ოპერაციების შედეგებს. გზადაგზა იგი ეხება იმ დიპლომატიურ თუ სხვა ხასიათის ქიშპობას, რომელიც გაჩაღდა ანტიფრანგული კოალიციის რიგებში, კერძოდ რუსეთსა და ავსტრიას შორის.

დაბოლოს, ავტორს მოცემული აქვს ცნობები ანტიფრანგული კოალიციის დაშლის, მისი რიგებიდან რუსეთის გამოსვლის, რუსეთ-საფრანგეთის დაახლოებისა და ნაპოლეონის და პავლე I-ის მოლაპარაკების შესახებ. პავლე I-ის საწინააღმდეგო შეთქმულების ორგანიზაციისა და მკვლელობის აქტის განხორციელების ფაქტის გამომცემით ავტორი ამთავრებს თხრობას ჩვენთვის საინტერესო საკითხების შესახებ.

ნაშრომის ხასიათი ავტორს საშუალებას არ აძლევდა ვრცლად და საფუძვლიანად განეხილა აღძრული საკითხები, გაცილებოდა ზოგადი თხრობის ფარგლებს და დებულებები და დასკვნები კონკრეტული მონაცემებით დაედასტურებინა. ზოგადობა, წყაროებსა

და ლიტერატურაზე მიუთითებლობა, დასკვნების არასაკმარისობა. მოცემული ნარკვევების მთავარ ნაკლს წარმოადგენს. ამასთან ერთად, ავტორს მხედველობის მიღმა რჩება რუსეთ-საფრანგეთის მოცემული პერიოდის მთელი რიგი მომენტები და განმსაზღვრელი ფაქტორები. მაგალითად, იგი მხოლოდ გაკვრით ეხება აღმოსავლეთის საკითხს და ეკონომიურ ფაქტორს, რომელთაც მუდამ დიდი მნიშვნელობა ჰქონდა ამ ორი ქვეყნის ურთიერთობისათვის.

ლანინი თავის წერილში „Внешняя политика Павла I в 1796—1798 гг.“ (ნარკვევი მოთავსებულია კრებულში „Ученые записки Ленинградского госуд. университета, серия история. наук, вып. 10, № 80, 1941, გვ. 3—44), საკმაოდ ვრცლად შეეხებო რუსეთ-საფრანგეთის ურთიერთობის ორი წლის მონაკვეთს.

წერილის დასაწყისში ავტორი გადმოსცემს სხვადასხვა ისტორიკოსის შეხედულებას პავლე I-ის მეფობის ხასიათისა და მისი საგარეო პოლიტიკის პრინციპების შესახებ, არჩევს ამ შეხედულებებს და იძლევა საკუთარ, არსებითად მართებულ დასკვნებს, ამასთან დაკავშირებით იგი განიხილავს პავლე I-ის საგარეო პოლიტიკის მიმართულულებას მისი გამეფების დასაწყისისათვის და მის შემაპირობებელ ფაქტორებს. ის მხედველობიდან არ უშვებს ეკატერინე II-ის საგარეო პოლიტიკისა და პავლე I-ის გამეფების საწყისი პერიოდის საგარეო პოლიტიკური ნაბიჯების შედარებას და მათი მსგავსებად აპირისპირების ჩვენებას.

ამ ზოგადი შესავლის შემდეგ ლანინი მოკლედ აღწერს ნაპოლეონის ოპერაციებს იტალიაში, ავსტრიის დამარცხებას და რუსეთის ცდას — ხელი შეეშალა საფრანგეთის აგრესიის შემდგომი გაფართოებისათვის ავსტრიის ხარჯზე საფრანგეთ-ავსტრიის ურთიერთობაში ჩარევის გზით. ასევე მოკლედ მიმოიხილავს იგი რუსეთ-საფრანგეთის მოლაპარაკებას ბერლინში, მის წარუმატებლობას. პრუსია-ავსტრიის ურთიერთობაში არბიტრის როლში რუსეთის გამოსვლის წარუმატებლობას და კამპო-ფორმიის ზავის შედეგებს რუსეთისათვის.

საკმაოდ ვრცლად და თანმიმდევრობით განიხილავს ლანინი მეორე ანტიფრანგული კოალიციის მომზადებას, ნაპოლეონის ლაშქრობას აღმოსავლეთში და მის შედეგად რუსეთის პოზიციის თანდათანობით მკვეთრ შემობრუნებას საფრანგეთის წინააღმდეგ. აქვე ხაზგასმულია აღმოსავლეთში ნაპოლეონის აგრესიის და პოლონეთ-

ში ფრანგთა ძირგამომთხრელი საქმიანობის დიდი როლი საფრანგეთის წინააღმდეგ ომში რუსეთის ჩაბმის საქმეში.

ავტორი მხედველობიდან არ უშვებს რუსეთის დაინტერესებას კუნძული მალტით, რეპნინის მისიას ბერლინში, მის წარუმატებლობას და სხვ. სერიოზულ ყურადღებას აქცევს ხმელთაშუა ზღვის აუზის, კერძოდ იონიის კუნძულების ბედის საკითხს და რუსეთის როლს კოალიციაში ავსტრიის ჩაბმის საქმეში.

ლანინს ნაშრომის დასკვნით ნაწილში განხილული აქვს ღონისძიებები, რომლებიც პავლე I-მა განახორციელა მეორე ანტიფრანგული კოალიციის შექმნის დასაჩქარებლად ფრანგების წინააღმდეგ (პრუსიაზე ზემოქმედების მოხდენა, ინგლისთან და ნეაპოლის სახელმწიფოსთან ხელშეკრულების დადება, ჯარების დაძვრა დასავლეთისაკენ, ავსტრიის გამოყვანა ნეიტრალური მდგომარეობიდან და ა. შ.), აქვე ჩამოყალიბებულია ის მიზნები, რომლებიც ამოქმედებდა პავლე I-ს, როცა იგი ანტიფრანგულ კოალიციაში ებმებოდა, და კოალიციის საომარი ღონისძიებები, რომლებიც 1798 წლის დასასრულისათვის განახორციელა პავლემ საფრანგეთის წინააღმდეგ.

საკითხთა წყების საფუძვლიანი განხილვა, მართებული დასკვნები და განზოგადებები, რუსეთ-საფრანგეთის ურთიერთობის ცვლილებებისათვის ძირითადად სწორი მიზეზების მონახვა ლანინის წერილის ღირსებაზე მიუთითებს.

მაგრამ, ამასთან ერთად, უნდა აღინიშნოს, რომ ლანინის ნარკვევს შეზღუდული ხასიათი აქვს. იგი ვიწრო ქრონოლოგიური ჩარჩოებითაა შემოფარგლული. ავტორს არ გამოუყენებია მთელი რიგი არსებითი ხასიათის გამოქვეყნებული დოკუმენტები და საარქივო მასალა. მას აგრეთვე ყურადღება არ მიუქცევია რუსეთ-საფრანგეთის ურთიერთობის ზოგი მნიშვნელოვანი მხარისათვის, რაც, რასაკვირველია, წარმოადგენს მოცემული ნარკვევის ნაკლოვან მხარეებს.

ე. ბურჯალოვი ლექციის სტენოგრამაში („Царизм в борьбе с Французской революцией“, стеногр. лекций, М., 1940) ზოგადად ეხება XVIII — XIX საუკუნეების მიჯნის რუსეთ-საფრანგეთის ურთიერთობას და თავის მოსაზრებებს გამოთქვამს მის შესახებ.

ვინაიდან ლექციის ამოცანაა იმ ნაბიჯების ჩვენება, რაც მეფის რუსეთმა საფრანგეთის რევოლუციის გასანადგურებლად და მისი „გამხრწნელი“ გავლენის აღსაკვეთად გადადგა, ბუნებრივია, საფრანგეთ-რუსეთის ურთიერთობაც ავტორს ამასთან დაკავშირებით

და ამ ასპექტში აქვს განხილული. 45 გვერდიანი საჯარო ლექციის სტენოგრაფია ავტორს საშუალებას არ აძლევდა ვრცლად შეჩერებულყო მოცემულ საკითხზე და თან საჭირო წყაროები და ლიტერატურა მოეტანა. ამიტომ ავტორის თხრობისათვის დამახასიათებელია სქემატურობა, ზოგადობა და კონსპექტურობა.

ლექციის სტენოგრაფიის დასაწყისში ბურჯალოვი მოკლედ ეხება საფრანგეთის დიდი ბურჟუაზიული რევოლუციის გამოძახილს რუსეთში და იმ ღონისძიებებს, რომელნიც ეკატერინე II-ემ განახორციელა აღნიშნული რევოლუციის „გამხარწველი“ გავლენის აღსაკვეთად. ამის შემდეგ იგი განიხილავს პოლონეთის საკითხს, ეკატერინე II-ის დამოკიდებულებას პირველი ანტიფრანგული კოალიციისადმი და საფრანგეთის წინააღმდეგ იმ ნაბიჯებს, რაც მან სიკვდილის გამო სისრულეში ვერ მოიყვანა.

ავტორს ზოგად ხაზებში მოცემული აქვს ცნობები იმ ღონისძიების შესახებ, რომელიც პავლე I-მა განახორციელა არსებული სოციალური წყობის განსამტკიცებლად და „შფოთის“ აღმოსაფხვრელად.

ასევე მოკლედ მიმოიხილავს ავტორი მეორე ანტიფრანგული კოალიციის ორგანიზაციას, პავლე I-ის ჩაბმას მასში, ამ კოალიციის ომს საფრანგეთის წინააღმდეგ, კოალიციის მიზნებს, ამოცანებს და მის შედეგებს (დასკვნები ანტიფრანგული კოალიციის შედეგების შესახებ მართებელია, თუმცა მოკლეა).

ლექციის ბოლო ნაწილს ბურჯალოვი მიუძღვნის რუსეთის საგარეო პოლიტიკის კურსის შემობრუნებას და ამის განმეორებელ ფაქტორებს, ნაპოლეონისა და პავლე I-ის დაახლოებას და ამ დაახლოების ფინალურ აქტს — 11 მარტს პავლეს მკვლელობის სახით. აქვე იგი ჩამოთვლას იმ გარემოებებს, რომლებმაც მისი აზრით, მთავარი როლი შეასრულა საფრანგეთ-რუსეთის დაახლოების ცდის წარუმატებლობაში და დააჩქარა პავლეს საწინააღმდეგო შეთქმულების ორგანიზაცია.

მართალია, ბურჯალოვის ლექცია გამართული მსჯელობითა და დასკვნებით ხასიათდება, მაგრამ იგი ძალზე ზოგადია, სქემატური; და მხოლოდ პოპულარული ხასიათი აქვს.

ცალკეულ, ეპიზოდურ ცნობებს და დასკვნებს XVIII—XIX სს. მიჯნის რუსეთ-საფრანგეთის ურთიერთობის შესახებ იძლევიან საბჭოთა ავტორები: ნაროჟნიცი¹, ნოტმანი², პრესნოვი³, სამოილოვი⁴, ავერბუხი⁵ და სხვები. მაგრამ ვინაიდან ეს ცნობები სპორადულია და თანაც პოპულარულ ხასიათს ატარებენ, ამიტომ მათი ცალკეულად განხილვა ჩვენ ზედმეტად მივიჩნით.

¹ А. Л. Нарочницкий, Международные отношения европейских государств с 1791 по 1830 г., стен. лекц., Москва, 1946.

² К. В. Нотман, Внешняя политика царской России конца XVIII и начала XIX вв., Ленинград, 1933.

³ А. Преснов, Царская Россия и революция 1789 г., „Историч. журнал“, № 2, 1937, გვ. 60—70.

⁴ В. И. Самойлов, Внутренняя и внешняя политика Павла I (1796—1801 гг.), Хлебниково, 1946.

⁵ Р. Авербух, Политика европейских держав накануне и в первые годы Французской революции (1789—1791), „Труды госуд. инстит. истории и литер. им. Н. Г. Чернышевского“ т. VI, М., 1940, გვ. 150—164.

თავი II

რუსეთისა და საუკანგეთის სოციალ-დემოკრატიული მდგომარეობა და მათი ურთიერთობა 1789—1796 წლებში

1. რუსეთის თავადაზნაუკულ-ბატონყვარული მონარქია XVIII საუკუნის დასაწყის (მოკლე მიმოხილვა)

რუსეთის ბატონყმურ-ფეოდალურ-სამონარქო იმპერია XVIII საუკუნის მეორე ნახევარში, კერძოდ, ეკატერინე II-ის მეფობის უკანასკნელ წლებში მოსახლეობის სიმრავლით, ტერიტორიითა და პოლიტიკური მნიშვნელობით ერთ-ერთი ყველაზე დიდი და ძლიერი სახელმწიფო იყო ევროპაში. ევროპის სახელმწიფოთა იმდროინდელ საგარეო პოლიტიკურ ურთიერთობათა ჯაჭვში რუსეთის როლი მეტად დიდი იყო, ცალკეულ მომენტებში კი — გადამწყვეტიც. როგორც განსვენებული საბჭოთა ისტორიკოსი კ. ბაზილევიჩი წერდა, რუსეთის ცარიზმის როლი ევროპის პოლიტიკურ ცხოვრებაში იმდენად დიდი იყო, რომ უმისოდ ევროპის ცხოვრების წარმოდგენა თითქმის შეუძლებელია¹.

დიდი ტერიტორია, მრავალრიცხოვანი მოსახლეობა, მრავალფეროვანი ბუნებრივი სიმდიდრეები, მოხერხებული გეოგრაფიული მდებარეობა და ძლიერი ბრძოლისუნარიანი არმიის ყოლა ამ იმპერიის სიძლიერის მთავარ განმაპირობებელ ფაქტორებს წარმოადგენდა; ამ საქმეში მცირე როლს როდი ასრულებდა სუსტი სახელმწიფოების მეზობლობა (თურქეთი, შვეცია, პოლონეთი), რომლებიც ერთმანეთთან ბრძოლით და რუსეთის წინააღმდეგ წარმოებული

¹ К. В. Базилевич, Прогрессивная роль России в политической жизни Европы, М., 1949, гл. 3 და შემდეგი.

ომებით სასტიკი დამარცხების შედეგად იქცნენ განაწილების ობიექტებად.

ახსიათებდა რა რუსეთის ამ მეზობლებს და მათ ურთიერთობას რუსეთთან, ფ. ენგელსი შემდეგს წერდა: მიუღვამელი ქვეყნის (რუსეთის — ვ. დ.) მეზობლები მთლიანად იყვნენ ისეთი ქვეყნები, რომლებმაც დაცემა განიცადესო. „...ჩრდილოეთით—შვეიცია, რომლის ძალა და პრესტიჟი დაეცა სახელდობრ იმის შედეგად, რომ კარლოს XII შეეცადა შეჭრილიყო რუსეთის სიღრმეში. ამით მან დაიღუპა თავისი თავი და ყველას დაანახვა რუსეთის უვნებლობა (неуязвимость), სამხრეთით—თურქები და მათი მოხარკე, ყირიმელი თათრები, რომლებიც ძველი დიდების მხოლოდ ნამსხვრევებს წარმოადგენენ — სრული დაშლის მდგომარეობაში მყოფი პოლონეთი, თავადაზნაურობის რესპუბლიკა... თავისი კონსტიტუციის გამო რაიმე ნაციონალური მოქმედებისათვის უნარმოკლებული და ამით განწირული თავისი მეზობლების იოლ ნადავლად ქცეულიყო“¹.

რუსეთის ბატონყმურ-თავადაზნაურული იმპერია ეკატერინე II-ის მეფობის პერიოდში ვითარდებოდა იმ სოციალურ-ეკონომიური პროცესებისა და საგარეო პოლიტიკური ხაზის შესატყვისად, რომელსაც ჯერ კიდევ პეტრე I-ის მეფობის პერიოდში ჩაეყარა საფუძველი. ეს პროცესები აღმოცენდა იმ სარეფორმო ღონისძიებების შედეგად, რომლებიც გაატარა პეტრემ და რომლებიც შეეხო ცხოვრების ყველა მხარეს. ამ სარეფორმო ღონისძიებებს რუსეთის თავადაზნაურული მონარქიის შემდგომი განვითარებისათვის უდავოდ პროგრესული მნიშვნელობა ჰქონდა.

პეტრე I-ის მიერ გატარებული რეფორმები კლასობრივი ხასიათის იყო და თავადაზნაურთა და ახლად ჩასახულ ვაჭართა ინტერესებს ემსახურებოდა. იგი მიზნად ისახავდა ექსპლოატატორული კლასების ბატონობის განმტკიცებას და მშრომელთა, პირველ რიგში, გლეხობის ექსპლოატაციის შემდგომ გაძლიერებას.

რუსეთის თავადაზნაურობის კლასობრივი ინტერესები მოითხოვდა ტექნიკურ-ეკონომიური და სამხედრო ჩამორჩენილობის ლიკვიდაციას და არმიის ბრძოლისუნარიანობის გადიდებას. ეს საჭირო იყო არა მარტო ქვეყნის თავდაცვისუნარიანობის გასაძლიერებლად, არამედ მშრომელი მასების აქტივობის და წინააღმდეგობის ძალების ჩასახშობად. პეტრემ მოახერხა იმ ამოცანების გადაწყვეტის გზების პოვნა, იმ ძალებისა და საშუალებებისა, რომლებიც ქვეყნის

¹ К. Маркс и Ф. Энгельс, Соч., т. XVI, ч. II, гл. 9—10.

სოციალურ-ეკონომიური განვითარებით იყო დასმული, თუმცა, იგი როგორც ვ. ი. ლენინი აღნიშნავდა: „...ბარბაროსობასთან ბრძოლაში არ ერიდებოდა ბარბაროსულ საშუალებათა გამოყენებას“¹.

„...პეტრე დიდმა, — ამბობდა ი. ბ. სტალინი გერმანელ მწერალ ემილ ლუდვიგთან საუბარში, — რა თქმა უნდა, ბევრი რამ გააკეთა მემამულეთა კლასის ასამაღლებლად და ახლად გაჩენილ ვაჭართა კლასის განსავითარებლად. პეტრემ ძალიან ბევრი გააკეთა მემამულეთა და ვაჭართა ეროვნული სახელმწიფოს შესაქმნელად და განსამტკიცებლად. უნდა ითქვას აგრეთვე, რომ მემამულეთა კლასის ამაღლება, ახლად გაჩენილი ვაჭართა კლასისათვის ხელის შეწყობა და ამ კლასების ეროვნული სახელმწიფოს განმტკიცება ხდებოდა ყმა გლეხობის ხარჯზე, რომელსაც სამმაგ ტყავს აძრობდნენ“².

გაბატონებული კლასების ინტერესების შესატყვისად პეტრეს მიერ გატარებული რეფორმები ეკონომიურ, ადმინისტრაციულ, სამხედრო, ვაჭრობის, დიპლომატიურ და კულტურის დარგებში (კერძოდ, ღონისძიებებს მრეწველობისა და სოფლის მეურნეობის განსავითარებლად, გზების და არხების მშენებლობა, ვაჭრობისა და ვაჭრების მფარველობა, სამამულო ფლოტის შექმნა და სხვ.) ხელს უწყობს რუსეთის თვითმპყრობელური სახელმწიფოს განმტკიცებას, ბიძგს აძლევს ერთიანი ეროვნული ბაზრის შექმნას, ხელოსნობისა და მანუფაქტურების განვითარებას. იგი ფეოდალურ-ბატონყმური ურთიერთობის ჩარჩოებში ამზადებს ნიადაგს საწარმოო ძალთა შემდგომი განვითარებისა და ახალი საზოგადოებრივი ურთიერთობის ელემენტების ყლორტების გაფურჩქვნისათვის, კაპიტალისტური მეურნეობის ფორმების ჩასახვისათვის. სწორედ პეტრეს პოლიტიკის უშუალო შედეგს წარმოადგენდა რუსეთის სახელმწიფოს გაფართოება, გაძლიერება და მისი საერთაშორისო პოზიციების შემდგომი განმტკიცება.

პეტრე I-ის მმართველობაში საფუძველი ჩაეყარა შვეციის, თურქეთის, პოლონეთის, ინგლისის, გერმანიის, პოლანდიისა და იტალიის სახელმწიფოების მიმართ იმ ახალ პოლიტიკურ კურსს, რომელიც ახალ ვითარებას ქმნის ევროპის სახელმწიფოთა პოლიტიკურ ურთიერთობაში. ეს საგარეო პოლიტიკური კურსი შემდგომ განვითარებას ჰპოვებს მისი მემკვიდრეობის მეფობის წლებში.

იგივე უნდა ითქვას პეტრე I-ის საშინაო პოლიტიკის ისტორიული ბედის შესახებაც. პეტრეს შემდეგდროინდელი რუსეთის

¹ ვ. ი. ლენინი, თხზ., ტ. 27, გვ. 407.

² ი. ბ. სტალინი, თხზ., ტ. 13, გვ. 109—110.

ყველა მეფე და თვით ეკატერინე II განუხრელად ავითარებდნენ პეტრე I-ის მეფობაში გამოიშვავებულ პოლიტიკურ ხაზს, აძლიერებდნენ თავადაზნაურობის პოზიციებს, ამტკიცებდნენ ბატონყმობას და აღრმავებდნენ ყმა გლეხთა ექსპლოატაციას.

ეკატერინე II-ის მეფობის პერიოდში რუსეთის ფეოდალურ-აბსოლუტური მონარქია განიცდის შემდგომ ევოლუციას. ეს ევოლუცია გამოიხატა ქვეყნის საწარმოო ძალთა შემდგომ განვითარებაში, საერთო ეკონომიურ-კულტურულ აღმავლობაში, თავადაზნაურული დიქტატურის შემდგომ განმტკიცებაში, გლეხთა და სხვა მშრომელთა ექსპლოატაციის კიდევ უფრო გაღრმავებაში, დაბოლოს, ეს ევოლუცია გამოვლინდა რუსეთის მრავალერიანი სახელმწიფოს საერთაშორისო ავტორიტეტის შემდგომ გაძლიერებასა და ტერიტორიულ გაფართოებაში.

ეკატერინე II („კაბაგადაცმული და გვირგვინოსანი ტარტიუფი“, როგორც უწოდებდა მას პუშკინი, ან „დიდი მრუში“ ენგელსის გამოთქმით), წარმოშობით გერმანელი, რუსეთის საიმპერატორო ტახტს დაეუფლა სასახლის გადატრიალების შედეგად, რომელიც თავადაზნაურთა წრიდან გამოსულმა გვარდიის ოფიცრებმა მოახდინეს. ამას ანგარიში გაუწია ეკატერინემ და, განავითარა რა რუსეთის მემკვიდრეობით მიღებული საშინაო და საგარეო პოლიტიკა, წარმართა იგი თავადაზნაურთა ექსპლოატატორული კლასის პრივილეგიების და უფლებების შემდგომი გაფართოების მიმართულებით, მათი ექსპლოატატორული მისწრაფებების მაქსიმალური დაკმაყოფილების უზრუნველსაყოფად¹.

ფეოდალურ-ბატონყმური რეჟიმის კრიზისის გაღრმავება, კაპიტალისტური წარმოების წესის ჩასახვა და წინააღმდეგობა განვითარებაში მყოფ საწარმოო ძალებს და ძველ საწარმოო ურთიერთობათა შორის, ერთის მხრივ, და გლეხთა აჯანყების ტალღის აზვირთება, რომელიც მოედო რუსეთის იმპერიის ვრცელ ტერიტორიას, კერძოდ, გლეხთა დიდი აჯანყება პუგაჩოვის ხელმძღვანელობით,

¹ „ეკატერინე II-ის გამპრიაზობა იმაში გამოიხატებოდა.—წერს განსვენებული აკადემიკოსი ა. პანკრატოვა,—რომ მან გაიგო, თუ როგორ შეეძლო იმ ტახტის შენარჩუნება, რომელზედაც მას არავითარი უფლება არ ჰქონდა. ეფარებოდა რა ლიბერალურ ფრაზებს და ხაზს უსვამდა რა თავის ზრუნვას რუსი ხალხისადმი, რაც საუკუნით უცხო იყო მისთვის, იგი თანმიმდევრულად ამტკიცებდა ბატონყმურ ელემენტებს ქვეყანაში და მით მოიპოვა რუსეთის თავადაზნაურობის მხარდაჭერა, რომელსაც იგი საუკუნით სამართლიანად მიიჩნევდა რუსეთის სამეფო კარის გადაწყვეტ ძალად“. („Вопросы преподавания истории СССР в свете решений XX съезда КПСС“, М., 1956, გვ. 34).

მეორეს მხრივ, მეტად მნიშვნელოვან გავლენას ახდენს რუსეთის იმპერიის საშინაო და საგარეო პოლიტიკის ხასიათზე ეკატერინე II-ის მმართველობის წლებში და აძლევს მას უფრო და უფრო რეაქციულ ხასიათს, განსაკუთრებით 1789 წლიდან — საფრანგეთის ბურჟუაზიული რევოლუციის გაჩაღების დროიდან.

„განათლებულმა მონარქმა“—ეკატერინე II-ემ თავადაზნაურთა კლასობრივი ინტერესების შესატყვისად მთელი რიგი საკანონმდებლო აქტებით უკიდურესობამდე განავითარა ბატონყმური ინსტიტუტი და იგი გლეხობისათვის თითქმის აუტანელ რეჟიმად აქცია. 1765 და 1767 წლების ბრძანებულებებით ყმა გლეხთა უზომო ექსპლოატაციის უფლებასთან ერთად მან მემამულეებს მიანიჭა ასეთივე სრულყოფილი უფლება მათ მიმართ სასამართლო-საპოლიციო საქმეებშიაც. მემამულეებს უფლება ეძლეოდათ გაეყიდათ ყმა-გლეხები ოჯახის წევრებთან ერთად ან ცალკე, მიწით ან უმიწოდ, გაეგზავნათ ჯარში, გამოეყენებინათ მათ მიმართ ფიზიკური დასჯის ყოველი სახე ანდა გადაესახლებინათ ციხიბრში და ა. შ.

პუგაჩოვის მეთაურობით მომხდარი გლეხთა დიდი აჯანყების ჩახშობისა და თვით პუგაჩოვის სიკვდილით დასჯის შემდეგ რუსეთში სულისშემხუთავი თავადაზნაურული რეაქცია დამყარდა. დამთავრდა ე. წ. „განათლებული აბსოლუტიზმის“ ხანმოკლე პერიოდი. ქვეყნის მმართველობის თავადაზნაურული აპარატის გაძლიერებით, რომლის ამოცანა იყო გლეხთა მოსალოდნელი აჯანყებების აღკვეთა და საამისოდ შესაფერი პირობების შექმნა; თავადაზნაურობისათვის დამატებით ახალი პრივილეგიების მიცემით, რამაც ფიქსაცია ჰპოვა 1785 წელს „თავადაზნაურთა წყალობის სიგელში“, ყოველივე ამით რუსეთში სრულყოფილი თავადაზნაურული დიქტატურა დამყარდა.

ენგელსის თქმით, ეკატერინემ გლეხთა ჩაგვრა სრულყოფილი გახადა და დაავიკრავინა კანონმდებლობა, რომელიც „ნებას აძლევდა მემამულეებს სულ უფრო და უფრო ეყვლიფათ გლეხები, ისე რომ ჩაგვრა სულ უფრო და უფრო ძლიერდებოდა“¹.

თავადაზნაურთა კლასის პრივილეგიური მდგომარეობის განმტკიცება და მისთვის ყმა-გლეხობის განუსაზღვრელი ექსპლოატაციის შესაძლებლობის შექმნა, ახალი მიწების, ყმების და ბაზრების შექმნისათვის ხელის შეწყობა წარმოადგენდა ეკატერინეს საშინაო და საგარეო პოლიტიკის მაგისტრალურ ხაზს. მისი ასეთი პოლი-

¹ ფ რ. ე ნ გ ე ლ ს ი, ანტი-დიურინგი, თბ., 1952, გვ. 421.

ტიკა სავსებით კანონზომიერი და ბუნებრივი იყო, რადგან ეს ექსპლოატატორული კლასი მისი ბატონობის საყრდენს წარმოადგენდა.

მაგრამ, ამასთან ერთად ეკატერინე II, პეტრე I-ის მსგავსად, მნიშვნელოვან ყურადღებას აქცევდა მეორე ექსპლოატატორულ კლასს, ჯერ კიდევ სუსტს, მაგრამ აღმავალს — ქალაქის სავაჭრო-სამრეწველო ბურჟუაზიას. იგი ცდილობდა წახეხალისებინა, გაეთართობინა ამ უკანასკნელის საქმიანობის ასპარეზი; წამოეწია წინ და თავისი მფარველი ხელი არ მოეკლო მისთვის.

მსგავსად „თავადაზნაურობის წყალობის სიგელისა“, ეკატერინემ წყალობის ასეთივე სიგელი უბოძა ქალაქის ბურჟუაზიასაც. ეს სიგელი („грамота города“) „...აჯამებდა საუკუნის შედეგებს ქალაქთა მიმართ“. რუსეთის ისტორიაში იგი პირველად აძლევდა საერთო ორგანიზაციას არა მარტო ქალაქის მცხოვრებთა ცალკეულ ჯგუფებს, არამედ მთლიანად მის მოსახლეობას.

სოფლის მეურნეობა რუსეთის ბატონყმურ-მონარქიული სახელმწიფოს ეკონომიური ცხოვრების ძირითადი დარგი იყო. მაგრამ მიწებისა და მეურნეობის ხელმძღვანელობის მემამულეთა კლასის ხელში მოქცევა, ბატონყმური ურთიერთობის არსებობა, რომელიც მიწაზე ფეოდალურ საკუთრებასთან ერთად გულისხმობდა „გარეშე ეკონომიური იძულების“ მეტად მწვავე ფორმების გამოყენებასაც, აძირობებდა სოფლის მეურნეობის საერთო ჩამორჩენილობას, მის ექსტენსიურ ხასიათს. იგი აფერხებდა სასოფლო-სამეურნეო წარმოების განვითარებას, საწარმოო ძალთა წინსვლას და შრომის დაბალი ნაყოფიერების მიზეზი იყო. მიუხედავად ამ მუხრუჭების არსებობისა, წინა პერიოდთან შედარებით რუსეთის სოფლის მეურნეობამ XVIII საუკუნის მეორე ნახევარში მნიშვნელოვანი ნაბიჯები გადადგა.

სოფლის მეურნეობის ზრდა-განვითარების ტენდენცია ვლინდება ნათესი ფართობის შემდგომ გადიდებასა და მეურნეობის ინტენსიფიკაციაში; წარმოებაში ზოგიერთი ახალი სასოფლო-სამეურნეო კულტურების დანერგვასა და მოსავლიანობის გადიდებაში, პროდუქციის გაზრდაში. მაგრამ სოფლის მეურნეობის აღმავლობის აღნიშნული პროცესი არ იყო თანაბრად დამახასიათებელი იმპერიის ყველა ნაწილისათვის. იგი უფრო შესამჩნევე იყო ცენტრალურ და დასავლეთის ახლად შემოერთებულ გუბერნიებში.

სოფლის მეურნეობის განვითარებას სტიმულს აძლევდა რუსეთის მოსახლეობის ზრდა საერთოდ, კერძოდ კი, ქალაქებისა, და, მაშასადამე, მოთხოვნილების შემდგომი გადიდება სასოფლო-სამე-

ურნეო პროდუქტებზე. ამავე მიმართულებით მოქმედებდა მემამულეთა გაუმაძღარი მისწრაფება სიმდიდრის დაგროვებისაკენ. სავაჭრო კაპიტალის მნიშვნელოვანი რაოდენობით დაბანდება მიწათმოქმედებაში და ხელოსნური წარმოებისა და ბატონყმურ-გლეხური მანუფაქტურის (ნაწილობრივ ბურჟუაზიულისაც) ზრდა, რაც აგრეთვე იწვევდა სასოფლო-სამეურნეო ნედლეულზე მოთხოვნილების გადიდებას. ამ საქმეში მეტად მნიშვნელოვან როლს ასრულებდა რუსეთის საგარეო ვაჭრობის ზრდა. რუსეთის სასოფლო-სამეურნეო ნედლეულის და სურსათ-სანოვაგის მზარდი რაოდენობით ექსპორტი საზღვარგარეთ მძლავრ სტიმულს აძლევდა რუს მემამულეებს საექსპორტო კულტურების (სელი, კანაფი, ქერელი და სხვა) წარმოების მნიშვნელოვნად გადიდებაში.

XVIII საუკუნის მეორე ნახევარში რუსეთში სოფლის მეურნეობის გვერდით იზრდებოდა და ვითარდებოდა სასაქონლო-საბაზრო ურთიერთობა. მრეწველობა და ვაჭრობა ქვეყნის ეკონომიური ცხოვრების მნიშვნელოვან დარგებად იქცეოდა. მზადდებოდა ნიადაგი ერთიანი ეროვნული ბაზრის შექმნისათვის. ხელისუფლების მიერ გატარებული წამახალისებელი ღონისძიებები (პროტექციონისტული პოლიტიკა — უცხოეთიდან შემოზიდულ რიგ საქონელზე მაღალი ბაჟების დადება, სუბსიდიების მიცემა და სახელმწიფო დაკვეთების სისტემა) სხვა სტიმულთან ერთად ხელს უწყობდა სახალხო მეურნეობის ამ დარგების განვითარებას.

ლითონის ნაწარმი, მაუდი, შალეული და სელის ნაწარმი მნიშვნელოვანი რაოდენობით მზადდებოდა რუსეთში XVIII საუკუნის უკანასკნელ მესამედში. აღნიშნულ და მთელ რიგ სხვა საქონლის გამოშვება გასული საუკუნის ბოლო წლებთან შედარებით რამდენიმე ათეული პროცენტით გადიდდა. მანუფაქტურული ტიპის საწარმოები, თუ მხედველობაში არ მივიღებთ მრავალრიცხოვან სახელოსნოებს, XVIII საუკუნის დასასრულისათვის (1796 წ.) რამოდენიმე ათეული პროცენტით გაიზარდა და 1762 წელს არსებულ 984 ერთეულიდან 3161-ს მიაღწია (აქედან ყველაზე მნიშვნელოვანი რაოდენობა მოდიოდა ტყავის მრეწველობაზე — 848 მანუფაქტურა, აბრეშუმისაზე — 339; ტილოსაზე — 377; მაუდისაზე — 151; ქალალისაზე — 72 და ა. შ.)¹.

¹ В. Бурнашев, Очерк истории мануфактур в России. СПб., 1883, гл. 16—18, 26—29. განსვ. აკად. ტარღე 1918 წ. გამოქვეყნებულ სტატი-
აში „Была ли Екатерининская Россия экономически отсталой страной“,
კონკრეტული მონაცემებით და რუსეთში ნამყოფ ფრანგთა და სხვა უცხოელთა

XVIII საუკუნის მეორე ნახევრის რუსეთში სამრეწველო მანუ-
ფაქტურების სამი ტიპი არსებობდა. ასეთი იყო: ბატონყმური,
იძულებით შრომაზე დამყარებული თავადაზნაურული მანუფაქტურ-
ები, გლეხური მანუფაქტურები (ე. წ. ყმურ მდგომარეობაში
მყოფი შეძლებული გლეხების მანუფაქტურები) და ვაჭრულ-ბურ-
ჟუაზიული მანუფაქტურები; მანუფაქტურების უკანასკნელ ორ
ტიპს ახასიათებდა დაქირავებული შრომა და მასში კაპიტალის-
ტური წესები იყო წამყვანი, თუმცა შემორჩენილი იყო ბატონ-
ყმური ურთიერთობის მნიშვნელოვანი ელემენტებიც.

ბატონყმურ რუსეთში, რომელიც წარმოადგენდა თავადაზნაუ-
რული დიქტატურის ქვეყანას, რა თქმა უნდა, კარბობდა პირველი
ტიპის მანუფაქტურები, რომელნიც მემამულე თავადაზნაურებს
ეკუთვნოდათ. ასეთი მანუფაქტურები უმთავრესად მემამულეე-
ბის ტერიტორიაზე იყო განლაგებული. ამ მანუფაქტურებში გამო-
ყენებული იყო ამავე მემამულეების ყმა-გლეხების იძულებითი
შრომა. ურალის სამთამადნო საწარმოებში, რომელთა დიდი ნაწილი,
როგორც ცნობილია, მემამულეებს (სტროგანოვები და სხვები)
ეკუთვნოდათ, გაბატონებული იყო მიწერილი ყმა-გლეხების იძუ-
ლებითი პროფესიული შრომა, რომელიც ციმბირში გადასახლე-
ბულთა უმძიმესი შრომის პირობების ნაირსახეობას წარმოადგენდა.

თავადაზნაურობა, როგორც გაბატონებული პრივილეგიური
კლასი, სარგებლობდა რა თვითმპყრობელური ხელისუფლების
ხელის შეწყობით, ყოველმხრივ იბრძოდა, რათა შეენარჩუნებინა
თავისი პრივილეგიები და გაბატონებული მდგომარეობა მრეწვე-
ლობის დარგში, ხელი შეეშალა დაქირავებულ შრომაზე დამყა-
რებული კაპიტალისტური ტიპის მანუფაქტურების განვითარებისა-
თვის. მაგრამ ცხოვრების მატერიალური წარმოების წესში დაწყე-
ბული ცვლილებების შედეგად ეს პრივილეგიები თანდათან ხელიდან
ეცლებოდათ, ხოლო გლეხური და ვაჭრულ-ბურჟუაზიული მანუ-
ფაქტურები უფრო და უფრო იკავებდა გზას რუსეთის მრეწვე-
ლობაში.

მართალია, XVIII საუკუნის მეორე ნახევარში რუსეთში ჯერ
კიდევ მარტივი სასაქონლო წარმოება იყო გაბატონებული, მაგრამ
ამ საუკუნის დასასრულისათვის უკვე შემზადდა ნიადაგი რთული
სასაქონლო ურთიერთობისათვის — კაპიტალისტურ ურთიერთო-

ცნობებით ასახულებს რუსეთის სამრეწველო წარმოების მნიშვნელოვანი განვი-
თარების ფაქტს მოცემულ პერიოდში (იხ. მისი „Знамя и Россия“, Петроград,
1918, გვ. 122—125).

ბაზე გადასვლისათვის, რაც სამუშაო ძალის საქონლად გადაქცევასთან, დაქირავებული შრომის ბაზრის წარმოშობასთან, მსხვილი მანუფაქტურების მშენებლობასთან და შრომის ტექნიკური განაწილების წარმატებებთან იყო დაკავშირებული¹.

განსვენებული აკად. პანკრატოვა თავის სტატიაში „О роли товарного производства при переходе от феодализма к капитализму“, XVII — XVIII საუკუნეების ეკონომიური განვითარებას ანალიზის საფუძველზე კაპიტალისტური მანუფაქტურების არაებობის ფაქტს რუსეთში მხოლოდ XVIII საუკუნის მეორე ნახევარში ხედავს. მისი აზრით კაპიტალისტური ტიპის მანუფაქტურები ამ საუკუნის დასასრულისათვის უკვე იმდენად მომძლავრდა, რომ აშკარა გავლენას ახდენდა ფეოდალურ-ბატონყმურ ურთიერთობაზე. დაქირავებული შრომის ბაზარი, რომელიც, მიუხედავად იმისა, რომ ფეოდალურ-ბატონყმური პირობების მეოხებით აწყდება ძველი ურთიერთობის მძლავრ წინააღმდეგობას, მისი აზრით ნელ-ნელა მაინც ვითარდება. რუსეთის ხელისუფლების ეკონომიურ პოლიტიკაში ამ დროს შემთხვევით არ გაუმარჯვია კურსს, რომელიც ფეოდალურ-ბატონყმური და თვითმპყრობელური რეჟიმის პირობებში შედარებით ფართო თავისუფლებას და გასაქმანს აძლევდა ნაციონალურ მრეწველობას².

მაგრამ აკად. პანკრატოვა, ამათთან ერთად, იძულებულია აღიაროს, რომ პირვანდელი დაგროვების პროცესი რუსეთში უფრო ნელა მიმდინარეობდა, ვიდრე დასავლეთ ევროპაში, რის გამოც სამრეწველო გადატრიალება რუსეთში დაიწყო მხოლოდ XIX საუკუნის პირველ ნახევარში, რომ მრეწველობის მანუფაქტურული პერიოდი, დაქირავებული შრომის სისტემა და წარმოებით ურთიერთობათა კაპიტალისტური სისტემა მხოლოდ XIX საუკუნის პირველ ნახევარში ჩამოყალიბდა³.

აღძრულ საკითხებზე აკად. პანკრატოვას გაცემული პასუხი, ჩვენის აზრით, მართებულად უნდა იქნეს მიჩნეული. ისტორიული სინამდვილის გაყალბება იქნება იმის თქმა, თითქოს XVIII საუკუნის მეორე ნახევარში რუსეთში მხოლოდ და მხოლოდ ბატონყმურ-ფეოდალური ურთიერთობა, მარტივი სასაქონლო წარმოება იყო

¹ Н. М. Дружинин, Конфликт между производительными силами и феодальными отношениями накануне реформы 1861 года, „Вопросы истории“, 1954 г., № 7, гл. 57.

² იურბ. „Вопросы истории“, 1953, № 9, гл. 75—76.

³ იქვე, гл. 76.

გაბატონებული. მაგრამ ასეთივე შეცდომა იქნება იმის თქმაც, რომ იმდროინდელი რუსეთი უკვე გადავიდა კაპიტალისტური წარმოების საფეხურზე და, მამასადამე, წარმოების კაპიტალისტური ურთიერთობის ფორმები გაბატონდა. ბატონყმურ-თვითმპყრობელური ურთიერთობის მძლავრ არტახებში მოქცეული რუსეთის მრეწველობა ჯერ კიდევ ატარებდა ძველი სისტემის ყველა ნიშანს, მაგრამ ამავე დროს იგი უფრო და უფრო ავლენდა კაპიტალიზმში გადაზრდის ტენდენციებს.

ეკონომიური განვითარების საერთო პროცესი, რომელსაც ადგილი ჰქონდა რუსეთში, მკაფიოდ ვლინდება ალბ-მიცემობის სფეროში, ოღი თავის კონკრეტულ გამოსახულებას პოულობს შინაგანი და საგარეო ვაჭრობის შეუჩერებელ წინსვლა-გაფართოებაში.

მანუფაქტურული წარმოების განვითარება, სამუშაო ძალის ბაზრის ელემენტების ჩასახვა, კაპიტალის პირვანდელი დაგროვების პროცესის გაძლიერება და სხვა მსგავსი პროცესები ბიძგს აძლევდნენ მეურნეობის ნატურალური ფორმების რღვევას; ხელს უწყობდნენ იმპერიის სხვადასხვა ნაწილებს შორის ეკონომიური კავშირ-ურთიერთობის გაფართოებას და შინაგანი ვაჭრობის მოცულობისა და ხვედრითი წონის გადიდებას. თვითმპყრობელური ხელისუფლება და მემამულეთა კლასი, რომლებიც, როგორც უკვე აღნიშნული იყო, დიდად იყვნენ დაინტერესებულნი შინაგანი ვაჭრობის შემდგომი განვითარებით, ხელს უწყობდნენ ამ საქმეს, გაპყავდათ ახალი არხები, აგებდნენ ხიდებს, აუმჯობესებდნენ სამომოსვლო გზებს და ა. შ. ხელისუფლებამ გააუქმა შინაგანი საბაჟოები (1753 წელს) და შინაგანი მონოპოლიები (1767 და 1775 წლების ბრძანებულებებით), რამაც შემდგომი ბიძგი მისცა შინაგანი ვაჭრობისა და ბაზრის გაფართოებას¹.

რუსეთის მემამულეთა კლასი, ახლად ჩასახული ვაჭრობა და თვითმპყრობელური ხელისუფლება არა ნაკლებ დაინტერესებულნი იყვნენ საგარეო ვაჭრობის გაფართოებით. ეს დაინტერესება განპირობებული იყო მით, რომ იგი ხელს უწყობდა რუსეთის შემდგომ ეკონომიურ წინსვლას, მნიშვნელოვან შემოსავალს აძლევდა ამ სახელმწიფოს ხაზინის შესავსებად, აკმაყოფილებდა სასახლის და თავადაზნაურობის მოთხოვნილებას მთელ რიგ საიმპორტო „დეფიციტურ“ საქონელზე, ადიდებდა ვაჭართა ქონებას; მემამულეებს კი საშუალებას აძლევდა სოფლის მეურნეობის ჰარბი ნაწარმის რეა-

¹ Всемирная история, т. V, М., 1958, გვ. 639.

ლიზაცია მოეხდინათ მათთვის ხელსაყრელ ფასებში და მით დაეკმაყოფილებინათ მზარდი მოთხოვნილება ფულზე.

ამიტომ იყო, რომ XVIII საუკუნის მეორე ნახევარში რუსეთის საგარეო ვაჭრობამ მნიშვნელოვან წარმატებას მიაღწია. 1762 წლიდან 1796 წლამდე რუსეთის ექსპორტი გაიზარდა ხუთჯერ (12 მილიონი მანეთიდან 67,7 მილიონ მანეთამდე), იმპორტი ოთხჯერ (9,3 მილ. მანეთიდან 41, 9 მილ. მანეთამდე). საგარეო ვაჭრობის საერთო მოცულობა კი გადიდდა საშუალოდ 5-ჯერ (21,3 მილიონი მანეთიდან 108,6 მილიონ მანეთამდე)¹.

ეკატერინე II-ის მეფობის უკანასკნელ წლებში (1790—1795 წწ.) რუსეთის საგარეო ვაჭრობის დინამიკა შემდეგ სურათს იძლევა: 1790 წელს რუსეთს სულ გაუზიდავს 39.643.000 მანეთის სასოფლო-სამეურნეო და სამრეწველო პროდუქცია. შემოუზიდავს 23.130.000 მანეთის პროდუქცია, აქედან 19.423.200 მანეთის მარტო სამრეწველო პროდუქცია. 1793—1795 წლებში რუსეთის ყოველწლიური ექსპორტი გადიდდა 43.266.000 მანეთამდე, იმპორტი კი—27.886.000 მანეთამდე. ამგვარად რუსეთს აქტიური ბალანსი ჰქონია, რომლის საერთო ჯამი 153.800.000 მანეთა უდრიდა². მაგრამ 1791 წელს და 1792 წლის პირველ ნახევარში, სანამ ანტიფრანგული კოალიცია ომს გააჩაღებდა საფრანგეთის წინააღმდეგ და შესატყვისად გაიზრდებოდა მოთხოვნილება რუსეთის ნედლეულსა და სურსათზე, რუსეთის ექსპორტი მკვეთრად იყო დაცემული და თითქმის 15 მილიონით ჩამორჩებოდა იმპორტს.

რუსეთის საგარეო ვაჭრობის ხასიათი XVIII საუკუნის მეორე ნახევარში რელიეფურად ავლენდა ამ ქვეყნის მნიშვნელოვან ეკონომიურ ჩამორჩენილობას შედარებით ინგლისთან, პოლანდიასთან და თვით საფრანგეთთანაც კი. რუსეთის ექსპორტში წამყვანი ადგილი ეჭირა სასოფლო-სამეურნეო ნედლეულს და სურსათ-სანოვაგეს (ხე-ტყე, მეცხ. პროდუქცია, ხორბალი, სელი, ქერელი და ა. შ.), ხოლო მრეწველობის პროდუქციის ხვედრითი წონა უმნიშვნელო იყო. რაც შეეხება იმპორტს, რუსეთს ძირითადად შემოჰქონდა სხვადასხვა სამრეწველო ნაწარმი, ფუფუნების საგნები, კოლონიური ნაწარმი, ღვინო, ხილი და სხვ.

¹ Сборник сведений по истории и статистике внешней торговли России. Под. ред. В. И. Покровского, т. I, С.-Петербург, 1902, гл. XXXVIII.

² А. М. Большаков и Н. А. Рожков. История хозяйства России в материалах и документах, вып. II, Л., 1925, гл. 45.

რუსეთის მთავარ ნავსადგურს, რომელიც ყველაზე მეტ საქონლის ბრუნვას აწარმოებდა და რომლითაც ხორციელდებოდა რუსეთის ექსპორტის და იმპორტის უდიდესი ნაწილი, პეტერბურგი წარმოადგენდა. სხვა ნავსადგურების, კერძოდ შავი ზღვის ნავსადგურების ხვედრითი წონა პეტერბურგთან შედარებით უმნიშვნელო იყო.

დასავლეთ ევროპის სახელმწიფოთა შორის რუსეთთან ვაჭრობაში პირველი და შეიძლება ითქვას მატონებული ადგილი ეკავა ინგლისს. ფრანგი ავტორის ზეპერერის ცნობებით XVIII საუკუნის მეორე ნახევრის დასაწყისში პეტერბურგის ნავსადგურის სავაჭრო ბრუნვის 50 პროცენტზე მეტი ინგლისზე მოდიოდა¹. მართალია ცალკეულ წლებში ეს პროცენტი 30-მდე დაცემულა, მაგრამ 1795 წელს, როდესაც რუსეთ-საფრანგეთს შორის სავაჭრო ურთიერთობა შეწყვეტილი იყო, ინგლისის ხვედრითი წონა პეტერბურგის სავაჭრო ბრუნვაში 75 პროცენტამდეც გადიდებულა².

ინგლისი იყო რუსეთის სასოფლო-სამეურნეო ნაწარმის, — ნედლეულის და სურსათ-სანოვავის — მთავარი შემსყიდველი და ამავე დროს რუსეთისათვის სამრეწველო ნაწარმის, პირველ რიგში ხარისხოვანი შალეულის და სხვა საფეიქრო ნაწარმის მთავარი მიმწოდებელი. როგორც წესი, ინგლისს გაცილებით მეტი გაჰქონდა მაშინ რუსეთიდან, ვიდრე შემოჰქონდა, ასე რომ ამ ორ ქვეყანას შორის სავაჭრო ბალანსი აქტიური იყო რუსეთისათვის, პასიური ინგლისისათვის. ასე, მაგალითად, ვორსტის ცნობებით 1794 — 1800 წლებში ინგლისის შეზიდვა რუსეთში უდრიდა რუსეთის საერთო შეზიდვის 29%, გაზიდვა კი — 64%³. მართალია, ეს ცნობები იმ წლებს ეკუთვნის, როცა რუსეთ-საფრანგეთსა და რუსეთ-პოლანდიას შორის სავაჭრო ურთიერთობა აღარ არსებობდა, მაგრამ ამ გარემოებას არ შეუძლია არსებითი კორექტივის შეტანა ამ ცნობებიდან გამომდინარე დასკვნაში. ცნობილია, რომ თვით რევოლუციამდელ პერიოდშიაც, კერძოდ 1787 წლამდე, როდესაც დაიღო საფრანგეთ-რუსეთის სავაჭრო ხელშეკრულება, ინგლისის ხვედრითი წონა რუსეთის საგარეო ვაჭრობაში მაინც დიდი იყო.

¹ G. Seherer, Histoire raisonnée du commerce de la Russie, Paris, 1788, t. I, გვ. 169.

² И. М. Кул и ш е р, Очерк истории русской торговли, Петербург, 1923, გვ. 190.

³ Ворст, Рассуждения о некоторых предметах законодательства и управления, 1807, Таблица 20. И. Кул и ш е р, დასახ. ნაშრ., გვ. 191.

ინგლისის ხვედრითი წონა რუსეთის საგარეო ვაჭრობაში XVIII ს. უკანასკნელ მესამედში გაცილებით უფრო დიდი იყო, თუ მხედველობაში მივიღებთ იმ გარემოებას, რომ რუსეთის ექსპორტი და იმპორტი რუსეთის საეაქრო ფლოტის მცირე ტონაჟის გამო უმთავრესად ინგლისის საეაქრო გემების მეშვეობით ხორციელდებოდა.

მართალია, რუსეთის საგარეო ვაჭრობა მოცემულ პერიოდში, როგორც უკვე იყო აღნიშნული, ძირითადად პეტერბურგის ნავსადგურის მეშვეობით ხორციელდებოდა, მაგრამ მცირე როლს ამ საქმეში როდი ასრულებდნენ არხანგელსკი და ბალტიის ზღვის ნავსადგურები კურლანდიის სანაპიროზე. დღითიდღე იზრდებოდა საქონლის გატანა და უცხოური საქონლის იმპორტი შავი ზღვის ჩრდ. სანაპიროების ნავსადგურებიდანაც. ამ ნავსადგურების მეშვეობით ყველაზე უფრო გაცხოველებული ვაჭრობა წარმოებდა ხმელთაშუა ზღვის ქვეყნებთან, კერძოდ თურქეთთან, რომელთანაც საქონლის ბრუნვა წლითწლოებით იზრდებოდა. ასეთივე მნიშვნელობა ჰქონდა ვაჭრობას კასპიის ზღვის მეშვეობით, პირველ რიგში ირანთან.

სახმელეთო ვაჭრობას რუსეთი აწარმოებდა დასავლეთით ავსტრიასთან და პრუსიასთან, აღმოსავლეთით კი პირველ რიგში ზინეთთან, რომელთანაც ბურინის (1727 წ.) და კიახტის (1727 წ.) ხელშეკრულებების შემდეგ რეგულარული ვაჭრობა წარმოებდა. რუსეთს ჩინეთიდან შემოჰქონდა ჩინური ფაიფური, აბრეშუმი, ჩაი და სხვ.

რუსეთის თავადაზნაურულ-ბატონყმური იმპერიის საგარეო პოლიტიკა XVIII საუკუნის მიწურულში, ისევე როგორც წინათ, მკვიდროდ იყო დაკავშირებული ქვეყნის საშინაო პოლიტიკის ხასიათთან და მიმართულებასთან და რუსი მემამულეების (და რამდენადმე ეაქრთა კლასის) კლასობრივი ინტერესებით და მოთხოვნილებებით იყო პირობადებული. იგი მიზნად ისახავდა იმპერიის პოზიციების განმტკიცებას ევროპაში. მეზობელ სახელმწიფოთაგან აგრესიის შესაძლებლობის აღკვეთას ტერიტორიული გაფართოებისა და ახალი ხელსაყრელი პლაცდარშების დაუფლების გზით, ახალი ტერიტორიების შემოერთებას, ახალი მიწების და ყმების მოსაპოვებლად, ახალი ბაზრების დასაუფლებლად. ამას ემატებოდა რუსეთში არსებული სოციალური სისტემის დაცვის, მასზე გარედან ყოველგვარი ხელყოფის აღკვეთის ამოცანა და აქედან გამომდინარე პოლიტიკური კურსი მოსაზღვრე ქვეყნებსა და მთელ ევროპაში არსებული რეაქციული რეჟიმის დაცვისა.

რუსეთის ურთიერთობას საფრანგეთთან მოცემულ წლებში, ამ ურთიერთობის ხასიათს და მიმართულებას სწორედ ზემოთ დასახელებული ეკონომიურ-პოლიტიკური და სამხედრო-სტრატეგიული ხასიათის მოტივები ედო საფუძვლად. მაგრამ საფრანგეთის ბურჟუაზიული რევოლუციის წინ მას აღნიშნულ მოტივებთან ერთად, დინასტიური ინტერესებიც ამოქმედებდა.

2. საფრანგეთის სოსიალურ-ეკონომიური მდგომარეობა

1789 — 1796 წლებში

1789 — 1794 წლების დიდი ბურჟუაზიული რევოლუციის წინ საფრანგეთი ჯერ კიდევ არ იყო განთავისუფლებული ფეოდალურ-შუასაუკუნეობრივი ურთიერთობის მრავალფეროვანი ნაშთებისაგან; იგი აბსოლუტურ-ფეოდალური წყობილების ქვეყანას წარმოადგენდა.

ეკონომიური განვითარების საერთო დონის მიხედვით რევოლუციამდელი საფრანგეთი, მართალია, ევროპის კონტინენტის ქვეყნებს შორის პირველობდა, მაგრამ მკვეთრად ჩამორჩებოდა ლამანშპადეკალეს გაღმა მდებარე ინგლისს, რომელსაც გავლილი ჰქონდა ბურჟუაზიული რევოლუციის გზა და სამრეწველო-ტექნიკური გადატრიალების მზარდ პროცესში იმყოფებოდა. მაშინ როდესაც ინგლისი ინდუსტრიულ რელსებზე დგებოდა, საფრანგეთი ისევ აგრარულ ქვეყნად რჩებოდა. ოფიციალური მონაცემებით 1789 წელს საფრანგეთი 3½-ჯერ მეტ შემოსავალს იღებდა სასოფლო-სამეურნეო, სამიწათმოქმედო საქმიანობიდან, ვიდრე მრეწველობიდან; ეროვნულ შემოსავალში და ექსპორტში წამყვანი ადგილი სოფლის მეურნეობის პროდუქციას ეკირა. ვაჭრობის მთავარი ინტენდანტის ტოლოზანის ცნობებით საფრანგეთის ეროვნული შემოსავალი რევოლუციის წინ სულ უდრიდა 2.350.950.000 ლივრს. აქედან სოფლის მეურნეობაზე მოდიოდა 1.826.000.000 ლივრი, მრეწველობაზე — 524.950.000 ლივრი¹. შაპტალის გამოანგარიშებით, 1787 წელს საფრანგეთის ექსპორტის საერთო ღირებულება 524 მილ. ლივრს შეადგენდა, აქედან 311 მილ. ლივრი სასოფლო-სამეურნეო ნაწარმზე მოდიოდა².

¹ Я. Захер. Французская революция в документах 1789—1794. Ленинград. 1926, გვ. 15—16.

² Жан Жорес, История Великой Французской революции, М., 1920, т. I, гл. 43.

საფრანგეთის 25 — 26 მილიონი მოსახლეობიდან, მხოლოდ 2 მილიონი კაცი ცხოვრობდა ქალაქად და ჩაბმული იყო საწარმო-სავაჭრო საქმიანობაში (ე. ი. მთელი მოსახლეობის 8 — 9%). მოსახლეობის დიდი უმრავლესობა — 22 — 23 მილიონი კაცი — სოფლად ცხოვრობდა; მათი არსებობის მთავარ წყაროს მიწათმოქმედება და მასთან დაკავშირებული დარგები წარმოადგენდა. ამასთან ერთად აგრარული წყობის ერთ-ერთი ნიშანდობლივი თვისება გლეხური მეურნეობის პარცელარულ ხასიათში მდგომარეობდა. ამას ემატებოდა მიწათმოქმედების კაპიტალისტური ფორმების სრულიად უმნიშვნელო განვითარება და სოფლის მეურნეობის ტექნიკურ-ეკონომიური ჩამორჩენილობა.

მიუხედავად თავისი აგრარული ხასიათისა, რევოლუციამდელი საფრანგეთი უკვე იმყოფებოდა კაპიტალისტური მრეწველობის განვითარების საწყის სტადიაზე, იქ უკვე ჩასახული იყო წარმოების კაპიტალისტური წესი. ფეოდალური ურთიერთობის ჩარჩოებში, ამ ურთიერთობიდან გამომდინარე დაბრკოლებების მიუხედავად, უკვე ვითარდებოდა და გზას იკაფავდა კაპიტალისტური ურთიერთობის ფორმები. ბურჟუაზიული იდეოლოგიის ჩამოყალიბება, ბურჟუაზიის კლასობრივ-პოლიტიკური მომწიფება და მისი პოლიტიკურ ასპარეზზე გამოსვლა ამის ერთ-ერთი დამადასტურებელი ფაქტი იყო. ექსპლოატაციის გაბატონებული ფეოდალური ფორმის გვერდით ამ დროისათვის ძალაში შედიოდა ბურჟუაზიული ფორმაც. მაშინდელი საფრანგეთისათვის უცნობი არ იყო ფაბრიკა-ქარხნების ტიპის სამრეწველო საწარმოები, სადაც იყენებდნენ (თუკცა უმნიშვნელო მასშტაბით) გაუქმობესებულ, ძირითადად ინგლისიდან შემოზიდულ, მანქანა-იარაღებს. მაგრამ გაბატონებული ტიპის სამრეწველო საწარმოებს რევოლუციამდელ საფრანგეთში კაპიტალისტური მანუფაქტურა წარმოადგენდა. ამის გვერდით ე. წ. „გაფანტული“ მანუფაქტურები, საშინაო მრეწველობა და ხელოსნური წარმოება საფრანგეთის თითქმის ყველა პროვინციაში იყო გავრცელებული.

მეთვრამეტე საუკუნის მეორე ნახევარში საფრანგეთის მრეწველობამ მნიშვნელოვანი ნაბიჯი გადადგა წინ და გაადიდა სამრეწველო პროდუქციის გამოშვება. ჰენრიხ კუნოვის მიერ მოტანილი ცნობებით საფრანგეთის მრეწველობის ყველა დარგის პროდუქციის ღირებულებამ (ხელოსნური ნაწარმის გამოკლებით) 1788 წლისათვის 931 მილიონ ლივრს მიაღწია, მაშინ როდესაც კოლბერის

მმართველობის უკანასკნელ წლებში მისი მოცულობა 200 მილიონ ლივრს არ აღემატებოდა¹.

ლავუაზიეს მონაცემებით 1789 წლისათვის საფრანგეთის მრეწველობაში დასაქმებული მუშათა რიცხვი სახელოსნოების, გაფანტული მანუფაქტურებისა და კაპიტალისტური მრეწველობის ჩათვლით, რამოდენიმე მილიონ კაცს შეადგენდა. მსხვილი ნავსადგურების გვერდით (მარსელი, ბორდო, ნანტი, ჰავრი) მაშინდელ საფრანგეთში უკვე შეიქმნა მსხვილი კაპიტალისტური მანუფაქტურების რამოდენიმე მნიშვნელოვანი ცენტრი. მაგალითად: პარიზი თავისი მრავალფეროვანი მრეწველობით, განვითარებული ხელოსნობით და კაპიტალისტური მანუფაქტურებით, ლიონი—აბრეშუმის მრეწველობით, რუანი—მაუდისა და ბამბეულის წარმოებით, დოფინე—მეტალურგიით. სელის დასახურავი მასალის წარმოებით, სენ-ეტიენი—ფართო მოხმარების საგნების წარმოებით და სხვ.² მარტო პარიზში 1789 წლისათვის რამოდენიმე ათეული ათასი მუშა ითვლებოდა.

მსხვილ სახელმწიფო მანუფაქტურებში (გობელენების, de la Savonnerie-ს, სევრის ფაიფურის, ბოვეს და სხვ.)³ და რიგ კაპიტალისტური ტიპის მანუფაქტურებში პარიზსა, სენ-ეტიენსა, ამიენსა და სხვაგან 100—500 მუშა მუშაობდა თითოეულში, ხოლო ქვანახშირის ზოგიერთ მაღაროში და მეტალურგიულ საწარმოებში 1000—4000 მუშაც კი. აბრეშუმის მრეწველობაში, რომლის პროდუქციითაც საფრანგეთს პირველი ადგილი ეკავა მსოფლიოში, მ. გოდარის ცნობებით, 1788 წელს 18.821 მუშა იყო დასაქმებული⁴, ხოლო მაუდის მრეწველობაში, ე. ლევასერის მონაცემების მიხედვით. იმავე წელს დასაქმებული იყო 10.000 მუშა⁵.

საფრანგეთის მრეწველობის მნიშვნელოვან განვითარებაზე რევოლუციის წინ ის ფაქტიც მეტყველებს, რომ ქვეყნის ექსპორტში მცირედი ადგილი როდი ეკავა მრეწველობის ისეთი დარგების

¹ Генрих Кунов, Борьба классов и партий в Великой Французской революции 1789—1794 гг., М., 1923, стр. 37.

² Французская буржуазная революция 1769—1894. Под. ред. акад. В. П. Волгина и акад. Е. В. Тарле, М.—Л., 1941, стр. 5—6.

³ სახელმწიფო მანუფაქტურის შესახებ იხ. Е. В. Тарле, Рабочие национальных мануфактур во Франции в эпоху революции (1789—1799 гг.), СПб., 1908.

⁴ E. Levasseur, Histoire des classes ouvrières et de l'industrie en France avant 1789..., t. second, Paris, 1901, стр. 668.

⁵ E. Levasseur, დასახ. ნაშრ., გვ. 8.

ნაწარმს, როგორც იყო მაუდის, ბამბეულის, ტილოს, მარმაშის, ბატისტის ნაწარმი, ფუფუნების საგნები და სხვ.

მრეწველობის გვერდით ჯამაოდ სწრაფი ტემპებით ვითარდებოდა ალემ-მიცემობაც. განსაკუთრებით ეს ითქმის საგარეო ვაჭრობის შესახებ, რომელსაც იმდენი დაბრკოლება არ ეღობებოდა წინ, რამდენიც შინავაჭრობას.

საგარეო ვაჭრობის მოცულობისა და გაზრდილ და შემოზიდილ საქონელთა ღირებულების მიხედვით საფრანგეთს პირველი ადგილი ეჭირა ევროპის კონტინენტის სახელმწიფოთა შორის. ევროპაში იგი მხოლოდ ინგლისს უთმობდა პირველობას. მარსელით, ბორდოთი, ნანტით, პავრით და რუანით საფრანგეთი გაცხოველებულ ვაჭრობას ეწეოდა ინგლისთან, ჰამბურგთან, ევროპის ქვეყნებთან, ლევანტთან, ოსტ-ინდოეთის აუზის ქვეყნებთან, ვესტ-ინდოეთის კუნძულებთან და ამერიკის მატერიკის ქვეყნებთან. ნავსადგურებს შორის მთავარი ადგილი მარსელს ეკავა. აქედან აწარმოებდა საფრანგეთი ვაჭრობას რუსეთთან, ლევანტის ქვეყნებთან და ჩრდილო აფრიკასთან.

1716 წლიდან 1789 წლამდე საფრანგეთის საგარეო ვაჭრობის ბრუნვა ითქმის ათჯერ გაზარდა¹ და 1789 წლისათვის მიღწია ზოგი ცნობებით 1 მილიარდ 153 მილიონ ლივრს, ხოლო სხვა ცნობებით 1 მილიარდ 18 მილიონ ან 1 მილიარდ 77 მილიონ ლივრს².

საფრანგეთის საგარეო ვაჭრობაში მთავარი ადგილი ეჭირა იტალიის სახელმწიფოებს, პრუსიას, ინგლისს (თავისი სამფლობელოებით). რუსეთს, ესპანეთს, პოლანდიას, ლევანტის ქვეყნებს და ამერიკის ქვეყნებს. სავაჭრო ოპერაციები მარტო საფრანგეთის ამერიკულ კოლონიებთან 1789 წელს 296 მილიონ ლივრს უდრდა³. ასევე ფართო ზასიათს ატარებდა მისი სავაჭრო ოპერაციები ლევანტის ქვეყნებთან, კერძოდ კი თურქეთთან⁴. 1789 წლისათვის თურქეთთან და მის სამფლობელოებთან საფრანგეთის ვაჭრობის მოცულობა უდრიდა 58 მილიონ ლივრს⁵.

¹ И. Кулишер, История экономического быта Западной Европы..., т. II, М., 1926, гл. 138.

² E. Levasseur, დასახ. ნაშრ., ტ. II, გვ. 551—552.

³ Жан Жорес, დასახ. ნაშრ., ტ. I, გვ. 43.

⁴ ამის შესახებ სათანადო კონკრეტული ციფრობრივი მასალა მოტანილი აქვს სენ-პრის (Saint-Priest) თავის წიგნში: „Mémoires sur l'ambassade France en Turque et sur le commerce de France dans le Levant...“ Paris., 1877, გვ. 327—344.

⁵ E. Levasseur, დასახ. ნაშრ., ტ. 2, გვ. 668.

მრავალფეროვანი იყო იმ საქონლის ასორტიმენტი, რომელიც საფრანგეთის რევოლუციამდელი საგარეო ვაჭრობის საგანს წარმოადგენდა. გაქონდათ: მუდი, ტილო, ბამბეული, აბრეშუმი, ფუფუნების საგნები, ავეჯი და ა. შ.; სოფლის მეურნეობის პროდუქტები, მათ შორის ღვინო, სხვადასხვა კოლონიური ნაწარმი — შაქარი, ყავა, ინდიგო, სანელებლები და სხვ. (რეექსპორტი). იმპორტში მთავარი ადგილი ეკირა მრავალფეროვან ნედლეულს (ბამბა, მატყლი, აბრეშუმის პარკი, სელი, ტყავი, ცვილი, სპილოს ძვალი და ა. შ.), კოლონიური სოფლის მეურნეობის ნაწარმს (თამბაქო, სანელებლები, ყავა, შაქარი, ჩაი, კაკაო, ინდიგო და ა. შ.), რკინეულს და სამრეწველო ნაწარმს. საფრანგეთის ორი ნავსადგურის — ბორდოსა და ნანტის — ტვირთბრუნვაში მნიშვნელოვან როლს ასრულებდა მონათვაჭრობა. აფრიკიდან მონების ვესტ-ინდოეთში გადაყვანას ეწეოდა საფრანგეთის ქალაქების რამდენიმე ათეული გემი.

რევოლუციამდელი საფრანგეთის ეკონომიური განვითარება უფრო სწრაფი იქნებოდა, საწარმოო ძალთა განვითარების მიღწეული დონე კი უფრო მაღალი, რომ ამისათვის ზელი არ შეეშალა ძველ დრომოკმულ წარმოებით ურთიერთობას — ფეოდალური წარმოების წესს.

ფეოდალურ-სენიორალური საკუთრება მიწაზე და გლეხობის უმრავლესობის უმიწაწყლობა, ექსპლოატაციის ფეოდალური ფორმების (ისიც უმთავრესად შრომითი და პროდუქტიული რენტის სახით) ბატონობა სოფლად, შინაგანი ბაზრის უმნიშვნელო ტევადობა, როგორც გლეხური მასის სიბეჩავისა და გაჩანაგების, ისე ნატურალურ-კარჩავეტილი მეურნეობის შემორჩენის შედეგად, ხელს უშლიდა მრეწველობის და ალებ-მიცემობის შემდგომ განვითარებას. იგი ძლიერ დაბრკოლებას წარმოადგენდა საწარმოო ძალთა შემდგომი წინსვლის გზაზე, ბოკავდა საწარმოო ძალებს და ხელს უშლიდა წარმოების ახალი ფორმების დანერგვას. ასევე უარყოფითად მოქმედებდა ამ მიმართულებით ამქრული ორგანიზაციების შექმნათავე წესები, შინაგანი საბაჟოები და საგზაო-სახიდო გადასახადები, ხელისუფლების ჩარევა წარმოებისა და ალებ-მიცემობის საქმეში (ე. წ. მთავრობის რეგლამენტაცია). ერთიანი საბაჟო ტარიფების და სტანდარტული წონა-ზომის არარსებობა, სავაჭრო მონოპოლიები, წოდებრივი პრივილეგიები, მესამე წოდების უფულებობა და თვითმპყრობელური რეჟიმის არსებობა.

მზარდი ანტაგონიზმი საწარმოო ძალთა განვითარებასა და ქვეყნის ეკონომიურ მოთხოვნებს შორის, ერთის მხრივ, და დრო-

შოკმულ ფეოდალურ სოციალურ და პოლიტიკურ წყობას შორის, მეორეს მხრივ, ასეთი იყო საფრანგეთის რეალური სინამდვილე რევოლუციის წინ.

ძველმა ფეოდალურმა ურთიერთობამ და ფეოდალური ბაზისის ზედნაშენმა აბსოლუტურმა მონარქიამ სერიოზული დაბრკოლება შეუქმნა საფრანგეთის ბურჟუაზიული წრეების კოლონიურ საქმიანობას, ზღვაოსნობას და საგარეო ვაჭრობას. ამის შედეგი იყო, რომ მაშინდელი საფრანგეთი მკვეთრად ჩამორჩა დიდ ბრიტანეთს. საფრანგეთის ეკონომიურმა და პოლიტიკურმა ჩამორჩენილობამ განაპირობა მისი დამარცხება ინგლისთან წარმოებულ ასწლიან ომში სავაჭრო, საზღვაო და კოლონიური უპირატესობისათვის¹.

საფრანგეთის ფეოდალები და კათოლიკური ეკლესია (სახულიერო არისტოკრატის სახით), — ეგრეთწოდებული პრივილეგიური კლასები და მათი ინტერესების დამცველი აბსოლუტური მონარქია შეგნებულად ხელს უშლიდნენ ახალი ეკონომიური მოთხოვნილებების საყოველთაოდ დანერგვას და საწარმოო ძალთა განვითარებას. ისინი ამას აკეთებდნენ იმიტომ, რომ იგი მოასწავებდა ახალი საზოგადოებრივი წყობილების გამარჯვებას ძველზე; ახალი საზოგადოებრივი წყობილების გამარჯვება კი ნიშნავდა ახალი სოციალური ძალების გამარჯვებას. მაშასადამე, პრივილეგიური კლასების ბატონობის ლიკვიდაციას და ეკონომიურად მომძღვრებული და იდეურ-პოლიტიკურად მომწიფებული ბურჟუაზიის მიერ მმართველობის სადავეების ხელში აღებას.

ფრანგი ფეოდალები (მათ შორის არსებული სხვადასხვა ფენების მიუხედავად) სისხლხორცეულად დაინტერესებულნი იყვნენ, რათა არ განხორციელებულიყო საწარმოო ძალების ხასიათისადმი წარმოებით ურთიერთობათა სავალდებულო შესაბამისობის ეკონომიური კანონის მოქმედება. ამიტომ იყო, რომ, თუმცა ამ კანონის ეკონომიური მოქმედება გზას იკაფავდა საფრანგეთში, ის მაინც მიმდინარეობდა ძალზე ნელა. კინაიდან აწყდებოდა ძველი საზოგადოების მომავლადი ძალების უძლიერეს წინააღმდეგობას. საფრანგეთის აბსოლუტური მონარქია, რომლის ხელშიც იყო იძულების ყველა საშუალებები, ყოველმხრივ იცავდა დროშოქმულ პოლიტი-

¹ ინგლის-საფრანგეთის 1786 წლის სავაჭრო ხელშეკრულებით ინგლისმა უსისხლო ეკონომიური გამარჯვება მოიპოვა საფრანგეთზე და სერიოზული მახვილი ჩასცა მის მრეწველობას და ვაჭრობას საკუთარ ქვეყანაშიც, ხელთ იგდო რა მისი ბაზრის მნიშვნელოვანი ნაწილი და გამოაძევა იქიდან ფრანგული მანუფაქტურული ნაწარმი.

კურ და ეკონომიურ ფორმებს, აბუჩად იგდებდა პიროვნების და ქონების ხელშეუხლებლობას და ეწეოდა ქვეყნის მშრომელი მასების ველურ ექსპლოატაციას.

რევოლუციის წინ საფრანგეთში გაბატონებულ ფეოდალურ ურთიერთობას და მის პოლიტიკურ ზედნაშენს — აბსოლუტურ მონარქიას შეესაბამებოდა იმდროინდელი საფრანგეთის საგარეო პოლიტიკის მიმართულება და დიპლომატიური საქმიანობა. ძველი წყობილების საგარეო პოლიტიკას და დიპლომატიას საფუძვლად ედო არა ქვეყნის სასიცოცხლო ეროვნული ინტერესები, არამედ დინასტიური დაჯგუფებების მისწრაფებები და ფეოდალთა კლასის ინტერესები. ამდენად იგი ნაკლებ ყურადღებას აქცევდა სავაჭრო-სამრეწველო ჯგუფების ეკონომიურ მოთხოვნილებებს და კოლონიური საქმიანობის, ნაოსნობისა და ვაჭრობის გაფართოების საქირებებს. საგარეო პოლიტიკისა და დიპლომატიის აღნიშნული კურსის შედეგი იყო საფრანგეთის წარუმატებლობა ამ დარგებში და ინგლისის გავლენის და პოზიციების შემდგომი გაძლიერება.

ანტაგონიზმმა მზარდ საწარმოო ძალებსა, ახალ ეკონომიურ მოთხოვნებსა და მის შემბოჭავ ძველ წარმოებით ურთიერთობათა შორის 1787 — 1789 წლებისათვის საფრანგეთში რევოლუციური სიტუაცია შექმნა. მმართველი ფეოდალური ზედა ფენა და აბსოლუტური მონარქია გაკოტრდნენ, მათ აღარ შეეძლოთ ძველებურად ბატონობა, ხალხის ფართო ფენების მოთმინების ფილაც აივსო. მათ აღარ ჰურდათ ძველებურად ცხოვრება. რევოლუციას, ბურჟუაზიულს თავისი ხასიათით და ამოცანებით, გორდიის კვანძი უნდა გაეხსნა. მას უნდა მოეხსო ძველი წარმოებითი ურთიერთობანი ყველა მისი ატრიბუტებით, ფართო გზა მიეცა საწარმოო ძალთა განვითარებისათვის, გზა გაეკაფა თვით ფეოდალური ურთიერთობის წიაღში ჩასახული წარმოების კაპიტალისტური ფორმებისათვის, მოეხსო ფეოდალთა ბატონობა და დაემყარებინა ბურჟუაზიის ბატონობა.

ეს ამოცანები წარმატებით გადაწყვიტა 1789 წლიდან გაჩალებულმა ბურჟუაზიულმა რევოლუციამ, რომელსაც მარქსიზმ-ლენინიზმის კლასიკოსები დიდ რევოლუციას უწოდებდნენ. აღნიშნული რევოლუცია ბურჟუაზიული იყო არა მარტო თავისი მიზნებით და ამოცანებით, არამედ იმიტაც, რომ მის მედროშეს, ხელმძღვანელს და მეთაურს წარმოადგენდა ბურჟუაზიული კლასი, ის კლასი, რომელიც მაშინ ერის ხელმძღვანელის როლში გამოდიოდა და პროგრესულ, რევოლუციურ როლს ასრულებდა.

რამდენადაც ფრანგ ფეოდალთა კლასი დაინტერესებული იყო ხელი შეეშალა ახალი წარმოებითი ურთიერთობის დამკვიდრებისათვის, იმდენად ეს ახალი კლასი — ბურჟუაზია სისხლ-ხორცეულად იყო დაინტერესებული ძველი, საწარმოო ძალთა განვითარების შემბოჭავი ურთიერთობის მოსპობით. მისი კლასობრივი ინტერესები მოითხოვდა აღდგენილიყო საწარმოო ძალთა ხასიათისადმი წარმოებით ურთიერთობათა სავალდებულო შესაბამისობის კანონის მოქმედება.

ეკონომიურად ნომცლავრებულმა საფრანგეთის ბურჟუაზიამ, — როგორც მართებულად აღნიშნავდა ი. ბ. სტალინი, — ფეოდალიზმის წინააღმდეგ ბრძოლის დროს კარგად გამოიყენა საწარმოო ძალთა ხასიათისადმი წარმოებით ურთიერთობათა სავალდებულო შესაბამისობის ცნობილი კანონი. მოიმარჯვა რა ეს კანონი, მან რევოლუციის მეშვეობით დაამხო დრომოკმული ფეოდალური წარმოებითი ურთიერთობანი, შექმნა ახალი, ბურჟუაზიული წარმოებითი ურთიერთობანი და ეს ურთიერთობანი ფეოდალური წყობილების წიაღში წარმოშობილ საწარმოო ძალთა ხასიათისადმი შესაბამისობაში მოიყვანა¹.

1789 წელს დაწყებულმა საფრანგეთის დიდმა ბურჟუაზიულმა რევოლუციამ თავის განვითარებაში რამოდენიმე ეტაპი განვლო. ეს ეტაპები იყო: 1) 1789 წლის მაისიდან (გენერალური შტატების მოწვევიდან) 1792 წლის 10 აგვისტომდე (10 აგვისტოს რევოლუციამდე), როდესაც ბოლო ეღება პრივილეგიური წოდებების პოლიტიკურ მონოპოლიას და მსხვილი ბურჟუაზია ხელისუფლების მონაწილე ხდება; 2) 1792 წლის 10 აგვისტოდან 1793 წლის 31 მაისისა და 2 ივნისის რევოლუციებამდე. როდესაც სახელმწიფო ხელისუფლება და რევოლუციის მესაქეობა გადავიდა ეროვნისტების (სავაჭრო-სამრეწველო ბურჟუაზიის) ხელში; 3) 1793 წლის 2 ივნისიდან 1794 წლის 9 თერმიდორამდე (27 ივლისამდე), როდესაც დამყარებული იყო იაკობინთა დიქტატურა, ე. ი. რევოლუციის ხელმძღვანელობა რევოლუციური ბურჟუაზიის, წერილი ბურჟუაზიისა და სოფლისა და ქალაქის პლებეური მასის ბლოკის ხელში იყო.

მთელი ამ დროის განმავლობაში საფრანგეთის დიდი ბურჟუაზიული რევოლუცია აღმავალი გზით მიემართებოდა და თანდათანობით წყვეტდა მის წინაშე დასმულ ამოცანებს. იაკობინთა დიქტატურა წარმოადგენდა რევოლუციის ზენიტს, მის დამაგვირგვინებელ

¹ ი. ბ. სტალინი, სოციალიზმის ეკონომიური პირობებები სარ კავშირში, თბ., 1952, გვ. 52—53.

ეტაპს, იაკობინთა დიქტატურის გარეშე საფრანგეთის პირველ ბურჟუაზიულ რევოლუციას არ ექნებოდა სრულყოფილი სახე და ვერ გადაწყვეტდა მის წინაშე დასმულ ეკონომიურ და პოლიტიკურ ამოცანებს. სწორედ იაკობინთა დიქტატურამ, ბრძოლის პლებეური საშუალებების მომარჯვებით, ალგავა საფრანგეთის ნიადაგიდან მთელი ძველი სოციალური ნაგავი, დაამსხვრია საწარმოო ძალთა შემბოჰავი ბორკილები და გზა გაკაფა „თანამედროვე“ ბურჟუაზიული საზოგადოების ასაგებად. სწორედ იაკობინთა დიქტატურის ეტაპზე შესძლო აღნიშნულმა რევოლუციამ გამანადგურებელი ლახვარი ჩაეცა ფეოდალური ურთიერთობის ყველა ფორმებისათვის, გახურებული შანთებით ამოეწვა ახალი ურთიერთობის დამკვიდრების გზაზე აღმართული ყველა დაბრკოლება და საწარმოო ურთიერთობანი საწარმოო ძალთა განვითარების ხასიათისადმი შესაბამისობაში მოეყვანა.

ფრ. ენგელსი საფრანგეთის 1789 — 1794 წლების ბურჟუაზიულ რევოლუციას უწოდებდა ბურჟუაზიის მესამე აჯანყებას, ჰაგრამ პირველს, „...რომელმაც საეცებით გაიძრო რელიგიური საპოსელი და რომელშიაც ბრძოლა აშკარად პოლიტიკურ ნიადაგზე წარმოებდა. იგი იყო აგრეთვე პირველი აჯანყება, რომელიც მართლაც ბოლომდე, ერთ-ერთი მებრძოლი მხარის, სახელდობრ, არისტოკრატის, მოსპობამდე და მეორე მხარის, სახელდობრ, ბურჟუაზიის, სრულ გამარჯვებამდე იქნა მიყვანილი“¹. დიდი რევოლუციის დროს, — წერდა სხვა ადგილას ენგელსი, — საფრანგეთმა განადგურა ფეოდალიზმი და დაამყარა ბურჟუაზიის ჰემარატი ბატონობა ისეთი კლასიკური სიცხადით, როგორაც არ გაუკეთებია არცერთ სხვა ევროპულ ქვეყანას².

საფრანგეთის 1789 — 1794 წლების რევოლუციამ მოსპო ექსპლოატაციის ერთე, ისტორიულად მოცემული ფეოდალური ფორმა და მის ნაცვლად გააბატონა ექსპლოატაციის კაპიტალისტური ფორმა. ფეოდალთა კლასის პოლიტიკური ბატონობის მოსპობით მან შექმნა პირობები ახალგაზრდა ბურჟუაზიის ბატონობის დამყარებისათვის და ააგო ახალი, ძველთან შედარებით, უდავოდ პროგრესული, ბურჟუაზიული საზოგადოება.

„საფრანგეთის რევოლუციის უზარმაზარმა ცოცხმა, XVIII საუკუნეში, — წერდა მარქსი, — გამოჰგავა... შორეული წარსულის

¹ კ. მარქსი, ფ. ენგელსი, რჩ. ნაწერები, თბ., 1950, ტ. I, გვ. 118.

² იქვე, გვ. 265.

მეორე დატოვებული ნაგავი და, ამრიგად, საზოგადოებრივი ნიადაგი გასწმინდა თანამედროვე სახელმწიფოს შენობის ასაგებად¹.

საფრანგეთს 1789 — 1794 წლების დიდი ბურჟუაზიული რევოლუცია არ შემოფარგლულა ნაციონალური ჩარჩოებით. თავისი შედეგებით იგი გასცდა საფრანგეთის ფარგლებს და ევროპულ ხასიათი მიიღო. კაპიტალიზმის გამარჯვება ფეოდალიზმზე, ბურჟუაზიის გამარჯვება ფეოდალებსა, კათოლიკურ რეაქციასა და თვითმპყრობელობაზე, ბურჟუაზიული საკუთრების გამარჯვება ფეოდალურ საკუთრებაზე, თავისუფალი კონკურენციისა — ამქრულ წყობილებაა და რევლამენტაციაზე, როგორც აღნიშნული რევოლუციის შედეგი, არ შეიძლება მარტო საფრანგეთის საზღვრებით შემოფარგლულიყო. ამ რევოლუციამ ააფორიაქა და გადახნა ევროპის მთელი ნიადაგი და ევროპული რევოლუციის ხასიათი მიიღო. მან უდიდესი ზეგავლენა მოახდინა ევროპის სახელმწიფოთა პოლიტიკურ, ეკონომიურ და კულტურულ ცხოვრებაზე და მათ მიმართაც პროგრესული როლი შეასრულა. გერმანიასა და იტალიაში, ბელგია-პოლანდიასა და ევროპის სხვა ქვეყნებში მან საფუძველი ჩაუყარა ხალხის მასების მოძრაობას ფეოდალური პარტიკულიარიზმის, კათოლიკური ეკლესიის, რეაქციული სისტემის და თვითმპყრობელობის წინააღმდეგ.

„აიღეთ საფრანგეთის დიდი რევოლუცია, — წერს ვ. ი. ლენინი, — მას ტყუილად კი არ ეწოდება დიდი. თავისი კლასისათვის, რომლისთვისაც ის მუშაობდა, ბურჟუაზიისთვის. მან ისე ბევრი რამ გააკეთა, რომ მთელმა XIX საუკუნემ. იმ საუკუნემ. რომელმაც ცივილიზაცია და კულტურა მისცა მთელ კაცობრიობას. საფრანგეთის რევოლუციის ნიშნით ჩაიარა. მსოფლიოს ყოველ კუთხეში ის მხოლოდ იმას აკეთებდა, რომ ატარებდა. ნაწილ-ნაწილ ახორციელებდა, ამთავრებდა იმას, რაც შექმნეს ბურჟუაზიის დიდმა ფრანგმა რევოლუციონერებმა, ბურჟუაზიისა, რომლის ინტერესებს ისინი ემსახურებოდნენ, თუმცა ეს არც კი ჰქონდათ შეგნებელი, ინიცებდოდნენ რა სიტყვებით თავისუფლების, თანასწორობისა და ძმობის შესახებ“².

საფრანგეთის 1789 — 1794 წლების რევოლუციამ. აღნიშნულის გამო, საფრანგეთის მეზობელ ევროპულ ქვეყნებში მეფეთა, ფეოდალთა და მთელი ძველი დროშობული ურთიერთობისათვის სასი-

¹ კ. მარქსი, ფ. ენგელსი, რჩ. ნაწ. ტ. I, გვ. 394.

² ვ. ი. ლენინი, თხზ., ტ. 29, გვ. 432.

კვილიო საფრთხე შექმნა. ამიტომ სავსებით ბუნებრივია ის გაბორტება და გააფთრება, რომლითაც გამოეხმაურნენ ამ რევოლუციის გაჩაღებას ძველი საზოგადოების ყველა ძალები ევროპაში — მეფე-მთავრები, ეკლესია და ფეოდალები. რევოლუციის კერის მოსახლობად, საფრანგეთის გარეთ მის მიერ გადასროლილი რევოლუციური ნაპერწკლის ჩასაქრობად და საკუთარი ბატონობის შესანარჩუნებლად ძველი ევროპის ამ „ბურჯებმა“ კონტრრევოლუციური ბლოკი გააფორმეს და 1792 წლიდან რევოლუციური საფრანგეთის წინააღმდეგ უსამართლო, მტაცებლური ომი გააჩაღეს.

ამ კონტრრევოლუციური ბლოკის უსამართლო ომს რევოლუციურმა საფრანგეთმა უპასუხა თავდაცვითი, სამართლიანი, რევოლუციურ-განმათავისუფლებელი ომით, რომელმაც მთელი საფრანგეთის რევოლუციურ-დემოკრატიული მასა ფეხზე დააყენა. ასე დაიწყო რევოლუციური ომები, რომლებმაც თითქმის მთელი ევროპა ჩაითრიეს თავიანთ ფერხულში. ისინი წლების განმავლობაში ბობოქრობდნენ და, ბოლოს, დირექტორიისა და ნაპოლეონის დროის დაპყრობით, უსამართლო ომებში გადაიზარდნენ. რევოლუციურმა ომებმა, გაანადგურეს რა კონტრრევოლუციური ბლოკის ძალები, დაიკვეს საფრანგეთის რევოლუციის მონაპოვარი და თავის მხრივ ხელი შეუწვეს მის „ექსპორტს“ საფრანგეთის გარეთ და იქ ძველი საზოგადოების ნგრევას და კაპიტალისტური ურთიერთობის დაწერვას.

ახასიათებდა რა 1792 — 1794 წლების საფრანგეთის რევოლუციურ ომებს, ი. ბ. სტალინი წერდა:

„1792 წელს... შუა და აღმოსავლეთ ევროპის რეაქციულმა მეფეებმა კავშირი შეკრეს რესპუბლიკური საფრანგეთის წინააღმდეგ, რათა იქ ძველი წყობილება აღედგინათ“. „1792 წლის ომი იყო შეუზღუდავი ვებატონე მეფეების დინასტიური ომი რესპუბლიკური საფრანგეთის წინააღმდეგ, მეფეებისა, რომლებიც საფრანგეთში გაჩაღებულმა რევოლუციურმა ხანძარმა დააფრთხო. ომის მიზანი იყო ჩაექროთ ეს ხანძარი, აღედგინათ საფრანგეთში ძველი წეს-წყობილება და დამფრთხალი მეფეებისათვის ამით გარანტია მიეცათ მათს საკუთარ სახელმწიფოებში რევოლუციური სენის გავრცელების წინააღმდეგ“¹.

1792 წლიდან აღმოცენებულმა რევოლუციურმა ომებმა დიდი ისტორიული როლი შეასრულეს. მათ საფუძველი ჩაუყარეს მთელ ისტორიულ ეპოქას, რომელიც 1814 წლამდე გრძელდებოდა. მარ-

¹ ი. ბ. სტალინი, თხზ., ტ. 3, გვ. 4—5.

თალია, საფრანგეთის რევოლუციურ ომებში, როგორც აღნიშნავენ ვ. ი. ლენინი, „იყო ფრანგების მიერ სხვისი ქვეყნების ძარცვისა და დაპყრობის ელემენტი, მაგრამ ეს ოდნავადაც არ ცვლის ამ ომების ისტორიულ მნიშვნელობას, რომლებიც ანგრევდნენ და არყევდნენ მთელი ძველი, ბატონყმური ევროპის ფეოდალიზმსა და აბსოლუტიზმს“¹.

იაკობინთა დიქტატურამ, როგორც უკვე იყო აღნიშნული, ბოლომდე მიიყვანა საფრანგეთის რევოლუცია. მან გადაწყვიტა რევოლუციის წინაშე მდგარი კარდინალური ამოცანა: მოსპო ძველი დრომოქმული ფეოდალური ურთიერთობა და გზა გაკაფა კაპიტალიზმის სწრაფი განვითარებისათვის. XVIII საუკუნის დასასრული-სათვის საფრანგეთში რევოლუციის წინაშე მხოლოდ ერთი ამოცანა იყო დასმული: ფეოდალური ურთიერთობის მოსპობა და ბურჟუაზიული საზოგადოების აგება. მატერიალური წინამძღვრები რევოლუციის შემდგომი განვითარებისა და მისი სოციალისტურ რევოლუციაში გადაზრდისათვის მაშინ საფრანგეთში ჯერ არ იყო მომწიფებული. ამისათვის საჭირო იყო საწარმოო ძალთა განვითარების მაღალი დონე, კაპიტალისტური წყობილების დაპყვიდრება, მისი, იმანენტურად დამახასიათებელ წინააღმდეგობათა გამოაშკარავება და პროლეტარიატის, როგორც დამოუკიდებელი კლასის, გამოსვლა ისტორიულ ასპარეზზე. ბუნებრივია, რომ არც ერთი ამ პირობათაგანი მაშინ არ არსებობდა. მოცემულმა რევოლუციამ მხოლოდ მაშინ შექმნა პირობები კაპიტალისტური წარმოების წესის გამარჯვებისათვის.

შეასრულა რა ბურჟუაზიული საზოგადოების აგებისათვის გზის გაკაფვის პროგრესული ამოცანა, საფრანგეთის ბურჟუაზიულმა რევოლუციამ უკანასკნელ ფაზაში — იაკობინთა დიქტატურის პერიოდში — ამოწურა თავისი ისტორიული მისია. 9 თერმიდორის (1794 წლის 27 ივლისის) კონტრრევოლუციური გადატრიალების აქტით, რომელიც განახორციელა რევოლუციის შედეგად გამდიდრებულმა და გამარჯვებულმა ბურჟუაზიამ („ნუვორიში“), რის შედეგადაც დაემხო იაკობინთა დიქტატურა, შეწყდა რევოლუციის აღმავალი განვითარება, დამთავრდა რევოლუცია და გაიმარჯვა კონტრრევოლუციამ. ამ თარიღიდან დაიწყო კონტრრევოლუციური ბურჟუაზიის ბატონობის პერიოდი.

9 თერმიდორიდან (1794 წ.) მესამე, ანტიხალხური კონსტიტუციის ძალაში შესვლამდე, ვ. ი. დირექტორიის მმართველობის

¹ ვ. ი. ლენინი, თხზ., ტ. 21, გვ. 363.

დაწყარებამდე, საფრანგეთში ბატონდება თერმიდორული კონტრ-რევოლუცია. ამ პერიოდში ხდება რევოლუციის იმ მონაპოვართა ლიკვიდაცია, რომელიც სოფლისა და ქალაქის მშრომელი მასების ინტერესებს შეესაბამებოდა. გამარჯვებულმა ბურჟუაზიამ ხელ-უხლებლად დატოვა რევოლუციის მხოლოდ ის მონაპოვარი, რომელიც მისთვის იყო საჭირო და მისი კლასობრივი ბატონობის გან-მტკიცების ინტერესებს ემსახურებოდა.

საფრანგეთის 1789 — 1794 წლების ბურჟუაზიულმა რევოლუ-ციამ, შეასრულა რა ახალი საზოგადოებისათვის გზის გაკაფვის ისტორიული ამოცანა, წარმოების ახალი წესის ეკონომიურ სა-ფუძველზე უზრუნველყო ბურჟუაზიულ წარმოებით ურთიერთ-ბათა დანერგვა. მან ბურჟუაზიას მისი ეკონომიური ძალისა და პო-ზიციის შესაბამისი პოლიტიკური უფლებები მიანიჭა და ქვეყნად გაბატონებულ ძალად გახადა.

საფრანგეთის პირველმა ბურჟუაზიულმა რევოლუციამ, აღნიშ-ნულის გამო, უდიდესი ცვლილებები მოახდინა საფრანგეთის მატე-რიალური ცხოვრების წესში, წარმოების ფორმებსა და ორგანიზა-ციაში. მან მძლავრი ბიძგი მისცა საწარმოო ძალთა განვითარებას, კაპიტალისტური მრეწველობის და ალემ-მიცემობის სწრაფ აღმავ-ლობას.

საფრანგეთის პირველი ბურჟუაზიული რევოლუციის შედეგად საფრანგეთის ეკონომიკა განთავისუფლდა ფეოდალური ურთიერ-ობის ბორკილებისაგან და მიიღო სწრაფი განვითარების შესაძ-ლებლობა. ფეოდალურ-სენიორალური უფლების მოსპობამ მიწაზე, აგრარული საკითხის რადიკალურად გადაწყვეტამ და გლეხობის კერძო მესაკუთრე მეურნეებად ქცევამ აამალა ამ კლასის ეკონო-მიური კეთილდღეობა და საფუძველი გამოაცალა კარჩაკეტილ სამეურნეო ფორმებს. ამან თავის მხრივ ასწია მოსახლეობის ფართო ფენების მსყიდველობითი უნარი და მით ხელი შეუწყო შინაგანი ბაზრის ტევადობის გადიდებას, რასაც დაერთო ამქრული წესების, რეგლამენტაციის და შინაგანი საბაჟოების ლიკვიდაცია, ერთიანი წონა-ზომის შემოღება, სახელმწიფო ბიუჯეტის არამწარმოებელი ხარჯების შემცირება და ა. შ. ყოველივე ამან, ხელისუფლების სა-თავეში ბურჟუაზიის ჩადგომასთან ერთად, რომელმაც შესაძლებ-ლობა მიიღო უშუალოდ განეზორციელებინა სამეურნეო ცხოვრების ხელმძღვანელობა, მძლავრი სტიმული მისცა კაპიტალიზმის სწრაფ განვითარებას და საფრანგეთი კაპიტალისტური ინდუსტრიალიზა-ციის გზაზე დააყენა.

გამარჯვებულმა ბურჟუაზიამ რევოლუციური და კონტრრევოლუციური კონვენტისა და დირექტორიის მმართველობის წლებში ათეული დეკრეტი გამოსცა, რომლებიც სპობდა კაპიტალისტური მრეწველობის განვითარების გზაზე არსებულ დაბრკოლებებს, მან გააძლიერა ბრძოლა საკუთარი ბაზრის დასაცავად უცხოური (ინგლისური) სამრეწველო საქონლის კონკურენციისაგან¹ და სერიოზული ყურადღება მიაქცია საგარეო ბაზრებს.

ეხებოდა რა საფრანგეთის ბურჟუაზიის გამარჯვებას 1789.—1794 წლების რევოლუციაში, მარქსი წერდა:

„... ბურჟუაზიის გამარჯვებამ ნიშნავდა მაშინ ახალი საზოგადოებრივი წყობილების გამარჯვებას, ბურჟუაზიული საკუთრების ფეოდალურზე. ერის გამარჯვებას პროვინციალიზმზე, გამარჯვებას კონკურენციისა — ამქრებზე, საკუთრების განაწილებისა — მაიორატზე, მესაკუთრისადმი მიწის დამორჩილებისა — მიწისა მესაკუთრის დამორჩილებაზე, განათლებისა — ცრუმორწმუნეობაზე, ოჯახისა — გვარზე, მრეწველობისა — გმირულ სიზარმაცეზე, ბურჟუაზიული სამართლისა — შუასაუკუნეობრივ პრივილეგიებზე“².

ისტორიკოსთა ნაწილი ციფრობრივი მასალების მომარჯვებით აღნიშნავს მრეწველობის და ალებ-მიცემობის მკვეთრ დაცემას რევოლუციისა და დირექტორიის მმართველობის წლებში. ასე, მაგალითად, ლევასერის მონაცემებით ძველი რეჟიმის უკანასკნელ წელს სულ საფრანგეთში დამზადებულა 2.606.977 ნაჭერი მათედი და სხვა შალეული, ხოლო რესპუბლიკის მესამე წელს (1795 წ.) მისი რაოდენობა 802.408 ნაჭრამდე შემცირებულა. 1789 წელს სულ საფრანგეთში ყოფილა 68.416 სახელოსნო 594.911 მუშით, მესამე წელს (1795 წ.) კი სახელოსნოთა რაოდენობა შემცირებულა 35.820-მდე, მასში მომუშავე მუშებისა კი — 230.374-მდე³. მაგრამ ეს მონაცემები მხოლოდ იმაზე მიგვიჩვენებს, რომ სამოქალაქო ომმა ქვეყნის შიგნით და ომებმა ევროპის კონტრრევოლუციური კოალი-

¹ II წლის 18 ვანდემიერს (1793 წ.) გამოიცა დეკრეტი, რომელიც კრძალავდა ინგლისური მანუფაქტურების და ფაბრიკა-ქარხნების რაიმე სახის ნაწარმის შეზიდვას საფრანგეთში. V წლის 10 ბრიუმერს კი (1796 წ.) გამოცემულ იქნა დეკრეტი, რომელიც შიშაწავებდა ინგლისისათვის დაუნდობელი საბაჟო ომის გამოცხადებას. იხ. E. B. Т а р а е, Контрпентальная блокада, М., 1913, გვ. 139.

² კ. მარქსი, ფ. ენგელსი, რჩ. ნაწ., ტ. I, გვ. 53.

³ E. Levasseur, დასახ. ნაშრ., ტ. I, გვ. 267.

ციის წინააღმდეგ აიძულა ფრანგი ხალხი და, პირველ რიგში, გამარჯვებული ბურჟუაზია, მკვეთრად შეეკეცა ფართო მოხმარების სამოქალაქო საგნების წარმოება და მრეწველობა, მთელი სახალხო მეურნეობა სამხედრო რელსებზე გადაეყვანა. ბუნებრივია, რომ ეკონომიკის დაქვემდებარებას ომის ამოცანებისადმი მკვეთრად უნდა შეემცილებინა საფეიქრო და სხვა სამრეწველო ნაწარმი. გამოშვება, ამას კი ინგლისის მიერ მოწყობილ საზღვაო ბლოკადასთან ერთად უნდა მოყოლოდა საფრანგეთის საგარეო ვაჭრობის მოცულობის შეზღუდვა.

მაგრამ, მეორეს მხრივ, ძველ წარმოებით ურთიერთობათა ლიკვიდაციამ და ევროპის კოალიციასთან ომით გამოწვეულმა ვითარებამ დიდი გასაქანი მისცა მეცნიერების სხვადასხვა დარგების, კერძოდ, გამოყენებითი დარგების—ქიმიის, ფიზიკის, მათემატიკის და სხვ.—განვითარებას. 1789—1794 და მომდევნო წლებში დიდ განვითარებას მიაღწია სამხედრო მრეწველობამ, მეტალურგიამ, ქიმიურმა მრეწველობამ და ომის ინტერესებისათვის მომუშავე სხვა დარგებმა. რევოლუციის წლებში მეცნიერთა მთელმა პლეადამ (ლავეუაზიე, ლაპლასი, ბერთოლე, ფურკრუა, ლაგრანჟი, მონჟი, ლამარკი და სხვები) დიდი სამსახური გაუწია საფრანგეთს, ბევრი ახალი აღმოჩენით და გამოგონებით გაამდიდრა ქვეყანა და წინ წასწია მეცნიერებისა და ტექნიკის განვითარება¹.

კაპიტალისტური წარმოებისა და ალებ-მიცემობის განვითარების ხელშემშლელი ზღუდეების დამსხვრევით, საწარმოო ძალთა სწრაფი ტემპით განვითარებისათვის პირობების შექმნით და ბურჟუაზიის გაბატონებით საფრანგეთის 1789—1794 წლების რევოლუციამ უშუალო გავლენა მოახდინა ქვეყნის საგარეო პოლიტიკაზე და დიპლომატიურ საქმიანობაზე.

საფრანგეთის გამარჯვებულმა ბურჟუაზიამ, რომლის წინაშე მოქმედების ახალი ასპარეზი გადაიშალა, უშუალოდ მოკიდა ხელი საგარეო პოლიტიკას და დიპლომატიურ სამსახურს და იგი თავის კლასობრივ ინტერესებს დაუქვემდებარა. მართალია, საფრანგეთის ბურჟუაზია 9 თერმიდორის კონტრრევოლუციური გადატრიალების შემდეგაც დეკლარატულად აცხადებდა, რომ იგი თითქოს ბრძოლას ეწეოდა არა ახალი ტერიტორიების დაპყრობისა და ბაზრების დაუფლებისათვის, არამედ, ქვეყნის თავდამსხმელა მტრისაგან

¹ ამის შესახებ უფრო ვრცლად იხ. О. Старосельская - Никитина, Очерки по истории науки и техники периода: Французской буржуазной революции 1789—1794 гг., М.—Л., 1946.

თავდაცვისათვის, მაგრამ ასეთი განცხადებები რეალურ საფუძველს მოკლებული იყო, დემაგოგიური იყო თავისი ხასიათით და საზოგადოებრივი აზრის შეცდომაში შეყვანას ისახავდა მიზნად. საფრანგეთის ბურჟუაზიის პრაქტიკული ნაბიჯები საგარეო პოლიტიკის დარგში მისი სიტყვიერი განცხადებების სრულ წინააღმდეგობას წარმოადგენდა.

გამარჯვებული ბურჟუაზია 9 თერმიდორის სახელმწიფო გადატრიალების შემდეგ, როდესაც დამთავრდა რევოლუციური ომების პერიოდი, ბოლოს უღებს საფრანგეთის საგარეო პოლიტიკისა და დიპლომატიური სამსახურის ძველ მიმართულებას, რაც თავდად-აზნაურობისა და დინასტიის ინტერესებს ემსახურებოდა და მას ახალ შინაარსს და მიმართულებას აძლევს. საფრანგეთის საგარეო პოლიტიკის შინაარსად და ამოცანად, ბურჟუაზიის კლასობრივი ინტერესების შესაბამისად. იქცა ბრძოლა კოლონიების და ბაზრებისათვის, საფრანგეთის ტერიტორიული გაფართოებისათვის, ძველი დაკარგული პოზიციების აღდგენისათვის საზღვაო და კოლონიურ ასპარეზზე.

საფრანგეთის ბურჟუაზიის ახალი საგარეო პოლიტიკური მიმართულება და შესატყვისი დიპლომატიური საქმიანობა უშუალოდ გამომდინარეობდა ამ კლასის ეკონომიური ინტერესებიდან და მოთხოვნილებებიდან. კაპიტალისტური საქმიანობის — „მიზნების“ ვრცელი ასპარეზი და კაპიტალისტური წარმოება — ალებ-მიცემობის განვითარების დიდი პერსპექტივები, რომლებიც საფრანგეთის რევოლუციის შედეგად გადაიშალა, გადაუდებელ ამოცანად აყენებდა გამარჯვებული ბურჟუაზიის წინაშე ახალი ბაზრების საკითხს. მზარდ კაპიტალისტურ მრეწველობას, საქონლის მზარდი კომოშეების პერსპექტივებით ესაჭიროებოდა ახალი და ახალი ბაზრები და ნედლეულის წყაროები. ევროპაში ტერიტორიული გაფართოებითა და ზღვების მიღმა კოლონიური სამფლობელოების დაპყრობით საფრანგეთის ბურჟუაზია ლაშობდა, ერთსა და იმავე დროს გადაეწყვიტა როგორც ბაზრის, ისე იაფფასიანი ნედლეულის წყაროების დაუფლების ამოცანა.

ინგლის-საფრანგეთის ასწლიანი ბრძოლა კოლონიებისათვის, ბაზრებისათვის, ევროპის კონტინენტზე გავლენა-უპირატესობისა და ზღვაზე პირველობისათვის რევოლუციური ომების დასრულების შემდეგ თავისი განვითარების ახალ ფაზაში შევიდა; თუ

1792 — 1794 წლებში ევროპული და მთელი საერთაშორისო ურთიერთობის ღერძს წარმოადგენდა რევოლუციური საფრანგეთის ბრძოლა ევროპის კონტრრევოლუციურ კოალიციასთან, რომელსაც საფრანგეთის მოსისხლე მტერი ინგლისი ედგა სათავეში, 1794 წლის 9 თერმიდორის შემდეგ ასეთ ღერძად იქცა ინგლის-საფრანგეთის ბრძოლა ევროპაში და ევროპის მიღმა ჰეგემონობისათვის ზღვაზე და ხმელეთზე, ვაჭრობისა და კოლონიურ ასპარეზზე, პირველობისათვის მთელ მსოფლიოში.

საფრანგეთის გამარჯვებულმა ბურჟუაზიამ, დაუმორჩილა რა ქვეყნის საგარეო პოლიტიკა და დიპლომატია საკუთარ კლასობრივ ინტერესებს, აღმავალი კაპიტალიზმის მოთხოვნილებებს, არსებითად შეინარჩუნა საგარეო პოლიტიკის ძველი, მემკვიდრეობით მიღებული აპარატი. მანვე ხელუხლებლად დატოვა ძველი დიპლომატიური ხერხები და ძველ დიპლომატთა მნიშვნელოვანი ნაწილი, რომელთაც მოახერხეს ახლებურად „გარდაქმნა“ და ახალი კლასის ხელისუფლებასთან შეგუება. საფრანგეთის ბურჟუაზიამ მხოლოდ კორექტივი შეიტანა საგარეო პოლიტიკის აპარატის საქმიანობაში და დიპლომატიურ ხერხებში. მას ზომ საერთოდ არ მოუხდენია ძველი, ფეოდალთა კლასის ინტერესებისათვის მებრძოლი, სახელმწიფო მანქანის დამსხვრევა. მან იგი მიიღო მზამზარეულად, თავის ხელში აიღო მისი მართვის სადავეები და იგი თავის კლასობრივ ინტერესებს დაუქვემდებარა.

3. რუსეთ-საფრანგეთის 1789—1796 წლების ურთიერთობის ზოგადი მიმოხილვა

ა) საფრანგეთის 1789 — 1794 წლების ბურჟუაზიული რევოლუციის წინ რუსეთსა და საფრანგეთს შორის ნორმალური პოლიტიკურ-დიპლომატიური, საეკონომიური და კულტურული კავშირ-ურთიერთობა არსებობდა. აღნიშნული დროისათვის ამ ურთიერთობას საუკუნეზე მეტი ხანგრძლიობა ჰქონდა.

XVIII საუკუნის მეორე ნახევარში, კერძოდ ეკატერინე II-ის მეფობის მეორე ნახევარში, რუსეთ-საფრანგეთის ურთიერთობაში მთელ რიგ მწვავე მომენტებს ჰქონდა ადგილი. ამ ორი სახელმწიფოს ინტერესები მკვეთრად დაეჯახა ერთმანეთს ევროპული და საერთაშორისო პოლიტიკის რიგ საკვანძო საკითხში (პოლონეთის სა-

კითხში, აღმოსავლეთის, ევროპულ თურქეთის საკითხში, შვეციის ნიადაგზე და ა. შ)¹.

საფრანგეთის დიპლომატია დინასტიური და თავად-აზნაურთა კლასობრივი ინტერესების შესაბამისად პოლონეთის საკითხში რუსეთის იმპერიის წინააღმდეგ მოქმედებდა. იგი მიზნად ისახავდა პოლონეთში ფეხის მკვიდრად მოკიდებას და პოლონეთ-რუსეთის ურთიერთობის ხელოვნურად გამწვავებას. საფრანგეთის მთავრობა აქეზებდა, ასულდგმულებდა და აფინანსებდა პოლონეთის სასახლის და გაბატონებული კლასების იმ გველენიან თავკაცებს და ჯგუფებს, რომლებიც მტრულად იყვნენ განწყობილნი რუსეთისადმი და მასთან ურთიერთობის ნორმალიზაციის წინააღმდეგ ილაშქრებდნენ. საფრანგეთის დიპლომატია აქტიურ მონაწილეობას იღებდა პოლონეთის „ვაკანტური“ ტახტისათვის პერიოდულად გაჩაღებულ მძაფრ ბრძოლაში. იგი მუდამ ტახტის იმ პრეტენდენტებს უჭერდა მხარს, რომლებიც საფრანგეთის მონარქიის (ბურბონთა დინასტიის) კრეატურებს წარმოადგენდნენ და მათივე იარაღის როლს ასრულებდნენ მეფის რუსეთის წინააღმდეგ ბრძოლაში.

მეფის რუსეთის დიპლომატია, თავის მხრივ, პოლონეთის მიმართ ისეთ პოლიტიკას ატარებდა, რომელიც რუსეთის ცარიზმისა და რუსი მემამულეების ინტერესებიდან გამომდინარეობდა. ეს იყო პოლონეთის დაყოფის, მისი საუკეთესო წილის შითვისების, პოლონური მიწების და ყმების ხელში ჩაგდების, პოლონურ პლაცდარმზე გაბატონების აგრესიული პოლიტიკა. პოლონეთის პირველ დაყოფამდე დიდი ხნით ადრე მეფის რუსეთის მთავრობა ნიადაგს ამზადებდა ამ ქვეყნის დაყოფის გეგმის სისრულეში მოსაყვანად და თვით პოლონეთში აკოწიწებდა ამ პოლიტიკის ხელშემწყობ დაჯგუფებას. ეკატერინე II მხარს უჭერდა იმ კანდიდატს პოლონეთის ტახტზე, რომელიც, მისივე სიტყვებით რომ ვთქვათ, „იმპერიის ინტერესებისათვის სასარგებლო იქნებოდა, რომელსაც ჩვენს გარდა ამ ღირსების მისაღებად არავისაგან არავითარი იმედი არ ექნება“².

¹ რუსეთ-საფრანგეთის აღნიშნული პერიოდის ურთიერთობის ამ პერიოდების შესახებ ჩვენ სამეცნიეროდ ვერ ვისაუბრებთ. რევოლუციამდელი რუსი ავტორებიდან საკმაოდ ვრცლად მის შესახებ ცნობები მოცემული აქვთ შემდეგ ავტორებს: Н. Василенко, Отношения между Россией и Францией до Французской революции; მოთ. კრებულში „Отечественная война и русское общество...“, М., 1912, გვ. 1—14; П. Безобразов, О сношениях России с Францией, М., 1892, თავი XXX.

² История дипломатии, т. I, гл. 286.

ემზადებოდა რა პოლონეთის სახელმწიფოს დასანაწილებლად, ეკატერინე II, ამავე დროს, პოლონელი ხალხის თავისუფლების დაცვის ნიღაბს ეფარებოდა და თავის პოლიტიკას პოლონეთის საკითხში „სამართლიანობისა“ და „განათლების“ მოსაზრებებით ამართლებდა.

ტყუილად როდი წერდა ენგელსი, რომ „განათლება“ ეს იყო ცარიზმის ლოზუნგი ევროპაში მეთვრამეტე საუკუნეში, ისე როგორც „ხალხთა განთავისუფლება“ — მეცხრამეტე საუკუნეში. ყოველგვარ ტერიტორიულ ძარცვას, ყოველგვარ ძალმომრეობას, ყოველგვარ ჩაგვრას ცარიზმი აწარმოებდა „განათლების“, „ლიბერალიზმის“, „ხალხთა განთავისუფლების“ მომიზეზებით¹.

რუსეთ-საფრანგეთის დიპლომატიური ბრძოლა პოლონეთის საკითხში საფრანგეთის რევოლუციის წინ რუსეთის ცარიზმის დიპლომატიის გამარჯვებით დამთავრდა. პოლონეთის პირველი დაყოფა, რომელსაც შემდეგ მისი მეორე და მესამე დაყოფა მოჰყვა, ამ გამარჯვების კონკრეტული მაჩვენებელი იყო.

დაახლოებით ასეთივე დაპირისპირებას ჰქონდა ადგილი ამ ორ სახელმწიფოს შორის შვეციასთან ურთიერთობის საკითხშიაც.

ინგლისი და საფრანგეთი, ხან ერთად, ხანაც ცალ-ცალკე, ცდილობდნენ თავიანთი გავლენისათვის დაეჭვემდებარებინათ შვეციის სამეფო კარი და მისი დიპლომატია და გამოეყენებინათ იგი რუსეთის წინააღმდეგ საბრძოლველად. შვეციაზე დაყრდნობით ისინი ლაშობდნენ მკვიდრად მოედგათ ფეხი სკანდინავიასა და ბალტიის ზღვის აუზში, მიეღოთ იქ უპირატესი როლი ზღვაოსნობა-ვაჭრობაში. თანაც ჩაეშალათ მეფის რუსეთის პოლიტიკური და სამხედრო-სტრატეგიული გეგმები ევროპის ამ ნაწილში.

რუსეთის დიპლომატია, თავის მხრივ, ენერგიულ საქმიანობას ეწეოდა საფრანგეთის აღნიშნული გეგმების ჩასაშლელად. იგი მხარს უჭერდა შვეციის არქაულ სახელმწიფოებრივ მმართველობას და იმ პოლიტიკურ ჯგუფებს, რომლებიც მტრულად იყვნენ განწყობილნი საფრანგეთისადმი. იგი ყოველმხრივ ხელს უშლიდა საფრანგეთ-შვეციის კავშირის განახლებას, რისთვისაც იყენებდა სათანადო გავლენიანი პირების მოსყიდვის და შვეციის მთავრობისათვის სუბსიდიის მიცემის პრაქტიკას².

შვეციასთან ურთიერთობა, პოლონეთის მსგავსად, ხშირად ქმნიდა ფიცხ მასალას რუსეთ-საფრანგეთის ურთიერთობაში. რუ-

¹ К. Маркс и Ф. Энгельс, Соч., т. XVI, № 11, стр. 14—15.

² История дипломатии, т. I, стр. 287.

სეთ-შვეციის ომი 1788 — 1790 წლებში რომლის გაჩაღებაშიაც ინგლის-საფრანგეთის დიპლომატიამ აქტიური როლი შეასრულა, აღნიშნულ წინააღმდეგობათა კონკრეტულ გამოხატულებას წარმოადგენდა. ამ ომის უშუდევოდ დამთავრება დარუსეთ-შვეციის 1790 წლის საზავო ხელშეკრულების (ვერელში) დადება „შვეციის საკითხში“ საფრანგეთის დიპლომატიის მორიგ მარცხს წარმოადგენდა.

„აღმოსავლეთის საკითხი“, რომელიც XVIII საუკუნის მეორე ნახევარში აღმოცენდა, ამ საუკუნის ბოლოსათვის ევროპული დიპლომატიის ერთ-ერთ თავსატეხს საკითხად იქცა. მარქსი ტყუილად როდი უწოდებდა ოსმალეთის იმპერიას „ლეგიტიმისტური ევროპის ავადმყოფ ადგილს“. ამ საკითხში, კიდევ უფრო მწვავედ, ვიდრე ზემოთ აღნიშნულ ორ საკითხში, დაეჯახნენ ერთმანეთს რუსეთისა და საფრანგეთის ინტერესები. მათი პოზიციები და თვალსაზრისი ამ საკითხში დიამეტრალურად დაპირისპირებული და შეუთრგებელი აღმოჩნდა. ცნობილია, რომ თურქეთის იმპერიის შემდგომი ბედი, მისი მემკვიდრეობის განაწილების საკითხი, ბალკანეთის და შავი ზღვის სრუტეებს შემდგომი მფლობელობის საკითხი აღმოსავლეთის საკითხის აღფასა და ომეგას, ზერძს წარმოადგენდა¹.

რუსეთის და საფრანგეთის დიპლომატიური ბრძოლა აღმოსავლეთის საკითხში იმ ბრძოლის ნაწილს და ერთ-ერთ მთავარ რგოლს წარმოადგენდა, რომელიც ევროპული დიპლომატიის ამ თავსატეხი საკითხის ნიადაგზე წარმოებდა რუსეთსა, ავსტრიასა, ინგლისსა და საფრანგეთს შორის. ამ ბრძოლაა განაპირობებდა სავაჭრო-ეკონომიური, პოლიტიკური, სამხედრო-სტრატეგიული და დინასტიური მოტივები. აღნიშნული მოტივები კი უმეტეს შემთხვევაში ერთმეორეში იყო გადანასკველი.

მეფის რუსეთი ეკატერინე II-ის მეფობის პერიოდში დიპლომატიისა და იარაღის მეშვეობით ვენერგიულ შეჭევას აწარმოებდა ოტომანთა იმპერიის წინააღმდეგ. კერძოდ მისი ევროპული სამფლობელოების წინააღმდეგ, რომელიც დიდ სახელმწიფოთა ქიშპობის და მეტოქეობის მთავარ ობიექტს წარმოადგენდა. რუსეთის ცარიზმი იბრძოდა შავი ზღვის ჩრდილო სანაპიროების ხელში ჩასაგდებად, შავ ზღვაზე მტკიცედ ფეხის მოსაკიდებლად. ბოსფორისა და დარდანელის სრუტეებში თავისუფალი ნაოსნობის უფლების მოსაპოვებ-

¹ ტყუილად კი არ წერდა ენგელსი აღმოსავლეთის საკითხის შესახებ: „როგორც კი დროებით დაცნობა რევოლუციური გრიგალი, შეიძლება დარწმუნებით ითქვას, რომ კვლავ ხელდაპირზე ამოტივტივდება მარადიული „აღმოსავლეთის საკითხი“. F. Маркс и Ф. Энгельс, Соч., ტ. 9, გვ. 371.

ლად, ბალკანეთზე მტკიცე პლაცდარმის შესაქმნელად, ყოველივე ამით იგი ქმნიდა შესაძლებლობას თურქეთის განაწილების რუსული გეგმის სისრულეში მოსაყვანად. ვარდა ამისა, მის ამოცანას შეადგენდა თურქეთის იმპერიის ევროპული და აზიური სამფლობელოების ბაზრებზე უპირატესი როლის მოპოვება და ამგვარად, რუსეთის საქონლისათვის ახალი ბაზრების დაუფლება.

მართალია, რუსეთის ცარიზმის აღნიშნული პოლიტიკა გაბატონებული კლასების კლასობრივი მოთხოვნებით იყო განპირობებული და, ამდენად, იგი აგრესიულ, უსამართლო ხასიათს ატარებდა, მაგრამ ეს პოლიტიკა ობიექტურად ემთხვეოდა ბალკანეთის და ამიერკავკასიის დასავლეთი ნაწილის ხალხთა სამართლიან განმათავისუფლებელ მისწრაფებებს. მეფის რუსეთის აღნიშნული პოლიტიკის, მისი დიპლომატიის და ომების შედეგები ობიექტურად ხელს უწყობდა ამ ხალხთა განთავისუფლებას თურქ ასიმილატორთა მძიმე უღლისაგან, რის გამოც მათ მიმართ პროგრესულ როლს ასრულებდა.

რუსეთის დიპლომატია მეთოდურად და აღმავალი შეტევით მიიწვედა წინ დასახული ამოცანების განსახორციელებლად, მაგრამ აქ იგი ინგლისის და საფრანგეთის მზარდ წინააღმდეგობას აწყდებოდა. საფრანგეთის დიპლომატია აქეზებდა თურქეთს, სისტემატურ რჩევა-დარიგებას აძლევდა მას, აფინანსებდა და ამხედრებდა რუსეთის წინააღმდეგ. რუსეთსა და თურქეთს შორის აღმოცენებული რამოდენიმე ომი, კერძოდ 1768 — 1774 და 1787 — 1791 წლების ომები. საფრანგეთის წაქეზებისა და ინტრიგების შედეგს წარმოადგენდა. საფრანგეთს არ სურდა რუსეთის გაფართოება თურქეთის ხარჯზე, არ სურდა შავი ზღვის და ბალკანეთის მნიშვნელოვანი ბაზები რუსეთის ხელში გადასულიყო, მით უმეტეს მას არ სურდა განხორციელებულიყო თურქეთის მემკვიდრეობის განაწილების ე. წ. „ბერძნული გეგმა“, რომლის ავტორი ეკატერინე II იყო. იბრძოდა რა „სოცხალი გემის“ სიცოცხლისუნარიანობის შესანარჩუნებლად—გახრწნის გზაზე მდგარი თურქეთის დამპყრობლური დესპოტიის მთლიანობის დასაცავად, საფრანგეთის დიპლომატია ამით ილაშქრებდა თურქთა ტირანიის ქვეშ მგმინავი ბალკანეთის სლავი ხალხების, ბერძნების და სხვათა განმათავისუფლებელი ბრძოლის წინააღმდეგ და ამით ინგლისთან ერთად რეაქციულ როლს ასრულებდა.

საფრანგეთის ანტირუსული პოლიტიკა თურქეთის საკითხში, თურქეთის „მთლიანობის“ დაცვის პოლიტიკა მის მიერ, იმ განსაკუთრებული დაინტერესების და გავლენის შედეგს წარმოადგენდა,

რომელიც ამოქმედებდა საფრანგეთს თურქეთში. საფრანგეთს ამოქმედებდა იქ არა იმდენად დინასტიური, რამდენადაც ეკონომიური და სამხედრო-პოლიტიკური ხასიათის ინტერესები. ჯერ კიდევ 1535 წლიდან, როდესაც თურქეთის სულთანმა სულეიმან კანონმდებელმა საფრანგეთის მეფეს ფრანცისკ I-ს მისი ქვეშევრდომებისათვის უბოძა ე. წ. კაპიტულაცია, პრივილეგიების შემცველი სიგელი, საფრანგეთი ოტომანთა იმპერიასთან ფართო სავაჭრო ურთიერთობას აწარმოებდა. თურქეთისადმი ვასალურ ურთიერთობაში მყოფ ლევანტის ყველა ქვეყანაში საფრანგეთი უპირატესი გავლენით სარგებლობდა ზღვაოსნობის და ვაჭრობის საქმეში. ეს ვაჭრობა უაღრესად ხელსაყრელი და სარფიანი იყო ფრანგი ვაჭრებისათვის: იგი დიდ მოგებას აძლევდა იმ ფრანგულ სავაჭრო საზოგადოებებს, რომელთა ხელშიც იყო ეს ვაჭრობა¹.

მოპოვებული სავაჭრო-სანაოსნო და საწარმოო პრივილეგიების შენარჩუნება, თურქეთის შინაგან საქმეებში ხელის ფათურის შესაძლებლობის შენარჩუნება, მისთვის ცალკეული სამფლობელოების წართმევა, — აი რით იყო შეპირობებული საფრანგეთის დიპლომატიის აღებული ხაზი თურქეთის საკითხში, მისი გამოსვლა რუსეთის მისწრაფების წინააღმდეგ.

განხილულ ფიცხ მასალას რუსეთ-საფრანგეთის ურთიერთობაში დროდადრო კიდევ ახალი ფიცხი მასალა ემატებოდა მათ შორის არსებულ ეკონომიურ-სავაჭრო ურთიერთობის ნიადაგზე.

საფრანგეთის სავაჭრო-ეკონომიური კავშირი რუსეთთან XVIII საუკუნის ოთხმოციანი წლების მეორე ნახევრამდე, როგორც უკვე აღენიშნავდით ზემოთ, სუსტი იყო და მკვეთრად განიჩეოდა ინგლის-რუსეთის შესატყვისი ურთიერთობისაგან. რუსი მემამულეები და ვაჭრები ნაკლებად იყვნენ დაკავშირებულნი საფრანგეთთან ვაჭრობის და ზღვაოსნობის მხრივ და დიდ დაინტერესებასაც არ იჩენდნენ მასთან ვაჭრობის გასაფართოებლად.

საფრანგეთის მმართველი წრეები აშკარა უკმაყოფილებას გამოთქვამდნენ იმის გამო, რომ ინგლისელები ყოველმხრივი უპირატესობით სარგებლობდნენ რუსეთში, ვრცელ სავაჭრო ოპერაციებს აწარმოებდნენ რუსებთან და ძირითადად თავისივე გემებით

¹ თურქეთ-საფრანგეთის აღნიშნული პერიოდის ურთიერთობის, პირველი კაპიტულაციებისა და მათი არსის შესახებ ვრცლად იხილეთ Saint Priest-ის დასახ. ნაშრომი, გვ. 29 — 177, 344 — 430; История дипломатии, т. I, гл. 193—194.

ეზიდებოდნენ არა მარტო მათთვის განკუთვნილ რუსულ საქონელს, არამედ სხვების საქონელსაც.

საფრანგეთის უკანასკნელი ელჩი პეტერბურგში სეგიური თავის მემუარებში გულისტკივილით აღნიშნავდა, რომ პეტერბურგში ინგლისელ ნეგოციანტებს ბევრი სავაჭრო სახლი ჰქონდათ. სპეციალური კვარტალი მათთვის იყო გამოყოფილი, ფრანგების ეკონომიური პოზიციები ძალზე უმნიშვნელო იყო. ინგლისი ჩვენს საქონელსაც კი ეზიდებოდაო რუსეთში (ყავას, შაქარს, ღვინოს), ყოველწლიურად 20 ფრანგული გემი ძლივს ჩადიოდაო რუსეთის ნავსადგურებში¹.

რუსეთსა და საფრანგეთს შორის სავაჭრო ურთიერთობა ამ პერიოდში იმდენად სუსტი იყო, რომ ცალკეულ წლებში, რუსეთის ნავსადგურებში საფრანგეთის არც ერთი გემი არ შემოსულა.

რიგი ავტორების ცნობით ფრანგები ასეთი არანორმალური მდგომარეობისათვის რუსებს დებდნენ ბრალს, რუსები კი დევ — ფრანგებს. ფრანგების აზრით რუსები საფრანგეთთან ვაჭრობისას არ მოქმედებდნენ ურთიერთხელსაყრელობის პრინციპით, ყოველგვარ შეღავათებს ინგლისელებზე ავრცელებდნენ, ხოლო საფრანგეთის ძირითად სავაჭროპორტო საქონელზე (აბრეშუმის ქსოვილებზე, გალანტერიაზე, მაქმანზე, ღვინოზე, ოქრო-ვერცხლის ნივთებზე და ა. შ.) მაღალ ბაჟებს ადებდნენ². საფრანგეთის გენერალური კონტროლიორის კალონის ცნობით რუსები თავის მხრივ უემაყოფილონი იყვნენ იმით, რომ თითქოს ფრანგებს მეტი საქონელი შეჰქონდათ რუსეთში, ვიდრე გაჰქონდათ იქიდან საფრანგეთში, და ამდენად ეს ვაჭრობა აქტიური იყო მათთვის და არახელსაყრელი რუსებისათვის³.

საფრანგეთის მმართველი წრეების წარმომადგენლები ცდილობდნენ ღარეყოთ რუსების საყვედური და დაემტკიცებინათ, რომ რუსეთის საქონლის ექსპორტი საფრანგეთში მუდამ აღემატებოდა საფრანგეთის საქონლის ექსპორტს რუსეთში. 1775 წელს (კალონის ცნობით) რუსეთში შეუზიდავთ 5.485.675 ლივრის ღირებულების ფრანგული საქონელი, საფრანგეთში კი—6. 412.329 ლივრის რუსული საქონელი, რაც 926.654 ლივრით აქტიურ ბალანსს ქმნიდა რუ-

¹ Segur, Mémoires, ტ. 2, გვ. 258—269, 277—281.

² Н. Кулишер, Очерк истории русской торговли, Петербург, 1923, гв. 205, 207.

³ Е. В. Тарле. Запад и Россия. Статьи и докум. на историю XVIII—XIX вв., Петроград, 1918. гв. 131.

„სეთისათვის“¹. ამ ცნობებს დაახლოებით ემთხვევა საფრანგეთის სავაჭრო ბიუროს ბალანსის მონაცემები. ამ მონაცემების მიხედვით 1875 წელს რუსეთს საფრანგეთში შეუზიდაეს იალქნები, ტილო, ხორბლელუი და სხვა სახის 6.412.339 ლივრის საერთო ღირებულების საქონელი. ხოლო საფრანგეთს რუსეთში შეუზიდაეს 5.485.675 ლივრის ზენო, არაყი, ხილი, მარილი, ფუფუნების საგნები და სხვა წვრილმანი საქონელი (les divers petits objets²).

რუსეთ-საფრანგეთის სავაჭრო ურთიერთობის გაფართოების გზაზე, გარდა ინგლისის მონოპოლიური პოზიციებისა რუსეთის ბაზარზე, მთელი რიგი სხვა დაბრკოლებებიც არსებობდა. ეს დაბრკოლებები იყო: სავაჭრო ხელშეკრულების არ არსებობა ამ სახელმწიფოებს შორის, საფრანგეთის სავაჭრო ფლოტის მცირე რაოდენობა, საფრანგეთის ინგლისთან შედარებით სუსტი სამრეწველო განვითარება, რის გამოც მას არ შეეძლო მიეწოდებინა რუსეთისათვის მთელი რიგი სამრეწველო საქონელი. ამასთან ერთად უნდა აღინიშნოს, რომ საფრანგეთში, რომელიც თვით იყო სასოფლო-სამეურნეო ხანიათის ქვეყანა. ნაკლები მოთხოვნილება იყო რუსეთის ნედლეულსა და სურსათზე. ყოველივე ამას ემატებოდა დარდა-ნელისა და ბონფორის სრუტეების ხშირი დახურვა რუსეთ-თურქეთის ომების შედეგად და სამხრეთ რუსეთის სუსტი ეკონომიური კავშირი სამხრეთ ევროპის ქვეყნებთან (ყირიმის შემოერთებამდე).

ფრანგები დიდი ხანია იბრძოდნენ იმისათვის, რომ რუსეთთან დადებულიყო სავაჭრო ხელშეკრულება. რომელიც უზრუნველყოფდა მათთვის ისეთივე შეღავათიან პირობებს, რომლებითაც ეუკე აარგებლობდნენ ინგლისელები. პირველ რიგში, ისინი მოითხოვდნენ ბაჟების შემცირებას რუსეთში შეზიდულ ფრანგულ საქონელზე. ფრანგების ამ მოთხოვნას რუსეთში კარგა ხნის განმავლობაში ანგარიშს არ უწევდნენ. ამას ხელს უშლიდა აგრეთვე ამ ქვეყნების დაპირისპირება სხვა საკითხებშიც.

მნიშვნელოვანი გაუმჯობესება რუსეთ-საფრანგეთის ურთიერთობაში იწყება 1785 წლიდან, როდესაც საფრანგეთის ელჩად რუსეთში დაინიშნა გრაფი სეგიური, თანაც დაისახა ახალი მოვლენები ევროპის სახელმწიფოთა ურთიერთობაში.

პეტერბურგსა და პარიზში ერთსა და იმავე დროს დაიწყო მოლაპარაკება რუსეთ-საფრანგეთს შორის არსებული არაჯანსაღი

¹ E. B. Тарле, დასახ. წერილი, გვ 131.

² იქვე, გვ. 133.

ურთიერთობის შესაცვლელად და შედარებით ნორმალური ურთიერთობის დასამყარებლად. საფრანგეთის ელჩი პეტერბურგში გრაფი სეგიური, რომელიც ეკატერინე II-ის კეთილგანწყობილებით სარგებლობდა, აქტიურ როლს ასრულებდა დაახლოების შესახებ წარმოებულ მოლაპარაკებაში. თანაც დაახლოების ინიციატივა: უფრო მეტად საფრანგეთიდან გამომდინარეობდა.

როგორც ცნობილია, ინგლის-საფრანგეთის ხანგრძლივი ბრძოლა უპირატესობისათვის ზღვაზე, მსოფლიო ვაჭრობისა და კოლონიურ ასპარეზზე ინგლისის გამარჯვებით დამთავრდა. საფრანგეთის კოლონიების დიდი ნაწილისა და ბაზრების ინგლისის ხელში გადასვლამ და ყოველივე ამის შედეგად საფრანგეთის საერთაშორისო პოზიციების მკვეთრმა დაცემამ მისცა ბიძგი საფრანგეთს ნაწილობრივ ხელი აეღო რუსეთისადმი თურქეთისა და სხვა საკითხებში ტრადიციულ მტრობაზე და მასთან დაახლოება ეძია. მოლაპარაკების დროს საფრანგეთის დიპლომატიამ აგრძნობინა რუსეთის დიპლომატიური დარგის ხელმძღვანელებს და თვით ეკატერინე II-ს, რომ საფრანგეთი ხელს აიღებდა რუსეთის საწინააღმდეგო მოქმედებებში თურქეთისათვის მხარის დაქვრავზე და სხვა მხრივაც შეწყვეტდა მისადმი ქიშპობას, თუ ამის ნაცვლად რუსეთი წავიდოდა დათმობაზე და დათანხმდებოდა საფრანგეთისათვის ხელსაყრელ სავაჭრო ხელშეკრულების დადებაზე. რუსეთის დიპლომატიამ შესაძლებლად სცნო წასულიყო ამ დათმობაზე.

ეს მოლაპარაკება დამთავრდა საფრანგეთ-რუსეთის სავაჭრო ხელშეკრულების გაფორმებით 1787 წელს (უფრო ზუსტად იგი ხელმოწერილ იქნა 1786 წლის 31 დეკემბერს). მას ხელს აწერდნენ საფრანგეთის მხრივ საფრანგეთის ელჩი სეგიური, რუსეთის მხრივ კი ბეზბოროდკო, ოსტერმანი და სხვები. ამ ხელშეკრულებით, იმის საფასურში, რომ საფრანგეთი ხელს იღებდა რუსეთის საწინააღმდეგო ინტრიგებზე, თურქეთისათვის მხარდაქვრასა და წაქეზებაზე, საფრანგეთი ღებულობდა ყველა იმ შედავათს, რომელსაც მანამდე უშედეგოდ მოითხოვდა იგი და რითაც სარგებლობდა რუსეთში ინგლისი. ამ ხელშეკრულებაზე ხელმოწერა საფრანგეთის რევოლუციამდელი დიპლომატიის უდავო, თუმცა ერთადერთი, სერიოზული გამარჯვება იყო ამ მიმართულებით¹.

ამ ხელშეკრულებამ შეამცირა ბაჟები საფრანგეთის საქონელზე (ბურგუნდიის ღვინოზე 50 კაპიკიდან 40 კაპიკამდე, შამპანურზე:

¹ История дипломатии, т. I, стр. 319.

60 კაპიკიდან 50 კაპიკამდე, სხვა ღვინოზე 15 მანეთიდან 12 მანეთამდე 240 ბოთლზე, მარსელის სააონზე ფუთზე 6 მანეთიდან 1 მანეთამდე და ა. შ.¹ ამ ხელშეკრულებით საფრანგეთზე გავრცელდა ურთიერთხელსაყრელობის ისეთივე პრინციპი, რაც საფუძვლად ედო რუსეთ-ინგლისის სავაჭრო ურთიერთობას.

აღნიშნული ხელშეკრულება სავაჭრო ბალანსის თვალსაზრისით, როგორც მოსალოდნელი იყო, უფრო ხელსაყრელი აღმოჩნდა საფრანგეთისათვის. ამიტომ იყო, რომ ინგლისი გაბოროტებით მიეგება ამ ხელშეკრულების დადებას, რაც მან გამოხატა რუსეთის წინააღმდეგ შვეციის და თურქეთის მთავრობების წაქეზებაში.

რუსეთ-საფრანგეთის დაახლოება, რომელმაც თავისი კონკრეტული გამოხატულება ჰპოვა 1787 წლის სავაჭრო ხელშეკრულებაში, 1789 წლის მეორე ნახევრამდე, რევოლუციის გაჩაღებამდე, თავის შემდგომ განვითარებას პოულობს. სავაჭრო ურთიერთობის გაფართოებამ, რომელიც ამ ხელშეკრულების ძალაში შესვლას მოჰყვა, თავის მხრივ ბიძგი მისცა ამ სახელმწიფოთა პოლიტიკურ დაახლოებას. ცვლილებებმა ევროპის სახელმწიფოთა ურთიერთობაში და ძალთა ახალმა განწყობამ, რომელიც ამ დროისათვის შეიქმნა, მთავარი როლი შეასრულა რუსეთ-საფრანგეთის მეტად დაახლოების საქმეში.

შეიღწლიან ომში დამარცხებული საფრანგეთი, რომელმაც დაჰქარგა კანადა და რომელსაც ხელიდან გამოეცალა ინდოხანში ბატონობის მოპოვების ყოველგვარი იმედები, კოლონიებისა და საზღვაო ძლიერების უკანასკნელი ნაშთები, აშკარად გრძნობდა თავისი საერთაშორისო პოზიციების მკვეთრ დაცემას და დიპლომატიური იზოლაციის საფრთხეს. რაკი ინგლის-საფრანგეთის ბრძოლა, ინგლისის გამარჯვების მიუხედავად, გრძელდებოდა და ახალ ფაზაში შედიოდა, ინგლისის დიპლომატია ახალ ღონისძიებებს ანორციელებდა მოქიშპის წინააღმდეგ და სახელმწიფოთა ახალ სამხედრო ბლოკს აკოწიწებდა მის წინააღმდეგ.

ასეთი ბლოკი მართლაც იქნა შეკოწიწებული 1788 წელს ინგლის-პრუსია-პოლანდიის სამთა სამხედრო კავშირის სახით.² ამ კავშირს მკაფიოდ გამოვლინებული ანტიფრანგული ხასიათი ჰქონდა. ბლოკის გაფორმებამ დიდად დააშინა საფრანგეთი და აიძულა იგი საპასუხო ღონისძიებისათვის მიემართა. საფრანგეთის დიპლომა-

¹ Первое полное собр. законов... № 16.489; Е. В. Тарле, *დასახ. ნაშრ.*, გვ. 134.

² История дипломатии, ტ. I, გვ. 319.

ტიამ, რათა ხელი შეეშალა ინგლისის დიპლომატიის მიერ შექმნილ აღნიშნული ბლოკისათვის, ენერგიულად დაიწყო მზადება შერყეული საერთაშორისო პოზიციების აღსადგენად. ამიტომ იგი აღარ კმაყოფილდება არსებული მოკავშირეებით (ავსტრია, ესპანეთი) და დგამს ნაბიჯებს უფრო ძლიერი მოკავშირის შესაძენად. ასეთი მოკავშირე კი მხოლოდ რუსეთი შეიძლებოდა ყოფილიყო. საფრანგეთმაც სწორედ მას შესთავაზა მეგობრობა და კავშირი¹.

ვინაიდან ინგლის-პოლანდია-პრუსიის ლიგა, სამთა კავშირი ერთსა და იმავე დროს რუსეთის წინააღმდეგაც იყო მიმართული (ეს ლიგა ინგლისის დიპლომატიის პასუხს წარმოადგენდა რუსეთ-საფრანგეთის 1787 წლის სავაჭრო ხელშეკრულებაზე. რამაც უსაზღვროდ გააბოროტა ინგლისის მმართველი ზედაფენა და ბურჟუაზია), თანაც იგი მოასწავებდა პრუსიის გადასვლას რუსეთის აშკარა მტრების ბანაკში, ამიტომ რუსეთი შემოფოთებული თავის მხრივ ასეთი დაჯგუფების აღმოცენებით, კეთილგანწყობილად შეხედა საფრანგეთის დიპლომატიის ამ ნაბიჯს. მან შესაძლებლად მიიჩნია საფრანგეთთან პოლიტიკურ კავშირ-მეგობრობაზე წასვლა, მიუხედავად იმისა, რომ თურქეთის საკითხი მათ შორის კვლავინდებურად რჩებოდა სერიოზული დაპირისპირების საგნად.

რუსეთის დიპლომატიამ და მისმა ნიჭიერმა ხელმძღვანელმა იმპერატორმა ეკატერინე II-ემ ენერგიულად მოჰკიდეს ხელი საფრანგეთის მიერ შემოთავაზებულ წინადადებას—კავშირის გაფორმების საქმეს. რუსეთ-საფრანგეთის კავშირს, საფრანგეთისა და რუსეთის დიპლომატიის მესვეურთა მოსაზრებით, შემდეგში ესპანეთი და ავსტრიაც უნდა შეერთებოდნენ. ამგვარად უნდა გაფორმებულიყო ევროპის ოთხი სახელმწიფოს ძლიერი ბლოკი, მიმართული სამი სახელმწიფოს ლიგის წინააღმდეგ. საფრანგეთი ამ კავშირისაგან მოელოდა თავისი შერყეული საერთაშორისო პოზიციების აღდგენას, რუსეთი კი — გაბატონებული მდგომარეობის შენარჩუნებას პოლონეთში, შვეციის აგრესიისაგან თავის დაზღვევას და შავ ზღვაზე პოზიციების განმტკიცებას თურქეთის ხარჯზე².

1787 წლის მეორე ნახევარსა და 1788 წელს პარიზსა და პეტერბურგში ერთდროულად მიმდინარეობდა მოლაპარაკება რუსეთ-

¹ Р. А в е р б у х. Политика европейских держав накануне и в первые годы Французской революции (1789—1794). „Труды Московского гос. инст. истории, философии и литер. им. П. Г. Чернышевского“, № 6, М., 1940, гл. 151—152.

² История дипломатии, т. 1, гл. 327—328.

საფრანგეთის განზრახული კავშირის გასაფორმებლად. ამ მოლაპარაკებაში აქტიურ მონაწილეობას იღებდნენ საფრანგეთის ელჩი პეტერბურგში გრაფი სეგიური და რუსეთის ელჩი პარიზში სიმოლინი.

ამ მოლაპარაკების პროცესში, რომელიც არც თუ ისე წარუმატებლად მიმდინარეობდა, მომავალი ხელშეკრულების პროექტიც კი იქნა შემუშავებული¹.

ეკატერინე II-ის წერილებში გრძობადობა, სეგიურის მემუარებში რუსეთში ყოფნის შესახებ; ეკატერინე II-ის მდივნის ხრაპოვიცის დღიურებში და იმდროინდელ სხვა წყაროებში ბევრი კონკრეტული მასალაა მოცემული იმ მოლაპარაკების შესახებ, რომელიც პეტერბურგში სწარმოებდა რუსეთ-საფრანგეთის ამოკავშირებო ხელშეკრულების გაფორმების თაობაზე².

რუსეთ-საფრანგეთის მოლაპარაკება კავშირისა და მეგობრობის ხელშეკრულების ხელმოწერის თაობაზე პრაქტიკული შედეგებით არ დაგვირგვინებულა. ხელშეკრულება ხელმოწერილი არ ყოფილა და ამ სახელმწიფოთა სამხედრო-პოლიტიკური კავშირი არ გაფორმებულა. მოლაპარაკება მანამდე გაკიანურდა, სანამ მას ბოლო არ მოუღო რევოლუციის გაჩაღებამ საფრანგეთში და პეტერბურგში გავრცელებულმა ცნობამ ბასტილის ციხის აღების შესახებ.

აღნიშნული მოლაპარაკება გაკიანურდა და მას პრაქტიკული შედეგი არ მოჰყოლია. მის წარმატებას ხელი შეუშალა ინგლისის დიპლომატიის მოქნილმა სავასუხო ოცნებამ ჯერ კიდევ რევოლუციის გაჩაღებამდე და თვით რუსეთ-საფრანგეთის წინააღმდეგობამ აღმოსავლეთის საკითხში. რომელიც დროებით 1787 წლის სავაჭრო ხელშეკრულების ხელმოწერით მართალია შენედა, მაგრამ სავსებით მაინც არ ყოფილა დაძლეული.

საფრანგეთის დიპლომატიას, რომელსაც საკუთარი ინტერესები უკარნახებდა დაახლოებოდა რუსეთს და ამ მიზნისათვის ერთგვარ დათმობაზე წასულიყო ამ ქვეყნის მიმართ სათანადო მსხვერპლის

¹ ამ ხელშეკრულების პროექტი სახელწოდებით: „Projet de traité d'amitié, et d'alliance défensive entre le Roi et l'impératrice de Russie“, გამოქვეყნებულია ალფრედ რამბაოს (Rambaud Alfred) რედაქციით გამოცემულ ფრანგულ დოკუმენტთა კრებულში: „Recueil des instructions données aux ambassadeurs et ministres de France“, t. II, Paris, 1890, გვ. 464—463.

² „Екатерина II в переписке с Гриммом“. Сб. РГО, т. 23. С.-Петербург, 1884; „Записки гр. Сегюра о пребывании его в России в царствование Екатерины II (1785—1789)“, СПб. 1865; „Дневник А. В. Храповицкого...“, Москва, 1874.

გაღების სახით, მაინც არ სურდა ეს მსხვერპლი მნიშვნელოვანი ყოფილიყო. კერძოდ მას არ სურდა მიეღო რუსეთის დიპლომატიის მოთხოვნა ზელი აელო თურქეთისადმი მხარდაჭერაზე და რუსეთისათვის მოქმედების სრული თავისუფლება მიეცა ამ ქვეყნის მიმართ. საფრანგეთი, რომელიც, როგორც უკვე აღნიშნული იყო, დიდი ეკონომიური და პოლიტიკური გავლენით სარგებლობდა თურქეთის იმპერიაში, „მეგობრობდა“ მას და არ სურდა ეს „უანგარო მეგობრობა“ რუსეთთან კავშირისათვის შეეწირა მსხვერპლად¹. საფრანგეთმა კარგად იცოდა, რომ ამას მოჰყვებოდა თურქეთის დაყოფის ეკატერინესული გეგმების რეალიზაციის დაჩქარება და საფრანგეთის პოზიციების მკვეთრი შესუსტება, როგორც საერთოდ ლევანტის ქვეყნებში, ისე, კერძოდ, თურქეთში.

ისმება კითხვა: იქნებოდა თუ არა მიღწეული გულთბილი შეთანხმება რუსეთსა და საფრანგეთს შორის საფრანგეთის რევოლუცია რომ არ გაჩაღებულყო? ამაზე გადაკრით დადებითი ან უარყოფითი პასუხის გაცემა ძნელია. ასეთი შესაძლებლობა ბევრად იყო დამოკიდებული ინგლისის დიპლომატიის საპასუხო ნაბიჯებზე; ევროპული ურთიერთობის შემდგომ ძვრებზე და თვით რუსეთ-საფრანგეთის შეთანხმების პერსპექტივებზე აღმოსავლეთის საკითხში. მიუხედავად იმისა, რომ ასეთი შეთანხმება ორივე ქვეყნისათვის ხელსაყრელი იქნებოდა, პირადად ჩვენ მაინც ვფიქრობთ, რომ „წაბორძიკების ქვა“ ამ ქვეყნების ურთიერთობაში — თურქეთის საკითხი — ისევ დაუძლეველ დაბრკოლებად დარჩებოდა და მეგობრული კავშირის მიღწევა რუსეთსა და საფრანგეთს შორის პრაქტიკულად მეტად ძნელი საქმე იქნებოდა².

¹ „Господа французы слишком туркофильны в душе, чтоб им могло у нас понравити ся“, — სურდა ეკატერინე II გრიმს 1787 წ. მიწერილ ერთ-ერთ წერილში. იხ. Сб. РГО, т. 23, гл. 437.

² „საფრანგეთი მტრულად არის განწყობილი რუსეთისადმი, საფრანგეთში ცდილობენ დაამცირონ რუსეთის დიდება. უაღრესად დაამცირონ მისი ღვაწლი და წარმატებები“. — ასეთი სიტყვები ჩაიწერა ეკატერინე II-ემ 1789 წლის 14 იანვარს საფრანგეთის საელჩოს მიწერ-მოწერის პერალუსტრირებისა და წაკითხვის შემდეგ (Дневник А. Храповицкого, გვ. 235). აღნიშნული მიწერ-მოწერა საფრანგეთის საელჩოსა და საფრანგეთის საგარეო საქმეთა სამინისტროს შორის და მისი შეფასება რუსეთის იმპერატორის მიერ ერთხელ კიდევ ადასტურებს ჩვენს მოსაზრებას და ეს იმაზე მიგვიბრუნებს, რომ საფრანგეთ-რუსეთის ურთიერთობა არც თუ ისეთი გულთბილი იყო 1789 წლის დასაწყისისათვის, როგორც ზოგიერთს ჰგონია, რომ გამოირიცხული არ იყო მათ შორის შემხადებული მეგობრული კავშირის ჩაშლა რევოლუციის დაწყების გარეშე.

ბურჟუაზიული რევოლუციის პირველმავე ხანძარმა საფრანგეთში 1789 წელს უშუალო გავლენა მოახდინა რუსეთ-საფრანგეთის ურთიერთობაზე. ეს გავლენა თანდათან ძლიერდებოდა რევოლუციის აღმავლობის კვალდაკვალ, და აპირობებდა რადიკალურ შემობრუნებას ამ ურთიერთობაში.

საფრანგეთის ბურჟუაზიული რევოლუციის დაწყებას, კერძოდ, პარიზის პლემიერი მასების მიერ ბასტილიის აღებას (1789 წ. 14 ივლისს), მტრულად გამოეხმაურა რუსეთის ფეოდალური არისტოკრატია და, პირველ რიგში, მისი რეაქციული შტაბი—პეტერბურგის სამეფო კარი¹. პირადად ეკატერინე II-ემ ზიზლით და აღშფოთებით აღიქვა ეს ამბავი და შეაჩვენა მისი ორგანიზატორები². პეტერბურგის სამეფო კარის რეაქციას (პასუხს) საფრანგეთში გაჩაღებულ რევოლუციურ ამბებზე წარმოადგენდა საფრანგეთთან არსებული, შედარებით ჯანსაღი, ურთიერთობის გაუარესებაზე გეზის აღება. კერძოდ ამ მიმართულებით გადადგმულ პირველ ნაბიჯს წარმოადგენდა ეკატერინე II-ის მთავრობის მიერ საფრანგეთთან სამოკავშირეო ხელშეკრულების თაობაზე წარმოებული მოლაპარაკების შეწყვეტა.

ჩვენ არ შეგვიძლია დავეთანხმოთ საბჭოთა ავტორ ალექსანდრე კოს, რომელიც ფიქრობს, რომ ეკატერინე II-ემ დასაწყისში პოლიტიკური სიბეცე გამოიჩინა, ალლო ვერ აუღო საფრანგეთის ამბებს, რევოლუციური ხანძრის დანთება ზერელე ხასიათის „ექსცესად“ მიიჩნია, ლუი XVI სისუსტისა და ინგლისის აგენტების ინტრიგების ნაყოფად გამოაცხადა და რევოლუციის ჩასაქრობად რაიმე ნაბიჯის გადადგმის ნაცვლად, სტიქიურად მიჰყვა ამბების მსვლელობას³. ჩვენის აზრით, ეკატერინე II-ის მიწერ-მოწერა რიმთან, ზრაპოვიცკის დღიურები, სეგიურის ჩანაწერები და სხვა მასალები არ იძლევა საბუთს ასეთი დასკვნის გაკეთებისათვის. პირიქით, ფაქტები ნათელყოფენ, რომ ეკატერინე II კარგად იყო გათვითცნობიერებული საფრანგეთის ამბების მთელ სერიოზულობაში და ამ ამბების

¹ ამ გამოძახილის შესახებ იხილეთ: „Записки графа Сегюра о пребывании его в России в царствование Екатерины II (1765—1789)“. СПб., 1865, გვ. 371—372, 392—393; „Дневник А. Храповицкого“. СПб., 1874, გვ. 296, 299, 303.

² „Екатерина II в переписке с Гриммом“... Сб. РИО, ტ. 23, გვ. 473—475, 488—489.

³ К. А. Лещиненко. Правительство Екатерины II и французская буржуазная революция, მოთავსებული ორგანოში „Исторические записки института истории АН СССР“, № 22, 1947, გვ. 210—211.

მტრულად აღქმის მიუხედავად, იგი აშკარა აქციისაგან დროებით თავს იკავებდა. თუმცა ზოგიერთ ფარულ ღონისძიებას უკვე აზნალებდა. იგი საფრანგეთის სათანადო ძალებისაგან მოელოდა „წესიერების“ აღდგენას და მასების „თავგასულობის“ აღამგმვას და ფარულად ეწეოდა ამ ძალებისათვის მხარის დაჭერას იმ დრომდე, სანამ სხვა ნაბიჯების გადადგმის გადაწყვეტილებას მიიღებდა.

პირველ ხანებში, მიუხედავად იმისა, რომ საფრანგეთის რევოლუციამ მთელი ევროპის ყურადღება მიიპყრო და მას მტრულად გამოეხმაურა რუსეთის რეაქციული ზედაფენა, ეკატერინე II-ის მთავრობა აშკარად არ გამოხულა მის წინააღმდეგ და ოფიციალურად საფრანგეთთან არსებული ურთიერთობის რევიზია არ მოუხდენია. რუსეთის ელჩი სიმოლინი ისევ განაგრძობდა მისიას პარიზში, სეგიური (უკან გაწვევამდე) — პეტერბურგში.

შეინარჩუნა რა გარკვეულ დრომდე ნორმალური დიპლომატიური ურთიერთობა რევოლუციურ საფრანგეთთან, ეკატერინე II-ის მთავრობამ, ამასთან ერთად მკვეთრად შეზღუდა მასთან არსებული ეკონომიურ-სავაჭრო და კულტურული კავშირი. მან გადადგა ზოგიერთი ნაბიჯი იმისათვის, რომ ხელი შეეშალა საფრანგეთში აზვირთებული რევოლუციური ქართველის გავრცელებისათვის საფრანგეთის ფარგლებს გარეთ, კერძოდ რუსეთის იმპერიაში. თვით საფრანგეთში ამბების შესაცვლელად და ძველი რეჟიმის აღსადგენად ეკატერინე II-ემ არაპირდაპირი მონაწილეობა მიიღო როიალისტურ შეთქმულებაში. ეკატერინე II-ის ამ პერიოდის მიწერ-მოწერა გრიმთან, კერძოდ ეკატერინე II-ის წერილები გრიმისადმი, აგრეთვე ეკატერინე II-ის მდივნის ხრაპოვიცის დღიურები გვაძლევს უფლებას დავასკვნათ, რომ ეკატერინე II უკვე 1789 წ. მეორე ნახევარში და 1790 წელს არ კმაყოფილდება მარტო ფრანგ რევოლუციონერების წყველა-კრულვით და ძველი წყობილების აღდგენის სურვილით, არამედ უფრო შორსაც მიდის და სიტყვიდან საქმეზე გადადის ამ მიმართულებით¹.

ეკატერინე II-ემ უკან გააწვევინა საფრანგეთის ელჩი სეგიური,

¹ „Екатерина II в переписки с Гриммом...“, იხ. ეკატერინე II-ის 1789 წლის 27 იანვრის, 15 ნოემბრის, 1790 წლის 22 ივნისის, 25 ივნისის წერილები გრიმისადმი. Сп. РИО, ტ. 23, გვ. 473—475, 481—483, 488—500, „Историк А. Храповицкого“, გვ. 296, 299, 308—309, 316, 344.

რომელსაც რევოლუციისადმი თანაგრძნობა დასწამა. მანვე, იმ მოსაზრებით, რომ რევოლუციის გადამდები სენისაგან დაეცვა საფრანგეთში მყოფი რუსეთის ქვეშევრდომები თავადაზნაურთა წრიდან, განკარგულება მისცა სიმოლინს დაუყოვნებლივ რუსეთში დაებრუნებინა ისინი (გრ. სტროგანოვის შვილი და სხვ.)². რუსეთის იმპერიის აგენტების მონაწილეობით იყო შემზადებული ლუი XVI-ის გაქცევის ცდაც 1791 წლის 20 ივნისს, რაც, როგორც ცნობილია, უშედეგოდ დამთავრდა.

როდესაც საფრანგეთის რევოლუციის შემდგომ გარშემოებასთან დაკავშირებით დაიწყო ვერსალის სასახლის მრავალრიცხოვანი ხროვის, ფეოდალური თავადაზნაურობის, მონარქისტი გენერლების და კლერიკალების ზედაფენის ემიგრაცია საფრანგეთის ტერიტორიიდან ევროპის სხვა ქვეყნებში (ინტერვენციის ორგანიზაციის მიზნით), ეკატერინე II-ემ უაღრესი „გულისხმიერება“ გამოიჩინა მათი ზედრისადმი და ყველა შესაძლო საშუალებით გაუწოდა მათ დახმარების ხელი. მან ფართოდ გაუღო იმპერიის კარები საფრანგეთიდან გაქცეულ ემიგრანტებს — გენერლებს, პრინცებს, თავადაზნაურობას, სამღვდლოების ზედაფენის წარმომადგენლებს და სხვ. მათთვის არ დაიშურა ბინები, მიწები ყმებით, კარგი სამსახური მაღალი ხელფასით და პენსიებით, ერთდროული ფინანსური დახმარება, ერთი ადგილიდან მეორე ადგილას გადასვლაში ხელის შეწყობა და ა. შ.³

პარალელურად ამისა, ეკატერინე II-ემ ენერგიული ბრძოლა გააჩაღა „მეორე ფრონტზე“ — საკუთარ ქვეყანაში საფრანგეთის რევო-

¹ „ზე დავრჩები არისტოკრატად. ეს უკვე ჩემი მოვალეობაა“, — ასე განუცხადა ეკატერინე II-ემ სეგიურს, მისი პარიზში გამგზავრებისას, რითაც გამოზატა თავისი ძრწამსი, სიძულელი ლიბერალური იდეებისადმი და ანტიპათია პირადად სეგიურისადმი, *Секрет...* დასაბ. მემუარ. გვ. 383—384; უფრო ავიან. 1791 წელს, როდესაც სეგიური უკვე პარიზში იმყოფებოდა, ეკატერინე II საფრანგეთის ყოფილ ელჩ გრიმისადმი გაგზავნილ წერილში (1791 წ. მაისში) იუდას და ყალბს უწოდებს იმისათვის, რომ მან მეფეს უაღაატა და რევოლუციონერებს მიეყვდლა, იხ. „Перенеска Екатерины II с Гриммом.“, Сб. РИО, ტ. 23, გვ. 522—523.

² „Дневник А. Храповицкого“, გვ. 345.

³ L. Pingaud, *Les français en Russie et les russes en France*. Paris, 1886, მეორე წიგნი, გვ. 162 და შემდეგი; К. Миллер, *Французская эмиграция в России в царствование Екатерины II*, Paris, 1931, გვ. 11—37, 200—224 და შემდ. А. Преснов, *Царская Россия и Французская буржуазная революция 1789 г.*, „Исторический журнал“, 1937, № 2, გვ. 60—61; „Екатерина II в перенеске с Гриммом.“, იხ. ეკატერინე II-ის 1790 წლის 2 ივნისის წერილი გრიმს, Сб. РИО, ტ. 23, გვ. 546, 549.

ლუციური იდეების გავრცელების წინააღმდეგ. რადიშჩევის და ნოვიკოვის მიმართ უსასტიკესი ზომების მიღება, განათლებული მონარქის ნილაბის ჩამოხდა და ფრანგ განმანათლებელთათვის, მათ წიგნებისათვის, ბიუსტებისათვის, სურათებისათვის სამკედრო-სასიცოცხლო ომის გამოცხადება, რევოლუციური ლიტერატურის შემოზიდვის აკრძალვა, დასავლეთის საზღვრის დაცვის გაძლიერება, გლახთა უკმაყოფილების ყოველგვარი გამოვლინების უსასტიკესი ზომებით ჩახშობა და სხვ.—შინაგანი ფრონტის განმტკიცების ცალკეულ ღონისძიებებს წარმოადგენდა¹.

საფრანგეთის რევოლუციის გაღრმავების კვალდაკვალ იზრდება ეკატერინე II დაინტერესება საფრანგეთის ამბებით, იზრდება მისი აღშფოთება „ურჩი ბრბოს“ თავხედობით და შესატყვისად ფართოვდება იმ ღონისძიებათა სფერო, რომელსაც რუსეთის სამეფო კარი აწყობს რევოლუციური საფრანგეთის წინააღმდეგ. სიმოლინის პარიზიდან გამოწვევა, საფრანგეთის საქმეთა რწმუნებულის ჟანეს სასახლეში დაშვებაზე უარის თქმა და 1791 წლის სექტემბერში კი, პეტერბურგიდან მისი გაძევება ამ დამატებითი ღონისძიებების ნაწილს წარმოადგენდა.

ამავე პერიოდიდან იწყება რუსეთის დიპლომატიის აქტიური საქმიანობა, რომლის ამოცანასაც შეადგენდა ევროპის ფეოდალური მონარქების ამხედრება რევოლუციური საფრანგეთის წინააღმდეგ. ამ დიპლომატიური საქმიანობიდან აღსანიშნავია პრუსია-ავსტრიის სამეფო მთავრობათა პილნიცის ერთობლივი დეკლარაცია (1791 წლის აგვისტოში) და შვეციის მეფე გუსტავ III ხელშეკრულების დადება (1791 წლის ოქტომბერში), რომელიც ითვალისწინებდა ერთობლივი ღონისძიებებით (ინგლისთან ერთად) ინტერვენციის მოწყობას საფრანგეთის ჩრდ.-დასავლეთ (ნორმანდიის) სანაპიროზე².

ეკატერინე II ამ ეტაპზე უშუალო მონაწილეობას ღებულობს ფრანგ ემიგრანტთა საინტერვენციო საქმიანობაში, აქეზებს არტუასა და პროვანსის გრაფებს გაბედული მოქმედებისაკენ და სახელმწიფო ხაზინიდან ასეულ ათას მანეთს ხარჯავს „საფრანგეთის საქმეებზე“, საინტერვენციო გეგმების სისრულეში მოსაყვანად,

¹ ი. А. Тетриенко, დასახ. წერილი..., გვ. 210—211.

² იქვე, გვ. 211—213; А. Преснов, დასახ. წერილი, გვ. 61—62.

მონარქიის აღსადგენად საფრანგეთში¹. გრიმის მეშვეობით მიღებული ცნობები საფრანგეთში რევოლუციის შემდგომი გაღრმავებისა და „ბრბოს“ ახალ-ახალი „ძალადობის“ აქტების შესახებ ხშირად წონასწორობას უკარგავს რუსეთის იმპერატორს და აიძულებს მას ძალზე უხეში გამოთქმები იხმაროს საფრანგეთში არსებული ვითარების შესახებ. იგი, ამასთან ერთად, ოცნებობს ახალ ცეზარზე, რომელიც იხსნის საფრანგეთს ამ მდგომარეობისაგან და დაამშვიდებს „აღვირახნილ ბრბოს“².

შვეციის მეფესთან აღნიშნული ხელშეკრულების დადებასთან ერთად ეკატერინე II-ის მთავრობა აძლიერებს თავის ზემოქმედებას პრუსიისა და ავსტრიის მთავრობებზე და ცდილობს წააქეზოს ისინი, აამხედროს საფრანგეთის წინააღმდეგ. იგი ხელშეკრულებებსაც კი სდებს მათთან ამის თაობაზე. 1792 წლის 3 ივლისს — ავსტრიასთან, 1792 წლის 27 ივლისს — პრუსიასთან. ავსტრიისა და პრუსიის მიერ რევოლუციური საფრანგეთის წინააღმდეგ ომის დაწყება 1792 წლის აპრილში და ამგვარად პირველი ანტიფრანგული კოალიციის ამოქმედება, რომელსაც შემდეგში ინგლისიც შეუერთდა, რუსეთის აქტიური დიპლომატიური მონაწილეობით და მცდელობით განხორციელდა.

რევოლუციური საფრანგეთის მიმართ გადადგმული მტრული ნაბიჯების მიუხედავად რუსეთის მეფის მთავრობა ფორმალურად ისევ ინარჩუნებდა მასთან დიპლომატიურ და სხვა ხასიათის ურთიერთობას წლის დასაწყისამდე. ასე გრძელდებოდა ეს ვითარება 1793 წლის დასაწყისამდე, სანამ რევოლუციის შემდგომმა გაღრმავებამ ხაზი არ გადაუსვა მას და არ მოახდინა ფაქტიური მდგომარეობის იურიდიული დადასტურება.

ლუი XVI-ის სიკვდილით დასჯა (1793 წ. 21 იანვარს), რომელიც ასე მტკივნეულად აღიქვა ეკატერინე II-ემ, რუსეთსა და საფრანგეთს შორის არსებული ურთიერთობის მოსპობის ფორმალური საბაზი გახდა³.

¹ „Взято секретно на 500 т. р. векселем (à l'ordre du porteur), для употребления по делам французским“, — ვითხოვლობთ ხაზაოვიცის 1791 წლის აგვისტოს დღიურში „Дневник А. Храповицкого...“, გვ. 371.

² „Екатерина II в переписка с Гриммом“, სბ. РИО, ტ. 23, გვ. 502—503.

³ როგორც ცნობილია, ეკატერინე II-ემ ლუი XVI-ის სიკვდილით დასჯის ცნობის მიღებისთანავე ექვსი კვირით გლოვა გამოაცხადა. „Дневник А. Храповицкого“, გვ. 420—421.

1793 წლის თებერვალში გამოქვეყნდა ეკატერინე II-ის ბრძანებულება საფრანგეთთან ყოველგვარი ურთიერთობის გაწყვეტისა და მისი რუსეთის მიმართ მეომარ სახელმწიფოდ აღიარების შესახებ¹:

ამ ბრძანებულებით: 1) გაუქმებულად ცხადდებოდა რუსეთ-საფრანგეთის 1786 წლის დეკემბრის სავაჭრო ხელშეკრულება; 2) საფრანგეთის დიპლომატიური სამსახურის ყველა მუშაკი (კონსულები, ვიცე-კონსულები, დიპ. აგენტები და სხვ.) იღვენე-

¹ ჩამოთვლის რა საფრანგეთში გაბატონებულ „საშინელებებს“, ეკატერინე II ბრძანებს:

„1) Действие торгового договора между нами и покойным королем французским Людовиком XVI, 31 день декабря 1786 года заключенного, до . . . эпохи восстановления порядка и власти законной во Франции прекратить. 2) До того же времени запрещается впускать в порты наши на разных морях находящиеся суда под флагом национальным французским; равным образом запрещается и нашему купечеству и хозяевам кораблей посылать торговые суда по французские порты. 3) Бывших французских консулов, вице-консулов, агентов и прочих к ним принадлежащих выслать из обеих столиц наших и из прочих мест, где они находятся. . . 4) Сходно тому и нашим консулам, вице-консулам и принадлежащим к ним, да и вообще всем российским обою пола предписывается тотчас, по получении указов. . . выехать из Франции. . . 5) Всех французов без изъятия обою пола, купеческие и мещанские промыслы имеющих, художников, ремесленников, и служебных у частных людей находящихся, разумея тут учителей и учителей и прочих, призначающих нынешнее в земле их правя и оному повинующихся, не терпеть в империи нашей и из всех мест, где они находятся, высылать. . . 6) Изъемяются из сего те французы обою пола, которые окажут искреннее их намерение и желание отречься присягою по образцу у сего приложенному, от правил безбожных и возмутительных, в земле их ныне исповедуемых, введенных похитителями правления и власти. 11) იკრძალებოდა საფრანგეთიდან შემოზიდული ეურნალ-გაზეთების გავრცელება რუსეთში. . . და 12) ფრანგების დაშვება რუსეთში პროვანსის და არტუას გრაფების და კონდეს პრინცის რეკომენდაციების გარეშე. „Полное собрание законов Российской империи. . .“, т. 23 гв. 402—405, № 17101.

ბოდა პეტერბურგიდან, მოსკოვიდან და იმპერიის სხვა ადგილებიდან, ხოლო რუსეთის დიპლომატიური დარგის მუშაყებს და რუსეთის ყველა ქვეშევრდომს ევალებოდათ ამ ბრძანებულების მიღებისთანავე დაეტოვებინათ საფრანგეთი და რუსეთში დაბრუნებულიყვნენ; 3) იკრძალებოდა საფრანგეთის გემების შეშვება რუსეთის წავსადგურებში, რუს ვაჭრებს კი ეკრძალებოდათ თავიანთი სავაჭრო გემების გაგზავნა საფრანგეთის წავსადგურებში; 4) რუსეთის იმპერიაში მცხოვრები ყველა ფრანგი (სქესის, პასაკის და საქმიანობის განუჩივლად), რომლებიც ცნობდნენ საფრანგეთის ახალ მმართველობას, უნდა გაეძევებინათ იმპერიის ფარგლებიდან; გამონაკლისს უშვებდნენ მათ მიმართ, რომლებიც ფიცის ქვეშ უარყოფდნენ „უღმერთოთა და მოჯანყეთა“ წესებს¹; 5) რუსეთის ყველა ქვეშევრდომს ეკრძალებოდა საფრანგეთში გამგზავრება, ფრანგებს—რუსეთში (მათი გამოკლებით, რომელთაც პროვანსის და არტუას გრაფების რეკომენდაცია ექნებოდათ), იკრძალებოდა ფრანგული წიგნებისა და ჟურნალ-გაზეთების შეზიდვა რუსეთში და ა. შ.²

ამით არ დამთავრებულა რუსეთის იმპერატორის ღონისძიებები რევოლუციური საფრანგეთის წინააღმდეგ. მან ახალი დიპლომატიური ზეგავლენა მოახდინა ავსტრიასა და პრუსიაზე, რათა მათ გაეძლიერებინათ საომარი ღონისძიებები რევოლუციური საფრანგეთის წინააღმდეგ (პრუსიას იგი წასახალისებლად ჰპირდებოდა პოლონეთის დაყოფაში მონაწილეობას და დანცინგს, ტორნს, პოზნანს, ავსტრიას, აგრეთვე პოლონეთის ნაწილს და ბავარიას გერმა-

¹ ამ ფიცის ტექსტი გამოქვეყნებული იყო რუსეთის მაშინდელ ოფიციალურ ორგანოში „СНВ ведомости“, № 1793 год, გვ. 261—262. იგი ხელახლად დაიბეჭდა ჟურნ. „Русская старина“-ში 1895 წ. ტ. 84, გვ. 112.

ფრანგი ემიგრანტის ლანგერონის (Langeron) ცნობით, რომელიც ლარივიერს მოაქვს თავის წიგნში, მაშინ რუსეთში სულ 1500 ფრანგი ყოფილა. აქედან 43 ფრანგს გამოუჩენია გამბედაობა უარი ეთქვათ მოთხოვნილ ფიცის მიღებაზე და სამშობლოში დაბრუნება მოუთხოვიათ. ისინი დაუყოვნებლივ გაუძევებიათ რუსეთიდან. დანარჩენებს ფიცი მიუღიათ და ამდენად მიუღიათ შესაძლებლობა დარჩენილიყვნენ რუსეთში. L a r i v c è r g e, Catherine II et la Révolution française, Paris, 1895, გვ. 137.

² აღნიშნულ ბრძანებულებასთან დაკავშირებით ეკატერინე II-ის მდივანი ხრაპოვიცი თავის დღიურებში (1793 წ. 8 თებერვალს) წერდა შემდეგს: „Подписан указ Сенату о разрыве политической связи с Франциею и о высылке из России всех тех osób пола французов, которые не сделают присяги по изданному при указе образцу...“ „Дневник А. Храповицкого...“, გვ. 421.

ნიაში). რუსეთის დიპლომატია ამავე დროს აჩქარებს ინგლისის გამოყვანას ნეიტრალიტეტის მდგომარეობიდან და მის ჩაბმას საფრანგეთის საწინააღმდეგო კონტრრევოლუციურ კოალიციაში¹.

1793 წლის თებერვლის დასაწყისში ინგლისი უკვე მეომარ მხარეს წარმოადგენს, იმავე წლის მარტში კი (25 მარტს) ფორმდება ინგლის-რუსეთის კონვენცია, რომელიც ითვალისწინებდა ინგლის-რუსეთის, ერთობლივ ღონისძიებებს „რევოლუციის ასალაგმავად საფრანგეთში“, საფრანგეთის ვაჭრობის წინააღმდეგ ზომების მიღებას ზღვაზე, რუსეთისაგან კორპუსის გამოყოფას საფრანგეთის წინააღმდეგ ომში მონაწილეობის მისაღებად, რუსეთისათვის ამის სანაცვლოდ ინგლისის მიერ 600 ათასი გირ. სტერლინგის სუბსიდიის მიცემას და სხვ². ამ ხელშეკრულებით, სხვათა შორის, გავალისწინებული იყო ფრანგ ემიგრანტთა, ინგლისის და რუსეთის კორპუსების გადასხმა საფრანგეთის ტერიტორიაზე, ბრეტანსა და ნორმანდიას შუა, რაც ინგლისისა და რუსეთის სამხედრო ფლოტების ერთობლივი ღონისძიებებით უნდა განხორციელებულიყო.

რუსეთის იმპერატორის აღნიშნული და სხვა ღონისძიებები მოასწავებდა მის ნზადყოფნას არა მარტო აქტიური მონაწილეობა მიეღო რევოლუციური საფრანგეთის წინააღმდეგ, არამედ ხელმძღვანელი როლიც შეესრულებინა ანტიფრანგულ კოალიციაში.

1793 წლის ივლისში ეკატერინე II-ემ ჩრდილოეთის ზღვაზე საფრანგეთის სავაჭრო ნაოსნობის წინააღმდეგ საბრძოლველად (ინგლისის ფლოტთან თანამოქმედებაში) მიავლინა ადმირალ ჩიჩაგოვის სარდლობით რუსეთის ფლოტი, რომელიც 25 სახაზო გემის, 7 ფრეგატისა და 6 მსუბუქი გემისაგან შედგებოდა³.

ამავე დროს ძლიერდება რეპრესიული ზომები ქვეყნის შიგნით „რევოლუციური ბაცილის“ სრული მოსპობისათვის, ფრანგი ფეოდალური ემიგრაციისათვის ფულადი დახმარების გადიდება,

¹ თუმცა რუსეთის დიპლომატიის აქტიური ხემოქმედება ინგლისზე არ ყოფილა მთავარი ფაქტორი, რომელმაც გამოიყვანა ინგლისი ინდიფერენტული მდგომარეობიდან და ჩააბა იგი რევოლუციური საფრანგეთის წინააღმდეგ ომში. გადამწყვეტი როლი ამ საქმეში ჰქონდა საფრანგეთის რევოლუციური არმიის გამარჯვებას კოალიციაზე და ამ არმიის შექრას ბელგიასა და ბოლანდიაში, რამაც შელახა ინგლისის ინტერესები და გამოიწვია მისი შემოთება.

² Д. Милютин. История войны 1799 года между Россией и Францией..., т. 1, гл. 350—351.

³ იქვე, ტ. I, გვ. 10.

მათთვის რუსეთში თავშესაფარის მასიურად მიცემა, პროვანსის და არტუას გრაფების წაქეზება და ასე შემდეგ¹.

რუსეთის მიერ განხორციელებული ღონისძიებები არაპირდაპირი გზით მოასწავებდა მის ჩაბმას საფრანგეთის წინააღმდეგ ომში. მაგრამ სახმელეთო ჯარის გაგზავნა მოკავშირეების დასახმარებლად და რევოლუციური საფრანგეთის წინააღმდეგ უშუალო სამომარ ოპერაციებში მონაწილეობის მიღება რუსეთს არც ამ ეტაპზე განუხორციელებია. ინგლის-რუსეთის ქიშპობამ კოალიციაში ჰეგემონიის როლისათვის, ავსტრიისა და პრუსიისადმი უნდობლობამ, თურქეთის ომში ჩაბმის საფრთხემ, ქვეყნის ფინანსურმა სიძნელეებმა და, რაც მთავარია, პოლონეთის საკითხის მოგვარების სურვილმა განსაზღვრა რუსეთის ასეთი პოზიცია ანტიფრანგულ კოალიციაში ამ ეტაპზე.

პოლონეთის საბოლოო დაყოფისაკენ მისწრაფება, რომელსაც ეკატერინე II იაკობინურ საფრანგეთთან ბრძოლის, „იაკობინური იდეების“ აღმოსავლეთ ევროპაში ერთ-ერთი ძირითადი ბუდის მოსპობის საბაბით და ნიღბით ანხორციელებდა, მაინც გადამწყვეტი პირობა იყო, რამაც ანტიფრანგული კოალიციის მოქმედება შეზღუდა. მით უფრო, რომ ავსტრია და პრუსია არა ნაკლებ იყვნენ დაინტერესებულნი პოლონეთის დაყოფით და ამიტომ რევოლუციური საფრანგეთის წინააღმდეგ ომს უსულგულოდ ეწეოდნენ და პოლონეთის საბოლოო დაყოფის შედეგად მსხვილ ლუკმას მოელოდნენ. ამ მხრივ პოლონეთის დაყოფის საკითხმა მნიშვნელოვანი როლი შეასრულა პირველი ანტიფრანგული კოალიციის წარუმატებლობაში და, პირიქით, ხელი შეუწყო ფრანგი ხალხის რევოლუციური ომების წარმატებას. სავსებით სწორი იყო ფრ. ენგელსი, როდესაც დასახელებულ ნაშრომში სწერდა, რომ პოლონეთის ძარცვამ თავისკენ მიიზიდა კოალიციის ძალები 1792 — 1794 წლებში და შეასუსტა მისი ძალები საფრანგეთის წინააღმდეგო. „პოლონეთი დაეცა, მაგრამ მისმა წინააღმდეგობამ იხსნა საფრანგეთის რევოლუცია...“.

პოლონეთის საკითხს, მართლაც, ერთ-ერთი ცენტრალური ადგილი ეკავა რუსეთის საგარეო პოლიტიკაში 1791—1795 წლებში. ამ საკითხის გადაწყვეტა, ე. ი. პოლონეთის სახელმწიფოს ლიკვიდაცია და მისი ტერიტორიის უდიდესი ნაწილის იმპერიისათვის შეერთება, მეტოქეების—პრუსიის და ავსტრიის—სხვა ჯაქმით დაკავების გზით, აი რა იყო ეკატერინე II-ის მთავარი საზრუნავი აღ-

¹ К. Нотман, დასახ. წერილი, გვ. 11.

² К. Маркс и Ф. Энгельс, Соч., ტ. XVI, ნაწ. II, გვ. 16.

ნიშნულ პერიოდში¹. ამიტომ იყო, რომ საფრანგეთის რევოლუციის წინააღმდეგ საშინაო და საგარეო ფრონტებზე ეფექტური ნაბიჯების გადადგმის მიუხედავად, მან არ გადადგა შემდგომი ნაბიჯი და თავი შეიკავა რევოლუციური საფრანგეთის წინააღმდეგ ომში ჩაბმისაგან, დასავლეთ ევროპაში ჯარის გაგზავნისაგან.

პოლონეთის მესამე დაყოფის დამთავრების და ამ სახელმწიფოს ლიკვიდაციის შემდეგ, როდესაც რუსეთის მეფის მთავრობის საგარეო პოლიტიკის ერთ-ერთი „თავსატეხი საკითხი“ რუსეთის სასარგებლოდ იქნა გადაწყვეტილი, რევოლუციური საფრანგეთისა და მისი „გამხრწნელი ბაცილის“ წინააღმდეგ ბრძოლა რუსეთის საგარეო პოლიტიკის ფოკუსში ექცევა. რუსეთის მონარქია, რომელიც ისედაც აქტიურ როლს ასრულებდა მთელი ანტიფრანგული კოალიციის კონტრრევოლუციური ლაშქრობების საქმეში, ამიერიდან მისი მთავარი იდეურ-პოლიტიკური ორგანიზატორი და სულის ჩამდგმელი ხდება. ეკატერინე II-ის რუსეთი ევროპის მთავარი ქანდარმის როლში გამოდის.

ამის შესაბამისად 1795 წლის თებერვლის 7 (18) რუსეთის დიპლომატია ახალ სამოკავშირეო ხელშეკრულებას დებს ინგლისთან, რომელსაც იმავე წლის სექტემბერში ავსტრიაც უერთდება.

ამ სამოკავშირეო ხელშეკრულების ხელმოწერი სახელმწიფოები საერთო მტრის წინააღმდეგ საბრძოლველად ურთიერთდახმარებას პპირდებოდნენ ერთმანეთს, როგორც ზღვაზე, ისე ხმელეთზე. აღნიშნული ხელშეკრულების დადების პარალელურად პეტერბურგის მთავრობა ზემოქმედებას ახდენს პრუსიაზე, რათა უკანასკნელი გამოიყვანოს ნეიტრალური მდგომარეობიდან და ისევ ჩააბას კოალიციაში.

ხელშეკრულების გათვალისწინებული ვალდებულება საზღვაო ფლოტით ინგლისისათვის დახმარების შესახებ რუსეთის იმპერატორმა მალე შეასრულა, მაგრამ ამჯერადაც მან თავი შეიკავა სახმელეთო არმიის გაგზავნისაგან. ასე გაგრძელდა ეს ვითარება იმ

¹ ეკატერინე II ჯერ კიდევ 1791 წლის დეკემბერში ეუბნებოდა თავის მდივანს ბრაპოვიციის: „Je me casse la tête, чтоб подвинуть Венский и Берлинский Дворы в дела французския“. „У меня много предприятий неоконченных, и надобно, чтоб они были заняты и мне не мешали“. „Дневник А. В. Храповицкого“, გვ. 386. რუსეთის იმპერატორის მოტანილი სიტყვა ნათვლყოფს, რომ მას სურდა ავსტრია და პრუსია მაგრად მიეკავა და „დაეტვირთა“ რევოლუციური საფრანგეთის წინააღმდეგ ბრძოლით, წაექეზებინა ისინი ამ მიმართულებით, თვით კი ხელ-ფეხი გაეხსნა და უდრტვიწველად პოლონეთის საკითხის გადაწყვეტისათვის მოეყიდა ხელს.

დრომდე, ვიდრე იტალიაში და რაინის აუზში საფრანგეთის არმიის ახალმა გამარჯვებებმა და მის შედეგად ინგლის-რუსეთის შეშფოთების გაძლიერებამ კიდევ უფრო მჭიდროდ არ დააკავშირა ეს ორი სახელმწიფო ერთმანეთს 1796 წ. ნოემბრის ტრაქტატით. ამ ტრაქტატით რუსეთმა ინგლისისაგან სუბსიდიის მიღების სანაცვლოდ მტკიცე ვალდებულება აიღო 10 ათასი კაცისაგან შემდგარი კორპუსი დაეძრა საფრანგეთის წინააღმდეგ.

საექსპედიციო კორპუსის გასაგზავნად პეტერბურგში უკვე გადაიდგა პრაქტიკული ნაბიჯი. სუვოროვს ბრძანება მიეცა გასალაშქრებლად მზად ყოფილიყო, მაგრამ დაწყებული მზადება შეაჩერა ეკატერინე II-ის აპოპლექსიურმა სიკვდილმა 1796 წ. 6 (17) ნოემბერს.

ამგვარად, 1796 წლის დასასრულისათვის, როდესაც ეკატერინე II-ის გარდაცვალების შედეგად რუსეთის სამეფო ტახტზე ცვლილება მოხდა, საფრანგეთსა და რუსეთს შორის ყოველგვარი ურთიერთობა — პოლიტიკურ-დიპლომატიური, ეკონომიური და კულტურული — დიდი ხნის შეწყვეტილი იყო. რუსეთი წარმოადგენდა ფრანგული ფეოდალური ემიგრაციის ერთ-ერთ მთავარ თავშესაფარს და საკრებულოს, ანტიფრანგული ძალების ერთ-ერთ მთავარ დამარჯმავს და ორგანიზატორს. ფაქტიურად რუსეთი უკვე კარგახანია იბრძოდა საფრანგეთის რევოლუციის „გამბრწყნელი გავლენის“ წინააღმდეგ ქვეყნის შიგნით, სადაც უსასტიკესი რეაქცია იყო გაბატონებული, თანაც პოტენციურად მონაწილეობდა ევროპის მონარქთა და ფეოდალ-მთავართა ბრძოლაში საფრანგეთის წინააღმდეგ. მეფის რუსეთი ინგლისთან ერთად ფაქტიურად ანტიფრანგული კონტრრევოლუციური ბლოკის იდეურ და პოლიტიკურ ორგანიზატორს წარმოადგენდა.

მიუხედავად ყოველივე ამისა, რუსეთი ჯერ კიდევ არ იმყოფებოდა საფრანგეთთან ომის მდგომარეობაში, რამდენადაც ფორმალურად რუსეთის მთავრობას საფრანგეთისათვის ომი არ ჰქონდა გამოცხადებული.

რუსეთის მესვეურები დიდად არ ჩქარობდნენ ამ ფორმალური აქტისათვის. პირველი ანტიფრანგული კოალიცია მისი მონაწილეობის გარეშე ასე თუ ისე მაინც აწარმოებდა ომს, ისიც ევროპის უძლიერესი საზღვაო სახელმწიფოს, ინგლისის მონაწილეობით. რუსეთის „სიზანტე“ — უშუალოდ ჩაბმულიყო ომში საფრანგეთის წინააღმდეგ და დაეძრა ჯარები დასავლეთისაკენ — რამოდენიმე გარეობით იყო ნაკარნახევი. პირველ ყოვლისა, რუსეთის დიპლომა-

ტიას და მის ხელმძღვანელს ეკატერინე II-ეს მტკიცე გადაწყვეტილებათა ჰქონდათ მიღებული ანტიფრანგულ კოალიციაში ჩამბმამდე სავსებით მოეგვარებინათ ძირითადი „გადაუდებელი და თავსატეხი საქმეები“ პოლონეთის საკითხთან დაკავშირებით და თავისდა სასარგებლოდ გადაწყვიტათ თურქეთის საკითხი. ამჟვე დროს მათ სურდათ უზრუნველყოთ მტკიცე ზურგი მეზობელ სახელმწიფოთა ნეიტრალიტეტის უზრუნველყოფის გზით. დაბოლოს, დრო მოეგოთ ჯეროვანი მზადების ჩასატარებლად, რასაც საფრანგეთთან პრძოლა მოიხივდა.

ზოგიერთი საბჭოთა ისტორიკოსის გადაჭრითი მტკიცება, რომ საფრანგეთთან ომის გაჩაღებას რუსეთის იმპერატორის სიკვდილმა შეუშალა ხელი, თორემ საამისოდ უკვე ყველაფერი მზად იყო, არ მიგვაჩნია სავსებით დამაჯერებლად. ომის შესაძლებლობა და სიტუაცია ყოველთვის არ გადაიზრდება ომის სინამდვილეში. ხომ შესაძლებელია რაიმე, წინასწარ გაუთვალისწინებელ შინაგან, თუ საგარეო გარემოებას ახალი დაბრკოლება შეექმნა ამ მიმართულებით და ისევე გადაეწია ომის გამოცხადების თარიღი.

ფრანგი ისტორიკოსი ალბერტ სორელი მიუთითებს, რომ ეკატერინე II მხოლოდ იმუქრებოდა, წყველა-კრულვას უგზავნიდა საფრანგეთის რესპუბლიკას, თითქოს ჯარსაც კი აგზავნიდა მის წინააღმდეგ, მაგრამ რეალურად არაფერს არ აკეთებდა. დივერსიადაშინების გარდა მას არცერთი ნაბიჯი არ გადაუდგამს და არც აპირებდა ასეთი ნაბიჯის გადადგმას. რუსეთის ომი საფრანგეთის წინააღმდეგ, მისი აზრით, დიდად სარისკო საქმეს წარმოადგენდა („...стожь чреватое грядущим приключением“), საშინაო და საერთაშორისო ვითარება საშუალებას არ აძლევდა მას გადაედგა ასეთი ნაბიჯი¹.

სორელის აღნიშნული შეხედულება ისტორიულ სინამდვილეს ეწინააღმდეგება. ეკატერინე II, როგორც უკვე აღნიშნული იყო, ავსტრიისა და პრუსიის მეშვეობით უკვე 1792 წლიდან აწარმოებდა არაპირდაპირ ინტერვენციას რევოლუციური საფრანგეთისა და მისი გავლენის წინააღმდეგ. თუ იგი, მიუხედავად ამისა, უშუალო ინტერვენციისაგან, საფრანგეთის წინააღმდეგ ფორმალურად ომის გამოცხადებისაგან თავს იკავებდა, ეს იმით იყო პირობადებული, რომ მეფის რუსეთის მთავრობას ჯერ კიდევ „ბევრი დაუმთავრებელი საქმეები ჰქონდა“ (პოლონეთის, თურქეთის, შვეციის) და წინასწარ

¹ А. Сореель, Европа и Французская революция, ტ. 5, გვ. 35—36.

სურდა თავის სასარგებლოდ მოეგვარებინა ეს საქმეები მანამდე, სანამ რევოლუციური საფრანგეთის წინააღმდეგ აშკარა ომს დაიწყებდა. მართლაც 1795 წლიდან, როდესაც ეკატერინე II-ის მთავრობამ დაასრულა „დაუმთავრებელი საქმეების“ მოგვარება, კერძოდ დაამთავრა პოლონეთის დაყოფა, გადადგმულ იქნა ეფექტური პრაქტიკული ნაბიჯები ამ მიმართულებით.

აქვე უნდა აღინიშნოს, რომ ფრ. ენგელსი თავის ნაშრომში „Внешняя политика русского царизма“, ჩვენის აზრით, სავსებით სწორ აზრს არ ანვითარებს საფრანგეთის რევოლუციისადმი ეკატერინე II-ის დამოკიდებულების საკითხში. მისი შეხედულებით საფრანგეთის რევოლუციის გაჩაღება ახლი ბედნიერება იყო ეკატერინე II-ისათვის. სრულებით არ ეშინოდა რა რევოლუციური იდეების რუსეთში გავრცელებისა, ამ ამბავში მან დაინახა მხოლოდ ახალი ხელსაყრელი შემთხვევა იმისათვის, რომ ერთიმეორისათვის წაეკიდებინა ევროპის სახელმწიფოები, რათა რუსეთს მოქმედების საშუალება მისცემოდა („...чтобы развязать руки России“)¹.

რომ საფრანგეთის რევოლუციამ ეკატერინე II-ეს თავისი დაპყრობითი გეგმების სისრულეში მოყვანისათვის ხელსაყრელი პირობები შეუქმნა, ეს სავსებით სწორია და მართებული, მაგრამ განა მას არ ეშინოდა რევოლუციური იდეების გავრცელებისა რუსეთში და მის წინააღმდეგ შიგნით და გარეთ ეფექტიურ ღონისძიებებს არ იღებდა?

¹ К. Маркс и Ф. Энгельс, Соч., т. XVI, 6аф. II, стр. 16.

**რუსეთ-საფრანგეთის ურთიერთობა 1796 წლის დანასრულიდან
1797 წლის დანაწყისამდე**

**1. აღმასრულებელი დირექტორიის ხელისუფლება საფრანგეთში
და მისი ხანიათი**

1795 წლის 26 ოქტომბერს (IV წლის 5 ბრიუმერს, საფრანგეთის რესპუბლიკის წელთაღრიცხვით) თერმიდორულმა კონტრრევოლუციურმა კონვენტმა, გამოიმუშავა რა III წლის ანტიხალხური კონსტიტუცია, დაასრულა თავისი საქმიანობა და ადგილი დაუთმო ამ კონსტიტუციის საფუძველზე შექმნილ ახალ ხელისუფლებას. ეს ახალი ხელისუფლება შედგებოდა ხუთასთა საბჭოსა და უხუცესთა საბჭოსაგან, რომელთა ხელში იყო საკანონმდებლო ხელისუფლება, და აღმასრულებელი დირექტორიისაგან, (Directoire), რომლის ხელშიც მოქცეული იყო აღმასრულებელი ფუნქციები.

საფრანგეთის ისტორიის ამ მოკლე მონაკვეთს, რომელიც 1799 წლის 18 ბრიუმერამდე გრძელდებოდა, დირექტორიის მმართველობის ან აღმასრულებელი დირექტორიის პერიოდს უწოდებენ.

1795 წლის (III წლის) კონსტიტუციის საფუძველზე საფრანგეთში შექმნილი ახალი ხელისუფლება თავისი კლასობრივი არსით წარმოადგენდა იმ კონტრრევოლუციური აქტის შემდგომ ევოლუციას, რომელიც მოხდა 1794 წლის 27 ივლისს (9 თერმიდორს). იგი იყო ახალი, რევოლუციის შედეგად გამარჯვებული და ეკონომიურად გაძლიერებული სავაჭრო-სამრეწველო ბურჟუაზიის ბატონობის პოლიტიკური ფორმა. მისი დანიშნულება იყო ბურჟუაზიული რევოლუციის შედეგად მოპოვებული პოლიტიკური ბატონობის

დაცვა და განმტკიცება, მშრომელი მასებისათვის ყოველგვარი ეკონომიური და პოლიტიკური უფლებების წართმევა და ბურჟუაზიული საზოგადოების აგება.

მარქსი „წმინდა ოჯახში“ იძლევა დირექტორიის ხელისუფლების სოციალური არსის კლასიკურ განსაზღვრას, როდესაც შემდეგს წერს:

„რევოლუციამ გაანთავისუფლა ბურჟუაზიული საზოგადოება ფეოდალური გზებისაგან და ოფიციალურად იცნო იგი... მაგრამ მხოლოდ დირექტორიის მთავრობის დროს გამოხეტია გარედ და დაიწყო ჩუხჩუნი ბურჟუაზიული საზოგადოების ნამდვილმა ცხოვრებამ. კომერციულ წამოწყებათა ციებ-ცხელება, გაძიდრებით გატაცება, თავბრუდახვევა-გადათრობა ახალი ბურჟუაზიული ცხოვრებით, სადაც პირველ ნაბიჯებზე დატკობა ღებულობს უტიფარ, თავქარიან, ფრივოლურ და გამაბრუებელ სახეს, ყველაფერი ეს წარმოადგენდა ახლანდელ ჩასახული ბურჟუაზიული საზოგადოების ცალკეულ სიცოცხლისეულ სიმპტომებს“. „...ბურჟუაზიული საზოგადოება კპოულობს თავის დაღებით წარმომადგენელს ბურჟუაზიაში. ამგვარად ბურჟუაზია დგება თავისი ბატონობის გზაზე. ადამიანის უფლება წყვეტს არსებობას მხოლოდ თეორიაში“.

მესამე წლის ანტიხალხურმა კონსტიტუციამ, მართლაც ფიქსაცია უყო ახალი ბურჟუაზიის („ნუვო-რიშის“) გაბატონებას და მთელი ძალაუფლება მას გადასცა ხელში. ახალი ხელისუფლების ორგანოები — ხუთასთა საბჭო, უხუცესთა საბჭო და აღმასრულებელი დირექტორია — ლითონის ფულის, სურსათ-სანოვავის, მიწების რეკვიზირებული ფონდის სპეკულაციით. სამხედრო დაკვეთა-მოწოდებებით და კონტრაბანდული საქონლის ვაჭრობით გაძიდრებული ბურჟუაზიის ხელისუფლება იყო. ახალმა მმართველობამ ამ ბურჟუაზიას შემდგომი გაძიდრების ფართო ასპარეზი გადაუშალა, მისცა მას შესაძლებლობა დამტკბარიყო მოპოვებული პოლიტიკური ბატონობით და ფუფუნება-ორგიების მორევში შეეტრებულყო.²

¹ К. Маркс и Ф. Энгельс, Соч., т. 3, гл. 151.

² „ახალი ბურჟუაზია, ახალი კაპიტალისტები... მხოლოდ 9 თერმოდორს უცდიდნენ, — წერს აკად. ვ. ტარლე, — რათა აშკარად გამოსულიყვნენ ასპარეზზე, რათა დაემკიდრებინათ მათთვის სასურველი „თავისუფალი კონკურენციის სამეფო“. Е. В. Тарле, Керемиталь и Прерналъ, М., 1951, гл. 12.

საფრანგეთის ეკონომიური მდგომარეობა დირექტორიის მმართველობის წლებში კიდევ უფრო გაუარესდა. გაღრმავდა წინა წლებში დაწყებული ეკონომიური კრიზისი, არნახულ ღონემდე დაეცა ფულის კურსი, იმატა სასურსათო სიძნელეებმა და სპეკულაციამ. სავაჭრო-სამრეწველო ბურჟუაზიის, ყველა ჯურის სპეკულანტების და სოფლის კულაკური ელემენტების ზღაპრული გამდიდრების პარალელურად მიმდინარეობს მშრომელი მასების ცხოვრების დონის კატასტროფიული დაცემა, მათი ფაქტიური გაღატაკება. განსაკუთრებით ეს ითქმის მუშათა და ქალაქის სხვა ღარიბთა შესახებ, რომელთაც უმუშევრობამ, შიმშილმა, პირველი მოთხოვნის საგნებზე ფასების უზომოდ გადიდება, ჩასჭიდა თავისი მსახვრელი ხელი. იმ დროს, როდესაც საქონელთა უმრავლესობაზე ფასები 1795—1796 წლებში 1790 წელთან შედარებით 25—30-ჯერ გადიდდა, ხოლო სურსათ-სანოვაგეზე, კერძოდ, პურზე ასჯერ და მეტად, მუშათა ხელფასი გაიზარდა სრულიად უმნიშვნელო რაოდენობით. თუ მხედველობაში მივიღებთ იმას, რომ მუშებს ხელფასი ეძლეოდათ ქალაქის ასიგნაციებით, რომელთა კურსიც ლითონის ფულთან შედარებით ყოველდღიურად ეცემოდა, ნათელი გახდება მშრომელთა რეალური ხელფასის მეტად დაბალი დონე; მათი აუტანელი ცხოვრების პირობები¹.

რევოლუციის შედეგად მოპოვებულმა გამარჯვებამ საფრანგეთის ბურჟუაზიას ეკონომიური საქმიანობის ფართო ასპარეზი გადაუშალა, მაგრამ, დირექტორიის მმართველობის პირველ წლებში მან ეს შესაძლებლობა უმთავრესად მევახშეობისა და სპეკულაციის მიმართულებით წარმართა. ომმა, მუდმივმა საფინანსო სიძნელეებმა, ინგლისის მიერ მოწყობილმა საზღვაო ბლოკადამ და სხვა დაბრკოლებებმა გამოიწვია საფრანგეთის სამრეწველო მოცულობისა და საგარეო ვაჭრობის სფეროს შემცირება. საფრანგეთის სამრეწველო საქონელმა მისი დაბალი ხარისხისა და მაღალი ფასის გამო ის ბაზრებიც კი ვერ დაიპყრო, რომლებიც მას მეზობელ ქვეყნებზე გამარჯვებამ ჩაუგდო ხელში. პერმანენტული ომები, შინაგანი სტაბილობის უქონლობა და სამხედრო დაკვეთების შეუწყვეტელი ზრდა უარყოფითად მოქმედებდა ძველი ურთიერთობის ბორკილებისაგან

¹ განსვენებული აკად. ე. ტარლე ოთხი სახელმწიფო მანუფაქტურის მუშათა ცხოვრების პირობების მიმოხილვით 1787—1799 წლებში რელიეფურად აშუქებს მთელი საფრანგეთის მუშათა მდგომარეობას დირექტორიის მმართველობის წლებში იხ. E. B. Т а р л е. Рабочие национальных мануфактур во Франции в эпоху революции..., СПб., 1908.

განთავისუფლებულ მრეწველობაზე და ამცირებდა მის საბაზრო პროდუქციას. საფრანგეთის მრეწველობის ეს მდგომარეობა, თავის ბზრივ, გავლენას ახდენდა ქვეყნის საგარეო ვაჭრობაზე და სხვა გარემოებებთან ერთად ხელა უწყობდა მისი მოცულობის შემცირებას¹.

როგორც ცნობილია, საფრანგეთის სამეურნეო მოშლილობა დირექტორიის მმართველობის მთელ პერიოდში გრძელდება. მას მხოლოდ თვრამეტი ბრიუმერის სახელმწიფო გადატრიალებამ და კონსულობის დამყარებამ მოუღო ბოლო.

ფორმალურად დირექტორია მხოლოდ აღმასრულებელი ფუნქციით სარგებლობდა და საკანონმდებლო ორგანოებს ექვემდებარებოდა, მაგრამ სინამდვილეში, მაშინდელი პოლიტიკური რეჟიმის არამტკიცე ხასიათის გამო, აღმასრულებელი დირექტორია გაცილებით მეტი უფლებით სარგებლობდა, ვიდრე ეს გათვალისწინებული იყო მესამე წლის კონსტიტუციით. დირექტორიის მმართველობის ხანმოკლე პერიოდში ხშირად ცალკეული დირექტორებიც კი კონტროლს უწევდნენ საკანონმდებლო ორგანოებს — ხუთასთა საბჭოს და უხუცესთა საბჭოს და დროგამოშვებით წმენდდნენ მათ „საექვო“ პირებისაგან. ცნობილია, რომ ბურჟუაზიის ინტერესების შესატყვისად დირექტორიამ მარჯვნიდან და მარცხნიდან — იაკობინთა და როიალისტთა — საფრთხისაგან დასაზღვევად რამდენიმე „მინიატიურული სახელმწიფო გადატრიალება“ მოახდინა და გადაახალისა ხუთასთა საბჭო და უხუცესთა საბჭო.

დირექტორია, ანუ დირექტორთა საბჭო ხუთი კაცისაგან შედგებოდა. პირველი დირექტორები იყვნენ: ბარასი, კარნო, რებელი, ლეტურნენი და ლარეველიერ-ლეპო. მართალია, დირექტორები მორიგეობით ასრულებდნენ თავმჯდომარის მოვალეობას (3-3 თვით), მაგრამ მათ შორის მთავარ როლს მაინც ბარასი ასრულებდა. პირველ დირექტორებს შემდეგნაირად ჰქონდათ ფუნქციები განაწილებული: ბარასი განაგებდა არმიის პირად შემადგენლობას და პოლიციას; კარნო — სამხედრო დარგს; რებელი — საგარეო საქმეს, ფინანსებს და იუსტიციას; ლეტურნენი — ფლოტს; ლარეველიერ-ლეპო — საფრანგეთის ინსტიტუტებს, სკოლებს, მანუფაქტურებს, ბაღებს და ეროვნულ დღესასწაულებს².

¹ E. Levasseur. დასახ. ნაშრ., ტ. I, გვ. 267 და შემდ.

² „დირექტორი არ ყოფილა არც მინისტრი, არც პრეფექტი, არც გენერალი, ის იყო მხოლოდ ერთიანი ერთი მეხუთედი ნაწილი“, — აი როგორ შეფასებას აძლევდა დირექტორთა ხელისუფლებას ნაპოლეონ ბონაპარტი იხ. Наполеон, Избранные произведения, т. I, М., 1941, გვ. 233.

დირექტორები თვით ნიშნავდნენ მინისტრებს, რომლებიც უშუალოდ მათ წინაშე იყვნენ პასუხისმგებელნი. ეს მინისტრები მოკლებული იყვნენ რეალურ ხელისუფლებას და დირექტორთა ხელში უბრალო სათამაშო ტიკინებს წარმოადგენდნენ. იმ უწყებების პოლიტიკურ ხაზს და მიმართულებას, რომელსაც მინისტრები უდგნენ სათავეში, იმუშავებდა აღმასრულებელი დირექტორია.

ბარასი, რომელიც წამყვან როლს ასრულებდა დირექტორთა შორის, ახალი კლასობრივი ხელისუფლების ყველაზე უფრო კოლორიტულ ფიგურას წარმოადგენდა. იგი იყო ავანტიურისტი, კარიერისტი, ყოველგვარ ბნელ და ქუჭყიან საქმეებში დახელოვნებული გაიძვერა პოლიტიკოსი¹. სწორედ ამ თვისებების გამო დაწინაურდა იგი პოლიტიკურ ასპარეზზე და დირექტორთა შორის მოწინავე ადგილი დაიკავა. ეს ის ბარასი იყო, რომელმაც შემდეგში სიეიესთან და ტალეირანთან ერთად მონაწილეობა მიიღო დირექტორიის წინააღმდეგ შეთქმულებაში, და ხელი შეუწყო ნაპოლეონ ბონაპარტს 18 ბრიუმერის სახელმწიფო გადატრიალების მომზადება-განხორციელებაში.

საფრანგეთის საგარეო პოლიტიკა დირექტორიის მმართველობის პერიოდში 9 თერმიდორის კონტრრევოლუციური გადატრიალების დროიდან გამომუშავებული კურსის განვითარებას წარმოადგენდა. ევროპის სახელმწიფოთა პირველ ანტიფრანგულ კოალიციასთან ომში მისი ამოცანა იყო: სამხედრო გამარჯვებებით მოპოვებული წარმატებების განმტკიცება-გაფართოება, კერძოდ, აღმოსავლეთის საზღვრების გასწვრივ ვასალურ სახელმწიფოთა რკალის შექმნა, აღმოსავლეთის ბაზრების მონოპოლიურად ფლობა, დაკარგული კოლონიების უკან დაბრუნება, ახალი კოლონიების ხელში ჩაგდება და მსოფლიოზე ბატონობის მიღწევა.

დიპლომატიური მეთოდები და ინსტიტუტები, რომლებიც საფრანგეთის ბურჟუაზიამ მის წინაშე მდგარი საგარეო პოლიტიკური ამოცანების სარეალიზაციოდ გამოიყენა, არ იყო ახალი. ისინი, როგორც უკვე ზემოთ იყო აღნიშნული, წარმოადგენდნენ საფრანგეთის ძველი რეჟიმის დიპლომატიური მეთოდების და ინსტიტუტების რესტავრაციას და მათ უმნიშვნელო მოდიფიკაციას. გამარჯვებულმა ბურჟუაზიამ მხოლოდ შეუცვალა მათ დანიშნულება, შეუხამა რევოლუციის შედეგად შექმნილ ვითარებას და თავის კლასობრივ

¹ „Человек вагшн, безправственный и корыстный“, როგორც უწოდებს მას ცნობილი რუსი სამხედრო ისტორიკოსი დ. მილიუტინი. იხ. Д. М и л и у т и н, დასახ. ნაშრ., ტ. I, გვ. 25.

ინტერესებს დაუმორჩილა. აქვე უნდა აღინიშნოს, რომ დირექტორიის მმართველობის დროს ბოლო მოეღო იმ ცვლილებებს, რომელიც საგარეო საქმეების გაძღოლისა და დიპლომატიური სამსახურის ორგანიზაციაში მოახდინეს იაკობინებმა მათი დიქტატურის დროს. დირექტორიამ აღადგინა რევოლუციამდელი დიპლომატიის ინსტიტუტები, მეთოდები და ფორმები.

საგარეო ურთიერთობის საკითხები, ისე როგორც შინაგანი მმართველობის უწყებები, უშუალოდ აღმასრულებელი დირექტორიის ხელში იყო (ყოველგვარ მოლაპარაკებათა წარმოება, სამშვიდობო, სამოკავშირეო, ნეიტრალიტეტისა და სავაჭრო ხასიათის ხელშეკრულებათა და სხვა ხასიათის კონვენციათა დამტკიცება)¹.

საგარეო ურთიერთობის უწყებას აღმასრულებელი დირექტორიის სახელით ხელმძღვანელობდა საგარეო ურთიერთობის მინისტრი. მას ნიშნავდა და ცვლიდა დირექტორია. საგარეო ურთიერთობის მინისტრი უმნიშვნელო ფიგურა იყო და აღმასრულებელი დირექტორიის უბრალო იარაღს წარმოადგენდა².

საგარეო ურთიერთობის დარგში საგარეო ურთიერთობის მინისტრთან ერთად მნიშვნელოვან ფუნქციებს ასრულებდა არაოფიციალური ხასიათის ბიურო — დიპლომატიური სამსახურის ბიურო (bureau diplomatique), რომელიც ასრულებდა ყველა ფუნქციას, საზღვარგარეთ აკრედიტებულ დიპლომატიურ წარმომადგენლებთან ურთიერთობის კოორდინაციის საქმეში.

საზღვარგარეთ აკრედიტებულ დიპლომატიურ წარმომადგენლებთან და მრავალრიცხოვან დიპლომატიურ აგენტებთან ურთიერთობა საგარეო ურთიერთობის სამინისტროსა და ზემოთ დასახელებული ბიუროს მეშვეობით წარმოებდა. მექრთამეობა, კორაუპცია, უპრინციპობა, პირადი გამდიდრებისადმი გაუმაძღარი მისწრაფება, კარიერიზმი, — ყველა ეს სისტემას წარმოადგენდა დირექტორიის მმართველობის წლებში, სხვა უწყებებთან ერთად ჰყვაროდა

¹ მე'ამე წლის კონსტიტუციაში მკაფიოდ ხაზგასმული იყო, რომ აღმასრულებელი დირექტორიის კომპეტენციაში შედის: „...le droit de négocier, arrêter, signer ou faire signer tous les traités de paix, d'alliance, de trêve, de neutralité, de commerce et autres conventions qu'il juge nécessaire au bien d'Etat“. B. Guyot, დასახ. ნაშრ., გვ. 66.

² ფრანგი ისტორიკოსი გიო მართალია, როცა საგარეო ურთიერთობის მინისტრს უწოდებს მინისტრის მხოლოდ სახელით. მაგრამ იგი აჭარბებს როცა ხაზს აკლავს დირექტორიისა და რუსეთის იმპერატორის ან პრუსიის მეფის უფლებებს შორის და ერთგვარად აიგივებს მათ ფუნქციებს საერთოდ, კერძოდ კი საგარეო პოლიტიკის საკითხებში. B. Guyot, დასახ. ნაშრ., გვ. 67.

საგარეო ურთიერთობის სამინისტროსა და დიპლომატიური სამსახურის ყველა საფეხურზე. ძველ მოხელეებთან ერთად, რომლებიც „პრივილეგიურთა“ რიგებს ეკუთვნოდნენ და შეეგუენ ახალ მმართველობას, რევოლუციის წლებში საგარეო ურთიერთობის ხაზით „დაწინაურდა“ კარიერისტთა და ავანტიურისტთა ახალი ჯგუფი. ანან კიდევ უფრო გააძლიერა საგარეო ურთიერთობის აპარატში გაბატონებული გამყიდველობა და განაწინილება. ამიტომ იყო, რომ დირექტორიის მმართველობის წლებში საფრანგეთის დიპლომატიური საიდუმლოება ხშირად ხშიანდებოდა და მოწინააღმდეგეებს უვარდებოდა ხელში. პრუსიასა და ევროპის რიგ სახელმწიფოსთან აკრედიტებული ბევრი ფრანგი დიპლომატი და აგენტი კავშირში იყო რუსეთის, ინგლისის და ავსტრიის საიდუმლო სამსახურთან და საჭირო ცნობებს აწვდიდა თავიანთ „დამჭირაველებს.“¹

დირექტორიის მმართველობის პერიოდში საგარეო ურთიერთობის პირველი მინისტრი იყო შარლ დელაკრუა, რომელსაც ეს თანამდებობა 1797 წლის 16 ივლისამდე ეკავა.

შარლ დელაკრუა როგორც დიპლომატი, არ იყო დაჯილდოებული განსაკუთრებული ნიჭით და ერუდიციით. იგი ბევრად ჩამოუვარდებოდა თავის მემკვიდრეს, ტალეირანს. დირექტორიის პერიოდის საფრანგეთის დიპლომატიის ისტორიის არც ფრანგი და არც უცხოელი ისტორიკოსები არ აღნიშნავენ დელაკრუას მნიშვნელოვან დიპლომატიურ ნიჭს და დამსახურებას (თუმცა შეიძლება ეს აიხსნას ნაწილობრივ ამ ისტორიკოსთა სუბიექტური შეხედულებით და თვით საგარეო ურთიერთობის მინისტრის უმნიშვნელო როლით და ინიციატივით). მიუხედავად ამისა, უდავოა, რომ დელაკრუა იყო ენერგიული, და დირექტორიის დავალებათა წესიერად აღმსრულებელი მინისტრი, თუმცა მას საკუთარი ინიციატივა არ გამოუჩენია რაიმე დარგში².

ფორმალურად, 1795 წლის კონსტიტუციის მიხედვით, ზემოთ აღნიშნული უწყებებისა და თანამდებობების პირებს გარდა არავის უფლება არ ჰქონდა ჩარეოდა საფრანგეთის საგარეო პოლიტიკისა და დიპლომატიის საქმეებში. მაგრამ ღინამდვილემ არარად აქცია

¹ История дипломатии, т. I, гл. 356.

² შარლ დელაკრუას ბიოგრაფიისა და დიპლომატიური საქმიანობის შესახებ იხ. A. Corely, დასახ. ნაშრ., ტ. 5, გვ. 21—22; B. Guyot, დასახ. ნაშრომი, გვ. 68—70; E. Masson, Le Département des Affaires étrangères pendant la Révolution (1789—1804), Paris, 1877, გვ. 361—363, 375; Nouvelle biographie générale depuis les temps les plus reculés jusqu'à nos jours, I, 30. Paris, 1885., გვ. 392.

კონსტიტუციის ეს აკრძალვა და გენერალიტეტს ამ დარგში უფრო მეტი უფლებები მიანიჭა, ვიდრე სპეციალურ ორგანოებს და პასუხისმგებელ მუშაკებს. საფრანგეთის მომქმედი არმიების გენერლების ნაწილი, კერძოდ, ფრონტების და არმიების სარდლები, უშუალო მონაწილეობას ლებულობდნენ მეომარ და ნეიტრალურ ქვეყნებთან მოლაპარაკებაში და ხშირად დირექტორიის და საგარეო ურთიერთობის სამინისტროს თანხმობის გარეშე ხელშეკრულებებსაც კი სდებდნენ მათთან. ისეთი გენერლები, როგორც იყვნენ ჰომი, მორო, პიშეგრეუ, ჟურდანი და ამ დროისათვის ასპარეზზე ამოტივტივებული და იტალიის კამპანიით სახელმძღვანელო ბონაპარტი, ანგარიშსაც კი არ უწევდნენ დირექტორიის მერყევე ხელისუფლებას და ითვისებდნენ მის ფუნქციებს საგარეო ურთიერთობის დარგშიც კი. როგორც ცნობილია, ნაპოლეონ ბონაპარტი არა მარტო იბრძოდა იტალიაში, არამედ თვითნებურად მოლაპარაკებასაც აწარმოებდა იტალიის მეფე-მთავრებთან და თავისი პირადი ნება-სურვილის მიხედვით დებდა მათთან საკირო ხელშეკრულებებს, თანაც ახლოსაც არ იკარებდა დირექტორიის დიპლომატიურ წარმომადგენლებს¹.

2. საფრანგეთის საერთაშორისო მდგომარეობა 1796 წლის დასასრულისათვის

ის პოლიტიკური ვითარება, რომელიც არსებობდა ევროპაში დირექტორიის მმართველობის პირველ პერიოდში (1796 — 1797 წლების მიჯნაზე), საგრძნობლად განსხვავდებოდა 1792—1794 წლების ვითარებისაგან. ეს ცვლილებები ევროპის პოლიტიკურ ცხოვრებაში გამოიწვია რევოლუციური ომების დამთავრებამ და ომების საფრანგეთის ტერიტორიიდან მოწინააღმდეგეთა ტერიტორიებზე გადაწვევებამ.

1792 წლის 20 აპრილს დაწყებული ომი რევოლუციურ საფრანგეთსა და ევროპის მონარქ-ფეოდალთა კონტრრევოლუციურ კოალიციას შორის გრძელდებოდა დირექტორიის მმართველობის პერიოდშიაც. მაგრამ ამ ომის ხასიათსა და მიზნებში არსებითი ცვლილება მოხდა. მეორე წლის 9 თერმიდორიდან (1794 წლის 27 ივლისიდან), როდესაც საფრანგეთში დამყარდა კონტრრევოლუციური ბურჟუაზიის ბატონობა, ლიკვიდირებულ იქნა ძველი წყო-

¹ ამის შესახებ დაუფარავად მოგვითხრობს თვითონ ნაპოლეონ ბონაპარტი, იხ. *Наполеон, Избранные произведения*, М., 1956, გვ. 175—191.

ბილების რესტავრაციისა და ინტერვენციის უშუალო საფრთხე, ინტერვენტები განიდევნენ საფრანგეთიდან და ომი თვით მტრების ტერიტორიაზე იქნა გადატანილი, ომმა დაკარგა საფრანგეთისათვის თავდაცვითი, სამართლიანი და რევოლუციურ-განმათავისუფლებელი ხასიათი. იგი დაპყრობით, უსამართლო, აგრესიულ ომში გადაიზარდა. საფრანგეთის გამარჯვებულმა ბურჟუაზიამ ამ ომის წარმატებას დაუკავშირა ვრცელი აგრესიული გეგმების განხორციელება: ისტორიულად ჩამოყალიბებული ნაციონალური სახელმწიფოების დამოუკიდებლობის ლიკვიდაცია, მათი დამონება და გაძარცვა, მათ ხარჯზე ახალი დაპყრობითი ომების მომზადება.

მაგრამ, მიუხედავად ამისა, ამ ომმა, შეინარჩუნა ბურჟუაზიულ-პროგრესიული ხასიათი. რევოლუციური ომების პერიოდის ცნობილი ლოზუნგები — „ომი სასახლეებს, მშვიდობა ქონებს“ — ფორმალურად ჯერ კიდევ არ იყო მოხსნილი. საფრანგეთის არმიები დაპყრობილ ადგილებში კვლავინდებურად განაგრძობდნენ მონარქთა, ფეოდალთა და კათოლიკური ეკლესიის თავკაცთათვის ქახვილის ჩაქმას. ძველი დრომოკმული ფეოდალური ურთიერთობის ლიკვიდაციის პარალელურად ამ ადგილებში მკვიდრდებოდა თავისი დროისათვის აშკარად პროგრესული ბურჟუაზიული ურთიერთობა, წარმოების ბურჟუაზიული წესები. საფრანგეთის ბურჟუაზია ევროპის დაპყრობილ ადგილებში ნერგავდა საფრანგეთის რევოლუციის იმ მონაპოვარს, რომელიც შეესაბამებოდა მის კლასობრივ ინტერესებს. ეს ომები, როგორც სამართლიანად აღნიშნავს ვ. ი. ლენინი, მართალია, შეიცავდა სხვა ქვეყნების ძარცვისა და დაპყრობის ელემენტებს. „...მაგრამ ეს ოდნავადაც არ სცვლის ამ ომების ისტორიულ მნიშვნელობას, რომლებიც ანგრევდნენ და არყევდნენ მთელი ძველი, ბატონყმური ევროპის ფეოდალიზმსა და აბსოლუტიზმს“¹.

ევროპის სახელმწიფოთა კონტრრევოლუციური კოალიციის ომი საფრანგეთის წინააღმდეგ დირექტორიის მმართველობის პერიოდშიაც ძირითადად უსამართლო, მტაცებლურ ხასიათს ინარჩუნებდა. ამ კოალიციაში ინგლისის ხელმძღვანელობით გაერთიანებულნი იყვნენ კონტინენტური ევროპის მონარქები, საერო და სასულიერო მთავრები, საერთოდ ძველი, ბატონყმური ევროპის ყველა პრივილეგიური ძალები. მათ ამოქმედებდათ საფრანგეთის დამარცხების და იქ ძველი წყობილების აღდგენის, მის ხარჯზე ტერი-

¹ ვ. ი. ლენინი, თხზ., ტ. 21, გვ. 363.

ტორიული გაფართოების და მისი კოლონიური სამფლობელოების ხელში ჩაგდების ეგოისტური მისწრაფებები.

1792 წლის 20 აპრილიდან საფრანგეთსა და პირველ ანტიფრანგულ კოალიციას შორის წარმოებულ ომში იბრძოდა არა მარტო ორი სოციალური სამყარო, არამედ ორი სხვადასხვა ტიპის არმიაც (ინგლისის გამოკლებით). საფრანგეთის რესპუბლიკის არმია იყო ახალი ტიპის არმია, იგი რევოლუციის პროცესში აღმოცენდა, რევოლუციურ ომებში დავაჟკაცდა და გამოიწრო. ამ არმიას ძირითადად სარდლობდნენ მდაბიოთა წრიდან გამოსული და რევოლუციის წყალობით დაწინაურებული მეთაურები. მის რიგებში იბრძოდნენ ფეოდალური ულლისაგან განთავისუფლებული და მიწა-წყალს დაუფლებული გლეხები, ხელოსნები, წვრილი ბურჟუები და „მესამე წოდების“ სხვა ფენების წარმომადგენლები. ამ არმიის პოლიტიკურ-მორალური დონე, აღნიშნულის გამო, მაღალი იყო. საფრანგეთის რესპუბლიკის არმიას, ამასთან ერთად, შემუშავებული ჰქონდა ახალი სამხედრო სისტემა და ტექნიკურადაც კარგად იყო აღჭურვილი. აღნიშნული არმია ინერციით 9 თერმიდორის შემდეგაც ინარჩუნებდა იმ მეზობელ-რევოლუციური სულის ტრადიციებს, რომელნიც ალაფრთოვანებდა მას რევოლუციურ-განმათავისუფლებელ ომში. მართალია, ამ არმიამ დაკარგა თავდაპირველი ხასიათი და დანიშნულება, მაგრამ მან მაინც შეინარჩუნა მაღალი საბრძოლო თვისებები. იგი, დაპყრობა-ძარცვის უსამართლო აქტებთან ერთად, ისევე ანხორციელებდა ახალი ბურჟუაზიული ურთიერთობის დანერგვის მისიას დაპყრობილ ადგილებში. პირველი ანტიფრანგული კოალიციის არმიების უმრავლესობა, პირიქით, არსებითად დაქირავებული არმიები იყო, ამიტომაც, მათი ბრძოლისუნარიანობა და პოლიტიკურ-მორალური დონე დაბლა იდგა. ეს არმიები უსამართლო მიზნებს ემსახურებოდნენ, მოკლებულნი იყვნენ რაიმე პროგრესულ იდეალს და ტექნიკისა და ორგანიზაციის მხრივაც ჩამორჩებოდნენ საფრანგეთის რევოლუციის პროცესში შობილ ახალ არმიას. ძველი ფეოდალურ-ბატონყმური ურთიერთობა, რომლის ჩარჩოებშიც ისინი იყვნენ მოქცეულნი, გამოორიცხავდა მათ სხვაგვარ სახეს და ორგანიზაციას. ამ არმიების რიგით მეზობლებსა და მეთაურებს შორის უფსკრული იყო გათხრილი. ჯარისკაცთა მასა ჯოხის დისციპლინაზე იყო აღზრდილი; მან არ იცოდა თუ რისთვის იბრძოდა და რა მიზნებს ემსახურებოდა.

ზემოთ აღნიშნული გარემოება მიმდინარე ომის მეტად მნიშვნელოვანი ფაქტორი იყო. ამიტომაც კოალიცია, ძალების რიცხო-

რივი სიჭარბის მიუხედავად, დამარცხებებს დამარცხებებზე განიცდიდა, საფრანგეთის არმია კი ახალ-ახალ წარმატებებს აღწევდა და მტრების ძალებს მათსავე ტერიტორიებზე ანადგურებდა. მართალია, ინგლისი — ამ კოალიციის ხელმძღვანელი და ორგანიზატორი — კაპიტალიზტურად უფრო განვითარებული იყო, ვიდრე საფრანგეთი, მაგრამ მას შეეძლო აქედან გამომდინარე უპირატესობა მხოლოდ ზღვაზე გამოეყენებინა. რაც შეეხება ევროპის კონტინენტს, რომელიც ომის მთავარ ასპარეზს წარმოადგენდა, იქ იბრძოდნენ არა ინგლისის ჯარები, არამედ მისი მოკავშირეების — ფეოდალური მონარქიების — ძალები, რომლებიც ინგლისელებისაგან მხოლოდ სუბსიდიებს ღებულობდნენ.

1796 წლის დასასრულისათვის, საიდანაც ჩვენ ვიწყებთ რუსეთ-საფრანგეთის ურთიერთობის ოთხწლიანი პერიოდის მიმოხილვას, პირველი ანტიფრანგული კოალიცია, მიუხედავად იმისა, რომ ომი საფრანგეთის რესპუბლიკის წინააღმდეგ ისევ გრძელდებოდა, ფაქტურად დაშლილი იყო.

კოალიციის რიგებში არსებულმა ღრმა წინააღმდეგობამ, საფრანგეთის არმიების გამარჯვებამ და ომის ასპარეზის თვით კოალიციაში შემავალ საფრანგეთის მოსაზღვრე ქვეყნების ტერიტორიაზე გადატანამ, კოალიციის იდეურ-პოლიტიკური ხელმძღვანელისა და ბანკირის — ინგლისის — ეგონისტურმა ზრახვებმა გადამწყვეტი როლი შეასრულა მის დაშლაში.

მარქსიზმ-ლენინიზმის კლასიკოსები არაერთხელ აღნიშნავენ ინგლისის კაპიტალიზმის მტაცებლურ ბუნებას და დაპყრობით მისწრაფებებს. აღმოცენდა რა „მთელ ტომთა და რასათა გადაშენების“ შედეგად. დიდმა ბრიტანეთმა თავისი არსებობის გრძელ მანძილზე დაიპყრო და დაიმონა ათეული ქვეყანა, ბოლო მიუღო ბევრი ხალხის დამოუკიდებელ არსებობას და მრავალი სახალხო-განმათავისუფლებელი მოძრაობის ჩამხშობის როლი შეასრულა. აღნიშნული მუდამ მხედველობაში უნდა გვქონდეს, როდესაც ვაშუქებთ ინგლისის მონაწილეობას ანტიფრანგულ კოალიციაში და მის ბრძოლას საფრანგეთის რესპუბლიკის წინააღმდეგ. როგორც ცნობილია, ინგლისი რევოლუციური საფრანგეთის წინააღმდეგ ომში ჩაება ორი მიზნით: 1) გაენადგურებინა რევოლუციის კერა, აღედგინა საფრანგეთში ძველი წყობილება და მით დაეცვა თავი რევოლუციის „ბაცილისაგან“, 2) დაესუსტებინა საფრანგეთი ეკონომიურად, სამხედრო დამარცხების გზით ექცია იგი მეორეხარისხოვან სახელმწიფოდ და ამგვარად, სავსებით განთავისუფლებულიყო მისი სა-

ვაჭრო, საზღვაო და კოლონიური კონკურენციისაგან. მეორე მოტივი უფრო არსებითი და გადამწყვეტი იყო ვიდრე პირველი.

ფრიდრიხ ენგელსმა თავისი ნაშრომის „სოციალიზმის განვითარება უტოპიიდან მეცნიერებისაკენ“ ინგლისური გამოცემის შესავალში მოგვცა იმ მოტივების შესანიშნავი შეფასება, რომლებიც ამოქმედდებდა ინგლისს საფრანგეთის რესპუბლიკის წინააღმდეგ ბრძოლის დროს 1793 წლიდან.

„მაგრამ დაეუბრუნდეთ ჩვენს ბრიტანელ ბურჟუას, — წერს იგი, — საფრანგეთის რევოლუციამ მას მისცა დიდებული შესაძლებლობა კონტინენტური მონარქიების დახმარებით გაენადგურებინა საფრანგეთის საზღვაო ვაჭრობა, დაეპყრო საფრანგეთის კოლონიები და მოესპო საფრანგეთის უკანასკნელი პრეტენზიები საზღვაო მეტოქეობაზე. ეს იყო ერთ-ერთი მიზეზი იმისა, თუ რატომ ებრძოდა იგი საფრანგეთის რევოლუციას. მეორე ის იყო, რომ მას სრულიად არ დაუჯდა ჰკუთაში ამ რევოლუციის მეთოდები, — არა მარტო მისი „დანაშაულებრივი“ ტერორი, არამედ თვით მისი ცდაც — მიეყვანა ბურჟუაზიის ბატონობა უკიდურეს საზღვრებამდე“¹.

ინგლისის ბურჟუაზიის კონტრრევოლუციურ როლს საფრანგეთის რესპუბლიკის წინააღმდეგ ბრძოლის დროს მკაფიოდ ხაზს უსვამს აგრეთვე ვ. ი. ლენინი, როდესაც წერს შემდეგს: „როდესაც საფრანგეთი თავის დიდ ბურჟუაზიულ რევოლუციას ახდენდა და ისტორიულად ახალი ცხოვრებისათვის აღვიძებდა ევროპის მთელ კონტინენტს, ინგლისი კონტრრევოლუციური კოალიციის სათავეში აღმოჩნდა, ამავე დროს კი იგი კაპიტალისტურად გაცილებით უფრო განვითარებული იყო, ვიდრე საფრანგეთი“².

¹ კ. მარქსი, ფ. ენგელსი, რჩ. ნაწერები, ტ. 2, თბ., 1950, გვ. 119.

² ვ. ი. ლენინი, თხზ., ტ. 29, გვ. 357—358; აშერიკელი კაპიტანი მეხენი ისტორიის აშკარა უხეშ ფალსიფიკაციას ეწევა, როდესაც ცდილობს დაამტკიცოს 1792—1794 წლების პერიოდის ომების უსამართლო და დამპყრობლური ხასიათი საფრანგეთის მხრივ. ამავე დროს მას ყოფნის გამბედაობა თვალი დახტუკოს ისტორიული სინამდვილის წინაშე, გამოეჭომავოს ინგლისელ ბურჟუებს და არისტოკრატებს და ამტკიცოს ინგლისის მაშინდელი საგარეო პოლიტიკის მორალური, სამართლიანი და თავდაცვითი ხასიათი. მისი შეხედულებებით ინგლისი საფრანგეთის წინააღმდეგ ეწეოდა სამართლიან და თავდაცვით ომს და არა დაპყრობით ომს. იგი, თითქოს, ამ ომში მხოლოდ თავს იცავდა ფრანგი აგრესორებისაგან: მშვიდობა, უშიშროება, აი რა სამართლიანი მოტივებით მოქმედებდნენ, თითქოს, მაშინ ინგლისის გაბატონებული კლასები. იხ. მ. მ ა ხ ა ი, Влияние морской силы на Французскую революцию и империю (1789—1812), т. I, М., 1940. გვ. 36—37.

ებრძოდა რა საფრანგეთის რესპუბლიკას ზემოაღნიშნული მოტივების გამო, ინგლისის ბურჟუაზია თავის საქმეს აკეთებდა კონტინენტური მოკავშირეების მეშვეობით, რომლებიც მისთვის სისხლს ღვრიდნენ, ძალ-ღონეს არ ზოგავდნენ და „საზარბაზნე ხორცის“ როლს ასრულებდნენ.

ინგლისის ბურჟუაზიას ტრადიცია ჰქონდა შემუშავებული: ეკეთებინა ცუდი საქმეები, დაემარცხებინა მოწინააღმდეგეები, ჩაეხშო ყოველგვარი პროგრესულ-რევოლუციური მოძრაობა ევროპასა და მის მიღმა სხვისი მეშვეობით, სხვა გამოეყენებინა იარაღად და სხვისი ხელით ეგლიჯა ნარი.

„ინგლისის კაპიტალიზმი, — წერს ი. ბ. სტალინი, — მუდამ იყო, არის და იქნება სახალხო რევოლუციების ყველაზე ბოროტი ჩამბზობი. XVIII საუკუნის დამლევის საფრანგეთის დიდი ბურჟუაზიული რევოლუციით დაწყებული... ინგლისის ბურჟუაზია მუდამ იღგა... კაცობრიობის განმათავისუფლებელი მოძრაობის დამრბევლთა პირველ რიგში.

„მაგრამ ინგლისის ბურჟუაზიას არ უყვარს ომი თავისი საკუთარი ხელით. იგი მუდამ ამჯობინებდა ომის სხვისი ხელით წარმოებას და იგი მართლაც ზოგჯერ ახერხებდა და პოულობდა სულელებს, რომლებიც შზად იყვნენ მისთვის ეგლიჯათ ნარი.

„ასე იყო საფრანგეთის დიდი ბურჟუაზიული რევოლუციის დროს, როცა ინგლისის ბურჟუაზიამ მოახერხა რევოლუციური საფრანგეთის წინააღმდეგ ევროპის სახელმწიფოთა კავშირის შექმნა“¹.

ინგლისის მონაწილეობა ევროპის სახელმწიფოთა პირველ ანტიფრანგულ კოალიციაში არსებითად განისაზღვრებოდა სუბსიდიებით, დიპლომატიური ხრიკებით და ოპერაციებით ზღვაზე. ომის მთავარ სიმძიმეს, აღნიშნულის გამო, ინგლისის კონტინენტური მოკავშირეები ეწეოდნენ. ომი მათ ტერიტორიაზე მიმდინარეობდა, დიდი რაოდენობით აღამიანთა მსხვერპლს მოითხოვდა, ხოლო ნგრევას აგრეთვე ისინი განიცდიდნენ. ომის წარმოების ასეთი მეთოდი იწვევდა ინგლისის კონტინენტური მოკავშირეების სამართლიან გულსწყრომას. ეს იყო ანტიფრანგული კოალიციის სისუსტისა და შინაგანი წინააღმდეგობის ერთ-ერთი საფუძველი. ურთიერთსაწინააღმდეგო მისწრაფებებმა და პოლონეთ-გერმანია-იტალიის საკითხებმა, თავის მხრივ, შექმნა „ფიცხი მასალა“ მათ ურთიერთობაში, რაც კარგად გამოიყენეს ფრანგებმა, რომელთაც ძალითა თუ დიპლომატიის

¹ ი. ბ. სტალინი, თხზ., ტ. 9, გვ. 344—345.

ვზით ზედიზედ ჩამოაშორეს კოალიციის რიგებს ევროპის სახელმწიფოთა ნაწილი.

ანტიფრანგული კოალიციის რიგებიდან პირველად გამოვიდა პრუსია, რომელმაც 1795 წლის 5 აპრილს (ახ. სტ.) ხელი მოაწერა საფრანგეთთან ბაზელის საზავო ხელშეკრულებას. ამ ხელშეკრულების ლოგიკურ გაგრძელებას წარმოადგენდა საფრანგეთ-პრუსიის 1795 წლის 17 მაისის ბაზელის ხელშეკრულება, რომლითაც ჩრდილო გერმანია პრუსიის მფარველობით ნეიტრალიტეტს აცხადებდა¹.

ცოტა ხნით ადრე, 1795 წლის 9 თებერვალს (ახ. სტ.) გაფორმდა ბელშეკრულება ტოსკანასა და საფრანგეთს შორის (პარიზში).

პრუსიისა და ტოსკანის მაგალითს მიბაძა ესპანეთმაც, რომელმაც 1795 წლის 22 ივლისს (ახ. სტ.) ბაზელში ხელი მოაწერა საზავო ხელშეკრულებას საფრანგეთთან.

აღნიშნული სახელმწიფოების ომიდან გამოსვლით და საფრანგეთთან მათი ზავით პირველი ანტიფრანგული კოალიცია ფაქტიურად დაიშალა. ევროპის კონტინენტზე საფრანგეთის წინააღმდეგ ომს განაგრძობდა მხოლოდ ავსტრიის სახელმწიფო, რომელსაც ინგლისი ახალ-ახალი დაპირებებით და სუბსიდიებით კვებავდა. მაგრამ ავსტრია, რომლის არმიამ იტალიასა და რაინის აუზში არაერთი მძლავრი დარტყმა განიცადა ფრანგებისაგან, უხალისოდ განაგრძობდა ომს და მზად იყო საფრანგეთთან საზავო ხელშეკრულების დასადებად.

მეორე ანტიფრანგული კოალიციის ფაქტიური დაშლისა და საომარი მოქმედებების ბელგია-ჰოლანდიის, გერმანიისა და იტალიის ტერიტორიებზე გადატანის მიუხედავად, საფრანგეთის რესპუბლიკის მდგომარეობა ამ დროისათვის მაინც არ იყო სახარბიელო. განუწყვეტელი ომები ახალ-ახალ მზარდ ხარჯებს მოითხოვდა, რაც მძიმე ტვირთად აწევებოდა საფრანგეთის მშრომელ მოსახლეობას, რომელიც ისედაც წელში იყო გაწყვეტილი განუწყვეტელად მზარდი გადასახადებითა და სამხედრო რეკვიზიციებით. ამ ვითარებამ — გამარჯვებული ბურჟუაზიის შეტევამ მშრომელთა საარსებო ინტერესებზე და როიალისტური აჯანყებების მზარდმა საფრთხემ, — საფრანგეთში შექმნა ნიადაგი ომის საწინააღმდეგო მძლავრი განწყობილებისათვის. ამას დაემატა მუდმივი ეკონომიური სიძნელეები, პერიოდული ფინანსური კრაზი, გადიდებული სამხედრო ხარჯების დაფარვის სიძნელეები, ახალი სამხედრო შენა-

¹ Д. Милютин, *დასახ. ნაშრ.*, ტ. I, გვ. 3.

ერთების შემოსვა და იარაღით აღჭურვის შეუძლებლობა და დაპყრობილი ქვეყნების მოსახლეობის წინააღმდეგობის გაძლიერება. აღნიშნულ გარემოებათა კომპლექსმა აიძულა დირექტორია მოეხსინჯა ნიადაგი ომის დასამთავრებლად და „სამშვიდობო“ ინიციატივით გამოსულიყო.

ცნობილი რუსი სამხედრო ისტორიკოსი მილიუტინი თავის ნაშრომში, ეხება რა დირექტორიის საგარეო პოლიტიკის მიმართულებას, მუქი საღებავებით ხატავს ამ პოლიტიკას და იგი იაკობინური დიქტატურის საგარეო პოლიტიკის გაგრძელებად მიაჩნია. ის მთელ პასუხისმგებლობას ომის გაჭიანურებისა და ევროპის ხალხებისათვის მიყენებულ უბედურებათათვის მხოლოდ დირექტორიას აკისრებს. მისი აზრით, საფრანგეთის რესპუბლიკის საგარეო პოლიტიკას დირექტორიის მთავრობის დროს ახასიათებდა დაუთმობლობა, თავხედობა, ზვიადობა, მშვიდობის საქმის აბუჩად აგდება, აღებულ ვალდებულებათა უხეშად დარღვევა და სხვ. ამავე დროს ინგლის-ავსტრიას იგი მიაწერს მშვიდობის აღდგენის გულწრფელ სურვილს, რაც, მისი აზრით, დირექტორიის მთავრობის საბოტაჟის გამო ვერ აღწევდა სასურველ შედეგს¹.

დირექტორიის საგარეო პოლიტიკას, როგორც უკვე აღვნიშნავდით, მართლაც არ ჰქონდა სამშვიდობო მიზნები, მისი დიპლომატიური ხერხები და მეთოდები ვერაგული და მუხანათური იყო. მაგრამ ისტორიის ფალსიფიკაციას წარმოადგენს მილიუტინის ცდა — გაამართლოს ინგლისის და ავსტრიის მთავრობები და მათ მიაწეროს ევროპის დამშვიდების და ხალხებისათვის ომის მძიმე ტვირთის მოხსნის გულწრფელი მისწრაფება. სინამდვილეში, ინგლისის და ავსტრიის მმართველთა საგარეო პოლიტიკის მიმართულება და ხასიათი, ისე როგორც მათ მიერ გამოყენებული დიპლომატიური მეთოდები და ხერხები არსებითად არაფრით არ განსხვავდებოდნენ დირექტორიის მთავრობის შესატყვისი პოლიტიკისაგან. მათაც,

¹ „Директория,—წერს იგი,— делала все, чтобы только заключение мира казалось невозможным: все попытки к примирению со стороны Англии и Австрии Директория отвергала своею надменною и дерзкою несговорчивостью; самые выгодные условия, подписанные республиканскими генералами на поле победы, не получали ратификации под разными предлогами. Наконец, если Директория не находила уже никакого предлога к оправданию своего упорства, то не боялась прибегать и к самому дерзкому нарушению общеправного права, чтобы создавать новые поводы к войне бескопечной“. Д. М и л ю т и н, დასახელებული ნაშრომი, ტ. 1, გვ. 27.

დირექტორიის მსგავსად, ამოქმედებდათ არა მშვიდობის და ხალხთა თანაცხოვრების კეთილშობილური მიზნები, არამედ დაპყრობით-აგრესიული მისწრაფებები. თუ ამ სახელმწიფოების შესწავლაშიც გადადგენს სამშვიდობო ნაბიჯები, ეს მოიმოქმედეს იმიტომ, რომ შეცდომაში შეეყვანათ საზოგადოებრივი აზრი და გარეგნულად ანგარიში გაეწიათ მოსახლეობის ფართო ფენების განწყობილებისათვის. მოსახლეობის ფართო ფენები კი უკვე აშკარად დრტვიანდნენ და უკმაყოფილებას გამოთქვამდნენ ხანგრძლივი და მძიმე ომის გამო. მეომარ მხარეთა მოსახლეობის მოქანცვა გაჭიანურებული ომით და მათში ფეხმოკიდებული ომის საწინააღმდეგო განწყობილება იყო ის მთავარი მიზეზი, რომელმაც ბიძგი მისცა საფრანგეთ-ინგლისის და საფრანგეთ-აესტრიის მოლაპარაკებებს 1797 წელს, რომელთაგანაც პირველი დამთავრდა უშედეგოდ, მეორე კი კამპო-ფორმიოს ზავზე ხელმოწერით (რის შესახებაც ქვემოთ გვექნება საუბარი).

ევროპის პოლიტიკურ ცხოვრებაში ჩვენს მიერ მოხაზულმა ცვლილებებმა, კერძოდ კი პირველი კოალიციის რიგებში მომხდარმა ცვლილებებმა, ნიადაგი შეამზადეს ცვლილებებისათვის რუსეთ-საფრანგეთის ურთიერთობაშიც. რუსეთში ახალი იმპერატორის გამეფებამ თავის მხრივ ბიძგი მისცა ახალი ვითარების აღმოცენებას ამ სახელმწიფოთა შორის.

რუსეთ-საფრანგეთის ურთიერთობაში ეკატერინე II-ის მეფობის მიწურულში, როგორც უკვე აღნიშნული იყო, რაიმე არსებითი ხასიათის ძვრა არ მომხდარა. ცარიზმმა. თავის სასარგებლოდ მოაგვარა რა „გადაუდებელი საქმეები“, კერძოდ, პოლონეთის საკითხი, ენერგიულად მოჰკიდა ხელი საფრანგეთის რესპუბლიკის წინააღმდეგ ბრძოლისათვის მზადების საქმეს. ჯარების კონცენტრაცია დასავლეთის საზღვრებთან, ხელშეკრულების დადება ინგლისთან და პრუსიაზე მზარდი ზემოქმედების მოხდენა, მისი საფრანგეთის წინააღმდეგ ამხედრების მიზნით, ამ მზადების კონკრეტულ გამოხატულებას წარმოადგენდა. პარალელურად ამისა, ეკატერინე II-ის მთავრობა მზარდ დახმარებას უწევს საფრანგეთის ფეოდალურ ემიგრაციას. მფარველობს საფრანგეთის ტახტის მემკვიდრეს პროვანსის გრაფს („ლუი XVIII-ს“), აძლევს მას ახალ-ახალ სუბსიდიებს, თანაც აქეზებს როიალისტურ შეთქმულებებს თვით საფრანგეთში.

დირექტორიის მთავრობა მზარდი შეშფოთებით აღევნებდა თვალყურს ეკატერინე II-ის მთავრობის მიერ კონტრრევოლუციური ემიგრაციისათვის მფარველობას და მის მიერვე საფრანგეთის

რუსებზელიცა წინააღმდეგ ომისათვის მზადებას. იგი ცდილობდა მის განჯარგულებაში არსებული საშუალებებით ხელი შეეშალა ყოველფერ ანისათვის.

საფრანგეთის ბურჟუაზია და მის მთავრობას—ლირექტორიას—საჯებით სამართლიანად მიიჩნდათ რუსეთი ყველაზე ძლიერ ძალად ევროპის კონტინენტის სახელმწიფოთა შორის და ამდენად საფრანგეთის მეტად საშიშ მოწინააღმდეგედ. რუსეთის ცარიზმის პოზიციასზე დადად იყო დამოკიდებული იმ ომის პერსპექტივები, რომელიც საფრანგეთსა და I ანტიფრანგულ კოალიციას შორის წარმოებდა. რუსეთთან შემდგომ ურთიერთობას, მაშასადამე, არ შეეძლო გავლენა არ მოეხდინა იმ გეგმების რეალიზაციაზე, რომლებიც საფრანგეთის ბურჟუაზიას ჰქონდა დასახული საგარეო პოლიტიკის დარგში.

ჩვენი აზრით, თუ საფრანგეთის დიპლომატია მიღწევდა რუსეთის ნეიტრალიტეტს მომავალშიც ან უკეთეს შემთხვევაში მის სრულ ჩამოშორებას კოალიციისაგან და მასთან ურთიერთობის აღდგენას, მაშინ საფრანგეთს შესაძლებლობა ექნებოდა განემტკიცებინა კოალიციაზე მოპოვებული გამარჯვება და საშუალება მიეცემოდა გაეძლიერებინა თავისი პოზიციები იტალიაში, გერმანიაში და ინგლისთან გადამწყვეტი შეტევისათვის მომზადებულიყო. ის ვრცელი საგარეო პოლიტიკური გეგმები, რომელთა რეალიზაციასაც აგრესიის მეშვეობით ცდილობდა საფრანგეთის ბურჟუაზია, აუცილებლად გამოიწვევდა საფრანგეთის დაჯახებას რუსეთთან. მაგრამ საფრანგეთის ბურჟუაზიას სურდა თავიდან აეცდინა ეს შეჯახება ამ ეტაპზე, რათა გაბატონებულიყო დასავლეთ ევროპის პლაცდარზე, გაენადგურებინა მისი დაუძინებელი საზღვაო-კოლონიური მტერი ინგლისი და მხოლოდ ამის შემდეგ ეფიქრა რუსეთის წინააღმდეგობის დაძლევაზე. პირიქით, თუ საფრანგეთის რესპუბლიკის საგარეო პოლიტიკის აღნიშნული კურსი მარცხით დამთავრდებოდა და რუსეთი იარაღით ხელში საფრანგეთის წინააღმდეგ მოკლედროში ამხედრდებოდა, მაშინ საფრანგეთის საქმე ცუდად წავიდოდა. ეს მკვეთრად შეცვლიდა ძალთა განწყობას კოალიციის სასარგებლოდ და საფრთხის წინაშე დააყენებდა არა თუ იარაღით მოპოვებულ წარმატებებს, არამედ თვით ბურჟუაზიისათვის სასურველ რევოლუციის შედეგებსაც კი.

რუსეთის საკითხს, რუსეთთან ურთიერთობის ნორმალიზაციის საკითხს, აღნიშნულის გამო, ჩვენ მივიჩნევთ საფრანგეთის ლირექტორიის საგარეო პოლიტიკისა და დიპლომატიის ერთ-ერთ მეტად

მნიშვნელოვან და „თავსატეხ საკითხად“. ამ საკითხის განსაკუთრებული სერიოზულობით აიხსნება ის დიდი დიპლომატიური ფაქტები, რომელსაც აღვილი ჰქონდა საფრანგეთის საგარეო ურთიერთობის სამინისტროსა და დიპლომატიური სამსახურის ბიუროში 1796 — 1797 წლების მიჯნაზე. ჩვენს ხელთ არსებული დიპლომატიური მასალები, რომლებიც საფრანგეთის საგარეო საქმეთა არქივებიდან არის ამოღებული და ფრანგ და რუს ავტორთა მიერ სხვადასხვა დროს გამოქვეყნებული, ცხადყოფენ იმ დიდ მნიშვნელობას, რომელსაც აძლევდნენ რუსეთის საკითხს საფრანგეთში დირექტორიის მმართველობის დროს.

1796 წლის დასასრულისათვის დირექტორიის მთავრობამ რუსეთის მიმართ უკვე შეიმუშავა გარკვეული გეგმა. ეს გეგმა მიზნად ისახავდა რუსეთთან ურთიერთობის გაუმჯობესებას ყველა დიპლომატიურ ხერხის და საშუალების გამოყენებით. საფრანგეთის დიპლომატიამ რუსეთთან ურთიერთობის გასაუმჯობესებლად, მიმართა პრუსიას და განიზრახა მისი გამოყენება მომრიგებელ-შუამავლად. თუ პრუსიის მთავრობა თავის თავზე აიღებდა ამ მისიას, დირექტორიის მთავრობა მზად იყო მოლაპარაკება გაემართა პეტერბურგის მთავრობასთან. მოლაპარაკებას უნდა მოეგვარებინა ამ ორ ქვეყანას შორის არსებული ყველა სადავო საკითხი; მის შედეგად უნდა დადებულიყო რუსეთ-საფრანგეთის ხელშეკრულება, რომელიც არა მარტო აღადგენდა მათ შორის ომამდე არსებულ სავაჭრო-ეკონომიურ და დიპლომატიურ ურთიერთობას, არამედ მოაწესრიგებდა ევროპის პოლიტიკური დამშვიდების საკითხებსაც.

საფრანგეთის რესპუბლიკის სამშვიდობო ინიციატივა, მისი განზრახვა — მიეღწია რუსეთთან ურთიერთობის ნორმალიზაციისათვის, ჩვენის აზრით, სრულიად უშედეგოდ დამთავრდებოდა ამ ინიციატივის დასაწყისშივე, რომ ეკატერინე II-ის გარდაცვალებას და პავლე I-ის გამეფებას რუსეთში, ახალი ვითარება არ შეექმნა იქ და „კორექტივის“ შეტანის საჭიროება არ გამოეწვია რუსეთის საგარეო პოლიტიკის მიმართულებაში. ის „კორექტივი“, რომელიც 1796 წ. დასასრულიდან რუსეთის საგარეო პოლიტიკის მიმართულებაში იქნა შეტანილი, პირველ ყოვლისა, სწორედ საფრანგეთთან შემდგომ ურთიერთობას შეეხებოდა. რუსეთის ახალი მთავრობის და საფრანგეთის დირექტორიის თვალსაზრისის რამდენადმე იდენტურობამ ევროპაში მშვიდობის აღდგენის თაობაზე, ხელსაყრელი ნიადაგი მოუმზადა საფრანგეთის დიპლომატიის განზრახულ ნაბიჯებს. ამ ნიადაგზე შესაძლებელი გახდა პრაქტიკული ნაბიჯების

გადადგმა რუსეთ-საფრანგეთის ურთიერთობაში ცვლილებების მოსახდენად და მათ შორის არაოფიციალური მოლაპარაკების გასაჩაღებლად.

3. პავლე I-ის გამეფება

1796 წლის 6 (17) ნოემბერს გარდაიცვალა რუსეთის იმპერატორი ეკატერინე II და ტახტზე ავიდა მისი შვილი, ტახტის მემკვიდრე პავლე I¹.

რუსულსა და დასავლეთ ევროპის ისტორიოგრაფიაში იმპერატორ პავლე I-ის მეფობა და პიროვნება რამდენადმე „ამოუხსნელ სფინქსად“ დარჩა.

რევოლუციამდელ რუს ისტორიკოსთა ერთი ჯგუფი და ზოგიერთი საზღვარგარეთელი ისტორიკოსი მკვეთრ ზღვარს ავლებენ და ჩინური კედლით თიშავენ ერთმანეთისაგან ეკატერინე II-ისა და პავლე I-ის მეფობას. მათი შეხედულებით, ამ ორი იმპერატორის მეფობის პერიოდებს არაფერი საერთო არა აქვს არა მარტო საშინაო პოლიტიკის, არამედ საგარეო პოლიტიკის მიმართულების მხრივაც².

¹ ჩვენ საჭიროდ არ მიგაჩნია შევებოთ ეკატერინე II-ის გარდაცვალებისა და პავლე I-ის გამეფების დეტალებს. მხოლოდ მიუეთითებთ გრაფ. თ. ვ. როსტოპჩინის ცნობილ ბარათზე: „Последний день жизни императрицы Екатерины II-й и первый день царствования императора Павла I-го“ (Архив князя Воронцова, ტ. 8, გვ. 158—174), რომელშიაც ბევრი საინტერესო ცნობებია მოცემული რუსეთის საიმპერატორო ტახტზე მომხდარი ცვლილებების შესახებ. ამ ბარათის დედანი ინახება ცენტრალურ სამხედრო-ისტორიულ არქივში) ЦГВИА, фонд ВУА, д. 304. лл., 1—9.

² პავლე I თანამედროვენიც რუსეთის ფეოდალური არისტოკრატის ბანაკიდან, ფრანგი ემიგრანტები და უცხოელი დიპლომატ-მოგზაურები, რომელთაც დაგვიტოვეს ცნობები პავლე I პიროვნებისა და მისი მეფობის შესახებ (ბოლოტოვი, დერეჟინი, ლოპუხინი, ერმოლოვი, ტუჩკოვი, ტურგენევი, შიშკოვი, ლეონტიევი, გოლოვინა, ჩარტორისკი, ფონეიზინი, ლუბიანოვსკი, მასონი, ლანკერონი, გეიკინგი, რიბოპიერი, აბატი ფორეელი, რეიმერსი, უიტვორტი და სხვები) ერთი მეორეს საწინააღმდეგო შეფასებას აძლევენ როგორც თვით იმპერატორის პიროვნებას, ისე მისი მეფობის პერიოდის რუსეთის საშინაო და საგარეო პოლიტიკის ხასიათს. ისინიც ორ სხვადასხვა ბანაკს მიეკუთვნებიან. თანამედროვეთა ერთი ჯგუფი პანეგირიკს უკმევს პავლე I, მის საშინაო და საგარეო პოლიტიკას. მეორენი კი, პირიქით, მუქ საღებავებს მიმართავენ მისი დახასიათების დროს და მთელ მის მეფობას უწოდებს „ჩაუარდნას“. პავლე I და მისი მეფობის შესახებ თანამედროვეთა შეხედულებების სხვადასხვაობა თავსებით ბუნებრივ.

ისტორიკოსთა ამ ჯგუფს ეკუთვნიან: ა. კორნილოვი, ნ. შილდერი, ვ. კლიუჩევსკი, ე. ვალიშევსკი, ბ. ბრიკნერი, მ. ლუბაჟსკი, ნ. ჩეჟულინი, ი. სემევესკი, ნ. კარაშინი რუსეთიდან, ა. სორელი და ზოგი სხვა ისტორიკოსი საფრანგეთიდან და ინგლისიდან.

აღნიშნული ისტორიკოსები ქება-დიდებას ასხამენ ეკატერინე II-ის მეფობას და ამ მეფობის სისტემას „ბრძნულ მმართველობას“ და „განათლებულ აბსოლუტიზმს“ უწოდებენ. ეკატერინე II-ის საშინაო პოლიტიკა, მათი აზრით, სავსებით შესაბამებოდა რუსეთის მოსახლეობის ინტერესებს. დასტორიან რა ამ „დაკარგულ სამოთხეს“, ისინი, პავლე I-ის ხანმოკლე მეფობის პერიოდს აფასებენ როგორც მკვეთრ გადახვევას რუსეთის ნორმალური განვითარებიდან, როგორც „ჩაყარდას“, „წყვეტილს“ წინამორბედ და მომდევნო ისტორიულ პროცესებს: შორის რუსეთში; „შიშისა და დესპოტიზმის მეუფებას“, სრულ რეგრესს ცხოვრების ყველა დარგში. პირადად პავლეს ისინი უწოდებენ „გვირგვინოსან ჰამლეტს“, „საკუმპყრობელ დესპოტს“, „შიშის, ვაისა და უბედურების მთესველს“, „არანორმალურ-პათოლოგიურ“ პიროვნებას.

ნ. შილდერის აზრით, ეკატერინე II-ის გარდაცვალების შემდეგ დაიწყო იმპერატორ პავლეს ხანმოკლე, მაგრამ სისასტიკით მარად მოსაგონარი ოთხწლიანი მეფობის პერიოდი¹. პავლე I-ის მეფობის დასახასიათებლად მას შოტანელი აქვს ნ. მ. მურავიოვ-აპოსტოლის ორიგინალური აზრი. მურავიოვ-აპოსტოლი, მოუთხრობდა რა თავის შვილებს ეკატერინე II-ისა და პავლე I-ის მეფობათა შესახებ, ამბობდა: თქვენ ვერასოდეს ვერ გაიგებთ იმ უდიდეს ცვლილებას, რომელიც ეკატერინე II-ის სიკვდილს და პავლე I-ის გამეფებას მოყვა. შილდერის თქმით, პავლეს გამეფებით დაწყებულ პერიოდს რუსეთის ისტორიაში თანამედროვენი სხვადასხვა პირობებში სხვადასხვა სახელით ნათლავდნენ. საზეიმოდ დასაჯაროდ მას უწოდებდნენ აღორძინებას; მეგობრულ საუბარში, ფრთხილად, დაბალი ხმით — ძალის და შიშის მეფობას; ფარულად, ორთა შორის—

მოვლენას წარმოადგენს. ისინი ხომ მაშინდელი რუსეთის გაბატონებული კლასების სხვადასხვა დაჯგუფების წარმომადგენლები იყვნენ. იგივე უნდა თქვას უცხოელ თანამედროვეთა შეხედულებების შესახებაც. მათი შეხედულებებიც გარკვეული ჯგუფების და პოლიტიკურ მიმდინარეობათა ანარეკლს წარმოადგენდა. ბუნებრივია, რომ ეს შეხედულებები მხოლოდ მიახლოებით იყო სინამდვილის შესატყვისი და სუბიექტურ-ტენდენციურ ხასიათს ატარებდა.

¹ Н. Шильдер, Император Павел первый..., СПб., 1901, гл. 284.

ზეგარდმო მოვლინებულ დაბნელებას (წყველი-
აღს)¹.

ა. კორნილოვი აგრეთვე მეტად მუქი საღებავებით ხატავს პავლე I-ის ოთხწლიანი მეფობის პერიოდს და მკაცრად გამოხს მთელ მის საშინაო და საგარეო პოლიტიკას, რომელიც, მისი თქმით, წარმოადგენდა ყველაფრის თავდაყირა დაყენებას და ყველაფრის აფორიაქებას².

ბ. კარამზინის აზრით (რომელიც აიდეალებდა თავადაზნაურულ მონარქიას), პავლეს პირადი კაპრიზებისა და გონების მცდარობის გამო, სურდა ივანე IV ყოფილიყო. „მაგრამ რუსეთს უკვე ჰყავდა თავისი ეკატერინე II და არ სურდა ჰყოლოდა ივანე IV. მან შეფობა დაიწყო საყოველთაო შიშის გამოყენებით... იგი ჩვენ გვთვლიდა არა ქვეშევრდომებად, არამედ მონებად“³.

გ. კლიუჩევსკის აზრით, პავლე I მოქმედებდა გრძნობით და არა გონებით, მას სურდა არა გაუმჯობესება, არამედ წინანდელი მეფობის პერიოდის წესების კვალის წაშლა. კლიუჩევსკი უარყოფს პავლეს საშინაო და საგარეო პოლიტიკაში რაიმე მთლიანობას, თანმიმდევრობის და გეგმიანობის არსებობას. პავლე I, მისი აზრით, დედისადმი შეურიგებელი სიძულვილის გრძნობით მოქმედებდა ყველაფერში. მისი შეხედულებით პავლე I-ის მოკვლამ და ალექსანდრე I-ის გამეფებამ გამაცოცხლებელი მოქმედება იქონია რუსეთის საზოგადოებაზე, მან თითქოს გამოაღვიძა რუსეთი ღრმა ძილისაგან⁴.

¹ Н. Шильдер, დასახ. ნაშრ., გვ. 301; შილდერის მიერ მოტანილი დაზახანსმული შეხედულება პავლე I-ის მეფობის ხასიათის შესახებ ვკუთვინის ამ მეფობის მომწერეს და თანამედროვეს ლუბიანოვსკის. იხ. „Воспоминания Федора Петровича Лубяновского.—1777—1834“, Москва, 1872, გვ. 91.

² „...В историческом процессе развития русского народа,—წერს იგი,—оно является каким-то внезапным вторжением, каким-то неожиданным шквалом, который налетел извне, все спутал, все перевернул вверх дном, но не мог надолго прервать или глубоко изменить естественный ход совершающегося процесса“. А. Корнилов, Курс истории России XIX века, ч. 1—2, М., 1912, გვ. 58.

³ „... что сделали якобинцы в отношении к республикам,— წერს იგი,—то Павел сделал в отношении к самодержавию; заставил ненавидеть злоупотребления этого“. Записка Карамзина о древней и новой России, „Русский архив“, 1870 г., გვ. 2267—2268.

⁴ „Внешняя политика,—წერს იგი,—страдала той же особенностью, как и внутренняя; люди не знали, что будет завтра, какое начало восторжествует“. В Ключевский, Курс Русской истории, № 5, გვ. 235.

ცნობილი ფრანგი ისტორიკოსი ალბერტ სორელიც, აღნიშნულ რუს ისტორიკოსებთან ერთად, გმობს და აძაგებს პავლეს მეფობას და მას ქარიშხლად, წყვდიადით მოცულ მმართველობას უწოდებს¹.

ინგლისელ ისტორიკოსთა ნაწილი არსებითად იმეორებს პავლე I-ის მეფობის შესახებ იმ აზრს, რომელსაც ავითარებენ პავლეს „მოწინააღმდეგე“ რუსი ისტორიკოსები².

რევოლუციამდელ რუს ისტორიკოსთა მეორე ჯგუფი—დ. მილიუტინი, ე. შუმიგორსკი, მ. კლოჩკოვი, ა. ბუცინსკი, დ. კობეკო და სხვ.—მართალია, ასხვავებენ ერთმანეთისაგან „ჩრდილოეთის სემირა-მიდისა“ და „მინერვას შვილის“ მმართველობას, მაგრამ, ამასთან ერთად, ექომაგებიან პავლეს და ტენდენციურობას სწამებენ მის აუგად მხსენებელ ისტორიკოსებს. აღნიშნული ისტორიკოსები პავლეს უწოდებენ „გვირგვინოსან რაინდს“ და მას მიაწერენ სიბრძნეს, წინდახედულებას, სიქველეს, პატიოსნებას. კეთილშობილებას და სხვა მაღალ თვისებებს. რუს ისტორიკოსთა ეს ჯგუფი სავსებით ამართლებს პავლე I-ის მეფობის პერიოდის რუსეთის საშინაო და საგარეო პოლიტიკას და მის მმართველობას უწოდებს გონივრულს, გეგ. აზოპილს, ნაციონალური ინტერესების შესატყვისს და სხვ.

დ. მილიუტინის აზრით, პავლე ავიდა რა სამეფო ტახტზე, მტკიცე განზრახვა ჰქონდა გამოეწორებინა მმართველობის ყველა დარგში მემკვიდრეობით არსებული ბოროტმოქმედება, რისთვისაც გამეფების პირველი დღიდანვე დაიწყო სათანადო გარდაქმნელი ღონისძიებების განხორციელება³.

ე. შუმიგორსკი უარჰყოფს პავლეს შესახებ გავრცელებული ანეკდოტური ცნობების სინამდვილე-სამართლიანობას. იცავს „უბედურ“ იმპერატორს „უსამართლო“ ბრალდებებისაგან, ახდენს მის

¹ „Царствование Павла I. — წერს ა. სორელი, — было одним долгим грозным ударом с редкими проблесками ясной погоды.

„При Екатерине самодержавие было величием, изяществом, остроумием... Изящество исчезло. Дворец, охраняемый, как тюрьма, принимает вид казарм“. А. С о р е л ь, Европа и Французская революция..., т. 5, СПб., 1906, გვ. 286, 287.

² „Paul's nature was not of the equable, forgiving type,—წერს ინგლისელი ისტორიკოსი უოლკერი,—It was marked by many of the worst peculiarities of the murdered Peter III and of Peter the Great. He was morose. fitful, narrow — minded, and given to sudden fierce gusts of wild unreasoning passion. He was capricious, erratic“. The Cambridge modern history, vol. IX. Cambridge..., 1907, ch. II. sect. 1, გვ. 34.

³ Д. М и л ю т и н, დასახ. ნაშრ., ტ. I, გვ. 13—15.

რეაბილიტაციას და იგი ყოველმხრივ გონიერი, დადებითი თვისებების მქონე მონარქად მიაჩნია¹.

გ. კლოჩკოვი კონკრეტული ფაქტების ანალიზით ცდილობს გააბათილოს პავლე I-სადმი წაყენებული ბრალდებები და დამტკიცოს, რომ ყველა მის ღონისძიებას და საშინაო-საგარეო პოლიტიკურ ნაბიჯს სასარგებლო, გეგმიანი და ობიექტურად გამართლებული ხასიათი ჰქონდა².

პ. ბუცინსკი პავლე I-ის მკვლელობის ასი წლისთავზე გამოცემულ ბროშურაში „Отзывы о Павле I-м его современников“, არჩევს ამ შეხედულებებს და ამის შედეგად არა მარტო ამართლებს პავლე I-ის მმართველობას, არამედ ცდილობს მკითხველში „უსამართლოდ“ დისკრედიტებული იმპერატორისადმი სიმპათია და თანაგრძნობა გამოიწვიოს³.

პავლე I-ის პიროვნებისა და მეფობისადმი სიმპათიითაა განწყობილი აგრეთვე ისტორიკოსი დ. კობეკო. იგი ცდილობს გაამართლოს პავლე I და მის მიერ გამოვლენილი უარყოფითი ნიშნები აღზრდის ხასიათით ახსნას⁴.

ისტორიკოსთა ორივე დაჯგუფება უგულბელყოფს ობიექტურ ფაქტორებს, ცარიზმის სოციალურ-ეკონომიური საფუძვლების მოქმედებას და წინა პლანზე აყენებს შემთხვევით, მეორეხარისხოვან, ზედაპირზე ამოტივტივებულ მოვლენებს. ისინი ფსიქიური წყობით, თუ სწავლა-აღზრდის ზემოქმედების გავლენით ხსნიან იმას, რასაც ღრმა საფუძვლები უნდა მოუხახონ, კლასობრივი ინტერესებით და ეკონომიური მოთხოვნილებებით ახსნან. აქვე უნდა დავსძინოთ, რომ ისტორიკოსთა აღნიშნული ორი ჯგუფის შეხედულება პავლე I-ის პიროვნებისა და მმართველობის

¹ Е. Шумигорский, დასაბ. ნაშრ., გვ. 2, 5—6.

² М. Ключков, დასაბ. ნაშრ., გვ. 121.

³ ბუცინსკის პავლე I-ის შესახებ ისეთი ცნობები აქვს შეგროვილი, რომლებიც პავლესადმი კეთილსასურველი ხასიათისაა. ბუცინსკი პავლე I-ში დემოკრატ მმართველსაც კი ზედავს. „По отзывам беспристрастных современников, — пишет он, — как русских, так и иностранцев, Павел Петрович — этот царь демократ — был человеком редким в нравственном отношении... мудрым правителем государства...“ (დასახელებული კრებული, გვ. 2); თავის სიმპათიას და პატივისცემას ამ იმპერატორისადმი მაჟიმოდ ავლენს იგი, როდესაც წერს: „Мир праху твоему честнейший человек, рыцарь без страха и упрёка, рыцарь времен протекших“ (იქვე, გვ. 41).

⁴ Д. Вобжео, Царевич Павел Петрович (1754—1796), СПб., 1883, გვ. 423.

ხასიათის შესახებ არც ისე დაპირისპირებულია, როგორც გვეჩვენება. მათ შორის ზოგი რამ მაინც არის საერთო. როგორც პირველი, ისე მეორე შეხედულება ხაზს უსვამს, თუმცა სხვადასხვა პოზიციებიდან, პავლე I-ისა და ეკატერინე II-ის პიროვნებათა და მმართველობის მკვეთრ დაპირისპირებას. ისტორიკოსთა ორივე დაჯგუფება წინა პლანზე აყენებს პიროვნებას და არა მმართველობის სისტემას.

რევოლუციამდელ რუს ისტორიკოსთა დიდი უმრავლესობა და საზღვარგარეთელი ისტორიკოსების ნაწილი, მკვეთრად ანსხვავებენ ერთმანეთისაგან ეკატერინე II-სა და პავლე I-ის საგარეო პოლიტიკას. მათი შეხედულებით პავლემ გამეფებისთანავე შეცვალა რუსეთის საგარეო პოლიტიკის მიმართულება, ხელი აიღო ეკატერინე II-ის ტრადიციულ დიპლომატიაზე და სრულიად ახალ საგარეო-პოლიტიკურ კურსს ჩაუქარა საფუძველი. მათი აზრით, დედასა და შვილს შორის დიდი ბნის განწველობაში არსებობდა ფარული მტრობა და დაპირისპირება. ტახტის მემკვიდრეს ეზიზღებოდა საქემპყრობელი დედის მმართველობის წესები, მისი ფავორიტები, მისი სამხედრო სისტემა და სხვ. ამიტომ მან გამეფებისთანავე გადაწყვიტა ერთი ხელის მოსმით მოესპო ყველაფერი, რაც ძველ მმართველობასთან იყო დაკავშირებული საერთოდ, და კერძოდ, საგარეო პოლიტიკის სფეროში. ასეთმა განწყობილებამ, განაგრძობენ ისინი, გადამწყვეტი როლი შეასრულა პავლე I-ის მმართველობის ხასიათის შემუშავებაში და შეაპირობა ის რადიკალური ცვლილება, რომელიც რუსეთის საგარეო პოლიტიკამ პავლე I-ის გამეფებისთანავე განიცადა.

მაგრამ ისტორიკოსთა ის ჯგუფი, რომელიც გმობს და მუქი საღებავებით წარმოადგენს პავლე I-ის მმართველობას, სულ სხვაგვარ შეფასებას აძლევს ამ ცვლილების მიზანშეწონილობას, ხასიათს და შედეგებს, ვიდრე მეორე ჯგუფი, რომელიც, პირიქით, ქება-დიდებას ასხამს პავლეს და ეწევა მთელი მისი პოლიტიკის იდეალიზაციას.

პირველი ჯგუფის ისტორიკოსები — ნ. შილდერი, კ. ვალიშევსკი, ვ. კლაუჩევსკი, ს. ტატიშჩევი, მ. პოლიევკტოვი და სხვ.— უარყოფენ ყოველგვარ გეგმიანობას, მოსაზრებულობას და თანამიმდევრობას პავლე I-ის მმართველობის აეროიდის რუსეთის საგარეო პოლიტიკაში. ისინი ამ პოლიტიკას მიიჩნევენ როგორც შეუსაბამოს რუსეთის ნაციონალური ინტერესებისადმი. „კალეიდოსკოპური სისწრაფით“ ცვალებადი, უზრო, გაუმართლებელი, პირად კაპრიზებზე აღმოცენებული—აი, როგორი იყო მათი შეხე-

დუღებით ეს პოლიტიკა. ამ ისტორიკოსთა აზრით, პავლე I-ის საგარეო პოლიტიკა უგულვებელყოფდა „სახელმწიფო ეგოიზმს“ — ყველა მთავრობათა ბრძნული საგარეო პოლიტიკის ქვაკუთხედს — და „განყენებულ პრინციპებს“ (რევოლუციისადმი სიძულვილს და სხვ.), უაზრო სქემებს ექვემდებარებოდა. ისინი გმობენ ამ პოლიტიკას, ნიაჩხიათ იგი რუსეთის ისტორიულად გამომუშავებულ საგარეო პოლიტიკის პრინციპებიდან გადახვევად, „წყვეტილად“ რუსეთის წინამორბედ და შემდგომი პერიოდის საგარეო პოლიტიკას შორის¹.

ისტორიკოსთა მეორე ჯგუფის (დ. მილიუტინი, პ. ბუტინსკი, ვ. ალექსანდრენკო, მ. კლოჩკოვი და სხვ.) აზრით, პავლე I-ის მეფობის პერიოდის რუსეთის საგარეო პოლიტიკას ახსნათებდა პოტიკრებულობა, გეგმიანობა და თანამიმდევრობა. იგი, თითქოს ანგარიშს უწევდა ქვეყნის სასიცოცხლო ინტერესებს და ამდენად ისტორიულად გამომუშავებული კურსის უარყოფას არ წარმოადგენდა².

¹ „Государственный эгоизм, этот краеугольный камень здоровой политики, — писал с. ტატიშჩევი, — уступил место великолюбию и бескорыстною, руководящими поступками Павла

„Перетасовка, произведенная им в личном составе пашой дипломатии, объясняется не столько политическими соображениями, сколько личным его правом, беспокойным и причудливым“. С. С. Татищев, Из прошлого русской дипломатии., СПб, 1890, გვ. 14—15.

„С момента вступления на престол императора Павла внешняя политика России принимает повое направление, — писал г. პოლიევკტოვი, — довольно резко отличающееся от предыдущего: преследование конкретных интересов России... уступает место служению определенным принципам“, М. А., Полиевктов, Проект союза России с Сардинским королевством в царствование имп. Павла I, СПб, 1902, გვ. 4.

„Новая политика русского царизма, — писал Шилдერი, — ...вовсе не имела в виду пасущих потребностей империи ...Все, сделанное Екатериною в дипломатической сфере для упрочения славы и величия империи, было надолго сдано в архив“. Н. К. Шилдери, დასახ. ნაშრ., გვ. 338

„Внешняя политика Северной Семирамиды, — писал ვალიშევსკი, — была крайне сложной машиной... Ее сын, неосмотрительно коснувшись до нее, столкнулся с неожиданными для себя препятствиями; он попал в западню, о силе и хитрости которой не подозревал и, неловко отбиваясь, испортил в конце концов всё и обезумел сам“. К. Валишевский, დასახ. ნაშრ., გვ. 290.

² იმპერატორმა პავლე I-მა გამეფებისთანავე საესებით შეცვალა რუსეთის პოლიტიკა, — წერს დ. მილიუტინი „...начало царствования его, — განაგრძობს

კითხვა ისმება, რამდენად მართალნი არიან პირველი ან მეორე ჯგუფის ისტორიკოსები, იყო თუ არა სინამდვილეში პავლე I-ის მეფობის დროის რუსეთის საგარეო პოლიტიკა, კერძოდ დასაწყისში, მისი წინამორბედი პერიოდის მეფობის საგარეო პოლიტიკის სრული დაპირისპირება? წარმოადგენდა თუ არა იგი ხარვეზს, სრულ „ჩაყარდას“ რუსეთის ისტორიულად გამომუშავებული საგარეო პოლიტიკის თვალსაზრისით?

მარქსისტულ-ლენინური მეთოდოლოგიის პოზიციაზე მდგომი მკვლევარი, რასაკვირველია, ვერ გაიზიარებს დასახელებულ ისტორიკოსთა ვერც ერთ დებულებას პავლე I-ის მეფობის პერიოდის რუსეთის საგარეო პოლიტიკის მიმართულებისა და ხასიათის

იგი, — дышал миротворными видами, отказываясь от славы побед и запоеваний” (Милютин Д., დასახ. ნაშრ.. ტ. I, გვ. 12—13).

გ. კლოჩკოვი, მართალია, აღნიშნავს რუსეთის საგარეო პოლიტიკაში პავლე I-ის გამეფების დროიდან მომხდარ ცვლილებას, მაგრამ ამ ცვლილებას საერთაშორისო ურთიერთობაში მომხდარი ცვლილებებით ხსნის. „Этот крутой и резкий поворот во внешней политике, — წერს იგი, — продиктованный тогдашним международным положением, говорит о том, что в дипломатии Павел готов был следовать определенным принципам“. იხ. М. В. Клоков, Очерки правительственной деятельности времени Павла I. Петроград, 1916, გვ. 132—133, 135. ციტ. ტექსტი, იხ. გვ. 135.

პავლე I-ის მმართველობის საგარეო პოლიტიკის გასამართლებლად, მასში გვეგვიანობის და რუსეთის ნაციონალურ ინტერესებზე ზრუნვის დასაწახვად ბუცინსკის მოტანილი აქვს ცნობა დიდ მთავარ პავლესთან ტოსკანის დიდი ჭერცოვის ლეოპოლდის საუბრის შესახებ (ამ უკანასკნელის ვეროპაში მოგზაურობის დროს).

აი ეს ცნობაც:

„Упомянул о планах императрицы относительно увеличения русских владений на счет Турции и основания империи в Константинополе, он не скрыл от меня своего неодобрения этому проекту и вообще всякому плану увеличения монархии, уже и без того очень обширной и требующей заботы о внутренних делах. По его мнению следует оставить в стороне все эти бесполезные мечты о завоеваниях, которые служат лишь к приобретению славы, не доставляя действительных выгод, а напротив, ослабляя еще более государство“. იხ. П. К. Будицкий, Отрывки о Павле I-м его современников, Харьков, 1901, გვ. 8.

დასასრულ, ანალოგიურ აზრს ანეითარებს პავლე I-ის მმართველობის პერიოდის რუსეთის საგარეო პოლიტიკის საწყისებისა და ხასიათის შესახებ ალექსანდრენკოც. იხ. В. И. Алексеевич, Русские дипломатические агенты в Лондоне в XVIII в., т. I, Варшава, 1897, გვ. 73—74.

შესახებ. მათი შეხედულება ტენდენციური და სუბიექტურია. მათთვის დემიურგია ის, რასაც სინამდვილეში პრედიკატის ფუნქცია ეკუთვნის და ეკონომიური და პოლიტიკური ფაქტორების ნაწარმოებს წარმოადგენს. აღნიშნული ისტორიკოსები, კერძოდ კი პავლე I-ის მმართველობის მოწინააღმდეგენი, თავსაც არ იწუხებენ, რომ შეისწავლონ ის ფაქტორები, რომლებიც წარმართავენ საზოგადოებისა და ისტორიის განვითარებას, ღრმად ჩასწვდნენ ევროპის პოლიტიკურ ცხოვრებაში მომხდარ ცვლილებებს და პოლიტიკურ ურთიერთობათა სისტემის კომპლექსში განიხილონ რუსეთის საგარეო პოლიტიკის საკითხები.

პავლე I-ის მეფობის საგარეო პოლიტიკა იყო არა თვითმპყრობელი მონარქის პერსონალური საგარეო პოლიტიკა, არამედ რუსეთის იმპერიის საგარეო პოლიტიკა, რომლის გვირგვინოსანი მეუფეც პავლე იყო. მაგრამ რუსეთის თავადაზნაურულ-ბატონყმურ იმპერიას თავისი ეკონომიური, პოლიტიკური და სამხედრო-სტრატეგიული ინტერესები ჰქონდა, რომლებიც გაბატონებული კლასების კლასობრივი მოთხოვნილებებით და მისწრაფებებით იყო პირობადებული. ამდენად პავლე I-ის საგარეო პოლიტიკა მთელი თავისი „ჩაჯარდებით“ და ზიგზაგებით ამ კლასების საგარეო პოლიტიკა იყო.

ჩვენ არ ვუარყოფთ იმ გავრცელებულ აზრს, რომ ეკატერინე II-სა და ტახტის მემკვიდრე პავლეს შორის აღვიღო ჰქონდა დაპირისპირებას, უნდობლობას და ფარულ მტრობასაც კი. შეიძლება ნაწილობრივ გავიზიაროთ ის შეხედულებაც, რომელიც პავლე I-ის ხასიათის გამომუშავებაზე მნიშვნელოვან როლს აკუთვნებს მის მიერ მიღებული აღზრდის თავისებურებას, „გატჩინოს ტყვეობას“. მაგრამ გადაჭრით უკუვაგდებთ აქედან გაკეთებულ დასკვნას, რომ, თითქოს ამ ორმა გარემოებამ გადაწყვეტი გავლენა მოახდინა ახალი იმპერატორის საქმიანობაზე, კერძოდ მის მიერ ქვეყნის საგარეო პოლიტიკური კურსის გამომუშავებაზე.

პავლე I-ის საგარეო პოლიტიკა მკიდროდ იყო დაკავშირებული მის საშინაო პოლიტიკასთან და ორივე მმართველობის ერთიან სისტემას ქმნიდა. მმართველობის აღნიშნული სისტემა რუსეთის ცარიზმის მემკვიდრეობით მიღებული, ისტორიულად გამომუშავებული სისტემის შემდგომ ევოლუციას წარმოადგენდა. სავსებით მართალია საბჭოთა ისტორიკოსი რ. ლანინი, როდესაც პავლე I-ის მმართველობაში ხედავს არა ეკატერინე II-ის მმართველობის

უარყოფას, არამედ მის მოდიფიკაციას და შემდგომ განვითარებას¹.

პაველ I-ის საგარეო პოლიტიკა, როგორც მისი მმართველობის ერთიანი სისტემის განუყოფელი ნაწილი, ბუნებრივია, ისტორიულად გამომუშაებული და შემკვიდრებოთ მიღებული საგარეო პოლიტიკის პრინციპებიდან გამომდინარეობდა და მის შემდგომ განვითარებას წარმოადგენდა. ცხადია, ამიტომ ელემენტარულ კრიტიკას ვერ უძლებს შეხედულება ამ პოლიტიკის ვითომდა განსაკუთრებულობის, ორიგინალობისა და რუსეთის ნაციონალური ინტერესებისადმი მისი შეუსაბამობის შესახებ.

საბჭოთა ისტორიკოსების ნაწილი (ს. ოკუნი, ე. ბურჯალოვი, ა. ნაროჩნიცკი), არკვევს რა რევოლუციამდელ რუს ისტორიკოსთა დავას პაველ I-ის საგარეო პოლიტიკის მიმართულებისა და ხასიათის შესახებ, ჩვენი აზრით, ვერ იჩენს სრულ თანამიმდევრობას და უშვებს ცალკეულ გადახვევას სწორი მეთოდოლოგიური პოზიციებიდან. მაგალითად, მათი აზრით, პაველ I-ის საგარეო პოლიტიკური პრინციპების კონტურები მოიხაზა ჯერ კიდევ მაშინ, როდესაც იგი ტახტის მემკვიდრე იყო და „გატჩინოს ტყვეობაში“ იმყოფებოდა.

მოტანილი შეხედულება მხოლოდ ნაწილობრივ არის სწორი. პაველ—დიდი მთავარი და ტახტის მემკვიდრე, რომელიც გაფაციცებით მოელოდა ტახტის „განთავისუფლებას“ და ერთგვარ პრაქტიკას გადიოდა თავის მინიატიურულ სასახლეში გატჩინოში,—მართლაც აკვირდებოდა თვითმპყრობელი დედის პოლიტიკას და სათანადო დასკვნებს აკეთებდა აქედან. მას შესაძლებლობა ჰქონდა ამ დაკვირვებისა და მრჩევლების ზეგავლენით (რომელთა შორის გამოირჩეოდა თ. ვ. როსტოპჩინი) ზოგად ხაზებში გამოემუშაებინა ის საგარეო პოლიტიკური კურსი, რომელიც მისი შეხედულებით უფრო შეესაბამებოდა ქვეყნის და თვით ცარიზმის ინტერესებს². მაგრამ ეს იმაზე მიგვივითებს, რომ უფლისწულმა

¹ პაველ I-ის მმართველობა, წერს იგი,—во всех отношениях уходило своими традициями в екатерининское время, являясь, вместе с тем в периодом дальнейшего развития военно-полицейского и самодержавно-крепостнического государства, которое свое законченное выражение получило во времена Николая I⁴. Р. С. Лазини, Внешняя политика Павла I в 1796—1798 гг., М., 1941, с. 10. „Ученые записки Ленинградского гос. ун-ва“, серия историч. наук, вып. 10, № 80, 1941, с. 5.

² ამის შესახებ ჩვენ გვაქვს ადამ ჩარტორიისკის — პაველ I-ის ერთ-ერთი თანამედროვე არისტოკრატის—ცნობა. თავის მემუარებში იგი წერს: „Павел I в

პაეღემ მხოლოდ მოხაზა მომავალი მეფობის პერიოდის საგარეო პოლიტიკის პრინციპების კონტური, ისიც თვით ეკატერინე II-ის მეფობის დროს არსებული საგარეო პოლიტიკის ღრმა გავლენის შედეგად. აგებული იყო რა წარსულის გამოცდილებისა და აწმყოს ვითარების მხოლოდ ნაწილობრივად გათვალისწინების საფუძველზე, ეს პრინციპები არ შეიძლებოდა ყოფილიყო სრული, მწყობრი და თანამიმდევარი. ისინი, როგორც უკვე აღნიშნული იყო, მხოლოდ კონტურის სახით არსებობდნენ და მოკლებული იყვნენ მთლიანობასა და თანამიმდევრობას.

პაეღე I-ის მიერ „გატჩინოს ტყვეობის“ პერიოდში შემუშავებული რუსეთის საგარეო პოლიტიკის სქემა არ შეიძლებოდა ყოფილიყო ის ყალიბი, რომლის მიხედვითაც უნდა წარმართულიყო ეს პოლიტიკა მომავალში, ამა თუ იმ ქვეყნის საგარეო პოლიტიკა ხორციელდება არა წინასწარ შემუშავებული სქემის, არამედ იმისდა მიხედვით, თუ როგორია ქვეყნის საშინაო პოლიტიკის მიმართულება და სახელმწიფოთა პოლიტიკურ ურთიერთობათა სისტემა, რა ცვლილებებია მოსალოდნელი საერთაშორისო ურთიერთობაში. განა შეეძლო რუსეთის ცარიზმს წარმართა გარკვეული საგარეო პოლიტიკა ამ ფაქტორების გარეშე? ცხადია არა. აღნიშნულ ფაქტორებს და ახალ მოთხოვნილებებს, რომლებიც რუსეთის გაბატონებულ კლასებს გაუჩნდებოდათ მომავალ საგარეო პოლიტიკის სფეროში, აუცილებლად უნდა შეეესოთ, გაეფართოებინათ და არსებითი კორექტივი შეეტანათ აღრევე შემუშავებულ საგარეო პოლიტიკურ სქემაში. საფრანგეთის ბურჟუაზიული რევოლუცია და მის შედეგად ევროპის პოლიტიკურ ცხოვრებაში მომხდარი რადიკალური ცვლილებები ის ახალი მოვლენები იყო, რომელთაც უშუალო გავლენა უნდა მოეხდინათ რუსეთის საგარეო პოლიტიკის მიმართულებაზე, აეძლებინათ იგი რათა ახალი მიზნები, ახალი ტაქტიკური ამოცანები შეემუშავებინა. აღნიშნულის გამო, პაეღე I-ის მიერ ჯერ კიდევ გატჩინოს სასახლეში ყოფნის დროს შემუშავებულ მომავალი საგარეო პოლიტიკის სქემაში სერიოზული ცვლილებები უნდა შეტანილიყო, გამომუშავებული პრინციპების ძირითადში შენარჩუნების მიუხედავად, იგი ახალი ამოცანებით უნდა შეესებულებოდა.

догкие годы своего усединения и ожидания обдумал всё, что был намерен сделать как только власть окажетса в его руках. Поэтому перемены и новости следовали одна за другой с невероятной быстротой". „Межуари князя Адама Чарторийского“, т. I, М., 1912, გვ. 115.

მაინც როგორი იყო ის პრინციპები, რომლებითაც უნდა ეხელმძღვანელა პავლეს რუსეთის საგარეო პოლიტიკის წარმართვის დროს?

იმ მოსაზრებებიდან, რომლებიც პავლეს სხვადასხვა დროს და სხვადასხვა პირებთან საგარეო პოლიტიკისა და დიპლომატიის საკითხებზე გამოუთქვამს (რომელიც კლოჩკოვს აქვს მოტანილი თავის შრომაში), ცხადი ხდება, რომ მას საერთაშორისო პოლიტიკაზე, კერძოდ, რუსეთის საგარეო პოლიტიკის ამოცანებზე ძირითადად ნათელი წარმოდგენა ჰქონდა.

საერთაშორისო მდგომარეობის შესახებ პავლე I შემდეგნაირად მსჯელობდა: ყოველი სახელმწიფოს ადგილი სახელმწიფოთა ურთიერთობაში „უნდა იყოს მისი ფიზიკური და მორალური მდგომარეობის შესატყვისი“. მისი აზრით, რუსეთი საკმაოდ ძლიერია და დამოუკიდებელი. იგი დიდად არ საჭიროებს ვისიმე დახმარებას, თუკი მან ჯეროვნად გამოიყენა თავისი ძალები¹.

მაგრამ რუსეთის დამოუკიდებლობის, ძლიერებისა და სხვა სახელმწიფოების დახმარების ზედმეტობისათვის ხაზის გასმით პავლე I-ს არ გამოჰყავს დასკვნა დანარჩენ სახელმწიფოთაგან რუსეთის გამოცალკევების და იზოლაციის პოლიტიკის სასურველობის შესახებ. პირიქით, მას საჭიროდ მიაჩნია მეზობელ სახელმწიფოებთან ნორმალური ურთიერთობის განვითარება და მეგობრული კავშირები, რომლებიც, გარემოებათა მიხედვით, რუსეთის ინტერესების შესატყვისად უნდა იცვლებოდესო. გარეგნულად პავლე I კატეგორიულად უარყოფდა ნათესაური მომენტებისათვის ანგარიშის გაწევას ხელშეკრულებათა დადების დროს და მოითხოვდა მხოლოდ და მხოლოდ სახელმწიფოს ინტერესების გათვალისწინებას². აქედან გამომდინარე, პავლე I რჩევას იძლეოდა: არავის არ უნდა მიეცეს შესაძლებლობა უკარნახოს რუსეთს თავისი ნება-სურვილები, არასოდეს არავის ინტერესებს არ უნდა გაეწიოს ბრმად ანგარიში.

რუსეთის საერთაშორისო ძალისა და პოზიციის განმტკიცების მიზნით პავლე I-ს საჭიროდ მიაჩნდა ძალთა წონასწორობის პრინციპის გამოყენება: რუსეთის ირგვლივ სახელმწიფოთა ისეთი კომბინაციის შექმნა, რომელთაგან არც ერთი ამ სახელმწიფოთაგანი არ იქნებოდა რუსეთზე ძლიერი, ამავდროულად დროს მათ შორის

¹ М. В. Ключков, დასახ. ნაშრ., გვ. 132—133.

² იქვე, გვ. 133.

ადგილი უნდა ჰქონოდა შულსა და დაპირისპირებას და ამით მათ უნდა გაეწონასწორებინათ ერთმანეთი¹.

საფრანგეთის 1789—1794 წლების რევოლუციამ და მის შედეგად ევროპის პოლიტიკურ ცხოვრებაში ახალი ვითარების აღმოცენებამ თვით რუსეთის ცარიზმის საგარეო პოლიტიკის მიწართულებათაც მოახდინა გავლენა და მას ახალი თავსატეხი საკითხი გაუჩინა. მან საჭიროდ გახადა ზემოთ აღნიშნულ სქემებსა და პრინციპებში სერიოზული შესწორების შეტანა. ამიერიდან რუსეთის საგარეო პოლიტიკის წინაშე ძველთან ერთად ახალი ამოცანა დაისახა. ეს ამოცანა იყო რევოლუციასთან ბრძოლის, მონარქიული რეჟიმის დაცვის ამოცანა.

პაველე I გამეფებამდეც სიძულელით იყო გაყენებული საფრანგეთის რევოლუციისადმი, მისი პრინციპებისადმი, მისგან შექმნილი ახალი წესებისადმი და მთელი არსებით დაინტერესებული იყო ყოველივე ამის მოსპობაში. ამიტომ მან გამეფებისთანავე ხელი მოჰკიდა დასახულის რეალიზაციას და აქცია იგი რუსეთის საგარეო პოლიტიკის ერთ-ერთ ამოცანად (ძველ ამოცანებთან ერთად). თავისი ხანმოკლე მეფობის პერიოდში პაველე I ხან პირველ ამოცანას (ევროპაში და სახელმწიფოთა ურთიერთობაში რუსეთის გავლენისა და წამყვანი როლის გაძლიერება) წამოსწევდა წინ, ხანაც მეორეს (რევოლუციის წინააღმდეგ ბრძოლა). ამით იყო ძირითადად გამოწვეული ის „ზიგზაგები“ რუსეთის საგარეო პოლიტიკაში, რომელთაც რუსი და უცხოელი ისტორიკოსები ხან „ჩაფარდნას“ და გადახვევას, ხანაც სრულიად ახალი კურსის აღებას უწოდებდნენ.

მაგრამ პაველე I-ს არც ამ მხრივ არაფერი ახალი და ორიგინალური არ შეუქმნია და არ გაუტარებია ცხოვრებაში. ყოველგვარი განმათავისუფლებელის, რევოლუციურის და თვით ლიბერალური აზრისა და მოძრაობის წინააღმდეგ (მოჩვენებითი ლიბერალიზმის, „განათლებული მონარქიის“ ნიღბის მიუხედავად) ქვეყნის შიგნით და გარეთ, როგორც თავის დროზე იყო აღნიშნული, თავგამოდებით იბრძოდა თვით ეკატერინე II. მან პირველმა გადადგა ქმედითი რეაქციული ნაბიჯები რუსეთის თავდაზნაურულ-ბატონყმური მონარქიის საფრანგეთის რევოლუციის გავლენისაგან დასაცავად.

¹ М. В. КЛОУКОВ, დასახ. ნაშრ., გვ. 133.

წარმოადგენდა რა ტირანსა და დესპოტს თავის მრავალე-
როვან იმპერიის ქვეშევრდომებისათვის, რუსეთის ცარიზმი საგა-
რეო ურთიერთობაშიაც მსგავს პოლიტიკას ეწეოდა. იგი ეკატე-
რინე II-ის ნებობის დროიდან უკვე ასრულებდა ევროპის ენდარ-
მის როლს, ევროპის კონტინენტის რეაქციულ-კონტრრევოლუცი-
ური ძალების მდროშე იყო და დაუნდობელ ბრძოლას ეწეოდა
ყოველგვარ რევოლუციურ, ხალხურ და პროგრესულ მოძრაო-
ბასთან როგორც ქვეყნის შიგნით, ისე მთელი ევროპის მასშტა-
ბითაც.

შენიშვნებში სსრკ ისტორიის სახელმძღვანელოს კონსპექტის
შესახებ სტალინი, კიროვი და ჟდანოვი ხაზგასმით აღნიშნავენ
რუსეთის ცარიზმის საგარეო პოლიტიკის კონტრრევოლუციურ
როლს და სახელმძღვანელოს კონსპექტის ერთ-ერთ ნაკლად მი-
იჩნევენ იმას, რომ ეს როლი მასში ხაზგასმული არ არის.

„კონსპექტში არაა ხაზგასმული რუსეთის ცარიზმის კონტრ-
რევოლუციური როლი საგარეო პოლიტიკაში ეკატერინე II-ის დრო-
იდან XIX საუკუნის 50-იან წლებამდე“ („ცარიზმი, როგორც სა-
ერთაშორისო ენდარმი“)¹.

ამგვარად, პავლე I-მა მემკვიდრეობით მიიღო დაცვიტ-მო-
ნარქისტული პრინციპი, რევოლუციის შედეგებთან ბრძოლის პო-
ლიტიკა და მას შემდგომი განვითარება მისცა. მისი მეფობის
პერიოდის რუსეთის საგარეო პოლიტიკის მიმართულებასაც ფეს-
ვები წინამორბედ მმართველობაში ჰქონდა გადგმული.

თავადაზნაურული და ბურჟუაზიული ისტორიული სკოლების
წარმომადგენლები რუსეთიდან და საზღვარგარეთიდან ასეთ დიდ
ადგილს რომ უთმობდნენ პავლე I-ის პიროვნების და მისი პოლი-
ტიკის გარკვევას, ეს ჩვენთვის სავსებით გასაგებია. ისინი საზო-
გადოებრივი ცხოვრების, ისტორიის ყველა მოვლენას ადამიანთა
ცნობიერებით, მათი იდეებით და ნება-სურვილებით ხსნიდნენ.
მათ მიიჩნდათ, რომ ცალკეულ პიროვნებათა, სახელმწიფოს მმარ-
თველთა, კანონმდებელთა, მხედართუფროსთა გონება განსაზ-
ღერავედა საზოგადოებრივი განვითარების მსვლელობას, ისტო-
რიას. ჯერ კიდევ დობროლიუბოვი წერდა აღნიშნულ რუს ისტო-
რიკოსთა შესახებ, რომ ისინი ხალხის ისტორიის ნაცვლად
იძლეოდნენ მონარქთა და მონარქიული სახელმწიფოს ისტორიას,

¹ შენიშვნები „სსრკ კავშირის ისტორიის“ სახელმძღვანელოს კონსპექტის
შესახებ, თბილისი, 1936, გვ. 16—17.

რომ ისინი აფუჩეზებდნენ ხალხის — ისტორიის ერთადერთი შემოქმედი ძალის — როლს და გადაპარბებით აფასებდნენ მეფეთა და „მმართველთა როლს ისტორიაში“.

ამ მანკიერი მეთოდოლოგიის პლატფორმაზე მდგომ რევოლუციამდელ ისტორიკოსებს პავლე I, როგორც თვითმპყრობელი მონარქი, მიაჩნდათ რუსეთის ისტორიის, მისი მეფობის ხანმოკლე პერიოდის განმსაზღვრელ ძალად, მისი ნება-სურვილი, სუბიექტური მისწრაფებები და შეხედულებები კი—ამ ქვეყნის საშინაო და საგარეო პოლიტიკის მთავარ ფაქტორებად.

სინამდვილეში საზოგადოების ისტორია არის ობიექტური პროცესი, მას განსაზღვრავს ობიექტური კანონის მოქმედება, კანონისა, რომელიც დამოკიდებული არ არის ადამიანთა შეგნებასა და ნება-სურვილზე. ისტორიული მატერიალიზმი გვასწავლის, რომ საზოგადოების განვითარებას, ისტორიულ პროცესს განსაზღვრავს არა „გამოჩენილი პირების“, „რჩეულთა“, — მეფეთა, მხედართმთავართა და „ბრძენ მმართველთა“—იდევები, ნება-სურვილები და მისწრაფებები, არამედ მატერიალური დოვლათის წარმოების წესი, საწარმოო ძალთა განვითარების დონე, წარმოებით ურთიერთობათა ხასიათი.

„საზოგადოების განვითარების ისტორია, — წერს ი. ბ. სტალინი, — არის... ისტორია წარმოების განვითარებისა, ისტორია წარმოების წესებისა, ... ისტორია საწარმოო ძალთა და ადამიანების წარმოებით ურთიერთობათა განვითარებისა“¹. საზოგადოებრივი განვითარების ისტორია, ამასთან ერთად, არის ხალხის ისტორია, მატერიალური დოვლათის მწარმოებელი მშრომელი მასის ისტორია. სწორედ ეს ხალხია ისტორიული პროცესის განვითარების გადამწყვეტი ფაქტორი, ისტორიის მამოძრავებელი და მშენებელი.

მარქსისტულ-ლენინური მსოფლმხედველობის ამ სახელმძღვანელო დებულების საფუძველზე საბჭოთა ისტორიკოსები ვალდებულნი არიან საფუძვლიანად შეისწავლონ ის სოციალურ-ეკონომიური და პოლიტიკური ფაქტორები, რომლებიც საფუძველად ედო რუსეთის საგარეო პოლიტიკას და რომლებითაც პირობადებული იყო მისი ცვალებადობა პავლე I-ის მეფობის პერიოდში. მართალია,

¹ ი. ბ. სტალინი, დიალექტიკური და ისტორიული მატერიალიზმის შესახებ. საკ. კ. ბ) ისტორია. მოკლე კურსი, თბ., 1949, გვ. 149.

პავლე I-ის ესა თუ ის ნაბიჯი საგარეო პოლიტიკის დარგში, მისი პოლიტიკა ევროპის სახელმწიფოების მიმართ გარეგნულად მისი ნების, შეხედულების და სუბიექტური მისწრაფების რეალიზაციას წარმოადგენდა, მაგრამ თვით ეს მისი იდეები, შეხედულებები და ნება-სურვილი ქვეყნის სოციალურ-ეკონომიური და პოლიტიკური პროცესის ასახვას წარმოადგენდა. ამდენად ამ იდეებს, შეხედულებებს, მაშასადამე, მათ გამოვლინებას რუსეთის საგარეო პოლიტიკის გარკვეულ ტაქტიკურ ნაბიჯებსა და პრინციპებში, რეალური ცხოვრების ობიექტურ პროცესებში ჰქონდა საფუძველი.

რუსეთის ცარიზმის საგარეო პოლიტიკა, როგორც უკვე აღენიშნეთ, რუსი მემამულეების, ვაჭართა და სამხედრო ზედათქონის ინტერესებით და მოთხოვნელებებით იყო შეპირობებული. მას განსახლვრავდა ამ ქვეყნის წარმოების წესი და წარმოებით ურთიერთობათა ხასიათი. ამიტომ პავლე I, როგორც რუსეთის გაბატონებული კლასების გვირგვინოსანი მედროშე, რუსეთის საგარეო პოლიტიკას მათი ინტერესების შესაბამისად წარმართავდა. მას არ შეეძლო პირადი კაპრიზებით აბუზად აეგდო ამ კლასების ინტერესები, ვინაიდან ცარიზმის და გაბატონებული კლასების ინტერესები არა ანტაგონისტურ, არამედ ჰარმონიულ ურთიერთობაში იყო. ამიტომ მას არ შეეძლო მემკვიდრეობით მიღებული საგარეო პოლიტიკური პრინციპების შეცვლა, ახალი სტრატეგიული მიმართულების აღება და ძველი კურსისათვის ხაზის გადასმა, სანამ ცვლილების საკიროებას თვით ცხოვრება, ეკონომიურ და პოლიტიკურ ცხოვრებაში მომხდარი ახალი ვითარება არ უპარნახებდა მას. ასეთი რადიკალური ცვლილებები კი მისი მეფობის წლებში არ მომხდარა.

მაგრამ აქედან როდი შეიძლება ისეთი დასკვნის გაკეთება თითქოს პავლე I-ის, როგორც მონარქის როლი რუსეთის საგარეო პოლიტიკაზე უმნიშვნელო იყო, რომ მას არ შეეძლო გავლენა მოეხდინა მის მიმართულებაზე, ყოფილიყო მისი მესაქე და ხელმძღვანელი. ასეთი აზრის გაზიარება იქნებოდა პიროვნების როლის შესახებ მარქსიზმ-ლენინიზმის მოძღვრების უგულვებელყოფა, ისტორიაში პიროვნების როლის შეუფასებლობა.

როგორც ცნობილია, მარქსიზმ-ლენინიზმი ისტორიაში პიროვნების როლის საკითხში ორ ფრონტზე ბრძოლას აწარმოებს. იგი უარყოფს პიროვნების კულტს, ჰგმობს ხალხის მასების როლის შეუფასებლობას და ამავე დროს ილაშქრებს პიროვნების როლისადმი ნიჰილისტურ შეხედულებათა წინააღმდეგ. იგი პი-

როგნების როლს განიხილავს ისტორიულ პროცესთან უშუალო კავშირში, იმ გარემოსთან ერთად, რომელმაც იგი წარმოშვა.

„მარქსიზმი სრულიადაც არ უარყოფს გამოჩენილ პიროვნებათა როლს, — ამბობდა ი. ბ. სტალინი გერმანელ მწერალ ემილ ლუდვიგთან საუბარში, — ან იმას, რომ ადამიანები ქმნიან ისტორიას..., მაგრამ, რა თქმა უნდა, ადამიანები ისტორიას ქმნიან არა ისე, როგორც მათ რაღაც ფანტაზია უკარნახებს, არა ისე, როგორც ეს მათ მოეპრიანებათ. ყოველი ახალი თაობა ხვდება გარკვეულ პირობებს, რომლებიც უკვე არსებობდა მზა სახით იმ მომენტში, როდესაც ეს თაობა გაჩნდა. და დიდ ადამიანებს მხოლოდ იმდენად აქვთ ფასი, რამდენადაც მათ შეუძლიათ სწორად გაიგონ ეს პირობები და მიხედნენ, თუ როგორ უნდა შეცვალონ ისინი. თუ მათ ეს პირობები არ ესმით და სურთ ამ პირობების ისე შეცვლა, როგორც მათ უკარნახებს მათი ფანტაზია, მაშინ ისინი, ეს ადამიანები, დონ-კიხოტის მდგომარეობაში ვარდებიან“¹.

უდავოა, რომ პავლეზე, როგორც თავადაზნაურული მონარქიის თვითმპყრობელ ხელისუფალზე, ძალიან ბევრი და მნიშვნელოვანი რამ იყო დამოკიდებული როგორც ყველა დარგში, ისე, კერძოდ, საგარეო პოლიტიკის სფეროში. მემკვიდრეობით მიღებული მიმართულების და პრინციპების მომარჯვება, დასმული ამოცანების გადაწყვეტის მეთოდების არჩევა, ახალი ტაქტიკური ხაზის აღება, ამა თუ იმ დიპლომატიური ხერხის გამოყენება, დიპლომატთა შერჩევა და ხელმძღვანელობა, მისი უშუალო პრეზერვატივის სფეროს ეკუთვნოდა და მის ნებას ემორჩილებოდა.

საგარეო პოლიტიკას, რომელიც რუსეთის ცარიზმის ერთ-ერთ უმნიშვნელოვანეს უწყებათა სფეროს ეკუთვნოდა, პავლე I უწევდა ხელმძღვანელობას სპეციალური უწყების მეშვეობით². ეს უწყება იყო საგარეო საქმეთა კოლეგია. საგარეო საქმეთა კოლეგიას ჰყავდა პრეზიდენტი (კანცლერი), ვიცე-პრეზიდენტი (ვიცე-კანცლერი) და წევრები. იგი იყოფოდა: 1) საიდუმლო ექსპედი-

¹ ი. ბ. სტალინი, თხზ., ტ. 13, გვ. 110—111.

² ამდენად არ შეიძლება გახიარებულ იქნას მილიუტინის შეხედულება იმის შესახებ, რომ პავლე I, თითქოს, საგარეო პოლიტიკის ყველა საკითხს, დიპლომატებისა და ელჩთა საკმარობას უშუალოდ წარმართავდა რესკრიპტების საშუალებით. მართალია, რესკრიპტებს პავლე I აწერდა ხელს, მაგრამ წინასწარი ისინი საგარეო საქმეთა კოლეგიაში მუშავდებოდნენ. Д. М И Х У Т И Н, დასახ. ნაშრ., ტ. 1, გვ. 16.

ციად ანუ პოლიტიკურ დეპარტამენტად და 2) საჯარო ექსპედი-
ციად. კოლეგიაში საქმეები ფორმალურად კოლეგიალურად წყდებოდა, ფაქტიურად მას კანცლერი და ვიცე-კანცლერი წყვეტდნენ¹. კოლეგიის გადაწყვეტილებები, ინსტრუქციები, დეკრეტები და სხვა ძალაში შედიოდა მონარქის სანქციის შენდევ.

საგარეო საქმეთა კოლეგიაში და დიპლომატიურ სამსახურში საზღვარგარეთ პავლე I-ის გამეფების მომენტისათვის რამოდენიმე გამოცდილი დიპლომატი (ფეოდალური არისტოკრატის წრედან გამოსული) იშუაობდა. ეს დიპლომატები წარმატებით ართმევდნენ თავს დაკისრებულ მოვალეობას და ძირითადად კარგად ერკვეოდნენ რუსეთის იმპერიის საგარეო პოლიტიკის პრინციპებსა და ამოცანებში. რუსეთის იმპერიის საგარეო პოლიტიკის მიმართულებებისა და ამოცანების ხასიათის საკითხში პეტერბურგის სამეფო კარზე აზრთა სხვადასხვაობას ჰქონდა ადგილი. ეს კი მმართველ ზედაფენაში დაჯგუფებათა საფუძველს ქმნიდა. ხშირად დიპლომატები სხვადასხვა თვალსაზრისს და პოლიტიკას ანვითარებდნენ რუსეთის საგარეო პოლიტიკის საბრძოლო ამოცანების საკითხში. ყოველი მათგანი, რასაკვირველია, ცდილობდა ზემოქმედება მოეხდინა კოლეგიაზე, პირადად იმპერატორზე და თავისი პრინციპები და ხაზი გაეტარებინა. ცალკეულ შემთხვევაში ისინი ახერხებდნენ ამას, რასაც თან სდევდა კორექტივის შეტანა უკვე აღებული გეზში, ან ახალი ტაქტიკური ნაბიჯის გადადგმა. უფრო ხშირად კი მისი შედეგი იყო კოლეგიის შემადგენლობის და საზღვარგარეთ აკრედიტებულ რუს დიპლომატთა ხშირი ცვლა. პავლე I-ის მიერ რუსეთის იმპერიის საგარეო პოლიტიკისა და დიპლომატიის სფეროში გადადგმული ესა თუ ის კონკრეტული ღონისძიება და ნაბიჯი ხშირად თავის თავში ასახავდა იმ შინაგან ბრძოლას, რომელსაც ადგილი ჰქონდა რუსეთის გაბატონებული კლასების სხვადასხვა ჯგუფებს შორის საგარეო პოლიტიკის საკითხში².

¹ История дипломатии, т. I, гл. 294—295.

² საგარეო საქმეთა კოლეგიის კანცლერის პოსტს პავლე I-ის გამეფების პირველ დღეებშივე იკავებს კანცლერის ხარისხში ამალღებული გრაფი ი. ა. ოსტრომანი, უნიკო და წონას მოკლებული ჩინოვნიკი, ვიცე-კანცლერის ადგილს კი — თავადი ა. ბ. კურაკინი. 1797 წ. აპრილში კანცლერის წოდება და კოლეგიის პრეზიდენტობა პავლემ უბოძა ბრწყინვალე თავადის წოდებაში ამალღებულ ა. ა. ბებე-აროდოს, ვიცე-კანცლერისა — გრაფ ვ. პ. კოჩბეის. იმავე წელს კოლეგიის წევრად დანიშნა გრაფი თ. ვ. როსტოპჩინი. ბებე-აროდოს სიკვდილის შემდეგ (1799 წ. აპრილში) კოლეგიის პირველ წევრად, ე. ი. პრეზიდენტად და-

იმ დიპლომატთა შორის, რომლებიც პაველე I-ის მეფობის წლებში რუსეთის საგარეო საქმეთა კოლეგიაში და საზღვარგარეთ დიპლომატიურ, ასპარეზზე მუშაობდნენ პირველ რიგში დასახელებულ უნდა იქნენ თავადი ალექსანდრე ანდრიას ძე ბეზბოროდკო, გრაფი ს. რ. ვორონცოვი, გრაფი ნ. პ. პანინი, გრაფი ა. კ. რაზუმიოვსკი და გრაფი თ. ვ. როსტოპჩინი.

აღნიშნული დიპლომატები ყველაზე მკაფიოდ გამოხატავდნენ რუსეთის ფეოდალური არისტოკრატის ზედაფენის კლასობრივ სულისკვეთებას, უფრო რელიეფურად ავლენდნენ მემკვიდრეობით მიღებულ და რუსეთის ცარიზმის ინტერესების შესაბამის დიპლომატიურ ტრადიციებს და თანაც თავიანთ თავში ასახავდნენ იმ აზრთა სხვადასხვაობას და დაპირისპირებას, რომელიც დრო და დრო თავს იჩენდა ხოლმე მმართველ ზედაფენაში საგარეო პოლიტიკის საკითხებში.

აღნიშნულ დიპლომატთა შორის პირველ რიგში უნდა დავასახელოთ ბეზბოროდკო (1747—1799). იგი იყო გამოჩენილი დიპლომატი და სახელმწიფო მოღვაწე, ნიჭიერი, მუყაითი და აღმსრულებელი მოხელე, რომელსაც პაველე I-ის გამეფებისას უკვე გავლილი ჰქონდა დიდი და საფუძვლიანი დიპლომატიური სკოლა. ყველა დიპლომატიურ აქტს, რომელიც რუსეთმა 1797—1798 წლებში (და მანამდეც ეკატერინე II-ის მეფობის უკანასკნელ წლებში) გააფორმა სხვა სახელმწიფოებთან, ბეზბოროდკოს ხელი ატყვია. ბეზბოროდკო თავის დიდი დიპლომატიური ერუდიციისა და წრომისუნარიანობის გამო პაველე I-ის ნდობით სარგებლობდა. ამ ნდობას იგი ხშირად იყენებდა იმპერატორზე გავლენის მოსახდენად. მისი უტაქტო, უხეში გამოხდომების შესანელებლად.

ბეზბოროდკოს პოლიტიკური პროგრამა 1797—1798 წლებში მდგომარეობდა ნორმალური ურთიერთობის შენარჩუნებაში ყველა ქვეყანასთან, მათ შორის თვით საფრანგეთთანაც. იგი სათავეში ედგა მმართველი ზედაფენის იმ დიდგვარიანთა დაჯგუფებას, რომელიც საფრანგეთთან ომის წინააღმდეგი იყო და საკიროდ მიიჩნევდა მასთან მოლაპარაკების გამართვას სადავო საკითხების მშვიდობიანად გადაწყვეტის მიზნით. ამიტომ იყო, რომ იგი სინანულით შეხვდა საფრანგეთ-რუსეთის შეთანხმების ცდის

ნიშნულ იქნა როსტოპჩინი, რომელიც 1801 წ. დასაწყისამდე იყო ამ თანამდებობაზე. იმავე 1799 წელს კოჩუბების ნაცვლად ვიცე-კანცლერის თანამდებობაზე ინიშნება გრაფი ნ. პ. პანინი, ხოლო 1800 წლიდან — ს. ა. კოლიჩევი.

მარცხს და რუსეთის მიერ მეორე ანტიფრანგული კოალიციის ორგანიზაციას, რაშიც, მიუხედავად ამისა, აქტიური როლი შეასრულა. როგორც იმპერატორის ხელქვეითი და ნების მორჩილი, იგი იძულებული გახდა მონაწილეობა მიეღო მეორე ანტიფრანგული კოალიციის შემზადებაში. მრავალი დოკუმენტი, რომელიც აშუქებს ბეზბოროდკოს დიპლომატიურ საქმიანობას, ცხადყოფს მის ანტიპათიას აღნიშნული კოალიციისადმი, საფრანგეთთან ომის მომზადებისადმი (რომლის გაჩაღებას იგი აღარ მოსწრებია)¹.

XVIII საუკუნის დასასრულსა და XIX საუკ. პირველი მესამედის ცნობილი რუსი დიპლომატი გრაფი ს. რ. ვორონცოვი (1744—1832) ზანგრძლივი დროის განმავლობაში იყო რუსეთის სრულუფლებიანი ელჩი ინგლისში. ითვლებოდა რა პრუსიასთან კავშირის შეურიგებელ მტრად, „ჩრდილოეთის სისტემის“ მოწინააღმდეგედ, მას რუსეთის ერთადერთ ბუნებრივ მოკავშირედ ინგლისი მიაჩნდა და თავისი დიპლომატიური საქმიანობის მიზნადაც მან ამ იდეის რეალიზაცია დაისახა. 1789—1799 წლებში ანგლოფილი ს. რ. ვორონცოვი მთელ თავის დიპლომატიურ უნარს წარმართავდა რუსეთ-ინგლისის ანტიფრანგული სამხედრო „თავდაცვითი“ კავშირის შესაქმნელად. როგორც რუსი არისტოკრატი, ფეოდალურ-ბატონყმური ურთიერთობის ერთგული ქომავი ს. რ. ვორონცოვი საშინელი სიძულელით იყო შეპყრობილი რევოლუციური საფრანგეთისადმი. ფრანგი რეაქციონერი ემიგრანტის სათვალეებით უცქეროდა იგი საფრანგეთს და ყოველგვარ ფრანგულ იდეებს, აღმოცენებულთ რევოლუციის შედეგად, თვით კონტრრევოლუციური დირექტორიის მმართველობისა და კონსულობის წლებშიაც. შეურიგებელი ფრანგოფობური პოზიციის მსხვერპლი გახდა იგი 1800 წელს, როდესაც პავლემ იგი ინგლისში ელჩობისაგან გაანთავისუფლა.

გრაფ ს. რ. ვორონცოვის ბიოგრაფები და ისტორიკოსები ამ დიპლომატის იდეალიზაციას ეწევიან. ისინი მასში ხედავენ უბადლო რუს პატრიოტს, უნიკიერეს დიპლომატს, რუსეთის ნაციონალური ინტერესების შესანიშნავ მცოდნეს, უმწიკვლო პი-

¹ История дипломатии. т. I, гл. 285; Дипломатический словарь, т. I, М., 1948, гл. 219—220; Н. Григорович, Кавцлер князь Александр Андреевич Безбородко, тт. 1—2. „Сборник Русского истор. общества“, тт. 26, 29; Словарь достопамятных людей русской земли, сост. Дм. Бахтыш-Камешским, ч. I, М., 1836, гл. 107 და შემდეგი.

როვნებას და ა. შ. ამავე დროს ისინი ყოველმხრივ აფუჩეჩებენ მის ანგლომანობას, რუსეთ-ინგლისის ურთიერთობის აწმყოსა და მონაველის მის მიერ ხშირად ინგლისის გაბატონებული კლასების თვალთხედვით გაშუქებას და იმასაც, რომ ცალკეული მისი დიპლომატიური აქტი არც თუ სავესებით შეესაბამებოდა რუსეთის ნაციონალურ ინტერესებს.

საბჭოთა ავტორებიდან გრაფ. ს. რ. ვორონცოვის დიპლომატიურ საქმიანობას სპეციალური სტატია უძღვნა ე. შტეინბერგმა. ამ წერილში ავტორი პარალელს ავლებს ვორონცოვის საქმიანობის პერიოდსა და უახლესი ისტორიის პერიოდს შორის და ანვითარებს აზრს ინგლის-საბჭოთა კავშირის მეგობრობის სასურველობის შესახებ. იგი ვორონცოვის დიპლომატიური ნიჭისა და საქმიანობის შეფასებაში სავსებით ეთანხმება რევოლუციამდელ რუს ისტორიკოსებს, ამართლებს მის ანგლოფილურ პოზიციას, მის მიერ რუსეთ-ინგლისის მეგობრობის იდეის ქადაგებას და პრაქტიკულად განხორციელებას და ამ იდეას გონიერულსა და რუსეთის ნაციონალური ინტერესების შესაბამისს უწოდებს. მოტანილი აქვს რა ვორონცოვის თქმა: „*Есть моей родины превыше всего для меня на свете*“, ავტორი ამით ამტკიცებს ს. რ. ვორონცოვის ღრმა პატრიოტიზმს და სამშობლოს სიყვარულს.

თავის წერილში შტეინბერგი აფუჩეჩებს ინგლისის არისტოკრატიულ-კონსერვატიული მთავრობის ეგოისტურ მისწრაფებებს და მის მუხანათურ-მტრულ პოზიციას რუსეთის მიმართ (აღმოსავლეთის საკითხი, მალტის საკითხი, იონიის კუნძულების საკითხი და ა. შ.). არაფერს ამბობს ავტორი ვორონცოვის ფრანგოფობური განწყობილების და იმ კლასობრივი საფუძვლების შესახებ, რითაც მოტივირებული იყო მისი ანგლოფილური და ფრანგოფობური პოზიცია.

ვორონცოვის იდეალიზაციით, ინგლის-რუსეთის კავშირის იდეის უკრიტიკოდ მიღებით და გაუმართლებელი ისტორიული პარალელის გავლებით, ინგლის-რუსეთის ურთიერთობაში არსებული ბნელი მხარეებისა და ინგლისის საგარეო პოლიტიკის აგრესულ-ეგოისტური წარმართულობის მიფუჩეჩებით ავტორი სერიოზულ შეცდომას უშვებს და მარქსისტულ-ლენინურ პოზიციას შორღება¹.

¹ იხ. Е. Штейнберг, С. Р. Воронцов и англо-русские отношения на рубеже XVIII—XIX веков, „Исторический журнал“. 1943, № 11—12, 83. 34 — 40. ს. რ. ვორონცოვის დიპლომატიური საქმიანობის შესახებ

მნიშვნელოვან პოლიტიკურ ფიგურას და გამოცდილ დიპლომატს წარმოადგენდა გრაფი ნ. პ. პანინი.

პანინთა ცნობილი დიპლომატიური ოჯახის წარმომადგენელს, ნ. ი. პანინის ძმისშვილს ნიკიტა პეტრეს ძე პანინს საფუძვლიანმა განათლებამ და პანინთა ოჯახის დიპლომატიური გამოცდილების ათვისებამ საშუალება მისცა კარგად გაეცნო დიპლომატიური ურთიერთობის რთული ხლართები და აქტიური როლი შეესრულებინა რუსეთის საგარეო პოლიტიკის ამა თუ იმ ნაბიჯის გადადგმაში XVIII—XIX საუკუნეთა მიჯნაზე. თავისი პოლიტიკური მრწამსით გრაფი ნ. პ. პანინი გრაფ ს. რ. ვორონცოვს უახლოვდებოდა. ისიც ცხოველური სიძულვილით იყო გაყენებული, როგორც საფრანგეთის რევოლუციისა და მისი შედეგებისადმი, ისე ყოველგვარი ფრანგულისადმი თვით 1794 წლის შემდეგაც კი. მაგრამ ვორონცოვისაგან განსხვავებით ნ. პ. პანინი რუსეთ-პრუსიის კავშირის ენერგიული მომხრე იყო. თავისი შეურიგებელი ფრანგოფობური მრწამსის გამო იგი ხშირად ეჯახებოდა ბეზბოროდკოს, უფრო გვიან კი გრაფ როსტოპჩინს, რომლის დიპლომატიური კურსის დაუძინებელ მტრად ითვლებოდა. თავისი ანტიფრანგული წარმართულობის გამო გრაფმა ნ. პ. პანინმა აქტიური როლი შეასრულა მეორე ანტიფრანგული კოალიციის ორგანიზაციის საქმეში, თუმცა მარცხით დამთავრდა მისი დიპლომატიური საქმიანობა, მიმართული პრუსიის ჩასაბმელად ამ ბლოკში. როდესაც 1799—1800 წლების მიჯნაზე დაისახა შემობრუნება რუსეთ-საფრანგეთის ურთიერთობაში, ნ. პ. პანინი, ვორონცოვთან ერთად, ენერგიულად იბრძოდა ამ დაახლოების ჩასაშლელად და საფრანგეთის წინააღმდეგ ომის გასაახლებლად. ეს ცდა მისი მარცხით, შერისხვით და დიპლომატიური ასპაოეზიდან მოშორებით დამთავრდა. მისი საგარეო პოლიტიკური პრინციპის კრახმა, რის შედეგადაც იგი შერისხულ იქნა პავლე I-ის მიერ, ნ. პ. პანინი მიიყვანა სასახლის გადატრიალების იდე-

დამატებით იხილეთ: *Дипломатический словарь*, т. I, гл. 430—431, „Архив князя Воронцова“, т. 9, პეტრე ბარტენევის წინასიტყვაობა, ტ. 8, სადაც 1—36 გვერდებზე მოთავსებულია თვით ვორონცოვის ვრცელი ავტობიოგრაფია (ფრანგულად); *Д. В а л т ы ш - К а м е с к и й*, დასახ. ნაშრ., ნაწ. 1, გვ. 365; *А. Б р я н о в е р*, *Вторая половина XVIII-го века в письмах братьев С. и А. Воронцовых*., „Вестник Европы“, 1888, т. 8, гл. 519—547; *Д. Р я б и н и н*, *Граф Семён Романович Воронцов*, „Русский архив“, 1879, тт. 1—4, гл. 58—82, 168—196; 305—345, 444—502.

ამდე, რომელიც შემდეგში 1801 წ. დასაწყისის შეთქმულებაში გამოვლინდა¹.

გრაფი (შემდეგში ბრწყინვალე თავადი) ანდრია კირილეს ძე რაზუმიოვსკი—პაველ I-ის მეფობის წლებში რუსეთის ელჩი ვენაში (1800 წლამდე)—დიპლომატიური ნიჭით და უნარით ვერ შეედრებოდა ბეზბროდკოს, ვორონცოვს და პანინს. იგი რუსეთ-ავსტრიის კავშირის იდეის მომხრე იყო და თავის დიპლომატიურ პრაქტიკაში შესაბამის კურსს ანვითარებდა. მას ჯეროვნად არ ესმოდა რუსეთის ცარიზმის საგარეო პოლიტიკის ძირითადი პრინციპები და ამოცანები, დიდ გავლენას განიცდიდა ვენის ფეოდალური არისტოკრატის და პირველი მინისტრის თუგუტის მხრივ. ამიტომ იყო, რომ ხშირად იგი მოქმედებდა არა როგორც რუსეთის ელჩი, არამედ როგორც ვენის სამეფო კარის ქომაგი, ვეჭილი და ნდობით აღჭურვილი პირი².

გრაფი თ. ვ. როსტოპჩინი, რომელიც ბეზბროდკოს სიკვდილის შემდეგ საგარეო საქმეთა კოლეგიის პრეზიდენტის მოვალეობას ასრულებდა, ინგლის-ავსტრიასთან კავშირის მოწინააღმდეგე იყო. მას შესაძლებლად მიაჩნდა საფრანგეთთან ურთიერთობის ნორმალიზაცია, მასთან ხელშეკრულების დადება თურქეთის გაყოფის თაობაზე. მისი საგარეო პოლიტიკური პრინციპი მაშინ ემთხვეოდა პაველ I-ის საგარეო პოლიტიკურ პრინციპს, რის შედეგსაც წარმოადგენდა ამ კურსის გასატარებლად სათანადო ნაბიჯების გადადგმა³.

ჩვენს ხელთ არსებული მასალები ნათელყოფენ, რომ რუსეთის საგარეო პოლიტიკის მომავალი მიმართულებისა და საფრან-

¹ პანინის შესახებ იხილეთ: „Дипломатический словарь“, ტ. 2, გვ. 317—318; „Материалы для жизнеописания графа Никиты Петровича Панина (1770—1839)“. изд. А. Брюкнера, СПб., 1890—1891, ტ. 1—5; М. Н. Сердобин, Граф Никита Петрович Панин, „Русская старина“, 1873 г., сент. и 1874 г. май-июнь; В. Бильбасов, Забытый Панин, „Исторический вестник“, 1869 г., март, гв. 645—660; Русский биографический словарь, ტ. 13, გვ. 205—211.

² ა. კ. რაზუმიოვსკის შესახებ იხილეთ: А. А. Васильчиков, Семейство Разумовских, т. 1—5, СПб., 1880—1894; Русский биографический словарь, СПб., ტ. 15, გვ. 443—444; Дипломатический словарь, ტ. 2, გვ. 480—481.

³ როსტოპჩინის შესახებ იხილეთ: „Дипломатический словарь“, ტ. 2, გვ. 521—522; А. Ф. Брокер, Биография графа Ф. В. Ростопчина, „Русская старина“, 1893, янв., гв. 161—172; Русский биограф. словарь, ტ. 17, გვ. 298—305; П. А. Вяземский, Характеристические заметки и воспоминания о гр. Ростопчине, „Русский архив“, 1877, ტ. 5, гв. 69—78.

გეთთან შემდგომი ურთიერთობის შესახებ პეტერბურგის სამეფო კარზე პაველე I-ის გამეფების დროისათვის აზრთა სხვადასხვაობა არსებობდა. ამ საკითხში არსებითად ორი მიმართულება, ორი დაჯგუფება იყო ჩამოყალიბებული. სასახლის თავკაცთა და გავლენიან რუს დიპლომატთა ნაწილი საჭიროდ მიიჩნევდა რუსეთის ისტორიულად ჩამოყალიბებული და ეკატერინე II-ის მმართველობისაგან მენეჯერობით მიღებული საგარეო პოლიტიკური კურსისა და დიპლომატიური საქმიანობის გაგრძელებას, ყოველგვარი ტაქტიკური გადახვევისა და „შესვენების“ გარეშე. აღნიშნული დაჯგუფება მხარს უჭერდა იმ „გადაუდებელი საქმეების“ მოგვარებას, რომლებიც საგარეო პოლიტიკის უპირველესი რიგის ამოცანებად ჰქონდა დასახული წინამორბედ მმართველობას და რის სისრულეში მოყვანასაც ხელი შეუშალა ეკატერინე II-ის სიკვდილმა. აქედან გამომდინარე: იგი რჩევას იძლეოდა კიდევ უფრო განმტკიცებულიყო კავშირი ავსტრიასთან და ინგლისთან, გაძლიერებულიყო ზემოქმედება პრუსიაზე და ავსტრიასთან და ინგლისთან კავშირში დაწყებულიყო ბრძოლა რესპუბლიკური საფრანგეთის წინააღმდეგ. საფრანგეთის წინააღმდეგ დაუყოვნებლივი ომით, მისი სამხედრო განადგურების გზით, საფრანგეთში რევოლუციამდელი სოციალურ-ეკონომიური ურთიერთობის რესტავრაციის გზით ფიქრობდა ეს დაჯგუფება რუსეთის თავადაზნაურულ-ბატონყმური იმპერიისა და მისი ფეოდალურ-ბატონყმური სისტემისათვის შექმნილი საფრთხის ლიკვიდაციას, „წესიერების და კანონიერების“ აღდგენას ევროპაში და რუსეთის პოზიციების გაძლიერებას ევროპის კონტინენტზე და ახლო აღმოსავლეთში.

თავის საგარეო პოლიტიკურ მრწამსს პეტერბურგის სამეფო კარის ეს დაჯგუფება ხან აშკარად ანვითარებდა, ხანაც შენიღბულად, პირად მიწერ-მოწერასა და „ინტიმურ“ წერილებში. ამ ხაზს ყველაზე მკაფიოდ გამოხატავდნენ ცნობილი დიპლომატები ს. რ. ვორონცოვი და ნ. პ. პანინი. მაგრამ აქვე უნდა აღინიშნოს, რომ თვით ს. რ. ვორონცოვსა და ნ. პ. პანინს შორის თავის მხრივ ადგილი ჰქონდა აზრთა სხვადასხვაობას იმ საკითხებში, თუ ევროპის რომელ ქვეყანასთან იყო კავშირი და მეგობრობა იმეამად ყველაზე სასურველი რუსეთის ეროვნული ინტერესების თვალსაზრისით. მაშინ როდესაც ს. რ. ვორონცოვი ანგლომანი იყო და ინგლის-რუსეთის მკიდრო კავშირის ენერგიულ ქომაგად ითვლებოდა, ნ. პ. პანინი უფრო პრუსიასთან და ავსტრიასთან კავშირისაკენ იხრებოდა. კერძოდ, მას საჭიროდ წიაჩნდა

პრუსიასთან საერთო ენის გამონახვა და რუსეთ-პრუსიის სამხედრო-პოლიტიკური კავშირის შექერა. ფრანგოფობობაში საფრანგეთის რევოლუციის შედეგებისადმი და რესპუბლიკური საფრანგეთის მმართველობისადმი სიძულვილსა და შეურაცხველობაში კი ს. რ. ვორონცოვი და ნ. პ. პანინი ერთი მეორეს ეცილებოდნენ.

მეორე მიმართულება, მეორე დაჯგუფება, პირიქით, ფიქრობდა, რომ რუსეთის საგარეო პოლიტიკის წინაშე დასმული გადაუდებელი აქტუალური ამოცანების გადასაწყვეტად იმ დროს სულ სხვა პოლიტიკური კურსის აღება და ნაბიჯების გადადგმა იყო საჭირო. ამ დაჯგუფებას საჭიროდ მიაჩნდა ომისგარეშე მდგომარეობის—შეიარაღებული ნეიტრალიტეტის პოზიციის—შენარჩუნება; საფრანგეთთან დაუკონებლივი ომით, ისიც პრუსიის საექვო ნეიტრალიტეტის პირობებში, რუსეთი, აღნიშნული დაჯგუფების აზრით, ვერ განამტკიცებდა თავის პოზიციებს ევროპის კონტინენტსა და ახლო აღმოსავლეთში, ვერ დაიცავდა იმპერიის სოციალურ სისტემას შინაგან და საგარეო საშიშროებათაგან. აღნიშნულის გამო იგი უპირატესობას აძლევდა დიპლომატიური ღონისძიებების წინა პლანზე წამოყენებას, ხოლო იარაღს ხელს მოკიდებდა მხოლოდ მაშინ, თუ დიპლომატიური ღონისძიებები არასაკმაო აღმოჩნდებოდნენ და დასახულ ამოცანას ვერ განახორციელებდნენ. მას საჭიროდ მიაჩნდა საფრანგეთის რესპუბლიკასთან არსებულ ურთიერთობაში მობრუნება და მასთან *status quo*-ს საფუძველზე შეთანხმების მიღწევის ზონდაეი. ამ დაჯგუფების მომხრეებს შესაძლებლად მიაჩნდათ საფრანგეთის რესპუბლიკის სამშვიდობო ინიციატივისათვის ანგარიშის გაწევა და მასთან მოლაპარაკების გამართვა რევოლუციის შედეგად დაგროვილი სადავო საკითხების თაობაზე. თუ ეს მოლაპარაკება წარმატებით დამთავრდებოდა, მაშინ ისინი დასაშვებად თვლიდნენ საფრანგეთ-რუსეთის ხელშეკრულების დადებას ევროპული „დამშვიდებისა“ და მათ შორის რევოლუციამდე არსებული ურთიერთობის აღდგენის ბაზაზე. აღნიშნულ საგარეო პოლიტიკურ თვალსაზრისს ყველაზე უფრო მკაფიოდ იცავდა და აწვითარებდა მაშინ საგარეო საქმეთა კოლეგიის ფაქტიური ხელმძღვანელი და შემდეგში იმპერიის კანცლერი, ცნობილი დიპლომატი ა. ა. ბეზბოროდკო.

მართალია, როგორც პირველ, ისე მეორე დაჯგუფებას ჰქონდა გარკვეული გამამართლებელი მოტივები თავიანთი საგარეო პოლიტიკური კურსის რაციონალობის დასასაბუთებლად, მაგრამ

ჩვენ ვფიქრობთ, რომ ა. ა. ბეზბოროდკოს და მისი თანამოაზრეების თვალსაზრისი უფრო რეალურ საფუძველს ემყარებოდა. ჩვენ ვფიქრობთ აგრეთვე, რომ ა. ა. ბეზბოროდკომ ზეგავლენა მოახდინა პავლეზე, მრჩეველის როლი შეასრულა მის მიმართ და ძირითადადში მიაღწია სწორედ მის მიერ შემუშავებული პოლიტიკური კურსის რეალიზაციას.

4. პავლე I-ის მთავრობის პირველი ნაბიჯები

საზრახვეთის მიმართ

კითხვა ისმება, როგორი იყო პავლე I-ის მმართველობის თავდაპირველი საგარეო პოლიტიკური მიმართულება და ნაბიჯები, როგორი იყო მისი დამოკიდებულება საფრანგეთისადმი, წარმოადგენდა ეს ნაბიჯები რუსეთის მემკვიდრეობით მიღებულ საგარეო პოლიტიკური კურსის გაგრძელებას, თუ მას ახალი, ორიგინალური ნიშნები ახასიათებდა?

რევოლუციამდე რუს ისტორიკოსთა დიდი ნაწილი, როგორც უკვე იყო აღნიშნული, დაეინებით ამტკიცებს, რომ, პავლე I-ის მმართველობის თავდაპირველი საგარეო პოლიტიკური კურსი, კერძოდ, მისი დამოკიდებულება როგორც საფრანგეთისადმი, ისე თვით პირველი ანტიფრანგული კოალიციის მონაწილე სახელმწიფოებისადმი, თითქოს, მკვეთრად განსხვავდებოდა ეკატერინე II-ის პოლიტიკისაგან. მათი აზრით, პავლეს პირველი ნიბიჯები გამსჭვალული იყო სამშვიდობო მისწრაფებით და პაციფისტურ ხასიათს ატარებდა.

ამ ისტორიკოსთა შეხედულებას კარგად გამოხატავს პროფ. ა. ტრაჩევსკი, რომლის აზრითაც პავლე I თავდაპირველად სრულებით არ ფიქრობდა ევროპულ კონფლიქტში ჩაბმას და გულწრფელი სამშვიდობო მისწრაფებით იყო გაჟღენთილი¹.

აღნიშნული რუსი ისტორიკოსების აზრით, ეკატერინე II საფუძვლიანად ემზადებოდა საფრანგეთის წინააღმდეგ აქტიური მოქმედებისათვის და სპეციალური კორპუსიც შექმნა დასავლეთში გასაგზავნად, პავლემ კი ერთი დაკვრით ბოლო მოუღო ამ მზადებას, კოალიციას დახმარებაზე უარი უთხრა, ევროპის დამ-

¹ „Павел I сначала вовсе не думал поехать в европейские страны. Его первым делом было сильное, искреннее заявление мирных стремлений...“. А. Трачевский, Россия и Франция в конце прошедшего века (1794—1799 гг.), „Вестник Европы“. 1885, № 6, гл. 513.

შეიღება განიზრახა და საფრანგეთთან შეთანხმებისაკენ გადადგა. ნაბიჯი. ეს ისტორიკოსები თავიანთ შეხედულებას ასაბუთებენ სახელმწიფო კანცლერ გრაფ ი. ა. ოსტერმანის 1796 წლის 24 ნოემბრით დათარიღებულ ცირკულარულ ნოტაზე მითითებით.

ცირკულარულ ნოტით რუსეთის კანცლერი აუწყებს მეგობრულ ურთიერთობაში მყოფ სახელმწიფოთა მთავრობებს და ამ სახელმწიფოების მთავრობებთან აკრედიტებულ რუსეთის დიპლომატიურ წარმომადგენლებს, რომ ვინაიდან რუსეთი ხანგრძლივ ომებს ეწეოდა, რამაც გამოფიტა მისი მოსახლეობა, პავლე I-ის კაცთმოყვარე გულმა საკიროდ მიიჩნია ქვეშევრდომებს მისცეს საკირო და სასურველი შესვენება; რის გამოც რუსეთის არმია საფრანგეთის წინააღმდეგ არ იმოქმედებსო. ნოტაში. ამასთან ერთად აღნიშნულია, რომ იმპერატორი პავლე I ამავე დროს მტკიცედ შეინარჩუნებს კავშირს თავის მოკავშირეებთან და ყველა საშუალებით წინააღმდეგობას გაუწევს საფრანგეთის რესპუბლიკის აღვირაბსნილობას და მუქარას¹.

შეიძლება თუ არა მოტანილი ნოტა გამოყენებულ იქნეს საფუძვლად ზემოაღნიშნულ შეხედულებების დასაცავად? ჩვენი აზრით, რასაკვირველია, არა. პირველ ყოვლისა, ცირკულარული ნოტა რუსეთის ახალ იმპერატორს მიაწერს ქვეშევრდომებისადმი მამობრივ ზრუნვას, მათთვის დასვენების მიცემის განზრახვას და მას უკავშირებს საფრანგეთის წინააღმდეგ ჯარის გაგზავნისაგან თავის შეკავებას. ასეთ ვერსიას, რომელსაც სინამდვილესთან არაფერი საერთო არ აქვს, ჩვენ, ცხადია, გადაქრით უკუვაგდებთ. მეორე, ამ ცირკულარულ ნოტაში ხაზგასმულია პავლე I-ის განზრახვა დაეცვა სამოკავშირო ვალდებულებანი და ყველა საშუა-

¹ „Россия, будучи в непрерывной войне с 1756 года, есть потому единственная в свете держава, которая находилась 40 лет в несчастном положении истощать свое народонаселение. Человеческолюбивое сердце Императора Павла не могло отказать любезным его подданным в превнужном и желаемом им отдохновении, после столь долго продолжавшихся извурений. Однакоже, хотя Российское войско не будет действовать против Франции по вышеозначенной и несомненной причине, Государь не менее затем, как и покойная Его Родительница, остается в твердой связи с своими союзниками и чувствует нужду противиться всевозможными мерами неустой Французской республике, угрожающей всей Европе совершенным истреблением закона, прав, имущества и Свободы“. Д. М и л ю т и ц, დასახ. ნაშრ., ტ. I, გვ. 10.

ლებით წინააღმდეგობა გაეწია საფრანგეთის რესპუბლიკის „ძირ-გამომთხრელი“ საქმიანობისათვის, რომელიც მთელ ევროპას ემუქრებოდა კანონის, სამართლის, საკუთრების და ზნეობის სრული მოსპობით“. მოტანილი დოკუმენტი, პირიქით, ადასტურებს, რომ პავლემ დაიცვა და განაფითარა მემკვიდრეობით მიღებული საგარეო პოლიტიკური კურსი, იკისრა წინამორბედი მმართველობის მიერ ხელმოწერილი საერთაშორისო ხელშეკრულებათათვის პატივისცემის ვალდებულება.

ჩვენს ხელთ არის მეორე დოკუმენტი—ი. ა. ოსტერმანის 1797 წლის 7 დეკემბრის დეპეშა ა. ა. რაზუმოვსკისადმი, — რომელშიც კანცლერი განმარტავს ზემოთ მოტანილ ცირკულარულ ნოტის შინაარსს, ავალებს მას გაფანტოს გერმანულ სამთავროებში მის შედეგად წარმოშობილი არასწორი შეხედულება და დაარწმუნოს ისინი დაეხმარონ გერმანიის იმპერატორს ფრანგების წინააღმდეგ ბრძოლაში. ამ დეპეშაში ერთხელ კიდევ ხაზგასმულია, რომ, მართალია, იმპერატორმა თავისი ხალხების კეთილდღეობაზე ზრუნვის გამო სისრულეში ვერ მოიყვანა ეკატერინე II-ის გადაწყვეტილება ფრანგების წინააღმდეგ ბრძოლის შესახებ, მაგრამ, მიუხედავად ამისა, იგი კვლავინდებურად მანამდე გამომუშავებული სისტემის ერთგული რჩებაო¹.

ეს დოკუმენტი ცხადყოფს, რომ ცარიზმის საგარეო პოლიტიკის მიმართულებასა და გამომუშავებულ სისტემას ახალი იმპერატორის გამეფებით არსებითი ცვლილება არ განუცდია. ძველი კავშირ-ურთიერთობანი, საფრანგეთის რესპუბლიკისა და რევოლუციის „გამხრწნელი“ გავლენის წინააღმდეგ ბრძოლის სტრატეგიული ხაზი უცვლელი დარჩა. საფრანგეთის წინააღმდეგ დაუყოვნებლივ ომის გაჩაღებისაგან თავის შეკავება დროებითი ტაქტიკური ნაბიჯი იყო, რომელიც არა სუბიექტური მოტივებით, არამედ უფრო სერიოზული საშინაო და საგარეო გარემოებებით იყო პირობადებული.

როგორც ცნობილია, ინგლისის ელჩის უიტვორტის პირველი აუდიენციის დროს პავლემ დაარწმუნა იგი, რომ რუსეთსა და ინგლისს შორის არსებული ურთიერთობა შენარჩუნე-

¹ „...если в силу общих мероприятий, которые Е. И. В. считал нужным принять в начале своего царствования..., он, не мог осуществить решения императрицы... он, однако не менее склонен следовать системе, установленной до сих пор...“. ЦГАДА, Министерские доклады, II, Австрия, январь-декабрь, 1796 г., лл. 40—43.

ბული იქნებოდა. „Vous pouvez être sûr monsieur, — განუცხადა პავლემ უიტგორტს, — que je conserverai avec soin les relations qui existent entre nos deux pays et qui seront également utiles pour tous les deux“¹.

შეიძლება გვითხრან, რომ ჩვენი მოსაზრების საწინააღმდეგო მასალას იძლევა პეტერბურგის სამეფო კარზე მალტის სასულიერო ორდენის წარმომადგენლის გრაფი იული რენე ლიტას 1796 წლის 15 (26) დეკემბრის დეპეშა ორდენის დიდი მაგისტრისადმი. ამ დეპეშაში ლიტა აუწყებს თავის უფროსს: პავლე I-ის მეფობა იქნება მშვიდობიანი, ბედნიერი, პატივმოყვარე ზრახვებისაგან თავისუფალი, მისი პოლიტიკური სისტემაა მშვიდობის შენარჩუნება და ყველა სახელმწიფოსთან, კერძოდ მეზობლებთან კეთილსასურველი ურთიერთობის შენარჩუნება².

მაგრამ ეს დეპეშა ეკუთვნის უცხოელს, რომელიც ძალზე ცუდად იცნობდა რუსეთს და რომლის შეხედულება არ შეიძლება ჩაითვალოს დამაჯერებლად და საესებით სარწმუნოდ. დეპეშაში თავისი უფროსისადმი ლიტამ რუსეთის ახალი მმართველობის საგარეო პოლიტიკის ხასიათის შესახებ ის მოსაზრება გამოთქვა, რომლის წყაროსაც სასახლის წრეებში შემუშავებული აზრი წარმოადგენდა. ამავე დროს უნდა აღინიშნოს, რომ იმავე ლიტამ მალე შეცვალა აღნიშნულ დეპეშაში განვითარებული აზრი და მორიგ დეპეშებში, განსაკუთრებით გაუსვა ხაზი ახალი იმპერატორის მიერ ძველი მმართველობის საგარეო პოლიტიკური ხასიათისადმი ერთგულებას.

ამ მხრივ აღსანიშნავია ლიტას 1797 წლის 2/13 თებერვლის დეპეშა იმავე დიდი მაგისტრისადმი. ამ დეპეშაში აღნიშნულია, რომ პეტერბურგის სამეფო კარმა დაარწმუნა ვენის და ლონდონის სამეფო კარი და გერმანიის მთავრები, რომ იგი წმინდად, დაიცავს ძველ კავშირ-ურთიერთობებს აღნიშნულ სახელმწიფოებთან. პირადად იმპერატორმა პავლემ, წერს ლიტა, ერთხელ კიდევ ნათლად განუცხადა ავსტრიელ გრაფ კობენცლს, რომ იგი ყველაფერს გააკეთებს ავსტრიის სამეფო კართან გაფორმებული მეგობრული ვალდებულებების სარეალიზაციოდ და დამატებით კორპუსსაც კი გამოჰყოფს მის დასახმარებლად, როგორც კი შინაგანი ვითარება ამის შესაძლებლობას მისცემს³.

¹ В. Александренко, Император Павел I и англичане..., გვ. 95.

² Сб. РИО, т. 2 (1868 г.). გვ. 227—228.

³ იქვე, ტ. 2, გვ. 263—264.

ამგვარად, ერთხელ კიდევ ხაზგასმით უნდა აღინიშნოს, რომ ვერსიას, რომლითაც პავლეს მიაწერენ სრულიად ახალ, ძველი მმართველობისაგან განსხვავებულ საგარეო პოლიტიკური გეზის აღებას, სინამდვილესთან არაფერი აქვს საერთო. ახალი მმართველობის საგარეო პოლიტიკის პირველი ნაბიჯები არ წარმოადგენდა ძველის უარყოფას. შეინარჩუნა რა მემკვიდრეობით მიღებული სტრატეგიული ხაზი, მან ცვლილებები მოახდინა მხოლოდ მისი რეალიზაციის ფორმებსა და მეთოდებში, ტაქტიკურ ნაბიჯებში.

რა მოტივებით იყო განპირობებული ცარიზმის ახალი ტაქტიკური ნაბიჯები საგარეო პოლიტიკის დარგში, რით იყო განმარტებული „კორექტივის“ შეტანის საჭიროება საფრანგეთის რესპუბლიკის მიმართ ეკატერინე II-ის მთავრობის მიერ აღებულ კურსში?

რევოლუციამდელ რუს და საზღვარგარეთელ ისტორიკოსთა უმრავლესობა ამას, როგორც უკვე აღვნიშნავდით, სუბიექტური მოტივებით ხსნის და პავლე I-ის განწყობას, ძველი მმართველობისადმი მის ანტიპათიას უკავშირებს. საკითხის ასეთი დაყენება, თუმცა იგი სიმართლის ელემენტს შეიცავს, არაფერს არ არკვევს და მხოლოდ აბუნდოვნებს მას. ასეთი შეხედულება ყალბ მეთოდოლოგიურ საფუძველს ემყარება.

საბჭოთა ისტორიკოსები, რომელნიც შეეხნენ პავლე I-ის პირველ ნაბიჯს საფრანგეთის რესპუბლიკისა და რუსეთის მოკავშირეების მიმართ, არ უარყოფენ მის ერთგვარ განსხვავებას ეკატერინე II-ის მიერ აღებული კურსისაგან. მაგრამ ერთნი ერთი მოტივებით ხსნიან მას, მეორენი — მეორეთი.

ს. ოკუნის აზრით, მთავარი გარემოება, რომელმაც პავლე I მიიყვანა გადაწყვეტილებამდე თავი შეეკავებინა საფრანგეთის რესპუბლიკის წინააღმდეგ ჯარის დაუყოვნებლივ გაგზავნისაგან, იყო ანტიფრანგული კოალიციის რიგებში არსებული წინააღმდეგობა; კერძოდ, პრუსიის საექვო ნეიტრალიტეტი. რუსეთის დიპლომატიურ წრეებში დაეინებით ლაპარაკობდნენ: პრუსიასა და საფრანგეთს შორის დაიდო არა მარტო სამშვიდობო, არამედ კავშირისა და ურთიერთდახმარების ხელშეკრულება, და ასეთ პირობებში, ასკენის ავტორი, ცენტრალურ ევროპაში საფრანგეთის დამარცხების განზრახვა სარისკო იყო. აღნიშნულ მოტივს ოკუნი უკავშირებს მეორე მოტივს: ავსტრიის დამარცხებას საფრან-

გეთთან ომში, მისი პოზიციის მერყეობას და მისთვის, პირველ ყოვლისა, დიპლომატიური მხარდაჭერის საჭიროებას¹.

მეორე საბჭოთა ისტორიკოსი რ. ლანინი, უფრო მკვეთრად უსვამს ხაზს პავლე I-ის მიერ საფრანგეთის მიმართ აღებული კურსის განსხვავებას წინანდელი კურსისაგან. ახალ კურსში იგი ხედავს იმ საერთაშორისო ვალდებულებებზე ხელის აღებას, რომელიც ეკატერინე II-ს ჰქონდა ნაქისრი და რომელიც რევოლუციური საფრანგეთის წინააღმდეგ იყო მიმართული. ამ ცვლილებას იგი ხსნის ორი გარემოებით: 1) პავლეს სურდა იმ გზით ევლო და ის დიპლომატიური კურსი აეღო, რომელიც მან გამოიმუშავა ჯერ კიდევ გატჩინოს სასახლეში ცხოვრების პერიოდში; 2) პავლე I-ის საგარეო პოლიტიკა ორი მოტივით იყო პირობადებული: რევოლუციასთან ბრძოლა და ევროპაში უპირატესი გავლენის მოპოვება, როგორც თურქეთის დაყოფის პროგრამის რეალიზაციის პირობა. ამ ორი მოტივიდან გამეფების ზომენტი-სათვის მან წინ წამოსწია და წინაპლანზე დააყენა ცენტრალურ ევროპასა და ახლო აღმოსავლეთში გავლენისა და ტერიტორიული გაფართოების ამოცანა. პავლე I კარგად ხედავდა საფრანგეთის ევოლუციას მარჯვნივ, იგი მოელოდა მორიგ კონტრ-რევოლუციურ გადატრიალებას ამ ქვეყანაში, იმედი ჰქონდა, რომ საფრანგეთში ერთპიროვნული დიქტატურა დამყარდებოდა, რის გამოც საჭიროდ აღარ მიიჩნეოდა მის წინააღმდეგ დაუყოვნებლივ იარაღის აღმართვას. რაც შეეხება პირველი ამოცანის რეალიზაციას, განაგრძობს ავტორი, იგი იმ ეტაპზე არ საჭიროებდა საფრანგეთის რესპუბლიკის წინააღმდეგ დაუყოვნებლივ ომის გაჩაღებას².

ჩვენი აზრით, ამ ისტორიკოსთა მოტანილი მოსაზრებები ძირითადადში მართებულია. მაგრამ, პირველ ყოვლისა, საჭიროა მათს დასკვნებში ცალკეული დაზუსტების და კორექტივის შეტანა. მეორე მხრივ, მათ მიერ მოტანილი მოტივები ვერ გვაძლევს პავლე I-ის მმართველობის მიერ ევროპულ პოლიტიკაში მომ-

¹ „Отказ Павла от всецеленной помощи войскам против Франции был результатом отсутствия единства в рядах антифранцузской коалиции... Рассчитывать на победу в Центральной Европе над Францией, имея при этом в тылу пока что „нейтральную“ Пруссию... было рискованно“. С. Ожунь, დასახ. ნაშკ., გვ. 77.

² Р. С. Ланин, დასახ. წერილი, იხ. „Учюные записки Ленинградского гос. университета“, серия истор. наук, вып. 10, № 80, 1941, გვ. 7—10.

ზღვარი ცვლილების სრულ სურათს, რის გამოც იგი მოითხოვს დამატებითი მოტივებით შევსებას.

პაეღე I-ის მიერ ძველისაგან მკვეთრად განსხვავებული კურსის აღებას და საერთაშორისო ვალდებულებებზე უარისთქმას, რაც ხაზგასმული აქვს ლანინს, სინამდვილეში ადგილი არ ჰქონია. ახალმა მმართველობამ საფრანგეთის რესპუბლიკის წინააღმდეგ, რევოლუციის საფრთხის წინააღმდეგ შემუშავებული სტრატეგიული ხაზი (ამის შესახებ ზემოთ გვქონდა საუბარი) შეინარჩუნა, ისე როგორც იმ ვალდებულებებისადმი ერთგულება, რომელიც მან გემკვიდრობით მიიღო. მან მხოლოდ გადადო ამ ვალდებულებათა რეალიზაციის ვადა, თანაც სხვა მეთოდს მიმართა რუსეთის წინაშე ნდვარი უპირველესი ამოცანის სისრულეში მოსაყვანად. სავსებით დანაჯერებლად არ მიგვაჩნია ლანინისავე დებულება, რომ თითქოს პაეღე I-მა საგარეო პოლიტიკის ორი მოტივიდან ერთი მოტივი წინ წამოსწია და მეორე კი დროებით ჩრდილში დააყენა. უფრო ზუსტი იქნება თუ ვიტყვით, რომ ეს ორი სხვადასხვა მოტივი ერთ მთლიანობას ქმნიდა და სწორედ ამ მთლიანობაში აპირობებდა ცარიზმის ამა თუ იმ პოლიტიკურ ნაბიჯს საფრანგეთის ან მოკავშირეების მიმართ. ამასთან ერთად უნდა აღინიშნოს, რომ რუსეთის ცარიზმი პასიურად როდი მოელოდა საფრანგეთის პოლიტიკური ცხოვრების ევოლუციას მარჯვნივ და ერთპიროვნული დიქტატურის დამყარებას, არამედ იგი (პირადად პაეღე I) ფულით, ფრანგ ემიგრანტთა მეშვეობით და სხვა საშუალებებით უწყობდა ხელს ასეთ მოსალოდნელ ცვლილებას და მონაწილეობას იღებდა როიალისტურ შეთქმულებებში.

დასასრულ, უნდა აღინიშნოს, რომ სააგენტურო „არხების“ და არაოფიციალური დიპლომატიური წყაროების მეშვეობით პეტერბურგის მთავრობისათვის ცნობილი იყო ის დიპლომატიური აქტივობა და ფაქტიფი, რომელსაც ადგილი ჰქონდა საფრანგეთში რუსეთთან დაახლოების თაობაზე. პაეღემ იცოდა, რომ საფრანგეთის დირექტორია ენერგიულად ეძებდა რუსეთთან ზავს და დაახლოებას. ამიტომ მას შესაძლებლად მიაჩნდა ამ ინიციატივისათვის ანგარიშის გაწევა და *Modus vivendi*-ს ნიადაგზე მასთან შეთანხმების მიღწევის ზონდაჟი, სანამ იარაღს მოჰკიდებდა ხელს.

ორივე საბჭოთა ავტორი მხოლოდ საგარეო პოლიტიკური გარემოებით ხსნის პაეღე I-ის მთავრობის თავდაპირველ ნაბიჯს— პაციფისტური სულისკვეთების შემცველ ნაბიჯს საფრანგეთის რესპუბლიკის მიმართ. ჩვენი აზრით, მათ მიერ ხაზგასმული ფაქ-

ტორები მნიშვნელოვანი და ანგარიშგასაწევი. ახალი მმართველობის მიერ 1796 წლის დასასრულისათვის აღებული კურსის საფრანგეთის მიმართ უმთავრესად სწორედ საგარეო პოლიტიკური მოტივებით იყო პირობადებული. მაგრამ საკითხის ამომწურავი განმარტება მოითხოვს მოტივების არის გაფართოებას და საგარეო პოლიტიკურ ფაქტორებთან ერთად რუსეთის შინაგანი სიტუაციისათვის ანგარიშის გაწევას¹.

ანგარიშის გასაწევ შინაგან ფაქტორებად ჩვენ მიგვაჩნია გლახთა ახალი განოსვლების რეალური საფრთხე, რუსეთის ფინანსების დაძაბვა და ფლოტისა და არმიის წესრიგში მოყვანის საკირობა. აღნიშნული სიძნელეები წინამორბედი მმართველობის მემკვიდრეობას წარმოადგენდა. ცარიზმს თავი უნდა გაერთმია მათთვის სანამ იგი საფრანგეთთან ომს დაიწყებდა.

მართალია, ეკატერინე II-მ ქმედითი რეპრესიული ზომები მიიღო თავისუფალი აზრის, რევოლუციური სულისკვეთებისა და გლახთა ახალი აჯანყებების შესაძლებლობათა წინააღმდეგ, მაგრამ ამით მან საფრთხით როდი დაიცვა არსებული სოციალური სისტემა ახალ შერყევათაგან მომავალში. ზურგის პრობლემა, ახალი პუგაჩოვების გამოჩენის რეალური საფრთხე მოსვენებას არ აძლევდა პავლეს. იგი ცოტა უფრო გვიან ხომ იძულებული იყო რეპრესიის სარდლობით ჯარის დიდი შენაერთი გაეგზავნა გლახთა აჯანყების ჩასაქრობად. როგორც ცნობილია, 1796 წლის ნოემბრიდან 1797 წლის გაზაფხულამდე რუსეთის იმპერიის ევროპული ნაწილის 32 გუბერნიას მოედო გლახთა აჯანყებების ტალღა. შინაგანი ფრონტის (ზურგის) რამდენადმე განმტკიცებამდე, გლახთა „ურჩი მასების“ მიმართ პრევენტული ზომების მიღების გარეშე რუსეთის ახალ იმპერატორს სარისკოდ მიაჩნდა იარაღით გამოსვლა მოკავშირეების დასახმარებლად და საფრანგეთის რესპუბლიკის წინააღმდეგ ბრძოლაში ჩაბმა.

ხანგრძლივი ომების შედეგად (თურქეთთან, შვეციასთან, ირანთან, პოლონეთთან) რუსეთის ფინანსები თითქმის გამოფი-

¹ ჩვენ, ამავე დროს, რასაკვირველია, ვერ გავიზიარებთ რევოლუციამდელ ისტორიოგრაფიაში, კერძოდ პავლე I-ის მეფობის აპოლოგეტთა რიგებში გავრცელებულ შეხედულებას და პავლეს ვერ მივაწერთ ქვეშევრდომებზე „მამობრივ“ ზრუნვას. ჩვენ გადაჭრით უარყოფთ მათ მტკიცებას: პავლეს სურდა ხანგრძლივი ომებით მოღლილ ქვეშევრდომებისათვის ნანატრი დასვენება, მშვიდობა და უდრტიწიველი ცხოვრება უზრუნველყო. ამიტომ იყო, რომ მან ფრანკების წინააღმდეგ დაჯყოვნებლივ ომისაგან თავი შეიკავა.

ტული იყო და გლეხობის ახალი გადასახადებით დაბეგვრის გზით შეესებას საჭიროებდა. იგივე ითქმის არმიისა და ფლოტის შესახებაც: მათაც ახალი შეესება და ნაწილობრივი რეორგანიზაცია ესაჭიროებოდათ. პაულე I, როგორც ცნობილია, ყოველგვარი პრუსიულის, კერძოდ პრუსიული სამხედრო რუტინის დიდი მათაყვანებელი იყო, რის გამოც მას განზრახვა ჰქონდა პრუსიულ ყაიდაზე გარდაექმნა რუსეთის არმია სანამ საკავშირო ვალდებულებას აღასრულებდა¹.

ამგვარად, საგარეო და შინაგანი ფაქტორების კომპლექსმა აიძულა ახალი იმპერატორი და მისი მთავრობა ძველი კურსის რევიზია მოეხდინა, საფრანგეთის რესპუბლიკის წინააღმდეგ უფრო საფუძვლიანი მზადება ჩაეტარებინა, ევროპის დამშვიდების ინიციატივისათვის ანგარიში გაეწია და საფრანგეთთან შეთანხმების შესაძლებლობის ნიადაგი მოესინჯა.

ჩვენს ხელთ არის დოკუმენტი — ს. რ. ვორონცოვის ინტიმური საუბარი ინგლისის საგარეო საქმეთა მინისტრ გრენვილთან, — რომელიც ეხება პაულე I-ის პირველ ნაბიჯებს საგარეო პოლიტიკის დარგში. რუსეთის ელჩი, აცნობებს რა ინგლისის საგარეო საქმეთა მინისტრს რუსეთის ახალი მთავრობის გადაწყვეტილებას, არ გაგზავნილიყო ჯარი საფრანგეთის წინააღმდეგ, ამ გადაწყვეტილების შემაპირობებელ გარემოებად სწორედ ქვეყნის საშინაო სიძნელეებს მიიჩნევს. ამ სიძნელეთა შორის, პირველ რიგში, მას დასახელებული აქვს ფინანსების მოშლა და არმიის რიგებში არსებული აწეწილ-დაწეწილი მდგომარეობა².

¹ აჯამებდა რა ეკატერინე II-ის მეფობას, რევოლუციამდელი რუსი ისტორიკოსი ვ. ი. კლიუჩევსკი სამართლიანად აღნიშნავდა, რომ რუსეთის იმპერია მისი მეფობის უკანასკნელ წლებში გარეგნულად, საერთო შთაბეჭდილებით, წარმოადგენდა მწყობრ და დიდებულ შენობას, ბოლო ახლო, დეტალურად გაცნობისას კი მასში გამეფებული იყო ქაოსი, არეულ-დარეულობა. კლიუჩევსკი განსაკუთრებით ხაზს უსვამს რუსეთის დიდ ფინანსურ სიძნელეებს ეკატერინე II-ის მეფობის მიწურულში. იხ. В. О. Ключевский, Курс русской истории, ч. V, М., 1937, გვ. 170.

² „В последние годы царства покойной государыни императрицы, по причине слабости ее здоровья и по доверенности, которую она к весчастию положила на некоторых особ, кои недостойны были оной и кои из властолюбия и надменного чванства присвоили себе управление всех дел во всех государственных департаментах, ни имея на то... ни достаточных естественных талантов, ни приобретенных знаний, отчего вышли небережливые казенные издержки, неустройства в армии, которая развращена была так, что полк не походил на полк, казался принадле-

ეს ცნობა მით უფრო საინტერესოა და მნიშვნელოვანი, რამდენადაც დიპლომატი ს. რ. ვორონცოვი, როგორც ცნობილია, ეკატერინე II-ის მმართველობის სისტემის, მისი საგარეო პოლიტიკის დიდი თაყვანისმცემელი იყო, პავლეს და მის საშინაო და საგარეო პოლიტიკას, პირიქით, იგი ჯერ სეკეპტიკურად, შემდეგ კი აშკარა მტრულად შეეგება. ეს ცნობა სავსებით ანართლებს ჩვენს მიერ გამოთქმულ მოსაზრებას¹.

ერთ-ერთი გარემოება, რომელმაც განსაზღვრა რუსეთის ახალი იმპერატორის პავლე I-ის გადაწყვეტილება: თავი შეეკავებინა საფრანგეთის წინააღმდეგ დაუყოვნებლივ ომისაგან და მასთან შეთანხმების ზონდაძებე აელო გეზი, იყო საფრანგეთში არსებული რეჟიმის დამხობისა და ძველი რეჟიმის აღდგენის იმედი, რუსეთის ცარიზმის მესვეურნი დარწმუნებულნი იყვნენ იმაში, რომ საფრანგეთში მოქმედი კონტრრევოლუციურ-როიალისტური ძალები სათანადო დახმარების გაწევით გარედან და ემიგრანტთა მეშვეობით დაამხობდნენ დირექტორიის ხელისუფლებას, მოსპობდნენ რევოლუციის შედეგებს და მით თავს წაკვეთდნენ ევროპის „შფოთისა და უწყესობის“ მოთავეს. თუ საფრანგეთში მოკლე დროში მოხდებოდა ასეთი ცვლილება, მაშინ იგი უშუალო გავლენას მოახდენდა რუსეთ-საფრანგეთის ურთიერთობაზე, შეცვლიდა ევროპაში არსებულ პოლიტიკურ ურთიერთობათა სისტემას და, ამდენად, ზედმეტს გახდიდა საფრანგეთის წინააღმდეგ ომს რუსეთის მხრივ.

რუსეთის მთავრობა ინგლისისა და ავსტრიის მთავრობებთან ერთად კავშირში იყო საფრანგეთში ფარულად მოქმედ როიალისტურ ჯგუფებთან და ფულადი სახსრებით, მითითებებით თუ სხვა შესაძლო საშუალებებით ეხმარებოდა მათ. ამ მიზნით პეტერბურგიდან საფრანგეთში იგზავნებოდნენ სათანადოდ მომზადებული და აღჭურვილი ემისრები ფრანგ ემიგრანტთა რიგებიდან, რომელთა კანდიდატურებს პროვანსის და არტუას გრაფები არჩევდნენ და პავლეს უდგენდნენ.

жаты другой земле и службе. Тоже было и во флоте, так что «не две части защиты государственной потеряли совсем порядок и дисциплину».

А. Трачевский, *დასახ. წერილი*, გვ. 513—514.

¹ რომ ეკატერინე II-ის მეფობის უკანასკნელ წლებში ყველაფერი რიგზე არ იყო, კრძოდ ფინანსების დარღვი, სადაც არნახული მფლანგველობა მეფობდა, ამაზე ნ. მ. კარაშინის ცნობილი თქმაც მიგვითითებს: „ეკატერინეს მეფობის დამთავრებასთან ერთად დამთავრდა ოქროს საუკუნე მძარცველებისათვის“. იხ. „Русский Архив“, გვ. 2268.

1796 წლის დასასრულისათვის პარიზში საფუძველი ჩაეყარა. მძლავრ როიალისტურ შეთქმულებას, რომელშიც აშკარა როიალისტებთან ერთად მონაწილეობას იღებდნენ რესპუბლიკური არმიის ზოგიერთი გენერალი, ღირეპტორიის წევრებიც კი. ეს შეთქმულება მრავალი ძაფით იყო დაკავშირებული ლონდონთან, პეტერბურგთან და ვენასთან. სწორედ ამ შეთქმულების წარმატების იმედი ჰქონდა პავლეს, მის შედეგებს ელოდებოდა და ამიტომ საფრანგეთის წინააღმდეგ აქტიური მოქმედებისაგან თავს იკავებდა.

პავლე I-ის მთავრობა ამ შეთქმულების გარეგანი მკვრეტელი და დამკვირვებელი როლი იყო, იგი უშუალო მონაწილეობას იღებდა მასში და ხელს უწყობდა მის წარმატებას ყველა შესაძლო საშუალებებით.

ჩვენს ხელთ არის საინტერესო დოკუმენტები, რომლებიც ნათელყოფენ პავლე I-ის აქტიურ მონაწილეობას აღნიშნულ როიალისტურ შეთქმულებაში. ეს დოკუმენტები, საერთო სათაურით: „Император Павел I, король Людовик XVIII и француз Фонтенрюп“, გამოქვეყნებულია ჟურნალ „Русская старина“-ს 1892 წლის აგვისტოს ნომერში (გვ. 395—400).

ამ დოკუმენტებიდან მეტად საინტერესოა პირველი დოკუმენტი—საფრანგეთის ტახტის მადიებლის პროვანსის გრაფის (ლუი XVIII-ის) წერილი პავლე პირველისადმი, დათარიღებული 1796 წლის 27 დეკემბრით¹. წერილით ფრანგი პრინცი რუსეთის იმპერატორის ყურადღებას მიაქცევს ფრანგ ემიგრანტ ფონბრიუნისადმი (de Foutbrune) და სთხოვს მას გამოიყენოს იგი საკიროებისამებრ, როგორც ერთგული და სანდო პიროვნება², იქვე მოტანილი მეორე საბუთიდან ცხადი ხდება, რომ რუსეთის იმპერატორმა დააკმაყოფილა საფრანგეთის ტახტის მადიებლის თხოვნა და ფონბრიუნს საგანგებო მისია დააკისრა. იგი მან აღჭურვა სარეკომენდაციო წერილებით, ინსტრუქციით და პარიზს მიავლინა. როგორც გზაში, ისე საფრანგეთში ფონბრიუნს უნდა ემოქმედა სიმოლინის მეშვეობით და ზედამხედველობით (სიმოლინი — რუსეთის ყოფილი ელჩი საფრანგეთში—მაშინ მაინის ფრანკფურტში იმყოფებოდა). ინსტრუქცია და სარეკომენდაციო წერი-

¹ წერილი დაწერილია ბრაუნშვაიგის საჰერცოგოს პატარა დაბა ბლაკენბურგში, სადაც მაშინ ემიგრანტულ ცხოვრებას ეწეოდა პროვანსის გრაფი.

² „Русская старина“, 1893, ტ. 95, წიგ. VIII, გვ. 395—396.

ლი ბეზბოროდკოს მიერ არის შედგენილი. სარეკომენდაციო წერილით სიმოლინს ევალეზოდა ყოველგვარი დახმარება აღმოეჩინა ფონბრიუნისათვის. ინსტრუქცია ფონბრიუნს ავალეზოდა მოესინჯა ნიადაგი საფრანგეთში დირექტორიის დასამზობად და ამ მიზნით ჯავშირი დაემყარებინა პრინც კონდესთან, პრინც ბურბონთან, შვეიცარიაში მყოფ ზოგ ფრანგ ემიგრანტთან და დირექტორიის ელჩ ბარტელიმისთან მისი გადაბირების მიზნით. ინსტრუქციასთან და სარეკომენდაციო წერილებთან ერთად ფონბრუნს განეზავრებისას მიუღია საიდუმლო შიფრი, ყალბი პასპორტი და 1000 ჩერვონეცი¹.

დიდი ხნის გასვლის შემდეგ, სახელდობრ 1810 წელს ფონბრიუნს წერილი მოუწერია პავლე I-ის ქვრივის, დედოფალ მარიამ თედორეს ასულისათვის. ამ წერილში, რომელიც წარმოადგენს თხოვნას დაპირებული გასამრჯელოს შესახებ, მოკლედ მოთხრობილია ფონბრიუნის მოგზაურობა და საქმიანობა დაკისრებულ მისიასთან დაკავშირებით. წერილიდან ჩანს, რომ მას აქტიურად უმოქმედია. შვეიცარიასა და პარიზშიაც ყოფილა, იქიდან იტალიაში დაბრუნებულა².

მოტანილი ცნობები ნათელს ჰყენს მეფის რუსეთის მთავრობის საქმიანობის მხოლოდ ერთ ეპიზოდს. ცხადია ეს ცდა არ იქნებოდა პირველი და უკანასკნელი. პეტერბურგსა და პარიზს შორის, ალბათ, სხვა „ფონბრიუნებიც“ მოგზაურობდნენ და ეწეოდნენ სათანადო საქმიანობას შეთქმულ ფრანგ როიალისტებთან კავშირში. ასეთი საქმიანობა იმ პოლიტიკის განუყრელი ნაწილი იყო, რომელსაც რუსეთის ცარიზში საფრანგეთის რევოლუციის გავლენის წინააღმდეგ, თვით ბურჟუაზიულ საფრანგეთის წინააღმდეგ ანხორციელებდა.

ასე გვესახება ჩვენ მოკლედ ის მოტივები, რომლებმაც აიძულა პავლე I ნაწილობრივი კორექტივი შეეტანა ეკატერინე II-ის მეფობის უკანასკნელ წლებში საფრანგეთის მიმართ გამომუშავებულ პოლიტიკურ კურსში, დროებით ხელი აეღო ამ ქვეყნის მიმართ დაუყოვნებლივ ომის განზრახვაზე და მასთან სადავო საკითხების მოსაგვარებლად მშვიდობიანი მეთოდები მოესინჯა.

¹ „Русская старина“, 1893 г., т. 95, № 8, VIII, стр. 396—397.

² იქვე, გვ. 398—400.

თ ა ვ ი V

რუსეთ-საშრანგეთის ურთიერთობა მეორე ანტიშრანგული ქოალიციის შექმნის წინ (1797 წელს)

1. რუსეთ-საშრანგეთის ურთიერთობის გაუმჯობესების თანდონცია, მოლაპარაკება ბერლინში

საფრანგეთის რესპუბლიკის აღმასრულებელი დირექტორია, როგორც უკვე აღენიშნავდით, ყველაფერს აკეთებდა, რათა თავიდან აეცილებინა რუსეთთან მოსალოდნელი ომი და საერთო ენა გამოენახა მასთან. დირექტორიას განზრახვა ჰქონდა მოლაპარაკების გზით მიეღწია ამ სახელმწიფოსთან შეთანხმებისათვის ევროპის დამშვიდებისა და ომამდელი ურთიერთობის აღდგენის თაობაზე და ამით გზა გაეწმინდა დასახული ძირითადი საგარეო პოლიტიკური ამოცანის გადასაწყვეტად. დირექტორიის მთავრობის პოლიტიკური კურსი და მისწრაფება დაემთხვა პავლე I-ის მთავრობის ზემოთ აღნიშნულ საგარეო პოლიტიკურ ნაბიჯებს — მოლაპარაკების გზით საფრანგეთთან შეთანხმების ცდას, — რამაც ხელი შეუწყო საფრანგეთის რესპუბლიკის დიპლომატიური ნაბიჯების თავდაპირველ წარმატებას „რუსეთის საკითხში“ და შექმნა პირობები დროებითი მობრუნებისათვის მათ ურთიერთობაში. ამისი კონკრეტული გამოხატულება იყო პრუსიის მთავრობის მეშვეობით წარმოებული ბერლინის არაოფიციალური მოლაპარაკება.

ჩვენს ხელთ არსებული მასალები ცხადყოფენ, რომ დირექტორიის მთავრობამ ამ მიმართულებით სათანადო დიპლომატიური ნაბიჯები გადადგა ჯერ კიდევ 1796 წლის დეკემბერში. პავლე I-ის გამეფებიდან რამდენიმე კვირის შემდეგ, ამ ნაბიჯების ამოცანა იყო ცნობების შეგროვება რუსეთის ახალი ხელისუფლების

ხასიათისა და მისი განზრახვის შესახებ საგარეო პოლიტიკის დარგში, კერძოდ კი საფრანგეთის მიმართ. დირექტორიის მთავრობამ, ამასთან ერთად, საჭიროდ ცნო ნიადაგი მოესინჯა რუსეთთან არაოფიციალური ურთიერთობის გასაბმელად და ამ გზით მისთვის საფრანგეთის სამშვიდობო განზრახვის გასაცნობად. ის მრავალრიცხოვანი მასალა, რომელიც საფრანგეთის საგარეო საქმეთა სამინისტროს არქივის შესატყვის საქმეებშია დაცული, შუქს ჰყენს საფრანგეთის მთავრობის მიერ აღნიშნული მიმართულებით გადადგმული ნაბიჯების სერიოზულობას.

რუსეთის სამეფო ტახტზე მომხდარი ცვლილებების გამო დირექტორიის ხელისუფლებამ დაუყოვნებლივ მითითება მისცა თავის ელჩებს და დიპლომატიურ აგენტებს—აკრედიტებულთ ევროპის ნეიტრალურ სახელმწიფოებში — შეეგროვებინათ ცნობები პეტერბურგის ახალი მთავრობის ხასიათისა და განზრახვათა შესახებ. ფრანგმა დიპლომატებმა ენერგიულად მოჰკიდეს ხელი დაქისრებული დავალების შესრულებას. 1797 წლის დასაწყისისათვის საფრანგეთის საგარეო საქმეთა სამინისტროში უკვე თავმოყრილი იყო ათეული წერილობითი მოხსენება, რომელთაც საფრანგეთის მთავრობა შეჰყავდათ რუსეთში არსებული ვითარების კურსში.

ერთ-ერთი ასეთი, ჩვენს განკარგულებაში არსებული, მოხსენებითი ბარათი ეკუთვნის პრუსიის მთავრობასთან მყოფ საფრანგეთის დიპლომატიურ წარმომადგენელს, ნიჟიერ დიპლომატ კაიარს (Caillard)¹. მოხსენებითი ბარათი დაწერილია 1797 წლის 27 დეკემბერს. კაიარი, არაპირდაპირი გზით შეგროვილი ცნობების საფუძველზე, აღწერს რა იმ ვითარებას, რომელიც შეიქმნა პეტერბურგში პავლეს გამეფების შემდეგ, პავლეს პირველ ნაბიჯებს საშინაო და საგარეო პოლიტიკის დარგებში, თავის მთავრობას აუწყებს: პავლემ გააუქმა სუბსიდიის შესახებ ინგლისთან შემუშავებული ხელშეკრულების პროექტი; მან უარი განაცხადა საფრანგეთის საწინააღმდეგო კოალიციის რიგებში

¹ კაიარის დიპლომატიური საქმიანობის შესახებ საკმაო ლიტერატურა არსებობს. ვრცელი ბიოგრაფიული ცნობები მის შესახებ მოთავსებულია ფრანგულ ბიოგრაფიულ ლექსიკონებში: „Biographie Nouvelle des Contemporains“, t. 4, Paris, 1827. გვ. 27—28; „Nouvelle Biographie générale“. t. VII, Paris, 1854, გვ. 107—109; იხ. აგრეთვე G. Grosjean, დასახ. ნაშრ., გვ. 19—20; Bailleu, Prussen und Frankreich von 1795 bis 1807. t. I, გვ. XXVIII.

შესვლაზე და დაუყოვნებლივ შეუწყვეტს იმ სუბსიდიას პრინცი კონდეს ემიგრანტულ არმიას, რომელსაც ეკატერინე II აძლევდა მას უკანასკნელ თვეებში¹.

ღირექტორიის მთავრობამ რუსეთში არსებული მდგომარეობისა და ახალი სამეთუო ხელისუფლების განზრახვათა შესახებ ცნობების შეგროვების შემდეგ, მორიგი ნაბიჯი გადადგა; საგარეო საქმეთა სამინისტროს დაავალა მრავალ პროექტთა შორის, რომელნიც რუსეთთან ურთიერთობის ნორმალიზაციის გზებს და ხერხებს შეეხებოდნენ და სამინისტროში იყო თავმოყრილი, შეერჩია¹ უკეთესი და მისთვის წარედგინა².

¹ А. Трачевский, დასახ. წერილი. ჟურნ. „Вестник Европы“, 1855, № 6, გვ. 520; Сб. РИО, ტ. 70, გვ. 633; აქვე უნდა აღვნიშნოთ, რომ ზოგიერთი ცნობა რუსეთის ახალი მმართველობის შესახებ ღირექტორიას მოსდიოდა იტალიიდან. რუსეთის გებულო ელჩის ლიხაჩევიჩის დეპეშები, რელაციები და წერილები, რომელთაც იგი დიპლუმატიების მეშვეობით დროგამოშვებით პეტერბურგში აგზავნიდა, ხელში უვარდებოდა ნაპოლეონის სარდლობით იტალიაში მომკმედი საფრანგეთის არმიის გენერლებს. ამ მასალებში, რომლებიც „დამუშავების“ შემდეგ პარიზში იგზავნებოდა, იყო ცნობები რუსეთის ამბების, კერძოდ პავლე I-ის მთავრობის საგარეო პოლიტიკურ განზრახულობათა შესახებ; იხ. Сб. РИО, ტ. 70, გვ. 633, მე-3 შენიშვნა.

² ერთ-ერთი ასეთი პროექტის ავტორი იყო გუტენი (Gutten), რომელიც რევოლუციამდე რუსეთში იყო ნამყოფი და ოსუეთის კარგ მკოდნედ თვლიდა თავს. იგი საფრანგეთის მთავრობას ათა მარტო უმტკიცებდა რუსეთთან დაახლოების სასურველობას, არამედ მიუთითებდა მას ამ დაახლოების გზაზეც. რჩევას იძლეოდა: რუსეთს თურქეთი შეეთავაზოთ და მის ნაცვლად პოლონეთის სახელმწიფოს აღდგენა მოეთხოვოთ.

მსგავს ახრს ავითარებდნენ დიპლომატიური დარგის მუშაკები ტატო დარფლიანი, სულავი და დარნილი, მხოლოდ იმ განსხვავებით, რომ ისინი წინადადებდას იძლეოდნენ რუსეთთან ურთიერთობის გასამშელად გამოეყენებინათ პრუსია და მისთვის მიემართათ მომრიგებელ-შუამავლის როლის შესასრულებლად. ასეთ წინადადებდას ისინი იმით ასაბუთებდნენ, რომ რუსეთის ახალი იმპერატორი პრუსოფილია და პრუსიისადმი დიდი სიმპათიით არისო განწყობილი. იხ. Сб. РИО, ტ. 70, გვ. 634.

ორი მოხსენებითი ბარათი ამ საკითხზე ეკუთვნოდა ლუი ფლასანს, შემდგომში საფრანგეთის დიპლომატიის ისტორიკოსს. ამ ბარათების სახელწოდებაა: „შეხედულება პეტერბურგის ახალი კაბინეტის შესახებ და საფრანგეთის და რუსეთის ურთიერთ დაახლოების საშუალება“ (Coup d'oeil sur le nouveau cabinet de Pétersbourg და Moyen de rapprochement de la France et de la Russie). ავტორი არ აკეთებს გარკვეულ დასკვნას რუსეთის ახალი მმართველობის საგარეო პოლიტიკის მიმართულების შესახებ, ვინაიდან იგი მას მიაჩნია არათანამიმდევრულად („Elles se balancent mutuellement et semblent pres-

საფრანგეთის რესპუბლიკის საგარეო საქმეთა მინისტრმა დელაკრუამ 1796 წლის 19 დეკემბრის თარიღით მითითება გაუგზავნა საფრანგეთის ბერლინელ ელჩს კაიარს, მოლაპარაკებოდა პრუსიის მინისტრ ჰაუგვიცს (რომელიც არსებითად პირველი მინისტრის მოვალეობას ასრულებდა და საგარეო ურთიერთობის დარგს წარმართავდა) რუსეთთან დაახლოების თაობაზე. მას უნდა გაეცნო პრუსიის მინისტრისათვის საფრანგეთის მთავრობის სურვილი: ზოლო მოღებოდა რუსეთსა და საფრანგეთს შორის იმგანად არსებულ ურთიერთობას („...cet état de guerre...“) და პრუსიის მთავრობისათვის უნდა შეეთავაზებინა მომრიგებელ-შუამავლის როლი ამ ორ ქვეყანას შორის ნორმალური ურთიერთობის აღდგენის საქმეში. პირადად ჰაუგვიცს უნდა მოეწყო კაიარის შეხვედრა რუსეთის ბერლინელ ელჩ კოლიჩევთან და მოემზადებინა ნიადაგი მათ შორის მოლაპარაკებისათვის¹.

საფრანგეთის მთავრობამ კაიარს დაავალა აგრეთვე იმავე პრუსიის მთავრობის მეშვეობით კავშირი გაება რუსეთის დიპლომატიურ წარმომადგენლებთან ჰამბურგსა და კოპენჰაგენში და მათთვისაც გაეცნო საფრანგეთის რესპუბლიკის მთავრობის სურვილი მიეღწია რუსეთთან ურთიერთობის ნორმალიზაციისათვის.

que contradicter les unes par les autres...“). ფლასანი სხვა პროექტების ავტორებთან ერთად დირექტორიის ყურადღებას მიაქცევს პრუსიისა და რუსეთის მეგობრობის ფაქტს და მას ჟღავნობს რუსეთ-საფრანგეთის დაახლოების პერსპექტივას. იმედს გამოთქვამს რა პეტერბურგთან საერთო ენის გამონახვის შესაძლებლობისას, იგი ურჩევს დირექტორიას კაიარის მეშვეობით მოსინჯოს ნიადაგი პეტერბურგში (პრუსიის ელჩის დახმარებით) საფრანგეთის რესპუბლიკის მიმართ რუსეთის ქვემარტივი განზრახვის შესახებ. იხ. А. Трачевский, დასახ. წერილი, ეურნ. „Вестник Европы“, 1885, № 6, გვ. 520—522.

¹ იქვე, G. Grosjean, დასახ. ნაშრ., გვ. 20—21. დასახელებული ფრანგი ისტორიკოსი გროჯანი და სორელი, რუსი ისტორიკოსები ტატიშჩევი და ტრაჩევსკი, ვმყარებიან რა მოტანილ დოკუმენტს, ხაზგასმით აღნიშნავენ დირექტორიის ენერგიულ ცდას როგორმე დაკავშირებოდა რუსეთს და გაემართა მასთან მოლაპარაკება ხავის დადებისა და მათ შორის ომამდელი ურთიერთობის აღდგენის შესახებ. მაგრამ ისინი ფაქტის უბრალო აღნუსხვით კმაყოფილდებიან, საჭიროდ არ მიიჩნევენ საფუძვლიანად გამოიკვლიონ ამ დიპლომატიური ფაქტის შემაპირობებელი ფაქტორები. ჩვენ მათ შრომებში ვერ ვპოულობთ იმ ვითარების ანალიზს, რომელმაც ერთგვარი ხელსაყრელი პირობები შექმნა რუსეთ-საფრანგეთს შორის არსებული არანორმალური ურთიერთობის შესასუსტებლად. А. Сопель, Европа и французская революция, ტ. 5, გვ. 133; Tatistcheff, Paul et Bonaparte, ეურნ. „La Nouvelle Revue“, 1887, ტ. 47, დასახ. წერილი, წიგნი 3—4, 15 აგვ. გვ. 650.

დირექტორიის ხელისუფლება ამითაც არ დაკმაყოფილდა. მან საჭიროდ მიიჩნია სხვა საშუალებაც გამოენახა პეტერბურგთან კავშირის გასაბმელად და მასთან დიპლომატიური „არხის“ მეშვეობით ურთიერთობის დასამყარებლად¹.

საფრანგეთის მთავრობამ მიმართა პარიზში მცხოვრებ ვიურტემბერგის სამთავროს ქვეშევრდომებს ნორმანს და მის ამხანაგებს და სთხოვა მათ გაეგოთ პეტერბურგის სამეფო კარის განწყობილება საფრანგეთის რესპუბლიკის მიმართ.

ნორმანმა და მისმა ამხანაგებმა იკისრეს ამ მისიის შესრულება და მალე საფრანგეთის საგარეო საქმეთა სამინისტროს წარუდგინეს თავიანთი მოსაზრება (პროექტი) აღნიშნულის შესახებ. პროექტი ითვალისწინებდა საფრანგეთსა და რუსეთს შორის ძველი ურთიერთობის აღდგენას ვიურტემბერგის ჰერცოგის მეშვეობით. ავტორები შესაძლებლად ცნობდნენ რუსეთის ახალი იმპერატორის გულს მოგებას და მის განწყობას საფრანგეთთან მეგობრული ურთიერთობის აღდგენის სასარგებლოდ. ამ მხრივ ისინი დიდ იმედებს ამყარებდნენ ვიურტემბერგის ჰერცოგზე, რადგან იგი ინტიმურ ურთიერთობაში იმყოფებოდა რუსეთის ახალ იმპერატორთან. დირექტორიას, პროექტის ავტორთა რჩევით, ჰერცოგისათვის უნდა ეთხოვათ მომრიგებლის ფუნქციის შესრულება, რაზედაც, მათი აზრით, ეს უკანასკნელი დიდი ხალისით დასთანხმდებოდა².

ზემო აღნიშნულთან ერთად დირექტორიის მთავრობამ დაავალა თავის დიპლომატიურ წარმომადგენლებს თურქეთში, დანიასა და სხვა ადგილებში ესპანეთის ელჩის მეშვეობით ნიადავი მოესინჯათ რუსეთის წარმომადგენლებთან მოლაპარაკების კასამართაყად განზრახულის თაობაზე³.

¹ R. Guyot, დასახ. ნაშრომი, გვ. 323—324.

² Сб. РИО, ტ. 70, გვ. 635; А. Трачевский, დასახ. წერილი, გვ. 523—524.

³ რუსეთის ელჩი თურქეთში თავადი კოჩუბეი 1797 წლის 13/24 მაისს წერილით ს. რ. ვორონცოვისადმი აცნობებდა მას: საფრანგეთის წარმომადგენელმა თურქეთის მთავრობასთან ესპანეთის საქმეთა რწმუნებულის მეშვეობით 13 მაისს (1797 წ.) კონფიდენციალურად აცნობა მას (კოჩუბეის) საფრანგეთის დირექტორიის განზრახვა — დაახლოვებოდა რუსეთს და ითხოვდა ამ საქმეში მის ზღმეწყობას. კოჩუბეიმ საფრანგეთის წარმომადგენელთან შეხვედრაზე უარი განაცხადა, ესპანეთის საქმეთა რწმუნებულის წარდგენა კი ხუმრობად მიიჩნია. „Архив князя Воронцова“, ტ. 14, М., 1879, გვ. 81—82.

ფრანგი ისტორიკოსის გიოს მიერ მოტანილი ცნობებიდან ჩანს, რომ დირექტორიას ერთდროულად გადაუდგამს ნაბიჯები პარიზსა და ბერლინში, რათა პრუსიის მთავრობისათვის კეთილი სამსახურის მისიის შესრულება ეთხოვა. პარიზში მის წარმომადგენლებს მოლაპარაკება ჰქონიათ პრუსიის ელჩთან საფრანგეთში სანდოზთან (Sanduz)¹. რომ პეტერბურგთან დაახლოების საქმე გაადვილებულიყო, დირექტორიამ საიდუმლო აგენტის გაგზავნაც კი განიზრახა პეტერბურგში, რომელსაც ადგილზე უნდა შეესწავლა მდგომარეობა, თანაც ეცნობებინა პეტერბურგის მთავრობისათვის საფრანგეთის რესპუბლიკის რუსეთისადმი კეთილგანწყობილება².

1797 წლის დასაწყისისათვის, როდესაც საფრანგეთის რესპუბლიკის დიპლომატიურ ნაბიჯებს, გადადგმულს რუსეთთან საერთო ენის გამოსანახავად, არც პარიზსა და ბერლინში და არც სხვა ქალაქებში ჯერ კიდევ არავითარი პრაქტიკული შედეგი არ მოჰყოლია, დირექტორიის განკარგულებაში აღმოჩნდა მოხსენებითი ბარათი, რომელიც სახავედა რუსეთთან დაახლოების უკეთეს გზებს და სათანადო რჩევა-დარიგებას აძლევდა დირექტორიას.

ამ ბარათის ავტორი იყო თვით საგარეო საქმეთა მინისტრი დელაკრუა³.

¹ R. Guyot, დასახ. ნაშრომი, გვ. 323—324.

² თავისი შრომის 324-ე გვერდზე (შენიშვნაში) გიო, ემყარება რა სარწმუნო წყაროებს, წერს, რომ საფრანგეთის მთავრობის სანქციით საფრანგეთის წარმომადგენელმა ჰამბურგში რეინჰარდმა (Reinhard) თავისი მდივანი კერნერი (Kerner) გაგზავნა საიდუმლო მისიით პეტერბურგში. მაგრამ კერნერს დაკისრებული მოვალეობა არ შეუსრულებია, ვინაიდან იგი სახლვართან დააკავეს და უკან დააბრუნეს. ამის შემდეგ იმავე გზით მეორე აგენტი მენგო ყოფილა გაგზავნილი, მაგრამ მისი მისიაც ასეთივე წარუმატებლობით დამთავრებულა. პავლეს გულის მოსაგებად დირექტორიის მთავრობამ აკრძალა იმ საიდუმლო მასალის გამოქვეყნება, რომელიც ეკატერინე II-ის მორალურ მხარეს, პეტრე III-ის და მათ შორის ურთიერთობას ეხებოდა და რომელშიც აღნიშნული იყო, რომ პეტრე III პავლე I-ის მამა აო ყოფილა. იქვე, გვ. 324.

1797 წლის დასაწყისისათვის, მიუხედავად აღნიშნული დიპლომატიური ფაციფუსისა, დირექტორიის ინიციატივას არავითარი გარკვეული წარმატებითი შედეგი არ მოჰყოლია, ყინული არ გამდნარა და რუსეთ-საფრანგეთის ურთიერთობაში რაიმე არსებითი ცვლილება არ მომხდარა. ჯალიშვევკის ტიპის ისტორიკოსები ამას უმეტესად რუსეთის დიპლომატიური წარმომადგენლების გალოფობური სულისკვეთებით ხსნიან. იხ. K. В. А. И. Ш. Е. В. С. К. И. И., დასახ. ნაშრ., გვ. 304.

³ მისი სრული სახელწოდება იყო: „Considérations générales sur cette question: est-il temps de faire passer un agent en Russie, et comment?...“

აღნიშნული ვრცელი მოხსენებითი ბარათი — „ზოგადი მოსაზრებები“ — არსებითად წარმოადგენს იმ ძველ და ახალ მოსაზრებათა და პროექტთა განზოგადებას, რომლებიც ამ დროისათვის საკმაო რაოდენობით დაგროვდა საფრანგეთის საგარეო საქმეთა სამინისტროში. იგი სერიოზული შრომის ნაყოფი იყო. მასში ავტორს მიზნად დაუსახავს პასუხი გაეცა საკითხთა კომპლექსისათვის. ასეთი საკითხებია: ეკატერინე II-ის მეფობის მეორე ნახევრის რუსეთის დიპლომატიის ხასიათი და მიმართულება, პავლე I-ის გამეფების შედეგად მომხდარი ცვლილებები ამ დარგში და რუსეთ-საფრანგეთის ურთიერთობის აღდგენის პერსპექტივები მომავალში.

„ზოგადი მოსაზრებები“ ორი ნაწილისაგან შედგება. მის პირველ ნაწილში ავტორი რუსეთ-საფრანგეთის ურთიერთობის პერსპექტივის შუქზე აფასებს ეკატერინე II-ის საგარეო პოლიტიკას და საკმაოდ ვრცლად აშუქებს მის კონკრეტულ ფორმებს და ნიუანსებს. ვრცელ ექსკურსს ეკატერინე II-ის მეფობის მეორე ნახევრის პერიოდის რუსეთის საგარეო პოლიტიკისა და დიპლომატიის სფეროში ავტორი იმიტომ მიმართავს, რომ დაასკენას: რუსები ჩვენი მტრები არ ყოფილანო („Les russes n'étaient donc pas nos ennemis“) ¹.

ბარათის მეორე ნაწილში დელაკრუა სხვადასხვა ცნობებზე დაყრდნობით იძლევა რუსეთის ახალი მმართველობის საერთო დახასიათებას. იგი აფასებს პირადად პავლე I-ს, მის საშინაო და საგარეო პოლიტიკას, მის დამოკიდებულებას ეკატერინე II-ის პოლიტიკისადმი და ა. შ. აღარებს რა ერთმანეთს ეკატერინე II-ისა და პავლე I-ის პოლიტიკას, ავტორი ხედავს განსხვავებას მათ შორის. კერძოდ, ის ხედავს ახალი ორიენტაციის ნიშნებს რუსეთის საგარეო პოლიტიკაში. ხაზს უსვამს რა ბეზბოროდკოს დიდ გავლენას, საგარეო პოლიტიკის მიმართულებაზე, ავტორი მას მიაწერს ინგლისის საწინააღმდეგო განწყობილების გაღვივებას.

„ზოგადი მოსაზრებების“ ავტორი საჭიროდ მიიჩნევს გადაიდგას პრაქტიკული ნაბიჯი რუსეთ-საფრანგეთის დასახლოებლად. განიხილავს რა ამ დაახლოების მისაღწევად სხვადასხვა ხერხებს, რომელნიც მის განკარგულებაში არსებული პროექტების ავტორებს ეკუთვნით (სავაჭრო ურთიერთობის განახლება ჰოლან-

¹ Сб. РХО, т. 70, вв. 636.

დიასა და რუსეთს შორის, შვეციის გამოყენება მომრიგებელ-
შუამავლად, რუსეთის დედოფლის გულის მოგება, მადრიდის
სასახლის გამოყენება და სხვ.), პირადად დელაკრუა საჭიროდ
თვლის პეტერბურგში მოგზაურის, ვაჭრის და სწავლულის სახით
რუსეთის კარგი მცოდნე, გამოცდილი და ღინჯი აგენტის გაგ-
ზავნას. მისი აზრით, ეს აგენტი პეტერბურგში დარწმუნდება
ფრანგებისადმი რუსთა კეთილგანწყობილებაში. მხოლოდ ამის
შემდეგ მიიჩნია მას საჭიროდ რაიმე სახის მოლაპარაკების დაწ-
ყება რუსეთთან რომელიმე სახელმწიფოს მეშვეობით¹.

„ზოგადი მოსაზრებები“, ისევე როგორც დელაკრუას მიერ
მასალად გამოყენებული პროექტები და მოსაზრებები, მემკვიდრე-
ობით მიიღო საფრანგეთის საგარეო საქმეთა ახალმა მინისტრმა,
ადრეული ბურჟუაზიული ეპოქის გამოჩენილმა დიპლომატმა ტა-
ლეირანმა (ოტენის ეპარქიის ყოფილმა ეპისკოპოსმა, შემდეგში
თავადმა შარლ მორის ტალეირან-პერიგორმა)². მან კიდევ უფრო
ენერგიულად და მეტი უნარით, ვიდრე წინამორბედმა, განაგრძო
აღებული კურსი და გააძლიერა ღონისძიებანი რუსეთთან საერთო
ენის გამოსახახავად. სხვადასხვა ვარიანტებიდან და პროექტები-
დან, რომლებიც რუსეთთან დაახლოების საკითხს ეხებოდა, მან
უპირატესობა იმ პროექტს მიანიჭა, რომელიც რუსეთთან დაახ-
ლოების საქმეში დიდ როლს პრუსიის მთავრობის მომრიგებელ
მისიას ანიჭებდა. ამ პროექტის შესატყვისად, როგორც უკვე
აღნიშნული იყო, გადადგმული იყო პრაქტიკული ნაბიჯები. ტა-
ლეირანმა ახალი მითითება გაუგზავნა კაიარს და მოითხოვა მისგან
მეტი გაბედულებით მოქმედება და პრუსიის მთავრობის დათან-
ხმება შეთავაზებულ მისიაზე.

¹ Сб. РИО, т. 70, гв. 635—638.

² ადრეული ბურჟუაზიული ეპოქის ცნობილი დიპლომატის ტალეირანის
შესახებ ვრცელი ლიტერატურა არსებობს. შრომის მიზანდასახულობა და ჩარ-
ხობები საშუალებას არ გვაძლევს მოვიტანოთ ეს ლიტერატურა ანდა ვრცლად
დავახასიათოთ ტალეირანის დიპლომატიური საქმიანობა, რომელიც უმთავრე-
სად კონსულოების და იმპერიის პერიოდს ეკუთვნის. საბჭოთა ისტორიოგრაფი-
აში ტალეირანის საქმიანობა ყველაზე ვრცლად გააშუქა აკად. ტარლემ თავის
შრომაში: „Талейран“, М.—Л., 1948, აი როგორ შეფასებას აძლევს აკად.
ტარლემ ტალეირანს:

...18 июля 1797, получив официальную бумагу о своем назначе-
нии, князь Талейран совершенно ошомнелся и взял себя в руки. Перед
служащими Министерства иностранных дел, перед посетителями, перед
дипломатическим корпусом стоял... спокойный и чуть-чуть надменный.

ჩვენს ხელთ არსებული მასალები ნათელჰყოფს საფრანგეთის დიპლომატიური წარმომადგენლის კაიარის დაუზარელ საქმიანობას პარიზიდან მიღებული დავალების შესასრულებლად. მან, პირველ ყოვლისა, ჰაუგვიცს გადასცა მიმართვა. ამ მიმართვით პრუსიას უნდა დაეკმაყოფილებინა დირექტორიის სურვილი, ეკისრა კეთილი სამსახურის მისია და ეცნობებინა თავისი პეტერბურგელი ელჩის მეშვეობით პეტერბურგის მთავრობისათვის საფრანგეთის მთავრობის განზრახვა აღედგინა რუსეთთან ომამდელი ურთიერთობა¹. მანვე შეადგინა და გადასცა ჰაუგვიცს იმ ნოტის ტექსტი, რომელიც საფრანგეთის მთავრობის სახელით პეტერბურგის მთავრობისათვის უნდა გადაეგზავნათ. ჰაუგვიცმა აღუთქვა კაიარს, რომ პრუსიის მთავრობა იკისრებდა შეთავაზებულ მისიას და პეტერბურგის მთავრობას გადასცემდა საფრანგეთის მთავრობის ნოტას². დასასრულ, კაიარმა ჯერ კიდევ ტალეირანის მინისტრობამდე სცადა უშუალო კავშირი გაეხსნა რუსეთის ბერლინელ წარმომადგენელ ს. კოლიჩევთან. მაგრამ ამ ცდიდან არაფერი გამოვიდა. კოლიჩევმა ახლოსაც კი არ გაიკარა საფრანგეთის ელჩი³.

вельможы, бесстрашный государственный деятель, законный представитель победоносной великой державы. съезжей Европу, полномочный представитель великой французской революции... человек, спокойно и глубоко убежденный в своей непорочной чистоте и в том, что если какие-нибудь завистники и клеветают на него, то это не может осквернить его нравственную красоту“. Е. В. Тарле. Талейран, М.—Л., 1948, გვ. 59. ხუთი დირექტორიდან სამი დირექტორი მას უწოდებდა მექრთამეს, მეოთხე მას თვლიდა ქურდად და მექრთამედ, მეხუთე კი (რებელი) — უცხოეთის აგენტად, ქურდად და მექრთამედ. ბუასი დანგლა მას უწოდებდა უსინდისო, უსულგულო, უხნეო, ზიზლის გრძნობის გამომწვევე ადამიანს. იქვე, გვ. 55.

¹ „...rétablir la paix et les liaisons d'amitié qui existaient avant la guerre entre la France et la Russie...“ G. Grosjean, დასახ. ნაშრ., გვ. 32.

² ნოტა დათარიღებულია 1797 წლის 25 თებერვლით (ე. ი. დელაკრუას მინისტრობის პერიოდში). იქვე, გვ. 32—33.

³ ს. კოლიჩევმა, რომელიც ფრანგოფობ რუს არისტოკრატთა წრეს ეკუთვნოდა და საფრანგეთთან დაახლოების კუთხის აშკარა მოწინააღმდეგე იყო, ფორმალურ საბაზად ის გამოიყენა, რომ დიპლომატიური პრაქტიკის ისტორიას არ ახსოვს იმ დიპლომატთა შორის ურთიერთობა, რომელთა მთავრობები ურთიერთშორის დიპლომატიურ ურთიერთობაში არ იმყოფებიან. კოლიჩევის ცხოვრებისა და დიპლომატიური საქმიანობის შესახებ ვოცლაძე (თუმცა სუბიექტური ელფერით და მისდამი სიმპათიით გაქლენილი) იხილეთ: „Боярский род Кошачевых“. Состав. Б. М. Л. Б. К. (Бохе-Колычев), М.—Л., 1886.

პრუსიის მთავრობამ მართლაც შეასრულა დავალება. მან აღნიშნულ ნოტა გადაუგზავნა თავის დესპანს რუსეთში ბრიულს და დაავალა მას გადაეცა იგი საგარეო საქმეთა კოლეგიისათვის. ბრიულმა იგი პირადად ოსტერმანს გადასცა¹.

„ჩვენი საქმეები პეტერბურგში არ მიდის ისე, როგორც სასურველია, — წერდა კაიარი ბერლინიდან თავის მთავრობას, — თუმცა არც უიმედოა. არ შეიძლება ითქვას, რომ ბერლინის სანეფო კარი არ გვიწევდეს კარგ სამსახურს რუსეთის იმპერატორთან“. კაიარის სიტყვით ბერლინის მთავრობამ ენერგია არ დაიშურა იმისათვის, რომ საფრანგეთის მთავრობის დავალება შეესრულებინა².

მიუხედავად ერთგვარი პესიმიზმისა, რომელიც კაიარის მოტანილ წერილში გამოსჭვივის, 1797 წლის შუალედისათვის პარიზის მთავრობის ნაბიჯები და პრუსიის მთავრობის კეთილი სამსახურის მისია მაინც თავისას აკეთებს, ყინული დნება და ისახება ნაწილობრივი შემობრუნება რუსეთის ცარიზმის პოლიტიკაში საფრანგეთის მიმართ. საფრანგეთის მთავრობამ პრუსიის მეშვეობით მიიღო ცნობა იმის შესახებ, რომ რუსეთის იმპერატორი გამოეხმაურა ბერლინის მთავრობის წარდგენას და გულისხმიერად მოეკიდა წინადადებას ევროპის დამშვიდების შესახებ.

1797 წლის 3 ივნისს პრუსიის მეფემ ფრიდრიხ-ვილჰელმ II-მ (პირმონტიდან, სადაც მაშინ წყლებზე სამკურნალოდ იყო ჩასული) თავისი პარიზელი ელჩის სანდოზის მეშვეობით აცნობა დირექტორიის მთავრობას რუსეთის მთავრობის პასუხი კაიარის ნოტაზე. სათანადო განცხადება პავლე I-ის სახელით პეტერბურგში გააკეთა ვიცე-კანცლერმა ა. ბეზბოროდკომ, რომელსაც ამის თაობაზე საუბარი ჰქონდა ბერლინის წარმომადგენელ ბრიულსთან.

პრუსიის მეფის ამ ახსნა-განმარტებით ნოტაში აღნიშნული იყო, რომ რუსეთის იმპერატორი მზად არის მოუსმინოს იმ წინადადებებს, რომლებიც კაიარს დავალებული აქვს გადასცეს მას.

¹ А. Трачевский, დასახ. წერილი, დასახ. ჟურნ., გვ. 533; ვალი-შევსკის აზრით, პრუსიის მთავრობის ზემოქმედების შემდეგ, პეტერბურგში ამ დროისათვის უკვე გადაიდგა საფრანგეთთან დაკვიშული ურთიერთობის შემარბილებელი ნაბიჯები. კერძოდ მას მხედველობაში აქვს ფრანგულ ლეიონზე და სხვა ფრანგულ საქონელზე რუსეთში დაწესებული აკრძალვის გაუქმება. იხ. К. Валишевский, დასახ. ნაშრ., გვ. 305.

² А. Трачевский, დასახ. წერილი, დასახ. ჟურნ., გვ. 534.

რგი სიამოვნებით დათანხმდა ყველაფერზე, რასაც შეუძლია აღადგინოს კეთილსასურველი ურთიერთობა რუსეთსა და საფრანგეთს შორის... მას სურს ხელი შეუწყოს მეომარ მხარეთა დაახლოებას და მშვიდობიანობის აღდგენას. დასასრულ, იქ აღნიშნული იყო, რომ რუსეთის იმპერატორი მზადაა პრუსიის მეფესთან ერთად არბიტრის როლში გამოვიდეს („en qualité médiateur“), თუ დაინტერესებული მხარეები გამოთქვამენ სათანადო სურვილს და მიიწვევენ მათ¹.

პრუსიის მეფე არ დაკმაყოფილდა აღნიშნული ნაბიჯით. მან თავისი პეტერბურგელი წარმომადგენლის მეშვეობით რუსეთის საგარეო საქმეთა კოლეგიისაგან მიიღო უფრო მკაფიო და ვრცელი პასუხი საფრანგეთის წინადადებებზე, ისიც წერილობითი სახით. ბრიულმა შეასრულა ეს დავალება. მან ა. ბეზბოროდკოსაგან მიიღო ზემოაღნიშნული დადასტურება და განმარტება „სიტყვიერი ნოტის“ სახით („Note verbale“), რომელიც წერილობითი სახით გადაეცა დირექტორიის მთავრობას 1797 წლის 21 აგვისტოს (le 4 fructidor an V.).

ამ ნოტაშიც ხაზგასმული იყო, რომ რუსეთი არ თვლის თავს საფრანგეთთან ომის მდგომარეობაში, რომ იმპერატორს ზომიერი და სამშვიდობო მისწრაფებები ამოქმედებს და მზადაა ხელი შეუწყოს მოკლე დროში ევროპის დამშვიდებას, თუ დაინტერესებული სახელმწიფოები მიიღებენ მის მომრიგებლურ მისიას. დასასრულ, იქ აღნიშნული იყო, რომ რუსეთის იმპერატორი სიამოვნებით უჭერს მხარს საფრანგეთის მთავრობის სურვილებს².

რუსეთის როგორც პირველ, ისე მეორე ვერბალურ ნოტაში, რომელიც პრუსიის მთავრობის მეშვეობით გადაეცა დირექტორიის მთავრობას პარიზში, გამოთქმული იყო სურვილი აღდგენილიყო რუსეთსა და საფრანგეთს შორის ომამდელი ურთიერთობა. რუსეთის მთავრობა, ამასთან ერთად, თანხმობას აცხადებდა ეთანამშრომლა დაინტერესებულ სახელმწიფოებთან ევროპის დამშვიდებას საქმეში. მაგრამ აღნიშნულ მზადყოფნას პავლე I-ის მთავრობა უკავშირებდა ერთ მკაფიო მოთხოვნას: მინიჭებოდა მას მომრიგებელ-შუამავლის როლი მეომარ სახელმწიფოთა ურთიერთობაში. კონკრეტულად ეს ნიშნავდა გერმანიის ფეოდალური იმპერიის ბედის გადაწყვეტაში რუსეთისათვის არბიტრის როლის მინიჭებას.

¹ Сб. РИО, т. 70, кз. 639, А. Т р а в е в с к и й, დასაბ. წერილი, კვ. 534; К. В а л п ш е в с к и й, დასაბ. ნაშრ., კვ. 306.

² Сб. РИО, т. 70, кз. 639—640.

ანგვარად, რუსეთის ცარიზმის დიპლომატიას განზრახვა ჰქონდა გამოეყენებინა საფრანგეთის რესპუბლიკის ინიციატივა — აღედგინა ომამდელი ურთიერთობა რუსეთთან და მით ჩამოეშორებინა იგი წინააღმდეგობის გზიდან, — თავისი მიზნისათვის: გაეფართოებინა საკუთარი პოზიციები ევროპაში, გამხდარიყო ევროპის არბიტრი, ჰქონდა გადამწყვეტი გავლენა („ინფლუანსი“) გერმანიის საქმეებში. რასაკვირველია, ეს არ იყო ის, რასაც ეძიებდა დირექტორიის ხელისუფლება. საფრანგეთის რესპუბლიკის და რუსეთის ცარიზმის დიპლომატიის ნაბიჯებს შორის ამ მხრივ აშკარა დაპირისპირებას ჰქონდა ადგილი. რუსეთის დიპლომატიის შემხვედრი ნაბიჯის მიზანი ნათელი იყო: „თუ მოსახერხებელი იქნებოდა ომის გარეშე, საფრანგეთის რესპუბლიკის წინააღმდეგ იარაღის აღმართვის გარეშე, ევროპის დამშვიდების ნიღბით, ხელი შეეშალა საფრანგეთის აგრესიის წარმატებისათვის, ჩაეშალა მისი აგრესიული გეგმები გერმანიის იმპერიაში შემავალ ფეოდალურ სახელმწიფოთა და სამთავროთა მიმართ.

ბუნებრივია, რომ ამ ნიადაგზე მეფის რუსეთსა და საფრანგეთის რესპუბლიკას შორის სერიოზული დიპლომატიური ბრძოლა უნდა გაჩაღებულიყო. საფრანგეთის დიპლომატიის „სამშვიდობო“ ინიციატივის პერსპექტივა ბევრად იყო დამოკიდებული იმაზე, მიიღებდა საფრანგეთის დირექტორია რუსეთის იმპერატორის ფორმულას და მიიღებდა მის მომრიგებლობას გერმანიის იმპერიის ამბების მოწესრიგებაში, თუ წინააღმდეგობას გაუწევდა ნას და ამრიგად ჩაშლიდა რუსეთის დიპლომატიის ზრახვებს.

პავლე I-ის მთავრობა არ დაკმაყოფილდა ა. ბეზბოროდკოს პასუხით და ვერბალური ნოტიო. მან თავისი ჩანაფიქრის სარეალიზაციოდ სხვა ღონისძიებასაც მიმართა. კოლიჩევს — რუსეთის დიპლომატს, რომელიც აკრედიტებული იყო პრუსიის მთავრობასთან, — მითითება მიეცა გვერდი არ აეჭკია კაიარისათვის, მოეწყო მასთან არაოფიციალური შეხვედრა (თუმცა პირადად არ გამოეჩინა საამისო ინიციატივა) და გულსყურით მოჰკიდებოდა მის წინადადებებს. კოლიჩევს კაიარისათვის სიტყვიერად უნდა გადაეცა ის, რაც ბეზბოროდკოს ვერბალურ ნოტაში იყო ფიქსირებული, რათა მას თავის მხრივ ყოველივე ეს დირექტორიისათვის ეცნობებინა¹.

¹ 1797 წლის 19 ივნისის რუსკრიპტი კოლიჩევისადმი. იხ. Д. М. И. Ю. Т. III, დასახ. ნაშრ., ტ. I, გვ. 35.

საფრანგეთსა და რუსეთს შორის მოლაპარაკების გზაზე ყინული თითქოს გადნა, არსებული ფორმალური დაბრკოლებები დაძლეული იქნა. **ბრუსიის** კეთილი სამსახურის მეშვეობით შესაძლებელი გახდა მათ შორის არაოფიციალური მოლაპარაკების გამართვა. ეს, რასაკვირველია, წარმოადგენდა ამ ორი ქვეყნის ურთიერთობაში დასახული მობრუნების გარეგნულ გამოხატულებას. თვით ამ შემობრუნების შენდგომი პერსპექტივები და მისი წარმატებით ფინალამდე მიყვანა ბევრით თვით მოლაპარაკების ხასიათზე იყო დამოკიდებული. თუ დაინტერესებული სახელმწიფოები გამოიჩინდნენ მზადყოფნას წასულიყვენ დათმობებზე და ამ გზით ხელი შეეწყოთ სადავო საკითხების მოგვარებისათვის, მაშინ შესაძლებელი იყო *Modus vivendi*-ს ნიადაგზე მათ შორის შეთანხმების მიღწევა. თუ რუსეთი და საფრანგეთი ასეთი გზით არ წავიდოდნენ, თავიანთ პოზიციას არ გადასინჯავდნენ, მაშინ მოლაპარაკება ჩიხში მოექცეოდა, ხოლო მობრუნების სიმპტომებს ისევ დაჭიმული ურთიერთობა შეცვლიდა.

პეტერბურგიდან აღნიშნული რეკრიპტის მიღების შემდეგ კოლიჩევმა ხელი აიღო კაიარისადმი ძველ დამოკიდებულებაზე და ბერლინის მთავრობასაც კი აცნობა, რომ წინააღმდეგი არ წავიდოდა საფრანგეთის ელჩთან შეხვედრაზე. ბერლინის მთავრობამ, რომელიც უკვე ეწეოდა კეთილი სამსახურის მისიას, მოახერხა რუსეთის და საფრანგეთის ელჩთა შეხვედრა. მათი პირველი არაოფიციალური შეხვედრა მოაწყო პრუსიის მინისტრმა ფინკენშტაინმა, რომელმაც ორივე ელჩი მიიწვია თავისთან სადილზე (1797 წ. ივნისის ბოლო რიცხვებში). სადილის შემდეგ კოლიჩევი და კაიარი ცალ-ცალკე გაემართნენ ქალაქის პარკისაკენ (*Thiergarten*-ი), რათა იქ მესამე პირის გარეშე პირისპირ შეხვედროდნენ და მიღებული მითითებების შესახებ თავიანთი მოსაზრებები გაეზიარებინათ ერთმანეთისათვის¹.

კაიარის და კოლიჩევის პირველ არაოფიციალურ შეხვედრას რაიმე კონკრეტული შედეგი არ მოჰყოლია. მან გამოავლინა საფრანგეთის და რუსეთის თვალსაზრისის სხვადასხვაობა როგორც ევროპაში მშვიდობის აღდგენის, ისე მათ შორის ომამდელი ურთიერთობის განახლების საკითხებში. კოლიჩევმა თავისი მთავრობის დავალებით პირადად აცნობა კაიარს, რომ რუსეთი თანახმაა ყველასთან მშვიდობით იცხოვროს, სურს დაუახლოვდეს

¹ К. Вашишевский, *დასახ. ნაშრ.*, გვ. 307.

საფრანგეთს, თანაც შეასრულოს მომრიგებელ-შუამავლის როლი მეომარ სახელმწიფოთა შორის და თავისი „კეთილი სამსახურით“ („ses bons offices“) ხელი შეუწყოს მშვიდობის დამყარებას. ამის საპასუხოდ კაიარმა კოლიჩევს განუმარტა საფრანგეთის მთავრობის პოზიცია, რომელიც შემდეგში მდგომარეობდა: საფრანგეთი მხოლოდ მაშინ დათანხმდება რუსეთის მოწრივებლობაზე, თუ ეს უკანასკნელი ფორმალურად ხელს მოაწერს საზავო ხელშეკრულებას საფრანგეთთან, ხელს აიღებს ავსტრიისადმი დახმარებაზე და ამ გზით ქეშმარიტ ნეიტრალიტეტს დაიცავს საფრანგეთ-ავსტრიის მიმართ. ამ პირობების გარეშე კი კაიარის სიტყვებში ნახსენებიც არ იყო რუსეთის მხრივ არბიტრობის შესაძლებლობა¹.

კოლიჩევისა და კაიარის აღნიშნული შეხვედრა პირველი და უკანასკნელი შეხვედრა იყო. პაულე I-მა კოლიჩევი ბერლინში მუშაობისაგან გაათავისუფლა და სხვაგან გადაიყვანა (ჰოლანდიაში დანიშნა ელჩად, მაგრამ ვინაიდან ჰოლანდია ფრანგების მიერ იყო დაპყრობილი, მის გათავისუფლებამდე კოლიჩევს პეტერბურგში ცხოვრების უფლება მიეცა). მის ნაცვლად კი ბერლინში საგანგებო და სრულუფლებიანი ელჩის რანგით დანიშნა გრაფი ნიკიტა პეტრეს ძე პანინი. პანინის ბერლინში ელჩად დანიშვნა, რომელსაც გამოცდილი და ნიჭიერი დიპლომატის სახელი ჰქონდა მოხვეჭილი, მეტყველებდა ბერლინის, როგორც დიპლომატიური საქმიანობის დიდმნიშვნელოვანი ცენტრის, როლზე. პანინის წინაშე პეტერბურგის სამეფო კარმა კონკრეტულად ორი ამოცანა დასვა: 1) განეგრძო მოლაპარაკება საფრანგეთის წარმომადგენელთან რუსეთის დიპლომატიის ზემოაღნიშნული თვალსაზრისის საფუძველზე; 2) გაეძლიერებინა ზემოქმედება პრუსიაზე და მიეღწია იმისათვის, რომ მასთან დადებულიყო მეგობრობის ხელშეკრულება.

გრაფი პანინი მხოლოდ 1797 წლის 10/21 აგვისტოს ჩავიდა ბერლინში. ჩაიბარა რა საელჩოს საქმეები, მან ენერგიულად მოჰკიდა ხელი დაკისრებული მოვალეობის შესრულებას.

პანინი მეფის მთავრობამ აღჭურვა ვრცელი ინსტრუქციით (1797 წლის 5 ივლისის თარიღით). მასში განვითარებული იყო ის პრინციპები, რომელთა საფუძველზედაც რუსეთის მთავრობას შესაძლებლად მიაჩნდა საფრანგეთთან მოლაპარაკების წარმოება

¹ კოლიჩევის 1797 წლის 11/22 ივლისის რელაცია პაულე პირველისადმი. Д. Милютин, დასახ. ნაშრ., ტ. I, გვ. 35—36; А. Трачевский, დასახ. წერილი, გვ. 536.

ხელშეკრულების დადების და ევროპული ზავის განხორციელების თაობაზე.

აღნიშნავდა რა საფრანგეთის ინიციატივას რუსეთთან დაახლოების საქმეში, (რუსეთის იმპერატორი პავლე I მზად იყო მიეღო მხედველობაში ეს ინიციატივა და დაედო საფრანგეთთან სამშვიდობო „აქტი“. მაგრამ ამ ორ ქვეყანას შორის ყოფილი „გულთბილი“ ურთიერთობის აღსადგენად რუსეთის იმპერატორი ისეთ მოთხოვნებს აყენებდა, რომლებიც ეწინააღმდეგებოდა საფრანგეთის რესპუბლიკის ზრახვებს. მეფის რუსეთის მთავრობა წინააღმდეგი იყო აღდგენილიყო საფრანგეთ-რუსეთს შორის რევოლუციამდე არსებული სავაჭრო-ეკონომიური და დიპლომატიური ურთიერთობა. ნორმალურ ურთიერთობას, რომელიც ამ სახელმწიფოებს შორის უნდა დამყარებულიყო ინსტრუქციის შესაბამისად, შეზღუდული ხასიათი უნდა ჰქონოდა. შეზღუდული ვაჭრობა, რუსეთში ფუფუნების საგნების შემოზიდვის შეზღუდვით და კონსულებისა და აგენტების გაცვლა, — აი როგორ წარმოედგინა პავლეს ეს ურთიერთობა. დიპლომატიური მისიების გაცვლას რუსეთის იმპერატორი ითვალისწინებდა უფრო შორეული დროისათვის, თანაც მას უკავშირებდა საფრანგეთის ხელისუფლების განმტკიცებას და მის დაქვეითებას).

ინსტრუქცია ნ. პანინის ყოვალდებას ამახვილებდა შემდეგი სამი პუნქტისადმი: 1) პანინს კატეგორიულად ევალებოდა დაუყოვნებლივ უკუეგდო საფრანგეთის მთავრობის ყოველგვარი ცდა დაესვა პოლონეთის საკითხი და მოეთხოვა პოლონეთის სახელმწიფოს აღდგენა; 2) მას უნდა უკუეგდო საფრანგეთის მოთხოვნა ფრანგ ემიგრანტებს არ მისცემოდათ რუსეთში თავშესაფარის უფლება და ისინი გაძევებულიყვნენ რუსეთიდან. ფრანგ ემიგრანტთა მფარველობისა და მათთვის „სტუმართმოყვარე“ თავშესაფარის მიცემის უფლებას რუსეთის იმპერატორი მომავალშიაც იტოვებდა; 3) დასასრულ, პანინს არ უნდა გამოეჩინა განსაკუთრებული ენერგიულობა და დაინტერესება მეომარ სახელმწიფოთა შერიგების საქმეში და აღნიშნულის ინიციატივა საფრანგეთის წარმომადგენლისათვის უნდა დაეთმო. პანინს კატეგორიული წინადადება ეძლეოდა დაუყოვნებლივ შეეწყვიტა მოლაპარაკება, როგორც კი საფრანგეთის წარმომადგენელი თავხედურ და გადაქარბებულ პრეტენზიებს წამოაყენებდა¹.

¹ „Инструкция по французским делам, СПб., 5-го июля 1797 года“. ЦГАДА, фонд Павиных, л. 329, лл. 3—8.

არც კაიარს და არც ტალეირანს სასიამოვნოდ არ დარჩენიათ ის გარემოება, რომ რუსეთი იმდენად ძველი ურთიერთობის აღდგენის სურვილს კი არ აცხადებდა, რამდენადაც მზად იყო „ხელი შეეწყოს“ ევროპის დამშვიდების საქმისათვის, მოერიგებინა ნეომარი მხარეები მომრიგებელი ფუნქციის თავის თავზე აღების გზით. მათთვის ნათელი იყო, თუ რა მიზანს ისახავდა რუსეთის დიპლომატიის ეს მოთხოვნა და რა შედეგი უნდა მოჰყოლოდა მას ნისი რეალიზაციის შემთხვევაში. სახელდობრ: საფრანგეთის გავლენის შესუსტება პრუსიაზე და მთელ გერმანიის იმპერიაზე, გერმანიის შინაგან საქმეებში ჩარევაზე ხელის აღება და, შესატყვისად, რუსეთის გავლენის გაძლიერება და მის მიერ ამ ქვეყნის მიმართ არბიტრის როლის მოპოვება.

საფრანგეთის რესპუბლიკის დიპლომატიას, რომელიც ჩვენს მიერ უკვე აღნიშნული მოსაზრებების გამო დაინტერესებული იყო რუსეთთან ომამდელი ურთიერთობის აღდგენით და, ამდენად, ფორმალურად მხარს უჭერდა ევროპის დამშვიდების იდეას, ამავე დროს არ სურდა ძვირად ყოფილიყო ნაყიდი აღნიშნული სამშვიდობო ინიციატივა. მით უფრო მას ფიქრადაც კი არ მოსდიოდა გერმანიისა და მთელი ცენტრალური ევროპის ბედის გადაწყვეტის ხელმძღვანელობა რუსეთისათვის დაეთმო. ამაზე ხომ თვითონ საფრანგეთის ბურჟუაზია ოცნებობდა.

კაიარმა მაშინვე განაახლა დაკისრებული მისიის შესრულება როგორც კი რუსეთის ახალი სრულუფლებიანი წარმომადგენელი ჩავიდა ბერლინში. საფრანგეთის ელჩს, საფრანგეთის გამარჯვებული ბურჟუაზიის წარმომადგენელს, როგორც მოსალოდნელი იყო, არ მოეწონა პანინი, რომელიც რუსეთის ფეოდალური არისტოკრატის ზედათენას ეკუთვნოდა. კაიარის სიტყვით პანინი, ეს ბრწყინვალე, სრულყოფილი რუსი არისტოკრატი ყველაზე ნაკლებ იყო გამოსადეგი და განწყობილი საფრანგეთთან მოლაპარაკების საწარმოებლად¹. ჯერ კიდევ პანინთან შეხვედრამდე კაიარმა კიდევ ერთი წერილი გაუგზავნა ტალეირანს, რომლითაც მის ყურადღებას მიაპყრობდა იმ საშიშროებაზე, რომელიც მოპყვებოდა გერმანიის საქმეებში რუსეთისათვის არბიტრის როლის მიკუთვნებას და რამდენად მიუღებელი იყო იგი საფრანგეთისათვის. ამიტომაც იგი წინადადებას იძლეოდა მართლაც გაგრძელებულიყო ბერლინში წარმოებული მოლაპარაკება, მაგრამ რბილ

¹ G. Grosjean, დასახ. ნაშრ., გვ. 49—50.

და ფრთხილ ფორმებში წინააღმდეგობა გასწეოდა რუსეთის დიპლომატიის ამ მოთხოვნას¹.

დოკუმენტებიდან ცხადი ხდება, რომ ტალეირანმა სავსებით გაიზიარა კაიარის შეხედულება რუსეთის მიერ გერმანიის იმპერიის ბედის გადაწყვეტაში არბიტრის როლის მიჩემების შესახებ და განოხატა იგი როგორც კაიარისადმი საპასუხო წერილში, ისე დირექტორისადმი წარდგენილ მოხსენებით ბარათში.

თავის მოხსენებაში ტალეირანი წერდა, რომ, როგორც თვით კაიარი აღნიშნავდა, რუსეთს უფლება აქვს ჩაერიოს გერმანიის იმპერიის შინაგან საქმეებში ტემენის ზავის გარანტიის საბაბით. მაგრამ მხოლოდ იმ შემთხვევაში, თუ საქმე შეეხებოდა ბავარიას, — მოხსენებით ბარათში ტალეირანი რჩევას აძლევდა დირექტორიას. — უნდა გაგზავნოდა კაიარს რწმუნება რუსეთთან ხელშეკრულების დასადებად, თანაც პრუსიის მთავრობისათვის მადლობა უნდა გამოეცხადებინათ გაწეული სამსახურისათვის. რაც შეეხება რუსეთის მოთხოვნას მისთვის სამედიატორო ფუნქციის მინიჭების შესახებ, საფრანგეთის წარმომადგენელს იგი ზრდილობიან ფორმებში უნდა უარეყო².

აღმასრულებელმა დირექტორიამ მოიწონა ტალეირანის რჩევა, მის მიერვე შედგენილი სამშვიდობო ხელშეკრულების პროექტი და მასვე დააფალა გადაეგზავნა იგი კაიარისათვის მოლაპარაკების შემდგომი მსვლელობის მისაცემად.

კაიარის და პანინის შეხვედრა მოხდა ისევ პრუსიის მთავრობის და მისი მინისტრის ჰაუგვიცის მეშვეობით. ეს ორი ელჩი არაოფიციალური საუბრისათვის შეხვდნენ ერთმანეთს ჯერ პანინის ბინაზე, შემდეგ ბერლინის პარკში³. პირველი შეხვედრისას მათ ერთიმეორეს გააცნეს თავიანთი რწმუნების სიგელები და თანაცნობეს თავიანთი მთავრობების გადაწყვეტილება — გაგრძელებულიყო დაწყებული მოლაპარაკება და სასურველ შედეგებამდე ყოფილიყო იგი მიყვანილი.

¹ Сб. РИО, т. 70, гл. VIII; А. Трачевский, დასახ. წერილი, გვ. 538.

² იხ. Сб. РИО, т. 70, гл. 640 — 641; А. Трачевский, დასახ. წერილი, გვ. 538—539.

³ პანინი თავის რელაციაში პავლესადმი, რომელიც დათარიღებულია 1797 წლის 25 აგვისტოთი (5 სექტემბრით), წერდა, რომ ამ შეხვედრის ინიციატივა საფრანგეთის წარმომადგენელს ეკუთვნოდა. ამავე ცნობით მათ ამ შეხვედრის შესახებ მოულაპარაკნათ პრინც ჰენრიხი ა კოლის წვეულებაზე იხ. „Материалы...“, т. 2, гл. 51—52.

პანინ-კაიარის შეხვედრისას, ისე როგორც კოლოჩევ-კაიარის შეხვედრის დროს, აშკარად გამოვლინდა ძოლაპარაკების გაგრძელების სიძნელე. ამის მიზეზი, სხვა ფაქტორებთან ერთად, რომელთა შესახებაც ქვემოთ გვექნება საუბარი, იყო პოზიციათა სხვადასხვაობა, რაც ფიქსირებული იყო რუსეთისა და საფრანგეთის მთავრობების მიერ შედგენილ ხელშეკრულების პროექტებში.

საფრანგეთის პროექტი, შედგენილი ტალიერანის ზემოთ აღნიშნული მოხსენებითი ბარათის საფუძველზე, გამორიცხავდა რუსეთის მხრივ ყოველგვარ შესაძლებლობას შეესრულებინა არბიტრის როლი მეომარ სახელმწიფოთა შორის და მოეხვეჭა გადამწყვეტი გავლენა გერმანიის საქმეებზე. ეს პროექტი, რომელიც სულ 9 მუხლისაგან შედგება, ითვალისწინებდა: სამშვიდობო და მეგობრული ურთიერთობის დამყარებას საფრანგეთის რესპუბლიკასა და რუსეთს შორის (მუხლი I); მტრულ მოქმედებათა შეწყვეტას ორივე სახელმწიფოს შორის და მომავალში ყოველგვარ ისეთ აქტებზე ხელის აღებას, რაც ურთიერთისადმი მტრული ხასიათის იქნებოდა (მუხლი II); ორივე სახელმწიფოს ნაესადგურების ხელახლა გახსნას სავაჭრო გეგმებისათვის და ყველა სახის საქონლის დაუბრკოლებლივი იმპორტისა და ექსპორტის შესაძლებლობის აღდგენას (მუხლი III); ორივე ხელმომწერი სახელმწიფოს წარმომადგენელთათვის თავისუფალი მოგზაურობის უფლებას მეორე სახელმწიფოს სამფლობელოებში, სადაც ისინი ისარგებლებდნენ მთავრობის მფარველობით იმ შემთხვევაში, თუ ისინი არ ჩაერეოდნენ სახელმწიფოს შინაგან საქმეებში და არ დაარღვევდნენ საზოგადოებრივ წესრიგს (მუხლი IV); ძველი კავშირ-ურთიერთობის აღდგენისთანავე ხელმომწერ სახელმწიფოებს შორის ახალი სავაჭრო ხელშეკრულების გაფორმებას, რომელიც ურთიერთ ხელსაყრელობის საფუძველზე იქნებოდა აგებული (მუხლი V)¹.

ხელშეკრულების რუსული პროექტი, რომელიც პანინისათვის პეტერბურგიდან გაგზავნილ ზემოაღნიშნულ ინსტრუქციას ემყარებოდა, შედგებოდა შესავლისა და 9 მუხლისაგან. იგი სულ სხვა პრინციპზე იყო აგებული, ვიდრე ხელშეკრულების ფრანგული პროექტი. მასში რუსეთსა და საფრანგეთს შორის ომამდელი კავშირ-ურთიერთობის აღდგენისა და სავაჭრო ურთი-

¹ G. Grosjean, დასახ. ნაშრ., გვ. 61—63. ხელშეკრულების პროექტს ხელს აწერს კაიარი, იგი დათარიღებულია 1797 წლის 9 სექტემბრით.

ერთობის განახლების საკითხები ბუნდოვნად იყო მოცემული. იქ, აგრეთვე, არაფერი იყო ნათქვამი ხელმოწერა სახელმწიფოთა მოქალაქეების ერთი სახელმწიფოდან მეორეში თავისუფალი მიმოსვლისა და საქმიანობის შესახებ. ამავე დროს მასში განსაკუთრებით ხაზგასმული იყო პოლიტიკური რწმენისთვის ერთ-ერთ სახელმწიფოს უშიშროებაზე ხელყოფისათვის სათანადო პირთა მკაცრად დასჯის აუცილებლობისა და სათანადო მთავრობისაგან მათი მფარველობის და უკან გამოთხოვის დაუშვებლობის შესახებ¹.

აღსანიშნავია, რომ კანცლერი ა. ბეზბოროდკო თავის წერილში ს. ვორონცოვისადმი (1797 წლის 25 ნოემბრის თარიღით), აღნიშნავდა რა ბერლინში საფრანგეთის ინიციატივით საფრანგეთისა და რუსეთის ბერლინელ ელჩებს შორის დაწყებული არაოფიციალური მოლაპარაკების ფაქტს, დასძენდა: მოლაპარაკებისას ჩვენს განზრახვაში არ შედიოდა საფრანგეთთან რევოლუციამდელი სავაქრო ტრაქტატის აღდგენა, მით უფრო რაიმე სახის პოლიტიკური დაახლოება საფრანგეთთან².

რუსეთისა და საფრანგეთის რესპუბლიკის ელჩებმა ხელშეკრულებათა განხილული პროექტები თავიანთ მთავრობებს გადაუგზავნეს გასაცნობად და ახალი მითითებების მისაღებად³.

¹ ხელშეკრულების რუსული პროექტის ის მუხლი, რომელიც პოლიტიკური რწმენისათვის რეპარსიის საკითხს ეხება, საეხებით შეესაბამება ხელშეკრულების გვიანდელი რუსული პროექტის (ტალიერაბ-კოლიჩევის მოლაპარაკების დროს 1831 წლის დასაწყისში) მე-3 მუხლს (Сб. РИО, т. 70, № 25, გვ. 46—47), რომელიც აგრეთვე ითვალისწინებდა სასტიკ რეპარსიებს ერთი სახელმწიფოს ქვეშევრდომის მეორე სახელმწიფოს შინაგან საქმეებში ჩარევის ცდისათვის, თავისი პოლიტიკური მრწამსის დაცვისა და გაზრდების ცდისათვის (ხელშეკრულების რუსული პროექტის მთლიანი ტექსტი იხილეთ ЦГАДА, ф. Папшых, дело №29, л. 8—11). ფრანგი ისტორიკოსი სორელი და რუსი ისტორიკოსი ვალიშევსკი, რომლებიც აღნიშნავენ მომავალი ხელშეკრულების რუსულ და ფრანგულ პროექტთა შორის არსებულ განსხვავებას, ცდილობენ ხაზი გაუსვან ამ განსხვავების კონკრეტულ მაჩვენებლებს, მაგრამ ეს მათ სავსებით არ გამოუდით. ამის მიზეზია მათი მსჯელობის ფორმალისტური ხასიათი. А. Соре́ль, დასახ. ნაშრ., ტ. 5, გვ. 178—179; К. Вашишевский, დასახ. ნაშრ., გვ. 311—312.

² ЦГАДА, ф. Папшых, д. 269, л. 1.

³ თავის ერთ-ერთ რედაქციაში პავლე პირველისადმი (1797 წლის 31 აგვ./11 სექტ. თარიღით) ნ. პანინი, აცნობებს რა რუსეთის იმპერატორს ბერლინში წარმოებული მოლაპარაკების დეტალებს, ავლენს თავის ანტიპათიას ამ მოლა-

პეტერბურგში, როგორც მოსალოდნელი იყო, მტრულად შეხედნენ ხელშეკრულების ფრანგულ პროექტს. პავლე I-ის მთავრობას არ სურდა შეებოქა თავისი თავი ისეთი ხელშეკრულებით, რომელიც არ მიაჩნებოდა მას უპირატეს როლს გერმანიის საქმეების გადაწყვეტაში, წაართმევდა ფრანგი ემიგრანტების მფარველობის უფლებას, თანაც აიძულებდა მას შეღავათიანი სავაჭრო პირობები მიეცა საფრანგეთისათვის. ჯერ კიდევ პავლე I-ის 1797 წლის 5 ივლისის რესკრიპტით პანინს კატეგორიული მითითება ეძლეოდა მოლაპარაკების საგნად არ გაეხადა ფრანგ ემიგრანტთათვის რუსეთში თავშესაფარის მიცემის საკითხი. იცავდა რა რუსეთის მრეწველობისა და რუს ვაჭართა ინტერესებს, იგივე რესკრიპტი ხაზს უსვამდა რუსეთის კანონიერ უფლებას არ დაეშვა ვაჭრობის სრული თავისუფლება და საფრანგეთთან ურთიერთობის აღდგენის შემთხვევაშიც კი შეეზღუდა ზოგიერთი მისი საქონლის (კერძოდ ფუფუნების საგნების) შეზიდვა რუსეთში. 1797 წლის 5—6 და 14 სექტემბრის რესკრიპტები იმეორებდნენ და ადასტურებდნენ ყოველივე ზემოთ აღნიშნულს¹.

ასეთივე ბედი ეწია ხელშეკრულების პანინისეულ პროექტსაც პარიზში.

კაიარისადმი გაგზავნილ მორიგი ვრცელი ინსტრუქციით ტალირანი შეუძლებლად მიიჩნევდა ხელშეკრულების რუსული პროექტის მიღებას. ინსტრუქციაში მიუღებლად იყო მიჩნეული ხელშეკრულების პროექტის თვით შესავალი, სადაც „რესპუბლიკის“ ნაცვლად ნახმარი იყო სიტყვა „დირექტორია“. ასევე მიუღებლად იყო მიჩნეული მუხლი ვაჭრობისა და ნაოსნობის შესახებ, რომელიც არსებითად „არაფრის მთქმელი არ იყო“. მაგრამ ინსტრუქციაში განსაკუთრებით დაგმობილი იყო ხელშეკრულების პროექტის ის მუხლი, რომელიც პოლიტიკური რწმენისა და ხელმომწერ სახელმწიფოების უშიშროებაზე ხელყოფისათვის სასტიკ რეპრესიულ ზომებს ითვალისწინებდა. დირექტორიას მიაჩნდა, რომ

პარაკებისადმი, ზიზუს საფრანგეთის რესპუბლიკის მმართველობისადმი და პენსიონატურად აფასებს მიმდინარე მოლაპარაკების შედეგებს. ასეთი დასკვნა მას გამოჰყავს რუსეთის და საფრანგეთის თვალთახედვათა სრული დაპირისპირების აღიარებიდან. იხ. „Материалы...“, ტ. 2, ნაწ. II, გვ. 59—67.

¹ „Материалы...“, ტ. 2, ნაწ. II, გვ. 74—76; Д. Милютин, დასახ. ნაშრ., ტ. 3, გვ. 38—39 (მე-27 და 28 შენიშვნები). აღნიშნულ რესკრიპტებში, კერძოდ 5 და 6 სექტემბრის რესკრიპტებში რუსეთის დიპლომატია ისევე დაეინებოთ მოითხოვდა მისთვის გერმანიის ბედის გადაწყვეტაში უპირატესი როლის მიკუთვნებას.

ეს მუხლი კატეგორიული მოთხოვნის სახით არის ფორმულირებული. მას არ სურდა ხელშეკრულებაში ყოფილიყო ისეთი წინადადება და პირობა, რომელსაც ჩვეულებრივ დამარცხებულ ნტერს უკარნახებენ. დირექტორიას არ სურდა ისეთი ვალდებულებით შეებოქა თავი, რომელიც მას ბუნებრივი და საერთაშორისო უფლების დარღვევად მიაჩნდა და რომელიც „თვითნება და კაპრიზიან მთავრობას საშუალებას მისცემდა სრულიად უბრალო საბაბით ეწარმოებინა რუსეთში მცხოვრებ ფრანგთა დევნა“¹. არჩევდა რა რუსეთის პროექტს მუხლობრივ, ტალიერანის ინსტრუქცია წინადადებას აძლევდა კაიარს უარყო იგი როგორც საფრანგეთისათვის მიუღებელი და დაეცვა საფრანგეთის პროექტი. ინსტრუქციას თან დართული ჰქონდა ხელშეკრულების ფრანგული პროექტის ახალი ვარიანტი, რომელიც 8 მუხლისაგან შედგებოდა².

მიუხედავად იმისა, რომ რუსეთი და საფრანგეთი დიამეტრალურად საწინააღმდეგო მიზნებს ისახავდნენ, რამაც თავისი გამოხატულება ნომავალი ხელშეკრულების პროექტთა სხვადასხვაობაში ჰპოვა, ბერლინის მოლაპარაკება ფორმალურად მაინც გრძელდებოდა./ კაიარი და პანიინი დროგამოშვებით ისევ ხედებოდნენ ერთმანეთს და ახალი ინსტრუქციების მოლოდინში უწყფო საუბრებით ირთობდნენ თავს.

ამ მოლაპარაკებათა პროცესში კაიარმა ინსტრუქციასთან ერთად პარიზიდან მიიღო ხელშეკრულების ახალი პროექტი, რომელიც პირველი ვარიანტისაგან არსებითად არაფრით განსხვავდებოდა. მას ხელს აწერდნენ დირექტორები მერლენი, ბარასი, ლარევიერ-ლეპო და ტალიერანი³. |

¹ „...qui donnerait à un gouvernement arbitraire et capricieux l'occasion de persécuter sous le plus léger prétexte les français qui se trouveraient en Russie.“ იხ. G. Grosjean, დასახ. ნაშრ., გვ. 70—75. იქ მოთავსებულია ამ ინსტრუქციის სრული ტექსტი, ციტ. ადგილი იხ. გვ. 72.

² იქვე, გვ. 75—77.

³ „Материалы...“, ტ 2, ნ. II, გვ. 108—110; G. Grosjean, დასახ. ნაშრ., გვ. 75—77. ხელშეკრულების ახალი ფრანგული პროექტის პანიინისათვის გადაცემა მოხდა პარიზში 1797 წლის 4 სექტემბრის (18 ფრუქტიდორის) სახელმწიფო გადატრიალების შემდეგ. როგორც ცნობილია, ამ გადატრიალებამ ჩაშალა შემზადებული როიადისტური შეთქმულება და მით ბოლო მოუღო იმ იმედებს, რომელთაც ამ შეთქმულებაზე ამყარებდნენ ცარიზმის შესვეურები პეტერბურგში. ამ გადატრიალებამ და მის შედეგად იმედის გაცრუებამ გააძლიერა რუსეთში ანტიფრანგული განწყობილება, რამაც უარყოფითი გავლენა მოახდინა ბერლინში წარმოებულ მოლაპარაკებაზე.

ახალ ფრანგულ პროექტს არ შეეძლო რაიმე კორექტივი შეეტანა ბერლინში წარმოებულ მოლაპარაკებაში. პანინი ისევე უნდობლად შეხედა ახალ პროექტს, როგორც ძველს. იგი ინარჩუნებდა ალებულ სტრატეგიულ ხაზს. სექტემბრისა და ოქტომბრის თვეებში კაიარისა და პანინის მორიგ შეხვედრებს არავითარი ცვლილებები არ მოჰყოლია. პოზიციათა დაახლოების ნაცვლად, პირიქით, გამოვლინდა მათ შეხედულებათა შემდგომი დაპირისპირება¹.

ბერლინის მოლაპარაკებას თანდათანობით ეცლებოდა ისედაც არამყარი ნიადაგი. კუნძულ ზანტეზე რუსეთის კონსულის ზაგურსკის დაპატიმრებამ ფრანგების მიერ რუსეთის მთავრობას საბაბი მისცა სავესებით შეეწყვიტა ბერლინის უნაყოფო მოლაპარაკება და საფრანგეთის მიმართ სხვა გზით და სხვა საშუალებებით ემოქმედა².

ზაგურსკის შეპყრობის ცნობის მიღებისთანავე ფრანგებზე აღშფოთებულმა პეტერბურგის სამეფო კარმა გადაწყვიტა მათი „თავხედობისათვის“ ბერლინის მოლაპარაკების შეწყვეტით ეპასუხა. 1797 წლის 17 სექტემბრის რესკრიპტით რუსეთის იმპერატორი აუწყებდა პანინს მომხდარ ფაქტს და თან წინადადებას აძლევდა მას შეეწყვიტა მოლაპარაკება და ყოველგვარი ურთიერთობა კაიართან³.

¹ ცნობებს ხელშეკრულების ახალი ფრანგული პროექტისადმი რუსეთის დიპლომატიის დამოკიდებულების შესახებ იძლევა პანინი თავის მორიგ რელაციებში პავლესადმი (1797 წლის 29 სექტ./10 ოქტ. და 8/19 ოქტ.). „Материалы...“, ტ. 2, ნაწ. II, გვ. 111—113, 128—133.

² 1797 წლის აგვისტოში საფრანგეთის აღმირალმა ბრიუმ ვენეციის კუნძულების დაპყრობის დროს კუნძულ ზანტეზე შეიპყრო რუსეთის კონსული ზაგურსკი, ჩამოართვა მას დოკუმენტები და სხვა ნივთები, თვით ზაგურსკი კი გამოაცხადა სამხედრო ტყვედ და გადაგზავნა კუნძულ კორფუზე.

³ პეტერბურგიდან პანინს უკვე მოსდიოდა მითითება, საკირო შემთხვევაში შეეწყვიტა მოლაპარაკება. მაგრამ მას ეს უნდა მოეხდინა უმტკივნეულოდ და მით საფრანგეთის წარმომადგენლისათვის შეექმნა მოლაპარაკების მომავალში განახლების შესაძლებლობის ილუზია. „Архив князя Воронцова“, ტ. 13, გვ. 397; К. В а л и ш е в с к и й, დასახ. ნაშრ., გვ. 312.

ზაგურსკი თავის დასმენაში (კორფუდან) კონტუბისადმი (1797 წლის 17/28 იანვრის თარიღით) ვრცლად გადმოსცემდა თავისი შეპყრობისა და კორფუზე გადასახლების ამბებს. АВПР; ფ. „Сношения России с Турцией“, 1798, д. 867, л. 40—42.

რუსეთის საქმეთა რწმუნებული ნეაპოლში მუსინ-პუშკინი ჯერ კიდევ 1797 წლის 11/22 აგვისტოს აცნობებდა პავლეს ფრანგებისაგან ზაგურსკის შეპყრობას

გრაფმა ნ. პ. პანინმა, რომელიც ისედაც უგულოდ და ზიზლის გრძნობით აწარმოებდა მოლაპარაკებას, საჩქაროდ შეასრულა პეტერბურგიდან მიღებული მითითება¹.

ამგვარად, რუსეთ-საფრანგეთის მოლაპარაკება ბერლინში, წააწყდა რა გადაულახავ წინააღმდეგობას, 1797 წლის დასასრულისათვის ფაქტიურად ჩაიშალა.

ა

2. იტალიის კამპანიის წარმატებები 1796—1797 წლებში.

ლეოპოლდის დაჯავება და მისი გავლენა ბერლინის

მოლაპარაკებაზე. ამ მოლაპარაკების ქაზხი

რუსეთ-საფრანგეთის ურთიერთობა, მისი აწმყო და მოსალოდნელი პერსპექტივები, ცხადია, ევროპის პოლიტიკური ცხოვრების ნაწილი იყო და მასთან მჭიდრო კავშირში იმყოფებოდა. ყოველგვარი ცვლილება ევროპის პოლიტიკურ ცხოვრებაში, ევროპის მაშინდელ დიდ სახელმწიფოთა ურთიერთობაში, უშუალო გაელენას ახდენდა რუსეთ-საფრანგეთის ურთიერთობაზე და მისი წინააღმდეგობრივი განვითარების ერთ-ერთი მნიშვნელოვანი ფაქტორი იყო. ევროპის მაშინდელ სახელმწიფოთა ურთიერთობაში, ან, როგორც ვ. ი. ლენინი უწოდებდა, „პოლიტიკურ ურთიერთობათა სისტემაში“² ძირითად კვანძს რუსეთის, ინგლისის, საფრანგეთის, ავსტრიისა და პრუსიის ურთიერთობანი წარმოადგენდა. 1796 წლის დასასრულიდან 1797 წლის დასასრულამდე, როდესაც რუსეთ-საფრანგეთის ურთიერთობაში დაისახა შემობრუნების და

და კუნძულ კორფუზე მის გადაგზავნას იგი თვლიდა ამას საერთაშორისო სამართლის ზღვებში დარღვევად. იხ. АВПР. ф., „Сношения России с Неполем“, 1797, т. 256. г. 49.

¹ „Материалы...“, ტ. 2, გვ. 85, 158—159; — Архив князя Воронцова“, ტ. II, გვ. 260. ბეზბოროდყო თავის წერილში ს. რ. ვორონცოვისადმი (1798 წლის 25 ნოემბრის თარიღით) თითქმის ერთი წლის შემდეგ იძლევა საინტერესო ცნობებს ბერლინის მოლაპარაკებისა და იმ მოტივების შესახებ, რომელთაც რუსეთის დიპლომატია აიძულეს ხელი აეღო საფრანგეთთან მშვიდობიანი საშუალებებით სადავო საკითხების მოგვარებაზე და შეეწყვიტა ეს მოლაპარაკება. ამ მოტივთა შორის ბეზბოროდყო წინა პლანზე აყენებს პრუსიის და საფრანგეთის დაახლოებას და ავსტრიის დამარცხებას საფრანგეთის მიერ. აქვე აღნიშნულია, რომ მოლაპარაკების შედეგად რუსები არ აპირებდნენ აღედგინათ საფრანგეთთან სავაჭრო ტრაქტატი და პოლიტიკურად დაახლოებოდნენ მას. Сн. РИО, ტ. 29, გვ. 413.

² ვ. ი. ლენინი, თხზ., ტ. 35, გვ. 277.

მათი დაახლოების სიმპტომები, რაც ბერლინში წარმოებულ მოლაპარაკებაში გადაიზარდა, ევროპის პოლიტიკური ცხოვრება, პოლიტიკურ ურთიერთობათა სისტემა სტატიკურ მდგომარეობაში როდი იმყოფებოდა. იგი ვითარდებოდა, იცვლებოდა, იცვლებოდა მოწინააღმდეგე ძალთა განწყობაც. ევროპის დიდ სახელმწიფოთა საგარეო პოლიტიკისა და დიპლომატიის წინაშე ახალი ამოცანები და „თავსატეხი საკითხები“ ისახებოდა. ეს ცვლილებები თავის გავლენას ახდენდა რუსეთ-საფრანგეთის ურთიერთობაზე.

ამ დროისათვის — ბერლინის მოლაპარაკების პროცესში — ევროპის პოლიტიკურ ცხოვრებაში მნიშვნელოვანი ცვლილებები მოხდა. საფრანგეთის რესპუბლიკამ ახალი დამარცხება აგემა პირველი ანტიფრანგული კოალიციის სულისჩამდგმელის და ორგანიზატორის ინგლისის მოკავშირეს ევროპის კონტინენტზე, ავსტრიას, რომელსაც ხელიდან გამოაცალა არა მარტო ჩრდილო იტალიის მნიშვნელოვანი ნაწილი, არამედ თითქმის მთელი სამხრეთ-დასავლეთი გერმანიაც. საფრანგეთის რესპუბლიკის ამ ახალმა სამხედრო წარმატებამ და მასთან დაკავშირებით ავსტრიის კაპიტულაციის საფრთხემ უშუალო გავლენა მოახდინა მეფის რუსეთის პოზიციებსა და ინტერესებზე ევროპაში, მის დიპლომატიურ გეგმებზე და, მაშასადამე, რუსეთ-საფრანგეთის ურთიერთობაზეც. ამ ახალმა ვითარებამ კიდევ უფრო გააღრმავა მათი დაპირისპირება და გაადიდა ზღვარი მათს საგარეო პოლიტიკურ ამოცანათა შორის.

ავსტრიის მორიგი დამარცხება და ფრანგების მიერ ჩრდილო იტალიასა და სამხრეთ-დასავლეთ გერმანიაში ფეხის მოკიდება ძალთა ახალ განწყობას ქმნიდა ევროპის კონტინენტზე. ინგლის-საფრანგეთის მოლაპარაკების დაწყება ლილში, თავის მხრივ, პირველი ანტიფრანგული კოალიციის სრული დაშლის მომასწავებელი იყო. პავლე I-ის მთავრობას ანგარიში უნდა გაეწია ამ ცვლილებებისათვის ევროპის პოლიტიკურ ურთიერთობათა სისტემაში და შესატყვისი ნაბიჯები გადაედგა. ბერლინის მოლაპარაკება, ისიც არაოფიციალური ხასიათისა, იმ შემთხვევაშიაც კი, თუ იგი რუსეთის დიპლომატიის მიერ შემუშავებული შეთანხმების პროექტის მიღებით დასრულდებოდა, ახალ ვითარებაში ბევრს არათერს მისცემდა რუსეთს. იგი ვერ გადაწყვეტდა იმ საგარეო პოლიტიკურ ამოცანებს, რასაც პავლე I-ის მთავრობა ისახავდა მიზნად ევროპაში.

ახალმა ვითარებამ ახალი „თავსატეხი საკმე“ გაუჩინა მეფის რუსეთის მთავრობას. მას, რა თქმა უნდა, ახალი ტაქტი-

კური ნაბიჯები უნდა გადაედგა და თავისი ინტერესების დაცვა ევროპაში სხვა ღონისძიებებისათვის უნდა დაექვეშორებინა.

• აი სწორედ ეს ახალი ვითარება იყო მთავარი მოტივი, რამაც უშედეგოდ დაასრულა რუსეთ-საფრანგეთს შორის ბერლინში მიმდინარე უნაყოფო მოლაპარაკება. მან ცხადი გახადა იმ ეტაპზე ამ ქვეყნების დაახლოების ტენდენციის განუზომადობა, აიძულა რუსეთის მთავრობა ხელი აეღო მის მიერ დასახული საგარეო პოლიტიკური პროგრამის დიპლომატიური გზით რეალიზაციის განზრახვაზე და მიიყვანა იგი საფრანგეთის რესპუბლიკასთან ომის საჭიროებამდე.¹

როგორც ზემოთ აღვნიშნავდით, პეტერბურგში დიდი იმედებით მოელოდნენ როიალისტური შეთქმულების სასურველ შედეგებს პარიზში. დირექტორიის მთავრობის დამხობას და მონარქიის რესტავრაციას საფრანგეთში რუსეთის ცარიზმი უკავშირებდა თავისი მოქმედების გარკვეულ ტაქტიკურ ხაზს საფრანგეთის მიმართ მომავალში.

მაგრამ ეს იმედები უნიადაგო აღმოჩნდა. როიალისტთა შეთქმულებამ ნაყოფი ვერ გამოიღო, იგი გამოაშკარავებული იქნა და ჩაიშალა. „ახალი თერმიდორი“ არ განხორციელდა და „შფოთის“ და „უზნეობის“ მთესაფი რეჟიმი შენარჩუნებულ იქნა.²

¹ ევროპაში შექმნილ ახალ პოლიტიკურ და სამხედრო ვითარების ჯგეროვან შეფასება იძლევა პაულე I-ის 1797 წლის 17 სექტემბრის რესკრიპტი პანინისადმი. თავის რესკრიპტში პაულე I აღნიშნავს, რომ ბერლინში მოლაპარაკებების დაწყების წინ სულ სხვა პოლიტიკური სიტუაცია იყო, ვიდრე იმჟამად. ავსტრიის იმპერატორის მიერ ფრანგებთან ხელმოწერილი დახაება, — საფრანგეთთან დაახლოება და შეთანხმება—სასურველი იყო. მაგრამ მის შემდეგ ვითარება საგრძნობლად შეიცვალა. ლეობენის დახაებამ არ გაამართლა იმედები, საფრანგეთ-ინგლისის მოლაპარაკება ლილში ჩაიშალა, ყოველივე ამან გერმანიის იმპერიის მთლიანობას საფრთხე შეუქმნა. აღნიშნული მოტივების გამო რუსეთის იმპერატორი ავალებს პანინს ფორმალურად აკრძობინოს კაიარს, რომ რუსეთ-საფრანგეთის დაახლოება მხოლოდ მაშინ იქნება მიღწეული, თუ საფრანგეთი შეთანხმდება რუსეთის მოკავშირეებს. „Материалы...“, ტ. 2, ნაწ. II, გვ 85—87.

² როიალისტთა შეთქმულების ჩაშლის საქმეში მნიშვნელოვანი როლი შეასრულა ნაპოლეონ ბონაპარტმა, რომელსაც იტალიაში ხელთ ჩაუვარდა მამბილენგელი მასალები გენ. პიშვერიუს როიალისტებთან კავშირისა და თვით შეთქმულების მზადების შესახებ. ეს ცნობები მან დირექტორიას გადაუგზავნა, თანაც მათ განკარგულებაში მიაღწინა გენერალი ოქერო, რათა მას დახმარება აღმოეჩინა მთავრობისათვის შეთქმულების ლიკვიდაციის საქმეში.

V წლის 18 ფრუქტიდლოს (1797 წლის 4 სექტემბერს) მოხდა ე. წ. სახელმწიფო გადატრიალება. დირექტორიის უმრავლესობამ (3 დირექტორმა 5-დან)

იმედების ამ გაცრუებამ დააჩქარა ბერლინის მოლაპარაკების კრა-
ხი, გააძლიერა რუსეთში ანტიფრანგული განწყობილება და სე-
რიოზული ბიძგი მისცა პავლე I-ის მთავრობის ახალ მობრუნებას
საფრანგეთის მიმართ.

პრუსიის საექვო ნეიტრალიტეტი, როგორც ზემოთ იყო აღნიშ-
ნული, წარმოადგენდა ერთ-ერთ ფაქტორს, რომელმაც განსაზღვრა
რუსეთის ახალი მთავრობის გადაწყვეტილება — არ გაეგზავნა ჯა-
რი საფრანგეთის რესპუბლიკის წინააღმდეგ და, პირიქით, რუსე-
თის წინაშე მდგარი აქტუალური საგარეო პოლიტიკური ამოცა-
ნების გადაწყვეტა მშვიდობიანი გზით, დიპლომატიური მოლაპა-
რაკების მეშვეობით მოესინჯა. პრუსიის პოზიციის საკითხთან
მკიდროდ იყო გადანასკვეული პრუსია-ავსტრიის და ავსტრია-რუ-
სეთის ურთიერთობის საკითხი და იმ ბრძოლის შედეგები, რო-
მელიც იტალიაში მიმდინარეობდა საფრანგეთსა და ავსტრიას
შორის.

გადადგა რა ახალი ტაქტიკური ნაბიჯი, პავლე I-ის მთავ-
რობამ, როგორც უკვე აღნიშნული იყო, შეინარჩუნა სამოკავში-
რეო ურთიერთობა ინგლისთან და ავსტრიასთან; შეინარჩუნა ერთ-
გულეობა წინამორბედი მმართველობის მიერ აღებული ვალდებულე-
ბებისადმი. კერძოდ იგი მზად იყო დახმარება აღმოეჩინა ავსტრი-
ისათვის და არ დაეშვა მისი განადგურება საფრანგეთის რესპუბ-
ლიკის მიერ. რუსეთის დიპლომატიამ, ამასთან ერთად, გააძლი-
ერა საქმიანობა ავსტრია-პრუსიის დაჯახების შესასუსტებლად და
მათ დასაახლოებლად. ავსტრია-პრუსიის ინტერესთა მორიგება
კი რუსეთის მთავრობას ესაჭიროებოდა ამ ქვეყნებზე თავისი გავ-
ლენის გასაძლიერებლად, პრუსიის საექვო ნეიტრალიტეტის და-
საძლევად და ავსტრიის შერყეული პოზიციის განსამტკიცებლად.
ავსტრიის შერყეული პოზიციის განმტკიცება წარმოადგენდა

ოქეროს განკარგულებაში არსებული ჯარის მეშვეობით ლიკვიდაცია უყო როი-
ალისტა ფარულ ბუდეებს, შეიპყრო შეთქმულთა ხელმძღვანელები, კერძოდ
ხუთასის საბჭოს თავმჯდომარე გენ. პიშეგრიუ, დირექტორი ბარტლემეი და
ორთავე პალატის რადიკალური წევნდა მოახდინა.

როიალისტური შეთქმულების ჩაშლისა და 18 ფრუქტიდორის გადა-
ტრიალების შესახებ ვრცელი საუბარი ჩვენს მიხანს არ შეადგენს. ამიტომ სათა-
ნადო წყაროებსა და ლიტერატურის მითითებებისაგანაც თავს ვიკავებთ. ოღონდ
საჭიროდ მიგვაჩნია აღვნიშნოთ, რომ მის შესახებ საინტერესო ცნობებს იძლევა
ნაპოლეონ ბონაპარტი თავის მემუარებში. იხ. Наполеон, Восп. произведе-
дения, ტ. I, გვ. 239—245. იხ. აგრეთვე А. Сореж, დასახ. ნაშრ., ტ. 5,
გვ. 180—184.

მნიშვნელოვან პირობას, რომელსაც ხელი უნდა შეეწყო მისი წარმატებისათვის საფრანგეთთან ომში და მით არაპირდაპირი გზით დახმარება აღმოეჩინა რუსეთის დიპლომატიისათვის საფრანგეთთან წარმოებული მოლაპარაკების დროს¹.

პაველ I-ის გამეფება აღინიშნა რუსეთისა და პრუსიის „მეგობრობისა და ურთიერთგაგების“ გარეგნული დემონსტრაციით. ამის ერთ-ერთი მიზეზი იყო თვით რუსეთის ახალი იმპერატორის გატაცება პრუსიული სამხედრო-პოლიტიკური სისტემით, მისი თავყანისცემა პრუსიულ რეაქციულ-მილიტარისტული რეჟიმისადმი. მაგრამ ეს დემონსტრაცია, რომელიც პეტერბურგსა და ბერლინში ერთსა და იმავე დროს გამოვლინდა, იმ დიპლომატიური საქმიანობის ნაწილი იყო, რომელიც ამ ორ ქვეყანას შორის იყო გაჩაღებული. პრუსიის მთავრობა ამით ცდილობდა თავი დაეხლვია რუსეთთან მოსალოდნელი გართულებისაგან, რუსეთის ცარნიზმის ცდა კი იქით იყო მიმართული, რომ კიდევ უფრო გაეძლიერებინა გავლენა პრუსიაზე და ბოლო მოეღო მისი საექვო ნეიტრალიტეტისათვის.

პრუსიის მეფემ ფრიდრიხ-ვილჰელმ II-მ „ამ პირწავარდნილმა რეაქციონერმა“ (მარკსი) პაველ I-ის გამეფებისთანავე პეტერბურგში მიავლინა გრაფი ბრიული, რომლის მისიაშიც შედიოდა

1 პაველ I-ის ცირკულიარულმა ნოტამ, რომელიც მან თავის წარმომადგენლებს გაუგზავნა რუსეთის საგარეო პოლიტიკის პრინციპების შესახებ, ნოტამ, რომლითაც პაველ მოკავშირეებს აუწყებდა, რომ დახმარე კორპუსი დასავლეთით არ გაიგზავნებოდა და რუსეთი ომში მონაწილეობას არ მიიღებდა, ისეთივე არასასიამოვნო შთაბეჭდილება მოახდინა ვენის სამიპერატორო კარზე, როგორც ლონდონში. თავის დეპეშებში კობენცლისადმი თუგუტი რომის იმპერატორის სახელით აშკარა სინანულს გამოთქვამდა რუსეთის იმპერატორის ამ გადაწყვეტილების გამო, რამაც ავსტრიას სამხედრო დახმარების იმედი დაუკარგა. მაგრამ ამავე დროს იგი აღნიშნავდა რომის იმპერატორის სიხარულს და მადლობას იმის გამო, რომ პაველმ გადაწყვიტა შეენარჩუნებინა მეგობრული ურთიერთობა ავსტრიასთან და აღებული სამოკავშირო ვალდებულებებისადმი ერთგულება. ამავე დროს დეპეშებში გადაკერით იყო მოხსენებული საფრანგეთთან ომის დასრულების სასურველობა და ის ტერიტორიული ცვლილებები, რომლებიც შეიძლება ფრანგებთან დახვედბას მოჰყოლოდა. კერძოდ იგი ასახელებს ნიდერლანდებს და შესაძლებლად მიაჩნია მისი ფრანგებისათვის დათმობა, თუ სანაცვლოდ ავსტრია ბავარიას მიიღებდა. თუგუტის ახრით, რუსეთი და პრუსია ასეთი ტერიტორიული ცვლილებების მომზარენი უნდა ყოფილიყვნენ. „Конфиденциальная записка о содержании четырех депеш бар. Тургута, сообщенных австрийским послом в Петербурге гр. Кобенцелем канцлеру Остерману 18 янв. 1797 г.“, ЦГАДА, ф. Папных, д. 249. лл. 1—4.

მეგობრული წერილის გადაცემა პავლესთვის და მის გამეფებასთან დაკავშირებით მილოცვა¹. ბრიული პეტერბურგში გულთბილად და პატივით მიიღეს. საპასუხო წერილში ფრიდრიხ-ვილჰელმ II-სადმი პავლე I მადლობას უთვლიდა მას კეთილი სურვილებისათვის გამეფებასთან დაკავშირებით, თანაც გამოთქვამდა სურვილს პრუსიის მთავრობასთან ერთად ემოქმედა ყოველგვარ შერყევათა თავიდან ასაცილებლად და ევროპაში ზავის დასადებად².

პრუსიის საგანგებო დესპანს ძირითად დავალებასთან ერთად სხვა დავალებაც ჰქონდა. მას პეტერბურგის მთავრობისათვის უნდა ეცნობებინა საფრანგეთ-პრუსიის ბაზელის 1795 წლის საზავო ხელშეკრულებისა და 1796 წლის 5 აგვისტოს (ახ. სტილით) დამატებითი საიდუმლო კონვენციის კონფიდენციალური მუხლები³. დაბოლოს, რუსეთის ცარიზმის გულის მოსაგებად პრუსიის მთავრობამ საჭიროდ დაინახა ბრიულის მეშვეობით გაემეორებინა, რომ მომავალში, სანამ რუსეთის მხარდაჭერის იმედი ექნებოდა, არავის მიმართ არავითარ ვალდებულებებს არ აიღებდა ამ უკანასკნელთან კონსულტაციისა და სანქციის გარეშე⁴.

მილიუტინის და მარტენის შეხედულებით პრუსიის მთავრობას სურდა დამტკიცებინა თავისი გულწრფელობა, მოეგო პეტერბურგის მთავრობის გული და რუსეთის ახალი იმპერატორი განეწყო თავის სასარგებლოდ⁵. მაგრამ ეს ვარაუდი არ გამართლდა. პრუსიის მთავრობის ამ ნაბიჯს ხელი არ შეუწყვია რუსეთ-პრუსიის შემდგომი დაახლოებისათვის.

პრუსიის მთავრობის „გულწრფელმა აღსარებამ“ რუსეთის იმპერატორის და რუსეთის საგარეო საქმეთა კოლეგიის გულისწყრომა დაიმსახურა. პეტერბურგში აღშფოთდნენ არა თვით საფრანგეთ-პრუსიის ხელშეკრულების და მისი ფარული დანამატების

¹ Д. М и х ю т и н, დასახ. ნაშრ., ტ. I, გვ. 29.

² ი ჯ ე ჯ, პავლე I-ის წერილი (ფრანგულ ენაზე) 1797 წლის 3/14 იანვრის თარიღით მოთავსებულია მილიუტინის ნაშრომის შესამე ტომში. იხ გვ. 50, მე-18 შენიშვნა.

³ ამ დავალების შესახებ ცნობას იძლევა თვით ფრიდრიხ ვილჰელმ II თავის მორიგ წერილში (1797 წლის 25 იანვარის. 5 თებერვლის თარიღით) პავლე პირველისადმი. იხ. Д. М и х ю т и н, დასახ. ნაშრ., ტ. 3, გვ. 51.

⁴ Ф. М а р т е н с, Собрание трактатов и конвенций, заключенных Россиею с иностранными державами, ტ. 6, трактаты с Германиею..., ტ. II ს., გვ. 253.

⁵ Ф. М а р т е н с, დასახ. ნაშრ., ტ. 6, გვ. 253; Д. М и х ю т и н, დასახ. ნაშრ., ტ. 3, გვ. 51.

დადების გამო, რამდენადაც აღნიშნულ ხელშეკრულების იმ კონფიდენციალური მუხლების გამო, რომლებიც უშუალოდ გერმანიას ეხებოდა, მის ბედს ახლებურად წყვეტდა და რუსეთის ინტერესებს ამ საკითხში ანგარიშს არ უწევდა. რუსეთის იმპერატორმა ბრიულის მეშვეობით გაიგო, რომ საფრანგეთთან დადებული ხელშეკრულებებით პრუსიის მთავრობამ საფრანგეთს ნება დართო გადაეწია თავისი საზღვარი აღმოსავლეთისაკენ და შემოეერთებინა რაინის მარცხენა ნაპირზე მდებარე გერმანული ოლქები. ამის სანაცვლოდ საფრანგეთის ხელში გადასული ტერიტორიების ყოფილ მფლობელებს, მათ შორის თვით პრუსიას და ჰესენის და ნასაუს მთავრებს კომპენსაციად უნდა მიეღოთ ახალი ტერიტორიები სასულიერო ხელისუფალთა სამფლობელოების სეკულარიზაციის გზით¹.

პაეღე I-ის მთავრობამ გერმანიის საკითხის რუსეთის წონაწილეობის გარეშე გადაწყვეტაში სავსებით სამართლიანად დაინახა თავისი ინტერესების უგულვებლყოფა და შელახვა და გერმანიის იმპერიაში არსებული status quo-ს აშკარა რევიზია. ტეშენის 1779 წლის ტრაქტატით, რომელსაც რუჟეთთან ერთად ერთ-ერთი გარანტის სახით თვით საფრანგეთიც აწერდა ხელს, მეფის რუსეთს მინიჭებული ჰქონდა უფლება ენერგიულად დაეცვა ამ ტრაქტატით დადგენილი ვითარება გერმანიის სამეფოსამთავროებში და ხელი შეეშალა მათი ყოველგვარი რევიზიის ცდისათვის².

გერმანიის იმპერიის ხარჯზე პრუსია-საფრანგეთის გარიგების გამო თავისი თვალსაზრისი გამოხატა რუსეთის დიპლომატიამ პაეღე I-ის 1797 წლის 16 თებერვლის რესკრიპტით კოლიჩევისადმი. ამ რესკრიპტში აღნიშნული იყო, რომ რაინის მარცხენა ნაპირის დათმობა საფრანგეთისათვის არღვევს გერმანიის იმპერიის ხელუხლებლობას და არა თუ ხელს არ უწყობს ევროპის დამშვიდებას, არამედ, პირიქით, ახალ შფოთს და გადატრიალებათა წყაროს წარმოადგენს³. ვინაიდან პრუსიამ უკვე მიიღო თავისი წილი პოლონეთის განაწილებიდან, ამიტომ, რუსეთის იმპერატორის შეხედულებით მას ახალი ტერიტორიების მიღების

¹ Д. М и л ю т и н, დასახ. ნაშრ., ტ. 1, გვ. 29.

² Дипломатический словарь, ტ. 2, გვ. 806—807.

³ Д. М и л ю т и н, დასახ. ნაშრ., ტ. 1, გვ. 29.

პრეტენზია არ უნდა ჰქონდეს¹. რესკრიპტის დასასრულს რუსეთის იმპერატორი მიაქცევდა პრუსიის მთავრობის ყურადღებას იმას, რომ პრუსია მხოლოდ მაშინ მოიპოვებდა რუსეთის ნდობას და მხარდაჭერას, როდესაც ნებაყოფლობით აიღებდა ხელს გერმანიის იმპერიის ხელყოფის განზრახვაზე².

პრუსიის მეფემ ფრიდრიხ-ვილჰელმ II-მ სცადა დაეცვა თავისი პოზიცია და გაემართლებინა საფრანგეთის რესპუბლიკასთან დადებული აქტები. ბრიულის სახელზე 1797 წლის 17 მარტს გაგზავნილ ნოტაში პრუსიის მეფე ენერგიულად იცავდა ნეიტრალიტეტის პოლიტიკას, რომელსაც ადგა პრუსიის მთავრობა და რომლის შენარჩუნებასაც ფიქრობდა იგი მომავალში. ნოტაში გამოთქმული იყო სინანული, რომ პრუსიის კეთილი ზრახვები ღირსეულად არ იქნა შეფასებული პეტერბურგში და, პირიქით, ისინი ცუდად იქნა გაგებული³.

მაგრამ პრუსიის მთავრობის ახალმა დიპლომატიურმა დემარშმა ვერ გაფანტა პეტერბურგის სამეფო კარზე დამკვიდრებული აზრი პრუსიის მთავრობის საექვო და ფაქტიურად ვერაგული ნაბიჯის გამო.

ამგვარად, საფრანგეთ-პრუსიის ხელშეკრულებათა დადებამ და გერმანიის ხარჯზე მათმა მორიგებამ უნდობლობის და ეკვის ატმოსფერო შექმნა რუსეთ-პრუსიის ურთიერთობაში და ხელი შეუშალა მათი კეთილმეზობლობის გარეგნული დემონსტრაციის განმტკიცებას. ამიტომ ერთი შეხედვით მოსალოდნელი იყო მათი ურთიერთობის მკვეთრი გაუარესება. მაგრამ ამ ნიადაგზე პრუსიასთან ურთიერთობის გამწვავება იმ ვითარებაში, როდესაც პრუსია-ავსტრიის კინკლაობა კიდევ უფრო ძლიერდებოდა, ხოლო

¹ К. Вашишевский, დასახ. ნაშრ., გვ. 296.

² Ф. Мартенс, დასახ. ნაშრ., ტ. 6, გვ. 253; Д. Милютин, დასახ. ნაშრ., ტ. 3, გვ. 51—52; Сб. РИО, ტ. 26, გვ. 437.

³ Ф. Мартенс, დასახ. ნაშრ., ტ. 6, გვ. 253. როგორც აღმოგვიჩვენა ფრიდრიხ-ვილჰელმ II-მ, როდესაც კვდებოდა, ტახტის მემკვიდრეს, მომავალ ფრიდრიხ-ვილჰელმ III-ს, უანდერძა და სთხოვა მტკიცედ დაეცვა მომავალში ნეიტრალიტეტის პოლიტიკა. ეს უკანასკნელი უკვე თავისი გამეფების შემდეგ, 1798 წლის ოქტომბერში ნეიტრალიტეტის შესახებ შემდეგს სწერდა: „ყველამ იცის, რომ მე მცხიზლება ომი და რომ მე არ ვიცი უკეთესი სიყვთე დედამიწაზე, ვიდრე მშვიდობის შენარჩუნება. იხ. Baillon, დასახ. კრებული, ტ. I, გვ. XVII. ცნობილია, რომ, პრუსიის მეფეები მშვიდობის დამკველები და ომის მტრები არასოდეს არ ყოფილან. მაგრამ მაშინ, იმ ვითარებაში პრუსიელი ჰოპენციოლერნები „ტყავის შენარჩუნების“ მიზნით ნეიტრალიტეტის კურკში ეხვეოდნენ.

ავსტრია იტალიაში ფრანგებისაგან ახალ-ახალ დამარცხებებს განიცდიდა, ხელსაყრელი არ იყო რუსეთისათვის. რუსეთის ინტერესების დაცვა გერმანიაში და საერთოდ ევროპის პოლიტიკურ ცხოვრებაში მისი გავლენის შემდგომი გაძლიერება ამ ქვეყნის დიპლომატიის წინაშე აყენებდა პრუსიასთან უკვე არსებული ურთიერთობის შენარჩუნების (თუ გაუმჯობესების არა) საჭიროებას. მხოლოდ პრუსიასთან კეთილმეზობლური ურთიერთობის შენარჩუნების და საზღვრის ამ მხრიდან უშიშროების პირობებში შეეძლო მეფის რუსეთს წარმატებით გაერთმია თავი გართულებული მდგომარეობისათვის ცენტრალურ და სამხრეთ ევროპაში.

აღნიშნული გარემოების გამო რუსეთის მთავრობამ წამოკრილი გაუგებრობა ლიკვიდირებულად მიიჩნია და განაგრძო დიპლომატიური საქმიანობა პრუსია-ავსტრიის მოსარჩებლად. ამ ორი ქვეყნის მორიგება, საფრანგეთთან მოლაპარაკების დაწყების პარალელურად, მეფის რუსეთისათვის ერთ-ერთი ღონისძიება იყო, რომელსაც ხელი უნდა შეეშალა ავსტრიის განადგურებისათვის და გაეძლიერებინა მისი მაწონასწორებელი ძალა ცენტრალურ ევროპაში, როგორც ფორპოსტისა. საფრანგეთის „დამანგრეველი“ გავლენის წინააღმდეგ¹.

განზრახულის სისრულეში მოყვანის მიზნით მეფის მთავრობამ საჭიროდ სცნო ბერლინსა და ვენაში სპეციალური მისიის მივლინება. პეტერბურგის სამეფო კარზე არჩევანი ფელდმარშალ თავად ნ. ვ. რეპნინზე შეაჩერეს. მას ამ დროისათვის არა მარტო კარგი სარდლის, არამედ ნიჭიერი და გამოცდილი დიპლომატის სახელიც ჰქონდა მოხვეჭილი, იმპერატორის ნდობით სარგებლობდა, თანაც ბერლინსა და ვენაში *Persona grata*-ს წარმოადგენდა².

¹ რა თქმა უნდა, სიმართლეს მოკლებულია თ. მარტენის და რევოლუციამდელ ზოგ სხვა რუს ისტორიკოსთა ახრი იმის შესახებ, თითქოს პავლეს ძლიერ მოსწონდა ხალხთა მშვიდობისმყოფელის (*шпотоверец*) და არბიტრის საპატიო როლი და ამიტომ მის პირად ნებასთან და პატივმოყვარეობასთან იყო დაკავშირებული მისი შესაბამისი ნაბიჯები. იხ. ფ. Мартенс. დასახ. ნაშრ., ტ. 6, გვ. 254. პირიქით, ასეთ ინიციატივას სათანადო ობიექტური საფუძველი გააჩნდა. იგი იმ ახალი ტაქტიკური ნაბიჯების ორგანულ ნაწილს წარმოადგენდა, რომლებიც რუსეთის მთავრობამ 1796 წლის დასასრულიდან გადადგა საფრანგეთის მიმართ.

² თავადი ნიკოლოზ ვასილის ძე რეპნინი (1734—1801), რუსეთის გენერალ-ფელდმარშალი და დიპლომატი, მნიშვნელოვან ფიგურას წარმოადგენდა რუსეთის ფეოდალური არისტოკრატის ზედაფენის რიგებში მე-18 საუკუნის მეორე ნახევარში. იგი რამოდენიმე ათეული წლის მანძილზე ათავსებდა ერთმანეთ-

თავად რეპნინს დამხმარედ და თანაშემწედ თან უნდა გაპყოლო-
და გრაფი ნ. პ. პანინი.

ბერლინში გამგზავრების წინ რეპნინი საგარეო საქმეთა კო-
ლეგიამ სათანადო ინსტრუქციებით აღჭურვა. პირველ ინსტრუქცი-
აში (1797 წლის 15 აპრილის თარიღით) მოცემული იყო მისიის
დანიშნულების მოკლე განმარტება და ჩამოყალიბებული იყო რუ-
სეთის თვალსაზრისი ავსტრია-პრუსიის ურთიერთობის საკითხზე¹,
მეორე ინსტრუქციას, გაცილებით უფრო ვრცელს, ვიდრე პირველი,
წარმოადგენდა პავლე I-ის რესკრიპტი რეპნინისადმი (1797 წლის
19 აპრილის თარიღით).

ეს მეორე ინსტრუქცია საინტერესო დოკუმენტს წარმოად-
გენს. მასში ევროპის პრობლემები და მათდამი რუსეთის მთავრო-
ბის დამოკიდებულება საკმაოდ სისრულით იყო დასმული და გან-
ვითარებული².

რესკრიპტში აღნიშნულია ის სერიოზული საფრთხე, რომე-
ლიც ევროპის მშვიდობიანობას და ავსტრიის სახელმწიფოს
მთლიანობას შეუქცნა ფრანგთა გამარჯვებამ და მათმა გაბა-
ტონებამ ჩრდილო იტალიაში. ამ ომის შეწყვეტა, რამდენადაც
შესაძლებელია ხელსაყრელ პირობებში, მიჩნეულია ავსტრიის სა-
ხელმწიფოს დარღვევისა და ევროპისათვის დამლუპველი მოვლე-

თან სამხედრო, ადმინისტრაციულ და დიპლომატიურ საქმიანობას და ბევრი
მისია და პოსტი გამოიკვალა. 1769 წლამდე რეპნინი რუსეთის ელჩია პოლო-
ნეთში. აქ იგი დიპლომატიის, მუხანათობის, მუქარის და ძალის კომბინირებუ-
ლი მეთოდების გამოყენებით კარგად ასრულებდა იმ პოლიტიკას, რომელსაც
ეკატერინე II-ის ინიციატივით ახორციელებდა რუსეთის მთავრობა პოლონეთის
დაყოფის გეგმის სისრულეში მოსაყვანად. 1774 წელს რეპნინი მონაწილეობას
იღებს თურქეთთან ქუჩუკ-კაინარჯის ხელშეკრულების შემუშავებაში, 1775 წელს
კი იმ სახეობაში ელჩობას ხელმძღვანელობს, რომელიც რუსეთის მთავრობამ კონს-
ტანტინეპოლს მიაჯლინა. 1779 წელს რეპნინი გერმანიაშია. აქ იგი მონაწილეობს
ტუმენის კონგრესის საქმიანობაში, როგორც რუსეთის წარმომადგენელი და ტუ-
მენის ტრაქტატის ერთ-ერთი ავტორი. 1787—1791 წლებში იგი მონაწილეობას
იღებს რუსეთ-თურქეთის ომში. უფრო გვიან მას რუსეთში მთელი რიგი ადმი-
ნისტრაციული პოსტები უკავია, ხოლო პავლე I-ის მეფობის დროს გლებთა
ერთ-ერთი აჯანყების ჩახშობის ხელმძღვანელია. რეპნინის შესახებ იხ. Душю-
матический словарь, ტ. 2, გვ. 505—507; Русский биограф. словарь, ტ. 16,
გვ. 93—118; Словарь достопамятных людей русской земли, ნაწ. IV, გვ.
284—308

¹ Ф. Мартенс, დასახ. ნაშრ., ტ. 6, გვ. 250—251.

² Д. Милютин, დასახ. ნაშრ., ტ. 3, გვ. 54—58. აქ ამ ინსტრუქციის
სრული ტექსტია მოთავსებული.

ნების შემდგომი განვითარების თავიდან აცილების ერთ-ერთ ძირითად პირობად¹. აღნიშნული იყო რა პრუსია-საფრანგეთის შეთანხმების არასასურველობა, ინსტრუქციაში გამოთქმული იყო სურვილი ლაიპციგში ან რომელიმე სხვა ქალაქში მოეწვიათ ევროპის სამშვიდობო კონგრესი. ამ კონგრესს უნდა შეემუშაებინა მონაწილე ზავის პირობები, გადაეწყვიტა მეომარ მხარეთა შორის არსებული ყველა სადავო საკითხი და ამით ბოლო მოეღო ევროპის გათიშვის არსებული მდგომარეობისათვის. ამ კონგრესის გადაწყვეტილებები, რა თქმა უნდა, საფრანგეთისათვისაც უნდა ყოფილიყო სავალდებულო.

ინსტრუქცია მტკიცე დავალებას აძლევდა ნ. რეპნინს: დაერწმუნებინა პრუსიის და ავსტრიის მთავრობები თავი დაენებებინათ ურთიერთქიშპობაზე გერმანიის დაქუცმაცებულ სახელმწიფოებზე ჰეგემონობის მოპოვების საქმეში და ხელი შეეწყოს მოკლე დროში ევროპის დამშვიდებისათვის. რუსეთის საგანგებო გზავნილს რჩევა უნდა მიეცა ვენისა და ბერლინის მთავრობათათვის ყოფილიყვნენ ზომიერი თავიანთ მოთხოვნებში, გამოეჩინათ დამთმობლობა. რეპნინს, პირველ ყოვლისა, უნდა დაერწმუნებინა პრუსიის მეფე და მთავრობა რუსეთის იმპერატორის კეთილგანწყობილებასში პრუსიის მიმართ, მის ზრუნვაში ევროპის მშვიდობის ინტერესებისათვის, მის მზადყოფნაში დაეცვა ავსტრიის იმპერია შემდგომ შერყევათაგან, გერმანია კი — სრულ დანაწილებისაგან. მას უნდა ერჩია პრუსიის მთავრობისათვის ხელი შეეწყოს საფრანგეთის აგრესიის შეჩერებისა და ევროპის დამშვიდების საქმისათვის. ინსტრუქციაში ხაზგასმული იყო, რომ მეფის რუსეთი მზად იყო დახმარების ხელი გაეწოდებინა არა მარტო ავსტრიისათვის, არამედ თვით პრუსიისთვისაც, თუ საამისო საჭიროება შეიქმნებოდა².

თუ ამ ინსტრუქციას ვერწმუნებით, პეტერბურგის მთავრობა მიმდინარე ომის შეწყვეტისა და საფრანგეთის აგრესიის შემდგომი წარმატებისათვის ზღვარის დადების უებარ საშუალებად მიიჩნევდა საფრანგეთსა და რუსეთს შორის ხელშეკრულების დადებას, რომელიც რუსეთს მიანიჭებდა მომრიგებლის როლს მეომარ სახელმწიფოთა შორის. აღნიშნულის გამო, რუსეთის დიპლომა-

¹ „...скорейшее прекращение их (ლაპარაკია არსებულ არანორმალურ ვითარებაზე—ვ. დ.) широм, на условиях koliko можно скорейших заключенных, есть одно средство и к спасению сей Монархии, и к отвращению дальнейших следствий, пагубных для всей Европы“. Д. М и л ю т и в. დასახ. ნაშრ., ტ. 3, გვ. 54.

² იქვე, გვ. 56.

ტიას შესაძლებლად მიაჩნდა პანიჩის მეშვეობით ბერლინის მოლაპარაკებების განახლება. თუ საფრანგეთი ხელს აიღებდა ავსტრიასთან შემდგომ ომზე და მიიღებდა რუსეთის სამომრიგებლო მისიას, რუსეთის მთავრობა მზად იყო დაეთმო საფრანგეთისათვის, ავსტრიისა და ინგლისის სტრატეგიული ინტერესების საზიანოდ, ნიდერლანდები, ლიეჟის სამთავრო და საეოი. მაგრამ, ემყარებოდა რა ტეშენის ტრაქტატს, რუსეთის მთავრობა თავგამოდებით იცავდა გერმანიის იმპერიის მთლიანობას, რუსეთის არბიტრის როლს ამ იმპერიის ფეოდალურ სამთავრო-სახელმწიფოთა მიმართ, კატეგორიულად ავალებდა რეპნინს არ წასულიყო ამ დარგში არავითარ დათმობაზე და ენერგიული წინააღმდეგობა გაეწია ამ მთლიანობის დარღვევის ყოველგვარი ცდისათვის ვისგანაც არ უნდა წარმომდგარიყო იგი¹.

ისმის კითხვა, რატომ სთავაზობდა რუსეთის იმპერატორი საფრანგეთის რესპუბლიკას ნიდერლანდებს, ლიეჟის სამთავროს და საეოის, წარმოადგენდა ეს მარტო ჯილდოს ფრანგებისათვის მათ მიერ ავსტრიის წინააღმდეგ ომის შეწყვეტისათვის, თუ ამას სხვა მიზანიც ჰქონდა?

ჩვენ ვფიქრობთ, რომ ეს ნაბიჯი ოსტატურად მოფიქრებულ დიპლომატიურ სვლას წარმოადგენდა. აღნიშნული გარიგების პროექტის რეალიზაცია სერიოზულ ზიანს მიაყენებდა ინგლისის ინტერესებს და ამით აიძულებდა ინგლისს უფრო ენერგიულად ებრძოლა საფრანგეთის წინააღმდეგ, ჩაშლიდა ინგლის-საფრანგეთის დაზავების შესაძლებლობას, რაც სასურველი არ იყო რუსეთისათვის იმ ეტაპზე. ეს მკვეთრად შეასუსტებდა ავსტრიის პოზიციებს გერმანიასა და იტალიაში და აიძულებდა მას კიდევ უფრო მეტად დამორჩილებოდა რუსეთის გავლენას და მისი დიპლომატიური გეგმები გაეზიარებინა. ასეთ პირობებში ომის შეწყვეტა და ევროპის კონტინენტზე მშვიდობის აღდგენა განამტკიცებდა რუსეთის პოლონური მიწების უშიშროებას, გააძლიერებდა რუსეთის პოზიციებს იტალიასა და გერმანიაში და მოქმედების თავისუფლებას მისცემდა მას ახლო აღმოსავლეთში. ერთი სიტყვით, რუსეთის დიპლომატიის აღნიშნული გეგმის რეალიზაცია ძალთა ისეთ წონასწორობას შექმნიდა ევროპის კონტინენტზე, რომელიც გამორიცხავდა ახალი ომის შესაძლებლობას რუსეთის ომში ჩაბმის საფრთხის გამო და მოუპოვებდა მას იმ არბიტრის როლს, რომელსაც იგი ასე დაეინებით ეძიებდა.

¹ Д. М и л ю т и н, დასახ. ნაშრ., ტ. 3, გვ. 56.

მეფის რუსეთის მთავრობას შეუძლებლად მიაჩნდა საფრანგეთის საზღვრის შემდგომი გადაწევა აღმოსავლეთისაკენ და საფრანგეთ-გერმანიის საზღვრად მდ. რაინის დაწესება, რადგან ეს უშუალო საფრთხეს შეუქცნიდა გერმანიის იმპერიის მთლიანობას და თვით პრუსიის უშიშროებას, და, მაშასადამე, ზიანს მიაყენებდა თვით მეფის რუსეთის პოლიტიკურ და სამხედრო-სტრატეგიულ ინტერესებს ცენტრალურ ევროპაში. ასევე შეუძლებლად მიაჩნდა რუსეთის მთავრობას პოლონეთის საკითხის დასმა და მის თაობაზე რაიმე სახის მოლაპარაკების გამართვა ბერლინსა და ვენაში, მით უფრო საფრანგეთის რესპუბლიკის წარმომადგენლებთან.

როგორც ჩანს, პავლე I-ის მთავრობას უკვე მაშინვე ჰქონდა განზრახვა, თუ მისი კეთილი სამსახურის მისია უშედეგოდ დამთავრდებოდა და საფრანგეთი „ჯიუტობას“ განაგრძობდა, იარაღისათვის მოეკიდა ხელი და იმპერიის აქტუალური საგარეო პოლიტიკური ამოცანების გადაწყვეტა და სათანადო ინტერესების და პოზიციების დაცვა საფრანგეთთან ომისათვის დაეკავშირებინა. ამიტომ არის, რომ ინსტრუქციის დასკვნით ნაწილში მკაფიოდ არის ხაზგასმული ასეთი ღონისძიების გამოყენების შესაძლებლობა¹.

მეფის რუსეთის მთავრობის აღნიშნული დიპლომატიური წამოწყება მაშინ წარმატებით არ დამთავრებულა. რეპინინის მისია არ განხორციელებულა. რუსეთის ჩარევა მეომარ სახელმწიფოთა ურთიერთობაში ზედმეტი გახადა როგორც საფრანგეთის რესპუბლიკის დიპლომატიის საწინააღმდეგო ნაბიჯებმა, ისე თვით ავსტრიის სამეფო კარის სეპარატულმა გარიგებამ საფრანგეთთან.

¹ Д. Милютин, დასახ. ნაშრ., ტ. 3, გვ. 58; იხ. აგრეთვე Ф. Мартец, დასახ. ნაშრ., ტ. 6, გვ. 250—251; А. Сопель, დასახ. ნაშრ., ტ. 5, გვ. 143—144.

„...но буде французское правление, — ვკითხულობთ ამ ინსტრუქციის დასკვნით ნაწილში, — прострет суйство свое на крайнее угнетение Венского двора, и неистовыми требованиями пренсполнит меру, тогда уже честь и безопасность наша востребует деятельного нашего вопреки тому пособия. На оба сии случая решимся мы учинить всеми силами Нашими вооружение, дабы на всякую сторону обратиться, куда достоинство наше и оборона Империи Нашей в ея целости призывать будут...“ იხ. Д. Милютин, დასახ. ნაშრ., ტ. 3, გვ. 58.

ავსტრიის მთავრობა და ავსტრიის საგარეო პოლიტიკის ფაქტიური ხელმძღვანელი ბარონი თუგუტი¹ მეტად მოხერხებულ და ამავე დროს ვერაგულ პოლიტიკას აწარმოებდნენ. ვენაში ერთის მხრივ, სვეწნა-მუდარით და დაეინებით მიმართავდნენ დახმარებისათვის მეფის რუსეთს და მისგან მოითხოვდნენ სამხედრო და დიპლომატიურ დახმარებას²; მეორეს მხრივ კი ფარულ მოლაპარაკებას აწარმოებდნენ გამარჯვებულ ფრანგებთან რუსეთის ზურგს უკან³. ეს მოლაპარაკება დამთავრდა ლეობენის დაზავებაზე ხელის მოწერით (1797 წლის 7/18 აპრილს)⁴.

¹ ავსტრიის მონარქიის სახელმწიფო მინისტრის თუგუტის ორაგინალურ დახასიათებას, თუმცა, უდაოდ, სუბიექტური მიდგომით, იძლევა იტალიელი (სარდინიელი) ავტორი გრეპი (Le Comte Joseph Gropi) ზემოდასახელებულ წიგნში „Révélations diplomatiques sur les relations de la Sardaigne avec l'Autriche et la Russie pendant la première et la deuxième coalitions“. P., 1859. ყველა იმ უბედურობათათვის, რაც იტალიას, კერძოდ კი სარდინიას მიაყენა ავსტრიამ XVIII—XIX საუკუნეების მიჯნაზე ავტორი ბრალს სდებს თუგუტს. ავტორი ირონიით აღნიშნავს თუგუტის დაბალი სოციალური წრიდან გამოსვლას: იყო ლარიბი მენაეის (batelier-ს) შვილი და მკონე საოცარი სახელის — Thunigut (გარეწარი, უსაქმური), რომელიც შემდეგ შეუცვალეს სახელით — Thugut (რაც ნიშნავს კარგად მოქმედებას). თუგუტმა მამინ აიღო ძალაუფლება ხელში, როდესაც საფრანგეთის რევოლუციამ ყველა თავისი გადატრიალება მოახდინა. მას მოუხდა ყველაზე არისტოკრატიული სახელმწიფოს მართვა და საფრანგეთის რევოლუციის წინააღმდეგ, ევროპული დემოკრატიის წინააღმდეგ ბრძოლა. იხ. იქვე, გვ. 3—4.

² ამ დემარშის შესახებ ცნობას იძლევა გრაფი ა. კ. რაზუმოვსკი თავის 1797 წლის 28 მარტის წერილში ბეზბოროდკოსადმი. იხ. А. В а с и л ь ч и к о в, Семейство Разумовских, ტ. 3, ნაწ. I, გვ. 237.

³ თუგუტი დიდი მოხერხებით მალაჟდა ნაპოლენთან წარმოებულ მოლაპარაკებას. იგი არწმუნებდა რუსეთის ელჩს რაზუმოვსკის, რომ ავსტრიელებს და ფრანგებს შორის არაეითარი მოლაპარაკება არ წარმოებსო. რაზუმოვსკის, რომელიც ავსტრიის მთავრობის, კერძოდ თუგუტის გავლენის ტყვეობაში იმყოფებოდა, სჯეროდა მისი „მეგობრის“ „გულწრფელი“ აღიარებისა. А. В а с и л ь ч и к о в, დასახ. ნაშრ., ტ. 3, ნ. I, გვ. 233.

⁴ ლეობენის დაზავება ხელმოწერილი იქნა ლეობენში (ავსტრიის ტერიტორიაზე) ნაპოლენ ბონაპარტსა და ავსტრიის წარმომადგენელ მარკიზ გალოს შორის. ლეობენის დაზავებით ავსტრიელები ხელს იღებდნენ ნიდერლანდებზე და ლომბარდიაზე. პირველი გადადიოდა ფრანგების ხელში, მეორე, ოამდენადმე გაფართოებული ვენეციის ხარჯზე, ფორმალურად ღებულობდა დამოუკიდებლობას. ფაქტიურად კი საფრანგეთის ხელში ექცეოდა. ავსტრიელები სცნობდნენ აკრთვე საეოისა და ნიციის საფრანგეთის ხელში გადასვლისა და ფრანგების მიერ მოლენის საქერცოგოს დაპყრობის ფაქტს. ამის სანაცვლოდ ავსტრია ღებულობ-

ავსტრიის მთავრობამ მალე აცნობა რუსეთის სამეფო კარს ლეობენის დაზავებაზე ხელის მოწერა. მაგრამ, ვინაიდან რუსეთში არ მოელოდნენ საფრანგეთ-ავსტრიის ომის ასეთ ფინალს, ავსტრიის მთავრობას დასჭირდა თავის გამართლება. მან დაზავებაზე ხელის მოწერა პრუსიის საექვეო ნეიტრალიტეტით და ინგლის-საფრანგეთის მოლაპარაკებით გაამართლა. დასასრულ, პეტერბურგის სამეფო კარის კეთილგანწყობილების უზრუნველსაყოფად ავსტრიის მთავრობა ისევ სთხოვდა რუსეთის იმპერატორს მომრიგებელი ფუნქციის შესრულებას საფრანგეთთან საბოლოო ზავის დასადებად და ზომებს პრუსიის „ბოროტ განზრახვათა“ აღსაკვეთად¹.

მართალია, მეფის მთავრობას დიდად არასასიამოვნოდ დაურჩა ავსტრიის მიერ ლეობენის სეპარატულ დაზავებაზე ხელის მოწერა, მაგრამ, მიუხედავად ამისა, მან საკიროდ სცნო თავი აერიდებინა ავსტრიასთან ურთიერთობის შემდგომი გართულები-სათვის. ამიტომ მან შესაძლებლად მიიჩნია ისევ განეგრძო ბერლინისა და ვენის მთავრობებზე ზემოქმედების მოხდენა, მათი მორიგების მიზნით.

მოქმედებდა რა ასეთნაირად, რუსეთის მთავრობა შემდეგ ძირითად ამოცანებს ისახავდა: 1) იარაღის მომარჯვების წინ ერთხელ კიდევ დიპლომატიური „არხების“ გზით ზღვარი დაედო საფრანგეთის ტერიტორიული გაფართოებისა და გავლენის შემდგომი ზრდისათვის საერთოდ, კერძოდ კი იტალიასა და გერმანიაში; 2) ხელი შეეშალა ინგლის-საფრანგეთის შეთანხმებისათვის და მათ შორის ზავის დადებისათვის, რადგანაც იგი ზედმეტს გახდიდა რუსეთის მომრიგებლობას და შეასუსტებდა მის გავლენა-პოზიციებს გერმანიასა და სამხრეთ-აღმოსავლეთ ევროპაში (ამიტომ იყო, რომ

და ვენეციას და ავსტრიასა და დალმაციას შორის მდებარე ადრიატიკის სანაპიროს. ზავის პირობები საფრანგეთსა და გერმანიის იმპერიის სპეციალურ კონგრესზე უნდა შემუშავებულიყო. იხ. A. Сопен, დასახ. ნაშრ., ტ. V, გვ. 130; Д. Милютин, დასახ. ნაშრ., ტ. I, გვ. 33—34.

¹ Д. Милютин, დასახ. ნაშრ., ტ. I, გვ. 34; პრინც პონიატოვსკის ცნობით ავსტრიის ელჩმა კობენცლმა, რომელმაც თავისი მთავრობის დავალებით პავლეს გადასცა ცნობა ლეობენის დაზავებაზე ხელის მოწერის შესახებ, თავისივე მთავრობის დავალებით დასძინა: ავსტრიის მთავრობას შეუძლია ამ ხელშეკრულების დარღვევა, თუ რუსეთი მოინდომებს დაეხმაროს თავის მოკავშირეს. ამის საპასუხოდ პავლეს მხრები აუჩქარა და კობენცლისათვის უპასუხია შემდეგი: „თქვენ ჯერ კიდევ არ განგიცდიათ საკმაო დამარცხებები“. იხ. Prince Poniatowski. Souvenirs, მოთავსებული ჟურნ. „Revue d'histoire diplomatique“, 1895, ტ. 4, გვ. 529.

საფრანგეთ-ინგლისის ანტაგონიზმის გაღრმავების მიზნით რუსეთის დიპლომატია საფრანგეთს სთავაზობდა ნიდერლანდებს, რომლის საფრანგეთის ხელში გადასვლა შეასუსტებდა ინგლისის სტრატეგიულ პოზიციებს); 3) კიდევ უფრო გაეძლიერებინა თავისი გავლენა მთელ გერმანიაზე, ავსტრიაზე და თვით იტალიაზე. განემტკიცებინა თავისი ბატონობა დაპყრობილ პოლონურ ოლქებზე; 4) ამ გზით უზრუნველყო თავისთვის არბიტრის როლი ევროპის კონტინენტის სახელმწიფოთა ურთიერთობაში და პარალელურად ამისა, მიეღო მოქმედების თავისუფლება აღმოსავლეთში¹.

საბჭოთა ისტორიკოსის ლანინის შეხედულებით, რუსეთის ცარიზმი რუსეთის უშუალო სახელმწიფოებრივი ინტერესების („იმპერიის საარსებო ინტერესების“—შილდერის გამოთქმით) რეალიზაციას ევროპასა და ახლო აღმოსავლეთში დიპლომატიური მეთოდების გამოყენებით ფიქრობდა. თუ რუსეთი უზრუნველყოფდა თავისი უპირატესი გავლენის დამყარებას ევროპის სახელმწიფოთა ურთიერთობაში და თავისთვის ხელსაყრელ ძალთა შეფარდების შექმნას, მაშინ რუსეთის ცარიზმის ეს ჩანაფიქრი რეალიზებული იქნებოდა².

რუსეთის მთავრობა, როგორც უკვე აღნიშნული იყო ზემოთ, არ იყო დარწმუნებული დასახელებულ დიპლომატიური ნაბიჯების შექველ წარმატებაში. ამიტომ ეს მოლაპარაკება არ იყო მისი საგარეო პოლიტიკური საქმიანობის ერთადერთი გზა და მეთოდი. პარალელურად ამისა, პეტერბურგის სამეფო კარი აგრძელებდა ლონისძიებების მიღებას საზღვრების განსამტკიცებლად, ახალ სამხედრო შენაერთებს გზავნიდა დასავლეთი საზღვრებისაკენ და დიპლომატიური არხის მეშვეობით ინგლისთან და ევროპელ მოკავშირე მონარქებთან მუდმივ კონტაქტში იყო საფრანგეთის საწინააღმდეგო კავშირის ორგანიზაციის მიზნით.

პარალელური, სამშვიდობო-დიპლომატიური და სამხედრო-სტრატეგიული (თავისი დიპლომატიური დანამატებით) საქმიანობა, რომელსაც პავლე I-ის მთავრობა ეწეოდა, თითქოს, იმაზე მიგვიბრუნებს, რომ იგი ყოველმხრივ მზად იყო „ქვეყნის უშუალო ინტერესების დასაცავად“ იარაღისათვის მოეკიდა ხელი, თუ მისი სამშვიდობო ნაბიჯები მარცხს განიცდიდა³. მაგრამ თვით ის

¹ Д. Милзютин, დასახ. ნაშრ., გვ. 135.

² Р. Лавин, დასახ. წერილი, დასახ. უნრ., გვ. 10.

³ ასე ფიქრობს, მაგალითად, ლანინი. მისი აზრით, პავლე I მუდამ დარწმუნებული იყო თავის ძალაში, ამის გამო ხმლის გაშიშვლებას მხოლოდ მაშინ:

გარემოება, რომ მთელი ერთი წლის მანძილზე (1796 წლის დასასრულიდან 1797 წლის დასასრულამდე) რუსეთის მთავრობამ იარაღზე წინ დიპლომატიური საქმიანობა დააყენა, იმაზე მიგვივითებს, რომ ქვეყნის საშინაო პირობები და ევროპაში შექმნილი ვითარება მაშინ რუსეთისათვის არ იყო ხელსაყრელი და რუსეთს რომ იარაღისათვის მიემართნა, ამისათვის მას გარკვეული დრო, ლონისძიებები და წინასწარი მზადება ესაჭიროებოდა. სწორედ ამით და არა პავლე I-ის ვითომდა მშვიდობიანობისადმი სიყვარულით (როგორც ფიქრობს ბერი მისი აპოლოგეტი ისტორიკოსი) აიხსნება დიპლომატიური იარაღის წინა პლანზე წამოწევა იმ ეტაპზე¹.

3. კავკაზ-ფორსიოს ჯავი და მისი გავლენა

რუსეთ-საფრანგეთის ურთიერთობაზე

ლეობნის დაზავებაზე ხელმოწერის დროიდან მეფის რუსეთის დიპლომატია თავის საქმიანობას წარმართავდა რამოდენიმე მიმართულებით: განაგრძობდა მოლაპარაკებას ბერლინში როგორც საფრანგეთთან, ისე პრუსიის მთავრობასთან. პირველთან წარმოებულ მოლაპარაკებას უნდა მოჰყოლოდა საფრანგეთ-რუსეთის შეთანხმება რუსეთის მიერ წამოყენებული პირობების საფუძველზე, მეორესთან კი — რუსეთის გავლენის გადიდება პრუსიაზე და მისი სამედიატორო მისიის ცნობა ავსტრია-პრუსიის ურთიერთობაში. ვენაში და იტალიის სახელმწიფოებში მიმდინარე მოლაპარაკების ლერძს აგრეთვე საფრანგეთის აგრესიის შემდგომი გაფართოების აღკვეთა და ავსტრიასა და იტა-

განიზრახავდა იგი, თუ ამას „სახელმწიფოს უშუალო ინტერესები“ უკარნახებდა. იხ. P. Tassin, დასახ. წერილი, დასახ. უქრნ., გვ. 14. ლანინს აქ არ უნდა დაეყვა წერტილი. მას უნდა ეჭვენებინა ის ვითარება, რამაც რუსეთის მთავრობას მაშინ საფრანგეთის წინააღმდეგ იარაღით გამოსვლისაგან თავი შეაკავებინა.

¹ რომ მეფის რუსეთი ევროპის კონტინენტის უძლიერეს სახელმწიფოს წარმოადგენდა, რომელსაც, პირველ ყოვლისა, საკუთარი ძალის იმედი ჰქონდა, ეს ფაქტია და ამას თავის ადგილას ჩვენც ხაზი გავუსვით. ძირითადი მართალი იყო გრაფი პ. ვ. ზავადსკი, როცა გრაფ ა. რ. ვორონოვს სწერდა: „Кто имеет за 30-ть миллионов народа, 60 м. доходов и 400 тыс. войска, тот может взырять спокойно на все настоящие превратности вдали в полной надежде на свой собственный счет“. იხ. „Архив князя Воронцова“, ტ. 12. გვ. 191.

ლიაში რუსეთის გავლენის შენარჩუნება წარმოადგენდა. რუსეთის მთავრობა ვენის მთავრობისაგან მოითხოვდა პრინციპულობა გამოეჩინა საფრანგეთთან მოლაპარაკების დროს, არ წასულიყო რაიმე არსებით დათმობაზე და გადაჭრით უკუეგდო საფრანგეთის ყველა მიუღებელი პრეტენზია. მოლაპარაკების ჩაშლის შემთხვევაში რუსეთი ავსტრიას სთავაზობდა ეფექტურ სამხედრო დახმარებას ფრანგებთან ბრძოლაში. ლონდონში გრაფ ს. რ. ვორონცოვის მეშვეობით რუსეთის დიპლომატია, ამავდროს, ცდილობდა შეექმნა საფრანგეთის წინააღმდეგ მიმართული კავშირი და ამგვარად მზად ყოფილიყო საფრანგეთთან ომისათვის იმ შემთხვევაში, თუ მასთან მორიგების ცდა უშედეგოდ დამთავრდებოდა. მთელი ეს რთული დიპლომატიური თამაში ერთ მიზანს ემსახურებოდა: მის ფოკუსში მოქცეული იყო საფრანგეთთან შემდგომი ურთიერთობის საკითხი.

არა ნაკლებ ენერგიულ, რთულ და ფარულ დიპლომატიურ საქმიანობას ეწეოდა ვენის სამეფო კარი. იგი რუსეთს ერთგულებაში ეფიცებოდა, მისგან საჭირო შემთხვევაში სამხედრო დახმარების გარანტიას და პრუსიის ინტრიგების აღაგმვას მოითხოვდა, თანაც რუსეთის ზურგს უკან საფრანგეთის დირექტორიასთან ფარული მოლაპარაკება ჰქონდა გაჩაღებული საბოლოო ზავის პირობების შესამუშავებლად. საფრანგეთ-ავსტრიის მოლაპარაკება მიმდინარეობდა უდინოში (დროდადრო პასკრიანოშიც)¹.

საფრანგეთის რესპუბლიკის მხრივ (დირექტორიის სახელით) მისთვის ჩვეული ქედმაღლური მანერით მოლაპარაკებას აწარმოებდა ნაპოლეონ ბონაპარტი, ავსტრიის სახელით — მარკიზი გალო² (გრაფ მერფელდთან და ბარონ დეგელმანთან ერთად), შემდეგ კი ავსტრიის ელჩი პეტერბურგში გრაფი კობენცი³.

საფრანგეთ-ავსტრიის მოლაპარაკება მიმდინარეობდა დაძაბულ და საიდუმლოებით მოცულ ვითარებაში. იგი ტრაგიკომი-

¹ Д. Милютин, დასახ. ნაშრ., ტ. I, გვ. 37.

² ვინაიდან მარკიზი გალო წარმოშობით იტალიელი იყო, ნაპოლეონ ბონაპარტი კი კორსიკელი, ნაპოლეონი ხშირად ხუმრობდა: საფრანგეთის და იტალიის ბედს სწვევტს ორი იტალიელი, ნეოპოლიტანელი და კორსიკელი.

³ გრაფი კობენცლის უდინოში ნაპოლეონთან მოლაპარაკების საწარმოებლად გაწვევის გამო, მისი ადგილი პეტერბურგში დროებით გრაფმა დ. ი. ტრიხ-შტაინმა დაიკავა.

კური მომენტებით იყო აღსავსე¹. რუსეთისათვის და რამდენადმე ინგლისისათვის უცნობი იყო მოლაპარაკების დეტალები. მართალია, ბარონი თუგუტი თავის მოკავშირეებს დროგამოშვებით აწვდიდა ცნობებს უდინოში მიმდინარე მოლაპარაკების თაობაზე, მაგრამ ამას სჩადიოდა მეტად ოსტატურად და ცბიერად. იგი მალევე და მოლაპარაკების არსს, არათერს ამბობდა რა იმ ტერიტორიული პრეტენზიების შესახებ, რომელნიც საფრანგეთმა ავსტრიასთან ზავის დადების პირობად წამოაყენა.

ავსტრიის მთავრობამ კარგად იცოდა, რომ მოლაპარაკების წარმატებით დამთავრება ადვილი არ იყო. ფრანგები გამარჯვებულნი იყვნენ. ისინი ახალი შეტევით იმუქრებოდნენ, თუ მათი ტერიტორიული მოთხოვნები დაკმაყოფილებული არ იქნებოდა. საომარი მოქმედების განახლებას კი ავსტრიაში ყოველმხრივ გაუბრუნდნენ, რადგან იცოდნენ; რომ იგი ავსტრიის იმპერიის კატასტროფით დანთავრდებოდა, თუ მას მოკავშირეები არ დაეხმარებოდნენ.

ამიტომ იყო რომ ავსტრიელები, განაგრძობდნენ რა ფრანგებთან მოლაპარაკებას, ამავე დროს ლონდონსა და პეტერბურგში ახალ და ახალ დემარშს ახდენდნენ. განსაკუთრებით აქტივობდნენ ისინი პეტერბურგში, სადაც რაზუმოვსკისა და დიტრიხშტაინის მეშვეობით ცდილობდნენ დაერწმუნებინათ რუსეთის იმპერატორი როგორც თავიანთ გულწრფელობაში, ისე ფრანგების აუტანელ ზვიადობასა და გადაჭარბებულ პრეტენზიებში. ყოველივე ეს მათ იმისათვის ესაქიროებოდათ, რომ შეენარჩუნებინათ რუსეთის კეთილგანწყობილება, გაეთანტათ ის სამართლიანი ეპკვები, რომელთაც მათი პოლიტიკა იწვევდა იქ და მოლაპარაკების ჩაშლის შემთხვევაში მიეღოთ რუსეთის დახმარების გარანტია.

თუ კობენცლის და ბეზბოროდკოს ცნობებს ვერწმუნებით, ავსტრიის მთავრობა მაშინ არ მოითხოვდა სამხედრო დახმარებას რუსეთისაგან. ფრანგებთან ომის განახლების შემთხვევაში მას ფორმალურად სურდა თავი დაეზღვია პრუსიის შესაძლებელი მტრული გამოვლისაგან და სწორედ რუსეთს სთხოვდა ეს მისია თავის თავზე აეღო².

¹ ამ მოლაპარაკების მიმდინარეობის შესახებ ცნობებს, რა თქმა უნდა. სუბიექტურს, იძლევა თვით ნაპოლეონ ბონაპარტი თავის მემუარებში იტალიის კამპანიის შესახებ. იხ. Наполеон, Избр. произведения, ტ. I, М., 1946, გვ. 228—239.

² „Если война возобновится,—წერდა კობენცლი დიტრიხშტაინს თავის 1797 წლის 19 (30) აგვისტოს დეპეშაში, — то Венский Двор не будет про-

რუსეთის მთავრობა დარწმუნებული იყო, რომ მის ხელში იყო საფრანგეთ-ავსტრიის მოლაპარაკების ხელმძღვანელობა და მიისწრაფოდა ისეთი საზავო ხელშეკრულების დადებისაკენ, რომელიც ხელსაყრელი იქნებოდა მისთვის, თანაც საკიროდ მიიჩნეოდა გამოხმაურებოდა ავსტრიის სამეფო კარის მორიგ წარდგინებას. მან ავსტრიის მთავრობა დაარწმუნა, რომ რუსეთი კვლავინდებურად ერთგულია აღებული სამოკავშირეო ვალდებულებისა და საფრანგეთ-ავსტრიის მოლაპარაკების ჩაშლის შემთხვევაში მზადაა თავის მოკავშირეებს აღმოუჩინოს საკირო დახმარება. რუსეთის სამეფო კარის პასუხი ავსტრიის მთავრობის მორიგ დიპლომატიურ დემარშზე მოცემულია პავლე I-ის 1797 წლის 6 სექტემბრის რესკრიპტში რაზუმოვსკისადმი¹.

ამის პარალელურად პავლე I-ის მთავრობამ სხვა ნაბიჯიც გადადგა. მან პანინს დაავალა პრუსიის მთავრობის წინაშე დაეყენებინა საკითხი ავსტრიის მიმართ შემარცხებლური კურსის აღების სასურველობის თაობაზე, რითაც ხელი უნდა შეეწყო საფრანგეთ-ავსტრიის მოლაპარაკების წარმატებისათვის². პავლემ პირადი „მეგობრული“ წერილიც გაუგზავნა ამის გამო პრუსიის მეფეს³.

снть помощи против Франции; но ему необходимо знать, наверное, что Император Российский примет сторону Австрии, в случае каких либо покушений Пруссии распространить свои владения". Д. Милютин, да-სახ. ნაშრ., ტ. I, გვ. 38. „Венский двор сделал к нам отъезд...—წერილ ბეზბოროდოვ გრაფ. ნ. პ. პანინს 1797 წლის 9 სექტემბრის წერილში, — что он от нас директно против французов никакой помощи не требует, а единственно желает, чтоб мы удержали короля Прусского от принятия деятельного против них участия...“ იხ. Сб. РИО, ტ. 29, გვ. 385—386.

¹ „Мы почитаем правилом, испреложным—ვეითხულობთ ამ რესკრიპტში,—исполнить обязательства с союзниками Нашими постановленным, как того добрая вера требует и поколику собственная Империи Нашей безопасность дозволяет...“ იხ. Д. Милютин, დასახ. ნაშრ., ტ. 3, გვ. 59—60.

² პანინისადმი გაგზავნილი რესკრიპტი აგრეთვე 1797 წლის 6 სექტემბრით არის დათარიღებული. იხ. იქვე, გვ. 60.

³ პრუსიის მეფისადმი გაგზავნილ წერილში პავლე I ერთხელ კიდევ სთხოვს მას ითანამშრომლოს რუსეთთან მშვიდობის საქმის საკეთილდღეოდ, დაიცივას გერმანიის იმპერიის მთლიანობა და ამით გაფანტოს ის არასასურველი ხმები, რომლებიც ბერლინის მთავრობის პოლიტიკის შესახებ არის გავრცელებული. იხ. Д. Милютин, დასახ. ნაშრ., ტ. I, გვ. 38—39; ტ. III, გვ. 60. ამ დემარშის შესახებ ავსტრიის მთავრობას ეცნობა პავლე I-ის 1797 წლის 18 სექტ. რესკრიპტით ა. კ. რაზუმოვსკისადმი. იხ. Д. Милютин, დასახ. ნაშრ., ტ. I, გვ. 38—39, 40; ტ. III, გვ. 60.

მეფის რუსეთის დახმარებით დაიმედებულმა ავსტრიის სამეფო კარმა გაუბედავი ნაბიჯები გადადგა, რათა უდინოს მოლაპარაკების პროცესში უფრო მეტი პრინციპულობა გამოეჩინა და საფრანგეთის დიქტატისათვის წინააღმდეგობა გაეწია. მაგრამ ეს ცდა დასაწყისშივე აღკვეთილ იქნა საფრანგეთის დელეგაციის საპასუხო ზომებით. ნაპოლეონ ბონაპარტი, რომელიც უდინოს მოლაპარაკების დროს საფრანგეთის დელეგაციას ხელმძღვანელობდა და თვითნებურად მოქმედებდა, ომის განახლების შემთხვევაში დარწმუნებული იყო ავსტრიაზე გამარჯვებაში, რის გამოც არაერთაზრ ანგარიშს არ უწევდა ავსტრიის კონტრწინადადებებს. იგი მოლაპარაკების მსვლელობის დროს შეურაცხყოფას აყენებდა კობენცლს და ავსტრიის დელეგაციის სხვა წევრებს, მიმართავდა ომის დაუყოვნებლივ განახლების შანტაჟს და სხვა მუხანათურ ხერხებს. ამით სურდა დაეძლია ავსტრიის გაუბედავი წინააღმდეგობა, დაემთავრებინა გაკვიანურებული მოლაპარაკება და თავისი წინადადებები ეკარნახა დამარცხებული ავსტრიისათვის¹.

მეფის რუსეთის დიპლომატიის აქტიურმა საქმიანობამ ავსტრიისა და პრუსიის მიმართ ამ ეტაპზე ვერ მიიღო სასურველი შედეგი. მან ვერ მოახერხა პრუსია-ავსტრიის ინტერესთა მორიგება, ვერ შესძლო შეენარჩუნებინა უდინოს მოლაპარაკების კონტროლი და ვერ წარმართა ავსტრიის საგარეო პოლიტიკა მისი ინტერესების შესატყვისად. უდინოს მოლაპარაკება დამთავრდა არა ისეთი შედეგებით, რომლებიც რუსეთის ინტერესებს შეესაბამებოდა და რომლებიც ავსტრიას კიდევ უფრო მეტად დაუქვემდებ-

¹ რუსეთის დახმარებით დაიმედებულმა კობენცლმა გადაწყვიტა მეტი პრინციპულობა გამოეჩინა და წინააღმდეგობა გაეწია ნაპოლეონის მხარდი მოთხოვნებისათვის. ერთ-ერთი მორიგი საუბრის დროს კობენცლმა უკუაგლო ნაპოლეონის დაინებთი მოთხოვნა—მიღებული ყოფილიყო მისი ფორმულა—და, პირიქით, შეეცადა დაეშინებინა იგი ავსტრია-რუსეთის კოალიციის საფრთხით, იმ სამხედრო დახმარებით, რომელიც რუსეთმა ავსტრიას აღუთქვა. მაგრამ კობენცლის ამ შექარამ არ გასჭრა. მან სულ სხვა ფეფქტი მოახდინა ნაპოლეონზე, რომელმაც დაკარგა მოთმინება და წონასწორობა და აღშფოთებულმა შემდეგი სიტყვებით მიმართა კობენცლის: „თქვენი იმპერია ძველ მეძავს მიაგავს, რომელიც მიჩვეულია, რომ ყველა პატივს ხდიდეს მას... თქვენ გავიწყდებათ. რომ საფრანგეთმა გაიმარჯვა. თქვენ კი დამარცხებულნი ხართ... თქვენ გავიწყდებათ, რომ თქვენ აქ ჩემთან მოლაპარაკებას აწარმოებთ ჩემი გრენადერებით გარშემორტყმულნი“. მან ამასთან ერთად იატაკზე დაანარცხა პატარა მაგიდა, რომელზედაც იდგა ძვირფასი ფაიფურის ყავის კურკელი, რომელიც კობენცლს საჩუქრად ჰქონდა მიღებული ეკატერინე II-საგან. კურკელი დაიმსხვრა. E. T a p e, Наполеон, М., 1942, გვ. 43.

ბარებდა მის გაწლენას, არამედ სხვა, მისთვის არახელსაყრელი შედეგებით¹.

1797 წლის 6/17 ოქტომბერს კამპო-ფორმიოში (უდინოსა და პასერიანოს შუა მდებარე სოფელი) ნაპოლეონის ბანაკში საფრანგეთის წარმომადგენელმა ნაპოლეონ ბონაპარტმა, და ავსტრიის წარმომადგენელმა კობენცლმა² ხელი მოაწერეს პირობებს, საბოლოო ზავისას, რომელიც კამპო-ფორმიოს ზავის სახელს ატარებს. ამ საზავო ხელშეკრულებით დამთავრდა ავსტრიასა და საფრანგეთს შორის 1792 წელს დაწყებული ომი. ავსტრია გამოვიდა პირველი ანტიფრანგული კოალიციიდან.

კამპო-ფორმიოს საზავო ხელშეკრულებას ჰქონდა 26 აშკარა და 14 ფარული მუხლი. ამ ხელშეკრულებით ავსტრია საფრანგეთს უთმობდა ბელგიას და ცნობდა ციზალპინის რესპუბლიკის შექმნას (ლომბარდიის, ვენეციის რესპუბლიკის ტერიტორიის ნაწილის, მანტუის, მოდენის, მასის, კარარის და სამი სალევატოს — ბოლონიის, ფერარის და რომანიის—შემადგენლობით); ვენეციის რესპუბლიკა წყვეტდა არსებობას. ვენეციის სამფლობელოებიდან ავსტრია ღებულობდა ქალაქ ვენეციას და ტერიტორიას მდინარე ადიჯეს მარცხენა ნაპირზე, საფრანგეთი — იონიის კუნძულებს და ტერიტორიას ბალკანეთზე (ვენეციელთა საგუშაგოებს ალბანეთში). ავსტრია ვალდებულია კისრულობდა რაშტადტში გათვალისწინ-

¹ ავსტრიის სამეფო კარი პეტერბურგის მთავრობასთან ერთად დიდ იმედებს ამყარებდა იმ როიალისტურ შეთქმულებაზე, რომელიც საფრანგეთში მზადდებოდა. მაგრამ ეს იმედები არ გამართლდა. 18 ფრუქტიდორის გადატრიალებამ ბოლო მოუღო როიალისტურ საფრთხეს, დროებით განამტკიცა დირექტორიის ხელისუფლება და მით საფრანგეთის რესპუბლიკის მტრებს ხელიდან გამოაცალა ერთ-ერთი იმედი. ავსტრიის კაპიტულაცია უდინოში და საფრანგეთის წინადადებების მიღება, ალბათ, დააჩქარა აღნიშნულმა გადატრიალებამ. გრაფ ა. კ. რახუმოვსკის 1797 წლის 5/16 სექტ. რელაცია პავლეხადში გაკერით იძლევა ცნობებს ამის შესახებ. იხ. Д. Милютин, დასახ. ნაშრ., ტ. 1, გვ. 40; Дипломатический словарь, ტ. 1, გვ. 730.

² ავსტრიის სამეფო კარის დიპლომატიის ფაქტიურმა ხელმძღვანელმა თუგუტმა თვალთმაქცურ ნაბიჯს მიმართა. მან ვითომდა ფრანგთა გადაჭარბებული პრეტენზიების გამო პრატესტის ნიშნად უარი განაცხადა ეკისრა პასუხისმგებლობა უდინოს მოლაპარაკების შედეგებისათვის. მან კამპო-ფორმიოს ზავზე ხელის მოწერის რამოდენიმე კვირის წინ მიატოვა მინისტრის პოსტი და მთელი პასუხისმგებლობა ხელშეკრულებაზე ხელმოწერისათვის კობენცლს დააკისრა. მან შეგნებულად გაითამაშა შეურაცხყოფილის როლი. ხაჯზე ხელმოწერის შემდეგ იგი ისევ დაუბრუნდა სამინისტროს და თავისი პოსტი დაიკავა. იხ. А. Васьковский, დასახ. ნაშრ., ტ. 3, გვ. 257.

ნებულ კონგრესზე ხელი შეეწყო საფრანგეთისათვის, რათა მას მიეღო რაინის მარცხენა ნაპირი. ავსტრია თანხმობას აცხადებდა მოლდენის ჰერცოგისათვის ბრეისგაუს გადაცემაზე. ამ ორი თანხმობის საკომპენსაციოდ ავსტრია ლებულობდა ზალცბურგს და ბავარიის ტერიტორიის ნაწილს მდ. ინამდე. გარდა ამისა იგი ლებულობდა აგრეთვე ისტრიას და დალამაციას (ბალკანეთზე). რაინის მარცხენა ნაპირზე მდებარე გერმანული ტერიტორიების ფეოდალ მფლობელებს კომპენსაცია უნდა მიეღოთ რაინის მარჯვენა ნაპირზე სასულიერო მფლობელთა სამფლობელოების სეკულარიზაციის გზით. ხელშეკრულება, ამასთან ერთად, ითვალისწინებდა რაინის აუზში ავსტრიის რამდენიმე ციხე-სიმაგრის საფრანგეთის ხელში გადასვლას, მეორე მხარის ხელში გადასულ ტერიტორიებიდან ჯარის გამოყვანის წესს და ა. შ.¹

კამპო-ფორმიოს საზავო ხელშეკრულება საფრანგეთის აგრესიის და დიპლომატიის სერიოზული წარმატება იყო. იგი ამტკიცებდა საფრანგეთის მიერ იარაღით მოპოვებულ გამარჯვებებს და ქმნიდა პირობებს, მისი შემდგომი დაპყრობებისა და ტერიტორიული გაფართოებისათვის. ამ ხელშეკრულებით საფრანგეთმა მტკიცედ მოიკიდა ფეხი გერმანიაში და იტალიაში და გზა გაიკაფა ევროპის ამ ნაწილებში ჰეგემონობისაკენ. იონიის კუნძულებისა და ალბანეთის სანაპიროს დაუფლებით მან შეიქმნა ხელსაყრელი პლაცდარმი შემდგომი აგრესიისათვის ბალკანეთზე, ოსმალეთის იმპერიის წინააღმდეგ, მთელ სამხრეთ-აღმოსავლეთ ევროპაში. ეს ხელშეკრულება მკვეთრად აძლიერებდა საფრანგეთის რესპუბლიკის გავლენას ევროპის მატერიკზე, აფართოებდა მას ტერიტორიულად და ამით ქმნიდა ძალთა ახალ შეფარდებას, ახალ ვითარებას ევროპის სახელმწიფოთა ურთიერთობაში².

¹ Дипломатический словарь. т. I, гл. 729—730; А. Сопель, დასახ. ნაშრ., ტ. 5, გვ. 205 (სქოლიო). კამპო-ფორმიოს საზავო ხელშეკრულების საიდუმლო მუხლების ასლი (ფრანგულ ენაზე) იხ. АВПР, ф. «Сюжетная Россия с Англией», 1799 г., л. 510. Л. 43—46. იგი დართული აქვს ს. რ. ვორონცოვის 1799 წლის 22 აპრილის (3 მაისის) რეგლაციას, სახელწოდებით: „Articles secrets de Convention additionnelle du traité de Campo-Formio du 26 Vendemiaire an 6“.

² გასაგებია აღნიშნულის გამო, რომ ფრანგი ნაციონალისტი ისტორიკოსები, კერძოდ ნაპოლეონ ბონაპარტის აპოლოგეტები კება-დადებას ასხამენ ბონაპარტს ამ ზავის დადებისათვის. მათ შორის აღსანიშნავია ბარალი (Barral), რომელიც წერდა, რომ კამპო-ფორმიოს ზავის შედეგად საფრანგეთმა არნახულად გააფართოა თავისი ტერიტორია და გავლენაო. («Jamais la France n'avait

კამპო-ფორმიოს ზავზე ხელმოწერით ავსტრიის იმპერიამ ერთი შეხედვით თავი დააღწია ხანგრძლივ, მძიმე და ამ იმპერიის კატასტროფის პირანდე მიმყვან ომს. მან მოიპოვა ნანატრი მშვიდობა შედარებით მისაღებ და ნაკლებ დამამცირებელ პირობებში. ტერიტორიული ცვლილებების თვალთახედვით კამპო-ფორმიოს საზავო ხელშეკრულებით ავსტრიას, თითქოს, ბევრი არაფერი დაუკარგავს. მართალია, მან ხელი აიღო ზოგიერთ ტერიტორიაზე, მაგრამ მიიღო ეკვივალენტური ანაზღაურება იტალიაში და ბალკანეთზე. მისმა საზღვრებმა უფრო ერთიანი და დამრგვალებული სახე მიიღო. მაგრამ თუ რეალურად შევაფასებთ ამ ხელშეკრულებას და გავითვალისწინებთ მის პერსპექტივებს ავსტრიისათვის, მაშინ იგი უნდა მივიჩნიოთ ავსტრიისათვის მიუღებელ და მისი ინტერესების შემლახავ საზავო ხელშეკრულებად. კამპო-ფორმიოს ტრაქტატმა საფუძველი გამოაცალა ავსტრიის ბატონობას ჩრდილო იტალიაზე და მკვეთრად შეასუსტა მისი გავლენა და პოზიციები გერმანიის იმპერიაში. რაინის მარცხენა ნაპირის ფრანგებისათვის დათმობით ავსტრიამ გერმანიის მთლიანობაზე ხელყოფა მოახდინა და მით შექმნა მისი დანაწილების პრეცედენტი. იტალიაში პოზიციების დათმობით და იონიის კუნძულების, ისე როგორც ალბანეთის ნაწილის ფრანგებისათვის გადაცემით ავსტრიის მმართველებმა უგულვებლყვეს თავიანთი სახელმწიფოს უშიშროების ინტერესები და მკვეთრად შეასუსტეს მისი პოზიციები. ამიერიდან ავსტრიას აღარ შეეძლო შეესრულებინა წინანდელი როლი ევროპის სახელმწიფოთა ურთიერთობაში.

ვითვალისწინებთ რა ზენოაღნიშნულს, მივდივართ შემდეგ დასკვნამდე: კამპო-ფორმიოს საზავო ხელშეკრულება პალიატივური ხასიათის დიპლომატიური აქტი იყო. მას არ შეეძლო მტკიცე და ხანგრძლივი მშვიდობიანობა დაემყარებინა ევროპაში, კერძოდ შეექმნა პირობები საფრანგეთ-რუსეთის მშვიდობიანი თანაარსებობისათვის, მით უფრო ხელი შეეწყო მათი დაახლოებისათვის.

obtenu des agrandissements de territoire aussi considérables, ni acquis une pareille influence“). Barral, Etude sur l'histoire diplomatique...“, ტ. 1, ნაწ. II (1789—1815). გვ. 472. თვით ინგლისელი ავტორებიც თვლიან კამპო-ფორმიოს ზავს საფრანგეთის, კერძოდ ნაპოლეონის დიპლომატიის დიდ წარმატებად. „The treaty of Campo-Formio, — წერს ინგლისელი ისტორიკოსი მოუატი (Mowat), — was the first really big monument of Bonaparte's diplomacy“. R. B. Mowat, The diplomacy of Napoleon, London, 1924, გვ. 48.

მშვიდობა, რომელიც ღან დაამყარა ევროპის კონტინენტზე, მეტად ხანმოკლე და ურთიერთუნდობლობასა და მტრობაზე აგებული „შეიარაღებული“ მშვიდობა უნდა ყოფილიყო. მოულო რა ბოლო ერთ ომს, ამ საზავო ხელშეკრულებას, წინააღმდეგობათა იმ რთული ხლართით, რომელიც მასში იმანენტურად იყო ჩაქსოვილი, აესტრიასა და საფრანგეთს შორის ბოლოს და ბოლოს ახალი ომი უნდა შეეშაადებინა.

კამპო-ფორმიოს საზავო ხელშეკრულება წარმოადგენდა ორ აგრესორს შორის დადებულ მტაცებლურ გარიგებას, რომელიც ახდენდა ტერიტორიულ გადაწაწილებას ევროპაში ამ ტერიტორიების მოსახლეობისათვის ანგარიშის გაუწვევლად, მათი საარსებო ინტერესების საზიანოდ. გარდა მიშველი ეგოისტური მიზნებისა, არავითარი სხვა სამშვიდობო ან მსგავსი მისწრაფებები არ ამოქმედებდათ ამ აქტზე ხელმომწერ სახელმწიფოებს. ეს ხელშეკრულება, ამასთან ერთად, წარმოადგენდა ორი აგრესორი სახელმწიფოს გარიგებას მესამე სახელმწიფოს ზურგს უკან მის საზიანოდ, იმ ქვეყნის საზიანოდ, რომელთანაც ერთ-ერთ ხელმომწერ მხარეს სამოკავშირეო ხელშეკრულება აკავშირებდა. ეს სახელმწიფო იყო ნეფის რუსეთი. დათმობები, რომლებზედაც აესტრია კამპო-ფორმიოს ზავზე ხელმოწერისას საფრანგეთის მიმართ წავიდა, გერმანიის ან იტალიის საკითხში არსებითად წარმოადგენდა დათმობებს რუსეთის ხარჯზე. იგი მკვეთრად ლახავდა რუსეთის ინტერესებს, აძლიერებდა მის მოწინააღმდეგეს და ქმნიდა ახალ ფიციხ მასალას მათ ურთიერთობაში. რუსეთის დიპლომატიას არ შეეძლო გულხელდაკრეფილი შეხვედროდა და შერიგებოდა ამ ზავით მომხდარ ტერიტორიულ და პოლიტიკურ ცვლილებებს ევროპაში¹.

ის გამოხმაურება, რომელიც პეტერბურგის სამეფო კარზე კამპო-ფორმიოს საზავო ხელშეკრულებამ ჰპოვა, ცხადყოფს, რომ მეფის რუსეთის მთავრობამ და მისმა დიპლომატიამ სწორი შეფასება მისცა აღნიშნულ ხელშეკრულებას და ჯეროვნად შეათასა ის ზიანი, რომელიც მას რუსეთის ინტერესებისათვის მოჰქონდა.

¹ არ შეიძლება არ დავეთანხმოთ საბჭოთა ისტორიკოს ლანინს, რომელიც, აფასებს რა კამპო-ფორმიოს ზავს და მის გავლენას რუსეთზე, წერს შემდეგს: „იტალიაში, გერმანიაში, მახლობელ აღმოსავლეთში, ყველა ადგილას, საითყნაც იყო მიქცეული რუსეთის დიპლომატიის ყურადღება, კამპო-ფორმიოს ზავმა, გააძლიერა რა იქ საფრანგეთის გავლენა, შელახა ცარიზმის უაღრესად საარსებო ინტერესები“. P. Ланин, დასახ. წერილი, დასახ. ჟურნ., გვ. 21.

კამპო-ფორმიოს საზავო ხელშეკრულების დადების შესახებ პირველი ცნობა პეტერბურგში მიიღეს ა. რაზუმოვსკის მეშვეობით. ეს უკანასკნელი, აღნიშნავდა რა 1797 წლის 8/19 ოქტომბრის რეალაციაში საფრანგეთ-ავსტრიის მოლაპარაკების დასრულების და ზავის დადების ფაქტს, არაფერს არ წერდა მისი შინაარსის შესახებ. ამიტომ იყო, რომ ამ რეალაციამ პავლე I-ის გულისწყრომა გამოიწვია¹. ოფიციალური ცნობა კამპო-ფორმიოს ზავზე ბელმოწერის შესახებ რუსეთის მთავრობამ უშუალოდ ავსტრიის მთავრობისაგან მიიღო ნოემბრის თვეში. გრაფმა დიტრიხშტაინმა თავისი მთავრობის მითითებით ა. ბეზბოროდკოს და ა. კურაკინს გააცნო კობენცლის წერილი საფრანგეთ-ავსტრიის მოლაპარაკების დასრულების თაობაზე და თვით ხელშეკრულების მუხლები (საიდუმლო მუხლების ჩათვლით).

ავსტრიის მთავრობა ერთგვარად ბოდის იხდიდა რუსეთის მთავრობის წინაშე იმის გამო, რომ საფრანგეთთან ხელშეკრულებაზე ხელმოწერა მოხდა სასწრაფო და ფარული წესით და ვერ იქნა დაცული პრელიმინარული ზავის პირობები, კერძოდ გერმანიის იმპერიის მთლიანობის დაცვის შესახებ („...le maintien de l'ancien état d'Allemagne et la stricte exécution des préliminaires...“). კიდევ მეტი: იგი ირწმუნებოდა, რომ არ იჩქარებდა ტრაქტატზე ხელმოწერას, რათა სკოდნოდა რუსეთის იმპერატორის ნაბიჯები, რაც ასე გამამხნეველი იყო ავსტრიისათვის (კობენცლის სიტყვით, ცნობა რუსეთის იმპერატორის სათანადო ნაბიჯის შესახებ ძალზე დაგვიანებით იქნა მიღებული ვენაში). პრუსიის საფრთხე ვენის სამეფო კარს რეალური ეგონა, რის გამოც იგი იძულებული იყო მიეღო საფრანგეთის ყველა მოთხოვნა².

რათა ზავზე ხელმოწერით რუსეთში აღმოცენებული ანტი-ავსტრიული განწყობილება შეენელებინა, ავსტრიის მთავრობა, ბეზბოროდკოს სიტყვით რომ ვთქვათ, რუსეთის იმპერატორს ცბიერულად აღუთქვამდა: დაარღვევდა აღნიშნულ შეთან-

¹ რაზუმოვსკის ამ რეალაციისა და პავლეს გულისწყრომის შესახებ ცნობებს ვაჟულობთ ვიცე-კანცლერ თავად ა. ბ. კურაკინის 1797 წლის 8 ნოემბრის წერილში გრაფ ნ. პ. პანინისადმი. იხ. ПГА.А, Ф. Папиных, л. 265, и. 9—15.

² გრაფ კობენცლის 1797 წლის 2 ნოემბრის (ახალი სტილით) დეპეშა ბეზბოროდკოსადმი. იხ. Д. М и Я у т и и, დასახ. ნაშრ., ტ. 3, გვ. 61, მე-32 და მე-33 შენიშვნები.

ხმებას, თუ რუსეთი რეალურ სამხედრო დახმარებას შეჰპირდებოდა მას¹.

ცნობამ კამპო-ფორმიოს საზავო ხელშეკრულებაზე ხელმოწერის შესახებ და ამ ხელშეკრულების აშკარა და ფარული მუხლების გაცნობამ ნეტად არასასიამოვნო რეაქცია გამოიწვია პეტერბურგში. ამ ზავის პირობებმა მეფის რუსეთის მესვეურთა მოლოდინს გადააჭარბა. იგი მათ მიერ შეფასებულ იქნა როგორც საფრანგეთ-ავსტრიის გარიგება იტალიისა და გერმანიის ხარჯზე, როგორც რუსეთის „საარსებო“ ინტერესების უგულვებელყოფა და აბუჩად აგდება, როგორც ისეთი აქტი, რომელიც მიმართული იყო რუსეთის გავლენა-პოზიციების წინააღმდეგ. რუსეთის სამეფო კარზე ამ ხელშეკრულებაში დაინახეს აშკარა ლალატი იმ ვალდებულებათა მიმართ, რომლებიც ავსტრიის რუსეთთან სამოკავშირო ხელშეკრულებით ეკისრებოდა. ამიტომ იყო, რომ მეფის რუსეთის მესვეურებმა აშკარად გამოხატეს თავიანთი გულისწყრომა კამპო-ფორმიოს საზავო ხელშეკრულების დადების გამო. მათ განსაკუთრებით გაუსვენს ხაზი ავსტრიის მთავრობის მუხანათობას, რომელმაც არა თუ ზედმეტად მიიჩნია წინასწარ ეცნობებინა თავისი მოკავშირისათვის — რუსეთისათვის მომავალი ხელშეკრულების კონტურები, არამედ თვით მოლაპარაკების ფაქტიც კი დაუმალა მას.

რუსეთის მთავრობის ეს გულისწყრომა ნათლად გამოსკვივის თვით პავლე I-ის რამდენიმე დიპლომატიურ რესკრიპტში, კანცლერ ა. ბეზბოროდკოს და ვიცე-კანცლერ ა. კურაკინის ცირკულარულ დეპეშებსა და წერილებში რუსეთის საზღვარგარეთელ ელჩებისადმი და სხვა დოკუმენტებში.

ვიცე-კანცლერი თავადი ა. ბ. კურაკინი აღშფოთებული იყო კამპო-ფორმიოს ზავით. მასში იგი ხედავდა ვენის სამეფო კარის ვერაგობას, მის მიერ აღებულ და საზიაროდ გამოცხადებულ ვალდებულებათა უხეშ დარღვევას, გერმანიის იმპერიის მთლიანობის ხელყოფას².

¹ ავსტრია, — წერდა ბეზბოროდკო „спрашивает мысли его величества и предьявляет готовность рухнуть спе постановление, если государь император обещает составить общее дело“. იხ. ბეზბოროდკოს 1797 წლის 2 დეკემბრის წერილი გრაფ ს. რ. ვორონცოვისადმი. ЦГАДА, ф. Папианых, д. 269, лл. 2—4.

² „Из всех таковых постановлений, — წერდა იგი გრაფ პანინს, — явно видно коварство венского двора и что во всех своих столь часто и торжественно объявляемых правилах и обязательствах, вопреки досто-

კანცლერი ა. ბეზბოროდკო, მართალია, კამპო-ფორმიოს ზავს თვლის ავსტრიისათვის მისაღებად და ამას ავსტრიის მიერ კომპენსაციის სახით მიღებულ ტერიტორიებზე მითითებით ასაბუთებს¹, მაგრამ ისიც მკაცრად გმობს ავსტრიის მთავრობას აღნიშნულ აქტზე ხელმოწერისათვის და ამას დაუფიქრებელ, ნაჩქარევ ნაბიჯად მიიჩნევს. ბეზბოროდკოს შეხედულებით, ავსტრიის სამეფო კარმა ამ ზავზე ხელმოწერით არა მარტო უმადურობა გამოიჩინა, არამედ ზიანი მიაყენა თავის თავსაც და რუსეთსაც, მისცა რა საფრანგეთს გერმანიაში თარეშისა და თურქეთზე ზეგავლენის მოხდენის შესაძლებლობა².

თავისი გულისწყრომა ავსტრიის სამეფო კარისადმი კამპო-ფორმიოს საზავო ხელშეკრულებაზე ხელმოწერის გამო რუსეთის იმპერატორმა პირველად გამოხატა 1797 წ. 26 ნოემბრის რესკრიპტით ა. რაზუმოვსკისადმი. ამ რესკრიპტში იგი სასტიკი კრიტიკის ქარცეცხლში ატარებს აღნიშნულ საზავო ხელშეკრულებას და ავსტრიის მთავრობას ბრალს სდებს თვალთმაქცობაში რუსეთის მიმართ³. ცოტა უფრო გვიან თავის ინსტრუქციაში (რესკრიპტში) თავად რეპნინისადმი, მისი ბერლინში ხელმეორედ გაგზავნასთან დაკავშირებით (1798 წლის 8 აპრილს) იმპერატორმა ერთხელ კიდევ ჩამოაყალიბა რუსეთის მთავრობის დამოკიდებულება კამპო-ფორმიოს ზავისადმი და ხაზგასმით აღნიშნა ავსტრიის სამეფო კარის მუხანათობა რუსი მოკავშირის მიმართ⁴.

инства императора римского и защитника империи, нарушил первую неприкосновенность Ея". иб. а. б. Куракинн дашифрული წერილი ნ. პ. პანინისადმი, დათარიღებული 1797 წლის 14/25 ნოემბრით. ЦГАДА, ф. Паниных, д. 266, л. 20—29

¹ წერილში გრავ ს. რ. ვორონცოვისადმი 1797 წ. 23 ნოემბრის თარიღით. იბ. Сб. РИО, т. 29, гл. 387—388.

² „...властвовать над Портою и ею паосить пред при всяком случае...“ Копия письма Его светлости А. А. Безбородко к графу С. Р. Воронцову... декабря 2-го 1798, ЦГАДА, ф. Паниных, д. 269; л. 2—4. „Архив князя Воронцова“, т. 13, гл. 380—382.

ასეთსავე შეფასებას აძლევს ამ ზავს ა. ა. ბეზბოროდკო, ს. რ. ვორონცოვისადმი 1797 წ. 25 ნოემბრის თარიღით გაგზავნილ მეორე წერილში: „Угодно было графу Кобенцлю слепить мир совсем несходный с нашими ожиданиями...“, — წერს იგი აღნიშნული ზავის შესახებ. იბ. ЦГАДА, ф. Паниных, д. 269, л. 1.

³ ЦГАДА, ф. Паниных, д. 329, лл. 43—45.

⁴ „Сие постановление, — ვითხოვლობთ იქ. — со стороны австрийцев почитаем мы действием самой мелкой и коварной политики“. Архив внешней политики России

მოტანილი დოკუმენტებით ნათელი ხდება, რომ მეფის რუსეთის დიპლომატია პირველ რიგში ილაშქრებდა საზავო ხელშეკრულების იმ მუხლების წინააღმდეგ, რომლებიც აშკარად ლახავდნენ რუსეთის სახელმწიფოებრივ ინტერესებს. კერძოდ: 1) იტალიის განაწილება და ფრანგების მიერ იტალიაში მკვიდრად ფეხის მოკიდება, რაც იწვევდა ფრანგების „დამანგრეველი“ გავლენის გაძლიერებას და მათი ახალი აგრესიისათვის ხელის „გეწყობას; 2) ვენეციის კუნძულების გადასვლა ფრანგთა ხელში, რაც აძლიერებდა მათ პოზიციებს ხმელთაშუა ზღვის აუზში და შესაძლებლობას აძლევდა მათ შემოქმედება მოეხდინათ საბერძნეთზე, ალბანეთზე და თვით თურქეთზე¹. ყოველივე ეს რეალურ საფრთხეს უქმნიდა რუსეთის საარსებო ინტერესებს ბალკანეთსა და წიფლ ახლო აღმოსავლეთში; 3) ტემენის ტრაქტატის უგულებელყოფა, გერმანიის იმპერიის დანაწილებაზე გეზის აღება და ფრანგებისათვის რაინის მარცხენა ნაპირის დათმობა საფრთხეში აგდებდა რუსეთის ხელმძღვანელ როლს ამ იმპერიისადმი².

რევოლუციამდელ რუს ისტორიკოსთა და ნაწილობრივ თვით საბჭოთა ისტორიკოსებს შორის გავრცელებულია აზრი იმის შესახებ, თითქოს, კამპო-ფორმიოს ხელშეკრულებაზე ხელის მოწერა წარმოადგენდა ვერაგულ, ნუხანათურ და სეპარატულ აქტს მისი მოკავშირის რუსეთის მიმართ, რომელიც აღებულ სამოკავშირეო ვალდებულებათა ერთგული იყო ყოველთვის. ასეთი დასკვნისათვის ძირითად წყაროს მათთვის წარმოადგენს რუსეთის ცარიზმის მესვეურთა მოტანილი შეხედულება.

ჩვენ ვფიქრობთ, რომ ეს აზრი არ არის მართებული და ისტორიული სინამდვილის სწორად ანსახავი. იგი პაველ I-ის მთავ-

МНДССР. ф. „Сношения России с Пруссией“, 1798, д. 524. рескрипт Павла I князю фельдмаршалу Реншицу, 8 апр. 1798 года, л. л. 1—13; მოტანილი ციტატა მოთავს. გვ. 3—4; М и л ю т и н, დასახ. ნაშრომი, ტ. 3, გვ. 67—71

¹ „...где без сомнения постараются они воззутить греков и албанцев распространить эперские свои правила в Турции: если к несчастью в том преуспеют, и Порты, не усмотрев на угрожаемую ей гибель, ни в том не воспрепятствуют, то можно легко заключить о пагубных следствиях ко преду и нашему из того произойти могущих“,—როგორც აღნიშნავდა თავიდა ა. ბ. კურაკინი მოტანილ წერილში. იხ. ЦГАДА. ф. Папных, д. 266, л. 23; Материалы... ტ. 2, ნაწ. II, გვ. 40ა.

² Материалы... ტ. 2, ნაწ. 1, გვ. 405—406; Сборн. РИО, ტ. 26, გვ. 435—436; ტ. 29, გვ. 389; Архив князя Воронцова, ტ. 13, გვ. 380—382; ЦГАДА ф. Папных, д. 269, л. л. 2—4, д. 266, л. л. 22—29; Архив внешней политики России, ф. Сношения России с Пруссией, д. 524, л. л. 1—13; Д. М и л ю т и н, დასახ. ნაშრ., ტ. 3, გვ. 67—71.

რობის საგარეო პოლიტიკის შელამაზების და ამ პოლიტიკის გამართლების ცდას წარმოადგენს. რომ რევოლუციამდელ რუს ისტორიკოსთა ნაწილი ცდილობს გაამართლოს მეფის რუსეთის საგარეო პოლიტიკა, კერძოდ პავლე I-ის საგარეო პოლიტიკური ნაბიჯები და მასში პაციფისტური, უანგარო და თვით სამართლიანი მოტივი დაინახოს, ამაში არაფერი გასაკვირი არ არის. თავიანთი კლასობრივი მრწამსი და მსოფლმხედველობითი მიმართულება უკარნახებდა მათ ასეთი შეხედულებისაკენ. მაგრამ ასეთი რეციდივების ფეხის მოკიდება საბჭოთა ისტორიკოსებს შორის არაფრით არ არის გამართლებული.

რუსეთის ცარიზმი საერთოდ, კერძოდ კი პავლე I-ის მთავრობა ისეთივე დიპლომატიური ხერხებით და მეთოდებით მოქმედებდა, როგორც ევროპის ყველა სხვა სახელმწიფოს მთავრობები, კერძოდ, იმ ეტაპზე მისი მოკავშირე ავსტრიის მთავრობა. დინასტიური ინტერესები, სახელმწიფოებრივი ეგოიზმი, გავლენის სფეროების გაფართოება, ტერიტორიული დაპყრობები და სავაჭრო-ეკონომიურ და სამხედრო ბაზების მოპოვება, როგორც არაერთხელ იყო აღნიშნული, ამ სახელმწიფოთა გაბატონებული კლასების და რეაქციულ მთავრობათა საგარეო პოლიტიკის და დიპლომატიის მთავარი შინაარსი და ამოცანა იყო. მუხანათობა, ვერაგობა, სეპარატიზმი, ცბიერება, მუქარა და ა. შ. აღნიშნული პოლიტიკის განხორციელების ნაცადი მეთოდები იყო. ამ მეთოდებს იყენებდნენ ისინი საჭიროების შემთხვევაში თვით „გულთბილი ხელშეკრულებებით“ დაკავშირებულ მოკავშირეების მიმართაც კი. რა გასაკვირია, რომ ასე ემოქმედა ავსტრიის მთავრობას რუსეთის მიმართ საფრანგეთთან აღნიშნული ხელშეკრულების დადების დროს. „სახელმწიფოებრივი ეგოიზმი“, ან ქვეყნის ინტერესები ავსტრიის მესვეურებმა უფრო მაღლა დააყენეს, ვიდრე სამოკავშირეო ვალდებულებები რუსეთის მიმართ. განა რუსეთის მთავრობაც ასე არ ექცეოდა თავის მოკავშირეებს საჭირო შემთხვევებში? ეკატერინე II-ის მთელი დიპლომატია ავსტრიის და პრუსიის მიმართ, სხვებზე რომ არაფერი ვთქვათ, სწორედ აღნიშნულ მუხანათურ და სეპარატულ მეთოდებზე იყო აგებული. ისე რომ ეს სახელმწიფოები ურთიერთის მიმართ ფალში არ რჩებოდნენ სამოკავშირეო ვალდებულებათა აბუჩად აგდების დროს.

კამპო-ფორმიოს ზავზე ხელმოწერა მისგან გამომდინარე შედეგებით მკვეთრად ლახავდა მეფის რუსეთის ინტერესებს, შლიდა მის უახლოეს გეგმებს ევროპასა და ახლო აღმოსავლეთში, ახალ „თავსატეხ მასალას“ უქმნიდა მას და ამდენად ავსტრიის მთავრო-

ბის მიერ მასზე ხელმოწერა მართლაც ვერაგული აქტი იყო რუსეთის მიმართ, ეს ფაქტია და მისი უარყოფა არ შეიძლება. მაგრამ ასეთი მოქმედება სავსებით კანონზომიერი იყო და ავსტრიის მთავრობის ბუნებიდან გამომდინარეობდა. ამავე დროს ავსტრიის მესვეურებმა წარსულის გამოცდილებით კარგად იცოდნენ, რომ ასევე ექცეოდნენ მათ რუსი დიპლომატები, რომ რუსეთი არასოდეს უკან არ დაიხვედა მსგავსი მეთოდების გამოყენებისაგან. ბოლოს და ბოლოს, პავლე I-ის მთავრობა იმდენად იყო ავსტრიის მოკავშირე და „მეგობარი“, რამდენადაც ამას მოითხოვდა თვით რუსეთის სახელმწიფოებრივი ინტერესები. რუსეთის სამეფო კარს სურდა ავსტრია იარაღად გამოეყენებინა რუსეთის საგარეო პოლიტიკის წინაშე იმ ეტაპზე მდგარ ამოცანების განხორციელების საქმეში. „მეგობარი“, მოკავშირე და მოქიშპე-კონკურენტი სინონიმებს წარმოადგენდა ევროპის დიპლომატიის საქადრაკო დაფაზე და ავსტრიის მთავრობის ვერაგობაც, მაშასადამე, არავითარ მოულოდნელობას არ წარმოადგენდა.

როგორც აღენიშნეთ რუსეთის საგარეო პოლიტიკის ხელმძღვანელებმა კამპო-ფორმიოს ზავი მართალია, შეათასეს როგორც საარსებო ინტერესების ხელყოფა და ავსტრიის სამეფო კარის მუხანათური აქტი თავისი მოკავშირეებისადმი, მაგრამ გარკვეული მოსაზრებების გამო მათ თავი შეიკავეს ავსტრიასთან ურთიერთობის გაუარესებისაგან. ამ საზავო ხელშეკრულების წინააღმდეგ აშკარა გამოსვლას შეეძლო შემდგომი ზიანი მიეყენებინა რუსეთის გავლენისათვის ევროპაში და ახალი გართულებები შეექმნა მისი დიპლომატიისათვის.

კამპო-ფორმიოს საზავო ხელშეკრულების დადებამ მეფის რუსეთის მთავრობას საბოლოოდ დაანახვა დიპლომატიურ ღონისძიებათა არასაკმარისობა რუსეთის საგარეო პოლიტიკის წინა პლანზე წამოყენებულ მაშინდელ ამოცანათა გადასაწყვეტად. დიპლომატიურ იარაღთან ერთად მას უფრო ეფექტური იარაღი—საომარი იარაღი, არმია და ფლოტი უნდა აემოქმედებინა, ამით მას უნდა აღეკვეთა საფრანგეთის აგრესიის გაფართოებით აღმოცენებული საფრთხე. სწორედ ამ ახალმა ვითარებამ რუსეთისათვის ზედმეტი გახადა საფრანგეთთან უნაყოფოდ წარმოებულ მოლაპარაკებების შემდგომი გაგრძელება და, პირიქით, დღის წესრიგში დააყენა მასთან ომის გარდუვალობა. მაგრამ 1797 წლის მიწურულისათვის, როდესაც დაიდო კამპო-ფორმიოს საზავო ხელშეკრულება, პირველი ანტიფრანგული კოალიცია ფაქტიურადაც და ფორმალურადაც

დაშლილი იყო. რუსეთის მთავრობას საფრანგეთის წინააღმდეგ ომის დაწყება მხოლოდ მაშინ შეეძლო, თუ მას გარდა ინგლისისა, ევროპის კონტინენტზედაც ეყოლებოდა მოკავშირე, ე. ი. თუ შემზადდებოდა ახალი ანტიფრანგული კოალიცია. ევროპის კონტინენტზე კი მისი პირველი ბუნებრივი მოკავშირე საფრანგეთის წინააღმდეგ ავსტრია უნდა ყოფილიყო. კამპო-ფორმიოს ტრაქტატის აშკარა დაგმობას და ავსტრიის მთავრობის საჯაროდ გაკიცხვას შეეძლო გამოეწვია როგორც რუსეთ ავსტრიის ურთიერთობის გაუარესება. ისე საფრანგეთ-ავსტრიის შემდგომი დაახლოება, მათი ახალი გარიგება იტალიის, გერმანიის და თვით რუსეთის ხარჯზე. ამას, თავის მხრივ, შეეძლო გაეძლიერებინა პრუსიის სწრაფვა საფრანგეთისაკენ და მათ 'მორის სამხედრო-თავდაცვითი' კავშირის აღმოცენება, რომლის მახვილი რუსეთის წინააღმდეგ იქნებოდა მიმართული. დასასრულ, ყოველივე ამას შეიძლებოდა მოჰყოლოდა თურქეთის მტრული გამოსვლა რუსეთის წინააღმდეგ. ასეთი პერსპექტივა, რა თქმა უნდა, მეტად არასახარბიელო იქნებოდა რუსეთის ცარიზმისათვის. იგი რუსეთის მიერ ევროპის პოლიტიკურ ცხოვრებაში მოპოვებულ როლს და გავლენას დიდად შეარყევდა.

ანტიფრანგული კოალიციის შემზადება და საფრანგეთთან ომზე კურსის აღება პავლე I-ის მთავრობის წინაშე მთელ რიგ გადაუდებელ ამოცანებს აყენებდა. ამისათვის საჭირო იყო ფინანსების, ჯარისა და ფლოტის სავსებით წესრიგში მოყვანა (მათი „მობილიზაცია“) ¹ და ახალი დიპლომატიური ღონისძიებები მოკავშირეთა შესაძენად. ეს კი გარკვეულ დროს მოითხოვდა. ყოველივე ზემოაღნიშნულმა პავლე I-ის მთავრობას უკარნახა თავდაქერილობა და ავსტრიასთან ურთიერთობის გამწვავებისაგან თავის შეკავება. მან რუსეთი აიძულა კამპო-ფორმიოს ზავთან დაკავშირებით ლოდინის ტაქტიკას დადგომოდა, თვალყური ედევნებინა საფრანგეთ-ავსტრიის ურთიერთობის განვითარებისათვის მომავალში; კერძოდ, დალოდებოდა რაშტადტის კონგრესის შედეგებს და მანამდე არ აეღო ამ ურთიერთობის გაუარესების ინიციატივა. საფრანგეთთან მომავალში ომის გარდუვალობასთან დაკავშირებით

¹ ამ მხრივ ყურადსაღებია ბეზბოროდკოს უკვე მოტანილი წერილი ს რ. ვორონცოვისადმი, რომელიც რუსეთის მიერ ახალ ომში მონაწილეობის ძილებს ერთ-ერთ პირობად მიიჩნევს ფინანსების, არმიისა და მატერიალური რესურსების მომზადებას იხ. Архив князя Воронцова, т. 13, гл. 376—379; Сб. РИО, т. 29, гл. 389.

საქირო დიპლომატიური თუ სხვა ღონისძიებების განხორციელებამ ზეფის რუსეთის დიპლომატია აიძულა კიდევ უფრო მეტი ტაქტი გამოეჩინა ავსტრიასთან და პრუსიასთან ურთიერთობაში და ავსტრია-რუსეთის ურთიერთობაში შესაძლებელი ცვლილებების ინიციატივა მომავალში ავსტრიის სამეფო კარისათვის დაეთმო. მეფის რუსეთის პოლიტიკა და კონკრეტული ნაბიჯები ამ მიმართულებით ბევრად იყო დამოკიდებული იმაზე, თუ რით დამთავრდებოდა რაშტადტის კონგრესი და როგორ განვითარდებოდნენ მოვლენები მომავალში¹.

პეტერბურგის სამეფო კარი, აღნიშნულის გამო, დაკმაყოფილდა მომხდარი ფაქტის კონსტატაციით, ოფიციალურად არ აცნობა ვენას თავისი გულისწყრომა და სხვის საქმეებში ჩაურევლობის პოზა მიიღო. მან, პირიქით, ავსტრიას მომავალშიც აღუთქვა მეგობრობა და სანოქავეშიყო ვალდებულებების შესრულება საქირო შემთხვევაში, თანაც ურჩია ხელშეკრულებით აღებულ ვალდებულებათა ერთგული ყოფილიყო, ხელი შეეწყო მისი სიმტკიცისათვის და თავი აერიდებინა ახალ შფოთისათვის².

საფრანგეთის რესპუბლიკის აგრესიის მორიგმა წარმატებამ ავსტრიასთან ომში და კამპო-ფორმიოს ზავზე ხელმოწერამ, როცა ელმაც კიდევ უფრო გაათართოვა საფრანგეთის გავლენა და პოზიციები გერმანიაში, იტალიასა და ადრიატიკის ზღვის აუზში, როგორც აღვნიშნეთ, ახალი ვითარება შექმნა ევროპაში. ამ ახალმა ვითარებამ უშუალო გავლენა მოახდინა რუსეთ-საფრანგეთის ურთიერთობაზე. მან ფაქტიურად ჩაშალა რუსეთ-საფრანგეთის დაახლოების ცდებს. შეუძლებელი გახდა მწვიდობიანი გზით მათი ზორიგების შესაძლებლობა და მით დააჩქარა ახალი მობრუნება მათ ურთიერთობაში. მეფის რუსეთის მთავრობან ამიერიდან სა-

¹ „...тeпeрь oстaeтeя oжидaть,— როგორც წერდა ბეზბოროდკო უკვე მოტანილ წერილში გრაფ ს. რ. ვორონცოვისადმი,— на пaзнaчeниox кoнгрeссe oтнoсeннoй рaзвязкe, дaннa дaльнeйшнe пoступкeи свoю гoсудaрь и импeрaтoр мoг утвeрдитъ, кaк тo дoстoйнствo eгo вoстрoбует...“ Сбoрн. РИО. ტ. 29, გვ. 389—390.

² რუსეთის მთავრობის აღნიშნული თვალსაზრისი განვითარებულია პაილე I-ის, ბეზბოროდკოსა და კურაკინის მითითებულ რესკრიპტებსა და წერილებში. იხ. Сбoрн. РИО, ტ. 26, გვ. 435—436, ტ. 29, გვ. 389; Архив князя Воронцова, ტ. 13, გვ. 380—382; ЦГАДА, ф. Пaвлуцкx, д. 260, лл. 20—29; Мaтeриaлx... ტ. 2, ნაწ. II, გვ. 405—406; კურაკინი 1798 წლის 15 იანვრის წერილში ნ. პ. პანინისადმი წერდა: რუსეთს განზრახვა არ აქვს ხელი აიღოს ავსტრიასთან მეგობრობაზე. Б р и к и е р, Мaтeриaлx..., ტ. 2, ნაწ. I, გვ. 436—439.

კლთარი ინტერესების და პოზიციების დაცვა და საფრანგეთის მხარდი აგრესიის აღკვეთა იარაღისათვის ხელის მოკიდებას დაუკავშირა. ამასთან დაკავშირებით ბერლინის მოლაპარაკება, რომელიც თუმცა ფაქტიურად ჩაშლილი იყო, მაგრამ ფორმალურად ჯერ კიდევ არ იყო ლიკვიდირებული, თავის ფინალურ აქტამდე უნდა მისულიყო.

როგორც ცნობილია, რუსეთის ფეოდალური არისტოკრატიის ერთი ჯგუფი, რომელიც საფრანგეთის რესპუბლიკისადმი სიძულვილით იყო გაჟღენთილი და ანტიფრანგული კავშირის შექმნაზე ოცნებობდა (გრაფი ს. რ. ვორონცოვი, გრაფი ნ. პ. პანინი, თავადი ა. ბ. კურაკინი, კრიუდენერი და სხვ.), ისედაც დაეინებით ილაშქრებდა საფრანგეთთან მოლაპარაკების წინააღმდეგ. ეს დაჯგუფება უნაყოფოდ მიიჩნევდა ამ მოლაპარაკებას, ხელს უშლიდა მის ნორმალურ წარმართვას და მოითხოვდა მის შეწყვეტას. ახალმა ვითარებამ, რომელიც 1797 წლის დასასრულისათვის შეიქმნა, კიდევ უფრო გააძლიერა ამ დაჯგუფების თავდასხმები საფრანგეთთან შეთანხმების ზონდაეის წინააღმდეგ¹.

როგორც კურაკინისადმი გაგზავნილი ინტიმური წერილებიდან ჩანს, ნ. პ. პანინი კაიართან მოლაპარაკების დროს ძალზე უსულგულოდ ასრულებდა თავის მოვალეობას და თავის დასმენებში მუდამ ხაზს უსვამდა ფრანგებთან საერთო ენის გამონახვის შეუძლებლობას.

ფრანგების მიერ რუსეთის კონსულის შეპყრობამ შეაჩერა ბერლინის მოლაპარაკება, მაგრამ სავსებით არ ჩაუშლია იგი. თვით კამპო-ფორმიოს ზავის დადების შემდეგაც აქვს ადგილი ამ მოლაპარაკების გაგრძელების ცდას, უპირატესად საფრანგეთის ინიციატივით. რუსეთის მთავრობა და პირადად პავლე I კი საჭიროდ მიიჩნევენ აღნიშნული მოლაპარაკების ფორმალურ გაგრძელებას და სათანადო მითითებას აძლევენ ნ. პ. პანინს². 1797 წლის და-

¹ ამის ნათელსაყოფად მეტად საინტერესოა გრაფ ნ. პ. პანინის და თავად ა. ბ. კურაკინის მიწერ-მოწერა, რომელიც ინტიმურ ხასიათს ატარებდა და შიფრით წარმოებდა. ამ მიწერ-მოწერაში გამოვლინებულია მათი აშკარა სიძულვილი და შეურიგებლობა ბერლინის მოლაპარაკებისა და საერთოდ ფრანგებთან შეთანხმების შესაძლებლობისადმი იხ. კურაკინის 1797 წლის 27 ნოემბრის წერილი ნ. პ. პანინისადმი, პანინის საპასუხო წერილი 29 ნოემბრის (10 დეკ.) თარიღით და კურაკინის მეორე წერილი პანინისადმი 1798 წლის 24 მარტის (4 აპრილის) თარიღით. Материалы... ტ. 2, გვ. 411—414; ტ. 3, გვ. 221—222.

² პავლე I-ის 1797 წლის 18 დეკემბრის და 1798 წლის 25 იანვრის რესკრიპტები გრაფ ნ. პ. პანინისადმი. იხ. ЦГАДА, ф. Паниных, д. 262. лл. 26—27; Материалы... ტ. 2, გვ. 332—333.

სასრულიდან ბერლინის მოლაპარაკება რუსეთის ცარიზმისათვის ერთგვარ ნიღაბს წარმოადგენდა, რომელსაც უნდა დაეფარა ის დიპლომატიური საქმიანობა, რომელიც უკვე საფრანგეთის წინააღმდეგ იყო მიმართული და ახალი ანტიფრანგული კოალიციის ორგანიზაციას ისახავდა მიზნად. როდესაც რუსეთ-საფრანგეთის ურთიერთობაში ახალმა ფიციხმა მასალამ იჩინა თავი, ბერლინში ფორმალურად წარმოებული მოლაპარაკება სავსებით შეწყდა. ეს მოხდა 1798 წლის დასაწყისში¹.

ბერლინის მოლაპარაკებების შეწყვეტით გაწყდა ის უკანასკნელი ძაფი, რომელიც რუსეთსა და საფრანგეთს აკავშირებდა ერთმანეთთან. ამიერიდან მეფის რუსეთის მთავრობა გეზს იღებს სულ სხვა წასიათის დიპლომატიურ საქმიანობაზე: მისი დიპლომატიური საქმიანობის ცენტრში საფრანგეთის რესპუბლიკის წინააღმდეგ ევროპის სახელმწიფოთა ახალი კოალიციის მოწყობის საქმე ექცევა².

ობიექტურმა ფაქტორებმა და ევროპის პოლიტიკურ ცხოვრებაში მომხდარმა ცვლილებებმა ახალი ამოცანები დააყენეს რუსეთის ცარიზმის საგარეო პოლიტიკის დღის წესრიგში.

¹ კაიარის და გრაფ ნ. პ. პანინის უკანასკნელი „შემთხვევითი“ შეხვედრ მოეწყო 1798 წლის იანვრის ბოლო რიცხვებში იმავე პარკში, სადაც ისინი პიო ველად შეხედნენ ერთმანეთს. ამ უკანასკნელი შეხვედრის შესახებ ცნობები მოცემულია გრაფ ნ. პ. პანინის 1798 წლის 30 იანვრის (10 თებერვლის) რელაქიაში პავლე I-სადმი. იხ. Архив ВПР, ф. „Синошения России с Пруссеи“, д. 512 л. л. 113—114.

² ტატიშჩევი ხემათ დასახელებულ ვრცელ წერილში ნაპოლეონისა და პავლე I ის ურთიერთობის შესახებ, როგორც საფრანგეთ-რუსეთის კავშირ-მეგობრობი მოტრფიალუ. გულისტკივილით აღნიშნავს ბერლინის მოლაპარაკებების ჩაშლას მოლაპარაკების ჩაშლაში იგი თანაბრად ბრალს სდებს როგორც რუსეთის ცარიზმს ისე საფრანგეთის დირექტორიას. აღნიშნული მოლაპარაკება, მისი აზრით, წარმატებით დამთავრდებოდა და საფრანგეთ-რუსეთს შორის კავშირ-მეგობრობის ხელწეკოულება დაიდებოდა, რომ მხარეებს პეტი მონდომება და ურთიერთ-დათმობებზე წასვლის მზადყოფნა გამოეჩინათ. იხ. Tatistcheff. Paul et Bonaparte „La Nouvelle Revue“, 1887, ტ. 47, მე-3—4 წიგნი, გვ. 663—664. გაგრაკითხვა ისმის, შეიძლებოდა თუ არა ბერლინის მოლაპარაკების წარმატებით დამთავრება იმ ვითარებაში? ჩვენ ვფიქრობთ, რომ არა.

**მუხის რუსეთის მიერ- საზრანგეთის წინააღმდეგ მოხუ გუხის
აღება. პრეჰვიკული ნაბიჯების გადაღება მორა ანვიზრანული
ქოალისიი, შესაქმნელად**

**1. ბრძოლა „ზინაგან ფრონტზე“. ფრანგი ემიგრანტებისადმი
დახმარების გააღიარება. კონდეს კორკუსისა
და პროვანსის გრაფის მიწვევა რუსეთში**

1798 წლის დასაწყისიდან, როდესაც ბერლინის უნაყოფო მოლაპარაკება შეწყდა და რუსეთსა და საფრანგეთს შორის ომი გარდუეალი გახდა, პავლე I-ის მთაფრობამ ამ ვითარების შესაბამისად მკათიოდ გამოხატული ანტიფრანგული კურსი აიღო. მან ხელი მიჰყო საფრანგეთის რესპუბლიკის წინააღმდეგ დიპლომატიურ და სხვა სასიათის ღონისძიებების განხორციელებას და „ზურგის“ განმტკიცებასთან დაკავშირებული ზომებიც მიიღო, კერძოდ: გააძლიერა ბრძოლა საფრანგეთის რესპუბლიკის „ძირგამომთხრელი“ გავლენის წინააღმდეგ; გააორკეცა დახმარება ფრანგ ემიგრანტებისადმი და მოიწვია რუსეთში საფრანგეთის ტახტის მაძიებელი პროვანსის გრაფი და მისი ამაღლა; მან, ამასთან ერთად, გაიწვია რუსეთში პრინც კონდეს ემიგრანტული კორკუსი, ჩარიცხა იგი რუსეთის არმიის რიგებში და სახელმწიფო კმაყოფაზე აიყვანა.

საფრანგეთის რევოლუციისადმი სიძულვილში, საფრანგეთისადმი ანგარიშის გასწორების მისწრაფებაში პავლე I გაცილებით უფრო თანამიმდევარი და ენერგიული იყო, ვიდრე მისი წინამორბედი ეკატერინე II. რევოლუციისადმი სიძულვილმა და შიშმა, ერთსა და იმავე დროს, უბიძგა პავლეს უკიდურესობამდე განეითარებინა ტერორისა და რეპრესიების ის პოლიტიკა, რომელიც ეკატერინემ გამოიყენა არსებული სოციალური სისტემის დასაცავად. ახალმა იმპერატორმა ტერორისა და რეპრესიების პოლიტიკა სისტემად აქცია. უსასტიკესი რეპრესიებითა და ტერორით ფიქ-

რობდა პავლე I სავესებით „დაეხურა“ რუსეთის იმპერიის კარები ყოველგვარი „გადამდები სენისა“ და უცხოური გავლენისაგან. ამ მხრივ მას საზღვარი არ გააჩნდა, მან არ იცოდა ნორმა და თავშეკავება. ტყუილად კი არ წერდა გერცენი, რომ პავლე I სიგიჟემდე მიჰყავდა მძულვარებას რევოლუციისადმი და იმის შიშს, რომ ამ რევოლუციის პრინციპებს არ შეეღწია მის იმპერიაში¹.

პავლე I-ის უპრინციპო და არათანმიმდევრულ პოლიტიკა-წი, ა. პანინის თქმით, მხოლოდ ერთი რამ იყო ცხადი და გასაგები: რევოლუციური იდეების, იაკობინობის დენა რუსეთში².

პავლეს ბრძანებით სინჯადენენ საზღვარგარეთიდან გამოგზავნილ ყველა საქმიან და პირად ბარათს და ეძებდნენ მასში ძირგამონთხრელი საქმიანობის კვალს. საზოგადოებრივი ცხოვრების ყველა დარგზე, ოუსეთის იმპერიის ქვეშევრდომთა ყოველგვარ საქმიანობაზე დაწესდა სასტიკი მეთვალყურეობა, რომლის მიზანი იყო რევოლუციური იდეების ყოველგვარი ჩანასახის დასაწყისშივე პარალიზება და აღკვეთა³.

რევოლუციის აჩრდილისა და „დამღუპველი გავლენის“ წინააღმდეგ ბრძოლაში პავლე I აშკარა კუროზებამდე მიდიოდა. მან, მაგალითად, აკრძალა მრგვალი ქუდის ტარება, ფრაკია ჩაცმა, ზოგიერთი ფრანგული მოდის ფესხაცმელი დი სხვა უცხოური (უმთავრესად ფრანგული) მოდეები. პეტერბურგის გენერალ-გუბერნატორს ევალებოდა უმაკრესი ზომები მიეღო „უღდისციპლინოთა“ წინააღმდეგ და ქუჩებსა და მოედნებზე დაესაჯა ამ განკარგულების დამრღვევნი⁴. იმპერატორმა პავლემ:—წერს თავის მემუარებში

¹ А. П. Герцен, Полное собрание сочинений, под редакцией М. К. Лемке, М.—Л., 1923, т. 20, гл. 215.

² А. Панин, Общественное движение в России при Александре I, СПб., 1900, гл. 53.

³ М. Ключков, დასახ. ნაშრ., გვ. 125 და 135.

⁴ ნ. ზილდერის ცნობით პეტერბურგის მაშინდელმა გენერალ-გუბერნატორმა ნ. არხაროვმა პავლე I-ის უაზრო ჩანკარგულება მრგვალი ქუდების, ფრაკებისა და ჟილეტების ტარების აკრძალვის შესახებ მთელი სისასტიკით და პედანტური სიხუტით შეასრულა. მან ოოასამდე ჯარისკაცი და დრაგუნი გამოჰყო, დაჰყო ჯგუფ-ჯგუფად და პეტერბურგის ქუჩებში გაუშვა. ისინი დარბოდნენ ქუჩებში, ...გაუვლელეს თ:ვიდან ჰგლეჯდნენ მრგვალი ქუდებს და ნაკუწ-ნაკუწად აქცევდნენ. ფრაკებს სახელოებს ახვედნენ... კამაანია სწრაფად და გამარჯვებით დამთავრდა; დღის 12 საათისათვის უკვე ვეღარ ნახავდით მრგვალი ქუდებს, ფრაკებსა და ჟილეტებს და პეტერბურგის ათასობით მცხოვრები უჭუდოდ. შემოხუელი ტანისამოსით, ნახევრად შიშველი მიჩანხალებდა ბინისაკენ“. Н. Шилдер, Император Александр I..., гл. 102.

ადამ ჩარტორიესკი, — „აკრძალა მრგვალი ქუდის ტარება, რადგან იგი მას მიაჩნდა ლიბერალიზმის ნიშნად. თუ ვინმე იმ ხალხში, რომელიც ალღუმს ესწრებოდა, გამოჩნდებოდა მრგვალი ქუდით, ადიუტანტები მაშინვე გაეკიდებოდნენ დამნაშავეს, რომელიც, რაც შეეძლო, გარბოდა, რათა თავი დაეღწია ჯოხით ცემისათვის“¹. პავლეს სურდა სავსებით ამოეღო ხმარებიდან სიტყვები: „წარმომადგენლები“, „საზოგადოება“, „მოქალაქე“ (მოქალაქის ნაცვლად უნდა ეხმარათ სიტყვა „მცხოვრები“, „სამშობლოს“ ნაცვლად — „სახელმწიფო“, „რანგი - ხარისხი“ უნდა შეცვლილიყო „კლასით“ და ა. შ.), მან გასცა განკარგულება ოთხი ოფიცრის დატუსაღების შესახებ მხოლოდ იმისათვის, რომ მათ თმა რამდენადმე უფრო მოკლედ ჰქონდათ შეკრეპილი, ვიდრე ეს დაწესებული იყო საერთოდ ოფიცრებისათვის. ცნობილია, რომ პავლემ რუსეთის ცენტრალურ გუბერნიებში მოგზაურობისას თავის ეტილიდან გააგდო სახელმწიფო მდივანი ნელე დინსკი მხოლოდ იმისათვის, რომ მან იმპერატორთან საუბარში იხმარა კანონგარეშე გამოცხადებული სიტყვა „წარმომადგენლები“, რაც „გვირგვინოსანმა დესპოტმა“ დიდ დანაშაულად ჩაუთვალა მას².

პეტერბურგში, მოსკოვსა და იმპერიის სხვა ქალაქებში მცხოვრებ უცხოელ ვაჭრებზე, მოგზაურებსა და სხვა პირებზე, რათა „თავისებური სული“ არ გაეფრცვლებინათ, სასტიკი საპოლიციო ზედამხედველობა იქნა დაწესებული. მათ შორის „მეშინურ და საეჭვო“ ელემენტებს აძევებდნენ საზღვარგარეთ და სასტიკი სასჯელის შიშით უკრძალავდნენ უკან დაბრუნებას³. 1798 წლის 28 ივნისს გამოქვეყნდა სენატის მიმართ იმპერატორის ბრძანებულება, რომელიც ითვალისწინებდა იმპერიის საზღვრებთან (კერძოდ დასავლეთის საზღვართან) დაცვის ღონისძიებათა გაძლიერებას და იმ უცხოელთათვის სპეციალური საშვების შემოღებას (ისიც პავლე I-ის ნებართვით), რომელთაც რუსეთში ვაჭრობა სურდათ. აღნიშნული ბრძანებულებით რუსეთში შესვლის უფლება ეძლეოდათ მხოლოდ იმ უცხოელ ვაჭრებს (გარდა ფრანგებისა), რომელთაც ექნებოდათ რუსეთის სათანადო ელჩების ან კონსულების ნებართვა, რომელიმე სავაჭრო ფირმის რეკომენდაცია და პასპორტი. რუსეთ-

¹ Хрестоматия по СССР, т. 2, М., 1953, стр. 377; см. аგრეთვე А. Корнилов. Курс истории России XIX века, т. 1—2, М., 1912, стр. 63.

² А. Преснов, Царская Россия и Французская буржуазная революция 1789 г., „Исторический журнал“, № 2, 1937 г., стр. 67.

³ Е. Шумигорский, დასახ. ნაშრ., გვ. 116.

ში ყოფნისას მათ ვეალებოდათ საცხოვრებელი ადგილის მიხედვით გაწერა და ა. შ¹.

ჯერ კიდევ 1797 წლის თებერვალში ხელმოწერილ იქნა ბრძანებულება, რომლითაც იკრძალებოდა ყველა სახის თავისუფალი სტამბა და წიგნების თავისუფალი ბეჭდვა. დაწესდა მკაცრი ცენზურა. თვალყურს ადევნებდნენ, რათა არ დაბეჭდილიყო რუსეთში ან არ შემოტანილიყო საზღვარგარეთიდან არცერთი ისეთი წიგნი, რომელიც „закону божью, правилам государственным, верховной власти и благонравию“-ს საწინააღმდეგო იქნებოდა². ასეთი პოლიციური ზომები სტამბებისა და პრესის მიმართ კიდევ უფრო გაძლიერდა 1798 წლიდან. ლიფლიანდიის გუბერნატორ რიხტერის მიერ კურლიანდიის გუბერნატორ ლამზდორფისადმი 1798 წლის 27 იანვარს გაგზავნილი წერილიდან სჩანს, რომ პაელეს აუკრძალავს ვოლტერის ნაწარმოებების შემოზიდვა და ისინი აკრძალულ წიგნებად გამოუცხადებია³.

საზღვარგარეთ სასწავლებლად გაგზავნილ თავადაზნაურთა შეილებს განკარგულება მიეცათ ორი თვის ვადაში უკან დაბრუნებულიყვნენ. 1798 წლის 9 აპრილის ბრძანებულებით აიკრძალა თავადაზნაურობის, ახალგაზრდა თაობის გაგზავნა საზღვარგარეთ უნივერსიტეტებსა და სხვა უმაღლეს სასწავლებლებში სწავლის მისაღებად. ამ აკრძალვის მოტივად დასახელებული იყო საზღვარგარეთის სკოლებში არსებული აღზრდის მიუღებელი წესები⁴.

პაელე I იმდენად დაშინებული იყო „უცხოური გამბრწენელი გავლენით“, რომ თვით ფეოდალურ-კლერიკალური ბანაკის ფრანგ ემიგრანტებსაც კი ეჭვის თვალით უცქეროდა, მათშიაც გადაცმულ „იაკობინელებს“ ხედავდა და მათ გამოსააშკარაებლად საგანგებო ზომებს ლებულობდა. რუსეთში (კურლიანდიაში) მყოფ ლუი XVIII-ს ამაღალზე მან დააწესა კურლიანდიის გუბერნატორის სასტიკი ზედამხედველობა და 1798 წლის 17 მარტის ბრძანებულებით მოითხოვა ამ გუბერნატორისაგან იმ ფრანგთა მიტავიდან გაძევება, რომლებიც პროვანსის გრაფის ამაღალს არ ეკუთვნოდნენ⁵, 1798 წლის

¹ „Русская старина“, 1893, январь, гл. 246—247.

² Е. Шумиговецкий, დასახ. ნაშრ., გვ. 191.

³ „Русская старина“, 1897 г., т. 92, гл. 82.

⁴ об. Полное собрание законов Российской империи с 1649 г., т. 25, 1798—1799, гл. 186.

⁵ „Русская старина“, 1897 г., т. 92, гл. 82.

11 აპრილის ბრძანებულებით პავლე I სასაზღვრო დაცვას უფროსებს უკრძალავდა ფრანგთა შემოშვებას რუსეთის საზღვრებში მხოლოდ იმათ გამოკლებით, რომლებიც სათანადო შემოწმების შემდეგ თვით იმპერატორის ნებართვას მიიღებდნენ¹.

რუსეთის არმიის რეგულაციური სულისკვეთების მოსალოდნელი გავრცელების წინააღმდეგ პავლე I არმიის ცალკეული დანაყოფების რიგებში ქმნის სამეთვალყურეო საგუშაგოებს და თანაც არმიის მღვდლებს ავალებს განსაკუთრებული ყურადღება მიაქციონ ჯარისკაცთა განწყობილებას და სათანადო ცნობები გზავნონ დანიშნულებისამებრ².

წინაგანი რეაქციის გაძლიერებას და პავლე I-ის მიერ ყოველგვარი პროგრესულისადმი შეურიგებლობის კონკრეტულ გამოვლინებას წარმოადგენდა რუსეთის დიდი სარდლის სუვოროვისადმი გამოყენებული დისკრიმინაცია, მისი განთავისუფლება არმიის რიგებიდან და სოფელ კონჩასკოეში გადასახლება ფაქტიურად ტუსალის პირობებში.

რუსეთის სხვადასხვა ფენისა და პროფესიის ათასობით უდანაშაულო ადამიანი გახდა ცარიზმის პოლიციური ტერორისა და სისხლიანი რეპრესიების მსხვერპლი 1797—1800 წლებში; ათასობით ადამიანი გამოეთხოვა თავის კეთილდღეობას და ციმბირის მიყრუებულ ადგილებში დალია სული მხოლოდ იმიტომ, რომ მათზე ექვე მიიტანეს: ორიგინალურად აზროვნებს, ფრანგული „გამბრწყნელი გავლენის“ ქვეშაა მოქცეული, კანონს, წესიერებას და „ღვთის მიერ დადგენილ წესებს“ დანხობით ემუქრებაო და სხვ³.

¹ Д. Милютин, დასახ. ნაშრ., ტ. 3, გვ. 66.

² იხ. Е. Шумигопрекин, დასახ. ნაშრ., გვ. 160.

³ მაგალითად, პრაპორშჩიკ ივანე როჯკოვს სენატმა 1797 წელს მიუსაჯა გაწეპვლა და ნარიზის მხარეში გადასახლება მტკიცებისათვის:

1) რომ ხელმწიფეები ყველანი ტირანები, ბოროტმოქმედნი და მაწანწალები არიან, რომ არცერთი სავსებით კეთილმყოფელი ადამიანი არ დათანხმდება გახდეს ხელმწიფე;

2) რომ ვახტაარადზე ყოფნის დროს იგი დასცინოდა ვახტაარადს და მას თოჯინების კომედიას უწოდებდა;

3) ამტკიცებდა, რომ ადამიანები ბუნებით თანასწორნი არიან და ხელისუფალთ არა აქვთ უფლება დასაჯონ სხვები იმ ქცევათათვის, რასაც თვისონაც ხადიან:

4) რომ ხატები კერპები არიან და ყელა ვინც მათ ერთგულებით და მოწიწებით თაყვანს სცემენ, უსინდისონი არიანო. იხ. В. Савилов, Внутренняя и внешняя политика Павла I, (1796—1801). Хлебн., 1946, გვ. 17
ის მხეტური ანგარიშსწორება, რომლის მსხვერპლიც გახდნენ წარმოშობით ქართველები, ძმები გრუზინოვები (გვარდია პოლკოვნიკი ევგრაფ იოსების ძე

აღნიშნული და სხვა მსგავსი ზომები, გამოყენებული „შინაგან ფრონტზე“, პავლე I-ის მთავრობის მიერ აღებული კურსის ნაწილი იყო და საგარეო პოლიტიკურ მიმართულებასთან მჭიდრო კავშირში იმყოფებოდა.

საფრანგეთის ფეოდალური არისტოკრატისა და კლერიკალური ჯგუფების ემიგრირება საფრანგეთიდან ჯერ კიდევ ბასტილიის ციხის აღების დროიდან დაიწყო. საფრანგეთის ტერიტორია ნიატოვეს მეფის ძმებმა, პროვანსის და არტუას გრაფებმა, პრინცმა კონდემ შვილით (ბურბონის ჰერცოგი) და შვილიშვილით (ენგიენის ჰერცოგი), ასობით ჰერცოგმა, გრაფმა, მარკიზმა, კარდინალმა, ეპისკოპოზმა, გენერალმა და ა. შ. მათი ემიგრაცია საზღვარგარეთ იზრდებოდა და ფართოვდებოდა რევოლუციის გაღრმავების პარალელურად. 1794 წლისათვის ფრანგ ემიგრანტთა საერთო ოაზდენობა რამდენიმე ათეულ ათას კაცს შეადგენდა. ისინი თავმოყრილნი იყვნენ გერმანიის საიელნიწიფოებში. ავსტრიაში, ესპანეთში, იტალიაში, შვეიციაში, ინგლისსა და რუსეთში. რევოლუციისაგან განდევნილნი და ევროპის კონტრრევოლუციური კოალიციის იარაღად ქცეულნი ფრანგი ემიგრანტები თავს იჩენდნენ „სტუმართმოყვარე“ მასპინძლების ნასუფრალით, საფრანგეთიდან გაზიდულ ფასეულობათა გაყიდვით, ვაჭრობით, მანქანობით თუ სხვა საექსპოზაშეუალელებით. ემიგრანტთა ერთი ნაწილი (უმთავრესად ოფიცრობა) თავს იყრის ავსტრიელების მიერ რაინზე ფორმირებულ ემიგრანტულ კორპუსში; რომელსაც პრინცი კონდე სარდლობდა, უშუალო მონაწილეობას ღებულობს საფრანგეთის წინააღმდეგ ბრძოლაში და ამ გზით პოულობს არსებობის სახსარს.

ფრანგ ემიგრანტთა ერთი ჯგუფი, სარგებლობს რა ეკატერინე II-ის „გულუხვი სტუმართმოყვარეობით“, რუსეთში იკალათებს. ეკატერინე II დიდ ზრუნვას იჩენს მათი ბედისაღმძი და მიწების დარიგებით, სამსახურში მოწყობით, პენსია-სუბსიდიების დანიშვნით ამსუბუქებს მათ მდგომარეობას, ხოლო რაც შეეხება ფეოდალურ-კლერიკალური ემიგრაციის ზედა ფენას, მას პრივილეგიურ და უზრუნველყოფილ მდგომარეობასაც კი უქმნის. სახელ-

გრუზინოვი და გვარდიის პოდპოლკოვნიკი პეტრე იოსების ძე გრუზინოვი) 1800 წლის მეორე ნახევარში, იმ სისხლიანი ტერორისა და შავი რეაქციის ერთ-ერთ ეპიზოდს წარმოადგენდა, რომელიც გაბატონებული იყო რუსეთში პავლე I-ის მეფობის წლებში. ამის შესახებ ვრცლად იხ. ო. გვინჩიძე, რუსეთის საზოგადოებრივი მოძრაობის ისტორიიდან, თბილისი, 1957.

მწიფო ხაზინიდან ყოველწლიურად ასეული ათასი მანეთი იხარჯებოდა ამ მექთახორა ხროვის შენახვაზე¹.

როცა კამპო-ფორმიოს საზავო ხელშეკრულების დადების შემდეგ პაულე I-ის მთავრობა დარწმუნდა საფრანგეთთან ომის გარდუვალობაში, მან გააორკეცა თავისი ყურადღება ბურბონთა ბედისა და ფრანგი ემიგრანტების ხვედრისადმი, გადაწყვიტა მეტი ყურადღება მიექცია მათთვის და გამოეყენებინა ისინი მომავალ ომში საფრანგეთის წინააღმდეგ.

კონდეს ემიგრანტული არმია (კორპუსი) 1797 წლის დასასრულისათვის მეტად სავალალო მდგომარეობაში იმყოფებოდა. რამდენიმე სერიოზული დამარცხების შედეგად, რაც ამ არმიამ საფრანგეთის არმიებთან ბრძოლაში განიცადა, მკვეთრად შემცირდა მისი რიცხობრივი შემადგენლობა. პირადი შემადგენლობის ნაწილი დაიბოცა, ნაწილი ტყვედ ჩავარდა ან უგზო-უკვლოდ დაიკარგა, ნაწილმაც დეზერტირობა არჩია, არმიიდან გაიპარა და არსებობის სხვა საშუალებას მოჰქიდა ხელი. ამასთან ერთად დაცა ამ არმიის დისციპლინა და მორალური სიმტკიცე. მას აკლდა ტანისანოსი, საკვები, საბანაკო მოწყობილობა და სხვ. ერთი სიტყვით, კონდეს ემიგრანტული კორპუსი კამპო-ფორმიოს ზავის დადების დროისათვის სრული დაშლისა და დემორალიზაციის ფაზაში იმყოფებოდა².

კამპო-ფორმიოს საზავო ხელშეკრულების ერთ-ერთი პუნქტი ავალებდა ავსტრიას შეეწყვიტა კონდეს ემიგრანტული არმიის დაფინანსება, ხელი აეღო მის გამოყენებაზე შემდგომში და თავშესა-

¹ ლატერატურა, რომელიც აშუქებს საფრანგეთის რეაქციულ-კლერიკალური ხროვის ემიგრაციას რუსეთში და მათდამი ეკატერინეს დამოკიდებულებას, საკმაოდ ვრცელია. აქ შეიძლება დავასაბულოთ მხოლოდ ზოგიერთი მათგანი: К. Миллер, Французская эмиграция в России в царствование Екатерины II, Париж, 1931; А. Преснов, Царская Россия и Французская буржуазная революция 1789 г., „Исторический журнал“, 1937, № 2, გვ. 60—70; П. Алфименко, Правительство Екатерины II и Французская буржуазная революция, „Исторические записки института истории АН СССР“, № 22, 1947 г., გვ. 206—251; А. Брикнер, Екатерина II и Французская революция, „Исторический вестник“, 1895 г., август, გვ. 411—420. Ch. L. de Rivière, Catherine II et la Révolution française, Paris, 1895. F. Daudet, Bourbons et la Russie pendant la Révolution française, Paris, 1886, L. Pingaud, Les français en Russie et les russes en France, v. II. Paris 1886; А. Сорель, დასახ. ნაშრ., ტტ. 4—5.

² Е. Щепкина, Армия роялистов в России, „Журнал Министерства народного просвещения“, ч. ССLX, 1889, январь, гв. 36—47; L. Pingaud, დასახ. ნაშრ., წიგნი II, გვ. 9—10.

ფარი აღარ მიეცა მისთვის. ყოველივე ამან და იმ გარემოებამ, რომ ინგლისის მთავრობამ უარი განაცხადა გაეყვანა ეს არმია კონტინენტიდან და იგი თავის კმაყოფაზე აყევანა, მეტად მძიმე მდგომარეობაში ჩააყენა ამ არმიის სარდლობა. ასეთ პირობებში კონდემ გადაწყვიტა ეთხოვა რუსეთის მთავრობისათვის დახმარება და მისი არმიის თავის კმაყოფაზე აყევანა¹.

პავლემ დააკმაყოფილა პრინც კონდეს თხოვნა და მიიღო გადაწყვეტილება კონდეს ემიგრანტული არმიის რუსეთის სამხედრო სამსახურში აყვანისა და რუსეთში გაწვევის შესახებ². კონდეს ემიგრანტული არმიის ავსტრიის ტერიტორიიდან ევაკუაციისა და რუსეთის ტერიტორიაზე გადაყვანის პრაქტიკულად მოსაგვარებლად პეტერბურგიდან პრინც კონდესთან გაგზავნილ იქნენ ალოპეუსი და პოდპოლკოვნიკი თავადი გორჩაკოვი, რომელთაც ეს საქმე უნდა მოეგვარებინათ ავსტრიაში რუსეთის ელჩის ა. რაზუმოვსკის მხარდაქვეით. ერთ-ერთი ღონისძიება, რომელიც მათ სათანადო ინსტრუქციის მიხედვით უნდა განეხორციელებინათ კონდეს არმიის რუსეთში გადაყვანისთან დაკავშირებით, იყო მისი პირადი შემადგენლობის აღრიცხვა და პოლიტიკური კეთილსაიმედოების მიხედვით შემოწმება საექვო ელემენტთაგან არმიის გაწმენდის მიზნით³.

კონდეს ემიგრანტული კორპუსის შემოწმება-აღრიცხვას, ლაშქრობისათვის მომზადებას და თვით ლაშქრობას კომბინირებული გზით (დუნაით და ხმელეთით) საკმაო დრო მოუწია. ამიტომ ეს კორპუსი მხოლოდ ნოემბრის თვეში ჩავიდა რუსეთში⁴.

¹ პრინცმა კონდემ ამ მიზნით პეტერბურგში მიავლინა სპეციალური წარმომადგენელი ბარონი ლაროშფუკო. იხ. Д. Милютин, დასახ. ნაშრ., ტ. I, გვ. 5.

² ეს მოხდა ჯერ კიდევ 1797 წლის აგვისტოში. „По средному нам велению Императора, — წერდა პავლე I გრაფ ა. რაზუმოვსკის 1797 წლის 9 აგვისტოს რესკრიპტში. Д. Милютин, დასახ. ნაშრ., ტ. I, გვ. 51. ა. ბებოროდლო თავის წერილში (უთარილოა) გრაფ ს. რ. ვორონცოვისადმი, ეწება რა რუსეთის იმპერატორის ხსენებულ გადაწყვეტილებას, ცდილობს დაარწმუნოს იგი, რომ თითქოს რუსეთის ცარიზმის მიერ კონდეს არმიის კმაყოფაზე აყვანა და რუსეთში გაწვევა არ წარმოადგენდა საფრანგეთის რესპუბლიკის მიმართ გადადგმულ მტრულ ნაბიჯს, იხ. „Архив князя Воронцова“, ტ. 13, გვ. 376.

³ პავლე I-ის 1797 წლის 3 და 6 აგვისტოს რესკრიპტები გორჩაკოვისა და ალოპეუსისადმი. „Русский архив“, 1888, ტ. 2, გვ. 283—288, 268—290.

⁴ პოდპოლკოვნიკი თავადი ვ. ი. გორჩაკოვი დაკისრებული მოვალეობის შესრულების მიმდინარეობის შესახებ პერიოდულ მოხსენებით ბარათებს უგზავნიდა როგორც რუსეთის იმპერატორს, ისე გრაფ ა. რაზუმოვსკის. იხ. ЦГАДА, ф. XV, д. 604. лл. 1—53.

ნიერ შემკვიდრედ და საფრანგეთის მეფედ გამოაცხადა (ლუი XVIII-ის ტიტულით), საფრანგეთიდან გაქცევის შემდეგ (1791 წლის 9/20 ივნისს) რამოდენიმე წლის განმავლობაში დაეხეტებოდა იტალიასა და გერმანიაში. 1796 წლიდან იგი, თავის საკმაოდ მრავალრიცხოვან მომხრეებთან და ამალასთან ერთად თავს აფარებს ბრაუნშვაიგის საჰერცოგოს. აქ ის ცხოვრობს პატარა ქალაქ ბლაკენბურგში, სადაც სწელი სავარეულო ციხე-კოშკი უქირავს¹.

რუსეთის ცარიზმის მესვეურებმა ჯერ კიდევ კამპო-ფორმიოს ზავზე სელმოწერამდე გადადგეს ნაბიჯი საფრანგეთის „კანონიერი“ ტახტის პრეტენდენტის მდგომარეობის შესამსუბუქებლად. პავლენ ერთდროული დახმარების სახით 200 ათასი მანეთი გაუფზავნა მას, თანაც ნება დართო დასახლებულიყო ჩრდ.-დასავლეთ გერმანიის ერთ-ერთ პატარა იევერის ოლქში, რომელიც რუსეთის საიმპერატორო სახლს ეკუთვნოდა. ფულადი დახმარება ფრანგმა ბურჰონმა სიხარულით და ხადლობით მიიღო. მაგრამ იევერის ოლქში დასახლებისაგან თავი შეიკავა, მას ჰოლანდიასთან სიასლოვის შეეშინდა, რადგან ჰოლანდია ფრანგების ხელში იყო². ამას გარდა რუსეთის იმპერატორმა ევროპის მონარქებს (ავსტრიის იმპერატორს, პრუსიის, ესპანეთის, ნეაპოლის, პორტუგალიის პეფეგას) და ინგლისის მთავრობას წინადადებით მიმართა ერთობლივად ეზრუნათ პროვანსის გრაფისა და მისი ოჯახის შენახვაზე, ყოველწლიურად გაეღოთ გარკვეული თანხა, რომელიც პროპორციულად უნდა განაწილებულიყო მათ შორის³. მაგრამ ინგლისს, ავსტრიას და სხვა სააელსწიფოთა მთავრობებს, რომელთაც პროვანსის გრაფი ოფიციალურად არც კი უცენიათ, თავი არ შეუწყუხებიათ რუსეთის იმპერატორის წინადადების გამო.

კამპო-ფორმიოს ზავმა მკვეთრად გააუარესა პროვანსის გრაფის მდგომარეობა. დირექტორიის მთავრობამ ბრაუნშვაიგის ჰერცოგს კატეგორიულად მოსთხოვა ამ საზავო ხელშეკრულების თანხმად „ვერიგვიზოსანი“ პრინციის მისი ამალითურთ თავისი საძულობელოდან გაძევება.

¹ Д. Милютин, დასახ. ნაწრ., გვ. 51—52.

² იქვე.

³ პავლე I-ის 1797 წლის 14 აგვისტოს წერილი გრაფ ს. ო. ვორონცოვისადმი. აქ რუსეთის იმპერატორი რუსეთის ელჩს აცნობს მის მიერ გადადგმული ხეთოდინშული ნაიჯების წინაარსს. იბ. ПЛАДА, Ф. Восточных, т. 1852. ил. 27—32.

ასეთ მდგომარეობაში ჩაეარდნილმა პროვანსის გრაფმა რუსეთის იმპერატორს სთხოვა თავშესაფარი. პავლემ დააკმაყოფილა ეს თხოვნა და „ლუი XVIII“-ის, მისი ოჯახისა და ამალის ადგილსამყოფელად გამოყო კურლიანდიის ქალაქი მიტავა, სადაც წათგანკარგულებაში გადასცა ბაირონის ყოფილი ციხე-კოშკი და სასახლე, რომელიც სახელდახელოდ შეაკეთეს და კომფორტაბელურად მოაწყვეს¹.

„საპატიო სტუმრის“ რუსეთში ჩასაყვანად გერმანიაში მივლინებულ იქნა გენერალ-ლეიტენანტი ფერზენი. მას ხაზინიდან მიეცა 60.000 მანეთი პროვანსის გრაფისათვის გადასაცემად და გზის ხარჯების დასაფარავად. ფერზენს თან გაჰყვა პოლკოვნიკი ლავროვი. რომლის უშუალო მისიას შეადგენდა პროვანსის გრაფის დაცვის რაზმისა და ამალის თანხლება და მიტავაში ჩაყვანა².

ბურბონთა მეთაური, მისი ოჯახი და ამაღა 1798 წლის თებერვალში უკვე მიტავაში იმყოფებოდნენ³. რუსეთის იმპერატორი არ დასჯერდა „საპატიო სტუმრისადმი“ გამოჩენილ, უკვე აღნიშნულ გულუხვობას. მან სახელმწიფო ხაზინიდან ამ მრავალრიცხოვანი მუქთახორა ხროვის შესანახად ყოველწლიური „პანსიონის“ სახით 200 ათასი მანეთი გამოჰყო⁴.

ცოტა უფრო გვიან რუსეთის იმპერატორმა მორიგი „წყალობა“ გამოიჩინა ბურბონების მიმართ: მისი უშუალო ჩარევით ავსტრიის იმპერატორმა გაათავისუფლა „საპატიო“ ტყვეობიდან ლუი XVI-ის ქალიშვილი პრინცესა მარია-ტერეზია 'მარლოტა',

¹ ამის შესახებ იხილეთ თვით ლუი XVIII-ის ბიოგრაფიული ცნობები, რომლებიც ლიტერატურულად გააფორმა მისმა ახლობელმა თანამგზავრმა ჰერცოგმა დედოფელმა და გამოსცა პარიზში 1826 წელს სახელწოდებით „Mémoires de Louis XVIII“. იგი რუსულად შემოკლებით გამოაქვეყნა რიბინინმა. იხ. „Русский архив“, 1877, ტ. 4, წიგნი 3, გვ. 48—91.

² Д. Милютин, დასახ. ნაშრ., ტ. 1, გვ. 52—53.

„Русская старина“, 1900, ტ. 121, წიგნი 2, გვ. 444; ამავე ამბების შესახებ უფრო ვრცელ ცნობებს იძლევა თვით პოლკოვნიკი ლავროვი თავის მოხსენებით ბარათში, რომელსაც იგი პერიოდულად (1798 წლის 15 იანვრიდან 16 მარტამდე) უკავნიდა პავლეს ბლანკენბურგიდან, გზიდან და თვით მიტავიდან. იხ. Архив Вейс, ф. «Сношения России с Францией», д. 1393—1798 г. л. 1—11.

³ იხ. პავლე I-ის 1798 წლის 6 ივლისის რუსკრიპტი ბარონ ვასილიევისადმი. „Русская старина“, 1800, ტ. 101, წიგნი 2, გვ. 444.

⁴ მის შესახებ შემდეგში ნაპოლეონ ბონაპარტი ამბობდა: „ეს არის ქალთა სქესისა ეთნოლოგიის მამაკაცი მარობითი სქესის ქალთა ოჯახში“ (ე. ბურბონთა ოჯახში—გ. და). იხ. ლუი XVIII-ის ავტობიოგრაფიული ცნობების რუსული შეკრებილი თარგმანი, შედგენილი დ. რიბინინის მიერ, „Русский архив“, 1877, ტ. 9, წიგნი 3, გვ. 63.

რომელიც აგრეთვე მიტავაში იქნა ჩაყვანილი. აქ იგი, პროვანსის გრაფის სურვილით, გაათხოვეს არტუას გრაფის უფროს შვილზე ანგულემის ჰერცოგზე¹.

მართალია, მიტავის „ენიატიურულ სასახლეს“ ოფიციალური წარმომადგენელიც კი ჰყავდა პეტერბურგის სანეფო კარზე, მაგრამ საერთოდ პავლეს საჭიროდ არ მიაჩნდა მის „ზიზანთან“. რომელიც ფაქტიურად არაფითარ ძალას არ წარმოადგენდა, ევროპული პოლიტიკის საკითხების გარშემო აზრთა გაცვლა-გამოცვლა ჰქონდა. ამიტვე უნდა აფხსნათ ისიც, რომ მან ზედმეტად ჩასთვალა მიტავის „სასახლის მფლობელის“ პეტერბურგში ჩასვლა და იქ მისი მეფური ღირსების შესაბამისად მიღება.

ის რუსი ისტორიკოსები, როკლებიც ქება-დიდებას ასხანენ პავლე I-ის მმართველობას, რუსეთის იმპერატორის დახმარებას ბურბონთა სამეფო გვარეულობისადმი და ფრანგ-ემიგრანტებისადმი მიიჩნევენ იმპერატორის „თანდაყოლილი დიდსულოვნობის“ გამოხატულებად. რუსეთის ცარიზმის ეს აქტები, მათი აზრით, ნოკლებული იყო პოლიტიკურ სარჩულს, მით უფრო ისინი არ იყო მიმართული საფრანგეთის წინააღმდეგ. ასეთ აზრს ავითარებს; მაგალითად, მილიუტინი, რომელიც წერს: პავლე I, უწევდა რა მფარველობას ფრანგ ემიგრანტებს და ბურბონთა სახლს, ექვს გარეშეა მხოლოდ თანდაყოლილი დიდსულოვნების ჩაგონებით მოქმედებდა და სრულიად არ ფიქრობდა ამით გამოეხატა საფრანგეთისადმი თავისი არაკეთილგანწყობილება².

ასეთი და სხვა მსგავსი შეხედულება, რა თქნა უნდა, ტენდენციურია და ოდნავადაც ვერ უძლებს კრიტიკას. სინამდვილეში. პავლე I-ის მთავრობის გაძლიერებული ზრუნვა ბურბონთა სახლისა და მთელი ფრანგული რეაქციული ემიგრაციისადმი პოლიტიკურად გამიზნული მოქმედება იყო. იგი უშუალოდ საფრანგეთის ოქსპუბლიკის წინააღმდეგ იყო მიმართული და იმ ღონისძიებათა ჯაქვის ერთ-ერთ რგოლს წარმოადგენდა, რომელიც რუსეთის სამეფო კარმა განახორციელა საფრანგეთის წინააღმდეგ ომისათვის

¹ Д. Милютин, *დასახ. ნაშრ.*, ტ. I, გვ. 53; ამ საკითხის შესახებ მითითებულ წყაროებთან ერთად საკმაოდ დაწვრილებით ცნობებს იძლევიან: L. Pingaud, *დასახ. ნაშრ.*, წიგნი 2, გვ. 219—223. E. Гешинин. К истории империчного преставия в Митаве французского короля Людовика XVIII-го. „Русский архив“, 1855, ტ. 2, გვ. 267—282. „Бурбоны и папство в Митаве и в Варшаве“, მისი ავტორია პოლონელი მწერალი კრაუსგარი. რუსულად იგი თარგმნილია 1839 წელს და მოთავსებულია ეფრნ. „Русская старина“-ს 1900 წლის 101 ტომის პირველ ნომერში, გვ. 223—257.

² Д. Милютин, *დასახ. ნაშრ.*, ტ. I, გვ. 53.

მზადების პროცესში. კონდეს ემიგრანტული კორპუსის რუსეთში გაწვევასაც და მასზე გაწეულ ხარჯებს თავისი გამართლება ჰქონდა. რუსეთის ცარიზმს სურდა რუსულ სამხედრო წესზე გაეწვროთნა იგი, აემალლებინა მისი დისციპლინა, საბრძოლო მომზადება და გამოყენებინა იგი მომავალ ომში საფრანგეთის წინააღმდეგ.

2. ბრძოლა ხმელთაშუა ზღვაზე ბაზაზის მოპოვებისათვის. მალტის საკითხი

კამპო-ფორმიოს საზავო ხელშეკრულებაზე ხელის მოწერის შემდეგ რუსეთ-საფრანგეთის ურთიერთობა უფრო და უფრო უარესდება. მათ შორის თავს იჩენს ახალ-ახალი ფიციხი მასალა და „თავსატეხი საკითხი“. ომი საფრანგეთის წინააღმდეგ გარღვეალი ხდება. ხედავს რა რუსეთთან მორიგების ცდის აშკარა მარცხს, საფრანგეთის რესპუბლიკის მთავრობა დიპლომატიური და სხვა საშუალებებით ემზადება ახალი ანტიფრანგული კოალიციის წინააღმდეგ საბრძოლველად და გეზს იღებს თვით რუსეთთან ომზე. იგი ახალი დაპყრობების გზით აფართოებს მოპოვებულ პლაცდარშს ევროპაში; იარაღის, შანტაჟის და დიპლომატიის კომბინირებული მეთოდებით ცდილობს შექმნას თავისთვის ხელსაყრელი ვითარება ევროპის კონტინენტზე, შეიძინოს ახალი მოკავშირეები და გამოიყენოს ისინი საკუთარი ინტერესებისათვის. დირექტორია უკვე აღარ ერიდება რუსეთის მთავრობის გაღიზიანებას და ცდილობს ყოველგან, სადაც ეს მოსახერხებელია, ზიანი მიაყენოს მას და იმოქმედოს მისი ინტერესების წინააღმდეგ.

საფრანგეთის რესპუბლიკის ეს საგარეო-პოლიტიკური კურსი, მისი მზარდი აგრესია ევროპაში, ფეხის მოკიდება ხმელთაშუა ზღვის აუზში, ფართო ფრონტით ექსპანსია ახლო აღმოსავლეთში და სხვა აძლიერებს რუსეთის მმართველი ზედაფენის ანტიფრანგულ განწყობილებას; ბიძგს აძლევს პავლე I-ის მთავრობას— გადამკრელი ზომები მიიღოს საფრანგეთის წინააღმდეგ ახალი სამხედრო-პოლიტიკური ბლოკის შესაქმნელად.

კამპო-ფორმიოს ზავზე ხელმოწერისა და ბერლინის მოლაპარაკების ჩაშლის შემდეგ ევროპის პოლიტიკურ ცხოვრებაში და თვით რუსეთ-საფრანგეთის ურთიერთობაში თავს იჩენს ახალი მოვლენები, რომელთა კონკრეტული ანალიზი შუქს მოჰფენს მეორე ანტიფრანგული კოალიციის აღმოცენების ლოგიკურობას, მეფის რუსეთის დიპლომატიის მიერ ამ კოალიციის შემზადებაში წამყვანი როლის შესრულების კანონზომიერებას და რუსეთსა და საფრანგეთს შორის ომის აღმოცენების აუცილებლობას 1799 წელს.

საფრანგეთის რესპუბლიკის ექსპანსია ხმელთაშუა ზღვის ცენტრალურ და აღმოსავლეთ ნაწილში, მისი შეტევა რუსეთის პოზიციებზე ახლო აღმოსავლეთში (მალტის დაუფლება და ეგვიპტეში შეჭრა, როგორც ამ შეტევის კონკრეტული გამოვლინება) ერთ-ერთი მთავარი ფაქტორი ხდება, რომელმაც დააჩქარა მეორე ანტიფრანგული კოალიციის შექმნა და რუსეთის ამხედრება საფრანგეთის წინააღმდეგ.

1798 წლის დასაწყისისათვის პეტერბურგში ცნობილი გახდა, რომ საფრანგეთის ხმელთაშუა ზღვის ნავსადგურებში, კერძოდ, ტულონსა და მარსელში მიმდინარეობდა ფართო მასშტაბის ფარული მზადება რომელიმე დიდი საზღვაო ექსპედიციისათვის. ამ მზადების შესახებ იტყობინებოდნენ რუსეთის სრულუფლებიანი წარმომადგენლები ვენიდან, ბერლინიდან, მაინის ფრანკფურტიდან, იტალიიდან და კონსტანტინეპოლიდან, ხოლო ამ უკანასკნელთ ეს ცნობები მიღებული ჰქონდათ ფარული სააგენტურო წყაროებიდან.

ფრანგთა მზადების შესახებ პეტერბურგში მიღებული ცნობები, რა თქმა უნდა, მეტწილად შეუმოწმებელი და ვარაუდებზე აგებული იყო. სათანადო მზადება ტულონის და მარსელის ნავსადგურებში ღრმა კონსპირაციის პირობებში მიმდინარეობდა. თანაც ფრანგები ექსპედიციის ნამდვილი მიმართულების დაფარვის მიზნით ყალბ ცნობებს ავრცელებდნენ¹. ამიტომ ზუსტად არაფერი იცოდა მომავალი ექსპედიციის მიმართულება და ამოცანები. ზოგი ფიქრობდა, რომ ექსპედიცია მზადდებოდა ირლანდიაში შესაჭრელად, ზოგის აზრით, იგი ნეაპოლიტანიის, ბალკანეთის ან თურქეთის წინააღმდეგ იყო მიმართული და ა. შ.²

¹ E. T a r l e, Адмирал Ушаков на Средиземном море. М., 1946, გვ. 28.

² რუსეთის სრულუფლებიანი წარმომადგენელი ნეაპოლის სამეფო კართან მუსინ-პუშკინი 1798 წლის 4/15 მაისის რელაციაში პავლე პირველისადმი თავის ვარაუდს ამ მზადების შესახებ ამყარებს ნეაპოლის სამეფოს პარიზელი ელჩის, კომანდორ რუფო ს პარიზიდან გამოგზავნილ ცნობებს. თვით რუფო ფიქრობდა, რომ ფრანგები სამხრეთ იტალიაში შესაჭრელად ემზადებოდნენ, რათა იქ „დაერგოთ დემოკრატიული ხე“. პირადად რუსეთის ელჩის აზრით, ფრანგების მზადება მიმართული იყო არა იტალიის, არამედ რუსეთის და თურქეთის წინააღმდეგ. მისი თქმით, საფრანგეთის ნეაპოლის საელჩოს პირველ მდივანს თითქოს უნახეს თავრიდის ხელით ნახახი რუკა, რომელზედაც ოჩაკოვს, კინბურგს, ბალაკლავს, სევასტოპოლს, ტამანს და ახოვს სხვადასხვა ნიშნები ჰქონდათ დასმული. იგი ამავ დროს, თითქოს წერილებს აგზავნიდა რუსეთის, თურქეთის და ჩერნოგორიის ნავსადგურებში. იხ. Архив ВПР. ф. „Сношения России с Неаполем“, т. 264. лл. 2—4.

ცნობამ ტულონში ფრანგების დიდი საზღვაო მზადების შესახებ, პეტერბურგის სამეფო კარზე სერიოზული მითქმა-მოთქმა და შემფოთება გამოიწვია. რუსეთის მმართველი ფეოდალური არისტოკრატის ნაწილს აღნიშნული საიღუმლო მზადება იმის მომასწავებლად მიიჩნდა, რომ მოსალოდნელი იყო საფრანგეთ-თურქეთის სამხედრო კავშირის დადება, რასაც უნდა მოჰყოლოდა მათი ერთობლივი საზღვაო ექსპედიცია შავ ზღვაზე რუსეთის წინააღმდეგ. მეორენი კი ფიქრობდნენ: ფრანგებს განზრახვა აქვთ ბოლო მოულონ თურქეთის იმპერიას და ამ მიზნებისათვის პირველ ყოვლისა, ამზადებენ საღესანტო ოპერაციას ბალკანეთის ნახევარკუნძულზე შესაქრელად. არც პოლონეთის რუსულ ოლქებს ტოვებენ ყურადღების გარეშე, სურთ პოლონელებს გაუწოდონ ხელი ბალკანეთის გზით და ააჯანყონ ისინი რუსეთის წინააღმდეგ¹. მიუხედავად სხვადასხვა ვარაუდისა, პეტერბურგის სამეფო კარი ალღოთი ბუნდოვნად მაინც დარწმუნებული იყო, რომ საფრანგეთის სამხედრო-საზღვაო მზადების მიზანი ხმელთაშუა ზღვის აღმოსავლეთი აუზის რომელიმე ტერიტორიის დაპყრობა იყო. ეს კი, პირდაპირ თუ არაპირდაპირ, რუსეთის საარსებო ინტერესების წინააღმდეგ მიმართულ მტრულ აქტს წარმოადგენდა.

აღნიშნულის გამო, სავსებით ბუნებრივი იყო ის სასწრაფო ნაბიჯები, რომელიც პავლე I-ის მთავრობამ გადადგა ამ მოსალოდნელი დარტყმის თავიდან ასაცილებლად. პირველ რიგში, ცხადია, ისეთი წინასწარ გამაფრთხილებელი ზომები იქნა მიღებული, რომლებსაც უნდა ჩაეშალა ფრანგთა მოსალოდნელი აგრესია უშუალოდ რუსეთის იმპერიის საზღვრების წინააღმდეგ.

1798 წლის თებერვალში პავლემ უბრანა შავი ზღვის სამხედრო ფლოტს ვიცე-ადმირალ უშაკოვის სარდლობით სასწრაფოდ მომზადებულყო ფრანგების კამპანიის წინააღმდეგ, ხოლო მზადების დამთავრებამდე კრეისერების მეშვეობით მოეწყო ყირიმის სანაპიროს (ქერჩის სრუტის რაიონში და აკერმანიდან ტენდრამდე) თვალთვალი².

¹ „Французы не унимаются,—წერდა ა. ბებზოროდო ს. რ. ვორონცოვს (1798 წლის 26 მაისის წერილში),—Я уверен, что они готовят экспедицию на Черное море, дабы заставить турков или соединенно противу нас действовать, или по крайней мере самим повезти всякого сброда и потом подить руку чрез Молдавию в Польшу и противу нас возбудить“. Сб. РИО. ტ. 29, გვ. 400.

² И. Тарле, დასახ. ნაშრ., გვ. 28.

ფრანგების აგენტების მიერ გავრცელებულმა ყალბმა ხმებმა-- საფრანგეთის ფლოტი უკვე ნარმარლოს ზღვაში შედისო, კიდევ უფრო გააძლეთა შემოფოთება პეტერბურგში. ამ ხმების ასუსას წარმოადგენდა რუსეთის იმპერატორის ახალი ბრძანება ვიცე-ად-მირალ უშაკოვისადმი, რომლითაც მას ავალებდა გასულიყო ზღვა-ში და უკუექცია მოწინააღმდეგის თავდასხმა. 1798 წლის 23 აპრილს ბაულსმ ახალი რესკრიპტით დაავალა უშაკოვს თვალყური ედევნებინა თურქეთისა და ფრანგების შესაძლო ნორჩაოზისათვის შავი ზღვისაკენ¹; 13 მაისის რესკრიპტით კი იგი ვალდებული იყო შავ ზღვაში შემოსული მტრის ესკადრისათვის გადაეწყვეტი ბრძოლა გაეცართა².

მეფის რუსეთის მთავრობამ ამას გარდა საჭიროდ მიიჩნია რუსეთის სამხრეთ და სამხრეთ-დასავლეთი საიმეღეთო საზღვრების დაცვის გააღიერებაც: 20 და 22 ივნისის რესკრიპტებით გენ. ლეიტენანტ დაშკოვს ბრძანება მიეცა თავისი ნაწილები სრულ საბრძოლო მზადყოფნის მდგომარეობაში ჰყოლოდა და დაექირა შავი ზღვის სანაპირო პუნქტები. ამავე დროს შეჩერებულ იქნა კახაკთა ნაწილების მოძრაობა დასავლეთისაკენ, რათა საჭირო შემთხვევაში ეს ნაწილებიც შავი ზღვის სანაპიროებისაკენ ყოფილიყვნენ გაგზავნილნი. დასასრულ, პავლეს განზრახვა ჰქონდა შავი ზღვის ნაპირებისაკენ დაეძრა სმოლენსკის ინსპექციის ჯარები³.

მთელი ეს ფაცა-ფუცი უსაფუძვლო როდი იყო. რადგანაც საფრანგეთში ნამდვილად წარმოებდა ვრცელი მასშტაბის მზადება სამხედრო-საზღვაო ექსპედიციისათვის აღმოსავლეთისაკენ: ტულონში, მარსელსა და ხიელთაშუა ზღვის სხვა ბაზებზე აგებდნენ ახალ სამხედრო და სატრანსპორტო გემებს, თავს უყრიდნენ ჯარს. იარაღს და სურსათ-სანოვაგეს იმ გეგმის სარეალიზაციოდ, რომელიც საფრანგეთის დირექტორიის მიერ იყო მოწონებული და რომლის ავტორიც ნაპოლეონ ბონაპარტი გახლდათ.

ეს გეგმა ითვალისწინებდა ინგლისისა და რუსეთის განდევნას ახლო აღმოსავლეთის პლაცდარებებიდან და ლევანტის ქვეყნებში საფრანგეთის მონოპოლიური ბატონობის დამყარებას. აღნიშნული გეგმით დასახული ამოცანის გადასაწყვეტად სამხედრო-საზღვაო ექსპედიციის წინაშე ორი ობიექტი იყო დასახული: კუნძუ-

¹ E. T a r x e , დასახ. ნაშრ., გვ. 29.

² იქვე.

³ Д. М и л ю т и н , დასახ. ნაშრ., ტ. I, გვ. 67.

ლი ზალტა და ეგვიპტე. ფრანგებს ერთიც და მეორეც უნდა დაეპყროთ და მტკიცედ მოედგათ იქ ფეხი.

აღმოსავლეთის საკითხი, რომელსაც მარქსი „ევროპული დიპლომატიის თავსატეხ საკითხს“ უწოდებდა, როგორც ზემოთ იყო აღნიშნული, საფრანგეთის რევოლუციის გაჩაღებამდე აღმოცენდა. იგი მოიცავდა მხოლოდ ახლო აღმოსავლეთს, უფრო ზუსტად. თურქეთის იმპერიას ყველა მისი ევროპული და აზიურ-აფრიკული სამფლობელოებით. თურქეთის იმპერიის ბედ-იღბალი, მისი სრული დაშლის პირობებში, მისი მემკვიდრეობის განაწილების საკითხი, ბალკანეთის და სრუტეების საკითხი—აი, რა იყო აღმოსავლეთის საკითხის შინაარსი, კვანძი და ფოკუსი. ევროპის დიდი სახელმწიფოები—ინგლისი, საფრანგეთი, რუსეთი და ავსტრია—ამ საკითხის ტრაგიკომედიის მთავარი მოქმედი გმირები იყვნენ.

დასავლეთ ევროპის სახელმწიფოებს სულ სხვა მისწრაფებები ამოქმედებდათ თურქეთის იმპერიის მიმართ, ვიდრე რუსეთს ან ავსტრიას. ამით აიხსნება ამ საკითხის სიმწვავე და ევროპის დიდ სახელმწიფოთა მძაფრი ბრძოლა ურთიერთშორის. გარკვეული ეკონომიური, პოლიტიკური და სამხედრო-სტრატეგიული მოტივები ამოქმედებდა ინგლისის, საფრანგეთის, რუსეთის და ავსტრიის მძაფრ ბრძოლას უპირატესობისათვის თურქეთის იმპერიაში, მთელ ახლო აღმოსავლეთში.

აღმოსავლეთის საკითხის აღმოცენების პირველ დღიდანვე საფრანგეთი მის ნიადაგზე გამართული ბრძოლის აქტიური მონაწილეა. იგი გამოდის ხან ინგლისთან ერთად, ხან მისგან დამოუკიდებლად, მის წინააღმდეგაც. მაგრამ, როგორც წესი, რუსეთის და ავსტრიის დაუძინებელი მტერია მუდამ და მათი გეგმებისა და საქმიანობის წინააღმდეგ მოქმედებს. იგი ხელს უშლის რღვევის პროცესში მყოფ თურქეთის იმპერიის სრულ დაშლას და მისი მემკვიდრეობის მნიშვნელოვანი ნაწილის მიტაცებას ამ სახელმწიფოების მიერ.

საფრანგეთის აქტიური როლი „თავსატეხ“ აღმოსავლეთის საკითხში, მისი „მეგობრობა“ ოტომანთა თურქეთთან და რუსეთის წინააღმდეგ ამ ნიადაგზე ენერგიული ბრძოლის წარმოება იმ სერიოზული ეკონომიური ინტერესებით იყო გამოწვეული, რომლებიც ამ სახელმწიფოს გააჩნდა თურქეთის იმპერიაში, საფრანგეთის სავაჭრო ეკონომიურ კავშირ-ურთიერთობას თურქეთის იმპერიასთან, მის განსაკუთრებულ დაინტერესებას ლევანტის ქვეყნებით დიდი ხნის ისტორია აქვს. საფრანგეთმა ჯერ კიდევ XVI საუკუნის პირველ ნახევარში ზოიპოვა თავისი ქვეშევრდომი ვაჭრებისა და

მეზღვაურებისათვის მთელი რიგი შეღავათები და პრივილეგიები თურქეთის იმპერიაში. იგი პირველად ფიქსირებული იქნა 1535 წლის კაპიტულაციაში, აი, რას წერდა კ. მარქსი კაპიტულაციების წარმოშობის შესახებ: „კაპიტულაციები,—წერს იგი—,ეს არის იმპერატორის დიპლომი, სიგელი და პრივილეგია, გაცემული პორტას მიერ ევროპის სხვა ერებზე, რომლითაც ამ ერების ქვეშევრდომთ მუსლიმანთა მიწაწყალზე შესვლის შემდეგ ღვთისმსახურებისა და თავიანთი საქმეების მშვიდად შესრულების ნება ეძლეოდათ. ხელშეკრულებისაგან კაპიტულაციები იმ ძირითადი ნიშნით განსხვავდება, რომ არ ემყარება ურთიერთვალდებულებას, არ განიხილება დაინტერესებული მხარეების მიერ ერთად და არ მტკიცდება მათ მიერ ურთიერთდამობისა და სარგებლიანობის ნიადაგზე. პირიქით, ისინი წარმოადგენენ ცალმხრივ ბოძებულ შეღავათებს, რომელთა უკან წალება თავისი ნებასურვილის მიხედვით შეუძლია შესატყვის მთავრობას...“¹.

უფრო გვიან, 1740 წლიდან ფრანგებისათვის კაპიტულაციებით ბოძებული პრივილეგიები ორმხრივი ხელშეკრულების სახით იქნა გაფორმებული. ამიერიდან მისი ცალმხრივი გაუქმება თურქეთს აღარ შეეძლო. ასეთი აქტი, საჯაროდ აღიარებული, საერთაშორისო ხელშეკრულებით დამტკიცებული ვალდებულების დარღვევა იქნებოდა. ასე დაკანონდა ე. წ. კაპიტულაციების რეჟიმი, რომელიც საფრანგეთის ქვეშევრდომებს (და შემდეგში სხვებსაც)—ვაქრებს, მეზღვაურებს, მოგზაურებს, მეწარმეებს და სხვებს თურქეთის წყლებში დაუბრკოლებელი ნაოსნობის, თურქეთის ტერიტორიაზე უშიშარი მოგზაურობის, ხელსაყრელ პირობებში ფრანგული საქონლის გაყიდვის, ადგილობრივი ნედლეულ-ნაწარმის იაფად შექმნის, მანუფაქტურების გახსნის და სხვათა შესაძლებლობას აძლევდა.

საფრანგეთმა კარგად გამოიყენა კაპიტულაციების რეჟიმით მოპოვებული ხელსაყრელი პირობები და პრივილეგიები და ხელთ იგდო თურქეთის იმპერიის ბაზრის მნიშვნელოვანი ნაწილი; მან გაბატონებული ადგილი დაიკირა მის იმპორტსა და ექსპორტში, და ეკონომიურ ექსპანსიასთან ერთად დაიწყო მის შინაგან საქმეებში ხელის ფათური.

რევოლუციის წინ საფრანგეთს თურქეთის იმპერიიდან, კერძოდ, მის მფლობელობაში მყოფ ლევანტის ქვეყნებიდან მრავალფეროვანი საქონელი გაჰქონდა. ამ საქონელთა შორის მთავარი ადგილი სამრეწველო ნედლეულსა და სასოფლო-სამეურნეო პრო-

¹ К. Маркс и Ф. Энгельс. Соч., т. 10, гл. 8.

დუქტებს ეკავა (ბანბა, მატყლი, აბრეშუმის პარკი, კარაკული, ხმელი ხილი, ტყავეული, სამკურნალო ბალაიები, ბრინჯი და ა. შ.ი. წნიშენელოვანი რაოდენობით გაჰქონდა საფრანგეთს აგრეთვე აბრეშუმის ქსოვილები და ხალიჩები.

იმავე ბაზრებზე საფრანგეთს შეჰქონდა უმთავრესად სამრეწველო საქონელი. მათ შორის: ლანგედოკის მაუდი, ინდიგო, მაქარი, კოშენილი, ფუფუნების საგნები და ოქრომჭედლური ნაწარმი. 1750 წლისათვის ლევანტის ქვეყნებიდან საფრანგეთში გაზიდული საქონლის საერთო ღირებულება 19—20 მილიონ ლივრს შეადგენდა. ხოლო ლევანტის ბაზრებზე შეზიდული საქონლისა — 18 მილიონ ლივრს¹.

ფრანგ ვაჭართა მონოპოლიური გაერთიანებები, საზღვაო საზოგადოებები, თავადახნაურები და თვით სანეფო კარი დიდ მოგებას ღებულობდნენ ახლო აღმოსავლეთის ქვეყნებთან ვაჭრობით. ისინი ხომ იათად ყიდულობდნენ და ძვირად ყიდდნენ, სარგებლობდნენ რა პრივილეგიური ნდგობარეობით და გამოძალვის ყველა მეთოდით. ამიტომ დიდად იყვნენ დაინტერესებულნი ამ ვაჭრობის შენარჩუნებით და გაფართოებით. სწორედ ეს ეკონომიური და წასთან დაკავშირებული სხვა მოტივები ედო საფუძვლად საფრანგეთის პოლიტიკას აღმოსავლეთის საკითხებში. იგი განაპირობებდა იმ განსაკუთრებულ „ზრუნვას“ და დაინტერესებას, რომელსაც თვით ფეოდალურ-აბსოლუტური საფრანგეთი იჩენდა ოტომანთა იმპერიის ბედ-იღბლისადმი.

საფრანგეთის რევოლუციამ და მისმა შედეგებმა უშუალო გავლენა მოახდინა აღმოსავლეთის საკითხზედაც. მან კიდევ უფრო გაამწვავა მეტოქე სახელმწიფოთა ბრძოლა თურქეთის თაობაზე და მით აღმოსავლეთის საკითხი თავისი სიმწვავის ახალ ფაზაში შეიყვანა. საფრანგეთის გამარჯვებულმა ბურჟუაზიამ, ქვეყნის საგარეო პოლიტიკა და დიპლომატია საკუთარ კლასობრივ ინტერესებს დაუქვემდებარა. ამ კლასის ეკონომიური „მოთხოვნები“ და ინტერესები გახდა საფრანგეთის საგარეო პოლიტიკისა და დიპლომატიის შინაარსი, მისი ლაიტმოტივი 1794 წლიდან.

მმართველობის სათავეში ახლად ჩამდგარმა და ეკონომიურად გაძლიერებულმა საფრანგეთის ბურჟუაზიამ, რომელმაც ვრცელი აგრესიული გეგმები დაისახა და ხელი მიჰყო მათ რეალიზაციას, კიდევ უფრო მეტი ყურადღება მიაქცია აღმოსავლეთს საერთოდ,

¹ ვრცელი ცნობები ამ ვაჭრობის შესახებ მოტანილია სენ-პრის დასახელებულ ნაშრომში, გვ. 327 — 344.

კერძოდ კი ახლო აღმოსავლეთს და გააძლიერა ეკონომიურ-სამხედრო ექსპანსია ამ რაიონში.

ეს მხარდი დაინტერესება მსოფლიოს ამ რაიონისადმი რამოდენიმე გარემოებით იყო შეპირობებული: 1) საფრანგეთის ბურჟუაზია ოცნებობდა საზღვაო-კოლონიურ ასპარეზზე და საგარეო ვაჭრობის სფეროში დაკარგული პოზიციების აღდგენაზე, საერთოდ, კერძოდ კი, აღმოსავლეთში (ოსტ-ინდოეთში). ზღვაზე ინგლისის ბატონობის პირობებში ეს ამოცანა მას, პირველ რიგში, ახლო აღმოსავლეთის შუალედი ბაზების დაუფლებით უნდა განებორციელებინა; 2) გამარჯვებული ბურჟუაზიის წინაშე კაპიტალისტური საქმოსნობის ახალი ფართო ასპარეზი გადაიწალა. ამასთან დაკავშირებით მან არსებული ბაზრების და ნედლეულის წყაროების მონოპოლიურად ათვისების და მოქიშვე სახელმწიფოების, კერძოდ ინგლისისადმი დაქვემდებარებულ ბაზრების ხელში ჩაგდების აგრესიული ამოცანა დაისახა; 3) ოსტ-ინდოეთის და ვესტ-ინდოეთის კოლონიების და გავლენის სფეროების დაკარგვამ, რომელიც ინგლისის კონტროლის ქვეშ მოექცა, კიდევ უფრო გააძლიერა საფრანგეთის ბურჟუაზიის მისწრაფება ეკონომიურ-პოლიტიკური და სამხედრო ექსპანსიისადმი ახლო აღმოსავლეთში¹. ნაპოლეონის ხელმძღვანელობით გათვალისწინებული დიდი ექსპედიცია ამ ჩანაფიქრის რეალიზაციის ცდის კონკრეტულ გამოხატულებას წარმოადგენდა.

კამპო-ფორმიოს ზავმა საფრანგეთს იტალიასა და ადრიატიკის ზღვაზე გაბატონების გზა გაუხსნა და ხელში ჩაუგდო მას როგორც იონიის კუნძულების პლაცდამი, ისე ბალკანეთის ნახევარკუნძულის ზოგიერთი ზღვისპირა ბაზა. ამ წარმატებით წაქეზებულმა საფრანგეთმა ახალ აგრესიულ აქტებზე დაიწყო ფიქრი. დირექტორიის ხელისუფლებამ ნაპოლეონ ბონაპარტს დააეალა ინგლისში შეჭ-

¹ საბჭოთა ისტორიკოსი ნაროჩნიცი ფიქრობს, რომ მთავარი გარემოება რამაც გააძლიერა საფრანგეთის ბურჟუაზიის აგრესიული მისწრაფება აღმოსავლეთისაკენ, იყო ატლანტიკის მიღმა მდებარე კოლონიური ტერიტორიების დაკარგვა. აღმოსავლეთის ბაზრების, კერძოდ ახლო აღმოსავლეთის ბაზრების დაკარგვა საფრანგეთის ბურჟუაზიისათვის დაკარგულის კომპენსაცია უნდა ყოფილიყო. იხ. А. Н а р о ч н и ц к и й, Международные отношения европейских государств с 1794 по 1800 г. М., 1946, გვ. 7. ნაროჩნიკის მოტანილი შეზღუდულება სათანადო კორექტივს მოითხოვს. იგი ხაზს უსვამს მხოლოდ ერთ ფაქტორს, რომელმაც შეაპირობა საფრანგეთის ბურჟუაზიის მხარდი აქტივობა აღმოსავლეთში. მაგრამ, როგორც უკვე აღვნიშნავდით, ეს აქტივიზაცია ფაქტორთა მთელი წყებით იყო შეპირობებული.

რის გეგმის შემუშავება და მისი სისრულეში მოყვანა. მაგრამ ნაპოლეონმა დაეაღივინა შეტად სარისკო ხასიათის გამო უარი განაცხადა მის შესრულებაზე. ინგლისში შექრის გეგმის წარმატების წინასწარ პირობად მას ზღვაზე ბატონობის მოპოვება მიაჩნდა, რისი განხორციელებაც, ნაპოლეონის შეხედულებით, საფრანგეთს არ შეეძლო უახლოესი წლების განმავლობაში¹. უარყოფილ იქნა მის მიერ პოლონეთში შექრისა და მისი მოსახლეობის რუსეთის წინააღმდეგ ამხედრების პროექტიც, როგორც წარუმატებელი პერსპექტივის მქონე.

ამ ავანტიურისტული გეგმების რეალიზაციის ცდა ნაპოლეონისათვის დიდ რისკთან და ხიფათთან იყო დაკავშირებული. დიდების შარავანდედით თავის შემოსვის ნაცვლად მას შეიძლება მისი პატივმოყვარე მისწრაფებების სრული კრახი მოჰყოლოდა. კარიერისტ გენერალს არ სურდა თავისი მომავალი საფრთხის წინაშე დაეყენებინა. ამიტომ მან უარჰყო ეს პროექტები და თავისი ყურადღება აღმოსავლეთისაკენ ლაშქრობის პროექტზე გადაიტანა.

„მე ვიცი,— ეუბნებოდა ნაპოლეონ ბონაპარტი ბურიენს,— თუ დავრჩები (საფრანგეთში— გ. დ.), ჩემს სახელს მოკლე დროში ბოლო მოეღება. ყველაფერი წარმატალია ამ ქვეყანაზე. მე უკვე აღარ გამაჩნია დიდება. ამ პაწაწინა ეკროპას არ შეუძლია დიდების საკმაო რაოდენობით მოცემა ჩემთვის. საჭიროა აღმოსავლეთისაკენ გამგზავრება. იქ პოულობდნენ ყოველთვის საქვეყნო დიდებას“². მიილოდ აღმოსავლეთში შეიძლება მიღწეულ იქნეს დიდი შედეგები, ეუბნებოდა იგი გენერალ მარმონს³.

აღმოსავლეთისაკენ ლაშქრობის პროექტი, რომლის რეალიზაციაც ნაპოლეონს საფრანგეთის ბურჟუაზიის გულის მოგების, ინგლისისათვის სასიკვდილო ჭრილობის მიყენების და საკუთარი დიდების მოპოვების პირობად მიაჩნდა, მთლიანად მისი ორიგინალური შთაგონების ნაყოფი არ ყოფილა. ასეთი გეგმები ჯერ კიდევ საფრანგეთის რევოლუციამდე არსებობდა და ლაშქრობის სხვადასხვი ვარიანტების პროექტები საფრანგეთის საგარეო საქმეთა სამინისტროს არქივში ინახებოდა. დირექტორიის მმართველობის პირველ წლებში საფრანგეთის ბურჟუაზიის აგრესიის აქტივიზაციასთან დაკავშირებით ეს პროექტები ამოტივტივდნენ ზედაპირზე. ჩვენ ვფიქრობთ, რომ ნაპოლეონ ბონაპარტმა ისარგებლა და-

¹ A. Сопе.т.т., დასახ. ნაშრ., ტ. 5, გვ. 243.

² იქვე.

³ იქვე.

სახელმწიფო პროექტებით და ზოგიერთი დიპლომატიის კონსულტაციითაც, რის შემდეგ თავისი მოსაზრებები წარუდგინა დირექტორიას¹. ნაპოლეონის ავტორობა და ორიგინალობა აღმოსავლეთისაკენ ლაშქრობის ახალი პროექტის შემუშავებაში, ჩვენი აზრით; იმაში მდგომარეობდა, რომ მან გადაამუშავა ძველი გეგმები და კონკრეტულად მიუთითა დარტყმის ობიექტებზე—მალტაზე და ეგვიპტეზე².

ტალირანის დახმარებით და ძველი გეგმების საფუძველზე ნაპოლეონის მიერ შედგენილი აღმოსავლეთზე ლაშქრობის გეგმის ყველა ვარიანტსა და შესაძლო რეზულტატებში დარტყმის ორ ნთავარ ობიექტს ითვალისწინებდა: კუნძულ მალტას და ეგვიპტეს.

მალტა, პატარა, მაგრამ მეტად მოხერხებული სტრატეგიული მნიშვნელობის კუნძულია ხმელთაშუა ზღვის ცენტრალურ ნაწილში, ამიტომ საფრანგეთს იგი ესაჭიროებოდა როგორც შუალედი ბაზა ეგვიპტეზე ლაშქრობის წარმატების უზრუნველსაყოფად, იტალიაზე გავლენის გასაძლიერებლად და საფრანგეთში ხმელთაშუა ზღვის აუზში ერთ-ერთ ნავსაყუდელად. „მალტას ჩვენთვის უაღრესად სერიოზული მნიშვნელობა აქვს.—ამბობდა ნაპოლეონი მის შესახებ,—...რატომ არ უნდა დავიპყროთ იგი, სანამ გავიდოდეთ ატ-

¹ Mémoires--ის ფრანგი გამომცემლების აზრით, აღმოსავლეთზე ლაშქრობის, კერძოდ ეგვიპტის დაპყრობის გეგმის ერთ-ერთი პირველი ავტორი იყო საფრანგეთის კონსული ქაიროში მაგალონი (Magalon). რომელსაც ეს გეგმა თავის დროზე შარლ დელაკრუასათვის წარუდგინა მათივე შეხედულებით ტალირანს შეუსრულებია აქტიური კონსულტანტის როლი ნაპოლეონის მიმართ. ის ყოფილა ნაპოლეონის ერთ-ერთი ჩამოკანებული და თვით ლაშქრობის გეგმის კონკრეტულ ფორმებში ჩამომყალიბებელი. Mémoires, ტ. 5, გვ. 438—440 განსვენებული აკად. ტარლე თავის მხრივ ხახს უსვამს ტალირანის აქტიურ როლს როგორც აღმოსავლეთის ლაშქრობის პროექტის შემუშავების. ისე ამ პროექტის დირექტორიის მიერ დამტკიცების საქმეში. ამ პროექტის რეალიზაციას ტალირანი უკავშირებდა საფრანგეთის კოლონიური გაფართოების და საგარეო ვაჭრობის შემდგომი წარმატების პერსპექტივებს. E. T a p a e. T a l e i r a n , 1948. გვ. 69.

² R. Guyot დასახ. ნაწარმოებში ვრცლად განიხილავს ინგლისში შექრახე ხელის აღებისა და აღმოსავლეთში ლაშქრობის გეგმის შემუშავების საკითხებს. იხ. გვ. 548, 586—592. თვით ნაპოლეონი მოკლედ მოხაზავს იმ მოტივებს, რომლებმაც აიძულა დირექტორიის ხელისუფლება ხელი აეღო ინგლისში შექრის განზრახვაზე და მოეწყო ექსპედიცია აღმოსავლეთში. ეგვიპტეზე ლაშქრობის ძირითად ამოცანად ნაპოლეონი მიიჩნევს ინდოეთში ინგლისის კოლონიური სამფლობელოებისათვის განმანადვურობელ დარტყმის მიყენებას. იგი ცდილობს მიაფუნიროს ამ წამოწყების აგრესიული ხასიათი, კერძოდ თურქეთის იმპერიის მიმართ. Пашаев, Империализм и империализм. М., 1956. გვ. 389 (Кампания в Египте и Сирии, 1798—1799 гг.).

ლანტიის ოკეანეში. ეს კუნძული ჩვენთვის ფასდაუდებელი მნიშვნელობისაა“¹. „მე რომ არ ამელო მალტა,—წერდა ამ კუნძულის შესახებ ნაპოლეონი მისი დაპყრობის შემდეგ,—მაშინ ინგლისელები დამასწრებდნენ და თვით დაეუფლებოდნენ მას. ამავე დროს ეს პუნქტი ძლიერ საჭირო იყო საფრანგეთთან ჩვენი პირდაპირი ურთიერთობისათვის...“².

ჯერ კიდევ 1797 წელს, როდესაც ნაპოლეონ ბონაპარტი იტალიაში იმყოფებოდა, იგი უკვე ფიქრობდა ეგვიპტის დაპყრობის შესახებ და მას უკავშირებდა ინდოეთის უკან დაბრუნებაზე ოცნებას. „შორს არ არის ის დრო,—წერდა ნაპოლეონ ბონაპარტი 1797 წლის აგვისტოში იტალიიდან პარიზში გაგზავნილ ერთ-ერთ წერილში,—როცა ჩვენ ვიგრძნობთ, რომ ინგლისის განადგურებისათვის უნდა დავეუფლოთ ეგვიპტეს“³. ასევე წერდა იგი 1797 წლის აგვისტოში დირექტორიის მისამართით იტალიიდან გაგზავნილ წერილში⁴.

1798 წლის მარტში აღმასრულებელმა დირექტორიამ, რა თქმა უნდა, ნაპოლეონის ხემოკმედებით, ტალეირანისა და ნაპოლეონის სხვა „ნეგობარ“ თაყვანისმცემელთა ჩარევით, მოიწონა აღმოსავლეთისაკენ ლაშქრობის გეგმა და გენერალ ბონაპარტს დაავალა სათანადო ექსპედიციის ორგანიზაცია და ლაშქრობის ხელმძღვანელობა⁵. 1798 წლის 12 აპრილს დირექტორიამ ხელი მოაწერა ინსტრუქციას, რომლითაც ბონაპარტს ევალეებოდა დაეპყრო კუნძული მალტა. გაეძევებინა ინგლისელები ყველა მათი სამფლობელოდან აღ-

¹ Napoléon, Correspondance..., ტ., 2, გვ. 86—87, 1797, მაისი.

² „Славянин“, 1829, № 6, „Российский поход Наполеона“ (წიგნიდან: „Vie politique et militaire de Napoléon“) გვ. 183—184.

³ E. Tarras, Napoléon, M., 1942, გვ. 47.

⁴ M. Herbette, Une ambassade Turque sous le Directoire, Paris

1942, გვ. 211.

⁵ საფიქრებელია. რომ დირექტორიის გადაწყვეტილება—მიეღო ნაპოლეონის გეგმა და იგი სათანადო ექსპედიციის ხელმძღვანელად დაენიშნა, ალბათ, ნაპოლეონის დიდი ავტორიტეტი და მისი მოსალოდნელი მაზინაციების შიშითაც იყო გამოწვეული. აღმოსავლეთისაკენ გაგზავნით დირექტორიამ თავიდან მოიშორა იგი და პარიზში მისი არ ყოფნით შესაძლებელი საფრთხეც დროებით თავიდან აიცილა. იხ. Миньё, История французской революции, СПб., 1901, გვ. 222. ყველა დირექტორი, მართლაც, როდღი უჭერდა მხარს აღმოსავლეთზე ლაშქრობას, იგი მათ აენერტიურად მიანდათ და თუ ექსპედიციის მარცხთან ერთად ნაპოლეონიც დაიღუპებოდა, ეს მათ მხოლოდ სასიამოვნოდ დარჩებოდა.

მოსავლეთში, მოესპო მათი ბაზები მეწამულის ზღვაზე, გაეკრა სუე-
ცის ყელი და უზრუნველყო საფრანგეთის რესპუბლიკისათვის მე-
წამულის ზღვის თავისუფალი და განსაკუთრებული მფლობელობა¹.

1798 წლის 19 მაისს საფრანგეთის საზღვაო არმია და ყველა
სახეობის რამდენიმე ათეული სამხედრო და დიდძალი სატრანს-
პორტო გემი რომლებზეც იყო 36 ათასიანი საექსპედიციო
კორპუსი, ჩჩეულ ოფიცერთა და გენერალთა შემადგენლობით,
ნაპოლეონის სარდლობით დაიძრა ტულონიდან და მიმართულა
'ამხრეთ-აღმოსავლეთისაკენ აილო².

1798 წლის ივნისის პირველ რიცხვებში ნაპოლეონი კუნძულ მა-
ლტას მიაღწა. მან მალტის სასულიერო ორდენის ხელმძღვანელობას,
რომლის ხელშიაც იყო კუნძულის მმართველობა, წინადადება მისცა
უბრძოლველად დაეთმო კუნძული წინააღმდეგ შემთხვევაში ძალის
ვაშოყენებითა და ორდენის ხელმძღვანელობის მიმართ რეპრესიე-
ბით იმუქრებოდა.

მალტის დაპყრობის ფორმალურ საბაზად ბონაპარტმა გამო-
იყენა მალტის რაინდთა ორდენის კავშირ-ურთიერთობა რუსეთთან
და მათი, ვითომდა, ფარული კავშირი მიმართული საფრანგეთის
წინააღმდეგ³. ყველა თქვენი განმარტება ხელს არ მიშლის ვიფიქ-
რო, რომ რუსეთს ძველთაგანვე თვალი ექიარა მალტაზე და ჩვენ
განვიზრახეთ დაგვეჭირა იგი, რათა ხელი შეგვეშალა ამ გეგმის
განხორციელებისათვის — უთხრა ნაპოლეონმა მალტის ორდენის
წარმომადგენლებს კუნძულის აღების დროს⁴. დუ ბლეტს, რომე-
ლიც გამოცხადდა კუნძულის ჩაბარების თაობაზე, ნაპოლეონმა
განუცხადა: „ვიმედოვნებ დიდი მაგისტრი კმაყოფილი დარჩება
ჩვენი მისდანი დიდსულოვანი დამოკიდებულებით, თუმცა ამის
ღირსი არ არის, რადგანაც მოექცა რუსეთის ძაცდუნებელი დაპი-
რებების ზემოქმედების ქვეშ, რუსეთისა, რომელსაც განზრახვა ჰქონ-

¹ A. Сиренъ, დასახ. ნაშრ., ტ. 5, გვ. 246—247.

² ზუსტი ციფრობრივი მონაცემები აღმოსავლეთში ლაშქრობისათვის გან-
კუთვნილი საფრანგეთის ექსპედიციის შემადგენლობის შესახებ ჯარების ცალკეულ
სახეობათა მიხედვით მოტანილი აქვს ნაპოლეონ ბონაპარტს. Histoire de N.
Napoléon, par M. de Ségur, t. 1, p. 370—371.

³ ნაპოლეონი შემავგში ამტკიცებდა, რომ მან მალტაზე მანა ხელშეკრუ-
ლების ორიგინალი, რომელიც რუსეთსა და გომპეშს შორის იყო დადებული და
რომლითაც ორდენის დიდი მაგისტრი კუნძულის ბედს პავლე I-ის მფარველობას
ანდობდა. იხ. Napoléon Correspondance, ტ. 4, გვ. 163—164.

⁴ Сг. PHO, ტ. 70, გვ. XI.

და დაეპყრო მალტა საფრანგეთის საზიანოდ¹. როცა დუბლეტმა ნაპოლეონს მიაწოდა ცნობები რუსეთ-მალტის ორდენის ურთიერთობის შესახებ, გენერალმა იგი გარეგნულად ინდიფერენტულად მიიღო. დუბლეტს თავი ისე მოაჩვენა, თითქოს ყველაფერი ეს პარიზში დიდი ხანია ცნობილი იყო და აქ მოსვლა სწორედ მიზნად ისახავდა არ დაეშვათ კუნძულის რუსეთის ხელში გადასვლა².

მალტის რაინდთა დიდმა მაგისტრმა გომპეშმა მიუხედავად იმისა, რომ მის განკარგულებაში იყო თავდაცვისათვის საჭირო ყველა საშუალება, საჭიროდ არ ჩათვალა წინააღმდეგობის გაწევა და 1798 წლის 1/12 ივნისს მალტა მთელი თავისი ბაზებით. იარაღით, სურსათ-სანოვაგით და სიმდიდრით ფრანგების ხელში გადავიდა³. კუნძულის ჩაბარების ჯილდოდ გომპეშს ალუთქვეს ყოველ წლიური პენსია 300.000 ლივრის რაოდენობით და მამული გერმანიაში.

ნაპოლეონ ბონაპარტმა მთელ კუნძულზე და განსაკუთრებით ძთავარ საზღვაო ბაზა—ლა-ვალეტაში დატოვა ძლიერი გარნიზონი და რამოდენიმე სამხედრო გემი. კუნძულიდან მან წაიღო დიდძალი იარაღი, სურსათ-სანოვაგე, 3 მილიონამდე ოქრო-ვერცხლი, და მთელი თავისი ძალებით 8/19 ივნისს გეზი აიღო ეგვიპტისაკენ⁴.

გამგზავრების წინ ნაპოლეონმა გამოუცხადა კუნძულის გარნიზონის ფრანგ გენერლებს, რომ სიკვდილით დაისჯებოდა მალტისა და იონიის კუნძულის ყველა მცხოვრები, რომლებიც განიზრახავდნენ რუსეთთან ურთიერთობის გაბმას. ამავ დროს მალტის გარნიზონს და ლა-ვალეტას რეიდზე დატოვებულ საფრანგეთის სანძიდრო გემების კაპიტნებს მან ბრძანება დაუტოვა: ჩაეძირათ ბერძენთა გემები, თუ მათზე რუსეთის ალამი იქნებოდა აღმართული და ეს გემები მალტასთან მიახლოებას განიზრახავდნენ. ხოლო

¹ Дешени графа Литы, посланника Мальтийского ордена в Петербурге... Сообщ. А. Ф. Вычковым. Сб. РИО, т. 2, гв. 176.

² იქვე.

³ Реймерс, С.—Петербург при императоре Павле Петровиче в 1796—1801 гг., „Русская старина“, т. 39, 1883, гв. 462.

⁴ ვრცელ ცნობებს ფრანგთაგან მალტის დაპყრობის, მისი გაძარცვის, გარნიზონის დატოვების და ორდენის ხელმძღვანელობასთან მათი ურთიერთობის შესახებ იძლევიან: L. Boisgelin, Malteancienne et moderne... Paris, 1809, т. 3, гв. 167 და შემდეგი: M. Barante. დასახ. ნაშრ., т. 3, гв. 217—232; Napoleon, Correspondance... т. 4, гв. 162—163; მუსინ-პუშკინის 1798 წლის 15/26 ივნისის რელაცია პაველ I-სადმი, Архив ВПР, ф. „Сношения России с Наполеом, л. 264, л. 47—54.

ჯერ კიდევ კუნძულის დაკავების დროს ნაპოლეონმა ბრძანება გასცა მალტის ორდენთან რუსეთის წარმომადგენლის ო'ჰარას (O, Hara) კუნძულიდან გაძევების შესახებ¹.

ზემოთ მოტანილი ცნობები და ნაპოლეონის მოქმედება კუნძულ მალტაზე მკაფიოდ მეტყველებს ამ აქციის რუსეთის საწინააღმდეგო ხასიათზე. მალტის დაპყრობით ფრანგებმა სერიოზული ზიანი მიაყენეს რუსეთის ინტერესებს და მით დააჩქარეს ამ ქვეყნის ამხედრება საფრანგეთის წინააღმდეგ.

კუნძული მალტა, რომელიც 1798 წლის ივნისში ფრანგთა აგრესიის მსხვერპლი გახდა, მოკლებული იყო საერო ხელისუფლებას, იგი სასულიერო ორდენის—მალტის წმინდა იოანე იერუსალიმელის რაინდთა ორდენის—ხელში იმყოფებოდა და მის მთავარ ბაზას წარმოადგენდა. მალტის ორდენის თავდაპირველი უჯრედი—სასულიერო რაინდული ორდენი დაარსდა იერუსალიმში პირველი ჯვაროსნული ლაშქრობის შემდეგ და მას წმინდა იოანე ნათლისმცემლის სახელი მიანიჭეს. ვინაიდან ამ ორდენის წევრები—ბერები ღვთის სამსახურთან ერთად იარაღით ხელში იბრძოდნენ „ურჯულთა“ წინააღმდეგ ქრისტიანობის დასაცავად. ეს საძმო ცოტა უფრო გვიან სასულიერო-რაინდულ ორდენად ქცეულა. ორდენის რაინდებს თვით ორდენის სახელწოდებიდან იოანიტების სახელი შერქმევიათ². 1113 წელს პაპა პასხალ II-ს დაუმტკიცებია ამ ორდენის სტატუტი და მიუცია მისთვის უფლება თვით აერჩია უფროსი (დიდი მაგისტრი)³.

ჯვაროსანთა პალესტინიდან განდევნის შემდეგ იოანიტთა ორდენი დროებით კუნძულ როდოსზე დამკვიდრდა, სადაც 1523 წლამდე განაგრძობდა არსებობას. 1523 წელს როდოსი თურქებმა დაიპყრეს და ორდენის მთელი შემადგენლობა განდევნეს იქიდან⁴. 1530 წელს იოანიტთა ორდენი გადავიდა და დამკვიდრდა კუნძულ მალტაზე, რომელიც იმპერატორმა კარლოს V დაუთმო მათ. ამიერიდან იოანიტთა ორდენს მალტის ორდენი ეწოდა⁵.

¹ Д. Милютин, *დასახ. ნაშრ.*, ტ. I, გვ. 64—65; ტ. 3, გვ. 77, შენ. 56.

² А. А. Плещеев, *Сношения России с Мальтийским Орденом*, ч. I (до 1789 г.)... *Сборник Московского архива МИД*, М., 1893, გვ. 176.

³ გერმანულ ავტორს ბერგს (Ernest von Berg) ნაშრომში—*Der Malteserorden und seine Beziehungen zu Russland* (Riga, 1879) ჩამოთვლილი ჰყავს ყველა გროსმაისტერი და იძლევა მათ ცალკეულ მოკლე დახასიათებას, გვ. 32—282.

⁴ E. Berg, *დასახ. ნაშრ.*, გვ. 30—31.

⁵ იქვე, გვ. 32.

1530 წლიდან წმ. იოანე იერუსალიძელის რაინდთა ორდენის მუდმივ ბაზად ქცეული მალტა დიდ სამხედრო-სტრატეგიულ მნიშვნელობას იძენს და ევროპის დიდ სახელმწიფოთა დაინტერესების საგნად ხდება. ინგლისი, საფრანგეთი, ესპანეთი და იტალიის სახელმწიფოები (კერძოდ კი ნეპოლის სამეფო) ცდილობდნენ მჭიდრო კავშირი დაემყარებინათ ორდენთან და მოექციათ იგი თავიანთ გავლენის ქვეშ.

კუნძულ მალტისადმი დაინტერესების საქმეში სხვა სახელმწიფოებს არც მეფის რუსეთი ჩამორჩებოდა. ამ დაინტერესებას, რომელსაც XVII საუკუნის მეორე ნახევარში ჩაეყარა საფუძველი, რეალური მოტივები ედო საფუძვლად, თუმცა იგი რელიგიური გარსით იყო შემოსილი. ოტომანთა იმპერიის წინააღმდეგ წარმატებით ბრძოლა შავი ზღვით და სრუტეებით ხმელთაშუა ზღვის აუზში გასვლა და ამ გზით ევროპის სამხრეთ ქვეყნებთან ეკონომიური კავშირ-ურთიერთობის დამყარება—აი რა მიზანი ამოქმედებდა პეტრე I-ს, როდესაც კონკრეტულ ნაბიჯს დგამდა მალტის ორდენთან კავშირის დასამყარებლად. მალტაზე თეზის მოკიდება და მისი საზღვაო ბაზების გამოყენება ხელს შეუწყობდა რუსეთის მიერ დასახული ამოცანის წარმატებით გადაწყვეტას.

1697 წელს პეტრე I-მა მალტის ორდენთან ურთიერთობის დასამყარებლად მიავლინა თავისი ახლობელი ბოიარინი, ფელდ-მარშალი ბორის პეტრეს ძე შერემეტეიევი, რომელიც პოლონეთზე, ვენეციაზე და რომზე გავლით 1698 წელს მივიდა მალტაზე, სადაც დიდი ზემოთ იქნა მიღებული დიდი მაგისტრის მიერ¹. საზეიმო მიღების შემდეგ პეტრე I-ის წარმომადგენელს დაუთვალე იერებია კუნძული, გასცნობია გამაგრებულ და სხვა ღირსშესანიშნავ ადგილებს. უკან დაბრუნებისას შერემეტეიევი ორდენის რაინდად უკურთხებიან და იგი ოქროს ჯაჭვიანი ორდენის ჯვრით დაუჯილდოებიან. ამგვარად შერემეტეიევი მალტის ორდენის პირველი რუსი კავალერი გამხდარა².

შერემეტეიევის მალტაზე გაგზავნით რუსეთმა პირველი ნაბიჯი გადადგა ორდენთან ურთიერთობის დასამყარებლად. მაგრამ მას არ მოჰყოლია ამ ორდენთან უშუალო დიპლომატიური ურთიერთობის დამყარება. ამ დროიდან დაწყებული 1769 წლამდე რუსეთ-

¹ E. Berg, დასახ. ნაშრ., გვ. 101—103; А. А. Пяньев, დასახ. კრებული, გვ. 185; К. Валипьевский, დასახ. ნაშრ., გვ. 322.

² E. Berg, დასახ. ნაშრ., გვ. 104—109; А. А. Пяньев, დასახ. კრებული, გვ. 185.

სა და მალტის ორდენს შორის ურთიერთობა დროგამოშვებით და სპორადულ ხასიათს ატარებდა¹.

XVIII საუკუნის მეორე ნახევარში, როდესაც დღის წესრიგში დადგა თურქეთის იმპერიის შემკვიდრეობის განაწილების საკითხი. კიდევ უფრო გაძლიერდა რუსეთის დაინტერესება მალტისა და მისი ორდენისადმი. თურქეთის დანაწილების შემთხვევაში მისი შემკვიდრეობის მნიშვნელოვანი წილის ძილება, ინგლის-საფრანგეთის ინტრიგების ჩაშლა, შავი ზღვის სრუტეებში რუსეთის სამხედრო და სავაჭრო ფლოტის გავლის უფლების მოპოვება, რუსეთის ვაჭრობის გაფართოება სამხრეთ ევროპასთან და ლევანტის ქვეყნებთან, - აი რა მიზნებს დაუკავშირა რუსეთის მთავრობამ თავისი მზარდი დაინტერესება კუნძულ მალტისადმი. თუ რუსეთი შესძლებდა მალტაზე ფეხის მოკიდებას, მაშინ პრაქტიკულად გადაწყდებოდა ზემოაღნიშნული საგარეო პოლიტიკური მისწრაფებები, ეს კუნძული გახდებოდა რუსეთის ერთ-ერთი საყრდენი ნავსადგური და ხმელთაშუა ზღვის ქვეყნებთან ვაჭრობის მნიშვნელოვანი ბაზა.

მალტის ორდენსა და რუსეთს შორის მკვიდრო კავშირის დამყარების საქმეში აქტიური როლი შეასრულა იმპერატორმა ეკატერინე II-ემ. რომელმაც რამოდენიმე წარმომადგენელი (აშკარად და ინკოგნიტოდ) და სამხედრო ესკადრა ნიაველინა ამ კუნძულზე.

ეკატერინე II-ის მიერ კუნძულ მალტაზე ორდენთან ურთიერთობის დასამყარებლად მალტაზე ნივლინებულთა შორის აღსანიშნავია მარკიზი კაველგანდო (1769 წელს) და გრაფი ალექსი ორლოვი (ინკოგნიტოდ ჩასული 1772 წელს). მალტის ორდენის ხელმძღვანელობამ, მართალია, კარგად მიიღო რუსეთის წარმომადგენლები და რუსეთის სამხედრო გემებს ლა-ვალეტას ნავსადგურში ღუზაზე დადგომის საშუალება მისცა; მაგრამ ორდენის მამინდელმა დიდმა მაგისტრმა როჰანმა საფრანგეთის შიშით ვერ გაბედა მიეღო რუსეთის წინადადება თურქეთის წინააღმდეგ ბრძოლაში მის მოკავშირედ გახდომის შესახებ².

როგორც მოტანილი ცნობები ნათელყოფს, XVIII საუკუნის მეორე ნახევარში რუსეთის ცარიზმი პრაქტიკულად აყენებს მალ-

¹ E. Berg, დასახ. ნაშრ., გვ. 100—132. იქ მოცემულია ცნობები რუსეთ-მალტის ორდენის ურთიერთობის შესახებ 1698—1769 წლებს შორის.

² E. Berg, დასახ. ნაშრ., გვ. 138—150; А. А л я н ъ е в, დასახ. კრებუ-ლი, გვ. 186—199; М. М о р о ш к и н, Иезуиты в России... СПб, 1867, გვ. 316—317.

ტაზე ფეხის მოკიდების საკითხს და სათანადო დიპლომატიურ ღონისძიებებს ატარებს ამ მიმართულებით (სამხედრო ფლოტის - ვიზიტთან ერთად). მართალია, მან მოახერხა ორდენის ხელმძღვანელობასთან რეგულარული ურთიერთობის გაბმა და დროგამოშვებით კუნძულის ნავსადგური თავისი სამხედრო ფლოტის ბაზადაც კი გამოიყენა, მაგრამ ყველაფერი ეს იმ მიზნის ნაწილი იყო, რასაც რუსეთი ამ კუნძულის მიმართ ისახავდა. კუნძულზე ფეხის მოკიდება და ორდენის თავის იარაღად ქცევა მან ვერ შესძლო. ამაში მას ხელი შეუშალა პირველ რიგში საფრანგეთმა, რომელიც თვით ფიქრობდა იქ ფეხის მოკიდებას.

საფრანგეთის ბურჟუაზიული რევოლუცია სერიოზული დარტყმა იყო მალტის ორდენისათვის. რევოლუციის შედეგად მან დაჰკარგა ბურბონთა მთავრობის დახმარება, თავისი მამულები საფრანგეთში და მნიშვნელოვანი შემოსავალი, რომელსაც იქიდან იღებდა. ამან აიძულა ორდენის ხელმძღვანელობა გაორკეცებული ყურადღება მიექცერო რუსეთისათვის და მიემართა მისთვის როგორც მფარველობისათვის, ისე დამატებითი შემოსავლის მისაღებად. თავის მხრივ რუსეთის ცარიზმმა იმპერატორ პავლე I-ის გამეფების პირველ დღიდანვე განავითარა წინამორბედი მმართველობის ტრადიციული პოლიტიკა კუნძულ მალტის მიმართ. მეფის რუსეთის დაინტერესებას ამ კუნძულისადმი საფრანგეთის რევოლუციის შემდეგ ახალი მოტივი მიემატა. ახალ ვითარებაში, როდესაც ინგლისთან და თურქეთთან ურთიერთობა შეიცვალა, ხოლო რუსეთის საარსებო ინტერესებს საფრანგეთის მზარდმა ექსპანსიამ სერიოზული საფრთხე შეუქმნა, რუსეთის ცარიზმს მალტაზე ფეხის მოკიდება ესაჭიროებოდა იმისათვის, რომ მისი მეშვეობით ჩაეშალა შეზღომაში საფრანგეთის ექსპანსიური მისწრაფება ევროპის ამ რაიონში. საფრანგეთთან გარდუვალი ომის პირობებში კუნძულ მალტას მეტად დიდი როლი უნდა შეესრულებინა; იგი უნდა ყოფილიყო ის ბაზა, რომელზედაც დაყრდნობით რუსეთს მახვილი უნდა ჩაეცა საფრანგეთის საზღვაო ძლიერებისათვის ხმელთაშუა ზღვის აუზში.

კამპო-ფორმიოს ზავის დადების შედეგად ევროპის პოლიტიკურ ცხოვრებაში მომხდარმა ცვლილებებმა, კერძოდ ფრანგების მიერ იონიის კუნძულების დაუფლებამ და ბალკანეთზე ფეხის მოკიდებამ, როგორც აღნიშნული იყო, უშუალო საფრთხე შეუქმნა რუსეთის საარსებო ინტერესებს სამხრეთ ევროპასა და ახლო აღმოსავლეთში და მით გააორკეცა მისი ყურადღება კუნძულ მალტისადმი. ამით აიხსნება ის განსაკუთრებული „ზრუნვა“, რომელიც

პაველე I-მა გამეფების პირველი დღიდანვე მალტის ორდენის შერყეული მდგომარეობისადმი გამოიჩინა.

1795 წელს, ჯერ კიდევ ეკატერინე II-ის სიცოცხლეში, მალტის ორდენის დიდმა მაგისტრმა ემანუელ როჰანმა რუსეთში მიავლინა თავისი წარმომადგენელი ორდენის დიდი ჯვრის კავალერი (ბალი ან ნუნცი, რუსეთის სამხედრო სამსახურში ნამყოფი კონტრ-ადმირალი) გრაფი იული-რენე კომპენის-დე-ლიტა. ლიტას დავალებული ჰქონდა რუსეთის იმპერატორის ყურადღება მიექცია ორდენის შერყეულ მდგომარეობისათვის და მისგან მიეღო 120.000 ზლოტი, რომელიც ოსტროვკის მამულიდან (პოლონეთის დაყოფის შედეგად რუსეთს რომ ერგო) ეკუთვნოდა ყოველწლიურად პოლონეთის სეიმის 1773 წლის დადგენილების ძალით. მასვე უნდა ეთხოვა რუსეთის იმპერატორისათვის ორდენის პოლონეთის ყოფილი საპრიოროს (ვოლინის საპრიოროს) აღდგენა¹.

ეკატერინე II-ის სიკვდილმა ხელი შეუშალა მაშინ ლიტას მისიას. მაგრამ ახლად გამეფებულმა იმპერატორმა, რომელმაც ჯეროვნად შეაფასა მალტის ორდენთან მჭიდრო კავშირის დიდი მნიშვნელობა მალტაზე რუსეთის ბატონობის დამყარების საქმეში, სახეიმო ცერემონია მოუწყო მის წარმომადგენელს. იმპერატორმა დაავალა ბეზბოროდკოს და კურაკინს მოლაპარაკება გაენართათ ლიტასთან ორდენის თხოვნის თაობაზე. მოლაპარაკება მალე დამთავრდა და ორდენის ყველა თხოვნა დაკმაყოფილებულ იქნა².

მოლაპარაკება დამთავრდა 1797 წლის 4/15 იანვარს კონვენციასზე ხელმოწერით. ამ კონვენციით რუსეთის ცარიზმი ვალდებულებას კისრულობდა სახელმწიფო ხაზინიდან ორდენისათვის ყოველწლიურად მიეცა 300.000 ზლოტი რუსეთში ახლად დაარსებული ორდენის დიდი საპრიოროს და 10 საკომანდორის შესანახად³.

¹ К. В а л и ш е в с к и й, დასახ. ნაშრ., გვ. 322.

² М. М о р о ш к и н, დასახ. ნაშრ., გვ. 321; А. Т е б з и н, История Ордена Св. Иоанна иерусалимского..., СПб., 1801, გვ. 216; თვით გრაფი ლიტა ვრცელ მოხსენებით ბარათში ორდენის დიდი მაგისტრისადმი (1797 წლის 7/18 იანვრის თარიღით) ვრცლად აღწერს მის მისიას, პეტერბურგში სახეიმო მიღებას და მისიის წარმატებით შესრულებას. იხ. Сб. РИО, ტ. 2, გვ. 199—237.

³ Полное собрание законов Российской империи... т. XXIV, Генваря 4/15. 17. 708. Конвенция, заключенная с Государственным Орденом Мальтийским и Его Преимуществом Гроссмейстером, об установлении сего Ордена в России, გვ. 261—268; Ф. М а р т е н с, დასახ. კრებ., ტ. 7, გვ. 156.

ეს ხელშეკრულება მოასწავებდა ახალ ეტაპს რუსეთისა და მალტის ორდენის ურთიერთობაში¹.

ნალტის ორდენისა და რუსეთის ცარიზმის გულთბილი კავშირის დემონსტრაცია ამით არ დასრულებულა. იმავე 1797 წლის ნოემბერში ლიტამ ორდენის დიდი მაგისტრის დავალებით პავლეს-მორიგ სახეიმო აუდენციის დროს საჩუქრად მიაართვა მალტიდან ჩამოტანილი ჯვარი, რომელსაც ოდესღაც ატარებდა ორდენის ერთ-ერთი ყველაზე ცნობილი დიდი მაგისტრი ლა ვალეტი. ამასთან ერთად ლიტამ ორდენის დიდი მაგისტრის და საბჭოს სახელით თხოვა რუსეთის იმპერატორს გაეძლიერებინა თავისი ყურადღება ორდენისადმი და აეყვანა იგი თავის მფარველობაში. პავლემ დააკმაყოფილა ეს თხოვნაც. 1797 წლის 18/29 ნოემბერს რუსეთის იმპერატორმა დააწესა თავისი პროტექტორატი ორდენზე და მიიღო მისი მფარველის ტიტული². ამასთან დაკავშირებით დამატებითი კონვენციით რუსეთში დაწესდა 3 ახალი სასულიერო საკომანდორო შესატყვისი შემოსავლით³.

აი, ასეთ ვითარებაში იყო მალტის ორდენის ურთიერთობა რუსეთთან, როდესაც კუნძული ნალტა ფრანგ აგრესორთა დაპყრობის ობიექტი გახდა. მალტის გაძარცვა, ორდენის შინაგან საქმეებში ჩარევა და ლა-ვალეტას ბაზაში ძლიერი გარნიზონის ჩაყენება ბოლოს უღებდა მალტის ორდენის შემდგომ ურთიერთობას რუსეთთან. ამდენად საფრანგეთის აღნიშნული აქტი რუსეთის წინააღმდეგ მიმართულ აქციას წარმოადგენდა. ამიტომ იყო, რომ ფრანგთაგან მალტის დაპყრობამ უაღრესად მტრული რეაქცია-პპოვა პეტერბურგში, იგი მიჩნეულ იქნა რუსეთის წინააღმდეგ მიმართულ აგრესიულ აქტად. რუსეთის პასუხს საფრანგეთის ამ.

¹ შილდერს პავლე I-ის კავშირი მალტის ორდენთან და მასთან აღნიშნული კონვენციის დადება მიანიხი უგუფურ, ანტინაციონალურ პოლიტიკად, გადახვევად რუსეთის ტრადიციულ პოლიტიკიდან. იხ. Н. Шильдер, Император Павел I, გვ. 340.

² Д. Милютин, დასახ. ნაშრ., ტ. I, გვ. 64; К. Валишевский, დასახ. ნაშრ., გვ. 323; Ф. Мартенс, დასახ. კრებული, ტ. 6, გვ. 116.

³ პოლონეთის მნიშვნელოვანი ნაწილის შემოერთების შემდეგ რუსეთის დასავლეთ, პოლონურ-კათოლიკურ ნაწილში და თვით პეტერბურგში გაძლიერდა იეზუიტთა ორდენის საქმიანობა. იეზუიტების მთავარი ხელმძღვანელი რუსეთში პატრი გრუბერო უშუალოდ დაკავშირებული იყო რომის პაპთან, რომლისგანაც დღებულობდა დირექტივებს და ფინანსურ სახსრებს. პაპთან ერთად მათ კავშირი ჰქონდათ მალტის ორდენთანაც. იხ., М. Морозкин, დასახ. ნაშრ., გვ. 331 და შემდეგი; Е. Карпович, Мальтийские рыцари в России, „Отечественные записки“, 1877 г., № 7, გვ. 47, 69.

მტრულ აქტზე წარმოადგენდა საფრანგეთის წინააღმდეგ ომისათვის დიპლომატიური და სხვა ღონისძიებების გაძლიერება.

რუსეთის ცარიზმმა შეუძლებლად მიიჩნია მომხდარ ფაქტთან შერიგება და უკან დახევა. პირიქით, მან საპიროდ სცნო დარტყმისათვის კიდევ უფრო გამომწვევი ნაბიჯით ეპასუხა და ოფიციალური პრეტენზია განეცხადებინა მალტის ორდენის ხელმძღვანელობაზე და მით თვით კუნძულ მალტაზე. მალტის ორდენის დიდი მაგისტრის ტიტულის დემონსტრაციულად მიღება პავლეს მიერ ერთ-ერთ ასეთ საპასუხო ღონისძიებას წარმოადგენდა. როგორც წყაროებიდან ჩანს, პეტერბურგის სამეფო კარზე ყველა ენთუზიანზმით როდი შეხვდა მალტისადმი პავლეს დაინტერესებას, მით უფრო მის მიერ მალტის ორდენის დიდი მაგისტრის წოდების მიღებას. ბევრი გავლენიანი თავკაცი პეტერბურგში ჩუმად გმობდა იმპერატორის ამ ნაბიჯს და ქიშპრულ ვატაცებად მიიჩნევდა მას. ასეთ თავკაცთა რიცხვს ეკუთვნოდა თ. ვ. როსტომჩინი, რომელიც თავის 1801 წლის 30 ივნისის წერილში გრაფ ს. რ. ვორონცოვისადმი (როდესაც პავლე I ცოცხალი აღარ იყო და ალექსანდრე I მეფობდა) პავლეს სურვილს—ყოფილიყო მალტის მფლობელი ორდენის დიდი მაგისტრის სახით,—უწოდებს ქიშპრულ სურვილს¹.

1798 წლის 15/26 აგვისტოს პეტერბურგში გრაფ ლიტას თავმჯდომარეობით შედგა პეტერბურგში ნყოფ მალტის ორდენის კავალერთა შეკრება. შეკრებამ ორდენის დიდ მაგისტრს ბარონ გომპეშს ბრალი დასდო ღალატის აქტში—მალტის უბრძოლველად ფრანგებისათვის ჩაბარებაში, რის გამოც შეუძლებლად მიიჩნია მისი შემდგომი ყოფნა ორდენის სათავეში². კრებამ მიიღო დადგენილება გომპეშისათვის ორდენის დიდი მაგისტრის საპატიო ტიტულის ჩამორთმევის შესახებ და იგი ორდენის მფარველს, რუსეთის იმპერატორ პავლე I-ს შესთავაზა. ორდენის ყველაზე უმცროსმა საპრიორომ—რუსეთის საპრიორომ—სხვა საპრიოროთა ნება-სურვილის გარეშე, მითთვისა დიდი მაგისტრის მოხსნა-დანიშვნის უფლება³. მალტის ორდენის რუსეთის საპრიოროს აღნიშნული შეკრება

¹ იხ. Архив князя Воронцова, ტ. 8, გვ. 288.

² 1798 წლის 15/26 აგვისტოს აქტით კუნძულ მალტის ფრანგებისათვის ჩაბარების ყველა მონაწილეს ერთმეოდა წოდება და თანამდებობა; თვით გომპეშში ცნობილ იქნა დამნაშავედ ღალატის აქტის თანამონაწილეობაში. იმავე აქტით კრება სთხოვდა პავლე I-ს მიეღო ორდენის დიდი მაგისტრის საპატიო წოდება. იხ. Д. М. Лютин, დასახ. ნაშრ., ტ. 3., გვ. 77, მე-5 შენიშვნა.

³ Д. М. Лютин, დასახ. ნაშრ., ტ. 1, გვ. 15; Ф. Мартенс, დასახ. კრებული, ტ. 7, გვ. 334 და შემდ.; E. Берг, დასახ. ნაშრ., გვ. VI.

ვერ მიიღებდა აღნიშნულ დადგენილებას, რომ იგი წინასწარ არ ყოფილიყო შეთანხმებული პაელესთან.

რუსეთის იმპერატორმა „დააკმაყოფილა“ მალტის ორდენის რუსეთის საპრიოროს ხელმძღვანელთა „თხოვნა“ და თანხმობა განაცხადა მიეღო ორდენის დიდი მაგისტრის საპატიო წოდება. 1798 წლის 28 აგვისტოს მან გამოაქვეყნა სპეციალური მანიფესტი (გატჩინოში), რომლითაც იგი აცხადებდა თავის თანხმობას მიეღო მალტის ორდენის დიდი მაგისტრის საპატიო წოდება და დაეცვა მისი ღირსება, დაწესებულებანი და წესები¹.

1798 წლის 16/27 ოქტომბერს მალტის ორდენის რუსეთში მყოფი კავალერები კვლავ შეიკრიბნენ პეტერბურგში და რუსეთის იმპერატორი გამოაცხადეს მალტის ორდენის დიდ მაგისტრად².

1798 წლის 29 ნოემბერს საერო და სასულიერო არისტოკრატის მრავალრიცხოვანი წარმომადგენლების თან დასწრებით, მალტის ორდენის კავალერთა მონაწილეობით, პეტერბურგში ჩატარდა საზეიმო ცერემონიალი მიძღვნილი პაელე I-ის მიერ მალტის ორდენის დიდი მაგისტრის საპატიო წოდების მიღებისადმი³. ამიერიდან მალტის ორდენის დიდი მაგისტრის ადგილსამყოფელად მალტის ნაცვლად პეტერბურგი იქნა მიჩნეული. აღნიშნულ საზეიმო ცერემონიალთან დაკავშირებით რომაულ-კათოლიკური დიდი საპრიოროს გვერდით არსებობდა მეორე ახალი—ბერძნულ-მართმადიდებლურ-რუსული საპრიორო, რომლის დიდ პრიოროდაც დანიშნული იქნა ტახტის მემკვიდრე ალექსანდრე I. მალტის ორდენმა და მისმა რუსულმა საპრიორომ დამატებით ახალი წყალობა მიიღეს, ბევრი ბრწყინვალე არისტოკრატი პეტერბურგიდან მალტის ორდენის კავალერი გახდა⁴.

ამგვარად, მალტის კვანძმა, კერძოდ ფრანგების მიერ ამ კუნძულის ხელში ჩაგდებაზე, კიდევ უფრო გააძლიერა დაძაბულობა რუსეთ-საფრანგეთის ურთიერთობაში და განაპირობა მათ შორის ომის გარდუვალობა უახლოეს მომავალში.

¹ М. М о р о ш к и н, დასახ. ნაშრ., გვ. 325—326. К. В а л и ш е н с к и й, დასახ. ნაშრ., გვ. 324—325.

² Д. М и л ю т и н, დასახ. ნაშრ., ტ. 3, გვ. 77, 58-ე შენიშვნა.

³ ამ საზეიმო ცერემონიის ვრცელი აღწერა იხ. შემდეგ თხზულებებში: „Записки гр. Рибопьера“, „Русский архив“, 1877, кн. 4, гв. 481; М. М о р о ш к и н, დასახ. ნაშრ., გვ. 327—328; Е. К а р п о в и ч, დასახ. წერილი, „Отчетств. записки“, 1877, № 7, гв. 93—94.

⁴ იხ. გრაფ ზავადსკის 1798 წლის 30 ნოემბრის და 1799 წლის I დეკემბრის წერილები ა. რ. და ს. რ. ვორონცოვებისადმი. Архив князя Воронцова, ტ. 12, гв. 208—209.

3. საფრანგეთის აზრისა ეგვიპტის წინააღმდეგ
და რუსეთ-თურქეთის „თავდაცვითი“
კავშირის შექმნა

მალტის დაპყრობის შემდეგ ნაპოლეონ ბონაპარტმა როგორც უკვე იყო აღნიშნული, 1798 წლის 8 ივნისს თავისი „უძლეველი არმადა“ აღმოსავლეთისაკენ დასძრა, რათა სისრულეში მოეყვანა ეგვიპტის დაპყრობის გეგმა.

აღმასრულებელი დირექტორია და აღმოსავლეთის ექსპედიციის უშუალო ხელმძღვანელი ნაპოლეონ ბონაპარტი, ემზადებოდნენ რა ეგვიპტის დასაპყრობად. რომელიც თურქეთის იმპერიის სამფლობელოს წარმოადგენდა, ამავე დროს ცდილობდნენ შეენარჩუნებინათ პორტასთან ძველი „მეგობრული“ ურთიერთობა. ისინი არწმუნებდნენ თურქეთის მთავრობას: საფრანგეთს მომავალშიც განზრახული აქვს იქონიოს თურქეთთან ტრადიციული მეგობრული ურთიერთობა, იგი არ აპირებს გადადგას რაიმე ისეთი ნაბიჯი. რომელიც თურქეთის მთლიანობის და უშიშროების წინააღმდეგ იქნება მიმართული. პარიზში ჯეროვნად ითვალისწინებდნენ იმ შეშფოთების მოსალოდნელ შედეგს, რომელიც გამეფდა კონსტანტინეპოლში ფრანგების მიერ იონიის კუნძულების დაუფლების, ბალკანეთის ნახევარკუნძულის სანაპიროებზე ფეხის მოკიდების და ტულონ-მარსელის ნავსადგურში წარმოებული მზადების გამო. თუ ფრანგები ვერ აღმოფხვრიდნენ ამ შეშფოთებას და ვერ დაარწმუნებდნენ თურქებს მათდამი კეთილგანწყობილებაში, მაშინ სავსებით მოსალოდნელი იყო, რომ თურქეთის მთავრობა საფრანგეთის მტრებს მიემხრობოდა და საფრანგეთის წინააღმდეგ ამხედრდებოდა. ასეთი პერსპექტივა კი ხელს შეუშლიდა განზრახული ლაშქრობის წარმატებას აღმოსავლეთში.

თურქებს შეშფოთებისა და ნერვიულობისათვის სერიოზული საფუძველი გააჩნდათ. XVIII საუკუნის დასასრულისათვის თურქეთის იმპერიის შინაგანი მდგომარეობა და საერთაშორისო პოზიციები მკვეთრად გაუარესდა. იმპერიის რღვევისა და ხოწნის პროცესები შორს წავიდა. საფრანგეთის რევოლუციამ თავისი გავლენა მოახდინა ამ იმპერიაზე.

საფრანგეთის რევოლუციამ და მისმა პროგრესულმა იდეებმა ყველაზე მეტად გამოძახილი ჰპოვეს თურქეთის იმპერიის ქრისტიან ქვეშევრდომ ხალხებზე—ბერძნებზე, სლავებზე და ა. შ. ამ გამოძახილისა და შესატყვისი გავლენის კონკრეტულ გამოხატულებას წარმოადგენდა ეროვნულ-განმათავისუფლებელი მოძრაობის

ვადლიერება საბერძნეთში, სერბიაში, ჩერნოგორიაში, ბულგარეთში, ალბანეთში და მაკედონიაში. ბალკანეთის ხალხთა ეროვნულ-განმათავისუფლებელი მოძრაობა მიმართული იყო თურქ დამპყრობ ასიმილატორთა წინააღმდეგ, „ყველაზე სასტიკი ასიმილატორების“ წინააღმდეგ, რომლებიც „ასეული წლების მანძილზე ფლეთდნენ და ასახიჩრებდნენ ბალკანეთის ერებს...“¹ ბალკანეთის ხალხთა ეროვნულ-განმათავისუფლებელი მოძრაობის აღმავლობა თურქეთის იმპერიის შემდგომი რღვევის მნიშვნელოვან ფაქტორს წარმოადგენდა. იგი სერიოზულ საფრთხეს უქმნიდა თურქეთის ბატონობას ბალკანეთის ნახევარკუნძულზე და ბიძგს აძლევდა თურქეთის მიერ დამონებული სხვა ხალხების საყოველთაო განმათავისუფლებელ აჯანყებას².

აღნიშნული ვითარება გავლენას ახდენს რუსეთ-საფრანგეთის ურთიერთობაზე. იგი იწვევს თურქეთის ფეოდალურ რეაქციონერ მმართველთა უნდობლობას და შიშს ახალი, ბურჟუაზიული საფრანგეთისადმი, რომელიც თურქეთის იმპერიის „შინაგანი შფოთის და რღვევის“ ერთ-ერთი პირობა გახდა. თურქეთის მთავრობას არც კი სურდა ეცნო რევოლუციური საფრანგეთი და მიეღო მისი ელჩები კონსტანტინეპოლში. მხოლოდ 1795 წლის შემდეგ, როცა თურქეთში ჩავიდა საფრანგეთის დირექტორიის ელჩი რაინონ დე ვერნინაკი, პორტამ ოფიციალურად იცნო იგი საფრანგეთის წარმომადგენლად და ნება დართო საფრანგეთის საელჩოს შენობაში ჰქონოდა ბინა³.

თურქეთში საფრანგეთის საწინააღმდეგო განწყობილება გაიზარდა დირექტორიის მმართველობის პერიოდიდან. საფრანგეთის აგრესიის მნიშვნელოვანი წარმატება, კერძოდ იონიის კუნძულების და ბალკანეთის ნახევარკუნძულის ზოგიერთი ბაზის ფრანგთა ხელში მოქცევა მთავარ როლს ასრულებდა ამ განწყობილების შემუშავებაში. ფრანგთა მიახლოებამ ბალკანეთის ნახევარკუნძულთან.

¹ ი. ბ. სტალინი, თბ., ტ. 11, გვ. 384—385.

² სავსებით მართალია ა. თ. მილერი, რომელიც აღნიშნავს, რომ საფრანგეთის რევოლუციის გავლენა თურქეთის იმპერიაზე საერთოდ არ იყო ისევე ძლიერი და პროგრესული მნიშვნელობის, როგორც ევროპაში. ამ მხრივ გამოიწვევს მხოლოდ ბალკანეთის ნახევარკუნძულის ქვეყნები და ბერძნული არქიპელაგი წარმოადგენდა. აქ უკვე მომზადებული იყო ნიადაგი ბურჟუაზიულ-ნაციონალური მოძრაობისათვის. საფრანგეთის რევოლუციური იდეების განვითარებამ სული შეუწყო ამ მოძრაობის განვითარებას. იხ. А. Ф. Миллер, Местная Пяти Бакрагар..., М.—Л., 1947, გვ. 78—79.

³ А. Миллер, დასახ. ნაშრ., გვ. 81.

სადაც თავისი სამფლობელოები ჰქონდა თურქეთს, უშუალო საფრთხე შეუქმნა ამ იმპერიის მთლიანობას და სოციალურ სისტემას. გასაგებია, რომ აღნიშნულმა ვითარებამ მეტად მტრული რეაქცია გამოიწვია თურქეთის მმართველთა შორის. ვ. ა. კოჩუბეის თქმით, ამ დროისათვის თურქები უკვე აღარ თვლიდნენ ფრანგებს თავიანთ მეგობრებად და, თუ მისსავე ცნობებს ვერწმუნებით, ისინი მოლაპარაკებასაც კი აწარმოებდნენ ინგლისთან მოქმედების ერთიანი ხაზის შესახებ საფრანგეთის წინააღმდეგ¹.

ამასთან დაკავშირებით ჩვენ ვიზიარებთ მილერის შეხედულებას და მასთან ერთად უარყოფთ ფრანგ ისტორიკოსთა ერთი ჯგუფის შეხედულებას იმის შესახებ, თითქოს, პირველი ბზარი საფრანგეთ-თურქეთის ურთიერთობაში შეექმნას მხოლოდ ნაპოლეონის ექსპედიციას ეგვიპტეში, რაც სრულიად მოულოდნელი დარტყმა იყო თურქეთისათვის². ჩვენს მიერ მოტანილი ფაქტები ნათელჰყოფენ სრულიად საწინააღმდეგოს. თურქეთის მთავრობის მეგობრული დამოკიდებულება საფრანგეთისადმი 1797 წლიდან უკვე შერყეული იყო. მაგრამ ჩვენ არ შეგვიძლია დავეთანხმოთ აღნიშნულ საბჭოთა ისტორიკოსს და მივიღოთ მისი შეხედულება იმის შესახებ, რომ, თითქოს, ეგვიპტის ექსპედიციას არ ეთამაშოს. გადამწყვეტი როლი რუსეთ-თურქეთის ურთიერთობის მომავალზე, ბიძგი არ მიეცეს თურქეთისათვის შეერთებოდა ანტიფრანგულ ბლოკს. რომ თითქოს, თურქეთის დაკავშირებას ინგლისთან დარუსეთთან ნიადაგი უკვე შემზადებული ჰქონდა 1797 წელს³. ჩვენი აზრით, ავტორს ასეთი დასკვნის გაკეთების საფუძველი არ ჰქონდა. არ შეიძლება დავასკვნათ, რომ თურქეთი ეგვიპტის ექსპედიციის გარეშე გაწყვეტდა კავშირს საფრანგეთთან და ინგლის-რუსეთის დიპლომატიის ზემოქმედების შედეგად საფრანგეთის მტრებს შეუერთდებოდა. არის ყველა საბუთი ვამტკიცოთ საწინააღმდეგო: თურქეთი საფრანგეთისადმი, მისი შიშისა და უნდობლობის განწყობილების გაძლიერების მიუხედავად, მაინც შეინარჩუნებდა ნეიტრალიტეტის პოზიციას. ნეიტრალიტეტის დაცვა იმ დრომდე სანამ აგრესია უშუალოდ მისი ტერიტორიისა და უშიშროების წინააღმდეგ არ იქნებოდა მიმართული, ყველაზე უფრო ხელსაყრელი იყო თურქეთის იმპერიისათვის იმ ვითარება-

¹ იხ. ვ. ა. კოჩუბეის წერილი კონსტანტინეპოლიდან ს. რ. ვორონცოვისადმი 1797 წლის 9 და 25 სექტემბრის თარიღით. Архив князя Воронцова, т. 14, გვ. 87.

² А. Милер, დასახ. ნაშრ., გვ. 82.

³ იქვე.

ში. განა ცნობილი არ არის ის მტრული ურთიერთობა, რომელიც ტრადიციულად არსებობდა რუსეთსა და თურქეთს შორის? მისი დაძლევა და თურქეთის მმართველთა მობრუნება რუსეთის მიმართ და მასთან დაკავშირება მხოლოდ მის წინააღმდეგ საფრანგეთის აშკარა აგრესიას შეეძლო.

საფრანგეთის დიპლომატიას არ ეძინა. იგი აქტიურ წინააღმდეგობას უწევდა ინგლისის, რუსეთის და ავსტრიის დიპლომატიას და ყოველმხრივ აღუწებდა თურქეთის მთავრობის სიფხიზლეს; ხელს უშლიდა საფრანგეთ-თურქეთის ურთიერთობის შეზღვევას გაუარესებას. ცნობილია, რომ დირექტორიამ ჯერ კიდევ ნაპოლეონის ექსპედიციამდე საგანგებო მისიით კონსტანტინებოლში მიევლინა გენერალი დიუბაიე (Dubayet). მას სულთანი სელიმ III და დივანი (სულთნის საბჭო) უნდა დაერწმუნებინა საფრანგეთ-თურქეთის მეგობრობის აუცილებლობასა და საფრანგეთის რესპუბლიკის თურქეთისადმი კეთილ სურვილებსა და განზრახვებში¹.

ღვევიპტის ექსპედიციისათვის მზადების პერიოდში ნაპოლეონ ბონაპარტმა არასაკმარისად მიიჩნია თურქეთის მთავრობაზე მოხდენილი დიპლომატიური ზემოქმედება და საჭიროდ სცნო კონსტანტინებოლში გამოცდილი დიპლომატის გაგზავნა. ნაპოლეონს სურდა ეს დიპლომატიური მისია მიენდო თვით ტალეირანისათვის, როგორც ყველაზე გამოცდილი დიპლომატისათვის. ტალეირანს უნდა დაეშოშინებინა საფრანგეთის მზარდი აგრესიით დაშინებული თურქეთის სულთანი, გაებათილებინა ინგლის-რუსეთის მზარდი დიპლომატიური ზემოქმედება პორტაზე და ერთხელ კიდევ დაბეჯითებით დაერწმუნებინა თურქეთის მთავრობა მის მიმართ საფრანგეთის მეგობრულ ზრახვებში². ტალეირანმა აღუთქვა ნაპოლეონს ეგვიპტისაკენ გამგზავრების წინ, რომ იგი იკისრებდა ამ მისიას და გაემგზავრებოდა კონსტანტინებოლს, როგორც საფრანგეთის ელჩი ტულონიდან ესკადრის გამგზავრებისთანავე. მაგრამ მან ნაპოლეონისადმი მიცემული სიტყვა არ შეასრულა და თურქეთის სატახტო ქალაქში გამგზავრებისაგან თავი შეიკავა³, რადგან წინასწარ დაწმუნებული იყო გათვალისწინებული მისიის წარუმატებლობაში⁴.

¹ Mémoires..., ტ. 6, გვ. 256.

² იქვე, გვ. 270.

³ E. Turle, Teleram..., გვ. 69—70.

⁴ იქვე, გვ. 71.

ამავე დროს კონსტანტინეპოლში უკვე 1798 წლის დანდგვიდან გავრცელდა ხმები საფრანგეთის ხმელთაშუა ზღვის ნავსადგურებში, ტულონში და მარსელში რომელიღაც დიდი საზღვაო ექსპედიციისათვის მზადების შესახებ. ამ ხმებმა დიდად გააძლიერა თურქეთის სულთანის და მთელი სამეფო კარის შეშფოთება. მართალია, თურქეთის მთავრობისათვის მაშინ უცნობი იყო ფრანგთა მზადების მიზანი და მიმართულება, მაგრამ ოტომანთა იმპერიის მესვეურები ალლოთი დარწმუნდნენ, რომ საფრანგეთის მორიგი დარტყმის ობიექტი აუცილებლად იქნებოდა თურქეთის იმპერიის რომელიმე ნაწილი ან ეგვიპტე, ან სირია, ანდა ბალკანეთი¹.

ასეთ ვითარებაში ცეცხლზე ნავთის დასხმის როლი შეასრულა თურქეთის სატახტო ქალაქში გავრცელებულმა ახალმა ცნობამ: ფრანგებმა ხელთ იგდეს კუნძული მალტა, რის შემდეგ მათი ფლოტი აღმოსავლეთისაკენ დაიძრაო. ამ ცნობამ ბოლო მოუღო თურქეთის იმპერიის რიგებში გამეფებულ მერყეობასა და გაურკვევლობას. ნათელი გახდა საფრანგეთის სამხედრო-საზღვაო ექსპედიციის ნამდვილი მიზანი: თურქეთის იმპერიის მთლიანობასა და ხელუხლებლობის ხელყოფა. მისი ტერიტორიის მიტაცება. აგრესიის ობიექტად ქცეულმა თურქეთმა გადაწყვიტა წინააღმდეგობა გაეწია აგრესორისათვის და მის მტერთა ბანაკს შეერთებოდა.

საფრანგეთ-თურქეთის ნორმალური ურთიერთობის სრული გაწყვეტისა და თურქეთის მტრულ ბანაკში გადასვლის რეალური საფრთხის ვითარებაში ნაპოლეონ ბონაპარტმა უკანასკნელ დიპლომატიურ საშუალებას მიმართა. მან საჭიროდ მიიჩნია აშკარად განცხადებინა პორტისათვის, რომ საფრანგეთს, მართალია, განზრახვა აქვს მოახდინოს ეგვიპტის ოკუპაცია, მაგრამ ასე მოქმედებს როგორც თურქეთის მეგობარი და მოკავშირე, თურქეთისვე ინტერესებისათვის და არა როგორც მისი მტერი. ტალეირანის რჩევის თანახმად ნაპოლეონმა განიზრახა ჩარეულიყო ეგვიპტის საქმე-

¹ რუსეთის კონსტანტინეპოლელი ელჩი ტამარა 1798 წლის 1-12 ივლისის ვრცელ რეალაციაში პავლესადმი დაწერილებით ცნობებს იძლევა იმ განწყობილების შესახებ, რომელიც შეიქმნა თურქეთის სატახტო ქალაქში 1798 წლის პირველ ნახევარში ფრანგთა აღნიშნულ აგრესიულ „წამოწყებასთან“ დაკავშირებით. ამავე რეალაციაში საუბარია იმ ნაბიჯების შესახებაც, რომლებიც ამასთან დაკავშირებით გადადგა თურქეთის მთავრობამ. იხ. Архив ВПР, Ф. „Сношения России с Турцией“, т. 873, лл. 1—5. ამ საკითხთან დაკავშირებით იხ. აგრეთვე Г. А. Клейман, Русско-Турецкий союз 1799 г. Доклады и сообщения истор. факультета Московского ордена Ленина государственного университета им. Ломоносова, вып. 3, Москва, 1945, გვ. 12—13.

ვბში პორტის სახელით. როგორც მისი მოკავშირე ან, უკიდურეს შემთხვევაში, როგორც მისი მეგობარი, დამკვიდრებულიყო იქ როგორც ვფარველი¹. ერთი სიტყვით, ფრანგმა აგრესორებმა სცადეს დაერწმუნებინათ პორტა: მართალია, ჩვენ ვაპირებთ დავიპყროთ ეგვიპტე. მაგრამ ეს აქტი მიმართულია ინგლისის და ეგვიპტელ მამლუკთა წინააღმდეგ და არამც და არამც არა თურქეთის წინააღმდეგ, რომლის სუვერენიტეტს ეგვიპტეზე პატივს ვცემთო.

ნაპოლეონის მითითებით ტალეირანმა (რომელმაც პირველი ლაღატის აქტი ჩაიდინა ნაპოლეონის მიმართ და არ შეასრულა დაპირება პორტასთან გამგზავრების შესახებ) საგანგებო დეპეშა გაუგზავნა საფრანგეთის მაშინდელ საქმეთა რწმუნებულს კონსტანტინეპოლში რიუფენს. ამ უკანასკნელს ეს დეპეშა პორტასათვის უნდა გადაეცა. დეპეშა ყოველგვარი ორაზროვნობის გარეშე აცნობებდა პორტას: ნაპოლეონის ექსპედიცია ეგვიპტეში შექრისათვის არის გათვალისწინებული, მაგრამ საფრანგეთს არა აქვს განზრახვა დაიპყროს ეს ტერიტორია და ლიკვიდაცია უყოს ოტომანთა იმპერიის მბრძანებლობას მასზე; ფრანგები მიზნად ისახავენ ბოლო მოუღონ მამლუკთა და ეგვიპტის ბეგების ბატონობას².

უფრო გვიან, როდესაც საფრანგეთის არმია უკვე შეიჭრა ეგვიპტეში, ნაპოლეონმა ერთხელ კიდევ გადადგა უკანასკნელი დიპლომატიური ნაბიჯი, რათა მიეჩქმალა თურქეთის წინააღმდეგ მიმართული აგრესიის აქტი, ეგვიპტეში შეჭრა გაესაღებინა ინგლისელების წინააღმდეგ მიმართულ და ეგვიპტის ბეგ-მამლუკთა დასასჯელად განხორციელებულ ღონისძიებად. ასეთ ნაბიჯს წარმოადგენდა ეგვიპტიდან წერილების გაგზავნა საფრანგეთის საქმეთა რწმუნებულ რიუფენსადმი და თვით ეგვიპტის მმართველი ფაშისადმი, რომლებითაც ნაპოლეონი არწმუნებდა პორტას და ეგვიპტის მმართველს: საფრანგეთი კვლავინდებურად მეგობრული გრძნობებით არის გამსჭვალული თურქეთისადმი, ექსპედიცია თურქეთისა და ეგვიპტელი ხალხის წინააღმდეგ არ არის მიმართული.

რიუფენსისადმი გაგზავნილ წერილში ნაპოლეონი წერდა: ეგვიპტის ექსპედიცია ისეთი ხასიათის ოპერაციაა, რომელიც ჩვენ ბევრჯერ ჩაგვიტარებია ტუნისის და ალჟირის წინააღმდეგ. ეგვიპტეში შექრისას ჩვენ ორი მიზანი გვაქვს დასახული: 1) იქაური ბეგების დასჯა, რადგანაც ისინი ყოველმხრივ ავიწროებენ და

¹ А. Сопель, დასახ. ნაშრ., ტ. 5, გვ. 245.
იხ. Mémoires..., ტ. 6, გვ. 271.

ხელს უშლიან ჩვენს ვაქრობას; 2) ინგლისის ვაქრობისათვის ზიანის მიყენება¹.

დაახლოებით ასეთივე შინაარსისაა ეგვიპტის მმართველი ფაშისადმი გაგზავნილი წერილი. იქაც ხაზგასმულია საფრანგეთის ექსპედიციის „კეთილშობილური“, ეგვიპტელი ხალხისადმი და თურქეთისადმი მეგობრული ზრახვებით აღსაესე მიზანი, ეგვიპტელი ბეგების მეკობრობა-უაჩალობისათვის ზღვაოს დადება და მათი დასჯა ისე, როგორც არაერთხელ ყოფილა მიღებული ასეთივე ზონები ამ საუკუნეში ტუნისის და ალჟირის ბეგების წინააღმდეგ

აღსანიშნავია, რომ დირექტორიამ თურქეთის მთავრობაზე ზემოქმედების მოსახდენად ნეიტრალური სახელმწიფოების „კეთილი სამსაიურიც“ გამოიყენა. რუსეთის კონსტანტინეპოლელი ელჩის ვ. ტამარას ცნობით, შვეციის ელჩი კონსტანტინეპოლში ენერგიულად ექმნებოდა ფრანგებს და პორტას ურჩევდა არ გადაედგა ნაბიჯი მათ წინააღმდეგ. რეის-ფეჟენდის წარმომადგენელთან მოწყობილ ერთ-ერთი თათბირის დროს შვეციის წარმომადგენელს შემდეგი აზრი გამოუთქვამს: ფრანგების ექსპედიციას ეგვიპტეში მიზნად აქვს დასახული ახალი გამარჯვებით სახელის მოხვეჭა, ეგვიპტის ბეგების გაძარცვა, მეტოქე ინგლისის გამოფიტვა და ინდოეთიდან გამოდგენა. აქედან შვეციის ელჩი დაასკვნის: ფრანგების აგრესია ეგვიპტეში უშუალოდ არ ემუქრება პორტას. ამიტომ იგი თურქეთის მთავრობას რჩევას აძლევს წინააღმდეგობა არ გაუწიოს ფრანგებს, მსხვერპლად გაიღოს ეგვიპტე და შეინარჩუნოს საფრანგეთის რესპუბლიკასთან კარგი ურთიერთობა².

მაგრამ აღნიშნული ნაბიჯები, როგორც მოსალოდნელი იყო. სრული მარცხით დამთავრდა. საფრანგეთმა ვერ მოახერხა თავისი აგრესიის „მეგობრობის“ ნიღბით დაფარვა, თურქეთის მთავრობის დარწმუნება თავის „გულწრფელობაში“ და მისი ნეიტრალურ მდგომარეობაში შენარჩუნება. დირექტორიის ხელისუფლებამ თავისი ვერაგული პოლიტიკის ნაყოფი მოიშკო. თურქეთის მთავრობამ კარგად განქვრიტა „უანგარო“ მეგობრობის „გულწრფელობა“. ჯეროვნად შეათვასა მის წინააღმდეგ მიმართული აგრესიის საშიშ-

¹ იხ. ბონაპარტის წერილი რიუვენისა და ქაიროს ფაშისადმი (ასლი უთარილოდ). Архив ВПР, ф. «Сношения России с Турцией», л. 873, л. 24—25.

² იქვე.

³ კონსტანტინეპოლში რუსეთის სრულუფლებიანი წარმომადგენლის ვ. ტამარას რედაცია (ასლი, უთარილო) პავლესადმი. ЦГАДА, ф. Паниных, л. 293, л. 2—4.

როება და მოყვრულად მოსულ მტერს მტრული პასუხი გასცა. თურქეთი ანტიფრანგულ კოალიციას შეუერთდა.

ნაპოლეონის საზღვაო ექსპედიციამ აღმოსავლეთისაკენ, კერძოდ საფრანგეთის არმიის შეჭრამ ეგვიპტეში სინამდვილედ აქცია ის, რასაც მანამდე პარადოქსად თვლიდნენ: თურქეთი დაუკავშირდა მის „ისტორიულ“ მტერს, მეფის რუსეთს; მათ შორის დაიდო ურთიერთდახმარებისა და თავდაცვის ხელშეკრულება. საფრანგეთის რესპუბლიკამ თავისი მორიგი აგრესიული წამოწყებით მოწინააღმდეგეთა წისკვილზე დაასხა წყალი და გააადვილა მათი დიპლომატიის წარმატება. მეორე ანტიფრანგული კოალიცია მის შედეგად ისტორიულ სინამდვილედ იქცა¹.

თუ ერთი მხრივ, ნაპოლეონის ექსპედიციის წარმატება და ფრანგთაგან ეგვიპტის დაუფლება ემუქრებოდა ოტომანთა იმპერიის მთლიანობას და ინგლისის სავაჭრო-ეკონომიურ და სამხედრო-სტრატეგიულ პოზიციებს ახლო აღმოსავლეთში, მეორე მხრივ, იგი წარმოადგენდა სერიოზულ დარტყმას რუსეთის პოზიციებზე მსოფლიოს ამ ნაწილში. ეგვიპტესა და ლეევანტის მომიჯნავე ბაზებში ფეხის მოკიდებით ფრანგები სისრულეში მოიყვანდნენ თავიანთ მისწრაფებას: ისინი მონოპოლიურად დაეუფლებოდნენ თურქეთის ბაზარს, მის ნედლეულს და სამხედრო-სტრატეგიულ პლაცდარმებს. პავლე I-ის მთავრობას არ შეეძლო შერიგებოდა ყოველივე ამას, რადგან ეს საფუძველს გამოაცლიდა რუსეთის გავლენას და პოზიციებს თურქეთში. ამით მას, ამასთან ერთად, ხელიდან გამოეცლებოდა ხმელთაშუა ზღვის აუზში ფეხის მოკიდების შესაძლებლობა. დასასრულ, ეგვიპტეში გაბატონებით ფრანგებს შესაძლებლობა მიეცემოდათ კიდევ უფრო გაეძლიერებინათ თავიანთი ძირგამომხრელი. საქმიანობა ბალკანეთზე, სადაც იონიის კუნძულებზე და დალმაციის ცალკეულ პუნქტებში ფეხის მოკიდებით ისედაც ენერგიულად მოქმედებდნენ როგორც თურქეთის. ისევე

¹ აღსანიშნავია ერთი შტრიხი: როდესაც გამოაშკარავდა საფრანგეთის დიპლომატიის წარუმატებლობა და თურქეთ-საფრანგეთის ურთიერთობის გაწყვეტის გარდუვალობა, საფრანგეთმა გადაწყვიტა სავაჭრო-ეკონომიური კავშირი მაინც შეენარჩუნებინა ამ ქვეყანასთან. ამასთან დაკავშირებით საფრანგეთის საქმეთა რწმუნებულმა რიუფენმა თურქეთის მთავრობის წინაშე დააყენა საკითხი იმის შესახებ, რომ იმ შემთხვევაში, თუ თურქეთი ეგვიპტის გამო საფრანგეთის წინააღმდეგ იბრძოლებდა, მაშინ საფრანგეთის ვაჭრობა და თურქეთში მყოფი ფრანგები სხვა რომელიმე სახელმწიფოს (ესპანეთის ან ჰოლანდიის) მფარველობის ქვეშ გადასულიყვნენ. იხ ტამარას 1798 წლის 16/27 ივლისის რეზოლუცია პავლესადმი. Архив ВПР, ф. „Сношения России с Турцией“, л. 873, л. 27.

რუსეთის წინააღმდეგ. მოკლედ საფრანგეთის რესპუბლიკის აგრესიული გეგმების რეალიზაცია ხმელთაშუა ზღვის აღმოსავლეთ ნაწილში მოასწავებდა იმ წარმატებათათვის ხაზის გადასმას, რომელნიც მოპოვებული ჰქონდა რუსეთის იმპერიას ახლო აღმოსავლეთში თურქეთთან რამოდენიმე ძლევამოსილი ომის შედეგად.

მეფის რუსეთმა, რომელიც ისედაც გაბოროტებული იყო საფრანგეთის აგრესიის მზარდი წარმატებით და პრაქტიკულ ნაბიჯებს დგამდა მის ასალაგმავად, ენერგიული დიპლომატიური საქმიანობა გააჩაღა კონსტანტინეპოლში, რათა გადაეყვანა თურქეთი თავის მხარეზე და ჩაება იგი ანტიფრანგულ კოალიციაში. ნაპოლეონის ექსპედიციამ აღმოსავლეთისაკენ, კერძოდ საფრანგეთის ჯარის შეჭრამ ეგვიპტეში და, ამგვარად, თურქეთის იმპერიის ქვეყანა საფრანგეთის აგრესიის ობიექტად ახალი ვითარება შექმნა რუსეთ-თურქეთის ურთიერთობაში. მან ბოლო მოუღო ტრადიციულ მტრობას მათ შორის და განაპირობა საერთო მტრის წინააღმდეგ წაბიჯების აღმოცენება. რუსეთის და საფრანგეთის დიპლომატიური ზრძოლა თურქეთზე გავლენისათვის ამ ეტაპზე რუსეთის დიპლომატიის გამარჯვებით დამთავრდა. ამაში, როგორც უკვე აღნიშნული იყო, არსებითად თვით საფრანგეთი იყო დამნაშავე და პასუხისმგებელი.

რამდენადაც იზრდებოდა საფრანგეთის აგრესიის არე იტალიაში. და საერთოდ ხმელთაშუა ზღვის აუზში, იმდენად იზრდებოდა რუსეთის ცარიზმის ყურადღება თურქეთისადმი, მისი მოსალოდნელი პოზიციისადმი მომავალში. რუსეთის დიპლომატია ენერგიულად მოქმედებდა კონსტანტინეპოლში. იგი ცდილობდა დაერწმუნებინა პორტა, რომ საფრანგეთის მზარდი აგრესია და ნაპოლეონის ექსპედიცია აღმოსავლეთისაკენ უდიდეს საფრთხეს წარმოადგენდა თურქეთის მთლიანობისა და უშიშროებისათვის და რომ საჭირო იყო რუსეთ-თურქეთის თავდაცვითი კავშირის შექმნა საფრანგეთის წინააღმდეგ. რუსეთი თურქეთს სთავაზობდა დახმარებას ყველა შემთხვევაში, განურჩევლად იმისა, თუ იმპერიის რომელი ნაწილი იქნებოდა ფრანგთა ხელყოფის ობიექტი, ლევანტის ქვეყნები თუ ბალკანეთი. ამ მიმართულებით აქტიურ საქმიანობას ეწეოდნენ ვ. პ. კოჩუბეი და რუსეთში მისი გაწვევის შემდეგ მისი მემკვიდრე ვ. ს. ტამარა, რომლებიც ახალ-ახალ ინსტრუქციებს ღებულობდნენ ამის თაობაზე პეტერბურგიდან. მათ რუსეთთან კავშირის სასურველობის თემაზე პერიოდული საუბრე-

ბი ჰქონდათ სულთანთან, რეის-ფენდისთან, დიდ ვეზირთან და პორტას სხვა გავლენიან დიდკაცებთან¹.

რუსეთ-თურქეთის დაახლოება და მათი თავდაცვითი კავშირის შეკვრა, როგორც სამართლიანად აღნიშნაქს კლეინმანი, ძნელი საქმე იყო. ამას თურქების მხრივ რუსეთისადმი ტრადიციულ უნდობლობასთან ერთად ხელს უშლიდა სავაჭრო ტარიფების საკითხი. თურქეთი მოითხოვდა ძველი სავაჭრო ტარიფების შეცვლას და მისთვის უფრო ხელსაყრელი სატარიფო განაკვეთის დაწესებას. კოჩუბეის ინიციატივით, იმისათვის, რომ მოევო თურქეთის მთავრობის გული, რუსეთი წავიდა ამ დათმობაზე და თანახმა გახდა გადიდებულიყო სატარიფო განაკვეთი, ამით დაძლეულ იქნა ერთ-ერთი დაბრკოლება ამ ორი ქვეყნის დაახლოების გზაზე².

მეთვის რუსეთის დიპლომატიის მიერ 1798 წლის დასაწყისიდან ივლისამდე კონსტანტინეპოლში განხორციელებულ ენერგიულ საქმიანობას მნიშვნელოვანი წარმატება ჰქონდა. მან მკვეთრად შეასუსტა რუსეთ-თურქეთის ტრადიციული მტრული ურთიერთობა, ძირითადად ბოლო მოუღო უნდობლობის იმ ატმოსფეროს, რომელიც გაბატონებული იყო თურქეთის სატახტო ქალაქში რუსეთის მიმართ და შესატყვისად გააძლიერა თურქთა ანტიფრანგული განწყობილება—ფრანგებისადმი შიში და უნდობლობა. მაგრამ, მიუხედავად ამისა, რუსეთის დიპლომატიის მთავარი ამოცანა—თურქეთის ამხედრება საფრანგეთის წინააღმდეგ და რუსეთ-თურქეთის თავდაცვითი კავშირის დადება,—ნაპოლეონის ეგვიპტეში შეჭრამდე მაინც არ ყოფილა შესრულებული. რუსეთის და ინგლისის დიპლომატიის მზარდი ზემოქმედების მიუხედავად, თურქეთის მთავრობა მანამდე მაინც მერყეობდა და თავს იკავებდა ტრადიციულ „მეგობართან“ კავშირის გაწყვეტისაგან. ნაპოლეონმა თავისი ავანტიურით (ეგვიპტეში შეჭრით) თვით შეუწყო ხელი თურქეთის დაახლოებას რუსეთთან და მით გააადვილა რუსეთის დიპლომატიის საქმე.

1798 წლის ივლისიდან რუსეთის და თურქეთის როლები შეიცვალა. თუ მანამდე რუსეთი გამოდიოდა აქტიურ მხარედ და

¹ იბ. ვ. პ. კოჩუბეის 1798 წლას 1/12 და 15/26 თებერვლის, 1—9/12—20 აპრილის რეკლამები პავლესადში. Архив ВПР, ф. „Сношения России с Турцией“, д. 853, лл. 1—8, 27—43; д. 855, лл. 20—39.

² Г. А. Клейнман, Русско-Турецкий союз 1799 г. „Доклады и сообщения истор. факультета Московского Гос. университета...“, вып. 3. М., 1945, გვ. 14—15.

ენერგიულად მოითხოვდა თურქეთისაგან ანტიფრანგულ კოალიციაში ჩაბმას, უკანასკნელი კი ჯერ ამ აქტისაგან თავს იკავებდა; საფრანგეთის არმიის ეგვიპტეში შექრის შემდეგ თურქეთის მერყეობას ბოლო მოეღო. მან თვითონ გადადგა სათანადო ნაბიჯები და რუსეთის მთავრობას სთხოვა როგორც სამხედრო დახმარება, ისე ურთიერთდახმარების ხელშეკრულების დადება. „ფრანგების ოინებით და ფასვან ოღლისა და სხვა ფაშების აჯანყებებით შეწუხებული თურქები კავშირს და დახმარებას ითხოვენ“, — წერს ა. ბეზბოროდკო ს. ვორონცოვს 1798 წლის 29 ივლისის წერილში; — „რუსეთი თანახმაა, დასძენს ის, დააკმაყოფილოს თურქეთის თხოვნა, მაგრამ იმ შემთხვევაში, თუ თურქები დათანხმდებიან გაატარონ ჩვენი შავი ზღვის ფლოტი საომრად ხმელთაშუა ზღვაში და საჭირო შემთხვევაში უკან“¹.

პორტამ, რომელმაც თვით ითხოვა რუსეთისაგან სამხედრო დახმარება და ურთიერთდახმარების ხელშეკრულების დადება, არათუ ყოველგვარი ყოყმანის გარეშე მიიღო რუსეთის მოთხოვნა რუსეთის შავი ზღვის სამხედრო ფლოტის სრუტეებში გატარების შესახებ, არამედ რუსეთის ელჩის წინაშე დააყენა საკითხი ამ ფლოტის სრუტეებისაკენ დაჩქარებით გაგზავნას შესახებ.

1798 წლის 15/26 ივლისს სულთანმა სელიმ III-ემ მოიწვია დივანის საკანგებო სხდომა, რომელსაც რუსეთის და ინგლისის ელჩებიც ესწრებოდნენ. ამ სხდომაზე მიღებულ იქნა გადაწყვეტილება ეთხოვათ რუსებისათვის სამხედრო დახმარება². ამ გადაწყვეტილების მიღების შემდეგ რეის-ეფენდიმ მასთან ჩატარებულ პრეს-კონფერენციაზე პორტას სახელით განაცხადა, რომ გადაწყვეტილია ფრანგებთან ომი და რუსეთის დახმარების იმედიც არისო³.

რუსეთის იმპერატორმა ჯერ კიდევ ტამარასაგან სათანადო ცნობის მიღებამდე 1798 წლის 25 ივლისის უმაღლესი ბრძანებულებით ვიცე-აღმირალ უშაკოვს განკარგულება მისცა დაუყოვნებლივ გაგზავრებულიყო თავისი ფლოტით დარდანელისაკენ, თანაც წინასწარ რუსეთის კონსტანტინეპოლელ ელჩ ტამარასთან გაეგზავნა მსუბუქი გემები. უშაკოვს ევალეობოდა დაეცადა ბოსფორის სრუტის ახლო იმ დრომდე, სანამ იგი ტამარასაგან არ მიიღებდა ცნობას იმის შესახებ, რომ პორტა რუსეთს თხოვს სამხედრო დახმარებას ფრანგების წინააღმდეგ. მხოლოდ ამ ცნობის მი-

¹ Сб. РИО, т. 29, гл. 403; Архив князя Воронцова, т. 13, гл. 403—404.

² Д. Милютин, даსახ. ნაშრ., т. I, гл. 67.

³ ტამარას 1798 წლის 16/27 ივლისის რელაცია პავლესადმი. ЦГАДА, ф. Паинных, д. 293, лл. 1—7.

ლების შემდეგ ეძლეოდა უშაკოვს უფლება შეეყვანა ფლოტი ბოსფორში და თურქეთის ფლოტთან ერთად ემოქმედა ფრანგების წინააღმდეგ¹.

1798 წლის 13 აგვისტოს უშაკოვის ესკადრა 6 სახაზო გემის, 7 ფრეგატის და 3 ავიზოს შემადგენლობით, 794 ზარბაზნით: ეკიპაჟით და სადესანტო ნაწილებით, სულ 7411 კაცის რაოდენობით გაემართა ბოსფორის მიმართულებით. უშაკოვმა, ამასთან ერთად, წინასწარ გაგზავნა ავიზო ტამარასთან, რათა ეცნობებინა რუსეთის ფლოტის დაძვრა თურქეთის წყლებისაკენ².

23 აგვისტოს უშაკოვის ესკადრა ბოსფორის სრუტეში შევიდა, 25 აგვისტოს კი ბიუჯ-დერის წინ ლუზაზე დადგა. რუსეთის ფლოტს დიდი სიხარულით და აღტაცებით შეეგებნენ თურქეთის სატახტო ქალაქში³. მოხდა თითქოს სრულიად წარმოუდგენელი რამ: რუსეთის სამხედრო ფლოტი მოველინა ბოსფორს და თურქეთის სატახტო ქალაქს არა მტრული მიზნით, არამედ მეგობრული, საკავშირო მისიით, როგორც მოკავშირე სახელმწიფოს გზავნილი⁴ ფრანგების წინააღმდეგ საბრძოლველად.

პორტამ, სათანადო მოლაპარაკებების შემდეგ ტამარასთან და ვიცე-ადმირალ უშაკოვთან, თანხმობა განაცხადა გამოეყო თავისი სამხედრო ფლოტიდან ესკადრა (ყადირ ბეგის სარდლობით) 4 სახაზო გემის, 9 ფრეგატ-კორვეტის და ოცდაათამდე პატარა გემის შემადგენლობით და დაექვემდებარებინა იგი უშაკოვის სარდლობისათვის. ამ ესკადრას რუსეთის ესკადრასთან ერთად უნდა ემო-

¹ Е. Тарле, Адмирал Ушаков на Средиземном море..., გვ. 31—32.

² Е. Тарле, დასახ. ნაშრ., გვ. 32; Д. Милютин, დასახ. ნაშრ., ტ. I: გვ. 68. მილიუტინის ცნობით, ესკადრის ეკიპაჟისა და სადესანტო ნაწილების შეზადგენლობის საერთო რაოდენობა იყო 7.400 კაცი, ზარბაზნების რაოდენობა კი—792 ცალი.

³ ტამარას 1798 წლის 1/12 სექტემბრის რეალცია პავლესადმი, Архив ВФПР: ф. „Сношения России с Турцией“, д. 875. лл. 1—4.

⁴ ფრანგი ისტორიკოსი ბარანტი მართლაც პარადოქსად მიიჩნევს რუსეთის ესკადრის ბოსფორში შესვლას. М. Barante, დასახ. ნაშრ., ტ. 3, გვ. 336 თვით ა. ბეზბროდოსაც, აღზრდილს თურქეთისადმი შეფრიგებელი სიძულვილის ტრადიციაზე, პარადოქსად მიიჩნია რუსეთ-თურქეთის კავშირი და უშაკოვის ფლოტის თურქეთის დასახმარებლად გამგზავრება. ეს წარმოუდგენელი რამ. მისი აზრით, საფრანგეთის რევოლუციამ და ფრანგთა სიმბახიჯე გახადა შესაძლებელი. „Надобно же вырасти таким уродом,—წერს იგი ს. ვორონცოვს 1798 წლის 15 აგვისტოს წერილში,—как французы, чтоб произвести нечто, какою я не только на своем министерстве, но и на веку своем видеть не чаял, то есть: союз ваш с Портою и переход флота нашего чрез канал“.

იხ. Сб, РЯО, ტ. 29, გვ. 406.

ქმედა ხმელთაშუა ზღვის აუზში ფრანგების წინააღმდეგ¹. ამავდროულად პოლაპარაკების პროცესში მიღწეული იქნა შეთანხმება ესკადრის სურსათ-სანოვავით მომარაგების შესახებ და სხვ. ამ მოლაპარაკების პროცესში ტამარამ თავისი მთავრობის სახელით პორტას შესთავაზა დახმარება სახმელეთო ჯარითაც 70.000 კაცის რაოდენობით. თურქეთს შეეძლო ეს არმია გამოეყენებინა როგორც ფრანგთა მოსალოდნელი თავდასხმის შემთხვევაში, ისე მოჯანყე ფაშების წინააღმდეგ ბალკანეთზე. მაგრამ ასეთი დახმარების მიღებისაგან თურქეთმა თავი შეიკავა². შესაძლებელია ასეთი დახმარების წინადადებას რუსეთის მხრივ თურქეთის ხელისუფალთა განცვიფრება და შიშიც გამოიწვია.

რუსეთ-თურქეთის შეერთებულ ესკადრას უნდა ემოქმედა ხმელთაშუა ზღვის აუზის გარკვეულ რაიონებში, ძირითადად ეგვიპტეს, კანდიას (კრეტა), მორიის, სამხრეთ იტალიის, მალტის და იონიის კუნძულებს შორის. საჭირო შემთხვევაში მას უნდა ემოქმედა ინგლისის ფლოტთან ერთად. მისი ამოცანა იყო, ა. ბეზბოროდკოს სიტყვით რომ ვთქვათ, ფრანგების ვაჭრობის და ნავიგაციის მოსპობა, ვენეციის კუნძულების დაუფლება აღმირალ ნელსონის ესკადრასთან თანამშრომლობით, იტალიის ნაპირების დაცვა, მალტის ბლოკირება და ა. შ. მოკლედ, მას ბოლო უნდა მოეღო ფრანგთა ბაზებისათვის სამხრეთ იტალიაში, იონიის კუნძულებზე, მალტაზე და ხმელთაშუა ზღვის ცენტრალური და აღმოსავლეთის აუზის. სხვა ნაწილებში, გაენადგურებინა საფრანგეთის ვაჭრობა და ნაოსნობა ამ აუზში³.

იმ მოლაპარაკების პარალელურად, რომელიც კონსტანტინეპოლში ჩატარდა რუსეთ-თურქეთის გაერთიანებული ესკადრის მომარაგების, მარშრუტის, სამოქმედო რაიონისა და მიზანდასახულობის თაობაზე, იქვე პარალელურად დაიწყო მეორე მოლაპარაკება ურთიერთდახმარების საკავშირო „თავდაცვითი“ ხელშეკრულების დადების თაობაზე. აღნიშნულ მოლაპარაკებას რუსეთის იმპერატორის სახელით აწარმოებდა საგანგებო და სრულუფლებიანი ელჩი ვ. ტამარა. რომლის განკარგულებაშიაც იყო სათანადო ინსტრუქციები და საკავშირო-თავდაცვითი ხელშეკრულების პროექტი⁴.

¹ E. Тарле, დასახ. ნაშრ., გვ. 33.

² ვ. ტამარას 1799 წლის 1/12 სექტემბრის რეალაცია პავლესადში, Архив ВПР, № „Сношения России с Турцией“, д. 875, лл. 3—8.

³ ა. ბეზბოროდკოს 1798 წლის 6 ოქტომბრის წერილი ს. ვორონცოვისადმი. იხ. СГ. РИО. ტ. 29, № 40v.

⁴ იხ. პ. ელეს 1798 წლის 4/15 სექტემბრის რესკრიპტი ვ. ტამარასადმი და ვ. ტამარას 1/98 წლის 15/26 სექტემბრის რეალაცია პავლესადში. Архив ВПР, № „Сношения России с Турцией“, д. 800, лл. 1—7.

თურქეთ-რუსეთის მოლაპარაკება, რომელიც მიმდინარეობდა ნაშინ, როდესაც ამ ქვეყნების დაახლოებამ და თანამშრომლობამ საერთო მტრის წინააღმდეგ უკვე განვლო შემოწმების პირველი ეტაპი და მათი სამხედრო ესკადრების ურთიერთ თანამშრომლობით განმტკიცდა, წარმატებით დაგვირგვინდა. 1798 წლის 23 დეკემბერს (1799 წლის 3 იანვარს) ხელმოწერილი იქნა რუსეთ-თურქეთის სამოკავშირეო თავდაცვითი სელშეკრულება¹.

ხელშეკრულებას ჰქონდა 13 საჯარო და 13 საიდუმლო მუსლი.

ხელშეკრულების საჯარო მუსლებით ხელმოწერილი მხარეები აცხადებდნენ იშვილობას, თანხმობას და მეგობრობას ურთიერთ-მორის, 1791 წლის 29 დეკემბრის ხელშეკრულების ძალაში დატოვებას და ურთიერთის ტერიტორიის მთლიანობის და ხელუხლებლობის გარანტიას. ისინი ვალდებულებას კისრულობდნენ არ დაედოთ სხვა სახელმწიფოსთან ისეთი ხელშეკრულება, რომელიც მიმართული იქნებოდა მეორე ხელმოწერილი სახელმწიფოს ინტერესების წინააღმდეგ და დაეცვათ ურთიერთის ღირსება და უშიშროება. ისინი საზეიმო ვალდებულებას კისრულობდნენ საკირო შემთხვევაში ურთიერთ დახმარება აღმოეჩინათ ჯარით, ფლოტით, ფულით, ებრძოლათ მტრის სრულ დამარცხებამდე და არ დაედოთ სეპარატული ზავი, გაეცნოთ ერთიმეორისათვის სამხედრო გეგმები, დაეთმოთ თავიანთი ნავსადგურები ერთმანეთის სამხედრო და სატრანსპორტო გეგმებისათვის და ა. შ.

არსებითი მნიშვნელობა ჰქონდა ხელშეკრულების საიდუმლო მუსლებს, რომლებითაც განსაზღვრული იყო იმ სამხედრო-საზღვაო ძალების რაოდენობა, რომლებიც რუსეთს უნდა გაეგზავნა ხმელთაშუა ზღვაში თურქეთისათვის დასახმარებლად და რომელთაც უნდა

¹ რუსეთმა და თურქეთმა უხვად დააჯილდოვეს ტამარა რუსეთ-თურქეთის ხელშეკრულების დადების საქმეში გამოჩენილი ანერგისა და თავდადებისათვის. პავლე უბოძა მას 1500 ყმა გლეხი პოლონეთში და 1000 მანეთის წლიური შემოსავლის მქონე საკომანდორო. პორტამ იგი დააჯილდოვა 15.000 მანეთად ღირებული სათუთნით და 30.000 პიასტრით. იხ. ვ. როსტოპჩინის 1793 წლის 16 თებერვლის წერილი ს. ვორონოვიისადმი. Архив князя Воронцова, ტ. 8, გვ. 194.

² რუსეთ-საფრანგეთის სამოკავშირეო და თავდაცვითი ხელშეკრულების საჯარო მუსლების სრული ტექსტი რუსულ და ფრანგულ ენებზე სტამბური წესით დაბეჭდილი, იხ. Архив ВПР, ф. „Сношения России с Турцией“, л. 675, лл. 38—39, 47—49; Полное собр. законов Российской империи, ტ. 25, გვ. 500—502.

ემოქმედათ იქ ბრიტანეთის ხმელთაშუა ზღვის სარდლობასთან შეთანხმებით. იქვე აღნიშნული იყო, რომ შავი ზღვის სრუტეები მხოლოდ ამ წესთხვევაში იღება რუსეთის ფლოტისათვის, სოლო სხვა ქვეყნების გეგმისათვის ეს სრუტეები რჩება დაპირული. ამ ხელშეკრულების ერთ-ერთი საიდუმლო ნუსლით პორტა ვალდებულებას კისრულობდა სურსათ-სანოვაგით და ფულით მოემარაგებინა რუსეთის დაბამარე ფლოტი. ფრანგთა მორიგი აკრესიის შემთხვევაში რუსეთი ვალდებულებას კისრულობდა აღმოეჩინა თურქეთისათვის დახპარება 75-80 ათასიანი სახმელეთო არმიით და ასე შემდეგ¹.

რუსეთ-თურქეთის გაერთიანებული ესკადრის მიერ ხმელთაშუა ზღვისაჲენ გეზის აღება ფრანგების წინააღმდეგ საბრძოლველად და რუსეთ-თურქეთის ხელშეკრულების დადება მეგობრობისა და ურთიერთდახმარების შესახებ² ერთ-ერთი ბეტად მნიშვნელოვანი რგოლი იყო იმ ღონისძიებათა ჯაქვში, რომლებიც რუსეთის ცარიზმმა განახორციელა საფრანგეთის მზარდი აგრესიისათვის ზღვარის დასადებად. იგი არსებითად ნიშნავდა მეორე ანტიფრანგული კოალიციის შექმნას და საფრანგეთის წინააღმდეგ საომარი მოქმედების გამლას რუსეთისა და თუოქეთის მიერ.

მობრუნება რუსეთ-თურქეთის ურთიერთობაში დადებითი ნოვლენა იყო. იგი ხელსაყრელი იყო ორივე ქვეყნისათვის, რამდენადაც ბოლოს უღებდა მათ შორის ხანგრძლივი დროის განმავლობაში არსებულ ტრადიციულ მტრობას. მას შეეძლო სრულიად ახალი ვითარება შეექმნა მონავალში ახლო აღმოსავლეთში და მკვეთრად შეენელებინა „თავსატხი“ აღმოსავლეთის საკითხის სიმწვავე. რუსეთ-თურქეთის მეგობრული ურთიერთობა ხელსაყრელი იყო პირველ რიგში თურქეთისათვის, რამდენადაც იძლეოდა მისი ტერიტორიული მთლიანობისა და სუვერენიტეტის ჭეშმარიტ გარანტიას და ბოლოს უღებდა დასავლეთ ევროპის სახელმწიფოების ოინებს, თურქეთის შინაგან საქმეებში მათი ხელის ფათურის შესაძლებლობას. ამდენად თურქეთის მაშინდელი მესვეურების გადაწყვეტილება: რუსეთთან მტრობა მასთან კავშირ-მეგობრობით შეეცვალა, მისი თითქოსდა პარადოქსალური ხასიათის მიუხედავად, უდავოდ გონივრული, თურქეთის სახელმწიფოებრივი ინტერესებით ნაკარნახევი აქტი იყო.

¹ რუსეთ-თურქეთის ხელშეკრულების საიდუმლო მუხლები. იხ. III'A. A., ფ. Папиных, д. 800, лл. 5—15.

² ამ ხელშეკრულებას მეორე დღეს შეუერთდა ინგლისიც, უფრო გვიან კი პორტამ ცალკე ხელშეკრულება დალა ნეაპოლის სახელმწიფოსთან, იხ. Д. Миллютин, დასახ. ნაშრ., ტ. I, გვ. 72.

4. საფრანგეთის აზრების გაძლიერება იტალიაში და რუსეთ-ნეაპოლის ურთიერთდახმარების კავშირის შექმნა

საფრანგეთის რესპუბლიკის მორიგმა აგრესიამ ცენტრალურ და სამხრეთ იტალიაში, რასაც ადგილი ჰქონდა 1798 წელს, შემოთების ახალი ატმოსფერო შექმნა ევროპაში. იმ ტერიტორიულმა ცვლილებებმა, რაც საფრანგეთის ახალ აგრესიას მოჰყვა შედეგად, უხეშად დაარღვია კამპო-ფორმიოს ზავის პირობები, რომელიც ისედაც მიუღებელი იყო რუსეთისათვის და ახალი სერიოზული საფრთხე შეუქმნა მის ინტერესებს ცენტრალურ და სამხრეთ ევროპაში. მან ძალთა ახალი გააჯგუფება მოასდინა, ბოლო მიუღო კონტინენტზე დამყარებულ დროებით მშვიდობას და მძლავრი ბიძგი მისცა იმ სახელმწიფოთა სამხედრო და დიპლომატიურ ღონისძიებებს საფრანგეთის წინააღმდეგ, რომელთაც უშუალო საფრთხეს უქმნიდა საფრანგეთის მზარდი აგრესია. მეფის რუსეთმა კარგად გამოიყენა ზემოაღნიშნული ვითარება. პავლე I-ის მთავრობამ პაპის საერო და სასულიერო ხელისუფლებისა და ნეაპოლის სამეფოს მფარველად გაასალა თავი და ნეაპოლის მეფესთან სამხედრო-თავდაცვითი კავშირი შეკრა.

საფრანგეთის მორიგი აგრესია აპენინის ნახევარკუნძულზე 1798 წლის დასაწყისიდან დაიწყო. კამპო-ფორმიოს საზავო ხელშეკრულებამ ჩრდილო იტალიის მნიშვნელოვანი ნაწილი საფრანგეთს დაუმორჩილა და მის პლაცდარმად აქცია. აი ეს ტერიტორია—ციზალპინის ვასალური რესპუბლიკა—განდა ფრანგთა ახალი შეტევის ამოსავალი და მთავარი ბაზა. მორიგი აგრესიის ობიექტებს წარმოადგენენ სარდინია-პიემონტოს სამეფო, პაპის ოლქი, ნეაპოლის სამეფო და სხვა პატარა ერთეულები.

საფრანგეთის რესპუბლიკის მორიგი აგრესია აპენინის ნახევარკუნძულის აღნიშნული პოლიტიკური ერთეულების წინააღმდეგ მიზნად ისახავდა: ახალი ბაზრის ნოპოვებას საფრანგეთის ბურჟუაზიისათვის, ხელსაყრელი სახმელეთო და საზღვაო ბაზების დაუფლებას ინგლისის წინააღმდეგ წარმატებითი ბოძოლის საწარმოებლად ხმელთაშუა ზღვის ცენტრალურ ნაწილში; შუალედი ტრამპლინის მოპოვებას იონიის კუნძულებთან და ბალკანეთის ნაპევარკუნძულთან მზარდი ურთიერთობისათვის; დასასრულს, სამხედრო-სტრატეგიული პოზიციების მნიშვნელოვნად გაუმჯობესებას ავსტრიასთან და რუსეთთან ომის შემთხვევაში.

ფრანგთა მორიგი აგრესიის პირველი მსხვერპლი გახდა რომი და პაპის ოლქი. პაპის ოლქის მიმართ თავიანთი დაპყრობითი ზრახვების სისრულეში მოყვანის საბაზად ფრანგებმა გამოიყენეს 1797 წლის დეკემბერში რომის მოსახლეობის დაბალი ფენების ანტიფრანგული გამოსვლა, რომლის შედეგადაც მოკლულ იქნა ფრანგი გენერალი დიუფო. ამის საპასუხოდ დირექტორიის მთავრობამ მაშინვე გამოიწვია რომიდან თავისი წარწომადგენელი ჟოზეფ ბონაპარტი და ჩრდილო იტალიაში მყოფ საფრანგეთის ჯარების ახალ მთავარსარდალ გენერალ ბერტიეს უბრძანა დაძრულიყო „სალეთო“ ქალაქისაკენ, მოეხდინა მისი ოკუპაცია, მკაცრად დაესაჯა ქალაქის „ბრბო“ ჩადენილი „ბოროტმოქმედებისათვის“, დაემია პაპის ხელისუფლება და იქ რესპუბლიკა გამოეცხადებინა¹.

ბერტიემ სისრულეში მოიყვანა დირექტორიის განკარგულება და 1798 წლის თებერვლის პირველ რიცხვებში უმნიშვნელო წინააღმდეგობის გადალახვის შემდეგ მოახდინა რომის ოკუპაცია. რომის პაპი პიუს VI შეიპყრეს, მისი ხელისუფლება დაამხეს და თვით პაპი ჯერ ტოსკანაში გადაგზავნეს, შემდეგ კი საფრანგეთში, ღოთინეში. სადაც ვალანსის ციხე-სიმაგრეში მოათავსეს. პაპის საერო და სასულიერო ხელისუფლების დამოხობის შემდეგ რომში რესპუბლიკა გამოცხადდა².

მართალია, თეოკრატიულ-ფეოდალური მმართველობის დამხობა, რესპუბლიკის გამოცხადება და ბურჟუაზიული წესების დანერგვა „სალეთო ქალაქში“ და პაპის ოლქში პროგრესული ღონისძიება იყო და მას სიხარულით შეეგება რომის მშრომელი მასა, მაგრამ ეს სიხარული ხანმოკლე აღმოჩნდა. ფრანგმა ოკუპანტებმა ხელი მიჰყვეს ქალაქის ფასეულობათა და ხელოვნების ძვირფას ნაკეთობათა ძარცვას, თანაც საფრანგეთის დაცარიელებული ხაზინის შესავსებად და თვით საოკუპაციო არმიის შესანახად დიდძალი კონტრიბუცია შეაწერეს რომის მოსახლეობას. ამან გამოიწვია რომის მოსახლეობის იმედის გაცრუება ფრანგი „მეგობრების“ მიმართ,

¹ რუსეთის სრულუფლებიანი წარმომადგენელი ნეაპოლის სამეფოში მუსინ-პუშკინი 1798 წლის 5/16 იანვრის რეალაციაში პავლეადმი კარგად აღწერს იმ შემოთვებას, რომლითაც ნეაპოლის სამეფო კარი და ფეოდალური არისტოკრატია შეეგება ცნობას ფრანგთა რომზე ლაშქრობის შესახებ. ნეაპოლში უკვე დარწმუნებულნი იყვნენ, რომ ფრანგები პაპის ოლქის დაპყრობით არ დაკმაყოფილდებოდნენ და მალე თვით ნეაპოლის დაპყრობას განიზრახავდნენ. Архив ВПР, ф. „Сношения России с Неаполем“, д. 257, лл. 5—8.

² Д. Милютин, დასახ. ნაშრ., ტ. I, გვ. 46; А. Сорель, დასახ. ნაშრ., ტ. 5, გვ. 238.

რაც მალე სერიოზულ უკმაყოფილებებში და ცალკეულ არაორგანიზებულ ანტიფრანგულ განოსვლებში გადაიზარდა¹.

რომისა და პაპის ოლქის დაუფლების შემდეგ ფრანგებმა დღის წესრიგში დააყენეს სარდინია-პიემონტის სამეფოს და ტოსკანისა და პარმის საჰერცოგოების ლიკვიდაციის საკითხი. ძალის დემონსტრაციით და ადგილობრივი აგენტურის წაქეზებით საფრანგეთმა მალე გადადგა პრაქტიკული ნაბიჯები დასაბუღი აგრესიული ამოცანის სისრულეში მოსაყვანად².

1798 წლის 17/28 ივლისის კონვენციით, რომელიც იტალიაში მოქმედ საფრანგეთის არმიის სარდლობასა და დაშინებულ პიემონტ-სარდინიის მეფე კარლ-ემანუილს შორის დაიდო, ამ უკანასკნელმა ფრანგებს დაუთმო სატახტო ქალაქ ტურინის ციტადელი³. ამით მან ფართოდ გაუღო თავისი სახელმწიფოს კარები ფრანგებს, რაც მათ კარგად გამოიყენეს და მალე თავიანთი ბატონობა მთელ პიემონტზე დაამყარეს. უფრო მოკლე დროში და „უსისხლოდ“ ჩატარდა ფრანგთა შესატყვისი „ოპერაცია“ ცენტრალური იტალიის პატარა ფეოდალური ერთეულების მიმართ.

ორივე სიცილიის ან ნეაპოლიტანიის სამეფოს მიმართ ფრანგები გარკვეულ დრომდე მეტად მოხერხებულად მოქმედებდნენ. მათი აგენტები დაჟინებით უმტკიცებდნენ ნეაპოლის მეფეს: საფრანგეთის რესპუბლიკას არავითარი მტრული ზრახვები არ ამოქმედებს თქვენი სახელმწიფოს მიმართ, თქვენ შეგიძლიათ გულდანშვიდებით იყოთ და საფრანგეთთან კეთილმეზობლური ურთიერთობა შეინარჩუნოთ⁴. მაგრამ ნეაპოლის სამეფოს მესვეურნი არ სცდებოდნენ და კარგად გრძნობდნენ იმ საფრთხეს, რაც მათ მოელოდათ ფრანგთაგან, რომლებიც უკვე დაუფლნენ ცენტრალურ იტალიას და იქ რესპუბლიკის დროშა ააფრიალეს⁵. ისინი გამაფრთხილებელ ზონებს ლებულობენ: აძლიერებენ რომის ოლქის

¹ მუსინ-პუშკინი შორივ რელაციაში 1798 წლის 6/17 იანვრის და 13/24 თებერვლის თარიღით საინტერესო ცნობებს იძლევა რომში შექმნილი ვითარების შესახებ. იხ. Архив ВПР, ф. „Спошениа России с Неаполем“. л. 263 ил. 26—29, 32—37.

² A. Соре.т.и.с., დასახ. ნაშრ., ტ. 5, გვ. 242—243.

³ იქვე. გვ. 257.

⁴ იქვე, გვ. 243.

⁵ ინგლისთან მჭიდრო კავშირში ყოფნა, ნელსონის ფლოტის ნეაპოლის წყლებში თავისუფალი მიმოსვლა, ფარული მოლაპარაკება რუსეთთან და ავსტრიასთან, რასაც ნეაპოლის სამეფო ახორციელებდა, საკმარ მოტივად მიიჩნდათ ამ სახელმწიფოს მესვეურებს იმისათვის, რომ ფრანგების რისხვის შინებოდათ.

საზღვრებთან დაბანაკებული ჯარის ნაწილებს, ინგლისისაგან დამატებით იარაღს იღებენ, ანაგრებენ ჩრდილო საზღვარზე არსებულ სიმაგრეებს და რუსეთთან და ავსტრიასთან ფარულ მოლაპარაკებას ეწევიან დასაბოლოების მიღების თაობაზე. ამავე დროს, ნეაპოლის მეფე ცდილობს დაარწმუნოს საფრანგეთის მთავრობა, რომ იგი მტკიცე ნეიტრალიტეტის და მშვიდობის მომხრეა და საფრანგეთის მტრებთან კავშირში არ იმყოფება¹.

ნეაპოლის მთავრობის ორპირი პოლიტიკა² მრავალრიცხოვანი აგენტების მეშვეობით ცნობილი გახდა საფრანგეთისათვის, რამაც მას ნეაპოლზე ასალი ზემოქმედების და მისდამი ულტიმატუმის წაყენების საბაბი მისცა. ივლისში საფრანგეთის რესპუბლიკამ ნეაპოლის მთავრობას მოსთხოვა პოლიტიკურ პატიმართა (ე. ი. რესპუბლიკის ომბრეთა — ე. დ.) განთავისუფლება, ყველა თავისი ნავსადგურის დაიურვა ინგლისისათვის და მესინის ნავსადგურის დათმობა საფრანგეთის ფლოტისათვის. საფრანგეთის რესპუბლიკის მოთხოვნის მიღება ნიზნედა ნეაპოლის სახელმწიფოს მიერ პიემონტის სამეთოს ხვედრის გაზიარებას და მის ნებაყოფლობით კაპიტულაციას. ამ ულტიმატური მოთხოვნის უარყოფა კი მოასწავებდა საფრანგეთის აშკარა გადამტერებას და მასთან ომზე კურსის აღებას. ინგლისის, ავსტრიის და რუსეთის ელჩების რჩევა-ჩაგონების შედეგად ნეაპოლის მთავრობამ უარყო ფრანგთა მოთხოვნები და, რაკი საფრანგეთთან ომი გარდუვალი იყო, მისი აგრესიის ჩასაშლელად თვით განიზრახა პაპის ოლქში შექრა.

¹ მუსინ-პუშკინი 1798 წლის 13/24 თებერვლის რეალაციაში პავლესადმი დეტალურ ცნობებს იძლევა რა ნეაპოლის სამეფოს მიერ მიღებული გამაფრთხილებელი ზომების შესახებ, დასძენს: „...Его величество старается сколько возможно не подать Директории повода обвинить Его по справедливости каким либо поступком оскорбительным для Ея“. Архив ВПР, ф. „Сношения России с Неаполем“, д. 263, л. 36.

² კერძოდ ავსტრია-ნეაპოლის სამოკავშირო ხელშეკრულების დადებად ვენაში 1798 წლის 8/19 მაისს. ამ ხელშეკრულებით ავსტრიამ ნეაპოლის მეფეს აღუთქვა 60—80 ათასიანი არმიის თავმოყრა ირალიის საზღვარზე და იარაღით და არპიით დახმარება, ნეაპოლის მეფემ, თავის მხრივ, ვალდებულება იკისრა თავისი სამეფოს ავსტრიის სამფლობელოების მოსაზღვრე ზონაში განულაგებონ 30—40 ათასიანი არმია, თანაც ადრიატიკის ზღვაზე ჰყლოდა 3—4 ფრეგატი ამ ორ ქვეყანას შორის ვაჭრობის უზრუნველსაყოფად. Архив ВПР, ф. „Сношения России с Неаполем“, д. 264, л. 75—81. მუსინ-პუშკინის 1798 წლის 6/17 ივლისის რეალაციაში პავლესადმი ვრცლად არის მოთხრობილი ამ ამბების შესახებ, თანაც ავსტრია-ნეაპოლის აღნიშნული ხელშეკრულების შინაარსიც არის გადმოცემული.

ნეაპოლის სამეფო კარმა საფრანგეთის რესპუბლიკის წინააღმდეგ ბრძოლაზე კურსი აიღო არა საკუთარი ძალებისადმი რწმენის შედეგად, არამედ ინგლისის და ევროპის კონტინენტის ორი დიდი მონარქიის—ავსტრიის და რუსეთის—დახმარების იმედით. ეს ვარაუდი სინამდვილესთან ახლოს იყო. საფრანგეთის მიერ ნეაპოლის ჩაყლაპვა და მისი სახმელეთო საზღვაო ბაზების ხელში ჩაგდება სრულიად მიუღებელი იყო აღნიშნული სახელმწიფოებისათვის. იგი ეკონომიურად, პოლიტიკურად და სამხედრო-სტრატეგიული მხრივ დიდ უპირატესობას მიანიჭებდა საფრანგეთის რესპუბლიკას და შესატყვისად გააუარესებდა რუსეთისა და ავსტრიის პოზიციებს. ამიტომ იყო, რომ ინგლისის ფლოტი ნეაპოლიტანიის სამეფოს ნავსადგურების ხშირი „სასურველი“ სტუმარი იყო, ამიტომ ჰპირდებოდა მას ავსტრიის მთავრობა ეფექტურ დახმარებას ჯარით, იარაღით და გამოცდილი გენერლებით.

რუსეთის მთავრობა ჩვენი შეხედულებით, ორმხრივად იყო დაინტერესებული ნეაპოლის სამეფოს ბედ-იღბლით. ერთის მხრივ, ეს დაინტერესება განპირობებული იყო რუსეთის სახელმწიფოს „საარსებო“ ინტერესებით; საფრანგეთის შემდგომი აგრესიის აღკვეთის საჭიროებით, ხმელთაშუა ზღვის აუზის ცენტრალურ ნაწილში ფეხის მოკიდების სურვილით და დაცვით-მონარქისტული პრინციპით, მეორეს მხრივ. ეს უკანასკნელი პრინციპი უკარნახებდა მას ყოფილიყო „ტახტთა და საკურთხეველთა დამცველი“, მონარქისტული პრინციპის პალადინი.

მაგრამ იყო სხვა მოტივიც, რომელიც, ჩვენი აზრით, ბიძგს აძლევდა მეფის რუსეთის დიპლომატიას ნეაპოლის სამეფოს ქომაგად გამოსულიყო და მისთვის მფარველობის კალთა გადაეფარებინა. მალტაზე და იონიის კუნძულებზე ფეხის მოკიდების შემთავებაში, რის სისრულეში მოყვანის განზრახვას ასე ელოლიავებოდა მეფის რუსეთი, რუსეთს აუცილებლად ესაჭიროებოდა აპენინის ნახევარკუნძულის ან სიცილიის რომელიმე ნავსადგურში დამკვიდრება. ამით იგი განიმტკიცებდა თავის მდგომარეობას ზემოდასახელებულ ორ რაიონში და შექმნიდა ბაზების თავისებურ სამკუთხედს. რაკი მოსალოდნელი იყო რუსეთ-ავსტრიისა და რუსეთ-ინგლისის ინტერესთა მკვეთრი დაჯაიება საფრანგეთის აგრესიის აღკვეთის შემდეგ, მეფის რუსეთი, ცხადია, აღნიშნულ ბაზებს სწორედ მათ წინააღმდეგ გამოიყენებდა. რაკი აღმოსავლეთის საკითხში რუსეთის მთავარ მოქიშპეს და მოწინააღმდეგეს მაინც ინგლისი წარმოადგენდა, რუსეთის მიერ სამიართ იტალიაში ფეხის მოკიდება და იქ სათანადო ბაზის მოპოვება, თუ ერთის მხრივ, საფ-

რანგეთის წინააღმდეგ იყო მიმართული, მეორე მხრივ, იგი ინგლისის წინააღმდეგაც იყო გამიზნული.

ამიტომ იყო, რომ პავლე I-ის მთავრობამ გადაწყვიტა დახმარება აღმოეჩინა ნეაპოლის სამეფოსათვის საფრანგეთის მოსალოდნელი აგრესიის წინააღმდეგ ბრძოლაში. პეტერბურგის სამეფო კარმა ენერგიული დიპლომატიური საქმიანობა გააჩაღა ამ სახელმწიფოს მთავრობასთან და იგი მოკავშირედ და ანტიფრანკული კოალიციის აქტიურ წევრად აქცია. პავლე I-ის მთავრობის დიპლომატიური საქმიანობა ნეაპოლის სამეფოში წარმატებით დაგვირგვინდა და 1798 წლის დასასრულისათვის აღმოცენდა ამ ორი ფეოდალური მონარქიის მჭიდრო კავშირ-ურთიერთობა, რომელმაც თავისი კონკრეტული გამოხატულება ურთიერთდახმარებისა და სამოკავშირეო ხელშეკრულების დადებაში ჰპოვა.

ეს ხელშეკრულება დაიდო პეტერბურგში 1798 წლის 18/29 ნოემბერს¹. ამ ხელშეკრულებით ხელმომწერმა მხარეებმა მიზნად დაისახეს *Status quo ante bellum*-ის აღდგენა. ეს კი გულისხმობდა ფრანგთა განდევნას იტალიიდან და მათ მიერ დამხობილ მონარქთა და მმართველთა აღდგენას მათს ყველ „კანონიერ“ უფლებებში. რუსეთის ცარიზმი ამ ხელშეკრულების ძალით კისრულობდა ვალდებულებას დახმარებოდა ნეაპოლის მთავრობას სახელმწიფოს საზღვრების დაცვაში როგორც ფლოტით, ისე სახმელეთო ჯარითაც. კერძოდ იგი ვალდებულებას კისრულობდა გაეგზავნა ნეაპოლის ტერიტორიაზე ჯარის ერთი კორპუსი 9 ბატალიონის, არტილერიისა და კაზაკთა ორი ასეულის შემადგენლობით².

დამამარე კორპუსი ნეაპოლის სამეფოში უნდა ჩასულიყო თურქეთისა და ავსტრიის სანფლობელოებზე გავლით. კორპუსის შენახვა გზაში რუსეთს ეკისრებოდა, ნეაპოლის სამეფოში ჩასვლის შემდეგ კი—ნეაპოლის სამეფო კარს. აღნიშნული ხელშეკრულება, ამასთან ერთად, ითვალისწინებდა ერთობლივ ღონისძიებებს ფრანგების ხელში მყოფი მალტის გასანთავისუფლებლად.

¹ ნეაპოლის მეფის სახელით მას ხელი მოაწერა ამ სახელმწიფოს ელჩმა პეტერბურგში ჰერცოგმა სეზა-კამპარიოლამ, რუსეთის მხრივ კი—ა. ბეზბოროდკომ და თ. როსტოპჩინმა. იგი რატიფიცირებული იქნა დავიანებით—1799 წლის 25 მარტს (5 აპრილს), მეორე ანტიფრანკული კოალიციის გაფორმების შემდეგ. ხელშეკრულების სრული ტექსტი იხილეთ: ЦРАДА ф. Иностранн., д. 313, л. л. 60—65.

² იხ. პავლეს 1798 წლის 19 დეკემბრის რესკრიპტი გრაფ ნ. პ. პანინსადმი, რომელშიაც ვრცლად არის გადმოცემული აღნიშნული ხელშეკრულების წმინდა სამხედრო მხარე. Архив князя Суворова, т. II, გვ. 272.

ამ ღონისძიებათა შორის გათვალისწინებული იყო რუსეთიდან გრენადერთა 3 ბატალიონისა და 300 არტილერიისტი გაგზავნა ნეაპოლში. მალტის განთავისუფლების შემდეგ აღნიშნული სამხედრო შენაერთი კუნძულის გარნიზონისათვის იყო განკუთვნილი.

დიდი და ძლიერი მოკავშირეების დაამარებით დაიმედებულმა ნეაპოლის სამეფომ¹ გადაწყვიტა სისრულეში მოეყვანა თავისი განზრახვა საფრანგეთის მიმართ. 1798 წლის ნოემბრის პირველ რიცხვებში მან თავისი ჯარი (სულ 40 ათასი კაცი) ცნობილი ავსტრიელი გენერლის მაკის სარდლობით რომისაკენ დაძრა.

საფრანგეთის არმიის სარდალმა პაპის ოლქში გენერალმა შამპიონემ, რომლის განკარგულებაში ამ დროისათვის სულ 15 ათასი კაცი იყო, საჭიროდ მიიჩნია წინააღმდეგობის გაწევისაგან თავი შეეკავებინა; უბრძოლველად დაეცალა ქალაქი რომი და მის გარეუბანში გამაგრდა. 1798 წლის 18/29 ნოემბერს ნეაპოლის სამეფოს „უძლეველი“ არმია უბრძოლველად შევიდა „საღვთო“ ქალაქში. მეფე ფერდინანდმა მაშინვე „ახალი წესრიგი“ დაამყარა ქალაქში და ენერგიულად მოჰკიდა ხელი „ღვთისა და კანონის“ მგმობთა სასტიკ ღვეწას².

ნეაპოლის არმიის „გამარჯვებით“ გამოწვეული ზეიმი ნეაპოლსა და თვით რომში მეტად ხანმოკლე აღმოჩნდა³. გენერალი შამპიონე დაწმარე ძალის მიღების შემდეგ თვით გადავიდა შეტევაზე ნეაპოლის არმიის წინააღმდეგ, რომელიც რომში ფეხის მოკიდების შემდეგ უკვე აღარ წარმოადგენდა არმიას ამ სიტყვის

¹ ამ დროისათვის ნეაპოლმა ინგლისთანაც დადო ურთიერთდამარებისა და მეგობრობის ხელშეკრულება.

² მუსინ-ჰემფინი 1798 წლის 26 ოქტომბრის (6 ნოემბრის) 9/20 ნოემბრის და 23 ნოემბრის (4 დეკემბრის) რეალაკტებში დაწვრილებით აღწერს ნეაპოლის არმიის სალაშქრო მზადებას, მის ლაშქრობას რომისაკენ. რომში უბრძოლველად შესვლას და იმ ზოგებს, რომლებიც ნეაპოლის მეფემ მიიღო იქ ძველი წესების აღსადაგნად. თუ მის სუბიექტურ და ტენდენციურ ცხოვრებს დაუფიქვრებთ, რომის მოსხლეობა ალტაცებით შეეგება მათ „განათავისუფლებლებს“. Архив БилР. ф. „Пошествию России в Неаполем“, 1798, д. 264. лл. 54—61, 64—71, 72—77, 87—90.

³ ფრანგებისადმი მტრულად განწყობილი ა. ვისკოვატოვიც კი აღნიშნავს, რომ ნეაპოლის არმიის რომში შესვლა აღინიშნა „ბრახს“ აღვირაზსნილობით და ფრანგების მოშრეების, რესპუბლიკელების, ებრაელების ბოცვა-ჟღერით, საშინელო შროისამძიებელი სისხლის ღვრით, ნეაპოლიტანელებმა თვით მიიღეს მონაწილეობა ამ სისაძაგლეებში. А. Висковатов, Военные происшествия в Неаполитанском Королевстве 1793—1799 гг., „Славянин“, 1927, ч. 4, гл. 443.

ნამდვილი მნიშვნელობით. 9 დეკემბერს საფრანგეთის არმიამ ისევ დაიბრუნა რომი. მაგრამ რომის ალებით და პაპის ოლქის გაწმენდით არ დამთავრებულა ბრძოლა ფრანგებსა და ნეაპოლის არმიას შორის. საფრანგეთის არმია დაედევნა დემორალიზებულ, დამფრთხალ და ბრძოლისუნარიანობას მოკლებულ მტრის არმიას. ნეაპოლიტანიის არმია ყოველგვარი წინააღმდეგობის გარეშე უწყესრიგოდ უკან იხევდა. ნეაპოლიტანიის მეფე ფერდინანდი და სარდლობა თვით აძლევენ არმიის პირად შემადგენლობას სწრაფი უკან დახვეისა და სამარცხვინო სიმხდალის მაგალითს. ხუთი კვირის შემდეგ ნეაპოლიტანიის „არმიისაგან“ არაფერი არ დარჩენილა, მან შეწყვიტა არსებობა.

ნეაპოლიტანიის მეფის შთელი ეს სამხედრო „წამოწყება“ სრული კატასტროფით დამთავრდა. ნეაპოლიტანიის სამეფომ შეწყვიტა არსებობა. 1798 წლის 21 დეკემბერს (1799 წლის 1 იანვარს) მეფე ფერდინანდმა, სამეფო სახლმა და ფეოდალური არისტოკრატიის მრავალრიცხოვანმა ხროვამ დასტოვეს ნეაპოლი და ინგლისის ფლოტის დახმარებით სიცილიას შეათარეს თავი. ქალაქი ნეაპოლი და ნეაპოლიტანიის უდიდესი ნაწილი საფრანგეთის ჯარების მიერ იქნა ოკუპირებული¹.

1799 წლის იანვარში ფრანგმა დამპყრობლებმა ნეაპოლიტანიის სამეფოში ბოლო მოუღეს მონარქიას და იქ „პარტენოპეს“ რესპუბლიკა გამოაცხადეს². ნეაპოლიტანიის სამეფოს ოკუპაციით საფრანგეთმა არსებითად დაამთავრა იტალიის პლაცდარმისათვის ბრძოლა. აპენინის ნახევარკუნძულის მნიშვნელოვანი ბაზები და ნავსადგურები ფრანგთა ხელში მოექცა.

იტალიის პლაცდარმისათვის საფრანგეთის რესპუბლიკასა და მის მოწინააღმდეგეებს შორის ბრძოლის პირველი თაზა მაშინ დამთავრდა, როდესაც უკვე შეიქმნა მეორე ანტიფრანგული კოალიცია, ხოლო რუსეთის ფლოტი ხმელთაშუა ზღვაში ბრწყინვალე ოპერაციებს აწარმოებდა საფრანგეთის წინააღმდეგ. მეფის რუსე-

¹ ვისკოვატოვის დასახელებულ ნაშრომში დაწვრილებით და თანმიმდევრობითაა მოთხრობილი ფრანგების მიერ რომის კვლავ დაპყრობა, ნეაპოლის სამეფოზე ლაშქრობა, ნეაპოლში ნებრა და მისი ოკუპირება. იხ. А. Висковатов, *დასახ. ნაშრ.*, „Синодическ.", 1827. წ. 4, გვ. 445—449, 473—490.

² А. Сопель, *დასახ. ნაშრ.*, ტ. 5, გვ. 304—312; Е. Тарле, *დასახ. ნაშრ.*, გვ. 161; Наполеон, *Истор. проиш.* ტ. I, გვ. 295—303; Архив ВПР, ф. „Сношения России с Наполеом“, მუნი-პუშკინის 1798 წლის 30 ნოემბრის (11 დეკემბერს) დ. 246, პ. 93—100, 1799 წლის 25 იანვრის (1799 წლის 5 თებერვლის) რელაცია, დ. 272, მლ. 16—18.

თისათვის იტალიელი მოკავშირის დამარცხება სერიოზული სამხედრო-პოლიტიკური და მორალური დარტყმა იყო. ამ დარტყმისათვის მას — ანტიფრანგული კოალიციის ერთ-ერთ ორგანიზატორს — უნდა ეპასუხა საბრძოლო განწყობილების გაძლიერებით და ფრანგთა წინააღმდეგ მთელ ფრონტზე ენერგიული ბრძოლის გაშლით.

ეს ასეც მოხდა. 1799 წლის ომი რუსეთსა და საფრანგეთს შორის ამის გამოხატულებას წარმოადგენდა.

5. პოლონეთის და ჰამბურგის საკითხების როლი მეორე ანტიფრანგულ კოალიციაში რუსეთის ჩაბმის საქმეში

რუსეთ-საფრანგეთის ურთიერთობაში ერთ-ერთ ფიცი მასალას, რომელმაც ხელი შეუშალა მათ დაახლოებას და, პირიქით, რუსეთის მთავრობას ბიძგი მისცა იარაღი აღემართა საფრანგეთის წინააღმდეგ და მეორე ანტიფრანგული კოალიციის ორგანიზატორი გამხდარიყო, პოლონეთის და ჰამბურგის საკითხები წარმოადგენდა.

რევოლუციამდელი რუსი ისტორიკოსები დ. მილიუტინი, ს. ტატიშჩევი, კ. ვალიშევსკი, ა. ბრიკნერი და სხვები გვერდს არ უვლიან პოლონეთის საკითხს. ისინი თავიანთი ნაშრომების ვარკვეულ თავებში იძლევიან ცნობებს რუსეთის პოლონური ოლქების მიმართ საფრანგეთის დირექტორიის ინტრიგების კონკრეტული ფაქტების შესახებ. ყურადღების გარეშე არ სტოვებენ იმ რეაქციასაც, რომელსაც ეს აქტები იწვევდა რუსეთის მმართველ ზედაფენაში. მაგრამ ისინი კმაყოფილდებიან ფაქტების უბრალო კონსტატაციით, არ იხილავენ ამ საკითხს სხვა საკითხებთან კონტაქტში. გარდა ამისა, ჩვენი აზრით, ისინი სათანადოდ ვერ აფასებენ პოლონეთის საკითხის ადგილს რუსეთ-საფრანგეთის ურთიერთობაში და მკვეთრად არ გახაზავენ მის როლს 1799 წლის რუსეთ-საფრანგეთის ომის აღმოცენებაში. საფრანგეთის ხელისუფლების და მისი მრავალრიცხოვანი აგენტურის ინტრიგებს პოლონური ოლქების მიმართ, პოლონელ ემიგრანტთა წაქეზებას მათ მიერ ისინი ჯეროვან მნიშვნელობას არ ანიჭებენ. ამიტომ არის, რომ პეტერბურგის სამეფო კარის რეაქციას ფრანგების ამ ძირგამომთხრელ საქმიანობაზე ისინი რამდენადმე გაზვიადებულად მიიჩნევენ¹.

¹ Д. Милютин, *დასახ. ნაშრ.*, ტ. I, გვ. 49—50; Tatischeff, *დასახ. წერილი*, იხ. *ფურ.* „La Nouvelle Revue“, 1887, ტ. 47, წიგნები III და IV, გვ. 663—664; К. Валашевский, *დასახ. ნაშრ.*, გვ. 314—315, 330—332; А. Брикнер, *დასახ. კრებული*, Материалы... ტ. 3, გვ. 2—4.

ჩვენს მიერ ზემოდასახელებული საბჭოთა ისტორიკოსები: როკლებიც გაკვრით ეაებთან რუსეთ-საფრანგეთის ურთიერთობას ბეორე ანტიფრანგული კოალიციის მომზადების, მისი ამოქმედებისა და ამ კოალიციის დაშლის პერიოდში, მხოლოდ სპორადურ ცნობებს იძლევიან პოლონეთის საკითხის შესახებ. ჩვენ ვფიქრობთ, რომ ეს ხარვეზია. რომელიც უნდა გამოსწორდეს. ჩვენ ერთხელ კიდევ ვიმეორებთ, რომ იმ მრავალ ფიცხ მასალათა შორის, რომელთა კომპლექსმა მეორე ანტიფრანგული კოალიციის შექმნა და რუსეთ-საფრანგეთის 1799 წლის ომი წარმოშვა, ერთ-ერთი მნიშვნელოვანი ფიცხი მასალის როლი სწორედ პოლონეთის საკითხმა შეასრულა.

ჩვენს ხელთ არსებული საარქივო ფონდების მასალები და გამოქვეყნებული დოკუმენტები. რომლებიც „პოლონეთის საკითხს“ ეხებიან, ცხადპყოფენ მის სერიოზულ მნიშვნელობას. ეს ცნობები ამტკიცებენ, რომ საფრანგეთის დირექტორია როგორც აშკარად. ისე ფარულად ეწეოდა საქმიანობას. რითაც რუსეთს აყენებდა ზიანს, საბელდობრ, აწყობდა პოლონელ ემიგრანტთა წაქეზებას და რუსეთის პოლონურ ოლქებში წკლის ამღვრევას. ამ საქმიანობის განსაარციელებლად მას აგენტებიც ჰყავდა შერჩეული და ფულადი სასარგებოც ჰქონდა განყოფილი. მოქმედებდა რა ასე. იგი. რა თქმა უნდა. არ ფიქრობდა უანგარო მიზანზე პოლონეთის დამოუკიდებლობაზე. მას „პოლონეთის საკითხი“, დამოუკიდებელი პოლონეთის აღდგენის ლოზუნგები თავისი საქსპანსიო ძიხნებისათვის სურდა გამოეყენებინა.

ა. პოლონეთის საკითხი

მართალია, პოლონეთის საკითხს, კერძოდ საფრანგეთის რესპუბლიკის ინტრიგებს რუსეთის პოლონური ოლქების წინააღმდეგუფრო დიდი ხნის ისტორია აქვს. ვიდრე საფრანგეთ-რუსეთის ბანმოკლე დაბლოების და მეორე ანტიფრანგული კოალიციის შემზადების პერიოდს, მაგრამ ამ საკითხის მთავარი სინწვავე სწორედ ამ პერიოდზე, 1797—1798 წლების მონაკვეთზე მოდის. რუსეთის პოლონური ოლქების მიმართ საფრანგეთის დირექტორიის ოინებმა და ძირვამომთხრელმა საქმიანობამ, რომელიც წარმოადგენდა, როგორც რუსეთის არსებული სოციალური სისტემის, ისევე მის ტერიტორიულ მთლიანობისა და ხელშეუბებლობის ხელყოფას. ნკაფიოდ გამოაფლინა საფრანგეთის რესპუბლიკის მტრული ზრახვები რუსეთის მიმართ. მან ერთხელ კიდევ ნათლად ცხადპყო რუ-

სეთის ზინართ საფრანგეთის დირექტორიის „საქმეიდობო“ მისწრაფების არაგულწრფელი ხასიათი.

პოლონეთის მესამე გაყოფის შედეგად (1795 წელს) მეფის რუსეთმა, პრუსიამ და ავსტრიამ, როგორც ცნობილია, სავსებით ბოლო მოუდეს პოლონეთის დამოუკიდებელ არსებობას და ერთმანეთში „მეგობრულად“ გაინაწილეს მისი ტერიტორია. მაგრამ ამ უაჩაღურ და უსაპართლო ისტორიულ აქტს, რომელიც პოლონელი ხალხის ტრაგედიად იქცა, არ მოუსპია და არც შეეძლო მოესპო პოლონეთის საკითხი. წართალია, პოლონეთის განმანაწილებელ სახელმწიფოთა ურთიერთობაში მან დაკარგა ძველი მნიშვნელობა და არსებითად ამ სახელმწიფოთა შინასაკითხად იქცა, მაგრამ იგი, მიუხედავად ამისა, მაინც დარჩა ერთ-ერთ ევროპულ პრობლემად. ეს საკითხი დროდადრო მაინც ამოტივტივდებოდა ხოლმე ზედაპირზე და ევროპის დიდ სახელმწიფოთა პოლიტიკურ ურთიერთობაზე გავლენას ახდენდა. საფრანგეთის რევოლუციის ხანაში და მის მომდევნო წლებში (კერძოდ დირექტორიის მმართველობის წლებში), იგი თავს იჩენს ორი სოციალური სისტემის ბრძოლის პროცესში. კერძოდ საფრანგეთ-რუსეთის ურთიერთდამოკიდებულებაში.

რუსეთის მთავრობა, როგორც არაერთხელ იყო ხაზგასმული, უსასტიკეს ზომებს იღებდა „შინაგან ფრონტზე“ საფრანგეთის რევოლუციის ყოველგვარი გავლენის წინააღმდეგ. მას სურდა ჩინური კედელი აღემაართა რუსეთის იმპერიასა და საფრანგეთის რევოლუციის „დაწანგრეველ“ ძალას შორის. განსაკუთრებულ ყურადღებას ამ მიმართულებით იგი ახლად შემოერთებულ პოლონურ სამფლობელოებს აქცევდა და ეს განსაკუთრებული „ზრუნვა“, ყურადღება პოლონური ოლქებისადმი, სავსებით კანონზომიერი და მიზანშეწონილი იყო. რუსეთის მიერ დაპყრობილი ყოფილი პოლონეთის ვრცელი ტერიტორია რუსეთის იმპერიის ყველაზე უფრო ახლად შემოერთებულ ოლქს წარმოადგენდა, რომელიც ჯერ კიდევ არ იყო სავსებით დაშოშმინებული. საგანგებო სამხედრო და პოლიციური ღონისძიებების გარეშე აქ მუდამ მოსალოდნელი იყო გართულებანი. დაპყრობილი, დამოუკიდებლობას და ნაციონალურ უფლებას მოკლებული პოლონელი მოსახლეობა (პან-შლიახტური ფეოდალური არისტოკრატიის ერთი ჯგუფის გამოკლებით) სულაც არ აპირებდა შერიგებოდა თავის ხეიდრს და დროდადრო, აშკარად თუ ფარულად, ავლენდა თავის შეურიგებლობას. ნაციონალური ჩაგვრა აქ გადახლართული იყო ფეოდალური ჩაგვრის მწვავე ფორმებთან, პოლონური ოლქების ასეული ათასობით ყმა გლეხი,

რომელიც ყოფილ მფლობელებს ჩამოერთვათ, პავლემ საჩუქრად დაურიგა სასახლის ფეოდალური არისტოკრატისა და გენერალიტეტის წარმომადგენლებს, ფავორიტებს, ეკლესიას და ა. შ.

ბუნებრივია, აღნიშნულის გამო, პოლონური ოლქების მოსახლეობა იმპერიის ყველაზე ნაკლებ ერთგულ ქვეშევრდომთა მასას შეადგენდა, რომელიც შეიძლებოდა ადვილად მოქცეულიყო საფრანგეთის რევოლუციის იდეების გავლენის ქვეშ. „დაავადებულიყო“ მისი „გამხრწნელი ბაცილით“. ამასთან ერთად, მხედველობაში მისაღებია ის გარემოებაც, რომ პოლონური ოლქები განაპირა, საზღვრისპირა ოლქებს წარმოადგენდნენ, რომლებიც თავისი გეოგრაფიული მდებარეობის გამო ყველაზე მეტად სახიფათო იყვნენ დასავლეთიდან მქროლავი „მეამბოხე სულის“ გავლენის ქვეშ მოქცევისათვის. დასასრულ, დაპყრობილი პოლონური ტერიტორია იმპერიის დასავლეთის საზღვრის ყველაზე შორს გაწეული ნაწილი იყო. ამდენად მას დიდი სამხედრო-სტრატეგიული მნიშვნელობა ჰქონდა. იგი იმპერიის თავდაცვის სისტემაში ერთ-ერთ მთავარ ბასტიონს წარმოადგენდა.

რათა თავიდან აეცილებინა მოსალოდნელი გართულებანი და დაეცვა პოლონური ოლქები გარეგანი გავლენისაგან, რუსეთის მთავრობას აქ განლაგებული ჰყავდა ჯარის ძლიერი ნაწილები, გაძლიერებული იყო მისი საზღვრების დაცვა, თანაც მაქსიმალურად შეზღუდული იყო მის ფარგლებში გერმანიიდან შესვლა. ამ ოლქების მკვიდრ მოსახლეობაზე დაწესებული იყო განსაკუთრებული მეთვალყურეობა, რასაც საპოლიციო და ჯაშუშური ორგანიზაციები ახორციელებდნენ, თანაც განსაკუთრებულ შემოწმებას ექვემდებარებოდნენ ის უცხოელები, რომლებიც ვაჭრობის თუ სხვა მიზნით ამ ტერიტორიის დროებითი სტუმრები ხდებოდნენ.

მიუხედავად ზემოაღნიშნული ზომებისა, რუსეთის მთავრობა მაინც არ გრძნობდა თავს უშიშრად იმპერიის პოლონურ ნაწილში. პავლე I იქ ახალ-ახალ პოლიციურ ზომებს მიმართავდა და დამატებით განკარგულებებს აძლევდა პოლონური ოლქების სამხედრო და სამოქალაქო ხელისუფალთ ამ მიმართულებით. რუსეთის დიპლომატიურ წარმომადგენლებს და აგენტებს ბერლინში, ვენაში და გერმანიის წვირილ საიელმწიფოებში პეტერბურგიდან დროგამოშვებით მისდიოდათ მითითებები სისტემატურად ედევნებინათ თვალყური პოლონელ ემიგრანტთა ყოფაქცევისათვის, ისევე როგორც ფრანგ აგენტთა საქმიანობისათვის. მათ ევალეობოდათ აშკარა და ფარული „არხების“ შემწეობით შეეგროვებინათ ცნობები ყველა იმ განზრახვათა შესახებ, რომლებიც რუსეთის მთლიანობისა

და უშიშროების წინააღმდეგ იყენენ მიმართულნი და პოლონურ ოლქებში წყლის ამღვრევას ისახავდნენ მიზნად. ასეთი ცნობების შესაგრავებლად მათ უფლება ჰქონდათ საიდუმლო ფონდებიდან გარკვეული თანხებიც კი დაეხარჯათ.

რუსეთის იმპერატორს და ფეოდალური არისტოკრატის მმართველ ზედაფენას სერიოზულად აფიქრებდა ფრანგების ონიქები. მათ აზინებდა დირექტორიის მრავალრიცხოვანი აგენტების ძირგამომთხრელი საქმიანობა. ამბობენ შიშს დიდი თვალები აქვსო: პეტერბურგში გამორიცხულად როდი თვლიდნენ ფრანგთაგან წაქეზებული პოლონელების აჯანყებას.

ზოგიერთი პოლონელის დაკითხვიდან, რომელნიც აღმოჩნდნენ დამნაშავენი ჩვენი ხელისუფლებისა და ჩვენი იმპერიის მყუდროების წინააღმდეგ ბოროტ განზრახვებში, — სწორდა პავლე I-ის პ. პანიინს 1798 წლის 11 იანვრის რესკრიპტში, — ჩვენ დიდ განცვიფრებით გავიგეთ, რომ ზოგიერთი მათგანი წერილობით მიმართაუდა საფრანგეთის მთავრობას, სთხოვდა მას დახმარებას და თან სთავაზობდა ჩვენდამი დაქვემდებარებულ პროვინციებში რევოლუციის მოხდენის სხვადასხვა ხერხებს, ხოლო დირექტორიის ნერგავს მათში დახმარების აღმოჩენის იმედს¹.

ვენის სამეფო კარის მეშვეობით პავლე I-ის მთავრობისათვის ცნობილი იყო, რომ ფრანგებმა ავსტრიელებს მოლაპარაკების დროს შესთავაზეს პოლონეთის ავსტრიულ ნაწილზე ხელის აღება და ასეთივე წინადადებით მიმართეს პრუსიას, თითქოს პოლონეთის დამოუკიდებელი სახელმწიფოს აღდგენის მიზნით².

ა. ბეზბოროდკო იმდენად დაშინებული იყო საფრანგეთის რესპუბლიკის ინტრიგებით რუსეთის იმპერიის დასავლეთ პოლონურ პროვინციებში და ამ ინტრიგების შედეგად იქ პოლონელთა აჯანყების შესაძლებლობით, რომ ამ აჯანყების თავიდან ასაცრელებლად, სხვა საშუალებებთან ერთად, საჭიროდ თვლიდა თვით საფრანგეთთან შეთანხმებას. მისთვის საფრანგეთთან შეთანხმების შესაძლებლობის ერთ-ერთ გამამართლებელ საბუთს პოლონურ ოლქებში ფრანგთა ინტრიგების საფრთხე წარმოადგენდა. ეს საფრთხე, მისი აზრით, თავისთავად მოიხსნებოდა, როგორც კი საფრანგეთთან საერთო ენა გამოინახებოდა³.

¹ ЦГА/ИА, ф. Паниныш, л. 329. л. 50.

² იხ. ა. ბეზბოროდკოს 1798 წლის 26 მაისის წერილი ს. რ. ვორონცოვისადმი, Сб. РИО, ტ. 29, გვ. 400.

³ იხ. იხ. РИО, ტ. 29, გვ. 422.

1798 წლის 2 ივლისით დათარიღებულ წერილში ს. ვორონ-ცოვისადმი ა. ბეზბოროდკო, აღნიშნავს რა პოლონელთა ცალკეული ჯგუფების მღელვარების ფაქტებს და ფრანგთა ოიხების შედეგად ასეთი აქტების გაძლიერების შესაძლებლობას, წერს: „რით შეგვიძლია ავიცილოთ ასეთი შესაძლებლობა, თუ არა საფრანგეთთან შეთანხმებით?“.1

თვით რუსეთის იმპერატორი პავლე I საფრანგეთის რესპუბლიკასთან შეთანხმების ერთ-ერთ წინასწარ პირობად მიიჩნევდა დირექტორიის ხელისუფლების გულწრფელობას რუსეთის მიმართ, მის მზადყოფნას ხელი აეღო ყოველგვარ ინტრიგებზე და პოლონელ ქვეშევრდომთა წაქეზებაზე. ამიტომ იყო, რომ ჩვენს მიერ უკვე ხსენებულ რესკრიპტში ნ. პანიინსადმი (1798 წ. 11 იანვ.) იგი ჰლითხოვდა მისგან კაიართან მოლაპარაკების დროს წამოეკრათ ეს საკითხი და მოეთხოვა მისგან სათანადო განმარტება. „ჩვენთან შეთანხმების გულწრფელი სურვილის შემთხვევაში, — წერდა იგი ამ რესკრიპტში, — დირექტორიამ უნდა იცოდეს, რომ მისი სიტყვები და საქმეები ერთი მეორეს უნდა ეთანხმებოდესო“.

მრავალრიცხოვანი პოლონელი ემიგრანტები, რომლებიც საფრანგეთის დირექტორიის სამსაიურში იმყოფებოდნენ ან მისი დავალებით სხვადასხვა ხასიათის სააგენტურო დავალებებს ასრულებდნენ და გაბრიყვებულნი იყვნენ დამოუკიდებელი პოლონეთის აღდგენის დაპირებებით, უბრალო იარაღს წარმოადგენდნენ ფრანგ აგრესორთა ხელში.

„პოლონეთის საკითხს“ მნიშვნელოვანი ადგილი ეკავა იმ მრავალრიცხოვან რელაციებში, რომლებსაც ნ. პ. პანიინი (რუსეთის ელჩი პრუსიაში), დროგაშომვებით აგზავნიდა ბერლინიდან 1797—1799 წლებში. ასეთი ხასიათის რელაციების დიდი ნაწილი 1797 წლის მეორე ნახევარსა და 1798 წელზე მოდის. სათანადო ცნობებს ნ. პ. პანიინი აგროვებდა როგორც ოფიციალური წყაროებიდან, ისე საიდუმლო „არხების“ მეშვეობით. გარდა პირადი დაკვირვებისა და პრუსიისა და გერმანიის სხვა სახელმწიფოების ოფიციალური ინფორმაციებიდან ამოკრებილი ცნობებისა, ნ. პ. პანიინი ფრანგთა ინტრიგების შესახებ რუსეთის პოლონური ოლქების მიმართ სათანადო მასალებს აგროვებდა კაიარის, სიეიესის და სხვა ურანგ დიპლომატთა თუ აგენტების მიწერ-მოწერის პერლუსტორების გზით. საიდუმლო „არხების“ მეშვეობით ცნობების შესაძე-

1 ЦГАДА, ф. Паниных, д. 329, лл. 50—51.

2 იქვე.

ნად და ფრანგ აგენტთა მოსასყიდად, როგორც ზემოთ იყო აღნიშნული, ნ. პანიჩი მნიშვნელოვან თანხებს ხარჯავდა. შეგროვილ ცნობებს ნ. პანიჩი აჯამებდა, ანზოგადებდა, კომენტარებს უკეთებდა და ისე აგზავნიდა პეტერბურგში. ბუნებრივია, რომ მის ცნობებში რეალური და ფანტასტიური ერთიმეორეში იყო არეული, რის გამოც ეს ცნობები მხოლოდ ნაწილობრივ იყო სანდო¹.

გარდა ნ. პ. პანიჩისა, რუსეთის პოლონური ოლქების მიმართ საფრანგეთის დირექტორიის ინტრიგების შესახებ პეტერბურგის მთავრობას დროგანდრეებით ცნობებს აწვდიდნენ ა. რაზუმოვსკი ვენიდან, რუსეთის ელჩები იტალიიდან, ს. ვორონცოვი ინგლისიდან, მურავიოვ-აპოსტოლი ჰამბურგიდან და სხვ. ამასთან ჰამბურგში რუსეთის რეზიდენტის მურავიოვ-აპოსტოლის ცნობები, თავისთავად ღირებული და ცალკეულ შემთხვევაში ნ. პანიჩის ცნობებზე უფრო საინტერესო, 1799—1800 წლების პერიოდს ეკუთვნის. 1799 წლიდან, როდესაც რუსეთის ცარიზმმა მოკავშირეებთან ერთად ომში გააჩაღა საფრანგეთის რესპუბლიკის წინააღმდეგ, საფრანგეთის ზელისუფლების საპასუხო ნაბიჯები, კერძოდ კი მისი ინტრიგები „პოლონეთის მიმართ“ კიდევ უფრო გაძლიერდა. აი, სწორედ ამ პერიოდის ინტრიგების შესახებ იძლევა ძირითადად ცნობებს მურავიოვ-აპოსტოლი².

„პოლონეთის საკითხის“ შესახებ მასალებში მნიშვნელოვანი ადგილი უკავია კოსტოუშკოს პიროვნებას და მის საქმიანობას რუსეთის წინააღმდეგ.

¹ ა. ბრიკერი ნ. პანიჩის დამსახურებად თელის იმ საიდუმლო კავშირის აღმოჩენას, რომელიც არსებობდა დირექტორიის ზელისუფლებასა და პოლონელებს შორის. იხ. Материалы..., ტ. 3, გვ. 2. მაგამ, ჩვენი აზრით, ფრანგები ხშირ შემთხვევაში არ მალავდნენ თავიანთ ზრახვებს ყოფილი პოლონეთის მიმართ და აშკარადაც მიმართავდნენ სათანადო დეკლარაციულ განცხადებას, ამდენად პანიჩის „ღვაწლი“ ამ ძხრივ არც ისე დიდია, როგორც ფიქრობს ეს ავტორი.

² „პოლონეთის საკითხის“ თაობაზე ნ. პანიჩის მრავალრიცხოვან რელაციებში და მიმოწერიდან აღსანიშნავია: ნ. პანიჩის 1798 წლის 19/30 აპრილის წერილი ბარონ მესტრმახერისადმი, Материалы... ტ. 3, გვ. 86—87; მისივე 1798 წლის სექტემბრის წერილი პრუსიის მინისტრებისადმი, იქვე, გვ. 359—361; მისივე 1798 წლის 2/13 სექტემბრის რელაცია პავლესადმი, იქვე, გვ. 362—363; მისივე 1798 წლის 21 სექტ./2 ოქტომბრის წერილი ა. ბეზბოროდკოსადმი, იქვე, გვ. 400—401; მისივე 1798 წლის 9/20 ოქტომბრის წერილები თავად ნ. რაპანიჩისადმი და გენერლების: გუდოვიჩისა და ბეკლუშოვისადმი, იქვე, გვ. 481—483 და სხვ; მურავიოვ-აპოსტოლის შეაბამისი რელაციები პავლესადმი იხილეთ „Речь о Париже“, 1912, № 11, გვ. 381—400.

კოსტიუშკო პოლონეთის დამოუკიდებლობისათვის ბრძოლის გამორჩენილი სკლმძღვანელი იყო. პოლონეთის დამოუკიდებლობის ლიკვიდაციის შესწდგ რუსეთში დაპატიმრებული კოსტიუშკო პავლემ გაანთავისუფლა და მას საზღვარგარეთ გამგზავრების უფლება მისცა. საზღვარგარეთ გამგზავრებისას კოსტიუშკომ სიტყვიერი დაპირება მისცა რუსეთის იმპერატორს, რომ ციოერების დარჩენილ დროს ამერიკის შეერთებულ შტატებში გაატარებდა, რუსეთის წინააღმდეგ ბრძოლას აღარ განაახლებდა და პოლონეთის აღდგენის „ფანტასტიური გეგმის“ რეალიზაციაზე არ იფიქრებდა, მაგრამ კოსტიუშკო დიდხანს არ დარჩენილა ამერიკის შეერთებულ შტატებში. იგი მალე, 1798 წლის ნახევარში, დაბრუნდა ევროპაში და საფრანგეთში დამკვიდრდა. დირექტორიის ხელისუფლებამ გადაჭარბებული დემონსტრაციულობით მიიღო კოსტიუშკო და იგი თავისი საწშობლოს დამოუკიდებლობის აღდგენისათვის საბრძოლველად შეაგულა.

შეუმოწმებელი ცნობების მიხედვით, საფრანგეთის ხელისუფლების ოფიციალური წარმომადგენლების ინიციატივით, კოსტიუშკოს და სხვა პოლონელ ემიგრანტთა მონაწილეობით პარიზში პოლონეთის განთავისუფლების კომიტეტიც კი ჩამოყალიბდა, პოლონეთის კომიტეტის სახელწოდებით¹. მისი ამოცანა იყო პოლონელ ემიგრანტთა ორგანიზება. პოლონეთის ტერიტორიაზე ფარული აგენტების შეგზავნა და იქ საყოველთაო აჯანყების მოწყობა. აღმასრულებელ დირექტორიას კოსტიუშკოსა და მისი მონებრებისათვის თავდაპირველად დაბმარება უნდა აღმოეჩინათ ფულადი სასრებით, ყალბი პასპორტების მიწოდებით. საზოგადოებრივი აზრის შექმნით და სივ. თუ რუსეთის პოლონური ოლქების მოსახლეობის საყოველთაო აჯანყების ოწყობის გეგმა სისრულეში მოვიდოდა, ზაშინ საფრანგეთის ხელისუფლება მას იარაღით და ჯარით დაბმარების სიტყვიერ დაიიოებას აძლევდა.

საფრანგეთის დიპლომატიურ წარმომადგენლებს არუსიაში. იტალიაში, ჰამბურგსა და გერმანიის სავა ნაწილებში ხელი უნდა შეეწყოთ კოსტიუშკოსათვის ანტირუსული წამოწყების წარმარებაში. თუ რაში მდგომარეობდა პარიზში შემუშავებული გეგმის დეტალები, ეს ჩვენ, სათანადო მასალების უქონლობის გამო, არ

¹ შურაიოვ-პოსტოლის 1800 წლის 28 იანვრის დასმენა (ჰამბურგიდან) პავლესადმი. იბ. „Русский архив“, 1911, № 11, გვ. 301—382; იბ., აგრეთვე. Архив князя Воронцова. ტ. 9, გვ. 319.

ვიციო. ფაქტია მხოლოდ ის: რომ კოსტიუშკო მართლაც ფიქრობდა განეხლებინა ბრძოლა სამშობლოს განთავისუფლებისათვის და მაქსიმალური ზიანი მიეყენებინა თავისი მშობლიური ქვეყნის დამწივლებელთათვის. მაგრამ მისი სამართლიანი მისწრაფება განუხორციელებელი დარჩა. მან რაიმე სერიოზული ნაბიჯების გადადგმაც ვერ შესძლო ამ მიმართულებით. ხოლო ფრანგი „მეგობრების“ მიერ დაპირებული დახმარების შეუსრულებლობამ პატარა როლი როდი შეასრულა ამ საქმეში.

ნ. პანინის და მურავიოვ-აპოსტოლის რეაქციებში, პავლე I-ის რესკრიპტებში და საგარეო საქმეთა კოლეგიის ხელმძღვანელთა წერილებში, რომლებიც „პოლონეთის საკითხს“ ეძებინან, კოსტიუშკო ცენტრალური ფიგურაა. პეტერბურგის სამეფო კარს აშინება ბერლინიდან, ჰამბურგიდან და სხვა ადგილებიდან მიღებული ცნობები კოსტიუშკოს განზრახვათა შესახებ. ერთ შემთხვევაში კოსტიუშკოს შესახებ წერენ: კოსტიუშკო უკვე გაემგზავრა პარიზიდან Dufresnoy-ს სახელწოდებით და ჰამბურგის გზით პოლონეთში შესვლას აპირებს; მეორე ვერსიით იგი იტალიაში მიემგზავრება დომბროვსკისთან¹; მესამე შემთხვევაში კოსტიუშკო უკვე ჟურდანთან ერთად მაინცში ჩასულად არის მიჩნეული, საიდანაც იგი ჰამბურგს უნდა გაემგზავროს ბანკირისაგან ფულის მისაღებად²; მეოთხე შემთხვევაში კოსტიუშკო ფარულად პრუსიაში აპირებს ჩასვლას, პრუსიის მთავრობამ კი ბრძანება გასცა მის დაპატიმრების შესახებ³; მეხუთე შემთხვევაში კოსტიუშკო ჯერ ისევ პარიზშია და ემზადება აღმოსავლეთისაკენ გასამგზავრებლად⁴ და ა. შ.

„დიდი მემბოხის“, კოსტიუშკოს გეგმების შესახებ გავრცელებული ცნობებით გაბოროტებული და შეშინებული პეტერბურგის სამეფო კარი ზედიზედ იძლევა ახალ-ახალ განკარგულებებს, რომელთა ამოცანაა ჩაშალოს პოლონელი პატრიოტის განზრახვა და არ დაუშვას მისი და მის თანამოაზრეთა ძირგამომთხრელი საქმიანობა იმპერიის პოლონურ ოლქებში. ნ. პანინისადმი გაგზავნილი 1798 წლის 30 ოქტომბრის რესკრიპტში პავლე I აყენებს

¹ ნ. პანინის დასახ. წერილი, „Материалы...“, ტ. 3, გვ. 421—422.

² მურავიოვის წერილი პანინისადმი 1798 წლის 29 ოქტ./9 ნოემბ. „Материалы...“ ტ. 3, გვ. 456—457.

³ ნ. პანინის 1798 წ. 1/12 და 14/25 ოქტომბრის წერილები... იქვე, გვ. 423—527.

⁴ მურავიოვის 1799 წლის 11/22 იანვრის რეაქცია პავლე I-სადმი, Архив В.И.Р „Сношения России с Гамбургом“, т. 315, лл. 14—15.

საკითხს პრუსიის მთავრობის წინაშე: კოსტიუშკოს შეპყრობის შემთხვევაში იგი გადაეცეს რუსეთის მთავრობას დასასჯელად, როგორც ფიცის გამტეხი¹. ამაზე აღრე, 1798 წლის ივლისში, მაშინვე, როგორც კი ცნობა გავრცელდა კოსტიუშკოს ამერიკიდან პარიზში დაბრუნების შესახებ, მიღებულ იქნა დამატებითი ზომები პოლონური ოლქების საზღვრების დაცვის გასაძლიერებლად².

გარდა კოსტიუშკოსი, ნ. პანინის, მურავიოვ-აპოსტოლის და სხვა რუს დიპლომატთა მასალებში დასახელებულია ბევრი სხვა ფრანგი და საფრანგეთის სამსახურში მყოფი პოლონელი, რომელთაც ისინი მიაწერენ აქტიურ საქმიანობას პოლონეთის დამოუკიდებლობის აღდგენის სასარგებლოდ. მათი ცნობებით, ზოგი მათგანი ჰამბურგიდან ეწეოდა ძირგამომთხრელ მუშაობას რუსეთის წინააღმდეგ. ზოგიც გერმანიის სხვა სახელმწიფოებში, პრუსიაში და იტალიაში „მოღვაწეობდა“. ორიოდ მათგანზე ისინი პირდაპირ წერენ: პარიზიდან გაემგზავრნენ ფარულად, სხვისი სახელით და ყალბი პასპორტებით, განზრახული აქვთ რუსეთის საზღვრებში შეღწევა და ა. შ. შეიძლება დავასახელოთ ზოგიერთი მათგანი — პარსევალი, პარანდიე, ჟაკინსკი, პოლენსკი, მარიფი, ბრიუნელი, ვეისი, რუპერტი, ნოკიციცი, ნებელსი, ლობოვიჩი, ოტო უმცროსი, ლებრენი, დოფური, როდო, მაიერფალი, ტისენჰაუსი, ფერგიუსტინი, ჰიპენჰაიმი და სხვები³. გამაღიზიანებელ, რუსეთის ცარიზმის მესვეურთა ნერვებზე მოქმედ დემონსტრაციულ აქტებს იქით მათი „მოღვაწეობა“ არ წასულა. მათ, ალბათ, ვერ შესძლეს თავიანთი გულის ნადების რეალიზაცია და რუსეთის ცარიზმისათვის რაიმე ზიანის მიყენება. ყოველ შემთხვევაში, სათანადო წყაროები მათგან პოლონურ ოლქებში რაიმე სერიოზული მღელვარების გამოწვევის შესახებ არაფერს ამბობენ.

¹ „Материалы“..., ტ. 3, გვ. 457.

² იხ. „Копия с секретного предписания генерал-фельдмаршала князя Реннина Литовскому губернатору Булгакову, генералу Кологривову и генералу Гудовичу от 14/25 июля 1798 г“. Архив ВПР, ф. „Сношения России с Пруссией“, д. 26, лл. 69—72.

³ გარდა ნ. პანინის ზემოხსენებული რეკლაციებისა, აღნიშნული პირების შესახებ ცნობებს იძლევა მურავიოვ-აპოსტოლის ზოგიერთი რეკლაცია, იხ. Архив ВПР, ф. „Сношения России с Гамбургом“, д. 315, реляция Муравьева Павлу от 8/19 апреля, д. 329, лл. 64—63; реляция Муравьева Павлу от 3/14 января 1800 г., лл. 1—2, „Русский Архив“, 1912, № 11, донесения Павлу I... Муравьева-Апостола, полученное 28 января 1800 г., гв. 382—383 და სხვ.

ყოველივე ზემოაღნიშნულთ არ ამოიწურებოდა საფრანგეთის რესპუბლიკის მესვეურთა და აგენტთა მტრული საქმიანობა რუსეთის წინააღმდეგ „პოლონეთის საკითხში“. საფრანგეთის მთელი რიგი ცნობილი სამოქალაქო და სამხედრო მოღვაწე საჯაროდ გამოხატავდა პოლონეთის დაყოფის აქტს, თავს ესხმოდა ამისათვის რუსეთის ცარიზმს და პოლონეთის დამოუკიდებლობის აღდგენის მომხრედ აცხადებდა თავს. ზოგი ამასაც არ სჯერდებოდა და პოლონელ ემიგრანტებს მოუწოდებდა დაბრუნებულიყვნენ პოლონეთში და დასმარებასაც კპირდებოდა მათ სანშობლოს დამოუკიდებლობის აღდგენის საქმეში.

ნაპოლეონ ბონაპარტის აღიუტანტი იოსებ სულკოვსკი გადმოსცენს, რომ ნაპოლეონ ბონაპარტს იტალიის კამპანიის დროს უთქვამს მისთვის: „მიწერე შენს თანამემამულეებს, რომ მე მიყვარს პოლონელები და დიდად პატივს ვცემ მათ; რომ პოლონეთის დაყოფა წარმოადგენს რუსეთის აქტს, რომლის დაცვა არ შეიძლება; რომ დავამთავრებ თუ არა ომს იტალიაში, მე თვით დავიბრუნებ ფრანგთა სათავეში, რათა ეახლოდნენ რუსეთი აღადგინოს პოლონეთი...“¹.

ნაპოლეონის ეს განცხადება (თუ საერთოდ გააკეთა მან ასეთი განცხადება) და მსგავსი სხვა დაპირებები პოლონელთა მიმართ, დეკორატიული, პირფერული და გაუნაღლებელი დარჩა. ამდენად იგი ნაკლებ ყურადღებას იწახურებდა რუსეთის ცარიზმის მესვეურთა მხრივ. მაგრამ საფრანგეთის დირექტორია, როგორც უკვე აღნიშნული იყო, მარტო სიტყვიერი აქტებით როდი კმაყოფილდებოდა. სიტყვიდან იგი ცალკეულ შემთხვევაში საქმეზე გადადიოდა და პრაქტიკულად რუსეთის საწინააღმდეგო ნაბიჯებს დგამდა პოლონელთა სამართლიანი ბრძოლების წასაქეზებლად. სწორედ ასეთი ნაბიჯები იყო უფრო საშიში და გამაღიზიანებელი რუსეთის ცარიზმისათვის. მრავალრიცხოვან პოლონელ ემიგრანტთათვის თავშესაფრის მიცემა, მათი ნაწილის სამხარეოში მოწყობა, მათ შესანახად გარკვეული სახსრების გაღება, სააგენტურო ქსელში მათი გამოყენება—ახტირუსული საქმიანობის სფეროს მიეკუთვნებოდა. პოლონელ ემიგრანტთა საფრანგეთის მომქმედ ჯარში მიღება და მათგან პოლონური ნაწილების შექმნა, თუშცა იგი პოლონელ ემიგრანტთა ცოცხალი ძალის „საზარბაზნე ხორცად“ გამოყენება იყო. მაინც რუსეთის საწინააღმდეგო აქტს წარმოადგენდა.

¹ К. Влншевскнѣ, დასახ. ნაშრ., გვ. 330.

1797 წლის დასაწყისიდან იტალიაში, სადაც საფრანგეთის არმია ნაპოლეონის სარდლობით 1796 წლიდან ილევამოსილ ოპერაციებს წეწოდა, საფუძველი ჩაეყარა პირველ პოლონურ ლეგიონს, რომელიც თავდაპირველად მოითვლიდა 2.000 მებრძოლს. იგი დაკომალექტებული იყო რუსეთის, ავსტრიის და პრუსიის პოლონური ოლქებიდან გამოქცეული ემიგრანტებით, ძირითადად პოლონეთის ყოფილი არმიის კონფედერატებით. აღნიშნულ პოლონურ ლეგიონს, როგორც საფრანგეთის არმიის ნაციონალურ ავტონომიურ ერთეულს, რომელსაც პოლონური ნაციონალური ფორმა ეცვა, მომავალი დამოუკიდებელი პოლონეთის ნაციონალური არმიის ბირთვის როლი უნდა შეესრულებინა. მისი ჩამომყალიბებელი და ნეთაური იყო კოსტიუშკოს თანამებრძოლი პოლონელი ოფიცერი ჰენრიხ დომბროვსკი (შემდგომში საფრანგეთის არმიის გენერალი)¹.

1798 წლისათვის პოლონური ლეგიონის პირადი შემადგენლობა, მიუხედავად იმისა, რომ მან საომარ ოპერაციებში სერიოზული ზარალი განიცადა, გადიდა პოლონელ ემიგრანტთა ახალი ნაკადის ხარჯზე 7000 კაცამდე. იგი გაიყო და ერთის ნაცვლად მისგან ორი ლეგიონი შეიქმნა². პოლონელ ემიგრანტთა უმრავლესობისათვის საფრანგეთის არმიის რიგებში ბრძოლა აოსებობის ერთადერთ საშუალებას წარმოადგენდა. ანან და რამდენადმე იმ გაურკვეველმა იმედმა, რომ პოლონური ნაწილები შეიძლება გამოყენებულიყო პოლონეთის დამოუკიდებლობის აღსადგენად, განაპირობა პოლონელ ემიგრანტთა მასობრივი ლტოლვა პოლონურ სამხედრო ნაწილებში³. საფრანგეთის არმიაში მებრძოლმა პოლონელებმა მნიშვნელოვანი წვლილი შეიტანეს იტალიის კანპანიის წარმატების საქმეში. რამოდენინე ათასი პოლონელი ჯარისკაცის სიცოცხლე შეეწირა საფრანგეთის დირექტორიის აგრესიული გეგმის რეალიზაციას იტალიაში და თვით გერმანიაშიც. მათ სხვა, მათი ინტერესებისათვის უცხო საქმისათვის დაღვარეს სისილი, სხვისი დაპყრობის იარაღი გაიძენენ, საკუთარი ქვეყნის დაკარგული დამოუკიდებლობის აღდგენის საქმე კი ამით ოდნავადაც უკვერ წასწიეს წინ.

¹ К. Валншевский, დასახ. ნაშრ., გვ. 331.

² იქვე, გვ. 332.

³ პოლონური ლეგიონის ფორმირებას იტალიაში ს. ვორონცოვი უკავშირებს პოლონეთში რევოლუციის მოწყობის ფრანგულ გეგმას. იტალიაში ნაპოლეონ ბონაპარტი პოლონელ ჯარისკაცებს პოლონეთში ოვერლუკის მოხდენის იმედს აძლევდაო, — ეწერს იგი. იხ. ს. ო. გორონცოვის ს. ზოი, გამოთქმული ნაპოლეონისა და მისი ექსპედიციის შესახებ ვევიკატეში 1798 წლის უთარილო წერილში, Архив князя Воронцова, ტ. II, გვ. 318—319.

გერმანიის თავისუფალი ქალაქი ჰამბურგი რუსეთის და საფრანგეთის პერიოდული შეხლა-შემოხლის ობიექტი იყო დირექტორიის მმართველობის პერიოდში (კერძოდ კი 1798—1799 წლებში).

ჰამბურგი იმ დროისათვის წარმოადგენდა კონტინენტური ევროპის ისეთ მნიშვნელოვან პოლიტიკურ და სავაჭრო-ეკონომიურ ცენტრს, სადაც ადგილი ჰქონდა ორი სოციალური სამყაროს—ფეოდალურ-მონარქიული ევროპისა და ბურჟუაზიული საზოგადოების შენების გზაზე დამდგარი საფრანგეთის—შეხებას და დაჯახებას. ჰამბურგის ამბები წარმოადგენდა იმ ბრძოლის ერთგვარ მინიატურულ გამოხატულებას, როელიც ამ ორ სამყაროს შორის იყო გაშლილი. საფრანგეთი, ერთის მხრივ, და ანტიფრანგული ბანაკი, კერძოდ რუსეთი, მეორეს მხრივ, აქტიურად იბრძოდნენ ჰამბურგზე გავლენისა და იქ ფეხის მოკიდებისათვის. განსაკუთრებით დაუძინებთ მიისწრაფოდა ამ მიზნისაკენ საფრანგეთის რესპუბლიკა. მას სურდა ეს დიდმნიშვნელოვანი ეკონომიური, პოლიტიკური და სტრატეგიული ბაზა გამოეყენებინა პრუსიაზე და მთელ ჩრდილო გერმანიაზე გავლენის გასაძლიერებლად ინგლისის საზღვაო ბლოკადის შედეგების შესასუსტებლად, სააგენტურო საქმიანობის გასაფართოებლად, რუსეთისათვის მეტი ზიანის მისაყენებლად და სხვ.

რუსეთისა და საფრანგეთის დაჯახებას ჰამბურგის ნიადაგზე, რომელიც პოლონეთის საკითხთანაც იყო დაკავშირებული, ძირითადად ეკონომიური და პოლიტიკური სარჩული ჰქონდა.

რუსეთ-საფრანგეთის შეხლა-შემოხლა ჰამბურგის ნიადაგზე გარეგნულად ვლინდებოდა რუსეთ-ჰამბურგის პერიოდული კონფლიქტის სახით. ჩვენს ხელთ არსებული მასალებით ასეთი კონფლიქტები უფრო მწვავე ხასიათს ატარებდა 1798—1799 წლებში.

რაში მდგომარეობდა ჰამბურგის ნიადაგზე აღმოცენებული დაჯახების ეკონომიური სარჩული?

ჰამბურგი ნეიტრალური ქალაქი იყო, რომელიც ევროპულ ომში არ მონაწილეობდა. სარგებლობდა რა ნეიტრალური მდგომარეობით, ჰამბურგი ნორმალურ სავაჭრო ურთიერთობას ეწეოდა საფრანგეთთანაც და მის მოწინააღმდეგეებთანაც, კერძოდ რუსეთთან. ჰამბურგი დიდი ნავსადგური იყო, რომელსაც ბევრი სავაჭრო გემი ჰქონდა. მისი კეთილდღეობა ძირითადად ამ გემების ექსპლოატაციასთან და საშუამავლო ვაჭრობასთან იყო დაკავშირებული. იქვე სავაჭრო ფლოტი მეზობელი ქვეყნების, მათ შორის რუსეთის და საფრანგეთის საქონლის გადაზიდვასაც კი აწარმოებდა. ასეთი

საქმიანობა მას ომის წლებშიც არ შეუწყვეტია. ჰამბურგის სავაჭრო გემებს გადაჰქონდათ პრუსიის, რუსეთის, გერმანიის წერილი სახელმწიფოებისა და საფრანგეთის საქონელი.

ჰამბურგის სავაჭრო გემებს საფრანგეთში შეჰქონდათ არა მარტო გერმანული საქონელი, არამედ ხშირად რუსეთის ნედლეულიც, რომელიც ან მათ მიერ ან პრუსიელების მიერ იყო შესყიდული რუსეთში. ასევე ხდებოდა საფრანგეთის ნაწარმის გაზიდვა ჰამბურგელი ვაჭრების მიერ არა თუ ნეიტრალურ ქვეყნებში, თვით საფრანგეთისადმი მტრულად განწყობილ სახელმწიფოებშიც კი. ჰამბურგის როლი მარტო საზღვაო ვაჭრობა-გადაზიდვით როდი ამოიწურებოდა. იგი წარმოადგენდა ერთ-ერთ მნიშვნელოვან საშუაშაველო ბაზარს ევროპული საქონლის მიმოქცევისათვის სახმელეთო გზით.

საფრანგეთის ღირეკტორია ყოველმხრივ დაინტერესებულ იყო ჰამბურგთან ასეთი ურთიერთობის შენარჩუნებით და გაფართოებით. ჰამბურგი გარესამყაროსთან საფრანგეთის ეკონომიური კავშირ-ურთიერთობის ერთ-ერთი გზა და საშუალება იყო.

რუსეთის ცარიზმი, რომელმაც 1793 წლიდან გაწყვიტა საფრანგეთთან საერთოდ ყოველგვარი და, კერძოდ, სავაჭრო-ეკონომიური ურთიერთობა. საფრანგეთის წინააღმდეგ მინართული ეკონომიური ბლოკადის მონაწილე იყო. ამიტომ იგი ვერ ურიგდებოდა ჰამბურგის ვაჭრობას საფრანგეთთან, ცდილობდა ხელი შეეშალა ინსთვის და ამ მიზნის მისაღწევად სათანადო რეპრესიული ზომებიც კი მიიღო ჰამბურგის მიწართ. ასეთ რეპრესიულ ზომებს ეკუთვნოდა რუსეთის ნავსადგურებში მყოფი ჰამბურგის გემების შეკეობა, მათი საქონლის კონფისკაცია და სხვ. ჰამბურგის „ურჩობის“ დასაძლევად პავლე I-მა ამ ქალაქის ოკუპაციაც კი განიზარახა თუმცა ეს განზარახვა პრუსიისა და ინგლისის წინააღმდეგობის გამო სასრულეში ვერ მოიყვანა.

გარეგნულად, წყაროების მიხედვით, უფრო რელიეფურად არის გამოვლენილი ჰამბურგის ნიადაგზე რუსეთ-საფრანგეთს შორის არსებული დაჯახების პოლიტიკური საფუძველი.

ჰამბურგს ნორმალური დიპლომატიური ურთიერთობა ჰქონდა საფრანგეთთან. ამ გარემოებით სარგებლობდა საფრანგეთი და ყოველმხრივ იყენებდა მას როგორც თავისი გავლენის გასაძლიერებლად გერმანიაში, ისე ძირგამომთხრელი საქმიანობისათვის პრუსიისა და რუსეთის წინააღმდეგ. ჰამბურგი მრავალრიცხოვან ურანგ აგენტთა შეკრების ერთ-ერთი მნიშვნელოვანი ცენტრი იყო. აქედან მათ გაბმული ჰქონდათ ჯაშუშური ქსელი ცენტრალურ და

აღმოსავლეთ ევროპის ქვეყნებში. იმ საქმიანობის დიდი ნაწილი, რომელიც პოლონელ ემიგრანტთა მეშვეობით წარმოებდა, რუსეთის, პრუსიის და ავსტრიის პოლონურ ოლქებში წყლის ასამღეოვად, აგრეთვე ჰამბურგის, როგორც შუალედი ბაზის მეშვეობით ხორციელდებოდა. დასასრულ, ჰამბურგის, როგორც ნეიტრალური ქალაქის ტერიტორიაზე თავს აფარებდა ბევრი დევნილი რევოლუციონერი თუ დამოუკიდებლობისათვის მებრძოლი (პოლონელი ემიგრანტები, ირლანდიელი „ინსურგენტები“ და სხვ.), რომლებიც უწეოდნენ აგიტაციას საკუთარი სამშობლოს დამოუკიდებლობის სასარგებლოდ. აარსებდნენ იქ თავიანთ ორგანიზაციებს, „იაკობინელთა“ კლუბებს და ა. შ. ჰამბურგის მმართველობა ხელს არ უშლიდა აღნიშნულ საქმიანობას და მფარველობდა ემიგრანტებს პოლონეთიდან, ირლანდიიდან და გერმანიიდან. ჰამბურგის მესვეურთა წაყრუება „იაკობინური“ საქმიანობისადმი, პირველ ყოვლისა, აიხსნება საფრანგეთისადმი შიშით. ჰამბურგში შეშობდნენ: საფრანგეთის ძირგამომთხრელი საქმიანობის აკრძალვის შემთხვევაში საფრანგეთი რეპრესიულ ღონისძიებას განაბორციელებს და ქალაქის ოკუპაციას მოახდენსო. გარდა შიშის გრძნობისა, ჰამბურგის მესვეურებს საფრანგეთთან არსებული ეკონომიური და დიპლომატიურ-კულტურული ურთიერთობის შენარჩუნების მოსაზრებებიც ამოქმედებდა.

რუსეთის ცარიზმი ღირექტორიის აგენტების და „იაკობინელთა“ პარპაშისათვის ჰამბურგის ტერიტორიაზე, თვით ჰამბურგის მმართველობას დებდა ბრალს. მისი აზრით, ქალაქის მმართველობა „იაკობინელთა“ და მათი ძირგამომთხრელი საქმიანობის მიმართ წაყრუებისა და წაქეზების ტაქტიკას ადგა.

რუსეთის ინტერესებისათვის ჰამბურგში შექმნილი საშიში მდგომარეობის გამო პაულეს 1798 წლის მეორე ნახევრიდან მიწერ-მოწერა ჰქონდა ნ. პანინთან, მურავიოვ-აპოსტოლთან, ს. ვორონკოვთან და სხვა დიპლომატიურ წარმომადგენლებთან. რუსეთის იმპერატორი მოითხოვდა ფრანგთა „დამლუპველი“ გავლენისაგან ჰამბურგის განსათავისუფლებლად, იქ არსებული „იაკობინური ბუდის“ მოსასპობად ინგლისთან და პრუსიასთან ერთად ერთობლივი ღონისძიების მიღებას.

პრუსიამ და ინგლისმა მხარი არ დაუჭირეს რუსეთის წინააღმდეგ და თავი შეიკავეს ჰამბურგის წინააღმდეგ რეპრესიული ზონების მიღებისაგან. პრუსიამ საჭიროდ არ ჩათვალა ასეთი ნაბიჯის გადადგმა იმისათვის, რომ თვით ნეიტრალიტეტის მომხრე იყო, თანაც საფრანგეთის გაბორბლებას ერიდებოდა, რადგან ეშინო-

და მისი საპასუხო აქტის. რაც შეეხება ინგლისს, მას ფართო საეაქრო-სანაოსნო ურთიერთობა ჰქონდა ამ ქალაქთან, რასაც სერიოზული დაბრკოლება შეექმნებოდა, თუ ქალაქი ოკუპაციის ობიექტი გახდებოდა.

მიუხედავად იმისა, რომ ინგლისმა და პრუსიამ მხარი არ დაუჭირეს რუსეთის მთავრობას და თავი შეიკავეს ჰამბურგის მიმართ კოლექტიური აქციისაგან. პაველმ მაინც გადადგა სეპარატული ნაბიჯი და საჭიროდ ჩათვალა ჰამბურგისათვის „ჰკუის სწავლება“. ეს მოხდა 1799 წელს, როდესაც ანტიფრანგული კოალიცია უკვე გაფორმებული იყო და რუსეთ-სათრანგეთს შორის ომი მიმდინარეობდა. მაგრამ მაშინაც კი ამ სეპარატულმა ნაბიჯმა გამოიწვია რუსეთის მოკავშირე ინგლისის აშკარა უკმაყოფილება და „ნეიტრალური“ პრუსიის გაუბედავი პროტესტი¹.



¹ რუსეთ-ჰამბურგის ურთიერთობას და მასთან დაკავშირებულ საკითხებს პასუხს სცემენ შემდეგი მასალები: ჰამბურგში რუსეთის დიპლომატიური წარმომადგენლის მურავიოვის 1799 წლის 17/28 მარტის რელაცია პაველ I-სადმი, Архив ВПР, ფ. „Сношения России с Гамбургом“, д. 316, лл. 13—14; მისივე 1799 წლის 29 ივნისის (10 ივლისის) რელაცია პაველსადმი, იქვე, д. 316, л. 42; მისივე 1799 წლის 5/16 აგვისტოს რელაცია... იქვე, д. 315, лл. 28—31. ს. ვორონცოვის 1799 წლის 22 აპრილის (3 მაისის) რელაცია... ЦГАДА, ф. Паниных, л. 327, лл. 88—90; პაველს 1799 წლის 26 აპრილის რესკრიპტი მურავიოვისადმი, Архив князя Воронцова. ტ. 11, გვ. 279; პაველს 1799 წლის 28 თებერვლის რესკრიპტი 5. პანინისადმი, Архив ВПР, ф. „Сношения России с Пруссией“, д. 536, лл. 5—6; პაველს 1799 წლის 21 მარტის ბრძანებულება საგარეო საქმეთა კოლეგიისადმი. Архив князя Воронцова. ტ. 11, გვ. 277, 279 და სხვ.

**რუსეთის მიერ საფრანგეთის წინააღმდეგ ომისათვის
სამხალხო-ლიბლომატიური გზალების დასრულება.
მეორე ანტიფრანგული კოალიციის შექმნა**

**1. რუსეთის და საფრანგეთის დიპლომატიის
გაძლიერება პრუსიისათვის**

1798 წლის დასაწყისისათვის, როგორც უკვე აღნიშნული იყო, რუსეთ-საფრანგეთის დაახლოების პერიოდი დამთავრდა და მათ შორის ომის რეალური საფრთხე შეიქმნა. შეცვლილი ვითარების შესატყვისად შეიცვალა მათი საგარეო-პოლიტიკური კურსი და მათ დიპლომატიურ საქმიანობას ახალი მიმართულება მიეცა. მომავალი ომისათვის მოკავშირეების შეძენა და თავიანთ მიმართ ე. წ. ნეიტრალურ სახელმწიფოთა კეთილი განწყობილების მოპოვება რუსეთის და საფრანგეთის რესპუბლიკის დიპლომატიის ერთ-ერთი მთავარი საზრუნავი საგანი გახდა. განსაკუთრებით სერიოზული მნიშვნელობა აღნიშნული სახელმწიფოთათვის პრუსიის პოზიციას ჰქონდა. შეინარჩუნებდა იგი „ძიულებით“ ნეიტრალიტეტს, თუ ერთ-ერთ მხარეს დაუკავშირდებოდა ომის შემთხვევაში, ამანც დიდად იქნებოდა დამოკიდებული მომავალი ომის შედეგები. ამიტომ იყო, რომ 1798 წლის გაზაფხულიდან აბალი ძალით გაიშალა რუსეთისა და საფრანგეთის დიპლომატიური საქმიანობა ბერლინში. რუსეთის დიპლომატია ცდილობდა პრუსიის ჩამოშორებას საფრანგეთის გავლენისაგან, მის გადაბირებას თავის მხარეზე და ანტიფრანგულ კოალიციაში ჩაბმას. მეფის რუსეთი, ამასთან ერთად, წინანდებურად ცდილობდა მომავალშიც შეენარჩუნებინა არბიტრის როლი ავსტრია-პრუსიის ურთიერთობაში და ისინი თავისი პოლიტიკის იარაღად ექცია. საფრანგეთის რესპუბლიკის ღირექტორია.

თავის მხრივ, ზუქართ, დაყვავებით, ტერიტორიული გაფართოების დაპირებებით ლამობდა გამოეყვანა პრუსია ნეიტრალიტეტის მდგომარეობიდან და იგი რუსეთის, ავსტრიისა და ინგლისის წინააღმდეგ აემხედრებინა. თუ ეს ამოცანა მიუღწეველი იქნებოდა, მაშინ საფრანგეთი თანახმა იყო ძალაში დარჩენილიყო საფრანგეთ-პრუსიის არსებული ურთიერთობა.

ა. რეპნიცის მისია გერმანიაში

პრუსიის მიმართ დასახული მიზნის მისაღწევად მეფის რუსეთი არ დაკმაყოფილდა ჩვეულებრივი დიპლომატიური გზით და საჭიროდ მიიჩნია საგანგებო რწმუნებით აღჭურვილი დიპლომატის მივლინება ბერლინში. პეტერბურგის სამეფო კარმა ასეთი მისია ხელმეორედ ფელდმარშალ თავად რეპნიცს დააკისრა. რუსეთის სრულუფლებიან წარმომადგენელ გრაფ ნ. პ. პანიჩს კი ამ დიპლომატიურ საქმიანობაში რეპნიცის თანაშემწის როლი უნდა შეესრულებინა. ამ დამატებითი დავალების შესახებ პანიჩმა მიიღო პავლე I-ის სპეციალური რესკრიპტი 1798 წლის 8 აპრილის თარიღით¹.

ბერლინში გამგზავრების წინ თავადი რეპნიცი იმპერატორმა პავლე I-მა აღჭურვა ინსტრუქციით, რომელშიც ვრცლად იყო გადმოცემული მეფის რუსეთის მთავრობის თვალსაზრისი ევროპის პრობლემებზე, კერძოდ, მოლაპარაკების საგნად ქვეულ საკითხებზე. ეს ინსტრუქცია რუსეთის მაშინდელი საგარეო პოლიტიკის raison d'êtré-ს წარმოადგენს².

ეხებოდა რა კამპო-ფორმიოს ზავის პირობებს, ინსტრუქციაში აღნიშნული იყო, რომ საფრანგეთთან წარუმატებელი ომის შედეგად ავსტრიამ დაჰკარგა ნიდერლანდები, ლომბარდია და თვით გერმანიის მიწების ნაწილიც. სანაცვლოდ მიიღო ვენეციის ოლქის დიდი ნაწილი (საიდუმლო მუხლით), ზალცბურგის საეპისკოპოსო

¹ Архив князя Воронцова, т. 11, гл. 260. აღნიშნულ საქმიანობას მანამდე ეწეოდა გრაფი ნ. პ. პანიჩი. იგი დარწმუნებული იყო, რომ დამსახურებას დაუფასებდნენ და მოლაპარაკების გაგრძელების საქმესაც მას დააკისრებდნენ. მით უფრო, რომ, მისივე თქმით, პრუსიის მეფე ფრიდრიხ-ვილჰელმ III-ს და პაუკვიცს სწორედ იგი მიაჩნდათ ამ მხრივ სასურველ პირად (ამის შესახებ იხ. ნ. პ. პანიჩის წერილი ს. რ. ვორონცოვისადმი, დათარიღებული 1799 წლის 19 აპრილით, Архив князя Воронцова, т. 11, гл. 73—74).

² Архив ВПР, ф. „Сношения России с Пруссией“, 1798, д. 524, лл. 1—13; Д. М. И. Л. Ю. Т. И. В., დასახ. ნაშრ., ტ. 3, გვ. 67—71.

და ბავარიის ნაწილი; ზავის საიდუმლო მუხლი აგრეთვე ითვალისწინებდა კომპენსაციას იმ გერმანულ მთავრებისათვის, რომლებმაც რაინის მარცხენა ნაპირზე დაჰქარგეს სამფლობელოები. ინსტრუქცია აშკარად გმობდა გერმანიის მთლიანობის დამრღვევ აღნიშნულ ზავს და კიცხავდა ავსტრიას მასზე ხელმოწერისათვის და მის ასეთ საქციელს უწოდებდა ვერაგულს და არამეგობრულს რუსეთის მიმართ. ინსტრუქციაში აღნიშნული იყო ვენის და ბერლინის მთავრობათა ტერიტორიული პრეტენზიების სამართლიანობა. მაგრამ გამოთქმული იყო იმედი, რომ ეს სახელმწიფოები თავიანთ მოთხოვნებში იქნებოდნენ შედარებით ნაკლებ გაუმაძღარნი, გამოიჩენდნენ მეტ ზომიერებას და, რამდენადაც შესაძლებელი იქნებოდა, თავს აარიდებდნენ დიდ ცვლილებებს¹.

როგორც ინსტრუქციიდან ჩანს, პეტერბურგის სამეფო კარი თანახმა იყო ავსტრიის და პრუსიის პრეტენზიები დაექაყოფილებინა სასულიერო მთავართა მამულების სექულარიზაციის ხარჯზე (ამ მამულების ყოფილ მფლობელთათვის ფულადი ანაზღაურების მიცემის პირობით), მაგრამ მას არ სურდა ამ სახელმწიფოებს ხელი ეხლოთ ბავარიისათვის. რუსეთის მთავრობა აგრეთვე თანახმა იყო ავსტრიისა და პრუსიის ტერიტორიული პრეტენზიები დაექაყოფილებინა გერმანიის თავისუფალი ქალაქების ხარჯზე (ჰანზის ქალაქების გამოკლებით). ინსტრუქციაში საგანგებო ყურადღების საგნად იყო ქცეული ვიურტემბურგის და პრინც ორანელის სამთავროები. რეპნინს მითითება ეძლეოდა მოლაპარაკების პროცესში ყოველმხრივ დაეცვა მათი ინტერესები, უზრუნველყო ამ სამფლობელოთა მთლიანობა, მათ შინაგან საქმეებში ჩაურევლობა და მიეღწია მათი ტერიტორიული გაფართოებისათვის.

ინსტრუქციაში მკაფიოდ იყო ხაზგასმული ის ორმაგი მისია, რაც თავად რეპნინს დაკისრებული ჰქონდა ბერლინში მივლინების დროს პრუსია-ავსტრიის ინტერესთა ზორიგებისა და მათ შორის მომრიგებლის ფუნქციის როლში გამოსვლასთან ერთად თავად რეპნინს ევალეობდა ხელი შეეწყო ახალი ანტიფრანგული კოალიციის შექმნისათვის და ჩაება მასში ავსტრიასთან ერთად პრუსიაც. ინსტრუქციაში გამოთქმული იყო რწმენა, რომ, თუ ბერლინის მოლაპარაკება წარმატებით დასრულდებოდა და პრუსია და ავსტრია საფრანგეთის წინააღმდეგ საერთო ენას გამონახავდნენ, მაშინ ახალ კოალიციას შეუერთდებოდნენ დანია და შვეცია, რითაც

¹ იხ. Архив ВПР, ф. „Спошопия России с Пруссией“, д. 524, л. 3-4; Д. М и л ю т н и, დასახ. ნაშრ., ტ. 3, გვ. 68.

შეიქმნებოდა ძლიერი ანტიფრანგული კოალიცია. რეპნიის რწმუნება ეძლეოდა მომავალი კოალიციის შექმნის თაობაზე მოლაპარაკება გაემართა პრუსიის, ავსტრიისა და ინგლისის მთავრობათა დიპლომატებთან. ინსტრუქციაში კონკრეტულად ფიქსირებული იყო მომავალი ანტიფრანგული კოალიციის ხელშეკრულების საიდუმლო მუხლები, რომლებიც ითვალისწინებდნენ: გამაფრთხილებელ ზომებს საფრანგეთის ხელისუფალთა ძირგამომთხრელი საქმიანობის წინააღმდეგ, გერმანიის, კერძოდ, მისი ჩრდილო ნაწილის ტერიტორიული მთლიანობის უზრუნველყოფასა და ბალტიის ზღვაში იმ კვეყნების სამხედრო ფლოტის დაუშვებლობას, რომლებსაც იქ არ გააჩნდათ სამფლობელოები და სავაქრო ბაზები.

რუსეთის მთავრობის აზრით, ევროპის ანტიფრანგული სამხედრო-პოლიტიკური კავშირის შექმნის თაობაზე ბერლინში წარმოებული მოლაპარაკება თითქოს სხოლოდ თავდაცვით-გამაფრთხილებელ ხასიათს ატარებდა და მიმართული არ იყო საფრანგეთის წინააღმდეგ¹.

ინსტრუქციის დასასრულს გამოთქმული იყო იმედი, რომ რეპნიინი დაიცავდა რუსეთის ინტერესებს და წარმატებით შეასრულებდა დაკისრებულ მისიას².

ამ ინსტრუქციის დამატებას და შევსებას წარმოადგენდა იმპერატორ პავლე I-ის 1798 წლის 21 აპრილის რესკრიპტი იმავე რეპნიინისადმი, რომელშიაც რუსეთის მთავრობა მას აუწყებდა: ბერლინში პანიინის მეშვეობით უკვე აღდგილი ჰქონდა პრუსიის მთავრობასთან საერთო შეთანხმების მიღწევის ცდას, მაგრამ იგი წარუმატებელი აღმოჩნდა პრუსიის მთავრობის უარყოფითი პოზიციის გამო. ამიტომ რეპნიინს ევალებოდა არ დაკმაყოფილებულიყო მარტო მინისტრებთან შეხვედრით, პირველი შესაძლებლობისთანავე თვით პრუსიის მეფე ენახა და მისთვის გაეცნო რუსეთის მთავრობის თვალსაზრისი.

21 აპრილის რესკრიპტში კიდევ ერთხელ ხაზგასმული იყო ფრანგთა აგრესიის სერიოზულობა: მათი ახალი შეტევის მოსალოდნელობა იტალიასა და გერმანიაში და, აქედან გამომდინარე, რეალური საფრთხე როგორც ავსტრიისათვის, ისე პრუსიის მთავრობისათვისაც. რესკრიპტი ავალებდა რუსეთის საგანგებო გზავნილს, კარგად გამოეყენებინა შექმნილი ვითარება და დაერწმუნებინა

¹ იხ. Архив ВПР, ф. „Сношения России с Пруссией“, д. 524, л. 10; Д. Милютин, დასახ. ნაშრ., ტ. 3, გვ. 70.

² Архив ВПР, ф. „Сношения России с Пруссией“, д. 524, л. 11—13.

პრუსიის მეფე ამ საშიშროების სერიოზულობაში. ამის შედეგად რეპნინს უნდა შეეცვლევინებინა პრუსიის მეფისათვის თავისი ძველი პოზიცია და უზრუნველყო მისი ჩაბმა ანტიფრანგულ „თავდაცვით კავშირში“. რუსეთის მთავრობა, თავის მხრით, თანხმობას აცხადებდა ფარული მოლაპარაკება ეწარმოებინა პრუსიის მეფესთან თუ იგი ასეთ მოლაპარაკებას მოითხოვდა.

რესკრიპტში ისევ განმეორებული იყო აზრი მომავალი ხელშეკრულების თითქოს თავდაცვითი ხასიათის შესახებ¹.

ჩვენს მიერ ხაზგასმული იყო, რომ რუსეთის მთავრობის მთელი დიპლომატიური წამოწყება ბერლინში მთლიანად საფრანგეთის წინააღმდეგ იყო მიმართული და მის საწინააღმდეგო სამხედრო-პოლიტიკური ბლოკის ორგანიზაციას ისახავდა მიზნად. რუსეთ-საფრანგეთის მშვიდობიანი მორიგების ყველა გზა რომ ამ დროს უკვე აფეთქებული იყო, ამაზე მიგვითითებს პაველე I-ის ერთ-ერთი რესკრიპტი (დათარიღებული 1798 წლის 4 ივნისით), რომლითაც იგი აფრთხილებდა რეპნინს—არაერთარი ურთიერთობა არ ჰქონოდა საფრანგეთის წარმომადგენელთან ბერლინში და უკუეგდო. პრუსიის მინისტრების შესაძლებელი „კეთილი სამსახურის“ წინადადება ამ მიმართულებით².

თავადი რეპნინი მრავალრიცხოვანი და ბრწყინვალე ამალის თანხლებით³ 1798 წლის მაისის დასაწყისში ჩავიდა ბერლინში და პანინთან ერთად შეუდგა დაკისრებული მოკალეობის შესრულებას.

ბერლინის მოლაპარაკების დაწყების მომენტისათვის პრუსიის სამეფო ტახტი ეპირა ფრიდრიხ-ვილჰელმ III-ს, ჰოჰენცოლერნთა-დინასტიის ერთ-ერთ „ღირსეულ“ წარმომადგენელს, პრუსიელ სალდაფონს, რეაქციონერს, პირმოთნეს და ფუქსავატს. ენგელსმა ერთ-ერთ თავის აღრინდელ შრომაში—„მდგომარეობა გერმანიაში“,—მოგვცა ამ მეფის სრულყოფილი შეფასება.

„პრუსიას იმ დროს,—წერდა ენგელსი,—მართავდა ფრიდრიხ-ვილჰელმ III, „სამართლიანად“ წოდებული, ერთ-ერთი უდიდესი

¹ Архив ВПР, ф. „Сношения России с Пруссией“, д. 524, л. 40—43.

² იქვე, ფ. 49.

³ რეპნინის ბერლინში „ტრიუმფალური“ ჩასვლის შესახებ წერდა ფრანგი ისტორიკოსი ბარანტი. იხ. M. Barante, დასახ. ნაშრ., ტ. 3, გვ. 238. „Il fit une entrée presque triomphale dans la capitale de la Prusse“,—წერენ ამის შესახებ „Mémoires“-ის გამომცემლები, იხ. ტ. 6, გვ. 119. ასეთივე შეფასება ეძლევა რეპნინის ბერლინში ჩასვლას კაიარის 1798 წლის 11/22 მაისით დათარიღებულ დღეშაში ტაღეირანისადმი, იხ. „Материалы...“, ტ. 3, ნაწ. 2, გვ. 118.

რეგენი, რომელიც კი ოდესმე ტახტს ამკობდა. იგი დაბადებული იყო მხოლოდ იმისაფის, რომ ყოფილიყო კაპრალი და შეემოწმებინა წესრიგში ჰქონდათ თუ არა ჯარისკაცებს ღილები. გარყვნილი და იმავე დროს მორალის ქომაგი..... იგი იცნობდა ორ გრძნობას: შიშსა და კაპრალურ ქედმაღლობას¹. ამ მეფეს, როგორც ირონიულად შენიშნავს ა. სორელი, წინაპარმა ფრიდრიხ-ვილჰელმ II-ემ ანდერძად დაუტოვა ლოზუნგი ნეიტრალიტეტის შესახებ და ამ პოლიტიკის წარმომადგენელი სამინისტროში, ჰაუპციცი².

ასეთ მეფესთან და მის მთავრობასთან უნდა ეწარმოებინა მოლაპარაკება თავად რეპნინს. მას ეს მეფე უნდა დაერწმუნებინა: ხელი აეღო ნეიტრალიტეტის პოლიტიკაზე, მორიგებოდა ავსტრიას ყველა სადავო საკითხში, შესულიყო ანტიფრანგულ სამხედრო-პოლიტიკურ ბლოკში და იარალი აღემართა საფრანგეთის რესპუბლიკის წინააღმდეგ.

თავადმა რეპნინმა პირველივე აუდიენციის დროს ფრიდრიხ-ვილჰელმ III-თან კონკრეტულად დააყენა პრუსიის მიერ ნეიტრალიტეტზე: ხელის აღებისა და რუსეთ-ავსტრია-ინგლისის „თავდაცვით“ კავშირში შესვლის საკითხი. მაგრამ პრუსიის მეფის მოუქნელმა მანერებმა და დელფის მისნისებურმა პასუხმა ფრთა შეაკვეცა რუსეთის წარმომადგენლის ოპტიმისტურ იმედებს და გაუცრუვა მას დაკისრებული მისიის წარმატების იმედი.

რუსი დიპლომატი ფრიდრიხ-ვილჰელმ III-თან პირველმავე საუბარმა დაარწმუნა, რომ ამ მეფეზე მომავალში რაიმე იმედის დაძყარება არ შეიძლებოდა, რომ მასთან შემდგომი მოლაპარაკების გაგრძელება დროის უბრალოდ დაკარგვა იქნებოდა. მან ამ მეფეში მაშინვე დაინახა მხდალი, უნებისყოფო, სახელმწიფოს მართვის უნარმოკლებული და ანავე დროს გულჩახვეული და შენიღბული პიროვნება, რომელსაც არ „აწყობდა“ ნეიტრალიტეტის პოლიტიკაზე ხელის აღება³.

პრუსიის მეფესთან შემდგომი მოლაპარაკების გაგრძელების უაზრობაში დარწმუნებამ თავადი რეპნინი აიძულა განეგრძო მოლაპარაკება პრუსიის მთავრობასთან, კერძოდ, „ყოვლისშემძლე“

¹ К. Маркс и Ф. Энгельс, Соч., т. 5, гл. 12—13.

² А. Сорель, დასახ. ნაშრ., ტ. 5, გვ. 270.

³ იხ. რეპნინის რედაქცია პავლესადმი, დათარიღებული 1798 წლის 14/25 მაისით. Архив ВПР, ф. „Сношения России с Пруссией“, 1798, д. 526, лл. 1—6.

მინისტრ ჰაუგვიცთან. მაგრამ ჰაუგვიცთან რამდენიმე საუბარსაც არ შეუცვლია მდგომარეობა. ჰაუგვიციც, მეფის მსგავსად, სიტყვით ეთანხმებოდა რუსეთის მთავრობის მოსაზრებებს, ამავებდა საფრანგეთის მმართველობას, ცნობდა მისი გაძლიერების რეალურ საფრთხეს, უბედურებად თვლიდა დირექტორიასთან საქმის დაქვრას, მაგრამ არსებითად იცავდა ტრადიციულ პოლიტიკას—დროის მოგების, დაყოვნების, მოვლენათა განვითარებისათვის თვალყურის დევნების პოლიტიკას¹.

თავის ფორმალურ უარს—აელო ახალი ვალდებულება და შესულიყო რუსეთ-ავსტრიასთან კავშირში—პრუსიის მინისტრი იმით ასაბუთებდა, რომ ეს მობრუნება პრუსიის საგარეო პოლიტიკაში, მისი თქმით, საფრანგეთის რესპუბლიკას შეეძლო მუხანათურ აქტად მიეჩნია და ომი გამოეცხადებინა პრუსიისათვის.

პრუსიის რეაქციული ხროვა, რომელიც თავის დროზე, კ. მარქსის გამოთქმა რომ ვიხმაროთ, „ველურ ძალთა ხროვასავით“ მიესია საფრანგეთს, საფრანგეთის რევოლუციური არმიის მიერ სასტიკად დამარცხებული, იძულებული გახდა აელო ამ „საპატიო მისიაზე“, გამოსულიყო კოალიციიდან და ნეიტრალიტეტის ნიღბით შემოსილიყო. პრუსიის რეაქციულ ხროვას დიდი სურვილი ჰქონდა ესარგებლა შექმნილი ვითარებით და მეზობლების ხარჯზე ახალ-ახალი ტერიტორიები მიეღო. მაგრამ იგი უძლური იყო დაეკმაყოფილებინა ეს თავისი მსუნაგი მადა, რის გამოც იძულებული გახდა თავი შეეკავებინა ასეთი „ცდუნებისაგან“ და „ტრადიციული“ ნეიტრალიტეტის თავგამოდებულ დამცველად გამოსულიყო. საფრანგეთსა და მის მოწინააღმდეგეებს შორის ომის პერსპექტივები ჯერ კიდევ არ იყო გარკვეული, ასეთ პირობებში კი ომში ჩაბმა მეტად სარისკო იყო პრუსიელი მილიტარისტებისათვის. ტერიტორიული გაფართოების ნაცვლად, ამას შეიძლება „საკუთარი ტყავის“ გაძრობა მოჰყოლოდა შედეგად. პრუსიელი „რაინდები“ მზად იყვნენ ეშიშვლათ ხმალი იმ შემთხვევაში, როდესაც გამოვლინდებოდა ერთ-ერთი მებრძოლი ბანაკის უდავო უპირატესობა, რაც მათი მტაცებლური ზრახვების განხორციელების ხელსაყრელ პირობებს შექმნიდა.

¹ „Он во всем в том со мною соглашался,—წერდა რეპინი პავლეს ჰაუგვიცის შესახებ 1798 წლის 14/25 მაისით დათარიღებულ რელაციაში,— и с притворным омерзением говорил о французах, за несчастие себе почитал, что обстоятельства его принудили с ними дело иметь“. Архив ВПР, ф. „Сношения России с Пруссией“, д. 526, лл. 3—5.

წარმატებული იყო თავად რეპნინის თავდაპირველი ნაბიჯები სამედიაციო დარგშიც. სიტყვიერი განცხადების მიუხედავად, პრუსიის რეაქციულ მესვეურებს ოდნავი განზრახვაც კი არ ჰქონდათ შეეცვალათ თავიანთი პოლიტიკა გერმანიის იმპერიაში ბატონობისთვის მათი კონკურენტის, ავსტრიის მიმართ, შეეწყვიტათ მასთან დაუსრულებელი კინკლაობა ტერიტორიების ნიადაგზე და მეგობრობის ხელი გაეწოდებინათ მისთვის. დანასტიური და სხვა მოტივებით პირობადებული ღრმა ანტაგონიზმი სთიშავდა ერთმანეთისაგან ამ ორ გერმანულ სახელმწიფოს¹.

რუსეთის მთავრობა, რომელიც თავდაპირველად დიდ იმედებს ამყარებდა რეპნინის მისიაზე და ბერლინის კონფერენციიდან მოვლოდა რუსეთის დიპლომატიის მიერ გათვალისწინებულ სასურველ შედეგებს, ნერვიულობამ და მოუთმენლობამ შეიპყრო. გაძლიერდა რუსეთის მესვეურთა სიტყვიერი თავდასხმები პრუსიის მთავრობის წევრებზე და თვით მეფეზე მათი ჯიუტი პოზიციის გამო².

მიუხედავად იმისა, რომ ბერლინის მოლაპარაკების პირველმა ეტაპმა უკვე წარმოშვა სამართლიანი ექვები მისი წარმატებითი შედეგებისადმი, რუსეთის სამეფო კარი იმედს მაინც არ ჰკარგავდა და დაჟინებით მოითხოვდა მის გაგრძელებას. რეპნინს და პანინს ახალ-ახალი მითითებები ეგზავნებოდათ პეტერბურგიდან, რომლებითაც მათ ევალებოდათ გაეძლიერებინათ ზემოქმედება პრუსიაზე და გარდატეხა მოეხდინათ მიმდინარე მოლაპარაკებაში. პეტერბურგში იმედი ჰქონდათ, რომ რაშტადტის კონგრესის საქმიანობის უპერსპექტივობა, ისევე როგორც საფრანგეთის აგრესიის შემდგომი გაფართოება, გამოათხიზლებდა პრუსიის სამეფო კარს და მიიყ-

¹ მედიაციის თაობაზე გამართული პირველი კონფერენციის საქმიანობის შესახებ ცნობებს იძლევიან რეპნინი და პანინი ერთობლივ 1798 წლის 14/25 მაისით დათარიღებულ რელაკიაში პ.ელესადმი. იხ. Архив ВПР, ф. «Сношения России с Пруссией», д. 515, л. 1—4, «Материалы», т. 3, № 11, გვ. 104—107.

² ამ ნხრიც საინტერესოა პავლეს 1798 წლის 16 ივნისის რესკრიპტი რეპნინისადმი. იხ. Архив ВПР, ф. «Сношения России с Пруссией», 1793, д. 524, л. 7) და 1798 წლის 13 ივლისის რეაკრიპტი პანინისადმი, იქვე, д. 520, л. 19—20. პეტერბურგის სამეფო კარის ეს განწყობილება კარგად არის გამოვლენილი პავლეს რესკრიპტებში, რომლებიც მან რეპნინს, პანინს და რაზუმოვსკის გაუგზავნა აღნიშნული მოლაპარაკების შესახებ. იხ. პავლეს 1798 წ. 13 ივლისის რესკრიპტი პანინისადმი, დასახ. არქივის მითითებულ ფონდში.

ვანდა ავსტრიასთან მორიგების აუცილებლობისა და ნეიტრალიტეტზე ხელის ალების მიზანშეწონილობის გადაწყვეტილებამდე¹.

პავლე I-ის მთავრობის მიერ გადადგმული ახალი ნაბიჯებისა და ევროპის სახელმწიფოთა პოლიტიკურ ცხოვრებაში მომხდარი ახალი ცვლილებების მიუხედავად ბერლინის მოლაპარაკება მკვდარი წერტილიდან არ დაძრულა. რეპნიჩის მისია კრახით დამთავრდა, რუსეთის დიპლომატიის განზრახვა განუხორციელებელი დარჩა. პეტერბურგის სამეფო კარმა, დაინახა რა ბერლინის მოლაპარაკების შემდგომი გაგრძელების უაზრობა, სწორი გადაწყვეტილება მიიღო: მან თავის წარმომადგენლებს ბერლინში განკარგულება მისცა შეეწყვიტათ ეს უნაყოფო მოლაპარაკება².

კრახი განიცადა პავლე I-ის მთავრობის ცდამ: 1) გამოსულიყო არბიტრის როლში, მოერიგებინა პრუსია და ავსტრია და მით გაეძლიერებინა თავისი გავლენა როგორც ამ სახელმწიფოებზე, ისე მთელ გერმანიაზე; 2) ყოფილიყო გერმანიის იმპერიის მთლიანობისა და ხელუხლებლობის გარანტი, ჩაეშალა საფრანგეთისა და ავსტრიის ცდა გაფართოებულიყენენ გერმანული სახელმწიფოების ხარჯზე და თან შეუძლებელი გაეხადა „მავნე რევოლუციური გავლენის“ გავრცელება რაინის მარჯვენა ნაპირზე; 3) მიეღო იმის სრული გარანტია, რომ ჩრდილოეთ გერმანიაში უზრუნველყოფილიყო მშვიდობიანობა და ნეიტრალიტეტი, რასაც უნდა განემტკიცებინა რუსეთის პოლონური სამფლობელოების უშიშროება და აღეკვეთა საფრანგეთის ინტრიგები; 4) გამოეყვანა პრუსია ნეიტრალიტეტის პოზიციიდან, ჩაება იგი ანტიფრანგულ სამ-

¹ თვით მაშინაც კი, როცა ეს მოლაპარაკება ფაქტიურად ჩაიშალა, პანინი კვლავ ლებულობს პეტერბურგიდან ახალ მითითებას. რამლითაც მას ევალებოდა კვლავ ცდილიყო ხეგავლენა მოეხდინა ბერლინის მოლაპარაკებაზე და დაერწმუნებინა იგი რუსეთის დიპლომატიური ინიციატივის მიღების სასურველობაში.

² რეპნიჩმა ხუსტად შეასრულა თავისი მთავრობის მითითება მან ერთხელ კიდევ კატეგორიული ფორმით მოითხოვა მოლაპარაკების განახლება და შეთანხმების მიღწევა, მაგრამ როდესაც დაინახა ამ მორიგი ცდის სრული უშედეგობა, მან მოითხოვა უკანასკნელი გამოსათხოვარი აუდიენცია პრუსიის მეფესთან, უხალისოდ გამოეთხოვა მას და აგვისტოს შუა რიცხვებში დასტოვა ბერლინი. მან გუხი აიღო ვენისაკენ, სადაც რაზუმოვსკისთან ერთად რუსეთ-ავსტრიის ანტიფრანგული კავშირის შექმნის საქმე უნდა მოეგვარებინა. იხ. პავლეს 1798 წლის 13 ივლისის, 20 ივლისის და 29 ივლისის ინსტრუქციები (რესკრიპტები) ნ. პ. პანინისადმი. «Материалы.», ტ. 3. ნაწ. II. გვ. 175—176, 179—181. რეპნიჩის 1798 წლის 30 ივლისის (10 აგვისტოს) და 2/13 აგვისტოს რეჟაციები პავლესადმი. Архив ВПР, ф. «Сношения России с Пруссией», д. 526, л. 11—14. 77—79.

ხედრო-პოლიტიკურ ბლოკში და გამოყენებინა იგი (ავსტრიასთან ერთად) საფრანგეთის წინააღმდეგ ომში.

პრუსიის მთავრობის აღნიშნულმა პოზიციამ, რომელმაც განსაზღვრა ბერლინის მოლაპარაკების მარცხი, რუსეთის სამეფო კარი მიიყვანა მტკიცე გადაწყვეტილებამდე—გაეძლიერებინა საქმიანობა ანტიფრანგული კოალიციის შესაქმნელად ინგლისის და ავსტრიის მონაწილეობით.

მართალია, რეპნიშმა ბერლინიდან წასვლის წინ რიხით განაცხადა, რომ რუსეთი იბრძოლებდა საფრანგეთის წინააღმდეგ პრუსიის გარეშე ან პრუსიასთან ომის შემთხვევაშიც კი¹, მაგრამ, ჩვენი აზრით, სინამდვილეში პავლე I-ის მთავრობას არ ჰქონდა განზრახვა უკიდურესად გაემწვაებინა ურთიერთობა პრუსიასთან და საქმე მასთან ომამდე მიეყვანა. საფრანგეთის წინააღმდეგ გარდუვალი ომის პერსპექტივის პირობებში პრუსიის ნეიტრალიტეტი (რაკი მასთან დაკავშირება არ მოხერხდა) შედარებით ნაკლები ბოროტება იყო, ვიდრე პრუსიის დაკავშირება საფრანგეთთან და მისი რუსეთის წინააღმდეგ ამხედრება. ამიტომ იყო, რომ პანინისადმი გაგზავნილ ინსტრუქციებში, კერძოდ 1798 წლის 13 ივლისის ინსტრუქციაში პავლე I აცნობებდა მას, რომ პრუსიასთან ურთიერთობის გაწყვეტა ჩვენს განზრახვას არ შეადგენს².

საბჭოთა ავტორი ლანინი ბერლინის მოლაპარაკების ჩაშლას და პრუსიის მიერ ნეიტრალიტეტის შენარჩუნებას რუსეთის დიპლომატიის სერიოზულ მარცხად მიიჩნევს. მისი აზრით, პრუსიის მიერ თავისი „ნეიტრალიტეტის“ დაცვამ დიდი როლი შეასრულა მეორე ანტიფრანგული კოალიციის და პავლეს შემდეგდროინდელ საგარეო პოლიტიკის მარცხის საქმეში³.

ლანინის მოტანილ შეხედულებას ჩვენ სავსებით ვერ გავიზიარებთ. ბერლინის მოლაპარაკების ჩაშლა, მართალია, რუსეთის ცარიზმის დიპლომატიის უდავო მარცხი იყო, მაგრამ არც ისეთი დიდი შედეგების მქონე. როგორც ფიქრობს ეს ავტორი. პრუსიის მთავრობის მიერ „ნეიტრალიტეტის“ პოზიციის დაცვას არ შეეძლო მოეხდინა დიდი გავლენა მეორე ანტიფრანგული კოალიციის შედეგებზე და განეპირობებინა რუსეთის მთავრობის მორიგი

¹ К. В а л и ш е в с к и й, დასახ. ნაშრ. გვ. 334.

² Архив ВПР ... ф. „Сношения России с Пруссией“, т. 520, лл. 19—20; „Материалы...“, т. 3, ნაწ. II, გვ. 175—176.

³ „В неудачах кампаний 1799 года, — пишет он, — внесшей политики Павла вообще — отказ Пруссии нарушить свой „нейтралитет“ сыграл, безусловно, большую роль“. Р. Л а н и н и, დასახ. წერილი გვ. 25.

საგარეო პოლიტიკური კურსის კრაზი. მეორე ანტიფრანგული კოალიციის 1799 წლის კამპანიის წარუმატებლობა და იმ ამოცანების გადაუწყვეტლობა, რომელიც დასახული ჰქონდა რუსეთს საფრანგეთთან ომის დროს, ძირითადად და არსებითად თვით ამ კოალიციის რიგებში აღმოცენებული შინაგანი წინააღმდეგობის შედეგი იყო. როგორც ცნობილია, პრუსიამ 1798—1799 წლებში შეინარჩუნა თავისი ნეიტრალიტეტი და არც რუსეთის (რომლისაც მას ეშინოდა) და არც ავსტრიის მიმართ რაიმე დივერსია არ მოუწყვია. პრუსიის ნეიტრალიტეტის მიუხედავად მეორე ანტიფრანგულ კოალიციას 1799 წლის კამპანიის დროს პრაქტიკულად შეეძლო საფრანგეთის სამხედრო განადგურება და თუ ეს ამოცანა არ განხორციელდა, ამის მთავარი მიზეზი იყო არა პრუსიის პოზიცია, არაჩველ სხვა გარემოებები, რომელთა შესახებაც ქვემოთ იქნება საუბარი¹. პრუსიის გამოსვლას ნეიტრალური მდგომარეობიდან და თურქეთთან ერთად მის ამხედრებას საფრანგეთის წინააღმდეგ, თავდაპირველად, მართლაც ხელი უნდა შეეწყო ანტიფრანგული კოალიციის ძალებისათვის. მაგრამ, ჩვენი აზრით, გამორიცხული არ იყო მოკავშირეების—ავსტრიისა და პრუსიის—შეჯახება ნადავლის გაყოფის თაობაზე, რაც გაანეიტრალებდა კოალიციის პირველ წარმატებებს. მოსალოდნელი იყო აგრეთვე რუსეთ-ინგლისის მშაფრთხი დაჯახება პრუსიაზე უპირატესი გავლენისათვის. ამგვარად, პრუსიის გამოსვლას ნეიტრალური მდგომარეობიდან რუსეთისათვის ჰქონდა თავისი პლუსი და მინუსი.

ბ. საფრანგეთ-პრუსიის მოლაპარაკება ბერლინში (სიეიუსის მისია)

საფრანგეთის რესპუბლიკის ხელისუფლებამ თავის მხრივ სათანადო ზემოქმედება მოახდინა პრუსიის მთავრობაზე, რათა ჩაეშალა რუსეთის დიპლომატიის გეგმები პრუსიის მიმართ და თვით გადაეხიზებინა პრუსია თავის მხარეზე.

აღნიშნული დიპლომატიური განზრახვის სისრულეში მოსაყვანად დირექტორიის მთავრობამ რუსეთის მთავრობის მსგავსად,

¹ ვ. კოჩუბეი, ნ. პანინი, ა. კურაკინი და ს. ვორონცოვი ბერლინის მოლაპარაკების ჩაშლისათვის თვით რეპნინს და მის დიპლომატიურ უუნარობას სდებდნენ ბრალს. იხ. „Материалы...“, ტ. 3, ნაწ. II, გვ. 614. მაგრამ ამ დიპლომატებს მხოლოდ შური აღაპარაკებთ და არა საქმის ინტერესი. ისინი ხომ პანინის და მისი საგარეო პოლიტიკური კურსის მომხრენი იყვნენ. ჯანა თვით პანინი არ იღებდა აქტიურ მონაწილეობას აღნიშნულ უშედეგო მოლაპარაკებაში?

საქიროდ მიიჩნია ბერლინში საგანგებო დიპლომატიური წარმომადგენლის მივლინება. ეს მისია დაეკისრა საფრანგეთის რევოლუციის ცნობილ მოღვაწეს, გამარჯვებული ბურჟუაზიის ერთ-ერთ „ლიდერს“ აბატ სიეიესს (Sieyès Emmanuel Lasèph).

როგორც ცნობილია, საფრანგეთის რესპუბლიკა 1795 წლიდან მოკიდებული, როდესაც პრუსიამ სეპარატული ზავი დადო საფრანგეთთან და ომიდან გამოვიდა, ცდილობდა კიდევ უფრო მჭიდროდ დაკავშირებოდა მას და გაეხადა იგი თავის მოკავშირედ. საამისო მოლაპარაკებას ბერლინში აწარმოებდა კაიარი, მაგრამ ეს მოლაპარაკება წარუმატებელი იყო. პრუსიის რეაქციულ ხროვას საფრანგეთის მიმართ მხოლოდ შიში აკავშირებდა, ყველა დანაზღვნი კი (იდეოლოგიის ჩათვლით) სთიშავდა მისგან. მას არ სურდა საფრანგეთის მოკავშირე გამხდარიყო იმიტომაც, რომ ასეთ შემთხვევაში მას მოუხდებოდა ინგლისთან, ავსტრიასთან და რუსეთთან ომი. ამ ქვეყნებისა კი, კერძოდ რუსეთის, მას არანაკლებ ეშინოდა.

პარიზში კაიარისათვის დაკისრებული მისიის უშედეგობათვით კაიარის დიპლომატიურ უუნარობას და სისუსტეს მიაწერეს, რის გამოც მისი უკან გაწვევა და მის ადგილას სხვა დიპლომატის გაგზავნა გადაწყვიტეს. დირექტორია უსაფუძვლოდ ფიქრობდა, რომ თუ კაიარს გამოცდილი დიპლომატით შეცვლიდა, იგი მოახერხებდა ამ ქვეყნის ნეიტრალიტეტის დაძლევას და თავის იარაღად ქცევას. დირექტორიამ თავისი არჩევანი სიეიესზე შეაჩერა¹.

კაიარის უკან გაწვევა და სიეიესის გაგზავნა ბერლინში დირექტორიის ხელისუფლების მორიგი და მრავალთა შორის ერთ-ერთი გაუმართლებელი ნაბიჯი იყო. სიეიესი არ ყოფილა პროფესიული დიპლომატი, მას მანამდე არ უმუშავია დიპლომატიურ დარგში, რის გამოც მოკლებული იყო იმ აუცილებელ თვისებებს, რომლებითაც დაჯილდოვებული უნდა ყოფილიყო საგანგებო მისიის შესასრულებლად წარგზავნილი დიპლომატი. ამ ნაკლთან ერთად მას ბევრი სხვა ნაკლიც ჰქონდა. იგი იყო მედროვე პოლიტიკოსი, პატივმოყვარე კარიერისტი, უპრინციპო, გარეგანი ეფექტის მომხდენი პიროვნება. მოკლებული იყო რა დინჯი, ღრმა ცოდნისა და საქმიანი ადამიანის თვისებებს, სიეიესს არ შეეძლო

¹ „Caillard est rappelé de Berlin et remplacé par l'abbé Sieyès“,— სწერდა პავლეს რუსეთის ყოფილი ელჩი პარიზში სიმოლინი 1796 წლის 11/22 მაისით დათარიღებულ რელაციაში მაინის ფრანკფურტიდან. იხ. Архив ВПР, ф. „Свошешня России с Францией“, г. 520, з. 121.

წარმატებით შეესრულებინა საფრანგეთის ბურჟუაზიის „საპატიო“ მისია. ამასთან ერთად, მხედველობაში მიღებული უნდა იქნეს ისიც, რომ „მეფის მკვლელ“ სიეიესს, „ევროპის ტახტის დამამხობელთა და წეპ-კანონიერების დამრღვევთა ხროვის“ ერთ-ერთი მოთავეს და „რევოლუციონერის“ სახელი ჰქონდა გავარდნილი საფრანგეთის მიღმა. ასეთი სახელის მქონე პოლიტიკური მოღვაწე ბერლინში—რეაქციის, ფეოდალური პრივილეგიების, მილიტარისტული ხროვისა და უხეში სამხედრო კულტის ბატონობის ქვეყანაში, ჰოჰენცოლერნთა „მამულში“ — ვერ იქნებოდა *persona grata* ¹.

რუსეთის თავადაზნაურულ-ბურჟუაზიული ისტორიოგრაფიის ცნობილი ისტორიკოსები (ტატიშჩევი, ტრაჩევსკი, ნილიუტინი, შილდერი და სხვ.), ისევე, როგორც ფრანგი ისტორიკოსების ნაწილი (სორელი, ბარანტი და სხვ.), სუბიექტური მოსაზრებებით ხელმძღვანელობენ, როცა ძალზე მუქი საღებავებით ხატავენ სიეიესს და მის საქმიანობას, სხვადასხვა ეპითეტებით ამკობენ მას და სასაცილოდ ივლებენ მის დიპლომატიურ „ნიქს“. მის უარყოფითად დასახასიათებლად ისინი ერთ შტრიხს უსვამენ ხაზს: სიეიესი მხოლოდ პატივმოყვარეობის გამო გაემგზავრა ბერლინში. იგი იმდენად დარწმუნებული იყო თავის მოწოდებასა და განსაკუთრებულ ნიჭში, რომ ექვიც არ ეპარებოდა დაკისრებული მისიის წარმატებაში ².

კითხვა ისმის, რატომ დააკისრა დირექტორიამ ასეთ პიროვნებას აღნიშნული პასუხსაგები დავალება? ცხადია, აქ დიდი როლი შეასრულა გახრწნილების, ძმობიჭობისა და კორუპციის სისტემამ, რომელიც გაბატონებული იყო მაშინ საფრანგეთში, კერძოდ დიპლომატიურ უწყებაში. სიეიესი დირექტორთა შორის „თავისიან კაცად“ ითვლებოდა. ეს კი გადამწყვეტი იყო მათ არჩევანში. იყო

¹ აღსანიშნავია, რომ თვით კაიარმა სამართლიანი ეჭვები გამოთქვა სიეიესის დანიშვნის მართებულობის შესახებ. ის წინასწარ დარწმუნებული იყო სიეიესის მისიის წარუმატებლობაში. იხ. კაიარის 1798 წლის 18/29 მაისის დეკლამ დირექტორიისადმი, „*Материалы...*“. ტ. 3, ნაწ. II, გვ. 128.

² Tatistcheff, დასახ. წერილი, დასახ. ჟურნ., 1887, ტ. 48, I—II წ. გვ. 43—44; А. Трученский, დასახ. წერილი, დასახ. ჟურნ., გვ. 546; А. Сопел, დასახ. ნაშრ., ტ. 5, გვ. 268; M. (de) Barante, დასახ. ნაშრ., ტ. 3, გვ. 211—212; ასეთივე შეხედულებისაა I. Lamoureux-ც, კაიარის მოკლე ბიოგრაფიის ავტორი, რომელიც უაზროსა და სამწუხაროს უწოდებს სიეიესისათვის საპასუხისმგებლო დიპლომატიური მისიის დაკისრებას. „*Nouvelle biographie générale...*“ Paris, 1854, გვ. 109. სიეიესის გრცელი ბიოგრაფია იხილეთ. *Biographie Universelle., ancienne et moderne*, ტ. 39, გვ. 309—319.

აგრეთვე ერთი გარემოება, რომელიც ანგარიშგასაწევია: დირექტორების ნაწილს სიეიესის კიდევაც ეშინოდა და ბერლინში მისი გაგზავნა მისი თავიდან მოცილების საშუალება იყო ¹.

ბერლინში გამგზავრების წინ სიეიესი დირექტორიამ ალკურვა ვრცელი ინსტრუქციით, რომელშიაც საფრანგეთის თვალსაზრისით გაშუქებული იყო ევროპული ურთიერთობის თითქმის ყველა პრობლემა. ინსტრუქციაში მთავარი ადგილი დათმობილი ჰქონდა პრუსიის საკითხს. ამ ინსტრუქციაში ვკითხულობთ: „საქიროა ბოლომდე მივიყვანოთ საქმე, რომელიც ხშირად იწყებოდა და მუდამ დაუმთავრებელი რჩებოდა. საქიროა პრუსია ჩავაბათ ჩვენს სისტემაში“², სწორედ ეს იყო სიეიესის ძირითადი ამოცანა და დავალება, რაც მას ბერლინში უნდა შეესრულებინა.

როგორც მოსალოდნელი იყო, სიეიესის დანიშვნას და კაიარის ბერლინიდან უკან გაწვევას დაუფარავი უქმაცოფილებით შეხვდნენ პრუსიაში. პრუსიის მთავრობამ თავისი პარიზელი ელჩის სანდოზის მეშვეობით საფრანგეთის დირექტორიისა და საგარეო საქმეთა სამინისტროს წინაშე დააყენა საკითხი კაიარის თავის თანამდებობაზე დატოვებისა და სიეიესის დანიშვნის გადაწყვეტილების გაუქმების შესახებ. მაგრამ ამ დემარშს შედეგი არ მოჰყოლია. დირექტორიის ხელისუფლებამ საქიროდ არ ცნო შეეცვალა თავისი გადაწყვეტილება³.

სიეიესი 1798 წლის 20 ივნისს ჩავიდა ბერლინში⁴. პრუსიის ფეოდალური არისტოკრატია, მილიტარისტული ხროვის ზედა ფენა და თვით სატახტო ქალაქის „მეშაინური“ ნაწილი—პრუსიული რეაქციის ბრმა იარაღი, ზიზლით, სიძულვილით, ათვალისწუნებით და გესლიანი ირონიით შეეგებნენ „მეფის მკვლელს“⁵.

¹ იხ. А. Соре.тх, დასახ. ნაშრ., ტ. 5, გვ. 268.

² იქვე, გვ. 269.

³ რეპნინი თავის 1798 წლის 20/31 მაისით დათარიღებულ რელაციაში პავლესადმი შემოთვებას გამოთქვამს სიეიესის მისიის გამო. იგი შიშობს: ვაი თუ დაშინება-მუქარით, დაპირებებითა და ტკბილი სიტყვებით სიეიესმა გავლენა მოახდინოს პრუსიაზე, თანაც დათესოს იქ რესპუბლიკური სული და შფოთიო. რეპნინი ამავე დროს ხაზგასმით აღნიშნავს პრუსიის მთავრობის უქმაცოფილებას პარიზის გადაწყვეტილებების გამო და მის ცდას ხელი შეეშალა სიეიესის ბერლინში გაგზავნისათვის. Архив ВПР, ф. „Сношения России с Пруссией“, д. 526, л. 9. იხ., აგრეთვე, А. Соре.тх, დასახ. ნაშრ., ტ. 5, გვ. 271; К. Валишнев с кн II, დასახ. ნაშრ., გვ. 334.

⁴ „Mémoires“, ტ. 6, გვ. 139.

⁵ რეპნინის 1798 წლის 17/23 ივნისის რელაცია პავლესადმი. Архив ВПР, ф. „Сношения России с Пруссией“, д. 546, л. 41.

საფრანგეთის საგანგებო წარმომადგენელმა მაშინვე გადადგა ნაბიჯები დაკისრებული მისიის შესასრულებლად. თავდაპირველად მან ოფიციალური „ვიზიტი“ გაუკეთა მინისტრებს და სხვა გავლენიან პირებს. ამ შეხვედრებისას იგი არწმუნებდა მათ საფრანგეთის მეგობრულ განწყობილებაში პრუსიის მიმართ¹.

სიეიესის პირველ აუდიენციას ფრიდრიხ-ვილჰელმ III-თან 1798 წლის 5 ივლისს ჰქონდა ადგილი². ამ აუდიენციის დროს სიეიესმა კონკრეტულად დააყენა პრუსიის მეფის წინაშე საკითხი საფრანგეთ-პრუსიის კავშირის სასურველობის შესახებ. მეფესთან საუბარში მან ხაზი გაუსვა იმ სარგებლობას, რასაც პრუსია ასეთი კავშირის შედეგად მიიღებდა. პრუსიის მეფეზე ზემოქმედების მოსახდენად სიეიესმა ფრიდრიხ II-ის ავტორიტეტსაც კი მიმართა. საფრანგეთ-პრუსიის 'კავშირი სიეიესის თქმით, საფრანგეთ-პრუსიის ინტერესებს და მთელი გერმანიის ინტერესებს ემსახურება, ასეთ კავშირს ფრიდრიხ II-ც კი დაუქერდა მხარსო³.

სიეიესის შეხვედრა პრუსიის მეფესთან ისეთივე უშედეგო იყო, როგორც რეპნინის ანალოგიური მოლაპარაკება. სიეიესისათვის ნათელი გახდა, რომ არავითარ ზემოქმედებას, მუქარას და დაპირებას არ შეეძლო რაიმე ნაყოფის მოტანა და პრუსიის გამოყვანა ნეიტრალიტეტის მდგომარეობიდან. „პრუსიის მეფეს არ სურს არავითარი გადაწყვეტილების მიღება“, — წერდა სიეიესი ტალიერანს 1798 წლის ივლისში გაგზავნილ დეპეშაში⁴.

¹ სიეიესის ბერლინში ჩასვლას, მის შეხვედრებს და დიპლომატიურ საქმიანობას ფიხსლად აღწევნებდა თვალყურს ნ. პ. პანინი. მას საშუალება ჰქონდა ზუსტი ცნობები შეეკროვებინა ამის შესახებ და სათანადო ცნობები ეგზავნა პეტერბურგში. ამას იგი აღწევდა ე. წ. „საიდუმლო არხის“ მეშვეობით. საგარეო საქმეთა კოლეგიის სანქციით პანინი მნიშვნელოვან თანხებს ხარჯავდა საფრანგეთის ბერლინის საელჩოა თანამშრომელთა მოსყიდვაზე. ამ გზით ღებულობდა პანინი ყოველგვარ ცნობებს სიეიესის მოლაპარაკების შესახებ პრუსიის მთავრობასთან. როგორც მოსალოდნელი იყო, პანინი სიეიესის საქმიანობის თაობაზე პეტერბურგში გაგზავნილ რელაკიებში გაბოროტებას და ზიზლს გამოხატავს მისდამი და მას „თავხდს“, „უხეშს“, „ინტრიგანს“, „მეფის მკვლელს“ უწოდებს. ანავე დროს იგი ემყოფილებას გამოხატავს იმ ცუდი შეხვედრის გამო, რომელიც სიეიესს ბერლინში მოუწყვეს. იხ. კურაკინის 1798 წლის 26 იანვრის (6 თებერვლის) და 5/16 მარტის წერილები პანინისადმი. „Русская старина“, 1874, მაისი, გვ. 81—82; იხ. აგრეთვე, პანინის 1798 წლის 29 ივნისის (10 ივლისის) რელაცია პავლესადმი. Архив ВПР, ф. „Сношения России с Пруссией“, д. 514, лл. 198—199; „Материалы...“, ტ. 3, ნაწ. III, გვ. 131, 171—172; Архив князя Воронцова. გვ. 20—22, 44—45.

² А. Сорель, დასახ. ნაშრ., ტ. 5, გვ. 271.

³ Mémoires, ტ. 6, გვ. 140—141.

⁴ იქვე, გვ. 147.

შეთესთან შეხვედრით იმედგაცრუებულმა სიეიესმა მოლაპარაკების სიმძიმის ცენტრი ჰაუგვიცთან შეხვედრებზე გადაიტანა. მაგრამ ამ უკანასკნელმა საკიროდ არ ჩათვალა უშუალო ურთიერთობა ჰქონოდა „მეთის ზვიად მკვლელთან“ და მას შუაქაცად ებრაელი ეფრაიმი მიუჩინა. შუაქაცის გამოყენება „შეურაცყოფს ჩემს რესპუბლიკურ სულს“,—წერდა სიეიესი თავის მთავრობას ერთ-ერთ დეპეშაში¹. ჰაუგვიცის პასუხი ციხისეთივე იყო როგორც მეთისა: ხელსაყრელი ნეიტრალიტეტი ჰაუგვიცის უკანასკნელი სიტყვა იყო².

საფრანგეთის ელჩმა სცადა ერთგვარი საზოგადოებრივი აზრი შეექმნა საფრანგეთთან კავშირის სასარგებლოდ და მომხრეები შეეძინა როგორც მინისტრთა, ისე ჰოპენცოლერნთა გვარის წარმომადგენელთა შორის. მაგრამ არც ამ მიმართულებით გაუღიმა მას ბედმა. დინასტიის წარმომადგენელთა შორის საფრანგეთთან კავშირს მხოლოდ პრინცი ჰენრიხი უჭერდა აშკარად მხარს, მაგრამ მისი გავლენა უმნიშვნელო იყო. „მე მეგონა, რომ ფრანგს ვესაუბრებოდი...,—წერდა სიეიესი ამ პრინციის შესახებ,—მაგრამ საქმეებში იგი არაარაობას წარმოადგენს“³.

ტალეირანი, სიეიესის მსგავსად, დიდხანს იყო დარწმუნებული, რომ საფრანგეთის დიპლომატია ბოლოს და ბოლოს თავისას გაიტანდა ბერლინში, მაგრამ სიეიესის რამოდენიმე დეპეშამ ბერლინის მოლაპარაკების წარუმატებლობა-უაზრობის შესახებ დაანახვა საფრანგეთის მინისტრს, რომ დასახული ამოცანა განუხორციელებელი იყო, სიეიესის მისია კი—უნაყოფო. მან ყოველ შემთხვევაში უკანასკნელ ხერხს მიმართა: საკიროდ მიიჩნია პრუსიის დაშინება საფრანგეთთან მოსალოდნელი შეჯახებით, საფრანგეთის წინადადების უარყოფის შემთხვევაში. თავის 1798 წ. 24 ივლისის ინსტრუქციაში სიეიესისადმი ტალეირანი მითითებას აძლევდა საფრანგეთის წარმომადგენელს ასეთი ტონით ელაპარაკა პრუსიის მინისტრებთან⁴. სიეიესმა შეასრულა ტალეირანის ეს მითითება და აშკარა მუქარას მიმართა ჰაუგვიცთან მორიგი საუბრის დროს.

¹ A. COPEL, დასახ. ნაშრ., გვ. 272.

² იქვე, გვ. 273; მეორე ფრანგი ისტორიკოსის ბარანტის აზრით, სიეიესი ბერლინში ჩასვლისთანავე დარწმუნდა, რომ ვერაფერს ვერ მიაღწევდა. M. Barante, დასახ. ნაშრ., ტ. 3, გვ. 243.

³ A. COPEL, დასახ. ნაშრ., ტ. 5, გვ. 272.

⁴ იქვე, გვ. 274.

„აღმასრულებელი დირექტორია, — განუცხადა მან პრუსიის მინისტრს, — დადებს ზავს თქვენთან თანხმობით, უთქვენოდ და თვით თქვენს წინააღმდეგ, მაგრამ თუ ჩვენ ვიმოქმედებთ თქვენს გარეშე, მაშინ უფრო ხილდით ახალ კამპო-ფორმიოს ზავს“¹.

ტალიერან-სიეიესის უკანასკნელი ზემოქმედებაც უშედეგო აღმოჩნდა. პრუსიის მთავრობა ამის შემდეგაც დარჩა „ლეთარგიული ძილის“ მდგომარეობაში. რაკი რუსეთის წინადადება უარყოფილ იქნა, პრუსიის მესვეურებმა საჭიროდ მიიჩნიეს ასევე მოქცეოდნენ საფრანგეთის წინადადებასაც, რაგინდ მაცდუნებელი და მადის აღმძვრელი არ უნდა ყოფილიყო იგი.

საფრანგეთის რესპუბლიკას არც სურდა და არც შეეძლო თავისი მუქარა სისრულეში პოეყვანა და პრუსიასთან საქმე აშკარა კონფლიქტამდე მიეყვანა. პრუსიის ნეიტრალიტეტი, რაკი მასთან კავშირი განუხორციელებელი დარჩა, უკეთესი გამოსავალი იყო მაშინ საფრანგეთისათვისაც. პრუსიის გადაკიდება და მოწინააღმდეგეთა ბანაკში გადასვლა ჩაშლიდა საფრანგეთის ახალ აგრესიულ გეგმებს და დიდ სამხედრო-პოლიტიკურ უპირატესობას მიანიჭებდა მის მტრებს. კავშირ-მეგობრობის ხელშეკრულების დადების ზონდაჟის უშედეგობის შემდეგ საფრანგეთის დიპლომატიამ შეცვალა ტაქტიკა, შეანელა მუქარა და შეეცადა მტკიცედ შეენარჩუნებინა პრუსიასთან იმეამად არსებული ურთიერთობა.

ამგვარად, სიეიესის მისიას ისეთივე ბედი ეწვია ბერლინში, როგორც რეპნინისას. იგი სრული მარცხით დამთავრდა. სიეიესის მისიის წარუმატებლობა არ შეიძლება მივაწეროთ თვით ამ დიპლომატის ქედმაღლობას და დიპლომატიურ უუნარობას, როგორც ფიქრობენ მისი მოწინააღმდეგენი. შეიძლება, როგორც უკვე აღინიშნა, სიეიესის დანიშვნა არ იყო გამართლებული, შეიძლება კიარს ან სხვა ფრანგ დიპლომატს უფრო მოქნილად ემოქმედა, მაგრამ მათი საქმიანობის ფინალიც იგივე იქნებოდა, რაც სიეიესისა — წარუმატებლობა. აღნიშნული „წამოწყების“ მარცხის გადამწყვეტი მიზეზი თვით პრუსიის პოზიცია იყო. პრუსიის რეაქციულ ხროვას, მხდალსა და მხოხავს, არ სურდა გადაედგა სათანადო სარისკო ნაბიჯი და ეომა (სულ ერთია, საფრანგეთის, თუ რუსეთის მხარეზე). ჰოჭენცოლერნები და მათი დამქაშები ხომ მუდამ მაშინ იშივლდებდნენ ხოლმე ხმაღს, როდესაც მეზობლების მიწა-წყლის ხელში ჩაგდებისათვის უმნიშვნელო მსხვერპლის გაღე-

¹ А Сорежъ, დასახ. ნაშრ., ტ. 5, გვ. 274; Архив князя Воронцова, ტ. 11, გვ. 32, 34.

ბა მოუხდებოდათ, როდესაც მისი მეზობლები ერთი მეორეს წაეკიდებოდნენ ხოლმე. განა შეეძლოთ პრუსიელ რეაქციონერებს ამ ნაცად და „ლირსეულ“ პოლიტიკაზე ხელის აღება? ¹

ბ. უკანასკნელი ზემოქმედება პრუსიაზე

მეორე ანტიფრანგული კოალიციის ორგანიზაციისათვის ჩატარებულ დიდ ღონისძიებათა ფინალში რუსეთის დიპლომატიამ ერთხელ კიდევ სცადა უკანასკნელი ზემოქმედება მოეხდინა პრუსიაზე და გამოეყვანა იგი ნეიტრალურ მდგომარეობიდან ². მეფის მთავრობის შეხედულებით, საფრანგეთსა და მის მოწინააღმდეგე ბანაკს შორის 1798 წლის დასასრულისათვის მომხდარ ცვლილებებს, კერძოდ კი ინგლის-რუსეთის ახალი საკავშირო ხელშეკრულების დადებას ბიძგი უნდა მიეცა პრუსიისათვის, რათა მას გადაესინჯა თავისი პოზიცია და საფრანგეთის წინააღმდეგ ამხედრებულიყო.

თავის 1798 წლის 2 და 3 ოქტომბრის რესკრიპტებით პავლე I აუალებდა ნ. პანინს ემოქმედა ავსტრიისა და ინგლისის ელჩებთან კონტაქტში და ერთხელ კიდევ ახალი ზემოქმედება მოეხდინა პრუსიის მთავრობაზე. პავლე ნ. პანინისაგან მოითხოვდა ეცნობებინა პრუსიის მთავრობისათვის, რომ როგორც კი პრუსია ჩაებმებოდა ანტიფრანგულ კოალიციაში, რუსეთი მას მაშინვე ეფექტურ დახმარებას აღმოუჩენდა ფრანგების წინააღმდეგ ბრძოლაში და მის დასახმარებლად გაგზავნიდა ლიფლიანდიისა და ლიტვის დივიზიებს — 34 ათას ფეხოსანს და 13 ათას ცხენოსანს ³.

1798 წელი ისე მიიწურა, რომ რუსეთის დიპლომატიის ახალ ცდას წარმატება არ მოჰყოლია; რუსეთ-პრუსიის ურთიერთობაში

¹ ფრანგი ბურჟუაზიული ისტორიკოსი ა. ტიერი ქაუგვიცს თვლის პრუსიის ნეიტრალიტეტის პოლიტიკის შთამავგონებლად და დიდ წარმომადგენლად. ქაუგვიცი ფიქრობდაო, — წერს იგი, — რომ გონივრულ ნეიტრალიტეტის მუშეობით პრუსიას შეეძლო უფრო მეტი მოეგო. ვიდრე ომით. იხ. *А. Тьер, История Консульства и Империи во Франции, СПб., 1846, т. 1, гл. 45.* ტიერს, ოა თქმა უნდა, არ ესმოდა, რომ ჰაუგვიცი პრუსიული რეაქციის ხროვის ერთ-ერთი მოთავე იყო და, ამდენად, ამ ხროვის დაკვეთას ატარებდა ცხოვრებაში. იგი იმას აკეთებდა, რასაც მას რეაქციული პრუსიელობის ეკონომიური, პოლიტიკური და სამხედრო-სტრატეგიული „მოთხოვნები“ უყარნახებდა.

² იხ. *Архив ВПР, ф. „Свошения России с Англией“, д. 497. лл. 49—53.*

³ *„Материалы...“*, ტ. 3, გვ. 414—417; *Архив князя Воронцова*, ტ. 11, გვ. 264—267.

ცვლილება არ მომხდარა¹. მაგრამ 1799 წლის დასაწყისში, როდესაც უკვე ამოქმედდა ახალი ანტიფრანგული კოალიციის მანქანა. პავლე I-ის მთავრობამ კვლავ განიმეორა 1798 წელს უშედეგოდ დამთავრებული ზონდაჟი.

1799 წლის 3 იანვრის რესკრიპტით რუსეთის იმპერატორი ავალბდა ნ. პანიინს კატეგორიული ფორმით მოეთხოვა პრუსიის მთავრობისაგან პასუხი კოალიციის რიგებში ჩაბმისა და საფრანგეთის წინააღმდეგ ერთობლივი მოქმედების თაობაზე ხელშეკრულების დადების შესახებ. პრუსიის მთავრობის მხრივ რუსეთის წინააღმდეგის უარყოფის შემთხვევაში ნ. პანიინს უნდა განეცხადებინა, რომ იგი ტოვებს ბერლინს და კარლსბადს მიემგზავრება სამკურნალოდ². ამ ახალი მითითების შემდეგ ნ. პანიინი რამდენაემეჯერ შეხვდა პრუსიელ მინისტრებს და ბრაუნშვაიგის ჰერცოგს, რომლისაგანაც იგი მოელოდა აქტიურ დახმარებას. მაგრამ აქედანაც არაფერი გამოსულა, საქმე მკედარი წერტილიდან არ დაძრულა. პაუგეციმა და სხვა მინისტრებმა იგივე უთხრეს, რაც წინათ: ბრაუნშვაიგის ჰერცოგი უბრალო დაპირებით დაკმაყოფილდა, ხოლო პრუსიის მეფემ ფრიდრიხ-ვილჰელმ III-ემ „მაბეზარ“ ელჩს მიღებაზეც კი უარი უთხრა, რითაც თავიდან აიცილა „თავის მომაბეზრებელ წინადადებათა“ კიდევ ერთხელ მოსმენა³.

1799 წლის ბოლოს ბერლინში ჩავიდა ინგლისის მთავრობის საგანგებო წარმომადგენელი ტომას გრენვილი⁴. ამან ახალი იმედები გაუღვიძა ნ. პანიინს, რომელმაც ინგლისის წარმომადგენელთან ერთად განაახლა მოლაპარაკება პრუსიის მთავრობის წარმომადგენლებთან⁵. მაგრამ უკანასკნელი იმედიც გაქრა. ინგლისის

4

¹ თავის 1798 წლის 8/19 დეკემბრის რეალაციაში პავლესადმი ნ. პანიინი აჯიწურს ამ მოლაპარაკების მიმდინარეობას. ბერლინის მთავრობის მოლაპარაკების სრულ უპერსპექტივობას. იხ. „Материалы...“, ტ. 3, გვ. 513—515.

² Архив князя Воронцова, ტ. 11, გვ. 273.

³ 1799 წლის იანვარში და თებერვლის პირველ ნახევარში წარმოებულ მოლაპარაკების შესახებ ნ. პანიინი ვრცელ ცნობებს აძლევს პავლეს 1799 წლის 1/12 იანვრის, 8/19 იანვრის, 28 იანვრის (8 თებ.) და 30 იანვრის (10 თებერვლის) რეალაციებით. იხ. Архив ВПР ф. „Сношения России с Пруссией“, д. 532, лл. 1—4, 26—27, 68—71, 93—94.

⁴ ნ. პანიინის 1799 წლის 8/19 თებერვლის რეალაცია პავლესადმი. Архив ВПР, ф. „Сношения России с Пруссией“, д. 532, лл. 120—121.

⁵ ნ. პანიინის 1799 წლის 13/24 თებერვლის რეალაცია. იხ. იმავე არქივის იგივე ფონდი, ფურც. 133—134.

წარმომადგენლის ენერგიულ დემარშს შედეგი არ მოჰყოლია. პრუსიის მმართველებისათვის იმჟამად ეგზომ „სასურველი“ ნეიტრალიტეტი შენარჩუნებული იქნა. 7 მარტს გრენვილს, მისი გადაჭრით მოთხოვნის პასუხად, განუცხადეს, რომ პრუსიას ჯერჯერობით არ შეუძლია ხელი აიღოს ნეიტრალიტეტზე, მაგრამ იგი უფლებას იტოვებს მიემხროს რუსეთს და ინგლისს, თუ ფრანგები ახალ დაპყრობებს განიზრახვენ¹.

1799 წლის აპრილში, როდესაც გამოვლინდა ბერლინში წარმოებული დიპლომატიური მოლაპარაკების გაგრძელების უაზრობა, რუსეთის სამეფო კარმა მიიღო გადაწყვეტილება მოლაპარაკების შეწყვეტის შესახებ და სათანადო განკარგულება გაუზაფინა ნ. პანინს ბერლინში. მოლაპარაკების შეწყვეტასთან ერთად ნ. პანინს ევალეზობდა დაეტოვებინა ბერლინი და 3 თვის ვადით კარლსბადს გამგზავრებულყო, თავისი საქმეების შესრულება კი საელჩოს თანამშრომლის სივერსისათვის დაეკისრებინა².

რუსეთის ელჩის ბერლინიდან გამგზავრება პრუსიის მთავრობისადმი რუსეთის ცარიზმის გულისწყრომისა და აღშფოთების გამოხატულებას წარმოადგენდა, იგი ნიშნავდა პრუსიასთან კავშირის სანახევროდ გაწყვეტას. მაგრამ რუსეთის ცარიზმი ამით (და პრუსიის საზღვრებთან სამხედრო დემონსტრაციით) დაკმაყოფილდა. პრუსიასთან კავშირის სრული და საბოლოო გაწყვეტისაგან მან თავი შეიკავა.

როგორც მოლაპარაკების დასაწყის ეტაპზე, ისე მისი უშედეგოდ დამთავრების მომენტისათვის ეკონომიური ინტერესები და სამხედრო-სტრატეგიული მოსაზრებები რუსეთს არ უკარნახებდა უკიდურესობამდე გაემწვაებინა ურთიერთობა პრუსიის სამეფო კართან და მასთან ომის ვითარება შეექმნა. პეტერბურგის სამეფო კარზე და საგარეო საქმეთა კოლეგიაში კარგად ხედავდნენ იმ საშიშროებას, რომელიც შეიძლება მოჰყოლოდა საფრანგეთ-პრუსიის დაკავშირებას. მას შეეძლო ჩაეშალა მეორე ანტიფრანგული კოალიციის გეგმები, კიდევ მეტი, მას შეეძლო კოალიციის დამარცხების შემთხვევაში უშუალო საფრთხე შეექმნა თვით რუსეთის უშიშროებისა და ტერიტორიული მთლიანობისათვის. აი, სწორედ ასეთმა საშიშმა პერსპექტივამ, რაც კარგად ესმოდათ

¹ К. В а л и ш е в с к и й, დასახ. ნაშრ., გვ. 346.

² პავლე I-ის 1799 წლის 25 აპრილის რესკრიპტი ნ. პანინისადმი, Архив Миния Воронцова, ტ. 11, გვ. 278.

პეტერბურგში¹, უკარნახა ცარიზმის მესვეურებს კეთილგონიერება გამოეჩინათ და პრუსიის მათთვის არა სასურველი ნეიტრალიტეტისათვის პატივი ეცათ.

2. რუსეთ-თურქეთის ფლოტის ოპერაციები საზღვაო მართვის ბაზების წინააღმდეგ ხმელთაშუა ზღვის აუზში

რუსეთმა საომარი მოქმედებები საფრანგეთის წინააღმდეგ ჯერ კიდევ 1798 წლის დასასრულისათვის დაიწყო, როდესაც ავსტრია ფორმალურად ისევ ომისგარეშე მდგომარეობაში იმყოფებოდა, ხოლო მეორე ანტიფრანგული კოალიციის ორგანიზაციის პროცესი არ იყო დასრულებული; ომი დაიწყო საომარი ოპერაციებით ზღვაზე. რუსეთ-თურქეთის შეერთებულმა ესკადრამ ვიცე-ადმირალ უშაკოვის სარდლობით, რომელიც, როგორც ზემოთ იყო აღნიშნული, რუსეთ-თურქეთის ურთიერთდახმარების ხელშეკრულების დადების შემდეგ დაიძრა ხმელთაშუა ზღვისაკენ, ენერგიული საზღვაო ოპერაციები გააჩაღა საფრანგეთის წინააღმდეგ. (უშაკოვის ესკადრა 1798 წლის 8 სექტემბერს გავიდა კონსტანტინეპოლის რეიდიდან, 11 სექტემბერს დარდანელის სრუტის ბოლოში მას შეუერთდა თურქეთის ესკადრა).

უშაკოვის საზღვაო ექსპედიციას ძირითად მიზნად დასახული ჰქონდა ფრანგების განდევნა იონიის კუნძულებიდან (აგრეთვე ალბანეთის სანაპიროდან), ამ არქიპელაგის დაუფლება და საფრანგეთის სამხედრო ფლოტის და სავაჭრო ნაოსნობის მოსპობა ადრიატიკის და იონიის ზღვების აუზში. უშაკოვის ექსპედიციას დასახული ჰქონდა მიზნად აგრეთვე დამატებითი ამოცანა: მალტის ბლოკადაში მონაწილეობის მიღება, რუსეთის გარნიზონის გადაყვანა ამ კუნძულზე ფრანგთაგან მისი განთავისუფლების შემდეგ, აპენინის ნახევარკუნძულის სანაპიროებთან მოქმედება და ნეაპოლის სამეფოსათვის დახმარების აღმოჩენა.

ეს იყო მეტად მნიშვნელოვანი ამოცანა იმ ეკონომიური, პოლიტიკური და სამხედრო-სტრატეგიული მისწრაფებების რეალიზაციის გზაზე, რომელთაც რუსეთის იმპერია ისახავდა მიზნად ხმელთაშუა ზღვის აუზში.

იონიის კუნძულები—მთავარი კუნძული კორფუ, კუნძულები ზანტე, კეფალონია, იტაკა, ცერიგო, ლევკასი, პაქსოსი—და აგრეთვე ბალკანეთის ნახევარკუნძულის რამოდენიმე პლაცდარმი ამ

¹ იხ. თ. როსტოპჩინის 1799 წლის 21 მაისის წერილი ს. ვორონცოვისადმი. Архив князя Воронцова, ტ. 8, გვ. 214.

არქიპელაგის გასწვრივ კამპო-ფორმოს საზავო ხელშეკრულების შედეგად გადავიდა ფრანგების ხელში.

იონიის კუნძულებზე ფეხის მოკიდებას თავიანთი აგრესიული გეგმების რეალიზაციის საქმეში ხმელთაშუა ზღვის აუზსა და ახლო აღმოსავლეთში დიდ როლს ანიჭებდნენ საფრანგეთის რესპუბლიკის მესვეურები. სტრატეგიულად ამ მეტად მნიშვნელოვან ბაზებზე გაბატონებით ისინი ოცნებობდნენ თავიანთი მონოპოლიური გავლენისათვის დაექვემდებარებინათ ადრიატიკის ზღვის აუზი, ბალკანეთი და თვით ლევანტის ქვეყნები. ვარაუდობდნენ რა თურქეთის იმპერიის მოკლე დროში დაშლას, ფრანგი აგრესორები იონიის კუნძულებზე ფეხის მოკიდებით ფიქრობდნენ ამ იმპერიის მემკვიდრეობის დიდი ნაწილის ხელში ჩაგდებას.

«კორფუსა და იონიის სხვა კუნძულების დაპყრობა,—წერდა ნაპოლეონ ბონაპარტი.—ჩვენ შესაძლებლობას მოგვცემს დავამყაროთ ურთიერთობა ალბანეთთან. ალბანელები კარგად არიან განწყობილნი ფრანგებისადმი. თურქეთის იმპერიის მხარდაჭერის იმედი ამაოა. ჩვენ კიდევ ვნახავთ მის დაცემას. კორფუ და ზანტე ჩვენ მოგვცემს ადრიატიკის ზღვასა და ლევანტში გაბატონების საშუალებას»¹.

ვინაიდან საფრანგეთის ეს მისწრაფება უშუალო საფრთხეს უქმნიდა რუსეთის პოზიციებს და ინტერესებს მთელ ახლო აღმოსავლეთში, ამდენად რუსეთი მეტად უნდა ყოფილიყო დაინტერესებული ფრანგთა ბატონობის ლიკვიდაციაში ამ არქიპელაგზე.

იონიის კუნძულებიდან ფრანგ ოკუპანტთა განდევნით და იქ მკვიდრად ფეხის მოკიდებით მიფის მთავრობა ბოლოს მოუღებდა რუსეთის ინტერესებისათვის შექმნილ დასახელებულ საფრთხეს და, პირიქით, წინ წასწევდა ზემოაღნიშნული ამოცანების რეალიზაციას ახლო აღმოსავლეთში და ხმელთაშუა ზღვის აუზის ცენტრალურ ნაწილში. უშაკოვის ექსპედიციის წინაშე დასახული ამოცანის წარმატება კიდევ უფრო გაადიდებდა რუსეთის გავლენას კოალიციის შიგნით და განამტკიცებდა მის წამყვან როლს ამ ბლოკში. დასასრულ, იგი ბოლოს მოუღებდა ავსტრიის მთავრობის მერყეობას და დააჩქარებდა მის ამხედრებას საფრანგეთის წინააღმდეგ.

უშაკოვმა ბრწყინვალედ გადაწყვიტა მასზე დაკისრებული პირველი რიგის ამოცანა, თანაც გადაწყვიტა იგი მოკლე დროში, მცირე მსხვერპლის გაღებით და იშვიათი სამხედრო ოსტატობით. ამ ამოცანის გადაწყვეტით მან ახალი სასახელო ფურცელი ჩაწე-

¹ Napoléon I^{er}, Correspondance..., ტ. 3, გვ. 113.

რა რუსეთის სამხედრო ხელოვნების ისტორიაში, შემდგომ მაღალ საფეხურზე აიყვანა რუსეთის ფლოტის სახელი და დიდება და უქკნობი შარავანდელით შეიმკო თავი.

რუსეთ-თურქეთის ესკადრამ 1798 წლის სექტემბრის დასასრულიდან დაიწყო ოპერაციები იონიის კუნძულების გასანთავისუფლებლად. აქვე უნდა აღინიშნოს, რომ ფრანგებს საფუძვლიანად ჰქონდათ გამაგრებული ეს კუნძულები, მათ იცავდნენ ძლიერი გარნიზონები, რის გამოც გარეშე თავდამსხმელთაგან ისინი თითქმის მიუვალად მიაჩნდათ. ოპერაციები რამდენიმე თვის განმავლობაში გრძელდებოდა.

იონიის კუნძულებისათვის ბრძოლის პროცესში უშაკოვმა ოსტატურად გამოიყენა ფლოტისა და სადესანტო ნაწილების კომბინირებული იერიშები, სამხედრო-საზღვაო ბრძოლის ახალი სრულყოფილი მეთოდები. აღნიშნულმა, პირადად მისმა სწორუპოვარმა სარდლობამ და რუს მეზღვაურთა და ოფიცერთა მაღალმა საბრძოლო თვისებებმა გადაწყვიტეს ბრძოლის ბედი. კუნძულები ერთი მეორეს მიყოლებით მოკავშირეთა ხელში გადავიდა. პირველ ეტაპზე ფრანგთა წინააღმდეგობა ძლეულ იქნა უფრო პატარა კუნძულებზე, 1798 წლის სექტემბრიდან დეკემბრამდე ფრანგთა ბატონობისაგან განთავისუფლებულ იქნენ კუნძულები ცერიგო, ზანტე, კეფალონია, პაქსოსი და ლეკასი. უფრო გვიან, ფინალურ აქტში, ფრანგებს სძლიეს კუნძულ კორფუზედაც. კორფუსათვის ბრძოლა ყველაზე მწვავე, შეუპოვარ და ხანგრძლივ ხასიათს ატარებდა. რუსეთის ფლოტის მაღალი საბრძოლო თვისებები და უშაკოვის დიდი სამხედრო ოსტატობა ყველაზე მკაფიოდ სწორედ კორფუსათვის ბრძოლის პროცესში გამოვლინდა.

რუსეთის ფლოტთან ერთად იონიის კუნძულებისათვის ბრძოლაში მონაწილეობას იღებდა თურქეთის ფლოტი და ალბანელთა რაზმი, რომელიც პორტას განკარგულებით უშაკოვს დასახმარებლად გადასცა მოჯანყე და სისხლისმსმელმა ალი-ფაშა იანისელმა. მაგრამ მათი როლი აღნიშნული კუნძულების განთავისუფლებისათვის ბრძოლაში მეტად უმნიშვნელო იყო. თურქი მეზღვაურები, მოკლებულნი დისციპლინას, მაღალ საბრძოლო წვრთნას, თავგანწირვის უნარსა და გმირულ სულს, ოდნავადაც ვერ შეედრებოდნენ რუს მეზღვაურებს. კიდევ უფრო ნაკლებად შეეფერებოდნენ თავიანთ დანიშნულებას ალი-ფაშას რაზმელები, რომლებიც მხოლოდ სისხლიან აქტებში და აღვირახსნილ ძარცვაში იყვნენ დაოსტატებულნი. უშაკოვს და რუს მეზღვაურებს უხდებოდათ დაეცვათ

მკვიდრი მოსახლეობა მათი მძარცველური აქტებისაგან, ტყვე ფრან-
ვ ჯარისკაცები კი—სისხლიანი შურისძიებისაგან.

ფრანგთა საოკუპაციო რეჟიმი მძიმე და აუტანელი იყო იო-
ნიის კუნძულების მკვიდრი ბერძენი და სლავი მოსახლეობისათ-
ვის. სისტემატურმა რეკვიზიციებმა, გამოძალვამ და კერძო მოქა-
ლაქეთა ქონების მიტაცებამ, ნაციონალური დისკრიმინაციის მას-
ობრივმა გამოყენებამ—აამხედრა ფრანგთა წინააღმდეგ კუნძულე-
ბის მოსახლეობის ყველა ფენა: აზნაური, ვაჭარი, ხელოსანი, გლეხი
ერთნაირად ზიზლს, სიძულვილს და აღშფოთებას გამოხატავდა
უცხო დაპყრობი ძალის წინააღმდეგ. ალი-ფაშა იანისელთან, ამ
სისხლიან სატრაპთან მეგობრობამ, თავის მხრივ, ხელი შეუწყო
ფრანგ აგრესორთა ცუდ რეპუტაციას კორფუს და სხვა კუნძულების
მოსახლეობას შორის. დასახელებული კუნძულების გარნიზონების
სარდლობამ ზედმეტად ჩათვალა იმ ბურჟუაზიულ-პროგრესული
წესრიგის დანერგვა აქ. რასაც ევროპის კონტინენტის დაპყრობილ
ადგილებში ატარებდა¹.

იონიის კუნძულების—„ვენეციის კუნძულების“ მოსახლეობის
ანტიფრანგულმა განწყობილებამ კი თავის მხრივ ხელი შეუწყო
მოკავშირეებს ამ კუნძულების განთავისუფლების საქმეში.

1799 წლის 19 თებერვალს (2 მარტს) საფრანგეთის ძლიერმა
გარნიზონმა კუნძულ კორფუსზე შეწყვიტა წინააღმდეგობა. საფრან-
გეთის გარნიზონის სარდლობამ კაპიტულაციის აქტზე მოაწერა
ხელი. კუნძული მთელი მისი გამაგრებული ფორტებით, სურსათ-
სანოვების და იარაღის მნიშვნელოვანი მარაგით, რამოდენიმე სამ-
ხედრო ხომალდი და 3000-მდე ტყვე გამარჯვებულთა ხელში გადა-
ვიდა. ამით დამთავრდა უშაკოვის ექსპედიციის პირველი და მთა-
ვარი სასახელო ეპოპეა. ფრანგების ბატონობა იონიის კუნძულებზე
მთლიანად ლიკვიდირებული იქნა, მათზე რუსეთის და თურქეთის
აღმებში აფრიალდა².

¹ „Греки и славяне Ионических островов...—წერდა განხვევებული
აკად. ტარლე.—жестоко чувствовали суровый пошлый деспотизм по-
бедителей. пошнейшее свое бесправие перед французами и ощущали
французское завоевание как грабительский захват... Представителю до-
зунг, бронешный генералом Бонапартом,—война должна кормить себя
сама!,—пришлось свои плоды“. Е. В. Тарле, Адмирал Ушаков на Сре-
диземном море, გვ. 53.

² ჩვენ თავს ვიკავებთ უშაკოვას ბრწყინვალე ოპერაციების დეტალური
მიმოხილვისაგან. ზოგაერთმა რევოლუციამდელმა და საბჭოთა ისტორიკოსმა
საკმაოდ ვრცლად გააზეჟა უშაკოვის ესკადრის მიერ იონიის 7 კუნძულის გან-
თავისუფლება და ამ განთავისუფლების პროცესში რუსეთის სარდლობისა და

ადმირალმა უშაკოვმა¹ ფრანგთაგან განთავისუფლებულ კუნძულებზე თავისი გარნიზონები ჩააყენა და მისი ნავსადგურები შეერთებული ესკადრის ბაზად აქცია. მაგრამ მან არ განიზრახა ფრანგების მსგავსად კუნძულების ოკუპაცია. უშაკოვი სავსებით სწორედნაირად მოიქცა, როდესაც უარყო მკვიდრი მოსახლეობის თხოვნა კუნძულებზე რუსეთის მმართველობის დამყარებისა და მათი რუსეთის ქვეშევრდომებად გამოცხადების შესახებ. მან კარგად იცოდა, რომ ასეთი ნაბიჯი მტრულ რეაქციას გამოიწვევდა ინგლისში, თურქეთსა და ავსტრიაში, აამხედრებდა ამ სახელმწიფოებს რუსეთის წინააღმდეგ.

რუსმა ადმირალმა უშაკოვმა იონიის კუნძულების მოსახლეობას თვითმმართველობა მიანიჭა და თურქეთის ხელისუფალთა და თვით პაულე I-ის სურვილის წინააღმდეგ მათ „კონსტიტუცია“² კი შეუმუშავა. ამ კონსტიტუციით, ანუ „გეგმით“³ უმაღლესი ადმინისტრაციული ძალაუფლება კუნძულებზე გადადიოდა არჩევითი ორგანოს — სენატის ხელში, რომლის ადგილსაჩყოფელადაც კუნძული კორფუ იყო მიჩნეული. სენატი შედგებოდა კუნძულების დელეგატებისაგან. დელეგატების არჩევის უფლება ეძლეოდათ როგორც თავადაზნაურობას, ისე ქალაქისა და სოფლის შეძლებულ ფენებს (გარკვეული წლიური გადასახადის გადამხდელებს)³.

იონიის კუნძულებიდან ფრანგ აგრესორთა განდევნით და იქ ფეხის მოკიდებით მეფის რუსეთის მთავრობამ გადაწყვიტა საფრანგეთის წინააღმდეგ წარმოებულ ომში მის მიერ დასახული ამოცანის ნაწილი. მან მტკიცედ მოიკიდა ფეხი ხმელთაშუა ზღვის აუზში და მით შეამზადა ნიადაგი შემდგომი ამოცანების გადაწყვეტისათვის. ამასთან ერთად, უშაკოვის ექსპედიციის ბრწყინვალე წარმატებით, შეიქმნა პირობები კოალიციის შემდგომი წარმატებისათვის ფრანგების წინააღმდეგ ბრძოლაში ევროპის ხმელეთზე.

მეზღაურების მიერ გამოჩენილი მალალი სამხედრო ხელოვნება და თავდადება. დამატებითი საარტილერიო მასალების მოტანისა და მისი განზოგადების საფუძველზე ეს საკითხი ერთხელ კიდევ საფუძვლიანად გააშუქა ჩანსვენებულმა აკადემიკოსმა ე. ტარლემ ჩვენს მიერ არაერთხელ მითითებულ ნაშრომში. დაინტერესებულ მკითხველს ჩვენ შეგვიძლია, პირველ რიგში, სწორედ ამ ნაშრომზე მივუთითოთ.

¹ იონიის კუნძულებისათვის ბრძოლაში მოპოვებული გამარჯვების აღსანიშნავად პაულემ უშაკოვს ადმირალის წოდება უბოძა.

² „План об учреждении управления на освобожденных от французов бывших венецианских островах и об устройлении в оных порядка“.

³ E. T a p e, დასახ. ნაშრ., გვ. 129.

რ. ლანინი ჩვენს მიერ დასახელებულ წერილში ნორმალურ და კანონზომიერ მოვლენად მიიჩნევს რუსეთის მიერ საფრანგეთის წინააღმდეგ ომის გაჩაღებას სწორედ ხმელთაშუა ზღვის აუზში, ისიც მანამდე, სანამ დამთავრდებოდა ანტიფრანგული კოალიციის გაფორმება და ამოქმედდებოდა მოკავშირეთა სამხედრო მანქანა ევროპის კონტინენტზე. მისი აზრით ამას საფუძვლად ედო რუსეთის ცარიზმის მისწრაფება მტკიცედ მოეკიდა ფეხი ხმელთაშუა ზღვის აუზში და შეექმნა იქ თავისებური „სამხრეთის ჯაჭვი“, სანამ ავსტრია ჩაებებოდა ომში და მოქმედებას დაიწყებდა კოალიციის მთელი მანქანა. „სამხრეთის ჯაჭვის“ შექმნით რუსეთის ცარიზმი, რ. ლანინის აზრით, შექმნიდა ავანპოსტს თურქეთზე გავლენის გასაძლიერებლად, შეასუსტებდა ინგლისის პოზიციებს თურქეთში და მიიღებდა შესაძლებლობას ავსტრიაზე მზარდი ზემოქმედებისათვის¹. ამგვარი შეხედულება დამაჯერებლად უნდა იქნეს მიჩნეული, მაგრამ არ არსებობს არავითარი კონკრეტული მასალა. დამადასტურებელი იმისა, რომ რუსეთის ცარიზმს წინასწარ შემუშავებული ჰქონოდა ისეთი სამხედრო სტრატეგიული გეგმა, რომელიც საფრანგეთის წინააღმდეგ თავდაპირველი საომარი ოპერაციის გაჩაღებას სწორედ ხმელთაშუა ზღვის აუზში ითვალისწინებდა.

ჩვენი აზრით, ასეთი გეგმის არსებობა გამორიცხულად უნდა მივიჩნიოთ. გარკვეულმა სიტუაციამ, რომელიც 1798 წლის დასასრულისათვის შეიქმნა ხმელთაშუა ზღვის აუზში, შესაძლებლობა მისცა რუსეთს ზემოაღნიშნული ოპერაცია დაეწყო და წარმატებით დაეგვირგვინებინა იგი. ნაპოლეონი ეგვიპტეში რომ არ შექრილიყო, რუსეთ-თურქეთის კავშირი რომ არ აღმოცენებულყო და თურქეთს რუსეთის შავი ზღვის ფლოტისათვის სრუტეები რომ არ გაეხსნა, უშაკოვის ექსპედიციაც, ცხადია, ვერ მოეწყობოდა. ამასთან მხედველობაში მისაღებია ისიც, რომ ხმელთაშუა ზღვის აუზში ფრანგების წინააღმდეგ საომარი ოპერაციის გასაშლელად რუსეთის ცარიზმს მხოლოდ და მხოლოდ თურქეთის და ინგლისის კავშირი და მხარდაჭერა ესაჭიროებოდა. ამ შემთხვევაში არსებითი მნიშვნელობა არ ჰქონდა არც პრუსიის, არც თვით ავსტრიის პოზიციას. საომარი კანპანია რომ ხმელეთზე უფრო გვიან უნდა დაწყებულიყო, ეს სავსებით მოსალოდნელი იყო. ამისათვის საფუძვლიან მომზადებასთან ერთად საჭირო იყო პრუსიის პოზიციის ნათლად გარკვევა, თანაც ავსტრიის გამოყვანა ნეიტრალიტეტის

¹ P. Ланин დასახ. წერილი. გვ. 27, 36.

მდგომარეობიდან. ამის გარეშე რუსეთის ჯარების დაძვრა დასავლეთისაკენ და საფრანგეთის ჯარებთან მათი პირისპირ შეჯახება იტალიასა და გერმანიაში შეუძლებელი იყო.

3. ავსტრიის ჩაბმა მმორკე ანტიფრანგულ კოალიციაში

რუსეთ-პრუსიის და საფრანგეთ-პრუსიის მოლაპარაკება ბერლინში ჯერ კიდევ არ იყო დაწყებული, როდესაც რაშტადტში მუშაობა დაიწყო კამპო-ფორმიოს საზავო ხელშეკრულებით გათვალისწინებულმა კონგრესმა. მისი ამოცანა იყო სისრულეში მოეყვანა ამ ზავის პირობები, კერძოდ, ხელშეკრულების ის მუხლები, რომლებიც გერმანიას შეეხებოდა¹.

კამპო-ფორმიოს ზავი, როგორც ზემოთ აღვნიშნავდით, ხელმომწერ მხარეთათვის მხოლოდ ტაქტიკურ ნაბიჯს წარმოადგენდა. არც ერთი მხარე სერიოზულად არ ფიქრობდა მტკიცედ დაეცვა იგი. ავსტრია, რომელიც თავს დამარცხებულად არ თვლიდა, აკიანურებდა ამ ხელშეკრულების რატიფიკაციას. იგი ლამობდა დრო მოეგოდა გათვალისწინებულ კონფერენციამდე მის სარეალიზაციოდ არაფერი გაეკეთებინა. იგი დარწმუნებული იყო, რომ მომავალი კონფერენცია მონაწილე სახელმწიფოთა ურთიერთ წინააღმდეგობის გაწო ჩაიშლებოდა და მით მას მიეცემოდა ხელშეკრულების დარღვევის ფორმალური საბაბი. საფრანგეთის რესპუბლიკა, თავის მხრივ, ენერგიულად იბრძოდა კამპო-ფორმიოს საზავო ხელშეკრულების რეალიზაციისათვის. მაგრამ ამ შემთხვევაში იგი მოქმედებდა არა ევროპული მშვიდობის განმტკიცების ინტერესებისათვის, არამედ, პირიქით, ახალი აგრესიული აქტების მომზადების მიზნით. ახალი ბაზები და პლაცდარმი, რაც მას კამპო-ფორმიოს ზავით უნდა მიეღო, საშუალებას მისცემდა საფრანგეთის რესპუბლიკას მოემზადებინა ახალი ვრცელი აგრესიული აქტები გერმანიაში, იტალიაში და ხმელთაშუა ზღვის აუზში.

კამპო-ფორმიოს საზავო ხელშეკრულება სხვა მხრივაც აქილევსის ქუსლის შემცველი იყო. ავსტრიის იმპერატორმა ხელი მოაწერა მას არა მთელი გერმანიის მეფე-მთავართა სახელით, არამედ როგორც ავსტრიის, ბოჰემიისა და უნგრეთის მეფემ. ამდენად, ბუნებრივია, ხელშეკრულების ის მუხლები, რომლებიც უშუა-

¹ საფრანგეთისა და ავსტრიის მიერ მისაღები ტერიტორიების საკითხი, იმ მთავრებისათვის ტერიტორიული კომპენსაციის მიცემა, რომელთა სამფლობელოები რაინის მარცხენა ნაპირზე ფრანგთა ხელში გადადიოდა და ა. შ.

ლოდ გერმანიის იმპერიას შეეხებოდა, მხოლოდ მაშინ შევიდოდა ძალაში, თუ მას გერმანიის მეფე-მთავრები დაამტკიცებდნენ.

რაშტადტის კონგრესი ფორმალურად 1797 წლის დეკემბერში შეუდგა მუშაობას. მაგრამ მისი საქმიანი სხდომები მხოლოდ 1798 წლიდან დაიწყო, როდესაც იმპერიის ყველა წარმომადგენელმა იქ მოიყარა თავი. კონგრესის საქმიანობაში გარდა საფრანგეთისა და ავსტრიისა, მონაწილეობას იღებდნენ პრუსია და „საღვთო რომის იმპერიაში“ შემავალი წვრილი სახელმწიფო-სამთავროები¹. კონგრესის საქმიანობაში წამყვან როლს ასრულებდა გამარჯვებული საფრანგეთი.

მოსალოდნელი იყო, რომ რაშტადტის კონგრესი, რომლის წინაშეც დანშული იყო არაკეთილშობილური ამოცანა—გერმანიის იმპერიის სარჯზე საფრანგეთ-ავსტრიის უაჩაღური გარიგების აპრობირება, -დიპლომატიური შეხლა-შემოხლის, ვაჭრობის და კინკლაობის ასპარეზი გახდებოდა. კონგრესის საქმიანობამ საესებით გაამართლა ეს ვარაუდი. საფრანგეთის და ავსტრიის წარმომადგენელთა დაუსრულებელმა დავამ კამპო-ფორნიოს საზავო ხელშეკრულების ყოველი წვრილმანი პუნქტის გამო, პრუსიისა და გერმანიის წვრილ სახელმწიფოთა წარმომადგენლების გამოსვლამ საფრანგეთ-ავსტრიის მზარდი ტერიტორიული პრეტენზიების წინააღმდეგ (გერმანიაში), დასასრულ, ინგლისისა და რუსეთის დიპლომატიურმა ზეგავლენამ მის საქმიანობაზე, განაპირობა ამ კონგრესის წარუმატებლობა და სრული მარცხი.

რაშტადტის კონგრესი მიზდინარეობდა მაშინაც, როდესაც დაიწყო ბერლინის მოლაპარაკება და გრძელდებოდა მის შემდეგაც, როცა აღნიშნული მოლაპარაკება შეწყდა. თვით 1798 წლის მიწურულისათვის, როცა საფრანგეთის წინააღმდეგ უკვე შეიქმნა ევროპის სახელმწიფოთა კოალიცია, ეს უშედეგო კონგრესი ფორმალურად კიდევ არ იყო დამთავრებული².

¹ Дипломатический словарь. т. 2, стр. 488.

რუსეთი კონგრესის მუშაობაში უშუალო მონაწილეობას არ ლებულობდა, მაგრამ მისი დიპლომატია თვალყურს ადევნებდა კონგრესის საქმიანობას და შესაძლებლობის ფარგლებში ხეშოკმედებას ახდენდა მასზე. რუსეთის ელჩი ავსტრიაში გრაფი ა. რაზუოვსკი მივლინებული იყო რაშტადტში, როგორც რუსეთის მეთვალყურე.

² რაშტადტის კონგრესის საქმიანობის შესახებ ვრცლად იხ. R. Guyot, დასახ. ნაშრ., გვ. 667—722; A. Copey, დასახ. ნაშრ., ტ. 5, გვ. 212—230, 247—251, 276—280; მისივე, „Le congrès de Rastadt et la cession de la rive gauche de Rhin“, „Revue de deux Mondes“, 15 juillet 1897, გვ. 241—269;

საფრანგეთ-ავსტრიის მძაფრმა დაჯახებამ რაშტადტის კონგრესზე, ავსტრია-პრუსიის კინკლაობის შემდგომმა გაღრმავებამ და ავსტრიის მორიგმა თხოვნამ რუსეთისადმი საჭირო შემთხვევაში დახმარება აღმოეჩინა მისთვის, ხელი შეუწყო რუსეთის დიპლომატიას აღებული ანტიფრანგული კურსის წარმატებაში. მან გააადვილა ავსტრიის გამოყვანა ნეიტრალურ მდგომარეობიდან და მისი ჩაბმა რუსეთის დიპლომატიის მიერ შეკოწიწებულ მეორე ანტიფრანგულ კოალიციაში.

რაშტადტის კონგრესი, რომელიც ფორმალურად ჯერ კიდევ განაგრძობდა უნაყოფო მუშაობას, სწორედ ამის შემდეგ ამთავრებს თავის საქმიანობას (1799 წლის მარტს ძველი სტილით). წარუმატებელი იყო მისი პერსპექტივები დასაწყისიდანვე და უსახელოდ დაასრულა მან თავისი ფინალური აქტი¹.

რაშტადტის კონგრესის მოწვევის მიუხედავად, ავსტრიის სამეფო კარი დარწმუნებული იყო საფრანგეთთან ახალი ომის გარდუევალობაში, რის გამოც სათანადო სამხედრო-დიპლომატიურ ღონისძიებებს ახორციელებდა. აქტიური საქმიანობა პაპის ოლქსა და ნეაპოლის სამეფოში, პრუსიასთან მორიგების ცდა, ინგლისთან მოლაპარაკების გამართვა ახალი სუბსიდიის მიღების თაობაზე,

H. Sibel, დასახ. ნაშრ., ტ. 5, გვ. 300 და შემდ.; M. Barante, დასახ. ნაშრ., ტ. 2, გვ. 511—514; Дипломатический словарь, ტ. 2, გვ. 483—489; Д. Милютин, დასახ. ნაშრ., ტ. 1, გვ. 43—47 და შემდ., К. Валишевский, დასახ. ნაშრ., გვ. 335—345. რაშტადტის კონგრესის საქმიანობის შესახებ პერიოდულ ცნობებს აქტერბურგის მთავრობას აწვდიდნენ ნ. პ. პანინი და ა. რაზუმოვსკი, აგრეთვე რუსეთის ყოფილი ელჩი საფრანგეთში სიმოლინი ფრანკფურტიდან. იხ. Архив ВПР, ф. „Сюoppenя России с Фрауцией“, д. 25, л. 15—16, 17—20, 24—26. ხუ.

¹ История дипломатии, том. I, М., 1941, გვ. 359; რაშტადტის კონგრესის უსახელო დასასრული დაემთხვა აღნიშნულ კონგრესზე საფრანგეთის წარმომადგენელთა ვერაგულად დაბოცვას, რაც ჩაიღინეს ავსტრიელმა ჭუსარებმა წინასწარ განზრახვით და ხემდგომი ორგანოების მითითებით (ეს მოხდა ფრანგ დელეგატთა კონგრესიდან სამშობლოში გაშვებულების მოქმეტი სათვის რაშტადტის გარეუბანში 1799 წლის 8/9 აპრილს). M. Barante, დასახ. ნაშრ., ტ. 3, გვ. 379—391 და შემდ.; Д. Милютин, დასახ. ნაშრ., ტ. 1, გვ. 204—207; А. Сорея, დასახ. ნაშრ., ტ. 5, გვ. 320—324. ფრანგ წარმომადგენელთა ამ წინასწარ განზრახულ მკვლევლობას თვით მილიუტინაც კი გაუგონარ ბოროტ-მოქმედებას უწოდებდა.

საფრანგეთის ბუთასის საბჭომ სპეციალური მანიფესტი გამოაქვეყნა ავსტრიელთა მიერ რაშტადტის გარეუბანში საფრანგეთის წარმომადგენელთა ვერაგული მკვლელობის გამო. ეს მანიფესტი მთლიანად მოტანილი აქვს დასახელებულ ფრანგ ავტორს ბარანს თავისი შრომის მე-3 ტომის 394—395 გვერდებზე.

დასასრულ, რუსეთთან შემდგომი დაახლოების გარეგნული დემონსტრაცია და მისთვის სამხედრო დახმარების გამოთხოვნა საქირო შემთხვევაში, ყოველივე ეს ამ აქტიურ წინასწარ მზადებაზე მიგვითითებს.

რუსეთის სამეფო კარმა 1798 წლის ივლისში, ფორმალურად ავსტრიის მთავრობის თხოვნით, არსებითად კი საკუთარი პოლიტიკური და სამხედრო-სტრატეგიული ინტერესების შესატყვისად შესაძლებლად სცნო ფრანგებთან ომის შემთხვევაში ავსტრიისათვის დასახმარებლად გაეგზავნა გენერალ როზენბერგის სარდლობით ერთი საარმიო კორპუსი, რომელიც 16 ათას კაცს მოითვლიდა¹. პეტერბურგში დარწმუნებულნი იყვნენ, რომ დამხმარე კორპუსის გაგზავნა გერმანიაში გააძლიერებდა ავსტრიის მესვეურთა საომარ განწყობილებას და შეასუსტებდა ფეოდალურ-სამხედრო არისტოკრატის იმ ჯგუფის გავლენას, რომელსაც მიზანშეუწონლად და გაუმართლებლად მიაჩნდა საფრანგეთის წინააღმდეგ ახალი ომის ნაჩქარევად გაჩაღება². მაგრამ რუსეთის მთავრობის ამ გადაწყვეტილებას არსებითი ცვლილება არ მოუხდენია ავსტრიის პოზიციასზე. უკანასკნელს ფორმალურად არ დაურღვევია კამპო-ფორმიოს ხავი.

ავსტრიის მესვეურები არ ჩქარობდნენ, მეტად სარიცხო ნაბიჯისაგან თავს იკავებდნენ და მიუხედავად იმისა, რომ რაშტადტის კონგრესის საქმიანობა წარმატების არაერთად იმედებს არ იძლეოდა, ამჯობინებდნენ გარეგნულად ხელშეკრულების ერთგულება შეენარჩუნებინათ, მზადება ფარულად ჩაეტარებინათ, ხელშეკრულების დარღვევის „საპატიო“ როლი საფრანგეთისათვის დაეთმოთ და ომის გაშლის პასუხისმგებლობაც მისთვის დაეკისრებინათ³.

რუსეთის მთავრობას, თავის მხრივ, დაჟინებით არ მოუთხოვნილა მაშინ ავსტრიისაგან-დაუყოვნებლივ დაერღვია საფრანგეთთან დადებული ხელშეკრულება და ომი გამოეცხადებინა საფრანგეთისათვის. მას მხოლოდ სურდა, რომ ავსტრიას პრინციპულად საფრანგეთის წინააღმდეგ ომის თანხმობა გამოეცხადე-

¹ ამ კორპუსის გაგზავნის ფორმალურ საბაზად გამოყენებულ იქნა რუსეთ-ავსტრიის 1792 წლის თავდაცვითი ხელშეკრულება, რომელიც ფაქტიურად ძალაში აღარ იყო.

² მათ რიცხვში იყვნენ ერცჰერცოგი კარლოსი. ფელდმ.-რზალი ლასსი და მთელი რიგი პრინციები. იხ. А. Васильчиков, დასახ. ნაშრ., ტ. 3, გვ. 272.

³ Ф. Мартенс, დასახ. კრებ., ტ. 2, გვ. 361.

ბინა და უფრო დაეჩქარებინა სათანადო მზადება. რატომ დაეინებით არ მოითხოვა რუსეთმა ავსტრიის მთავრობისაგან საფრანგეთთან დადებული ხელშეკრულების დენონსირება და მის წინააღმდეგ ანხედრება? ლანინის აზრით, რუსეთის იმპერატორს, სანამ ავსტრიას საფრანგეთის წინააღმდეგ ააშხედრებდა, საჭიროდ მიაჩნდა უკეთესი სამხედრო-სტრატეგიული პოზიციების უზრუნველყოფა თვით ავსტრიის მიმართ. იონიის კუნძულებიდან ფრანგების განდევნა და იქ ფეხის მოკიდება, მისი აზრით, უფრო ქმედითს გახდიდა რუსეთის ზემოქმედებას ავსტრიაზე და თავისი გავლენის ქვეშ მოაქცევდა ამ ქვეყანას¹.

ლანინის მოტანილი შეხედულება საერთოდ სწორია, მაგრამ იგი საკითხის მხოლოდ ერთ მხარეს აშუქებს. ჩვენი აზრით, რუსეთის მეფის მთავრობა მარტო იმიტომ კი არ იკავებდა თავს ავსტრიაზე აქტიური ზემოქმედებისაგან და არ მოითხოვდა მისგან საფრანგეთის წინააღმდეგ მოკლე დროში ომის გაჩაღებას, რომ ავსტრიის მიმართ მას უფრო ხელსაყრელი სამხედრო-სტრატეგიული პოზიციის მოპოვება სურდა წინასწარ, არამედ იმიტომაც, რომ მას, ე. ი. რუსეთის მთავრობას, საფრანგეთის წინააღმდეგ ომისათვის მზადება ჯერ კიდევ არ ჰქონდა დამთავრებული. მას ესაჭიროებოდა დანატებითი დიპლომატიური და სამხედრო-სტრატეგიული ღონისძიებების გატარება იმისათვის, რომ შეექმნა ახალი ანტიფრანგული კოალიცია და მზად ყოფილიყო საფრანგეთის წინააღმდეგ გამანადგურებელი დარტყმისათვის. სანამ ამ მზადებას არ დაასრულებდა, მანამ რუსეთი არ ჩქარობდა, ავსტრიის ორქოფობას იტანდა, დარწმუნებული იყო, რომ საჭირო შემთხვევაში იგი მაინც გამოიყვანდა ავსტრიას მერყევი მდგომარეობიდან და ჩააბამდა საფრანგეთის წინააღმდეგ ომში.

ამასთან ერთად ავსტრიასა და რუსეთს შორის უთანხმოება წამოიჭრა როზენბერგის კორპუსის გაგზავნის თაობაზე, რამაც გამოიწვია ამ კორპუსის გერმანიაში გაგზავნის შეჩერება. უთანხმოება წამოიჭრა კორპუსის ჯარისკაცთა კმაყოფისა და ამ კმაყოფის ნორმის გაპო. საჭირო გახდა რუსეთის იმპერატორის უშუალო ჩარევა და მისი განკარგულება გენერალ როზენბერგისადმი უკან, ძველ საბანაკო ადგილებში დაებრუნებინა კორპუსი, თუ ავსტრიის სარდლობა დაუყოვნებლივ არ მიიღებდა კორპუსის სარდლობის მოთხოვნას კორპუსის ჯარისკაცთა მომარაგების ნორმის

¹ P. Ланин, დასახ. წერილი, გვ. 36.

ჯადიდების შესახებ¹, რათა წამოჭრილი კონფლიქტი ლიკვიდირებული ყოფილიყო გარკვეული კომპრომისული შეთანხმებებით².

როზენბერგის დამხმარე კორპუსის დასავლეთით გამგზავრებასთან დაკავშირებული გაუგებრობის ლიკვიდაციას ნიჰყვა ამ კორპუსის გამგზავრება დანიშნულებისამებრ შემუშავებული მარშრუტის მიხედვით.

1798 წლის დასასრულიდან ვითარება არსებითად შეიცვალა. რაშტადტის კონგრესი, რომელზედაც რევიზიის საგნად იქცა კამპო-ფორმიოს ზავის ზოგიერთი მუხლი გერმანიის შესახებ, რამაც გაამწვავა საფრანგეთ-ავსტრიის³ წინააღმდეგობა, ფაქტიურად ჩაიშალა. გაფართოვდა საფრანგეთის აგრესიის არე ევროპაში. მან ხელთ იგდო თითქმის მთელი შვეიცარია და მით მოაპოვა მეტად ხელსაყრელი სტრატეგიული პლაცდარმი გერმანიის სახელმწიფოების, იტალიისა და თვით ავსტრიის იმპერიის მიმართ. იტალიაში საფრანგეთის მორიგი აგრესიის ნსხვერპლი გახდა არა მარტო სარდინია-პიემონტის სამეფო, არამედ ნეაპოლის სამეფოც. აპენინის ნახევარკუნძულზე, რომელიც ავსტრიელებს თავიანთი მონოპოლიური ბატონობის ასპარეზად მიიჩნდათ, ორი ახალი, ფრანგებისადმი ვასალურ დამოკიდებულებაში მყოფი რესპუბლიკა აღმოცენდა. ამავე დროს აშკარად ჩაიშალა ნაპოლეონის ლაშქრობა აღმოსავლეთში. აბუკირის ყურეში ნელსონის ესკადრის მიერ საფრანგეთის ფლოტის განადგურების შემდეგ ნაპოლეონის არმია მოწყვეტილი აღმოჩნდა საფრანგეთისაგან. შეიქმნა საფრანგეთის წინააღმდეგ მიმართული რუსეთ-თურქეთის კავშირი, რომელმაც უკვე გააჩალა აქტიური საომარი ოპერაციები ფრანგების წინააღმდეგ ხმელთაშუა ზღვის აუზში, კერძოდ იონიის ზღვის აუზში.

მართალია, ერთის მხრივ, ამ ახალმა ვითარებამ გააძლიერა საფრანგეთი და გააფართოვა მისი აგრესიის არე ევროპის კონტინენტზე; მაგრამ, მეორეს მხრივ, ამ ვითარებამ საფუძველი ჩაუყარა საფრანგეთის წინააღმდეგ მებრძოლ სახელმწიფოთა ბლოკს, გამოიყვანა რუსეთი საფრანგეთის წინააღმდეგ, გააძლიერა რუსეთის პოზიციები კონტინენტზე და ხმელთაშუა ზღვის აუზში და

¹ პავლეს ამ განკარგულებამ გენერალ როზენბერგისადმი ვენაში დიდი შიში და შეშფოთება გამოიწვია, „Cette nouvelle,—წერდა ა. რახუმოვსკი პავლეს 1798 წლის 6 ოქტომბრის დაშიფრულ რელაციაში,—a jeté la cour de Vienne dans une consternation, motivée par la crainte la plus vive qu'il en résultât le plus funeste effet pour la cause commune...“ А. ВАСИЛЬ-Ч ИКОВ, დასახ. ნაშრ., ტ. 3. გვ. 461.

² იქვე.

შექმნა პირობები ავსტრიის მერყეობის დაძლევისათვის. ამავდროულად გააძლიერა რუსეთის ზემოქმედება ავსტრიაზე. რუსეთ-თურქეთის კავშირის წარმატებითმა ოპერაციამ ზღვაზე, ფრანგთა აღმოსავლეთის ლაშქრობის მარცხთან ერთად განაპირობა ანტი-ფრანგული კოალიციის შექმნისათვის ჩატარებული ლონისძიებების წარმატება, ხელი შეუწყო რუსეთის ცარიზმის დიპლომატიის საქმიანობას. ამ კოალიციის შენობის დამთავრებაში და მასში ავსტრიის ჩაბმაში. ახლა საომარი ოპერაციების თვით ხმელეთზე—იტალიისა და გერმანიის ტერიტორიაზე—გაჩაღების უპირველესი პირობა ავსტრიის ომში ჩაბმა იყო. მაგრამ ეს შეუძლებელი იყო სანამ ავსტრია ინარჩუნებდა კამპო-ფორმიოს ზავისადმი ერთგულებას. ავსტრიის სამეფო კარისაგან Status quo-ის შემდგომი შენარჩუნება იქნებოდა საფრანგეთის აგრესიისათვის ხელის შეწყობა და იმ პოლიტიკური და სამხედრო-სტრატეგიული გეგმებისათვის ხელის შეშლა, რომლებიც დასახული ჰქონდა მეფის რუსეთს საკუთარი სახელმწიფოებრივი ინტერესების შესატყვისად.

ამიტომ იყო, რომ 1798 წლის დასასრულიდან გაორკეცდა მეფის რუსეთის აქტივობა ამ მიმართულებით, გაძლიერდა მისი ზეგავლენა ავსტრიაზე. რუსეთი დაეინებით მოითხოვდა ავსტრიისაგან, რათა მას ეკისრა კამპო-ფორმიოს ზავის დარღვევის ინიციატივა, შეერთებოდა ახალ ანტიფრანგულ კოალიციას და მით ხელი შეეწყო ხმელეთზე საომარი ოპერაციების გაჩაღებისათვის ფრანგების წინააღმდეგ.

იმასთან დაკავშირებით, რომ ავსტრიის მთავრობამ წააქეზა ნეაპოლის მეფე ფრანგების წინააღმდეგ ავანტიურისტული ომისაკენ, თანაც რუსეთის მხრივ მისთვის შეთავაზებული სამხედრო დახმარებისაგან თავი შეიკავა, რუსეთის იმპერატორმა სპეციალური, 1798 წლის 20/31 დეკემბრით დათარიღებული რესკრიპტი გაუგზავნა ვენაში თავის წარმომადგენელს ა. რაზუმოვსკის. ამ რესკრიპტში გამოთქმულია პავლეს გულისწყრომა ავსტრიელთა ამ ვერაგული საქციელის გამო. აცნობებდა რა რაზუმოვსკის რუსეთის მთავრობის გადაწყვეტილებას—დახმარება აღმოეჩინა ნეაპოლის სამეფოსათვის ზღვაზე და ხმელეთზე—პავლე I დასძინდა: ეს დახმარება მხოლოდ იმ შემთხვევაში იქნება ეფექტური, თუ რომის იმპერატორიც დაუყოვნებლივ აღმოუჩენს ნეაპოლის მეფეს დახმარებას იტალიაში განლაგებული თავისი ძალებით. აყენებს რა ავსტრიის ომში ჩაბმის კატეგორიულ მოთხოვნას, რუსეთის იმპერატორი განაგრძობს: ჩვენ ვერ დავფარავთ, რომ ავსტრიელების მიერ ფრანგების წინააღმდეგ იარაღის აღმართვისაგან შემდგომი

თავის შეკავება ჩვენ და ჩვენს მოკავშირეებს მოგვეცემს საშუალებას ძლიერი ექვისათვის და გვაიძულებს ვიფიქროთ, რომ სამხედრო მზადება, რომელსაც ავსტრია ახორციელებს, საკუთარი სარგებლობის მიღებას ისახავს მიზნად და არა ფრანგების დამლუპველი აქტებისათვის წინააღმდეგობის გაწევას. პაულე I-ის აზრით ავსტრია, თუ იგი გადაწყვეტს აღმართოს იარაღი ფრანგების წინააღმდეგ, მაინც არ იქნება კამპო-ფორმიოს ზავის პირობების დამრღვევი, ვინაიდან ეს ხელშეკრულება კარგა ხანია თვით ფრანგებმა დაარღვიეს, განახორციელეს რა ახალი აგრესიული აქტები შვეიცარიასა და იტალიაში და ა. შ.

რესკრიპტის დასასრულს რუსეთის იმპერატორი კატეგორიულად მოითხოვდა თავისი ელჩისაგან დაუყოვნებლივ და გარკვეულ ფორმაში მოეთხოვა პასუხი ავსტრიის მთავრობისაგან დასმულ კითხვებზე, თანაც გამოეყენებინა ინგლისის ვენელი ელჩი ავსტრიის იმპერატორსა და თუგუტზე ზემოქმედების მოსახდენად. ავსტრიის მთავრობის დადებითი პასუხის შემთხვევაში, პაულე I ერთხელ კიდევ იძლეოდა დაპირებას, რომ ყოველმხრივ დაეხმარებოდა მას—ზღვაზე და ხმელეთზე—საერთო მტრის წინააღმდეგ ბრძოლაში¹.

რუსეთის იმპერატორი, ისევე როგორც ინგლისის მთავრობა, სამართლიანად ექვობდნენ ავსტრიის მთავრობის ქეშმარიტი ზრახვების შესახებ. ეს ექვები გააძლიერა პეტერბურგსა და ლონდონში გაერცელებულმა ხმებმა იმის შესახებ, რომ საფრანგეთის დირექტორიასა და ავსტრიის მთავრობას შორის ადგილი აქვს ფარულ მოლაპარაკებას. დასახელებული იყო ვილაც ბოტო, რომელიც თითქოს ჩავიდა ვენაში საიდუმლო მისიით დირექტორიის მთავრობის დავალებით. როგორც ა. რაზუმოვსკის 1798 წლის 12 და 31 ოქტომბრის რელაციებიდან ჩანს, თუგუტს მისთვის განუცხადებია, რომ ავსტრიის ბერლინელ ელჩს თავად რეისს გარკვეული ურთიერთობა ჰქონდა ბერლინში სიეიესთან, მაგრამ სიეიესის წინადადებებზე მას მიკიბულ-მოკიბული პასუხი გაუცია².

როგორც არაერთხელ იყო აღნიშნული, რუსეთის სრულყოფილებიანი წარმომადგენელი ვენაში ა. რაზუმოვსკი, თავს უფრო ავსტრიელ-გერმანელ არისტოკრატად თვლიდა, ვიდრე რუსეთის წარმომადგენლად. იგი სუსტად იბრძოდა რუსეთის ინტერესების დასაცავად და ავსტრიის სამეფო კარის, კერძოდ თუგუტის ძლიერი გავლენის ქვეშ იმყოფებოდა. ავსტრიის კოალიციის რიგებში

¹ Д. МИЛЮТИН, დასახ. ნაშრ., ტ. 3, გვ. 108—109, 110-ე შენიშვნა.

² А. ВАСИЛЬЧИКОВ, დასახ. ნაშრ., ტ. 3, გვ. 262.

ჩაბმის თაობაზე აღმოცენებული დიპლომატიურ შეხლა-შემოხლის დროს რაზუმოვსკი უხალისოდ ასრულებდა პეტერბურგიდან მიღებულ მითითებებს და რელაციებში ცდილობდა გაემართლებინა ავსტრიის სამეფო კარის პოზიცია „ობიექტურ“ მიზნებზე მითითებით. ამიტომ იყო, რომ რუსეთის იმპერატორს განზრახვა ჰქონდა გაეთავისუფლებინა იგი და მის ადგილას ვენაში სხვა დიპლომატი გაეგზავნა. ეს ერთგვარად ვენის მთავრობის პოლიტიკის გაკიცხვა და მისდამი უნდობლობის გამოცხადებაც იქნებოდა. მართალია, პეტერბურგიდან ვენაში გაიგზავნა დიპლომატი კოლიჩევი, მაგრამ არა ელჩის რანგით, არამედ დამხმარედ, კერძოდ, ავსტრიის დასახმარებლად რუსეთიდან გაგზავნილ კორპუსსა და ავსტრიის მთავრობას შორის კავშირის დასამყარებლად¹. რუსეთის იმპერატორის გადაწყვეტილების შეცვლა ალბათ იმით იყო გამოწვეული, რომ ავსტრიის მთავრობამ მხარი დაუჭირა ა. რაზუმოვსკის, ითხოვა მისი დატოვება ძველ ადგილას, თანაც პეტერბურგის მთავრობას აღუთქვა, რომ გადასინჯავდა თავის პოზიციას კოალიციასთან შეერთების საკითხში.

1798—1799 წლების მიჯნაზე ავსტრიის მთავრობის პოლიტიკაში მართლაც მოხდა რუსეთისათვის სასურველი გარდატეხა. ეს გარდატეხა ფაქტობრივად მთელი კომპლექსის შედეგს წარმოადგენდა. შეცვლილმა ვითარებამ, რომლის შესახებაც უკვე გვქონდა საუბარი, რუსეთის ზემოქმედება-მუქარამ და ინგლისის მთავრობის დათმობაზე წასვლამ ახალი სუბსიდიის საკითხში, აიძულა ავსტრიის სამეფო კარი ხელი აეღო შემდგომი დაყოვნების პოლიტიკაზე და მოკავშირეებთან ერთად საფრანგეთის წინააღმდეგ გამოსულიყო². ამასთან დაკავშირებით, ავსტრიის მთავრობამ რუსეთსა და სხვა მოკავშირეებს აცნობა ფრანგების წინააღმდეგ ომის წარმოების თავისი გეგმა, რომლის ავტორობა თუგუტს ეკუთვნოდა. ამ გეგმით, მოკავშირეებს (რუსეთს, ავსტრიას და სხვებს), ფრანგების წინააღმდეგ უნდა გაეჩალებინათ სახმელეთო ოპერაციები იტალიაში, გერმანიასა და შვეიცარიაში³.

¹ პეტერბურგში უკვე შემუშავებული იყო ინსტრუქცია, რომლითაც უნდა ეხელმძღვანელა კოლიჩევს, თუ იგი ელჩის რანგით გაიგზავნებოდა ვენაში. ამ ინსტრუქციაში ჩამოყალიბებული იყო რუსეთის საგარეო პოლიტიკის ძირითადი პრინციპები. Д. Милютин, დასახ. ნაშრ., ტ. 3, გვ. 109—111, III შენიშვნა.

² ამის შესახებ ვრცლად მოგვითხრობს ა. რაზუმოვსკი 1799 წლის 12/23 იანვრის რელაციაში პავლესადმი. იხ. А. Васильчиков, დასახ. ნაშრ., ტ. 3, გვ. 273—277; Д. Милютин, დასახ. ნაშრ., ტ. 3, გვ. 111—112.

³ Д. Милютин, დასახ. ნაშრ., ტ. 1, გვ. 121.

ავსტრიის მთავრობის საბოლოო გადაწყვეტილება—იარაღი აღემართა საფრანგეთის წინააღმდეგ და შესულიყო მეორე ანტი-ფრანგული კოალიციის რიგებში,—დააჩქარა საფრანგეთის აღმასსრულებელი დირექტორიის 1799 წლის 20 იანვრის ანტიავსტრიულმა დეკლარაციამ, გამოქვეყნებულმა რაშტადტის კონგრესზე და საფრანგეთის ჯარების მიერ რაინის აუზში ავსტრიის ჯარების წინააღმდეგ საომარი მოქმედების განახლებამ.

დეკლარაცია ავსტრიელებს ბრალს სდებდა კამპო-ფორმიოს ზავის დარღვევაში და საომარი მოქმედების განახლებაში. რუსეთის ჯარის (როზენბერგის კორპუსი) გაგზავნას დასავლეთისაკენ, გერმანიის მიმართულებით, საფრანგეთის წინააღმდეგ საბრძოლველად, დეკლარაცია მიიჩნევდა საფრანგეთის წინააღმდეგ გადადგმულ მტრულ აქტად თვით ავსტრიის მთავრობის მხრივ. აქედან გამომდინარე, დეკლარაცია მთელ პასუხისმგებლობას ავსტრიის მთავრობას აკისრებდა და აცხადებდა, რომ რესპუბლიკის უშიშროებისათვის საფრანგეთის მთავრობა იძულებულია გამოიყენოს თავდაცვის ყველა საშუალება¹.

ავსტრიის მთავრობამ, რომელსაც უკან დასახევი გზა აღარ ჰქონდა, გადაწყვიტა სიტყვიდან საქმეზე გადასულიყო და დარტყმისათვის დარტყმით ეპასუხა, მაგრამ სანამ ამ გადაწყვეტილებას სისრულეში მოიყვანდა, მან რუსეთის მთავრობისაგან სამი პირობის შესრულება მოითხოვა: პირველი, ავსტრიის მთავრობა ითხოვდა გენერალ როზენბერგის კორპუსის მარშრუტისა და დანიშნულების შეცვლას და რაინის აუზის ნაცვლად ჩრდილო იტალიაში გაგზავნას; მეორე, ვენის მთავრობა მოითხოვდა ჩრდილო იტალიაში გაგზავნილიყო აგრეთვე გენერალ გერნანის კორპუსიც, რომელიც თავის დროზე რუსეთის მთავრობამ გამოყო ნეაპოლის სამეფოსათვის დახმარების აღმოსაჩენად, მაგრამ იქ არ ყოფილა გაგზავნილი ფრანგების მიერ ამ სახელმწიფოს ოკუპაციის გამო; მესამე, ვენის სამეფო კარი მოითხოვდა ამ კორპუსების გარდა, გერმანიაში გაგზავნილიყო კიდევ დამატებით რუსეთის ის 45 ათასიანი არმია, რომელიც გათვალისწინებული იყო პრუსიის არმიასთან შესაერთებლად, მაგრამ იმ დროს „თავისუფალი“ იყო ამ მისიისაგან პრუსიის მიერ ნეიტრალიტეტის ბოლომდე შენარჩუნების გამო².

¹ ამ დეკლარაციის ასლი იხილეთ: Архив ВПР, ф. „Свошешия России с Пруссией“, т. 532, л. 138.

² ავსტრიის მთავრობის აღნიშნული მოთხოვნები გაუბედავ ფორმებში ჩამოყალიბებული იყო ა. რაჰუმოვსკის უკვე ხსენებულ 1799 წლის 12 23 იანვრის რეულაციაში. უფრო აშკარად ამ მოთხოვნებს და თავის შემდგომლობას

რუსეთის სამეფო კარმა შესაძლებლად მიიჩნია დაეკმაყოფილებინა ავსტრიის მთავრობის მიერ წამოყენებული პირობები, რათა ამით მისთვის წაერთმია თავის შეკავებისა და ორკოფობის უკანასკნელი საბაბი; მით უფრო, რომ სამხედრო-სტრატეგიული და პოლიტიკური მოსაზრებებით ეს პირობები მისაღები იყო რუსეთისათვის¹. ამის შესატყვისად პავლემ სათანადო განკარგულება გასცა. გენერალ როზენბერგს ბრძანა შეეცვალა მარშრუტი და დაძრულიყო ჩრდილო იტალიის მიმართულებით; გენერალ გერმანის კორპუსს (შემდეგში ამ კორპუსს გენერალი რებინდერი სარდლობდა), თავის მხრივ, ბრძანება მიეცა დაძრულიყო აგრეთვე იტალიისაკენ და შეერთებოდა გენერალ როზენბერგის კორპუსს. დაბოლოს, ნუმენის (შემდეგში რიმსკი-კორსაკოვის) კორპუსს აგრეთვე ახალი დანიშნულება მიეცა. იგი, გაძლიერებული პრინც კონდეს ემიგრანტული კორპუსით, გერმანიისაკენ უნდა დაძრულიყო ავსტრიისათვის დახმარების აღმოსაჩენად².

ამ გადაწყვეტილების მიღებასთან ერთად, პავლემ გამოაქვეყნა ვრცელი დეკლარაცია, რომელშიც მოტივირებული იყო რუსეთის ჯარის გერმანიის ტერიტორიაზე გადასვლისა და იქ მოქმედების საჭიროება და აუცილებლობა. დეკლარაციაში ჩამოთვლილი იყო ის ღონისძიებები, რომლებიც რუსეთის ცარიზმმა ქვეყნის „სასიცოცხლო“ ინტერესების შესატყვისად გაატარა, რათა ევროპაში ბოლო მოღებოდა შფოთის, შიშის და ომის ვითარებას და იქ ხანგრძლივი, მტკიცე მშვიდობა დამყარებულიყო. მაგრამ რუსეთის „მშვიდობისმოყვარე“ მისწრაფებებს, პავლე I-ის აზრით, წარმატება არ მოჰყოლია საფრანგეთის მთავრობის მიზეზით. რუსეთის საგარეო-პოლიტიკური კურსის შეცვლის საჭიროებას დეკლარაცია ხსნის საფრანგეთის მტრული, აგრესიული აქტებისათვის ზღვარის დადების საჭიროებით და მთელ პასუხისმგებლობას ომის გაჩაღებისათვის საფრანგეთს აკისრებს.

დეკლარაციაში რუსეთის იმპერატორი თავს აცხადებს გერმანიის მეგობრად, მისი მთლიანობისა და ხელუხლებლობის ქომაგად. დეკლარაციაში აღნიშნულია, რომ რუსეთი ომში ებმება

რაზუმოვსკი აყალიბებს იმავე თარიღით გაგზავნილ წერილში ა. ბეზბოროდკოსადმი. იხ. А. Васильчиков, დასახ. ნაშრ., ტ. 3, გვ. 273—276, 277; Д. Милютин, დასახ. ნაშრ., ტ. 1, გვ. 124—125; ტ. 3, გვ. 113.

¹ Д. Милютин, დასახ. ნაშრ., ტ. 1, გვ. 125.

² იქვე, გვ. 126—127.

მოკავშირეებთან ერთად მხოლოდ და მხოლოდ იმ მიზნით, რომ იხსნას გერმანიის იმპერია აუცილებელი დალუპვისაგან, რომელიც მას მოელის და უზრუნველყოფს მისი მთლიანობა საფრანგეთის ძველ ტერიტორიულ ფარგლებში შეზღუდვის გზით¹.

ავსტრიის მთავრობამ, სანამ რუსეთის ეფექტურ სამხედრო დახმარებას მიიღებდა და ფრანგების წინააღმდეგ ომს განაახლებდა, კიდევ ერთი ნაბიჯი გადადგა: მან რუსეთის იმპერატორს სთხოვა იტალიაში სამოქმედოდ განკუთვნილ მოკავშირეთა (რუსეთისა და ავსტრიის) ჯარების მთავარსარდლად, მოულოდნელად გარდაცვლილ პრინც ფრიდრიხ ორანელის ნაცვლად, დაენიშნა რუსეთის არმიის მხედართუფროსი, ფელდმარშალი ალექსანდრე ვასილის-ძე სუვოროვი, რომელიც მაშინ შერისხული იყო, არმიის რიგებში აღარ იმყოფებოდა და ნოვგოროდის გუბერნიაში სოფელ კონჩანსკოეში (თავის მამულში) ცხოვრობდა².

რუსეთის იმპერატორმა შესაძლებლად სცნო ავსტრიის მთავრობის ამ თხოვნის დაკმაყოფილება. მართალია თხოვნა ეხებოდა სახელგანთქმულ რუს მხედართმთავარს, რომელიც ჰირივით ეჯავრებოდა პრუსიული სამხედრო სისტემის მათაყვანებელ თვითმპრობელ დესპოტს, მაგრამ, მეორე მხრივ, რუსი გენერლის მოკავშირეთა არმიის სათავეში მოქცევა აკმაყოფილებდა თვითმპყრობელის პატივმოყვარეობას³.

ამგვარად, 1799 წლის დასაწყისისათვის წარმატებით დაგვირგინდა რუსეთის დიპლომატიის ღონისძიებები ავსტრიის მიმართ. კამპო-ფორმიოს ზავს ხაზი გადაესვა; ავსტრიამ ისევ იარაღი აღმართა საფრანგეთის წინააღმდეგ; ავსტრია-რუსეთის სამხედრო-პოლიტიკური კავშირი სათანადო პრაქტიკული მოქმედებით განმტკიცდა. ამით არსებითად დამთავრდა რუსეთის მთავრობის დიპლომატიური საქმიანობა. მიმართული მეორე ანტიფრანგული კოალიციის შესაქმნელად.

¹ ამ დეკლარაციის მთლიანი ტექსტი, სახელწოდებით: „Déclaration de la cour Impériale de la Russie à l'occasion de l'entrée des troupes russes en Allemagne“ გამოქვეყნებული აქვს მილიუტინს. იხ. Д. Милютин, დასახ. ნაშრ., ტ. 3, გვ. 113—115, ციტირებული ადგილი ამოღებულია 115-ე პერადიდან.

² Д. Милютин, დასახ. ნაშრ., ტ. 1, გვ. 128—129.

³ Архив князя Воронцова, ტ. 8, გვ. 192. იხ. აგრეთვე, А. Васильев, დასახ. ნაშრ. ტ. 3, გვ. 278—279.

4. რუსეთ-ინგლისის სამხედრო-პოლიტიკური კავშირის განმტკიცება

იმ მრავალ ღონისძიებათა შორის, რომლებიც პავლე I-ის მთავრობამ 1798 წლის მეორე ნახევრიდან განახორციელა ახალი ანტიფრანგული კოალიციის გაფორმების საქმეში, აღსანიშნავია ინგლისთან არსებული სამხედრო-პოლიტიკური კავშირის განმტკიცება და მასთან ახალ მეგობრობის ტრაქტატზე ხელის მოწერა 1798 წლის 18/29 დეკემბერს. როგორც უკვე ზემოთ იყო აღნიშნული, ჯერ კიდევ 1795 წლიდან, რუსეთი და ინგლისი დაკავშირებული იყვნენ ერთმანეთთან 1795 წლის 7/18 თებერვალს დადებული ტრაქტატით მეგობრობისა და საფრანგეთის წინააღმდეგ ერთობლივ მოქმედებათა შესახებ¹. ამ ტრაქტატის დამატებას და განვითარებას წარმოადგენს 1795 წლის 17 სექტემბრის დეკლარაცია სამხედრო კავშირის შესახებ², თუ მხედველობაში არ მივიღებთ ვიცე-ადმირალ ხანიკოვის სარდლობით რუსეთის ესკადრის (6 გემისა და 6 ფრეგატის შემადგენლობით) გაგზავნას ინგლისში, ინგლისის ფლოტისათვის დახმარების აღმოსაჩენად, სხვა მხრივ მათ ერთობლივ ღონისძიებას ფრანგთა წინააღმდეგ ადგილი არ ჰქონია.

ცვლილებას რუსეთის საიმპერატორო ტახტზე, სახელდობრ, პავლე I-ის გამეფებას, ინგლისის მთავრობა სინანულით შეხვდა. ინგლისის ელჩი პეტერბურგში უიტვორტი 1797 წლის 6/17 ნოემბრით დათარიღებულ მოხსენებაში, აცნობებდა რა თავის მთავრობას ეკატერინე II-ის გარდაცვალებას, გულისტკივილით აღნიშნავდა ამ ფაქტს და დასძენდა: ახლა რუსეთ-ინგლისის ურთიერთობის მომავალი გაურკვეველია; რუსეთის საგარეო პოლიტიკა ახალი მონარქის პირად შეხედულებაზეა დამოკიდებულიო³. მართალია დიპლომატიურ წარმომადგენელთა პირველი მიღების დროს პავლემ არ დაიშურა კომპლიმენტები ინგლისის ელჩის უიტვორტის მისამართით და შეეცადა დაერწმუნებინა იგი, რომ ეცდებოდა მომავალშიც შეენარჩუნებინა ინგლისის მთავრობასთან არსებული

¹ იხ. ამ ხელშეკრულების სრული ტექსტი, ფ. Мартенс, დასახ. ნაშრ. ტ. 9. (10), გვ. 368—383.

² იქვე, გვ. 385—387.

³ В. Александровъ, Император Павел I и англичане (Извлечение из доведений Витворта), „Русская старина“, 1898, ტ. 96. ოქტ. გვ. 94.

ორივე ქვეყნის ინტერესებისათვის სასარგებლო ურთიერთობა¹, მაგრამ აღნიშნული აუდიენციის შედეგებს არ აღმოუფხვრია ინგლისში რუსეთის ახალი მმართველობით შექმნილი გაურკვეველობისა და უსიამოვნების შთაბეჭდილება.

ინგლისის მთავრობის პრემიერი პიტი უმცროსი და საგარეო საქმეთა მინისტრი გრენვილი პეტერბურგიდან მიღებული ცნობების საფუძველზე მალე მივიდნენ იმ დასკვნამდე, რომ რუსეთ-ინგლისის ურთიერთობაში, კერძოდ საფრანგეთის წინააღმდეგ ერთობლივი მოქმედების საკითხში, მოსალოდნელი იყო ცვლილებები. თუმცა ლონდონში ჯერ კიდევ არ იცოდნენ, თუ როგორი იასიათისა უნდა ყოფილიყო ან რაში გამოვლინდებოდა ეს ცვლილებები, მაგრამ ამ გაურკვეველობას მალე მოელო ბოლო, როდესაც უიტვორტის მეშვეობით ლონდონში მიიღეს ოსტერმანის ჩვენთვის უკვე ცნობილი ცირკულარული ნოტა (დათარიღებული 1796 წლის 24 ნოემბრით) ახალი მმართველობის სამშვიდობო განზრახვათა შესახებ²; ამ ნოტიდან ინგლისელებმა შეიტყვეს, რომ რუსეთის დამხმარე კორპუსი დასავლეთისაკენ არ გაიგზავნებოდა და არც ინგლისის სუბსიდია იქნებოდა გამოთხოვილი.

რუსეთის მთავრობის აღნიშნული ნაბიჯი, ბუნებრივია, გულსტკივილით იქნა აღქმული ლონდონში³. მიუხედავად ამისა მას დიდი მითქმა-მოთქმა არ გამოუწვევია. ინგლისის მთავრობამ მხოლოდ ერთი რამ სთხოვა რუსეთს: არ გაეწვია უკან ინგლისის წყლებში მყოფი თავისი სამხედრო ფლოტი და განეგრძო ინგლისისათვის ზღვაზე დახმარების გაწევა⁴.

მაგრამ ინგლისის მთავრობის ეს მოლოდინი და სურვილი არ გამართლდა. პეტერბურგის სამეფო კარმა ანგარიში არ გაუწია თავისი მოკავშირის თხოვნას. მან არა თუ არ დააკმაყოფილა მისი თხოვნა ზღვაზე დახმარების გაწევის შესახებ, არამედ მიიღო გა-

¹ „...Vous pouvez être sûr, monsieur,—განუცხადა პავლემ ვიტვორტს,— que je concerverai avec soin les relations, qui existent entre nos deux pays et qui seront également utiles pour tous les deux.“ В. А. Алексашидренко, დასახ. წერილი, დასახ. ჟურნალში, გვ. 95.

² Д. Милютин, დასახ. ნაშრ., ტ. 1, გვ. 10.

³ ინგლისის მთავრობამ სინანული გამოთქვა იმის გამო, რომ „Русские знамена, устранившие уже мысленно Фрацию, не будут противу ей нойск развиваться“. იხ. გრაფ ს. რ. ვორონცოვის 1797 წლის 9/20 იანვრის დეპეშა გრაფ. ოსტერმანიადმი. Д. Милютин, დასახ. ნაშრ., ტ. 1, გვ. 27—28.

⁴ Д. Милютин, დასახ. ნაშრ., ტ. 1, გვ. 28; Ф. Мартенс, დასახ. ნაშრ., ტ. 9(10), გვ. 414.

დაწყვეტილება რუსეთში დაებრუნებინა მკაროვის ესკადრა, რომელიც ინგლისის წყლებში იმყოფებოდა და ინგლისის ფლოტთან თანამშრომლობდა საფრანგეთის ფლოტის წინააღმდეგ ბრძოლაში ლამანშ-პადეკალეს ზონაში და მონიჯნავე წყლებში¹. ამ გადაწყვეტილებასთან დაკავშირებით, 1797 წლის აპრილში, კონტრ-ადმირალ მკაროვს და რუსეთის სრულუფლებიან წარმომადგენელ ს. რ. ვორონცოვს გაეგზავნათ განკარგულება აღნიშნული ფლოტის მოკლე დროის განმავლობაში სამშობლოში დაბრუნების შესახებ². ს. რ. ვორონცოვისადმი 1797 წლის 5/6 მაისის თარიღით გაგზავნილ წერილში პავლე I, აცნობებდა რა მას კონტრ-ადმირალ მკაროვისადმი გაგზავნილი რესკრიპტის შინაარსს, მასვე ავალებდა დახმარება აღმოეჩინა რუსეთის ესკადრის სარდლისათვის რუსეთის ფლოტის უკან დაბრუნების საქმეში. ამასთან ერთად, რუსეთის სრულუფლებიან წარმომადგენელს ვვალებოდა დაერწმუნებინა ინგლისის მთავრობა, რომ რუსეთის მთავრობას გულწრფელად სურს შეინარჩუნოს ინგლისთან მეგობრული ურთიერთობა და დამხმარე ესკადრის უკან გაწვევა არ უნდა იქნეს გაგებული, როგორც ამ მეგობრული ურთიერთობის გაუარესების ნიშანი³.

როგორც ჩანს, ინგლისის მთავრობას საწყენად დარჩა რუსეთის ახალი მთავრობის აღნიშნული გადაწყვეტილება, რადგან იგი სერიოზულ საფრთხეს უქმნიდა ინგლისის ახალ სამხედრო ღონისძიებებს, მიმართულს საფრანგეთის წინააღმდეგ. პრუსიის და ევროპის მთელ რიგ პატარა სახელმწიფოთა ანტიფრანგული კოალიციიდან გამოსვლისა და დამარცხებული ავსტრიის საექვო ქვეყის პირობებში რუსეთის მეფის ეს ნაბიჯი წარმოადგენდა მორიგ დარტყმას ინგლისის გეგმაზე: ევროპის კონტინენტის სახელმწიფოთა „საზარბაზნე ხორცის“ გამოყენებით, ახალი ძალით გაეჩაღებინა ბრძოლა მისი მეტოქის, საფრანგეთის წინააღმდეგ. ამიტომ იყო, რომ ინგლისის საგარეო საქმეთა მინისტრმა ლორდმა გრენვილმა, რომელმაც მოისმინა ს. რ. ვორონცოვის ცნობა რუსეთის მთავრობის აღნიშნული განკარგულების შესახებ, განცვიფრებულმა რუსეთის ელჩს განუცხადა შემდეგი: „...როგორც ჩანს, ამჟამად ბედმა ინება, რომ ინგლისის უბედურებანი შეუჭრებლივ იზრდე-

¹ ხანიკოვის ესკადრის ნაწილი 1796 წლის სექტემბერში უკან დაბრუნდა. ინგლისის წყლებში დარჩა სულ 3 გემი და 3 ფრეგატი კონტრ-ადმირალ მკაროვის სარდლობით.

² პავლე I-ის რესკრიპტის. რ. ვორონცოვისადმი, 1797 წლის 8 აპრილის თარიღით, იხ. Д. Милютин, *დასახ. ნაშრ.*, ტ. 1, გვ. 28.

³ ЦГАДА, ф. Воронцовых, д. 1882, х. 11.

ბოდეს...“; ინგლისი, გრენვილის სიტყვით, უკვე მიატოვეს პრუსიამ, ესპანეთმა, ჰოლანდიამ და სხვებმა და ახლა რუსეთიც ტრეგებს მასო¹.

რუსეთის სრულუფლებიანი წარმომადგენელი გრაფი ს. რ. ვორონცოვი, რომელიც, როგორც ცნობილია, ინგლის-რუსეთის მეგობრობისა და მათი საფრანგეთის წინააღმდეგ ერთობლივი ბრძოლის ქომაგი იყო, თვით არ იზიარებდა რუსეთის ცარიზმის ახალ ნაბიჯს. მას სურდა ამ ორი ქვეყნის კავშირის კიდევ უფრო განმტკიცება და ახალი ანტიფრანგული ბლოკის შეკოწიწება ინგლის-რუსეთის ხელმძღვანელობით. თავის განმარტებებში გრენვილისადმი ინგლისის გაბატონებული არისტოკრატიის ეს მეგობარი შეეცადა დაერწმუნებინა ინგლისის მინისტრი იმაში, რომ რუსეთ-ინგლისის მეგობრობა მომავალშიც იქნებოდა შენარჩუნებული და რომ რუსეთის მთავრობას ოდნავი განზრახვაც კი არ ჰქონდა ამ მეგობრობის საწინააღმდეგო ნაბიჯები გადაედგა. რაც შეეხება დამხმარე ესკადრის უკან გაწვევას, რუსეთის ელჩის აზრით, იგი რუსეთის შინაგანი ვითარებით იყო მოტივირებული².

პავლე I-ის მთავრობა, მეშვიდრობით მიღებული საგარეო პოლიტიკური კურსის შესატყვისად, კერძოდ ბურჯუაზიული საფრანგეთისადმი აღებული სტრატეგიული ხაზის შესაბამისად, მართლაც არ ფიქრობდა ხელი აეღო ინგლისის მიმართ ნაკისრ სამოკავშირო ვალდებულებებზე. მას სურდა მხოლოდ უკან დასახევი გზა თავისუფალი ჰქონოდა და საფრანგეთის რესპუბლიკასთან ომის შემთხვევაში (თუ ევროპის დამშვიდებისა და მეომარ სახელმწიფოთა შორის არბიტრის როლში გამოსვლის გეგმა ჩაემლგებოდა) ინგლისთან ერთად სათავეში ჩასდგომოდა ახალ ანტიფრანგულ კოალიციას. ანტიომ იყო, რომ პავლემ სავსებით მოიწონა ის ახსნა-განმარტება, რომელიც ს. რ. ვორონცოვმა მისცა გრენვილს რუსეთის ესკადრის უკან გამოწვევის ცნობის გადაცემის დროს. ახალ რესკრიპტში, რომელიც დათარიღებულია 1797 წლის 1 ივნისით, რუსეთის იმპერატორმა ერთხელ კიდევ დაავალა რუსეთის ელჩს დაერწმუნებინა ინგლისის მთავრობა: რუსეთ-ინგლისის ტრადიციულ მეგობრობას რუსეთის მთავრობა არ უღალატებსო³.

¹ ვორონცოვის 1797 წლის 12 მაისის რედაცია გრენვილთან საუბრის შესახებ. იხ. ფ. Мартенс, დასახ. კრებული, ტ. 9. (10) გვ. 414—415; დ. Милютин, დასახ. ნაშრ., ტ. 3. გვ. 49—50.

² დ. Милютин, დასახ. ნაშრ., ტ. 3. გვ. 49—50; ფ. Мартенс, დასახ. კრებული, ტ. 9 (10), გვ. 415—416.

³ ЦГАДА, ф. Воронцовых, д. 1882, л. 14.

მაკაროვის დამხმარე ესკადრის უმოკლეს დროში რუსეთში დაბრუნების შესახებ გადაწყვეტილების რეალიზაცია რამოდენიმე კვირით დაბრკოლდა. ამის მიზეზი გახდა ინგლისის სამხედრო ფლოტის მეზღვაურთა დიდი აჯანყება. ამ აჯანყებამ იფეთქა 1797 წლის მაისში და მოიცვა სამხრეთ ინგლისის ნავსადგურებში თავმოყრილი სამხედრო ფლოტის დიდი ნაწილი (20-ზე მეტი სამხედრო ერთეული). აჯანყების ბაზები იყო შირნესი და ნორი (ტემზაზე). აჯანყებულებმა ჩაკეტეს ლონდონის საზღვაო მისასვლელები და სროლა აუტეხეს იმ სამხედრო გემებს, რომლებიც არ შეუერთდნენ აჯანყებას. ამ აჯანყებამ უაღრესად კრიტიკულ მდგომარეობაში ჩააყენა „ზღვათა მფლობელი“ ცივილიზებული ალბიონი. რადგანაც აჯანყებას შეუერთა აღმირალ დუნკანის მოკრეისერე ესკადრის გემთა დიდი ნაწილიც, ინგლისის სანაპიროების დაცვა ფაქტიურად მოიშალა და ინგლისისა და ირლანდიის სანაპიროებზე საფრანგეთის დესანტის გადასხმის რეალური საფრთხე წამოიჭრა¹.

სამხედრო ფლოტის მეზღვაურთა აჯანყების დიდმა მასშტაბმა სერიოზულად დააფრთხო ინგლისის მთავრობა. ამ უკანასკნელმა ლორდ გრენვილის მეშვეობით დაეინებით სთხოვა რუსეთის სრულუფლებიან წარმომადგენელს ს. რ. ვორონცოვს თავისი ინიციატივით დროებით შეეჩერებინა დამხმარე ფლოტის უკან გაწვევა, და პირიქით, კონტრ-აღმირალ მაკაროვისათვის მითითება მიეცა შეერთებოდა დუნკანის ესკადრას და ხელი შეეშალა ფრანგებისა და ჰოლანდიელების მხრივ ინგლის-ირლანდიის სანაპიროებზე შეჭრის ცდისათვის. გრაფმა ს. რ. ვორონცოვმა ანგარიში გაუწია ინგლისის მთავრობის მძიმე მდგომარეობას და დააკმაყოფილა მისი თხოვნა. მან შეაჩერა რუსეთის დამხმარე ესკადრის უკან დაბრუნებისათვის მზადება, წინადადება მისცა ესკადრის უფროსს შეერთებოდა დუნკანის ესკადრას და აქტიური მონაწილეობა მიეღო ინგლის-ირლანდიის სანაპიროების დაცვაში ფრანგთა და ჰოლანდიელთა მოსალოდნელი თავდასხმისაგან².

მაკაროვის ესკადრა გათვალისწინებულ ვადაზე სამი კვირით მეტ ხანს დარჩა ინგლისში. იგი დაეხმარა ინგლისის მთავრობას

¹ ინგლისის სამხედრო ფლოტის აღნიშნული აჯანყების შესახებ ვრცლად მოგვითხრობს გრაფი ს. რ. ვორონცოვი ბეზბოროდკოსადმი 1797 წლის 26 მაისს (5 ივნისს) გაგზავნილ წერილში. იხ. Архив князя Воронцова, ტ. 16, გვ. 248—252.

² ს. რ. ვორონცოვის აღნიშნული წერილი ბეზბოროდკოსადმი და მისივე ორი წერილი კონტრ-აღმირალ მაკაროვისადმი 1797 წლის 25 მაისის (5 ივნისის) თარიღით. იხ. Архив князя Воронцова, ტ. 16, გვ. 250—252; 305—306.

არა მარტო სანაპიროების დაცვაში, არამედ თვით მეზღვაურთა აჯანყების ჩახშობაშიც. გრაფმა ს. რ. ვორონცოვმა ინგლისის მთავრობის თხოვნის დაკმაყოფილებისათვის ინგლისის მეფის, პიტისა და გრენვილის მადლობა დაიმსახურა¹.

გრაფ ს. რ. ვორონცოვის გადაწყვეტილების აპრობაცია რუსეთის იმპერატორის მიერ, კიდევ ერთი კონკრეტული დამადასტურებელი საბუთია იმისა, რომ პავლე I რუსეთის წინამორბედი მეფეების საგარეო პოლიტიკის პრინციპების ერთგული იყო და მზად იყო ინგლისთან კავშირში განეგრძო ბრძოლა რესპუბლიკური საფრანგეთის წინააღმდეგ, ამ უკანასკნელის აგრესიის მორიგი წარმატების შემთხვევაში.

1797 წლის დასასრულამდე ინგლის-რუსეთის ურთიერთობაში რაიმე არსებითი ცვლილება არ მომხდარა. თუ მხედველობაში არ მივიღებთ რუსეთის დამხმარე ფლოტის აღნიშნულ ოპერაციებს ინგლისის ფლოტთან ერთად, ამ ორი სახელმწიფოს თანამშრომლობა საფრანგეთის რესპუბლიკის წინააღმდეგ ბრძოლაში სხვა მხრივ არ გამოვლენილა. ინგლისის დიპლომატიის ენერგიულ ზემოქმედებას რუსეთზე, რათა ეს უკანასკნელი კიდევ უფრო მჭიდროდ დაკავშირებოდა მას და ეფექტური დახმარება აღმოეჩინა მისთვის ზღვაზე და ხმელეთზე, წარმატება არ ჰქონია². თვით ინგლისიც, სადაც ყოველდღიურად იზრდებოდა მასების უკმაყოფილება გაჭიანურებული ომის გამო, ევროპის კონტინენტური მოკავშირეების მიერ მიტოვებული, იძულებული გახდა დაეწყო მოლაპარაკება საფრანგეთთან ომის შეწყვეტისა და ზავის დადების თაობაზე. აღნიშნული მოლაპარაკება დაიწყო 1797 წლის ივნისის ბოლოს საფრანგეთის ქალაქ ლილში. ეს მოლაპარაკება რამოდენიმე კვირას ნიმდინარეობდა. აღნიშნული გაჭიანურებული და წარმატებას მოკლებული მოლაპარაკება ერთ-ერთ დაბრკოლებად იქცა ინგლის-რუსეთის შემდგომი დაახლოების გზაზე.

მართალია, ინგლისი თვით აწარმოებდა მოლაპარაკებას საფრანგეთის რესპუბლიკასთან დაზავების თაობაზე, მაგრამ ამ მოლაპარაკების მსვლელობაში ინგლისის დიპლომატია გაფაციცებით აღდევნებდა თვალყურს ბერლინსა და უდინოში წარმოებულ მოლაპარაკებებს. იგი შეშფოთებული იყო რუსეთ-საფრანგეთის, საფრანგეთ-პრუსიისა და საფრანგეთ-ავსტრიის მოლაპარაკებათა მოსა-

¹ იხ. ვორონცოვის 1797 წლის 17/28 ივნისის წერილი ბეზბოროდკოსადმი, Архив князя Воронцова, ტ. 16, გვ. 308—309.

² Архив князя Воронцова, ტ. 16, გვ. 309, დასახ. წერილი.

ლოდნელი წარმატებების პერსპექტივებით და ძალ-ღონეს არ იშურებდა ამ მოლაპარაკებათა ჩასაშლელად. წინასწარ დარწმუნებული იყო რა საფრანგეთ-ინგლისის მოლაპარაკების ჩაშლის აუცილებლობაში, ინგლისის დიპლომატია საფრანგეთის წინააღმდეგ ახალ სამხედრო და ფინანსურ ღონისძიებებს ახორციელებდა და, ბუნებრივია, ევროპული მოკავშირეებისათვის იბრძოდა. ინგლისელი დიპლომატები ბერლინში, პეტერბურგსა და ვენაში მეთოდურად მუშაობდნენ საფრანგეთ-რუსეთის მოლაპარაკების ჩასაშლელად, რასაც შედეგად უნდა მოჰყოლოდა საფრანგეთ-რუსეთის ომი. სწორედ ამიტომ ინგლისის დიპლომატიის საქმიანობის ფოკუსში ამ პერიოდის განმავლობაში იყო საფრანგეთის წინააღმდეგ ბრძოლაში ახალ მოკავშირეთა შეძენა¹.

კამპო-ფორმიოს საზავო ხელშეკრულების დადებამ გააძლიერა ინგლისში საომარი განწყობილება და დააჩქარა ლილის მოლაპარაკების კრახი. ლილის მოლაპარაკების ჩაშლის ლოგიკურ შედეგს წარმოადგენდა ინგლის-საფრანგეთს შორის ომის (კერძოდ საზღვაო ომის) ახალი ძალით განახლება. ამან კი, თავის მხრივ, გააძლიერა ინგლისის მთავრობის აქტივობა რუსეთის ომში ჩაბმის დასაჩქარებლად.

იმის შემდეგ, რაც ჩაიშალა ინგლის-საფრანგეთის მოლაპარაკება და ახალი ძალით გაჩაღდა ბრძოლა ამ ორ მოსისხლე მეტოქეს შორის, გაძლიერდა ინგლისის დიპლომატიის საქმიანობა ევროპის კონტინენტის ფეოდალურ-მონარქიულ სახელმწიფოებთან სამხედრო-პოლიტიკური კავშირის განსამტკიცებლად; უფრო სწორად, გაათქვცდა მისი მისწრაფება დამატებითი სუბსიდიებით მოესყიდა რუსეთის, ავსტრიის, თურქეთის, ნეაპოლის, პრუსიის, გერმანიის პატარა სახელმწიფოების მმართველები და მიეღო მათგან მეტი რაოდენობის „საზარბაზნე ხორცი“. მართალია, ინგლისის მესვეურებმა კარგად იცოდნენ, რომ საფრანგეთის დამარცხება მხოლოდ კონტინენტური მოკავშირეების ძალების გამოყენებით შეიძლებოდა, მაგრამ მიუხედავად ამისა, ინგლისელი დიპლომატები ცალკეულ სახელმწიფოებთან „მეგობრობა-თავდაცვითი“ ხელშეკრულების დადების თაობაზე გამართული მოლაპარაკებების დროს

¹ ს. ს. ტატიშჩევი მართალი იყო, როდესაც წერდა, რომ ავსტრია და ინგლისი, რომლებიც თვით აწარმოებდნენ უდინოსა და ლილში მოლაპარაკებას ფრანგებთან, ამავე დროს ენერგიულად იბრძოდნენ საფრანგეთ-რუსეთის დაახლოების ჩასაშლელად. Tatistcheff, Paul et Bonaparte, „La Nouvelle Revue“, 1887, ტ. 47, წიგნები III და IV, გვ. 652.

მეფავისათვის დამახასიათებელ წვრილმანობას იჩენდნენ. ისინი ფულით სისხლს ყიდულობდნენ და ყოველ გირვანქა სტერლინგზე, ყოველ ჯარისკაცზე დაობდნენ. ინგლისში დიდად აფასებდნენ რუსეთთან კავშირს და მისი დიდი სამხედრო ძალის გამოყენებას. ამიტომ იყო, რომ 1798 წლის დასაწყისიდან, 1795 წლის ხელშეკრულების თანახმად, ინგლისის მთავრობამ რამდენჯერმე დააყენა საკითხი რუსეთის მთავრობის წინაშე ამ უკანასკნელის მხრივ სამხედრო-საზღვაო და სახმელეთო ძალებით დახმარების აღმოჩენისა და ახალი სამოკავშირეო ხელშეკრულების დადების შესახებ¹.

რუსეთის ცარიზმმა, რომელიც მაშინ უკვე აქტიურად მოქმედებდა ანტიფრანგულ კოალიციის შესაქმნელად, რაც ინგლისის მონაწილეობის გარეშე, ცხადია, წარმოუდგენელი იყო, გაიზიარა ინგლისის მთავრობის წარდგინება, დადებითი აქციით უპასუხა მას. რუსეთმა, პირველ ყოვლისა, ინგლისის დასახმარებლად გაგზავნა ორი ესკადრა ვიცე-ადმირალ მაკაროვისა და ვიცე-ადმირალ ტემასის ხელმძღვანელობით, თანაც ბალტიის ფლოტის ძირითად შემადგენლობას ადმირალ კრუხეს სარდლობით ბრძანება მიეცა მოეწყო კრეისირება ბალტიის ზღვაზე და მეთვალყურეობა დაეწესებინა ზუნდისა და ორივე ბელტის გასასვლელებზე². ეს მოხდა 1798 წლის აპრილში.

დაახლოებით ამავე დროს დაიწყო ინგლის-რუსეთის მოლაპარაკება ახალი სამოკავშირეო ხელშეკრულების დადებისა და რუსეთისათვის სუბსიდის მიცემის თაობაზე. მოლაპარაკება წარმოებდა ლონდონსა და, ძირითადად, პეტერბურგში ერთსა და იმავე დროს. 1798 წლის მაისში უიტგორტმა ინგლისის მთავრობის დავალებით რუსეთის კანცლერ ა. ბეზბოროდკოს წარუდგინა ახალი სამოკავშირეო ხელშეკრულების პროექტი. ამ პროექტით ინგლისი ვალდებულიებას კისრულობდა რუსეთისათვის ყოველთვიურად მიეცა სუბსიდია 100.000 გირვანქა სტერლინგის რაოდენობით³.

¹ ასე, მაგალითად, ინგლისის საგარეო საქმეთა მინისტრი ლორდი გრენვილი ინგლისის ელჩს რუსეთში უიტგორტს 1798 წლის 14 იანვრის წერილში კატეგორიულ წინადადებას აძლევდა ენერჯიულად მოეთხოვა რუსეთის მთავრობისაგან დახმარება საზღვაო და სახმელეთო ძალებით. იხ. ფ. Мартенс, დასახ. კრებული, ტ. 9(10), გვ. 416. ინგლისის მთავრობის ამ თხოვნის შესახებ ცნობას იძლევა ა. ბეზბოროდკოც ფელდმარშალ ვ. რეპნინისადმი 1798 წლის 23 აპრილს გაგზავნილ წერილში. იხ. ЦГАДА, ф. Папных, д. 283, л. 1—2.

² იხ. ბეზბოროდკოს ზემოხსენებული წერილი ვ. რეპნინისადმი ЦГАДА, ф. Папных, д. 283, л. 1—2; Д. Михайтин, დასახ. ნაშრ., ტ. 1' გვ. 55.

³ ფ. Мартенс, დასახ. კრებ., ტ. 9(10), გვ. 417.

სამოკავშირეო ხელშეკრულების ინგლისური პროექტი მიუღებელი იყო რუსეთისათვის. იგი ბევრს მოითხოვდა რუსეთისაგან და უმნიშვნელოს ჰპირდებოდა მას. ამიტომ მოლაპარაკების გაგრძელება ამ პროექტის საფუძველზე რუსეთის დიპლომატიის მიერ არასასურველად იქნა ცნობილი.

ს. რ. ვორონცოვისადმი 1798 წლის 20 სექტემბერს გაგზავნილ რესკრიპტში გამოთქმულია პავლეს აშკარა უკმაყოფილება მომავალი ტრაქტატის ინგლისური პროექტის გამო, რადგანაც იქ „...предполагаются разные сокращения противу того, что в соообщенном с нашей стороны было предложено“. რუსეთის ელჩს ამ რესკრიპტით წინადადება ეძლეოდა დაესვა საკითხი ინგლისის მთავრობის წინაშე, რათა ამ უკანასკნელს შეეცვალა თავისი პოზიცია და შეთანხმების საფუძველად მიეღო ის პროექტი, რომელიც თავის დროზე რუსეთის მიერ იყო წარდგენილი¹.

რუსეთის მთავრობის მტკიცე პოზიციამ თავისი გაიტანა. მან აიძულა ინგლისის მთავრობა დათმობაზე წასულიყო და მნიშვნელოვნად შეეცვალა მომავალი ხელშეკრულების თავდაპირველი პროექტი. ხელშეკრულების ახალი პროექტი, რომლის საფუძველზედაც გრენვილი ავალებდა უიტვორტს (1798 წლის 31 აგვისტოს დეპეშით) განეგრძო მოლაპარაკება ხელშეკრულების დადების მიზნით, ითვალისწინებდა რუსეთისათვის სუბსიდიის მნიშვნელოვნად გადიდებას და იმ ჯარისკაცთა რიცხვის შემცირებას, რომელნიც რუსეთს უნდა გამოეყვანა მიღებული სუბსიდიის ანგარიშში². მოლაპარაკების პროცესში ინგლისი იძულებული გახდა კვლავ ნაწილობრივ დათმობაზე წასულიყო და ფაქტიურად რუსეთის თვალსაზრისი გაეზიარებინა. 1798 წლის 18/29 დეკემბერს მოლაპარაკება დამთავრდა პეტერბურგში ინგლის-რუსეთის ახალი სამოკავშირეო ხელშეკრულების დადებით³.

ინგლის-რუსეთის ახალი სამოკავშირეო ხელშეკრულება სულ ათი მუხლისაგან შედგებოდა.

ხელშეკრულების პირველი მუხლი ითვალისწინებდა ჰოლანდიაში შტატჰალტერობის აღდგენას საფრანგეთის დამარცხების

¹ Архив ВПР. ф. „Сношения России с Англией“, д. 491, л. 20—22.

² Ф. Мартенс, დასახ. კრებული, 9(10), გვ. 417—418.

რუსეთის მხრივ მას ხელი მოაწერეს ა. ბეხბოროდკომ. ვ. კონიბეიმ და თ. როსტოპჩინინმა, ინგლისის მხრივ კი—ინგლისის ელჩმა უიტვორტმა. იხ. ფ. Мартенс, დასახ. კრებული, ტ. 9(10), გვ. 418.

შემდეგ, ხელმომწერ სახელმწიფოების ერთობლივ ღონისძიებას პრუსიის ომში ჩასაბმელად (რისთვისაც იგი ტერიტორიული გაფართოების დაპირებით უნდა წაეხალისებინათ), რუსეთის 45-ათასიანი კორპუსის დახმარებას პრუსიისათვის, თუ იგი ხელს აიღებდა ნეიტრალიტეტზე და საფრანგეთის წინააღმდეგ ომში ჩაებმებოდა.

მეორე მუხლი ისევ პრუსიის დასახმარებლად გამოყოფილ კორპუსის ლაშქრობისა და მოქმედების საკითხს ეხებოდა.

მესამე და მეოთხე მუხლი განსაზღვრავდა რუსეთისათვის მოცემულ სუბსიდიას, სუბსიდიის რაოდენობას, გაცემის წესს და ა. შ. ინგლისი ვალდებულებას კისრულობდა რუსეთის 45 ათასიანი დამხმარე კორპუსის დასაველეთისაკენ დაძვრის მომენტიდან გადაეხადა ამ კორპუსის პირველი გადაუდებელი ხარჯების დასაფარავად 225.000 გირვ. სტერლინგი (სამ ვადაში 75—75 ათასი გირვ. სტერლინგის რაოდენობით შვიდი თვის მანძილზე). გარდა ამისა, ინგლისი ვალდებულებას კისრულობდა რუსეთის დამხმარე კორპუსის რუსეთის საზღვრებიდან გასვლის მომენტიდან რუსეთისათვის ყოველთვიურად 12 თვის განძავლობაში ეხადა 75.000 გირვ. სტერლინგი, ხოლო ომის გაჭიანურების შემთხვევაში სუბსიდიის გაგრძელების საკითხი ცალკე უნდა ყოფილიყო გადაწყვეტილი.

მეხუთე მუხლით ხელმომწერი სახელმწიფოები ვალდებულებას იღებდნენ არ დაედოთ მტერთან სეპარატული ზავი. ამავე მუხლის ძალით, თუ ინგლისი რაიმე მიზეზის გამო იძულებული გახდებოდა შეეწყვიტა მტერთან ომი და რუსეთისათვის სუბსიდიის ძლევა, იგი ვალდებული იყო სუბსიდიის შეწყვეტის მომენტისათვის გადაეხადა რუსეთისათვის სამი თვის სუბსიდია ერთად (ე. ი. 225 ათასი გირვ. სტერლინგი).

მექვსე, მეშვიდე და მერვე მუხლები ეხებოდა ისევ სუბსიდიის საკითხის ცალკეულ დეტალებს, კერძოდ რუსეთის ვალდებულებას პრუსიის ომში ჩაბმის შემთხვევაში და ინგლისის უფლებას შეეწყვიტა სუბსიდიის ძლევა რუსეთისათვის ამ უკანასკნელის ზიერ თავისი ჯარის უკან გაწვევის შემთხვევაში და სხვ.

ხელშეკრულების მეცხრე მუხლში აღნიშნული იყო ამ ტრაქტატის დროებითი ხასიათი იმ დრომდე, სანამ პრუსია არ ჩაებმება ომში. ამავე მუხლით რუსეთის მთავრობა ვალდებულებას იღებდა პრუსიის მომავალი პოზიციის მიუხედავად, დაუყოვნებლივ

შეემზადებინა და დასავლეთისაკენ დაეძრა 45 ათასიანი კორპუსი. მეათე მუხლი ეხებოდა ტრაქტატის რატიფიკაციის საკითხს¹.

ინგლის-რუსეთის 1798 წლის 18/29 დეკემბრის სამოკავშირეო ხელშეკრულება ითვალისწინებდა რუსეთის მიერ დამატებითი ჯარის გაგზავნას დასავლეთისაკენ საფრანგეთის წინააღმდეგ საბრძოლველად, რის სანაცვლოდაც ინგლისი ვალდებულებას კისრულობდა სუბსიდია მიეცა რუსეთისათვის. ამრიგად, ეს ხელშეკრულება, აგებული ორმხრივი ვალდებულებების პრინციპზე, თითქოს თანაბრად სასურველი და მისაღები იყო ორთავე ხელმომწერი სახელმწიფოსათვის და ამ სახელმწიფოთა ინტერესებს შეესატყვისებოდა. მაგრამ ეს ხელშეკრულება, არსებითად, უფრო ინგლისის ინტერესებს ემსახურებოდა, ვიდრე რუსეთისას. ხელმომწერ სახელმწიფოთა მიერ ნაკისრი ვალდებულებები არათანაბარი იყო. ინგლისი, რომელიც მსოფლიო ბანკირს წარმოადგენდა, რუსეთს ფულს აძლევდა, რის ანგარიშშიც რუსეთს 45 ათასიანი არმია უნდა გამოეყვანა და საფრანგეთის წინააღმდეგ ომში ჩაება. ამ არმიას სისხლი უნდა დაეღვარა ინგლისის გაბატონებული კლასების ინტერესებისათვის. ეს იყო „სხვისი ხელით ნარის გლეჯის“ ინგლისური პოლიტიკის ერთ-ერთი კონკრეტული გამოხატულება. ამასთან ერთად, მხედველობაში უნდა მივიღოთ ის გარემოებაც, რომ 1798 წლის 18/29 დეკემბრის ხელშეკრულების დამატებით, რომელიც უფრო გვიან—1799 წლის 11/22 ივნისს—იქნა ხელმოწერილი, რუსეთი ვალდებულებას კისრულობდა დამატებითი სახმელეთო და საზღვაო ძალები გამოეყო, დაემორჩილებინა ისინი ინგლისის სარდლობისათვის და გაეგზავნა ჰოლანდიაში სამოქმედოდ². ჰოლანდიის

¹ ამ ტრაქტიკას სრული ტექსტი ფრანგულ და რუსულ ენებზე გამოქვეყნებული აქვს მარტენს დასახელებულ კრებულში. იხ. *Ф. Мартенс*, დასახ. კრებ., ტ. 9(10), გვ. 416—425. იხ. აგრეთვე ა. ბეზბოროდკოს 1798 წლის 6 დეკემბრის წერილი ს. ვორონოვისადმი. *Ср. РИО*, ტ. 26, გვ. 413.

² ამ ხელშეკრულების ლოგიკურ განვითარება-დამატებას წარმოადგენდა რუსეთ-ინგლისის 1799 წლის 11/22 ივნისის სამოკავშირეო კონვენცია და, როგორც მისი დამატება, 1799 წლის 18/29 ივნისის დამატებითი კონვენცია. კონვენციის ასლი, იხ. ЦГАДА, *ф. Папинуых*, *д. 328*, *л. 1—11*.

ეს დამატებითი აქტები გაფორმდა მაშინ, როდესაც მეორე ანტიფრანგული კოალიციის შენობა მთლიანად აგებული იყო და ზღვაზე და ხმელეთზე საფრანგეთის წინააღმდეგ აქტიური შეტევითი ოპერაციები იყო გაჩაღებული.

ახალი კონვენციის ობიექტს ჰოლანდია ანუ შეერთებული პროვინციები წარმოადგენდა, ის ითვალისწინებდა ერთობლივ საზღვაო და სახმელეთო ოპერაციებს ჰოლანდიის ფრანგებისაგან გასაწმენდად და იქ ძველი მმართველობის აღსადგენად. ამ მიზნის მისაღწევად რუსეთის იმპერატორი თანხმობას აცხა-

მიმართ რუსეთს არავეითარი ინტერესი არ ამოკმედებდა. ამიტომ მისი მზადყოფნა—რუსი ჯარისკაცების სისხლი დაღვრილიყო ჰოლანდიის გასანათვისებლად, წარმოადგენდა რუსეთის დათმობას ინგლისის მიმართ. ინგლისი კი, როგორც ცნობილია, დღემდე იყო დაინტერესებული ფრანგთა ბატონობის დამოხრებით და ძველი მმართველობის აღდგენით ჰოლანდიაში, მისი ფლოტის და კოლონიების ხელში ჩაგდებათ, თვით მისი პლაცდარმის თავისი გავლენისათვის დაქვემდებარებით. ამ დამატებითი ხელშეკრულებით ინგლისს სურდა რუსეთის სამხედრო ძალა გამოეყენებინა თავისი სავაჭრო-კოლონიური ინტერესებისათვის, ე. ი. ანგარული მიზნებისათვის, რომელთაც არაფერი საერთო არ ჰქონდათ ომის „განმათავისუფლებელ“ ამოცანებთან.

რ. ლანინი აღიარებს, რომ რუსეთმა მართლაც დაუთმო ინგლისს ჰოლანდიის საკითხში. მაგრამ იგი ფიქრობს, რომ ეს დათმობა არ მომხდარა ერთგვარი კომპენსაციის გარეშე. ასეთი კომპენსაცია, მისი აზრით, კუნძული მალტა იყო. მართალია, მალტის შესახებ, წერს იგი, ხელშეკრულებაში არაფერია ნათქვამი, მაგრამ შეიძლება ვიფარაუდოთ, რომ ეს საკითხი დაისვა მოლაპარაკების პროცესში და ინგლისმა სიტყვიერი იმედის აღმძვრელი დაპირება მისცა რუსეთს, სახელდობრ, აღუთქვა მას, რომ ამ კუნძულის ფრანგებისაგან განთავისუფლების შემდეგ იგი ისევ ორდენს და მის მაგისტრს დაუბრუნდებოდა¹.

ლანინის ეს ვარაუდი შესაძლებელია სიმართლესთან ახლოს იყოს. საკვებით შესაძლებელია, რომ ინგლისის დიპლომატიამ მოლაპარაკების წარმატების მიზნით მართლაც მიწართა ასეთ ხერხს და რუსეთის მიმართ მალტის სახით გაუნაღდებელი თამასუქი გასცა², მაგრამ ეს ვარაუდი ოდნავადაც არ ცვლის ვითარებას. რუსეთმა რეალური ვალდებულება იკისრა ინგლისის მიმართ ჰოლანდიის საკითხში, თვითონ მიიღო მხოლოდ სიტყვიერი, გაურკვეველი დაპირება, რომლის რეალიზაციის შესახებ დაპირების გამკვეთი მხარე სერიოზულად არც კი ფიქრობდა. მოვლენათა შემდგომმა მსვლელობამ, ინგლისის შემდგომმა პოლიტიკამ მალტის

დებდა გამოეყო ჰოლანდიის ექსპედიციისათვის ფეხოსანთა 17 ბატალიონი, არტილერიის ორი ასეული, სსანგრე ასეული და ჰუსართა ესკადრონი, სულ 17. 593 კაცი. *ტ. Мартенс*, დასახ კრებ., გვ. 430—441; *Д. Милютин*, დასახ. ნაშრ., ტ. 2, გვ. 98 -

¹ *Р. Ланин*, დასახ. წერილი, გვ. 40.

² ინგლისის საგარეო საქმეთა მინისტრ გრენვილს მოლაპარაკების პროცესში მართლაც ჰქონია საუბარი ს. ვორონცოვთან. მალტის თაობაზე იხ. *ЦГАДА*, *ф. Папшиных*, д. 327, лл. 14—16.

საკითხში სავსებით ნათელყო რამდენად ვერაგულად მოქმედებდა ინგლისის რუსი მოკავშირის მიმართ, რამდენად ცბიერი ხასიათი ჰქონდა მის სიტყვიერ ვალდებულებას კუნძულ მალტისადმი. შესაძლებელია რუსეთის იმპერატორმა ინგლისისათვის ხელსაყრელი ვალდებულება იმიტომაც იკისრა, რომ მასაც სურდა მოლაპარაკების წარმატებით დასრულება და ანტიფრანგული კოალიციის მის მიერ გათვალისწინებულ ვადაში გაფორმება. როგორც არ უნდა ყოფილიყო, ჰოლანდიაში ჯარის გაგზავნის ვალდებულებით პაულე 1-ის მთავრობამ ინგლისის მიმართ მნიშვნელოვანი დათმობა გააკეთა.

* * *

სხვა ღონისძიებებთან ერთად, რომლებიც პაულეს მთავრობამ მეორე ანტიფრანგული კოალიციის შექმნის პროცესში, 1799 წლის ომის წინ გაატარა საფრანგეთის რესპუბლიკის წინააღმდეგ, აღსანიშნავია ეკონომიური ხასიათის სანქციის გამოყენება.

მართალია, 1799 წლის წინ საფრანგეთსა და რუსეთს შორის სავაჭრო-ეკონომიური ურთიერთობა არ არსებობდა. ამიტომ პირდაპირი ეკონომიური სანქციის გამოყენება საფრანგეთის წინააღმდეგ რუსეთის მთავრობას, რა თქმა უნდა, არ შეეძლო. ამიტომ რუსეთის სანქციები მიმართული იყო ევროპის იმ ნეიტრალური ქვეყნების წინააღმდეგ, რომლებიც ნორმალურ სავაჭრო ურთიერთობას აწარმოებდნენ როგორც რუსეთთან, ისე საფრანგეთთან. ასეთ ქვეყნებს ეკუთვნოდნენ პრუსია, გერმანიის ზოგიერთი პატარა სახელმწიფო, თავისუფალი ქალაქი ჰამბურგი, შვეცია და დანია. ნეიტრალურ ქვეყნებს რუსეთში ან საფრანგეთში შეჰქონდათ არა მარტო თავიანთი და კოლონიური ნაწარმი, არამედ თვით ფრანგული ნაწარმი—რუსეთში და რუსული—საფრანგეთში. ასე, რომ მათ ვაჭრობას საშუაშავლო ხასიათიც ჰქონდა. პრუსიელი და ჰამბურგელი ვაჭრები რუსეთში ყიდულობდნენ გაცილებით მეტ ხეტყეს, ტილოს, ქერელს და ზოგიერთ სხვა ნაწარმს, ვიდრე მათი საკუთარი ქვეყნისათვის იყო საჭირო, და „ნარჩენს“ საფრანგეთში ასაღებდნენ. ეს კი რუსეთისადმი მტრულად განწყობილი ქვეყნისათვის აშკარა ხელშეწყობას წარმოადგენდა. რუსეთის მთავრობამ პრაქტიკული ნაბიჯები გადადგა, რათა ნეიტრალური ქვეყნებისათვის ხელი შეეშალა—მოემარაგებინათ საფრანგეთი მისთვის მეტად საჭირო რუსული ნედლეულით.

ჩვენს ხელთ არის პაელები I-ის 1799 წლის 8/19 თებერვლით დათარიღებული რესკრიპტი რუსეთის ბერლინელი ელჩისადმი, ნ. პ. პანინისადმი, რომლითაც რუსეთის იმპერატორი აუწყებდა თავის ელჩს, რომ რუსეთის მთავრობას განზრახვა აქვს მომავალში კონფისკაცია უყოს პრუსიელი ვაჭრების მიერ რუსეთში შესყიდულ იმ საქონელს (ხე-ტყე, ტილო და სხვ.), რომელიც, შემოწმებული ცნობებით, განკუთვნილია პრუსიიდან (კენიგსბერგის გზით) საფრანგეთში გასატანად¹.

¹ Архив ВПР, ф. „Спошения России с Прусскою“, 1799, д. 532
дл. 26—27.

თ ა ვ ი VII

რუსეთ-საურანგეთის ურთიერთობა მეორე ანტიურანგული კოალიციის შექმნიდან მის დაშლამდე. რუსეთის ომი საურანგეთთან 1799 წელს

1. მეფის რუსეთის ამოცანები მეორე ანტიურანგულ კოალიციაში

1799 წლის დასაწყისისათვის პავლე I-ის მთავრობის ხანგრძლივი დიპლომატიური და სამხედრო-პოლიტიკური მზადება მეორე ანტიურანგული კოალიციის შექმნისათვის წარმატებით დაგვირგვინდა. პრუსიაზე მოხდენილი უკანასკნელი ზემოქმედების წარუმატებლობის მიუხედავად, ევროპის სახელმწიფოთა ანტიურანგული კოალიცია მაინც გაფორმდა და ამოქმედდა. შეიქმნა ინგლისის, მეფის რუსეთის, ჰაბსბურგთა მონარქიის, თურქეთის იმპერიისა და ნეაპოლის სამეფოს მძლავრი სამხედრო-პოლიტიკური ბლოკი.

მეორე ანტიურანგული კოალიციის შექმნის საქმეში წამყვანი როლი მეფის რუსეთმა შეასრულა (ინგლისთან ერთად, რომლის როლიც არა ნაკლები იყო). ამიტომ სავსებით ბუნებრივია, რომ მან მიზნად დაისახა ყოფილიყო ამ სამხედრო-პოლიტიკური ბლოკის ხელმძღვანელი და ანტიურანგული ბრძოლის მებაიარაბტრე¹.

¹ რუსეთის ცარიზმის მესვეურები მაშინაც კი, როდესაც ანტიურანგულ კოალიციას მხოლოდ საფუძვლები ეყრებოდა, აშკარად აცხადებდნენ, რომ რუსეთმა უნდა ითავოს „ევროპის დაწინაურების“ და „ტახტებისა და საკურთხეულების“ აღდგენის „საპატიო მისიის“ ხელმძღვანელობა. „Насоудимсо, чтои нам иметь боьше развязашные руки, — წერდა კანცლერი ა. ბეზბოროდკო ნ. პანინს 1798 წლის 14 ივლისის წერილში, — когда решимся мы при повои раз-

მეფის რუსეთმა, იშიშვლა რა ხმალი საფრანგეთის წინააღმდეგ და ინგლისის და კონტინენტური ევროპის სახელმწიფოთა ანტიფრანგული სამხედრო-პოლიტიკური ბლოკის ორგანიზაცია ითავა, ამასთან დაკავშირებით გარკვეული ამოცანები დაისახა. ძირითადად ეს ის ამოცანები იყო, რომელთა რეალიზაციასაც ცდილობდა იგი 1798 წლის დასაწყისამდე საფრანგეთთან შეთანხმების გზით.

როგორი იყო ეს ამოცანები?

1799 წლის 20 აპრილს პავლე I-მა შვეიცარიაში ფრანგების წინააღმდეგ მოქმედებისათვის განკუთვნილი რუსეთის კორპუსის სარდლის გენერალ რიმსკი-კორსაკოვის სახელზე გამოაქვეყნა უნაღლესი ბრძანებულება, რომლითაც უნდა ეხელმძღვანელა მას რუსეთის საზღვრიდან გასვლის შემდეგ. ეს ბრძანებულება წარმოადგენდა მანიფესტისმაგვარ დოკუმენტს. მასში ჩამოყალიბებული იყო ის მოტივები და მიზნები, რამაც აიძულა პავლე I-ის მთავრობა ეშიშვლა ხმალი საფრანგეთის წინააღმდეგ.

ინსტრუქციაში პავლე I აღნიშნავდა, რომ მან იკისრა ყოფილიყო ამ ომის მთავარი მოქმედი პირი და გაეზავნა სახმელეთო და საზღვაო ძალები მტრის წინააღმდეგ საბრძოლველად (ჩამოთვლილია კონკრეტულად—ვ. დ.). იგი ხაზს უსვამდა კოალიციის წმინდა, დაურღვეველ და უანგარო ხასიათს: პოლიცია თითქოს, ამხედრდა კაცობრიობის მტრის, ღვთის მგმობისა და ხელისუფალთა წინააღმდეგ მებრძოლი ძალის წინააღმდეგ. საფრანგეთის წინააღმდეგ. ამ ძალის განადგურება, მისი წარმატებისათვის ზღვარის დადება, მისი „გადამდები“ გავლენის ლიკვიდაცია, მისთვის ძალით და ვერაგობით მიტაცებული სამფლობელოების ჩამორთმევა და ძველ ფარგლებში მოქცევა, ძველი კანონიერი მეფობის თავის ტახტზე აღდგენა,—აი რა ამოცანები ამოქმედებდა, ამ ინსტრუქციის თანახმად, იარაღსხმულ და მტერზე ამხედრებულ კოალიციას¹.

рыле лпиться на споду снєрва стороню помощноу, а потом, смотря по лужде и возможности, и одию из главєствующих“. об. Сб. РИО. т. 29, в. 404.

¹ Соединяясь с Римским императором и королем Великобританиим, вооружаясь и идем мы единодушно на врага человечества, противоборника властью, преступника завета Божия, и возстаем на возставшего на благодействие целого света.. Союз пап есть свят, венарушим и безкорыстен. Дождавшись удобного времени и убеждены будучи

თუ ამ ინსტრუქციას ვერწმუნებით, ინგლისის, რუსეთის და ავსტრიის სამხედრო-პოლიტიკურ ბლოკს (თურქეთთან და ნეაპოლის სამეფოსთან ერთად რასაკვირველია—ვ. დ.) საფრანგეთის წინააღმდეგ ბრძოლაში კეთილშობილური განმათავისუფლებელი მისია ამოქმედებდა. ბუნებრივია, რომ ასეთივე უნდა ყოფილიყო ამ კოალიციის „მთავარი მომკმედი პირის“, მეფის რუსეთის ამოცანაც.

ის რევოლუციამდელი რუსი ისტორიკოსები, რომლებიც პავლე I-ის საშინაო და საგარეო პოლიტიკის იდეალიზაციას ეწევიან, მოტანილ ინსტრუქციაში გატარებულ აზრს სრულ ქეშმარიტებად მიიჩნევენ და მას პავლე I-ის ნამდვილი განზრახვის ასახვად თვლიან.

ს. ტატიშჩევი, მაგალითად, პავლეს უწოდებს „ტახტთა და საკურთხეველთა აღმადგენელს“. „განმათავისუფლებელს“, „მშვიდობისმყოფელს“, „ევროპის მხსნელს“, ისეთ მონარქს, რომელსაც კოალიციაში ჩაბმის დროს არავითარი სხვა ინტერესები არ ამოქმედებდა, გარდა ბურბონთა ტახტის აღდგენისა საფრანგეთში და კანონიერი წესების აღდგენისა ევროპაში¹.

ს. ტატიშჩევის და მის მსგავს რუს ისტორიკოსთა ამგვარ შეხედულებას, რასაკვირველია, არაფერი საერთო არ აქვს სიმართლესთან. სინამდვილეში მეფის რუსეთი ძალზე შორს იყო განმათავისუფლებელ, კეთილშობილურ მისწრაფებათაგან, იმ უანგარო მისიისაგან, რომელსაც მას მიაწერენ ფრანგებთან ბრძოლის პროცესში. პავლე I-ს, რუსეთის თვითმპყრობელ დესპოტს, ყოველგვარი განმათავისუფლებელი, დემოკრატიული იდეების წინააღმდეგ დაუნდობელ მებრძოლს, ფეოდალური თავადაზნაურობის, სამხედრო ხროვისა და ეკატორთა ზედაფენის ინტერესებისათვის.

просьбою союзников наших, приплыи Мы законоц на себя главнейшее в сей войне действующее лице...“ ივ. Д. Милютин, დასახ. ნაშრ. ტ. 3, გვ. 252.

¹ „Задача, преследуемая императором Павлом. — წერს ს. ტატიშჩევი — была несравненно шире. величественнее. Приступая к коалиции он имел в виду нечто иное, как возстановление престола Бурбонов во Франции и законного порядка в Европе“. С. С. Татищев, Император Павел. Война 1799 года. „Русский архив“, 1912 г. № 12, გვ. 467; ამასვე ამტკიცებდა დ. მილიუტინიც, რომელიც წერდა: „Император Павел постоянно имел в виду одну лишь цель—успокоение Европы возстановлением королевского престола во Франции“. Д. Милютин, დასახ. ნაშრ., ტ. 2⁷ გვ. 112.

მებრძოლს არ შეეძლო ევროპის მიმართ შეესრულებინა ის როლი, რომელსაც იგი საკუთარი ქვეშევრდომების მიმართ არ ასრულებდა. მეორე ანტიფრანგულ კოალიციას და პირადად რუსეთის მთავრობას ამოქმედებდათ არა ის „ამაღლებული, კეთილშობილური იდეალები“, რომელთა შესახებაც მოგვითხრობს პავლე I თავის ინსტრუქციაში, არამედ რეალური ეკონომიური, პოლიტიკური და სამხედრო-სტრატეგიული ინტერესები.

არ შეიძლება არ დავეთანხმოთ ე. ბურჯალოვს, რომელიც წერს, რომ კოალიციის მონაწილეები — ინგლისი, ავსტრია და რუსეთი — ასრულებდნენ რა ბურჟუაზიული წესების დარღვევისა და ფეოდალური მონარქიის აღდგენის „სოციალურ ამოცანას“, ამასთან ერთად ისწრაფოდნენ განეხორციელებინათ თავიანთი დაპყრობითი გეგმები¹.

ორივე შემთხვევაში კოალიციის მიზნები უსამართლო, ანტი-ხალხური და ეგოისტური იყო. „დაცვით-მონარქიული“ პრინციპის წინა პლანზე წამოყენება, შერყეულ ტახტთა და საკურთხეველთა განმტკიცება, რევოლუციის ქარიშხლისაგან დაღეწილი ტახტების აღდგენა და მონარქებისათვის თავიანთი „ლეგიტიმისტური“ უფლებების დაბრუნება, რევოლუციის მიერ დაშკვიდრებული ბურჟუაზიული წესების მოსპობა — როგორც კოალიციის ერთ-ერთი მიზანი — მოასწავებდა რეაქციის ძალების ამხედრებას პროგრესის ძალების წინააღმდეგ. ამას ემატებოდა ის სამხედრო-სტრატეგიული გეგმები, რომელთა რეალიზაციასაც ფიქრობდა კოალიციაში შემავალი ყოველი სახელმწიფო საფრანგეთის დამარცხების შემთხვევაში.

ზართალია, „რევოლუციის ჰიდრისათვის“ თავის წაკვეთით, საფრანგეთის რევოლუციის შედეგად დაშკვიდრებული ბურჟუაზიული წესების ლიკვიდაციითა და ტახტებისა და საკურთხევლების აღდგენით მეტ ნაკლებად დაინტერესებული იყო კოალიციის მონაწილე ყველა სახელმწიფო, მაგრამ ეს არ იყო მათი მთავარი მოტივი და ამოცანა ანტიფრანგულ ომში. ყოველ მათგანს სხვა ძირითადი ამოცანა ჰქონდა დასახული, რომლის რეალიზაციასაც იგი ფიქრობდა საფრანგეთის დამარცხების შედეგად. ეს ძირითადი ამოცანა კი უსამართლო, ანგარულ ხასიათს ატარებდა.

¹ Е. Бурджалов, დასახ. ნაშრ., გვ. 41.

ჩვენი აზრით, პავლე I-ის მთავრობა, რომელმაც საფუძველი ჩაუყარა მეორე ანტიფრანგულ კოალიციას და ზღვაზე და ხმელეთზე მოკავშირეებთან ერთად საფრანგეთის წინააღმდეგ გააჩაღა ომი, შემდეგ ძირითად ამოცანებს ისახავდა მიზნად:

1. მოეპოვებინა ევროპის სახელმწიფოთა „ტახტებისა და საკურთხევლების“ მხსნელის, საფრანგეთის რევოლუციისაგან დანერგული ბურჟუაზიული წესების მომსაობის „საპატიო“ სახელი. საფრანგეთის დამარცხებით, იქ დამკვიდრებული ბურჟუაზიული ურთიერთობის მოსპობით და ბურბონთა დინასტიისათვის ტახტის დაბრუნებით, რუსეთის იმპერატორს სურდა გაენადგურებინა ის ძალა, რომელიც არღვევდა ფეოდალურ-მონარქიული სისტემის საფუძვლებს ევროპაში და უშუალო საფრთხეს უქმნიდა ამ სისტემის ბატონობას თვით რუსეთში. ამგვარად, რევოლუციამდელი ურთიერთობის აღდგენით პავლე I ლამობდა ევროპის ენდარმის როლი შეესრულებინა.

2. შეუძლებელი გაეხადა საფრანგეთის რევოლუციის „გამხრწნელი“ იდეების გავრცელება რუსეთის იმპერიაში, კერძოდ მის დასავლეთ, პოლონურ ოლქებში, რომლისკენაც ასე აქტიურად მიისწრაფოდა საფრანგეთის აგენტურა.

3. გაედღიერებინა რუსეთის გავლენა და პოზიციები ევროპაში, რისთვისაც საჭირო იყო:

ა) შენარჩუნებული ყოფილიყო გერმანიის იმპერიის არსებული კონსტიტუცია, რაც გარეგნულად ნიშნავდა ამ იმპერიის ტერიტორიული მთლიანობის და სუვერენიტეტის დაცვას და მის უშიშროების უზრუნველყოფას, სინამდვილეში კი მოასწავებდა არსებული „გეოგრაფიული ერთეულის“ პოლიტიკური დაქუცმაცებულობის კონსერვირებას, ფეოდალური პარტიკულიარიზმის კონსერვირებას. ისახავდა რა ამ მიზანს, მეფის რუსეთი მოქმედებდა გერმანელი ხალხის სასიცოცხლო ინტერესების წინააღმდეგ და მხოლოდ და მხოლოდ რუსეთის გაბატონებული კლასების მოთხოვნას უწევდა ანგარიშს. გერმანიის მიმართ წამყვან როლს მეფის რუსეთი მხოლოდ მაშინ შეასრულებდა, თუ ენერგიულ მფარველობას გაუწევდა ამ იმპერიის „ნეტარ“ დაქუცმაცებულობას და იქ გაბატონებულ სოციალურ „იდილიას“, თუ ლიკვიდირებული იქნებოდა გერმანიაზე საფრანგეთის და მისი პროგრესიული იდეების გავლენა.

ბ) კიდევ უფრო განმტკიცებულიყო რუსეთის გავლენა ავსტრიასა და პრუსიაზე, გაედიდებინა მისი მომრიგებელი როლი ამ სახელმწიფოთა ურთიერთობაში.

გ) ბოლო მოღებოდა საფრანგეთის ბატონობას იტალიასა და შვეიცარიაში; დაცული ყოფილიყო იტალიაში გაბატონებული ფეოდალური დაქუცმაცება და მონარქების თავიანთ უფლებებში აღდგენით მიღწეული ყოფილიყო რუსეთის ეკონომიური და პოლიტიკური გავლენის გაძლიერება ევროპის ამ ნაწილში.

4. რუსეთის სახელმწიფოებრივი ინტერესების შესატყვისად გადაწყვეტილიყო აღმოსავლეთის საკითხი, რაც, პირველყოვლისა, გულისხმობდა თურქეთის რუსეთის გავლენისათვის დაქვემდებარებას, შემდეგში კი თურქეთის დაყოფის „ბერძნული“ გეგმის სისრულეში მოყვანას და მისი მემკვიდრეობის ყველაზე მნიშვნელოვანი ნაწილის (ბალკანეთი, სრუტეების ზონა) ხელში ჩაგდებას. ამ ანოცანების შესრულება რუსეთს მაშინ შეეძლო, თუ მკვიდრად მოიკიდებდა ფეხს ხმელთაშუა ზღვის აუზში და დაეუფლებოდა მის მნიშვნელოვან სტრატეგიულ პუნქტებს.

2. რუსეთის ომი საფრანგეთის წინააღმდეგ ევროპის კონტინენტზე 1799 წელს

1799 წლის გაზაფხულისათვის პავლე I-ის მთავრობამ მოკავშირეებთან ერთად დაამთავრა წინასწარი მზადება საფრანგეთის რესპუბლიკის წინააღმდეგ საომარი ოპერაციების გასაჩაღებლად ევროპის კონტინენტზე. ამ დროისათვის იგი უკვე აწარმოებდა ძლევამოსილ ოპერაციებს საფრანგეთის ბაზების წინააღმდეგ ხმელთაშუა ზღვის აუზში.

მეთის რუსეთმა მოკავშირეთა დასახმარებლად ხმელეთზე გამოყო სულ 82 ათასი კაცი¹. აქედან 65 ათასი კაცი განკუთვნილი იყო იტალიასა და შვეიცარიაში სამოქმედოდ, ხოლო 17 ათასი კი—ჰოლანდიაში. იტალიასა და შვეიცარიაში საფრანგეთის წინააღმდეგ სამოქმედოდ განკუთვნილი რუსეთის ჯარის ყველა შენაერთი პავლემ დიდ რუს მხედართმთავარ სუვოროვს დაუქვემდებარა. ამ არმიაში შედიოდა: გენერალ როზენბერგის კორპუსი (დაახლ. 20 ათასი კაცი), გენერალ გერმანის კორპუსი (11 ათასი კაცი), გენერალ რიმსკი-კორსაკოვის კორპუსი

¹ ამ რიცხვში არ შედიოდა ხმელთაშუა ზღვის აუზში მოქმედი უშაკოვის ესკადრა, უშაკოვის ესკადრის გასაძლიერებლად და ინგლისის ფლოტის დასახმარებლად გამოყოფილი საზღვაო ძალები და 85 ათასი კაცისაგან შემდგარი სახმელეთო არმია, რომელიც რეზერვის სახით იმპერიის დასავლეთ საზღვარზე იყო განლაგებული.

(27 ათასი კაცი) და პრინც კონდეს ემიგრანტული კორპუსი (7 ათასი კაცი), სულ 65 ათასი კაცი¹.

მეფის რუსეთს და საფრანგეთის რესპუბლიკას, რომელთა შორის მეორე ანტიფრანგული კოალიციის შექმნით ხმელეთზე დაიწყო საომარი მოქმედება, საერთო საზღვრები არ გააჩნდათ. საფრანგეთის არმიები განლაგებულნი იყვნენ და საომარ ოპერაციებს ეწეოდნენ 'რუსეთის დასავლეთ საზღვრებიდან საკმაოდ დაშორებულ ადგილებში — იტალიაში, ჰოლანდიაში, შვეიცარიაში, რაინის აუზში და სხვაგან. ასეთ ვითარებაში რუსეთის არმიას მხოლოდ მოკავშირეების არმიებთან ერთად, კერძოდ ავსტრიის არმიასთან ერთად შეეძლო ომის წარმოება საფრანგეთის არმიის წინააღმდეგ, ისიც მოკავშირეთა ტერიტორიის პლაცდარმებიდან. იტალია, შვეიცარია, ჰოლანდია, — აი სად უნდა ეწარმოებინა რუსეთის არმიას საომარი ოპერაციები საფრანგეთის რესპუბლიკის წინააღმდეგ, აი სად უნდა გადაწყვეტილიყო ამ ომის ბედი. გამორიცხული არ იყო, რომ სამხრეთ-დასავლეთი გერმანიაც გადაიქცეოდა მოწინააღმდეგე ძალთა შეჯახების ასპარეზად. ასეთი შესაძლებლობა დიდად იყო დამოკიდებული პრუსიის პოზიციის ცვლილებაზე მომავალში.

მეფის რუსეთი და ავსტრია პირველ რიგში დაინტერესებულნი იყვნენ იმაში, რომ ჩრდილო იტალიის ტერიტორია ქცეულიყო საფრანგეთის წინააღმდეგ ომის მთავარ ასპარეზად. იტალიისადმი მათი განსაკუთრებული დაინტერესება პოლიტიკური და სამხედრო-სტრატეგიული მოსაზრებებით იყო განპირობებული. საფრანგეთის არმიის დამარცხებას ჩრდილო იტალიაში გადამწყვეტი გავლენა უნდა მოეხდინა მოკავშირეთა ოპერაციების მსვლელობაზე მომავალში. მას შედეგად უნდა მოჰყოლოდა ფრანგთა განდევნა არა მარტო იტალიის ოკუპირებულ ტერიტორიებიდან, არამედ ევროპის სხვა დაპყრობილი ტერიტორიებიდანაც. მას, ამასთან ერთად, გზა უნდა გაეხსნა რუსეთის და ავსტრიის არმიებისათვის თვით საფრანგეთის ტერიტორიაზე შესაჭრელად. ჩრდილო იტალია ყველაზე უფრო მოხერხებული და ხელსაყრელი პლაცდარმი იყო საფრანგეთის ტერიტორიაზე შესაჭრელად².

¹ Д. Милютин, დასახ. ნაშრ., ტ. 2, გვ. 553.

² საზღვაო ოპერაციებს ხმელთაშუა ზღვის აუზში, იმ უდიდესი წარმატების მიუხედავად, რომელიც მოიპოვა რუსეთის ფლოტმა უშაკოვის სარდლობით, არ შეიძლებოდა გადამწყვეტი გავლენა ჰქონოდა საფრანგეთთან ომის ბედ-

ჩვენს ხელთ არსებული მასალებიდან ჩანს, რომ მეფის რუსეთი საფრანგეთის რესპუბლიკის წინააღმდეგ ბრძოლის დროს არ ფიქრობდა შუა გზაზე გაჩერებას. მას არ აკმაყოფილებდა ფრანგთა შემდგომი აგრესიისათვის გზის გადაღობვა, მათი განდევნა დაპყრობილი ტერიტორიებიდან და საფრანგეთის შეზღუდვა 1792 წლისათვის არსებული ტერიტორიული ფარგლებით. მეფის რუსეთის მესვეურთა პოლიტიკური ამოცანა და სამხედრო-სტრატეგიული გეგმები ითვალისწინებდა თვით საფრანგეთის ტერიტორიაზე შეჭრას და მტრის განადგურებას საკუთარ მიწა-წყალზე. ამას უნდა მოჰყოლოდა მოკავშირეთაგან ერთობლივი საოკუპაციო ღონისძიებების გატარება „კანონიერი მეფის“, რელიგიის, საზოგადოებრივი წესრიგისა და ოჯახის საფუძვლების აღდგენა ძველ უფლებებში.

რუსეთის იმპერატორი პავლე I ფიქრობდა, რომ რუსეთი საფრანგეთის წინააღმდეგ ომში დასახულ ამოცანებს მხოლოდ მაშინ გადაწყვეტდა, თუ მოიპოვებდა სრულ და საბოლოო გამარჯვებას მტერზე მის საკუთარ ქვეყანაში და ბოლოს ჰოულებდა იქ არსებულ მმართველობას, რევოლუციისაგან დანერგილ ურთიერთობას.

ჩვენს მიერ ზემოთ მოტანილ რესკრიპტში გენერალ რიმსკი-კორსაკოვისადმი (1798 წლის 20 აპრილის თარიღით) რუსეთის იმპერატორი ფრანგ ხალხს განადგურებით, ცეცხლითა და მახვილით, ძველ საზღვრებში მოქცევით, ბურბონების ბატონობის რესტავრაციით და, მაშასადამე, მათი ქვეყნის ოკუპაციით ემუქრებოდა¹.

ასეთსავე აზრს ავითარებს პავლე I თავის უფრო გვიანდელ რესკრიპტში (1799 წ. 9 ოქტ.) გრაფ ს. რ. ვორონცოვისადმი, რუსეთის ელჩისადმი ინგლისში. მე, — წერს პავლე I ამ რესკრიპტში, — მითითება მივეცი სუვოროვს არ გაჩერდეს შუა გზაზე, არ დაკმაყოფილდეს მოპოვებული წარმატებებით და პირდაპირ საფრანგეთზე აიღოს გეზი, რათა იქ მოსახლეობა ააჯანყოს „კანონიერი მეფის“ სასარგებლოდ. პავლე I ამ რესკრიპტში ისევ იმეორებს, რომ მას განზრახვა აქვს „ლუი XVIII“ გააგზავნოს ფრონ-

ზე. საფრანგეთის დამარცხებისათვის საჭირო იყო მისთვის გადამწყვეტი მახვილის ჩაცემა თვით ევროპის კონტინენტზე და მისი განდევნა დაპყრობილი ტერიტორიებიდან.

¹ Д. М и х у т и ц, დასახ. ნაშრ., ტ. 3, გვ. 252—255.

ტზე სუვოროვთან, რათა მან თავისი პირადი გამოჩენით „აღაფროთოვანოს“ საფრანგეთის მოსახლეობა და აამხედროს იგი დირექტორიის ტირანიის წინააღმდეგ¹.

საფრანგეთის ტერიტორიაზე შექრის აუცილებლობის აზრი განვითარებული იყო პავლე I-ის შედარებით უფრო გვიანდელ რესკრიპტებშიაც, რომლებიც გაეგზავნათ ფელდმარშალ სუვოროვს და სხვა პირებს. 1799 წლის 7 ივლისის და 18 სექტემბრის რესკრიპტებში სუვოროვისადმი რუსეთის მონარქი მითითებას აძლევდა მას: ეცადეთ მიაღწიოთ მთავარ მიზანს — განდევნოთ საფრანგეთის ახლანდელი მმართველობა და ნანგრევებად აქციოთ ბოროტმოქმედებათა ათწლიანი თავშესაფარი, პარიზი. ამის გარეშე საფრანგეთში გაბატონებული საშინელება არ იქნება განადგურებული².

იმავე 1799 წლის 18 სექტემბრის რესკრიპტით ფელდმარშალ სუვოროვისადმი დიდ რუს ნხედართმთავარს პავლე I ხელახლა კატეგორიულ დაეალებას აძლევდა საფრანგეთის ტერიტორიაზე შექრის სტრატეგიული გეგმის სისრულეში მოყვანის თაობაზე. ერთხელ კიდევ საკიროდ მიიჩნევდა რა საფრანგეთის ტერიტორიაზე შექრას, რუსეთის იმპერატორი მიუთითებდა სუვოროვს იმ გზაზეც, საიდანაც უფრო ადვილი იქნებოდა მისი განხორციელება. პავლეს აზრით საფრანგეთში შექრა უფრო მოსახერხებელი იყო პიემონტის ტერიტორიიდან. რუსეთის და ავსტრიის ჯარები უნდა შექრილიყვნენ საპხრეთ საფრანგეთში და აქედან უნდა განვითარებინათ თავიანთი შეტევა პარიზის მიმართულებით³.

კითხვა ისმის, რატომ იძლეოდა პავლე I ასეთ რჩევას, რატომ მიაჩნდა მას სამხრეთ საფრანგეთი უველაზე უფრო ხელსაყრელ რაიონად მოკავშირეთა ჯარების შექრისათვის? ჩვენ ვფიქრობთ, რომ სუვოროვისათვის ასეთი რჩევის მიცემის დროს პავლე ორი მოსაზრებიდან განმოდირდა: 1. სამხედრო-სტრატეგიული

¹ Архив ВПР. ф. „Сношения России с Англией“, д. 507, лл. 73—74.

„Старайтесь достигнуть главной цели... — разогнать правителей сей земли из Париза и сделать из сего десятилетнего убежища всех преступлений, единные развалины“. А. Трачевский. Россия и Франция в конце прошедшего века (1794—1798 гг.), „Вестник Европы“, 1856, № 6 (кн. 6), стр. 552.

² Архив ВПР. ф. „Сношения России с Францией“, д. 1350, лл. 30—31.

თვალსაზრისით ჩრდილო იტალიიდან, პიემონტის გზით სწორედ სამხრეთ საფრანგეთში იყო შესაძლებელი არმიების დიდი მასის შექრა ნაკლები დაბრკოლებების პირობებში. 2. სამხრეთ საფრანგეთი რუსეთის იმპერატორს მიაჩნდა საფრანგეთის ისეთ ნაწილად, რომლის მოსახლეობა, თითქოს, ყველაზე მტრულად იყო განწყობილი ღირექტორიის ხელისუფლებისადმი და, მაშასადამე, ერთგული უნდა ყოფილიყო ძველი რეგიმისა და ბურბონთა „კანონიერი“ დინასტიისადმი¹. სწორედ ამ პოლიტიკური მოსაზრებიდან გამომდინარე პავლე I, როდესაც წინადადებას აძლევდა სუვოროვს სამხრეთ საფრანგეთში შეჭრის მომენტისათვის საფრანგეთის მოსახლეობისათვის მიემართა საგანგებო დეკლარაციით, რომლითაც საფრანგეთის სუვერენიტეტისა და მთლიანობის გარანტია უნდა აღეთქვა ფრანგთათვის, თანაც მოეთხოვა მათგან „კანონიერი სამეფო ხელისუფლების“ აღდგენის საქმეში მხარდაჭერა. რუსეთის იმპერატორი, სწინა, დიდ იმედებს ამყარებდა ასეთ დეკლარაციაზე და დარწმუნებული იყო, რომ რვი თავის საქმეს გააკეთებდა და საფრანგეთის მოსახლეობას განაწყობდა მოკავშირეების სასარგებლოდ. მოვლენების ასე განვითარებისა და საფრანგეთის მოსახლეობის მოკავშირეებისადმი მხარდაჭერის პირობებში პავლე I შესაძლებლად მიიჩნევდა დასახული გეგმის სისრულეში მოყვანას და პროვანსის გრაფის — ლუი XVIII-ის საფრანგეთის „კანონიერი“ ტახტზე აყვანას².

დასასრულ, პავლე I მზად იყო სუვოროვის განკარგულებაში გაეგზავნა საფრანგეთის ტახტის მამიებელი პროვანსისის გრაფი („ლუი XVIII“), რათა მას უშუალო მონაწილეობა მიეღო მომავალ ოპერაციაში საფრანგეთში შეჭრის დროს და თავისი პირადი „მაგალითით და ავტორიტეტით“ ხელი შეეწყოს ამ ოპერაციის წარმატებისათვის. მაგრამ პავლე, ამასთან ერთად, კატეგორიულად აფრთხილებდა სუვოროვს საფრანგეთში შეჭრის დროს აევანგარდში არ გაეშვა პრინცი კონდეს ემიგრანტული კორპუსი, რადგანაც იგი ცეცხლითა და მახვილით მოედებოდა საფრანგეთს და მით მოკავშირეთა წინააღმდეგ აამხედრებდა თავით „კეთილგანწყობილ“ ფრანგებსაც კი³.

¹ უმკველია ასეთ მცდარ ცნობებს აწვდიდნენ რუსეთის მთავრობის შესუურებს ფრანგი ემიგრანტები.

² Архив ВПР, ф. „Спомениа Россия с Францией“, д. 1380, лл. 30—31.

³ იქვე, ფ. 31.

აქვე უნდა აღინიშნოს, რომ რამდენადაც სწორი იყო პიემონტიდან სამხრეთ საფრანგეთში შექრის მოსაზრება საინფორმაციო-სტრატეგიული თვალსაზრისით, იმდენად ზერელე, დაუსაბუთებელი და უაზრო იყო პოლიტიკური მოსაზრება, რომელიც სამხრეთ საფრანგეთის მოსახლეობის თითქოსდა მონარქისტულ ერთგულებას უსვამდა ხაზს. რუსეთის იმპერატორს, ცხადია, ზერელე წარმოდგენა ჰქონდა საფრანგეთში არსებული ფაქტიური მდგომარეობის შესახებ. ამიტომ ფიქრობდა იგი ასე გულუბრყვილოდ, რომ თითქოს ერთი მოწოდება, საკმარისი იქნებოდა იმისათვის, რომ საფრანგეთის მოსახლეობას იარაღი აესხა და მოკავშირეებთან ერთად დირექტორიის წინააღმდეგ დაეწყო ბრძოლა.

რუსეთის და ავსტრიის ჯარები საფრანგეთის ტერიტორიაზე, წინააღმდეგ პავლე I-ის ზერელე ვარაუდისა, ფრანგი ხალხის გაათრებულ წინააღმდეგობას წააწყდებოდნენ. ამ ჯარებში თავისუფლებისმოყვარე ფრანგი ხალხი დაინახავდა არა განმათავისუფლებლებს, არამედ უცხოელ ოკუპანტებს, საკუთარი ქვეყნის მთლიანობისა და დამოუკიდებლობის მტრებს. ამიტომ მათ ისეთ პასუხს გასცემდა, როგორც უკვე გასცა მან პრუსიელ, ავსტრიელ, ინგლისელ და ესპანელ ინტერვენტებს 1792—1794 წლებში.

ფელდმარშალი სუვოროვი, რომელიც თვით ვენელ და ლონდონელ მოკავშირეთა თხოვნით იქნა დანიშნული თავის დიდ და საპასუხისმგებლო პოსტზე, 1799 წლის მარტის შუა რიცხვებში ჩავიდა ვენაში (14/25 მარტს). ვენაში მას ბინად მიუჩინეს რუსეთის ელჩ რაზუმოვსკის ბინის ნაწილი, გაათავისუფლეს რა იგი წინასწარ ყოველგვარი კომფორტისაგან, რომელიც ასე ეჯავრებოდა ამ დიდ რუს მხედართმთავარს¹. ამავე დროისათვის ავსტრიის სატახტო ქალაქის რაიონში თავმოყრას იწყებენ რუსეთის ჯარის ის შენაერთები, რომლებიც განკუთვნილნი იყვნენ ავსტრიისათვის დასახმარებლად.

რუსეთის არმიას და მის სახელმძღვანელო სარდალს ალტაცებით შეეგება ვენის მოსახლეობა. ბრწყინვალე და საზეიმო შეხვედრა მოუწყვეს სუვოროვს, როგორც ავსტრიის სასახლის არისტოკრატიამ, ისე მოსახლეობის ფართო ფენებმა². ეს საზეიმო

¹ Н. Баптыш-Камениский, Словарь достопамятных людей русской земли, СПб., 1847. Т. III, стр. 344.

² Записки графа А. И. Рибоьера, „Русский Архив“, 1877, т. I, стр. 491. რუსეთის ვენელი ელჩის გრაფ რაზუმოვსკის ვრცელი რეალაცია (ფრანგულ

დემონსტრაცია არ წარმოადგენდა არც მლიქვნელობის გამოხატულებას და არც საივანსო ვალდებულებას, რომელიც რუსეთის არმიას და სუვოროვს მომავალში უნდა გაემართლებინათ. იგი სანართლიანად დამსახურებული ჯილდო იყო იმ მაღალი საბრძოლო თვისებებისათვის და შესანიშნავი დისციპლინისათვის, რომელიც რუსეთის არმიას ახასიათებდა; იგი იმ საყოველთაო სიმპათიის, სიყვარულის და ავტორიტეტის აშკარა დემონსტრაცია იყო, რომლითაც უკვე სარგებლობდა დიდი რუსი მხედართუფროსი—იზმაილის და ოჩაკოვის გმირი¹.

ერცპეერცოგი იოსები, ჰუნგრეთის პალატინი და პავლე I-ის სიძე, რომელიც ვენის სამეფო კარს თავდაპირველად სურდა იტალიის ფრონტზე მოკავშირეთა ჯარების მთავარსარდლად დაენიშნა, ასეთი საპასუხისმგებლო მოვალეობისათვის სრულიად შეუფერებელი იყო. მან თვით იგრძნო თავისი უმწეობა, რისთვისაც როგორც შეთავაზებულ პოსტზე, ისე „გამარჯვებულის დაფნის გვირგვინზე“ კატეგორიული უარი განაცხადა. აღნიშნულის გამო, რასაც სხვა მოსაზრებებიც დაერთო, ავსტრიის მთავრობამ თავის განზრახვაზე ხელი აიღო და სუვოროვი მოკავშირეთა ჯარების მთავარსარდლის მოადგილის ნაცვლად თვით მთავარსარდლის პოსტზე დანიშნა. ამასთან ერთად, ავსტრიის მთავრობამ სუვოროვს ავსტრიის არმიის ფელდმარშლის ტიტული უბოძა. ამით სუვოროვის სარდლობას დაექვემდებარა როგორც რუსეთის 65 ათასიანი არმია, ისე ავსტრიის არმიაც, რომელსაც რუსეთის ჯართან ერთად ჩრდილო იტალიაში უნდა ემოქმედა².

მართალია, პავლემ დააკმაყოფილა მოკავშირეთა თხოვნა, შერისხული ფელდმარშალი „თავისუფალი პატიმრობის“ ადგილიდან გამოიძახა და ავსტრიაში გააგზავნა, მაგრამ ეს მან მოიმოქ-

ენაზე) პავლე I-სადმი (1799 წ. 21 მარტის თარიღით), აგრეთვე ვრცლად გადმოსცემს სუვოროვისა და რუსეთის არმიისადმი გამოვლენილ საყოველთაო სიმპათიას ვენაში. იხ. А. А. Васильчиков, Семилетно Разумовских, т. III, (СПБ. 1882, გვ. 289—292.

¹ სუვოროვი ვენაში ჩავიდა რაშტადტის კონგრესის ჩაშლის მომენტი-სათვის, როცა თუგუტის ჩაგონებით ავსტრიელ ჰესართა მიერ მოკლულ იქნენ საფრანგეთის წარმომადგენლები ამ კონგრესზე. როგორც ცნობილია, ფრანგებმა ეს მკვლელობა ხელზე დაიხვეეს და გამოიყენეს ავსტრიელთა წინააღმდეგ საომარი მოქმედების განახლების საბაბად. იხ. M. (de) Barante, დასახ. ნაშრ., გვ. 394 და შემდეგი; აგრეთვე А. Сопелъ, დასახ. ნაშრ., ტ. 5, გვ. 320—326.

² К. Вашишенинъ, დასახ. ნაშრ., გვ. 342.

მედა თავისი ნება-სურვილის წინააღმდეგ. ამ აქციის მიუხედავად, პავლე ძველებურად მტრულად იყო განწყობილი სუვოროვისადმი, რომელმაც გაბედულად უარჰყო პავლე პირველისათვის სათაყვანო პრუსიული სამხედრო სისტემა და ახალი ეროვნული სამხედრო წესების ფუძემდებელი გახდა.

პავლე I მოელოდა „თავნება“ მოხუცი ფელდმარშლის მხრივ ახალ „თვითნებობას“ და ახირებას თვით ფრონტზედაც. აღნიშნულის გამო, სრულიად არ არის გასაკვირი ის ფაქტი, რომ პავლემ სუვოროვს ფარული მეთვალყურე — „მეურვე“ და მენტორი — მიუჩინა. ამ მეთვალყურეს ევალებოდა თვალყური ედევნებინა მხედართუფროსის ქცევისათვის, დრო და დრო „საქირო რჩევა“ მიეცა მისთვის, თანაც პერიოდული ცნობები ეგზავნა პეტერბურგში ფელდმარშლის მიერ გამოვლენილ „თვითნებობათა და ახირებულობათა“ შესახებ. ეს „საპატიო მისია“ რუსეთის იმპერატორმა გენერალ გერმანს დააქისრა¹.

სუვოროვი დიდხანს არ დარჩენილა ავსტრიის სატახტო ქალაქში. ზოგიერთი წინასწარ მოსამხადებელი ღონისძიებების განხორციელებისა და ოფიციალური შეხვედრების შემდეგ, დიდი რუსი მხედართმთავარი რუსეთის არმიის ნაწილებთან ერთად ჩრდილო იტალიისაკენ გაემართა. აქედან (ვერონადან) მას ხელთ უნდა აეღო მოკავშირეთა ჯარების უშუალო ხელმძღვანელობა, უნდა გაცნობოდა ფრონტის მდგომარეობას, ჯარების დისლოკაციას და პირისპირ შეხვედროდა მტერს. აქედან უნდა დაეწყო მას ფრანგებთან ბრძოლა და იგი წარმატებით დაეგვირგვინებინა.

ჩრდილო იტალიაში ამ დროისათვის უკვე მიმდინარეობდა საომარი ოპერაციები საფრანგეთის ჯარებსა და ავსტრიის ჯარებს შორის. ოპერაციებში მონაწილეობას იღებდა ავსტრიის არმიის რამოდენიმე შენაერთი (86 ათას კაცამდე) ბარონ კრაის სარდლობით და საფრანგეთის ჩრდილო იტალიაში მომკმედი არმია (დაახლოებით 46 ათასი კაცი) შერერის სარდლობით. ამ არმიების რამოდენიმე შეტაკებას, რაც თითქმის ერთი თვის მანძილზე გრძელდებოდა, არსებითი ცვლილებები არ მოჰყოლია

¹ Д. Милютин, даსახ. ნაშრ., ტ. 3, გვ. 125, 146-ე შენიშვნა.

გენერალმა გერმანმა ვერ განხორციელა დაქისრებული „საპატიო“ მისია და ვერ გამოადგა პავლეს სუვოროვის მენტორისა და ფარული ჯაშუშის როლში. მაგრამ ეს მოხდა მისგან დამოუკიდებელი მიზეზების გამო. პავლეს ახალი განკარგულებით გერმანის დივიზია სხვა გენერლის სარდლობაში გადავიდა, თვით გერმანს კი ჰოლანდიისაკენ უკრეს თავი.

მეომარ მხარეთა ტერიტორიულ დისპოზიციაში. მართალია, ავსტრიის არმიამ, რომელსაც დიდი რიცხოვრებით უპირატესობა ჰქონდა მტერთან შედარებით, ცალკეული ტაქტიკური წარმატებები მოიპოვა, მაგრამ მან საერთოდ ვერ ისარგებლა თავისი უპირატესობით, ვერ შესძლო რაიმე სტრატეგიული ამოცანის გადაწყვეტა. ამ ოპერაციების დროს, ისე როგორც წინა წლების კამპანიაში, ავსტრიის ჯარმა გამოაგლინა შედარებით დაბალი ბრძოლისუნარიანობა, მისმა სარდლობამ კი ინიციატივის ნაკლები უნარი¹. ასეთი იყო ვითარება ჩრდილო იტალიაში, როდესაც 1799 წლის 3 (14) აპრილს ვერონაში ჩავიდნენ პირადად სუვოროვი და რუსეთის არმიის ავანგარდი გენერალ თავად პეტრე ბაგრატიონის სარდლობით.²

რუსეთის არმიას მანამდე შემთხვევა არ ჰქონია პირისპირ შეჯახებოდა საფრანგეთის არმიას ხმელეთზე. მოკავშირეთა ჯარების მომავალი ოპერაციების დროს ჩრდილო იტალიაში რუსეთის და საფრანგეთის არმიები პირველად უნდა შეხვედროდნენ ერთმანეთს. პირისპირ. იტალიის მომავალ საომარ კამპანიას ერთხელ კიდევ უნდა შეემოწმებინა ამ ორი არმიის ბრძოლისუნარიანობა, უნდა გამოველინებინა მათ შორის გამარჯვებული.

საფრანგეთის არმია, რომლის წინააღმდეგაც უნდა ებრძოლა რუსეთის არმიას ჩრდილო იტალიასა და ევროპის კონტინენტის სხვა ადგილებში, საფრანგეთის 1769—1794 წლების რევოლუციის პირველი იყო. იგი აღმოცენდა ამ რევოლუციის პროცესში, იმ რევოლუციურ გარდაქმნათა პროცესში, რომელიც განიცადა საფრანგეთმა ცხოვრების ყველა დარგში რევოლუციის პერიოდში.

„როგორც თავისი ქვეყნის შიგნით საფრანგეთის რევოლუციურმა ხალხმა მაშინ პირველად გამოიჩინა საუკუნეთა განმავლობაში უნახავი რევოლუციური ენერჯის მაქსიმუმი, — წერს ვ. ი. ლენინი, — ისე XVIII საუკუნის დამლევის ომში მან გამოიჩინა ასეთივე უზარმაზარი რევოლუციური შემოქმედება, გარდაქმნა სტრატეგიის მთელი სისტემა, უკუაგდო ომის ყველა ძველი კანონი და ჩვეულება და ძველი ჯარის ნაცვლად შექმნა ახალი, რევოლუციური, სახალხო ჯარი და შემოიღო ომის ახლებური წარმოება“³.

¹ Д. М и х о т и л л, დასახ. ნაშრ., ტ. I, გვ. 226—247.

² იქვე, გვ. 254.

³ ვ. ი. ლენინი, თხზ., ტ. 24, გვ. 481.

ეს „ახალმ, რევოლუციური სახალხო“ არმია, რომელსაც ახალი სტრატეგია და ტაქტიკური წესები, შეგნებულ^{ად} დისციპლინა გააჩნდა და რომელსაც ხალხის დაბალი წრიდან გამოსული, წინა ომებში გამობრძმედილი და დაწინაურებული ოფიცრობა ედგა სათავეში, სასტიკად ამარცხებდა ევროპის პირველი კონტრ-რევოლუციური კოალიციის ძალებს. იგი მკვეთრად განსხვავდებოდა ამ კოალიციაში შემაჯალ ფეოდალურ-მონარქიულ სახელმწიფოების (ავსტრიის, პრუსიის და სხვათა) არმიებისაგან, სადაც გამეფებული იყო ძველი სამხედრო რუტინა, ხელ-კეტის მონური დისციპლინა, ოფიცრობა და ჯარისკაცთა მასის მკვეთრი დაპირისპირება, დაქირავების ძველი სისტემა და სხვ.

მართალია, საფრანგეთის არმია 1799 წლისათვის აღარ წარმოადგენდა რევოლუციურ არმიას; იგი დიდი ხანია აღარ ეწეოდა განმათავისუფლებელ ომებს და დაპყრობით, უსამართლო მიზნებს ემსახურებოდა, მაგრამ მას მაინც შენარჩუნებული ჰქონდა რევოლუციური არმიის ბევრი კარგი ტრადიცია და საბრძოლო თვისებები. ამ არმიას კვლავინდებურად სახელმომხვეცილი, ახალი ტაქტიკის საფუძვლიანი მკოდნე გენერლები და ოფიცრობი სარდლობდნენ.

ასეთ მოწინავე არმიასთან უნდა ჰქონოდა საქმე რუსეთის არმიას. საფრანგეთის არმიასთან ხმელეთზე შემბრძოლება რუსეთის არმიის საბრძოლო თვისებების მორიგი შემოწმება უნდა ყოფილიყო. რუსულმა სამხედრო ხელოვნებამ ერთი ასეთი შემოწმება უშაკოვის ფლოტის ოპერაციების სახით იონიის კუნძულების ფრანგთაგან განსათავისუფლებლად ბრწყინვალედ ჩააბარა.

აპრილის შუა რიცხვებში (14/25 აპრილს) მას შემდეგ, რაც სუვოროვნა ადგილზე შეისწავლა მდგომარეობა, გაეცნო ფრონტის დისპოზიციას, ძირითადად შეასწავლა ავსტრიის ჯარებს ომის წარმოების საკუთარი ტაქტიკური ხერხები, თანაც დამთავრდა რუსეთის ჯარის ნაწილების თავმოყრა მომავალი შეტევის რაიონში, ამოქმედდა მოკავშირეთა სამხედრო მანქანა. საფრანგეთის არმიასა და მოკავშირეთა შორის პირველი სერიოზული შეტაკება მოხდა მდინარე ადას ნაპირას. იგი გრძელდებოდა 14 (25) აპრილიდან 18 (29) აპრილამდე და დამთავრდა საფრანგეთის არმიის პირველი სერიოზული დამარცხებით; ამ ბრძოლის შედეგად მოკავშირეთა ჯარები დაეუფლნენ ქალაქ მილანს. ამ პირველი ოპერაციიდან დაწყებული მოკავშირეთა საომარი ოპერაციები ჩრდილო იტალიაში მიმდინარეობდა სუვოროვის სარ-

დლობით და მისი სტრატეგიული გეგმის შესატყვისად; მასში წამყვან როლს რუსეთის ჯარის ნაწილები ასრულებდნენ.

იტალიის კამპანიის პროცესში, ფრანგებთან პირველი საბრძოლო შეტაკების მომენტიდან მის ფინალურ აქტამდე, ერთხელ კიდევ ნათლად გამოვლინდა რუსეთის არმიის მაღალი საბრძოლო თვისებები. მტკიცე დისციპლინა, მობილობა, ჯარისკაცთა მასის ინიციატივა, ამტანობა, თავგანწირვის უნარი, შეუდრეკლობა და უფროსისადმი ნდობა, გენერალიტეტის და ოფიცრების უმრავლესობის საფუძვლიანი მომზადება—აი, რა იყო რუსეთის არმიის ძლევამოსილების მიზეზი, მისი მუდმივი წარმატების „საიდუმლოების“ გასაღები. რუსეთის არმიის უძლეველობის საფუძველი იყო ისიც, რომ მას სარდლობდა სახელგანთქმული მხედართუფროსი სუვოროვი, სარდალი, რომელმაც უდიდესი როლი შეასრულა მოწინავე სამხედრო ხელოვნების შექმნასა და რუს ჯარისკაცთა ახლებურად გაწვრთნაში.

ჯარისკაცთა მასის¹ მაღალი საბრძოლო თვისებები, მოწინავე სამხედრო-ტაქტიკური ხელოვნება და სუვოროვის სამხედრო გენია ორგანულ მთლიანობაში ვლინდება რუსეთის არმიის კამპანიის დროს იტალიასა და შვეიცარიაში 1799 წელს². ამან განაპირობა ამ არმიის ბრწყინვალე წარმატება ძლიერ მტერთან ბრძოლაში.

თავის საბრძოლო ისტორიაში საჟრანგეთის არმიას რუსეთის არმიის სახით პირველად ჰქონდა საქმე უალრესად საშიშ და ძლიერ მოწინააღმდეგესთან, რომელიც მობილობით, დისციპლინით, ოფიცერთა და გენერალთა გაწვრთნითა და ჯარისკაცთა მასის მაღალი საბრძოლო თვისებებით არა თუ არ ჩამოუყარდ-

¹ „ამტანანი, გულადი, მორჩილი და მომთვინი რუსები,—წერდა ენგელსი.— წარმოადგენენ შესანიშნავ მასალას მათგან ისეთი ჯარისკაცების გამოსაქმნა-ვებლად, რომლებიც საჭირო იყვნენ იმ დროს, როდესაც შეპყიდრობული მასები სწყვეტდნენ ომების ბუღს“. Ф. М. Ягелъ, Иностранная политика русского царизма, Л., 1934, გვ. 5.

² ტყუილად როდი ამყობდა გრაფი თ. როსტოპჩინი, რომელიც ს. ვორონცოვისადმი 1799 წლის 1 ნოემბრის თარიღით გაგზავნილ წერილში. გამოხატავდა რა თავის აღტაცებას რუს ჯარისკაცთა მაღალ საბრძოლო თვისებების გამო, წერდა შემდეგს: ჩვენს ჯარისკაცებს ესაქაროებათ რუსი უფროსები, საჭიროა მათთან საუბრის ცოდნა და მაშინ ისინი თვით ჯოჯოხეთშიაც კი იბრძოლებენო („Il faut à nos soldats des chefs russes. Il faut savoir leur parler, et on les menera faire une campagne en enfer“). იხ. Архив князя В. Орлова, ტ. 8, გვ. 262.

ბოდა, არამედ, პირიქით, კიდევაც სჯობნიდა მას, თუმცა საფრანგეთის არმიას ჰყავდა მასენა, მორო, ეუბერი, მაკდონალდი და სხვა მათი მსგავსი ნიკიერი სარდლები, მაგრამ მას არ გააჩნდა სუვოროვისა და უშაკოვის ტიპის გენიოსი მხედართუფროსები და სამხედრო-ტაქტიკური საქმის დიდი ოსტატ-ნოვატორები. მართალია, საფრანგეთის ბურჟუაზიულმა რევოლუციამ უკვე წარმოშვა ნაპოლეონის გენია, მაგრამ იტალიის კამპანიის გმირი მაშინ საფრანგეთიდან შორს იმყოფებოდა და ეგვიპტეში იბრძოდა¹.

იტალიაში მებრძოლი საფრანგეთის არმიის სარდლობა რუსეთის არმიასთან პირველი შეტაკებისთანავე იძულებული გახდა ხაზგასმით აღენიშნა რუსეთის ჯარის მაღალი საბრძოლო თვისებები და ძირითადად ამით აეხსნა როგორც მოწინააღმდეგის სწრაფი და დიდი წარმატება, ისე საკუთარი სერიოზული მარცხი².

საომარი მოქმედება ევროპის კონტინენტზე მოკავშირეებსა და საფრანგეთის არმიას შორის პირველად დაიწყო არა იტალიაში, არამედ გერმანიაში, რაინისა და დუნაის აუზებში. იგი დაიწყო სუვოროვის ავსტრიაში ჩასვლამდე და რუსეთის ჯარის ამოქმედებამდე. საომარი მოქმედების დაწყების ინიციატივა საფრანგეთის რესპუბლიკას ეკუთვნოდა. დირექტორიის მთავრობამ, რუსეთის ჯარის დაძვრა დასაფლეთისაკენ ავსტრიის ჯართან შესაერთებლად მიიჩნია უკანასკნელის მიერ საზავო ხელშეკრულების აშკარა დარღვევად, *Casus belli*-დ, რასაც ავსტრიისათვის ომის გამოცხადებით უპასუხა.

პარიზიდან მიღებული განკარგულების საფუძველზე დუნაის არმიამ ეურდანის სარდლობით, ბერნადოტის ობსერვატიულმა

¹ ნაპოლეონ ბონაპარტი თავის მემუარებში, სადაც აღწერილია 1799 წლის ოპერაციები იტალიასა და სხვა ადგილებში, აფუჩჩებს რუსეთის არმიის როლს საფრანგეთის არმიის დამარცხებისა და იტალიის დიდი ნაწილის გათავისუფლების საქმეში. იგი ფრანგთა დამარცხებას არსებითად ხსნის მოროს, ეუბერის, მაკდონალდის და სხვა ფრანგ სარდალთა შეცდომებით. იხ. *Наполеон*, Избр. соч. ტ. 1. გვ. 304—329, 334—338, 347—351.

² ალბერტ სორელი ჩვენს მიერ არაერთხელ დასახელებულ ნაშრომში მაღალ შეფასებას აძლევს რუსეთის არმიას, მის საბრძოლო თვისებებს, მის სარდლობას და მას საფრანგეთის მაშინდელი არმიის დონეზე აყენებს (რაც მისთვის—ფრანგი ბურჟუაზიული ისტორიკოსისათვის იძულებით აღიარებას წარმოადგენდა). *A. Co ре л*, დასახ. ნაშრ., ტ. 5, გვ. 378—329.

კორპუსმა და შვეიცარიაში მოქმედმა არმიამ მასენას სარდლობით გადალახეს სადემარკიზაციო ხაზი და დაიწყეს შეტევა ავსტრიის ჯარების წინააღმდეგ. ყველგან, როგორც ღუნაის აუზში, ისე შვეიცარიაში, საფრანგეთის არმიას მეტად არახელსაყრელ პირობებში მოუხდა საომარი ოპერაციების დაწყება მოწინააღმდეგესთან. საფრანგეთის არმიას საფრანგეთში გაბატონებული უოაურობის, გამფლანგველობის და კორუპციის პირობებში აკლდა იარაღი, სურსათ-სანოვაგე, სალაშქრო მოწყობილობა და ტანსაცმელი, რიცხობრივად კი იგი დაახლოებით სამჯერ ჩამორჩებოდა ავსტრიის ჯარს.

ასეთ პირობებში საფრანგეთის რესპუბლიკის არმიებმა, როგორც მოსალოდნელი იყო, წარუმატებლად დაიწყეს საომარი კამპანია. კერძოდ ეს ითქმის ეურდანის არმიასა და ბერნადოტის კორპუსზე (სულ 37—38 ათასი კაცი), რომელთაც შეჯახება მოუხდათ ავსტრიის რიცხობრივად ჭარბ ძალებთან (90 ათას კაცამდე), რომელთაც ამასთან ერთად ნიჟიერი და გამოცდილი სარდალი ერცჰერცოგი კარლოსი სარდლობდა. ჩამოდენიმე კვირის ბრძოლების შემდეგ საფრანგეთის აღნიშნული ძალები იძულებულნი გახდნენ უკან დაეხიათ და რაინის მარცხენა ნაპირზე გადასულიყვნენ¹.

რუსეთის ჩაბმამ ომში და მოკავშირეების მიერ სუვოროვის სამხედრო-სტრატეგიული გეგმით ჩატარებულმა შედეგიანმა ოპერაციებმა ჩრდილო იტალიაში მკვეთრად შეცვალა მეომარ მხარეთა მდგომარეობა და ძალთა ახალი თანათარდობა შექმნა. მისი შედეგი იყო ნაპოლეონ ბონაპარტას მიერ კამპო-ფორმიოს ზავის დადებამდე განხორციელებული დაპყრობებისათვის ხაზის გადასმა და არსებითად ფრანგ ოკუპანტთა სრული განდევნა იტალიიდან. როგორც ტრიუმფალურიც იყო ნაპოლეონის სალაშქრო მარში იტალიაში 1796—1797 წლებში, ასეთივე ტრიუმფალური მარშით მიიწევედა წინ სუვოროვის არმია იმავე ჩრდილო იტალიაში, ოღონდ სხვა მარშრუტით — აღმოსავლეთიდან დასავლეთისაკენ, საფრანგეთის მიმართულებით. მაგრამ მარტო ამით როდი ამოიწურებოდა რუსეთის როლი და მონაწილეობა მეორე ანტიფრანგულ კოალიციაში. რუსეთის ჯარის ერთი კორპუსი გენ. რიმსკი-

¹ А. Сопель, დასახ. ნაშრ., ტ. 5, გვ. 318; აღნიშნული საომარი კამპანია ვრცლად აქვს აღწერილი დ. მილჩუტინს., იხ. Д. Милютин, დასახ. ნაშრ., ტ. 1, გვ. 183—204.

კორსაკოვის სარდლობით უკვე გზაში იმყოფებოდა და შეეცა-
რისაქენ მიემართებოდა, რათა ავსტრიელებთან თანამშრომლო-
ბით ეს ქვეყანაც გაეწმინდა ფრანგებისაგან და იქაც შეექმნა
პლაცდარში საფრანგეთში შესაქრელად. დასასრულ, ცოტა უფრო
გვიან, ინგლის-რუსეთის საკავშირო ხელშეკრულების შესატყვი-
სად, რუსეთის ჯარის ერთი კორპუსი ზღვით ჰოლანდიისაქენ
უნდა გაგზავნილიყო. ამ კორპუსის ამოცანა იყო ინგლისის ჯა-
რებთან თანამოქმედებით ჰოლანდიის ნაპირზე გადასხდომა და
საფრანგეთის ბატონობის მოსპობა ამ მეტად მნიშვნელოვან პლაც-
დარმზე.

ამრიგად, მეტად დიდი იყო მეფის რუსეთის როლი მეორე
ანტიფრანგულ კოალიციაში, მეტად დიდი იყო მისი ხვედრითი
წონა მოკავშირეთა მიერ ფრანგების წინააღმდეგ გაჩაღებულ საომარ
ოპერაციებში.

სწორედ რუსეთის გადამწყვეტმა როლმა 1799 წლის საომარ
ოპერაციებში ფრანგების წინააღმდეგ, მისი არმიის, მისი სამხედრო
სისტემისა და სამხედრო ხელოვნების ბრწყინვალე გამარჯვებამ
საფრანგეთის არმიისა და ფლოტზე განაპირობა მეორე კოალიციის
გამარჯვების შესაძლებლობა საომარი კამპანიის პირველ ეტაპზე.
მაგრამ „რევოლუციურ“ საფრანგეთზე გამარჯვების შესაძლებლო-
ბა გამარჯვების სინამდვილედ არ ქცეულა. მას შედეგად არ მოჰ-
ყოლია საფრანგეთის განადგურება, რუსეთის არმიისა და ფლო-
ტის გადამწყვეტი როლი საფრანგეთზე გამარჯვების საქმეში მეო-
რე ანტიფრანგული კოალიციის აქილესის ქუსლად იქცა. მან
გამოააშკარაა კოალიციის რიგებში პოტენციალურად არსებული
ინტერესთა ღრმა წინააღმდეგობა, რამაც შემდეგში წესი აუგო
ამ კოალიციას და მისი დანგრევა გამოიწვია.

მოკავშირეებმა, კერძოდ მეფის რუსეთმა, ვერ გამოიყენეს
ძალთა ის ახალი თანათარღობა, რომელიც 1799 წლის ნახევრი-
სათვის შეიქმნა ევროპის კონტინენტზე რუსეთის არმიის მიერ
სუფოროვის სარდლობით ჩრდილო იტალიაში ფრანგებზე მოპო-
ვებული დიდი გამარჯვების შედეგად. საფრანგეთის საუკეთესო
დივიზიების განადგურებამ, რომელთაც მორო, ეუბერი, მაკლო-
ნალი, მასენა და სხვა ნიჭიერი გენერლები სარდლობდნენ, საფ-
რანგეთის არმია აშკარა კატასტროფის პირამდე მიიყვანა, ხოლო
მოკავშირეებს გზა გაუხსნა ძლევაშისილი ლაშქრობისათვის სამ-
ხრეთ საფრანგეთისაკენ. მაგრამ ეს მეტად ხელსაყრელი ვითარე-
ბა, ვიმეორებთ, ჯეროვნად არ ყოფილა გამოყენებული და საო-

მარი ოპერაციები საფრანგეთის წინააღმდეგ თავის ლოგიკურ შედეგამდე არ ყოფილა მოყვანილი.

მთავარი მიზეზი, რომელმაც ჩაშალა მოკავშირეების და მათ შორის მეფის რუსეთის სამხედრო-პოლიტიკური გეგმები საფრანგეთის რესპუბლიკის მიმართ, იყო ის ღრმა წინააღმდეგობა და ინტერესთა დაპირისპირება, რომელმაც თავი იჩინა კოალიციის რიგებში საფრანგეთის წინააღმდეგ ომის დაწყებისთანავე. შემდეგში იგი თანდათანობით გაღრმავდა ჩრდილო იტალიაში რუსეთის არმიის მიერ მოპოვებული ბრწყინვალე გამარჯვებების შედეგად.

როგორც უკვე აღვნიშნავდით, კოალიცია საფრანგეთის წინააღმდეგ ბრძოლისას არაავითარ სამართლიან, უანგარო, განმათავისუფლებელ, კეთილშობილურ და რაინდულ მისიას არ ისახავდა. კოალიციის ბრძოლას „რევოლუციური“ საფრანგეთის წინააღმდეგ არ ჰქონდა ხალხური ხასიათი; იგი არ წარმოებდა კოალიციაში შემავალ სახელმწიფოთა მოსახლეობის ნაციონალური ინტერესების შესატყვისად. ეს ომი მათთვის უცხო ხასიათისა იყო, მისი მიზნები კი — სავსებით გაუგებარი¹. ეს იყო ისეთივე უსამართლო, დაპყრობითი ზრახვებით ნაკარნახევი ომი, როგორც იყო თვით საფრანგეთის დირექტორიის მიერ იტალიაში, გერმანიაში, ხმელთაშუა ზღვის აუზში, ბელგიასა და სხვა ადგილებში წარმოებული ომები. ამ ომის „კეთილშობილური“ ამოცანები იყო: საფრანგეთის რევოლუციის შედეგების ლიკვიდაცია, ბურბონთა დინასტიის რესტავრაცია თავის „კანონიერ“ უფლებებში, ფეოდალურ-მონარქიული „კანონებისა და წესების“ განმტკიცება, საფრანგეთის ტერიტორიის შემცირება, მოკავშირეთა გაფართოება სხვა ხალხებისა და ქვეყნების ხარჯზე, ახალი ხელსაყრელი სამხედრო-სტრატეგიული პლაცდარმის მოპოვება და სხვ. სწორედ ამ ომის უსამართლო მიზნები ჰბადებდა მოკავშირეთა შორის მოჩვენებით ერთიანობასაც და ღრმა წინააღმდეგობასაც. საფრანგეთის „ტირანიისაგან“ ევროპის განთავისუფლების

¹ ეუბა რა რუსეთის მონაწილეობას ანტიფრანგულ კოალიციაში და იმ მიზნებს, რომლებსაც პავლე I ისახავდა საფრანგეთის წინააღმდეგ ბრძოლის დროს, ბურჯალოვი სამართლიანად წერს შემდეგს: „...Русские солдаты гибли в Италии и Швейцарии не в интересах своего народа. Поход Суворова имел целью разрушить революционный Париж и восстать против феодальной страны во Франции и Европе“. Э. Бурджалов, დასახ. ნაშრ., გვ. 41.

და „რევოლუციის ბაცილის“ მოსპობის ამოცანები აერთიანებდა კოალიციაში ზემავალ სახელმწიფოებს; მომავალი დაპყრობების, ახალი გავლენის სფეროების მოპოვების და ევროპული მშვიდობიანობის დამყარების ამოცანები კი ერთიმეორისაგან სთიშავდა მათ.

მეორე ანტიფრანგული კოალიცია ევროპის კონტინენტის ფეოდალურ-ბატონყმურ მონარქიათა და კაპიტალისტური ინგლისის დროებით და არაპყარ კავშირს წარმოადგენდა. თავისი ხასიათის გამო მას დიდხანს არსებობა არ შეეძლო. იგი ისეთ სახელმწიფოთა კავშირს წარმოადგენდა, რომელთა შორის ანტაგონიზმი ღრმა და ხანგრძლივ ხასიათს ატარებდა. თავდაპირველად ეს ანტაგონიზმი მოჩვენებითი ერთიანობით იყო შენიღბული, მაგრამ დროთა მსვლელობაში ამ ანტაგონიზმს ერთიანობის ნიღაბი ჩამოეხადა და იგი შიშველი სახით გამოვლინდა. კერძოდ თავი იჩინა ღრმა წინააღმდეგობამ ერთი მხრივ რუსეთსა და მეორე მხრივ ინგლისსა და ავსტრიას შორის.

რუსეთსა და ინგლისს, რუსეთსა და ავსტრიას შორის საფრანგეთის რევოლუციის გაჩაღებამდე უფრო იგრძნობოდა ურთიერთ უნდობლობა და ინტერესთა დაპირისპირება, ვიდრე მეგობრობა და ჰარმონია. „ცბიერი ალბიონის“ სახით რუსეთს ანტიფრანგულ კოალიციაში ისეთ მოკავშირესთან ჰქონდა საქმე, რომელიც მანამდე არაერთხელ მონაწილეობდა მის საწინააღმდეგო დიპლომატიურ და სხვა ხასიათის ინტრიგებში და რომელიც ცდილობდა მაქსიმალური ზიანი მიეყენებინა მისთვის. როგორც აღნიშნული იყო, ინგლისი რუსეთის დაუძინებელი მტერი იყო აღმოსავლეთის საკითხში. ყოველი კრიზისის დროს, რომელიც „ევროპული დიპლომატიის ამ თავსატეხი საკითხის“ ნიადაგზე აღმოცენდებოდა ხოლმე, ინგლისი აუცილებლად რუსეთის წინააღმდეგ გამოდიოდა და სხვა სახელმწიფოებსაც ამხედრებდა მის წინააღმდეგ. ასეთი მოკავშირე რუსეთის ჭეშმარიტი მოკავშირე ვერ იქნებოდა. მის „მეგობრობას“ იმდენად ჰქონდა ფასი, რამდენადაც იგი რუსეთისაგან მოელოდა საზარბაზნე ხორცს თავისი დაუძინებელი მტრის და მეტოქის საფრანგეთის გასანადგურებლად, თავისი კოლონიური ზრახვების დასაკმაყოფილებლად. ევროპის კონტინენტის სახელმწიფოთა ურთიერთ ბრძოლის ხანძრის პერიოდული დანთება ინგლისის დიპლომატიის „ძალთა წონასწორობის“ პოლიტიკის ინტერესებს შეესაბამებოდა, რის გამოც იგი ხელს უწყობდა ასეთი ომების გაჩაღებას. 1792 წლიდან

ევროპის ნატერიკზე საერთო ევროპული ომის გაჩაღების საქმეში ცოტა წვლილი როდი მიუძღოდა ინგლისის ვერაგ დიპლომატიას.

როგორც უკვე აღვნიშნავდით, მოჩვენებითი იყო ინტერესთა ერთიანობა რუსეთსა და ავსტრიას შორისაც. მათ შორისაც ათეული წლების მანძილზე შუღლი, მტრობა და კინკლაობა სუფევდა, რასაც ვერ ანელებდა თვით მათი დროგამოშვებითი ერთობლივი ბრძოლა ოტომანთა თურქეთის წინააღმდეგ. ოტომანთა იმპერიის წინააღმდეგ ერთობლივ ბრძოლას არ შეეძლო რუსეთ-ავსტრიის წინააღმდეგობის შენელება, ვინაიდან თვით ამ იმპერიის მემკვიდრეობის განაწილების საკითხი მთავარ ფიცი მასალას წარმოადგენდა მათ ურთიერთობაში. ძალიან ვრცელი იყო ის ტერიტორიული არე, სადაც მკვეთრად ეჯახებოდნენ ერთმანეთს ამ ორი სახელმწიფოს ინტერესები. ეს ტერიტორიები და სახელმწიფოებრივი ერთეულები იყო: მთელი ბალკანეთის ნახევარკუნძული, პოლონეთი, იტალია და გერმანიის სახელმწიფოები. მართალია, საფრანგეთის რევოლუციამ იხალი ვითარება შექმნა ევროპაში და ზით მნიშვნელოვანი კორექტივი შეიტანა რუსეთ-ავსტრიის ურთიერთობაში, მაგრამ მან კი არ მოსპო ეს შუღლი, არამედ მიოლოდ გარკვეულ დრომდე შეანელა მათ შორის არსებული ტრადიციული წინააღმდეგობა. საფრანგეთთან ომის დროს ავსტრიასაც ისეთივე ეგოისტურ-დაპყრობითი მიზნები ამოქმედებდა, როგორც ინგლისს.

ახალმა ვითარებამ, რომელიც მეორე ანტიფრანგული კოალიციის ორგანიზაციის შედეგს წარმოადგენდა, საომარი მოქმედების დასაწყისშივე ხელსაყრელი ნიადაგი შეუქმნა ავსტრიის მმართველი წრეების ანტირუსული განწყობილების ახალ გაღვივებას და ანტირუსული „მოღვაწეობის“ ფართო ასპარეზი შეუქმნა ყოვლისშემძლე თუგუტს.

ამგვარად, ანტიფრანგული კოალიციის რიგებში არსებულმა დაუძლეველმა შინაგანმა წინააღმდეგობებმა და მათ შედეგად ამ კოალიციის დაშლამ განაპირობა ანტიფრანგულ ომში დასახული ამოცანების განუხორციელებლობა.

იმისათვის, რომ უფრო უკეთ აეხსნათ მეორე ანტიფრანგული კოალიციის დაშლისა და მისი შემადგენლობიდან რუსეთის გამოსვლის მიზეზები, საჭიროდ მიგვაჩნია ცალ-ცალკე განვიხილოთ რუსეთ-ავსტრიასა და რუსეთ-ინგლისს შორის აღმოცენებული და გაშლილი წინააღმდეგობა კოალიციის შექმნის მომენტიდან მის სრულ დაშლამდე.

3. რუსეთ-ავსტრიის წინააღმდეგობა მეორე

ანტიფრანგული კოალიციის ჩივარში

ჩვენ ვფიქრობთ, რომ პირველმა ბზარმა რუსეთ-ავსტრიის ურთიერთობაში თავი იჩინა ჯერ კიდევ 1799 წლის გაზაფხულზე ჩრდილო იტალიაში საფრანგეთის წინააღმდეგ ომის გაჩაღების მომენტიდან. ვენის სამეფო კარის გადაწყვეტილება — მოქმედების თავისუფლება არ მიეცა სუვოროვისათვის, ალექსანდრე მისი „თვითნებობა“ ფრონტზე, თავისი კონტროლი დაეწესებინა მის მოქმედებაზე და იგი საომარი ოპერაციების მსვლელობაში ავსტრიის ეგოისტური ზრახვების უბრალო აღმასრულებელ იარაღად ექცია — რუსეთის მიმართ ავსტრიის მმართველთა უნდობლობის პირველი კონკრეტული გამოხატულება იყო.

სუვოროვისათვის ავსტრიის არმიის ფელდმარშლის წოდების მინიჭება წარმოადგენდა პირველ ნაბიჯს დიდი რუსი მხედართმთავრის და, მაშასადამე, იტალიის ფრონტზე მებრძოლი რუსეთის არმიის ავსტრიის კონტროლისათვის დაქვემდებარების განზრახვის სისრულეში მოსაყვანად. ამ წოდების მიღებით სუვოროვი ფორმალურად ავსტრიის არმიის წესებს უნდა დამორჩილებოდა, თანაც უნდა ეცნო ამ არმიის უმაღლეს სამეფო სამხედრო საბჭოს, ანუ ჰოფკრიგსრატის (Hofkriegsrath) ხელმძღვანელი როლი მოწვეული კამპანიის ჩატარების საქმეში. დიდი მხედართუფროსი ამასთან ერთად უნდა დამორჩილებოდა თვით იმპერატორს, რომელიც ავსტრიის ჯარების უმაღლეს მთავარსარდლად ითვლებოდა და პირველ მინისტრ თუგუტს, რომელსაც ჰოფკრიგსრატის თავმჯდომარეობა ჰქონდა „შეთავსებული“. ვენის სამეფო კარის განზრახვით სუვოროვს უნდა ემოქმედა არა პეტერბურგის მთავრობის მითითებით. არა საკუთარი ინიციატივით, არამედ ავსტრიის სამეფო კარის მითითებების მიხედვით, იმ სამხედრო-სტრატეგიული გეგმის საფუძველზე. რომელსაც მას ჰოფკრიგსრატი მისცემდა. ერთი სიტყვით, ვენელ „ბრძენთა“ განზრახვით სახელგანთქმული რუსი ფელდმარშალი ავსტრიის სამეფო კარისა და ავსტრიის გენერალიტეტის ნების უბრალო აღმასრულებელი უნდა ყოფილიყო.

ავსტრიის ჰოფკრიგსრატი, როგორც ცნობილია, არქაული ტიპის დაწესებულება იყო, რომელიც გენერალური შტაბისმავგარ ფუნქციებს ასრულებდა. მასში თავმოყრილნი იყვნენ სასახლის და ფეოდალური არისტოკრატის წარმომადგენლები, ძველ სამხედრო

წესებზე აღზრდილი გენერლები. თავისი სქოლასტიკური გეგმებით და მუშაობის არქაული მეთოდებით ეს სამხედრო საბჭო ახშობდა ყოველგვარ პირად ინიციატივას და ნოვატორულ წამოწყებას, რითაც. აფერხებდა ავსტრიის სამხედრო ხელოვნების განვითარებას. ყოველივე ამის შედეგი იყო ავსტრიის ჯარების პერმანენტული დამარცხებები საერთოდ, კერძოდ კი—საფრანგეთთან ბრძოლაში.

ასეთ შტაბს და მის არასამხედრო ხელმძღვანელ თუგუტს კონტროლი უნდა გაეწიათ და წარემართათ მომავალი კამპანია ფრანგების წინააღმდეგ, მათ კვლავ უნდა ესწავლებინათ დიდი სუვოროვისათვის. მოსალოდნელი იყო, რომ სუვოროვი ჯეროვან წინააღმდეგობას გაუწევდა ავსტრიელების მხრივ მის ფუნქციებში უხეში ჩარევის ცდებს, რასაც უნდა მოჰყოლოდა მოკავშირეთა შორის წინააღმდეგობის გამწვავება.

ამასთან ერთად აღსანიშნავია ის გარემოებაც, რომ ავსტრიის სამეფო კარი, მოქმედებდა რა საკუთარი ეგოისტური მოსაზრებებით, არსებითად არ იზიარებდა საფრანგეთში შეჭრის იმ სამხედრო-სტრატეგიულ გეგმას, რომლითაც უნდა ემოქმედა სუვოროვს პავლე I-ის ბრძანების შესატყვისად. ვენის მთავრობის ინტერესები არ მოითხოვდა საფრანგეთის სრულ განადგურებას და მის ოკუპაციას მოკავშირეთა ჯარების მიერ. მისი ანგარული მიზნები — დირექტორიის ხელისუფლების დამხობა, საფრანგეთის ტერიტორიული შემცირება, მისი ტერიტორიის ნაწილის მიტაცება და იტალიაზე გაბატონება ვენის მთავრობის აზრით საფრანგეთის დასუსტების გზითაც შეიძლებოდა განხორციელებულიყო. სავსებით ბუნებრივია, რომ ვენაში შეეცადნენ აღნიშნული პოლიტიკური და სამხედრო-სტრატეგიული გეგმის შესატყვისად ემოქმედათ და აეძულებინათ სუვოროვი აღნიშნულ ავსტრიულ პოლიტიკურ და სამხედრო-სტრატეგიულ გეგმებს დამორჩილებოდა. ვენის მთავრობის ასეთი მისწრაფება კამპანიის დასაწყისშივე უნდა გამხდარიყო ავსტრია-რუსეთის შეჯახების სერიოზული ფაქტორი.

ფელდმარშალმა სუვოროვმა, როგორც მოსალოდნელი იყო, დასაწყისშივე აღშუოთებით უქუაგდო თუგუტის და ჰოფკრიგს-რატის ცდა თავზე მოეხვიათ მისთვის თავიანთი მეურვეობა და ომის წარმოების მზა, ისიც მიუღებელი გეგმა. წინადადებაზე — გაეცნო მათთვის საომარი კამპანიის გეგმა, სუვოროვმა უპასუხა, რომ არავითარი მზა გეგმა მას არ გააჩნია და არც საჭიროებს

ასეთს, რომ კამპანიის გეგმას შეიმუშავენ საომარი მოქმედების ასპარეზის რაიონის შესწავლის შემდეგ¹.

სუვოროვს არ სურდა ვენელთა ცნობისმოყვარეობა დაეკმაყოფილებინა და მათთვის საომარი კამპანიის გეგმა გაეცნო არა იმიტომ, რომ ასეთი გეგმის მონახაზები თითქოს მართლაც არ გააჩნდა მას, არამედ იმიტომ, რომ განზრახული ჰქონდა მოქმედების სრული თავისუფლება შეენარჩუნებინა. სინამდვილეში, როგორც ცნობილია, დიდმა რუსმა მხედართუფროსმა ჯერ კიდევ 1798 წლის შემოდგომაზე მოხაზა საფრანგეთზე გამარჯვების გეგმის კონტურები (საფრანგეთთან ომის შემთხვევაში, რომელიც მაშინ ჯერ კიდევ არ იყო დაწყებული) „გამარჯვების ხელოვნების“ და სამხედრო ოპერაციის გეგმის სქემის სახით².

სუვოროვს იტალიის კამპანიის მთელ პერიოდში მეფისტოფელის ბოროტი სულის მსგავსად თან სდევდა ვენის სამეფო კარის; სამეფო სამხედრო საბჭოს და პირადად თუგუტის „რჩევა-დარიგება“, წვრილმანი ინტრიგა და დირექტივები. ყოველივე ეს ხელს უშლიდა სუვოროვს მის ოპერაციებში და იწვევდა ფელდმარშლის სამართლიან გულისწყრომას³.

დიდი რუსი მხედართმთავარი მისთვის ჩვეული გულახდილობით ავლენდა ვენის სამეფო კარის, თუგუტის, ჰოფკრიგსრატის და აესტრიელ გენერალთა უვიცობას, წვრილმანობას, კონ-

¹ К. Валишевский, *დასახ. ნაშრომი*, გვ. 355.

² იხ. „Генералиссимус Суворов. Сборник документов и материалов“. М., 1947, დოკუმენტი № 99—Письмо А. В. Суворова генералу Н. И. Превод-Люшиан по поводу предполагаемых действий европейских и восточных стран против Франции, от 5 (16) сент. 1798 г., და დოკუმენტი № 99—Набросок плана операции против французов 1798, გვ. 222—224.

³ თუ რამდენად ეჯავრებოდა სუვოროვს ყოველგვარი სამხედრო საბჭო და რამდენად დამღუპველად მიაჩნდა ასეთი ორგანოს, კაბინეტის, თუ ცალკეულ პირთა ჩარევა მთავარსარდლის ფუნქციებში, ამას კარგად ავლენს ის მოსახრება, რომელიც მას გამოუთქვამს ერთ-ერთ პირთან საუბრის დროს 1799 წლის დასასრულს (პარალაში ყოფნის დროს) ჰანიბალის რომზე ლაშქრობის მარცხის მიზეზის შესახებ. მოსაუბრის (გრაფ ბელეგარდის) თქმაზე იმის შესახებ, რომ ჰანიბალის რომზე ლაშქრობის მარცხის ერთ-ერთი მთავარი მიზეზი იყო ის, რომ მან კანას ბრწყინვალე ოპერაციის შემდეგ საჭიროზე მეტი დასვენება მისცა თავის არმიასო, სუვოროვს შემდეგი სიტყვები უთქვამს: „Het, c'était de Conseil de Carthage, qui l'empêchait, et partout, ou le Conseils et les cabinets veulent régler les opérations des généraux, cela sera de même. იხ. „Встреча с Суворовым в 1799 году. Из записки барона (впоследствии графа) Густава“, Маврикия Армифельдта“. Русская старина, 1893 г., март, гв. 696.

სერვატიზმს, ეგოიზმს და დაჟინებით მოითხოვდა ასეთი ტიპის ადამიანების და ორგანოების „მეურვეობისაგან“ მის დახსნას¹.

სუვოროვი ცდილობდა არაფრად მიეჩნია ავსტრიის სამეფო კარის მესვეურთა წერილმანი ინტრიგა და საკუთარი გეგმის შესატყვისად ემოქმედა. რუსი მხედართმთავრის ეს „ახირება და ენინანობა“ თავის მხრივ იწვევდა ავსტრიის მესვეურთა გაბოროტებას და აძლიერებდა მათ შურს, მტრობას და ინტრიგებს სუვოროვის წინააღმდეგ². „შურიანობა, ვერაგობა და ორპირობა წარმართავენ დიდი ბარონის თუგუტის მოქმედებას“, — წერდა თ. ვ. როსტოპჩინი ს. რ. ვორონოვს 1799 წლის 25 ივლისის წერილში, მხედველობაში ჰქონდა რა თუგუტის ინტრიგები სუვოროვისა და რუსეთის არმიის წინააღმდეგ, მაგრამ ამასთან ერთად როსტოპჩინი თავის წერილში დასძენდა, რომ სუვოროვი, საბედნიეროდ, ამას ყურადღებას არ აქცევს და, დაინტერესებულია რა მხოლოდ და მხოლოდ ევროპის ხსნით, საბრძოლო სულს შთაბერავს რუსეთის არმიას და წინ მიიწვევს³.

გრაფ ა. კ. რაზუმოვსკისადმი გაგზავნილ ერთ-ერთ წერილში სუვოროვი აღშფოთებას გამოთქვამს ავსტრიის სამეფო კარის და ჰოფბურგის რატიის მზარდი მუხანათობის და ინტრიგების გამო და დაჟინებით მოითხოვს მათგან თავის დახსნას, მოქმედების სრულ თავისუფლებას ანდა დაბრუნებას რუსეთში⁴.

¹ „Ополсанная мечом Скапенберга, сия сова, — წერდა სუვოროვი თუგუტის შესახებ გრაფი როსტოპჩინისადმი 1799 წლის 1 დეკემბერს გაგზავნილ წერილში, — не с ума ли сошла, или того никогда ни была“. Архив ВПР, ф. „Сношения России с Францией“, д. 1398, т. 51; იხ. აგრეთვე Архив князя Воронцова. ტ. 24, გვ. 339, სუვოროვის ორი წერილი კოლინგეისადმი 1799 წ. 20 და 29 აგვისტოს თარიღით, Архив ВПР ф. „Сношения России с Австрией“, д. № 900, т. 31.

² სუვოროვისა და თუგუტის ურთიერთობას სპეციალური სტატია უძღვნა მისი ლაშქრობის თანამონაწილემ და ამ ლაშქრობის მემატრიანე-ისტორიკოსმა ფუქსმა. ამ სტატიაში იგი სასტიკად გმობს ავსტრიის პირველი მინისტრის დამოკიდებულებას დიდი სუვოროვისადმი და მას მუხანათურს და პროვოკატორულს უწოდებს. მართალია, ფუქსი რუსი ნაციონალისტის პოზიციიდან აშუქებს რუსეთ-ავსტრიის და მათი მესვეურების იმდროინდელ ურთიერთობას, მაგრამ ძირითადად იგი მაინც სწორ შეფასებას აძლევს თუგუტის ვერაგულ ქცევას და ამის შემაპირობებელ ფაქტორებს. იხ. Е. Ф у е с, Суворов и Тугут, Чтония в Императорском Обществе истории и древностей Российских, № 9, 1847, № 11.

³ Архив князя Воронцова, ტ. 8, გვ. 233.

⁴ იქვე, ტ. 24, გვ. 325.

სუვოროვის რელაციები ვენის სამეფო კარის ინტრიგებისა და მუხანათობის შესახებ—რაც არა მარტო პირადად სუვოროვის წინააღმდეგ იყო მიმართული, არამედ რუსეთის არმიისა და რუსეთის საგარეო პოლიტიკის წინააღმდეგაც, — სათანადო რეაქციას იწვევდა პეტერბურგში. ეს რელაციები აღიზიანებდა რუსეთის იმპერატორს და ამხედრებდა მას „უმადური“ მოკავშირის წინააღმდეგ. რუსეთის თვითმპყრობელი ხელისუფალი საპასუხო ნაბიჯებს დგამს ვენელი მოკავშირის ინტრიგების აღსაკვეთად.

1799 წლის ივლისის დამლევისათვის პავლე I-მა მკაცრ ფორმებში შედგენილი წერილი გაუგზავნა ავსტრიის იმპერატორ ფრანც II-ს, რომელშიაც, აღნიშნავდა რა თუგუტის და სამეფო სამხედრო საბჭოს ინტრიგებს, როგორც პირადად სუვოროვის, ისე რუსეთის არმიის წინააღმდეგ, დაჟინებით მოითხოვდა მსგავსი აქტების აღკვეთას მომავალში და სუვოროვისათვის მოქმედების თავისუფლების მიცემას. რაზუმოვსკისადმი გაგზავნილი რესკრიპტით პავლემ სასტიკი გაფრთხილება მისცა მას მის მიერ პროავსტრიული პოლიტიკის გატარების გამო, ხოლო სუვოროვი სადმი გაგზავნილ წერილში (1799 წ. 16 სექტემბრის თარიღით) პავლე სავსებით ეთანხმება მას, აძლევს მოქმედების სრულ თავისუფლებას და ავალებს მასვე განუხრებლად გაატაროს და განაერთაროს კამპანიის დასაწყისშივე აღებული კურსი და არ გადაუხვიოს ამ კურსს¹.

ვერც „მეგობრულმა“ თხოვნამ და ვერც დაშინებამ ვერავითარი ქმედითი გავლენა ვერ მოახდინა ვენის სამეფო კარზე და ვერ შეაცვლევინა მის მესვეურებს აღებული ანტირუსული კურსი. მათი „რჩევა-დარიგება“, ინტრიგები და აშკარა მტრული გამოხდომები გრძელდებოდა იტალიის კამპანიის მთელი დროის მანძილზე. თუგუტი და ჰოფკრიგსრატი დროგამოშვებით კვლავინდებურად ერეოდნენ სუვოროვის ფუნქციებში, წვრილმანი ინტრიგებით ხელს უშლიდნენ მას და რუსეთის არმიისათვის სახელის გატეხასაც არ ერიდებოდნენ.

საფრანგეთის არმიასზე მოპოვებული ბრწყინვალე გამარჯვებები ჩრდილო იტალიაში, რაშიაც გადაამწყვეტი როლი რუსეთის არმიამ შეასრულა, ვენის საერო და სამხედრო არისტოკრატის

¹ იხ. პავლე I-ის რესკრიპტები სუვოროვისადმი, 1799 წლის 7 ავისტოს და 2 ოქტომბრის თარიღით. Архв ВПР, ф. „Сношения России с Фрианди-ей“; д. 1388, лл. 13, 39; К. Вашишевский, დასახ. ნაშრ., გვ. 376—377.

რიგებში მხოლოდ შურს, ფარულ შეშფოთებას და გაბოროტებას იწვევდა. მათ ვერ აეტანათ ის გარემოება, რომ ავსტრიის არმია რუსეთის არმიასთან შედარებით ძალზე უსუსური და ჩამორჩენილი იყო როგორც ჯარისკაცთა ბრძოლისუნარიანობით, ისე მეთაურთა შემადგენლობის მომზადება-დახელოვნების მხრივაც. ნაცვლად იმისა, რომ ესწავლათ რუსეთის არმიისაგან, მათ, პირიქით, დაიწყეს რუსეთის არმიის დისკრიმინაცია.

ავსტრიის სარდლობამ იმდენად შორს შესტოპა რუსეთის არმიისათვის სახელის გატეხის საქმეში, რომ საჭიროდ ჩათვალა სათანადო „ახსნა-განმარტება“ ჩვეტარებინა ტყვე ფრანგ ჯარისკაცებთან და განეწყო ისინი რუსეთის ჯარის წინააღმდეგ. ტყვე ფრანგ ჯარისკაცებში რუსეთის ჯარისადმი სიძულვილის, ზიზლისა და შიშის გამოწვევის მიზნით ავსტრიელი სამხედრო ხელისუფალნი მათ არწმუნებდნენ: რუსი ჯარისკაცები მხეცურად იქცევიან, სამოქალაქო მოსახლეობას არ ინდობენ, ტყვეებს ძარცვავენ და ხოცავენ, საერთოდ არავის არ ინდობენ, რისთვისაც საჭიროა მათთან ურთიერთობისაგან თავის შეკავებაო. მაგ., ავსტრიის ჯარების ერთ-ერთმა სარდალმა მელ ასმა განთავისუფლებულ და საფრანგეთში უკან დასაბრუნებლად გამზადებულ ტყვეებს ასეთი პროვოკაციული დააასიათება მისცა: „არ გაიაროთ იტალიის ტერიტორიის იმ ნაწილზე, სადაც რუსეთის არმია მოქმედებს, რუს ჯარისკაცებს არ შეხვდეთ, ერიდეთ ხელში არ ჩაუვარდეთ რუს ყაჩაღებს“ (მელასის გამოთქმა, ხაზი ჩენია—ვ. დ.)¹.

ავსტრიის სამეფო კარისა და სამხედრო ხელისუფალთა ასეთი მტრული დამოკიდებულება მოკავშირის ძლევაამოსილი არმიისა და მისი სახელმობიეკალი სარდლისადმი, მათ მიერ მოკავშირის სამხედრო-სტრატეგიული გეგმის განაორციელებისათვის შეგნებულად ხელის შეშლა ფიცხ მასალას ქმნის ამ სახელმწიფოთა ურთიერთობაში და სხვა გარემოებებთან ერთად ხელს უწყობს რუსეთ-ავსტრიის ურთიერთობის გაუარესებას და, ბოლოს, მათ სავსებით გათიშვას.

ერთ-ერთ ეპიზოდს ავსტრია-რუსეთის ურთიერთობაში, რომელმაც იტალიის კამპანიის დასაწყისშივე გამოიწვია რუსეთის

¹ თ. როატოჩინის 1799 წლის 23 სექტემბრის წერილი ს. ვორონცოვისადმი, Архив князя Воронцова, т. 8, гл. 311; Е. Фукс, Суворов и Тугут, Чтение в импер. обществе ист. и древн. Российских, 1847, т. 9, гл. 13.

იმპერატორის გულისწყრომა თავისი ვენელი მოკავშირისადმი, წარმოადგენდა მალტის რაინდთა ორდენის ყოფილი დიდი მაგისტრის გომპეშის ქცევის საკითხი. ავსტრიის სამეფო კარმა აქაც არ უღალატა თავის ტრადიციულ პოლიტიკას — ფარულ ვერაგობას მოკავშირის მიმართ, მისი მოწინააღმდეგის წახალისებასა და წაქეზებას.

მალტის რაინდთა ორდენის ყოფილი დიდი მაგისტრი გომპეში იძულებითი გადადგომის შემდეგ ქალაქ ტრიესტში ცხოვრობდა. გარეგნულად იგი თითქოს შეურიგდა მონბდარ ფაქტს, ხელი აიღო რელიგიურ საქმეზე და საერო მოქალაქის „უწყინარ“ ცხოვრებას მოჰკიდა ხელი. სინამდვილეში გომპეში წარსულზე ფიქრობდა და დაკარგული საპატიო პოსტის უკან დაბრუნებაზე ოცნებობდა და ამ მიზნის მისაღწევად სათანადო ფარულ მუშაობასაც ეწეოდა. გომპეში ინტრიგებს უწყობდა პავლე I-ს, მალტის რაინდთა ორდენის მფარველსა და დიდ მაგისტრს. მას სურდა ორდენის ახალი დიდი მაგისტრის წინააღმდეგ აენხედრებინა მალტის ორდენის რაინდები. რისთვისაც სათანადო მოლაპარაკებასა და მიწერ-მოწერას აწარმოებდა ამ ორდენის რამოდენიმე კავალერთან. ამ მიწერ-მოწერამ მალე პრაქტიკული ნაყოფი გამოიღო. მალტიდან ტრიესტში ჩავიდა ორდენის კავალერთა დელეგაცია (1799 წ.), რომელმაც გომპეშს მალტაზე უკან გამგზავრება და ორდენის ხელმძღვანელობის ხელში აღება შესთავაზა.

პავლემ საიდუმლო სააგენტურო არხების მეშვეობით მიიღო ცნობები გომპეშის ფარული ინტრიგების შესახებ. მისთვის ცნობილი გახდა ისიც, რომ ავსტრიის სამეფო კარი და მისი პირველი მანისტრი თუგუტი მონაწილეობას იღებდნენ ამ ინტრიგებში და ყოველმხრივ აქეზებდნენ გომპეშს მიეღო მალტის კავალერთა „თხოვნა“ და მალტაზე გამგზავრებულიყო. რუსეთის იმპერატორმა კატეგორიული ფორმით მოითხოვა ბოლო მოღებოდა ამ ინტრიგებს და აღკვეთილიყო გომპეშისა და ავსტრიელ ხელისუფალთა მხრივ ორდენის ახალი დიდი მაგისტრისათვის სახელის გატეხის ცდები. პავლე I იმუქრებოდა რიმსკი-კორსაკოვის კორპუსის შემდგომი წინსვლის შეწყვეტით შვეიცარიის მიმართულებით და მისი უკან გაწვევით, თუ მის ამ სამართლიან მოთხოვნას უურადღებდა არ მიექცეოდა და სათანადო პასუხით არ იქნებოდა დაკმაყოფილებული.

ვენაში თავდაპირველად არ სურდათ მხედველობაში მიეღოთ მკაცრი გაფრთხილება პეტერბურგიდან და სათანადო ნაბიჯები გადაედგათ გომპეშის ინტრიგების აღსაკვეთად. თუგუტს არ სურ

და აღიარებინა ორდენის შინაგან საქმეებში რუსეთის იმპერატორის ჩარევის უფლება და შემდგომშიც მზად იყო ეთანამშრომლა გომპეშთან ორდენის მომავალი ბედის თაობაზე. მაგრამ 1799 წლის ივლისში პავლემ წინანდელ გაფრთხილებას მკაცრი ულტიმატუმიც მიუმატა, რომელიც ძალზე იმპერატიული ტონით იყო შედგენილი და ვენის სამეფო კარს ლაიერების შესაძლებლობის გზას უხშობდა. პეტერბურგის მთავრობის ამ ახალმა იმპერატიულმა მოთხოვნამ შეაშფოთა ვენის მთავრობა და აიძულა იგი უკან დაეხია. იგი თანახმა გახდა დაეკმაყოფილებინა რუსეთის იმპერატორის ყველა მოთხოვნა — კავშირი გაეწყვიტა გომპეშთან, ხელი აეღო მის წაქეზებაზე და თან ახალი მაგისტრისათვის გადაეცა ძველი მაგისტრის „მთელი მემკვიდრეობა“ (ნიშნები, ჯვარი და სხვ.)¹.

მართალია, აღნიშნული კონფლიქტი თითქოს მორიგეებით დამთავრდა, მაგრამ მან ძაინც თავისი კვალი დატოვა როგორც პეტერბურგში, ისე ვენაში, გააღიზიანა მოკავშირე მთავრობების ნესვეურთა ვნებები და გააძლიერა ურთიერთ უნდობლობა და დაპირისპირება.

ანტიფრანგული კოალიციის მოქმედების მთელ პერიოდში მთავარი ფიციხი მასალის როლი რუსეთ-ავსტრიის ურთიერთობაში შეასრულა იტალიის საკითამა (სარდინია-პიემონტის სამეფოს, პაპის ოლქის, თვით პაპისა და ორივე სიცილიის სამეფოს საკითხებმა). სწორედ იტალიის საკითხში, კერძოდ კი სარდინია-პიემონტის სახელმწიფოსადმი დამოკიდებულების საკითხში განსაკუთრებით რელიეფურად გამოვლინდა ავსტრიის სამეფო კარის ეგოისტურ-დაპყრობითი ზრახვები და მუხანათური ქცევა რუსეთის მიმართ.

პავლე I, როგორც უკვე ზემოთ იყო აღნიშნული, რუსეთის ინტერესების შესატყვისად მხარს უჭერდა რევოლუციამდელი ურთიერთობის აღდგენას იტალიაში. ასეთი პოლიტიკა საეხებით შეესაბამებოდა იმდროინდელი რუსეთის მმართველი ზედაფენის კლასობრივ ინტერესებს.

¹ იხ. კოლიჩევის 1799 წლის 8/19 ივნისის რეალცია პავლესადმი, Архив ВПР, ф. „Священная Россия с Австрией“, д. 891, лл. 7—8; Архив князя Воронцова, т. 24, гл. 273 და 289.

Status quo ante bellum-ის აღდგენა იტალიაში ნიშნავდა: 1) ფრანგ დამპყრობთა სრულ განდევნას იტალიის ტერიტორიიდან და იქ მათი პოლიტიკური, თუ სხვა სახის გავლენის ლიკვიდაციას; 2) „ლეგიტიმისტური“ დინასტიების აღდგენას „კანონიერ“ უფლებებში და მათთვის ფრანგთაგან წართმეული სამეფოსამთავროების დაბრუნებას; 3) პაპის აღდგენას როგორც საეკლესიო „წმინდა“ ტახტზე, ისე საერო უფლებებში და მისთვის მისი ყოფილი ოლქის უკან დაბრუნებას; 4) იტალიაში ფეოდალური პარტიკულარიზმის კონსერვირებას; 5) „საშიში აზრების“ შემდგომი გავრცელებისათვის ზღვარის დადებას; 6) „კანონიერ“ უფლებებში აღდგენილ საერო და საეკლესიო ხელისუფალთათვის შემდგომ მხარდაჭერას და მით რუსეთის ძველი გავლენის აღდგენას.

აღნიშნული პოლიტიკა არ იყო შეპირობებული მარტო დინასტიური მოსაზრებებით და არ გამოხატავდა პაულე I-ის რაინდულ, კეთილშობილურ და უანგარო სულის დემონსტრაციას. იტალიის დაქუცმაცებისა და მონარქიულ ხელისუფალთათვის მხარის დაჭერით ცარიზმის მესვეურები იმედოვნებდნენ მტკიცედ მოეკიდათ ფეხი ამ ქვეყანაში და მით არბიტრის როლი შეესრულებინათ არა მარტო ამ ქვეყნის ფეოდალურ ერთეულთა ურთიერთობაში, არამედ თვით ცენტრალურ, სამხრეთ და სამხრეთ-აღმოსავლეთ ევროპაში¹.

რუსეთის თვითმპყრობელს აღნიშნული ამოცანა იარაღის მეშვეობით უნდა განეხორციელებინა. ამიტომ რუსეთის მონაწილეობას ანტიფრანგულ კოალიციაში სხვა მოსაზრებებთან ერთად ეს მოსაზრებებიც ედო საფუძვლად. მაგრამ სწორედ ამიტომ რუსეთის იმპერატორს არ სურდა დაეკმაყოფილებინა მისი მოკავშირის ავსტრიის ტერიტორიული პრეტენზიები იტალიის, კერძოდ კი სარდინიის სამეფოს მიმართ. ამით აიხსნება ის განსაკუთრებული „გულუხვობა“, რომელიც პაულემ ნეაპოლიტანიის მეფის,

¹ ...с его стороны не было делом „принципа“ его участие к интересам короля сардинского и короля обеих Сицилий, — წერს სორელი პაულეს შესახებ, — оно было делом престижа и политического расчета. Он видит свою личную славу и интерес своей короны в том, чтобы русский флаг высоко развевался на Средиземном море, и в том, чтобы на берегах и островах этого моря заявлять себя покровителем королевей древних династий“. А. С о р е л и, *დასახ. ნაშრ.*, ტ. 6, გვ. 89.

სარდინიის ბედის და თვით პაპის სამფლობელოების ხელუხლებლობის დაცვის საქმეში გამოიჩინა.

რაკი სამხედრო ვითარება მოითხოვდა, ნეფის რუსეთი-თანხმა იყო ჩრდილო იტალიის დასავლეთი ოლქები და მათ შორის პიემონტი ფრანგებისაგან მისი განთავისუფლების შემდეგ დროებით ავსტრიის ჯარების ხელში დარჩენილიყო. მაგრამ პავლე I-ის მთავრობა, ამასთან ერთად, გარკვეულ პირობებს აყენებდა: ფრანგების წინააღმდეგ ომის დამთავრებამდე აღნიშნული ტერიტორიები ავსტრიის სამხედრო ხელისუფლებას უნდა ემართა სარდინიის მეფის სახელით, ომის დამთავრების შემდეგ კი ისინი სარდინიის მეფეს უნდა დაჰბრუნებოდა¹.

პავლე I ფორმალურად არაერთარ პრეტენზიას არ აცხადებდა იტალიის რომელიმე ტერიტორიის მიმართ. ამავე დროს მას არ სურდა ეცნო ასეთივე პრეტენზიის „სამართლიანობა“ მისი რომელიმე მოკავშირის, კერძოდ ავსტრიის მხრივ. რუსეთის იმპერატორი არ იყო საერთოდ წინააღმდეგი, თუ ავსტრია ომში გაწეული ხარჯების ანაზღაურების სახით რამდენადმე გაათართოვებდა თავის ტერიტორიას ევროპაში. მაგრამ ეს გაათართობა მისი აზრით უნდა შემოთარგლულიყო ნიდერლანდებზე უფლების აღდგენით და ვენეციის სამფლობელოს შენარჩუნებით².

ჯერ კიდევ 1799 წლის 25 აპრილს (6 მაისს), როდესაც მოკავშირეთა არმიამ პირველად შედგა ფეხი პიემონტის ტერიტორიაზე, ფელდმარშალმა სუვოროვმა პეტერბურგიდან მიღებული ინსტრუქციის შესაბამისად სპეციალური მოწოდებით მიმართა პიემონტის მოსახლეობას. ამ მოწოდებაში იგი აუწყებდა მას, რომ მოკავშირეთა ჯარები პიემონტის ტერიტორიაზე შევიდნენ „...თქვენი კეთილი მეფის თავის უფლებებში აღდგენის მიზნით“. სუვოროვი ამასთან ერთად მოუწოდებდა მას დაიმარებოდა მოკავშირეებს და მათთან ერთად ებრძოლა „ბოროტმოქმედთა“ წინააღმდეგ, თანაც ერთხელ კიდევ არწმუნებდა მას, რომ იგი ვალდებული იქნება ერთგულება მხოლოდ საკუთარ კანონიერ სარდინიის

¹ К. В а л и ш е в с к и й, დასახ. ნაშრ., გვ. 378. 1799 წლის 9 აგვისტოს რესკრიპტში პავლე I სწერდა სუვოროვს, რომ ამჟამად მთავარი ამოცანაა სარდინიის მეფე აღუადგინოთ უფლებებში, მისი ტურინში დაბრუნება კი საჩქარო არ არის, რადგანაც, როგორც სწერდა იგი, „...позже или ранее еще случится...“ Д. М и л ю т и н, დასახ. ნაშრ., ტ. 2, გვ. 167.

² იხ. Архив князя Воронцова, ტ. 8, გვ. 237.

მეთეს შეპტიცოსო¹. 1799 წლის 27 აპრილის (8 მაისის) მორიგ მოწოდებაში პიემონტის მოსახლეობისადმი, სუვოროვი ისევ დაბეჯითებით არწმუნებდა მას, რომ ავსტრიის და რუსეთის იმპერატორები თქვენთვის მოცემული დაპირების ერთგულნი იქნებიანო². პაველ I-მა 1799 წლის 7/18 ივნისის რესკრიპტით დაავალა სუვოროვს ტურინის ციტადელის ფრანგთაგან განთავისუფლებისთანავე ეცნობებინა სარდინიის მეფისათვის სატახტო ქალაქის განთავისუფლების ფაქტი და მოეწვია იგი ტურინში სამეფო ტახტის დასაკავებლად³.

სარდინიის მეფემ დიდი სიხარულით მიიღო რუსეთის იმპერატორის მისდამი კეთილგანწყობილი ნაბიჯები, დიდი მადლობა უძღვნა მას მის ბედ-იღბალზე ზრუნვისათვის და განიზრახა მოკლე დროში კონტინენტზე დაბრუნება ტურინში გამეფების მიზნით.

სარდინიის მეფემ განიზრახა მაქსიმალურად გამოეყენებინა პაველს კეთილგანწყობილება მისდამი და მასთან მეგობრობის ხელშეკრულება გაეფორმებინა. ამ მიზნით მან თავის ელჩს პეტერბურგში გაეტანო ბალბეს მითითება მისცა სათანადო მოლაპარაკება გაემართა რუსეთის საგარეო საქმეთა კოლეგიასთან. სარდინიის ელჩი შეუდგა დაკისრებული მისიის სისრულეში მოყვანას და მოლაპარაკების პროცესში გათვალისწინებული ხელშეკრულების პროექტიც კი შეადგინა. მაგრამ სარდინიის მეფის სურვილს ფრთები არ შესიმა და დაწყებული მოლაპარაკება ბოლომდე არ ყოფილა მიყვანილი. პაველ I-ის გამოსვლამ კოალიციიდან 1800 წლის დასაწყისში შეუძლებელი გახადა რუსეთ-სარდინიის მეგობრული ხელშეკრულებით დაკავშირება⁴.

სარდინიის მეფის იმედებს ფრთები შეეკვეცა. მან ვერ ისარგებლა რუსეთის იმპერატორის კეთილგანწყობილებით და ვერ შესძლო თავისი სამეფოს დაბრუნება. მის ამ განზრახვას წინ აღუდგა ავსტრიის იმპერატორი, რომელიც ამ სამეფოს დაპყრობაზე ოცნებობდა.

¹ Д. Милютин, *დასახ. ნაშრ.*, ტ. I, გვ. 351.

² იქვე, გვ. 352.

³ იქვე, ტ. II, გვ. 164.

⁴ ამის შესახებ ვრცლად იხილეთ: М. А. Поляневков, *Проект союза России с Сардинским королевством в царст. имп. Павла I, С.-Петербург, 1902.*

ავსტრიის სამეფო კარი ტრადიციულად აგრესიულად იყო განწყობილი იტალიის სახელმწიფოების მიმართ. ანტიფრანგულ კოალიციაში მისი ჩაბმის ერთ-ერთი სტიმული და შემაპირობებელი იქნა სწორედ იტალიის მიმართ დაპყრობითი ზრახვების სისრულეში მოყვანა.

პოლონეთის მესამე დაყოფით ავსტრიაში ძალზე უკმაყოფილო დარჩნენ. ვენის სამეფო კარზე ფიქრობდნენ, რომ პოლონეთის დაყოფის შედეგად ამ ქვეყნის მნიშვნელოვანი ნაწილი რუსეთმა და პრუსიამ გაინაწილეს, ავსტრიას კი მისი მცირე ნაწილი არგუნეს. რუსეთმა და პრუსიამ თავის დროზე, ავსტრიის სისტემატური საყვედურებისათვის რომ დაეღწიათ თავი, მას გაუნადგებელი თამაშუქი მისცეს: ტერიტორიული კომპენსაცია გერმანიაში ბავარიის ან სხვა მეზობელი საკურფიურსტოს სახით. ავსტრიის იმპერატორი დიდხანს ებლაუქებოდა ამ დაპირებას, მაგრამ უშედეგოდ, რადგან თვით რუსეთი გამოვიდა მისი რეალიზაციის წინააღმდეგ, რამაც ვენაში სერიოზული უკმაყოფილება გამოიწვია¹.

ავსტრიის იმპერატორმა, რომელსაც დაეკარგა გერმანიის ხარჯზე ტერიტორიული კომპენსაციის მიღების იმედები, გაორკეცებული გულსყური მიაპყრო იტალიას. მან გადაწყვიტა აქ მიეღო სათანადო კომპენსაცია როგორც ომის ხარჯების ასანაზღაურებლად, ისე პოლონეთის მესამე დაყოფის დროს ჩადენილი „უსამართლობის“ გამოსასწორებლად. ჩრდილო იტალია კი, ა. ვასილჩიკოვის თქმისა არ იყოს, არც თუ ისეთი მცირე კომპენსაცია იქნებოდა. იგი ყოველ შემთხვევაში ბავარიის თანაბარღირებული მაინც იყო². სწორედ ამიტომ იყო, რომ ავსტრიის

¹ თუგუთმა საეციალური ნოტაც კი გააგზავნა პეტერბურგში, რომელშიაც პაულე I-ის წინაშე გაეცემულ თამაშუქის განაღდების საკითხს აყენებდა. ავსტრიის სამეფო კარი გაბოროტებით შეხვდა ბავარიის კურფიურსტის გადაწყვეტილებას აღედგინა თავის სამთავროში მალტის ორდენის ბალიეჟი და იგი ორდენის ახალი დიდი მაგისტრისათვის. ე. ი პავლუსათვის, დაექვემდებარებინა, თანაც რუსეთთან ერთად მონაწილეობა მიეღო საფრანგეთის წინააღმდეგ ბრძოლაში. ბავარიის ეს გადაწყვეტილება ნიშნავდა ბავარიაზე იმედის დაკარგვას და გერმანიის საკითხის საკუთარი ინტერესების შესაბამისად გადაწყვეტის სულიდან გამოკლას, მასზე რუსეთის გავლენის გაძლიერებას. იხ. H. Sibel. დასახ. ნაშრ., ტ. 6, გვ. 167 და შემდეგი.

² A. B. БУСНЛЪ И НЕОД, დასახ. ნაშრ., ტ. 3, გვ. 307. ჩვენ მიერ დასახელებული სარდინიელი ისტორიკოსი გრეპი თავისი შრომის რამოდენიმე ადგილას ხაზგასმით აღნიშნავს ავსტრიის მტაცებლური გეგმების არსებობას და მისი სისრულეში მოყვანისათვის ბრძოლას ავსტრიის მესვეურთა მიერ. I. G r e p i, დასახ. ნაშრ., გვ. 2, 67.

იმპერატორმა ანგარიში არ გაუწია რუსეთის იმპერატორს და სუვოროვის პირველ ნაბიჯებს პიემონტში, უმნიშვნელო ყურადღებაც არ მიაქცია პავლეს მიერ სარდინიის მეფის მფარველობის ფაქტს და ენერგიულად გაილაშქრა კუნძულ სარდინიაზე თავმფარებულ სარდინიის მეფის პიემონტში დაბრუნების წინააღმდეგ. მანვე გადაწყვიტა სამხედრო-საოკუპაციო მმართველობა დაეწესებინა ამ სამეფოზე და ემართა იგი არა სარდინიის მეფის, არამედ საკუთარი ინტერესების შესატყვისად.

ავსტრიის იმპერატორმა აშკარა უკმაყოფილება გამოთქვა სუვოროვის მისამართით იმის გამო, რომ მან დეკლარაციით მიმართა პიემონტის მოსახლეობას, რომლითაც მოუწოდა მას იარაღი აეხსნა მოკავშირეების დასახმარებლად, თანაც დაარწმუნა პიემონტელები, რომ მათი მეფე მალე იქნებოდა აღდგენილი თავის სამეფო უფლებებში. ავსტრიის იმპერატორმა არა მარტო დატუქსა სახელგანთქმული სარდალი „ურჩობისათვის“, არამედ კიდევაც გააფრთხილა იგი მომავალში არ გადაედგა ასეთი ნაბიჯი; მანვე მოითხოვა მისგან პიემონტის განთავისუფლებულ ტერიტორიაზე ავსტრიის სამხედრო ხელისუფლება შეექმნა და აღგილობრივ მცხოვრებთაგან დაეკომპლექტებინა იეგერთა რამოდენიმე ბატალიონი. დასასრულს, ავსტრიის იმპერატორი „დასაბუთებულ“ მოსაზრებებს აყენებდა და მის საფუძველზე ილაშქრებდა სარდინიის მეფის ტურინში დაბრუნების წინააღმდეგ¹.

სარდინიის მეფემ კი, დაიმედებულმა რუსეთის მთავრობის მეგობრობით და დახმარებით, გრაფი ანდრე დანიშნა თავის სამეფოს მეფისნაცვლად, დაავალა მას ხელში აეღო სამეფოს მმართველობის სადავეები და მოემზადებინა პირობები თვით მეფის ტურინში დაბრუნებისათვის. როგორც კი სარდინიის მეფისნაცვალმა პიემონტში ჩავიდა და დაკისრებული მოვალეობის შესრულებას შეუდგა, ავსტრიის იმპერატორმა ახალი მრისხანე რესკრიპტი გაუგზავნა სუვოროვს (1799 წლის 6/17 აგვისტოს თარიღით), რომელშიაც მკაცრ უკმაყოფილებას გამოთქვამდა სარდინიის მეფის „თვითნებური“ აქტის გამო და იმის გამოც, რომ რუსეთის მხედართუფროსმა ხელი არ შეუშალა ანდრეს ჩასვლას ტურინში. ეს ქვეყანაო, რისით აცხადებდა იგი, ჩემმა არმიამ გამოსტაცა ხელიდან მტერს (აქ ის უხეშად ტყუოდა, ისტორიულ კვშმართებას ლალატობდა — ვ. დ.) და ამიტომ მისი მართვის საქმეც

¹ Д. М и л ю т и н, დასახ. ნაშრ., ტ. 1, გვ. 354, ტ. 3, გვ. 208—209.

ჩემი პირადი საქმეა და არა სხვისიო. რესკრიპტის დასასრულს ფრანც II ისევ მოაგონებდა სუვოროვს, რომ იგი ავსტრიის ჯარების ფელდმარშლის ჩინს ატარებდა და ვალდებული იყო მას დამორჩილებოდა ყველაფერში¹. ავსტრიის იმპერატორმა, როგორც მოსალოდნელი იყო, არა თუ არ სცნო გრაფ ანდრეს დანიშვნა, არამედ სარდინიის ტერიტორიიდანაც განდევნა იგი (რაც სარდინიის მეფემ პეტერბურგში გაასაჩივრა, თუმც უშედეგოდ)².

ჩრდილო იტალიაში რუსეთის ჯარის ბრწყინვალე გამარჯვებით თვითნებურად ისარგებლეს ავსტრიელებმა. მათ აბუჩად აიგდეს რუსეთის ინტერესები, თვით სარდინიის მოსახლეობის მისწრაფებები და სარდინია-პიემონტის სამეფოში თავიანთი სამხედრო-საოკუპაციო მმართველობა დააწესეს. სუვოროვის სამართლიანი საყვედურისა და წინააღმდეგობის მიუხედავად ავსტრიის სარდლობა ისე მოექცა ამ ქვეყანას, როგორც დაპყრობილ, მტრულ ქვეყანას. ამ სახელმწიფოს ქალაქებსა და ციხე-სიმაგრეებში მათ საოკუპაციო ჯარები ჩააყენეს და მოსახლეობისათვის მკაცრი საოკუპაციო რეჟიმი შექმნეს. ავსტრიელები პიემონტის მოსახლეობას მტრების სახით მოველინენ. ფრანგ აგრესორთა ჩაგვრის უღლის მოხსნის ნაცვლად ავსტრიელებმა ახალი შვეიწროება და ნაციონალური დამცირება მოუტანეს პიემონტელებს. ავსტრიელმა ოკუპანტებმა მათ ახალი მძიმე გადასახადები და საოკუპაციო ჯარების შენახვა დააკისრეს.

ვინაიდან პიემონტი ომის სერიოზული ნადავლი და უკეთესი კომპენსაცია იყო, ვიდრე თვით ბავარია, ავსტრიის იმპერატორმა გადაწყვიტა ხელიდან არ გაეშვა იგი, თუნდაც ამისათვის რუსეთთან შეჯახებაც მოსელოდა მას³.

ავსტრიის მესვეურთა თვალსაზრისით, რუსეთის არმიისა და სუვოროვის შემდგომი ყოფნა პიემონტის ტერიტორიაზე, მას შემდეგ რაც მათ შეასრულეს თავისი მისია, მეტად არა სასურველი იყო: „მავრმა შეასრულა თავისი საქმე, მავრს შეეძლო წასვლა“. ამიერიდან რუსეთის არმია და მისი სარდალი სუვოროვი „უხეობულ“ მდგომარეობაში აყენებდნენ ავსტრიელ ოკუპანტებს

¹ Д. Милютин, даსახ. ნაშრ., ტ. 2, გვ. 168.

² კოლინგის 7/18 აქტ. რელაცია პავლესადმი. Архив ВПР, ф. „Сношения России с Австрией“, д. 982, лл. 1—2, 3—7.

³ „Австрия, оцладев Италию, решила скорее всем рисковать, чем отдать свои завоевания“,—წყარო ა. ტიერი. А. Тьер, История Консульта и Империи во Франции, ტ. 1, б. I, გვ. 43.

და ხელფებს უბორკავდნენ მათ მტაცებლური ზრახვების განხორციელების საქმეში. არსებითად ამით იყო განპირობებული ავსტრიის სამეფო კარისა და ჰოფკრიგსრატის დაეინებიითი მოთხოვნა დამთავრებულიყო საომარი კამპანია რუსების მონაწილეობით ჩრდილო იტალიაში და რუსეთის არმია შვეიცარიაში ყოფილიყო გადასროლილი. ავსტრიის მესვეურები, რა თქმა უნდა, ჯოველმხრივ ნიღბავდნენ ამ მუხანათურ ზრახვებს და რუსეთის არმიისათვის ახალი ამოცანის დასახვას სამხედრო-სტრატეგიული მოსაზრებებით ასაბუთებდნენ.

ამგვარად, ავსტრიისა და მეფის რუსეთის ინტერესები მკვეთრად დაეჯახნენ ერთმანეთს სარდინია-პიემონტის სამეფოს მომავალი ბედის საკითხში. ამ საკითხში ინტერესთა შეურიგებლობამ გააძლიერა ამ სახელმწიფოთა შორის უკვე აღმოცენებული ურთიერთ უნდობლობის ატმოსფერო და მით დააჩქარა რუსეთის გამოსვლა კოალიციის შემადგენლობიდან.

„წაბორძიკების ქვის“ როლი რუსეთ-ავსტრიის ურთიერთობაში პაპისა და მისი სამფლობელოების ბედის საკითხბაც შეასრულა. ავსტრიის სამეფო კარმა, ისარგებლა რა პაპის პოზიციების მკვეთრი გაუარესებით, რაც ნაპოლეონის, ლაშქრობას მოჰყვა შედეგად, მის სამფლობელოებსაც წაუპოტინა თავისი მტაცებლური ხელი. როგორც ცნობილია, ფრანგებმა უხეშად შებლალეს „წმინდა სასულიერო ტახტი“, პაპის „სიწმინდე და ხელუხლებლობა“ და არა მარტო დაიპყრეს მისი სამფლობელოები, არამედ შეიპყრეს თვით პაპი და იგი როგორც ტყვე საფრანგეთში გააგზავნეს. პაპის ოლქს, მისი იქ არ ყოფნის პერიოდში, მისი სახელით კარდინალთა საბჭო მართავდა. აღნიშნულმა ვითარებამ მკვეთრად შეასუსტა პაპის საერო და სასულიერო ხელისუფლება. ასეთ პირობებში იყო პაპის ოლქი, როდესაც ავსტრიის სამეფო კარმა წამოაყენა პრეტენზია პაპის სამ სალეგატოზე და მოინდომა მათი მიტაცება. ეს იყო რავენის, ფერარის და ბოლონიის სალეგატოები. ამ სამი სალეგატოს მიმართ თავიანთ მტაცებლურ პრეტენზიებს ავსტრიის მესვეურებმა ის საბაბი დაუდეს საფუძვლად, რომ, თითქოს, პაპმა თავის დროზე საფრანგეთთან გაფორმებული ტრაქტატით ეს სამი სალეგატო ფრანგების მიერ შექმნილ ციზალპინის რესპუბლიკას დაუთმო. ამგვამდო, — აცხადებდნენ ვენაში, — რაკი ეს ქვეყანა გაიწმინდა ფრანგებისაგან, ციზალპინის რესპუბლიკისათვის მიკუთვნებული ტერიტორიები, როგორც „კანონიერი ნადავლი“ ავსტრიის სამხედრო-საოკუპაციო

ხელისუფლებას უნდა დაექვემდებაროს და არა მის ყოფილ პატრონს, რომელმაც იგი თავის დროზე ნებაყოფლობით დაუთმო მტერს.

ავსტრიის მხრივ აშკარა აგრესიის საფრთხემ დააშინა კარდინალთა კოლეგია. მან გადაწყვიტა გაეპროტესტებინა ავსტრიელთა ეს პრეტენზია და რუსეთის იმპერატორისათვის ეთხოვა დახმარება. სათანადო ნაბიჯი გადადგმული იქნა ვენაში აპაის ვენელი ნუნციის მეშვეობით. მან სთხოვა კოლიჩევს, რომელიც მაშინ ფორმალურად რაჭუმოვსკის თანაშემწედ ითვლებოდა, შექმნილი ვითარება ეცნობებინა პავლე I-სათვის და თან პაპის სახელით ეშუამდგომლა მის წინაშე სათანადო დახმარების თაობაზე. მოკლედ, კარდინალთა კოლეგია ითხოვდა რუსეთის იმპერატორის მფარველობას და მის ავტორიტეტულ ზემოქმედებას ვენის მთავრობაზე, რათა ამ უკანასკნელს ხელი აეღო თავის მტაცებელურ განზრახვაზე¹.

პავლე I ენერგიულად გამოესარჩლა რომის პაპს და წინააღმდეგა მისი ტერიტორიის ნაწილის ავსტრიელების მიერ მითვისების განზრახვას, როგორც ჩანს, პავლემ მითითება მისცა რაჭუმოვსკის და კოლიჩევს ენერგიული პროტესტი განეცხადებინათ იტალიის მორიგ ტერიტორიებზე ავსტრიელთა ხელყოფის წინააღმდეგ და მისი სახელით მოეთხოვათ ამ განზრახვაზე ხელის აღება. სამწუხაროდ, წყაროების უქონლობა საშუალებას არ იძლევა ჩავწვდეთ იმ დიპლომატიური შეხლა-შემოხლის არსში, რომელიც ამის თაობაზე გაჩაღდა პეტერბურგსა და ვენას შორის.

ყოველ შემთხვევაში ფაქტია, რომ ავსტრიის მესვეურებმა ამ საკითხშიც დაეინება და რუსი მოკავშირის ინტერესების უგულვებელყოფა გამოიჩინეს. მათ სისრულეში მოიყვანეს თავიანთი მტაცებლური განზრახვა და მოახერხეს, თუმცა მოკლე ხნით, ამ სამი სალევატოს მიტაცება. მაგრამ ეს მოხდა 1800 წლის დასაწყისში, როდესაც რუსეთსა და ავსტრიას შორის ფაქტიურად ყოველგვარი ურთიერთობა შეწყვეტილი იყო.

ჩვენ ხელთ არის კოლიჩევის რელაცია, რომელიც დათარიღებულია 1800 წლის 16/28 აგვისტოთი. რელაცია დაწერილია პრალაში, სადაც ვენიდან რუსეთში მიმავალმა კოლიჩევმა დაჰყო

¹ კოლიჩევის 1799 წლის 20/31 ავლისის რელაცია პავლე I-სადმი, Архив ВПР, ф. „Сношения России с Австрией“, д. 891, лл. 62—63; Д. М и л ю т н и, დასახ. ნაშრ., ტ. 3, გვ. 441.

რამოდენიმე დღე. რელაციაში კოლიჩევი რუსეთის იმპერატორს აცნობებდა პაპის ნუნციუსთან გამართული საუბრის შინაარსს. ამ საუბრის დროს პაპის ნუნციმ ოფიციალურად აცნობა რუსეთის ელჩს, რომ ავსტრიელებმა განახ.არციელეს თავიანთი საწაღელი და უკვე მითვისეს ფერარის, რავენისა და ჰოლონიის სალევატოებით, თანაც დასძინა: ავსტრიის წარმომადგენელმა პაპის ტახტთან მარკიზმა გიზილდიერმა ახალ პაპს (ყოფილ კარდინალ ბელინზონის) აუდიენციის დროს თავის მთავრობის სახელით აუწყა ამ სალევატოების ავსტრიის ხელში გადასვლის ფაქტი. ჩანს, ავსტრიელებმა რუსეთის იმპერატორის პროტექციურებას ანგარიში არ გაუწიეს.

როგორც უკვე აღენიშნავდით, რუსეთსა და ორივე სიცილიის სამეფოს შორის მეტად გულთბილი დამოკიდებულება დაიყარა 1798 წლის მეორე ნახევრიდან, როდესაც ანტიფრანგული კოალიცია ჯერ კიდევ არ იყო გაფორმებული. რუსეთის იმპერატორმა სპეციალური კორპუსი განაწესა ამ სამეფოს ფრანგთა ხელყოფისაგან დასაცავად. თანაც მითითება მისცა უშაკოვს გამოეყო რამოდენიმე გემი ნეაპოლის სამეფოს ზღვის სანაპიროების პატრულირებისათვის (ინგლისის გემებთან ერთად). ცოტა უფრო გვიან რუსეთის დიპლომატიამ ნეაპოლის მეფე ანტიფრანგულ კოალიციაში ჩააბა. ჩვენ სიტყვას არ გავაგრძელებთ იმის შესახებ, რომ რუსეთის იმპერატორის ეს „ზრუნვა“ ნეაპოლის სამეფოს მთლიანობის და ხელუხლებლობის დასაცავად იმ პოლიტიკური და სამხედრო-სტრატეგიული ამოცანებიდან გამომდინარეობდა, რასაც რუსეთი ხმელთაშუა ზღვის აუზში ისახავდა მიზნად „სამხრეთი ჯაქვის“ სახით.

სჩანს, პეტერბურგის სამეფო კარზე ფიქრობდნენ, რომ ავსტრიის სამეფო კარი ანგარიშს გაუწევდა რუსეთ-ნეაპოლის სამეფოს ურთიერთობის მეგობრულ ხასიათს და ნეაპოლის მიმართ არ მიმართავდა იმ პოლიტიკას, რასაც იგი სარდინიის სამეფოსა და პაპის ოლქის მიმართ იყენებდა, მით უფრო რომ ნეაპოლის მეფე მოკავშირეთ ითვლებოდა და კოალიციაში შედიოდა. მაგრამ რუსეთის მთავრობის ვარაუდი არც ამ შემთხვევაში არ გამართლდა. ავსტრიის მთავრობამ არც აქ უღალატა თავის ტრადიციულ პოლიტიკას. ვენაში გადაწყვიტეს ნეაპოლთან ურთიერთობა საკუთარ ეგოისტურ ინტერესებზე აეგოთ.

ავსტრიის მესვეურები აშკარა სიხარულით შეეგებნენ საფრანგეთის არმიის მიერ ნეაპოლის სამეფოს დროებით ოკუპაციას

და დახმარების აღმოჩენის ნაცვლად, რასაც ნეაპოლიდან ავსტრიელებისაგან მოითხოვდნენ, ვენის მთავრობა დაკმაყოფილდა მხოლოდ სიტყვიერი დაპირებით და ერთი გენერლის გაგზავნით. ამ უქანასკნელმა კი ისე „ბრწყინვალედ“ ჩაატარა ოპერაცია ფრანგების წინააღმდეგ, რომ ისინი რამოდენიმე დღეში რომიდან პირდაპირ ნეაპოლში ჩაიყვანა. საერთოდ 1798—1799 წლებში ავსტრიის იმპერატორი მხოლოდ იმას ცდილობდა, რომ ზიანი მიეყენებინა ნეაპოლის სამეფოსათვის.

ნეაპოლში შეუწელებელი ყურადღებით ეკიდებოდნენ ვენის ინტრიგებს, უნდობლობით იყვნენ გამსჭვალულნი მის მიმართ და სიძულვილზე სიძულვილითვე პასუხობდნენ. ამასთან ერთად ნეაპოლის მთავრობა და რუსეთის ნეაპოლელი ელჩი პერიოდულ ცნობებს აწვდიდნენ პეტერბურგს ვენის მთავრობის მტრული აქტების შესახებ ნეაპოლის სამეფოს მიმართ¹. ეს დასმენები კიდევ უფრო აღიზიანებდა პავლე I-ს, ხშირად წონასწორობას უქარგავდა მას და აძლიერებდა მის ანტიავსტრიულ განწყობილებას.

უნდა აღინიშნოს, რომ კოალიციის ერთ-ერთი ხელმძღვანელი — ინგლისი სიმპათიით იყო განწყობილი ავსტრიის ხელისუფალთა ამ დაპყრობითი პრეტენზიებისადმი. კიდევ მეტი: „უბიერი ალბიონი“ აქეზებდა ავსტრიის ამ დაპყრობით პრეტენზიებს და ამდენად ხელს უწყობდა რუსეთ-ავსტრიის წინააღმდეგობათა გამწვავებას.

რაკი ვენასა და ლონდონს შორის „ინტიმური“ ურთიერთობა იყო დამყარებული, ავსტრიის მესვეურები საჭიროდ არ თვლიდნენ დაეფარათ ლონდონელი მოკავშირისათვის თავიანთი გულის ნადები. მათ პერიოდული მოლაპარაკება ჰქონდათ ლონდონის მთავრობასთან იტალიის მიმართ თავიანთი მტაცებლური გეგმების შესახებ. ეს მოლაპარაკება ერთდროულად წარმოებდა როგორც ვენაში ინგლისის ელჩ მინტოსთან, ისე ლონდონში. კარგად იცოდნენ რა რუსეთის შეურიგებლობა მათი დაპყრობითი პრეტენზიებისადმი იტალიის მიმართ, ავსტრიელები საჭიროდ თვლიდნენ ამ მოლაპარაკების წარმატებით დასრულებას და ინგლისის დასტურის მიღებას ამ დაპყრობით გეგმებზე.

ინგლისის საგარეო პოლიტიკის მესვეურებს — პიტსა და გრენვილს სრულიადაც არ გაჰკვირვებიათ ავსტრიის მთავრობის თავხედური ტერიტორიული პრეტენზიები იტალიის სახელმწიფო

¹ Д. М и я т и н, დასახ. ნაშრ., ტ. 3. გვ. 439—441, 197-ე შენიშვნა.

ების მიმართ. მათ ანგლოსაქსური „სილინჯით“ მოისმინეს ავსტრიელთა „დასაბუთებელი“ პრეტენზიები და საკირო შემთხვევაში სათანადო მხარდაჭერაც კი აღუთქვეს მათ. მათ, ამასთან ერთად, მომრიგებელ-შუამავლის როლიც იკისრეს, რათა დაერწმუნებინათ რუსეთი როგორც ავსტრიელთა მოთხოვნების სამართლიანობაში, ისე მათი დაკმაყოფილების საკიროებაში¹.

ინგლისის მმართველი წრეების ასეთი პოზიცია ავსტრიელთა დაპყრობითი ზრახვების მიმართ იტალიის მიწა-წყლის ხარჯზე საფუძველს გვაძლევს დავასკვნათ შემდეგი:

1) ჩვენ ვფიქრობთ, რომ ინგლისის მთავრობის კეთილგანწყობილება ავსტრიელთა დაპყრობითი პრეტენზიებისადმი იტალიის მიმართ არ იყო გულწრფელი; მას მოჩვენებითი და ცბიერი ხასიათი ჰქონდა; 2) იგი წარმოადგენდა დიპლომატიურ თანდს და გაუნაღდებელ თამასუქს, რაც მიზნად ისახავდა ავსტრიის მესვეურთა გულის მოგებას, მათ კოალიციის რიგებში შენარჩუნებას; 3) ანტიფრანგული კოალიციის გამარჯვების შემთხვევაში, როცა ავსტრიის შემდგომი დახმარება საკირო აღარ იქნებოდა, ინგლისი უდავოდ თვით გამოვიდოდა ავსტრიის პრეტენზიების წინააღმდეგ, რადგანაც ამ სახელმწიფოს შემდგომი გაძლიერება იტალიის ხარჯზე ინგლისის სავაჭრო-კოლონიური ინტერესებისა და ევროპის მატერიკზე მოპოვებული არბიტრის როლის სახიანო იქნებოდა.

რა მიზანიც არ უნდა ჰქონოდა სენ-ჯემსის კაბინეტის პოლიტიკას ავსტრიის დაპყრობითი ზრახვების მიმართ, იგი უდაოდ პროოკაციული ხასიათის იყო და ამდენად მუხანათური. ინგლისის ასეთი პოლიტიკა ყალბ ილუზიას ჰბადებდა ვენის სამეფო კარის მესვეურთა შორის, აქეზებდა მათ პრეტენზიებს და ამის შედეგად აწწავებდა რუსეთ-ავსტრიის ურთიერთობას, რაც, თავის

¹ ამ მოლაპარაკების შესახებ კონკრეტულ ცნობას იძლევა კოლიჩევი 1799 წლის 30 ნოემბრის (11 დეკემბრის) რელაციაში პაველ I-სადმი; ამავე საკითხს ეხება მისი 1800 წლის 15/27 მაისის ოელაციაც. ვერძოდ ამ უკანასკნელში გადმოცემულია ცნობები ნეაპოლის ლონდონელი ელჩის მარკიზ ჩიარჩელოს გრენვალთან საუბრის შესახებ. ამ საუბრის ძირითადი თემა იყო ავსტრიის ტერიტორიული პრეტენზიები იტალიის მიმართ. საუბრის დროს გრენვილმა განაცხადა, რომ ინგლისი კეთილგანწყობილებით ეკიდება ავსტრიის ამ მოთხოვნას. Архив ВПР, ф. „Свошешия России с Австрией“, д. 892, л. л. 14—17, 109—112.

მხრივ, აჩქარებდა იმ შენობის დარღვევას, რომლის კედლებშიც თვით ავსტრია იმყოფებოდა¹.

რუსეთის იმპერატორმა, რომლისთვისაც ნათელი გახდა ავსტრიის კოალიციაში ჩაბმის ნამდვილი შოტივები, გადაწყვიტა ნილაბი ჩამოეხადა მისთვის და მისი ნამდვილი ზრახვები გამოემზეურებინა. ამ მიზნის მისაღწევად მან სათანადო მითითებუ მისცა რაზუმოვსკის და დაავალა მას კოლიჩევთან ერთად ემოკმედა და თუგუტისაგან წიელო სრული ცნობები ავსტრიის ტერიტორიული ზრახვების შესახებ.

კოლიჩევმა შეასრულა პავლეს დავალება და ამ საკითხთან დაკავშირებით სპეციალურად ინახულა თუგუტი, თანაც ოფიციალური აუდიენცია მოითხოვა იმპერატორთან. მან სთხოვა თუგუტს წერილობითი ფიქსაცია ავსტრიის ტერიტორიული პრეტენზიებისა, რათა რუსეთის იმპერატორს შესაძლებლობა ჰქონოდა შეესწავლა ამ პრეტენზიების კანონიერება. მაგრამ ვინაიდან ვენაში განზრახვა ჰქონდათ გარკვეულ დრომდე საიდუმლოდ შეენახათ ტერიტორიული გაფართოების ვრცელი პრეტენზიების გეგმა, ამიტომ პავლეს ინიციტივას და მისი ელჩის პრაქტიკულ ნაბიჯებს არავითარი რეალური შედეგი არ მოჰყოლია. ავსტრიის მთავრობამ დელფის მისინიებური პასუხი გასცა რუსეთის ელჩს და რაიმე კონკრეტული გეგმის წარდგენისაგან თავი შეიკავა. ვენაში მხოლოდ აღუთქვეს რუსეთის ელჩს, რომ მომავალში ასეთი სურვილები კონკრეტულად იქნებოდა ჩამოყალიბებული და იგი რუსეთის იმპერატორსაც ეცნობებოდა².

¹ როგორც უკვე იყო აღნიშნული გაცვრით, ავსტრია-რუსეთის ურთიერთობის გაუარესების ერთ-ერთ ფაქტორს გერმანიის პრობლემაც წარმოადგენდა (ბავარიის, ვიურტემბურგის, ბადენის და სხვ.), მაგრამ ამ ნიდაგზე აღმოცენებულ შეხლა-შემოხლაზე აქ სპეციალურად აღარ შეეჩერდებით, რადგან მის შესახებ შრომის რანოდენიმე ადგილას გაცვრით უკვე იყო ნათქვამი.

² ცნობებს ამ მოლაპარაკების შესახებ იძლევა კოლიჩევი პავლე I-სადმი 1799 წლის 24 ოქტომბრის, (4 ნოემბრის), 29 ოქტ. (9 ნოემბრის) და 6/17 ნოემბრის რელაციებში. იხ. Архив ВПР, ф. «Синошения России с Австрией», л. 892, л. л. 43—44. 47—50. 68—69.

მხოლოდ უფრო გვიან, 1800 წლის დასაწყისისათვის, როდესაც ავსტრია-რუსეთის ურთიერთობაში ბლომად დაგროვილმა ფიცხმა მასალამ ბოლო მოუღო მათ შორის არსებულ ნორმალურ ურთიერთობას, როდესაც პავლემ უკან გაიწვია თავისი არმია და ავსტრია ამის შედეგად სრული იზოლაციის საფრთხეში ჩავარდა, მისმა მესვეურებმა „კეთილ ინებეს“ და რუსეთში გასამზავრებლად გამზადებულ კოლიჩევს გააცნეს თავიანთი დაპყრობითი ზრახვები იტალიის მიმართ. იხ. ფ. Мартуе, დასახ. ნაშრ., ტ. 2, გვ. 372.

ავსტრიის მთავრობის დაპყრობითი პრეტენზიების შესახებ ცნობების მიღების სურვილს რუსეთის იმპერატორი უკავშირებდა თავის მეორე განზრახვას: მოეწვია კოალიციაში შემაჯალ სახელმწიფოთა კონფერენცია და იქ „გულთბილ“ ვითარებაში განეხილა როგორც მიმდინარე ანტიფრანგული ომის მიზნები და ამოცანები, ისევე ომის დასრულების შემდეგ ევროპის მოწყობის გეგმებიც. რუსეთის იმპერატორს სურდა ამ კონფერენციაზე გამოეტანა ავსტრიის თუ სხვა ქვეყნების ტერიტორიული პრეტენზიები და იგი მსჯელობის საგნად გაეხადა. რუსეთის მონარქს იმედი ჰქონდა, რომ იგი დიპლომატიურ დამარცხებას აგემებდა ვენელ კოლეგას, გამოააშკარავებდა მის დაპყრობით ზრახვებს და მით მიაღწევდა ამ დაპყრობითი პრეტენზიების ჩაშლას.

პავლე I-ს განზრახული ჰქონდა გათვალისწინებული კონფერენცია მოეწვია პეტერბურგში ან გერმანიის რომელიმე ქალაქში. ფორმალურად კონფერენციას უნდა განეხილა საკითხი ევროპის მონაწილე მდგომარეობისა და იქ პოლიტიკური წონასწორობის აღდგენის საშუალებათა შესახებ¹. თავიანთი მოსაზრებების წამოყენებით, „გულახდილ“ აზრთა გაცვლა-გამოცვლით კონფერენციას უნდა შეემუშავებინა ერთიანი პლატფორმა ევროპის მომავალი „დამშვიდების“ უზრუნველსაყოფად².

რუსეთის იმპერატორს, რომელსაც ეკუთვნოდა კონფერენციის მოწვევის ინიციატივა, მზად ჰქონდა მოქმედების ვრცელი პროგრამა, რომლის ავტორი გრაფი როსტოპჩინი იყო. ამ პროგრამაში ფიქსირებული იყო როგორც რუსეთის თვალთახედვა ომის მიზნებზე და ამოცანებზე, ისე იმ პირობებზე, რომელნიც საფუძვლად უნდა დაედებოდა მომავალ ევროპულ ზავს.

ამ გეგმის ძირითადი მონახაზები მოცემული იყო პავლე I-ის 1799 წლის 15 ოქტომბრის რესკრიპტში ვორონცოვისადმი.

ეს მონახაზებია:

1) ნიდერლანდების შეერთება ჰოლანდიასთან და გაერთიანებულ 17 პროვინციაში შტატპალტერობის დაწესება;

¹ თ. როსტოპჩინის 1799 წლის 25 აგვისტოს წერილი ს. ვორონცოვისადმი. Архив князя Воронцова, ტ. 8, გვ. 233—234.

² 1799 წლის 15 ივლისის რესკრიპტში ვორონცოვისადმი პავლე I, აუწყებდა რა მას კონფერენციის მოწვევის სურვილს, მოითხოვდა მისგან დაესვა საკითხი ინგლისის მთავრობის წინაშე საკუთარი მოსაზრებების წამოყენების შესახებ. იხ. Архив ВПР, ф. „Спошения России с Англией“, д. 507, лл. 57—58.

2) საფრანგეთის ჩაჭრება ძველ ტერიტორიულ საზღვრებში;
3) Status quo ante bellum-ის აღდგენა იტალიის ტერიტორიაზე;

4) Status quo ante bellum-ის აღდგენა გერმანიის იმპერიისაში;

5) პრუსიის მეფისათვის ტერიტორიული კომპენსაციის მიცემა მდინარე რაინის აუზში;

6) ინგლისის მიერ ინდოეთის ორიავე აუზებში იმ ტერიტორიების შენარჩუნება, რომლებიც მას ამ დროისათვის უკვე დაპყრობილი ჰქონდა¹.

როგორც ვხედავთ, რუსეთის იმპერატორი ამ გეგმით „კეთილშობილი რაინდის“ სამოსელში გვევლინება. იგი თითქოს შორს არის დაპყრობითი ზრახვებისაგან და საკომპენსაციო მოთხოვნებისაგან. ამავე დროს ამ გეგმაში ნათლად გამოსჭვივის რუსეთის იმპერატორის დამოკიდებულება ავსტრიის ტერიტორიულ პრეტენზიებისადმი, ის არ ითვალისწინებს არავითარ ტერიტორიულ ცვლილებებს იტალიაში და, მაშასადამე, უარყოფს ავსტრიის პრეტენზიებს.

კონფერენციის მოწვევის წინადადებაზე ავსტრიის იმპერატორმა ნათელი პასუხის გაცემას თავი აარიდა, ვინაიდან უხერხული იყო მისგან კონფერენციის მოწვევის საპირობების აშკარა უარყოფა. ავსტრიის სამეფო კარი დაადგა გათვალისწინებული კონფერენციისადმი საბოტაჟის აოლიტიკას. ვენაში კარგად ესმოდათ თუ რა მიზანს ისახავდა კონფერენციის მოწვევის ინიციატივა, რომელიც პავლეს ეკუთვნოდა და რა ბედი მოელოდა მათ დაპყრობით პრეტენზიებს, თუ ისინი ამ კონფერენციის განხილვის საგანი გახდებოდნენ. ამიტომ იყო, რომ ავსტრიელებმა თავიანთი ტაქტიკით ჩაშალეს გათვალისწინებული კონფერენციის მოწვევის ინიციატივა. გათვალისწინებული კონფერენციის მოწვევის ინიციატივის ჩაშლამ ვენის მთავრობის წყალობით მცირე როლი როდი შეასრულა რუსეთ-ავსტრიის ურთიერთ უნდობლობის ატმოსფეროს კიდევ უფრო გამწვავებაში.

დასასრულ, რუსეთის საგარეო პოლიტიკის მესვეურთა, პირადად კი პავლეს გაბოროტებას ავსტრიის მიმართ ზემოთგანხილულ ფიცხ მასალასთან ერთად იწვევდა ის ცნობები, რომლებიც დიპლომატიურ და სააგენტურო არხებიდან მოდიოდა პეტერ-

¹ Архив ВПР. ф. „Сюжетныя России с Англней“, д. 507, л. 77—79

ბურგში და ეხებოდა ავსტრიის სამეფო კარის სეპარატულ მოლაპარაკებას საფრანგეთთან.

თაქტები ნათელყოფენ, რომ ავსტრიის სამეფო კარი აქაც არაგულწრფელობას და ვერაგობას იჩენდა თავის მოკავშირე რუსეთის მიმართ. მას არ უნდოდა მოესპო საფრანგეთთან შერიგების უკანდასახევეი გზა. საჭირო შემთხვევაში მას სურდა კარები ღია ჰქონოდა და სეპარატული ზავით შეეკროდა თავის დღევანდელ მტერს. უდავოა, ავსტრიასა და საფრანგეთს შორის შესაძლებელი სეპარატული ზავი კამპო-ფორმიოს ახალი ვარიანტი უნდა ყოფილიყო და ამდენად მას უნდა შეეღებოდა ავსტრიის მოკავშირეების. მათ შორის რუსეთის ინტერესებიც.

როგორც წყაროებიდან ჩანს, ავსტრიის დიპლომატია „ნეიტრალური“ ქვეყნების მეშვეობით დროგამოშვებით სინჯავდა ნიადაგს საფრანგეთთან ასეთი ზავის დასადებად. საიდუმლო მოლაპარაკება ავსტრიასა და საფრანგეთს შორის სეპარატული ზავის დასადებად ავსტრიასა და საფრანგეთის დირექტორიის შორის პაშინაც კი წარმოებდა (ესპანეთის წარმომადგენლის მეშვეობით), როდესაც მოკავშირეები სუვოროვის ხელმძღვანელობით ძლევამოსილ ოპერაციებს ეწეოდნენ ფრანგების წინააღმდეგ ჩრდილო იტალიაში¹. რუსეთის დიპლომატია გაფაციცებით აღევნებდა თვალყურს მიპი საექვო მოკავშირის ფარულ მოლაპარაკებას საერთო მტერთან, ამხელდა მის თვალთმაქცობას და ამის შედეგად თანდათანობით რწმუნდებოდა მასთან კავშირის შეუძლებლობაში².

ავსტრიის იმპერატორის, თუგუტის და ავსტრიის მთელი მმართველი ზედაფენის დამოკიდებულება რუსეთისადმი უაღრესად არაგულწრფელი, ვერაგული და თვალთმაქცური იყო. ვენის დიპლომატია ფარულად ისეთ ნაბიჯებს დგამდა, რაც სრულიად შეუთავსებელი იყო მის მიერ აღებულ სამოკავშირეო ვალდებულებებთან. ვენის სამეფო კარი მუდამ იმის ცდაში იყო, რომ როგორმე ზიანი მიეყენებინა რუსეთისათვის და მისთვის ზურგიდან

¹ Д. Милютин, *დასახ. ნაშრ.*, ტ. 3, გვ. 439--441, 197-ე მენიშენა.

² ავსტრიის მთავრობის მტაცებლური ზრახვებისა და სეპარატული ზავის დადების თაობაზე ავსტრიასა და საფრანგეთს შორის წარმოებული მოლაპარაკების შესახებ საინტერესო ცნობებს შეიცავს თ. როსტოპჩინის 1799 წლის 25 აგვისტოთი დათარიღებული წერილი ს. ვორონცოვისადმი. იხ. Архив князя Воронцова, ტ. 8, გვ. 337.

მახვილი ჩაეცა¹. ამაშიც, სხვათა შორის, ჩამარხული იყო მათი ერთ კავშირში არსებობის შემდგომი შეუძლებლობა და თვით ანტიფრანგული კოალიციის ლიკვიდაციის გარდუვალობა.

4. რუსეთ-ინგლისის წინააღმდეგობა მეოცე ანტიფრანგული კოალიციის ჩივბეჭეში

რუსეთ-ინგლისის კავშირი საერთო მტრის წინააღმდეგ ბრძოლაში, როგორც უკვე აღნიშნული იყო, არ შეიძლებოდა ყოფილიყო მტკიცე და ხანგრძლივი. ამას ხელს უშლიდა იმ ამოცანების სხვადასხვაობა, რომელთაც ისინი ისახავდნენ საფრანგეთის წინააღმდეგ ომის დროს. ინგლისი თავისი კონკურენტი სახელმწიფოს განადგურებისათვის, ახალი სამხედრო-საზღვაო ბაზებისა და ტერიტორიებისათვის იბრძოდა. მეფის რუსეთი კი, იმჟამად ევროპაში უშუალო ტერიტორიული გაფართოების ამოცანას არ ისახავდა. იგი დაინტერესებული იყო ევროპაში და ახლო აღმოსავლეთში თავისი გავლენის სფეროების და პოზიციების გაფართოებაში. ეს მისწრაფება კი ინგლისის ინტერესების წინააღმდეგ იყო მიმართული. მათი მიზანსწრაფვა ურთიერთსაწინააღმდეგო ხასიათისა იყო.

რუსეთ-ინგლისის ინტერესთა დაპირისპირება განხილულ ამბებამდე დიდი ხნით ადრე იყო გამოვლენილი. XVIII საუკუნის ორმოციანი წლებიდან ინგლისის საგარეო პოლიტიკაში რუსოფობური ტენდენცია იყო გაბატონებული. ამ ტენდენციის ყველაზე მკაფიო წარმომადგენელი და გამტარებელი იყო ლორდი უილიამ პიტეი უმცროსი, რომელიც 1783 წლიდან სათავეში ედგა ინგლისის მმართველობას.

¹ ამასთან დაკავშირებით არ შეიძლება არ აღინიშნოს ის ამჟამად მცდარი შეხედულება, რომელსაც რუსეთ-ავსტრიის ურთიერთობის განხილული პერიოდის ურთიერთობის შესახებ ანეითარებს მ. ნ. პოკროვსკი. იგი რუსეთ-ავსტრიის ურთიერთობის გაუარესებაში მეორე ანტიფრანგული კოალიციის პერიოდში ბრალს სდებს რუსეთს, მის დიპლომატიას, პირადად პავლე I-ს და არა ავსტრიის სამეფო კარს. „...კამპანიამ, — წერს იგი (იგულისხმება 1799 წლის კამპანია საფრანგეთის წინააღმდეგ — ვ. დ.) მეტად ცუდი ხსოვნა დატოვა რუსეთის იმპერატორის შესახებ, როგორც მეტად კაპრიზიან და მომთხოვნ მოკავშირეზე, რომელიც უფრო მეტს თხოულობდა, ვიდრე იძლეოდა“. იხ. М. Н. Покровский, *Дипломатия и войны царской России в XIX столетии, Сборник статей*, М., 1923, გვ. 6.

საფრანგეთის რევოლუციამ და რევოლუციური ომების აღმოცენებამ თავისი გავლენა მოახდინა რუსეთ-ინგლისის ურთიერთობაზე. საფრანგეთის წინააღმდეგ ბრძოლაში ჩაბმამ და პირველი ანტიფრანგული კოალიციის ორგანიზატორად გახდომამ ინგლისი აიძულა შეეცვალა გეზი რუსეთის მიმართ. მან, როგორც უკვე დავინახეთ, საჭიროდ მიიჩნია რუსეთთან დაახლოება და მისგან „საზარბაზნე ხორცის“ მიღების მიზნით მასთან კავშირ-მეგობრობის ხელშეკრულება დადო. 1795—1798 წლებში ინგლისის დიპლომატია კიდევ უფრო ცვლის გეზს რუსეთის მიმართ და რუსეთთან ერთად მეორე ანტიფრანგული კოალიციის იდეურ-პოლიტიკური ხელმძღვანელი ხდება.

მაგრამ ინგლის-რუსეთის კავშირ-მეგობრობის ხელშეკრულებებს და მათ ბრძოლას ერთი სამხედრო-პოლიტიკური ბლოკის ფარგლებში არ აღმოუფხვრია ინგლისის უნდობლობა და მტრობა რუსეთის მიმართ. სურდა რა შაქსიმალურად გამოეყენებინა რუსეთის სახელეთო და საზღვაო ძალები თავისი ანგარული მიზნებისათვის, ინგლისი, ამავდროს, შიშით, შურით და გაბოროტებით შესცქეროდა რუსეთის წარმატებას როგორც ხმელეთზე, ისე ზღვაზე. იგი ნზად იყო ყოველგვარი მუხანათობისათვის მიემართა, რათა ხელი შეეშალა რუსეთისთვის. ინგლისის მუხანათური და მტრული პოლიტიკა მის ლეკავშირე რუსეთის მიმართ ყველაზე ნკაფიოდ გამოვლინდა ხმელთაშუა ზღვის აუზში. აღმოსავლეთის საკითხი, რომლის ნიადაგზედაც XVIII საუკუნის მეორე ნახევრიდან ამ ორი სახელწიფოს ინტერესები მიაფრად ეჯახებოდნენ ერთმანეთს, ისევე „წაბორძიკების ქვა“ გაადა მათ ურთიერთობაში 1799—1800 წლებშიაც.

რუსეთ-თურქეთის გაერთიანებული ესკადრის (ვიცე-ადმირალ უნაკოვის სარდლობით) გასვლას ხმელთაშუა ზღვის აუზში ინგლისი გარუგნულად სიხარულით შეეგება. ასევე შეავდა იგი რუსეთ-თურქეთის ურთიერთდამარბებისა და თავდაცვითი კავშირის დადგებას. სინანდვილეში ერთმაც და მეორემაც ინგლისის მმართველ წრეებში ნარლოდ მტრული რეაქცია გამოიწვია.

როდესაც უნაკოვის ესკადრა იონიის კუნძულებისაკენ გაენართა, რათა იგი ფრანგებისაგან გაეწმინდა. ინგლისის დიპლომატიამ და საზღვაო სარდლობამ სცადეს ხელი შეეშალათ მისთვის ამ ანოკანას შესრულებაში. ინგლისის მესვეურები შიშმა შეიბჯრო: ვაი თუ ეს კუნძულები ნართლაც გაანთავისუფლონ ფრანგებიააგან რუსებმა და იქ დამკვიდრდნენო. რუსების დუების მოკიდება ამ წინაწიფლოვან ბაზებში, რაც გაადიდებდა მათ

გაეღწინა თურქეთზე და მთელი ხმელთაშუა ზღვის აუზში, მიუღებელი იყო ინგლისისათვის. თავიანთი გულისჯანდების პირდაპირ გამოაშკარაებდა ინგლისის მესვეურებს არ სურდათ, იგი ხომ ნიღაბის ჩამოხდა იქნებოდა მათთვის. ამიტომ, დასახული განზრახვის სისრულეში მოსაყვანად მათ მათთვის ჩვეული მუხანათური მეთოდები გამოიყენეს.

ინგლისის ხმელთაშუა ზღვის ფლოტის ძირითადი ესკადრის სარდალმა აღმირალმა ნელსონმა, ინგლისის კონსტანტინეპოლელმა ელჩმა სპენსერ-სმიტმა, ინგლისის საგარეო საქმეთა მინისტრმა და ინგლისის სამოქალაქო და სამხედრო თავაყცებმა სცადეს დაერწმუნებინათ „რუსი მეგობრები“ უშაკოვის ესკადრისათვის სხვა დანიშნულების მიცემის საჭიროებაში. მათ სურდათ ეს ესკადრა ეგვიპტის წყლებში გაეგზავნათ და მისთვის ნაპოლეონის არმიისათვის თვალთვალის ფუნქცია დაეკისრებინათ. ამ დროის განმავლობაში კი ნელსონი ფიქრობდა თვით მოეხდინა კორფუსა და იონიის სხვა კუნძულების ბლოკირება. ამ ნაბიჯის პარალელურად, ინგლისელები ფარულად შულსა და უნდობლობას სთესავდნენ რუსეთსა და თურქეთს შორის. ისინი ცდილობდნენ დაერწმუნებინათ პორტა იმაში, რომ უშაკოვის ესკადრის ოპერაციები ხმელთაშუა ზღვის აუზში, კერძოდ იონიის კუნძულების განსათავისუფლებლად, თითქოს უშუალოდ თურქეთის წინააღმდეგ იყო მიმართული.

ამ მხრივ მეტად საინტერესოა ნელსონის 1798 წლის 7 ოქტომბრის წერილი ინგლისის კონსტანტინეპოლელი ელჩის სპენსერ სმიტისადმი. ამ წერილში იგი წერს: „ეგვიპტის შემდეგ განზრახული მაქვს დავიძრა მალტისა, კორფუსა და იონიის სხვა კუნძულებისაკენ. ამიტომ ვიმედოვნებ, რომ რუსეთის ფლოტი განწესებული იქნება აღმოსავლეთში სამყოფად. ხოლო თუ რუსებს ხმელთაშუა ზღვაზე დამკვიდრების შესაძლებლობას ინისცემენ, ეს მეტად საზიანო იქნება პორტასათვის. მალტასთან ნავსადგურის ბლოკადისათვის საჭირო ძალების დატოვების შემდეგ მე თვით გავეშურები ზანტეს, კეფალონიისა და კორფუსაკენ“¹.

ამასვე იმეორებს ნელსონი ცოტა უფრო გვიან გაგზავნილ წერილში სპენსერ-სმიტისადმი. „იმედი მაქვს მალე მოვევლინო კორფუს, ზანტეს და სხვა კუნძულებს, — წერს იგი, — გიგზავნით პროკლამაციებს, რომლებიც მე დავწერე ამ კუნძულების მოსახლე-

¹ Д. М. И. Ю. Т. П. И., დასახ. ნაშრ., ტ. 3, გვ. 103.

ობისათვის; პორტამ უნდა იცოდეს რა დიდ საფრთხეს უქმნის იგი თავის თავს მომავალში, ნებას აძლევს რა რუსებს ფეხი მოიკიდონ კორფუზე. მე იმედი მაქვს, რომ თურქეთი შეეცდება დააკავოს რუსები აღმოსავლეთში¹.

ინგლისელი დიპლომატების და სარდლების ოინებს წარმატება არ ჰქონია. მათ ვერ განახორციელეს თავიანთი მუხანათური ჩანაფიქრი, ვერ აამხედრეს თურქები რუსეთის წინააღმდეგ და ვერ აიძულეს უშაკოვი ხელი აეღო იონიის კუნძულების განთავისუფლების განზრახვაზე. უშაკოვმა თავისი ექსპედიციის თავდაპირველ და მნიშვნელოვან ამოცანად სწორედ იონიის კუნძულების განთავისუფლება მიიჩნია და ენერგიულად მოჰკიდა ხელი ამ ამოცანის სისრულეში მოყვანას.

მაგრამ მაშინაც კი, როდესაც უშაკოვი შეუდგა იონიის კუნძულების განთავისუფლებისათვის ბრძოლას, ინგლისელები ყოველმხრივ ცდილობდნენ ხელი შეეშალათ მისთვის ამ საქმეში. ისინი ცდილობდნენ, რათა რუსეთის მთავრობა, ტამარა და თვით უშაკოვი დაერწმუნებინათ იმაში, რომ იონიის კუნძულების განთავისუფლება მეორეხარისხოვანი ამოცანაა, მისთვის დიდი ძალების დაბანდება უაზროა, რომ მთავარია იტალიის ნაპირების განთავისუფლება, ეგვიპტის წყლების პატრულირება და სხვ.

უნდა აღინიშნოს, რომ ტამარა ფაქტიურად მოექცა ინგლისელთა გავლენის ქვეშ. მან 1798 წლის 31 დეკემბერს წერილი გაუგზავნა უშაკოვს, რომელშიც, ერთი მხრივ, ურჩევდა მას არ მიეღო მხედველობაში ნელსონის და სიდნეი სპიტის რჩევა, მაგრამ ამავე დროს შესაძლებლად მიიჩნევდა ანკონისაკენ ინგლისელთა დასახმარებლად საკმაოდ ძლიერი რაზმის გაგზავნას; და ეს მაშინ, როდესაც კორფუსათვის გადანწყვეტი ბრძოლა იწყებოდა².

უშაკოვმა არც ამ რჩევას გაუწია ანგარიში და ოდნავადაც არ შეასუსტა ის ძალები, რომლებიც კორფუს წყლებში იყო თავმოყრილი. უშაკოვის „ჯიუტობით“ გაჯავრებული ნელსონი, რომელსაც სურდა რუსეთის ესკადრა თავის სარდლობისათვის დაექვემდებარებინა და იგი როგორც იარაღი იქ გამოეყენებინა, სადაც მას სურდა და სადაც რუსეთს არავითარი ინტერესები არ ამოქმედებდა, არ მალავდა თავის აშკარა გულისწყრომას და გაბოროტებას აღნიშნულის გამო.

¹ Д. М я л ю т и н и, დასახ. ნაშრ., ტ. 3, გვ. 104.

² ЦГАДА, ф. Госархив, XX разд., д. 379, л. 190.

„რუსების ქცევა იმაზე უკეთესი არ არის, რასაც მე მოველოდი, — წერს ნელსონი სპენსერ-სმიტს 1798 წლის 27 დეკემბრის (1799 წლის 7 იანვრის) წერილში. მე ვფიქრობ, რომ რუსები თავიანთი ქცევით აიძულებენ თურქებს ზავი დადონ ფრანგებთან¹“. „მე მეზინღებიან რუსები, — წერს იგი მალტის მახლოკირებელ ინგლისის ესკადრის სარდალს კაპიტან ბოლს 1799 წლის 10/21 იანვრის წერილში, — და თუ ეს გეძი გამოგზავნილია მათი ადმირალისაგან კორფუდან, მაშინ ეს ადმირალი არამზადაა“².

ეპატიეებოდნენ რა რუსებს და თურქებს სამოქმედოდ კანდიის (კრეტას) აღმოსავლეთით, ინგლისელები ყოველმხრივ უმტკიცებდნენ მათ, თითქოს ამას მოითხოვდა მოკავშირეთა ინტერესები, პირველ რიგში კი თვით თურქეთის ინტერესები³. სინამდვილეში კი ინგლისი მხოლოდ და მხოლოდ საკუთარი ინტერესებიდან გამომდინარეობდა.

სპენსერ-სმიტისადმი 1798 წლის 6/17 დეკემბრის თარიღით გაგზავნილ წერილში ნელსონი ააშკარავებს იმ რეალურ მოტივს, რომლის გამოც ინგლისელებს არ სურდათ რუსეთის ფლოტის გამოჩენა კანდიის დასავლეთით. ეს მოტივი იყო ინგლისელთა პრეტენზიები ვენეციის ყოფილი კუნძულებისადმი. რუსები რომ არ გამოჩენილიყვნენ ეს კუნძულები დიდი ხანია ჩვენი იქნებოდაო, — წერს გულის ტკივილით ინგლისელი ადმირალი⁴. ამიტომ იყო, რომ ნელსონმა სიზარულის და ალტაცების ნაცვლად აშკარა მწუხარება გამოხატა უშაკოვის ბრწყინვალე ოპერაციების წარმატებით დაგვირგვინებისა და იონიის კუნძულებიდან ფრანგთა განდევნის გამო. მაგრამ მას ძალაუვნებურად უნდა ეცნობებინა ინგლისისათვის ეს მეტად არასასიამოვნო ფაქტი და თვალთმაქცურად უშაკოვისათვის მისალოცი დეპეშაც კი გაეგზავნა კორფუს აღებასთან დაკავშირებით⁵.

¹ The Dispatches and Letters of Vice-Admiral Lord Viscount Nelson, vol. III, London, 1845, გვ. 224.

² იქვე, გვ. 236.

³ ასეთ აზრს ავითარებს, მაგალითად, ნელსონი ვიცე-ადმირალ ყადირბეისადმი 1798 წლის 17 დეკემბრის თარიღით გაგზავნილ წერილში. The Dispatches and Letters of.. Nelson..., გვ. 204.

⁴ იქვე, გვ. 205.

⁵ „Sir!, — წერდა ნელსონი უშაკოვს პალერმოდან 1799 წლის 12/23 მარტს თარიღით გაგზავნილ წერილში. — Most cordially do congratulate your Excellency on the capture of Corfu“. იქვე, გვ. 304.

დიდი რუსი ადმირალი უშაკოვი კარგად ერკვეოდა ინგლისელთა, კერძოდ ნელსონის „მეგობრობის“ ნამდვილ არსში. მან კარგად იცოდა, რომ სინამდვილეში ისინი ცდილობდნენ ხელი შეეშალათ რუსებისათვის და ფარულად მათ საწინააღმდეგო ნაბიჯები გადაედგათ. მისთვის ნათელი იყო, რომ კორფუზე თვით ინგლისელები აცხადებდნენ პრეტენზიას. თავის წერილში, რომელიც მან კორფუდან გაუგზავნა ვ. ტამარას 1799 წლის 5 მარტის თარიღით, უშაკოვი ფარდას ხდის ინგლისელთა ვერაგობას და წერს: ინგლისელები მცირე მეგობრობას გვიწივენ, მათ სურთ ყოველგვარ სერიოზულ საქმეს ჩამოგვაშორონ, ისინი ყოველგვარი ხრიკებით ხელს გვიშლიდნენ კორფუს განთავისუფლებაში. მაგრამ ჩვენ მაინც ჩვენი გავაკეთეთ, კორფუ ავიღეთ. ახლა ჩვენი დახმარება დიდად ესაჭიროება იტალიას და თურქეთის სანაპიროებს ნეაპოლის სამფლობელოში მომძლავრებულ ფრანგებისაგან დასაცავად¹.

რაკი ინგლისელებმა ვერ მოახერხეს თავიანთი განზრახვის აისრულება მოყვანა და ხელი ვერ შეუშალეს რუსეთის ესკადრას კორფუსა და იონიის სხვა კუნძულების დაუფლებაში, მათ ააპიროდ მიიჩნიეს ამის შემდეგ მაინც მაქსიმალურად „დაეტვირთათ“ რუსეთის ფლოტი ოპერაციებით იტალიის სანაპიროებთან და სხვაგან ინგლისელთა სურვილის მიხედვით. მათი განზრახვა აყო ამით დასრულებულიყო რუსეთის ფლოტის მისია ხმელთაშუა ზღვის აუზში. ამ ფლოტის დიდხანს დატოვება იქ, მით უფრო მის მიერ ამ აუზში ხანგრძლივად ფეხის მოკიდება ინგლისელთათვის მიუღებელი იყო. მაგრამ რუსეთის ცარიზმს არავითარი ურვილი არ ჰქონდა სხვისი სათამაშო იარაღი ყოფილიყო და ახვისი ინტერესებისათვის ეგლიჯა ნარი. იგი არ აპირებდა თავისი ფლოტის მოკლე დროში გადაყვანას ხმელთაშუა ზღვიდან უკან შავი ზღვისკენ. იონიის კუნძულები არ იყო რუსეთის ცარიზმის დაინტერესების ერთადერთი ობიექტი ხმელთაშუა ზღვის აუზში. რუსეთი ხომ ლამობდა ფეხის მოკიდებას ხმელთაშუა ზღვის აუზის ცენტრალურ ნაწილში. მას ხომ მალტაზე გაბატონება სურდა. მალტა ინგლის-რუსეთის შეხლა-შემოხლის მორიგი მიზეზი გაიდა.

რუსეთის იმპერატორს, როგორც მალტის რაინდთა ორდენის დიდ მაგისტრს სურდა მონაწილეობა მიეღო კუნძულის ფრანგთაგან

¹ ციტ. ვ. ტარლუს ნაშრომიდან იხ. Е. Т а р л е, Адмирал Ушаков на Средиземном море, გვ. 153.

განთავისუფლებისათვის ბრძოლაში, რათა იქ შემდეგ თავისი გარნიზონი ჩაეყენებინა. მართალია, ინგლის-რუსეთის სამოკავშირეო ხელშეკრულებებში არ იყო სპეციალური პუნქტი მალტის შესახებ, მაგრამ მას ცვლიდა ინგლისის მინისტრის ზეპირი დაპირება¹.

ინგლისის მთავრობის სიტყვიერი დაპირებით დაიწედებული რუსეთის მთავრობა 1798 წლის დასასრულს შეეცადა აქტიურად ემოქმედა მალტის მიმართ თავისი განზრახვის სისრულეში მოსაყვანად, პირველ ყოვლისა, მან ინგლისის მთავრობისაგან მოითხოვა, რომ რუსეთის ფლოტს მონაწილეობა მიეღო მალტის ბლოკირებისა და მისი განთავისუფლებისათვის ბრძოლაში. მალტის განთავისუფლების შემდეგ იქ უნდა გადაესხათ რუსეთის რაზმი საგარნიზონო სამსახურის შესასრულებლად. ვინაიდან ინგლისის მთავრობის მიერ რუსეთის ეს მოთხოვნები არა თუ არ ყოფილა უარყოფილი, არამედ ძირითადში აპრობირებულიც კი იყო, პეტერბურგს მთავრობამ უშაკოვი გაათრთხილა კორფუსა და იონიის სხვა კუნძულების განთავისუფლების შემდეგ რამოდენიმე სამხედრო გემი გამოეყო და მალტის წყლებში გაეგზავნა. ამ გემებს ინგლისის ესკადრასთან ერთად მონაწილეობა უნდა მიეღოთ მალტის ბლოკადაში. გარდა ამისა, როგორც ზემოთ იყო აღნიშნული, რუსეთის მთავრობამ წინასწარ გამოჰყო მალტაზე საგარნიზონო სამსახურისათვის განკუთვნილი რაზმი გრენადერთა სამი ბატალიონისა და 300 არტილერიისტის რაოდენობით, გენერალ-მაიორ ვოლკონსკის მეთაურობით².

მაგრამ ინგლისის მთავრობის დაპირება რუსეთის მიმართ მალტის თაობაზე არ ატარებდა გულწრფელ ხასიათს. იგი წარმოადგენდა გაუნაღდეგელ თამასუქს, რომლის რეალიზაციაზედაც ლონდონში სრულეებითაც არ ფიქრობდნენ. აღნიშნული დაპირება ინგლისის ჩვეულებრივი დიპლომატიური ფანდი იყო. ამ დაპირებით ფიქრობდნენ ინგლისელები რუსეთის მთავრობის გულის მო-

¹ როგორც პავლე I-ის ს. ვორონევისადმი 1799 წლის 16 აპრალს გაგზავნილი რესკრიპტიდან ჩანს ინგლისის ააგარეო საქმეთა მინისტრმა, ლორდმა გრენვილმა. წინადადება წამოაყენა მალტის განთავისუფლების შემდეგ იქ შერეული ინგლ.-რუსეთის გაონიხონი ყაჟალუო ჩაყენებული. იხ. Архив ВОР, ф. „Спошении России с Англичей“, д. 507, лл. 22—25.

² პავლე I-ის 1798 წლის 19 დეკემბრის რესკრიპტში ს. ვორონევისადმი ვრცლად არის საუბარი როგორც ამ რაზმის დანიშნულების, ისე მისი მარშრუტის შესახებ. Архив ВОР, ф. „Спошении России с Англичей“, д. 491, л. 36.

გებას და ამის საფასურში მისგან მაქსიმალური სამხედრო დახმარების მიღებას.

სინაპღვილეთში ინგლისის მპართველებს არ სურდათ წასულიყვნენ რუსეთის მიმართ რაიმე დათმობაზე მალტის საკითხში და მიეღოთ რუსეთის მოთხოვნები. მალტა მათი აგრესიული მისწრაფების ობიექტი იყო; ეს მეტად მნიშვნელოვანი სტრატეგიული პუნქტი მათ თვითონ ესაჭიროებოდათ თავიანთი საზღვრო ბატონობის განსამტკიცებლად ხმელთაშუა ზღვის აუხში და გადამწყვეტი როლის მოსაპოვებლად აღმოსავლეთის საკითხში¹. ინგლისელები უკვე აწარმოებდნენ მალტის ბლოკადას საკუთარი ძალებით. მათ ცხადია, არავითარი განზრახვა არ ჰქონდათ „თანამოზიარე“ ჰყოლოდათ, არ სურდათ რუსები მალტაზე დაეშვათ. მაგრამ ამას ისინი აშკარად ვერ გააკეთებდნენ; მათ არ სურდათ მოკავშირე ქვეყნის გულისწყრომის დამსახურება. ამას შეიძლება მოჰყოლოდა რუსეთის გამოსვლა კოალიციიდან. ამიტომ ინგლისელებს მეტად შოქნილად უნდა ემოქმედათ: სიტყვიერად ნაკისრი ვალდებულების ერთგულად მოეჩვენებინათ თავი, საქმით კი „ობიექტური გარემოებები“ მოემიზებებინათ და მით ჩაეშალათ რუსეთის გეგმები.

ომისათვის, რომ პრაქტიკულად შეუძლებელი გაეხადა უშაკოვის ფლოტის მონაწილეობა მალტისათვის ბრძოლაში, ნელსონმა გადაწყვიტა სხვა ასპარეზი მოენახა მისთვის და იქ მიეჯაჭვა იგი. ეს ასპარეზი იყო სამხრეთი იტალია, კერძოდ ნეაპოლის სამეფო. როგორც პირად წერილებში უშაკოვისადმი, ისე უიტვორტისადმი გაგზავნილ წერილებშიაც აღმირალი ნელსონი დაჟინებით აყენებდა მოთხოვნას, რათა რუსეთის ფლოტი და მალტაზე საგარნიზონო სამსახურისათვის განკუთვნილი სადესანტრო ნაწილი იტალიის სანაპიროსთან ყოფილიყო გამოყენებული. „ჩვენ მოუთმენლად მოველით რუსეთის ჯარის მოსვლას,—წერდა ნელსონი უიტვორტს,— თუ ცხრა ან ათი ათასი კაცი მოვა ჩვენ-

¹ მალტა არავითარ შემთხვევაში არ უნდა დაეთმოს რუსეთს. იგი მეტად მნიშვნელოვანი გამაგრებული ბაზაა — ინდოეთისათვის, ლევიანტსა და იტალიის სამხრეთ ნაწილში გავლენა-კავშირ-ურთიერთობისათვის,—წერდა ლორდი ნელსონი ლორდ ადინგტონს უფრო გვიან, 1803 წლის 2 ივნისის თარიღით გაგზავნილ წერილში. ეს არის იმის აშკარა გამოხატულება, რასაც დიდი ხანია ფიქრობდა ინგლისელი აღმირალი ინგლისის სხვა მესვეურებთან ერთად. იხ. В. А. Хексапдренко, Русские дипломатические агенты в Лондоне в XVIII в., т. 1, Варшава, 1897, გვ. 83.

თან, მაშინ ნეაპოლი ერთი კვირის შემდეგ იქნება განთავისუფლებული და მის იმპერატორობით უდიდებულესობას კეთილი მეფისა და კურთხეული დედოფლის თავიანთ ტახტზე აღმადგენლის დიდების სახელს მოუხვეჭს¹.

უშაკოვის ესკადრის ნეაპოლის სანაპიროებთან დასაბანაკებლად ინგლისელებმა თვით ნეაპოლის მეფეც მოიშველეს. სიცილიის მეფე, — წერდა ნელსონი უშაკოვს 1799 წლის 5 მარტის წერილში მესინიდან, — აგზავნის თქვენთან წერილებს და ნდობით აღჭურვილ პირს, რათა მოგელაპარაკოთ პირადად თქვენ და თურქეთის აღმირალს ამ ოლქში ამჟამად არსებული მდგომარეობის შესახებ და გთხოვოთ, რათა გამოყოთ თქვენი ფლოტის ნაწილი მესინაში გასაგზავნად ამ სახელმწიფოს დასაცავად...².

როგორც უშაკოვისადმი, ისე სხვა პირებისადმი გაგზავნილ წერილებში ნელსონი ერთ აზრს ატარებდა: რუსები უნდა დაესმარონ სიცილიის მეფეს ტახტის დაბრუნებაში და ამისათვის არ დაიშურონ ძალა და ენერჯია. მალტაზე მათ არაფერი ესაქმებათ, რადგანაც იქ უკვე მოქმედებენ ინგლისელები, თანაც ამ კუნძულზე უკვე ფრიალებს ინგლისის და ნეაპოლის სამეფოს აღმები.

ასეთი შინაარსისა იყო, მაგალითად, აღმირალ ნელსონის 1799 წლის 12/23 მარტის წერილი აღმირალ უშაკოვისადმი. მალტა მალე დაგენებდება, წერს ნელსონი ამ წერილში, — ინგლისის და ნეაპოლის სამეფოს აღმები ფრიალებს კუნძულის ყველა ნაწილში, გარდა ქალაქ ლავალეტასი, სადაც მოსაბლეობამ სიცილიის მეფის თანხმობით დიდი ბრიტანეთის მფარველობა აღიარა³.

ამგვარად, რუსებმა სისხლი უნდა დაღვარონ იმისათვის, რომ სიცილიის „გვირგვინოსან მბრძანებელს“ თავისი ტახტი დაუბრუნონ, მალტის საკითხი კი მათ გარეშეც გადაწყვეტილია. კუნძული მის „კანონიერ მფლობელს“ სიცილიის მეფეს დაუბრუნდება, გარდა ლა-ვალეტასი, რომელიც ინგლისის ხელში გადავა და მისი ფლოტის ბაზად იქნება გამოყენებული.

ინგლისელები მზად იყვნენ რუსეთის მიმართ გარეგნული მეგობრობისათვისაც კი ელალატათ და რეპრესიული ზომები მიეღოთ იმ შემთხვევაში, თუ რუსები არაფრად ჩაადგებდნენ მათ „მეგობრულ“ რჩევას და მაინც ნონდომებდნენ კუნძულ მალტაზე დესანტის გადასხმას და იქ რუსეთის აღმის აღმართვას.

¹ E. T a p . i e, დასახ. ნაშრ., გვ. 163.

² იქვე, გვ. 157.

³ Dispatches and Letters of... Nelson..., გვ. 304.

ნელსონს, როგორც უკვე აღვნიშნავდით, წონასწორობა და-
უკარგა უშაკოვის მიერ მალტაზე გემის გაგზავნამ, რომელსაც
ნალტის მოსახლეობისათვის უნდა ჩაეტანა პროკლამაცია პავლე
I-ის (როგორც მალტის ორდენის დიდი მაგისტრის) სახელით.
ამ პროკლამაციით ორდენის ახალი დიდი მაგისტრი კუნძულის
მოსახლეობას ფრანგთა განდევნის შემდეგ თვითმმართველობას
პირადებოდა. მალტის ბლოკადის უფროსის კაპიტან ბოლისადმი
1799 წლის 10 (21) იანვრის თარიღით გაგზავნილ წერილში აღ-
მირალმა ნელსონმა ადმირალი უშაკოვი აღნიშნული გეგმის გაგ-
ზავნის გამო „არამზადის“ ეპითეტით „შეამკო“¹.

ინგლისელი ადმირალი ამასაც არ დასჯერდა. მან განიზრახა
რუსეთი და ნეაპოლის სამეფო ერთი მეორისათვის დაეპირისპი-
რებინა და დაესაბუთებინა ნეაპოლის სამეფოს „უტყუარი“, ფაქ-
ტიურად არ არსებული, უფლება კუნძულ მალტაზე. მან კუნძულის
მოსახლეობის ფრანგთაგან უკვე განთავისუფლებულ ნაწილს გა-
მოუცხადა: თქვენ ნეაპოლის მეფის ხელქვეითები ხართ, რის გა-
მოც რუსეთისადმი სიმპათიის გამოცხადება თქვენი „კანონიერი
ხელმწიფის“ შეუფასებლობა იქნებაო. მანვე კაპიტანი ბოლი გა-
აფრთხილა ეცნობებინა კუნძულის მცხოვრებლებისათვის, რომ
იგი გმობს რუსთა მოქმედებას და შეუწყვეტს მათ სიცილიიდან
და სხვა ადგილებიდან პურის მიწოდებას, თუ გონს არ მოვლენ და
მათი რომელიმე ჯგუფი რუსეთის ალამს აღმართავს მალტაზე. იმ
შემთხვევაში, თუ რუსეთის გემები ან თვით უშაკოვი მალტაზე ჩავი-
დოდნენ, მაშინ ნელსონი ბოლს ავალებდა დაერწმუნებინა რუსე-
თის ადმირალი მალტის კანონიერი მეფის მიმართ მისი ქცევის
ულაზათობაში².

ინგლისის არამეგობრული და მუხანათური დამოკიდებულება
რუსი მოკავშირისადმი ანტიფრანგული კოალიციის შიგნით მხო-
ლოდ ამით არ შემოფარგლულა. ასეთივე დამოკიდებულება გა-
მოავლინეს ინგლისელებმა რუსების მიმართ ნეაპოლსა და რომში
წარმოებული საომარი ოპერაციის დროს.

უშაკოვის ესკადრის ერთი რაზმი მეორე რანგის კაპიტან
სოროკინის სარდლობით იონიის კუნძულების განთავისუფლების
შემდეგ გაგზავნილ იქნა ნეაპოლის სამეფოს სამხრეთი ნაპირები-
საკენ. მის მიზანს შეადგენდა ინგლისელებთან ერთად ნეაპოლის
სამეფოდან ფრანგთა განდევნა.

¹ The Dispatches and Letters of Nelson..., გვ. 236.

² იქვე, გვ. 255—256.

რუსეთის მეზღვაურთა სადესანტო რაზმმა, მეორე რანგის კაპიტან ბელის სარდლობით, რომელიც სოროკინის განკარგულე-ბაში არსებული გემებიდან გადასხმული იქნა ნეაპოლის სამეფოს ტერიტორიაზე, მოკლე დროის განმავლობაში ბრწყინვალე გამარ-ჯვება მოიპოვა, ამ სამეფოს ორი მესამედი სამი კვირის განმავ-ლობაში გაწმინდა ფრანგ დამპყრობლებისაგან და აიღო თვით სატაბტო ქალაქი ნეაპოლი. ამ ხანმოკლე ოპერაციის პროცესში რუსეთის სადესანტო რაზმმა გამოავლინა არა მარტო მაღალი საბრძოლო თვისებები, შეგნებული დისციპლინა, მკვიდრი მოსახ-ლეობისადმი პატივისცემის გრძნობა, არამედ დამარცხებული ფრანგებისა და იარაღაყრილი ნეაპოლელი „იაკობინელებისადმი“ შებრალებაც¹.

ინგლისელებს მონაწილეობა არ მიუღიათ ნეაპოლის განთა-ვისუფლებისათვის წარმოებულ სახმელეთო ოპერაციებში და ეს მძიმე საქმე მარტოდმარტო რუსებს დააკისრეს. ნაცვლად იმისა, რომ ღირსეულად დაეფასებინათ რუს მეზღვაურთა გწირობა და მამაცობა, ინგლისელები შურით აღივსნენ მათ მიმართ. ნელსონმა, ინგლისის ნეაპოლელმა ელჩმა ჰამილტონმა და სხვებმა დაიწყეს ცილისწამებით აღსავსე ცნობების გავრცელება რუსების შესახებ, თანაც ნეაპოლის სამეფოდან ფრანგთა განდევნის და ქალაქ ნეაპოლის განთავისუფლების დამსახურება თვით ნეაპოლელთა რაზმს და მის სარდალს კარდინალ რუფოს მიაწერეს². პირა-დად ნელსონი არ მოერიდა კაპიტულაციის იმ აქტის დარღვევას, რომელსაც ხელი მოაწერეს ფრანგებმა და ნეაპოლელმა რესპუბ-ლიკელებმა, ერთი მხრივ, და რუფომ და რუსეთის სარდლობის წარმომადგენელმა, მეორე მხრივ. ამ ხელშეკრულების დარღვევა კი იმავე ნელსონმა და ინგლისის ფლოტის სხვა უმაღლესმა ოფი-ცრებმა გამოიყენეს იმისათვის, რომ ნეაპოლის სისხლიან რეაქცი-ასთან ერთად უშუალო მონაწილეობა მიეღოთ ფრანგი ტყვეებისა და კაპიტულირებული ნეაპოლელი რესპუბლიკელების ბარბარო-სულ ხოცვა-ჟლეტაში³.

¹ სოროკინის, კერძოდ კი ბელის სადესანტო რაზმის ოპერაციები ვრცლად აქვს აღწერილი ვისკოვატოვს ჩვენს მიერ უკვე დასახელებული წერილების სერიაში: А. Висковатов, Военные происшествия в Неаполитанском Королевстве в 1798—1799 гг., „Славянин“, 1828, ч. 5, гл. 274—286.

² Е. Тарле, დასახ. ნაშრ., გვ. 166—169.

³ იხ. А. Висковатов, დასახ. წერილი, „Славянин“, 1828, ч. 5, гл. 307—312.

ნეპოლიტანიის სამეფოს ფრანგ დამპყრობელთაგან განთავისუფლებისა და წესიერების დამყარების შემდეგ რუსეთის საზღვაო ფეხოსანთა სადესანტო ნაწილი 800 კაცის შემადგენლობით პოლკოვნიკ სკიპორისა და ლეიტენანტ ბალაბინის სარდლობით რომის გასათავისუფლებლად გაემართა (ნეპოლიტანიის მთავრობის დატინებითი მოთხოვნით და უშაკოვის ბრძანებით). ეს რაზმი 1799 წლის 30 სექტემბერს (11 ოქტომბერს) შევიდა „მარადიულ ქალაქში“ და დიდი ალტაცებით იქნა მიღებული ამ ქალაქის მოსახლეობის მიერ, რის შესახებაც ხაზგასმით აღნიშნავდა ლეიტენანტი ბალაბინი თავის მოხსენებით ბარათში უშაკოვისადმი¹. მაგრამ რუსეთის ჯარის რაზმს რომისათვის ბრძოლა არ დასჭირვებია, რადგანაც ამ ქალაქში გამაგრებულმა ფრანგებმა ჯერ კიდევ 16 (27) სექტემბერს მოახდინეს კაპიტულაცია ნეპოლიტანიის არმიის სარდლის მარშალ ბურკარდის და ჩივიტა-ვეკი-აში მდგარი ინგლისის სახაზო გემის კაპიტანის ტრაუბრიჯის წინაშე. ფრანგების კაპიტულაცია არ იყო შედეგი ავსტრიის და ნეპოლიტანიის ჯარების გამარჯვებისა მათზე, პირიქით, ფრანგთა გარნიზონმა გარნიეს სარდლობით რამოდენიმე გამობდომით ქალაქიდან სასტიკი დამარცხება აგემეს გარემომცველ ავსტრიელებს და ნეპოლიტანელებს. ეს კაპიტულაცია გამოიწვია რომში გავრცელებულმა ცნობამ იმის შესახებ, რომ ქალაქს რუსეთის რაზმი უახლოვდებოდა. სწორედ უშაკოვის ფლოტის საზღვაო ქვეითა რაზმის რომთან მიახლოვების შიშმა აიძულა ფრანგები შემდგომ წინააღმდეგობაზე ხელი აეღოთ და მათგანვე არაერთხელ დამარცხებულ მოწინააღმდეგის მიმართ კაპიტულაცია მოეხდინათ, სანამ საშიში ძალა, რუსების სახით, იარაღის მშვეობით აიძულებდა მათ ასეთ კაპიტულაციაზე².

კაპიტულაციის აქტი, რომელზედაც ხელი მოაწერეს ფრანგებმა, უაღრესად ღმობიერი ხასიათის იყო და ამდენად შეღავა-

¹ Е. Т а р л о, დასახ. ნაშრ., გვ. 191.

² „Гарнье утрашен был прибытием сюда эскадры Вашего Императорского Величества, — წერდა რუსეთის საელჩოს მრჩეველი იტალიისკი პავლუს თავის 1799 წლის 4/15 ოქტომბრის რელაციებში, — и приготовлениями, которые под руководством господина адмирала Ушкава делались здесь и от коих он ожидал в скором времени действий против себя. Не дерзая противуставить оружие Вашего Императорского Величества, на море и на суше победоносному, рассудил спасти от оного себя и своих, благовременным удалением“. იხ. Архив ВІІР, ф. „Свошенил Рос-сини с Наполем“, 1799 г., д. 275, л. 61.

თიანი მათთვის. ფრანგებს უფლება ეძლეოდათ გასულიყვნენ „წმინდა ქალაქიდან“ (იარალით და ყველა სახის სხვა ნივთებით, მათ შორის ნაძარცვითაც), და გამგზავრებულიყვნენ ჩივიტა-ვეკიაში. აქედან მათ გადაყვანას საფრანგეთში თვით ინგლისელები და ნეაპოლიტანელები კისრულობდნენ¹. კაპიტულაციის პირობების თანახმად რომის ფრანგთა გარნიზონს საშუალება ეძლეოდა შეენარჩუნებინა მთელი თავისი პირადი შემადგენლობა, საბრძოლო იარაღი და გამოყენებინა იგი ჩრდილო იტალიაში ისევ მოკავშირეთა, პირველ რიგში რუსების წინააღმდეგ საბრძოლველად.

მხედველობაშიც რომ არ მივიღოთ კაპიტულაციის აქტის უალრესად შეღავათიანი პირობები, რაც ფრანგებს რუსეთის არმიის წინააღმდეგ ბრძოლის განახლების შესაძლებლობას აძლევდა, თვით ფაქტი ინგლისელების მიერ ამ აქტზე ხელმოწერისა, რუსეთის არმიის სარღობის მონაწილეობის გარეშე, მუხანათურ აქტს წარმოადგენდა და რუსი მოკავშირის აბუჩად აგდებას ნიშნავდა. ის, რაც ინგლისელებმა რუსების მიმართ რომში ჩაიდინეს არც შემთხვევითი იყო და არც გამონაკლისი. ეს იყო ერთ-ერთი რგოლი იმ არამეგობრული და მუხანათური პოლიტიკის გრძელ ჯაჭვში, რასაც ინგლისელი „მეგობრები“ სისტემატურად აწყობდნენ თავიანთ მოკავშირე რუსეთის მიმართ. თავიანთ ეგოისტურ ინტერესებს, ფარულ ზრახვებსა და ზვიადურ პრესტიჟს ინგლისელები გაცილებით მაღლა აყენებდნენ საერთო სამოკავშირეო საქმეზე, იმ „საღეთო“ საქმეზე, რომელიც თითქოს ამ კოალიციის მიზანს შეადგენდა.

მიუხედავად ზემოაღნიშნულისა, რუსეთ-ინგლისის ურთიერთობა 1799 წლის დასასრულამდე გარეგნულად ისევ მეგობრულ ვითარებაში მიმდინარეობდა. ინგლისის ბევრი ვერაგული აქტი მისი მოკავშირე რუსეთის მიმართ მოხერხებულად იყო შენიღბული; ამ ვერაგობის შესახებ რუსეთში ნხოლოდ ბუნდოვანი წარმოდგენა თუ ჰქონდათ. მაგრამ დროთა განმავლობაში რუსეთ-ინგლისის ურთიერთობაში თანდათან თავს იჩენს ახალ-ახალი ფიციხე მასალა, უფრო მკაფიოდ ვლინდება ინგლისის მესვეურთა რეალური ზრახვები საერთოდ და კერძოდ კი რუსეთის მიმართ. ყოველივე ეს შემდეგში ამზადებს ნიადაგს მათი ურთიერთ გათიშვისათვის.

თავი VIII

**მეორე ანგიჟრანელი კოალიციის დაგლა და რუსეთის მიმდინარე
გამოსვლა. მოგზაობა რუსეთ-საუკრანეთის ურთიერთობაში
(1799 წლის დასასრული. 1800 წლის დასაწყისი)**

1. რუსეთ-ავსტრიის წინააღმდეგობათა უმდგომი გაძწვავება და მათი „თავდაცვითი“ კავშირის გაძწვავება

რუსეთ-ავსტრიის და რუსეთ-ინგლისის ზემოგანხილული წინააღმდეგობა თანდათან ღრმავდებოდა და სულ უფრო და უფრო აშკარა ხასიათს იღებდა. წინააღმდეგობათა ძველ მოტივებს ახალ-ახალი მოტივები მიემატა. ამან შეასუსტა კოალიციის ძალები და განაპირობა მისი დაშლა.

კოალიციის რღვევის პროცესი დაიწყო რუსეთ-ავსტრიის ინტერესთა დაპირისპირების შემდგომი გაღრმავებით, რის ლოგიკურ შედეგსაც მათ შორის ურთიერთობის გათიშვა წარმოადგენდა. აღნიშნულის პარალელურად გაფართოვდა და გაღრმავდა ინგლის-რუსეთის წინააღმდეგობა. წინააღმდეგობათა მთელმა ამ კომპლექსმა, კერძოდ კი იმ ამოცანების გადაუწყვეტელობამ, რომლებსაც მეფის რუსეთი ანტიფრანგულ ომში ისახავდა, აიძულა რუსეთის მთავრობა კავშირი გაეწყვიტა მოკავშირეებთან და ანტიფრანგული კოალიციის შემადგენლობიდან გამოსულიყო.

იმისათვის, რომ ნათელგყოთ რუსეთის საგარეო პოლიტიკაში მოკავშირეების მიმართ შემზადებული გარდატეხა და მისი ფინალური აქტი—რუსეთის გამოსვლა კოალიციიდან, საჭიროდ მიგვა-

ჩნია ცალ-ცალკე გავაანალიზოთ იმ წინააღმდეგობათა ახალი მოტივები, რომელთაც თავი იჩინეს რუსეთ-ავსტრიისა და რუსეთ-ინგლისის ურთიერთობაში 1799 წლის დასასრულისათვის.

რიმსკი-კორსაკოვის დამხმარე კორპუსის გამოყენების საკითხი რუსეთ-ავსტრიის მორიგი შეჯახების მიზეზი გახდა. ამ საკითხშიც რელიეფურად გამოვლინდა ავსტრიის საიმპერატორო კარის მიერ აღებული ანტირუსული კურსი, რუსეთ-ავსტრიის ინტერესთა ღრმა წინააღმდეგობა.

თავის დროზე, როდესაც რიმსკი-კორსაკოვის კორპუსი ჯერ კიდევ არ იყო მისული მისთვის განკუთვნილ საომარ ასპარეზზე (მეფეცარიაში), ავსტრიის მთავრობამ რუსეთისათვის ანგარიშის გაუწევლად, საკუთარი სამხედრო-სტრატეგიული გეგმის შესატყვისად, განიზრახა თვითნებურად გადაეწყვიტა ამ კორპუსის გამოყენების საკითხი. ავსტრიის მინისტრმა თუგუტმა ა. რაზუმოვსკისა და ავსტრიის პეტერბურგელი ელჩის კობენცლის მეშვეობით პეტერბურგის მთავრობის წინაშე დასვა საკითხი, იმის შესახებ, რომ რიმსკი-კორსაკოვის კორპუსი გაეგზავნათ არა შვეიცარიაში, როგორც ამას პოიტიხოვდა ინგლისი (ეს კორპუსი როგორც ცნობილია, ინგლისის სუბსიდიასზე იმყოფებოდა), არამედ გერმანიაში — ქვემო რაინზე სამოქმედოდ. ავსტრიის მთავრობის და ჰოფბურგის გეგმით რუსეთის ამ კორპუსს იქ ფრანგების ხელში მყოფი სიმაგრეების აღება უნდა დაჰკისრებოდა. მაგრამ ავსტრიის მესვეურებმა თავიანთი ეგოისტური განზრახვა მაშინ სისრულეში ვერ მოიყვანეს. მეფის რუსეთის მთავრობა კარგად გაერკვა ავსტრიის მთავრობის განზრახვის არსში. სასტიკი წინააღმდეგობა გაუწია მას¹ და რიმსკი-კორსაკოვის კორპუსი შვეიცარიისაკენ გააგზავნა.

რიმსკი-კორსაკოვის კორპუსის შვეიცარიაში ჩასვლის მომენტისათვის იქ უკვე მიმდინარეობდა აქტიური საომარი ოპერაციები

¹ იხ. თ. როსტოპჩინის 1799 წლის 21 მაისის წერილი ს. ვრონცოვისადმი, Архив князя Воронцова, ტ. 8, გვ. 213. ამ განზრახვას ინგლისმაც გაუწია ენერგიული წინააღმდეგობა. ინგლისს არ სურდა შვეიცარიაში მარტო ავსტრიის ჯარები ყოფილიყო. ინგლისშიაც კარგად იცოდნენ, რომ თუ საფრანგეთის ჯარები შვეიცარიაში დამარცხდებოდნენ და ბუჩოტი და მოედანი იქ ავსტრიის ჯარებს დარჩებოდათ, ავსტრიელები ისევ თვითნებურად მოიქცეოდნენ იქ. როგორც უკვე მოქმედებდნენ ჩრდილო იტალიის განთავისუფლებულ ოლქებში. რიმსკი-კორსაკოვის კორპუსს ხელი უნდა შეეშალა მათთვის ამ ეგოისტური განზრახვის რეალიზაციაში.

მასენას სარდლობით მომქმედ საფრანგეთის არმიასა და ავსტრიის არმიას შორის, რომელსაც თვით ერცჰერცოგი კარლოსი სარდლობდა. თითქოს მოსალოდნელი იყო, რომ ავსტრიის არმია რუსეთის კორპუსის ჩასვლით ისარგებლებდა და საფრანგეთის არმიის წინააღმდეგ ენერგიულ შეტევით ოპერაციებს დაიწყებდა. მაგრამ მოხდა სრულიად საწინააღმდეგო. ვითომდა სამხედრო-სტრატეგიული მოსაზრებით ჰოფკოიგსრატმა ერცჰერცოგ კარლოსს განკარგულება მისცა გამოეყვანა მთელი თავისი ჯარები შვეიცარიიდან და ფრონტის სხვა უბანზე (რაინზე) გადაეყვანა იგი¹.

ჩვენს ხელთ არსებული მასალებიდან ნათლად ჩანს, რომ ავსტრიის მთავრობისა და უმაღლესი სარდლობის ეს გადაწყვეტილება, თუმცა გარეგნულად სამხედრო-სტრატეგიული მოსაზრებით იყო დასაბუთებული, მაგრამ რუსი მოკავშირის მიმართ აშკარა მუხანათურ აქტს წარმოადგენდა. საქმე ისაა, რომ ავსტრიის არმიის შვეიცარიიდან ევაკუაციის შემდეგ შვეიცარიის ფრონტზე ფრანგების პირისპირ მარტო რიმსკი-კორსაკოვის კორპუსი დარჩებოდა. ამ კორპუსს, 27 ათასი მებრძოლის რაოდენობით, წინააღმდეგობა უნდა გაეწია მტრის ჭარბი ძალებისათვის (დაახლოებით 40 ათასი მებრძოლის რაოდენობით), რომელთაც, ამავე დროს, ნიჟიერი და გამოცდილი სარდალი მასენა ედგა სათავეში და ხელთ ეპყრათ შვეიცარიის ყველა მნიშვნელოვანი სტრატეგიული ბაზა. ცხადი იყო, რომ მასენა, რომელიც გაფაცოცებით აღევნებ-

¹ არსებობს დოკუმენტი—პავლე I-ის რესკრიპტი გენერალ რიმსკი-კორსაკოვისადმი (1799 წლის აგვისტოს თარიღით), რომლითაც რუსეთის იმპერატორმა, თითქოს, ბოიწონა ავსტრიის მთავრობის გადაწყვეტილება ავსტრიის ჯარის შვეიცარიიდან ევაკუაციის შესახებ და ამ აპრობაციის შესახებ აცნობა თავის სარდალს. იხ. Д. М. И. Т. И. У., დასახ. ნაშრ., ტ. 3, გვ. 450. აღნიშნულის გამო, თითქოს, არ იყო მოსალოდნელი, რომ ეს ევაკუაცია ამ ორი ქვეყნის ურთიერთობის შემდგომი გაუარესების მორიგი პირობა გახდებოდა. მაგრამ, ჩვენი აზრით, ეს ასე როდია. მართალია, რუსეთის სამეფო ხელისუფლება დაეთანხმა ავსტრიის მთავრობისა და ჰოფკოიგსრატის აღნიშნულ ოპერატიულ გეგმის განხორციელებას, მაგრამ მას არ მიუცია თავისი თანხმობა ავსტრიის მთელი არმიის დაუყოვნებლივ ევაკუაციაზე შვეიცარიიდან. პეტერბურგში დარწმუნებულნი იყვნენ, რომ ეს ევაკუაცია მოხდებოდა ნაწილ-ნაწილ და თანდათანობით, ისიც მხოლოდ მას შემდეგ, რაც რიმსკი-კორსაკოვის კორპუსი მიიღებდა დამხმარე ძალებს ჩრდილო იტალიიდან. მაგრამ ეს ვარაუდი უნიადაგო აღმოჩნდა ავსტრიელთა ევაკუაცია შვეიცარიიდან დაიწყო გაცილებით უფრო ადრე, ვიდრე ამას მოელოდნენ პეტერბურგში, სანამ ჩრდილო იტალიიდან გაგზავნილი ჯარი ჩავიდოდა შვეიცარიაში.

და თვალყურს მოწინააღმდეგის ძალების მოძრაობას და შეტევითის ემზადებოდა, დაუყონებლივ ისარგებლებდა ერცჰერცოგ კარლოსის არმიის ევაკუაციით, მთელი თავისი ძალებით თავს დაატყდებოდა რიმსკი-კორსაკოვის კორპუსს და განადგურებდა მას.

ძლიერ მტერთან მარტოდმარტო დარჩენის პერსპექტივით შეშოთებულმა რიმსკი-კორსაკოვმა პროტესტი განაცხადა და მოითხოვა ავსტრიის ჯარების ევაკუაციის ვადის ან გადადგმა და ამ ჯარების თანდათანობით გაყვანა საომარი ასპარეზიდან, ანდა მისი ნაწილის ადგილზე დატოვება. მოლაპარაკება ავსტრიის ჯარების შვეიცარიიდან გამოყვანის თაობაზე რამოდენიმე კვირის განმავლობაში მიმდინარეობდა ერთსა და იმავე დროს ვენასა და პეტერზბურგში. მოლაპარაკების შედეგად ავსტრიის უნაღლესი სარდლობა თანახმა გახდა რიმსკი-კორსაკოვის კორპუსის დასახმარებლად შვეიცარიაში დაეტოვებინა მხოლოდ ერთი კორპუსი გოტყეს სარდლობით რომელიც მოითვლიდა 20—22 ათას ავსტრიელს და 3000 შვეიცარიელს¹.

1799 წლის 18/29 აგვისტოს ერცჰერცოგ კარლოსის არმიამ დაიწყო შვეიცარიიდან ევაკუაცია, დატოვა რა იქ გოტყეს კორპუსი. ეს გარემოება გახდა რიმსკი-კორსაკოვის ახალი შეშოთებისა და თხოვნა-მუდარის საბაბი. შვეიცარიაში რუსეთის კორპუსისათვის შექმნილი საშიში მდგომარეობა რიმსკი-კორსაკოვისა და გენერალ ტოლსტოის მეშვეობით ცნობილი გახდა რუსეთის იმპერატორისათვის. მან, ამასთან დაკავშირებით თავისი გულისწყრომა ავსტრიელთა მიმართ გამოხატა სუვოროვისადმი 1799 წლის 31 აგვისტოს (11 სექტემბერს) გაგზავნილ რესკრიპტში და იმავე თარიღით გაგზავნილ მეორე რესკრიპტში რიმსკი-კორსაკოვისადმი.

პირველი რესკრიპტით პავლე I საქიროდ მიიჩნევდა: 1) რიმსკი-კორსაკოვს არ ემოქმედა დამოუკიდებლად და არ გადაედგა რაიმე ნაბიჯი სუვოროვის განკარგულების გარეშე; 2) ავსტრიელთა არმიის შვეიცარიიდან გაყვანის შემთხვევაში შეექმნათ იქ *armée intermédiaire* (შუალედი არმია); 3) ყოველივე ეს ეცნობებინათ ვენის სამეფო კარისათვის. პირადად სუვოროვი თავისი არმიით დაძრულიყო შვეიცარიისაკენ, რომ იქ მის ჩასვლამდე რაიმე არასასურველი ამბავი არ მომხდარიყო². პირადად რიმსკი-

¹ Д. Милютин, დასახ. ნაშრ., ტ. 2, გვ. 133; ტ. 3, გვ. 451.

² იქვე, ტ. 2, გვ. 181.

კორსაკოვს პაეღე I მითითებას აძღვედა დაეცადა სუეოროვის განკარგულებისათვის და თავი შეეკავებინა რაიმე სეპარატული ნაბიჯისაგან, რომელსაც შეეძლო ზიანი მიეყენებინა საერთო საქნისათვის¹.

დიდმა რუსმა მხედართმთავარმა, როგორც ცნობილია, ჯეროენად წეათასა რიმსკი-კორსაკოვის კორპუსისათვის შექმნილი საშიში მდგომარეობა შევიცარიასი. ამიტომ მან მის განკარგულებაში არსებული რუსეთის მთელი ძალები ფორსირებული მარშით დაძრა შევიცარიისაკენ. ეს მოხდა 1799 წლის 31 აგვისტოს (11 სექტ.)². ამავე დროს მან სცადა დაერწმუნებინა ავსტრიის სარდალი გადაედო შევიცარიიდან თავისი არმიის ევაკუაცია მანანდე, სანამ სუეოროვი თავისი არმიით ჩავიღოდა შევიცარიასი და რიმსკი-კორსაკოვის არმიას შეუერთდებოდა³. მაგრამ ავსტრიის მთავრობამ და სარდლობამ ერთხელ კიდევ აბუჩად აიგდეს რუსი მოკავშირის სამართლიანი მოთხოვნა და უყურადღებოდ დატოვეს იგი. ერც-ჰერცოგმა კარლოსმა არ დაუცადა სუეოროვის არმიის შევიცარიასი ჩასვლას და აგვისტოს მეორე ნახევარში დაჩქარებით დაიწყო თავისი ჯარების გაყვანა გერმანიაში.

სუეოროვის არმიის ლაშქრობა შევიცარიასი 1799 წლის კამპანიის ერთ-ერთ ყველაზე ბრწყინვალე ეპიზოდს წარმოადგენდა. ამ ლაშქრობით სუეოროვმა და რუსეთის არმიამ ზენიტში აიყვანეს რუსული სანხედრო ხელოვნების სახელი და დიდება. სუეოროვის არმიის გმირულმა გადასვლებმა შევიცარიის მთებსა და გადასასვლელებზე, სენ-გოტარდის „ეშმაკის ხიდის“ ფორსირებამ, მუტენტალის, კლენტალის და სხვა ზღუდეების გადალახვამ და უკანასკნელმა მდგარმა შებრძოლებამ შევიცარიის მთებთან და ვიწრო ხეობებთან შევიცარიიდან გამოსვლის დროს, უკედავყო სუეოროვის სანხედრო გენია, რუსეთის არმიისა და რუსი ჯარისკაცების გმირობა და თავდადება.

მაგრამ ავსტრიელების მიერ ჩადენილმა მუხანათობამ რიმსკი-კორსაკოვის კორპუსის მიმართ თავისი ნაყოფი გამოიღო. საფრანგეთის არმიამ არ დააყოვნა ესარგებლა შევიცარიასი მისთვის შექმნილი ხელსაყრელი ვითარებით. საფრანგეთის არმიის სარდალმა შევიცარიასი გენერალმა მასენამ, რომლისთვისაც ცნო-

¹ Д. М. И. Ю. Т. И. И., დასახ. ნაშრ., ტ. 3, გვ. 431, 213-ე შენიშვნა.

² იქვე, ტ. 2, გვ. 151.

³ იქვე, ტ. 3, გვ. 450, 165-ე შენიშვნა.

ბილი იყო სუფოროვის ფორსირებული მარში შვეიცარიისაკენ, გადაწყვიტა მთელი თავისი ძალებით თავს დასხმოდა რუსეთის კორპუსს და ავსტრიელების გოტცეს კორპუსს სანამ სუფოროვი შესძლებდა მისთვის დახმარების აღმოჩენას. 1799 წლის 14—15 (25—26) სექტემბრის სასტიკ ბრძოლებში საფრანგეთის არმიამ სერიოზული დამარცხება აგემა ციურიხთან დაბანაკებულ რიმსკი-კორსაკოვის კორპუსს და გოტცეს კორპუსს ერთსა და იმავე დროს. ამ კორპუსებმა, განიცადეს რა დიდი ზარალი, სასწრაფოდ უკან დაიხიეს რაინის მიწართულებით (სამხრეთ გერმანიაში). ეს მოხდა სწორედ იმ დღეებში, როდესაც სუფოროვი თავისი ჯარით „ეშმაკის ხიდის“ მისადგომებთან იბრძოდა და რიმსკი-კორსაკოვის დასახმარებლად მიიჩქაროდა.

რუსეთის მთავრობამ რიმსკი-კორსაკოვის კორპუსის დამარცხებისა და სუფოროვის არმიის მიერ შვეიცარიაში განცდილი სიძნელეებისათვის (რის შედეგსაც წარმოადგენდა მოკავშირეთა სამხედრო-სტრატეგიული გეგმის განუხორციელებლობა და შვეიცარიის პლაცდარმის ფრანგების ხელში გადასვლა) მთელი პასუხისმგებლობა, სავსებით სამართლიანად, ავსტრიის სამეფო კარს და მის ჰოფკრივისკრატს დააკისრა.

ციურიხის ბრძოლის შესახებ ცნობის მიღებამ პეტერბურგში¹ მძლავრი გაქანება მისცა იქ უკვე დეხმოკიდებულ ანტიავსტრიულ განწყობილებას. ამ განწყობილებას კარგად გამოხატავს პავლე I-ის 1799 წლის 11/22 ოქტომბრით დათარიღებული წერილი ავსტრიის იმპერატორ ფრანც II-სადმი. ამ წერილში პავლე I ავსტრიის მთავრობის საქციელს უწოდებს თვალთმაქცურს და მუხანათურს, ვინაიდან, მისი შეხედულებით, იგი ევროპის ხსნის საქმეს მსხვერპლად სწირავს ავსტრიის იმპერიის გაფართოების სურვილს. დასასრულ, ამ წერილში პავლე I კატეგორიული ტონით აცხადებდა, რომ ამიერიდან მას განზრახვა აქვს მხოლოდ რუსეთის ინტერესების შესაბამისად იმოქმედოს და ხელი აიღოს მასთან, ე. ი. ავსტრიის სამეფო კართან ერთობლივ მოქმედებაზე².

¹ თუმცა ა. რახუმოვსკი თავის 1799 წლის 26 სექტემბრის რელაციიაში პავლე I-სადმი და იმავე თარიღით გაგზავნილ წერილში სუფოროვისადმი ყოველმხრივ ცდილობდა გაეშარტლებინა ვენის სამეფო კარი და ერცჰერცოგი კარლოსი და მოეხსნა მათთვის პასუხისმგებლობა ციურიხთან განცდილი დამარცხებისათვის. Д. М. И. Ю. Т. И. И., დასახ. ნაშრ., ტ. 3, გვ. 552.

² ЦГВИА, ф. 43, д. 1619, л. 1. Д. М. И. Ю. Т. И. И., დასახ. ნაშრ., ტ. 3, გვ. 552; ф. Мартенс, დასახ. კრებ., ტ. 2, გვ. 371.

რიმსკი-კორსაკოვის კორპუსის საკითხი, სინამდვილეში იმ მიზანდასახულობისა და სამხედრო-სტრატეგიული გეგმების სსვა-დასხვაობის მორიგი გამოხატულება იყო, რომელიც მეფის რუსეთსა და ავსტრიის სამეფო კარს ჰქონდათ დასახული. რუსეთს სურდა ავსტრიას და მის სარდლობას მოკავშირეთა საერთო გეგმის მიხედვით ემოქმედათ და ეცნოთ რუსეთის უპირატესი როლი საფრანგეთის საწინააღმდეგო ღონისძიებებში. ავსტრიის მთავრობას და სარდლობას კი, პირიქით, სურდათ მოქმედების სრული თავისუფლება ჰქონოდათ და თავი დაეღწიათ რუსეთის არასასურველი „მეურვეობისათვის“. ავსტრიის მთავრობას თვითონ სურდა წამყვანი როლი შეესრულებინა კოალიციაში, რუსეთი კი იარაღად გამოეყენებინა საკუთარი პოლიტიკური და სამხედრო-სტრატეგიული გეგმების რეალიზაციის საქმეში. პეტერბურგში ფიქრობდნენ: ავსტრიელი მოკავშირეები აბუჩად იგდებენ სამოკავშირეო ვალდებულებებს და მუხანათურად იქცევიანო; ვენაში პირიქით, თვით რუსეთს და მის სარდლობას სდებდნენ ბრალს ჯიუტობაში, მოკავშირისათვის ანგარიშის გაუწევლობასა და საკუთარი ინტერესების მალა დაყენებაში.

რიმსკი-კორსაკოვის კორპუსის დამარცხების შთაბეჭდილების ქვეშ რუსეთის სამეფო კარზე პირველად წარმოიშვა აზრი საფრანგეთის წინააღმდეგ ომის შეწყვეტის, ავსტრიასთან ყოველგვარი ურთიერთობის გაწყვეტისა და რუსეთის ჯარის სამშობლოში დაბრუნების შესახებ. პავლეს 11/22 ოქტომბრის რესკრიპტი სუვოროვისადმი¹ და მისივე რესკრიპტი რიმსკი-კორსაკოვისა და პრინც კონდესადმი 21 ოქტომბრის თარიღით ნათლად ადასტურებენ ამ მოსაზრებას².

არსად ისე რელიეფურად არ გამოვლენილა ავსტრიის სამეფო კარის ეგოისტური ზრახვები და მის მიერ რუსეთის ღირსების

¹ „Вы должны были спасти царей; теперь спасите Российских полков и честь вашего Государя“.—წერდა ამ რესკრიპტში პავლე I, მოითხოვდა რა სუვოროვისაგან რუსეთში დაბრუნებისათვის მომზადებას. იხ. Д. М. И. Ю. Т. И. დასახ. ნაშრ., ტ. 2, გვ. 346.

² რუსეთის იმპერატორი რიმსკი-კორსაკოვსა და კონდეს ავალებდა გამოეყვანათ თავიანთი ჯარები უშიშარ რაიონში და მომზადებულიყვნენ რუსეთში დაბრუნებისათვის. იხ. Архив ВОР, ф. „Сношения России с Францией“, д. 1380, лл. 69—70.

რუსეთ-ავსტრიის ურთიერთობის მკვეთრ გაუარესებას ამასთან დაკავშირებით ემსხვერპლა ა. რაზუმოვსკი, რომელიც, როგორც აშკარა ავსტროფილი და თვგუტის მეგობარი, განთავისუფლებულ იქნა გლჩის მოვალეობისაგან და მის ადგილზე კოლიჩევი დაინიშნა.

უგულბელყოფა, როგორც ცნობილ ანკონის კონფლიქტში. ეს კონფლიქტი, ამახთან ერთად, ერთ-ერთი ყველაზე უფრო მწვავე კონფლიქტი იყო იმ კონფლიქტთა შორის, რომლებიც კი რუსეთსა და ავსტრიას შორის წარმოიშვა საფრანგეთის წინააღმდეგ ბრძოლის პროცესში 1799 წელს. 1801 წლის დასაწყისში ამ კონფლიქტმა, რომელიც ქრონოლოგიურადაც ყველაზე უფრო გვიანდელი იყო, ზენიტში აიყვანა რუსეთ-ავსტრიის წინააღმდეგობა, საბოლოოდ ამხედრა პაულე I-ის მთავრობა ავსტრიის სამეფო კარის წინააღმდეგ და დააჩქარა იმ სუსტი საკავშირო ძაფის გაუყვეტა, რომელიც ჯერ კიდევ აკავშირებდა მათ.

ანკონა იტალიის ერთ-ერთი ნავსადგურია ადრიატიკის ზღვის სანაპიროზე. თავისი მოხერხებული გეოგრაფიული მდებარეობით, გამაგრებული ფორტებით და დიდი ფლოტის ტევადობის მქონე რეიდით მას მნიშვნელოვანი ადგილი ეკავა იტალიის მაშინდელ ნავსადგურთა შორის¹. ამიტომ იყო, რომ ფრანგმა დანპრობლებმა, რომელთაც 1797 წლიდან ფეხი მოიკიდეს იტალიაში, სერიოზული ყურადღება მიაქციეს ამ ნავსადგურს, კიდევ უფრო გამაგრეს იგი, ძლიერი გარნიზონი ჩააყენეს შიგ და გამოიყენეს იგი პლაცდარმად იონიის კუნძულებთან და ბალკანეთის სანაპიროსთან ურთიერთობისათვის.

1799 წლის ივნისიდან, როდესაც მეორე ანტიფრანგულმა კოალიციამ იტალია საფრანგეთის წინააღმდეგ ომის ერთ-ერთ ძირითად ბაზად აქცია, დაიწყო ანკონის გარემოცვა მოკავშირეთა მიერ². ავსტრიელთა თხოვნით აღმირალმა უშაქოვმა ივნისის თვეში თავისი ესკადრიდან გამოჰყო რამოდენიმე გემი მეორე რანგის კაპიტან გრაფ ვოინოვიჩის სარდლობით და გააგზავნა ისინი ანკონის წყლებში ამ ნავსადგურის ბლოკადაში მონაწილეობის მისაღებად³. ამ ესკადრამ აქტიური მონაწილეობა მიიღო ანკონის

¹ ა. ვისკოვატოვს თავის სამხედრო-პოლიტიკურ მიმოხილვაში „Военные действия соединенных Российско-Турецких войск под Ахикопою, в 1799 г.“. რომელიც მან მოათქვა ქუზნაღში „Отечественные записки“, 1827 г., № 30, გვ. 96—98, საფუძვლიანად აქვს აღწერილი ანკონა როგორც ნავსადგური და გამაგრებული ბაზა.

² თუმცა სახლგაო ოპერაციები ანკონის წყლებში დაიწყო უფრო ადრე მისის თვიდან. მასში მონაწილეობა იღებდა რუსეთის რამოდენიმე გემი კონტრა-აღმირალ (შეუდგეში ვიცე-აღმირალი—ვ. დ.) პუსტოშკინის მეთაურობით. რომელიც უშაქოვის მიერ მალე იქნა უკან გაწვეული გარკვეულ გარემოებათა გამო. იხ. E. Тарле, Адмирал Ушаков..., გვ. 177—178.

³ იქვე, გვ. 195.

ბლოკადაში, როგორც ზღვაზე ნოქმედებით, ისე სადესანტო ნაწილებით. რუსეთ-თურქეთის გემებმა, ამ გემებით გადასხმულმა სადესანტო რაზმებმა და იტალიელმა კარაბინერებმა ანკონის რამოდენიმე თვის ბლოკადის შედეგად დიდი ზიანი ნიაყენეს მტერს. მაგრამ ანკონის გარნიზონი, მიუხედავად ამისა, მამაც გენერალ მონიეს სარდლობით ჯერ კიდევ განაგრძობდა წინააღმდეგობის გაწევას და კაპიტულაციაზე არ ფიქრობდა¹.

ასეთი იყო მდგომარეობა ანკონასთან 1799 წლის ოქტომბრამდე, როდესაც ამ ქალაქის გარემომცველ მოკავშირეთა ძალებს შეემატა ავსტრიელთა ძლიერი რაზმი (8000 მეტრძ.) გენერალ-ლეიტენანტ ფროელიხის (Fröhlich) სარდლობით.

ავსტრიელთა რაზმის მეთაურმა გენერალმა ფროელიხმა ანკონაში ჩასვლისთანავე რუსების საწინააღმდეგო კურსი აიღო. მან ზედმეტად მიიჩნია რუსების და თურქების რაზმის შემდგომი ყოფნა ანკონასთან. მისთვის ცხადი იყო, რომ ანკონის ბლოკადა დიდხანს აღარ გაგრძელდებოდა, ფრანგების წინააღმდეგობა მალე შეწყდებოდა. ამიტომ მან განიზრახა საკსებით ჩამოეშორებინა რუსები ქალაქის შემდგომი ბლოკადისაგან და ეს საქმე მართო ავსტრიელთა ძალებით მიეყვანა ზოლომდე. ამით მას სურდა ფრანგებზე გამარჯვების სახელი და პატივი ავსტრიელებისათვის მიეწერა, ხოლო რუსები, თურქები და იტალიელი ინსურგენტები არაფრად არ ჩაეგდო. ავსტრიელი გენერალი ასეთ თავხედობას ვერ გაბედავდა, რომ მას წელი არ ჰქონოდა გამაგრებული ზემოდან. სავარაუდოა, რომ გენერალი ფროელიხი წინასწარ სათანადოდ იყო ინსტრუქტირებული ვენიდან. ჰოფკრიგსრატმა მას, ალბათ, მითითება მისცა ისე მოეწყო საქმე ანკონასთან, რომ რუსები და თურქები უკან წასულიყვნენ, როგორც „ზედმეტნი“

მაგრამ რუსებმა კარგად აუღეს ალღო ავსტრიელი გენერლის ვერაგულ განზრახვას². ვოინოვიჩმა კატეგორიული უარი განუცხადა ავსტრიელ გენერალს შეესრულებინა მისი დაუსაბუთებელი მოთხოვნა და თავისი სადესანტო ნაწილები ხმელეთიდან ისევ უკან გემებზე გადაეყვანა. ვინაიდან რუსებმა ნინიშენელოვანი

¹ А. Висковатов, *დასახ. ნარკვ.* „Отечественные записки“ 1827, т. 31, гл. 439—446. 1828, т. 34, гл. 432—464 აქ დეტალურად არის აღწერილი ანკონასთან წარმოებული ომის აღნიშნული ბრძოლები

² „Австрийцы, сожалая, что не могли иметь чести в Риме, всеми мерами и приисками стараются получить верх при взятии Анконы“, — წერდა ვოინოვიჩი უშაკოვს 1799 წლის 17 ოქტომბრის მოხსენებით ბარათში. Е. Тарле, *დასახ. ნაშრ.*, გვ. 196.

მსხვერპლი გაიღეს ანკონისათვის ბრძოლაში და არსებითად კაპიტულაციის პირამდე მიიყვანეს. საზრუნვეთის გარნიზონი, ამიტომ რუს ოფიცერს სავსებით სამართლიანად სურდა ბოლომდე მიეყვანა დაწყებული საქმე და განზრახვა არ ჰქონდა გამარჯვების დაფნის გვირგვინი იმათთვის დაეთმო, რომლებიც ამის ღირსნიც არ იყვნენ.

ავსტრიელმა გენერალმა ხელი მიჰყო თვითნებურ აქტებს. იგი ოდნავადაც ანგარიშს არ უწევდა მოკავშირეებს — რუსებს, თურქებს, იტალიელ ინსურგენტებს და აწარმოებდა გარემოცვის რაიონში იტალიელ სამოქალაქო ხელისუფალთა დანიშვნა-მოხსნას, ეწეოდა მართლმსაჯულებას, აუქმებდა რუსების მიერ გატარებულ ღონისძიებებს რუსების მიერვე განთავისუფლებულ აალო-მახლო დაბა-სოფლებში¹.

ფროელიხის ეს მოქმედება ძალიან წააგავდა ავსტრიელ სამხედრო ხელისუფალთა მოქმედებას იტალიაში. იტალიელებს ავსტრიელები თვლიდნენ არა თავიანთ მოკავშირეებად, არამედ მათ მიერ დაპყრობილი ქვეყნის დამონებულ ქვეშევრდომებად.

თვითნება და დიდი პრეტენზიების მქონე ავსტრიელმა გენერალმა, მის განკარგულებაში არსებული ძლიერი ჯარის მიუხედავად, ოდნავადაც ვერ წასწია წინ ანკონის ბლოკადის საქმე. მის მიერ უსისტემოდ, სათანადო მომზადების გარეშე, მოკავშირეებთან კონსულტაციის გარეშე მოწყობილი იერიში ანკონის სიმაგრეებზე უშედეგოდ დამთავრდა².

გენერალმა ფროელიხამა, დაკარგა რა მარტო ავსტრიელთა ძალებით ფრანგების წინააღმდეგობის დაძლევის იმედი, თანაც არ სურდა რა ესარგებლა რუს მოკავშირეთა დახმარებით, მორიგ მუხანათურ ღონისძიებას მიმართა. მან მოკავშირეების, კერძოდ რუსების, ზურგს უკან ფარული მოლაპარაკება გამართა ანკონის გარნიზონის სარდლობასთან კაპიტულაციის შესახებ³.

რუსების ზურგს უკან წარმოებული მოლაპარაკება მხედველობიდან არ გამოჰპარავია ვოიანოვიჩს. მან ამის შესახებ მაშინვე აცნობა უშაკოვს. უშაკოვმა სცადა თავისი გავლენა გამოეყენებინა

¹ Д. Милютин, დასახ., ნაშრ., ტ. 2, გვ. 456. გენერალმა ფროელიხმა ესეც არ იკპარა, მისი თავბედობა უურო შოუს წავიდა. მან სცადა მკვიდრი მოსახლეობა აემხედრებინა რუსების წინააღმდეგ. მან ანკონის ახლო-მახლო დაბა-სოფლების მცხოვრებნი გააფრთხილა არ დამორჩილებოდნენ რუსების უფროსებს და არ მიეწოდებინათ სურსათ-სანაოკავ მათი გუჰებისათვის. იქვე.

² იქვე, ტ. 2, გვ. 454—456.

³ Е. Тарас, დასახ. ნაშრ., გვ. 196.

და ზემოქმედება მოეხდინა თვითნება გენერალზე, რისთვისაც მასთან ორი რუსი ოფიცერი გაგზავნა მოსალაპარაკებლად. მაგრამ ამ ნაბიჯიდან არაფერი გამოვიდა¹. რუსი ოფიცრები ფროელიხმა არ მიიღო. აღმირალი უშაკოვი ამასაც არ დაჯერდა. მან რამდენიმე წერილი გაუგზავნა გენერალ ფროელიხს, რომლებშიც ხაზგასმით აღნიშნავდა რუსეთის დამსახურებას იტალიის ფრანგთაგან განთავისუფლებისათვის ბრძოლაში, აღნიშნავდა რუსეთ-თურქეთის რაზმის მიერ გაწეულ დიდ წვლილს ანკონის ბლოკადის საქმეში და თვით ფროელიხს და ავსტრიელებს ბრალს სდებდა მოკავშირის უგულვებელყოფაში, მისდამი მუხანათობაში, მტერთან სეპარატულ მოლაპარაკებაში. ექომეგებოდა რა ვოინოვიჩს, როგორც კარგ ოფიცერს, უშაკოვი აფრთხილებდა ავსტრიელ გენერალს არ ჩაედინა სეპარატული აქტი. თუ არ სურდა რუსეთ-ავსტრიის ურთიერთობის შემდგომი გამწვავება და საკითხის რუსეთის იმპერატორის წინაშე დასმა². დასასრულ, 7/18 ნოემბრის თარიღით ვოინოვიჩისადმი გაგზავნილ წერილში აღმირალი უშაკოვი სავსებით იწონებდა მის ტაქტიკას და ავალებდა ენერგიულად და ტაქტით განეგრძო ფროელიხის თვითნებობისათვის წინააღმდეგობის გაწევა³.

მაგრამ ვერც ვოინოვიჩის ენერგიულმა წინააღმდეგობამ და ვერც უშაკოვის ჩარევამ ვერ შეცვალა მდგომარეობა ანკონასთან ავსტრიელმა გენერალმა ბოლომდე მიიყვანა თავისი სეპარატიული მოქმედება და 2/13 ნოემბერს ანკონის გარნიზონის სარდალთან, გენერალ მონიესთან, გააფორმა აქტი ამ ქალაქის კაპიტულაციის პირობების შესახებ, რომლებიც უაღრესად შელავათიანი იყო ანკონის გარნიზონისათვის.

კაპიტულაციის აქტის მიხედვით ანკონის გარნიზონი აქტზე ხელმოწერის მეორე დღეს გამოდიოდა ანკონიდან და მისი ფორტებიდან სამხედრო პარტივის დაცვით (დაფდაფების დაკვრით, დაშვებული დროშებით, ანთებული ჩირალდნებით და ა. შ.) ჯარისკაცები და უნტერ-ოფიცრები ინარჩუნებდნენ თავიანთ ჩანთებს და „პირად“ ნივთებს. იგივე უნტერ-ოფიცრები, გენერლები, სამოქალაქო და სამხედრო მოხელეები ინარჩუნებდნენ თავიანთ იარაღს, „პირად“ ქონებას და ცხენებს. ქალაქიდან გამოსულ ფრანგთა გარნიზონს, რომელსაც უმოკლესი გზით საფრანგეთში

¹ Е. Тарле, დასახ. ნაშრ., გვ. 196.

² Д. Мияютин, დასახ. ნაშრ., ტ. 3, გვ. 607—610.

³ იქვე, გვ. 610—611.

დაბრუნების უფლება ეძლეოდა, საფრანგეთის საზღვრამდე თან უნდა გაჰყოლოდა ავსტრიის დამცველი ესკორტი, ამასთან ერთად, საფრანგეთის გარნიზონის და მისი მეთაურისადმი განსაკუთრებული პატივისცემის ნიშნად („მამაცური თავდაცვის გამო“) გენ. ფროელიხი უნიშნავდა მას საპატიო ყარაულს 15 ცხენოსნის და 30 კარაბინერის შემადგენლობით. გზაში მყოფ გარნიზონის ნაწილების კმაყოფის ვალდებულებას ავსტრიის მთავრობა იღებდა თავის თავზე. ანკონის რეიდზე მყოფი საფრანგეთის გემები, მთელი არტილერია, სხვა იარაღი და საომარი მასალა ავსტრიელების ხელში გადადიოდა და სხე¹.

კაპიტულაციის აქტზე ხელმოწერის მეორე დღეს (3 ნოემბერს) საფრანგეთის გარნიზონი გამოვიდა ანკონიდან და აქტივ გათვალისწინებული ყველა პირობის დაცვით გაემართა საფრანგეთისაკენ. იმავე ღამეს გენერალმა ფროელიხმა, ისევე სეპარატულად, რუსების ზურგს უკან, ევაკუირებულ ქალაქში ავსტრიის ჯარები შეიყვანა. მან ამავე დროს, ბრძანება გასცა რუსები და თურქები ქალაქში არ შეეშვათ².

რუსეთ-თურქეთის ესკადრის და სადესანტო ნაწილების უფროსმა კაპიტანმა ვოინოვიჩმა მკაცრი პროტესტი განუცხადა ავსტრიელ გენერალს თვითნებური მოქმედებისათვის, რუსებისათვის ანგარიშის გაუწევლად მტრისათვის შეღავათიან საკაპიტულაციო აქტზე ხელმოწერისათვის. რაკი ფაქტი უკვე მომხდარი იყო, მან მოითხოვა ფროელიხისაგან გაუქმებულიყო მისი განკარგულება რუსებისა და თურქების ანკონაში არ დაშვების შესახებ. მაგრამ ფროელიხმა ვოინოვიჩის ეს სამართლიანი მოთხოვნა უხეში ფორმით უარყო.

რუსმა ოფიცერმა რუსეთის არმიისა და ფლოტის ღირსების დიდ შელახვად მიიჩნია ავსტრიელი გენერლის განკარგულება. იგი ხომ რუსი მოკავშირის აშკარა დისკრიმინაციას წარმოადგენდა. ამიტომ მან გადაწყვიტა წინააღმდეგობა გაეწია მისთვის. ავსტრიელთა რაზმის ანკონაში შესვლის ღამესვე ვოინოვიჩის განკარგულებით რუსეთ-თურქეთის 5 გემი ანკონის ნავსადგურში ჩავიდა და ხმელეთზე გადასხა რუსეთ-თურქეთის დესანტი. ამ დესანტს

¹ ამ აქტის სრული ტექსტის რუსული თარგმანი იხ. დ. მილიუტინის ნაშრომში, Д. Милютин, დასახ. ნაშრ., ტ. 3, გვ. 612—617.

² Д. Милютин, დასახ. ნაშრ., ტ. 2, გვ. 459; Е. Тарле, დასახ. ნაშრ., გვ. 191.

ვინოვინმა უბრძანა ქალაქში და მის სიმაგრეზე რუსეთის და-
თურქეთის ალამი აღმართათ ავსტრიის ალამთან ერთად¹.

რუსი ოფიცრის ამ განკარგულებამ ავსტრიელი გენერლის
აღშფოთება გამოიწვია. მან უხეშობას მიმართა და ბრძანება გასცა
რუსეთის და თურქეთის ალმები ძალით ჩამოეშვათ, განეიარაღე-
ბინათ ალმების მცველი გუშაგები და, წინააღმდეგობის გაწევის
შემთხვევაში, დაეტუსალებინათ ისინი. ფროელიხის ეს ბრძანება
მოკლე დროში სისრულეში იქნა მოყვანილი ავსტრიელთა რაზმის
მიერ, ავსტრიელი ოფიცრის თანხლებით. ავსტრიელები ამასაც
არ დასჯერდნენ და ძალით გარეკეს რუსი გუშაგები, რომლებიც
საფრანგეთის დატყვევებულ გემებზე იყვნენ დაყენებული².

ავსტრიელი გენერლის ამ თავხედურმა მოქმედებამ, რომე-
ლიც რუსეთის არმიისა და ფლოტის ღირსების უხეშ შებლაღვას
წარმოადგენდა, უდიდესი აღშფოთება გამოიწვია პეტერბურგის
სამეფო კარზე³. პეტერბურგში ისედაც აღშფოთებულნი იყვნენ
ავსტრიის მთავრობის გამომწვევი პოლიტიკით და ათეული ანტი-
რუსული აქტით, ანკონის კონფლიქტმა კი ცეცხლზე ნავთის და-
სხმის როლი შეასრულა. რუსეთის იმპერატორმა თავისი აღშფო-
თება, პირველ ყოვლისა, იმით გამოხატა, რომ ავსტრიის ელჩს
გრაფ კობენცლს კატეგორიულად აუკრძალა სასააღეში გამოჩენა
და ყოველგვარი აუდიენცია მანამდე, სანამ ავსტრიის მთავრობა
ბოდიშს არ მოიხდიდა და არ დააკმაყოფილებდა რუსეთის მთავ-
რობის „სასატიცფაქციო“ მოთხოვნებს აღნიშნულ კონფლიქტთან
დაკავშირებით⁴. ამასთან ერთად, რუსეთის მთავრობამ სასწრაფო
ნითითება მისცა თავის ვენელ ელჩს კოლიჩევს უმოკლეს დროში

¹ ამ ამბების შესახებ დეტალურად მოთხრობილია უშაკოვის 1799 წლის
8/19 ნოემბრით დათარიღებულ რელაციაში პავლე I-სადმი. იხ. Е. Тарле,
დასახ. ნაშრ., გვ. 202—204.

² Д. Милютин. დასახ. ნაშრ., ტ. 3, გვ. 618.

³ ვრცელი ინფორმაცია ანკონის ინციდენტის შესახებ ყველაზე ადრე პავ-
ლემ მიიღო ადმირალ უშაკოვის მეშვეობით (1799 წლის 8/19 ნოემბრის
დასახელებულ რელაციით).

⁴ გრაფი როსტოპჩინი სუვოროვისადმი 1800 წლის იანვარში გაგზავნილ
წერილში წერდა: თუჯუტი კობენცლის მეშვეობით იმპერატორ პავლეს სახელზე
გაგზავნილი წერილით შეეცადა გაგზათილებინა ადმირალ უშაკოვის დასმენის
სისწორე და დაეცვა გენერალი ფროელიხი წაყენებული ბრალდებისაგან „Но
Государь приказал отвечать, что доколе не будет дана совершенная,
сatisfакция, от двора Венского, доколе посол его ко Двору Его Импе-
раторского величества приезда иметь не будет“. იხ. Д. Милютин, დასახ.
ნაშრ., ტ. 3, გვ. 633.

მოეთხოვა ავსტრიის მთავრობისაგან ანკონის კონფლიქტის გამოძიება და დამნაშავეთა სასტიკად დასჯა¹.

ანკონის კონფლიქტის თაობაზე რამოდენიმე კვირის განმავლობაში გრძელდებოდა მიწერ-მოწერა ვენასა და პეტერბურგს შორის. რუსეთის მთავრობა ახალ-ახალ ულტიმატურ მოთხოვნებს უგზავნიდა ავსტრიის მთავრობას: იგი დაეინებით მოითხოვდა გენერალ ფროელიხისა და ანკონის სხვა დამნაშავეთა სასტიკად დასჯას და ამ მოთხოვნის დაკმაყოფილებას უკავშირებდა ავსტრიასთან საკავშირო ურთიერთობის შემდგომი შენარჩუნების საკითხს. ავსტრიაში თავდაპირველად ფიქრობდნენ ჯეროვანი ანგარიში არ გაეწიათ რუსეთის კატეგორიული მოთხოვნისათვის და თავი შეეკავებინათ რუსეთის არმიისა და ფლოტის ღირსების შემლაველთა დასჯისაგან. მაგრამ ვინაიდან რუსეთთან შემდგომი ურთიერთობის განწვევებასაც გაუბობდნენ, ვენის სამეფო კარის მესვეურებმა გადაწყვიტეს ისევ ჩვეული თვალთმაქცობისათვის მიემართათ. მათ სიტყვიერი დაპირება მისცეს კოლიჩევს, რომ მისი მთავრობის მოთხოვნები დაკმაყოფილებული იქნებოდა².

ავსტრიის იმპერატორის, თუგუტის და ვენის სამეფო კარის სხვა მესვეურთა თვალთმაქცობა ცნობილი გახდა რუსეთის მთავრობისათვის, რამაც კიდევ უფრო გააძლიერა პეტერბურგში გაბატონებული ანტიავსტრიული განწყობილება. რუსეთის მთავრობა კობენცლის პეტერბურგიდან გაძევებით და დიპლომატიური ურთიერთობის გაწყვეტით დაემუქრა ავსტრიის მთავრობას იმ შემთხვევაში, თუ იგი ხელს არ აიღებდა თავის ვერაგობაზე და არ შეცვლიდა ეკვეთრად დამოკიდებულებას მოკავშირის მიმართ³.

ავსტრიის მთავრობამ, როდესაც დაინახა, რომ პეტერბურგში არ ხუმრობდნენ და სერიოზული სანქციისათვის ემზადებოდნენ,

¹ კოლიჩევის რელაცია პავლე I-სადმი 1800 წლის 4/15 იანვრის თარიღით. Архив ВПР, ф. „Сношения России с Австрией“, д. 218, лл. 10—11.

² ამის შესახებ იხ. კოლიჩევის 1800 წლის 4/15, 12/23 და 17/28 იანვრის რელაციები პავლე I-სადმი, იგივე. საარქივო ფონდი, საქმე 918, ფურც. 2, 3, 7, 10—11.

³ *доказе дело о Фрелихе сатисфакциєю не будет кончено, до тех пор в случае отзыва посла Кобенцеля, преемник его не будет ко двору... допущен*.—ანობებდა კოლიჩევი ავსტრიის იმპერატორს 1800 წლის 6/18 მარტის რელაციაში. იხ. Архив ВПР, ф. „Сношения России с Австрией“. д. 918, лл. 104—105.

დაშინებულმა უკან დაიხია. ვენაში შეიქმნა სპეციალური სამხედრო სასამართლო კომისია ვიურტემბერგის ჰერცოგ ფერდინანდის თავმჯდომარეობით და 6 სამხედრო პირის შემადგენლობით, რომელშიც რუსეთის წარმომადგენელსაც უნდა მიეღო მონაწილეობა¹.

აღნიშნულმა სამხედრო სასამართლო კომისიამ თებერვლის ბოლოს დაასრულა პროცესი და გამოიტანა შემდეგი დადგენილება: გენერალ-ლეიტენანტი ფროელიხი ცნობილ იქნა დამნაშავედ რუსეთის არმიისა და ფლოტის (და ალამის) შეურაცყოფაში და მოიხსნა სამხედრო სამსახურიდან. დამნაშავე გენერალი რამოდენიმე თანამონაწილესთან ერთად მორიგ სამხედრო სასამართლოს უნდა გაესამართლებინა და მსჯავრი დაედო მისთვის დანაშაულის კვალობაზე².

მიუხედავად იმისა, რომ აღნიშნული ნაბიჯით ავსტრიის საიმპერატორო კარი ფორმალურ დათმობაზე წავიდა და რუსეთის მოთხოვნა დააკმაყოფილა, მის შედეგად ურთიერთობა ამ ორ სახელმწიფოს შორის ოდნევადაც არ გაუმჯობესებულა. ავსტრიის მესვეურებზე გაბოროტებულმა პეტერბურგის სამეფო კარმა ამის შემდეგაც შეინარჩუნა თავისი მტრული განწყობილება ვენის მიმართ. იმდენი ფიცხი მასალა დაკროვდა ამ ორი ქვეყნის ურთიერთობაში, რომ ავსტრიელთა მხრივ უმნიშვნელო დათმობას არ შეეძლო გავლენა მოეხდინა მასზე და საფუძველი ჩაეყარა ჯანსაღი ვითარებისათვის მათ შორის. აქვე უნდა აღინიშნოს, რომ რუსეთის არმიისა და ფლოტის ღირსების აბუჩად აგდების აღმშფოთებელ აქტს ავსტრიელთა მხრივ ანკონასთან დაემატა მათი ასეთივე მოქმედება გენუასთან. ავსტრიის იმ არმიის სარდალმა, რომელიც გენუის ბლოკადას ეწეოდა ხმელეთიდან, გენუალმა კლენაუმ ვიცე-ადმირალ პუსტოშკინს, რომელიც რამოდენიმე გემით 1799 წლის გაზაფხულიდან გენუის ყურეში იმყოფებოდა, სთხოვა დახმარება აღმოეჩინა მისთვის გენუაზე განზრახულ იერიშში. პუსტოშკინმა დააკმაყოფილა ეს თხოვნა და 1799 წლის დეკემბრის პირველ რიცხვებში 200 კაცისაგან შეძღვარი ბატა-

¹ „ვენის საზეფო კარის სურვილით, — წერდა გრაფი თ. ვ. როსტოპჩინი გრაფ ს. რ. ვორონცოვს 1800 წლის 29 იანვრის წერილში, — შეფემ უბრძანა გენერალ-მაიორ მილორადოვიჩს გაემგზავროს ვენაში და დაესწროს სამხედრო საბჭოს, რომელიც შეიკრიბება ანკონის საქმის გამოსარკვევად“. Архив князя Воронцова, т. 8, кз. 271.

² კოლიჩევის ოქლაცია პაულე I-სადმი 1800 წლის 13 მარტის თარიღით. Архив ВПР, ф. „Спошения России с Австрией“, д. 18, лл. 88—91.

ლიონი გადასხა გენუის ყურის ნაპირზე ავსტრიელების დასახმარებლად. მართალია, გათვალისწინებული ერთობლივი იერიში ფრანგთა პოზიციებზე გენუაში მოეწყო, მაგრამ იგი უშედეგოდ დამთავრდა. ფრანგების გარნიზონმა მოიგერია ეს იერიში და დიდი ზიანი მიაყენა თავდამსხმელ მხარეს. ავსტრიელებმა, რომელთაც რუსების ცნობით სამი ათას კაცამდე დაჰქარგეს ტყვეთა და მოკლულთა სახით, უწესრიგოდ დაიხიეს უკან და ლეთის ანაბარად მიატოვეს რუსთა მცირე რაზმი, რომელმაც თავის მხრივ 75 კაცამდე დაქარგა მოკლულთა, დაქრილთა და ტყვეთა სახით. მოკავშირეთა ლაჩრობა-მუხანათობის მიუხედავად ამ რაზმმა მაინც მოახერხა თავის გადარჩენა და ისევ უკან დაბრუნება გემებზე¹

ანკონის ინციდენტმა, განხილული შედეგების მიუხედავად, თავისი საქმე გააყეთა. მან ბიძგი მისცა იმ სუსტი კავშირის საყსებით გაწყვეტას, რომელიც ჯერ კიდევ არსებობდა რუსეთსა და ავსტრიას შორის. რუსეთის მთავრობამ აიძულა ავსტრიის მთავრობა: უკან გაეწვია თავისი ელჩი კობენცლი, თანაც უარი განაცხადა მიეღო მისი შემცველელი. ამ ნაბიჯს მალე მოჰყვა რუსეთის მთავრობის ახალი ნაბიჯი: რუსეთის ელჩს ეენაში კოლიჩევის წინადადება მიეცა გამოეთხოვა პასპორტი, დაეტოვებინა ეს ქალაქი და კარლსბადში გამგზავრებულიყო საჩქურნალოდ².

კოლიჩევა პეტერბურგიდან რესკრიპტის მიღებისთანავე ჩაატარა ვენიდან განგზავრების წინასწარი მზადება და მაისის ბოლოსათვის გამგზავრა დანიშნულ ადგილას. მისი უკანასკნელი რელაციები პეტერბურგში გავზავნილია უკვე გზიდან და კარლსბადიდან და არა ვენიდან.

იმ უკიდურესმა ზომამ, რომელიც პეტერბურგის მთავრობამ ნიილო, მეტად ღრმა შთაბეჭდილება მოახდინა ავსტრიის იმპერატორზე და სასახლის არისტოკრატიაზე, რომლებიც არ მოელოდნენ, რომ საქმე აქამდე მივიდოდა. რუსეთ-ავსტრიის ურთიერთობის სრული გაწყვეტა და რუსეთის კოალიციიდან გამოსვლა მტრად არასასიამოვნო პერსპექტივა იყო ავსტრიისათვის. საფრანგეთის პოლიტიკურ ცხოვრებაში მომადარი ცვლილება თვრამეტი ბრიუმერის სახელმწიფო გადატრიალების სახით და პირველ კონსულ ნაპო-

¹ იხ. Е. Тарле, დასახ. ნაშრ., გვ. 205—206; Д. Милютин, დასახ. ნაშრ., ტ. 2, გვ. 428—431.

² იხ. კოლიჩევის 1801 წლის 5/17 მაისის რელაციაჰავედ I-სადმი. Архив ВПР, ф. «Свошения России с Австрией», д. 919, лл. 61—63.

ლენ ბონაპარტის მზადება რევანშისტული ომისათვის (1799 წლის დამარცხების გამო) სრულიად ახალ ვითარებას ქმნიდა ჰაბს-ბურგთა მონარქიისათვის. ავსტრიის სამეფო კარმა რეალურად შეაფასა მოსალოდნელი საფრთხე; მან განიზრახა შეენარჩუნებინა კავშირი მეფის რუსეთთან, შეენარჩუნებინა რუსეთი კოალიციის რიგებში და მით საფრანგეთთან მომავალ შეჯახებაში ისევ გამოეყენებინა რუსეთის დიდი სამხედრო ძალა.

აღნიშნულის გამო ვენაში უკვე დაგვიანებით, საჭიროდ მიიჩნიეს ანკონის კონფლიქტის საკითხში მაქსიმალურ დათმობაზე წასვლა და ამ კონფლიქტის მთავარი დამნაშავეის გენერალ ფროელიხის მთელი სიმკაცრით დასჯა თანამზრახველებთან ერთად. ავსტრიის იმპერატორმა, ამასთან ერთად, ზვარაკად შესწირა რუსეთის საწინააღმდეგო აქტების ორგანიზატორი ბარონი თუგუტი, რომელიც გადააყენა თავისი თანამდებობიდან. მანვე პეტერბურგში პავლე I-თან ბოდისის მოსახდელად გაგზავნა ავტორიტეტული მისია; პეტერბურგიდან უკან გამოწვეულ კობენცლს კი მითითება მისცა სასწრაფოდ გამგზავრებულიყო კარლსბადს და იქ მყოფი კოლიჩევი დაერწმუნებინა ავსტრიის სამეფო კარის გულწრფელობაში და შეეგულიანებინა იგი აელო თავის თავზე საშუამავლო მისია პეტერბურგის მთავრობასთან¹.

მაგრამ ამაო იყო ყოველივე ეს. ძველი ურთიერთობის აღდგენა რუსეთსა და ავსტრიას შორის შეუძლებელი გახდა. ამ ურთიერთობის აღდგენა ვერ მოახერხა ინგლისმაც, რომელსაც, სურდა რა ევროპის კონტინენტის მოკავშირეები შეენარჩუნებინა კოალიციის რიგებში, არ დაიშურა ენერგია და რუსეთ-ავსტრიის კვლავ დასაახლოებლად მომრიგებელ-შუამავლის „კეთილი სამსახურის“ მისია გასწია.

რევოლუციამდე რუს ისტორიკოსთა უმრავლესობა სუბიექტური მოტივებით ხსნის განხილულ მობრუნებას რუსეთ-ავსტრიის ურთიერთობაში. ამ მხრივ ტიპიურია კ. ვალიშევსკის აზრი. თავის ნაშრომში ვალიშევსკი, ეხება რა რუსეთ-ავსტრიის ურთიერთობის უკიდურესად გამწვავების ფაქტს 1799—1800 წლების მიჯნაზე, მის მიზეზებად ასახელებს არა იმდენად ქეშპარიტად ანგარიშგასაწევ ფაქტორებს, რამდენადაც პირადულ მოტივებს, რუსეთის იმპერატორ პავლე I-ის პირად განწყობილებას, ავსტრიის

¹ იხ. კოლიჩევის 1800 წლის 26 ივნისის (8 ივლისის). 6/18 აგვისტოს და 7/19 სექტემბრის რელაციები პავლე I-სადმი, გაგზავნილი კარლსბადიდან. Архив ВПР. ф. „Сношения России с Австрией“, д. 920, лл. 8—11.

მოწინააღმდეგე დიდგვარიანთა უპირატეს გაველენას მასზე და ა. შ. მაგალითად, მას სჯერა, რომ ალექსანდრა პავლეს ასულის— უნგრეთის პალატინი იოსების მეუღლის — მოულოდნელმა სიკვდილმა (ზოგიერთთა ცნობით იგი მოწამლა ავსტრიის იმპერატორის ფრანც II-ის ცოლმა მარია-ტერეზიამ) და მის შედეგად პავლე I-ის გაბოროტებამ, აგრეთვე გრაფ თ. ვ. როსტოპჩინის საგარეო საქმეთა კოლეგიის ხელმძღვანელობაში ჩადგომამ (რომელიც რუსეთ-ავსტრიის კავშირის მოწინააღმდეგე იყო), განსაზღვრა ახალი ვითარება ამ ორი ქვეყნის ურთიერთობაში და შეაპირობა ნათ შორის კავშირის გაწყვეტა¹.

ჩვენ, რა თქმა უნდა, კატეგორიულად უარყოფთ ვალიშევსკის და რუსეთის თავადაზნაურულ-ბურჟუაზიული ისტორიოგრაფიის სხვა წარმომადგენელთა ამ მოსაზრებას. რუსეთ-ავსტრიის ურთიერთობა, როგორც უკვე აღნიშნული იყო, 1799 წლის მეორე ნახევრის დასაწყისიდანვე უარესდებოდა მთელ რიგ ფაქტორთა შედეგად, რომელთა შორის პოლიტიკური და სამხედრო ხასიათის ფაქტორები წამყვან როლს ასრულებდნენ. ის ფსიქოლოგიური მობრუნება, რომელიც რუსეთის სამეფო კარის განწყობილებაში მოხდა ავსტრიის მიწართ, სწორედ ამ ფაქტორთა მოქმედების ანარეკლს და შედეგს წარმოადგენდა. დარწმუნდნენ რა ავსტრიასთან მეგობრული ურთიერთობის შენარჩუნების შეუძლებლობაში, რუსეთის მთავრობის მესვეურებმა მკვეთრად შეცვალეს თავიანთი პოზიცია და გეზი სწორედ ამ ურთიერთობის გაწყვეტაზე აიღეს.

2. რუსეთის მიერ საზრანგეთის წინააღმდეგ ომზე ხალის აღება. რუსეთ-ინგლისის ურთიერთობის დაზიანება და რუსეთის გამოსვლა მეორე ანტიზრანგული კოალიციიდან

რუსეთ-ავსტრიის ურთიერთობის მკვეთრი გაუარესება არსებითად მოასწავებდა მეორე ანტიფრანგული კოალიციის დაშლას. მაგრამ ფორმალურად ეს კოალიცია მაინც განაგრძობდა არსებობას. რუსეთის ჯარი და ფლოტი მთლიანად არ იყო სამშობლოში დაბრუნებული; რუსეთი ჯერ კიდევ ინარჩუნებდა ურთიერთობას კოალიციის სხვა მონაწილეებთან, კერძოდ კი ინგლისთან. მართალია, ინგლისმაც ბევრი მუხანათობა ჩაიდინა მისი კონ-

¹ К. Вапшевский, დასახ. ნაშრ., გვ. 432—433.

ტინენტელი მოკავშირის, რუსეთის მიმართ, მაგრამ ეს უკანასკნელი გარკვეულ დრომდე მაინც არ აპირებდა მასთან კავშირის გაწყვეტას. პეტერბურგის სამეფო კარს განზრახვაც კი ჰქონდა ინგლისთან ერთად განეგრძო ბრძოლა საფრანგეთის რესპუბლიკის წინააღმდეგ ზღვაზე და ხმელეთზე მანამდე, სანამ კოალიციის წინაშე დასმული ამოცანები არ იქნებოდა გადაწყვეტილი.

ინგლისთან კავშირის შენარჩუნების საჭიროებას რუსეთის ცარიზმის მესვეურებს უკარნახებდა არა მარტო ის გარემოება, რომ მეორე ანტიფრანგული კოალიციის წინაშე დასმული ამოცანები განუხორციელებელი რჩებოდა, არამედ მალტის საკითხიც. მალტის გარემოცვა ისევ გრძელდებოდა და ჯერ კიდევ არ იყო გადაწყვეტილი მისი საბოლოო ბედი. მეფის რუსეთის მესვეურები ხელს არ იღებდნენ თავიანთ პრეტენზიებზე ამ კუნძულის მიმართ. მაგრამ თუ ინგლის რუსეთის კავშირი გაწყდებოდა და რუსეთი კოალიციიდან გამოვიდოდა, მაშინ ამ უკანასკნელს ხელი უნდა აეღო ყოველგვარ იმედებზე მალტის მიმართ. დასასრულ, 1799 წლის მიწურულისათვის ფრონტებზე მომხდარი ცვლილებები ერთგვარ ბიძგს აძლევდა რუსეთის მთავრობას ინგლისთან ერთად ერთხელ კიდევ მოესინჯა ოპერაციების განახლების შესაძლებლობა. ამიტომ იყო, რომ პეტერბურგში, ავსტრიისთან ურთიერთობის ფაქტიური გაწყვეტის მიუხედავად, ჯერ კიდევ ელოლიავებოდნენ ძველ გეგმას და ფიქრობდნენ განეახლებინათ ოპერაციები საფრანგეთის წინააღმდეგ მხოლოდ ინგლისთან და სხვა მოკავშირეებთან ერთად (გარდა ავსტრიისა).

1799 წლის სექტემბერში, როცა რუსეთ-ავსტრიის დაქიმული ურთიერთობა ჯერ კიდევ არ იყო მისული ფინალურ აქტამდე, რუსეთის იმპერატორმა პავლე I-მა 1799 წლის 7 სექტემბრის რესკრიპტით ა. ვ. სუვოროვს აცნობა, რომ განზრახვა აქვს განაგრძოს ბრძოლა საფრანგეთის წინააღმდეგ ინგლისთან ერთად, ავსტრიის მუხანათობის მიუხედავად. პირადად სუვოროვს წინადადება ეძლეოდა საფრანგეთში შეჭრის ახალი გეგმის სისრულეში მოყვანისათვის საჭირო წინასწარ თადარიგს შესდგომოდა¹. რუსეთის მთავრობა, ამასთან ერთად, თანახმა იყო დამატებითი ღონისძიებებიც კი განეხორციელებინა ხმელეთზე და ზღვაზე და დახმარება აღმოეჩინა ინგლისისა და თურქეთისათვის, თუ ამას

Архив ВПР, ф. „Слошения России с Австрией“, д. 883, лл. 59 — 60.

საქიროება მოითხოვდა¹. ჩვენს ხელთ არსებული მასალები ნათელ-
ჰყოფს, რომ ამ ეტაპზე პეტერბურგის სამეფო კარს შესაძლებლად
მიაჩნდა მეგობრული ურთიერთობის აღდგენა თვით ავსტრიასთან-
ნაც, მაგრამ ავსტრიის მიერ გარკვეული წინასწარი პირობის შე-
სრულების შემდეგ: მას უნდა მოენანიებინა მის მიერ „ჩადენილი
ძველი ცოდვები“, გამოესწორებინა თავისი დანაშაული და უფრო
ენერგიულად მოეკიდა ხელი საერთო საქმისათვის, საკავშირო
ვალდებულებათა შესრულებისათვის².

რუსეთის მთავრობის ეს ორკოფული პოზიცია რელიეფურად
არის გამოვლენილი პაულე I-ის შორიგ, 1799 წლის 20 ნოემბრის
რესკრიპტში ა. ვ. სუვოროვისადმი.

ამ თავის რესკრიპტში რუსეთის იმპერატორი ერთვარ სი-
ნანულს გამოთქვამდა იმის გამო, რომ რუსეთის მთავრობა იძუ-
ლებული იყო უკან გაეწვია თავისი ჯარები და ბედის ანაბარად
მიეტოვებინა ავსტრიის სამეფო კარი. აღნიშნავდა რა იმ შიშსა და
შემუთობას, რომელმაც ფეხი მოიკიდა ვენაში რუსეთის ჯარისა
და ფლოტის სამშობლოში დაბრუნების ცნობის გამო, პაულე I
ვენიდან მოელოდა თხოვნას პატიებისა და ძველი კავშირის აღ-
დგენის შესახებ. აღნიშნულის გამო, იგი რუსეთის სახელმძღვანელო
სარდალს აცნობდა რუსეთის მთავრობის განზრახვას მომავლისათვის:

1) ა. ვ. სუვოროვს ნება ეძლეოდა შედგომოდა არმიის რუ-
სეთში დაბრუნებისათვის საჭირო წინასწარ სამზადისს. მაგრამ
თვით უკან დაბრუნება უნდა მომხდარიყო მომავალი, ე. ი. 1800
წლის გაზაფხულისათვის (მარტში);

2) დროის ამ მონაკვეთში სუვოროვს ეკრძალებოდა ყოველ-
გვარი ურთიერთობის დამყარება ავსტრიის ჯარების სარდლო-
ბასთან და მასთან ერთად ან სეპარატულად რაიმე ღონისძიების
ჩატარება;

3) თუ საფრანგეთის არმია ოპერაციებს განაახლებდა და
გერმანიისა და იტალიაში შეიჭრებოდა, სუვოროვს, ისე როგორც
მის უკან საზღვრის გასწვრივ განლაგებული რუსეთის სიფა
არმიებს ევალდებოდათ ხელი შეეშალათ საფრანგეთის არმი-
ისათვის გერმანია-იტალიის დაპყრობაში, ხელი შეეშალათ ავს-
ტრიელებისათვის ნახევარი იტალიის დაპყრობის განზრახვაში,

¹ როსტოპჩინის 1799 წლის 26 ოქტომბრის წერილი ს. რ. ვირონცოვი-
სადმი, Архив князя Воронцова, ტ. 8, გვ. 259.

² როსტოპჩინის 1799 წლის 22 ნოემბრის წერილი ს. რ. ვირონცოვი-
სადმი, Архив князя Воронцова, ტ. 8, გვ. 269.

დაბოლოს, სუვოროვის დახმარება უნდა აღმოჩინა ავსტრიისათვის, თუ ფრანგები მის ჯარებს დაამარცხებდნენ და ვენაზე გალაშქრებას განიზრახავდნენ;

4) ვენის სამეფო კარის დათმობაზე წასვლისა და მის მიერ რუსეთის ყველა მოთხოვნის დაკმაყოფილების შემთხვევაში პავლე I მზად იყო ახალი ზომები მიეღო ფრანგების წინააღმდეგ, მაგრამ მას საჭიროდ მიაჩნდა ემოქმედა დამოუკიდებლად; ლონდონისა და ვენის მთავრობებისაგან კი, პირიქით, ცოთათოვდა თავისი გეგმების შესატყვისად მოქმედებას;

5) ჰოლანდიის ექსპედიციაში მონაწილე რუსეთის ჯარი, რომელიც ნორმანდიის (ჯერსის და გერნსის) კუნძულებზე იყო ევაკუირებული, სხვა ჯარებთან ერთად სამშობლოში უნდა დაბრუნებულიყო, თუ ვითარება არ შეიცვლებოდა. მაგრამ ვითარების წყველის შემთხვევაში ამ ჯარს (გენერალ გრაფ ვიომენილის სარდლობით) ვიცე აღმირალ მაკაროვის ესკადრასთან ერთად უნდა ემოქმედა და საფრანგეთის დასავლეთ სანაპიროზე უნდა გაღამხდარიყო¹;

ავსტრიის მთავრობის მიუხანათურმა პოლიტიკამ რუსეთის მიმართ, ამის შედეგად ამ ორი ქვეყნის ურთიერთობის მკვეთრმა გაუარესებამ და მეორე ანტიფრანგული კოალიციის ფაქტიურმა დაშლამ 1799 წლის დასასრულისათვის, რუსეთის ცარიზმის მსვეურები მიიყვანა სახელმწიფოთა ახალი კავშირ-დაჯგუფებების შექმნის იდეამდე. ახალ კავშირს უნდა შეეცვალა ძირგამოთხრილი კოალიცია და ბოლომდე მიეყვანა მისი ამოცანები. მას, ამასთან ერთად, ხელი უნდა შეეწყო რუსეთის საგარეო პოლიტიკის დღის წესრიგში მდგარი აქტუალური საკითხების გადაწყვეტისათვის. ეს ახალი კავშირი არაპირდაპირი გზით ავსტრიის წინააღმდეგაც უნდა ყოფილიყო მიმართული: მას უნდა აღეკვეთა ავსტრიის მომავალი ინტრიგები, აღეკვეთა საფრანგეთთან ერთად მისი, იტალიისა და გერმანიის წინააღმდეგ; გამოსვლის შესაძლებლობა.

ასეთი კავშირი უნდა ყოფილიყო ჩრდილოეთის კავშირი, რომელშიც, რუსეთის მთავრობის გეგმით, უნდა გაერთიანებული-

¹ Архив ВПР, ф. «Сношения России с Францией», д. 1380, лл. 59—60; Архив князя Воронцова, т. 8, гл. 285. Д. Милютин, დასახ. ნაშრ., ტ. 3, გვ. 622—623. ამასვე იმეორებდა პავლე I ს. გორონცოვისადმი 1799 წლის 21 ნოემბერს გაგზავნილ წერილში. Архив ВПР, იგივე ფონდი და საქმე, ფურც. 62—63; Д. Милютин, დასახ. ნაშრ., ტ. 3, გვ. 623.

ყენენ რუსეთი, ინგლისი, შვეცია, დანია და პრუსია (თუ ეს უკანასკნელი ხელს აიღებდა ნეიტრალიტეტის პოზიციაზე).

სახელმწიფოთა ჩრდილოეთის კავშირის იდეა და დანიშნულება პირველად მკაფიოდ იყო ჩამოყალიბებული იმპერატორ პავლე I-ის პირად წერილში ინგლისის მეფე გეორგ III-სადმი (1799 წლის 15/26 ოქტ. თარიღით)¹.

რუსეთის იმპერატორი ამ წერილით მთელ პასუხისმგებლობას საფრანგეთის რესპუბლიკის წინააღმდეგ მინართულ ღონისძიებათა ჩაზღისათვის ერთხელ კიდევ ავსტრიის მთავრობას აკისრებდა. „ავსტრიის სამეფო კარი, — წერდა იგი, — ზოგაჯეს საფრანგეთს და ატყუილებს თავის მოკავშირეებს იმ ნონენტანდე, სანამ საჭიროდ არ დაინახავს და შესაძლებლობა არ ექნება სენარატული ზავი დადოს საფრანგეთის რესპუბლიკასთან“. „საფრანგეთის არსებული მთავრობის დამბობის დრო გერ კიდევ არ დაედგარა, — წერს იგი ინგლისის მეფეს, — და ჩვენი რუსურსებნი გამოფიტვით ჩვენ ნაოლოდ ავსტრიის სამეფო კარის ზრახვების წარნატებას ვუწყობთ ხელს“. აღნიშნავდა რა იმ საფრთხეს, რომელსაც უფრო მეტად ავსტრია და საფრანგეთი უმზადებდნენ გერმანიას და იტალიას, პავლე I წინადადებას აძლევდა ინგლისის მეფეს მიღებული ყოფილიყო ერთობლივი ზომები მათ წინააღმდეგ და შექმნილიყო ახალი კავშირი რუსეთის, ინგლისის, შვეციის, დანიისა და პრუსიის მონაწილეობით².

ინგლისის მთავრობისაგან პასუხის მიღებამდე რუსეთის მთავრობამ უკვე გადადგა პრაქტიკული ნაბიჯები და ნოლაპარაკება გამართა სტოკჰოლმსა და კოპენჰაგენში განზრახული კავშირის შექმნის თაობაზე. შვეციის და დანიის მთავრობებმა შესაძლებლად სცნეს რუსეთის წინადადების მიღება და სახელმწიფოთა ჩრდილოეთის კავშირში გაერთიანება³.

1799 წლის 29 ოქტომბერს გატჩინოში ხელმოწერილ იქნა რუსეთ-შვეციის საკავშირო ხელშეკრულება⁴. დანიადაც, რომლის ურთიერთობა რუსეთთან 1799 წლის დასასრულისათვის მკვეთრად გაუმჯობესდა, თავისი თანხმობა განაცხადა შეერთებოდა

¹ ვალიშევსკის ახრით ასეთი კავშირის შექმნის იდეა, რომელიც პავლეს უკარნახა ვიკე-კანკლერმა ნ. პ. პანიშმა, რუსეთის საგარეო პოლიტიკურ პრინციპებიდან შორივ გადახვევას წარმოადგენდა. К. В а л и ш е в с к и й, დააბ., ნაშრ., გვ. 420.

² Д. М и х о т и н, დასახ. ნაშრ., ტ. 3, გვ. 619—620, მე-2 შენიშვნა.

³ შ ი ს ი ე, დასახ. ნაშრ., ტ. 2, გვ. 464—465.

⁴ Ф. М а р т о н с, დასახ. ნაშრ., ტ. 7, გვ. 365.

ამ კავშირს, თუ კავშირში გაერთიანებული სახელმწიფოები მის-
ცემდნენ მას მისი ტერიტორიის ხელუხლებლობის გარანტიას¹.

ამის პარალელურად პეტერბურგში საჭიროდ ცნეს ერთხელ
კიდევ მოესინჯათ ნიადაგი ბერლინში და მოემზადებინათ პირობები
პრუსიის სამეფოს აღნიშნულ კავშირში ჩათრევისათვის². რად-
განაჲც პრუსიასთან ნორმალური დიპლომატიური ურთიერთობა
ფაქტიურად მაშინ ლიკვიდირებული იყო, პავლე I-მა საჭიროდ
ჩათვალა პირადი წერილი გაეგზავნა პრუსიის მეფისათვის და წი-
ნადადება მიეცა მისთვის აღდგენილიყო მათ შორის Status quo
aute³. ამავე წერილით პრუსიის მეფეს წინადადება ეძლეოდა შე-
სულიყო განზრახულ ახალ კავშირში და მით დაეცვა გერმანია
საფრანგეთის და ავსტრიის ხელყოფისაგან⁴.

რუსეთის მთავრობა არ დაჯერდა პრუსიის მეფისათვის
წერილის გაგზავნას. პეტერბურგიდან ბერლინს გაიგზავნა დიპლო-
მატი ბარონი ა. კრიუდენერი, რომელიც მანამდე დანიაში
იმყოფებოდა რუსეთის ელჩად. კრიუდენერი ბერლინს იგზავნე-
ბოდა არა ელჩის რანგით, არამედ „უბრალო მოგზაურის“ სახით.
მას არაოფიციალურად უნდა განეხორციელებინა თავისი მისია
და ამ სახით დაემყარებინა ურთიერთობა ბერლინის მთავრობას-
თან. ბერლინში გამგზავრებისას კრიუდენერი აღჭურვეს სათანადო
ინსტრუქციით, რომელშიც ვრცლად იყო განმარტებული, თუ
რა უნდა გაეკეთებინა ამ არაოფიციალურ ელჩს, რათა რუსეთ-
პრუსიის ურთიერთობა მომავალში ჯანსაღ ნიადაგზე აგებუ-
ლიყო⁵.

¹ К. Валишевский, დასახ. ნაშრ., გვ. 420.

² Ф. Мартенс, დასახ. ნაშრ., ტ. 6, გვ. 263—264.

³ Tatistcheff, Paul et Bonaparte, „Nouvelle Revue“, 1887, ტ. 49,
გვ. 255.

⁴ Д. Милютин, დასახ. ნაშრ., ტ. 3, გვ. 620—621.

⁵ Ф. Мартенс, დასახ. კრებული, ტ. 6, გვ. 264. ოფიციალურ ინსტ-
რუქციასთან ერთად ბარონი კრიუდენერი აღჭურვილი იყო არაოფიციალური
ინსტრუქციითაც — დარიგებებით, სიმპათიური მელნით ნაწერი წერილების სა-
ხით, რომელთა ავტორი იყო ვიცე-კანცლერი ნ. პ. პანინი. ეს უკანასკნელი,
როგორც უკვე თავის ადგილას იყო აღნიშნული, თ. ვ. როსტოპჩინის საგარეო
პოლიტიკური ხაზის დაუძინებელი მტერი იყო. როგორც შეურიგებელი ფრან-
გოფობი ნ. პ. პანინი მთელ თავის დიპლომატიურ საქმიანობას იჭყამდა სა-
ფრანგეთის ოესპუბლიკის წინააღმდეგ მძლავრი კოალიციის ორგანიზაციას უკავ-
შირებდა. რუსეთ-პრუსიის კავშირი მას ასეთი კოალიციის მთავარ საფუძვლად
მიაჩნდა. თავის დროზე, როგორც ცნობილია, ასეთი კავშირის შექმნის ცდა
მარცხით დამთავრდა. კრიუდენერის ბერლინში მივლინებამ ისევ გაუღვიძა მას

„უბრალო მოგზაურის“ სახით ბერლინში ჩასული ა. კრიუდენერი ჰაუგეციტან და პრუსიის სხვა მინისტრებთან პირველი საუბრისთანავე დარწმუნდა იმაში, რომ მართალია, მისი ჩასვლა ბერლინში გარეგნულად სასიამოვნოდ დარჩათ, მაგრამ ამავე დროს პრუსიის პოზიციაში არსებითი ცვლილება არ მომხდარა¹. კრიუდენერი დარწმუნდა, რომ ასეთი ცვლილება არც იყო მოალოდნელი, ვინაიდან პრუსიის მთავრობა ისევ ორ მოწინააღმდეგე ბანაკს შორის ლაფირების პოლიტიკას განაგრძობდა და განზრახვა არ ჰქონდა საფრანგეთის წინააღმდეგ გათვალისწინებულ ახალ ღონისძიებებში მიეღო მონაწილეობა². ნეიტრალიტეტის პოზიცია, რომელსაც ასე დაეინებით იცავდა პრუსიის მეფე ამჟამადაც, ე. ი. 1800 წლის დასაწყისისათვისაც. პრუსიის საგარეო პოლიტიკის ქვაკუთხედს წარმოადგენდა. ახალ ვითარებაში, როდესაც საფრანგეთში თერანეტი ბრიუმერის სახელმწიფო გადატრიალება მოხდა, ბერლინში მით უფრო შეუძლებლად მიიჩნევდნენ საფრანგეთის საწინააღმდეგო კურსის აღებას. სწორედ ამიტომ იყო რომ ფრიდრიხ-ვილჰელმ III-მ 1799 წლის დასასრულს, კრიუდენერის მიღების მსგავსად, გარეგნული სიხარულით მიიღო ფრანგი დიპლომატები: გენ. დიუროკი, ხოლო 1800 წელს — გენ. ბერნონვილი³.

მართალია, ა. კრიუდენერის მისია ერთგვარი წარმატებით დანთავრდა და რუსეთ-პრუსიას შორის 1800 წლის 16 ივლისს ააალი ხელშეკრულებაც კი დაიდო, მაგრამ ამ ხელშეკრულებას მნიშვნელოვანი კორექტივი არ შეუტანია ამ ორი სახელმწიფოს ურთიერთობაში. პრუსიას არც ამ ხელშეკრულების შედეგად აუ-

ასეთი კაუშირის შექმნის იმედები. კრიუდენერი ნ. პ. პანინის პოლიტიკის მომხრე და მისი პირადი მეგობარი იყო. ამით აიხსნება, რომ მათ შორის ხშირად ჰქონდა ადგილი კონფიდენციალურ მიწერ-მოწერას. თავის წერილებში, კერძოდ 1799 წლის 23 ოქტომბრის (3 ნოემბრის) წერილში ნ. პ. პანინი დეტალურად აცნობდა თავის მეგობარს ბერლინის ცხოვრებას, სამეფო კარს, მინისტრებს, მათ განწყობილებას და ა. შ. ასეთ წერილებში პავლეუს პიროვნება და საგარეო პოლიტიკა, ისე როგორც თ. ვ. როსტოპჩინის დიპლომატიური საქმიანობა მუქი საღებავებით არის გადმოცემული. იხ. ნ. პ. პანინის 1799 წლის 23 ოქტომბრით (3 ნოემბრით) დათარიღებული წერილი ა. კრიუდენერისადმი. ЦТАДА. ф. Пашиных, д. 367, лл. 1—6; „Материалы“, ტ. 5, გვ. 189—195; ფ. Мартенс, დასახ. კრებ., გვ. 265—266.

¹ Ф. Мартенс, დასახ. კრებ., ტ. 6, გვ. 267.

² Д. Милютин, დასახ. ნაშრ., ტ. 2, გვ. 467.

³ Bailleu, Preussen und Frankreich, ტ. I, გვ. LV, 358, 378.

ლა ხელი ნეიტრალიტეტის პოლიტიკაზე და არ გადაუდგამს მტრული ნაბიჯი საფრანგეთის რესპუბლიკის წინააღმდეგ¹.

რუსეთის სამეფო კარის ახალი დიპლომატიური წამოწყება— ხუთი სახელმწიფოს ჩრდილოეთი კავშირის შექმნა— წარმატებით არ დავერგვინებულა. რუსეთის დიპლომატიის ახალი ნაბიჯის წარუმატებლობაში მთავარი როლი შეასრულა არა პრუსიის მთავრობის აღნიშნულმა პოზიციამ, არამედ დიდი ბრიტანეთის დიპლომატიამ.

დიდი ბრიტანეთის საგარეო პოლიტიკის ქვაკუთხედს ევროპის კონტინენტის მიმართ იმ დროს უკვე ცნობილი ძალაა წონასწორობის პრინციპი წარმოადგენდა.

აღნიშნული პოლიტიკის ამოცანა იყო ევროპის კონტინენტზე საიელმწიფოთა ისეთი ურთიერთდამოკიდებულების შექმნა, რომლის დროსაც ევროპის კონტინენტის დიდ სახელმწიფოებს თავიანთი ძალებით უნდა გაეწონასწორობინათ ერთმანეთი. ეს სამუალებას მისცემდა ინგლისს ჩარეულიყო მათ შინაგან საქმეებში და არბიტრის როლი წეესრულებინა მათ ურთიერთობაში. სახელმწიფოთა ჩრდილოეთის კავშირი, რომლის შექმნასაც რუსეთის სამეფო კარი ცდილობდა, სახელმწიფოთა ისეთი კომბინაცია იქნებოდა, რომელსაც ინგლისის ხსენებული საგარეო პოლიტიკური პრინციპის საწინააღმდეგო ხასიათი ექნებოდა. ინგლისის მთავრობას არ სურდა ისეთ კავშირში შესულიყო, რომელშიც ავსტრია არ მიიღებდა მონაწილეობას, რადგანაც იგი მოასწავებდა სახელმწიფოთა ახალი დაჯგუფების აღმოცენებას და, მაშასადამე, ძალთა ძველი წონასწორობის დარღვევას. ინგლისის მთავრობა, ამასთან ერთად, ფიქრობდა, რომ ახალი კავშირი, რომლის შექმნის ინიციატივა, რუსეთის დიპლომატიას ეკუთვნოდა, გააძლიერებდა რუსეთის გავლენას ევროპაში, რაც ზიანს მიაყენებდა ინგლისის ინტერესებს. დიდი ბრიტანეთის მთავრობას არ სურდა კავშირი გაეწყვიტა ავსტრიასთან, რასაც მოასწავებდა მისი შესვლა ახალ კავშირში. ინგლისის დიპლომატიას მომავალშიც საჭიროდ მიაჩნდა ავსტრიასთან კავშირის შენარჩუნება, ჯერ ერთი იმიტომ, რომ ამით სურდა რუსეთის ნეიტრალიზაცია, ცენტრალურ ევროპაში მისი გავლენის შესუსტება, მეორეც იმიტომ, რომ დარწმუნებული იყო — კავშირგარეშე დარჩენილი ავსტრია საფრანგეთის ბუნებრივი მოკავშირე გახდებოდა და საფრანგეთთან ერთად ძველი მოკავშირეების წინააღმდეგ აღმართავდა იარაღს.

¹ Ф. Мартенс, დასახ. კრებ., ტ. 6, გვ. 269.

ინგლისის დიპლომატიის თვალსაზრისი რუსეთის კარიზმის მესვეურთა ახალი დიპლომატიური ინიციატივისადმი შენიღბულად მოცემულია ინგლისის მეფის გეორგ III-ის საპასუხო წერილი პავლე I-სადმი (1799 წლის 27 ნოემბრის თარიღით). ამ წერილით ინგლისის მეფე გარეგნულად თითქოს იწონებდა რუსეთის დიპლომატიის ახალ ინიციატივას, მაგრამ, ამავე დროს „მეცობრულად“ ურჩევდა რუსეთის იმპერატორს შეტყუებინა თავისი ელჩის წინაშე ავსტრიის სამეფო კარის მიმართ და აღუდგინა საათან ძველი ნეგობრული კავშირი. თავის ნებრთ, ინგლისის მეფე არწმუნებდა პაულეს, რომ იგი ხელს შეუწყობდა მათ ამ საწყენი-თანაც ენებრთას არ დაიშურებდა ახალი ანტიფრანგული კამპანიის გეგმის შესაბამისად¹.

ინგლისის და პრუსიის პოზიციამ აიძულა რუსეთის მთავრობა სული აეღო სახელმწიფოთა ჩრდილოეთის კავშირის შექმნის განაზრავაზე. რუსეთის დიპლომატიის ერთ-ერთი დამოუკიდებელი ინიციატივა — ცდა, სახელმწიფოთა ახალი კონცინაციის შექმნისათვის განეგრძო ბრძოლა საფრანგეთის რესპუბლიკის წინააღმდეგ და იგი ამავე დროს ავსტრიისათვის ანგარიშის გასასწორებლად გამოეყენებინა — უშედეგოდ დანთავრდა. ჩვენი აზრით, პეტერბურგის მთავრობის ეს ინიციატივა არ იყო საფუძვლიანად მოუჭრებელი, მის ავტორებს წინასწარ ყოველმხრივ რომ გაეთვალისწინებინათ ყველა გარეგნობა, მაშინ ეს ინიციატივა პავლი I-სთან კიდებელი არ დარჩებოდა: მათ კარგად უნდა სცოდნოდათ, რომ ინგლისის დიპლომატია არ მოიწონებდა ევროპის სახელმწიფოთა ისეთი კავშირის იდეას, რომელიც იმ ეტაპზე ავსტრიის წინააღმდეგაც იქნებოდა მიმართული და ხელს შეუწყობდა რუსეთის გავლენის შემდგომ გაძლიერებას.

რუსეთ-ავსტრიის ძველი ნეგობრული კავშირის აღდგენა, რომლისთვისაც, საკუთარი ეგოისტური მოსახრებების გამო, ან ენებრთივლად იბრძოდნენ ინგლისის მესვეურები, ახალი საფუძვნიან დანდევს პრაქტიკულად შეუძლებელი გახდა. ინგლისის „სატივისან მაკლერობას“ არ შეეძლო დაეძლია რუსეთ-ავსტრიის ღრმა წინააღმდეგობა, აღმოეთხვრა რუსეთის უნდობლობა ავსტრიისადმი და აღედგინა მათ შორის ჩატეხილი ხილი. ამავე დროს ნებრდეგობაში მისაღებია ის გარემოებაც, რომ ინგლისის დიპლომატია ყარულად იქნებოდა ავსტრიის წინააღმდეგობით ზრახვებში იტალიის მიმართ. ინგლისის ფარული ჯანა-

¹ Д. Милитин, Указ. № 3, стр. 621—622.

რებით დაიმედებულმა ავსტრიის მთავრობამ საჭიროდ არ მიიჩნია უკან დაებია რუსეთის წინაშე სწორედ ამ მთავარ საკითხში, იტალიის ტერიტორიებისადმი პრეტენზიების საკითხში.

ამ გარემოებამ, ანკონის განხილულ კონფლიქტთან ერთად, საბოლოოდ განსაზღვრა კოალიციის ბედი და საფრანგეთის წინააღმდეგ ომის განახლების პერსპექტივები. მან ცხადყო რუსეთ-ავსტრიის ერთ კავშირში მოქმედების შეუძლებლობა და პეტერბურგის სამეფო კარი მიიყვანა ჯარისა და ფლოტის უკან დაბრუნების საბოლოო გადაწყვეტილებამდე¹. 1800 წლის 8 იანვარს პაულემ საბოლოო ბრძანება გაუგზავნა ა. ვ. სუვოროვს, რომლის არმია უკვე მიემართებოდა სანშობლოსაკენ, თავისი ჯარი საბოლოოდ რუსეთში დაებრუნებინა.

განსვენებული აკადემიკოსი ე. ვ. ტარლე ჩვენს მიერ დასახელებულ შრომაში, ეხება რა ავსტრიის პოზიციის ცვლილებას რუსეთის მიმართ, თქვამს, რომ აშკარა სახით ასეთი მობრუნება მოხდა მხოლოდ 1799 წლის შემოდგომიდან, როდესაც სუვოროვის არმიამ ბრწყინვალე ოპერაციები განახორციელა იტალიაში და შემდეგ შვეიცარიისაკენ გაემართა საბრძოლველად. იგი, ამასთან ერთად დასძენს, რომ ავსტრიის მესვეურები რუსეთთან ურთიერთობის გაწყვეტის რისკზე იმიტომ წავიდნენ, რომ დარწმუნებულნი იყვნენ რუსეთი ომიდან მაინც არ გამოვიდოდა, კოალიციასთან კავშირს არ გაწყვეტდა, თანაც საფრანგეთი, რომლის განთქმული სარდალი ბონაპარტი სადღაც შორს იბრძოდა, ფეხზე ვერ წამოდგებოდა; მათ ვერ წარმოუდგენიათ პავლესა და ნაპოლეონ ბონაპარტის დაახლოვება². მოტანილი მოსაზრებების პირველი ნაწილი, ჩვენი აზრით, სწორია, მეორე—არა. ჩვენ ვფიქრობთ, რომ თუ მხედველობაში არ მივიღებთ „ნიანგის ცრემლების“ ღვრას, რითაც გარეგნულად ავსტრიაში შეეგებნენ რუსეთთან კავშირის გაწყვეტას, ვენის სამეფო კარი შეგნებულად მიდიოდა რუსეთთან ურთიერთობის გათიშვის რისკზე და კიდევაც ნოელოდა ასეთ შედეგს. კითხვა ისმება, რატომ მოქმედებდნენ ვენაში ასეთ იმიტომ: 1) რომ „მავრმა შეასრულა თავისი საქმე, მავრს შეეძლო წასულიყო“. ავსტრიის სამეფო კარმა საფრანგეთის რესპუბლიკასთან ბრძოლაში რუსეთის არმიის მეშვეობით განახორციელა თავისი მთავარი მტაცებლური ზრახვა ჩრდილო იტალიის მიმართ, განდევნა ფრანგები ადრიატიკის აუზიდან და ა. შ. 2) მას ფარულად გარანტირებული ჰქონდა ინგლისის დახმარება რუსეთ-

¹ К. В а л и ш е в с к и й, დასახ. ნაშრ., გვ. 429.

² Е. Т а р л е, დასახ. ნაშრ., გვ. 194.

თან კონფლიქტის შემთხვევაში, თანაც დარწმუნებული იყო, რომ ინგლისის დახმარებით ბოლომდე მიიყვანდა საფრანგეთის დამარცხების საქმეს.

თავის მხრივ, კოალიციის სრული დაშლა და საფრანგეთის რესპუბლიკის წინააღმდეგ ახალი ერთობლივი საომარი ოპერაციების განახლების შეუძლებლობა განაპირობა თვით ინგლის-რუსეთის ურთიერთობის თანდათანობითმა გაუარესებამ, რის ლოგიკურ შედეგსაც ამ ურთიერთობის ლიკვიდაცია წარმოადგენდა.

რუსეთის სამეფო კარს გარკვეულ დრომდე კიდევ სჯეროდა, რომ ინგლისის მთავრობა სამოკავშირეო ვალდებულებების ერთგული იყო. ამიტომ რა გასაკვირია, თუ იგი მზად იყო მასთან ერთად საფრანგეთის რესპუბლიკის წინააღმდეგ ახალი საომარი ოპერაციები გაეჩაღებინა. 1799 წლის 20, 21, 22 და 25 ნოემბრის რესკრიპტებით გენერალ ვიომენილისადმი რუსეთის იმპერატორი პავლე I წინადადებას აძლევდა მას გამგზავრებულყო ლონდონს და მიეღო ნორმანდიის კუნძულებზე განლაგებული რუსეთის 14-ათასიანი კორპუსის სარდლობა. მასვე ეძლეოდა მითითება შეესწავლა საფრანგეთში არსებული მდგომარეობა, კერძოდ თრამეტი ბრიუჟერის გადატრიალების შედეგები. პავლე I-მა აგრეთვე საჭიროდ ჩათვალა ამ გენერლისათვის ეცნობებინა საფრანგეთის წინააღმდეგ მოსალოდნელი ახალი კამპანიის კონტურები¹. პარალელურად ამისა, რუსეთის სამეფო კარმა თავისი ინგლისელი ელჩის ს. რ. ვორონცოვის მეშვეობით ინგლისის მთავრობის წინაშე დააყენა საკითხი იმის შესახებ, რომ გამოყენებული ყოფილიყო ნორმანდიის კუნძულებზე განლაგებული რუსეთის კორპუსი და ადმირალი მაკაროვის ფლოტი საფრანგეთში შეჭრისათვის. რუსეთის ჯარის ნაწილების გადასხმა ჩრდილო-დასავლეთ საფრანგეთის ტერიტორიაზე უნდა მომხდარიყო ინგლისის სამხედრო შენაერთებთან ერთად, ინგლისის ფლოტისა და მაკაროვის ესკადრის მეშვეობით². ამ ოპერაციის მიზანი უნდა ყოფილიყო

¹ Д. Милютин. *დასახ. ნაშრ.*, ტ 3, გვ. 624. თავის მხრივ 1799 წლის 26 ნოემბრის საიდუმლო რესკრიპტით ს. რ. ვორონცოვისადმი პავლე I წინადადებას აძლევდა მას თვალყური ედევნებინა გენერალ ვიომენილის მოქმედებისათვის. იქვე.

² იხ. ს. რ. ვორონცოვის 1830 წლის 28 იანვრის (8 თებერლის) რეალაცია პავლე I-სადმი. Архив ВПР, ф. „Своишения России с Англией“ д. 527, лл. 105—109.

ფრანგი როიალისტებისათვის მხარდაქერა ბურბონთა სამეფო ტახტზე რესტავრაციის მიზნით.

რუსეთის სამეფო კარის აღნიშნული წინადადება ფორმალურად ინგლისის მთავრობის სერიოზული განხილვის საგანი გახდა. ინგლისის მთავრობა პირფერული სიხარულით შეხვდა რუსეთის იმპერატორის „ახალ რაინდულ“ ინიციატივას და გარეგნულად თანხმობა განაცხადა მონაწილეობა მიეღო მის რეალიზაციაში. მოლაპარაკების პროცესში განხილულ იქნა ერთობლივი ოპერაციის დეტალები, კერძოდ, ინგლისის ფლოტისა და სადესანტო ნაწილების მონაწილეობის საკითხები¹. მაგრამ რუსეთის სამეფო კარის ეს ნაბიჯი ისეთივე წარუმატებელი და უშედეგო აღმოჩნდა, როგორც სახელმწიფოთა ჩრდილოეთის კავშირის შექმნის ინიციატივა. საფრანგეთის ჩრდილო-დასავლეთ სანაპიროზე ერთობლივი სადესანტო ოპერაციას ორგანიზაციის თაობაზე ლონდონსა და პეტერბურგში დაწყებული მოლაპარაკება ბოლომდე არ ყოფილა მიყვანილი².

საფრანგეთის ტერიტორიაზე რუსეთ-ინგლისის გაერთიანებული დესანტის გადასხდის თაობაზე ამ ორ სახელმწიფოს შორის წარმოებული მოლაპარაკების ჩაშლა იმ ღრმა წინააღმდეგობის გამოხატულებას წარმოადგენდა, რომელიც მომწიფდა მათ ურთიერთობაში 1799—1800 წლების მიჯნაზე. წინააღმდეგობა რუსეთსა და ინგლისის შორის დაფარული სახით მანამდეც არსებობდა. ინგლისის მხრივ ვერაგულ აქტებს რუსეთის მიმართ შენიღბულად მანამდეც ჰქონდა ადგილი, მაგრამ ამ დროისათვის ყოველივეს ნიღაბი ჩამოეხსნა და აშკარად გამოვლინდა.

ინგლის-რუსეთის გაერთიანებულმა ექსპედიციამ ჰოლანდიაში 1799 წლის შემოდგომაზე და მისმა კრახმა პირველი აშკარა ბზარი შექმნა ამ ქვეყნების ურთიერთობაში.

ჰოლანდიის, ანუ ე. წ. „ბატავიის რესპუბლიკის“ ტერიტორიაზე შეჭრის გეგმა ინგლისის მთავრობას ეკუთვნოდა. მისი შემუშავების დროს ინგლისის მთავრობა ხელმძღვანელობდა არა

¹ ს. რ. ვორონოვის 1799 წლის 28 იანვრის (8 თებერვლის) და 25 თებერვლის (8 მარტის) რეგლაციები პავლე I-სადმი. Архив ВПР, ф. „Сношения России с Англией“ д. 527, лл. 117—118; Архив князя Воронцова, т. 16, гл. 325—348.

² პავლე I-ის 1800 წლის 11/22 და 14/25 მარტის რესკრიპტები ს. რ. ვორონოვისადმი. Архив ВПР, ф. „Сношения России с Англией“, д. 528, лл. 25—26, 30.

სამხედრო-სტრატეგიული მოსაზრებებით, არამედ ინგლისის გაბატონებული კლასების სავაჭრო, საზღვაო და კოლონიური ინტერესებით (რასაც ოსტატურად ნიღბავდნენ). ამ ექსპედიციის მოწყობით ინგლისის გაბატონებული კლასები მიზნად ისახავდნენ: 1) საბოლოოდ გაენადგურებინათ ჰოლანდია—ინგლისის ყოფილი ძლიერი მეტოქე სავაჭრო-საზღვაო და კოლონიურ ასპარეზზე; 2) ხელთ ეგდოთ ჰოლანდიის ვრცელი და მეტად მნიშვნელოვანი კოლონიური სამფლობელოები სამხრეთ აფრიკის სანაპიროზე, ინდო-ინდოეთის აუზსა და ვესტ-ინდოეთში; 3) დაუულებოდნენ მის ძლიერ სავაჭრო და სამხედრო-საზღვაო ფლოტს, რაც ძლიერი დარტყმა იქნებოდა თვით დირექტორიის მთავრობისათვისაც, რომლის გააკარგულებაშიც მაინც იწყობებოდა როგორც თვით ჰოლანდია, ისე მისი ფლოტი; 4) ხელთ ეგდოთ ჰოლანდიის მეტად მნიშვნელოვანი სტრატეგიული პლაცდარში. მისი ნავსადგურები, არაფი, მდინარეთა შესართავები და ყოველივე ეს თავიანთი მიზნებისათვის გამოეყენებინათ.

ინგლის-რუსეთის საექსპედიციო ძალები¹ 1799 წლის სექტემბრის შუა რიცხვებში (15—16 სექტ.) გადასხდნენ ჩრდილო ჰოლანდიის სანაპიროზე და არც თუ ისე დიდი ენერგიით შეუდგნენ ზერეულედ შედგენილი სამხედრო-სტრატეგიული გეგმის რეალიზაციას².

ოპერაციის არასათანადო მონზადებამ და ამ ოპერაციის გეგმაში დაშვებულმა შეცდომებმა, სარდლობის მოუქნელობამ და ინგლისისა და რუსეთის ჯარების სუსტმა კოორდინაციამ, საომარი მოქმედების ასპარეზის ზერეულე ცოდნამ, სამხედრო ფლოტის მიერ ხველეთზე მომქმედი ძალებისათვის არასათანადო დახმარების აღმოჩენამ და რიგმა სხვა წერილმანმა დეფექტებმა განაპირობა მოკავშირეთა დამარცხება და ექსპედიციის ჩაშლა³. რამოდენინე დამარცხების შემდეგ, რაც მოკავშირეებმა ფრანგებისა და ჰოლანდიელებისაგან იწვნიეს, მოკავშირეთა მთავარსარდალი იორკის ჰერცოგი იძულებული გახდა მოლაპარაკება გაემართა საფრანგეთის ჯარების სარდალ ბრიუნთან ჰოლანდიიდან ევაკუაციის შესა-

¹ რუსეთის საექსპედიციო კორპუსს სარდლობდა გენერალ-ლეიტენანტი გერმანი, მოკავშირეთა მთელი ძალების სარდალი კი იყო იორკის ჰერცოგი (ინგლისის მეფე გეორგ III-ის შვილი).

² К. В а л и ш е в с к и й, დასახ. ნაშრ., გვ. 413; Д. М и л ю т и н, დასახ. ნაშრ., ტ. 2, გვ. 365—370.

³ იხ. Архив князя Воронцова, ტ. 8, გვ. 245.

ხებ. 1799 წლის 7/18 ოქტომბერს ხელმოწერილი შეთანხმებით ინგლის-რუსეთის ჯარს მოკლე დროში უნდა დაეცალა მთელი დაკავებული ტერიტორია და ისევ გემებზე დაბრუნებულიყო¹. აღნიშნული შეთანხმება მოასწავებდა ჰოლანდიის ექსპედიციის სრულ კრახს. იმ ექსპედიციისას, რომელიც ძალიან ძვირად დაჯდა და დიდი მსხვერპლი მოითხოვა².

1799 წლის ნოემბრის შუა რიცხვებში ინგლისის და რუსეთის ჯარები ევაკუირებული იქნენ ჰოლანდიის ტერიტორიიდან. ინგლისის ფლოტმა და ვიცე-ადმირალ ჩინაგოვის ესკადრამ ევაკუირებული ნაწილები ინგლისის ნავსადგურებისაკენ წაიყვანეს³.

ექსპედიციის მარცხმა და იმ დიდმა ზარალმა, რომელიც რუსეთის კორპუსმა ჰოლანდიაში განიცადა, მეტად ცუდი შთაბეჭდილება მოახდინა რუსეთში. მან შეარყვია რუსეთ-ინგლისის კავშირი და ხელი შეუწყო პეტერბურგის სამეფო კარზე ინგლისის საწინააღმდეგო განწყობილების გაძლიერებას. ანას ზედ დაერთო ის სერიოზული უკმაყოფილება, რომელიც რუსეთში გამოიწვია ინგლისში ევაკუირებული რუსული კორპუსის ნაშთისადმი უსულგულო დამოკიდებულებამ ინგლისის მთავრობისა და სარდლობის მხრივ.

ჰოლანდიიდან ევაკუირებული რუსეთის კორპუსის ნაშთი რამოდენიმე დღის განმავლობაში გემებზე და ინგლისის სხვადასხვა ნავსადგურებში იმყოფებოდა და მოკლებული იყო ჯეროვან კვებას, საექიმო მომსახურებას და საკმაო სასმელ წყალს. რამდენიმე ხნის შემდეგ რუსეთის ნაწილები ნორმანდიის კუნძულებზე (ჯერსის და გერნსის) იქნენ გადაყვანილნი, სადაც მათ, სანშობლოში დაბრუნებამდე ზამთარი უნდა გაეტარებინათ. აქ, ამ კუნძულებზე დაბანაკებული რუსეთის კორპუსის ნაშთი, რამოდენიმე თვის მანძილზე თითქმის სავსებით ბედის ანაბრად იყო მიტოვებული. მას აკლდა კეთილმოწყობილი საზამთრო ბინები, წესიერი თბილი ტანსაცმელი, საკმელ-სასმელი და საე-

¹ Д. Милютин, დასახ. ნაშრ., ტ. 2, გვ. 411—412; К. Валишевский, დასახ. ნაშრ., გვ. 414; ნაპოლეონ თავის მემუარებში მოცემული აქვს ჰოლანდიის კამპანიის, კერძოდ ინგლის-რუსეთის სარდლობის მიერ დაშვებული შეტდომების გონებამახვილური შეფასება. Нансен, Иностранцы в России, ტ. I, გვ. 329—334 და 343—346.

² ს. რ. ვორონცოვი ძმისადმი—ა. რ. ვორონცოვისადმი—1799 წლის 18 ოქტომბერს გაჯახვირლ წერილში თანამემამულეებს ამ დამარცხებისათვის „ყაჩაღებს და გარეწრებს“ უწოდებდა. Архив князя Воронцова, ტ. 10, გვ. 60.

³ Д. Милютин, დასახ. ნაშრ., ტ. 2, გვ. 412—413.

ქიმი მომსახურება. ინგლისის მთავრობას და სარდლობას არავითარი ზომები არ მიუღია აღნიშნულ ნაკლოვანებათა დასაძლევად¹.

მოკავშირის შეიარაღებული ძალების მიმართ გამოჩენილმა უსულგულო დამოკიდებულებამ პავლე I მიიყვანა აღნიშნული კორპუსის რუსეთში დაბრუნების გადაწყვეტილებამდე. იმ პოზიციაზე, რომელიც ინგლისმა ავსტრია-რუსეთის კონფლიქტში დაიკავა, თავის მხრივ ხელი შეუწყო ინგლის-რუსეთის ანტაგონიზმის გაღრმავებას; იგი მათი მეგობრული კავშირ-ურთიერთობის დარღვევის ერთ-ერთი პირობა გახდა.

რუსეთ-ავსტრიის კონფლიქტში ინგლისი, როგორც უკვე აღვნიშნავდით, გარეგნულად „პატიოსანი მაკლერის“ როლში გამოდიოდა. იგი ცდილობდა მათ მორიგებას, რათა შესაძლებლობა ჰქონოდა მათთან კავშირში სრულ გამარჯვებამდე განეგრძო ბრძოლა საფრანგეთის წინააღმდეგ. სინამდვილეში, ინგლისის დიპლომატია ავსტრიას უჭერდა მხარს, მის თვალსაზრისს იზიარებდა ევროპის დამშვიდების საკითხში და აქეზებდა მას რუსეთის წინააღმდეგ. თავის აგრესიულ ზრახვებში იტალიის მიმართ, კერძოდ სარდინიისა და პაპის სამფლობელოების მიმართ, ავსტრიის მთავრობა ინგლისის მთავრობის მხარდაჭერას ენატარებოდა. ინგლისის მთავრობის ნამდვილი პოზიცია ავსტრიის პრეტენზიების საკითხში დიდი ხნის განმავლობაში უცნობი იყო რუსეთისათვის, რადგან ინგლის-ავსტრიის დიპლომატიური მოლაპარაკება აღნიშნული საკითხის ირგვლივ საიდუმლოდ მიმდინარეობდა. მაგრამ

¹ რუსეთის ჯარის ჰოლანდიიდან ევაკუაციის და მისი ნორმანდიის კუნძულებზე განლაგება-ყოფნის საკითხისადმი, აჰ ჯარის ნაწილების მდგომარეობისადმი მიძღვნილი გენერალ დ. ხვალისინის (Д.м. Хвалышин) პატარა წერილი, სახელწოდებით: „Пребывание русских войск на Нормандских островах в 1799—1800 годах“, მოთავსებული კრებულში: „Древняя и новая Россия“, 1876, год второй. № 12, ტ. 3, გვ. 409—411. ამ პატარა ისტორიული მოგონება-ნარკვევის ავტორია ერთ-ერთი გენერალი, რომელიც რუსეთის იმპერატორმა გააგზავნა ჰოლანდიაში ფრანგებთან ბრძოლაში განადგურებული თავრიდის გოენადერთა პოლკის აღსადგენად და საბრძოლო წესრიგში მოსაყვანად. თავისი მოვალეობის შესასრულებლად მას მოუხდა ნორმანდიის კუნძულებზე ჩასვლა, სადაც დაბანაკებული იყო ჰოლანდიიდან ევაკუირებული რუსეთის კორპუსი. თავის მოგონებაში ავტორი მუქი საღებავებით აღწერს ამ კორპუსის მდგომარეობას, რისთვისაც სამართლიანად ბრალს სდებს ინგლისის მთავრობას და სამხედრო სარდლობას.

1800 წლის დასაწყისისათვის პეტერბურგის სამეფო კარისთვის ბევრი რამ ცნობილი გახდა¹.

ბევრი ფიციხე მასალა რუსეთ-ინგლისის ურთიერთობაში დაგროვდა ხნელთაშუა ზღვის აუზში. ინგლისს, რომელიც ამ დროს რუსეთის მოკავშირეს წარმოადგენდა, მაინც არ სურდა დაეთმო რაიმე პლაცდარმი რუსეთის ფლოტისათვის ხნელთაშუა ზღვის აუზში. ამაში ინგლისის გაბატონებული კლასები ძედავდნენ საშიშროებას თავიანთი მონოპოლიური მდგომარეობისათვის მათთვის ამ მეტად მნიშვნელოვან რაიონში. ამატომ იყო, რომ ინგლისის სახელმწიფო მოღვაწეები და საზღვაო სარდლობა მტრულად შეეგებნენ რუსეთ-თურქეთის კავშირის გაფორმებას, უშაკოვის ფლოტის წარმატებით ოპერაციებს იონიის და ადრიატიკის ზღვების აუზში, რუსების მიერ იონიის კუნძულებზე ფეხის მოკიდებას და მათ პრეტენზიებს კუნძულ მალტისადმი. მალტის საკითხმა მთავარი „წაბორძიკების ქვის“ როლი შეასრულა ინგლის-რუსეთის ურთიერთობაში. მან ლოგიკურ დასკვნამდე მიიყვანა მათ შორის აღმოცენებული უნდობლობა და დაპირისპირება, შუღლი და კონფლიქტები. მის შედეგად ყოფილი მოკავშირეები იძულებულ გაეთიშნენ და დაუპირისპირდნენ ერთმანეთს, რომ მათ შორის ომის აშკარა შესაძლებლობა წარმოიშვა².

საბჭოთა ავტორები ბურჯალოვი, ნაროჩნიციკი და ოკუნა სავსებით სამართლიანად უკავშირებენ მალტის საკითხს ხნელთაშუა ზღვის აუზში ჰეგემონობისათვის ბრძოლის პრობლემას. ისინი კარგად ერკვევიან ამ საკითხის არსში და მართებულად ხაზს უსვამენ იმ ძოტივებს, რითაც განპირობებული იყო კარიზმის მესვე-

¹ აესტრია-ინგლისის დიპლომატიური მიწერ-მოწერის არსი იტალიის მომავალი ბედის შესახებ ცნობილი გახდა რუსეთის მთავრობისათვის ზოგიერთი საიდუმლო ბარათის პერლუსტირების (გაშიფვრის) მეშვეობით, რაც სათანადო საელორების ზოგ თანამშრომელთა მოსყიდვის გზით ხორციელდებოდა. სწორედ „საიდუმლო არხებით“ მიღებული ცნობები აძლევდა წესაძლებლობას თ. ვ. როსტოპჩინს თავის 1800 წლის 26 მაისის წერილში ს. რ. ვორონცოვისადმი აღენიშნა, რომ აქ ინგლისის წინააღმდეგაც ძლიერ გაჯავრებულნი არიანო. იბ. А. П. ХИВ КНЯЖА ВОРОИЦОВА, ტ. 8, გვ. 282.

რომ მალტის საკითხი მეტად თავსატეხი საკითხი იყო, რომ მან მთავარი როლი შეასრულა ინგლის-რუსეთის ურთიერთობის მკვეთრი გაუარესების საქმეში, ამას კარგად გრძობდნენ კარიზმის მესვეურები, თვით ინგლის-რუსეთის მგობრული კავშირის შენარჩუნების თავგამოდებული მომხრეების დაჯგუფებიდან. ამაზე კარგად მეტყველებს ს. რ. ვორონცოვის 1800 წლის 6/18 მაისის წერილი ნ. პ. კანინისადმი. იბ. Архивъ князя Воронцова, ტ. 11, გვ. 183.

ურთა ასეთი ენერგიული სწრაფვა კუნძულ მალტისადმი¹, მაგრამ ისინი რატომღაც თავს იკავებდნენ და არაფერს ამბობდნენ იმის შესახებ: თუ რამდენად გონივრული და რეალური იყო რუსეთის ცარიზმის საგარეო პოლიტიკის ეს მიმართულება, შეეძლო თუ არა რუსეთს მისი სისრულეში მოყვანა და ხომ არ წარმოადგენდა იგი ავანტიურას?

მალტის საკითხი, ხნელთაშუა ზღვის აუზში უპირატესობისათვის ბრძოლა რუსეთის საგარეო პოლიტიკის ფოკუსში იყო მოთავსებული. იგი მჭიდროდ იყო დაკავშირებული ევროპული დიპლომატიის ერთ-ერთ მთავარ „თავსატეხ საკითხთან“ — აღმოსავლეთის საკითხთან, რომლის ნაწილსაც იგი წარმოადგენდა. ინგლისის პოლიტიკა აღმოსავლეთის საკითხში — ტრადიციულად წეჟურიგებელი და საწინააღმდეგო რუსეთის ცარიზმის ინტერესებისა და ნისწრაფებებისადმი — განაპირობებდა ინგლისის დიპლომატიის წეჟურიგებლობას რუსეთის პრეტენზიებისადმი კუნძულ მალტის მიმართ. პეტრობურგის სამეფო კარის შეცდომა, ჩვენი აზრით, იმაში მდგომარეობდა, რომ იგი ეპოტინებოდა ისეთ საგანს, რომლის მოპოვება მას ინგლისთან ომის გარეშე არ შეეძლო. კარგად ჰქონდა რა ათვისებული ისტორიის გაკვეთილები, კარგად ესმოდა რა ინგლისის პოლიტიკის არსი აღმოსავლეთის საკითხში, მეფის რუსეთის დიპლომატია ამავე დროს, მოქცეული იყო ილუზიის ტყვეობაში. მას გარკვეულ დრომდე კიდევ სჯეროდა, რომ ინგლისის მთავრობა ჯეროვნად შეათვასებდა რუსეთის მრავალმხრივ ღონისძიებებს მეორე ანტიფრანგული კოალიციის რიგებში, გადასინჯავდა თავის ტრადიციულ პოლიტიკას და რუსეთთან საზოგადოებრივო დაფების განმტკიცების მიზნით იცნობდა კუნძულ მალტისადმი მისი მისწრაფების სამართლიანობას. ხელს აიღებდა ამ მისწრაფებისადმი წინააღმდეგობის გაწევაზე. განა მისთვის ნათელი არ უნდა ყოფილიყო, რომ მას შემდეგ, რაც ბოლო მოეღო საფრანგეთის რესპუბლიკის ბაზებს ხნელთაშუა ზღვის აუზში, ინგლისი, არ დაუშვებდა, რომ ახალ ნეტოქეს ფეხი მოედგა მალტაზე და იგი ინგლისის წინააღმდეგ გამოეყენებინა. თუმცა უნდა აღინიშნოს, რომ თვით ინგლისის დიპლომატია ხელს უწყობდა ასეთი ილუზიის განმტკიცებას რუსეთის ცარიზმის მესვეურებს შორის. იგი დიდხანს მალავდა თავის ნამდვილ განზრახვას და იმისათვის რომ რუსეთი კოალიციის რიგებში შეენარჩუნებინა, გარეგნულად

¹ Э. Бурджалов, *დასახ. ნაშრ.*, გვ. 42; А. Нароченин, *დასახ. ნაშრ.*, გვ. 17; С. Ожуха, *დასახ. ნაშრ.*, გვ. 105.

კეთილსასურველად ეპყრობოდა მის სწრაფვას მალტისადმი. ეს იყო ერთ-ერთი კონკრეტული მაგალითი იმ ვერაგობისა, რომელსაც ასე ოსტატურად იყენებდა ინგლისი სხვა სახელმწიფოებთან დამოკიდებულებაში, თვით მოკავშირეების მიმართაც კი.

ინგლისის მთავრობის პოზიცია რუსეთის ცარიზმის მესვეურთა მისწრაფებისადმი მალტის მიმართ, საეგებით გარკვეული იყო ჯერ კიდევ 1799 წლის გაზაფხულზე, როდესაც მეორე ანტიფრანგული კოალიცია ახალი შექმნილი იყო, ხოლო უშაკოვის ფლოტი ამთავრებდა ძლევამოსილ ოპერაციებს იონიის კუნძულებიდან ფრანგების გასაძევებლად. რუსების არ დაშვება მალტაზე და ამ კუნძულის ქცევა ინგლისის ხმელთაშუა ზღვის ფლოტის ერთ-ერთ ბაზად, აი რა იყო ამ პოზიციის აჩრდილი.

სწორედ ამიტომ იყო, რომ ინგლისელებმა არ დაუშვეს უშაკოვის ესკადრის მონაწილეობა ფრანგებისაგან მალტის განთავისუფლების ოპერაციებში და უარყოფითად შეხვდნენ რუსეთის სამეფო კარის განზრახვას: გაეგზავნა მალტაზე სამხედრო შენაერთი, რომელსაც შემდეგში, როცა იქ ფრანგთა ბატონობას ბოლო მოეღებოდა, საგარნიზონო სამსახური უნდა გაეწია.

იმის გამო, რომ ინგლისელებს არ სურდათ გამოეაშკარავებინათ თავიანთი ზრახვები მალტის მიმართ ვადამდე აღრე, ე. ი. ფრანგთა გარნიზონის კაპიტულაციამდე. თანაც სურდათ არაპირდაპირი გზით ხელი შეეშალათ რუსთა გეგმების განხორციელებისათვის, მათ შემდეგ ხერხებს მიმართეს: 1) სახელდახელოდ იქნა გამოქვეყილი რომელიღაც ძველი აქტი, რომელიც, თითქოს, იმპერატორ კარლოს V-ეს ეკუთვნოდა. ამ აქტით იმპერატორი კუნძულ მალტას იოანე იერუსალიმელის, სასულიერო რაინდულ ორდენს უბოძებდა იმ პირობით, რომ თუ ისინი ოდესმე დატოვებდნენ ამ კუნძულს, იგი მის „კანონიერ“ მფლობელს სიცილიის მეფეს უნდა დაბრუნებოდა¹. 2) ინგლისელები განგებ აქიანურებდნენ მალტის გარემოცვის ოპერაციებს და არ ჩქარობდნენ კუნძულის აღებას, რადგან ასეთ შემთხვევაში რუსები, იმ მოტივით, რომ პავლე I მალტის ორდენის დიდი მაგისტრი იყო, მოითხოვ-

¹ ჯერ კიდევ 1778 წლის 28 მარტს აღმირალი ნელსონი წერდა აღმირალ უშაკოვს: ნეაპოლიტანიის მეფე კუნძულ მალტის კანონიერი მფლობელია და მე თანახმა ვარ, რომ მისი ალამი ამ კუნძულის ყველა პუნქტში ფრიალებდეს. მაგრამ ნეაპოლიტანელები კუნძულს ვერ შეინარჩუნებენ, რის გამოც კუნძული ინგლისელთა მფარველობაში უნდა გადავიდეს და იქ ნეაპოლიტანიის ალამთან ერთად ინგლისის ალამიც უნდა იქნეს აღმართულიო. იხ. Д. М. П. Ю. Т. И. И., დას.ბ. ნაშრ., ტ. 2, გვ. 467; ტ. 3, გვ. 637.

დნენ განთავისუფლებული კუნძულის მართვაში მონაწილეობის ში-
ლებას, ეს კი ინგლისელებს არ სურდათ, თუმცა აშკარად უარის
თქმასაც ერიდებოდნენ¹.

1800 წლის დასაწყისისათვის პეტერბურგში სხვადასხვა წყა-
როების მეშვეობით უკვე დაგროვდა საკმაო ცნობები ინგლისის
ქეშნარიტი პოლიტიკის შესახებ რუსეთის მიმართ. იქ ცნობილი
გახდა ინგლისელთა ბევრი ვერაგული საქციელი საერთოდ და
კერძოდ მალტის საკითხში. დიდი ხნით ადრე, სანამ ინგლისე-
ლები დაეუფლებოდნენ მალტას, პეტერბურგში ცნობილი გახდა
ის ფაქტი, რომ ინგლისელები არ აპირებდნენ დაეშვათ რუსები
მალტაზე და ხელი შეეწყობთ მათი გეგმების რეალიზაციისათვის
ამ კუნძულის მიმართ. რუსეთის სამეფო კარმა კარვად დაინახა,
რომ ინგლისის აღნიშნული პოლიტიკის გამო არავითარი აზრი
ალარ ჰქონდა მასთან წარმოებულ მოლაპარაკებას ახალი ერთო-
ბლივი ოპერაციის მოწყობის შესახებ საფრანგეთის წინააღმდეგ,
რომ საკირო იყო რუსეთის არმიისა და ფლოტის სამშობლოში
დაბრუნების გადაწყვეტილების სისრულეში მოყვანა.

1799 წლის დეკემბერში პავლე I ზედიზედ უგზავნის ორ რეს-
კრიპტს ს. რ. ვორონცოვს, რომლებითაც წინადადებას აძლევდა
მას მოკლე დროში უზრუნველყო ნორმანდიის კუნძულებზე გან-
ლაგებული რუსეთის კორპუსის და ვიცე-ადმირალ მაკაროვის სამ-
შობლოში დაბრუნება². ამავე დროს, ასეთივე განკარგულებები
ეგზავნება ადმირალ უშაკოვს, რომლებითაც მას ევალებოდა რუსეთ-
ში დაბრუნება მთელი თავისი ფლოტით, მალტაზე საგარნიზონო
სამსახურისათვის განკუთვნილი შენაერთის და ნეაპოლის მეფის
განკარგულებაში გაგზავნილი რაზმით³. ნოენბერსა და დეკემბერში
ანალოგიურ განკარგულებებს ღებულობს ა. ვ. სუვოროვიც ბოჰენია-
ში დაბანაკებული რუსეთის ჯარის სამშობლოში დაბრუნების შესახებ.
უკანასკნელი განკარგულება ამის თაობაზე სუვოროვმა მიიღო მაშინ
(27 დეკემბრის რესკრიპტი), როდესაც იგი უკვე დაძრული იყო
საზამთრო ბანაკიდან⁴. საბოლოო განკარგულება რუსეთის არმიის

¹ იხ. Архив ВПР, ф. „Сношения России с Неаполем“, д. 291, л. 26 — 28.

² იხ. ს. რ. ვორონცოვის 1800 წლის 11/22 და 14/25 მარტის რედაქციები კვლე 1-სადმი. Архив ВПР, ф. „Сношения России с Англией“. д. 528, л. 25—26, 30—31.

³ Д. Милютин, დასახ. ნაშრ., ტ. 3, გვ. 653, 656.

⁴ Д. Милютин, დასახ. ნაშრ., ტ. 2, გვ. 493, ტ. 3, გვ. 641, 35-ე შენიშვნა.

სამშობლოში დაბრუნების შესახებ გენერალისიმუს სუვოროვს გაეგზავნა პეტერბურგიდან 1800 წლის 8 იანვარს¹.

რევოლუციამდელი რუსი ისტორიკოსი კ. ვალიშევსკი სხვა მოტივთა შორის, რამაც რუსეთის მთავობა აიძულა უკან გაეწვია სუვოროვის არმია, ასახელებს თვით ამ არმიის ცუდ მდგომარეობას. მისი ცნობით, სუვოროვის მთავარი ბანაკიდან 1799 წლის დასასრულს პეტერბურგში დაბრუნებულ გრაფ პეტრე ტოლსტოის, თითქოს, უთქვამს პავლესათვის: ტრეზის და ნოვის არმია ამჟამად მხოლოდ ავაზაკთა ბანდას წარმოადგენს, მართალია, იგი წინანდებურად მამაცი არმიია, მაგრამ მას აღარ შეუძლია წინააღმდეგობა გაუწიოს ევროპულ არმიებს².

ჩანს კ. ვალიშევსკის სარწმუნოდ მიაჩნია მოტანილი საექვო ცნობა. ანიტომ ფიქრობს იგი, რომ სუვოროვის არმიის აღნიშნულმა მძიმე მდგომარეობამ აიძულა პაველ I მიეღო საბოლოო გადაწყვეტილება ამ არმიის სამშობლოში დაჩქარებით დაბრუნების შესახებ. ჩვენ ვფიქრობთ, რომ ეს მოსაზრება მოკლებულია რეალურ საფუძველს და გადაჭრით უარყოფილ უნდა იქნეს.

მართალია, იტალიისა და შვეიცარიის კამპანიებმა, კერძოდ შვეიცარიიდან მტრის ქარბი ძალების მოწოლის პირობებში კერმანიის ტერიტორიაზე გმირულმა გამოსვლამ დიდი დაღი დააჩნია სუვოროვის არმიას, შეამცირა მისი პირადი შემადგენლობა და შეასუსტა მისი ბრძოლისუნარიანობა, მაგრამ განა ეს არმია ისე დაეცა და დაიშალა, რომ იგი ავაზაკთა ბანდამდე დავიდა? რა თქმა უნდა არა. ამ არმიის მებრძოლებმა ბევრი წამება განიცადეს; დრო და დრო მათ აკლდათ სასმელ-საკმელი და ტანსაცმელიც, მაგრამ მათ არასოდეს არ დაუკარგავთ ბრძოლისა და მოწინააღმდეგისათვის დარტყმის მიყენების უნარი.

რუსეთის არმიისა და ფლოტის სამშობლოში დაბრუნების ოპერაცია რამოდენიმე თვის განმავლობაში გრძელდებოდა და მხოლოდ 1800 წლის მეორე ნახევარში დამთავრდა საბოლოოდ. იტალიისა და შვეიცარიის კამპანიებში მონაწილე რუსეთის არმია საზამთრო ბანაკიდან გამგზავრების შემდეგ რამოდენიმე ეშელონად 1800 წლის მარტისა და აპრილის თვეებში გადავიდა რუსეთის ტერიტორიაზე³. ინგლისში მყოფი რუსეთის არმიის და

¹ К. Валишевский, *დასახ. ნაშრ.*, გვ. 429.

² იქვე.

³ თავისი სახელგანთქმული სარდლის ა. ვ. სუვოროვის ნაცვლად მას გენ. როზენბერგი სარდლობდა. თვით სუვოროვი ამ დროისათვის დაავადდა. ავად-

ფლოტის ყველა შენაერთი მხოლოდ 1800 წლის სექტემბერში ჩადის სამშობლოში¹. რაც შეეხება უშაკოვის ფლოტს, იგი მხოლოდ 1800 წლის ოქტომბერში დგება ლუზანზე — სევასტოპოლის რეიდზე².

რუსეთის სამეფო კარის პოლიტიკაში ნომხდარი მკვეთრი შემობრუნება ინგლისის მიმართ ანით არ დანთავრებულია. ერთ ნაბიჯს მოჰყვა მეორე ნაბიჯი, მეორეს — მესამე და ა. შ.

1800 წლის 1 თებერვლის რესკრიპტით პავლემ ს. რ. ვორონცოვის მეშვეობით ინგლისის მთავრობისაგან მოითხოვა მისი პეტერბურგელი ელჩის კავალერ უიტვორტის უკან გაწვევა. პეტერბურგის სასახლეში თქრობდნენ, რომ იგი მტრულად იყო განწყობილი რუსეთის საგარეო პოლიტიკური გეგმებისადმი და იმ ფარული ვერაგული აქტების თანამონაწილე იყო, რასაც ინგლისის მესვეურები რუსეთის ნიმართ ატარებდნენ. ახალ ვითარებაში, როდესაც თვრამეტი ბრიუნერის სახელწიფო გადატრიალებამ საფრანგეთში ბიძგი მისცა რუსეთის მთავრობის ახალ მობრუნებას ამ ქვეყნის მიმართ, კავალერი უიტვორტი Fersona non grata-დ უნდა ქვეულიყო პეტერბურგში³. ინგლისის მთავრობა,

მყოფი და ამავე დროს იმპერატორ პავლე I-ის მიერ დაუმსახურებლად შერისხული სუვოროვი რუსეთის ტერიტორიაზე გადასვლისას არმიში აღარ იმყოფებოდა. მძიმედ დააუდებელი სუვოროვი 1800 წლის 6 მაისს გარდაიცვალა. იხ. Д. Милютин, დასახ. ნაშრ., ტ. 2, გვ. 494—499.

¹ 1800 წ. 24 ივლისის (5 აგვისტოს) რელაკიაში პავლე I-სადმი ს. რ. ვორონცოვის შემცვლელი ლიხავეიჩი იუწყებოდა, რომ რუსეთის ფლოტისა და ჯარის ვაკუაჟია ინგლისიდან უკვე დანთავრებულია, იხ. Архив ВПР, ф. „Сношения России с Англией“, г. №25. л. 1., 59—90.

² რუსეთში არ დაბრუნებულა მხოლოდ პოინც კონდეს ფრანგ ემიგრანტთა კორპუსი. იგი რუსეთ-ავსტრიის და რუსეთ-ინგლისის ურთიერთობაში მომხდარი მკვეთრი ცვლილების მსხვერპლი გახდა. პოინც კონდეს კორპუსი, რომლის შემადგენლობა ძალზე შეუკირდა არა იმდენად ომში განცდილი ხარ-ლის შედეგად, რამდენადაც დებერტიოობის გამო, ინგლისის მთავრობამ აიყვანა თავის კმაყოფაზე, რათა იგი საკიროებისაგებრ ისევ ფრანგების წინააღმდეგ საბრძოლველად გამოეყენებინა. იხ. როსტოპჩინის 1800 წლის 23 თებერვლის დეპეშა თავად გორჩაკოვისადმი. „Русский архив“, 1888, ტ. 2, გვ. 291. ცნობები პოინც კონდეს კორპუსის რუსეთის კმაყოფიდან მოხსნისა და ინგლისის კმაყოფაზე აყვანის შესახებ მოკეპულია ლუი XVIII-ის ავტობიოგრაფიაში. იხ. „Русский архив“, 1877 г., кн. 3, გვ. 75 და შემდევი.

³ „Идея давно причинны быть недопольшим образом действий кавалера Витворта, особливо теперь, — წერდა პავლე I ამ რესკრიპტში, — я требую чтобы кавалер Витворт был отозван отсюда“. К. В а л и ш е в с к и й, დასახ. ნაშრ., გვ. 439, 441. Д. Милютин, დასახ. ნაშრ., ტ. 2, გვ. 486.

რომელმაც თავდაპირველად სასტიკი პროტესტი განაცხადა რუსეთის მთავრობის ამ მოთხოვნის გამო, იძულებული გახდა დაეკმაყოფილებინა იგი და თავისი ელჩი უკან გაეწვია. 1800 წლის 27 მაისს უიტვორტმა დატოვა პეტერბურგი და შვეციის გზით ინგლისისაკენ გაემგზავრა¹. მას პეტერბურგში თავისი შემცველი არ დაუტოვებია.

„რისხვა ინგლისსაც წვდება“, — წერდა თ. ვ. როსტოპჩინი ს. რ. ვორონცოვს 1800 წ. 26 მაისის წერილში, მხედველობაში ჰქონდა რა პეტერბურგის სასახლეში ფეხმოკიდებული ანტიინგლისური განწყობილება და უიტვორტის გაძევება პეტერბურგიდან². მაგრამ რუსეთის სამეფო კარის მიერ ინგლისის წინააღმდეგ გადადგმული ნაბიჯები ამით არ ამოიწურა. შემდეგ ნაბიჯს წარმოადგენდა ინგლისთან დიპლომატიური ურთიერთობის სრული შეწყვეტა და ვორონცოვის უკან გამოწვევა. ამგვარად პეტერბურგში აგორებული რისხვის ტალღა თვით ინგლის-რუსეთის კავშირის თავგამოდებულ დამკველს და ანგლოფილური დაჯგუფების მეთაურს ს. რ. ვორონცოვსაც მოხვდა.

1800 წლის 13 აპრილის რესკრიპტით ს. რ. ვორონცოვს წინადადება ეძლეოდა ინგლისიდან კონტინენტზე გამოგზავრებულიყო „თავისი ჯანმრთელობის გამოსასწორებლად“ და თავის ადგილას საელჩოს თანამშრომელი ლიზაკევიჩი დაეტოვებინა³. ეს განკარგულება არსებითად მოასწავებდა ანგლოფილი ელჩის მოხსნას და ინგლისთან ურთიერთობის შეწყვეტას. რამდენიმე დღის შემდეგ ს. რ. ვორონცოვს ნ. პ. პანიინს მიერ ხელმოწერილი ახალი განკარგულება მისდის, რომლითაც პავლეს სახელით მას ევალებოდა სამსახურიდან გადადგომის თხოვნა დაეწერა⁴. ნ. პანიინი მწუხარებას გამოთქვამდა, იმის გამო, რომ იძულებული იყო ასეთ განკარგულებაზე მოეწერა ხელი⁵.

¹ „Whitwort est parti hier matin“, — წერდა ნ. პ. პანიინი ს. რ. ვორონცოვს 1800 წლის 28 მაისის წერილში. ია. Архив князя Воронцова, ტ. 11, გვ. 108—109. უიტვორტის პეტერბურგიდან გამგზავრების თარიღს მოკლედ ებება ლობანოვ-როსტოვსკი, იგი უიტვორტი გამგზავრების ზუსტ თარიღს არ ასახელებს. მაგრამ ფიქრობს, რომ ეს გამგზავრება მოხდა ათი თვით ადრე პავლე I-ის შველულობამდე. „Русская старина“, 1877, ტ. 18, გვ. 573—574.

² Архив князя Воронцова, ტ. 8, გვ. 282.

³ იხ. ს. რ. ვორონცოვის 1800 წლის 4/16 მაისის რელაცია პავლე I-სადმი. Архив ВПР, ф. „Споменения России с Англией“, д. 529, л. 130—131.

⁴ К. В а л и ш е в с к и й, დასახ. ნაშრ., გვ. 447.

⁵ Архив князя Воронцова, ტ. 9, გვ. 278.

ახალი განკარგულებით პეტერბურგიდან ს. რ. ვორონცოვი საეცებით თავისუფლდებოდა თავისი მოვალეობისაგან და ნება ეძლეოდა კერძო პირის უფლებით დარჩენილიყო ინგლისში; მის ნაცვლად, დროებით, საელჩოს საქმე უნდა განეგო და ჯარისა და ფლოტის სამშობლოში გამომგზავრების საქმე ბოლომდე მიეყვანა ლიზაკევიჩს¹.

1800 წლის სექტემბერში კუნძული მალტის ლა-ვალეტას ბაზაში გამაგრებულმა ფრანგებმა ხანგრძლივი წინააღმდეგობის შემდეგ ინგლისელების წინაშე კაპიტულაცია მოახდინეს. ფრანგთა წინააღმდეგობის შეწყვეტით მთელ კუნძულს გამარჯვებული ინგლისელები დაეუფლნენ, რომელთაც იქ თავიანთი ალამი აღმართეს და იგი თავიანთ სამხედრო-საზღვაო ბაზად აქციეს. მალტაზე ინგლისური აღმის აღმართვა და იქ ინგლისელთა ბატონობის დამყარება ამ კუნძულისათვის ინგლის-საფრანგეთ-რუსეთის ქიშობაბრძოლის ფინალს წარმოადგენდა. ამით საეცებით ჩამოეხადა ნილაბი ინგლისის პოლიტიკას რუსეთის მიმართ და გამოვლინდა მისი „მეგობრობის“ ნამდვილი საფე.

მალტის კაპიტულაციისა და მასზე ინგლისელთა ბატონობის დამყარების ცნობამ უდიდესი აღშფოთება გამოიწვია პეტერბურგის სასახლეში. ინგლისელთა ამ ვერაგული ნაბიჯის პასუხად რუსეთის სამეფო კარმა მკვეთრი ანტიინგლისური კურსი აიღო, საეცებით გაწყვიტა ინგლისთან ყოველგვარი ურთიერთობა და მის წინააღმდეგ ომისათვის მზადებას შეუდგა. ტყუილად როდი ამბობდა ნაპოლეონ ბონაპარტი მალტის დაკარგვასთან დაკავშირებით: „მართალია მე დავეკარგე მალტა. მაგრამ სანაცვლოდ მტრებს განხეთქილების ვაშლი ჩაეუგდე ხელშიო“².

ამასთან დაკავშირებით რუსეთის სამეფო კარის მიერ ინგლისის წინააღმდეგ გადადგმული ნაბიჯებიდან აღსანიშნავია:

1) პეტერბურგის ნავსადგურში ინგლისელთა გემებზე სე.ვესტრის დადება (1800 წლის 23 ოქტომბრის განკარგულება)³;

2) რუსეთის სავაჭროებში არსებულ ინგლისურ საქონელზე სექსესტრის დადება, კომისრების გამოყოფა ინგლისელ და რუს

¹ ს. რ. ვორონცოვის განთავისუფლების შემდეგ მოკლე ხნის განმავლობაში რუსეთის საელჩოს საქმეებს მართლაც ლიზაკევიჩი განაგებდა. როცა ეს უკანასკნელი კოპენჰაგენში დაინიშნა ელჩად, საელჩოს საქმეების და არქივის მბრუნველობა საელჩოს მღვდელ სმირნოვს ჩაბოლდა.

² А. Тьер. История Консульта и Империи во Франции т. II, ч. III, გვ. 57.

³ „Русская старина“, 1882, ტ. 33, გვ. 198--204.

ვაქართა საურთიერთო ანგარიშების და დავალიანების ლიკვიდაციისათვის და ინგლისელ კრედიტორებისათვის სადებიტორო დავალიანების გადახდის შეჩერება¹;

3) კრონშტადტსა, პეტერბურგსა და ლიფლიანდიის, ესტლიანდიისა და კურლიანდიის ნავსადგურებში მყოფი ინგლისელი მწვანურების ინტერნირება მეთაურთა შემადგენლობასთან ერთად (1800 წლის 28 და 30 ოქტომბრის განკარგულება)².

4) რუსეთში ნიბოვრებ ინგლისის ყველა ქვეშევრდომზე საგანგებო საპოლიციო ზედამხედველობის დაწესება³.

5) ზღვაზე ინგლისის ჰეგემონიის წინააღმდეგ მინაროული კავშირის შექმნა (რუსეთ-დანია-შვეცია-პრუსიის შემადგენლობით), რაც მოასწავებდა 1786 წლის შეიარაღებული ნეიტრალიტეტის სისტემის აღდგენას და სხვ.

ყოველივე ეს მოასწავებდა ანტიფრანგული კოალიციის სრულ მარცხს და მკვეთრ შემობრუნებას რუსეთის საგარეო პოლიტიკაში მისი ყოფილი მოკავშირეების, კერძოდ ინგლისის მიმართ. მაგრამ ეს ნაბიჯები გადადგმული იქნა მაშინ, როდესაც რუსეთის ცარიზმის საგარეო პოლიტიკაში უკვე მოხდა ასეთივე მკვეთრი ცვლილება მისი ყოფილი მტრის საფრანგეთის მიმართ, რის შესახებაც შემდეგ გვექნება საუბარი.

ამგვარად. ანტიფრანგული კოალიცია ისე დაიშალა, რომ ვერ გადაწყვიტა მის წინაშე დასმული ამოცანები. მეფის რუსეთი, განხილულ გარემოებათა შედეგად, გაეთიშა თავის ყოფილ მოკავშირეებს და მათ წინააღმდეგ მოქმედებაზე აიღო გეზი. რევოლუციის „ჰიდრის“ მოსპობისა და ამის შედეგად ევროპაში ფეოდალურ-მონარქიული სისტემის განმტკიცების ამოცანა, რაც რუსეთის ცარიზმს ჰქონდა დასახული ანტიფრანგულ ომში, განუხორციელებელი დარჩა. იმ გამანადგურებელი დარტყმების მიუხედავად, რომლებიც რუსეთის არმიამ და ფლოტმა საფრანგეთის რესპუბლიკას აგვმა, ამ უკანასკნელის სამხედრო-პოლიტიკური დამარცხების საქმე ბოლომდე არ ყოფილა მიყვანილი. პირიქით, მტრების ბანაკში ფეხმოკიდებულმა წინააღმდეგობებმა და მათ შედეგად სამხედრო ოპერაციების მკვეთრმა შესუსტებამ საფრანგეთის რესპუბლიკას საშუალება მისცა ძალები მოეკრიბა და თავ-

¹ Сб. РИО, т. 2, стр. 180.

² „Русская старина“, 1882. т. 33, стр. 198—204.

³ Ф. Мартенс, *დასახ. კრებ.*, т. 7, стр. 516; A. Lefebvre, *Histoire des cabinets de l'Europe...*, t. I, P., 1845. стр. 123.

დაცვიდან შეტევაზე გადასულიყო, მომავალი აგრესიებისათვის მომზადებულიყო.

მეორე ანტიფრანგული კოალიციის წარუმატებლობა და მისი საბოლოო კრაზი იმ შინაგან წინააღმდეგობათა შედეგი იყო, რომელთაც თავი იჩინეს მის რიგებში. მაგრამ ამასთან ერთად, არ შეიძლება არ აღინიშნოს, რომ თვით საფრანგეთის პოლიტიკურ ცხოვრებაში მომხდარმა ცვლილებამ თვრამეტი ბრიუმერის სახელმწიფო გადატრიალების სახით თავის მხრივ მნიშვნელოვანი წვლილი შეიტანა ამ საქმეში.

რევოლუციამდელი რუსი ისტორიკოსები დ. მილიუტინი, კ. ვალიშევსკი, ნ. შილდერი და სხვები, აგრეთვე საზღვარგარეთელი ისტორიკოსები ა. სორელი, ე. ბურჟუა და სხვანი მეორე ანტიფრანგული კოალიციის დაშლის მიზეზების ანალიზისას გარეგნულად სინამდვილეს უახლოვდებიან. ისინი არ უარყოფენ კოალიციის შინაგანი წინააღმდეგობების შედეგად დაშლის ფაქტს და მკვეთრად უსვამენ ხაზს რუსეთ-ავსტრიისა და რუსეთ-ინგლისის დაპირისპირების კონკრეტულ მაგალითებს. რუსი ისტორიკოსები, ამასთან ერთად, საჭიროდ მიიჩნევენ წინა პლანზე წამოაყენონ ავსტრიის და ინგლისის მესვეურთა ვერაგული პოლიტიკა რუსეთის მიმართ, როგორც მთავარი მოტივი, რამაც განაპირობა რუსეთის ცარიზმის მიერ მის ყოფილ მოკავშირეებთან კავშირის გაწყვეტა და მის მხრივ ახალი ორიენტაციის აღება. მაგრამ ზოგი მათგანი უფრო შორს მიდის და ცდილობს სხვა მიზეზებიც მოიშეგლიოს მეორე ანტიფრანგული კოალიციის დაშლის მიზეზების ასახსნელად.

ფრანგი ისტორიკოსი ე. ბურჟუა, მაგალითად, ფიქრობს, რომ პავლემ კოალიციაზე გული აიცრუა სხვა მიზეზებთან ერთად იმიტომაც, რომ ნაპოლეონის ექსპედიციის მარცხმა ეგვიპტეში და იონიის კუნძულების რუსების ხელში გადასვლამ ბოლო მოუღო რუსეთის ინტერესებისათვის შექმნილ საფრთხეს აღმოსავლეთში¹.

ფრანგი ისტორიკოსის ეს მოსაზრება არ არის მოკლებული ორიგინალობას და სიმაართის ელემენტებს. მაგრამ იგი მაინც არ შეიძლება ჩაითვალოს სავსებით სწორად. ჯერ ერთი, აქ მხედველობაში არ არის მიღებული ის, რომ რუსეთის ცარიზმი ანტიფრანგულ ომში სხვა ამოცანებთან ერთად დაცვით-მონარქისტულ ამოცანასაც ისახავდა მიზნად, რაც, ხმელთაშუა ზღვის აუზში მო-

¹ E. Bourgeois, დასახ. ნაშრ., გვ. 204.

მხდარი ცვლილებების მიუხედავად, განუხორციელებელი დარჩა. აგრეთვე ნაპოლეონის ექსპედიციის სრული მარცხი გამოვლინდა შედარებით გვიან, როცა მეორე ანტიფრანგული კოალიციის შენობას საფუძვლები უკვე გამოცლილი ჰქონდა.

რუსი ისტორიკოსი კ. ვალიშევსკი ფიქრობს, რომ რუსეთის იმპერატორმა ისევე მოეფიქრებლად და ჯეროვანი მიზეზების გარეშე დაანება თავი კოალიციას, როგორც თავის დროზე შევიდა მის რიგებში¹.

ნ. შილდერი კოალიციის მიმართ პავლეს განწყობილების შეცვლასა და ამ კოალიციიდან რუსეთის გამოსვლის საქმეში დიდ როლს ანიჭებს გრაფ თ. ვ. როსტოპჩინს, რომელმაც მეტი გავლენა მოიპოვა იმპერატორზე, ვიდრე გრაფმა ნ. პ. პანინმა, საფრანგეთის დაუძინებელმა მტერმა. მისი აზოით როსტოპჩინმა დაარწმუნა პავლე I ახალი კურსი აელო და ეკატერინე II-ის პოლიტიკას დაპბრუნებოდა². აქაც ჩვენ საქმე გვაქვს სუბიექტური ფაქტორის წინა პლანზე წამოწევისთან. ბოლოს და ბოლოს თვით როსტოპჩინის განწყობილების შეცვლაც ხომ რიგ გარემოებათა შედეგს წარმოადგენდა?

დასასრულ, კ. ვალიშევსკის, ნ. შილდერის, დ. მილიუტინის, ე. შუმეგორსკის და ოუსეთის თავადაზნაურულ-ბურჟუაზიული ისტორიოგრაფიის ბევრი სხვა წარმომადგენლის აზრით რუსეთის ცარიზმს საფრანგეთის რესპუბლიკის წინააღმდეგ ბრძოლის დროს არ ამოქმედებდა არავითარი სამხედრო-სტრატეგიული და პოლიტიკური ინტერესები, „თითქოს“ იგი შორს იყო დაპყრობებისა და ბაზების მოპოვების ანგარული ზრახვებისაგან. პავლე I-ში ისინი ხედავენ „შერყეული ტახტებისა და წაბილწული საკურთხევლების აღდგენისათვის“ ენერგიულ მებრძოლს, უშიშარ რაინდს, ამაღლებული იდეალების მქონე მონარქს, რომელიც მათი აზრით მხო-

¹ თუმცა კ. ვალიშევსკი არ გამოიციხავს ხემათ ხახგასმულ მიზეზებს და მარენგოსთან ფრანგთა გამარჯვებას, მაგრამ დასთენს: „Нельзя сказать, чтобы решение царя было определено именно этими событиями, т. к. в его действиях иногда не было ничего хорошего, продуманного или рассудительного“. К. В а л и ш е в с к и й, დასახ. ნაშრ., გვ. 446. როგორც ვხედავთ, ავტორი აქ წინააღმდეგობაში ვარდება. აღიარებს რა რიგ ფაქტორთა ოოლს რუსეთის იმპერატორის საკარგო პოლიტიკური მიმართულების შეცვლაში, იგი ამასთან ერთად წინა პლანზე ისევ სუბიექტურ, ფსიქოლოგიურ მოტივებს აყენებს და მით აბათილებს ობიექტური ფაქტორების როლს.

² Н. Ш и л д е р, Павел Первый, გვ. 412.

ლოდ იმიტომ გამოვიდა კოალიციიდან, რომ მოკავშირეებს ვიწრო ანგარება და ეგოიზმი შეამჩნია¹.

რუსეთის იმპერატორ პავლე I-ის კეთილშობილებისა და უანგარობის დასამტკიცებლად ნ. შილდერს თავის წიგნში „Император АЛЕКСАНДР ПЕРВЫЙ“, მოტანილი აქვს პავლე I-ის საუბარი დანიის ელჩ როზენკრაცთან გატჩინოში 1800 წლის 3 სექტემბერს. ამ საუბარში რუსეთის იმპერატორმა გამოხატა თავისი შეხედულება კოალიციასთან კავშირის გაწყვეტისა და საფრანგეთთან დაახლოების მიზეზების შესახებ.

ამ საუბრის დროს პავლე I-მა განაცხადა: ჩემი პოლიტიკა სამი წლის განმავლობაში უცვლელია („invariable“) და დაკავშირებულია სამართლიანობასთან. დიდხანს მე იმ აზრის ვიყავი, რომ სამართლიანობა საფრანგეთის მოწინააღმდეგეთა მხარეზე იყო... მე მივატოვე ამ პარტიის მომხრეები, ე. ი. ავსტრიის პარტია, როცა გამოიჩინა, რომ სამართლიანობა არ იყო მათ მხარეზე; მეო.—დაუმატა მან,—იგივე განვიცადე ინგლისელთა მიმართ. საუბრის დასასრულს პავლე I-მა დასძინა: ყველა, ვინც სხვაგვარად ფიქრობს, ჩემი პოლიტიკის შესახებ, ცდებაო².

მორალური მოტივების წინ წამოწევა, მისი პავლეს საგარეო პოლიტიკის ხასიათის საფუძვლად დადება, თვითმპყრობელი მონარქის უშიშარ რაინდად მიჩნევა, როგორც თავის ადგილას იყო ხაზგასმული, ისტორიული სინამდვილის გაყალბება და ავტორის იდეალისტური კონცეფციის და მისი კლასობრივი მრწამსის გამოხატულებას წარმოადგენს.

ცნობილი რუსი სამხედრო ისტორიკოსი დ. მილიუტინი აშკარა სინანულს გამოთქვამს იმის გამო, რომ ისეთი დიდი ეპოპეა, როგორც იყო 1799 წლის კამპანია, რუსეთისათვის უშედეგოდ დამთავრდა მისი მოკავშირეების—ავსტრიის და ინგლისის—თვალთმაქცობა-ვერაგობისა და ანგარების შედეგად³. მაგრამ მი-

¹ Н. Шилдер, Павел Первый, гл. 412; Е. Шуми горский, даსახ. ნაშრ., გვ. 178.

² Шилдер, დასახ. ნაშრ., გვ. 196.

³ „... 1799 год,—წერს იგი,—был одной из самых блестящих эпох для нашего отечества Российского. Мошарх был постоянно главным действующим в Европеекой политике, примога и откровенность его в сношениях с иностранными дворами, весомые и бескорыстие, с которыми он вел войну, великодушное покровительство слабым государям — составляли разительную противоположность с двуличною и корыстною политикою Венского и Лондонского кабинетов“. Д. Милютин, დასახ. ნაშრ., ტ. 2, გვ. 552.

ლიუტინი აქ არ სვამს წერტილს და არ ამთავრებს თავის დასკვნას. მისი აზრით, მართალია, ანტიფრანგული კოალიცია უშუალოდ დამთავრდა, მაგრამ 1799 წლის ომი პავლე I-ის საგარეო პოლიტიკის, ყველა მისი მოქმედების გამართლებას წარმოადგენდა¹. ისიც რიგ რუს ისტორიკოსებთან ერთად ახდენს რუსეთის იმპერატორის საგარეო პოლიტიკის იდეალიზაციას, ყველაფერში ინგლისის და ავსტრიის მთავრობებს სდებს ბრალს კოალიციის დაშლისათვის და პავლეს კეთილშობილ რაინდად, უანგარო იდეალებისათვის მებრძოლ რაინდად წარმოგვიდგენს. თავის მოსაზრების დასამტკიცებლად მილიუტინს მოტანილი აქვს პავლე I-ის ვრცელი დეკლარაცია რუსეთის ავსტრიასთან კავშირის გაწყვეტასთან დაკავშირებით, გამოქვეყნებული 1799 წლის დასასრულს. ამ დეკლარაციაში ვრცლად არის განვითარებული რუსეთის სამეფო კარის თვალსაზრისი მეორე ანტიფრანგული კოალიციის აღმოცენების, მიზნების, ინგლის-ავსტრიის პოლიტიკისა და კერძოდ რუსეთის პოლიტიკის ხასიათის შესახებ. იქ ჩამოყალიბებულია ავსტრიის სამეფო კარის ეგოიზმისა და დაპყრობითი ზრახვების კონკრეტული ფაქტები, ჩამოთვლილია ავსტრიის მთავრობისა და სარდლობის ის აქტები, რომლებიც პავლე I-ის აზრით მუხანათური, ვერაგული და მტრული ხასიათისა იყო რუსეთის მიმართ².

ჩვენ ზედმეტად ვთვლით მოვიტანოთ ამონაწერები ამ დეკლარაციიდან. იგი არავითარ ახალ მასალას არ გვაძლევს დასკვნებისათვის.

იმპერატორი პავლე I და მისი მთავრობა სინამდვილეში, როგორც არაერთხელ იყო ხაზგასმით აღნიშნული, როდი მოქმედებდნენ უანგაროდ, კეთილშობილური მოსაზრებებით და ამალღებული იდეალებით. მეფის რუსეთსაც ისეთივე უსამართლო მიზნები ამოქმედებდა, როგორც მის მოკავშირეებს. ანტიფრანგული კოალიციის წარუმატებლობისა და დაშლისათვის ბრალის მართო რუსეთის მოკავშირეებისათვის დადება ისტორიულ სინამდვილეს არ შეესაბამება და, ამდენად, მიუღებელია. ინგლისის და ავსტრიის, მათი საგარეო პოლიტიკის აპოლოგეტი ისტორიკოსები და სათანადო ტენდენციური წყაროები, აღნიშნულისათვის პირიქით, პირველ რიგში რუსეთს და პირადად იმპერატორ პავლე I-ს სდებენ

¹ Д. Милютин, დასახ. ნაშრ., ტ. 2, გვ. 552.

² იქვე, გვ. 553—558.

ბრალს. წმემომითიებული დეკლარაცია აშკარა ტენდენციურ ხასიათს ატარებს და გარკვეული მოსაზრებებით არის გამოქვეყნებული. ამ დეკლარაციით პაეღე I-ს სურდა გაემართლებინა თავისი თავი ისტორიისა და შთამომავლობის წინაშე, უშიშარ რაინდად, მშვიდობისა და კეთილშობილური იდეალებისათვის მებრძოლად გაესაღებინა თავი და ყველაფერში ბრალი თავისი მოკავშირე აესტრიელებისათვის, მათი ეგონისტური ზრახვებისა და „მუხანათური პოლიტიკისათვის“ დაეკისრებინა.

**მობრუნება რუსეთ-საფრანგეთის ურთიერთობაში 1800 წელს.
მათი დაახლოება**

**1. თვრამეტი გრიუშეარის სახელმწიფო გადატრიალება
საფრანგეთში და მისი შეთანხმება კათარგუარგის
სამეფო კარზე**

რუსეთის ჯარისა და ფლოტის სამშობლოში დაბრუნება, მეორე ანტიფრანგული კოალიციის ფაქტიური დაშლა, მისი შემადგენლობიდან რუსეთის გამოსვლა, რუსეთ-ავსტრიის ურთიერთობის გათიშვა და ინგლისსა და რუსეთს შორის ომის ვითარების წარმოშობა—ყველა ეს მოასწავებდა ძირეულ მობრუნებას რუსეთის საგარეო პოლიტიკაში, იგი ნიშნავდა პავლე I-ის მთავრობის მიერ ახალი საგარეო პოლიტიკური ორიენტაციის აღებას. ეს ახალი ვითარება, ამდენად, წარმოადგენდა მკვეთრ ცვლილებას არა მარტო რუსეთ-ავსტრიისა და რუსეთ-ინგლისის ურთიერთობაში, არამედ, რაც არსებითია, მობრუნებას რუსეთ-საფრანგეთის ურთიერთობაში.

ეს ახალი ვითარება—ძირეული მობრუნება რუსეთ-საფრანგეთის ურთიერთობაში—1800 წლის დასაწყისიდან შეამზადა არა მარტო ჩვენს მიერ მოხაზულმა პროცესებმა, არამედ თვით საფრანგეთის პოლიტიკურ ცხოვრებაში მომხდარმა ცვლილებამაც. ეს ცვლილება იყო 1799 წლის 9 ნოემბრის (18 ბრიუმერის) სახელმწიფო გადატრიალება და კონსულობის დამყარება. ამ ორი გარემოების შერწყმამ და იმ ცვლილებამ, რომელიც ამის შედეგად მოხდა ევროპის სახელმწიფოთა პოლიტიკურ ურთიერთობათა სისტემაში, განაპირობა იმ ახალი ვითარების აღმოცენება რუსეთ-საფრანგეთის ურთიერთობაში, რომლის ლოგიკურ შედეგსაც მათი დაახლოება წარმოადგენდა.

აღნიშნულ პოლიტიკურ ცვლილებათა ანალიზი ჩვენი შრომის ამ თავის ამოცანას წარმოადგენს¹.

მმართველობის იმ სისტემაში, რომელიც 1795 წლიდან შეიქმნა საფრანგეთში, 1799 წლის დასასრულისათვის რღვევისა და გახრწნის ყველა ნიშანი გამოავლინა.

აღმასრულებელმა დირექტორიამ ამ დროისათვის დაკარგა ყოველგვარი გავლენა და ავტორიტეტი: მისი საშინაო პოლიტიკა გაკოტრდა, ხოლო მისი საგარეო პოლიტიკის არათანამიმდევრობამ და განუწყვეტელმა აგრესიულმა ომებმა გამოავლინა მისი სრული უუნარობა ამ დარგშიც. წის მიერ წარმოებულმა ომებმა და დიპლომატიურმა საქმიანობამ არა თუ ახალი წარმატება ვერ მოუპოვა საფრანგეთს, არამედ კატასტროფის პირამდე მიიყვანა იგი. მან სერიოზული საფრთხე შეუქმნა თვით ბურჟუაზიული რევოლუციის იმ მონაპოვარსაც კი, რომელიც შენარჩუნებული იქნა საფრანგეთში 9 თერმიდორის სახელმწიფო გადატრიალების შემდეგ.

დირექტორიის მთავრობამ ოდნავადაც ვერ გაამართლა საფრანგეთის შეძლებული ფენების იმედები. დირექტორიის წარუმატებელი საშინაო და საგარეო პოლიტიკით განსაკუთრებით უკმაყოფილო დარჩა „ნუვო რიში“ — რევოლუციის წლებში გამდიდრებული სავაჭრო-საბრუნველო სპეკულანტური ბურჟუაზია, რომელიც თავდაპირველად რწმენით და სასოებით შეჰყურებდა ამ კონტრრევოლუციურ ბელისუფლებას, რადგან მისგან მოელოდა სრულ „დამშვიდებას“ ქვეყნის მიგნით (ე. ი. როიალისტური და იაკობინური საფრთხის სრულ მოსაობას და ახალ ბაზრებსა და გავლენის სფეროებს წარმატებითი აგრესიული პოლიტიკის შედეგად). თავისი „აღმასრულებელი კომიტეტის“, დირექტორიის ხელისუფლების მეშვეობით საფრანგეთის ბურჟუაზიას სურდა კიდევ უფრო ფართოდ გაეშალა თავისი სავაჭრო-საბრუნველო-სპეკულანტური საქმიანობა, ხელთ ეგდო ახალი ბაზრები, თანაც დამტკბარიყო მოპოვებული სიმდიდრით და პოლიტიკური უფლებებით.

¹ დ. მილიუტინს მოულოდნელად, ე. ი. არაქანონზომიერად მიაჩნია აღნიშნული ცვლილებები ევროპის პოლიტიკაში. რომელიც მოხდა 1800 წლის დასაწყისიდან და რომლის შედეგადაც ძველი მოკავშირეები მტრებად იქცნენ, ძველი მტრები დაახლოვდნენ და ახალი კავშირები აღმოცენდნენ. J. M. A. H. T. II. დასაბ. ნაშრ., ტ. 2, გვ. 508. ჩვენ კი ვფიქრობთ, რომ ეს საკვებით კანონზომიერი მობრუნება იყო და არაფერს მოულოდნელს არ წარმოადგენდა.

იტალიასა და ხმელთაშუა ზღვის აუზში 1799 წლის კამპანიის დროს, განცდილმა მარცხმა, ეგვიპტის ექსპედიციის წარუმატებლობამ, გენერალთა თავგასულობამ, მძაფრმა ფინანსურმა და ეკონომიურ-სასურსათო სიძნელეებმა, სახელმწიფო აპარატის გახრწნამ, შინაპოლიტიკურმა ქაოსმა და დაპირისპირებულ კლასთა მიერ ერთმანეთის დასუსტებამ საფრანგეთში ნიადაგი შეუმზადა დირექტორიის უდღეური ხელისუფლების მოსპობას. მან გზა გაუკაფა ახალ სახელმწიფო გადატრიალებას, რომელსაც მთელი ძალაუფლება „ძლიერი და მტკიცე“ ხელისუფლებისათვის უნდა გადაეცა.

რაკი „ვექილთა ხელისუფლებამ“, როგორც უწოდებდნენ დაცინვით აღმასრულებელ დირექტორიას, ვერ გაამართლა საფრანგეთის ბურჟუაზიის და ქვეყნის სხვა შეძლებული ფენების კლასობრივი დაკვეთა, მათ საჭიროდ მიიჩნიეს მისი თავიდან მოცილება და მტკიცე ხელისუფლების, ერთპიროვნული დიქტატურის დანყარება. ამ ერთპიროვნულ მტკიცე ხელისუფლებას უნდა დაეცვა მათი ეკონომიური და პოლიტიკური მონაპოვარი ყოველგვარი საფრთხისაგან ქვეყნის შიგნით და განეხორციელებინა მათივე მორიგი საგარეო პოლიტიკური მისწრაფებანი.

საფრანგეთის ბურჟუაზიის „თავკაცებმა“ სიეიესის, ბარასის და მათ მსგავსთა ტიპის პოლიტიკურმა ავანტიურისტებმა და მედროვეებმა ოვით შეიმუშავეს სახელმწიფო გადატრიალების დეტალური გეგმა, მათვე გამონახეს საჭირო ფინანსური სახსრები და შეარჩიეს ავტორიტეტის მქონე „ძლიერი ხელისუფალიც“, რომელსაც არმიის მეშვეობით სისრულეში უნდა მოეყვანა სახელმწიფო გადატრიალების გეგმა.

საფრანგეთის ბურჟუაზიამ რამოდენიმე შესაძლო კანდიდატიდან თავისი არჩევანი გენერალ ნაპოლეონ ბონაპარტზე შეაჩერა. შემთხვევითი არ ყოფილა საფრანგეთის კონტრრევოლუციური წრეების მიერ ნაპოლეონ ბონაპარტის თავიანთ მხსნელად მიჩნევა. 1799 წლის დასასრულისათვის ნაპოლეონი იყო ფრანგ გენერალთა შორის ყველაზე უფრო სახელგანთქმული, დიდების შარავანდდით მოსილი გენერალი. მას, ამასთან ერთად, ახასიათებდა ძლიერი ნებისყოფა, დიდი ნიჭი, უსაზღვრო პატივმოყვარეობა, უპრინციპობა და ანგარება. მოკლედ, გენერალ ნაპოლეონ ბონაპარტში მოცემული იყო ყველა ის თვისება, რაც საჭირო იყო იმისათვის, რომ იგი საფრანგეთის ბურჟუაზიის და შეძლებული გლეხების სათაყვანებელი კერპი გამხდარიყო და მათი „მხსნელის“ როლი შეესრულებინა.

ნაპოლეონ ბონაპარტმა, რომელიც მალულად და მოულოდნელად ეგვიპტიდან დაბრუნდა, კარგად გამოიყენა საფრანგეთში შექმნილი ვითარება და სათანადო წრეების მხარდაჭერით 1799 წლის ნოემბერს (18 ბრიუმერს) მოახდინა სახელმწიფო გადატრიალება. მან გარეკა ხუთასის საბჭო, უხუცესთა საბჭო, გააუქმა დირექტორია და კონსულობის ხელისუფლების ნიღაბით დააიყარა პერსონალური სამხედრო დიქტატურა. „...დირექტორიასა“ და „კონსულატს“ შუა იყო სახელმწიფო გადატრიალება...“¹.

ამ აქტით დირექტორიის დროს საფრანგეთში გაჩაღებული მძაფრი ბრძოლა ურთიერთმოპირდაპირე კლასობრივ ძალებს შორის დამთავრდა, როგორც აღნიშნავდა მარქსი, მით, რომ „...ყველა კლასმა თანაბარი უძლურებით და თანაბრად უნძოდ მუხლი მოიდრიკა კონდახის წინაშე“².

მარქსიზმ-ლენინიზმის კლასიკოსებმა მოგვცეს თვრამეტი ბრიუმერის სახელმწიფო გადატრიალების არსისა და მის შედეგად შექმნილი სახელმწიფო ხელისუფლების ხასიათის ღრმა მეცნიერული ანალიზი. მათ ბაზგასმით აღნიშნეს, რომ თვრამეტი ბრიუმერის ბონაპარტისტული გადატრიალება მოამზადა კონტრრევოლუციური ბურჟუაზიისა და შექმნილ გლეხთა შიშმა რევოლუციის შედეგად მოპოვებული სიმდიდრის, პოლიტიკური თავისუფლებისა და მიწების დაკარგვისადმი. აღნიშნულ სახელმწიფო გადატრიალებას ისინი მიიჩნევენ კონტრრევოლუციურ აქტად, ისეთ აქტად, რომელიც მოასწავებდა საფრანგეთის 1789 — 1794 წლების რევოლუციისათვის მორიგი გადამწყვეტი მახვილის ჩაყვას. მის შედეგად აღმოცენებული ახალი ხელისუფლება — კონსულობის ხელისუფლება, მათივე შეხედულებით მორიგი კონტრრევოლუციური ხელისუფლება, კონტრრევოლუციური ბურჟუაზიის კლასობრივი ხელისუფლება იყო, რომელმაც ბოლომდე განაფითარა 9 თერმიდორის კონტრრევოლუციური აქტი.

„საფრანგეთის ისტორია გვიჩვენებს,—წერს ვ. ი. ლენინი,— რომ ბონაპარტისტული კონტრრევოლუცია გაჩნდა XVIII საუკუნის დამლევს—კონტრრევოლუციური ბურჟუაზიის ნიადაგზე... ბონაპარტიზმი არის მმართველობის ისეთი ფორმა, რომელსაც წარმოშობს ბურჟუაზიის კონტრრევოლუციურობა დემოკრატიულ

¹ ი. ბ. სტალინი, თხზ., ტ. 3, გვ. 310.

² კ. მარქსი, თვრამეტი ბრიუმერი ღვი ბონაპარტისა, თბილისი, 1932, გვ. 129.

გარდაქმნათა და დემოკრატიული რევოლუციის ვითარებაში¹.

მესამე წოდების გამარჯვება საფრანგეთის 1789—1794 წლების რევოლუციაში, როგორც მართებულად აღნიშნავს ფრ. ენგელსი „ანტიდიურინგში“, ამ წოდების უმნიშვნელო უმცირესობის—შეძლებული ბურჟუაზიის გამარჯვება აღმოჩნდა. მან ხელთ იგდო პოლიტიკური ძალაუფლება და სპეკულაციის და სხვა ბილწი მეთოდების გამოყენებით საზღაპროდ გამდიდრდა. „სწორედ ამ სპეკულანტების ბატონობამ დირექტორიის ეპოქაში საფრანგეთი და რევოლუცია უფსკრულის პირად მიიყვანა და ამავე დროს ნაპოლეონს საბაბი მისცა სახელმწიფო გადატრიალება მოეხდინა“². ნაპოლეონის გამარჯვება იყო „აღმასრულებელი ხელისუფლების გამარჯვება საკანონმდებლო ხელისუფლებაზე, უფრაზო ხელისუფლების გამარჯვება ფრაზის ხელისუფლებაზე“³. თვრამეტი ბრიუმერის სახელმწიფო გადატრიალების აქტით, ენგელსის აზრით, „...თავის პოლიტიკურ ნიჭზე იმედგაცრუებულმა ბურჟუაზიამ თავი შეაფარა... ნაპოლეონის დესპოტიზმს“⁴.

თვრამეტი ბრიუმერის სახელმწიფო გადატრიალება, მარკსიზმ-ლენინიზმის კლასიკოსების შეფასებით, წარმოადგენდა უხეშ ძალადობას, მოსახლეობის უმნიშვნელო უმცირესობის მიერ მოსახლეობის დიდი უმრავლესობისათვის თავის ნება-სურვილის ძალად თავზე მოხვევას.

„რა არის ბონაპარტიზმი?, — სვამს კითხვას ი. ბ. სტალინი და პასუხობს,—ბონაპარტიზმი არის ცდა—თავს მოახვიო უმრავლესობას უმცირესობის ნება ძალადობის გზით. ბონაპარტიზმი არის ძალადობის გზით უმცირესობის მიერ უმრავლესობის წინააღმდეგ ძალაუფლების ხელში ჩაგდება პარტიაში ან ქვეყანაში“⁵.

რა იყო ნაპოლეონ ბონაპარტის ერთპიროვნული დიქტატურის კლასობრივი დანიშნულება, რაში მდგომარეობდა მისი როლი ბურჟუაზიის მიმართ? „...ნაპოლეონის როლი? თავისუფლების

¹ ვ. ი. ლენინი, თხზ., ტ. 25, გვ. 305.

² ფ. ენგელსი, ანტი-დიურინგი, თბილისი, 1933, გვ. 216.

³ კ. მარკსი, თვრამეტი ბრიუმერი..., გვ. 128.

⁴ ფ. ენგელსი, დასახ. ნაშრომი, გვ. 214.

⁵ ი. ბ. სტალინი, თხზ., ტ. 10, გვ. 174.

ჩამხშობის როლი? მუშების დამხვერეტის როლი“? ¹ გამარჯვებული ბურჟუაზიის ბატონობის დაცვა-განმტკიცებაში მდგომარეობდა. კონსულობის ხელისუფლება, ნაპოლეონის მთავრობა წარმოადგენდა ბურჟუაზიულ მთავრობას, რომელმაც ი. ბ. სტალინის გამოთქმით, „...ჩაახშო საფრანგეთის რევოლუცია და შეინარჩუნა რევოლუციის მხოლოდ ის შედეგები, რაც ხელსაყრელი იყო მსხვილი ბურჟუაზიისათვის“ ².

თავის კლასობრივ მისიას ბონაპარტის ხელისუფლება ახორციელებდა უხეში ძალით, სამხედრო ხროვის მეშვეობით, მიმართავდა რა ლაჟირებას „...ორ მტრულ კლასსა და ძალას შორის, რომელნიც მეტად თუ ნაკლებად აწონასწორებენ ერთიმეორეს“ ³. ბურჟუაზიის კლასობრივი ინტერესების დაცვის გულისათვის ბონაპარტისტული ხელისუფლება შეძლებულ გლახთა ინტერესებსაც კი ღალატობს, მიუხედავად იმისა, რომ ამ ფენის გლახთა მასების განწყობილებამ მცირე როლი როდი შეასრულა მისი დესპოტური ხელისუფლების აღმოცენებაში.

კონსულობის ხელისუფლება გარდამავალი ხელისუფლება იყო. იგი წარმოადგენდა ერთ-ერთ ეტაპს რესპუბლიკის სრული ლიკვიდაციისა და მონარქიის რესტავრაციის გზაზე. სამხედრო დიქტატურის დამყარებით, რკინის ნებისყოფით, გენერლის ჩექმით ნაპოლეონ ბონაპარტი როდი ფიქრობდა მარტო საფრანგეთის ბურჟუაზიის საქმე ეკეთებინა და მისი იარაღი ყოფილიყო.

სახელმწიფო გადატრიალებით და პირადი დიქტატურის დამყარებით მას სურდა გზა გაეწალდა მონარქიის რესტავრაციისათვის და საიმპერატორო გვირგვინი დაედგა თავზე.

თვრამეტი ბრიუმერის სახელმწიფო გადატრიალებასა და კონსულობის ხელისუფლების შექმნას, რომელიც ნაპოლეონ ბონაპარტის სამხედრო დიქტატურის შენიღბულ ფორმას წარმოადგენდა, სათანადო ცვლილებები მოჰყვა საფრანგეთის საშინაო ცხოვრებასა და საგარეო პოლიტიკაში. პირველმა კონსულმა ნაპოლეონ ბონაპარტმა მოკლე დროში მოუღო ბოლო მმართველობაში, ფინანსებსა და სამხედრო საქმეში მემკვიდრეობით მიღებულ

¹ ვ. ი. ლენინი, თხზ., ტ. 24, გვ. 459.

² ი. ბ. სტალინი, პარტიული მუშაობის ნაკლოვანებებსა და ტროცკისტ და სხვათა თვალთმაქცთა ლიკვიდაციის ღონისძიებებზე. მოხსენება და საბოლოო სიტყვა საქ. კ. პ. (ბ) ცკ პლენუმზე 1937 წლის 3—5 მარტს, ფ.ბ. 1937, გვ. 14.

³ ვ. ი. ლენინი, თხზ., ტ. 25, გვ. 262.

ქაოსს. ეფექტური ღონისძიებებით მან მალე წესრიგში მოიყვანა ყველა უწყების საქმიანობა და ფეხზე წამოაყენა წინამორბედი მმართველობის მიერ კატასტროფის პირამდე მიყვანილი ქვეყანა. ნაპოლეონ ბონაპარტის მიერ გატარებული ეკონომიურ-ფინანსური, პოლიტიკურ-ადმინისტრაციული და საადგილმამულო-სასამართლო ღონისძიებები კლასობრივი იყო თავისი ხასიათით და კონტრარევოლუციური ბურჟუაზიის კლასობრივი „მოთხოვნებით“ იყო ნაკარნახევი (თუმცა იგი თვით ნაპოლეონის პატივმოყვარე ეგოისტურ ზრახვებთანაც იყო დაკავშირებული).

პირველი კონსულის საშინაო პოლიტიკის მიმართულეებასთან და ამ მიმართულებიდან გამომდინარე სათანადო ღონისძიებებთან მკიდრო კავშირში იყო მისი საგარეო პოლიტიკური კურსი. კონსულობის პერიოდის საფრანგეთის, კერძოდ კი პირველი კონსულის საგარეო პოლიტიკა არავითარ არსებით სიასლეს და წინამორბედისაგან თვისობრივად განსხვავებულ ნიშნებს არ შეიცავდა. იგი, უმნიშვნელო ცვლილებებით, თერმიდორული კონვენტისა და დირექტორიის საგარეო პოლიტიკის გაგრძელებას წარმოადგენდა იგი იყო აგრესიული საგარეო პოლიტიკა, პოლიტიკა ახალი ბაზრების და გავლენის სფეროების მოსაპოვებლად წარმოებული უსამართლო ომებისა, პოლიტიკა ნეზობელი საელმწიფოების „შემოერთებისა“ და ევროპის კონტინენტზე გაბატონებისა. ეს პოლიტიკა კი სავსებით შეესაბამებოდა საფრანგეთის გაბატონებული ბურჟუაზიის ეკონომიურ და პოლიტიკურ „მოთხოვნებს“ და „მისწრაფებებს“. სწორედ საფრანგეთის ბურჟუაზია, — რომელმაც „...ფეოდალიზმის წინააღმდეგ გამოიყენა საწარმო ძალთა ხასიათისადმი წარმოებით ურთიერთობათა სავალდებულო შესაბამისობის ცნობილი კანონი, დაამხო ფეოდალური ურთიერთობანი, შექმნა ახალი, ბურჟუაზიული წარმოებითი ურთიერთობანი და ეს წარმოებითი ურთიერთობანი... საწარმოო ძალთა ხასიათისადმი შესაბამისობაში მოიყვანა“¹, — სისხლხორცეულად იყო დაინტერესებული აგრესიულ საგარეო პოლიტიკაში, დააყრობებსა და ტერიტორიულ გაფართოებაში. ის საგარეო პოლიტიკური ნაბიჯები და დიპლომატიური ღონისძიებები, რაც ნაპოლეონ ბონაპარტმა გადადგა და განახორციელა 1799 წლის მიწურულიდან, სწორედ საფრანგეთის ბურჟუაზიის კლასობრივი „მოთხოვნებით“ იყო ნა-

¹ ი. ბ. სტალინი, სოციალიზმის ეკონომიური პრობლემები სსრ კავშირში, გვ. 52-53.

კარნახევი. განსხვავება კონსულობის პერიოდისა და დირექტორიის საგარეო პოლიტიკას შორის ძირითადადში გარეგნული ხასიათისა იყო; ეს იყო განსხვავება თვით ამ პოლიტიკის წარმოების ფორმებსა და მეთოდებში¹. მაგრამ აქვე უნდა აღინიშნოს, რომ პირველი კონსულის საგარეო პოლიტიკა უფრო თანამიმდევარი და მტკიცე იყო, ვიდრე აღმასრულებელი დირექტორიისა, რომელსაც ეს თვისებები არ გააჩნდა.

რა კონკრეტული ამოცანები უნდა გადაეწყვიტა ნაპოლეონ ბონაპარტს საგარეო პოლიტიკის დარგში? პირველ ყოვლისა, მას უნდა გამოესწორებინა ფრონტებზე არსებული არასახარბიელო მდგომარეობა, აღედგინა 1799 წლის კამპანიის წინ არსებული ვითარება და ნიადაგი მოემზადებინა ახალი აგრესიული აქტებისათვის. მისი დარტყმის მთავარი ობიექტი კონტინენტზე ავსტრია უნდა ყოფილიყო, ზღვაზე — ინგლისი.

საფრანგეთის მთავარ დაუძინებელ მტერს მაშინაც ინგლისი წარმოადგენდა. ამიტომ მისი განადგურება კონსულობის ხელისუფლების საგარეო პოლიტიკის და დიპლომატიის, მისი სამხედრო ღონისძიებების მთავარი სტრატეგიული მიმართულება და ამოცანა უნდა ყოფილიყო. ავსტრიის განადგურება, მისი გამოყვანა ომიდან და ინგლისისაგან ჩამოშორება ამ სტრატეგიული გეგმის ნაწილს წარმოადგენდა. ამასთანავე ეს ამოცანა უფრო ადრე უნდა გადაწყვეტილიყო, რომ შემდეგში საფრანგეთს მთელი თავისი ძალები ინგლისის წინააღმდეგ წარემართა.

მაგრამ შინაგანი ქაოსის, არმიის დეზორგანიზაციის და ხანგრძლივი ომისაგან მოსახლეობის მოქანცულობის ვითარებაში ამ ამოცანების გადაწყვეტა მოკლე დროში არ შეიძლებოდა. ამისათვის საჭირო იყო სათანადო მზადების ჩატარება და, მაშასადამე, დროის გარკვეული მიწინააღმდეგობა. საფრანგეთის ახალ ხელისუფალს სურდა ჰქონოდა დროებითი შესვენება ომისაგან, რომ ამ დროის განმავლობაში მას ჩაეტარებინა საჭირო მზადება ახალი საომარი ოპერაციებისათვის. აქედან გამომდინარეობდა საფრანგეთის ახალი ხელისუფლების პაციფისტური ტენდენცია, მისი გარეგნული სურვილი ომის შეწყვეტისა და მშვიდობიანობის აღდგენისაკენ. ამასთან

¹ ნაპოლეონ ბონაპარტმა, რომელმაც კარგი დიპლომატიური ოსტატობა გამოავლინა, თვით აიღო ხელში საგარეო პოლიტიკის სადაცეები. მან საგარეო საქმეთა სამინისტროს დაუქარა ძველი ინსტიტუტი და თვით საგარეო საქმეთა მინისტრი თავისი ნება-სურვილის აღმასრულებელ მოხელედ აქცია. ამის შესახებ ვრცლად იხილეთ F. Masson, დასახ. ნაშრ., გვ. 389, 446.

იყო დაკავშირებული მისი პირველი ნაბიჯები პრუსიის და დანიის მიმართ, რომელთაც დ. მილიუტინი ზომიერს და სამშვიდობოს უწოდებს¹.

ამიტომ იყო, რომ ნაპოლეონ ბონაპარტმა პაციფისტური ნილაბი ჩაპოიცვა და 1800 წლის დასაწყისისათვის ინგლისისა და ავსტრიის მთავრობებს სამშვიდობო წინადადებებით მიმართა². მაგრამ ეს „სამშვიდობო“ ინიციატივა ინგლისისა და ავსტრიის მთავრობების მიერ მაშინ უყურადღებოდ იქნა დატოვებული. ინგლისისა და ავსტრიის მთავრობათა ასეთი პოზიცია კონსულობის ხელისუფლების დიპლომატიური ნაბიჯისადმი, ჩვენი აზრით, შემდეგი მოტივებით იყო პირობადებული. პირველ ყოვლისა, მათ ხელში იყო საომარ მოქმედებათა ინიციატივა, ამიტომ აღნიშნულ მთავრობებს სურდათ შეენარჩუნებინათ ეს უპირატესობა, ხელიდან არ გაეშვათ იგი და მტრისათვის მორიგი დარტყმებისათვის გამოეყენებინათ. მეორე მხრივ, მათ არ სურდათ საფრანგეთისათვის შესვენების დრო და საშუალება მიეცათ და, არც თუ უსაბუთოდ, ფიქრობდნენ, რომ ამ შესვენებას საფრანგეთი გამოიყენებდა ახალი ომის საშუალებისათვის. დასასრულ ამ ქვეყნების მთავრობებმა თავდაპირველად ჯეროვნად ვერ შეაფასეს საფრანგეთის პოლიტიკურ ცხოვრებაში მომხდარი ცვლილება. გამორიცხული არ არის ისიც, რომ გენერლის სამხედრო დიქტატურამ კიდევ უფრო გააძლიერა ინგლისისა და ავსტრიის მესვეურთა უნდობლობა საფრანგეთისადმი და კიდევ უფრო მეტი შიში აღძრა მათში ნაპოლეონის მომავალმა გეგმებმა. აქვე უნდა აღინიშნოს, რომ, მართალია, ავსტრიას მისი ფინანსების, ეკონომიკისა და არმიის მდგომარეობა აიძულებდა მშვიდობა ეძია, მაგრამ მასზე მზარდ გავლენას ახდენდა ინგლისი, ახალ სუბსიდიას ჰპირდებოდა მას და აგულიანებდა შემდგომი სამხედრო ღონისძიებებისაკენ.

დ. მილიუტინი და ა. ტრაჩევესკი არა მარტო ქება-დიდებას ასხამენ თერამეტი ბრიუმერის სახელმწიფო გადატრიალების აქტს და ნაპოლეონ ბონაპარტის მიერ შექმნილ მტკიცე ხელისუფლებას, არამედ იწონებენ ნაპოლეონის პირველ ნაბიჯებსაც საგარეო პო-

¹ Д. Милютин, *დასახ. ნაშრ.*, ტ. 2, გვ. 509.

² А. Вост, *Дипломатия 'и войны. История XIX века под редакцией Лависса и Рамбо*, М. 1938, ტ. 1, გვ. 71; Д. Милютин, *დასახ. ნაშრ.*, ტ. 2, გვ. 510—511; ტ. 3, გვ. 657, 65-ე შენიშვნა. უფრო ვოცლად ცნობები ნაპოლეონის სამშვიდობო ინიციატივისა და ინგლისისა და ავსტრიის მთავრობათა პასუხების შესახებ იხ. Tatistcheff, Paul et Bonaparte, „La Nouvelle Revue“, 1887, ტ. 49, გვ. 754—755.

ლიტიკის დარგში. კერძოდ, ისინი დარწმუნებულნი არიან ნაპო-
ლეონ ბონაპარტის ზემოაღნიშნულ სამშვიდობო ინიციატივის გულ-
წრფელობაში. მათი აზრით, საფრანგეთის შინაგანი და საერთა-
შორისო ვითარება მაშინ ისეთი იყო, რომ იგი აიძულებდა ახალ
ხელისუფლებას მშვიდობა ეძია და სამშვიდობო ინიციატივით გა-
მოსულიყო. ომის შეწყვეტა და ევროპული მშვიდობიანობის
აღდგენა იმ წინადადების საფუძველზე, რომლითაც პირველმა კონ-
სულმა ინგლისის და ავსტრიის მთავრობებს მიმართა მაშინ, ამ
ავტორების შეხედულებით, შესაძლებელი იყო. და თუ ასეთი შე-
საძლებლობა სინამდვილედ არ იქცა და საფრანგეთის სამშვიდობო
ინიციატივა უშედეგოდ იქნა დატოვებული, ამაში, მათი აზრით,
ინგლისის და ავსტრიის მთავრობები იყვნენ დამნაშავენი. მათ
ზვიადად და ქედმაღლურად უარპყვეს ნაპოლეონ ბონაპარტის ინი-
ციატივა და ომის გაგრძელება არჩიეს. სხვა მოტივებთან ერთად,
რანაც. ამ ისტორიკოსთა შეხედულებით, განაპირობა ინგლისის და
ავსტრიის მთავრობათა ასეთი მოქმედება, იყო პიტისა და თუჯუ-
ტის შეურიგებელი სიძულვილი საფრანგეთისადმი და აშკარა
ანტიპათია პირადად ნაპოლეონისადმი. აქედან გამომდინარე, ეს
ისტორიკოსები ასკენიან, რომ პასუხისმგებლობა ომის განახლები-
სათვის ეკისრებათ ინგლისის და ავსტრიის მთავრობებს და არა
ნაპოლეონ ბონაპარტს, რომელიც მათ იძულებული გახადეს იარა-
ღი ეშიშვლა და ისევ ომი განეახლებინა¹.

ჩვენ არ შეგვიძლია გავიზიაროთ აღნიშნულ ისტორიკოსთა
ეს მოსაზრება. ნაპოლეონ ბონაპარტის სამშვიდობო ნაბიჯები
საერთოდ, კერძოდ ინგლისის და ავსტრიის მიმართ, როგორც
ზემოთ აღვნიშნავდით, გულწრფელი არ იყო, ტაქტიკურ ხასიათს
ატარებდა და ახალი მთავრობის მშვიდობისმყოფელი ბუნებიდან
არ გამომდინარეობდა. საფრანგეთის ახალ მმართველობასაც
ინგლისისა და ავსტრიის მთავრობებთან ერთად, ეგოისტური, დაპყ-
რობითი, მოქიშპე სახელმწიფოთა განადგურების ზრახვები ამოქმე-
დებდა. სამშვიდობო ინიციატივის ჩაშლისა (1800 წლის დასაწყისი-
სათვის) და საომარი მოქმედებების განახლების მიზეზები უფრო
რთული იყო, ვიდრე მათ ჰგონიათ. ინგლისისა და ავსტრიის
მთავრობებთან ერთად ამისათვის პასუხისმგებლობა თვით კონ-
სულობის ხელისუფლებასაც უნდა დაეკისროს.

¹ Д. Милютин, *დასახ. ნაშრ.*, ტ. 2, გვ. 509—511; А. Трачевс-
кий, *Наполеон I, первые шаги и Консульство*. М., 1907, გვ. 293—294.

„სამშვიდობო“ ინიციატივის უშედეგობამ პირველ კონსულს მკვეთრად შეუმცირა ის დრო, რომელიც მას მტრებთან ახალი ბრძოლისათვის საჭირო მზადებისათვის უნდა გამოეყენებინა. მაგრამ დროის მოკლე მონაკვეთში მან მაინც შესძლო წესრიგში მოეყვანა არმია და იგი აესტრიის წინააღმდეგ საბრძოლველად გაემზადებინა.

საფრანგეთის ბურჟუაზიის საგარეო პოლიტიკური გეგმების ბედი, რომლის რეალიზაციაც პირველ კონსულ ნაპოლეონ ბონაპარტს უნდა მოეხდინა, დიდად იყო დამოკიდებული რუსეთის პოზიციაზე. აესტრიის დამარცხება, მისი ომიდან გამოყვანა და იტალიის პლაცდარმის კვლავ უკან დაბრუნება, როგორც ამ გეგმის პირველი ამოცანა, ჩვენი აზრით, მარტო სამხედრო ღონისძიებებით ვერ გადაწყდებოდა. საბრძოლო იარაღთან ერთად საჭირო იყო თვით დიპლომატიური იარაღის მომარჯვება და მისი მეშვეობით რუსეთის გზიდან ჩამოშორება. ნაპოლეონ ბონაპარტისათვის კარგად იყო ცნობილი რუსეთის დიდი სამხედრო ძალა (1799 წლის კამპანია ხომ ამის შესანიშნავი დამადასტურებელი ფაქტი იყო) და ამ ქვეყნის როლი ევროპის პოლიტიკურ ცხოვრებაში. რუსეთის სრული ჩამოცილება ყოფილი მოკავშირეებისაგან და მასთან დაახლოება, ინგლისთან და აესტრიასთან ბრძოლაში მისი იარაღად გამოყენება, აი რა სერიოზული ამოცანა დაისვა პირველი კონსულის წინაშე დიპლომატიურ დარგში 1800 წლის დასაწყისიდან. ამ ამოცანის გადაწყვეტისათვის მას უნდა მოეკიდა ხელი იმ ღონისძიებების პარალელურად, რაც სამხედრო დარგში უნდა ჩაეტარებინა მანამდე, სანამ დასახული სტრატეგიული გეგმის რეალიზაციას შეუდგებოდა. „რუსეთის საკითხი“, რუსეთთან შემდგომი ურთიერთობის საკითხი კონსულობის მთავრობის საგარეო პოლიტიკისა და დიპლომატიური საქმიანობის ერთ-ერთ მთავარ საზრუნავ საგნად იქცა უკვე 1799 წლის დასასრულიდან.

ცნობილია, რომ ნაპოლეონ ბონაპარტი დასახული მიზნების მისაღწევად არ ერიდებოდა არავითარ საშუალებებს—„წესიერს“ და უწესოს. იგი, ისე როგორც ბევრი მისი პოლიტიკური წინამორბედი და მემკვიდრე „...წარმატებით იყენებდა თავის საგარეო პოლიტიკაში ინტრიგებსაც, მოტყუებასაც, სიმუხთლესაც, მლიქვნელობასაც, მხეცობასაც, მოსყიდვასაც, მკვლევლობასაც და ცეცხლ-წაქიფებასაც“ (ი. სტალინი). მრავალფეროვანი იყო ის ხერხები და

1 ი. ბ. სტალინი, ენჯელის სტატიაზე „რუსეთის ცარიზმის საგარეო პოლიტიკა“, „კომუნისტი“, 1941 წლის 28 მაისი.

საშუალებები, რომლებიც მან გამოიყენა რუსეთის მიმართ დასახული ამოცანის სისრულეში მოსაყვანად.

მაგრამ კონსულობის მთავრობის ახალი ორიენტაცია ყოფილი მოწინააღმდეგის, რუსეთის მიმართ მარტო მოხაზული სამხედრო-სტრატეგიული მოსაზრებებით როდი იყო განპირობებული. საფრანგეთის მთავრობის მიერ რუსეთის მიმართ ახალი პოლიტიკური კურსის აღება ხმელთაშუა ზღვის აუზში მომხდარი ცვლილებებითაც იყო გამოწვეული. ეგვიპტის ექსპედიციის სრულმა მარცხმა და მალტის ბლოკირებამ ინგლისელების მიერ ჩაშალა ის გეგმები, რასაც საფრანგეთი ახლო აღმოსავლეთის მიმართ ისახავდა. ნაპოლეონ ბონაპარტი იძულებული იყო ეცნო ეს მისთვის მეტად არასასურველი ფაქტი და აქედან სათანადო დასკვნა გაეკეთებინა. ძველი პოზიციების უკან დაბრუნებამდე ამ აუზში მას ფიქრიც არ შეეძლო იმის შესახებ, რომ წარმატებით გადაწყვეტდა საფრანგეთის ბერუჯაზიის მისწრაფებებს აღმოსავლეთის საკითხში. ეს კი, თავის მხრივ, შეუძლებელი იყო რუსეთთან ახალი ურთიერთობის დამყარების გარეშე. მაშასადამე, რუსეთთან დაახლოებას, მასთან შეთანხმებაზე კურსის აღებას, საფრანგეთის ახალ მთავრობას უკარნახებდა ახალი ვითარების აღმოცენება ახლო აღმოსავლეთში.

ნაპოლეონ ბონაპარტი იმდენად დიდად აფასებდა რუსეთთან დაახლოებას და მასთან საერთო ენის გამონახვას, რომ ამ მიზნის მისაღწევად იგი მზად იყო ხელი აეღო თურქეთისადმი საფრანგეთის ძველ ტრადიციულ „მეგობრობაზე“ და თურქეთის იმპერიის გაყოფის თაობაზე გარიგება დაედო რუსეთთან. რღვევის პროცესში მყოფი ოტომანთა იმპერია, რომელიც მაშინ რუსეთის მოკავშირე და საფრანგეთის მოწინააღმდეგე იყო, ის მსხვერპლი (ზვარაკი) უნდა ყოფილიყო, რომლის საფასურადაც საფრანგეთის ახალი ხელისუფლება იმედოვნებდა რუსეთთან დამეგობრებას¹.

¹ პირველი კონსულის ნაპოლეონ ბონაპარტის რუსეთის მიმართ აღებული ამ ახალი პოლიტიკური კურსის შესახებ საყურადღებო ახრს გამოთქვამს ფრანგი ისტორიკოსი ე. ბურჟუ. იგი წერს, რომ მას შემდეგ, რაც მარცხი განიცადა ნაპოლეონის ხელმძღვანელობით მოწყობილმა აღმოსავლეთის ლაშქრობამ და მისმა ცდამ კვლავ მოეწყო ასეთი ლაშქრობა, იძულებული გახდა იგი ახალი მეთოდი მოეწა და რუსეთთან ომის ნაცვლად მასთან თურქეთის დაყოფის თაობაზე გარიგებაზე აეღო გეზი. იხ. E Rourgeois. Manuel historique étranger . . . t II, Paris, 1926. გვ 212. ჩვენი აზრით, საკმაოდ ყურადღასაღებია ფრანგი ისტორიკოსის მოტანილი ზეხედულება. იგი მის კარგ ადლოზე ეწუყველებს.

თუ გავითვალისწინებთ რუსეთ-საფრანგეთის არსებულ ურთიერთობას და ევროპაში არსებულ პოლიტიკურ ვითარებას, შეიძლება დავასკვნათ, რომ საკმაოდ რთული და ძნელად გადასაწყვეტი იყო საფრანგეთის მხრივ რუსეთთან დაახლოების ამოცანა. პირველ კონსულისაგან ამ ამოცანის გადაწყვეტა მოითხოვდა დიდ უნარს და დიპლომატიურ მოხერხებას. დასაძლევ იყო ის ფრანგოფობური სულისკვეთება, რომელმაც ღრმად გაიდგა ფესვები რუსეთის ფეოდალური არისტოკრატის რიგებში საფრანგეთის ბურჟუაზიული რევოლუციისა და რევოლუციური ომების შედეგად. დასაძლევ იყო აგრეთვე საფრანგეთის მზარდი აგრესიის, კერძოდ ეგვიპტის ექსპედიციის შედეგად რუსეთის ცარიზმის მესვეურებში ფეხმოკიდებული შიში და სიძულვილის გრძნობა ახალი საფრანგეთის მიმართ. დაბოლოს დასაძლევ იყო აგრეთვე რუსეთ-საფრანგეთის დაპირისპირება იტალიისა და გერმანიის საკითხებში.

ნაპოლეონ ბონაპარტმა მთელი სერიოზულობით მოჰკიდა ხელი რუსეთთან დაახლოების საქმეს და ძალაუფლების ხელში ჩაგდებას მომენტიდანვე იგი თავის განსაკუთრებულს ყურადღების ცენტრში დააყენა. სხვადასხვა დიპლომატიური ხერხებისა და მეთოდების ოსტატური შეხამებით მან შესძლო გარდატეხის მოხდენა რუსეთთან ურთიერთობაში და ნიადაგი მოამზადა მასთან მჭიდროდ დაახლოებისათვის¹. ამასთან დაკავშირებით არ შეიძლება გავიზიაროთ ისტორიკოს ტატიშჩევის შეხედულება იმის შესახებ, რომ, თითქოს, კონსულობის მმართველობის პირველ პერიოდში არც საფრანგეთში და მით უფრო არც რუსეთში სერიოზულად არ ფიქრობდნენ ურთიერთდაახლოებაზე¹. ტატიშჩევი ამ მოსაზრებას არ ასაბუთებს, ამავე დროს იგი აშკარად მცდარია, კერძოდ იმ ნაწილში, რომელიც საფრანგეთის პოზიციას ეხება. პირველმა კონსულმა ნაპოლეონ ბონაპარტმა, როგორც უკვე აღენიშნავდით, თავისი საგარეო პოლიტიკური გეგმის შემუშავებისთანავე მნიშვნელოვანი ყურადღება დაუთმო რუსეთის საკითხს და საჭიროდ სცნო მიეღწია მკვეთრი შემობრუნებისათვის რუსეთთან ურთიერთობაში.

ვინაიდან საფრანგეთსა და რუსეთს შორის ფორმალურად ჯერ კიდევ არ იყო ლიკვიდირებული ომის მდგომარეობა და არ იყო აღდგენილი დიპლომატიური ურთიერთობა, საფრანგეთმა პირველმა კონსულმა გადადგა ისეთი ნაბიჯები, რომელთა ამოცანა

¹ Tatistcheff, დასახ. ნაშრ, „La Nouvelle Revue“, 1887, ტ. 49, 38. 233.

იყო პეტერბურგის სამეფო კარის გულის მოგება, საფრანგეთთან დაახლოების მომხრე თავკაცების რიცხვის გამრავლება და უფრო ეფექტური დიპლომატიური ნაბიჯებისათვის ნიადაგის მომზადება.

ამ მიმართულებით ნაპოლეონ ბონაპარტის მიერ გადადგმული ნაბიჯებიდან აღსანიშნავია: ინგლისელების მიერ გარემოცული მალტის შეთავაზება პაველ I-სათვის, როგორც მალტის ორდენის დიდი მაგისტრისათვის, რუსი ტყვეების განთავისუფლება და მათი სამშობლოში დაბრუნება თავიანთი დროშებით და ახალი ტანისამოსით; მალტიდან წამოღებული „ლეგენდარული“ მახვილის საჩუქრად გაგზავნა პაველ I-სათვის¹; რუსეთის იმპერატორის გულის მოსაგებად „გულთბილი“ წერილის გაგზავნა პეტერბურგში, მოსერბებული დიპლომატიური ნაბიჯების გადადგმა ბერლინში, კოპენჰაგენსა და სხვა სატახტო ქალაქებში. აღნიშნულმა ნაბიჯებმა მნიშვნელოვანი ნაყოფი გამოიღო. ამან შეუწყო ხელი ამ ორი ქვეყნის ურთიერთობაში არსებული ფიციხე მასალის შესუსტებას, ყინულის გადნობას, პეტერბურგის სასახლეში გამეფებული ანტიფრანგული განწყობილების შენელებას, რუსეთ-საფრანგეთის დაახლოებას.

ჩვენ ვფიქრობთ, რომ საფრანგეთის პირველი კონსულის ნაპოლეონ ბონაპარტის აღნიშნული ნაბიჯები რუსეთის მიმართ დასაწყისშივე უშედეგოდ დამთავრდებოდა და ამ ქვეყნების ურთიერთობაში მობრუნება არ მოხდებოდა, რომ საფრანგეთში მომხდარი პოლიტიკური ცვლილებებისა და ევროპაში შექმნილი ახალი ვითარების ზეგავლენით თვით რუსეთის სამეფო მთავრობის განწყობილებაში არ მომხდარიყო სათანადო ცვლილება და ამით არ მომზადებულყო პირობები საფრანგეთთან ურთიერთობაში მობრუნებისათვის.

თერამეტი ბრიუნიერის სახელმწიფო გადატრიალება საფრანგეთში ერთ-ერთი მნიშვნელოვანი ფაქტორი იყო, რომელმაც, ჩვენი აზრით, შეასუსტა რუსეთის ცარიზმის მესვეურთა ანტიფრანგული განწყობილება, ზედმეტი გახადა დაცვით-მონარქისტული პრინციპის გამოყენება ამ სახელმწიფოსთან ურთიერთობაში და შექმნა პირობები მათი დაახლოებისათვის. რუსეთის ფეოდალური არისტოკრატის მმართველი ზედაფენის ერთმა ჯგუფმა და თვით პაველ პირველმა ჯეროვნად შეათასეს თერამეტი ბრიუნიერის სახელმწიფო

¹ ამ მახვილის შესახებ იხ. A. Lefebvre, დასახ. ნაშრ., გვ. 124.

გადატრიალების აქტი და ის მოსალოდნელი ცვლილებები, რომლებიც მას უნდა მოჰყოლოდა როგორც საფრანგეთის პოლიტიკურ ცხოვრებაში, ისე ევროპის სახელმწიფოთა ურთიერთობაში. 18 ბრიუმერის აქტში ნათქვამი დაინახეს საფრანგეთის რევოლუციის უკანასკნელი ნაშთის ლიკვიდაციისა და მონარქიის რესტავრაციის ამკარა ნიშნება.

გრაფი თ. ვ. როსტოპჩინი, რომელიც მაშინ რუსეთის საგარეო საქმეთა კოლეგიის ფაქტიური ხელმძღვანელი იყო და ამდენად პავლე I-ის მრჩეველად ითვლებოდა საგარეო პოლიტიკის საკითხებში, მალე გამოეხიზა ნაპოლეონ ბონაპარტის მიერ მოხდენილ სახელმწიფო გადატრიალებას საფრანგეთში. თავის 1799 წლის 22 ნოემბრის წერილში ს. რ. ვორონცოვისადმი მან პოლიტიკურ ამბებში გარკვევის კარგი ალლო გამოავლინა და სწორი შეფასება მისცა ამ გადატრიალებას და მის შესაძლო შედეგებს. მე ვფიქრობ, — წერდა იგი ამ წერილში, — ბონაპარტი ან ოლაფერ კრომველის მსგავსი ექნება, ანდა ახალ მეფეს მისცემს საფრანგეთსო. ისეთი ტიპის ადამიანი, როგორც იგი არის, არასოდეს არ დაჯერდება მეორეხარისხოვანი როლის შესრულებას, არ მოისურვებს სიიების ან სხვა ვისიმე იარაღი იყოს და ავიომპყრობელურ მმართველობას განიზრახავს¹.

ასეთსავე აზრს ავითარებს იგი 1799 წლის 23 ნოემბერს სუვოროვისადმი გაგზავნილ წერილშიც, სადაც ისევ ვარაუდობს: თუ ბონაპარტი ცოცხალი დარჩა, იგი ან კრომველობას მოიწადინებს, ან ჩეფის ტახტზე აიყვანს ვისმეო².

თ. ვ. როსტოპჩინის მოტანილ წერილებიდან ნათლად გამოსჭვივის, რომ იგი და მისი სახით პეტერბურგის თავადაზნაურული არისტოკრატის ერთი ნაწილი დარწმუნებული იყო, რომ თვრამეტი ბრიუმერის სახელმწიფო გადატრიალების აქტი და ნაპოლეონ ბონაპარტის განდიდება თავის ლოგიკურ ფინალამდე მივიდოდა და მონარქიის რესტავრაციით დამთავრდებოდა. პირველმა კონსულმა ბონაპარტმა, მართლაც შეასრულა დროებით საფრანგეთის კრომველის როლი, მაგრამ მან არ მოისურვა ვისიმე იარაღი ყოფილიყო, უარი თქვა სიიებისაზე და თვით მონკის როლზე და თავის თავს გაუკაფა გზა იმპერატორის ტახტისაკენ.

¹ Архив князя Воронцова, т. 8, гл. 269—270

² „Теперь весьма важно знать, какой оборот примет новое республиканское правление и чего захочет Бонапарте, если оставят его в живых; из двух он верно выберет одно: быть Кромвелем или вознестись на престол короля...“ . იხ. Д. М и л ю т и н, დასახ. ნაშრ., ტ. 3, გვ. 658, 70-ე შენიშვნა.

რუსეთის სამეფო კარზე. ამასთან ერთად, სწორად ივარაუდეს, რომ ახალი ვითარება საფრანგეთის პოლიტიკურ ცხოვრებაში გავლენას მოახდენდა ევროპის პოლიტიკურ ცხოვრებაზე, მკვეთრად შეასუსტებდა რუსეთის იმპერიის სოციალური სისტემისათვის საფრანგეთის რევოლუციის შედეგებით წარმოშობილ საფრთხეს და მით ბიძგს მისცემდა მობრუნებას რუსეთ-საფრანგეთის ურთიერთობაში.

იმ საუბრიდან, რომელიც პაველე I-ს ჰქონდა უფრო მოგვიანებით, 1800 წლის 3 სექტემბერს, დანიის ელჩ როზენკრაუტთან, ცხადი ხდება, რომ თვით რუსეთის ინპერატორიც კარგად ერკვეოდა საფრანგეთში მომხდარი პოლიტიკური გადატრიალების არსში და ნაპოლეონის ხელისუფლების ევოლუციის პერსპექტივებში. ახლა ამ ქვეყანაში,—განაცხადა მან ამ საუბრისას,—მოკლე დროში აღდგება მეფის ხელისუფლება, თუ სახელით არა, არსებითად მაინც, რაც ცელის ვითარებას¹. რუსეთის თვითმპყრობელმა მონარქმა კარგად დაინახა, რომ გენერლის სამხედრო დიქტატურის დამყარების შედეგად საფრანგეთმა დაჰკარგა რევოლუციის ჯერის როლი და იგი დაადგა მონარქიის რესტავრაციის გზას. „მეთევზე მეთევზეს შორიდან ხედავს“, იტყვიან. პაველე I-მა ნაპოლეონ ბონაპარტში დაინახა საფრანგეთის მომავალი თვითმპყრობელი ხელისუფალი. ამას არ შეიძლება არ განეწყო იგი ახალ საფრანგეთთან ურთიერთობის ნორმალიზაციის სასარგებლოდ, პირადად ნაპოლეონ ბონაპარტთან დაახლოების სასარგებლოდ².

1799 წლის კამპანიის შედეგებმა და ეგვიპტის ექსპედიციის მარცხმა ახალი ვითარება შექმნა ევროპის მატერიკსა და ხმელთაშუა ზღვის აუზში, რამაც ჩვენი აზრით, აგრეთვე გავლენა მოახდინა რუსეთ-საფრანგეთის ურთიერთობაზე და ბიძგი მისცა ახალი ვითარების შექმნას ამ ქვეყნების ურთიერთობაში.

რუსეთ-თურქეთის თავდაკეითი კავშირის მოქმედებაში შესვლამ, ნაპოლეონის ექსპედიციის კრაზმა ეგვიპტეში და რუსების

¹ Н. Шпильер, Император Александр Первый, т. I, гл. 196.

² ინგლისის ელჩის უიტიორტის ცნობით, ნაპოლეონის „სათნოება“ (доношение) საუბრის საყვარელ თემად იქცა პაველე I-ის ახლობელთა რიგებში. ჰერცოგ სერა-კაპრიოლის ცნობით, ნაპოლეონმა დაჩრდილა პეტერბურგის სასახლეში თუგუტი, პაველე უფრო და უფრო ექცეოდა არკოლისა და პირამიდების გმირის მიმზიდველ გავლენის ქვეშ. იხ. К. Вагнер-Евксин, დასახ. ნაშრ., გვ. 434. ფრანგი ემიგრანტი გენერლის დიუბურის მიღებისას პაველე I დადებითად იხსენიებს ნაპოლეონ ბონაპარტს და მტკიცედ მიიხვევს მის ერთპიროვნულ ხელისუფლებას. იქვე, გვ. 435.

მიერ იონიის კუნძულებზე ფეხის მოკიდებამ ძალთა ახალი განწყობა შექმნა ხმელთაშუა ზღვის აუზში. ამ ახალმა ვითარებამ მკვეთრად შეასუსტა ის საფრთხე, რომელიც შეიქმნა რუსეთის ინტერესებისათვის ახლო აღმოსავლეთში 1797—1798 წლებში. ამ საფრთხის შენელებამ არსებითად ბოლო მოუღო ერთ-ერთ მთავარ ფიციხ მასალას რუსეთ-საფრანგეთის ურთიერთობაში, რითაც განაწყობ პეტერბურგის სამეფო კარი საფრანგეთთან დაახლოების სასარგებლოდ. იგივე უნდა ითქვას ახალი ვითარების შესახებ ევროპის კონტინენტზე. ის საფრთხე, რომელიც შეიქმნა რუსეთის პოზიციებისათვის 1798 წელს, 1800 წლისათვის აქაც მკვეთრად შენელდა სუვოროვის სახელგანთქმული ოპერაციების შედეგად, რამაც ლიკვიდაცია უყო იმ ეტაპზე საფრანგეთის ბაზებს იტალიაში და ბოლო მოუღო მათ ბატონობას ამ ქვეყანაში.

ამგვარად, სერიოზული საფრთხე, რომელიც საფრანგეთის რესპუბლიკის აგრესიამ შეუქმნა რუსეთის ეკონომიურ-პოლიტიკურ და სამხედრო ინტერესებს და პოზიციებს ევროპის კონტინენტსა და ხმელთაშუა ზღვის აუზში, საგრძნობლად შესუსტდა და იქ ძალთა ახალი განლაგება დამყარდა, ამით კი შეიქმნა პირობები მობრუნებისათვის რუსეთ-საფრანგეთის ურთიერთობაში.

ამდენად, რუსეთის საგარეო პოლიტიკის მორიგი ახალი ორიენტაცია, და საფრანგეთთან დაახლოებაზე გეზის აღება, ჩვენი აზრით, არ იყო მოულოდნელი, შემთხვევითი და არაკანონზომიერი მოვლენა, იგი, ამასთან ერთად, არ წარმოადგენდა რუსეთის საგარეო პოლიტიკის არათანამიმდევრობის, პავლე I-ის ენიანობის, მისი სუბიექტური ნების მორიგ გამოხატულებას. ეს მობრუნება მოამზადა წინამორბედმა პროცესებმა ევროპის პოლიტიკურ ცხოვრებაში. კონკრეტულად ამ მობრუნების პირობამდელი ფაქტორები იყო: რუსეთ-ავსტრიის და ინგლის-რუსეთის წინააღმდეგობათა უკიდურესად გამწვავება, ახლო აღმოსავლეთში რუსეთის ინტერესებისათვის მორიგი საფრთხის წარმოშობა ინგლისის მხრივ მის მიერ მალტაზე პრეტენზიის გამოცხადების გამო, რუსეთის ინტერესისათვის საფრანგეთის აგრესიის საფრთხის შემცირება ინგლისელთაგან მალტის გარემოცვის, ეგვიპტის ექსპედიციის კრახის, იონიის კუნძულებზე რუსეთის სამხედრო მმართველობის დამყარებისა და ფრანგების იტალიიდან განდევნის შედეგად, თვრამეტი ბრიუპერის სახელმწიფო გადატრიალება საფრანგეთში და მის შედეგად ამ ქვეყნის საშინაო ცხოვრებაში მომხდარი რადიკალური ცვლილება.

რევოლუციამდელი რუსი და საზღვარგარეთელი ისტორიკოსებიც შეეცადნენ პასუხი გაეცათ ამ საკითხზე და მიეთითებინათ იმ მოტივებზე, რომელთაც შექმნეს პირობები ახალი მობრუნებისათვის რუსეთსა და საფრანგეთს შორის. მაგრამ მსოფლმშვიდდებლობის შეზღუდულობამ და მცდარმა მეთოდოლოგიურმა საფუძვლებმა საშუალება არ მისცეს მათ ჯეროვანი პასუხი გაეცათ აღნიშნულ საკითხზე. რუსეთის სამეფო კარის, კერძოდ პავლე I-ის კურსის შეცვლას საფრანგეთის მიმართ და მის შედეგად მასთან დაახლოებაზე გეზის აღებას ისინი უკავშირებენ სუბიექტურ ფაქტორებს, ცალკეულ პიროვნებათა განწყობილებას, ცვლილებას საგარეო საქმეთა კოლეგიაში და სხვ. ამ ისტორიკოსთა ერთი ნაწილი (ა. ტერი, ა. ვანდალი) რუსეთ-საფრანგეთის დაახლოებას, რუსეთის ცარიზმის მობრუნებას საფრანგეთისადმი ხსნის იმ უდიდესი მომჯადოებელი გავლენით, რომელიც, თითქოს ნაპოლეონ ბონაპარტმა მოახდინა აღგზნებად და ცვალებადი ხასიათის მქონე რუსეთის იმპერატორ პავლე I-ზე. მათი აზრით, ბონაპარტის ეს მომჯადოებელი ზეგავლენა იმდენად დიდი იყო, რომ მან იმპერატორს ხელი ააღებინა საფრანგეთის მიმართ მტრობაზე¹. ასევე სუბიექტური მოტივებით ხსნიან რუსეთის სამეფო კარის მობრუნებას საფრანგეთის მიმართ კ. ვალიშევსკი და „Mémoires...“-ის გამომცემლები. ვალიშევსკი დიდ როლს ანიჭებს თ. ვ. როსტოპჩინის მიერ ნ. პ. პანინის შეცვლას საგარეო საქმეთა კოლეგიაში და როსტოპჩინის დიდ გავლენას იმპერატორზე. იგი, ამასთან ერთად, პავლე I-ის გადაწყვეტილებას—დაახლოებოდა საფრანგეთს, ისეთივე ნაჩქარევ და მოუფიქრებელ ნაბიჯს უწოდებს, როგორც თავის დროზე კოალიციაში ჩაბმას². რაც შეეხება „Mémoires...“-ის გამომცემლებს, ისინი პავლეზე ამ მიმართულებით ზემოქმედების მომხდენთა შორის როსტოპჩინთან ერთად გრაფ კუტაისოვსაც ასახელებენ, თანაც როსტოპჩინს და კუტაისოვს, რომელნიც ენერგიულად მოითხოვდნენ საფრანგეთთან დაახლოებას, ბონაპარტის აგენტების მოსყიდულებად მიიჩნევენ³.

კლერიკალური მიმდინარეობის რუსი ისტორიკოსები მოროშკინი და კარნოვიჩი ძალზე გადაჭარბებულად აფასებენ იეზუიტთა საქმიანობას რუსეთში, კერძოდ პეტერბურგში, ძალზე აზვიადებენ

¹ А. Тьер, даსახ. ნაშრ., ტ. 2, ნაწ. III, გვ. 76; А. Вандаль, Наполеон и Александр I, т. I, СПб., 1910, გვ. II.

² К. Валишевский, даსახ. ნაშრ., გვ. 433, 444.

³ იხ. „Mémoires...“ ტ. 7, გვ. 427—428.

მათ გავლენას პირადად პავლე I-ზე და სასახლის გავლენიან წრეებზე. ისინი განსაკუთრებით უსვამენ ხაზს რუსეთში მცხოვრებ იეზუიტთა „ბელადის“ პატრი გრუბერის აქტიურ საქმიანობას, და იმ როლს, რომელსაც იგი, მათი აზრით, ასრულებდა სასახლეში. მან, თითქოს, დიდი გავლენა მოახდინა პავლე I-ზე. მოტანილი აქვთ რა ზოგიერთი შეუმოწმებელი ცნობა, ხსენებული ავტორები დაასკვნიან: პატრი გრუბერი ნაპოლეონ ბონაპარტის მითითებებით და ჩაგონებებით მოქმედებდა რუსეთში და მის ფაქტიურ ფასიან აგენტს წარმოადგენდა; მან წარმატებით შეასრულა ბონაპარტის დაეალება და დაარწმუნა პავლე I, რუსეთ-საფრანგეთის დაახლოების სასურველობაში. პავლეს და ნაპოლეონის დაახლოება, ამგვარად, მათ მღვდლის ანაფორაში შენიღბული უცხოელი აგენტის, პატრი გრუბერის საქმიანობის წარმატებად მიაჩნიათ¹.

დასასრულ, ზოგიერთი ისტორიკოსი, უმთავრესად საზღვარგარეთიდან, ფიქრობს, რომ მთავარი გარემოება, რომელმაც რუსეთის სამეფო კარს და პირადად პავლე I-ს შეაცვლევინა თავისი პოზიცია საფრანგეთის ზიმართ და მიიყვანა იგი საფრანგეთთან დაახლოების გადაწყვეტილებამდე, იყო ნაპოლეონის ბრწყინვალე გამარჯვება ავსტრიელებზე მარენგოსთან (1800 წლის 14 ივნისს). ასე ფიქრობს, მაგალითად, ფრანგი ისტორიკოსი ლუი მადლენი².

ჩვენ, რა თქმა უნდა, არ შეგვიძლია სავსებით უგულებელყოთ როგორც მარენგოსთან - ფრანგების მიერ ავსტრიელებზე მოპოვებული გამარჯვების როლი, ისე სხვა მსგავს გარემოებათა როლი რუსეთის საგარეო პოლიტიკის კურსის შეცვლაში საფრანგეთის მიმართ. ასევე არ შეგვიძლია ჩვენ ნაწილობრივ არ დავეთანხმოთ იმ ისტორიკოსებსაც, რომლებიც ხაზს უსვამენ იმ სერიოზული ბრძოლის ფაქტს, რასაც აღვილი ჰქონდა პეტერბურგის სასახლის არისტოკრატიის ანგლოფილურ და მის მოწინააღმდეგე დაჯგუფებას შორის მომავალი პოლიტიკის საკითხში საფრანგეთის მიმართ³. ნაწილობრივ ანგარიშგასაწევია ის შეხედულებაც, რომ-

¹ М. Морошкин, დასახ. ნაშრ., გვ. 379—380; Е. Карнович, დასახ. წერილი, „Отечеств. записки“, 1877, ტ. 8, გვ. 332.

² იხ. L. Madelin, Le Consulat et l'Empire, 1789—1809, გვ. 87.

³ ისტორიკოსი ტრაჩევსკი, მაგალითად, აღნიშნავს თ. ვ. როსტოპჩინის და ნ. პ. პანინის დაჯგუფებათა შორის მჭიდრო ბრძოლას საფრანგეთისადმი დამოკიდებულების საკითხში, რაც როსტოპჩინის დაჯგუფების გამარჯვებით დამთავრდა. იხ. Tratchevski, L'empereur Paul et Bonaparte..., „Revue d'histoire diplomatique“, 1889, № 2, გვ. 285.

ლის თანახმად ცვლილებამ საგარეო საქმეთა კოლეგიაში და მისი ფაქტიური ხელმძღვანელობის თ. ვ. როსტოპჩინის ხელში გადასვლამ აგრეთვე გარკვეული როლი შეასრულა პაველ I-ის მთავრობის ახალი საგარეო პოლიტიკური კურსის შემუშავებაში. დასასრულს, არ შეიძლება უარყოფით ის საქმიანობა, რომელსაც რუსეთში მყოფი იეზუიტები და მათი სულიერი „მამა“ პატრი გრუბერი აწარმოებდნენ თავიანთი უშუალო „სასულიერო მისიის“ პარალელურად სათანადო სახელკწიფოების დაკვეთით. როგორც ზემოთ იყო აღნიშნული, ნაპოლეონ ბონაპარტი არაერთად საშუალებისაგან უკან არ იხევდა და ყოველგვარ წესიერ და „უწესო“ მეთოდებს მიმართავდა იმისათვის, რომ თავისი ესა თუ ის საგარეო პოლიტიკური ჩანაფიქრი სისრულეში მოეყვანა. გამორიცხული არ არის, რომ ნაპოლეონი სხვა ნაბიჯებთან ერთად, რომლებიც მან გადადგა რუსეთთან დაახლოების მიზნით, შეეცდებოდა გამოეყენებინა რუსეთში მყოფი კათოლიკე მღვდლები და კერძოდ იეზუიტები პაველ I-ზე ზემოქმედების მოსახდენად.

მაგრამ ყოველივე ეს მხოლოდ აქსესუარებისათვის ხაზის გასმაა და არა მოვლენის არსში, მის სიღრმეში ჩაწვდომა. ის, რასაც აღნიშნული ავტორები წინა პლანზე აყენებენ და რუსეთ-საფრანგეთის დაახლოების მთავარ მოტივებად ასახელებენ, არსებითად ამ დაახლოების გამაპირობებელი ფაქტორების მოქმედების გამოვლენას, მათ ანარეკლს წარმოადგენს.

რომ არ ყოფილიყო ჩვენს მიერ ზემომოხაზული გარემოებები, რომ თვით გარკვეულ საერთაშორისო და საშინაო ვითარებას არ შეეწინააღმდეგებინა ნიადაგი მობრუნებისათვის რუსეთის საგარეო პოლიტიკასა და რუსეთ-საფრანგეთის ურთიერთობაში, მაშინ, ალბათ, თ. როსტოპჩინი ვერ მოიპოვებდა წამყვან როლს რუსეთის საგარეო საქმეთა კოლეგიაში, ნაპოლეონის „მომაჯადოებელი“ ზემოქმედება პაველ I-ზე უშედეგოდ დამთავრდებოდა, სასახლის ფაფორიტები და პატრი გრუბერი ვერ „შეაცვლევინებდნენ“ პაველს საგარეო პოლიტიკურ კურსს და სხვ. აღნიშნულის გამო, დასახელებულ ავტორთა შეხედულებანი ვერ იძლევიან მოცემული საკითხის ახსნას, ისინი ვერ უპასუხებენ ისტორიული კვლევაძიების თანამედროვე მოთხოვნებს და, ძირითადად, მიუღებლად უნდა იქნენ ცნობილნი:

2. რუსეთ-საფრანგეთის დაახლოების სიძაბოება.

მოლაპარაკება შეთანხმების შესახებ

მართალია, თვრამეტი ბრიუმერის სახელმწიფო გადატრიალებას, როგორც ზემოთ იყო აღნიშნული, კეთილგანწყობილად შეხვდა რუსეთის სამეფო კარი და მან ხელი შეუწყო პავლე I-ის მთავრობის შემობრუნებას საფრანგეთის მიმართ, მაგრამ რუსეთს არ ეკუთვნოდა ამ შემობრუნების ინიციატივა და არც პირველი ნაბიჯები გადაუდგამს მას ამ მიმართულებით. ასეთი ინიციატივა საფრანგეთის მთავრობიდან გამომდინარეობდა. მანვე გადადგა პირველი პრაქტიკული ნაბიჯები რუსეთთან ურთიერთობის ნორმალისაციის მისაღწევად და მასთან დასახლოებლად¹.

საფრანგეთის საგარეო საქმეთა მინისტრმა ტალეირანმა მოხსენებით ბარათში ბონაპარტისადმი ერთ-ერთმა პირველმა ჩამოაყალიბა რუსეთთან დაახლოების საჭიროება, თანაც მოხაზა ამ დაახლოების შესაძლო გზებიც². ეს მოხსენებითი ბარათი, რომელიც ჩვენი აზრით, თვით ნაპოლეონ ბონაპარტის დავალებით იყო შედგენილი, 1799 წლის დასასრულს ეკუთვნის. იგი შედგენილია მაშინ, როდესაც მეორე ანტიფრანგული კოალიცია ფორმალურად კვლავ განაგრძობდა არსებობას და რუსეთში საფრანგეთის მიმართ მობრუნების ტენდენცია ჯერ კიდევ არ იყო გამოვლენილი. ტალეირანი თვით კისრულობდა ხელი შეეწყო რუსეთთან დაახლოების საქმისათვის, კერძოდ იგი ფიქრობდა ამ მიზნისათვის გამოეყენებინა პეტერბურგში მყოფი მისი მეგობარი ფრანგი ემიგრანტი შუაზელ გუფიე (Choiseul Gouffier)³.

სათანადო მასალების უქონლობა ჩვენ საშუალებას არ გვაძლევს იმპერატიული დასკვნა გავაკეთოთ და ვამტკიცოთ, რომ ნაპოლეონ ბონაპარტი გამოეხმაურა ტალეირანის მოხსენებით ბარათს და გვიზიარა მის მიერ შეთავაზებული პრაქტიკული წინა-

¹ ჩვენ ვფიქრობთ, ტალეირანს ან მესხიერება დალატობს, ან იგი ისტორიულ ფაქტებს აყალბებს, როდესაც თავის მემუარებში რუსეთ-საფრანგეთის დაახლოების და სათანადო მოლაპარაკების ინიციატივას პავლე I-ს, რუსეთის მთავრობას მიაწერს. იხ. Т а л е и р а н, М е м у а р х..., გვ. 263. სინამდვილეში ასეთი ინიციატივა ყველა შემთხვევაში ნაპოლეონ ბონაპარტისაგან გამომდინარეობდა. რუსეთთან დაახლოება ხომ მისი საგარეო პოლიტიკური გეგმების ფოკუსში იყო მოთავსებული.

² იხ. Сб. ПИО. ტ. 70, გვ. 650—651, 44-ე შენიშვნა.

³ ტალეირანის ეს ვრცელი მოხსენებითი ბარათი მოტანილი აქვს ა. ტატიშჩევს ჩვენს მიერ დასახელებულ წერილში. იხ. „La Nouvelle Revue“, 1887, ტ. 49, გვ. 759—761.

დადება. მაგრამ სავარაუდოა, რომ ბონაპარტმა პრინციპში მიიღო მოხსენებით ბარათში გატარებული აზრი რუსეთთან დასაახლოებლად პრაქტიკული ნაბიჯების გადადგმის სასურველობის შესახებ. ამაზე ჩვენ მიგვიბრუნებინათ ის განსაკუთრებული აქტივობა, რომელიც გამოიჩინა პირველმა კონსულმა 1800 წლის დასაწყისიდან, რათა რუსეთთან დაახლოების სასურველობის აზრი სინამდვილედ ექცია.

პროფესორ ა. ტრაჩევსკის მიერ საფრანგეთის არქივებიდან ამოკრებილი მასალები, რაც მოცემული პერიოდის რუსეთ-საფრანგეთის ურთიერთობას შეეხება, ნათელს ჰქვენს იმ მრავალფეროვან საქმიანობას, რომელიც ამ მიმართულებით აწარმოვა კონსულობის ხელისუფლებამ. მან პრუსიაში, დანიაში, ესპანეთში, თურქეთში და ა. შ. აკრედიტებულ ფრანგ დიპლომატებს მითითება მისცა მოესინჯათ ნიადაგი რუსეთთან დასაახლოებლად სათანადო მთავრობათა მეშვეობით.

ის გარემოება, რომ დირექტორიის დროს საფრანგეთის საგარეო საქმეთა სამინისტროში თავმოყრილი იყო რუსეთთან დაახლოების პროექტები (გიუტენის, დორფლანის, დარნევილის, დესოლის, სულაის და სხვების), ზოგიერთ ისტორიკოსს, მაგალითად, ვალიშევსკის აძლევს საბუთს დაასკვნას: ბონაპარტს არაფერი ახალი არ მოუგონია, მან მხოლოდ ძველი პროექტები გამოიყენა და მათ სახე შეუცვალა¹. მართლაც, თუ დავუშვებთ, რომ ნაპოლეონ ბონაპარტმა ძალაუფლების დაუფლების შემდეგ მართლაც გამოიყენა სათანადო პროექტები, მაინც ვერ გავიზიარებთ აზრს იმის შესახებ, რომ ამ პროექტების გავლენით გამომუშავდა ნაპოლეონში რუსეთიდან დაახლოების იდეა. ნაპოლეონ ბონაპარტს, რომელიც უშუალოდ წარმართავდა საგარეო პოლიტიკის კურსს და დიპლომატიურ საქმიანობას და პირადად ლებულობდა სათანადო გადაწყვეტილებებს, არ დასჭირდებოდა სხვისაგან ესესხა რუსეთთან დაახლოების საჭიროების იდეა. ის ახალი საგარეო პოლიტიკური კურსი, რომელიც საფრანგეთის ბურჟუაზიის ინტერესების შესატყვისად ნაპოლეონის ხელმძღვანელობით შემუშავდა, ცხადია, შეიცავდა რუსეთთან დაახლოების აუცილებლობის იდეასაც.

ყველაზე მეტ იმედებს ნაპოლეონ ბონაპარტი პრუსიის მთავრობაზე ამყარებდა. იგი დარწმუნებული იყო, რომ პრუსიის მთავრობა იკისრებდა მომრიგებლის როლს და ხელს შეუწყობდა საფრანგეთის დაახლოებას რუსეთთან. ამიტომ სავსებით გასაგებია

¹ К. Вагпшевский, დასახ. ნაშრ., გვ. 447—449.

ის დიპლომატიური აქტივობა, რომელიც საფრანგეთის მთავრობამ ამ მიმართულებით პარიზსა და ბერლინში გააჩაღა.

რუსეთთან ურთიერთობის ნორმალიზაციის თაობაზე ტალეირანს და თვით ნაპოლეონ ბონაპარტს 1800 წლის იანვარ-მარტში რამოდენიმე საუბარი ჰქონდათ პრუსიის მთავრობის პარიზელ ელჩ სანდოზთან. ამ საუბრის დროს მათ პრუსიის ელჩს თხოვეს ეკნობებინა თავისი მთავრობისათვის. რომ საფრანგეთის მთავრობას სურვილი აქვს დაუახლოვდეს რუსეთს და პრუსიის მთავრობას სთხოვს ხელი შეუწყოს მას ამ განზრახვის წარმატებაში¹.

დასახული მიზნის მისაღწევად კონსულობის მთავრობამ უფრო ადრე ასეთივე ენერგიული დიპლომატიური საქმიანობა გააჩაღა ბერლინში. გარდა იმისა, რომ ეს ფუნქცია დაეკისრა საფრანგეთს საქმეთა რწმუნებულს ბერლინში, მოტოს, ამავე მიზნით ბერლინში მივლინებულ იქნა ნაპოლეონ ბონაპარტის ნდობით აღჭურვილი პირი გენერალი დიუროკი (ბონაპარტის ადიუტანტი)². ზოგიერთი ავტორის ცნობით, ნაპოლეონის ნდობით აღჭურვილი პირის მისია ბერლინში წარმატებით დამთავრდა, და პრუსიის მეფემ ვალდებულება იკისრა ხელი შეეწყოს საფრანგეთ-რუსეთის დაახლოებისათვის³. მაგრამ ეს შეხედულება კონკრეტული ფაქტებით არ დასტურდება. ის წყაროები, რომლებიც ასახავენ პრუსია-საფრანგეთის ურთიერთობას მოცემულ პერიოდში (*Mémoires...*-ის და Bailleu-ს კრებულებში თავმოყრილი მასალები და სხვ.) არ იძლე-

¹ ნაპოლეონ ბონაპარტმა პირადად განუცხადა სანდოზს, რომ პრუსიის მეფე დიდ სამსახურს გაუწევს საფრანგეთს, თუ ის მოარიგებს ამ ქვეყანას რუსეთთან. ამ სამსახურის გაწევის ანგარიშში ნაპოლეონი მნიშვნელოვან ჯილდოს პირიღებოდა პრუსიას მომავალი სამშვიდობო ხელშეკრულების დადების დროს. იხ. Д. М. И. Ю. Т. И. И., დასახ. ნაშრ., ტ. 2, გვ. 517. მოგვარიგეთ ჩვენ პავლესთან .. ამით კარგ სამსახურს გამიწვეთ მე. რომლისთვისაც მადლიერი ვიქნებიო—ეუბნებოდა ნაპოლეონი პრუსიის მთავრობის წარმომადგენელს. იხ. А. Т. Б. С. P., დასახ. ნაშრ., ტ. 1, გვ. 145. ამ შეხედულების შესახებ დეტალურ ცნობებს იძლევა თვით პრუსიის ელჩი სანდოზი თავის რელაციებში პრუსიის მეფის ფრიდრიხ-ვილჰელმ III-სადმი 1800 წლის იანვარსა და მარტში. იხ. Tatistcheff, დასახ. ნაშრ., „La Nouvelle Revue“, 1887, ტ. 49, გვ. 758—761, 776—778.

² იქვე. ტ. 49, წ. 1—2, გვ. 52; იხ. აგრეთვე კრიუდენერის დეპეშები ნ. პანინისადმი 1799 წლის 19/30 ნოემბრის, 26 ნოემბრის (7 დეკემბრის) და 27 დეკემბრის (1800 წლის 7 იანვრის) თარიღებით. Архив ВПР, ф. „Сношения России с Пруссией“, д. 548, л. 82—84.

³ Tatistcheff, დასახ. ნაშრ., გვ. 53—54.

ვიან ასეთი დასკვნის გამოტანის შესაძლებლობას. ჩვენი აზრით, გარეგნული პომპის მიუხედავად ბერლინში მაშინ თავდაქერილად შეხვდნენ პირველი კონსულის თხოვნას მედიაციის თაობაზე. მართალია, დიუროკს სიტყვიერი დაპირება მიეცა, მაგრამ პრაქტიკული ნაბიჯები დაპირების სარეალიზაციოდ პრუსიის მთავრობას იმ დროს არ გადაუდგამს. ამ ჩვენს მოსაზრებას ისიც ადასტურებს, რომ ნაპოლეონ ბონაპარტი იძულებული იყო დამატებითი ღონისძიება განეხორციელებინა, რათა წინ წაეწია ეს საქმე და გაეძლიერებინა ზემოქმედება პრუსიის მთავრობაზე. ამიტომ იყო, რომ მან სათანადო ზონდაყი ევროპის სხვა სატახტო ქალაქებშიც განახორციელა.

პრუსიის მთავრობაზე უფრო ეფექტური ზემოქმედების მოსახდენად და რუსეთთან დაალოების თაობაზე დაწყებული მოლაპარაკებების გასაგრძელებლად ნაპოლეონ ბონაპარტმა ბერლინში სრულუფლებიანი წარმომადგენლის რანგით მიავლინა ცნობილი გენერალი ბერნონვილი (Bernonville) და აღქურვა იგი სათანადო ინსტრუქციებითა და რწმუნებებით¹.

ბერნონვილის ბერლინში ჩასვლის მომენტისათვის (ბერლინს იგი 1800 წლის იანვარში ჩავიდა) რუსეთსა და პრუსიას შორის უკვე აღდგენილი იყო ნორმალური ურთიერთობა, თუმცა ოფიციალური დიპლომატიური წარმომადგენლები მათ შორის ჯერ კიდევ არ იყვნენ დანიშნულნი². რუსეთის მხრივ ამ ფუნქციას არაოფიციალურად ასრულებდა ნ. პ. პანიჩის პირადი მეგობარი, ბერლინში „უბრალო მოგზაურის“ სახით მივლინებული დიპლომატი ბარონი კრიუდენერი. ეს უკანასკნელი თავის რედაციაში პავლე I-სადმი (1800 წლის 21 იანვრის/1 თებერვლის თარიღით) იძლევა ცნობას ბერნონვილის ბერლინში ჩასვლისა და მისი მისიის შესახებ³.

ბერნონვილი, როგორც თვითონ გადმოგვცემს ტალეირანი-სადმი 1800 წლის 28 იანვარს გაგზავნილ წერილში⁴, უკეთესი პატივით და ყურადღებით იქნა მიღებული ბერლინში, ვიდრე „მეფის მკვლელი“ სიეიესი⁵. ამავე ფაქტს ხაზს უსვამს ბაილეც, რომელ-

¹ Ф. Мартенс, დასახ. კრებ., ტ. 6, გვ. 264.

² იქვე, № 266.

³ Архив ВПР, ф. „Сношения России с Пруссией“, д. 553, лл. 15—16.

⁴ К. Валишевский, დასახ. ნაშრ., გვ. 451—452.

⁵ Архив ВПР, ф. „Сношения России с Пруссией“, д. 553, лл. 11—12.

მაც გამოაქვეყნა 1795—1807 წლების საფრანგეთ-პრუსიის ურთიერთობის ამსახველი დოკუმენტები¹.

საფრანგეთისა და პრუსიის მთავრობებს შორის წარმოებულ დიპლომატიური მოლაპარაკება, როგორც აღვნიშნავდით, მხედველობიდან არ გამოჰპარავია რუსეთის არაოფიციალურ წარმომადგენელ კრიუდენერს. 1800 წლის 16/27 იანვრის რელაციაში კრიუდენერი აუწყებდა რუსეთის იმპერატორს: ბონაპარტი ლამობს შეურიგდეს რუსეთს და პრუსიის მთავრობას სთხოვს იკისროს სათანადო მედიაციის მისია ხოლო პრუსიის მეფე თანახმაა დააკმაყოფილოს საფრანგეთის პირველი კონსულის თხოვნა და იკისროს შეთავაზებული მისია².

რუსეთის სამეფო კარი, გაბოროტებული ავსტრიის და ინგლისის ვერაგობით და ეგოიზმით, ერთგვარი კმაყოფილებით შეხვდა ბერლინიდან მიღებულ ცნობას საფრანგეთის პირველი კონსულის აღნიშნული განზრახვის შესახებ. ეს კმაყოფილება კარგად არის განოხატული იმ რეზოლუციებში, რომლებიც პავლე I-მა წააწერა კრიუდენერის აღნიშნულ რელაციაზე. „რაც შეეხება საფრანგეთთან დაახლოებას, — წერდა იგი, — ძლიერ კმაყოფილი ვიქნები, თუ ეს ქვეყანა მომმართავს მე ანის თაობაზე, განსაკუთრებით ავსტრიისათვის დასაპირისპირებლად“.

პრუსიის მინისტრ ჰაუგვიცს (პრუსიის მეფის დავალებით) საფრანგეთის პირველი კონსულის თხოვნის შესახებ 1800 წლის მარტში საუბარი ჰქონდა კრიუდენერთან³. მაგრამ ამ უქანასკნელმა ცივად მოისმინა ჰაუგვიცის საუბარი, კონკრეტული პასუხისაგან თავი შეიკავა და რუსეთის იმპერატორისაგან სათანადო რწმუნების უქონლობა მოიპიზეზა. თუმცა პრუსიის მინისტრს მან აღუთქვა, რომ საუბრის წინაარსს პეტერბურგის მთავრობას აცნობებდა⁴.

საფრანგეთის საგანგებო და სრულუფლებიანმა წარმომადგენელმა ბერტონვილმა სცადა საფრანგეთ-რუსეთის დაახლოების შესა-

¹ B a i l l e u, Prussen und Frankreich... ტ. I. გვ. LV.

² Д. М и л ю т и н. დასახ. ნაშრ., ტ. 2, გვ. 517.

³ კრიუდენერმა ამ დროისათვის უკვე მიიღო ოფიციალური დიპლომატიური წარმომადგენლის რწმუნება ბერლინში და დრეზდენში. Ф. М а р т о н с, დასახ. კრებ., ტ. 6, გვ. 269.

⁴ იხ. კრიუდენერის 1800 წლის 18 თებერვლის (1 მარტის) რელაცია პავლე I-სადმი. Архив ВПР, ф. «Сношения России с Пруссией», д. 553, л. 39—40; აგრეთვე ნ. პანინის 1800 წლის 2 მარტის წერილი ს. ვორონცოვისადმი. Архив Императорского Восточного Департамента, ტ. 11, გვ. 102—104.

ხებ უშუალო მოლაპარაკება გაეშართა კრიუდენერთან, მაგრამ ეს ცდა უშედეგოდ დამთავრდა. კრიუდენერმა ზედმეტად მიიჩნია რაიმე ურთიერთობა ჰქონოდა იმ სახელმწიფოს წარმომადგენელთან, რომელთანაც რუსეთი ჯერ კიდევ ომის მდგომარეობაში იმყოფებოდა¹.

ამგვარად, პირველ ხანებში საფრანგეთის დიპლომატიის აქტივობას ბერლინში წინაშეწინააღმდეგობა წარმოადგენდა არ ჰქონია; რუსეთთან დაახლოების „წამოწყება“ მკვლარი წერტილიდან არ დაძრულა.

ამიტომ იყო, რომ საფრანგეთის მთავრობამ რუსეთთან დაახლოების განზრახვის წინ წასაწყევად ბერლინთან ერთად ჰამბურგი და კოპენჰაგენიც გამოიყენა. სათანადო საქმიანობას აქ სათავეში ჩაუდგა საფრანგეთის ახალი სრულუფლებიანი წარმომადგენელი ჰამბურგსა და დანიაში ბურგუენი (Bourgoins)².

ბურგუენი ნაპოლეონ ბონაპარტს და ტალეირანს წერდა: მომენტი ხელსაყრელია რუსეთთან დაახლოების განზრახვის სისრულეში მოსაყვანად; რუსეთში კეთილსასურველად არიან განწყობილნი საფრანგეთის მთავრობის ინიციატივისადმი და თუ თქვენ რუსეთის მთავრობას მიმართავთ სამშვიდობო წინადადებით, პავლე I მას აუცილებლად გამოეხმაურება და შემხვედრ ნაბიჯს გადადგამს³.

პარიზში ყურადიღეს ბურგუენის ეს ცნობა, ნაპოლეონ ბონაპარტმა საკიროდ მიიჩნია ჰამბურგშიც მოესინჯა ნიადაგი რუსეთთან დასახლოებლად. ტალეირანი 1800 წლის 8 ივნისის წერილში ბურგუენისადმი—აღბათ, ნაპოლეონ ბონაპარტის დავალებით,—ამ უკანასკნელს სწერს: რადგან ბერლინი არაფერს არ იძლევა, შეიძლება თუ არა ჰამბურგის მეშვეობით, სადაც ამდენი ხალხი გაიგლის, გამოინახოს ხელსაყრელი გზა?⁴.

¹ Архив князя Воронцова, т. II, დასახ. წერილი, გვ 102—103.

² საფრანგეთის ამ დიპლომატიის ჰამბურგში ჩასვლის შესახებ ცნობას იძლევა რუსეთის რეზიდენტი ჰამბურგში მუჰაჯიოვ-აპოსტოლი. იგივე იძლევა ბურგუენის დახასიათებას. მურავიოვ-აპოსტოლს, კერძოდ, აშფოთებს ის გარემოება, რომ ბურგუენი—ლუი XVI-ის ყოფილი ელჩი ჰამბურგში,—1800 წლის დასაწყისისათვის ისევ მოელონა ამ ქალაქს უკვე რესპუბლიკის ელჩის რანგით და თავს ისე გრძნობდა, თითქოს არაფერი არ მომხდარიყო და არაფერი არ შეცვლილიყო ამ დროის განმავლობაში. იხ. მურავიოვ-აპოსტოლის 1800 წლის 16/28 მარტის რეგალია პავლე I-სადმი, „Русский архив“, 1912, № 11, გვ. 396.

³ Сб. РИО, т. 70, а. ტრაჩევსკის წინასიტყვაობა, გვ. XVI.

⁴ К. Вашишевский, დასახ. ნაშრ., გვ. 455—456.

პირველმა კონსულმა ნაპოლეონ ბონაპარტმა კარგად იცოდა, რომ რუსეთის მთავრობის საგარეო პოლიტიკური ორიენტაციის შესაცვლელად დიდი მნიშვნელობა ქონდა პირადად იმპერატორ პავლე I-ის განწყობას საფრანგეთთან დაახლოების სასარგებლოდ. ამ მიზნის მისაღწევად კი საჭირო იყო მისი გულის მოგება სათანადო აქციის გზით. ნაპოლეონ ბონაპარტმა არ დააყოვნა ასეთი ნაბიჯის გადადგმა. მან პირველ ყოვლისა, პავლეს საჩუქრად გაუგზავნა მალტის აღების დროს იქიდან წამოღებული „ლეგენდარული მახვილი“, რომლითაც თავის დროს პაპი ლეო X-ს მალტის სასულიერო ორდენის ერთ-ერთი დიდი მაგისტრი დაუჯილდოებია დამსახურებისათვის. შემდეგ, მან სიტყვიერად მაინც განაცხადა, რომ იგი მზად არის კუნძული მალტა დაუთმოს რუსეთის იმპერატორს, როგორც მალტის ორდენის დიდ მაგისტრს¹. დასასრულ, ნაპოლეონ ბონაპარტმა გადაწყვიტა გაენთავისუფლებინა საფრანგეთში მყოფი 6000 რუსი ტყვე, ახალი ტანისამოსით შეემოსა ისინი, დაებრუნებინა მათთვის საბრძოლო დროშები, ოფიცრებისათვის—იარაღი და გაეგზავნა ისინი თავიანთ სამშობლოში, რუსეთში².

მაგრამ მართო ასეთი „კეთილშობილური“ ნაბიჯების გადადგმა არ კმაროდა. საჭირო იყო მიღებული გადაწყვეტილებების სისრულეში მოყვანა და სათანადო ცნობის გაგზავნა პავლე I-სათვის. მაგრამ ვინაიდან საფრანგეთ-რუსეთს შორის არავითარი ოფიციალური ურთიერთობა არ არსებობდა, პირველმა კონსულმა საჭიროდ მიიჩნია პირდაპირი წერილით მიემართა „რუსეთის საგარეო საქმეთა მინისტრისათვის“, რომელიც გამოაქვეყნა გაზეთ „მონიტერში“. ეს წერილი კი პანინს იმპერატორისათვის გასაცნობად უნდა გაგზავნოდა ბურგუნენის მეშვეობით.

ასეთი ხასიათი ჰქონდა იმ დიპლომატიურ დოკუმენტს (1800 წლის 7/19 ივლისის თარიღით), რომლის ავტორი იყო საფრანგეთის საგარეო საქმეთა მინისტრი ტალეირანი და რომელიც განკუთვნილი იყო პანინისათვის გასაგზავნად. წერილი შედგენილი იყო ბურჟუაზიული დიპლომატიისათვის დამახასიათებელი პირფერობითა და ცბიერებით. წერილში ტალეირანი ხაზს უსვამდა რუსეთის ყოფილი მოკავშირეების ინგლისის და ავსტრიის ვერაგობა-მუხანათობას რუსეთის მიმართ, იმ ქვეყნის მიმართ, რომელმაც, პირველი კონსულის თქმით, ამდენად ბევრი გააკეთა მათთვის.

¹ Сб. РИО, т. 70, гл. XVI.

² К. Воеяский, „Бонапарт и русские пленные...“, етербург, 1907, стр. 4—6.

აღნიშნავდა რა, პირველი კონსულის აღტაცებას რუსეთის კარის გმირობით და მამაცობით და მისსავე განცვიფრებას ინგლისელთა უსაპართლობით რუსი და ფრანგი ტყვეების გაცვლის საქმეში, ტალეირანი აუწყებდა პანინს: პირველმა კონსულმა გადაწყვიტა გაათავისუფლოს ვერაგი მოკავშირეების მიერ მიტოვებული მამაცი რუსი ტყვე მხედრები და ბრძანება გასცა საფრანგეთში მყოფი 6000 რუსი ტყვე, გაცვლის გარეშე, ყველა სამხედრო ღირსებით დააბრუნოს რუსეთში, ამასთან დაკავშირებით შემოსოს ისინი ახალი ტანსაცმლით და მისცეს მათ ახალი იარაღი და თავიანთი დროშები. დასასრულ, ტალეირანი თხოვდა პანინს ეცნობებინა მისთვის, ისიც დაჩქარებით, თუ რომელი გზით სურდა რუსეთის იმპერატორს თავისი ჯარის უკან დაბრუნება¹.

აღნიშნული წერილი ტალეირანმა გაუგზავნა საფრანგეთის წარმომადგენელს ჰამბურგში ბურგუნენს, რათა მას რუსეთის წარმომადგენლის მეშვეობით იგი პეტერბურგს გადაეგზავნა. მაგრამ ბურგუნენმა ვერ მოახერხა მურავიოვთან დაკავშირება და მისთვის პეტერბურგში გადასაგზავნი წერილის გადაცემა. მურავიოვმა, რომელსაც სასტიკად ჰქონდა აკრძალული რაიმე ურთიერთობის დაკერა საფრანგეთის წარმომადგენლებთან, ძალზე შორს დაიჭირა თავი და არა თუ თავი შეიკავა ბურგუნენთან შეხვედრისაგან, არამედ ზედმეტად ჩათვალა წერილის მიღებაც კი².

იმის გამო, რომ ჰამბურგის გზით პეტერბურგში წერილის გადაგზავნის განზრახვას წარმატება არ მოჰყოლია³, ტალეირანმა გადაწყვიტა სხვა საშუალებით მიეწვდინა ხმა პეტერბურგისათვის. ამ მიზნისათვის მან გამოიყენა ტყვე რუსი ოფიცერი მაიორი სერ-

¹ ამ წერილის სრული ტექსტი იხ. Сн. РИО. ტ. 70, გვ. 1—3; К. В о е щ е с к и й, დასახ. ნაშრ., გვ. 8—9.

² ბართალია ბურგუნენმა წერილი დეტოვა მურავიოვის მეკარეს, მაგრამ მურავიოვმა ეს წერილი დააბრუნა ბურგუნენის მიერ მითითებული მასამართით. ამასთანავე მურავიოვმა ასეთი შინაოსის პატარა ბარათი გაუგზავნა საფრანგეთის სხენებულ წარმომადგენელს: „Не имея права входить в сношения с г. Дела-Круа (ბურგუნენის მიერ მოგონილი სახელი იყო—ვ. დ.), без особых на то полномочий, мы находим еще менее возможным, пойти на себя передачу письма...“ იხ. მურავიოვის 1603 წლის 20 ივლისის (1 აგვისტოს) რეგლაცია პავლესადში. Архив ВПР. ф. „Сношения России с Гамбургом“, д. 331, лл. 53—54; „Русский архив“, 1912, № 11, გვ. 399—400; К. В а л и ш е в с к и й, დასახ. ნაშრ., გვ. 458—459.

³ თუმცა მურავიოვმა მაინც აცნობა პეტერბურგის მთავრობას ბურგუნენის ინტრიგებისა და პანინის სახელზე პარიზიდან წერილის მიღებას შესახებ. იხ. იგივე წყაროები.

გეგვი¹. იგი გამოყვანილ იქნა ტყვეთა ბანაკიდან და, სათანადო წერილებით აღჭურვილი, გაიგზავნა ბერლინს, რათა იქიდან საჭირო პასპორტის მიღების შემდეგ გამგზავრებულყო რუსეთში და წერილი დანიშნულებისაკებრ ჩაებარებინა. ტალეირანმა მას თან გაატანა მეორე წერილი (1800 წლის 14/26 აგვისტოს თარიღით), რომლითაც იგი პანიის აცნობებდა პირველი კონსულის მზადყოფნას—გაელო მსხვერპლი მალტის სახით და იგი რუსეთისათვის შეეთავაზებინა².

ნ. პ. პანიის საგარეო პოლიტიკური ორიენტაციის მიმდევარმა, საფრანგეთ-რუსეთის დაახლოების სასტიკმა მოწინააღმდეგე კრიუდენერმა³, ამ შემთხვევაშიაც ზუსტად შეასრულა პანიის დარიგება. მან დააკავა მაიორი სერგეევი, არ მისცა მას პეტერბურგს გამგზავრების უფლება, ჩამოართვა ტალეირანის წერილები და იგი სასწრაფო წესით გადაგზავნა პეტერბურგს სათანადო ინსტრუქციის მისაღებად⁴.

საფრანგეთის პირველი კონსულის „კეთილშობილურმა“ ნაბიჯებმა რუს ტყვეთა განთავისუფლებისა და მალტის შეთავაზების სახით, თავისი საქმე გააკეთა. ამას ზედ დაერთო ნაპოლეონის ავსტრიელებზე გამარჯვება მარენგოსთან და რუსეთის ურთიერთობის შემდგომი გამწვავება ავსტრიასთან და ინგლისთან. ყოველივე ამან ბოლო მოუღო რუსეთის სამეფო კარის მერყეობას და განაწყო იგი საფრანგეთთან მორიგების სასარგებლოდ.

კრიუდენერისადმი 1800 წლის 6/18 აგვისტოს თარიღით გაგზავნილ რესკრიპტით პაულე I წინადადებას აძლევდა მას შეხვედროდა საფრანგეთის წარმომადგენელს ბერლინში ბერნონეილს, გადაეცა მისთვის მადლობა რუსი სამხედრო ტყვეების განთავისუფლების განხრახვის გამო და მოლაპარაკება გაემართა მასთან, როგორც ამ ტყვეების სამშობლოში დაბრუნების თაობაზე, ისე ევროპაში მშვიდობიანობის აღდგენის საკითხებზე⁵.

¹ იგი ბრიგადირ-მაიორად ითვლებოდა გენ. რიმსკი-კორსაკოვის არმიაში და ტყვედ ჩავარდა ციურხთან ბრძოლის დროს. იხ. Д. Милютин, დასახ. ნაშრ., ტ. 2, გვ. 525.

² Сб. РИО, ტ. 70, გვ. 3—4.

³ ვ. კონუბეის თქმით კრიუდენერი საფრანგეთის რესპუბლიკას უტკბოდა არა როგორც დიპლომატი, არამედ როგორც ფრანგი ემიგრანტი. იხ. Архив князя Воронцова, ტ. 16, გვ. 157; ტ. 8, გვ. 268.

⁴ Д. Милютин, დასახ. ნაშრ., ტ. 2, გვ. 525.

⁵ იქვე.

1800 წლის 13 სექტემბერს პრუსიის მინისტრ ჰაუგვიციის მეშვეობით, მართლაც, მოხდა კრიუდენერისა და ბერნონვილის შეხვედრა. შეხვედრისას, რუსეთის ელჩმა ბერნონვილს აუწყა, რომ რუსეთის იმპერატორისათვის ცნობილია ტალირანის წერილის შინაარსი და ბერლინსა და ჰამბურგში გადადგმული დიპლომატიური ნაბიჯები. ელჩებმა განიხილეს რუსი ტყვეების სამშობლოში დაბრუნებისა და ევროპაში მშვიდობის აღდგენის საკითხები, თუმცა რაიმე შეთანხმება-გადაწყვეტილება მიღებული არ ყოფილა¹.

ტალირანმა, ბერნონვილის მოხსენების მიღებისთანავე, ვრცელი ინსტრუქცია გაუგზავნა მას². ეს ინსტრუქცია ავალებდა ბერნონვილს ბერლინში რუსეთის წარმომადგენელთან პორიგი შეხვედრისას, პირველ ყოვლისა, რუსი სამხედრო ტყვეების სამშობლოში დაბრუნების საკითხი განეხილა და მხოლოდ ამის შემდეგ მოეკიდა ხელი საერთო პოლიტიკური საკითხების განხილვისათვის. ამ საკითხებზე მოლაპარაკების დროს მას ძირითადად ძველი—თავის დროზე, 1799 წელს, კაიარისათვის გაგზავნილი—ხელშეკრულების პროექტითა და ინსტრუქციებით უნდა ეხელმძღვანელა. ბერნონვილს ძირითადადში სადაზვერგო მცნია უნდა შეესრულებინა—გაეგო რუსეთის მთავრობის ზრახვები, თვით კი კონკრეტული ვალდებულებების აღებისაგან თავი უნდა შეეკავებინა. მასვე ევალებოდა კრიუდენერთან შეხვედრებისას განსაკუთრებით ხაზი გაესვა ავსტრიისა და ინგლისის შენდგომი დაპყრობითი გეგმებისათვის და მით აემხედრებინა რუსეთი მათ წინააღმდეგ. ბერნონვილს რუსეთის ელჩის ყურადღება უნდა გამემაზვილებინა ავსტრიის აგრესიის შეხლუდვის აუცილებლობაზე იტალიაში და მალტის ინგლისელთა ხელში დატოვების შეუძლებლობაზე. საფრანგეთის მთავრობა ამ ინსტრუქციითაც კატეგორიულად უარყოფდა რუსეთის უფლებას, ჩარეულიყო გერმანიისა და იტალიის საქმეებში, მის მისწრაფებას გამოსულიყო არბიტრის როლში საერთო ევროპული ზავის დადების დროს³.

¹ ამ შეხვედრის შესახებ ვრცელ ცნობებს იძლევიან თვით კრიუდენერი და ბერნონვილი თავიანთ მოხსენებთ ბარათებში. იხ. Архив ВПР, ф. «Синошения России с Пруссией», д. 553, лл. 155—157; Сб. РИО, т. 70, кк. 655—656.

² რესპუბლიკის IX წლის 11 ვანდემიერის თარიღით. Сб. РИО, т. 70, кк. 656—658.

³ იქვე.

მართალია, რუსეთის წარმომადგენელს ბერლინში კრიუდენერს ნება დაერთო შეხვედროდა საფრანგეთის წარმომადგენელს, მაგრამ მას ჯერ კიდევ არ ჰქონდა მიღებული კონკრეტული მითითება იმის შესახებ, თუ როგორ უნდა ეწარმოებინა ეს მოლაპარაკება და საკითხთა რა წრეს უნდა შეხებოდა იგი. ჩვენი აზრით, სათანადო ინსტრუქციის გაგზავნის დაგვიანება იმით იყო გამოწვეული, რომ პეტერბურგის სამეფო კარს ჯერ კიდევ არ ჰქონდა გამომუშავებული ის კონკრეტული პოლიტიკური ხაზი და პლატფორმა, რომლის საფუძველზედაც შეიძლებოდა საფრანგეთის მთავრობასთან მოლაპარაკება ევროპაში მშვიდობიანობის აღდგენის თაობაზე.

რუსეთის სამეფო კარზე და საგარეო საქმეთა კოლეგიაში 1800 წლის ნახევრისათვის ქვეყნის შემდგომი საგარეო პოლიტიკური ხაზის ნიადაგზე თავი იჩინა აზრთა ისეთივე სხვადასხვაობამ, რომელსაც ადგილი ჰქონდა 1796—1797 წლების მაჯნაზე. ამ ნიადაგზე ისევ ორი ურთიერთსაწინააღმდეგო აზრი და დაჯგუფება შეიქმნა. ერთი იყო ფრანგოფობური, საფრანგეთთან დაახლოების შეურიგებელი მოწინააღმდეგე, მეორე — საფრანგეთთან დაახლოების, მასთან საერთო ენის გამონახვისა და ინგლის-ავსტრიის მიმართ ნეტრული კურსის აღების მომხრე. პირველის მრწამსის ყველაზე მკაფიო გამომხატველი იყო ვიცე-კანცლერი ნ. პ. პანინი, მეორისა — საგარეო საქმეთა კოლეგიის ფაქტიური ხელმძღვანელი თ. ვ. როსტოპჩინი.

ჩვენ ვფიქრობთ, რომ ამ ორ დაჯგუფებას შორის სერიოზულ შეხლა-შემოხლას ჰქონდა ადგილი. ამაზე მკაფიოდ მეტყველებს როგორც ის საიდუმლო მიწერ-მოწერა, როჰელსაც აწარმოებდნენ ნ. პ. პანინი და თ. ვ. როსტოპჩინი თავიანთ მომხრეებთან, ისე ის დიპლომატიური ბარათები, რომლებიც ნ. პ. პანინს და თ. ვ. როსტოპჩინს ეკუთვნის. აღნიშნული დიპლომატიური ბარათების ავტორები ლამობდნენ ზეგავლენა მოეხდინათ პაველ I-ზე და დაეყოლიებინათ იგი აღნიშნულ დიპლომატიურ ბარათებში მოხაზულ საგარეო პოლიტიკურ კურსზე.

პირველი დაჯგუფების თვალსაზრისი რუსეთის ცარიზმის საგარეო პოლიტიკის მიმართულების და ამოცანების შესახებ უახლესი მომავლისათვის კონკრეტულად და ნათლად ჩამოაყალიბა ნ. პ. პანინმა იმპერატორ პაველ I-სათვის 1800 წლის 9/21 სექტემბრის თარიღით შედგენილ დიპლომატიურ ბარათში¹.

¹ Сб. РХО, т. 70, кз. 4—10.

ამ დოკუმენტში ნ. პ. პანინი მეტი საღებავებით აღწერს ავსტრიის მდგომარეობას. იგი ფიქრობს, რომ ფრანგების მხრივ ახალი დარტყმის შემთხვევაში ავსტრიის სამეფოს არ შეუძლია დაიცვას თავი (ამ იმპერიის სამხრეთ ნაწილში და უნგრეთში იგი ხელავეს რღვევის ელემენტებს). მისი აზრით, ავსტრიის წინაშე ორი შესაძლებლობაა, ან ფრანგების მიმართ სამარცხვინო ზავზე წასვლა და გამარჯვებულის კანონისადმი დაქვემდებარება, ანდა დაცემა, რასაც მოჰყვება მთელი გერმანიის კონსტიტუციის დაზარება. როგორც პირველი, ისე მეორე პერსპექტივა („ჰიპოთეზა“, როგორც თვითონ წერს) მას მიაჩნია მეტად სახიფათოდ რუსეთის იმპერიისათვის. ამის თავიდან ასაცილებლად იგი ურჩევს პაულის იარაღს მოჰკიდოს ხელი მანამდე, სანამ მტერი (საფრანგეთი — ვ. დ.) თვით არ მიადგება რუსეთის იმპერიის საზღვრებს და იმპერატორი იძულებული არ გახდება იბრძოლოს თავისი კერისა და ქვეყნის დასაცავად. აღწერს რა იმ სერიოზულ საფრთხეს, რომელიც უნდა მოჰყოლოდა რუსეთისათვის ავსტრიის განადგურებას და საფრანგეთის ჯარების წინსვლას ბოჰემიის გზით აღმოსავლეთისაკენ, მიაქვებს რა მის ყურადღებას ამ მოსალოდნელ არასასურველ პერსპექტივაზე, ნ. პ. პანინი იმპერატორს რჩევას აძლევს ისევ იკისროს ევროპის ბედის გადამწყვეტის მისია, დაებმაროს ავსტრიას, იხსნას იგი კატასტროფისაგან¹ და ამ კეთილშობილური აქტით იბიოს შური და დასაჯოს ვენის სამეფო კარი. მაგრამ ნ. პ. პანინი ამითაც არ კმაყოფილდება. იგი იმ კონკრეტულ ნაბიჯებზეც მიუთითებს, რომლებიც, მისი აზრით, უნდა გადაედგა რუსეთის იმპერატორს ამ მიმართულებით. მას საჭიროდ მიაჩნდა ავსტრიის მთავრობას წარდგენოდა გარკვეული პირობები (*Sine qua non*), რომელთა მიღება ამ მთავრობის მიერ რუსეთის დახმარების წინასწარი პირობა უნდა ყოფილიყო. რუსეთ-პრუსიის კავშირის ქონაგ ნ. პ. პანინს, ბერლინში მისი წინანდელი მისიის წარუმატებლობის მიუხედავად, მაინც საჭიროდ და შესაძლებლად მიაჩნდა პრუსიის გამოყვანა ნეიტრალიტეტის მდგომარეობიდან და სათანადო ზემოქმედებით მისი შეიარაღებული ზომრიგებლობისაკენ წაქეზება („...подъить прусского короля к вооруженному посредничеству“), რასაც ნ. პ. პანინი უკავშირებდა გარკვეულ ვითარებას ფრონტზე, რუსეთის სამომრიგებლო მისიის და სხვ.²

¹ Сб. РИО, т. 70, кн. 5—6.

² იქვე, кн. 8.

ნ. პ. პანიჩის დიპლომატიური ბარათის დასკვნით ნაწილში ჩამოყალიბებული იყო ავსტრიის მთავრობისათვის გასაგზავნ მოთხოვნათა მუხლები (სულ ათი მუხლი). ეს მოთხოვნები იყო: ავსტრიის მთავრობის ვალდებულება—არ ეწარმოებინა მოლაპარაკება ზავის შესახებ საფრანგეთთან რუსეთის იმპერატორის მომრიგებლობის გარეშე; მთავარსარდლის მიერ საომარ მოქმედებათა გეგმების შეცვლის შემთხვევაში რუსეთის არმიის სარდლის აუცილებელი ნებართვა; თუგუტის გადადგომა საგარეო საქმეთა მინისტრის პოსტიდან; ბაყარის, პიემონტის, ნეაპოლის სამეფოსა და ვიურტემბერგის საჰერცოგოს ხელშეუხებლობა და სხვ.¹

მოტანილი დიპლომატიური ბარათის შინაარსი, ჩვენი აზრით, საკმარის საბუთს იძლევა დავასკვნათ, რომ იგი ახალს არაფერს არ შეიცავდა და ნ. პ. პანიჩის ძველი დიპლომატიური დოკუმენტების უბრალო მოდიფიკაციას წარმოადგენდა. ამ ცნობილ რუს დიპლომატს გარკვეული საგარეო პოლიტიკური სისტემა ჰქონდა შემუშავებული და იგი რუსეთის ნაციონალური ინტერესების შესატყვისად მიაჩნდა. ამ საგარეო პოლიტიკურ სისტემასა და კურსს იცავდა იგი ეკატერინე II-ის მეფობის უკანასკნელ წლებში და პავლე I-ის გამეფების დროს, იგივე პოზიცია შეინარჩუნა მან მეორე ანტიფრანგული კოალიციის დაშლის შემდეგაც. თავის დიპლომატიურ ბარათში იგი იმავე თვალსაზრისს და კურსს იცავს, რასაც იცავდა რამოდენიმე წლის წინათ. მართალია, იგი ხედავს იმ ცვლილებას, რომელიც მოხდა ევროპის პოლიტიკურ ცხოვრებაში 1799—1800 წლების მიჯნიდან, მაგრამ იგი ანგარიშს არ უწევდა ამ ახალ ვითარებას და იქიდან არ გამოჰყავდა გარკვეული დასკვნა. ამიტომ ნ. პანიჩი საჭიროდ არ თვლიდა რუსეთის საგარეო პოლიტიკის არსებული კურსის შეცვლას და ზედმეტად მიიჩნევდა ახალი კურსის გამოშუშავებას. ამიტომ იგი ისევ ძველ კავშირ-ურთიერთობათა სისტემას იცავდა, ისევ ექიმაგებოდა რუსეთ-ავსტრიის ანტიფრანგულ კავშირს, პრუსიასთან უფრო მჭიდრო ურთიერთობის აზრს ქადაგებდა და ახალ ვითარებაშიაც ისევ საფრანგეთი მიაჩნდა რუსეთის საშიშ მტრად და მეტოქედ. აქედან გამომდინარე, მას დაუშვებლად მიაჩნდა მასთან დაახლოება, მასთან მორიგება. ნ. პ. პანიჩის ეს დიპლომატიური ბარათი, აღნიშნულის გამო, ჩვენ მიგვაჩნია მეორე ანტიფრანგული კოალიციის განვლილი ვითარებისაკენ დაბრუნების მოწოდებად. ევროპაში შექმნილ ახალ ვითარებაში,

¹ С6, РИО, т. 70, кз. 9—10.

ძველ კავშირ-ურთიერთობათა დაშლის პირობებში, რუსეთის წინაშე, ამასთან დაკავშირებით, ახალი საგარეო პოლიტიკური ამოცანების აღმოცენების ვითარებაში. ნ. პ. პანინის დიპლომატიური ბარათი, ჩვენი აზრით, აშკარა ანაქრონიზმს წარმოადგენდა. ამიტომ სავსებით ბუნებრივად უნდა მივიჩნიოთ როგორც ამ ბარათის, ისე თვით მისი ავტორის სავალალო ბედი. სამეფო კარზე ბარათი უარყოფილ იქნა, მის ავტორს კი ვიცე-კანცლერის პოსტი დაატოვებინეს და მოსკოვში თავის მამულში გაგზავნეს¹.

ნ. პ. პანინის დიპლომატიურ ბარათში განვითარებული შეხედულების უარყოფა და მისი ავტორის განთავისუფლება რუსეთის საგარეო საქმეთა კოლეგიის ვიცე-კანცლერობიდან ნიშნავდა, რომ რუსეთის საგარეო პოლიტიკის ახალი მიმართულებისათვის პეტერბურგის სამეფო კარზე წარმოებული ბრძოლა ორ დაჯგუფებას შორის დამთავრდა პანინისა და მისი მომხრეების დამარცხებით². საფრანგეთის წინააღმდეგ ახალი ომის გაჩაღების იმ რჩევის წინააღმდეგ, რომელსაც ნ. პ. პანინი იძლეოდა თავის დიპლომატიურ ბარათში, მიღებულ იქნა გადაწყვეტილება: საჭიროდ იქნა ცნობილი საფრანგეთთან ზავისა და მშვიდობიანობის აღდგენის თაობაზე ბერლინში დაწყებული არაოფიციალური ზოლაპარაკების აქტივიზაცია და მისი გარკვეულ პირობებში შეთანხმებით დამთავრება. პეტერბურგში შესაძლებლად მიიჩნიეს საფრანგეთთან ომამდელი ურთიერთობის აღდგენა, მაგრამ ფრანგების მიერ რუსეთის ინტერესების შესატყვისი მოთხოვნილებების დაკმაყოფილების პირობებში.

¹ ცხადია, ნ. პ. პანინას შერისხვის, ვიცე-კანცლერობიდან განთავისუფლებისა და მისი თავის მამულში გაგზავნის ერთდერთი მიზეზი არ ყოფილა არც მისი დიპლომატიური ბარათი და არც მისი საგარეო პოლიტიკური ორიენტაცია. ამას სხვა (შინაგანა ხასიათის) მოტივებიც ედო საფუძვლად.

² საფრანგეთთან დაახლოებისა და მასთან მორიგების კურსის შეურიგებელი მოწინააღმდეგე იყო აგრეთვე ამ დროსათვის უკვე შერისხული მეორე ცნობილი რუსი დიპლომატი ს. რ. ვორონცოვი. შავრამ იგი იყო და დარჩა ანგლომანად, ყოველ პირობებში რუსეთ-ინგლისის მკიდრო კავშირის მოპხრედ. წას საფრანგეთის მიმართ, ნ. პ. პანინის მსგავსად, არ შეუცვლია თავისი პოზიცია. თვრამეტი ბრიუმერის სახელმწიფო გადატრიალების მიზეზთავედ იგი ისევ დარჩა ამ ქვეყნის დაუპინებელ მტრად. აქედან გამომდინარეობდა მისი პოლიტიკური კურსი: ინგლისთან და ევროპის კონტინენტის სახელმწიფოებთან მკიდრო კავშირში გაგრძელებულიყო ბრძოლა საფრანგეთის წინააღმდეგ. სწორედ ამ ხიდადაზე აღმოცენდა კონფლიქტი ს. რ. ვორონცოვისა და პავლე I-ს შორის, რომელიც დამთავრდა ამ რუსი დიპლომატიის განთავისუფლებით რუსეთის სრულყოფილებიანი წარმომადგენლობისაგან ინგლისში.

ამის შესაბამისად კრიუდენერს სათანადო ინსტრუქცია გაეგზავნა ბერლინში, თანაც ნოტის ფორმით შემუშავდა ის წინადადებები, რომელთა მიღებაც საფრანგეთის მიერ რუსეთთან ძველი ურთიერთობის აღდგენის წინასწარი პირობა უნდა ყოფილიყო. ეს ნოტა, რომლის ავტორი იყო საგარეო საქმეთა კოლეგიის ხელმძღვანელი, საფრანგეთთან დაახლოების მომხრე დიპლომატი თ. ვ. როსტოპჩინი, რესკრიპტის დანართის სახით გაეგზავნა კრიუდენერს, მას კი იგი მაიორ სერგეევის მეშვეობით პარიზში უნდა გადაეგზავნა.

აღნიშნული ნოტა, დათარიღებული 1800 წლის 26 სექტემბრით (8 ოქტომბრით), მოკლე შესავლისა და ხუთი მუხლისაგან შედგებოდა. ნოტა რუსეთ-საფრანგეთის მეგობრული ურთიერთობის აღდგენის წინასწარ პირობად მიიჩნევდა: მალტის, ყველა მისი სამფლობელოებით, დაბრუნებას ორდენისათვის, სარდინიის მეფის დამკვიდრებას მის სამფლობელოებში, ორივე სიცილიის მეფის მიწების, ბავარიის კურფიურსტისა და ვიურტემბერგის ჰერცოგის სამფლობელოთა ხელშეუხებლობას¹.

ის ფორმა, რომლითაც ჩამოყალიბებული იყო როსტოპჩინის მიერ შედგენილი ზემომოტანილი ნოტა, ზოგიერთ რუს და საზღვარგარეთელ ისტორიკოსს საბუთს აძლევს მას ულტიმატუმი უწოდოს. ასე ფიქრობს, მაგალითად, პროფ. ა. ტრაჩეესკი². ფრანგი ისტორიკოსი პ. ლანფრე უფრო შორს მიდის და წერს: ამ ნოტით როსტოპჩინმა დიდად დაამცირა ნაპოლეონ ბონაპარტი და მას ისე მოექცა, როგორც შორეული პროვინციის მმართველს³.

მიუხედავად იმისა, რომ ეს მოსაზრება გარეგნულად სიმართლის მსგავსია, ჩვენ ჭეშმარიტად ვერ მივიჩნევთ. პირველ ყოვლისა, მხედველობაში უნდა იქნეს მიღებული ის ფაქტი, რომ ნოტის ავტორი როსტოპჩინი საფრანგეთთან დაახლოების ენერგიული მომხრე იყო. რატომ უნდა მიეცა მას საფრანგეთისათვის გაგზავნილი ნოტისათვის ისეთი გამომწვევი, ულტიმატუმის სახე, რომელიც გააძნელებდა მოლაპარაკებას, ხელს შეუშლიდა დაახლოებას და შეუძლებელს გახდიდა შეთანხმებას. ასეთი განზრახვა, ცხადია, მას არ შეიძლება ჰქონოდა, იგი მისი სა-

¹ Сб. РИО, т. 70, кн. 10—11; Ф. Мартенс, *დასახ. კრებ.*, ტ. 13, გვ. 250.

² Сб. РИО, т. 70, кн. XX.

³ P. Lanfrey, *Histoire de Napoléon I^{er}*, Paris, 1869, ტ. 2, გვ. 217.

გარეო პოლიტიკური მრწანლის საწინააღმდეგო აქცია იქნებოდა. პირველ კონსულ ნაპოლეონს, რომლის ზოგიერთმა ნაბიჯმა, კერძოდ რუსეთის მიმართ, ამ დროისათვის უკვე დაიმსახურა მოწონება პეტერბურგის სასახლეში, იქ ვერ მოექცეოდნენ ისე, როგორც შორეულ პროვინციის მმართველს, ვერ დაამცირებდნენ მას. პეტერბურგის სამეფო კარის მხრივ ასეთი ნაბიჯის გადადგმა გამართლებული არ იქნებოდა. ვითვალისწინებთ რა ზემოაღნიშნულს, ჩვენ ვფიქრობთ, რომ საფრანგეთის მთავრობის წერილის პასუხად პეტერბურგში შედგენილი ნოტა, რომელსაც როსტოპჩინი აწერდა ხელს, წარმოადგენდა რუსეთის მთავრობის თვალსაზრისის თიქსირებას რუსეთსა და საფრანგეთს შორის მეგობრული ურთიერთობის აღდგენის შესახებ და არა ულტიმატუმის ხასიათის მქონე ნოტას იგი იყო პლატფორმა და ბაზა, რომელიც პაველ I-ის მთავრობის შეხედულებით, საფუძვლად უნდა დაედებოდა ბერლინში წარმოებულ მოლაპარაკებას და შეთანხმებას საფრანგეთთან. ერთი სახელმწიფოს მიერ მეორე სახელმწიფოსათვის თავისი საგარეო პოლიტიკური პლატფორმის გაცნობა, მისთვის გარკვეული პოლიტიკური მუხლების წაყენება შეთანხმების წინასწარი პირობის სახით, ულტიმატუმს როდი წარმოადგენს, მით უფრო მაშინ, როდესაც მათ შორის ჯერ კიდევ არ არსებობს დიპლომატიური ურთიერთობა. ეს ჩვეულებრივი დიპლომატიური ხერხია. მას ხშირად იყენებდნენ სხვადასხვა სახელმწიფოები და იყენებენ დღესაც. საჭიროა გათვალისწინებულ იქნას არა მარტო ნოტის ფორმა, არამედ თვით პოლიტიკური ვითარებაც, რაც ამა თუ იმ დიპლომატიურ დოკუმენტს წარმოშობს. პაველ I-ის მთავრობა, როგორც უკვე იყო აღნიშნული, მართალია, მზად იყო მორიგებოდა საფრანგეთს, მაგრამ მხოლოდ გარკვეული პირობებით. ევროპულ ზავს და ომამდელი ვითარების აღდგენას, საფრანგეთთან შეთანხმების მიღწევას კიდევ უფრო უნდა გაეთვართოებინა რუსეთის გაელენა და პოზიციები ევროპასა და ახლო აღმოსავლეთში. როსტოპჩინის ნოტაში კი სწორედ ასეთი პირობები იყო წამოყენებული.

თ. ვ. როსტოპჩინი არ დაკმაყოფილებულა აღნიშნული დიპლომატიური ნოტის შედგენით. პაველ I-ის დავალებით მან მეორე, უფრო მნიშვნელოვანი სამუშაო შეასრულა: შეადგინა ვრცელი დიპლომატიური ბარათი, რომელშიც მოცემული იყო საერთაშორისო ვითარების გონებამახვილური ანალიზი და თანაც ზოხაზული იყო რუსეთის საგარეო პოლიტიკის მომავალი მიმართულება და ამოცანები. ეს ვრცელი დიპლომატიური ბარათი, რომელიც როსტოპჩინმა 1800 წლის 30 სექტემბერს (12 ოქტომბერს) წარუდგინა

ნა რუსეთის იმპერატორს, ასახავდა საფრანგეთთან დაახლოების მომხრეთა ძვალსაზრისს და ჯეროვნად ითვალისწინებდა იმ ცვლილებებს ევროპის სახელმწიფოთა ურთიერთობაში, კერძოდ რუსეთის და ევროპის სხვა დიდი სახელმწიფოების ურთიერთობაში, რომლებიც მოხდა 1800 წლის დასაწყისიდან¹. ამ დროისათვის ინგლისელებმა წარმატებით დააგვირგვინეს მალტის ხანგრძლივი ბლოკადა, აიძულეს საფრანგეთის გარნიზონი კაპიტულაციაზე წასულიყო და ხელთ იგდეს ეს კუნძული. მაგრამ მათ, როგორც ზემოთ იყო აღნიშნული, ამ კუნძულზე დამკვიდრების გეზი აიღეს და არაფრად არ ჩააგდეს პავლეს პროტესტი.

დიპლომატიური ბარათის შესავალში თ. ვ. როსტოპჩინი აღნიშნავს, რომ, შეადგინა რა ეს ბარათი იმპერატორ პავლე I-ის განკარგულებით, მას სურდა მოეცა რუსეთის სხვა ქვეყნებთან ურთიერთობის ნამდვილი მდგომარეობის სურათი, გამოეთქვა თავისი მოსაზრებები და მოეხაზა ხელსაყრელი საშუალებები რუსეთის დიდებისა და ძლიერების დასაცავად მომავალში².

მოხაზავს რა მოკლედ ჩრდილოეთის სახელმწიფოებთან, პოლანდიასთან, ესპანეთთან, სარდინიასთან, პორტუგალიასთან, რომის პაპთან და ნეაპოლის სამეფოსთან რუსეთის ურთიერთობის ხასიათს და შესაძლო პერსპექტივებს, დიპლომატიური ბარათის ავტორი შემდეგ ანალიზს უკეთებს თურქეთის, საფრანგეთის, ავსტრიის, პრუსიისა და ინგლისის საშინაო და საერთაშორისო მდგომარეობას, მათ საგარეო პოლიტიკას. თურქეთს როსტოპჩინი უწოდებს დაშლის პირამდე მისულ სახელმწიფოს. იგი ფიქრობს, რომ თურქეთის მთავრობის მიერ გადადგმული ნაბიჯები ქვეყნის რღვევის შესაჩერებლად იმ წამალს მიაგავს, რომელსაც აქლევენ სასიკვდილოდ განწირულ ადამიანს, ე. ი. არაეფექტურია და, მაშასადამე, უაზრო და უშედეგო³. საფრანგეთით, წერს იგი, — რომელიც ათი წლის მანძილზე კანონისა და მმართველობის გარეშე იმყოფებოდა, ახლა უცხოელ ბონაპარტის ბატონობას დაექვემდებარა. საფრანგეთის ახალ მბრძანებელს, ძალზე თავმოყვარეს, გა-

¹ თ. ვ. როსტოპჩინის ეს დიპლომატიური ბარათი პირველად გამოაქვეყნა В. Каширев-მა კრებულში: „Памятники повой русской истории“, т. I, С.-Петербург, 1871, გვ. 102—113, სახელწოდებით: „Картина Европы в начале XIX столетия и отношение к ней России (записки гр. Ф. В. Ростопчина)“. ჩვენ ციტირებას ვახდენთ თურნალ „Русский архив“-ის 1878 წლის № 1-ში (გვ. 103—110) გამოქვეყნებული ტექსტიდან.

² „Русский архив“, 1878, № 1, გვ. 103.

³ იქვე, გვ. 103—104.

ნუსაზღვრელ პატივმოყვარეს და ბედნიერს თავის წამოწყებებში, მისი სიტყვები, რომ ვიხმაროთ, როსტოპჩინი სამშვიდობო მისწრაფებებს მიაწერს. მშვიდობა, მისი აზრით, ნაპოლეონ ბონაპარტს ესაჭიროება თავისი ხელისუფლების განსამტკიცებლად. უნდა აღინიშნოს, რომ როსტოპჩინს კარგად ესმოდა ნაპოლეონ ბონაპარტის საგარეო პოლიტიკის კურსის არსი. მისი აზრით, საფრანგეთის მთავრობას, რომელსაც არ ეშინოდა ინგლისის თავდასხმისა ხმელეთზე, რომელმაც გამოფიტა ავსტრიის ძალები და პრუსია კი თავის გავლენის ქვეშ მოაქცია, მხოლოდ რუსეთის შიში ჰქონდა. ამ შიშმა აიძულა ნაპოლეონ ბონაპარტი, განაგრძობს როსტოპჩინი, — ეძია რუსეთის იმპერატორთან დაახლოება და ამ მიმართულებით სათანადო ნაბიჯები გადაედგა¹. ეხება რა ავსტრიას და ინგლისს, როსტოპჩინი არ მალავს მათდამი თავის ანტიპათიას და მუქი საღებავებით აღწერს მათ საგარეო პოლიტიკას. იგი ხაზგასმით აღნიშნავს ამ სახელმწიფოთა მთავრობების სიხარბეს, ვერაგობას, დაპყრობით ზრახვებს, მუხანათობას მოკავშირეთა მიმართ და სხვ. ინგლისმა, მისი შეხედულებით, ფულებით, მუქარითა და მზაკვრობით აამხედრა სახელმწიფოები საფრანგეთის წინააღმდეგ, რათა ისინი თავისი ანგარული მიზნებისათვის — მსოფლიო ვაჭრობის მონოპოლიის, ზღვაზე ბატონობის და ახალი ტერიტორიების ხელში ჩაგდებისათვის — გამოეყენებინა². ამგვამად, განაგრძობს იგი, ვაჭრობის გაფართოების უზრუნველსაყოფად ინგლისსაც მშვიდობა ესაჭიროება; მაგრამ რა მდგომარეობაშიც არ უნდა იმყოფებოდეს იგი, მისი სურვილია საფრანგეთის დაცემა. როსტოპჩინს მხედველობიდან არ გამოჰპარვია ის ფაქტი, რომ ინგლისმა ვითომდა საფრანგეთში გამეფებული ანარქიის მოსპობისა და ბურბონების რესტავრაციის საბაბით დაიწყო ბრძოლა საფრანგეთის წინააღმდეგ და სხვა სახელმწიფოებიც აამხედრა მის წინააღმდეგ, სინამდვილეში კი მან ეს ომი მსოფლიო ვაჭრობის ხელში ჩაგდებისა და ზღვაზე გაბატონებისათვის გამოიყენა, თანაც განიზრახა მალტის და ეგვიპტის ხელში ჩაგდება. პრუსიის შესახებ დიპლომატიურ ბარათში აღნიშნულია, რომ მან პატარა გაბრძოლების შემდეგ ზავი დადო საფრანგეთთან და ამგვამად ახალ ომს გაუბრძის.

ერთხელ კიდევ უბრუნდება რა ევროპის სახელმწიფოთა მდგომარეობას და მათი პოლიტიკის შესაძლო პერსპექტივებს,

¹ „Русский Архив“, 1878, № 1, გვ. 104—105.

² იქვე, გვ. 105—106.

როსტოპჩინი თავის დიპლომატიურ ბარათში კვლავ ხაზს უსვამს ბონაპარტის მისწრაფებას ეძიოს რუსეთთან დაახლოება, პრუსიის და ავსტრიის პირფერულ ლაქუცს რუსეთის იმპერატორის წინაშე და ინგლისის განზრახვას—შეინარჩუნოს თავისი უპირატესი პოზიცია და თვით ბალტიის ზღვაც კი დაუმორჩილოს თავის ბატონობას¹.

ევროპის სახელმწიფოთა პოლიტიკის და ამ სახელმწიფოთა რუსეთისადმი დამოკიდებულების მიმოხილვის შემდეგ, როსტოპჩინი ასკვნის: რუსეთის სასიცოცხლო ინტერესები მოითხოვს ახალ ორიენტაციას, ახალ საგარეო პოლიტიკურ კურსს, ყოფილი მოკავშირეების თავიდან ჩამოშორებას და რუსეთისათვის უნაყოფო ომის დასრულებას, იმ ომისა, რომლიდანაც მხოლოდ რუსეთი და ავსტრია გამოვლენ დაზარალებულნი, ინგლისი, საფრანგეთი და პრუსია კი, პირიქით, გაფართოვდებიან და გაძლიერდებიან². ამის შემდეგ როსტოპჩინი სახავს ისეთ გზებს, რომლებიც, მისი აზრით, ყველაზე რეალური იყო, უზრუნველყოფდა რუსეთის ნაციონალური ამოცანების განხორციელებას, ამ სახელმწიფოს ყველა სხვა სახელმწიფოზე მაღლა დააყენებდა, თვით პავლეს კი „ყველა იმ ხელმწიფეებზე მაღლა, რომლებიც სიკვდილის შემდეგ უკვდავების ტაძარში ცხოვრობენ“³.

ასეთ რეალურ პოლიტიკად მას მიაჩნია თურქეთის იმპერიის დაყოფა საფრანგეთთან კავშირში და მის ხარჯზე გაფართოება (თუმცა იგი არ გამოორიცხავს ამ საქმეში ავსტრიის და პრუსიის თანამონაწილეობას). როსტოპჩინის აზრით ყველა ეპოქის და ყველა ტიპის სახელმწიფოს პოლიტიკა და ამოცანა ყოველთვის მეზობლების ხარჯზე თავისი ძალების გაფართოებაში მდგომარეობდა. ასეთი გაფართოება, უმტკიცებს იგი პავლე I-ს, ერთადერთი და ქეშმარიტი საშუალებაა ძლიერთა დასაშინებლად და სუსტთა დასაცავად⁴.

თურქეთის დაყოფის გეგმის სისრულეში მოყვანის პირველ პირობად როსტოპჩინს მიაჩნია ბონაპარტთან მკიდრო კავშირის

¹ „Русский Архив“, 1878, № I, გვ. 106.

² საფრანგეთის წინააღმდეგ ომში, რომელშიაც, როსტოპჩინის თქმით, რუსეთმა 23000 კაცი დაკარგა, მას არავითარი სარგებლობა არ მიუღია. ეს ომი მხოლოდ იმისათვის წარმოებდა „...чтоб уверить себя в вероломстве Пшты и Тургута, а Европу в бессмертии князя Суворова“. „Русский архив“, 1878, № 1, გვ. 107.

³ იქვე, გვ. 108.

⁴ იქვე, გვ. 109.

დამყარება. იგი ფიქრობს, რომ საფრანგეთი მზადაა და მოხარულიც იქნება მონაწილეობა მიიღოს თურქეთის დაყოფაში. სხვა სარგებლობასთან ერთად თურქეთის დაყოფა, როსტოპჩინის აზრით, საფრანგეთისათვის იქნება „...вернейший способ в уничтожению Великобритании и утверждению при общем мире всех завоеваний, Францией сделанных“¹.

თურქეთის დაყოფის შემთხვევაში რუსეთს, როსტოპჩინის გეგმით, უნდა მიეღო რომანია, ბულგარეთი და მოლდავეთი, ავსტრიას — ბოსნია, სერბია და ვლახეთი (პავლე I-ის შენიშვნა: „ბევრი არ არის?“), პრუსიას — სათანადო კომპენსაცია ჩრდილო გერმანიაში — ჰანოვერის საჟურფიურსტო და პადერნბორის და მიუნსტერის საეპისკოპოსოები. საფრანგეთს, — რუსეთის უშუალო მოკავშირეს — თურქეთის დაყოფისას უნდა მიეღო ეგვიპტე. საბერძნეთი არქიპელაგის ყველა კუნძულით, როსტოპჩინის გეგმით, რესპუბლიკად უნდა ქცეულიყო და მასზე ოთხი დიდი სახელმწიფოს — რუსეთის, ავსტრიის, საფრანგეთის და პრუსიის, „მთარველობა“ უნდა დაწესებულიყო². როსტოპჩინი იმედს გამოთქვამდა, რომ შემდეგში ბერძნები რუსეთის პროტექტორატს დაექვემდებარებოდნენ და რუსეთის ტახტის ქვეშევრდომობას მიიღებდნენ.

როსტოპჩინი რჩევას იძლეოდა თურქეთის დასაყოფად საკირო წინასწარი ნაბიჯები ფარულად გადაედგათ და იგი საფრანგეთთან დაახლოებით და ინგლისისათვის ზიანის მიყენებით დაეწყოთ³.

დასასრულ, როსტოპჩინი ურჩევდა პავლეს — მიენდო მისთვის, როსტოპჩინისათვის, ამ გეგმის რეალიზაცია და ინკოგნიტოდ მიევიდნენ იგი პარიზში, რათა იქ პირველ კონსულს მოლაპარაკებოდა ამ საიდუმლო გეგმის თაობაზე და დაერწმუნებინა იგი მის გონიერულობაში. ნაპოლეონ ბონაპარტისაგან თურქეთის დაყოფის თანხმობის მიღების შემდეგ როსტოპჩინს განზრახვა ჰქონ-

¹ „Русский Архив“, 1878, № 1, გვ. 109.

² იქვე.

³ Пока сие пролеходить будет, — წერს იგი, — возьмутся меры против англичан, откроются как их, так и французские расположения на мир и податливость Бошарпта на удовлетворение требоваший Вашего Императорского Величества“ (იქვე, გვ. 110).

და ვენასა და ბერლინს სტუმრებოდა და პრუსიისა და ავსტრიის მთავრობების მესვეურებს მორიგებოდა თურქეთის დაყოფაში მათი თანამონაწილეობის შესახებ¹.

მართალია, პავლე I-მა არ გაიზიარა როსტოპჩინის რჩევა მისი ინკოგნიტოდ საზღვარგარეთ გაგზავნის შესახებ, მაგრამ მან მთლიანად მოიწონა დიპლომატიურ ბარათში გატარებული აზრი და ორი დღის შემდეგ ბარათი ავტორს დაუბრუნა შემდეგი რეზოლუციით: „Апробуя план ваш, желаю, чтобы вы приступили к исполнению оного. Дай Бог, чтобы по сему было“².

როსტოპჩინის ზემომოტანილი ვრცელი დიპლომატიური ბარათი იმ მობრუნების ანარეკლს წარმოადგენდა, რომელიც მოხდა ევროპის სახელმწიფოთა პოლიტიკურ ცხოვრებასა და რუსეთის საგარეო პოლიტიკაში მეორე ანტიფრანგული კოალიციის დაშლისა და თვრამეტი ბრიუმერის სახელმწიფო გადატრიალების შემდეგ. ამდენად იგი, პირველ ყოვლისა, ასახავდა უკვე მომხდარ ცვლილებებს და რუსეთის ახალი დიპლომატიური კურსისა და ორიენტაციის კონსტატაციას წარმოადგენდა.

საბჭოთა ისტორიკოსების ნაწილი ფიქრობს, რომ როსტოპჩინის დიპლომატიურ ბარათს არაფერი ახალი არ შეჰქონდა რუსეთის საგარეო პოლიტიკურ ორიენტაციაში. იგი ახდენდა მხოლოდ იმ შემობრუნების ფიქსაციას, რომელიც ამ დროისათვის უკვე სავსებით განისაზღვრა. ჩვენ არ შეგვიძლია ამ შეხედულების მთლიანად გაზიარება. მართალია ეს დოკუმენტი ასახავს რუსეთის საგარეო პოლიტიკის კურსში მომხდარ ცვლილებას და ახალი საგარეო პოლიტიკური ორიენტაციის ფიქსირებას წარმოადგენს, მაგრამ მისი მნიშვნელობა უფრო შორს მიდის. ჩვენი აზრით, ამ დიპლომატიური ბარათის აპრობაცია პავლე I-ის მიერ ნიშნავდა იმას, რომ რუსეთის საგარეო პოლიტიკის მომავალი მიმართულების შესახებ თავადაზნაურული არისტოკრატის რიგებში წარმოებულ ბრძოლა დროის იმ მონაკვეთში დამთავრდა საფრანგეთთან შეთანხმების მომხრეთა გამარჯვებით. ამით ბოლო მოეღო დროებით მერყეობას, რასაც ადგილი ჰქონდა რუსეთის სამეფო კარზე საფრანგეთთან შემდგომი ურთიერთობის საკითხში; ამიერი-

¹ „Русский архив“, 1878, № 1, стр. 110.

² იქვე.

დან რუსეთის საგარეო პოლიტიკა წარმართა აღნიშნულ დოკუმენტში მოხაზული პრინციპებისა და გეგმის შესატყვისად. ამდენად ეს ბარათი იქცა მეფის რუსეთის მთავრობის სამოქმედო პროგრამად საგარეო პოლიტიკის დარგში მომავლისათვის. რუსეთი საფრანგეთთან, ინგლისთან და ევროპის სხვა სახელმწიფოებთან ურთიერთობას 1801 წლის 11 მარტამდე როსტოპჩინის დიპლომატიურ ბარათში გატარებული თვალსაზრისის შესატყვისად ახორციელებდა. ამდენად არ შეიძლება უგულებელვყოთ ამ ბარათის გავლენა რუსეთის საგარეო პოლიტიკის შემდგომ მიმართულებაზე უახლოეს მომავალში¹.

როსტოპჩინის დიპლომატიური ბარათის აპრობირებას პავლე I-ის მიერ და რუსეთის საგარეო პოლიტიკის წარმართვას მასში მოხაზული პრინციპების შესატყვისად, მეტი სინათლე შეაქვს რუსეთ-საფრანგეთის ურთიერთობაში იგი შემდგომ ბიძგს აძლევს იმ მობრუნებას, რომელიც უკვე დაისახა რუსეთის პოლიტიკაში საფრანგეთის მიმართ. მის უშუალო შედეგს წარმოადგენდა ბერლინის არაოფიციალური მოლაპარაკების ინტენსიფიკაცია და დამატებითი ნაბიჯების გადადგმა ამ მიმართულებით.

პავლე I-მა ბერლინში წარმოებული მოლაპარაკების დაჩქარებასთან ერთად საჭიროდ სცნო საპეციალური წარმომადგენლის მივლინება საფრანგეთში, რომელსაც უშუალო მოლაპარაკება უნდა ეწარმოებინა საფრანგეთის მთავრობასთან რუსი სამხედრო ტყვეების სამშობლოში დაბრუნების თაობაზე და პრაქტიკულად მოეგვარებინა ეს საქმე. ჩვენ ვფიქრობთ, რომ რუსეთის მთავრობა მის საპეციალურ წარმომადგენელს სხვა არაოფიციალურ და საიდუმლო დავალებასაც, უფრო სერიოზულ დიპლომატიურ მისიასაც დააკისრებდა, კერძოდ, შესაძლოა, რომ მას დავალება მიეცემოდა — შეეტყო თურქეთის დაყოფის თაობაზე საფრანგეთის აზრი (თუმცა სათანადო წყაროები ამ ვარაუდის დასადასტურებლად ჩვენ არ გავაჩნია). აღნიშნული მისია რუსეთის სამხედრო სამსახურში მყოფ გენერალ სპრენგპორტენს დაეკისრა².

¹ ინგლისელი ისტორიკოსი დეიჩი (Deutsch) თუმცა სცნობს როსტოპჩინის დიპლომატიური ბარათის მნიშვნელობას რუსეთ-საფრანგეთის ურთიერთობაში მომხდარი ცვლილების თვალსაზრისით, მაგრამ თვით მის ავტორს, როგორც მოსალოდნელი იყო, უარყოფითად აფასებს. იხ. H. Deutsch, *The genesis of Napoleonic imperialism...*, Cambridge, 1938, გვ. 19.

² რუსეთის სამხედრო სამსახურში მყოფი სკანდინავიელი სამხედრო პირი იოან-ალბერტ ერენსტრემი თავის მემუარებში გადმოგვცემს ფრანგ ემიგრანტ გრაფ დ'ანტრეგის მიერ ნ. პ. პანინისაგან გაგონილ სიტყვებს, რომელიც სპრენგ-

პარიზში მივლინებული სპრენგტპორტენის სათანადო ინსტრუქციით იქნა აღჭურვილი. ამ ინსტრუქციაში ერთი სიტყვაც კი არ იყო ნათქვამი იმ მისიის შესახებ, რაც დაკისრებული ჰქონდა ამ გენერალს. ნაცვლად ამისა, ინსტრუქციაში ხაზგასმული იყო რუსეთის სამშვიდობო მისწრაფება, მისი მზადყოფნა—მეგობრულად ეცხოვრა საფრანგეთთან. სპრენგტპორტენს ევალეზოდა რუსეთის, იმპერატორის ეს გრძნობები გაეცნო საფრანგეთის მინისტრებისათვის. საერთო ევროპული ზავის დადების შესახებ ინსტრუქცია რაიმე კონკრეტულ ფუნქციას სპრენგტპორტენს არ ავალეზდა, ამიტომ ძნელია თქმა: ჰქონდა თუ არა მას საერთოდ ასეთი ხასიათის დავალება¹.

ყოველ შემთხვევაში ერთი რამ ცხადია: პატივმოყვარე გენერალმა სპრენგტპორტენმა გადაწყვიტა არ შეზოფარგლულიყო ინსტრუქციით აღჭურვილი უფლებებით და უფრო მეტი როლი შეესრულებინა პარიზში.

რუსეთის „საგანგებო ელჩის“ ეს მისწრაფება მხედველობიდან არ გამოჰპარვიათ პარიზში. საფრანგეთის მთავრობამ ბერნონვილის მეშვეობით ჩქარა დაუმზადა პასპორტები სპრენგტპორტენსა და მის თანმხლებ პირებს, რომლებიც დროებით ბერლინში შეჩერდნენ (კრიუდენერთან). ბელგიასა და სხვა სანაპირო ზონის სამხედრო და სამოქალაქო ხელისუფალნი საგანგებოდ იქნენ გაფრთხილებული საზემო შეხვედრა მოეწყოთ მათთვის².

ტპორტენის პარიზში გაგზავნას ცხება. პანინის სიტყვებიდან ჩანს, რომ პაველ I-ს თავის დროზე მისთვის მიუმართავს კითხვით, თუ ვინ გამოდგებოდა პარიზში გასაგზავნად? პანინს ასეთი შეკითხვის პასუხად ისეთი კანდიდატები დაუხაზელვებია, რომლებიც იმპერატორ პაველ I-ს არ მოსწონებია. რამოდენიმე დღის შემდეგ, როდესაც პაველ I-ს უკვე შეურჩევია სათანადო კანდიდატი, მას ასეთი კითხვით მიუპართავს პანინისათვის: „ამჟამად მე გადაწყვიტე ერთ-ერთი გენერალი გაგზავნო პარიზში, გამოიყანი ვინ არის იგი?“ პანინს ვერ გამოუტყვინა ეს გენერალი და პაველ I-ს თვით დაუსახელებია სპრენგტპორტენის სახელი, რასაც, თითქოს, პანინის განცვიფრება გამოუწვევია. მაშინ პანინის განცვიფრების საპასუხოდ რუსეთის იმპერატორს უთქვამს: „თქვენ გაკვირვებული ხართ, ზომ მართალია? თქვენ ვერასოდეს ვერ გამოიცნობდით? თქვენ ჩვენი არჩევანი გაკვირვებთ, მაგრამ მე ვიქცევი სწორედ ისე, როგორც საჭიროა, როცა მოლაღატეს ვაგზავნი უზურპატორთან“. იხ. Исторически записки деиотвительного статского советника Иоанна-Алехсандра Эренстрема, „Русская старина“, 1893, ტ. 79, გვ. 263—264.

¹ Сб. РИО, ტ. 70, გვ. 11—12; Tratchevski, L'empereur Paul et Bonaparte, „Revue d'histoire diplomatique“, 1869, № 2, გვ. 286.

² ჯერ კიდევ საფრანგეთის საზღვრამდე არც კი იყო მისული სპრენგტპორტენი, როცა იგი პარიზიდან ბრიუსელში მის შესახვედრად ჩასულ ფრანგ გენერალ კლარკს არწმუნებდა: მართალია, ამჟამად სათანადო რწმუნება არ გამაჩნია,

საფრანგეთის პირველი კონსულის განკარგულება—„მეფური“ შეხვედრა მოეწყო სპრენგტპორტენისათვის—გადაჭარბებით იქნა შესრულებული. გზაში—ბრიუსელში, საზღვარზე—და თვით საფრანგეთის ტერიტორიაზე, კერძოდ პარიზში, სადაც იგი მიწვეულ იქნა პირველ კონსულთან აუდენციასზე (1800 წლის დეკემბრის შუა რიცხვებში, ძვ. სტილით), ზემოთ ხედვებოდნენ რუსეთის წარმომადგენელს. ასეთმა შეხვედრებმა თავბრუ დაასხეს სპრენგტპორტენს და ყალბი წარმოდგენა შეუქმნეს მას როგორც საფრანგეთის ხელისუფლების მესვეურთა შესახებ, ისე ნათ საგარეო პოლიტიკის მიმართულებაზე¹.

პირველმა კონსულმა ნაპოლენ ბონაპარტმა და ტალეირანმა სპრენგტპორტენთან შეხვედრისას რუსეთის წარმომადგენელს უმთავრესად იმ საკითხების გარშემო გაუმართეს საუბარი, რის შესახებაც მას ოფიციალურად სათანადო რწმუნება არ გააჩნდა. ეს საკითხები იყო: ევროპული მშვიდობიანობის აღდგენა, საფრანგეთ-რუსეთის მომწვალი ურთიერთობის პერსპექტივები, ინგლის-ავსტრიის ვერაგული პოლიტიკა რუსეთის მიმართ და სხვ. ისინი ყოველმხრივ არწმუნებდნენ მას საფრანგეთის სამშვიდობო განწყობილებაში².

ვინაიდან სპრენგტპორტენს, როგორც ზემოთ იყო აღნიშნული, ფორმალურად არ ჰქონდა რწმუნება საფრანგეთის მთავრობასთან მოლაპარაკება ეწარმოებინა ევროპული ზავისა და რუსეთ-საფრანგეთის კავშირის საკითხებზე, ამიტომ მის შეხვედრებს და მოლაპარაკებას პარიზში კონკრეტული შედეგები არ მოჰყოლია³. ყოველ შემთხვევაში არც ფრანგული წყაროები და არც

მაგრამ მას მალე მივიღებ, რადგანაც იმპერატორ პაულე I-ის განსაკუთრებული ნდობით ვსარგებლობო. საერთოდ გენერალ კლარკთან შეხვედრის დროს სპრენგტპორტენმა, როგორც თვით კლარკი გადმოგვცემს, ბევრი ილაყბა, ბევრი სატრახბახო სიტყვა თქვა და დიპლომატიის დარგში სრული გაუთვისებლობიერება და უნიჭობა გამოავლინა. იხ. Сб. РИО, т. 70, гл. 662—664.

¹ ამ შეხვედრების შესახებ ცნობებს გენერალი სპრენგტპორტენი დროგამოშვებით იძლეოდა პაულე I-სადმი გაგზავნილ მოხსენებით ბარათებში. იხ. სპრენგტპორტენის მოხსენებითი ბარათები 1800 წლის დეკემბრის თვიდან მოკიდებული 1801 წლის მარტამდე. ЦГВНА, ф. ВУА, г. 321, лл. 1—47; აგრეთვე Архив ВЛР, ф. МИД, Капцолария, г. 944, лл. 2—31.

² იგივე წყარო და საარქივო ფონდები; ფ. Мартенс, დასახ. კრებ., т. 13, гл. 25; Д. Милютин, დასახ. ნაშრ., т. 2, гл. 528—529.

³ ოფიციალური დავალება—ყოფილი რუსი სამხედრო ტყვეების ერთ გაჯევეულ პუნქტში თავმოყრა, მათი სამშობლოში გამგზავრებისათვის მომზადება, სათანადო მარშრუტის შერჩევა და გამგზავრების ორგანიზაცია,—სპრენგტპორტენ-

სპრენგტპორტენის მოხსენებითი ბარათები ამის შესახებ ცნობებს არ შეიცავენ. თავის მოხსენებით ბარათებში სპრენგტპორტენი, აღწერდა რა იმ საზეიმო შეხვედრებს, რომლებიც მას საფრანგეთში მოუწევს, მუდამ დასძენდა: საფრანგეთს მშვიდობა სწყურია, ნაპოლეონ ბონაპარტის გულწრფელი სურვილია დაუახლოვდეს რუსეთს, გზა რუსეთ-საფრანგეთის შეთანხმებისათვის ხსნილია და სხვ¹.

პარიზში გაჩაღებული დიპლომატიური ფაცატუციის მიუხედავად, ბერლინში არ შეწყვეტილა ზანტად მიმდინარე მოლაპარაკება კრიუდენერსა და ბერნონვილს შორის. რუსეთის და საფრანგეთის ელჩებს შორის ისევ მოეწყო მორიგი შეხვედრა „ინკოგნიტოდ“ კრიუდენერის ბინაზე. პრუსიის მთავრობამ ამჯერადაც შეასრულა მომრიგებელ-შუამავლის მისია².

აღნიშნული შეხვედრისას განხილულ იქნა წინა მოლაპარაკების შედეგები და რუსეთის და საფრანგეთის სამშვიდობო წინადადებები. სხვა საკითხებთან ერთად კრიუდენერს და ბერნონვილს მალტის შესახებაც ჰქონდათ საუბარი. კუნძული მალტა ამ დროისათვის, როგორც ცნობილია, ინგლისელების ხელში იყო გადასული. ამიტომ მის შესახებ საუბარი მხოლოდ ფორმალური ხასიათისა იყო. ყოველ შემთხვევაში, ბერნონვილმა პირველი კონსულის სახელით თანხმობა განუცხადა კრიუდენერს მომავალ ხელშეკრულებაში შეეტანათ სპეციალური პუნქტი, რომელიც სცნობდა პავლე I-ის, როგორც მალტის ორდენის დიდი მაგისტრის უფლებებს ამ კუნძულზე.

ნის მიერ წარმატებით იქნა შესრულებული. ამ საქმის შესახებ იგი შეუთანხმდა პირველი კონსულის მიერ სპეციალურად გამოყოფილ გენ. კლარკს. მათ შორის მოლაპარაკების შედეგად კონვენციაც კი დაიდო, რომელიც ითვალისწინებდა ყოფილი რუსი სამხედრო ტყვე ჯარისკაცებისა და ოფიცრების სამშობლოში დაბრუნების პირობებსა და მარშრუტს. იხ. Архив ВПР, ф. МИД, Канцелярия. д. 8914, л. л. 32—33; ф. Мартелс, დასახ. კრებული, ტ. 13, გვ. 255; К. Воевский, დასახ. წერილი, გვ. 13.

¹ რუსეთში მხედველობიდან არ გამოპარვიათ სპრენგტპორტენის მეტიჩრობა, ამიტომ იყო, რომ როსტოპჩინმა პავლე I-ის სახელით მას ასეთი დაკონიურთ დეკრეტს გაუგზავნა 1800 წლის 20 ნოემბერს: „მისმა უდიდებულესობამ იმპერატორმა მიბრძანა გაცნობოთ თქვენ, რომ მხოლოდ და მხოლოდ სამხედრო ტყვეების საკითხზე უნდა იხრუნოთ... და დაუჩქაროთ რუსეთში დაბრუნება, როგორც კი ეს მისია შესრულებული იქნება...“. Архив ВПР, ф. „Сношения России с Францией“, д. 526, л. 1.

² Архив ВПР, ф. „Сношения России с Пруссией“, д. 558, л. л. 221—225.

საფრანგეთის და რუსეთის დიპლომატების ეს მორიგი შეხვედრა ც ბერლინში, წინა შეხვედრების მსგავსად, აზრთა უბრალო გაცვლა-გამოცვლით დაშთავრდა. კონკრეტული გადაწყვეტილება, რომელიც დააჩქარებდა გათვალისწინებულ ხელშეკრულების ხელმოწერას, არც მაშინ ყოფილა მიღებული. ასე გრძელდებოდა მხარეების მიერ ურთიერთ თვალსაზრისის გაცნობა და პოზიციების დაზუსტება. გერმანიისა და იტალიის საკითხებში საფრანგეთის მთავრობა ფორმალურად თანახმა იყო მიეღო რუსეთის ფორმულა, მაგრამ ამავე დროს, კონკრეტული ნაბიჯის გადადგმისაგან მაინც თავს იკავებდა და დაყოვნების ტაქტიკას ადგა. მარენგოსთან და ჰოპენლინდენთან ავსტრიელებზე გამარჯვების შემდეგ ვითარება ევროპაში საგრძნობლად შეიცვალა. საფრანგეთი კვლავ გაძლიერდა, ხოლო რაც შეეხება ავსტრიას, იგი ახალი სერიოზული საფრთხის წინაშე აღმოჩნდა. აღნიშნულმა ცვლილებებმა საფრანგეთ-ავსტრიის ურთიერთობაში, უშუალო გავლენა მოახდინა საფრანგეთის საგარეო პოლიტიკის მიმართულებასა და დიპლომატიურ საქმიანობაზე. საფიქრებელია, რომ ამით იყო განპირობებული გაქიანურების ის ტაქტიკა, რომელსაც საფრანგეთის დიპლომატია მიმართავდა რუსეთთან მოლაპარაკების პროცესში. საფრანგეთის საგარეო პოლიტიკის ხელმძღვანელები იმედოვნებდნენ, რომ ევროპის პოლიტიკურ ცხოვრებაში მომხდარი ცვლილებები უფრო დამთმობს გახდოდა რუსეთის სამეფო ტახტს და აიძულებდა მას მომავალი ხელშეკრულების დადების დროს მიეღო საფრანგეთის წინადადებები.

ჩვენ ვფიქრობთ, რომ საფრანგეთ-რუსეთის მოლაპარაკებას ბერლინსა და პარიზში, თუმცა მას 1800 წლის დასასრულისათვის კონკრეტული შედეგი არ მოჰყოლია და იგი ხელშეკრულების დადებით არ დამთავრებულა, მაინც სერიოზული მნიშვნელობა ჰქონდა ამ ორი სახელმწიფოს შემდგომი ურთიერთ დაახლოების საქმეში. მან ხელი შეუწყო ურთიერთ უნდობლობის შენელებას და ზოგიერთ საკითხში დაახლოვა რუსეთის და საფრანგეთის პოზიციები. ჩვენს ამ ვარაუდს ის ფაქტი ადასტურებს, რომ მოლაპარაკების პირველი ფაზის შედეგად გადადგმულ იქნა შემდგომი ნაბიჯები რუსეთ-საფრანგეთის დასახლოებლად. ეს ნაბიჯები იყო წერილების გაცვლა ნაპოლეონ ბონაპარტსა და პაველე I-ს შორის და რუსეთის საგანგებო წარმომადგენლის მივლინება პარიზში. დაწყებული მოლაპარაკების ბოლომდე მისაყვანად.

1800 წლის 9/21 დეკემბერს ნაპოლეონ ბონაპარტმა პირადი „მეგობრული“ წერილი გაუგზავნა იმპერატორ პაულე I-ს, რომელიც შეტად მოქნილი დიპლომატიური ენით იყო შედგენილი. წერილში საფრანგეთის პირველი კონსული ხალხთა მშვიდობიანი თანაარსებობის თავგამოდებულ მომხრედ აცხადებდა თავს. მეო—წერდა იგი რუსეთის იმპერატორს,—პოლიტიკური მოსახრებების და თქვენდამი პატივისცემის გამო სურვილი მაქვს მივალწიო „მსოფლიოს ორი უძლიერესი ერის ჩქარ და უცვლელ კავშირს“. ბრალს სდებდა რა ინგლისს საფრანგეთის სამშვიდობო ინიციატივის ჩაშლისათვის, ნაპოლეონ ბონაპარტი რუსეთის იმპერატორს არწმუნებდა: საკმარისია აღქურვოთ რომელიმე პიროვნება, რომელიც სარგებლობს თქვენი ნდობით, განსაკუთრებული და განუსაზღვრელი რწმუნებით და 24 საათის შემდეგ მშვიდობა დამყარდება ზღვასა და ხნელეთზე. საფრანგეთის და რუსეთის, ამ ორი დიდი სახელმწიფოს კავშირ-შეთანხმება,—წერდა ნაპოლეონ ბონაპარტი,—ინგლისს, გერმანიის იმპერატორს და სხვა სახელმწიფოებს ხელიდან გამოაცლის იარაღს და თანამედროვე თაობას გაანთავისუფლებს ომის საშინელებათაგანო. მართალია,—დასძენს იგი,—შეიძლება ზოგიერთ კაბინეტს არ მოეწონოს ეს, მაგრამ მას მოიწონებენ ხალხები და თაობები¹.

დაახლოებით ასეთივე შინაარსის იყო ტალეირანის ნოტა, რომელიც მან იმავე 1800 წლის 9/21 დეკემბრის (რესპუბლიკის IX წლის 30 ფრიმერის) თარიღით გაუგზავნა თ. ვ. როსტოპჩინს. ეს ნოტა წარმოადგენდა პასუხს როსტოპჩინის 1800 წლის 26 სექტემბრის ნოტაზე. მასში აღნიშნული იყო, რომ პირველ კონსულს სავსებით სამართლიანად და ხელსაყრელად მიაჩნდა რუსეთის იმპერატორის ნოტაში ჩამოყალიბებული პრინციპები და ღებულობდა მათ. აღნიშნული დიპლომატიური დოკუმენტიც სასურველად მიიჩნეოდა გერმანიის და იტალიის შესახებ საკითხების, აგრეთვე ვაქრობისა და ნეიტრალიტეტის საკითხების თაობაზე დაინტერესებულ სახელმწიფოთა მოლაპარაკების გაგრძელებას და ამ მიზნით რუსეთის მიერ სპეციალური უფლებამოსილი წარმომადგენლის დანიშვნას².

რუსეთის მთავრობას დიდხანს არ დაუყოვნებია პასუხი პირველი კონსულის წერილში და ტალეირანის ნოტაში აღძრულ საკითხებზე. 1800 წლის 18/30 დეკემბრის თარიღით პაულემ საპასუ-

¹ С6. РИО, ტ. 70, გვ. 24—25.

² იქვე, გვ. 26—27.

ხო წერილი გაუგზავნა ნაპოლეონ ბონაპარტს, რომელშიც იგი აცხადებდა, რომ მზადაა მოუსმინოს საფრანგეთის პირველ კონსულს მის წერილში აღძრულ საკითხებზე და საუბარი გამართოს მასთან. აღნიშნავდა რა თავის სამშვიდობო მისწრაფებას, რუსეთის იმპერატორი ნაპოლეონ ბონაპარტს სთავაზობდა ერთობლივ ღონისძიებებს საყოველთაო მშვიდობის აღსადგენად¹. იმავე წერილით რუსეთის იმპერატორი საფრანგეთის პირველ კონსულს აცნობებდა პარიზში მოლაპარაკების გასაგრძელებლად რუსეთის სპეციალური წარმომადგენლის დანიშვნის შესახებ².

პარიზში ამ საგანგებო დიპლომატიური მისიით მივლინებულ იქნა კოლიჩევი, რომელიც რუსეთის მთავრობამ აღჭურვა 1800 წლის 29 დეკემბრით თარიღებული ინსტრუქციით, რომლის დიდი ნაწილი საჯარო და ფარულ მუხლების სახით იყო შედგენილი. კოლიჩევს მის საფუძველზე უნდა ეწარმოებინა მოლაპარაკება, ხოლო მისი წარმატების შენთხევევაში ხელი უნდა მოეწერა სათანადო ხელშეკრულებისათვის საფრანგეთის მთავრობასთან³.

ინსტრუქციის შესავალ ნაწილში რუსეთის იმპერატორი აცნობდა სპეციალურ რწმუნებულს თავის გადაწყვეტილებას— უზრუნველყო ევროპისათვის მშვიდობა და ამის თაობაზე შეთანხმებოდა საფრანგეთის პირველ კონსულს. კოლიჩევს ვვალდებოდა პარიზში ჩასვლისთანავე შედგომოდა დაკისრებული მისიის შესრულებას, სასურველ ბოლომდე მიეყვანა იგი და საფრანგეთის მთავრობასთან დაედო ხელშეკრულება ამ ინსტრუქციის საჯარო და საიდუმლო მუხლების შესაბამისად.

ინსტრუქციის თანდართული საჯარო მუხლები ძირითადად იმეორებდა ჩვენს მიერ უკვე დასახელებული თ. ვ. როსტოპჩინის ნოტის მუხლებს, თუმცა საფრანგეთით არ ემთხვეოდა მას, მით უფრო რომ შედგებოდა არა ხუთი, არამედ თერთმეტი მუხლისაგან⁴.

¹ Сб. РИО, т. 70, гл. 27—28.

² ი ქ ვ ე. გვ. 28.

³ Архив ВНР, ф. „Сношения России с Францией“, д. 527, л. 9—19. ინსტრუქცია გამოქვეყნებულია ჟურნალში „Русский архив“, 1874, № 12, ტ. 3, გვ. 262—270, სახელწოდებით „Черта русской политики в последнюю дин XVIII века“.

⁴ პირველი მუხლით კოლიჩევს ვვალდებოდა მოეგონებინა ბონაპარტისათვის, თუ რაზე იყო საუბარი მანამდე.

მეორე მუხლით პირველ კონსულს ნება ეძლეოდა დაემცირებინა ავსტრიის სამეფო კარი („скольکو угодно“).

შესაძებ მუხლით რუსეთის მთავრობა აცხადებდა თანხმობას ეცნო რაინი საფრანგეთის საზღვრად და ნება დაერთო საფრანგეთისათვის ჩამოეჭრა ავსტრიის-

ინსტრუქციის საიდუმლო ნაწილის პირველი მუხლით კოლიჩევს საფრანგეთისათვის უნდა მოეთხოვა, რათა ესპანეთის მეფეს პავლე I ეცნო მალტის ორდენის დიდ მაგისტრად.

მეორე მუხლით რუსეთ-საფრანგეთის შეთანხმების შემთხვევაში საფრანგეთს დივერსია უნდა მოეხდინა ინგლისის სანაპიროებზე.

მესამე მუხლით რუსეთის მთავრობა თანახმა იყო აღედგინა ძველი (1786 წლის) სავაჭრო შეთანხმება საფრანგეთთან. მაგრამ სათანადო ცვლილებებით ახალი ვითარების შესატყვისად.

მეოთხე მუხლი ზოგადი იყო და ნაკლებ მნიშვნელოვანი დავალებების სისრულეში მოყვანას მოითხოვდა.

სათვის ზოგიერთი მემკვიდრეობითი სამფლობელო იმპერიის შეურაცხყოფილ მთავართა დასაცმაცოფილებლად.

მეოთხე მუხლით რუსეთის სამეფო კარი მოითხოვდა სარდინიის მეფისათვის იმ ანახლაურების ნაწილის მიცემას, რომელიც ვენის სამეფო კარისათვის იყო განკუთვნილი, ორივე სიცილიის მეფისათვის მისი ომამდელი სამფლობელოების შენარჩუნებას და ბადენის კურფიურისტიკისა და ვიურტემბერგის ჰერცოგისათვის გერმანიაში ტერიტორიულ ანახლაურების მიცემას საეკლესიო სამფლობელოთა საერო სამფლობელოებად ქცევის გზით.

მეხუთე მუხლით პავლე I მოითხოვდა ფორმალურ გარანტიას მალტის მიმართ, რომელიც მთელი თავისი კუთვნილებით უნდა დაბრუნებოდა მას, როგორც მალტის ორდენის დიდ მაგისტრს. ინგლის-საფრანგეთის ყველა მოლაპარაკებას მშვიდობის შესახებ უნდა გაეთვალისწინებინა აღნიშნული კუნძულის დიდი მაგისტრისათვის დაბრუნება.

მეექვსე მუხლით რუსეთის მთავრობა მოითხოვდა საფრანგეთისაგან მისი ჯარების გამოყვანას ეგვიპტიდან და ეგვიპტის თურქეთისათვის დაბრუნებას.

მეშვიდე მუხლით რუსეთის იმპერატორი თავისი მფარველობის ქვეშ აყენებდა რომის პაპს და მას იმპერიის კათოლიკურ ოლქებში დასახლების უფლებას სთავაზობდა, რომ ამით იგი სხვა სახელმწიფოთა ინტრიგებისა და ძალადობისაგან დაეხსნა.

მერვე მუხლი ეხებოდა ვაქრობის საკითხს. ამ მუხლით რუსეთის მთავრობა მოქმედების თავისუფლებას აძლევდა საფრანგეთს ამ დარგში და, ამავე დროს, მისგან მოითხოვდა ინგლისის დამარცხების შემდეგ ჩრდილოეთის სახელმწიფოთა სახლავო კავშირთან შეერთებას.

მეცხრე მუხლით რუსეთის იმპერატორი თანახმა იყო ეცნო საფრანგეთის რესპუბლიკა და მასთან ნორმალური ურთიერთობა დაემყარებინა მაშინვე, როგორც კი ზემოაღნიშნული პირობები მიღწეული იქნებოდა საფრანგეთის მთავრობის მიერ.

მეთექვსე მუხლი ეხებოდა პოლონეთს; მასში აღნიშნული იყო, რომ პოლონეთის შესახებ არაერთი საუბარი არ უნდა ყოფილიყო.

მეთერთმეტე მუხლში აღნიშნული იყო, რომ თუ საფრანგეთი და რუსეთი ერთად იქნებიან, მაშინ მათ ხელში იქნება დანარჩენი ევროპის ბედის გადაწყვეტა. Архив ВПР, ф. „Сношения России с Францией“, т. 527, л. 9—16; „Русский архив“, 1874, т. 3, кн. 266—269.

მეხუთე მუხლით კოლიჩევს ევალებოდა განეწყო ნაპოლეონ ბონაპარტი სამეფო ტიტულის მიღებისა და საკუთარი დინასტიის შექმნის სასარგებლოდ.

მეექვსე მუხლით კოლიჩევს უნდა მოეთხოვა კლუბების, პოლონელთა კომიტეტისა და ყველა იმ ორგანიზაციის მოსპობა, რომლებიც საფრანგეთის მთავრობის ნებართვით მოქმედებდნენ საზღვარგარეთ და ეწოდნენ დემოკრატიული და ფილოსოფიური იდეების გავრცელებას.

მეშვიდე პუნქტში ხაზგასმული იყო რუსეთის რეპერატორის განზრახვა: აღედგინა მთელ ევროპაში მშვიდობა და ს. ფრანგეთთან ურთიერთობის აღდგენით, თანაც ნაპოლეონის ხელმწიფედ ცნობით ხელი შეეშალა ინგლისის, ავსტრიის და პრუსიის შემდგომი დაპყრობითი გეგმებისათვის...¹.

ამგვარად კოლიჩევისათვის შედგენილი ინსტრუქცია მნიშვნელოვან დიპლომატიურ დოკუმენტს წარმოადგენდა. მასში ფიქსირებული იყო ის პრინციპები, რომელთა მიხედვით უნდა ემოქმედა რუსეთის მთავრობას საგარეო პოლიტიკის დარგში ახლად შექმნილ ვითარებაში.

რუსეთის მთავრობა, დირექტორიის დროს წარმოებული მოლაპარაკების მსგავსად, გარკვეულ პირობებს უყენებდა საფრანგეთის მთავრობას, რის დაკმაყოფილებასაც ამ უკანასკნელის მიერ უქავშირებდა მასთან ომამდელი ურთიერთობის აღდგენას, ხელსაყრელი სავაჭრო ხელშეკრულების დადებას და სხვ.

ჩვენი აზრით, მოტანილი ინსტრუქცია ცხადპყობს, რომ რუსეთის სამეფო კარს, სურდა რა აღედგინა ევროპაში მშვიდობა და საფრანგეთთან ომამდე არსებული ურთიერთობა, ამავე დროს განზრახვა არ ჰქონდა რაიმე დათმობაზე წასულიყო ამისათვის, მსხვერპლი გაეღო და ოდნავი ზიანი მიეყენებინა რუსეთის მიერ ევროპაში მოპოებულ პოზიციებისათვის. პირიქით, იგი თვით საფრანგეთისაგან მოითხოვდა სათანადო დათმობებს, რაც უზრუნველყოფდა რუსეთისათვის იმ საგარეო პოლიტიკური ამოცანების რეალიზაციას, რაც მან მეორე ანტიფრანგული კოალიციის რიგებში საფრანგეთის წინააღმდეგ ომის დროს ვერ გადაწყვიტა.

კითხვა ისმის, წარმოადგენდა თუ არა ეს ინსტრუქცია იმ ბაზას და პლატფორმას, რომელიც ლოგიკურ დასკვნამდე მიიყვან-

¹ Архив ВПР, ф. „Словоения России с Францией“, д. 527, лл. 17—19; „Русский архив“, 1874 წ. 12, ტ. 3, გვ. 269—270.

და რუსეთ-საფრანგეთის დაახლოებას და ამ ქვეყნებს შორის მკვიდრო მეგობრულ კავშირს დაამყარებდა. ამაზე მკაფიო პასუხის გაცემა საკმაოდ ძნელი საქმეა. ყოველ შემთხვევაში გადაჭრით შეიძლება ითქვას, რომ მასში ფიქსირებული ზოგიერთი პირობა და მოთხოვნა (არბიტრის როლისა და გერმანიისა და იტალიის პატარა სახელმწიფოების მფარველობის უფლების შესახებ) იმ საგარეო პოლიტიკური ამოცანების წინააღმდეგ იყო მიმართული, რომლებიც საფრანგეთის ახალ ხელისუფლებას ჰქონდა დასახული. ასევე არასასიამოვნო უნდა ყოფილიყო მისთვის რუსეთის იმპერატორის მოთხოვნა „ძირგამომხრელი“ და „რევოლუციური იდეების გამავრცელებელი საზოგადოებების“ დახურვის შესახებ.

პოზიციების, თვალსაზრისისა და ორიენტაციის მოცემული სხვადასხვაობის პირობებში, თუ შემდეგში არ შესუსტდებოდა ეს დაპირისპირება, რუსეთ-საფრანგეთის მოლაპარაკებების პერსპექტივა 1800—1801 წლების მიჯნაზე, როდესაც იწყებოდა მხოლოდ ამ მოლაპარაკებების მეორე—ოფიციალური—ნაწილი, მაინცდამაინც არ იყო ოპტიმისტური.

ამგვარად, 1801 წლის დასაწყისისათვის რუსეთ-საფრანგეთის ურთიერთობაში, მობრუნებისა და დაახლოების გარეგნული გამოვლენის მიუხედავად, ჯერ კიდევ არ მომხდარა მკვეთრი გარდატეხა, ამ მობრუნების თავის ფინალურ აქტამდე მიყვანის თვალსაზრისით. რუსეთ-საფრანგეთს შორის ჯერ კიდევ არ იყო აღდგენილი ომამდელი დიპლომატიური და სავაჭრო-ეკონომიური ურთიერთობა; არ იყო აგრეთვე აღდგენილი ევროპული მშვიდობა, რომელშიაც თუმცა სხვადასხვა მოსაზრებებით, მაინც თანაბრად დაინტერესებულნი იყვნენ იმ ეტაპზე რუსეთიც და საფრანგეთიც. მართალია, არაოფიციალურ აზრთა გაცვლა-გამოცვლასა და მიწერ-მოწერის ფაზა დამთავრდა და იგი ოფიციალურმა მოლაპარაკებამ შესცვალა, მაგრამ აქედან როდი შეიძლებოდა დაგვესკვნა, რომ იგი აუცილებლად წარმატებით დამთავრდებოდა და ამ ორ ქვეყანას შორის არსებული სადავო და შენლა-შემოხლის საკითხები მშვიდობიანი შეთანხმებით დამთავრდებოდა. რამოდენიმე სადავო საკითხი კვლავინდებურად წინ ეღობებოდა რუსეთ-საფრანგეთის შეთანხმებას და ხელს უშლიდა ამ შეთანხმების შესაძლებლობის სინამდვილედ ქცევას.

მობრუნებამ რუსეთ-საფრანგეთის ურთიერთობაში უშუალო გავლენა მოახდინა რუსეთში მოკალათებულ ფრანგ ემიგრანტთა, კერძოდ მიტავის სასახლეში თავმოყრილ „საპატიო სტუმართა“ მდგომარეობაზე. მან ბოლო მოუღო ამ რეაქციული ხროვის უდრტიწველ ცხოვრებას რუსეთის მიწა-წყალზე.

ახალ ვითარებაში, როდესაც პრაქტიკული ნაბიჯები გადა-
იდგა რუსეთ-საფრანგეთის დასაახლოებლად, როდესაც რუსეთის
იმპერატორმა საფრანგეთის პირველ კონსულს იმპერატორის ტახ-
ტი და ახალი დინასტიისათვის საფუძვლის ჩაყრა შესთავაზა,
ფრანგ ემიგრანტთა და მათი მეთაურის ლუი XVI II-ის შემდგომი
ყოფნა რუსეთის ტერიტორიაზე არასასურველი იყო რუსეთის სა-
მეფო კარისათვის. იგი რეალურ დაბრკოლებას წარმოადგენდა
რუსეთის ახალი საგარეო პოლიტიკური ხაზის განხორციელების
გზაზე. ამიტომ სავსებით ბუნებრივია, რომ პავლემ ხელი აიღო
შემდგომ „სტუმართმოყვარეობაზე“ და ლუი XVIII და მიტავის
მთელი „სამეფო კარი“ თავისი იმპერიის საზღვრებიდან მოიშო-
რა. ეს იყო რეალური პოლიტიკა და იმ ახალი პოლიტიკური კურ-
სის ლოგიკური გაგრძელება, რომელიც 1800 წლიდან დაიწყო.

1800 წლის დასასრულსა და 1801 წლის დასაწყისში პავლემ
რამოდენიმე განკარგულება გასცა, რომელთა ძალითაც მიტავის
„სამეფო კარს“ ევალებოდა დაეტოვებინა რუსეთი, ფინანსთა მი-
ნისტრ დერეჟავინს უნდა შეეწყვიტა მისთვის სუბსიდიის ძლევა,
ხოლო კურლიანდიის სამხედრო გუბერნატორს წინადადება ეძლე-
ოდა მოკლე დროში უშუალო ხელმძღვანელობა გაეწია ლუი XVIII-
ისა და მისი ამაღლის საზღვარგარეთ გამგზავრების საქმისათვის.
1801 წლის იანვრის ბოლო რიცხვებში მიტავის „სამეფო კარი“
გაემგზავრა საზღვარგარეთ¹.

¹ იხ. L. Pingaud, დასახ. ნაშრ., გვ. 223; К. Валишевский, დასახ. ნაშრ., გვ. 483; ლუი XVIII-ის ავტობიოგრაფიული ჩანაწერი, „Русский архив“, 1877 წ. 3, გვ. 81; „Русская старина“, ტ. 72, წ. 2, გვ. 469.

**ინდოეთში რუსეთ-საშუაგნეთის ერთობლივი
ლაშქრობის პროექტის საკითხი**

როდესაც ვიხილავთ იმ მობრუნებას, რომელსაც ადგილი ჰქონდა რუსეთ-საფრანგეთის ურთიერთობაში 1800 წლის დასაწყისიდან, არ შეიძლება მხედველობის გარეშე დავტოვოთ ამ მობრუნების ერთი მეტად მნიშვნელოვანი მომენტი: ინდოეთში რუსეთ-საფრანგეთის ერთობლივი ლაშქრობის პროექტის შემუშავება და რუსეთის იმპერატორის მიერ ასეთი ლაშქრობის მოწყობის ცდა 1801 წლის დასაწყისში.

რუსეთ-საფრანგეთის დაახლოების ტენდენცია 1800—1801 წლების მიჯნაზე, როგორც აღვნიშნავდით, საკმაოდ შორს წავიდა. პარიზის მოლაპარაკებამ დღის წესრიგში დასვა ამ ორი ქვეყნის დაკავშირება და ანტიინგლისური კავშირის ორგანიზაცია. პარალელურად ამისა მიმდინარეობდა ინგლის-რუსეთის ურთიერთობის მკვეთრი გაუარესების პროცესი. რუსეთის დიპლომატიის მიერ ჩრდილოეთ ევროპის სახელმწიფოთა საზღვაო ლიგის ორგანიზაციამ (რუსეთის, შვეციის, დანიისა და პრუსიის მონაწილეობით), რომლის მახვილიც მიმართული იყო ინგლისის საზღვაო ჰეგემონიის წინააღმდეგ, კიდევ უფრო გააღრმავა დაკიმულობა ამ ორ ქვეყანას შორის. ყოველივე ამან და ინგლისის გემებსა და საქონელზე ემბარგოს დადებამ პეტერბურგსა და რუსეთის იმპერიის სხვა ქალაქებში, უაღრესად გააძლიერა ფიციხი მასალა ინგლის-რუსეთის ურთიერთობაში და ნიადაგი შეამზადა მათ შორის ომისათვის.

1801 წლის დასაწყისში ინგლისმა სათანადო სამხედრო ლონისძიებები განახორციელა რუსეთთან (და, საერთოდ, საზღვაო ლიგაში შემავალ სახელმწიფოებთან) ომის დასაწყებად. ამ ღონის-

ძიებებიდან აღსანიშნავია ინგლისის ძლიერი სამხედრო-საზღვაო ესკადრის (17 სახაზო გემის, 30 ფრეგატის და 1000 სადესანტო ჯარისკაცის შემადგენლობით) გაგზავნა ბალტიის ზღვაში ცნობილი აღმირალების პარკერისა და ნელსონის სარდლობით¹.

რუსეთის მთავრობამ თავის მხრივ საპასუხო თავდაცვითი ღონისძიებები განახორციელა როგორც ზღვაზე, ისე ზღვისპირა რაიონებში. მან, ამასთან ერთად, გადაწყვიტა საფრანგეთთან კავშირში მახვილი ჩაეცა ინგლისისათვის მის „პერიფერიაში“ და მით წაერთმია მისთვის რუსეთისათვის ზიანის მიყენების შესაძლებლობა. ასეთ „პერიფერიად“ მიჩნეულ იქნა ინგლისის კოლონიური ძარცვის ობიექტად ქცეული ინდოეთი. თავის მხრივ ინგლისის გამოდევნა ინდოეთიდან და იქ საკუთარი ბატონობის დამყარება საფრანგეთის გაბატონებული კლასების მისწრაფების საგანს წარმოადგენდა. სხვადასხვა ინტერესებისა და მისწრაფებების მიუხედავად, რუსეთის და საფრანგეთის ნმართველთა თვალსაზრისი ინგლისის მიმართ გამოსაყენებელ ღონისძიებათა საკითხში დროებით და გარკვეულ გარემოებათა შედეგად დაემთხვა ერთმანეთს. ამ ნიადაგზე აღმოცენდა ამ ორი ქვეყნის ინდოეთში ერთობლივი ლაშქრობის პროექტი.

XVIII—XIX საუკუნეების მიჯნაზე ინდოეთი ინგლისელ კოლონიზატორთა დაპყრობისა და გაძარცვის ობიექტს წარმოადგენდა. ოსტ-ინდოეთის ინგლისური სავაჭრო-მონოპოლისტური კამპანია, როგორც ინგლისის გაბატონებული კლასების კონტრაგენტი, უშუალოდ ახორციელებდა ამ ქვეყნის დაპყრობისა და გაძარცვის საქმეს. იარაღის, მოსყიდვის, რელიგიური, კასტურ და ტომურ დაპირისპირებათა ხელოვნური გაღვივებით, ფეოდალურ მთავართა ურთიერთ წაკიდების გზით ინგლისელი დამპყრობლები ზედიზედ ბოლოს უღებდნენ ინდოეთის დამოუკიდებელი სამეფო-სამთავროების არსებობას და მათ თავიანთ კოლონიურ სამფლობელოებს უერთებდნენ. ყველა სახის მუხანათური მეთოდების გამოყენებით ინგლისელმა კოლონიზატორებმა ამ დროისათვის უკვე დაიპყრეს ინდოეთის დიდი ნაწილი და იგი აღვირახსნილი ძარცვა-გლეჯის ასპარეზად აქციეს. ინდოეთის მოსახლეობის ველური ექსპლოატაცია ხორციელდებოდა კაპიტალის „პირვანდელი დაგროვების“ მეთოდებით. ყოველწლიურად ინდოეთიდან ინგლისში იგზავნებოდა დიდძალი ნაძარცვი სიმდიდრე კეთილშობილი ლითონების, ძვირფასი ქვების, ხელოსნური შრომის პროდუქტების, ნედლეულისა

¹ Д. М. Юттин, *დასახ. ნაშრ.*, ტ. 2, გვ. 538.

და სურსათ-სანოვაგის სახით. როგორც ცნობილია, ინდოეთის „მთელ ტომთა და რასათა“ გადაშენება, ამ ქვეყნის ბუნებრივი სიმდიდრეების და დოვლათის არაეკვივალენტური მითვისება ინგლისში სამრეწველო გადატრიალების და იქ კაპიტალისტური ინდუსტრიალიზაციის ერთ-ერთი მთავარი პირობა გახდა.

ინდოეთის კოლონიური სამფლობელოების სფეროს გაფართოება შემდგომი დაპყრობების მეშვეობით, ამ სამფლობელოების ძარცვა-გლეჯის მასშტაბის გადიდება და კოლონიური ინდოეთის დაცვა მეტოქეთა ხელყოფისაგან ინგლისის ვაბატონებული კლასების „განსაკუთრებული“ ზრუნვის საგანი გახდა. ისტორიული განვითარების ამ ეტაპზე ინდოეთის საკითხმა მნიშვნელოვანი ადგილი დაიკავა ინგლისის საგარეო პოლიტიკაში. იგი აღმოსავლეთის „თავსატები“ საკითხის შემადგენელ ნაწილად იქცა. მან გადაამწყვეტი როლი შეასრულა ინგლისის საგარეო პოლიტიკური ორიენტაციისა და სტრატეგიული მიმართულების შემუშავებაში.

ინგლისელი დამპყრობლები ჯერ კიდევ XVII საუკუნეში მოველინენ ინდოეთის სანაპიროებს. მაგრამ მათთან ერთად ინდოეთს „ესტუმრნენ“ ფრანგი კოლონიზატორებიც. ამ ორ სახელმწიფოს შორის ათეული წლების განმავლობაში წარმოებდა სასტიკი შუღლი და ბრძოლა უპირატესობისათვის ინდოეთში. XVIII საუკუნის მეორე ნახევრის დასაწყისისათვის შვიდწლიანი ომის შემდეგ ეს ბრძოლა ინგლისის სასარგებლოდ დამთავრდა. ეკონომიურად და პოლიტიკურად უფრო განვითარებულმა და მოწინავე ინგლისმა სძლია ფეოდალური ურთიერთობის მარწუხებში მოქცეულ საფრანგეთს, რომელიც გამოძევებულ იქნა ინდოსტანის სანაპიროებიდან (მან მხოლოდ ორიოდე ბაზა შეინარჩუნა ინდოსტანის სანაპიროზე). ამ დროიდან მოყოლებული ინდოეთის დაპყრობისა და ძარცვის მონოპოლიური უფლება ინგლისელთა ხელში გადავიდა¹.

საფრანგეთის მესვეურები არასოდეს არ შერიგებიან ინდოეთიდან გამოძევების ფაქტს და ხელი არ აუღლიათ ინდოეთში უკან დაბრუნებაზე, ამ ქვეყნიდან კონკურენტ სახელმწიფოს გამოძევე-

¹ ამის შესახებ იხ. Barchou de Penhoët, L'Inde sous la domination anglaise, Paris, 1844 tt. I—II; მისივე, Histoire de la conquête et de la fondation de l'Empire anglais dans l'Inde, Paris, 1840—1841, tt. I—IV; Mardes, Histoire de l'Inde ancienne et moderne, Paris, 1886.

ბის განზრახვაზე. ინდოეთიდან ინგლისელ კოლონიზატორთა გამოძევების სურვილი ამოქმედდებდა საფრანგეთის ყველა ხელისუფალს და მთავრობას XVIII საუკუნის მეორე ნახევარში. ბრძოლა ინდოეთისათვის წარმოადგენდა იმ სამკედრო-სასიცოცხლო ბრძოლის ნაწილს, ისიც მეტად მნიშვნელოვანს, რომელიც ინგლის-საფრანგეთს შორის მიმდინარეობდა სავაჭრო-კოლონიური და საზღვაო უპირატესობისათვის XVIII საუკუნის მეორე ნახევარში. სწორედ ისევე, როგორც ინდოეთის კოლონიური სამფლობელოების დაცვა-გაფართოება ინგლისის საგარეო პოლიტიკის ცენტრში იქნა დაყენებული, ასევე დაკარგული პოზიციების უკან დაბრუნება და ინდოეთზე საფრანგეთის კოლონიური ბატონობის დამყარება საფრანგეთის მმართველთა განსაკუთრებული „ზრუნვის“ საგნად იქცა. მრავალრიცხოვანი გეგმები, რომლებიც ამის თაობაზე შემუშავდა საფრანგეთის საგარეო საქმეთა სამინისტროში, ცხადად მეტყველებენ აღნიშნულ „ზრუნვასა“ და დაინტერესებაზე.

ფრანგები ცდილობდნენ ზიანი მიეყენებინათ თავიანთი ძლიერი მეტოქე ინგლისისათვის ზღვაზეც და ხმელეთზეც. ინდოეთში შექრისა და ამ ქვეყნიდან ინგლისელთა გამოძევების მრავალი გეგმიდან ნაწილი ითვალისწინებდა სათანადო ოპერაციის განხორციელებას ზღვით, ნაწილიც — ხმელეთის გზით. ლუი XVI-ის მეფობის დროს სერიოზულად იხილავდნენ ასეთ გეგმებს და მათი შესაძლო განხორციელების პერსპექტივებს. მაგრამ ასეთი გეგმების სისრულეში მოყვანის სერიოზულ ცდებს რევოლუციამდელ პერიოდში ადგილი არ ჰქონია. ძველი რეგიმის საფრანგეთის საგარეო პოლიტიკას ძირითადად ხომ დინასტიური მოსაზრებები და თავადაზნაურთა კლასობრივი ინტერესები წარმართავდა და არა ამომავალი ბურჟუაზიის სავაჭრო-სამრეწველო ეკონომიური ინტერესები. ამას უნდა დაემატოს ისიც, რომ მაშინდელი საფრანგეთი მოკლებული იყო ძლიერ სამხედრო-საზღვაო ფლოტს და სათანადო ფინანსურ სახსრებს, რის გამოც მას არ შეეძლო სისხლ-ხორცი შეესბა ასეთი გეგმებისათვის¹.

¹ აღნიშნული გეგმები სხვადასხვა დროს გამოაქვეყნეს ფრანგმა ავტორებმა ინდოეთისათვის ინგლის-საფრანგეთის ასწლიანი ბრძოლის მიმოხილვის დროს და სხვადასხვა განმარტება მისცეს მათ. ფრანგ ავტორებთან ერთად აღნიშნული გეგმების შესახებ თავიანთი აზრი გამოთქვეს რუსმა ავტორებმაც. ამათგან შეიძლება დავასაბულოთ: 1. Сб. „Царевичество 11 марта 1801 года“, СПб., 1907, гл. XXXIX; III. Баторекин И, Проект экспедиции в Индию, предло-

ინგლის-საფრანგეთის ბრძოლა საჯაქრო-კოლონიური უპირატესობისა და მსოფლიო პირველობისათვის, როგორც ზემოთ იყო აღნიშნული, თავისი განვითარების ახალ ფაზაში შევიდა საფრანგეთის 1789—1794 წლების დიდი ბურჟუაზიული რევოლუციის გამარჯვების შემდეგ. საფრანგეთის ბურჟუაზიამ, დაეუფლა რა სახელმწიფო ხელისუფლებას ამ რევოლუციის წყალობით, კონკრეტულად დღის წესრიგში დააყენა ინდოეთის საკითხი. სწორედ ამ დროიდან საფრანგეთის საგარეო საქმეთა სამინისტროს არქივიდან ამოქექეს ინდოეთში შექრის გეგმები, ზოგიერთი კორექტივი შეიტანეს მათში და განიზრახეს მათი სისრულეში მოყვანა.

საფრანგეთის ბურჟუაზიამ მხოლოდ 1798 წელს სცადა პრაქტიკული ნაბიჯები გადაედგა ამ მიმართულებით და მიზნად დაისახა ინდოეთში შექრის ერთ-ერთი გეგმის სისრულეში მოყვანა. მისი განხორციელება მან იტალიის კამპანიის დროს სახელმძღვანელო გენერალ ნაპოლეონ ბონაპარტს დააქისრა. საფრანგეთის 1798 წლის ლაშქრობა აღმოსავლეთისაკენ, კერძოდ ნაპოლეონის არმიის შექრა ეგვიპტეში, სხვა მნიშვნელოვან ამოცანებთან ერთად მიზნად ისახავდა საფრანგეთის ბურჟუაზიის ჩანაფიქრის რეალიზაციას ინდოეთის მიმართ¹. ეგვიპტეში ფეხის მოკიდებით ნაპოლეონ ბონაპარტს სურდა ექცია ეს ქვეყანა მძლავრ შუალედ პლაცდარმად ინდოეთში ლაშქრობის მოსაწყობად მომავალში. ეგვიპტეზე ლაშქრობის მომზადებისა და მისი განხორციელების პერიოდში ნაპოლეონს მიწერ-მოწერა ჰქონდა სამხრეთ-დასავლეთი ინდოეთის ძლიერ ფეოდალურ სამეფოს მაისურის სულთან ტიპუსთან, რომელიც ინგლისელთა დაუძინებელი მტერი იყო. ნაპოლეონი არწმუნებდა ტიპუს-სულთანს, რომ მალე, როგორც კი მკვიდრად მოიკიდებდა ფეხს ეგვიპტეში. გაუწვდიდა დახმარების ხელს ინგლისელთა წინააღმდეგ ბრძოლაში. რა თქმა უნდა ფრანგი გენერალი იმიტომ ასაღებდა თავს ტიპუს-სულთანის მეგობრად

женный Наполеоном Воюпарте импораторам Павлу и Александру I в 1800 и в 1807—1808 гг. об. „Сборник географических, топографических и статистических материалов по Азии“, вып. 23, СПб., 1886, гл. 7 და შემდეგი.

¹ ტუენილად როდი ავალებდა დირექტორია ეგვიპტის ექსპედიციის ხელმძღვანელ ნაპოლეონს (1798 წლის 12 აპრილის დადგენილებით): „გაეძევიბინა ინგლისელები აღმოსავლეთის ყველა სამფლობელოდან, სადაც იგი შესძლებდა შეღწევას, განსაკუთრებით კი გაენადგურებინა მათი საჯაქრო ფაქტორიები მეზობლის ზღვაზე. об. Napoleon I, Correspondance..., ტ. 4, № 2495, გვ. 52.

რომ სურდა იგი იარაღად გამოეყენებინა ინგლისელებთან ბრძოლაში¹.

თავის „მეგობრულ“ წერილში ტიპუ-სულთანისადმი ნაპოლეონ ბონაპარტი, აუწყებდა რა მას ეგვიპტეში ჩასვლას ურიცხვი და უძლეველი არმიით („avec une armée innombrable et invincible“), სთავაზობდა თავის მეგობრობას ინდოეთში ინგლისელთა უღლის დამხობის საქმეში².

ინგლისელები საკმაოდ შეშინებულნი იყვნენ ნაპოლეონის განზრახვის გამო. ამიტომ ინგლისელი ხელისუფალნი სათანადო ზომებს ლებულობენ ინდოეთში და აძლიერებენ მისი დაცვის ღონისძიებებს. „ნაპოლეონი ინტრიგებს ეწეოდა აღმოსავლეთში, — წერდა მარქსი ამასთან დაკავშირებით თავის „ქრონოლოგიურ ამონაწერებში ინდოეთის ისტორიის შესახებ“, — კალკუტელი „ვაქრუჟანები“ ცახცახებდნენ ასეთი კომბინაციის წინაშე: საფრანგეთი, სპარსეთი, ავღანისტანი“³.

ეგვიპტის გზით ინდოეთში ლაშქრობის განზრახვა მაშინ განუხორციელებელი დარჩა. ეგვიპტის ექსპედიციამ, როგორც ცნობილია, მარცხი განიცადა. ინგლისმა მოახერხა საფრანგეთის წინააღმდეგ აემხედრებინა როგორც თურქეთი, ისე რუსეთი. ამგვარად. ინგლისმა მაშინ აქტიური როლი შეასრულა საფრანგეთის „წამოწყების ჩაშლაში“. მაგრამ ამ მარცხმა ხელი ვერ ააღებინა საფრანგეთის ბურჟუაზიას ასეთ განზრახვაზე მომავალში. ლაშქრობის ერთი ვარიანტის ჩაშლის შემდეგ მან ხელი მიჰყო მეორე ვარიანტის შემუშავებას და მისი განხორციელება დღის წესრიგში დააყენა.

1800—1801 წლების მიჯნაზე. როდესაც მეორე ანტიფრანგული კოალიცია დაიშალა და ინგლის-საფრანგეთის ბრძოლა ახალ ფაზაში შევიდა, ინდოეთიდან ინგლისის გაძევების ჩანაფიქრი საფრანგეთმა ისევ კონკრეტულ გეგმაში გამოსახა და ერთხელ კიდევ სცადა მისი სისრულეში მოყვანა. ამჯერად საფრანგეთმა გადაწყვიტა ინდოეთისაგან ლაშქრობა მოეწყო ხმელეთის

¹ ნაპოლეონისა და ტიპუ-სულთანის მიწერ-მოწერისა და ნაპოლეონის გეგმების შესახებ ინდოეთის მიმართ ეგვიპტეზე ლაშქრობის პერიოდში იხ. Barchou de Penhoën, *L'Inde sous la domination anglaise...* ტ. 2, გვ. 326—329.

² იხ. ნაპოლეონის 1799 წლის 25 იანვრის წერილი ტიპუ-სულთანისადმი, *Napoléon I., Correspondance...* ტ. 4, გვ. 278.

³ К. Маркс. Хронологические выписки по истории Индии, М., 1947, გვ. 105.

გზით, ირანსა და ავღანისტანზე გავლით, რუსეთთან კავშირში, მის ტერიტორიის და სამხედრო ძალის გამოყენებით. ამის შესაბამისად, რაკი რუსეთიც დაინტერესებული იყო ზიანი მიეყენებინა ინგლისისათვის და განეხორციელებინა დივერსია მის წინააღმდეგ, 1800 წლის დასასრულისათვის შემუშავებულ იქნა ინდოეთში საფრანგეთ-რუსეთის ერთობლივი ლაშქრობის გეგმა.

ისტორიულ ლიტერატურაში ცნობილია ინდოეთში რუსეთ-საფრანგეთის ერთობლივი ლაშქრობის მოწყობის პროექტი სახელწოდებით: „ინდოეთში რუსეთ-საფრანგეთის ექსპედიციის 1800 წლის პროექტი“, მაგრამ საკითხი აღნიშნული გეგმის ხასიათის, მისი შემუშავების ადგილის, დროის, შემდგენელთა ვინაობისა და მისი რეალიზაციის შესახებ სერიოზული აზრთა სხვადასხვაობის საგნად ვახდა საისტორიო ლიტერატურაში.

ისტორიკოსთა ერთი ნაწილის შეხედულებით, ეს გეგმა შემუშავებული იქნა პარიზში, პირადად ნაპოლეონ ბონაპარტის მიერ, რომელმაც იგი შემდეგში პეტერბურგში გადაუგზავნა პავლეს გასაცნობად. მათივე აზრით, რუსეთის იმპერატორმა პარიზიდან გაგზავნილ გეგმაში შეიტანა ზოგიერთი ცვლილება და მისცა მას ის სახე, რომლითაც იგი ცნობილია დღემდე. ისტორიკოსთა მეორე ნაწილის აზრით კი ამ გეგმის დეტალები შემუშავდა პეტერბურგის სამეფო კარზე, მაგრამ მის შედგენას საფუძვლად დაედო ძველი ფრანგული გეგმები. ამავე დროს აღნიშნული ავტორები არაფერს ამბობენ იმის შესახებ, თუ კონკრეტულად რომელი გეგმა დაედო მას საფუძვლად, ან როგორ აღმოჩნდა ეს გეგმა რუსეთის მთავრობის ხელში.

აღნიშნული გეგმა პირველად მიკვლევულ იქნა გრაფ სტედინგის ქალაქებში. იგი გამოქვეყნებულ იქნა მისი მემუარების მეორე ტომში 1845 წელს¹.

¹ Mémoires posthumes du feldmaréchal comte de Stedingk, t. 2, Paris, 1845, გვ. 6—8. ამ მემუარებში ეს გეგმა ძალზე მუქი საღებავებით არის შეფასებული, იგი წოდებულია ხერაღე. მოუმიწიფებელ გეგმად, რომელშიაც გათვალისწინებული არ არის ის სიძნელებები, რომლებთანაც დაკავშირებულია ინდოეთზე ლაშქრობა (გვ. 8). მილაუტინის ცნობით კი ეს გეგმა პირველად გამოქვეყნებულია 1840 წელს ერთ ბროშურაში სათაურით: „Mémoire de Leibnitz à Louis XIV sur la conquête de l'Égypte publié avec une préface et des notes, par M. de Hoffmanns, suivi d'un projet d'expédition dans l'Inde par terre, concertée entre le Premier Consul et l'Empereur Paul I en 1800. აქედან ეს გეგმა თარგმნილა რუსულად და გამოცემულა ცალკე ბროშურად გოლუბკოვის მიერ სახელწოდებით: „Проект сухопутной экспедиции

რუსულ ენაზე ეს გეგმა რამოდენიმეჯერ იყო თარგმნილი და დაბეჭდილი სხვადასხვა პირების მიერ. 1873 წელს იგი დაიბეჭდა ჟურნალ „Русская старина“-ს მე-8 ტომში, პაველ I-ის მიწერ-მოწერის დამატებით¹: 1880 წელს კი სობოლევმა იგი გამოსცა ცალკე ბროშურის სახით.

მოცემული პროექტის შესავალ ნაწილში მოხაზულია ინდოეთზე გათვალისწინებული ექსპედიციის მიზანი: 1) ინგლისელთა საბოლოო განდევნა ინდოეთიდან და ამ ქვეყნის განთავისუფლება ბრიტანელთა უღლისაგან; 2) ევროპის განათლებული სახელმწიფოების, კერძოდ საფრანგეთის მრეწველობისა და ვაჭრობისათვის ახალი გზების გახსნა.

პროექტში დასახელებულია ის სახელმწიფოები, რომლებსაც მონაწილეობა უნდა მიეღოთ ამ ექსპედიციაში. ეს სახელმწიფოებია: საფრანგეთი, რუსეთი და ავსტრია. საფრანგეთის რესპუბლიკას და რუსეთს შეერთებული ლაშქარი უნდა გაეგზავნათ ინდის ნაპირებისაკენ, ხოლო გერმანიის იმპერიას (ავსტრიას) გზა უნდა მიეცა საფრანგეთის არმიისათვის და გეაღვილებინა მისთვის დუნაით შავი ზღვისაკენ ლაშქრობა. პროექტით გათვალისწინებულ ექსპედიციაში მონაწილეობა უნდა მიეღო სულ 70 ათას კაცს. აქედან 35 ათასი ჯარისკაცი უნდა გამოეყო რუსეთს (10 ათასი კაზაკის ჩათვლით) და 35 ათასი — საფრანგეთის რესპუბლიკას. საფრანგეთის არმია ავსტრიის ტერიტორიაზე გავლით, დუნაით და შავი ზღვით უნდა ყოფილიყო გადასროლილი რუსეთში, ასტრახანში. პროექტში ამ არმიის ლაშქრობის კონკრეტული მარშრუტიც იყო დასახელებული. რუსეთის არმიის შესაკრებ პუნქტად და ლაშქრობის თავდაპირველ ბაზად, პროექტის მიხედვით, გათვალისწინებული იყო ქალაქი ასტრახანი. მოკავშირეთა გაერთიანებული არმიის მთავარ საოპერაციო ბაზად და მთავარი ბანაკის ცენტრად კი მიჩნეული იყო ასტრახადი (კასპიის ზღვის სანაპიროზე ირანში). ამ ბაზანდე მოკავშირეთა ჯარი კასპიის ზღვით უნდა ყოფილიყო გადაყვანილი. აქ უნდა მომხდარიყო რუსეთის და საფრანგეთის არმიების შესვედრა და გაერთიანება.

ასტრახადიდან, სათანადო მზადების დასრულების შემდეგ, მოკავშირეთა არმია უნდა დაძრულიყო ინდოეთისაკენ ირანისა და

в Иудию, предложенный Императору Павлу Петровичу Первым консулом Наполеоном Бонапарте“. Москва, 1847. иб. Д. Милютин, დასაბ. ნაშრ., ტ. 3, გვ. 667.

¹ „Русская старина“, 1873, ტ. 8, გვ. 401—410.

ავღანეთის გზით გერატზე, ფარახზე და ყანდაგარზე გავლით. საფრანგეთის არმიას მთელი მანძილი საფრანგეთიდან ლაშქრობის საბოლოო პუნქტამდე — ინდის ნაპირებამდე. პროექტის თანახმად, 120, დღის განმავლობაში უნდა გაევიდნენ. რაკი ნავარაუდები იყო, რომ მოკავშირეთა არმიას მანძილი ასტრახანიდან ინდის ნაპირებამდე 55 დღის განმავლობაში უნდა გაევიდნენ, ცხადია, რომ რუსეთის არმიას დაახლოვებით ნახევარი დრო უნდა დაეხარჯა გზაში, ვიდრე საფრანგეთის არმიას. პროექტში მითითებული იყო იმ საშუალებებზე, რომელთა მეშვეობითაც უნდა განხორციელებულიყო საფრანგეთის არმიის ლაშქრობა საფრანგეთიდან შავ ზღვამდე, აქედან ტაგანროგამდე, ტაგანროგიდან ასტრახანამდე და ასტრახანიდან ასტრახადამდე. ამასთან ერთად ნავარაუდები იყო, რომ აღნიშნულ საშუალებათა მიწოდების საქმეში რუსეთის ტერიტორიაზე აქტიურ მონაწილეობას წილებდნენ რუსეთის ხელისუფლების წარმომადგენლები. პროექტის თანახმად იარაღ-მოწყობილობა, სურსათ-სანოვაგე, საზიდარი საშუალებები, ცუენოსანი ჯარის მოკაზმულობა და ირანსა და ავღანეთის ტერიტორიაზე ლაშქრობის დროს საფრანგეთის მოლაშქრე არმიისათვის ყველა საჭირო მოწყობილობა რუსეთში უნდა ყოფილიყო შექმნილი, ზოგი სახელმწიფო არსენალებიდან და საწყობებიდან, ზოგიც მოსახლეობაში შესყიდვის გზით. კერძოდ, ნავარაუდები იყო საჭირო მოწყობილობის, სურსათის და მედიკამენტების დიდი ნაწილის შექმნა გერმანელთა კოლონიაში ასტრახანთან ახლო — სარეპტაში. ლაშქრობისათვის საჭირო მოწყობილობის, ფურაგის და სურსათის ნაწილი, პროექტის მიხედვით, სპარსეთის ტერიტორიაზე უნდა ყოფილიყო შექმნილი.

ლაშქრობის მარშრუტის ზონაში — ირანსა და ავღანისტანის ტერიტორიებზე — განლაგებული ფეოდალური სამთავროების მფლობელთა (ხანების, ემირების, შეიხების) შესაძლებელი მტრული გამოსვლების თავიდან ასაცილებლად და მათი მხარდაჭერის უზრუნველსაყოფად, პროექტი ითვალისწინებდა სათანადო ზემოქმედების ღონისძიებებს. კერძოდ, ნავარაუდები იყო ასტრახადიდან ლა-

1 საფრანგეთიდან შავ ზღვამდე	—20 დღეში
დუნაის შესართავიდან ტაგანროგამდე	—16 "
ტაგანროგიდან ასტრახანამდე	—29 "
ასტრახანიდან ასტრახადამდე	—10 "
ასტრახადიდან ინდის ნაპირებამდე	—45 "

შქრობის დაწყებამდე ამ ფეოდალურ მფლობელებთან მოკავშირეთა მთავრობების კომისრების გაგზავნა. მათ უნდა გადაეცათ ამ ფეოდალურ მთავართათვის მოკავშირეთა მოწოდება. მოწოდებაში კი ხაზგასმული იყო ექსპედიციის კეთილშობილური მიზანი—ინგლისელთა განდევნა ინდოეთიდან და ამ ქვეყნის განთავისუფლება; მოკავშირეთა სიძლიერე და ხანებისადმი მათი კეთილგანწყობილება. ამ მოწოდებით მოკავშირეები იმ მთავრებს და ხალხებს, რომელთა ტერიტორიაზეც უნდა გაეწოდებოდა მოკავშირეთა არმიას, წინადადებას აძლევდნენ მათ ყველა საშუალებით ხელი შეეწყობოთ ამ სასარგებლო და ღირსეული წამოწყების წარმატებისათვის. ეს ლაშქრობაო, აღნიშნული იყო ამ მოწოდებაში, იმდენად სამართლიანია, რამდენადაც უსამართლო იყო ალექსანდრე მაკედონელის ლაშქრობა, რომელიც მსოფლიოს დაპყრობას ისახავდა მიზნად. დასასრულს, მოკავშირეები თავიანთი მოწოდებით მთავრებსა და ხალხებს პირობას აძლევდნენ, რომ ადგილი არ ექნებოდა კონტრიბუციის გაწერას, რომ მოკავშირეთა არმია ნალდ ფულზე შეისყიდდა ყველა საჭირო პროვიანტს, სასტიკად იქნებოდა დაცული დისციპლინა, პატივისცემით მოეპყრობოდნენ მათ რელიგიას, ადათ-ჩვეულებებს, ქალებს, საკუთრებას და სხვ. პროექტში აღნიშნული იყო, რომ ასეთი პროკლამაცია და მოკავშირეთა აშქარა, გულისა მოქმედება კეთილსასურველ გავლენას მოახდენდა ხანებსა და სხვა წყრილ მთავრებზე, რომლებიც დაუბრკოლებლივ გაატარებდნენ მოკავშირეთა არმიას თავიანთ ტერიტორიაზე. პროექტი არ გამორიცხავდა მათი მხრით წინააღმდეგობის გაწვევის შესაძლებლობასაც, მაგრამ ვარაუდობდა, რომ ეს წინააღმდეგობა არ იქნებოდა სერიოზული (ფეოდალური ურთიერთგათიშულობის გამო).

საფრანგეთის და რუსეთის კომისრებს თან უნდა ხლებოდნენ ინჟინრები, რომელთაც მარშრუტის ზონის ტოპოგრაფირება და ლაშქრობის რუკის ადგილზე დაზუსტება უნდა მოეხდინათ. მათვე ევალებოდათ არმიისათვის შუალედი ბაზებისა და დასასვენებელი ადგილების შერჩევა. კომისრებს ზემოაღნიშნულ დავალებასთან ერთად უნდა ეზრუნათ ბაზებისა და, კერძო მფლობელთა მეშვეობით, სურსათ-სანოვაგის, სასმელი წყლის, საზიდრების შეძენაზე.

მოკავშირეთა არმიები ეშელონებოდ უნდა დაძრულიყვნენ ასტრახადიდან. დისტანცია ეშელონსა და ეშელონს შორის უნდა ყოფილიყო 5—6 ლიე (16—20 ვერსი). ამ არმიების ავანგარდში უნდა ყოფილიყო კაზაკების კორპუსი 4—5 ათასი კაცის რაოდენ-

ნობით. შერეული მსუბუქ რეგულარულ ცხენოსან ნაწილებთან. ავანგარდს ევალეობდა ხილების გაკეთება, გზის გაუმჯობესება და მოლაშქრე არმიის დაცვა ყოველგვარი მოულოდნელობისაგან.

საფრანგეთის არმიას თან უნდა წაეღო პარიზიდან და ვერსალიდან ძვირფასი იარაღი (მახვილები, დამბაჩები, კარაბინები) ფაიფურის ვაზები, საათები, სარკეები, მაუდი, ოქრო-ვერცხლის ნაკეთობა, გობელენის ნახები და საფრანგეთის ფუფუნების მანუფაქტურების სხვა ნაწარმი. ამ ნაწარმთა ნაწილი საჩუქრის სახით უნდა დაერიგებინათ ხანებისათვის ირანსა და ავღანეთში და თვით ინდოელი მთავრებისათვის, რათა მათი გული მოეგოთ. აღნიშნულ ნაკეთობებს ამ ქვეყნის ხალხებში მაღალი წარმოდგენა უნდა შეექმნა საფრანგეთზე, მის მრეწველობაზე და სიმდიდრეზე. მოწვეალში კი ამ საგნებს ინდოეთთან საფრანგეთის ვაჭრობაში მნიშვნელოვანი ადგილი უნდა დაეჭირათ.

პროექტის თანახმად, მოკავშირეთა არმიას ინდოეთისაკენ ლაშქრობის დროს თან უნდა ხლებოდნენ: მეცნიერები, მხატვრები, აერონავტები და პიროტექნიკოსები (ფეიერვერკების მომწყობები).

დასასრულს, პროექტში აღნიშნული იყო, რომ თუ ყველა ზემომოხსენებული სისრულეში იქნებოდა მოყვანილი და სარდლები გამოიჩინდნენ სათანადო საზრიანობას, მამაცობას და გულმოდგინეობას ექვი არ შეიძლებოდა შეტანილიყო გათვალისწინებული წამოწყების წარმატებაში.

ლაშქრობის პროექტს თანდართული აქვს რამოდენიმე შენიშვნა, რომელთაც პირველ კონსულ ბონაპარტს მიაწერენ, ხოლო ამ შენიშვნებზე განმარტება-პასუხების ავტორად პავლე I-ს მიიჩნევენ. შენიშვნები ეხება საფრანგეთის არმიის მდინარე ღუნაით გადაყვანას, სულთნის მიერ მისთვის გზის მიცემის შესაძლებლობას, შავ ზღვაზე ინგლისის ფლოტის საფრანგეთის არმიისათვის თავდასხმის მოსალოდნელობას და ასტრახადიდან ინდოეთამდე მოკავშირეთა არმიის წინაშე წამოჭრილი სიძნელეების საკითხებს. პასუხებში გაბათილებული იყო აღძრული ეჭვები და გამოთქმული იყო რწმენა, რომ ლაშქრობის პროცესში მოკავშირეთა წინაშე წამოჭრილი ყველა დაბრკოლება დაძლეული იქნებოდა. დასასრულს, პასუხებში ხაზგასმულია ირანისა და ავღანეთის გზით ინდოეთში შეჭრის სრული რეალობა და განხორციელების შესაძლებლობა, რის დასამტკიცებლადაც მოტანილია სათანადო ისტორიული მა-

გალითები ნადირ-შაჰის (თამაზ-ყული-ხანი) ლაშქრობებიდან ინდოეთისაკენ¹.

ინდოეთზე რუსეთ-საფრანგეთის ერთობლივი ლაშქრობის 1800 წლის პროექტის საკითხთან დაკავშირებულია იმ ლაშქრობის საკითხი, რომლის მოწყობა განიზრახა პავლე 1801 წლის დასაწყისში.

1801 წლის დასაწყისში, როდესაც ინგლისსა და რუსეთს შორის ომის რეალური საფრთხე შეიქმნა, რუსეთის იმპერატორმა პავლე I-მა, ინგლისის წინააღმდეგ გადადგმულ სხვა ნაბიჯებთან ერთად, განიზრახა სამხედრო დივერსიის განხორციელება მის წინააღმდეგ. მან შეამზადა ლაშქრობა ინდოეთში შესაქრელად და ამ ქვეყნიდან ინგლისელთა განსადევნად. ლაშქრობა უნდა განხორციელებულიყო ხელეთის გზით ორენბურგზე, იმიერკასპიისა და შუა აზიის ტერიტორიაზე—ხივასა და ბუხარაზე—გავლით, კაზაკთა ცხენოსანი არმიის ძალებით კავალერიის გენერალ ორლოვ I-ის სარდლობით.

აღნიშნული ლაშქრობის მზადებისა და ხასიათის შესახებ ნათელ წარმოდგენას გვაძლევს პავლე I-ის ის ბრძანებულებები (სულ ხუთი), რომლებიც გაუგზავნა მან დონის კაზაკთა ატამანს, ხსენებულ გენერალ ორლოვ I-ს 1801 წლის იანვარ-თებერვალში².

პირველი ბრძანებულებით პავლე I აუწყებდა გენერალ ორლოვს თავის გადაწყვეტილებას: მახვილი ჩაეცა ინგლისისათვის იქ სადაც იგი ნაკლებად მოელოდა ამას—ინდოეთში და ამ მიზნით მოეწყო სათანადო ლაშქრობა. ამასთან დაკავშირებით იგი ავალებდა დონის კაზაკთა ატამანს ფეხზე დაეყენებინა დონის კაზაკობა, აღეკურვა ისინი და დაეძრა ორენბურგზე გავლით ხივა-ბუხარის გზით ინდოეთისკენ, თანდართული რუკის მარშრუტის შესაბამისად. ამ ბრძანებულებით რუსეთის იმპერატორი დონის კაზაკებს ექსპედიციის საფასურად ჰპირდებოდა ჯილდოს ინდოეთის სიმდიდრეების სახით. მეორე ბრძანებულებით პავლე I ერთხელ კიდევ მოა-

¹ „Русская старина“, 1873, ტ. 8, გვ. 401—410.

² პირველი და მეორე ბრძანებულება დათარიღებულია 1801 წლის 12 იანვრით, მესამე—13 იანვრით, მეოთხე—7 თებერვლით, მესხეთე—21 თებერვლით. ეს ბრძანებულებები რამოუნენიმეჯერ არის გამოქვეყნებული სხვადასხვა ჟურნალებში. ამ ბრძანებულებათა ასლები დაცულია სახელმწიფო სამხედრო-ისტორიულ არქივში. იხ. ЦГВИА, ф. ВУА, д. 323, лл. 1—5. დანართის სახით ეს დოკუმენტები გამოქვეყნებულია ინდოეთზე ლაშქრობის პროექტთან ჟურნალ „Русская старина“-ს დასახელებულ ნომერში, გვ. 409—410.

გონებდა ლაშქრობის სარდალს: ინდოეთში შეკრის 'შემდეგ თქვენ ამოცანაა ბოლო მოუღოთ და მოსპოთ ინგლისელთა ვაჭრობა ამ ქვეყანაში, გაათავისუფლოთ მათგან დამონებული მკვიდრი მოსახლეობა და ინდოეთის მიწა-წყალი რუსეთის სამფლობელოდ აქციოთო. დანარჩენი ბრძანებულებები ეხება მარშრუტის დაბატებით შესწავლა-დაზუსტების საკიროებას, ინდოეთის მკვიდრი მოსახლეობისა და ხივა-ბუხრის ტერიტორიების მოსახლეობისადმი მეგობრული დამოკიდებულების დაცვის საკიროებას და სხვ. ორი უკანასკნელი ბრძანებულება იმ პერიოდს ეკუთვნის, როცა ლაშქრობისათვის საკირო წინასწარი სამზადისი უკვე დამთავრებული იყო და ორლოვის კაზაკთა არმიას გეზი ჰქონდა აღებული ორენბურგის მიმართულებით¹.

გენერალმა ორლოვმა ენერგიულად მოჰქიდა ხელი დავალებული ლაშქრობის ორგანიზაციის საქმეს. მან თავის ხელქვეითებს დაუგზავნა განკარგულებები კაზაკთა რაზმების შედგენის, ცხენების, საზიდრების, სურსათ-სანოვავისა და ტანისამოსის შეგროვების შესახებ. ამავე დროს მან კავშირი დაამყარა ყალმუხებთან, ლაშქრობაში მათი მონაწილეობის თაობაზე. ლაშქრობის მომზადებისათვის საკირო ფულადი სახსრების, იარაღის, ტანისამოსის და რუკების მისაღებად გენერალმა ორლოვმა ურთიერთობა დაამყარა სამხედრო კოლეგიის ვიცე-პრეზიდენტ გენერალ ლამბასთან, სარატოვის გუბერნატორ ლანსკისთან, ორენბურგის გუბერნატორ ბახმეტიევთან, ხარკოვის სამხედრო ოლქის ინსპექტორ თავად გორჩაკოვთან, გენერალ-ადიუტანტ ლივენთან და პროვიანტის დეპარტამენტის უფროს გენერალ-ადიუტანტ ობოლიანინოვთან. სახელმწიფო ხაზინიდან (დერეჟინისაგან) ორლოვმა მიიღო 1.670.285 მანეთი და 1/4 კაპიკი².

გენერალმა ორლოვმა მოკლე დროში შესძლო საკირო წინასწარი მზადების ჩატარება და დონის კაზაკთა მომზადება ინდოეთზე ლაშქრობისათვის. მთელი ლაშქარი (22.507 კაცი თავისი არტილერიით)³ მან გაჰყო 4 რაზმად; აქედან მოწინავე რაზმს გენ.-მაიორი პლატოვი მეთაურობდა⁴.

¹ „Русская старина“, 1873, ტ. 8, გვ. 409—410.

² Ш. Баторский. დასახ. წერილი, „Сборник геогр топогр. и статист. материалов по Азии“, вып. 23, СПб., 1886, გვ. 55—61.

³ ზოგიერთთა ცნობით 40 ცხენოსანი პოლკი, ორი ცხენოსანი არტილერია, სულ 21.651 კაცი და 44.550 ცხენი. С. Окунов, დასახ. ნაშრ., გვ. 88.

⁴ ა. მ. ტურგენევი თავის ავტობიოგრაფიულ ჩანაწერებში იძლევა ზოგიერთ ცნობას ამ ლაშქრობისათვის მზადების შესახებ. მაგალითად, მას მოტა-

გზების შესარჩევად და საპირო დაზვერვის მოსაწყობად სათანადო რაზმის გაგზავნის შემდეგ, დონის კაზაკთა რაზმებმა 1801 წლის 27—28 თებერვალს უკვე დასტოვეს შეკრების პუნქტები და დაიწყეს ლაშქრობა დასახული მიმართულებით. ლაშქრობის თავდაპირველი მიმართულება იყო ყალმუხთა ველებიდან ვოლგისაკენ, რათა ვოლგაზე გადასვლის შემდეგ გეზი აეღოთ ორენბურგისაკენ.

მარტის შუა რიცხვებში ორლოვის სარდლობაში მყოფი არმია მიუახლოვდა მდინარე ვოლგას. საგრძნობი ზარალის ფასად ლაშქარმა მოახერხა მდინარეზე გადასვლა, რის შემდეგ მან გეზი ორენბურგისაკენ აიღო.

პავლე I-ის მკვლელობამ და ალექსანდრე I-ის გამეფებამ შეაჩერა ამ ლაშქრის შემდგომი წინსვლა. ამგვარად, ლაშქრობა დაწყებისთანავე შეწყდა.

რუსეთ-საფრანგეთის ინდოეთზე ლაშქრობის აღნიშნული გეგმისა და მისი რეალიზაციის შესაძლებლობის შესახებ საკმაოდ ვრცელი ლიტერატურა არსებობს. მის შესახებ წერდნენ რუსი ისტორიკოსები, ფრანგები, ინგლისელები და სხვები. ავტორთა უმრავლესობა, რომლებიც აშუქებენ პავლე I-ის მეფობას და რუსეთის საგარეო პოლიტიკის საკითხებს XVIII—XIX საუკუნეების მიჯნაზე, მეტ-ნაკლებად ეხებიან აღნიშნული ექსპედიციის პროექტს და თავიანთ მოსაზრებებს გამოთქვამენ პავლე I-ის ლაშქრობის შესახებაც.

შეხედულებები, რომლებიც ამ პროექტის შესახებ გამოითქვა ისტორიულ ლიტერატურაში ურთიერთსაწინააღმდეგო ხასიათისაა. თვით საბჭოთა ისტორიოგრაფიანაც კი არ არის შემუშავებული ერთიანი აზრი მის შესახებ.

ისტორიკოსთა ერთი ჯგუფის შეხედულებით მოცემული პროექტი არ არის შემუშავებული რუსეთ-საფრანგეთის თანამშრომლობის შედეგად და იგი არც სერიოზული მნიშვნელობის დოკუმენტს წარმოადგენს. თუმცა ისინი არ გამორიცხავენ ნაპოლეონ ბონაპარტის როლს ამ პროექტის შემუშავებაში, მაგრამ მის უშუ-

ნილი აქვს ცნობა პავლე I-ის მიერ პეტრე-პავლეს ციხიდან გენერალ პლატოვის სახელდახელოდ განთავისუფლების შესახებ, რომელსაც, თითქოს, მან დაავალა დონზე გამგზავრება, ლაშქრობის ორგანიზაცია და მისი სარდლობა. იხ. Записки Александра Михайловича Тургенева. „Русская старина“, 1886, январь, стр. 46—51. ტურგენევის ეს ცნობა მტდარია. გენერალი პლატოვი პავლეს მიერ, მართლაც, იქნა განთავისუფლებული ციხიდან, მაგრამ მას არ დავალდებია მთელი ლაშქრის სარდლობა, არამედ ამ ლაშქრის ავანგარდის უფროსობა დაეკისრა.

ალო ავტორობას მეორეხარისხოვან პირებს მიაწერენ. სამხედრო-ტაქტიკური თვალსაზრისით ინდოეთზე რუსეთ-საფრანგეთის ერთობლივი ექსპედიციის პროექტი ამ ისტორიკოსებს ზერელედ და ნაჩქარევად შედგენილად მიაჩნიათ. ამ პროექტში, მათი აზრით, გათვალისწინებული არ არის ლაშქრობასთან დაკავშირებული ბევრი სიძნელე. დასასრულ, ისტორიკოსთა ეს ჯგუფი უარპყოფს არა მარტო რუსეთის მონაწილეობას ამ პროექტის შემუშავებაში, არამედ ნაპოლეონ ბონაპარტის და პავლე I-ის რაიმე მოლაპარაკებასაც კი ინდოეთზე ლაშქრობის თაობაზე.

ამ შეხედულებას იზიარებს რევოლუციამდელ რუს ისტორიკოსთა ნაწილი და ზოგიერთი ფრანგი და ინგლისელი ბურჟუაზიული ისტორიკოსი.

ისტორიკოსთა მეორე ჯგუფი ინდოეთზე ერთობლივი ლაშქრობის ხსენებული პროექტის ავტორად უშუალოდ ნაპოლეონ ბონაპარტს მიიჩნევს. მათი შეხედულებით აღნიშნული პროექტი სამხედრო-სტრატეგიული თვალსაზრისით მეტად საფუძვლიანად, სრულყოფილად, გენიალურად იყო შემუშავებული. მასში ზუსტად იყო გათვალისწინებული ლაშქრობის ყველა დეტალი, სწორედ აქედან ასკვნიან ისინი ამ პროექტის ნაპოლეონისეულ ავტორობას. ამ ჯგუფის ისტორიკოსებს სჯერათ, რომ თუ ეს პროექტი მოქმედებაში შევიდოდა და ინდოეთზე გათვალისწინებული ლაშქრობა მოეწყობოდა, იგი წარმატებით დასრულდებოდა, რუსები და ფრანგები მიაღწევდნენ მდინარე ინდის ნაპირებს და განდევნიდნენ ინგლისელებს ინდოეთიდან. ამ ისტორიკოსებს სადაოდ არ მიაჩნიათ პავლე I-ის მონაწილეობა მოცემული პროექტის შემუშავებაში. ისინი დიუროკს მიაწერენ გეგმის თავდაპირველი პროექტის პარიზიდან პეტერბურგში ჩატანას. ამ შეხედულებას მხარს უჭერენ, ზოგიერთი არსებითი კორექტივით, საბჭოთა ისტორიკოსები და რევოლუციამდელ რუს ისტორიკოსთა ნაწილი.

ზემომოტანილ პირველ შეხედულებას მოცემული გეგმის შესახებ ყველაზე მკაფიოდ ავითარებენ რუსი ისტორიკოსები დ. მილიუტინი, კ. ვალიშევსკი და ა. კორნილოვი; ფრანგ ისტორიკოსთაგან ე. დრიო, ა. სორელი და „Mémoires“-ის გამომცემლები; მეორე შეხედულებას — ნ. ფირსოვი, შ. ბატორსკი, ე. ბურჟალოვი, ს. ოკუნი და ვ. ანტიუხინა. ერთგვარად შუალედ პოზიციაზე დგანან რუსი ისტორიკოსი ნ. შილდერი, ინგლისელი ისტორიკოსი ჯ. როუზი, ამერიკელი ავტორი ა. მეხენი და სხვები.

ვალიშევსკი ირონიული ტონით წერს: შედგენილ იქნა ინდოეთზე ლაშქრობის გეგმა, რომელიც პეტერბურგიდან გადაიგზავნა პარიზში, მაგრამ იგი, თითქოს. უკან იქნა დაბრუნებული პირველი კონსულის შენიშვნებით და დამატებითი განმარტებების მოთხოვნით, რაზედაც პავლეშ, როგორც ამბობენ, პასუხი გასცა. ვალიშევსკი, მართალია, აღნიშნავს, რომ ეს დოკუმენტი და სათანადო მიწერ-მოწერა შეიძლება უცნობი იყო სპრენგტ-პორტენისა და კოლიჩევისათვის და ამის გამო მას კვალი არ დაუტოვებია ოფიციალურ არქივ-საცავებში, მაგრამ, მიუხედავად ამისა, მას ისტორიულად ძნელად დასამტკიცებლად მიაჩნია ასეთი დოკუმენტისა და სათანადო შეთანხმების არსებობა. ასევე ბუნდოვნად მიაჩნია მას საკითხი იმის შესახებ, თუ როგორ აღმოჩნდა ეს პროექტი პეტერბურგში, ვინ ჩაიტანა იქ იგი ანდრა ლროს?

ვალიშევსკი არ უარყოფს ნაპოლეონის დაინტერესებას „ინდოეთის საკითხით“. ბონაპარტი, — წერს იგი, — უეჭველად ფიქრობდა ინდოეთში ექსპედიციის მოწყობაზე და არ საჭიროებდა ასეთი აზრის ჩაგონებას პავლე I-ის მიერ, მით უფრო, რომ სათანადო პროექტები წინადაც არსებობდა საფრანგეთში. ვალიშევსკის აზრით, ბონაპარტს სურდა ესარგებლა რუსეთ-საფრანგეთის დაახლოების პერსპექტივით, რათა სისრულეში მოეყვანა ინდოეთზე განზრახული ლაშქრობა. მაგრამ ამისათვის საჭირო იყო, რომ ეს დაახლოება სინამდვილედ ქცეულიყო. მართალია, ვალიშევსკის მოტანილი აქვს ნაპოლეონის მიერ წმ. ელენეს კუნძულზე ო. მეარას მისამართით ნათქვამი სიტყვები: „პავლე I რომ ცოცხალი ყოფილიყო, თქვენ უკვე დაკარგული გექნებოდით ინდოეთი. ჩვენ ორთავემ ერთად შევადგინეთ მისი დაუფლების პროექტი“¹, მაგრამ, მიუხედავად ამისა იგი უარყოფს აღნიშნული წამოწყების სერიოზულობას. მისი აზრით, 1801 წლის დასაწყისისათვის ნაპოლეონ ბონაპარტი მხოლოდ სწავლობდა ინდოეთში ლაშქრობის მოწყობის საკითხს და რაიმე პრაქტიკული ნაბიჯი ამ მიმართულებით არ გადაუდგამს. ამიტომ იყო, რომ ინგლისში არავითარ შემთხვევაშიც არ გრძნობდნენ ამასთან დაკავშირებით.

პავლე I-ის მიერ 1801 წლის თებერვალში წამოწყებულ ლაშქრობას ინდოეთისაკენ. ვალიშევსკი უწოდებს სრულიად მოუმზად-

¹ Lo mémorial de Sainte-Hélène par le comte de Las Casas suivi de Napoléon dans l'exil par O. Meara, t. I, Paris, 1842. გვ. 384.

დებელ. ზერელე, სულელურ წამოწყებას. ამ წამოწყების ასეთი ზერელე ხასიათი, მისი აზრით, გამორიცხავდა ბონაპარტის მონაწილეობას მასში. ეს ლაშქრობა მას მიაჩნია რუსეთის იმპერატორის სეპარატულ ნაბიჯად, რომლის შესახებაც ნაპოლეონ ბონაპარტმა არაფერი არ იცოდა¹.

მილიუტინი თავისი შრომის მეორე ტომის ბოლოს, აღნიშნავს რა ინგლისსა და რუსეთს შორის 1801 წლის დასაწყისში საომარი ვითარების აღმოცენების ფაქტს, გაკვირით ეხება ინდოეთზე ლაშქრობის საკითხსაც. იგი ზერელეს, მოუშზადებელს და ავანტიურისტულს უწოდებს პავლე I-ის განზრახულ სეპარატულ ლაშქრობას ინდოეთისაკენ, საექვოდ ხდის ერთობლივი ლაშქრობის პროექტის სინამდვილეში არსებობასაც და მას ზერელესა და უსაფუძვლოს უწოდებს². ამ აზრს იგი ასაბუთებს „Mémoires“-დან (ტ. 7, გვ. 6; ტ. 8, გვ. 62) ცნობის მოტანით იმ გამოცხადების შესახებ, რომელიც ლაშქრობის პროექტს ჰქონია მაშინ ინგლისში და სხვა ქვეყნებში³.

კორნილოვიც, მილიუტინის მსგავსად, უგულვებელყოფს 1800 წელს საფრანგეთ-რუსეთის ინდოეთზე ერთობლივი ლაშქრობის გეგმის სერიოზულობას და არ სთვლის მას ნაპოლეონ ბონაპარტისა და პავლე I-ის თანამშრომლობის ნაყოფად. რაც შეეხება პავლე I-ის „წამოწყებას“—ორლოვის კაზაკთა ლაშქრობას ინდოეთისაკენ—იგი მას მიაჩნია არა მარტო უაზროდ, არამედ რუსეთის იმპერატორის სიგიჟის მაჩვენებლად⁴.

ფრანგი ისტორიკოსი ალბერტ სორელი თავის ცნობილ მრავალტომეულში გაკვირით ეხება ამ საკითხს. ერთადერთ რეალურ ფაქტად სორელი მიიჩნევს ნაპოლეონ ბონაპარტის მისწრაფებას მახვილი ჩაეცა საფრანგეთის დაუძინებელი მტრის ინგლისისათვის არა მარტო ევროპაში, არამედ თვით ინდოეთშიაც. ასევე რეალურ ფაქტად მიაჩნია მას პავლე I-ის ბრძანებულებები გენერალ ორლოვისადმი და ამ უკანასკნელის არმიის დაძვრა ინდოეთისაკენ. ყველა დანარჩენი ამბავი, რაც ერთობლივი ლაშქრობის პროექტთან არის დაკავშირებული, სორელის აზრით ზეპირთქმულებას, ადამიანთა ფანტაზიის ნაყოფს, ე. ი. არარეალურ, მონაქორ ამბავს

¹ К. Вашишевский, დასახ. ნაშრ., გვ. 494—497.

² Д. Милютин, დასახ. ნაშრ., ტ. 2, გვ. 537—538; ტ. 3, გვ. 667.

³ იქვე, ტ. 3, გვ. 668—669.

⁴ А. Корнилов, Курс истории России XIX века, ч. 1—2, М., 1912, გვ. 71.

წარმოადგენს. ამიტომ არის, რომ იგი ირონიულად გადმოსცემს აღნიშნული პროექტის დეტალებს და კითხვის ნიშნის ქვეშ სვამს საფრანგეთის 35 ათასიანი არმიის რუსეთ-ირან-ავღანისტანის გზით ინდოეთისაკენ გაგზავნის განზრახვის რეალობას¹.

დაახლოებით ასეთსავე აზრს ანეითარებს მეორე ფრანგი ისტორიკოსი (ორიენტალისტი) დრიოკ. მასაც არ სჯერა, რომ მოცემული ლაშქრობის გეგმა რუსეთის და საფრანგეთის მთავრობების მიერ შეთანხმებულად იყო შემუშავებული და სწორ ვარაუდზე აგებული².

ცნობები ინდოეთზე ერთობლივი ლაშქრობის გეგმისა და მისი ხასიათის შესახებ მოტანილი აქვთ „Mémoires“-ის გამომცემლებსაც. კერძოდ „Mémoires“-ში მოტანილია ამონაწერი იმ მოხსენებიდან, რომელიც პრუსიის მინისტრ ჰარდენბერგს მიუღია თავისი ლონდონელი აგენტისაგან. ეს ინგლისელი აგენტი თავის მოხსენებაში პრუსიის მინისტრს აცნობებდა ერთ-ერთი ოფიციალური და გავლენიანი ინგლისელის აზრს იმის შესახებ, თუ რა შეხედულების იყვნენ ინგლისში ინდოეთზე ლაშქრობის პროექტის შესახებ ან როგორ გაიგო ინგლისის დიპლომატიამ ამ პროექტის არსებობის შესახებ. იქვე მოტანილია მეორე ცნობაც: პარიზელი აგენტის მოხსენება იმის შესახებ, თუ რას ფიქრობდნენ ამ პროექტის შესახებ საფრანგეთის წრეებში.

პარიზელი აგენტი, აცნობებს რა ჰარდენბერგს ინდოეთზე ლაშქრობის პროექტის არსებობის შესახებ („d'un plan de guerre contre les Indes“), უწოდებს მას მისტიკურს და ავადმყოფი ტვინის ნაყოფს³. პარიზელი აგენტის წერილში ჩამოთვლილია ამ გეგმის რეალიზაციის გზაზე არსებული დაბრკოლებების სერიოზულობა და აქედან გაკეთებული დასკვნა გათვალისწინებული ლაშქრობის უაზრობისა და განუხორციელებლობის შესახებ. ორი ქვეყნის არმიის გაერთიანებისას მისი მართვის სიძნელები, ირანისა და ავღანეთის ფეოდალურ მფლობელთა (წარშრუტის ზონაში) არაკეთილგანწყობილება მოკავშირეებისადმი, გადაზიდვის საშუალებათა სიმცირე და შავ ზღვაზე ინგლის-თურქეთის მოსალოდნელი

¹ А. Сороковъ, Европа и Французская революция, СПб., 1906, т. 6, гл. 93—94.

² E. Driault, La question d'Orient depuis ses origines jusqu'à nos jours, Paris, 1907, гл. 71—82; მისივე, Napoléon et Europe. 1802—1803, Paris, 1910, гл. 149—150.

³ „Memoirés...“, т. 8, гл. 64.

წინააღმდეგობა პარიზელი აგენტის დასმენაში მიჩნეულია ინდოეთზე გათვალისწინებული ლაშქრობის გზაზე აღმართულ მთავარ დაბრკოლებებად.

დაახლოებით ასეთივე მოსაზრებაა გამოთქმული ამ გეგმის შესახებ ლონდონელი აგენტის წერილშიც. მასში აღნიშნულია პავლესა და ნაპოლეონს შორის საიდუმლო შეთანხმების არსებობა¹, რომლის მიზნადაც მიჩნეულია ინგლისის მდიდარი სამფლობელოების დაპყრობა ინდოეთში². მართალია, წერილში აღნიშნულია, რომ ცნობამ ინდოეთზე განზრახული ლაშქრობის შესახებ შეშფოთება გამოიწვია ინგლისში, მაგრამ ავტორი დასძენს: ეს შეშფოთება ხალხს შეეხო. მთავრობა კი მშვიდადაა და მღელვარებას არ ავლენსო. რუსებს და ფრანგებს ინდოეთის დაპყრობისა და იქიდან ინგლისელთა განდევნის განზრახვის სისრულეში მოყვანა, ამ აგენტის აზრით, არ შეეძლოთ, მისი თქმით, ინგლისი ძლიერია ზღვაზე, მას აშკარა უპირატესობა აქვს ვაქრობასა და მრეწველობაში, მას მკვიდრად აქვს ფეხი ნოკიდებული ინდოეთში, სადაც ძლიერი სამხედრო ძალა გააჩნია, რაც ინგლისის სასარგებლოდ ლაპარაკობს. რუსები და ფრანგები ინდოეთში შეჭრის ცდისას დიდ სიძნელეებს წააწყდებიან, რის გამოც ამ ქვეყანაში ვერ შეიჭრებიანო, განაგრძობს წერილის ავტორი. მაგრამ მათ რომ მოახერხონ და ინდოეთამდე მიაღწიონ, სულ ერთია მალე იქნებიან იქიდან გამოძევებულნიო, დაასკვნის თავის მოსაზრებას ეს აგენტი. პარიზელი აგენტის მსგავსად, ეს აგენტიც აღნიშნულ გეგმას უაზრო წარმოსახვისა და ზერელე გააზრების ნაყოფს უწოდებს³.

ავტორთა დიდი ნაწილი, რომელიც უარყოფითი აზრისაა რუსეთ-სათრანგეთის ინდოეთზე ერთობლივი ლაშქრობის გეგმისა და მისი რეალიზაციის ცდის შესახებ, სწორედ „Memoires“-ში მოტანილ შეხედულებებს და მათ გამომცემელ ფრანგ რედაქტორთა დასკვნებს ემყარება.

მეორე შეხედულება ინდოეთზე რუსეთ-სათრანგეთის ერთობლივი ლაშქრობის პროექტისა და განხორციელების შესაძლებლო-

¹ „...l'existence d'un accord secret entre l'empereur de Russie et Bonaparte“. იხ. „Mémoires...“, ტ. 8, გვ. 65.

² იქვე, გვ. 66—73.

³ იქვე, გვ. 74.

ბის შესახებ ვრცლად აქვს განვითარებული პოდპოლკოვნიკ შ. ბატორსკის ზემოდასახელებულ ნარკვევში¹.

ბატორსკის ნარკვევი ორი ნაწილისაგან შედგება. პირველ ნაწილში გაშუქებულია ინგლის-საფრანგეთის ბრძოლა ინდოეთისათვის, ინდოეთზე ლაშქრობის რამოდენიმე ფრანგული გეგმა და თვით 1800 წლის პროექტი². იქვე გზადაგზა მოცემულია მისი დასკვნები. ნარკვევის მეორე ნაწილი³ მიძღვნილია ალექსანდრე I-ის მეფობის წლებში (1807—1808 წწ.) შემუშავებული სათანადო გეგმების საკითხისადმი.

ეხება რა საფრანგეთის ისტორიულ მისწრაფებას დაებრუნებინა ძველი პრზიციები ინდოეთში და გამოეძევიბინა ამ ქვეყნიდან ინგლისელები, ავტორი ეგვიპტის ექსპედიციაში სამართლიანად ხედავს ამ მისწრაფების რეალიზაციის ცდის ერთ-ერთ კონკრეტულ გამოაატულებას. 1800 წლის პროექტი ინდოეთზე ერთობლივი ლაშქრობის შესახებ, ავტორის აზრით, აღმოცენდა როგორც მორიგი ცდა სისრულეში ყოფილიყო მოყვანილი საფრანგეთის ნამდვ განუხორციელებელი ლტოლვა ინდოეთისაკენ. ამ გეგმის შენუშავებას, მიუხედავად იმისა, რომ ექსპედიციის იდეა ახალი არ იყო, ბატორსკი მთლიანად ნაპოლეონ ბონაპარტს მიაწერს. საფრანგეთის ფლოტის სისუსტემ და ახალმა გარემოებებმა, რაც ეგვიპტის ექსპედიციის მარცხს მოჰყვა, ბატორსკის შეხედულებით, აიძულა ნაპოლეონი ხელი აეღო თავის განზრახვაზე — გამოეყენებინა ეგვიპტე შუალედ ბაზად ინდოეთზე ლაშქრობისათვის და სხვ გზა, სასმელეთო გზა, აერჩია. ვინაიდან ხმელეთის გზით ინდოეთზე ლაშქრობის მოწყობა შეუძლებელი იყო რუსეთის მონაწილეობის გარეშე, ამიტომ, ბატორსკის აზრით, საფრანგეთის პირველმა კონსულმა საჭიროდ მიიჩნია რუსეთიც ჩაება მისი განხორციელების საქმეში და ამ თანამშრომლობის საჭიროება სათანადო გეგმაში გამოეხატა. ბატორსკის აზრით, რუსეთის მონაწილეობა ინდოეთზე ლაშქრობაში ნაპოლეონს ესაჭიროებოდა არა მარტო სამხედრო-სტრატეგიული თვალსაზრისით, არამედ პოლიტიკური მოსაზრებითაც. რუსეთთან კავშირ-მეგობრობა, რუსეთის ჩაბმა აღმოსავლეთის ლაშქრობაში საფრანგეთს მისცემდა საჭირო შე-

¹ ბატორსკის ნარკვევი „Проект экспедиции в Индию, предложенный Наполеоном Бонапарте императорам Павлу I и Александру I в 1800 и в 1807—1808 гг“. მოთავსებული კრებულში „Сборник географических, топографических и статистических материалов по Азии“, вып. 33, СПб., 1886, გვ. 1—104.

² იქვე, გვ. 1—61

³ იქვე, გვ. 61—104.

სვენებას ევროპაში და შეასუსტებდა რუსეთის ყურადღებას ევროპის ამბებიხადმი¹.

ბატორსკი დარწმუნებულა, რომ ინგლის-რუსეთის ომის შემზადების ვითარებაში პავლემ მართლაც განიზრახა მახვილი ჩაეცა ინგლისისათვის ინდოეთში, მაგრამ, ამავე დროს, იგი ფიქრობს, რომ სათანადო აზრი ამის შესახებ რუსეთის იმპერატორს ჩაესახა ნაპოლეონის პროექტის გაცნობის შემდეგ. იგი კითხვის ქვეშ აყენებს საკითხს იმის შესახებ, თუ როგორ და როდის გაიცნო პავლემ ნაპოლეონისეული პროექტი². ბატორსკი ღრმად არის დარწმუნებული იმაში, რომ პავლე I მართლაც გაეცნო ნაპოლეონის პროექტს. მას პავლე I-ის ლაშქრობა ინდოეთისკენ 1801 წლის დასაწყისში ამ პროექტის ანარეკლად და მისი განხორციელების წარუმატებელ ცდად მიაჩნია³.

არჩევს რა ინდოეთზე ლაშქრობის პროექტს სამხედრო-სტრატეგიული თვალთახედვით, ბატორსკი, მართალია, ხაზს უსვამს ამ პროექტის განხორციელების გზაზე წამოკრილ დიდ სიძნელებებს (უგზობობა, სურსათის ნაკლებობა, სიშორე, საზიადარ საშუალებათა სიმცირე და სხვ.), მაგრამ მაინც დადებითად აფასებს ლაშქრობის პროექტს და უარყოფს აზრს მისი ზერელობისა და ფანტასტიურობის შესახებ. ამ პროექტის საფუძველზე ინდოეთში სათანადო ლაშქრობის მოწყობა მას მიაჩნია ისეთ წამოწყებად, რომლის განხორციელება, მისი აზრით, საესებით შესაძლებელი იყო. ბატორსკი ფიქრობს, რომ ინგლისელთა მდგომარეობა ინდოეთში XVIII—XIX საუკუნეების მიჯნაზე მეტად მერყევი და არასახარბიელო იყო. ეს გარემოება მას ნაპოლეონის გაბედული პროექტის განხორციელების ერთ-ერთ ხელშემწყობ ფაქტორად წარმოუდგენია.

¹ „Но ему участие России, — წერს ბატორსკი ნაპოლეონის შესახებ, — было необходимо, главным образом для того, чтобы, отвлекая ее внимание на Восток, втягивая ее в Индийский поход, сделать менее чуткою и отзывчивою ко всем призывам копитипелтальных держав, которые без починя со стороны России не решились бы нарушить спокойствие в Европе“. Ш. Б а т о р с к и й, ზემოდასახ. ნაკვ., „Сборн. географических, топографических и статистических материалов по Азии, выд. 233, 1886, გვ. 71.

² იქვე, გვ. 39.

³ იქვე, გვ. 52.

ფირსოვი თავის წერილში „Отношения Англии и России в царствование императора Александра I“¹, შესაელის საბით, მსჯელობს პავლე I-ის საგარეო პოლიტიკის შესახებ და მოკლედ ეხება ინდოეთზე რუსეთ-საფრანგეთის ერთობლივი ლაშქრობის პროექტსაც. ემყარება რა ო. მეარას მიერ მოტანილ ცნობას წმ. ელენეს კუნძულზე ნაპოლეონის განცხადების შესახებ, ფირსოვი აღნიშნულ პროექტს თვლის ნაპოლეონ ბონაპარტისა და პავლე I-ის თანამშრომლობის ნაყოფად. „შეთანხმება რუსეთსა და საფრანგეთს შორის მიღწეულ იქნა, — წერს ფირსოვი, — მიღებულ იქნა გადაწყვეტილება იმის შესახებ, რომ რუსეთის და საფრანგეთის არმიები გადასხმული იქნებოდნენ კასპიის ზღვის სანაპიროზე და სპარსეთის ყურით გაემართებოდნენ ინდოეთისაკენ“².

ამგვარად, ფირსოვის აზრით, ინდოეთზე ერთობლივი ლაშქრობის გეგმა-პროექტი საფრანგეთის პირველი კონსულის და რუსეთის იმპერატორის წინასწარი შეთანხმების ნაყოფს წარმოადგენდა, იგი განხილულ იქნა პარიზშიც და პეტერბურგშიც და სამხედრო-სტრატეგიული თვალთახედვით საფუძვლიანად იყო შემუშავებული.

რევოლუციამდელი რუსი ისტორიკოსებიდან, აღნიშნულ ისტორიკოსებს გარდა, ინდოეთზე ლაშქრობის პროექტს შეეხნენ აგრეთვე შილდერი და სუვორინი.

შილდერს პავლე I-ის მიერ წამოწყებული ლაშქრობა ინდოეთზე ფანტასტიურ გატაცებად მიაჩნია, მაგრამ იგი, ამასთან ერთად, აღნიშნავს ნაპოლეონ ბონაპარტის მიერ ასეთივე გატაცებისა და მისგან სათანადო პროექტის შემუშავების ფაქტსაც. პავლე I-ის მიერ ინდოეთისაკენ კაზაკების გაგზავნას შილდერი უწოდებს სეპარატული ხასიათის, ზერეღე, მოუმზადებელ, გარდუვალი დამარცხების პერსპექტივის მქონე ავანტიურისტულ წამოწყებას, რომელმაც კიდევ უფრო გააძლიერა ინგლისის მმართველთა სიძულელი პავლეს პოლიტიკური სისტემისადმი³.

სუვორინი პავლე I-ის ლაშქრობასა და საფრანგეთის ინდოეთისაკენ სწრაფვას შორის ხედავს გარკვეულ კავშირს. მას პავლეს ლაშქრობა მიაჩნია რუსეთის ცდად სერიოზული დარტყმა ეგვიპტისა ინგლისისათვის. მაგრამ შილდერი, ამავე დროს, კით-

¹ მოთავსებულია ჟურნალში „Древняя и Новая Россия“, 1887, № 3, № 212—266.

² იქვე, გვ. 244.

³ Н. Ш и х д с р. Император Павел Первый, СПб., 1901, გვ. 417, 420.

ხვის ნიშნის ქვეშ სვამს საკითხს იმის შესახებ, რომ ღონის კახაკების ლაშქრობა ინდოეთისაკენ განკერძოებული მოქმედება იყო, თუ იგი გამომდინარეობდა რუსეთ-საფრანგეთის ერთობლივი მოქმედების გეგმიდან¹.

ინგლისელ ისტორიკოსთაგან რუსეთ-საფრანგეთის ინდოეთზე ერთობლივი ლაშქრობის პროექტისა და მისი განხორციელების ცდის შესახებ თავიანთი აზრი გამოთქევს სუტერლანდ ედუარდსმა (H. Sutherland Edwards) და ჯონ ჰოლანდ როუზმა (John Holland Rose).

პირველი ამ ისტორიკოსთაგან სპეციალურ ნაშრომს უძღვნის ამ საკითხს. წიგნი დაწერილია ინგლის-რუსეთის ურთიერთობის გამწვავების პერიოდში (1885 წ.), ამიტომ იგი ისტორიულ ექსკურსებს ამ საკითხის შესახებ იყენებს იმისათვის, რომ „დაამტკიცოს“: რუსეთი ისტორიულად ისწრაფოდა ინდოეთის დაპყრობას, ლამობდა წაერთმია იგი ინგლისელებისათვის და თავის სამფლობელოდ ექცია. ედუარდსი პავლეს უწოდებს რუსეთის პირველ იმპერატორს, რომელმაც რეალურად დააყენა ინდოეთში შექრისა და ამ ქვეყნიდან ინგლისელთა განდევნის საკითხი². ავტორი ფიქრობს, რომ ინდოეთზე ლაშქრობის განზრახვა პავლე I-მა გაუზიარა ნაპოლეონ ბონაპარტს, რომ მან შეადგინა ინდოეთზე ლაშქრობის გეგმის ორი ვარიანტი: ერთის თანახმად ლაშქრობა უნდა მოწყობილიყო სპარსეთსა და ავღანეთზე გავლით, მეორის თანახმად კი — შუა აზიის ტერიტორიის გავლით. 1800 წლის პროექტი მას ნაპოლეონ ბონაპარტისა და პავლეს თანამშრომლობის ნაყოფად მიაჩნია³.

¹ „Сб. Царевннство 11 марта 1801 года“, СПб., 1907, გვ. XLIV; აქ მხედველობაში მისაღები არ არის დობროჯონსკი, რომელიც ეწევა პავლე I-ის იდეალიზაციას და მას უშიშარ რაინდს უწოდებს, ინდოეთზე ლაშქრობას, რომელიც პავლე I-მა წამოიწყო; იგი იმით ხსნის, რომ რუსეთის მონარქს, თითქოს, „დიდი საქმეების აღაფრთოვანებდა, რუსეთის დიდების სიყვარულით იღვწოდა“ და განგის ნაპარებთან ზე-მარჯვების მოპოვებით სურდა რუსეთის სამხედრო დიდება უკვდავების გვირგვინით შეემკო“. იხ. Доброжелонскнй, Краткая история Росснйской дипломатии“, Москва, 1830, გვ. 96, 99. რუსული მეშუარული ლიტერატურიდან ინდოეთზე ლაშქრობის პროექტისა და მისი სისრულეში მოყვანის განზრახვის შესახებ საინტერესო ცნობები აქვს მოტანილი ა. ტურგენევის, იგი გენიალურს უწოდებს ინდოეთზე ერთობლივი ლაშქრობის პროექტს და მას ჰანიბალის იმ გეგმას აღარებს, რომლითაც ამ უკანასკნელს სურდა იტალიის დაპყრობა. Записки Александра Михайловича Тургенева, „Русская старина“, 1886, январь, გვ. 47—48.

² იხ. H. Sutherland Edwards, Russian projects against India from the czar Peter to general Skobeleff, London, 1885, გვ. 32.

³ იქვე, გვ. 38.

ამდენად, ამ ინგლისელ ავტორს სადავოდ არ მიაჩნია პავლე I-ის და ნაპოლეონ ბონაპარტის თავდაპირველი შეთანხმება ინდოეთზე ლაშქრობის მოწყობის შესახებ. მაგრამ იგი ფიქრობს, რომ საფრანგეთი და რუსეთი საბოლოოდ ვერ შეთანხმდნენ ერთობლივი ლაშქრობის მოწყობის დეტალებში. ამან, მისი აზრით, აიძულა პავლე I დამოუკიდებელი ნაბიჯი გადაედგა და კაზაკები გაეგზავნა ინდოეთისაკენ¹.

როუზი მოკლედ ჩერდება რუსეთ-ინგლისის ურთიერთობის მკვეთრი გაუარესების ფაქტზე 1800 წლის დასასრულისათვის და მასთან დაკავშირებით უურადლებას აქცევს ინდოეთზე ერთობლივი ლაშქრობის აღნიშნულ პროექტსაც. პროექტის შინაარსის გადმოცემისას იგი იძლევა კრიტიკულ შენიშვნებს, რის შემდეგაც აღნიშნავს პავლე I-ის მიერ მოწყობილი ლაშქრობის ფაქტს. დასასრულ, როუზი წერს, რომ ინგლისში იცოდნენ ამ გეგმის არსებობის შესახებ, მაგრამ არაფერს ამბობს იმის შესახებ, თუ რა ნაბიჯები გადაიდგა იქ-ამასთან დაკავშირებით².

ამერიკელი ავტორი კაპიტანი მეხენი მოკლედ ეხება ინგლის-საფრანგეთის ბრძოლას ინდოეთისათვის, კერძოდ ინდოეთზე რუსეთ-საფრანგეთის ერთობლივი ლაშქრობის 1800 წლის პროექტს, რომელშიც იგი ხედავს ამ ორი ქვეყნის თანამშრომლობის ნაყოფს. მართალია, იგი ერთგვარ მნიშვნელობას ანიჭებს ამ პროექტს, მაგრამ საერთოდ, სკეპტიკურად უცქერის მისი რეალიზაციის შესაძლებლობას. თუმცა მეხენი უშეებს ფრანგებისა და რუსების მხრივ ინდოეთის დროებითი დაპყრობის შესაძლებლობას, მაგრამ თან ფიქრობს, რომ ეს „წამოწყება“ საბოლოოდ მარცხით დამთავრდებოდა; მისი აზრით ინგლისელები, რომელთა ხელში იყო საზღვაო ბატონობა, ძლიერი ეკონომიკა და ფინანსები, მალე შეძლებდნენ მდგომარეობის გამოსწორებას და თავიანთი ბატონობის აღდგენას ინდოეთში³.

¹ იხ. H. Sutherland Edwards, დასახ. ნაშრ., გვ. 38.

² John Holland Rose, The life of Napoléon, London, 1907, ტ. I, გვ. 260—263.

³ А. Мэхэн. Влияние морской силы на французскую революцию и империю (1793—1819). т. I, М., 1940, гв. 249. გარდა აღნიშნული ავტორებისა, ამ პროექტის (სამხედრო-სტრატეგიული თვალსაზრისით) ღირებულების შესახებ, თავიანთი აზრი გამოთქვენ სხვა ავტორებმაც. ამათგან შეიძლება დასახელებულ იქნენ ხრულევი (იხ. С. А. Хрулев, О походе в Индию, „Русский архив“, 1881 г., гв. 42—66. II. Чихачев, О возможности осуществления Россией

საბჭოთა ისტორიკოსები ს. ოკუნი, ე. ბურჯალოვი, ა. ნაროჩნიცი და ვ. ანტიუხინა უარყოფენ რევოლუციამდელი რუსი ისტორიკოსების ზემომოტანილ შეხედულებას რუსეთ-საფრანგეთის ინდოეთზე ერთობლივი ლაშქრობის გეგმის აღმოცენებისა და ხასიათის შესახებ.

ს. ოკუნი წერს: ინდოეთზე ლაშქრობის პროექტი საფუძვლიანად იყო შემუშავებული, როგორც კარგად მოფიქრებული ოპერაცია, რომელიც საფრანგეთთან ერთად უნდა მოწყობილიყო. ექსპედიციის პროექტი, თუმცა იგი პეტერბურგში იყო შექმნილი, ატარებდა ფრანგული წარმოშობის აშკარა კვალს. პროექტი ითვალისწინებდა ყველა დეტალს, რაც უზრუნველყოფდა მის უდავო წარმატებას; ამ ლაშქრობაში მონაწილეობის დროს მეფის რუსეთს არა მარტო სამხედრო-პოლიტიკური, არამედ სავაჭრო-ეკონომიური მოტივებიც ამოქმედებდა. ამ პროექტით გათვალისწინებული ლაშქრობის მთელ სერიოზულობას, ოკუნის აზრით, ისიც ადასტურებს, რომ ინგლისში აშკარა შემფოთებით შეეგებნენ ცნობას მისი შემუშავების შესახებ. სახმელეთო გზით პავლე I-ის მიერ წამოწყებული ლაშქრობა ინდოეთისაკენ, ოკუნის მტკიცებით, ერთობლივი ლაშქრობის პროექტიდან გამომდინარეობდა და მის შესავალსა და ნაწილს წარმოადგენდა; ამ ლაშქრობით რუსეთს სურდა არა მარტო წინასწარ მოესინჯა ნიადაგი, არამედ უზრუნველყო თავისთვის წამყვანი როლი როგორც ლაშქრობაში, ისე ინგლისელთაგან „განთავისუფლებული“ ინდოეთის „ათვისებაში“, თანაც ზემოქმედება მოეხდინა ინგლისზე. ეს ლაშქრობა საფუძვლიანად იყო მოფიქრებული და ორგანიზებული და წარმატების იმედსაც იძლეოდა. მაგრამ ოკუნი აქ არ სვამს წერტილს. მისი შეხედულებით პავლე I-ის სეპარატული ლაშქრობა ინდოეთისაკენ, უშუალოდ მიმართული იყო ინდოეთის მიმართ საფრანგეთის გეგმების წინააღმდეგ. რადგანაც საფრანგეთს შეეძლო ინდოეთთან სავაჭრო ურთიერთობა ეწარმოებინა საზღვაო გზით, რაც მას ამ ქვეყანაში უპირატესობას მიანიჭებდა, რუსეთის მთავრობამ გადაწყვიტა ხმელეთით დაკავშირებოდა ინდოეთს და ორენბურგ-ხივა-ბუხარის

экспедиции в Индию“, მოთავს. დასახ. კრებულში. „Сборник... материалов по Азии“, вып. 23, 1886, გვ. 105 და შემდ.; უსახელო გერმანელი ავტორი „О походе сухих путем в Индию“, მოთ. ჟურნ. „Вестник Европы“, 1808, ტ. 39, გვ. 176—178 აღნიშნული ავტორები, ემყარებიან რა წარსული ისტორიის მაგალითებს, ასკენიან: ხმელეთით ინდოეთზე ლაშქრობის მოწყობა შესაძლებელი არისო.

სავაჭრო გზით შეეტანა თავისი საქონელი ამ ქვეყანაში. დასასრულ, ოკუნი ფიქრობს, რომ რუსეთის მოძრავი ნაწილების ლაშქრობა ინდოეთის საზღვრებისაკენ გაერთიანებული არმიის ლაშქრობის წინ მიზნად ისახავდა განემტკიცებინა რუსეთის მდგომარეობა თვით ინდოეთში¹.

ე. ბურჯალოვს სარწმუნოდ მიაჩნია 1800 წლის პროექტის ფრანგული წარმოშობა. ისიც აღიარებს, რომ ეს პროექტი ნაპოლეონ ბონაპარტისა და პავლე I-ის თანამშრომლობის ნაყოფი იყო, საფუძვლიანი მოთქმების შედეგს წარმოადგენდა და სამხედრო-სტრატეგიული მხრივ შეიძლებოდა მისი სისრულეში მოყვანა².

ვ. ანტიუხინა აგრეთვე მიიჩნევს, რომ ინდოეთზე ერთობლივი ლაშქრობის გეგმა ნაპოლეონ ბონაპარტის უშუალო მონაწილეობით იყო შემუშავებული. ემყარება რა სტედინგის ცნობას, მას სრულიად სარწმუნოდ მიაჩნია ვერსია ნაპოლეონის მიერ პეტერბურგში დიუროკის გაგზავნის შესახებ, რათა იგი პირადად მოლაპარაკებოდა რუსეთის იმპერატორს ინდოეთზე გათვალისწინებული ლაშქრობის პროექტისა და მისი განხორციელების პირობების შესახებ. ანტიუხინას შეხედულებით ექსპედიციისათვის მზადება წარმატებით მიმდინარეობდა და იგი, ალბათ, წარმატებით დამთავრდებოდა, პავლე I-ის მოულოდნელ სიკვდილს რომ ხელი არ შეეშალა მისთვის. მასაც პავლე I-ის მიერ დონას კახაკთა გაგზავნა ორენბურგზე გავლით აზიის გზით ინდოეთისაკენ მიაჩნია არა დამოუკიდებელ ნაბიჯად, არამედ შემუშავებული გეგმის რეალიზაციის ცდად, ერთობლივი ექსპედიციის გეგმის ნაწილად, გონივრულად და საფუძვლიანად შემუშავებულ წამოწყებად³.

ა. ნაროჩნიცკის მეფის რუსეთის მიერ 1801 წლის დასაწყისში მოწყობილი ლაშქრობა ინდოეთისაკენ პავლე I-ზე ნაპოლეონ ბონაპარტის ზეგავლენის ნაყოფად მიაჩნია. ნაპოლეონ ბონაპარტმა, — წერს იგი, — „...увлея сумасбродного паря хлмерической затеей похода казаков на Индию через Средне-азиатские

¹ С. В. Ожухъ, История СССР, 1796—1825, т. 1, 1956, стр. 107.

² Э. Н. Бурджалов, დასახ. ნაშრ., გვ. 43—44.

³ В. Антиухина, Англо-французская борьба за Индию в эпоху Наполеона I. Ученые записки Ленинградского гос. университета, № 36, серия истор. наук., вып. 3, стр. 257—260.

„УСТЫИИ“¹. მაგრამ თვით ამ საკითხის შესახებ ცნობები მას მხოლოდ გაკვრით აქვს მოცემული.

ასეთნაირადაა დაყენებული ისტორიულ ლიტერატურაში საკითხი ინდოეთზე რუსეთ-საფრანგეთის ერთობლივი ლაშქრობის 1800 წლის პროექტისა და პავლე I-ის მიერ 1801 წლის დასაწყისში წამოწყებული ლაშქრობის შესახებ.

როგორც უკვე დავინახეთ, აღნიშნულმა საკითხმა ბევრი ისტორიკოსის ყურადღება მიიპყრო. მის შესახებ ბევრი აზრი გამოითქვა. საბჭოთა ისტორიულმა მეცნიერებამ თავისი სიტყვა თქვა მის შესახებ, თუმცა გაკვრით და ზოგადად. მიუხედავად ამისა, ჩვენი აზრით, მოცემული საკითხი ჯერ კიდევ არ შეიძლება ჩაითვალოს გადაწყვეტილად. მასზე ჯერ კიდევ არ არის გაცემული საგნებით ნათელი და ისტორიული მეცნიერების განვითარების თანამედროვე დონის შესატყვისი პასუხი. რომ არაფერი ვთქვათ რევოლუციამდელ რუს და საზღვარგარეთელ ისტორიკოსთა შეხედულებათა შესახებ, მოცემულ საკითხზე, თვით საბჭოთა ისტორიკოსების მიერ გამოთქმული მოსაზრებების ზოგიერთი ნაწილის გაზიარებაც არ შეიძლება. აღნიშნულის გამო, ჩვენ საჭიროდ მიგვაჩნია ზოგიერთი მოსაზრება გამოვთქვათ აღძრული საკითხის შესახებ და შეძლებისდაგვარად დავასაბუთოთ ისინი.

ჩვენ მიუღებლად მიგვაჩნია რევოლუციამდელი რუსი და ფრანგი ისტორიკოსების ერთი ჯგუფის მოსაზრება იმის შესახებ, რომ თითქოს, ინდოეთზე ინგლის-საფრანგეთის ერთობლივი ლაშქრობის 1800 წლის პროექტი სინამდვილეში არ არსებობდა და იგი პარიზში ან პეტერბურგში სათანადო უწყებების და პიროვნებების მიერ არ ყოფილა შემუშავებული, რომ თითქოს იგი ყალბია და შემდეგში უცნობი პირის მიერ არის შედგენილი. ეს მოსაზრება დეკლარატიულ განცხადებას მოგვაგონებს, რომელიც არაფრით არ არის დასაბუთებული. თავიანთი მოსაზრების დასამტკიცებლად ამ ისტორიკოსების მიერ მოტანილი არგუმენტები მეტად უსუსურია და კრიტიკას ვერ უძლებს. მითითება იმაზე, რომ რუსეთის და საფრანგეთის ოფიციალურ დოკუმენტებში არ არის დაცული არა თუ რაიმე ცნობები ამ ლაშქრობის შესახებ, არამედ თვით პროექტიც კი, — საბუთად არ გამოდგება. რა ვუყოთ, რომ ეს გეგმა შემთხვევით იქნა ნაპოვნი სტედინგის მემუარებსა და სხვა ქალაქებს შორის და არა სათანადო სამინისტროების არქივებში. განა ცოტაა

¹ А. А. Пароцицкий, Международные отношения спрочнойсх государств с 1794 по 1830 гг., М., 1946, с. 17.

ისტორიაში ისეთი ამბავი თუ ფაქტი, რომელთა შესახებ ოფიციალური წყაროები არაფერს ანებობენ და მათ შესახებ შემთხვევითი და არაპირდაპირი ცნობები მოუთხრობენ კაცობრიობას? განა არ შეიძლება დაეუშვათ, რომ ასეთი ცნობები არსებობდა და შემდეგში დაიკარგა? ისიც არ არის გამორიცხული, რომ საფრანგეთის ან ჩვენს არქივსაცავეებში მომავალში აღმოჩნდეს ამ პროექტთან დაკავშირებული ოფიციალური ცნობები. „Mémoires“-ის გამომცემლების მიერ მოტანილი სათანადო ცნობები პროექტის რეალობის სასარგებლოდ ლაპარაკობენ. პრუსიელი მინისტრი ჰარდენბერგი ლონდონიდან და პარიზიდანაც თავისი აგენტების მეშვეობით იღებდა ცნობებს იმ რეაქციის შესახებ, რომლითაც შეეგებნენ სათანადო წრეები ინგლისსა და საფრანგეთში ინდოეთში რუსეთ-საფრანგეთის ერთობლივი ლაშქრობის მზადების საქმეს. ინგლისის საგარეო საქმეთა სამინისტრომ, ჩანს, „საიდუმლო არხების“ მეშვეობით მიიღო სათანადო ინფორმაცია როგორც ლაშქრობის პროექტის შემუშავების, ისე თვით ლაშქრობისათვის მზადების შესახებ. ამიტომ იყო, რომ მან საპასუხო ღონისძიებები განაიორციელა. პავლე I-ის წინააღმდეგ მოწყობილ შეთქმულებაში ინგლისელთა აქტიური მონაწილეობის მიღება მათ მხრივ ერთ-ერთ ასეთ საპასუხო ღონისძიებას წარმოადგენდა.

ასევე უსაბუთოდ მიგვაჩნია ისტორიკოსთა ამ ჯგუფის აზრი იმის შესახებ, თითქოს, კონკრეტული ფაქტებით არ დასტურდება ნაპოლეონ ბონაპარტის და პავლე I-ის თანამშრომლობა 1800—1801 წწ. მიჯნაზე ინდოეთში ლაშქრობის მოწყობის თაობაზე.

ვითარება, რომელიც შეიქმნა ევროპის პოლიტიკურ ცხოვრებაში 1800—1801 წლების მიჯნაზე, კერძოდ კი რუსეთ-საფრანგეთის და რუსეთ-ინგლისის ურთიერთობაში, პირობით, ადასტურებს ინდოეთზე ლაშქრობის პროექტის აღმოცენების შესაძლებლობას და რუსეთ-საფრანგეთის თანამშრომლობას ამ ნიადაგზე. ამდენად სავსებით ბუნებრივად უნდა იქნეს მიჩნეული პირადად რუსეთის იმპერატორისა და ნაპოლეონ ბონაპარტის მონაწილეობა აღნიშნული პროექტის შემუშავებაში.

ჩვენი აზრით, აღნიშნული პროექტი შემუშავდა ნაპოლეონ ბონაპარტის განკარგულებით და მას საფუძვლად დაედო მანამდე არსებული შესაბამისი ფრანგული გეგმები. რუსეთთან დაახლოების ვითარებაში ლაშქრობის ახალმა პროექტმა ძველ გეგმებთან შედარებით საგრძნობი ცვლილება განიცადა. მასში გათვალისწინებულ იქნა რუსეთის აუცილებელი თანამონაწილეობა აღნიშნულ ლაშქრობაში. ინდოეთზე გათვალისწინებულ ლაშქრო-

ბაში რუსეთის თანამონაწილეობა განაპირობა სამმა გარემოებამ. 1) ლაშქრობის სახმელეთო მარშრუტმა, რაც ითვალისწინებდა რუსეთის ტერიტორიის, ადამიანთა და მატერიალური რესურსების გამოყენებას ამ მიზნისათვის; 2) ნაპოლეონის მისწრაფებამ—სავსებით აემხედრებინა ინგლისი და რუსეთი ურთიერთის წინააღმდეგ და რუსეთი ინგლისთან ბრძოლაში თავის იარაღად ექცია; 3) რუსეთის საგრძობმა დაინტერესებამ—სერიოზული დარტყმა მიეყენებინა იმჟამად მისი მტრისათვის, ინგლისისათვის სწორედ აღმოსავლეთში.

მოცემული პროექტის იდეა და ძირითადი კონტურები, ჩვენი აზრით, ფრანგული წარმოშობისაა და პირადად ნაპოლეონს ეკუთვნის. იგი არ შეიძლებოდა რუსეთში აღმოცენებულიყო და შექმნილიყო. ინდოეთზე ერთობლივი ლაშქრობის პროექტი, როგორც ცნობილია, ითვალისწინებდა ავსტრიის იმპერატორის თანამშრომლობას: ამ სახელმწიფოს გზა უნდა მიეცა საფრანგეთის არმიისათვის და ხელი უნდა შეეწყო მისთვის მდინარე დუნაით შავ ზღვამდე ჯარის გადაყვანაში. მაგრამ იმ მომენტში, როცა ეს პროექტი მუშავდებოდა, რუსეთსა და ავსტრიას შორის არა თუ სამოკავშირო, არამედ ჩვეულებრივი დიპლომატიური ურთიერთობაც კი არ არსებობდა. რუსეთის სამეფო კარი მეტად მტრულად იყო განწყობილი ავსტრიის მთავრობის მიმართ. მას არ სურდა ამ სახელმწიფოსთან არსებული ძველი გულთბილი ურთიერთობის აღდგენა და მასთან რაიმე სახის თანამშრომლობა. ამიტომ მეტად ძნელია წარმოვიდგინოთ, რომ პავლე I-ის მთავრობა მკვეთრ მობრუნებას მოახდენდა ავსტრიის მიმართ და საჭიროდ მიიჩნევდა მის თანამშრომლობას ინდოეთზე ერთობლივი ლაშქრობის დროს.

აღნიშნული პროექტით ინდოეთში განზრახული ლაშქრობა იმ დიპლომატიური და სამხედრო-სტრატეგიული ღონისძიებების ნაწილს წარმოადგენდა, რასაც საერთოდ ახორციელებდა საფრანგეთის პირველი კონსული ინგლისისათვის მახვილის ჩასაცემად, წინააღმდეგობის გზიდან რუსეთის ჩამოსაშორებლად და დასახული აგრესიული გეგმების სისრულეში მოსაყვანად. ყველაფერი ეს კი იმაზე მიგვიბრუნებს, რომ პროექტის შემუშავების ინიციატივა, მისი დეტალები უშუალოდ ნაპოლეონ ბონაპარტს ეკუთვნოდა და არა პავლეს. თუ პროექტი ამა თუ იმ სახით პეტერბურგში შემუშავდა, იგი შემუშავდა მხოლოდ და მხოლოდ ფრანგული მონახაზის საფუძველზე.

მითითება იმაზე, რომ მოცემული პროექტი, თითქოს, ზერეღვა, მოკლებულია გონივრობის კვალს და აღნიშნულის გამო გამო-

რიცხულია მის შედგენაში ნაპოლონ ბონაპარტის მონაწილეობა, სრულიად დაუსაბუთებელია და სუბიექტური მოსაზრების ნაყოფს წარმოადგენს. ჩვენი შეხედულებით იგი, პირიქით, გონიერულობისა და სერიოზული მოთქმებულობის კვალს ატარებს. მისი შემდგენლები შეეცადნენ გაეთვალისწინებინათ ის ეკონომიურ-პოლიტიკური და გეოგრაფიული ფაქტორები, რომელნიც უზრუნველყოფდნენ ინდოეთზე ლაშქრობის წარმატებას. ასეთი გეგმა არ შეიძლება და რომელიღაც ავანტიურისტის მიერ ყოფილიყო შედგენილი. მას უდავოდ ატყვია სამხედრო-სტრატეგიული საქმის საფუძვლიანი მკოდნის ხელი. ამდენად საფრანგეთის პირველი კონსულის მონაწილეობა მის შემუშავებაში ექვს გარეშე უნდა იქნეს მიჩნეული. ყოველივე ზემოაღნიშნული, ამასთან ერთად, არ გამორიცხავდა რუსეთის მთავრობისა და სამხედრო სპეციალისტების მონაწილეობას ამ პროექტის შემუშავებაში. მაგრამ ჩვენ არ ვაგვაჩნია სერიოზული არგუმენტი იმის დასამტკიცებლად, თუ კონკრეტულად სად შემუშავდა მოცემული პროექტი მისი ყველა დეტალით. ისტორიკოსთა ერთი ნაწილი, როგორც აღნიშნული იყო, ფიქრობს, რომ იგი პარიზში შემუშავდა და იქიდან გადაიგზავნა პეტერბურგში (დიუროკის ან სხვა ვისიმე ნეშევოძის), მეორე ნაწილი კი, პირიქით, ხაზგასმით აღნიშნავს მის პეტერბურგისეულ წარმოშობას. ჩვენ ვფიქრობთ, რომ ავტორიტეტული მტკიცებისათვის საკმაო საბუთი არც ერთს და არც მეორეს არ მოუპოვება. მათი მოსაზრებები მხოლოდ და მხოლოდ ვარაუდს ემყარება.

ყოველგვარი მსჯელობა მოცემული პროექტის თავდაპირველი ხასიათისა, მისი შედგენის დროისა და ადგილის შესახებ ზოგადი და აბსტრაქტული მსჯელობაა, სანამ რაიმე ახალი მასალა არ აღმოჩნდება. ჯერჯერობით კი ჩვენს განკარგულებაშია მხოლოდ და მხოლოდ ერთადერთი პროექტი. ამიტომ იგი მიჩნეული უნდა იქნეს სწორედ თავდაპირველი დედნის ასლად. თუმცა, კითხვა იმის შესახებ, თუ როგორ მოხდა იგი სტედინგის ქალაქებში და რატომ არ დატოვა მან კვალი საარქივო ფონდებში, დღემდე კითხვად რჩება. ნათელი პასუხის გაცემა კონკრეტული მონაცემების უქონლობის გამო ძნელია.

ჩვენ სადავოდ მიგვაჩნია მოცემული გეგმის შემუშავებაში რუსეთ-საფრანგეთის თანამშრომლობის მასშტაბის საკითხი. დღემდე სავესებით არ არის გარკვეული, თუ როდის და როგორ გაუზიარა ბონაპარტმა რუსეთის იმპერატორს თავისი გულისნადები ინდოეთზე ლაშქრობის მოწყობის შესახებ. ბერნონვილსა და დიუროკს, რომელთაც თითქოს გეგმა პარიზიდან ჩაიტანეს პეტერ-

ბურგში თუ ბერლინში, ამის შესახებ არავითარი ცნობები არ დაუტოვებიათ მით უფრო, რომ დიუროკი, როგორც ცნობილია, პავლე I-ის მოკვლის შემდეგ ჩავიდა პეტერბურგში. ამიტომ ჩვენ ვერ გავიზიარებთ ს. ოკუნის დაბეჯითებით მტკიცებას ამ პროექტის პეტერბურგში შედგენის შესახებ. ოკუნს ამ მოსაზრების დასამტკიცებლად არავითარი სერიოზული არგუმენტი არ მოაქვს. როგორც ჩანს იგი ემყარება იმ შენიშვნებს, რომლებიც ამ პროექტს აქვს თანდართული და იმ პასუხს, რომელსაც პავლე I-ს მიაწერენ. მაგრამ რა საბუთით ამტკიცებენ, რომ თანდართული შენიშვნები აუცილებლად ნაპოლონ ბონაპარტს ეკუთვნის, პასუხი და განმარტებები კი—პავლეს? დღემდე მხოლოდ მოსაზრებაა გამოთქმული ამის თაობაზე, მაგრამ იგი სერიოზული, ეჭვმიუტანელი ფაქტებით არავის არ დაუსაბუთებია. ამიტომ ჩვენ ვფიქრობთ, რომ ს. ოკუნის მოსაზრება პრობლემატური ხასიათისაა. გამორიცხული არ არის იმის შესაძლებლობა, რომ როგორც შენიშვნები, ისე განმარტებები შენდევში მეორეხარისხოვანი პირების მიერ იყოს დამატებული. საკითხს იმის შესახებ, თუ სად მოხდა ეს დამატება—პარიზში თუ პეტერბურგში—არსებითი მნიშვნელობა არა აქვს.

სამხედრო-სტრატეგიული თვალსაზრისით ინდოეთზე ლაშქრობის 1801 წლის პროექტი, მიუხედავად იმისა, რომ საკმაოდ დეტალურად და გონებამახვილურად იყო შედგენილი, მაინც არ წარმოადგენდა სრულქმნილ, სტრატეგიული თვალსაზრისით გენიალურად მოხაზულ გეგმას, როგორც ეს ზოგიერთს ჰგონია. ამ პროექტში გათვალისწინებული არ იყო ზოგიერთი მეტად მნიშვნელოვანი მომენტი, რომლებზედაც დამოკიდებული იყო ამ პროექტით გათვალისწინებული ლაშქრობის წარმატება. საერთოდ კი მთელი პროექტი, მისი პრაქტიკულად განხორციელების პერსპექტივის თვალსაზრისით მეტად გაბედულ, მაგრამ ამავე დროს სარისკო და ძნელად განსახორციელებელ წამოწყებად უნდა იქნეს მიჩნეული.

ძალიან ძნელი წარმოსადგენია, რომ საფრანგეთის და რუსეთის არმიებს ჩეტარებინათ ლაშქრობა და მისულიყვნენ დანიშნულ ადგილას, მდინარეების ინდისა და განგის ნაპირებამდე, დროის იმ მონაკვეთში, რომელიც პროექტით არის გათვალისწინებული (სულ 120 დღე). ჩვენ ვფიქრობთ, რომ ეს რეგლამენტი ჯეროვნად არ ითვალისწინებდა არმიის ზღვით გადაყვანის სიძნელეს ტრანსპორტის საშუალებათა სიმციროს გამო, აგრეთვე არტილერიის, საჭურვლის, სურსათ-სანოვავის, ფურაეის და არმიისათვის სხვა მასალის გადაზიდვისათვის საჭირო საზიდრებისა და სხვა საშუალებათა მეტად დიდი რაოდენობის საჭიროებას ხმელეთზე ლაშქრობის

დროს. ჩვენ მიგვაჩნია, რომ ასევე უგულვებელყოფილია კლიმატური პირობები და უგზოობა, როგორც რუსეთის ტერიტორიაზე, ისე, განსაკუთრებით, სპარსეთსა და ავღანისტანში. მოკავშირეთა არმიას გზაში, განსაკუთრებით სპარსეთისა და ავღანისტანის ტერიტორიებზე, გაცილებით უფრო მეტი სიძნელეები შეხვდებოდა, ვიდრე ეს ლაშქრობის პროექტით არის ნაგარაუდვეი. უწყლობა, უგზოობა, ცხელი ქარები, უდაბნო ზონებში სილისა და ქვიშის მოქმედება, მალალმთიანი გადასასვლელები ავღანეთში—თითქმის გამორიცხავდა ჩვეულებრივი საზიდრების გამოყენებას საქურელის გადაზიდვისათვის და დააბრკოლებდა არტილერიის გადატანას; იგი იძულებულს გახდიდა მოკავშირეთა ლაშქრის სარდლობას პერიოდულად შეეცალა გათვალისწინებული მარშრუტი, თანაც დიდად შეენელებინა ლაშქრობის ტემპები. თუ მხედველობაში მივიღებთ ზემოაღნიშნულ გარემოებებს, შეიძლება დავასკვნათ: ლაშქრობა მდ. რაინის ნაპირებიდან ინდოსტანის დიდი მდინარეების სანაპიროებამდე გაგრძელდებოდა არა ოთხს ან ხუთ თვეს, არამედ გაცილებით უფრო მეტ ხანს, შესაძლებელია მთელ წელსაც.

პროექტში და პავლე I-ის პასუხში აღნიშნული იყო, რომ მარშრუტის ზონაში უხვად მოიპოვება სურსათ-სანოვაგე და ტვირთის მზიდავი პირუტყვის, — ცხენისა და ჯორის — საკვები. სინამდვილეში ეს ასე როდი იყო. სპარსეთისა და ავღანისტანის ტერიტორიების უდაბნო და მთიან ზონებში, სადაც მარშრუტის მიხედვით უნდა გაევლოთ მოკავშირეთა ჯარებს, არც სურსათ-სანოვაგის და არც ფურაეის სიუხვეს არ ჰქონდა ადგილი. საკუთარი მარაგის სიმციროსა და გადაზიდვის სიძნელეების გამო სავსებით მოსალოდნელი იყო მოლაშქრეთა რიგებში შიმშილსა და პირუტყვის საკვების ნაკლებობას ეჩინა თავი, რაც თავის მხრივ უარყოფით გავლენას მოახდენდა მოკავშირეთა არმიაზე. გაადიდებდა ლაშქრობის ხანგრძლივობას და შეასუსტებდა მოლაშქრე არმიების ბრძოლისუნარიანობას.

ლაშქრობის პროექტში გათვალისწინებული იყო სპარსეთისა და ავღანეთის ტერიტორიებზე მარშრუტის ზონაში განლაგებული მაჰმადიანი ხანებისა და ემირების გულის მოგება საჩუქრებით, დაპირებებით, ლაშქრობის მიზნების ხაზგამსმელი დეკლარაციის გამოქვეყნებით და ა. შ. მარშრუტის ზონაში მცხოვრები მკვიდრი მოსახლეობის რიგებში ნაგარაუდვეი იყო წინასწარ სათანადო ახსნა-განმარტებითი ხასიათის მუშაობის ჩატარება და ამ გზით მათი ნეიტრალიტეტის უზრუნველყოფა. მაგრამ ჩვენ ვთქვით,

რომ ეს ზომები და თვით ლაშქრობის დიდი მასშტაბი ვერ იქნებოდა საკმაო გარანტია იმისათვის, რომ სავსებით გამორიცხული ყოფილიყო მარშრუტის ზონაში მცხოვრები ტომებისა და ფეოდალხანთა გამოსვლა მოკავშირეთა წინააღმდეგ. მოკავშირეებს ინდოეთამდე მისალწევად უნდა გაეეღოთ ფორმალურად დამოუკიდებელი და ნეიტრალური ქვეყნების—ირანის და ავღანეთის—ტერიტორიები და ამდენად უნდა დაერღვიათ ამ ქვეყნების სუვერენიტეტი. უდავოა, რომ ეს გამოიწვევდა ამ სახელმწიფოთა მმართველებისა და ცალკეული ტომების გულისწყრომასა და აღშფოთებას. აღნიშნულ ლაშქრობას ისინი შეათასებდნენ როგორც აშკარა აგრესიას და თავიანთ შინაგან საქმეებში ჩარევას, დამოუკიდებელ ტომთა სამფლობელოებზე ხელყოფას. ამიტომ, ყველა ზემოაღნიშნულ ღონისძიებათა მიუხედავად, მაინც მოსალოდნელი იყო ამ ლაშქრობის მიმართ მტრული აქტები, კერძოდ ავღანისტანის ტერიტორიაზე, რომლის მომთაბარე და თავისუფლებისმოყვარე ტომები მეტად მტრულად იყვნენ განწყობილნი ყოველგვარი უცხოელი მოძალადეების მიმართ. ინგლისელ კოლონიზატორთა აგრესიულმა აქტმა ავღანელი ტომების მიმართ და მათმა საპასუხო გამანადგურებელმა დარტყმებმა XIX საუკუნის I და II ნახევარში ცხადჰყო, თუ რაოდენ დიდ ძალას და დაბრკოლებას წარმოადგენდნენ თავისუფლებისმოყვარე ავღანელები ყოველგვარი და, კერძოდ, არააზიური სახელმწიფოების აგრესიისათვის. მართალია, პროექტი არ გამორიცხავდა ლაშქრობის მარშრუტის ზონაში განლაგებული ტომებისა და მთავრების მტრულ გამოსვლას მოკავშირეთა არმიების წინააღმდეგ, მაგრამ ჯეროვნად არ აფასებდა ამ წინააღმდეგობის ძალას. ჩვენ კი ვფიქრობთ, რომ ასეთ მტრულ გამოსვლებს ადგილი ექნებოდა და ამას შეეძლო სერიოზული საფრთხე შეექმნა აღნიშნული ლაშქრობისათვის.

თუ გავითვალისწინებთ უარყოფითად მოქმედ დაბრკოლებათა ზემოაღნიშნულ ფაქტორებს, უნდა დავასკვნათ, რომ რუსი და ფრანგი მოკავშირეები ლაშქრობისას დიდ სიძინელებს წააწყდებოდნენ, მოკავშირეთა მოლაშქრე არმიები გზაშივე დაკარგავდნენ ცოცხალი ძალის, ცხენებისა და საჭურველის მნიშვნელოვან ნაწილს და უკეთეს შემთხვევაში ინდოსტანის საზღვრებს მიაღწევდნენ მორალურად დაცემულნი, ბრძოლისუნარიანობას ფრიად მოკლებულნი.

ლაშქრობის პროექტში, მართალია, აღნიშნული იყო, რომ მოკავშირეთა არმიას ინდის ნაპირებთან მიღწევისთანავე უნდა დაეწყო საომარი მოქმედება, მაგრამ იქ არათუ იყო ნათქვამი

იმის შესახებ, თუ ვისთან და რა ძალებთან მოუხდებოდა მას ბრძოლა, ვინ იქნებოდა მისი მოწინააღმდეგე და ვინ—მოსალოდნელი მოკავშირე. მართალია, საფრანგეთს ჰყავდა ინდოეთში მოკავშირეები, მაგრამ ეს მოკავშირეები იმყოფებოდნენ არა მდ. ინდის აუზში, საიდანაც უნდა დაწყებულიყო მოკავშირეთა საომარი ოპერაციები, არამედ სამხრეთ ინდოეთში, მალაბარისა და კორომანდელის ნაპირებზე, საკმაოდ შორ მანძილზე ინდის ნაპირებიდან. პროექტში სიტყვაც კი არ იყო ნათქვამი იმის შესახებ, თუ როგორ უნდა მოქცეულიყო ეს არმია მტერზე გამარჯვების შემთხვევაში, ვისი მმართველობა უნდა დაემყარებინა მას, ანდა როგორ უნდა მომხდარიყო ლაშქრის უკან დაბრუნება და სხვ. საფუძვლიანი და ზუსტი სამხედრო-სტრატეგიული გეგმა კი აუცილებლად უნდა იძლეოდეს პასუხს ასეთ კითხვებზე.

რუსეთ-საფრანგეთის გაერთიანებულ არმიას საომარი მოქმედება უნდა გაეჩაღებინა ინდოეთის დამპყრობ ინგლისელ კოლონიზატორთა და მათი ადგილობრივი აგენტურის წინააღმდეგ. მას ფორმალურად ბორკილი უნდა აეყარა ინდოეთისათვის, გაენთავისუფლებინა ეს „ლამაზი და მდიდარი ქვეყანა ბრიტანეთის უღლისაგან“ და გაეხსნა ამ ქვეყნის კარები „განათლებული ევროპელი ერების“ მრეწველობისა და ვაჭრობისათვის. ლაშქრობის ეს „კეთილშობილური მისია“ თითქოს უზრუნველყოფდა ინდოეთის მოსახლეობის დიდი ნაწილის მორალურ, სამხედრო და პოლიტიკურ მხარდაჭერას მოკავშირეთა არმიისადმი. მაგრამ სინამდვილეში, როგორც ვიცით, ლაშქრობის მიზანი სულ სხვა იყო. საფრანგეთის ბურჟუაზიას მართლაც სურდა რუსეთის დახმარებით გაეძეებინა ინგლისელი კონკურენტები ინდოეთიდან, მაგრამ არა ამ ქვეყნის განთავისუფლების მიზნით, არამედ იმისათვის, რომ ინგლისელ კოლონიზატორთა უღლის ნაცვლად მისთვის ფრანგ კოლონიზატორთა უღელი დაედგა. დამპყრობლები მალე გამოამეტავენდნენ თავიანთ ნამდვილ სახეს მკვიდრი მოსახლეობის მიწართ და თავიანთ წინააღმდეგ აიმაედრებდნენ მას. ასეთ შემთხვევაში სავსებით მოსალოდნელი იყო, რომ ინგლისელი კოლონიზატორები, რომელთაც მუხანათობის, გერაგობის, დემაგოგიისა და მოსყიდვის უფრო მეტი გამოცდილება და პრაქტიკა გააჩნდათ, ისევ შეატრიალებდნენ ომის ბედს თავიანთ სასარგებლოდ. მით უფრო, რომ ზღვა მათ ხელში იყო. ამ გზით ისინი მუდამ შეძლებდნენ დამატებითი ძალების გადასროლას ინდოეთში. ამგვარად, ძალიან საეჭვო იყო ინდოეთში შეჭრილ მოკავშირეთა არმიის შენდგომი პერსპექტივა, მისი წარმატების შესაძლებლობა. ინდოეთის დაქუცმაცება ფეოდა-

ლურ სამთავროებად, ტომურ, რელიგიურ-თემურ ერთეულებად და ურთიერთისადმი მტრულად განწყობილ კასტებად ხელსაყრელი არ იყო ლაშქრობის ორგანიზაციისათვის და წარმატებისათვის. იგი სერიოზულ დაბრკოლებას შეუქმნიდა მას და მოკავშირეებს არ მისცემდა შესაძლებლობას აქტიურად ჩაებათ ინდოელები საკუთარი ქვეყნის „განთავისუფლებისათვის“ ბრძოლაში.

დასასრულ, უნდა აღინიშნოს, რომ გამორიცხული არ იყო მოკავშირეთა შორის კონფლიქტის აღმოცენების შესაძლებლობა ინდოეთისათვის ბრძოლის პროცესში. ფრანგებს, როგორც უკვე აღნიშნული იყო, ინდოეთის დაპყრობა, გაძარცვა და მასზე საკუთარი ბატონობის დამყარება სურდათ. მათ განზრახვაში არ შედიოდა ამ ქვეყნის ძარცვა-გლეჯის საქმეში რუსი მოკავშირეების თანამონაწილეობა. „განთავისუფლებულ“ ინდოეთზე საფრანგეთ-რუსეთის Condominium-ის დაწესებას, ყოველივე ამის გამო, ეფემერული ხასიათი ექნებოდა. მოკავშირეთა პირველ დროებით წარმატებას ასეთ ვითარებაში, თუ ასეთ წარმატებას საერთოდ აღგილი ექნებოდა, მალე სრული მარცხი უნდა მოჰყოლოდა. ლაშქრობის ფინალური აქტის შესახებ კი, როგორც უკვე აღნიშნული იყო, საფრანგეთ-რუსეთის 1801 წლის პროექტი პასუხს არ იძლეოდა.

რუსეთ-საფრანგეთის განზრახული თანამშრომლობა ინდოეთიდან ინგლისელთა განდევნის საქმეში გარეგნულად მათი პოლიტიკური და სამხედრო კავშირის გამოხატულებას წარმოადგენდა, მაგრამ სინამდვილეში ეს ასე როდი იყო.

ჩვენ ვერ გავიზიარებთ ს. ოკუნის შეხედულებას იმის შესახებ, რომ 1801 წლის დასაწყისისათვის რუსეთსა და საფრანგეთს შორის, თითქოს, უკვე მიღწეული იყო გულთბილი კავშირი. თუ მხედველობაში არ მივიღებთ ამ კავშირ-მეგობრობის სურვილის გარეგნულ დემონსტრაციას საფრანგეთის მხრივ, სინამდვილეში ასეთი მეგობრული კავშირი ჯერ კიდევ არ იყო მიღწეული. ამიტომ „ინდოეთის საკითხს“, კერძოდ ერთობლივ ლაშქრობას ინდოეთში, მისი წარმატების თუ წარუმატებლობის შემთხვევაშიც შეეძლო კვლავ გაეუარესებინა მათ შორის ურთიერთობა და ხელი შეეშალა მათი დაახლოების წარმატებით დაგვირგვინებისათვის.

ინდოეთზე ერთობლივი ლაშქრობის წარმატების შემთხვევაშიაც კი რუსეთს არ შეეძლო რაიმე არსებითი სარგებლობა მიეღო მის შედეგად. ინგლისისათვის მახვილის ჩაცემის სამხედრო-სტრატეგიული მოსაზრების გარდა ინდოეთზე ლაშქრობაში მონაწილეობის მიღება რუსეთის მხრივ ამ ქვეყნის სასიცოცხლო ინტერესებიდან არ გამომდინარეობდა. მას სერიოზული სახელმწიფოებრივი მოტი-

ვები არ ედო საფუძვლად. გამომდინარე აქედან, ჩვენ ვფიქრობთ, რომ რუსეთის მხრივ ინდოეთზე ლაშქრობაში მონაწილეობა არ იქნებოდა გამართლებული და სათანადოდ ანაზღაურებული. ამ ლაშქრობის ნაყოფით ისარგებლებდა მხოლოდ საფრანგეთი, გამოიყენებდა რა რუსეთის ტერიტორიას, მის ცოცხალ ძალას და მატერიალურ რესურსებს თავისი აგრესიული მიზნისათვის.

ვითვალისწინებთ რა ზემოაღნიშნულს, ჩვენ ცალმხრივ, სავარაუდოდ და ნაკლებ დასაბუთებულ მოსაზრებებად მიგვაჩნია ინდოეთზე რუსეთ-საფრანგეთის ერთობლივი ლაშქრობის პროექტის ხასიათის შესახებ ისტორიულ ლიტერატურაში დღემდე არსებული ურთიერთსაწინააღმდეგო შეხედულებები. ეს პროექტი თავის დროზე მართლაც შემუშავდა პარიზისა და პეტერბურგის მთავრობათა დაახლოების პროცესში 1800—1801 წლების მიჯნაზე. იგი საფრანგეთისა და რუსეთის მთავრობათა თანამშრომლობის შედეგს წარმოადგენდა, თუმცა თვით თანამშრომლობის ხასიათი და წასშტაბი არ არის ჯეროვნად გარკვეული. პროექტი სამხედრო-სტრატეგიული თვალსაზრისით არ ატარებდა უაზრო, ფანტასტიურ და ზერელე ხასიათს და, ამდენად, არ წარმოადგენდა შემთხვევითი პირების „ნამოღვაწარს“, „ნაღრძობი“ ტენის პროდუქტს. მაგრამ, ამავე დროს იგი არ შეიძლება მიჩნეულ იქნეს სრულყოფილ, უნაკლო, გენიალური ხასიათის დოკუმენტად, გენიალური სანაიდრო-სტრატეგიული ჩანაფიქრის ანსახად. ამ პროექტს ჰქონდა ზოგიერთი არსებითი ხარვეზი და ნაკლი. მასში გათვალისწინებული არ იყო გამიზნულ ლაშქრობასთან დაკავშირებული ზოგიერთი მნიშვნელოვანი გარემოება, მიფუჩეჩებული იყო ცალკეული სიძნელეები. აღნიშნულის გამო გამორიცხული არ იყო ამ ლაშქრობის მარცხი, თუ იგი მხოლოდ მოცემული პროექტის ვარაუდებს დაეყარებოდა და საკირო ცვლილებები არ იქნებოდა მასში შეტანილი.

ს. ოკუნის, ე. ბურჯალოვის და, რამდენადმე, ვ. ანტიუხინას ზემოპოტანილი შეხედულება პავლეს მიერ 1801 წლის თებერვალში წამოწყებული ლაშქრობის შესახებ, რომლის მიხედვითაც ეს ლაშქრობა მიჩნეულია ერთობლივი ლაშქრობის გეგმის ვარიანტად, რუსეთის ეკონომიური და სამხედრო-სტრატეგიული ინტერესებიდან გამომდინარე სერიოზულად და საფუძვლიანად მომზადებულ წამოწყებად,—არ მიგვაჩნია ჯეროვნად დასაბუთებულად. ასევე არ შეგვიძლია გავიზიაროთ მათივე აზრი იმის შესახებ, თითქოს, პავლეს სიკვდილს რომ ხელი არ შეეშალა, ეს ლაშქრობა თავის და-

ნიშნულებას შეასრულებდა და რუსეთის მოლაშქრე არმია ინდოეთამდე მიაღწევდა.

ს. ოკუნის შეხედულება ინდოეთზე 1801 წლის დასაწყისის ლაშქრობის ხასიათის შესახებ, ჩვენი აზრით, წინააღმდეგობის შემცველია. ერთის მხრივ, იგი ამტკიცებს, რომ აღნიშნული ლაშქრობა ინდოეთზე გათვალისწინებული ერთობლივი ლაშქრობის პროექტიდან გამომდინარეობდა და მის პრელუდიას წარმოადგენდა. ამავე დროს იგი დასძენს: ამ ლაშქრობით პავლეს სურდა არა მარტო ინგლისისათვის მიეყენებინა ზიანი, არამედ ჩაეშალათ თვით საფრანგეთის გეგმები ინდოეთის მიმართ; ამ ლაშქრობას სავაჭრო გზა უნდა გაეხსნა ინდოეთამდე და ერთობლივი ლაშქრობის მოწყობამდე ინდოეთში რუსეთის პოზიციები უნდა გაემტკიცებინაო.

როგორ შევათავსოთ ეს მსჯელობა სინამდვილესთან? თუ ერთობლივი ლაშქრობა, მართლაც ეწყობოდა, მაშინ რაღა საჭირო იყო რუსეთის არმიის დამოუკიდებელი ლაშქრობა. თუ რუსეთ-საფრანგეთის მეგობრული კავშირი უკვე რეალობას წარმოადგენდა, მაშინ რით უნდა აეხსნათ რუსეთის იმპერატორის მტრული ნაბიჯი მისი მოკავშირისა და მეგობრის მიმართ. ცხადია, აქ ბევრი ისეთი საკითხი წამოიჭრება, რომელზედაც პასუხის გაცემა არც თუ ისე ადვილია, როგორც ამას ს. ოკუნი ფიქრობს.

ჩვენ კი ვფიქრობთ, რომ აღნიშნული ლაშქრობა ინდოეთისაკენ არ შეიძლება მიჩნეულ იქნეს საკმაოდ გააზრებული და უეჭველი წარმატების პერსპექტივების მქონე სამხედრო-სტრატეგიული ოპერაციის გეგმად. ჩვენ ვიზიარებთ ა. ნაროჰნიცკის ზემომოტანილ აზრს ამ ლაშქრობის ქიმიერული ხასიათის შესახებ. ამავე დროს, ჩვენ ეს ლაშქრობა არ მიგვაჩნია რუსეთ-საფრანგეთის ინდოეთზე ერთობლივი ლაშქრობის პროექტის სისრულეში მოყვანის ცდად. ჩვენი აზრით, პირიქით, ეს სალაშქრო წამოწყება იმის მომასწავებელი იყო, რომ ერთობლივი ლაშქრობის პროექტის რეალიზაცია შეფერხდა ან უფრო ხელსაყრელი მომენტისათვის გადაიდო. მოცემული პროექტის განხორციელება კი პრაქტიკულად შეუძლებელი გახდა ალბათ, თვით ამ პროექტის სირთულის, სარისკო ხასიათისა და რუსეთ-საფრანგეთის კავშირის პერსპექტივების გაურკვეველობის გამო. სწორედ ამიტომ რუსეთში საჭირო გახდა ლაშქრობის ახალი გეგმის შემუშავება ახალი მარშრუტით, საფრანგეთის თანამშრომლობის გარეშე. აქედან გამომდინარე, ჩვენ ეს ლაშქრობა მიგვაჩნია რუსეთის სებატურატულ ნაბიჯად, რუსეთის ისეთ სამხედრო-სტრატეგიულ წამო-

წყებად, რომელსაც მხოლოდ იდენის მხრივ აჩნდა ფრანგული კვალი, მაგრამ არ ყოფილა შეთანხმებული საფრანგეთის მთავრობასთან.

გარდა სამხედრო-სტრატეგიული მოსაზრებებისა, რუსეთის სეპარატულ ლაშქრობას ინდოეთში 1801 წლის დასაწყისში, არ შეიძლებოდა ჰქონოდა სერიოზული ეკონომიური და პოლიტიკური სარჩული. ინდოეთში შექრისა და ამ ქვეყნიდან ინგლისელთა განდევნის განზრახვა უმთავრესად ინგლისზე ზემოქმედების მოსახდენად გამიზნული დივერსიული წამოწყება იყო. მას ინგლისი უნდა აეძულებინა ან სავსებით აეღო ხელი რუსეთის წინააღმდეგ განზრახულ ომზე, ანდა, უკიდურეს შემთხვევაში, შეენელებინა თავისი აქტივობა ბალტიის ზღვის აუზში. ინდოეთამდე მიღწევა და ინგლისელთა განდევნა აზიის ამ რაიონიდან ლაშქრობის მაქსიმალურ სამხედრო-სტრატეგიულ მიზანს არ შეადგენდა. ინდოეთში ფეხის მოკიდების შემდეგ პავლე I-ის მთავრობას განზრახული ჰქონდა გაეხსნა ეს ქვეყანა რუსეთის ვაქრობისათვის და რუსეთის საქონლის ბაზარ ექცია იგი. როგორც პავლე I-ის მიერ გენერალ ორლოვისადმი გაგზავნილ (1801 წლის 12 იანვრის თარიღით) წერილიდან ჩანს ერთი შეხედვით იგი ინდოეთის ბაზართან ერთად ამ ქვეყნის სიმდიდრის ხელში ჩაგდებაზედაც ოცნებობდა. „Все богатства Индии будут нам наградою за сию экспедицию“, — როგორც თვითონ წერს პავლე ამ წერილში. მაგრამ კითხვა ისმება, შეეძლო თუ არა რუსეთს ამ ამოცანების გადაწყვეტა, გამომდინარეობდა თუ არა აღნიშნული მისწრაფებები რუსეთის გაბატონებული კლასების საარსებო მოთხოვნილებებიდან?

XVIII საუკუნის მეორე ნახევარში რუსეთს ჯერ კიდევ არ გააჩნდა ინდოეთთან რამდენადმე მნიშვნელოვანი სავაჭრო-ეკონომიური ურთიერთობა. პოლიტიკურ და კულტურულ ურთიერთობას ამ ქვეყანასთან მხოლოდ სპორადული და შემთხვევითი ხასიათი ჰქონდა. ამავე დროს ინდოეთი რუსეთისაგან დიდი მანძილით იყო დაშორებული. მათ შორის არც ზღვით და არც ხმელეთით რეგულარულ მიმოსვლას ადგილი არ ჰქონია. ამ ორ ქვეყანას შორის მდებარეობდნენ ჯერ კიდევ დამოუკიდებელი მუსლიმანური სახელმწიფოები და სამთავროები, რომლებიც თავის მხრივ სერიოზულ დაბრკოლებას წარმოადგენდნენ მათ შორის რეგულარული ურთიერთობისათვის. გარდა ამისა ინდოეთი ხომ ინგლისის დაპყრობებისა და ძარცვის ობიექტს წარმოადგენდა.

ასეთ პირობებში ძნელი წარმოსადგენია, რომ სამხედრო დივერსიასთან ერთად რუსეთის ცარიზმს ინდოეთის დაპყრობის კონ-

კრეტული ამოცანა დაესახა. ასეთი ამოცანის გადაწყვეტას მაშინ წინ ეღობებოდა ბევრი ანგარიშგასაწვევ, სეროიზული დაბრკოლება.

პავლე I-ის წინა მორბედი ეკატერინე II, მართლაც, დაინტერესებული იყო ინდოეთთან ვაჭრობის გაფართოებით, რადგანაც ხედავდა მის უმნიშვნელო მოცულობას. მას განზრახვა ჰქონდა ინდოეთთან სავაჭრო ურთიერთობა დაემყარებინა სახმელეთო გზით, სპარსეთის ტერიტორიის გამოყენებით. მას ამასთან დაკავშირებით მოლაპარაკებაც კი ჰქონდა სპარსეთის მთავრობასთან ინდოეთამდგე სატრანზიტო გზის დათმობის შესახებ. მაგრამ ეკატერინეს, რომელიც ბევრ „მრთუგვარებელ საქმეებს“ აგვარებდა და ომებს აწარმოებდა, ფიქრადაც არ მოსვლია ინდოეთის დაპყრობა. პირიქით, მას ხშირად უყვარდა თქმა: „რუსეთს საკმაოდ გააჩნია მიწები და ბუნების ნაწარმი იმისათვის, რომ არ დასჭირდეს დაპყრობების წარმოება ინდოეთში“¹.

ამასთან დაკავშირებით უნდა აღინიშნოს, რომ რუსულ რევოლუციამდელ ისტორიოგრაფიაში, ინგლისური ისტორიოგრაფიის ზეგავლენით გავრცელებული შეხედულება იმის შესახებ, თითქოს მეფის რუსეთი (პეტრე I-ის დროიდან მოკიდებული), ისტორიულად ისწრაფოდა ინდოეთისაკენ, მოკლებულია საუუქველს. მართალია, რუსეთის მეფეები, სასახლის წრეები, მემამულეები და სამხედრო კამარბილა დრო და დრო ელოლიავებოდნენ ინდოეთის სიმდიდრისა და ბაზრის ხელში ჩაგდების გეგმებს, მაგრამ ეს მხოლოდ სურვილების სფეროს მიეკუთვნებოდა. იგი მანამდე ამ ქვეყნის დაპყრობის კონკრეტულ ცდაში არ გადაზრდილა, არც ეკონომიურ-სავაჭრო და სამხედრო-სტრატეგიული ინტერესები და მოსაზრებები არ ამოქმედებდა მეფის რუსეთს XIX საუკუნის შუალედამდე იმდენად, რომ ინდოეთის დასაპყრობად მას რეალური ნაბიჯები გადაედგა. აზრს ინდოეთის მიმართ რუსეთის ვითომდა დაპყრობითი ზრახვების შესახებ თვით ინგლისის გაბატონებული კლასები და კოლონიზატორული მთავრობები ავრცელებდნენ. ამით მათ სურდათ დაეფარათ თავიანთი აგრესიული პოლიტიკა აღმოსავლეთში და აღმოსავლეთის ხალხების დამკველის ნიღბით შემოსილიყვნენ. მხოლოდ XIX საუკუნის მეორე ნახევრიდან, — როდესაც რუსეთი დამკვიდრდა ამიერკავკასიაში, თავის გავლენას დაუქვემდებარა ირანი, ფეხი მოიკიდა შუა აზიაში და მიუახლოვდა ავღანისტანს, თანაც

¹ Н. Фирсов, Правительство и общество в их отношениях к внешней торговле России в царствование Екатерины II, Казань, 1902, гл. 309.

მნიშვნელოვნად გაადიდდა სამრეწველო საქონლის ექსპორტი ახლო აღმოსავლეთში, — რეალურად შეიძლებოდა აღმოცენებულიყო ინდოეთის საკითხი და პრაქტიკულად დასმულიყო დღის წესრიგში ინდოეთის დაპყრობის ამოცანა. მანამდე კი, თვით პავლე I-ის გეგმები ინდოეთის მიმართ არ ემყარებოდა რუსეთის მემანუღეთა და მსხვილ ვაჭართა რაიმე სერიოზულ „მოთხოვნილებებს“ და ინტერესებს. რუსეთ-აზიის კომპანიის შექმნა პავლე I-ის მიერ, რის შესახებაც მოგვითხრობს ს. ოკუნე, არავითარ შემთხვევაში არ მოასწავებდა რუსეთ-ინდოეთს შორის ფართო სავაჭრო ურთიერთობის არსებობის განოსატულებას. პირველ ყოვლისა, ეს კომპანია უმთავრესად წინა აზიისა და შუა აზიისათვის იყო შექმნილი, მეორეც, მას მიზნად ჰქონდა დასასული მომავალში დაემყარებინა ის ურთიერთობა ინდოეთთან, რომელიც იმგნად არ არსებობდა.

სანხედრო-სტრატეგიული თვალთახედვითაც 1801 წლის ლაშქრობას ვერ მივიჩნევთ მომზადებულ და წარმატების პერსპექტივის მქონე წამოწყებად. პროექტში გათვალისწინებული მარშრუტი — ორენბურგი, იმიერკასპია, ხივა და ბუხარა, — რომლითაც უნდა განხორციელებულიყო ინდოეთში შეჭრა, ერთი შეხედვით, თითქოს, სავაჭრო მოსასრებებთან იყო დაკავშირებული, მაგრამ ეს მარშრუტი სრულიადაც არ წარმოადგენდა ამ ლაშქრობის წარმატების თვალსაზრისით გონივრულად შერჩეულ მარშრუტს, როგორც ეს ზოგიერთებს მიაჩნიათ. უნდა ვივარაუდოთ, რომ კახაკთა ცხენოსანი ლაშქარი მცირე არტილერიითურთ (სულ 22 ათას კაცამდე) სრულიად არ იყო საკმარისი იწისათვის, რომ მოცემულ ვადაში წარმატებით დაეძლია შორეული მარშრუტის სიძნელებები და ბრძოლისუნარიანი მისულიყო მდ. ინდის ნაპირებამდე. ზურგს მოწყვეტალი, კომუნიკაციებს მოკლებული რუსეთის არმია ინდოეთში შეჭრისთანავე, საჭირო შესვენება-შევსების გარეშე იძულებული იქნებოდა ბრძოლაში ჩაბნულიყო ინგლის-სიპაელთა არმიის წინააღმდეგ. გაუწვდიდა კი მას ხელს საფრანგეთი? ამაზე პასუხის გაცემა ძნელია. ეგვიპტეში დამკვიდრების შემთხვევაშიც კი საფრანგეთს არ შეეძლო თავისი ძალები გადაესროლა ინდოეთში, ვინაიდან ეს გადასროლა უნდა განხორციელებულიყო ზღვით. ძლიერი ფლოტი ხმელთაშუა ზღვაზე (აბუჯირის კატასტროფის შემდეგ) საფრანგეთს არ გააჩნდა, ინგლისი კი კვლავინდებურად ბატონობდა ზღვებზე. ამასთან ერთად პავლე I-ის ლაშქრობა არ ითვალისწინებდა საფრანგეთის თანამშრომლობას რაიმე სახით. არ იყო გამორიცხული ინდოელ ტომთა ნაწილის გადაბირება და გადასვლა რუსთა მხარეზე, მაგრამ ეს შეიძლებოდა მომხდარიყო

ცოტა უფრო გვიან, როცა რუსეთის არმია უკვე მოიპოვებდა პირველ წარმატებებს ინდოეთში.

ინგლისელთა განდევნის შემთხვევაშიც კი რუსეთი ვერ დამკვიდრდებოდა ინდოეთში და ვერ დაამყარებდა თავის ბატონობას მის ხალხზე და მიწა-წყალზე. პირველ ყოვლისა, ამას ხელს შეუშლიდა გეოგრაფიული სიშორე და საზღვაო გზით ინდოეთთან ურთიერთობის დამყარების შეუძლებლობა. მეორეს მხრივ, ინგლისის დამარცხების შემთხვევაში, თვით საფრანგეთი არაფითარ შემთხვევაში არ დაუშვებდა რუსეთის ბატონობის დამყარებას ინდოეთზე და ეცდებოდა მის უმოკლეს დროში გამოძევებას ამ ქვეყნიდან. ამგვარად, ჩვენი აზრით, ამ ლაშქრობას არ შეიძლებოდა ჰქონოდა რუსეთისათვის დიდი პერსპექტივები და წარმატება.

დასასრულ, ორიოდ სიტყვით რუს კაზაკთა ლაშქრობის მარშრუტის ავკარგიანობის შესახებ.

ეს მარშრუტი, როგორც უკვე აღვნიშნავდით, უფრო გრძელი იყო, ვიდრე ერთობლივი ლაშქრობის გეგმით გათვალისწინებული მარშრუტი. კაზაკთა ცხენოსან ლაშქარს უნდა გაეგლო გრძელი გზა: დონის ნაპირებიდან ვოლგამდე, ვოლგიდან ორენბურგამდე, ორენბურგიდან იმიერკასპიის ტერიტორიამდე, იმიერკასპიიდან ხივამდე, ხივიდან ბუხარამდე, ბუხარიდან ავღანისტანამდე, ავღანისტანიდან ინდის ნაპირებამდე. ამ გრძელ გზაზე რუსეთის ლაშქარს უნდა გადაეღაზა რამოდენიმე დიდი მდინარე, ავღანისტანის მთიანეთი, ხაიბერის და ბოლანის გადასასვლელები, უწყლო, ქვიშიან უდაბნოთა დიდ სივრცე. კლიმატის და რელიეფის მრავალფეროვნებას, უდაბნოების დიდი სივრცის დაძლევის სიძნელეებს ლაშქრობის გეგმა და პავლეს განკარგულებები მხოლოდ ზოგადად ითვალისწინებდა. ამ სიძნელეებთან ერთად მარშრუტის ზონაში რუსეთის ლაშქარს სხვა დაბრკოლებებიც შეხვდებოდა. კერძოდ სავსებით მოსალოდნელი იყო ხივის და ბუხარის ემირების მტრული გამოსვლა და ავღანისტანის მომთაბარე ტომთა პერიოდული თავდასხმები თვით ინდის ნაპირებამდე. ლაშქრობის პირველმა ნაბიჯებმა ვოლგამდე, ვოლგიდან კი ორენბურგამდე, კაზაკთა არმიას უკვე შეუქმნა სერიოზული სიძნელეები. ეს სიძნელეები და მათგან წარმომდგარი დაბრკოლებები კი თანდათანობით გაიზრდებოდა გზადაგზა შემდგომ წინსვლასთან დაკავშირებით, რაც ჩაშლის წინაშე დააყენებდა მთელ წამოწყებას.

ამგვარად, საფრანგეთ-რუსეთის ინდოეთზე ლაშქრობის 1800 წლის პროექტი და მისი სისრულეში მოყვანის ინიციატივა საფრანგეთს ეკუთვნოდა, თუმცა მის შემუშავებაში პავლე I იღებდა

მონაწილეობას. ეს პროექტი იყო საფრანგეთის ბურჟუაზიის მისწრაფების გამოხატულება გამოქვეყნებინა აღმოსავლეთიდან, კერძოდ კი ინდოეთიდან მისი დაუძინებელი მტერი, ინგლისი და თვით დაემყარებინა თავისი ბატონობა ამ ქვეყანაზე. ნაპოლეონ ბონაპარტის განზრახვა—განეხორციელებინა ლაშქრობა რუსეთის მონაწილეობით—მიზნად ისახავდა რუსეთის ცოცხალი ძალის, ტერიტორიის და რესურსების გამოყენებას, რუსეთ-ინგლისის საბოლოოდ წაქიდებას, რუსეთის ყურადღების შესუსტებას ევროპული პრობლემებისადმი და მისი აგრესიის წარმართვას აღმოსავლეთისაკენ. ეს პროექტი, რომლის შემუშავებაში ნაპოლეონისა და პავლეს მონაწილეობის მასშტაბის საკითხი არ არის საესებით გარკვეული, არ წარმოადგენდა უნაკლოს და სტრატეგიულად გენიალური ჩანაფიქრის სწორუპოვარ განსახიერებას. ამიტომ მისი წარმატების პერსპექტივები საკმაოდ საეჭვო იყო. თვით ამ პროექტის სისრულეში მოყვანის სიძნელეებმა და რუსეთ-საფრანგეთის ინტერესთა მოურიგებლობამ ჩაშალა მისი განხორციელების შესაძლებლობა. პავლე I-ის მიერ 1801 წლის თებერვალში განზრახული ლაშქრობა რუსეთის სეპარატული ნაბიჯი იყო და სამხედრო დივერსიას წარმოადგენდა. ეს ლაშქრობა, რომელიც ნაჩქარევ და ნაკლებად მომზადებულ ხასიათს ატარებდა, მიზნად ისახავდა ინგლისისათვის მახვილის ჩაცემას მის პერიფერიაში და მისი საომარი გეგმების ჩაშლას ბალტიის ზღვის აუზში.

თ ა ვ ი X I

საფრანგეთ-რუსეთის კავშირის განუხორციელებლობა. პაპლე I-ის მკვლელობა

1. კავშირ-შეგობრობის თაობაზე რუსეთ-საფრანგეთის მოლაპარაკებების წარუმატებლობა

ომამდელი ურთიერთობის აღდგენისა და მეგობრული კავშირის დამყარების შესახებ რუსეთსა და საფრანგეთს შორის წარმოებული მოლაპარაკებების მიმდინარეობის ანალიზი საშუალებას გვაძლევს დავასკვნათ, რომ საფრანგეთის მთავრობის პოზიციამ აღნიშნული მოლაპარაკებების პროცესში ერთგვარი ცვლილება განიცადა. ეს ცვლილება იმ გამარჯვებათა შედეგი იყო, რომლებიც საფრანგეთმა მოიპოვა ავსტრიაზე მარცხთან და ჰოლანდიისგან ბრძოლებში, რასაც მოჰყვა ლუნევილის საზავო ხელშეკრულების დადება¹.

¹ ლუნევილის საზავო ხელშეკრულება დაიდო საფრანგეთსა და ავსტრიას შორის 1801 წლის 28 იანვარს (9 თებერვალს). ამ ხელშეკრულების მთავარი და არსებითი პუნქტების თანახმად:

1) საფრანგეთ-გერმანიის საზღვრად წესდებოდა მდინარე რაინი, ხოლო რაინის მარჯვენა ნაპირზე მდებარე სიმაკრეები უნდა დანგრეულიყო;

2) რაინის მარცხენა ნაპირის გერმანელ მთავრებს, რომელთა სამფლობელოები საფრანგეთის ხელში გადადიოდა, ეძლეოდათ ანაზღაურება იმპერიის სასულიერო სამფლობელოთა სეკულარიზაციის ხარჯზე;

3) იტალიაში ავსტრიის სამფლობელოების საზღვრად წესდებოდა მდინარე ადიჯე;

4) პარმის და მოდენის სამფლობელოები უერთდებოდა ციხალპინის რესპუბლიკას და ტოსკანა-პარმის საჰერცოგოს; ტოსკანის დიდ ჰერცოგს და მოდენის ჰერცოგს ანაზღაურება ეძლეოდათ გერმანიაში.

რაში გამოიხატა ეს ცვლილება?

სანამ ავსტრიასთან ოპი გრძელდებოდა, ინგლისი აბალ სუბსიდიებს აძლევდა ვენის სამეფო კარს, თანაც რუსეთთან დასაახლოებლად გადადგმული ნაბიჯების ნათელი პერსპექტივები არ ჩანდა. საფრანგეთის მთავრობა, პირადად ნაპოლეონ ბონაპარტი გარეგნულად უფრო დამთმობნი იყვნენ. მარენგოსთან და ჰოჰენლინდენტანთან ავსტრიელებზე მოპოვებულმა გამარჯვებებმა, რომელთა შედეგადაც ავსტრია იძულებული გახდა მისთვის დამამცირებელ სამშვიდობო ხელშეკრულებაზე წასულიყო, შეცვალა საფრანგეთის მთავრობისა და დიპლომატიის აღნიშნული განწყობილება. პირველმა კონსულმა ნაპოლეონ ბონაპარტმა, როგორც კი „თავი ქუდში იგრძნო“, მყისვე შეატრიალა გეზი, მშვიდობისმოყვარის ნილაზი ჩამოიხადა და უფრო გაბედულად დაიწყო მოქმედება.

ლუნევილის სამშვიდობო ხელშეკრულების დადების შემდეგ, რასაც მოჰყვა ავსტრიის ომიდან გამოსვლა, საფრანგეთის პირველი კონსული უფრო რიხით და ნაკლები დათმობის სურვილით განაგრძობს დაწყებულ მოლაპარაკებას რუსეთთან.

როდესაც 1801 წლის იანვარში პავლემ მორიგი წერილი გაუგზავნა ნაპოლეონ ბონაპარტს, რომლითაც თხოვდა მას ბალტიის ზღვის აუზში ინგლისის მოსალოდნელი აგრესიის ჩასაშლელად მოეწყო დივერსია და ინგლისის ნაპირებზე დესანტი გადაესხა¹, ნაპოლეონის მიერ ეს წერილი კარგა ხანს უპასუხოდ იქნა დატოვებული. როცა ნაპოლეონ ბონაპარტმა მიოლოდ ერთი თვის შემდეგ (რესპუბლიკის IX წელს — 1801 წლის 15/27 თებერვალს) საპასუხო წერილი გაუგზავნა რუსეთის იმპერატორს, ეს პასუხი უკვე აღარ იყო ძველებურად „ვულთბილი“ და მეგობრული².

წერილში საფრანგეთის პირველი კონსული აცნობებდა რუსეთის იმპერატორს, რომ მან უკვე გადადგა პრაქტიკული ნაბიჯები ფლოტისა და ჯარის თავმოსაყრელად ფლანდრიისა და ბრეტანის სანაპიროზე ინგლისში შექრის განსახორციელებლად.

აღნიშნული ხელშეკრულებით ავსტრია ხელს იღებდა პრეტენზიებისაგან ზალცბურგის მიმართ, სცნობდა ბატავიის, ჰელვეციის, ციხალპინის და ლიგურიის რესპუბლიკებს. პაპის, მისი ოლქის და სარდინიისა და ნეაპოლიტანიის სამეფოების შესახებ ხელშეკრულებაში არაფერი არ იყო თქმული. იხ. *Д. М. И. Х. Т. У. В.*, დასახ. ნაშრ.. ტ. 2, გვ. 531—532; *Ф. М. А. Р. Т. Е. С.*, დასახ. კრებ., ტ. 7, გვ. 538.

¹ Сб. ПИО, ტ. 70, გვ. 38—41.

² იქვე.

რიხით ლაპარაკობს რა ნეაპოლიტანიის სამეფოს შესახებ, იგი ამ სამეფოს მთავრობისაგან მოითხოვს თავის ნავსადგურებში მყოფ ინგლისელთა გემებზე ემბარგოს დადებას, თანაც აზივნებს მას ამ სამეფოს საზღვარზე განლაგებული ერთი დივიზიით. ნაპოლეონი, ვითომდა ხმელთაშუა ზღვის აუზში ინგლისელთა წინააღმდეგ ერთობლივი ღონისძიებების განხორციელების საბაბით, რუსეთისაგან მოითხოვდა თანხმობას თავის გადაწყვეტილებასზე: მოეხდინა ნეაპოლის სამეფოს ნავსადგურების ოკუპაცია. თუმცა, ამასთან ერთად, რუსეთის იმპერატორს თვალთმაქცურად სთავაზობდა ნეაპოლის ერთ-ერთ ნავსადგურს რუსეთის „გარნიზონის ჩასაყენებლად. სურდა რა საბოლოოდ წაეკიდებინა ერთი მეორისათვის ინგლისელები და რუსები და ეს უკანასკნელები თავის იარაღად გამოეყენებინა, ნაპოლეონ ბონაპარტი „მეგობრულ“ რჩევას აძლევდა პავლეს, რომ მას თავისი ჯარით, საფრანგეთში მყოფი რუსი ტყვეების რაზმით, დროებით დაეკავებინა ჰანოვერის ნავსადგური. ნაპოლეონი თანახმა იყო ამ მიზნისათვის ერთი ფრანგული დივიზიაც გამოეყო. ამავე ღონისძიებებით ნაპოლეონს განზრახვა ჰქონდა სავსებით დაეკეტა ინგლისელებისათვის ევროპასთან ვაჭრობის გზები. დასასრულ, ტკბილი სიტყვებით და დაპირებებით ნაპოლეონ ბონაპარტი ლამობდა მოეგო რუსეთის იმპერატორის გული და დაეჯერებინა იგი ეგვიპტის ფრანგების ხელში დატოვების სასურველობასა და აუცილებლობაში. ამავე დროს ნაპოლეონ ბონაპარტი არწმუნებდა პავლეს: ფრანგები მალე გათხრიან სუეცის არხს, რაც უდიდეს სარგებლობას მოუტანს რუსეთის საგარეო ვაჭრობასო.

ასეთ ვითარებაში იყო რუსეთ-საფრანგეთის ურთიერთობა, როდესაც 1801 წლის მარტის პირველ რიცხვებში პარიზში ჩავიდა რუსეთის საგანგებო და სრულუფლებიანი რწმუნებული დიპლომატი კოლიჩევი. ისტორიულ ლიტერატურაში გავრცელებული შეხედულებით ამ დიპლომატის პირად კონტაქტს საფრანგეთის მთავრობის მესვეურებთან მნიშვნელოვანი როლი უნდა შეესრულებინა რუსეთ-საფრანგეთის შემდგომი დაახლოების საქმეში.

კოლიჩევი პარიზში ჩასვლის მეორე დღესვე იქნა მიღებული ნაპოლეონ ბონაპარტის მიერ. საფრანგეთის პირველმა კონსულმა ამ შეხვედრას განსაკუთრებით საზეიმო და მდიდრული ხასიათი მისცა¹.

¹ Сб. РИО, т. 70, гл. 38—41.

² კოლიჩევი დაახლოებით 48 დღე იმყოფებოდა გზაში. რაინიდან პარიზამდე მას კემშარიტად შეფურ შეხვედრას უწყობდნენ პირველი კონსულისაგან

მან, ამასთან ერთად, არ დაიშურა პირფერობის და მოფერების ხერხებიც, რომ ამით, სპრენგტპორტენის მსგავსად, მოეჯადოებინა რუსეთის ახალი წარმომადგენელი და თავის გავლენის ქვეშ მოექცია იგი¹.

პარიზმა და ნაპოლეონმა, მართალია, გარეგნულად კარგი შთაბეჭდილება მოახდინეს კოლიჩევზე, მაგრამ მან — რუსეთის ფეოდალური არისტოკრატის წარმომადგენელმა პარიზისა და მისი მოსახლეობის ყოფაში ისეთი ნიშნები დაინახა, რომელთაც მასში მხოლოდ ანტიპათია და ზიზღი აღძრეს².

ნაპოლეონ ბონაპარტთან პირველივე შეხვედრამ და საუბარმა, ისევე როგორც მისმა პირველმა შეხვედრამ ტალეირანთან, კოლიჩევი დაარწმუნა, რომ მიმდინარე მოლაპარაკება პარიზში ძნელი საქმე იქნებოდა და შეთანხმება რუსეთსა და საფრანგეთს შორის მალე ვერ დაიდებოდა. მისი აზრით პარიზში მოლაპარაკების პროცესში გულწრფელობას არ იჩენდნენ, გარეგნული პატივისა და სიტყვიერი დაპირებების მიუხედავად თავიანთ ნამდვილ ზრახვებს ოსტატურად მალავენ და რუსეთთან შეთანხმების საქმიან სურვილს არ ამჟღავნებდნენ. დაკისრებული მისიის ასეთი შეფასება კოლიჩევის მიერ, მიუხედავად იმისა, რომ მასში გამოსკვივის რუსი არისტოკრატისათვის აკვიატებული სიძულვილი

წინასწარ გაფრთხილებული სამხედრო და სამოქალაქო ხელისუფალი. ამ შეხვედრების შესახებ კოლიჩევი თვით იძლევა ცნობებს თავის რედაქციებში ჰაველ I-სადმი და წერილში ტალეირანისადმი. კოლიჩევს, სანამ იგი პარიზში ჩავიდოდა, რამოდენიმე დამატებითი ინსტრუქცია და რესკრიპტი გადასცეს კურიერების მეშვეობით. ამ დოკუმენტებით მას აფრთხილებდნენ არ მიეღო პირველი კონსული-საგან რაიმე საჩუქარი, ენერგიულად დაეცა სიცილიის შეფის ინტერესები (1801 წლის 8 იანვრის რესკრიპტი), მოლაპარაკებოდა ნაპოლეონ ბონაპარტს ინგლისის წინააღმდეგ ერთობლივი მოქმედების შესახებ და მხარი დაეკირა ვიურტემბერგის ჰერცოგის მოთხოვნებისათვის (1801 წლის 4 თებერვლის რესკრიპტი), მოლაპარაკების დროს მხედველობაში მიეღო ბავარიის კურფიურსტის მდგომარეობა (1801 წლის 18 თებერვლის რესკრიპტი), საფრანგეთის მთავრობისაგან მოეთხოვა სამართლიანი ანახლაურება მიეცა მალტის ორდენის გერმანიის საპრიოროსათვის (1801 წლის 6 მარტის რესკრიპტი) და სხვ. იხ. Архив ВПР. ф. „МВД, Капцелярия“, д. 8945, лл. 2, 4—10, 11; С6. РИО, т. 70, гл. 29—30, 33—35, 36—37, 669.

¹ Ф. Мартене, დასახ. კრებ., ტ. 13, გვ. 253.

² „Le Promeil Consul, — წერდა კოლიჩევი, — est veriteblement un grande homme. Il fait bonheur de la France...“. „Paris n'est pas ce qu' il a ité; les anciennes familles sont maussades et depravées et de mauvais tou“. იხ. М. Бодо-Колычев, Боярский род Колычевых, М., 1886, гл. 363.

რევოლუციის მიერ შეცვლილი საფრანგეთის, მისი პოლიტიკური სისტემისა და ცხოვრებისადმი, მაინც მეტყველებს მის დაკვირვების უნარზე და დაკისრებული მისიისადმი სერიოზულ დაძოკიდებულებაზე.

პირველი კონსულის ხელისუფლება არ არის მტკიცე. ნაპოლეონ ბონაპარტის მთავარ მიზანს შეადგენს ომის გაგრძელება და მით არძიისა და გენერალიტეტისათვის „საქმის გაჩენა“. ამაზეა დამოკიდებული ნაპოლეონის პირადი ხელისუფლების განმტკიცება. განსაკუთრებული პატივისა და სიტყვიერი დარწმუნებების მიუხედავად აქ გულწრფელობა არ იჩენენ რუსეთთან დაახლოების საქმეში, ჩვენს მომხრეებს ანგარიშს არ უწევენ და სურთ იარაღად გამოგვიყენონ, ჩაგვაბან ომში ინგლისის და თურქეთის წინააღმდეგ, — წერდა კოლიჩევი პავლეს 1801 წლის 25 თებერვლის (9 მარტის) რელაციაში¹.

საზღვარგარეთელი ბურჟუაზიული ისტორიკოსების ერთი წყება — ა. სორელი, ა. ტიერი, შ. რუ, ჰ. დეიჩი და სხვანი — რუსეთის იმპერატორის შეცდომად თვლიან პარიზის მოლაპარაკების კოლიჩევისათვის დაკისრებას. კოლიჩევი ისინი ხედავენ საფრანგეთის მოძულეს, პანინ-ვორონცოვის დაჯგუფების ერთ-ერთ აქტიურ მომბრეს, რუსეთ-საფრანგეთის შეთანხმების სასტიკ მოწინააღმდეგეს, ზვიადი, ქედმაღალი, მიუხარებელი არისტოკრატის სრულყოფილ ტიპს. შეზღუდულობა, არისტოკრატიული მანერები, ფრანგოფობური განწყობილება და ზვიადობა, მათი აზრით, ხელს უშლიდა კოლიჩევს წესიერად წარემართა დაწყებული მოლაპარაკება და წარმატებით დაეგვირგვინებინა იგი. კოლიჩევს, — აღნიშნავენ ეს ისტორიკოსები, — არ სურდა საფრანგეთ-რუსეთის შეთანხმება, არ სურდა პარიზის მოლაპარაკების სასურველი შედეგებით დამთავრება, ამიტომ იყო, რომ მან უხალისოდ მოჰკიდა ხელი დაკისრებული მისიის შესრულებას და ყველაფერი გააკეთა მის ჩასაშლელად².

ამგვარად, აღნიშნული ისტორიკოსები იმ უმნიშვნელო შედეგებისათვის, რომლებიც პარიზის მოლაპარაკებას ჰქონდა, არსებითად ბრალს სდებენ რუსეთის საგანგებო რწმუნებულს და არა

¹ Сб. РГО, т. 70, кн. 41—42.

² А. Сопелъ, დასახ. ნაშრ., ტ. 6, გვ. 89—91; А. Тьер, დასახ. ნაშრ., ტ. 3, ნაწ. 5, გვ. 66—67; F. Ch. Roux, Angleterre et l'expédition française en Egypte, ტ. 2, გვ. 94; M. Deutsch, დასახ. ნაშრ., გვ. 20.

იმ პოლიტიკურ-ეკონომიური თუ სამხედრო-სტრატეგიული ხასიათის ფაქტორებს, რომელთაც ხელი შეუშალეს საფრანგეთის დიპლომატიის ჩანაფიქრის რეალიზაციას ამ მოლაპარაკების დროს. თუ მხედველობაში არ მივიღებთ ცალკეულ ნიუანსებს, ჩვენ, რა თქმა უნდა ვერ გავიზიარებთ ამ მოსაზრებას. მართალია, კოლიჩევი რუსეთის ფეოდალური არისტოკრატის იმ დაჯგუფების აქტიური წევრი იყო, რომელიც საფრანგეთთან შეთანხმების კურსის წინააღმდეგ ილაშქრებდა, მაგრამ იგი სათანადო ინსტრუქციების მიუხედავად მოქმედებდა, პეტერბურგის მთავრობის კონტროლს ექვემდებარებოდა და თვითნებური აქციის შესაძლებლობას მოკლებული იყო. არა კოლიჩევზე, არამედ უფრო სერიოზულ გარემოებებზე იყო დამოკიდებული პარიზის მოლაპარაკების ბედ-იღბალი, მისი წარუმატებლობა.

ოფიციალური მოლაპარაკება კოლიჩევსა და საფრანგეთის საგარეო საქმეთა მინისტრ ტალეირანს შორის 1801 წლის 12 მარტიდან დაიწყო. ეს მოლაპარაკება მიმდინარეობდა კონფერენციის სახით, რომლის სხდომების ოქმებსაც ორთავე მხარე აწარმოებდა. მოლაპარაკების პროცესში ორთავე მხარის ხელში იყო ხელშეკრულების პროექტები, რომელთა მუხლობრივ განხილვასაც ისინი აწარმოებდნენ თანამიმდევრულად. კონფერენციის საქმიანობის დასაწყისშივე გამოჩნდა რუსეთის და საფრანგეთის პოზიციებისა და შეხედულებათა სერიოზული დაპირისპირება.

რაზე მეტყველებს პარიზში მიმდინარე მოლაპარაკების პროცესი? იგი მეტყველებს, ჩვენი აზრით, იმაზე რომ არცერთ მხარეთაგანს, რომელიც მონაწილეობას იღებდა ამ მოლაპარაკებაში, ოდნავადაც კი არ შეუცვლია თავისი პოზიცია, ხელი არ აუღია საკუთარ თვალსაზრისზე და იმ საგარეო პოლიტიკურ ამოცანებზე, რომელთა რეალიზაციასაც იგი ისახავდა მეორე მხარესთან შეთანხმების შედეგად. მხარეები იცავდნენ და ანგითარებდნენ იმ ხაზს, რომელიც მათ 1800 წლის გაზაფხულისათვის ჰქონდათ შემუშავებული და რომლის საფუძველზედაც გადადგეს სათანადო ნაბიჯები ურთიერთ დაახლოების მიზნით.

რუსეთის თავადაზნაურული მონარქია, საფრანგეთთან შეთანხმებისას მშვიდობიანი გზით იმავე ამოცანების გადაწყვეტას ისახავდა მიზნად, რომელნიც ამოქმედებდა მას მეორე ანტიფრანგულ კოალიციაში მონაწილეობის დროს და რომელნიც გადაუწყვეტელი დარჩა მას ან კოალიციის დაშლის გამო. ეს ამოცანები იყო: 1) უპირატესი, თუ არა ვადამწყვეტი როლის მოპოვება ევროპის მომავალი ბედის განსაზღვრაში და, უპირველეს ყოვლისა,

რუსეთის აშკარა ჩარევა ევროპის ზოგიერთი სახელმწიფოს შინაგან საქმეებში, ზოგიერთთა მიმართ რუსეთის მთავრელობა და მომრიგებლის როლის შენარჩუნება ავსტრია-პრუსიის, საფრანგეთ-ავსტრიის და პრუსია-საფრანგეთის ურთიერთობაში; 2) ფეოდალურ ერთეულებად ქცეულ გერმანიის შინაგან საქმეებში ჩარევა, მისი მეფე-მთავრების ურთიერთობის მოწესრიგებაში გადამწყვეტი როლის უფლების შენარჩუნება¹; 3) გავლენის შენარჩუნება იტალიაში, როგორც ლომბარდიაში, ისე აპენინის ნახევრ კუნძულზე; 4) „საპხრეთის ჯაქვის“ რგოლებისათვის მტკიცედ ხელის ჩაქიდება და ხმელთაშუა ზღვის აუზში პლაცდარმის მოპოვება; 5) აღმოსავლეთის საკითხის თავის სასარგებლოდ გადაწყვეტა და როგორც ინგლისის, ისე თვით საფრანგეთის აგრესიის არ დაშვება ახლო აღმოსავლეთში; 6) საერთო ევროპული დამშვიდება, რასაც ბოლო უნდა მოეღო რევოლუციის ქარტახილისათვის და მით მოესპო გარეშე საფრთხე რუსეთის იმპერიის სოციალური წყობილებისათვის.

ამ საგარეო პოლიტიკური ამოცანების შესატყვისი იყო ის მოთხოვნები, რომლებსაც რუსეთის მთავრობა აყენებდა პარიზის მოლაპარაკების დროს და რომლებიც ფიქსირებული იყო ჩვენს მიერ უკვე წითითებულ დიპლომატიურ დოკუმენტებში (როსტოპჩინის 1800 წლის 8 ოქტომბრის ნოტაში, პავლე I-ის 1800 წლის 29 დეკემბრის ინსტრუქციაში კოლიჩევისადმი და სხვა დამატებით ინსტრუქციებში). ამ დოკუმენტებში კონკრეტულად იყო დასმული საკითხი გერმანიის იმპერიის მომავალი საზღვრების, იტალიის და მალტის მომავალი სტატუსისა და ეგვიპტის სუვერენიტეტის აღდგენის შესახებ. რუსეთის მთავრობა აყენებდა მოთხოვნას, რომ აღნიშნული საკითხები რუსეთის ინტერესების შესაბამისად გადაწყვეტილიყო. ამ მოთხოვნებს და დიპლომატიურ დოკუმენტებს ეყრდნობოდა კოლიჩევი პარიზის მოლაპარაკების

¹ რუსეთის რევოლუციამდელი ისტორიკოსები—დ. მილიუტინი, კ. ვალი-შეესკი, ნ. შილდერი, ა. ტრაჩევსკი და სხვ.—რუსეთის სამეფო კარის განსაკუთრებულ დანიტერესებას და „ზრუნვას“ გერმანიის ზოგიერთი პატარა სახელმწიფოს, კერძოდ ბავარიის კურფიურსტის და ბადენის ჰერცოგის სამფლობელოების ბედისადმი ნათესაური მოტივებით ხსნიან. სინამდვილეში კი, როგორც ცნობილია, ნათესაური მოტივები ცარიზმისათვის მხოლოდ ნიღაბს წარმოადგენდა, რომლითაც იგი მოქმედებდა ამ სახელმწიფოების მიმართ და რომლითაც ფარავდა იგი თავის ნამდვილ რეალურ პოლიტიკას ევროპის ამ ნაწილში.

პროცესში, როდესაც იგი პირველ, მეორე და მესამე კონფერენციებზე ენერგიულ წინააღმდეგობას უწევდა საფრანგეთის დიპლომატიის კონტრმოთხოვნებს¹.

საფრანგეთის მთავრობას და მის მეთაურ ნაპოლეონ ბონაპარტს კი, პირიქით, როგორც უკვე აღვნიშნავდით, სხვა ზრახვები ამოქმედებდათ. ისინი არ მიისწრაფოდნენ ხანგრძლივი მშვიდობიანობისა და ევროპული დამშვიდებისაკენ, მათ სურდათ მიეღოთ დროებითი შესვენება და ეს ხანმოკლე ინტერვალი ახალი აგრესიების მოსამზადებლად გამოეყენებინათ. მათ გეგმაში არ შედიოდა რუსეთთან ხანგრძლივი კავშირ-მეგობრობის დაპყარება, რადგანაც ეს ქვეყანა პოტენციურად საფრანგეთის საგარეო პოლიტიკური გეგმების მოწინააღმდეგე იყო. ამიტომ რუსეთთან „მეგობრული კავშირის“ დამყარება საფრანგეთის მესვეურებს ესაპირებოდათ იზღენად, რამდენადაც ამით დაიზღვევდნენ თავს ამ სახელმწიფოს წინააღმდეგობისაგან, მიიღებდნენ საპირო შესვენებას და გამოიყენებდნენ მას ინგლისის წინააღმდეგ საბრძოლველად. გერმანიის მიმართ საფრანგეთს ისეთივე ზრახვები და მისწრაფებები ამოქმედებდა, როგორც რუსეთს; ხოლო იტალიაზე გაბატონება, ხმელთაშუა ზღვის აუზსა და ლევანტის ქვეყნებში მოპოვებული პოზიციების გაფართოება და რუსეთის გავლენის შესუსტება ევროპაში — საფრანგეთის ისეთი საგარეო პოლიტიკური ამოცანები იყო, რომლებიც უშუალოდ რუსეთის ეკონომიური, პოლიტიკური და სამხედრო-სტრატეგიული გეგმების წინააღმდეგ იყო მიმართული.

ამიტომ სავსებით ბუნებრივია, რომ ნაპოლეონ ბონაპარტი ანგარიშს არ უწევდა ბავარიის კურფიურსტისა და ვიურტემბერგის ჰერცოგისადმი რუსეთის მფარველობას და მოლაპარაკების პროცესში სიტყვიერი დაპირებების მიუხედავად, რომ დაიცავდა მათი სამფლობელოების ხელშეუხლებლობას და სათანადო ანაზღაურებასაც მისცემდა მათ, სინამდვილეში კურსი მათი სამფლობელოების დანაწილებაზე ჰქონდა აღებული. მიუხედავად აგრეთვე წინასწარ აღებული „საზიგო“ დაპირებისა ნაპოლეონს არ სურდა პავლე I ფორმალურად ეცნო მალტის სასულიერო ორდენის დიდ მავისტრად და ვალდებულება აეღო კუნძულ მალტის მისთვის დათმო-

¹ ამ კონფერენციის ოქმები იხ. Архив ВПР. ф. МНД, Канцелярия, д. 8953, 1801, лл. 2—3, 4, 6—9, 12—14, 15—16; Сб. РИО, т. 70, гл. 45—56.

ბის შესახებ. ფორმალურად იგი წინააღმდეგი არ იყო, რომ სარდინიის მეფე თავის სამფლობელოში დაბრუნებულიყო, მაგრამ ამის ანგარიშში მას სურდა ხელთ ეგდო ამ სამფლობელოს მსხვილი ნაჭრები და ტერიტორიულად შემცირებული სამეფო თავის გავლენისათვის დაექვემდებარებინა. ნაპოლეონ ბონაპარტი გარეგნულად, თითქოს, ანგარიშს უწევდა ნეაპოლის სამეფოსადმი რუსეთის იმპერატორის პროტეჟირების ფაქტს, მაგრამ სინამდვილეში მას არ სურდა უკან დაეხია და ეცნო ამ სამეფოს სრული დამოუკიდებლობა. ნეაპოლის სამეფო, კერძოდ მისი სამარეთი ნაწილი საფრანგეთის პირველ კონსულს სურდა ექცია პლაცდარმად, როგორც იტალიაში მოპოვებული გავლენის განსამტკიცებლად, ისე ხმელთაშუა ზღვის ცენტრალურ ნაწილში საიმედო და მტკიცე პოზიციის მოსაპოვებლად. იგი ნეაპოლის მეფისაგან მოითხოვდა დაეხურა ინგლისელებისათვის თავისი ნავსადგურები და დაეთმო საფრანგეთისათვის ბრინდიზი და ოტრანტო, საფრანგეთის ფლოტის ბაზებად და იქ გარნიზონის ჩასაყენებლად. ამავე დროს ნაპოლეონს არ სურდა რაიმე დათმობაზე წასულიყო ეგვიპტის საკითხში. „ეგვიპტე ფრანგების სისხლით არის ნაყიდიო“, ამბობდა ნაპოლეონი და ამ მოტივით უარს აცხადებდა ხელი აეღო მასზე¹.

როგორც აღნიშნულიდან ჩანს, რუსეთსა და საფრანგეთს შორის ინტერესთა სრულ წინააღმდეგობას ჰქონდა ადგილი. ერთი სახელმწიფოს საგარეო პოლიტიკური ამოცანები და მიმართულება მკვეთრად ეჯახებოდა მეორე სახელმწიფოს ამოცანებსა და მიმართულებას. ერთის დიდებას უნდა მოჰყოლოდა მეორის დამცირება და დასუსტება. ორთავეს ერთსა და იმავე დროს არ შეეძლოთ განებორციელებინათ დასახული საგარეო პოლიტიკური ამოცანები. რუსეთსა და საფრანგეთს შორის არსებული დაპირისპირება ძნელი დასაძლევია იყო. მას ვერ დასძლევდა ვერც „მეგობრული“ მიწერ-მოწერა და ვერც პარიზის მოლაპარაკება თავისი კონჟურენციებით.

¹ საფრანგეთის მთავრობის ეს მისწრაფებები ფორმულირებული იყო ტალეირანის სიტყვებში დასახელებულ კონფერენციებზე და ტალეირანის კონტრაქტში, რომელიც 1801 წლის 6/18 მარტით არის დათარიღებული. ამ კონტრაქტში, რომელიც 9 მუხლისაგან შედგება, ეგვიპტის, მალტის კომპენსაციის ან იტალიის შესახებ სრულებით არ არის ლაპარაკი, რადგანაც ეს საკითხები თვით კონფერენციებზე იყო განხილული. СГ. ПИО, т. 70, № 63 — 64.

პარიზის კონფერენციას, რომელიც მიმდინარეობდა ტალეი-რანსა და კოლიჩევს შორის¹, არავითარი პროგრესი არ მოჰყო-ლია. იქ შეთანხმებულ იქნა მხოლოდ უმნიშვნელო საკითხები, მომავალი ხელშეკრულების შესავლის ფორმულა და სხვ. წაბორ-ძიკების ქვედ ამ მოლაპარაკების დროს, როგორც მოსალოდნელი იყო, გერმანიის, იტალიის და მალტის საკითხები იქცა².

მოლაპარაკების დასაწყისშივე გამოვლინდა მორიგების შე-უძლებლობა³. ტალეირანმა, რომელიც პირველი კონსულის მტეი-ცე ინსტრუქციით მოქმედებდა, ზრდილობიან ფორმებში, მაგრამ გადაჭრით უქუაგდო როგორც რუსეთის მთავრობის ხუთი ფარუ-ლი მუხლი საერთოდ, ისე პუნქტები მალტის პავლე I-სათვის და-ბრუნების, ფრანგების მიერ ეგვიპტის ევაკუაციისა და სიცილიის სამეფოს ხელშეუხებლობის შესახებ. ამის ნაცვლად მან მოითხოვა რუსეთის ფლოტის დახმარება მალტიდან ინგლისელების გასაძევებ-ლად, მაგრამ ამ კუნძულის რუსებისათვის გადაცემის დაპირების გა-რეშე. პარალელურად ამისა, პარიზიდან გაძევებული იქნა სიცილიის სამეფოს წარმომადგენელი მარკიზი გალო (ვითომდა თავხედური მოთხოვნებისათვის), რომელიც კოლიჩევის დახმარებით უნდა მო-ლაპარაკებოდა საფრანგეთის მთავრობას და იქვე გაეფორმებინა სათანადო ხელშეკრულება. მიურატს ბრძანება მიეცა თავისი ძალა ეჩვენებინა ამ სამეფოსათვის და ადგილზევე, მუქარის ქვეშ, და-ედო მასთან საფრანგეთისათვის სასურველი შეთანხმება⁴.

¹ პირველი სხდომა ჩატარდა 1801 წლის 28 თებერვალს (12 მარტს), მე-ორე—1/13 მარტს, მესამე—2/14 მარტს, მეოთხე—3/15 მარტს. იხ. СГ. РНО. ტ. 70, გვ. 45—57.

² ა. ტიერი და ზოგიერთი სხვა ფრანგი ისტორიკოსი გმობენ კოლიჩევი-სადმი მიცემული ინსტრუქციების ტონს და მათში ხედავენ პარიზის მოლაპა-რაკების ჩაშლის ერთ-ერთ მიზეზს. მაჯი ახრიო, *ემპერატორ პავლეს სურდა ვეროპის ყველა საქმეში არბიტრაჟოფილიყო, რაც რუსეთის ტრადიციული პოლიტიკიდან გადახევეას წარმოადგენდა. ტიერი ამართლებს ნაპოლეონ ბონა-პარტის რეპრესიულ ზომებს ვეროპის იმ წვირლ მეფეთა მიმართ, რომელთაც „შეურაცყოფა“ მიაცენეს საფრანგეთს. იგი, ამვე დროს გმობს კოლიჩევს, რომელმაც, მისი თქმით, ამ წვირლ მეფეთა „მფარველის როლი გაითამაშა“. იხ. А. Т е е р, დასახ. ნაშრ., ტ. 2, ნაწ. 5, გვ. 67.*

³ მოლაპარაკების წარუმატებლობა თვით ნაპოლეონისათვის ნათელი იყო. სწორედ აპიტომ 1801 წლის 28 მარტს (პავლე I-ის მკვლელობა ჯერ კიდევ არ იყო ცნობილი მისთვის) გამართულ საფილზე მან პირდაპირ განუცხადა რუ-სეთის წარმომადგენელს, რომ მას საჭიროდ მიაჩნია პირადი კონტაქტი დამ-ყაროს რუსეთის იმპერატორთან. ოფიციალური მოლაპარაკების გარეშე, რომე-ლიც არავითარ შედეგს არ იძლევაო. К. Ваишневскии, დასახ. ნაშრ., გვ. 493.

⁴ ფ. Мартенс, დასახ. კრებ., ტ. 13, გვ. 252.

კოლიჩევმა პირველ კონსულთან და ტალეირანთან პირველი კონტაქტისთანავე შესძლო სწორი ადლო აედო პარიზში შექმნილი ვითარებისათვის და ჩაწვდომოდა საფრანგეთის მთავრობის ნაძღვილ ზრახვებს. მისთვის ნათელი გახდა მოლაპარაკებაში მონაწილე მხარეთა შორის *modus vivendi* გამონახვის შეუძლებლობა.

1801 წლის 25 თებერვლის (9 მარტის) წერილში როსტოპჩინისადმი კოლიჩევი, უზიარებდა რა მას პარიზში მიღებულ შთაბეჭდილებებს, წერდა: მე ძლიერ საეჭვოდ მიმაჩნია დაკისრებული დავალების შესრულება¹. აქ ბატონობს უზომო პატივმოყვარეობა და ომის გაგრძელების სურვილი: ასეთ განწყობილებას ხელი შეუწყო ავსტრიის დამარცხებამ და ჩვენს მიერ ინგლისთან კავშირის გაწყვეტამ. კოლიჩევის შეხედულებით პირველ კონსულს, რომელიც ერთპიროვნულად ბატონობს, ბევრი მტერი და მოშურნე ჰყავს, მისი სიცოცხლისა და ხელისუფლების მომავალი გაურკვეველია².

მე არაფერ კარგს არ მოველი საფრანგეთისაგან, — წერს კოლიჩევი, — მას მხოლოდ ერთი სურვილი აჰქმედებს: წაგვიდოს ყველასთან, შეგვიქმნას სიძნელები, ალბათ, ერთი განზრახვით — გამოიწვიოს არეულობა პოლონეთში. იგი სთხოვს როსტოპჩინს: ვინაიდან დაკისრებული მოვალეობა ჩემს ძალებს აღემატება, თანაც ვეჭვობ ამ დავალების წარმატებაში, გამათავისუფლე, შემცვლელი გამომიგზავნეთ და მით გამომიყვანეთ ამ ძნელი მდგომარეობიდანო³. აქაურ ადამიანებს, — განაგრძობს კოლიჩევი, — მე ვერასოდეს ვერ ვენდობი, მათთან ურთიერთობაში საჭიროა სიმტკიცე... მათ უნდა მოვთხოვოთ პატივისცემა, ვერწმუნოთ მათ საქმეებს და არა სიტყვებს; არასოდეს არ უნდა დავავიწყდეს, რომ ისინი ისწრაფვიან იბატონონ ყველგან..., რომ მათ ჩვენ ვესაჭიროებით როგორც იარაღი... მათი განზრახვაა: გზა აგვირიონ ჩვენ და დაიმონონ ევროპა⁴.

დაწყებული მოლაპარაკების პერსპექტივისადმი პესიმისტური განწყობილება გამოსქვივის კოლიჩევის რელაციებში, რომლე-

¹ ამ დროისათვის როსტოპჩინის დიდების მზე უკვე ჩასვენებული იყო. 1801 წლის თებერვალში პავლე I-მა ანგლოფილური დაჯგუფების ინტრიგების წყალობით როსტოპჩინი გაანთავისუფლა საგარეო საქმეთა კოლეგიის ხელმძღვანელის პოსტიდან და თავის მამულში გააძევა. საგარეო საქმეთა კოლეგიის ხელმძღვანელი ამ დროიდან შეთავსებით ხდება გენერალი პალენი.

² Сб. П'МО, ტ. 70, გვ. 42—43.

³ იქვე, გვ. 43.

⁴ იქვე, გვ. 44.

ბიუ კონფერენციებს მიმდინარეობის პროცესში და მათ შემდეგ არის გაგზავნილი პეტერბურგის სამეფო კარის მისამართით, და როსტოპჩინისადმი გაგზავნილ წერილებში. ეს რელაციები უკვე ახალი იმპერატორის ალექსანდრე I-ის დროს ჩავიდა დანიშნულების ადგილას¹.

კოლიჩევის აღნიშნული რელაციებიდან და წერილებიდან პარიზის მოლაპარაკების მიმდინარეობისა და პერსპექტივების შეფასების თვალსაზრისით ყურადღებას იპყრობს მისი 1801 წლის 13/25 მარტის წერილი როსტოპჩინისადმი.

ევროპის სახელმწიფოთა დამშვიდების განზრახვა, — წერს კოლიჩევი ამ წერილში, — უფრო ნელა იძვრის წინ, ვიდრე თავდაპირველად გვეჩვენებოდა. უთანხმოება ძირითად პუნქტებში, კერძოდ საფრანგეთის ჯარების მიერ ეგვიპტის ევაკუაციის შესახებ, სერიოზული მნიშვნელობისაა². წერილში კოლიჩევი სპეციალურად ჩერდება თურქეთის საკითხზე. ამ საკითხში, მისი აზრით, ნაპოლეონ ბონაპარტის თვალსაზრისი აშკარად ეწინააღმდეგება რუსეთის ინტერესებს. საფრანგეთს, — წერს იგი, — ფარული ზრახვები ამოქმედებს თურქეთის მიმართ. პირველ კონსულს პორტა ცოცხალ ლეშად მიაჩნია და საკიროდ თვლის შეცვალის მდგომარეობა ევროპის ამ ნაწილში (ე. ი. დაყოს თურქეთი—გ. დ.). კოლიჩევი აშკარად მიუთითებს იმ სერიოზულ საფრთხეზე, რომელიც შეიძლება მოყვეს რუსეთის პოზიციებისა და ინტერესებისათვის თურქეთის დაყოფის ფრანგული გეგმის რეალიზაციას³. საინტერესოა, რომ კოლიჩევი საფრანგეთის აგრესიულ ზრახვებს თურქეთის მიმართ უშუალოდ უკავშირებდა საფრანგეთში არსებულ საშინაო ვითარებას. საფრანგეთში ყველაფერი დამოკიდებულია ბონაპარტის პიროვნებაზე. მას კი სურს გენერლები, ოფიცრობა და არმია კმაყოფილი და „საქმით დაკავებული ჰყავდეს“. აქედან გამომდინარეობს თურქეთის დაყოფის გეგმები, მტაცებლური ზრახვები ესპანეთისა და პორტუგალიის მიმართ, აქედან გამომდინარე, საფრანგეთს არ სურს და არც შეუძლია საყოველთაო და სწრაფი მშვიდობა, დაასკვნის იგი⁴.

¹ იხ. 1801 წლის 3/15 მარტის, 13/25 მარტის რელაციები პაველსადმი და 13/25 მარტის წერილები როსტოპჩინისადმი. Сб. РИО, т. 70, გვ. 59, 69—75, 76—78, 79—83.

² იქვე, 83—79.

³ იქვე, 83—80.

⁴ Сб. РИО, т. 70, გვ. 81.

მართალია, კოლიჩევი, როგორც სულ სხვა საგარეო პოლიტიკური ორიენტაციის მომხრე დიპლომატი, ბევრს აჭარბებს, გადაჭარბებით უნდობლობას იჩენს საფრანგეთის არსებული მმართველობისადმი და ასევე გადაჭარბებით პესიმიზტურ დასკვნებს აკეთებს. მაგრამ ძირითადად იგი რუსეთის მთავრობის ოფიციალურ პოზიციას იცავს, ამ პოზიციას უპირისპირებს საფრანგეთის მთავრობის გეგმებს და მხოლოდ მის საფუძველზე აკეთებს დასკვნებს. ყოველ შემთხვევაში კოლიჩევის მოტანილი მოხსენებითი ბარათებიდან და თვით კონფერენციების ოქმებიდან ნათლად ჩანს ერთი რამ: მიუხედავად ზოგიერთ საკითხებში შეთანხმებებისა (მომავალი ხელშეკრულების პრეამბულის დახუსტება, ომამდელი ურთიერთობის აღდგენის სასურველობა, სავაჭრო ხელშეკრულების აღდგენა¹, ინგლისის წინააღმდეგ ზღვაზე ზომების მიღების საჭიროება და სხვ.) და გარეგნული დაახლოებისა, საკვანძო საკითხებში საფრანგეთსა და რუსეთს შორის ჯერ კიდევ არ იყო დაძლეული არსებული სერიოზული წინააღმდეგობა.

2. პავლე I-ის მკვლელობა და მოკრიგი მოგარუნება რუსეთის საგარეო პოლიტიკაში

ასეთი იყო ვითარება რუსეთ-საფრანგეთის ურთიერთობაში 1801 წლის მარტის პირველ ნახევარში, როდესაც რუსეთის სამეფო ტახტზე მოხდა ცვლილება: სასახლის გადატრიალებისა და პავლე I-ის მკვლელობის შედეგად 1801 წლის 11/23 მარტს ტახტზე ახალი იმპერატორი ალექსანდრე I ავიდა. რუსეთ-საფრანგეთის ურთიერთობის განხილულ ვითარებას და ამ ურთიერთობის შემდგომ პერსპექტივას უშუალო კავშირი ჰქონდა რუსეთის სამეფო ტახტზე მომხდარ ცვლილებასთან. ჩვენ ქვემოთ შევეცდებით პასუხი გავცეთ აღნიშნულ ცვლილებასთან დაკავშირებულ საკითხებს.

ხაზგასმით უნდა აღინიშნოს, რომ ამ დროისათვის რუსეთის საგარეო პოლიტიკაში მომხდარი ცვლილება, როგორც საერთოდ, ისევე კერძოდ საფრანგეთის მიმართ რადიკალური იყო. რუსეთი საბოლოოდ გამოვიდა მეორე ანტიფრანგული კოალიციიდან, კავშირი გაწყვიტა თავის ყოფილ მოკავშირეებთან, ხელი აიღო საფრანგეთთან ომზე და გადადგა შემხვედრი ნაბიჯები მასთან დასაახ-

¹ 1801 წლის 8 თებერვალს.

ლოებლად. ახალი ვითარება რუსეთ-საფრანგეთის ურთიერთობაში ამ ეტაპზე არ შეჩერებულა. საფრანგეთის პირველმა კონსულმა პრაქტიკული ნაბიჯები გადადგა რუსეთის იმპერატორის გულის მოსაგებად. მისივე აქტიური ინიციატივით დაიწყო მათ შორის არაოფიციალური მოლაპარაკება შემდგომი დაახლოებისა და სამშვიდობო ხელშეკრულების თაობაზე. პარალელურად ამისა, რუსეთის მონაწილეობით და საფრანგეთის არაპირდაპირი მხარდაჭერით შეიქმნა ჩრდილოეთის სახელმწიფოთა საზღვაო ნეიტრალიტეტის ლიგა, რომლის მახვილიც მიმართული იყო ინგლისის წინააღმდეგ. პაკლეს და ნაპოლეონ ბონაპარტის პირადი მიწერ-მოწერა, პარიზის მოლაპარაკების დაწყება, შეთანხმებების პროექტების შემუშავება და მათი განხილვა ამ მოლაპარაკების მსვლელობაში წარმოადგენდა შემდგომ პროგრესს რუსეთ-საფრანგეთის დაახლოების გზაზე და მათი ურთიერთობის შემდგომ ნორმალიზაციას. დაბოლოს, ინდოეთზე ერთობლივი ლაშქრობის იდეის აღმოცენება და მის სათანადო გეგმაში ასახვა, ინდოეთში და თვით ევროპაში ინგლისელთა ბატონობისათვის მახვილის ჩასაცემად საომარ ღონისძიებათა კოორდინაციის საჭიროების მიჩნევა, კულმინაციური საფეხური იყო რუსეთ-საფრანგეთის დაახლოებაში.

კითხვა ისმის, შეჩერდებოდა თუ არა პარიზის მოლაპარაკება განხილულ სტადიაზე. თუ იგი ფინალურ აქტამდე მივიდოდა და რუსეთი და საფრანგეთი, როგორც მეგობრები, დაუკავშირდებოდნენ ერთმანეთს? ზოგიერთი საბჭოთა ისტორიკოსი (მაგ. ს. ოკუნი) ფიქრობს, რომ, რუსეთ-საფრანგეთის ინტერესთა სერიოზულ წინააღმდეგობის განმაპირობებელ რეალურ პოლიტიკურ და სამხედრო სტრატეგიულ მოტივთა არსებობის მიუხედავად, მათ შორის საერთო ენა მაინც გამოინახებოდა, პარიზის მოლაპარაკება წარმატებით დამთავრდებოდა და ამ სახელმწიფოთა შორის არა მარტო ომამდელი არსებული ნორმალური ურთიერთობა აღდგებოდა, არამედ კავშირისა და მეგობრობის ხელშეკრულებაც დაიდებოდა. ამ ისტორიკოსთა აზრით, პარიზის მოლაპარაკება, უთანხმოების მიუხედავად, დასასრულს უახლოვდებოდა¹. უკვე შემზადებული იყო რუსეთ-საფრანგეთის ანტიინგლისური კოალიცია და სამშვიდობო ხელშეკრულებაზე ხელმოწერა უახლოესი დღეების საქმე

¹ „Подходили к концу, — წერს ს. ოკუნი, — русско-французские переговоры... последний представитель России Количев выехал в Париж для подписания мирного договора“. С. О к у н и, დასახ. ნაშრ., გვ. 107.

იყო. აქედან ისინი ასკენიან, რომ მხოლოდ პაველ I-ის მკვლელობამ და ალექსანდრე I-ის გამეფებამ შეაფერხა ეს კანონზომიერი და ლოგიკური პროცესი.

ჩვენ ვფიქრობთ, რომ ასეთი იმპერატიული დასკვნისათვის არ არსებობს ყველა საბუთი. 1801 წლის მარტის ნახევრისათვის პარიზის კონფერენციაზე, როგორც ზემოთ აღვნიშნავდით, ჯერ კიდევ მიღწეული არ ყოფილა არსებითი პროგრესი. კონფერენციის ოქმები, ტალირანის მიმოწერა, კოლიჩევის რელაციები და სხვა რუსი დიპლომატების შესაფერი დიპლომატიური მასალები საამისო დამაჯერებელ საბუთს არ იძლევიან. ამ მასალების საფუძვლიანი ანალიზის შედეგად ჩვენ, პირიქით, სულ სხვა დასკვნებამდე მივდივართ. ზოგიერთ, უფრო მეორეხარისხოვან საკითხებში თვალსაზრისთა დაახლოების მიუხედავად, პრინციპულ საკითხებში რუსეთსა და საფრანგეთს შორის ჯერ კიდევ არ იყო მიღწეული შეთანხმება და, მაშასადამე, არ იყო გამოჩნხული ის პლატფორმა, რომლის საფუძველზედაც შეიძლებოდა ხელშეკრულების დადება კავშირისა და მეგობრობის თაობაზე. უნდა ვიგულისხმოთ, რომ შეთანხმების მიღწევისა და ხელშეკრულების დადების შემთხვევაში საფრანგეთის მთავრობის საგარეო პოლიტიკური ჩანაფიქრი რუსეთის მიმართ ამით სავსებით რეალიზებული და იგი რუსეთის ეროვნული ინტერესებისათვის მიუღებელი იქნებოდა. მოტანილი მასალების საფუძველზე მკვლევარს არ შეუძლია გამოიტანოს დასკვნა იმის შესახებ, რომ, თითქოს, რუსეთის დიპლომატია ჯეროვნად არ იცავდა საკუთარი ქვეყნის საარსებო ინტერესებს, რომ პარიზის მოლაპარაკების პროცესში იგი მზად იყო ეცნო საფრანგეთის დიპლომატიის მიერ წამოყენებული, რუსეთისათვის მიუღებელი პრეტენზიები, მიეღო ისინი და მათს საფუძველზე დაედო ხელშეკრულება.

ამით ჩვენ როდი გვსურს იმის თქმა, რომ რუსეთ-საფრანგეთის დაახლოება განხილულ საფეხურზე გაიყინებოდა, შემდგომი ძვრები არ მოხდებოდა და რომ გამორიცხული იყო სამშვიდობო ხელშეკრულების დადება როგორც ევროპული დამშვიდების, ისე ურთიერთკავშირის თაობაზე. ურთიერთდაახლოების უკვე მიღწეული წარმატების ბაზაზე შესაძლებელი იყო ჯერ კიდევ დაუძლეველ დაბრკოლებათა დაძლევა, *modus vivendi*-ს გამოჩნხვა და რუსეთ-საფრანგეთის დროებით მორიგება სათანადო ხელშეკრულების დადების გზით. ყოველივე ეს მომავალის საქმე იყო, მათი დაახლოების პერსპექტივას წარმოადგენდა და არა მიღწეულ რეალობას, როგორც ფიქრობენ ზოგიერთები.

მაგრამ რუსეთ-საფრანგეთის ურთიერთობაში ჩვენ მიერ მოხაზული მობრუნებაც კი საკმარისი აღმოჩნდა იმისათვის, რომ იგი სხვა ხასიათის წინააღმდეგობებს წაწყდომოდა და რუსეთის გარკვეული საზოგადოებრივი ძალების შეტევის ობიექტად ქცეულიყო.

რუსეთის საგარეო პოლიტიკის ახალი ორიენტაცია—რუსეთ-საფრანგეთის დაახლოება და ამის პარალელურად რუსეთ-ინგლისის ურთიერთობის უკიდურესად გამწვავება, რუსეთ-საფრანგეთის ანტიინგლისური სამხედრო-პოლიტიკური ბლოკის შექმნის პერსპექტივა—წააწყდა ორგვარ, საშინაო და საგარეო ხასიათის წინააღმდეგობას. საშინაო ხასიათის წინააღმდეგობა იყო რუსეთის ფეოდალური არისტოკრატის, მსხვილი ვაჭრების და მხედრობის ზედაფენის ანგლოფილური დაჯგუფების გამოსვლა აღნიშნული ახალი კურსის წინააღმდეგ, საგარეო ხასიათის წინააღმდეგობას კი წარმოადგენდა ინგლისის წინააღმდეგობა. ამ ორი ფაქტორის ერთობლივმა მოქმედებამ ჯვარი დაუსვა რუსეთის საგარეო პოლიტიკის ახალი მიმართულების შემდგომ ევოლუციას, ხელი შეუშალა რუსეთ-ინგლისის შორის წარმოშობილ ომის შესაძლებლობის გადაზრდას ომის სინამდვილეში, ჩაშალა რუსეთ-საფრანგეთის ანტიინგლისური სამხედრო ბლოკის შექმნის ფრანგული გეგმები და შინაგანი ხასიათის მოტივებთან კავშირში გადაწყვეტი როლი შეასრულა 1801 წლის 11/23 მარტის აქტის ორგანიზაციაში.

რუსეთის ცარიზმი, როგორც არაერთხელ იყო ხაზგასმული, ფეოდალური თავადაზნაურობის, ვაქართა ზედაფენისა და რეაქციული სამხედრო ზედაფენის სახელმწიფო ხელისუფლება იყო. იგი საშინაო და საგარეო პოლიტიკაში ამ ექსპლოატატორული სოციალური ჯგუფების ეკონომიურ და პოლიტიკურ ინტერესებს იცავდა, მათ „მოთხოვნებს“ ახორციელებდა. მაგრამ დრო და დრო აღნიშნული სოციალური ჯგუფების (ყოველ შემთხვევაში მისი გარკვეული ნაწილის) კლასობრივი ინტერესები ერთგვარ, ხანშოკლე და არც თუ ისე მწვავე „კონფლიქტში“ მოდიოდა სამეფო კარის მიერ გატარებულ საშინაო და საგარეო პოლიტიკასთან. დგებოდა ისეთი მომენტი, როდესაც რუსეთის საზოგადოების ამ ზედა, ექსპლოატატორულ ფენას ექვი ეპარებოდა ცარიზმის მესვეურთა მიერ გატარებულ საშინაო და საგარეო პოლიტიკის სისწორეში მათი ინტერესების გამოხატვის თვალსაზრისით. ასეთ მომენტში ისინი ფიქრობდნენ, რომ მათ ინტერესებს ჯეროვნად ანგარიშს არ უწევენ, რომ თითქოს ადგილი აქვს გადახვევას, „ჩავარდნას“

ამ ინტერესების დაცვის პოზიციიდან. ვინაიდან ეს ექსპლოატატორული ზედათენა არაერთსახოვანი იყო თავისი შემადგენლობით, აღნიშნული განწყობილება მეტ-ნაკლებად იკიდებს ფეხს მის ცალკეულ ჯგუფებში. ასევე ღონდა კონკრეტულად 1800—1801 წლების მიჯნაზე. რუსეთის გაბატონებული კლასების გარკვეული ნაწილი აშკარად გადაუდგა იმპერატორ პავლეს მისი საშინაო პოლიტიკისა და მისგან აღებული საგარეო პოლიტიკური კურსის გამო.

რატომ წარმოიშვა კონფლიქტი არსებული მპართველობის ხალ საგარეო პოლიტიკურ კურსსა და ექსპლოატატორული სოციალური ჯგუფების ინტერესებს შორის, რატომ იქნა მიჩნეული ეს კურსი მიუღებლად მათი კლასობრივი ინტერესებისათვის?

რუსეთის ფეოდალური არისტოკრატის უმრავლესობა კვლავინდებურად მტრულად იყო განწყობილი საფრანგეთისადმი და მასთან კავშირის დადების წინააღმდეგ ილაშქრებდა. ასეთი განწყობილება რუსეთის არისტოკრატის რიგებში 1789 წლიდან, საფრანგეთის დიდი ბურჟუაზიული რევოლუციის აღმოცენების მომენტიდან წარმოიშვა. ეს იყო შეურიგებელი სიძულვილის გრძნობა აღნიშნული ბურჟუაზიული რევოლუციის შედეგებისადმი, ახალი საფრანგეთისადმი, რომელსაც ისინი ძველებურად რევოლუციის ბაზას, „შფოთის დამთესს“, წესრიგის დამრღვევს და რელიგიის შემბლაღავს უწოდებდნენ. მართალია, ასეთი განწყობილება საფრანგეთის მიმართ რამდენადმე შეანელა თვრამეტი ბრიუმერის სახელმწიფო გადატრიალებამ, რომელმაც ბოლო მოუღო რევოლუციის უკანასკნელ ნაშთებს და ნაპოლეონ ბონაპარტის პერსონალური დიქტატურა დაამყარა, მაგრამ სავსებით ვერ მოსპო ეს განწყობილება. რუსეთის ექსპლოატატორული კლასების აღნიშნული დაჯგუფება, თვრამეტი ბრიუმერის სახელმწიფო გადატრიალებისა და ნაპოლეონის გაბატონების მიუხედავად, საფრანგეთის რევოლუციას ჯერ კიდევ არ თვლიდა დასრულებულად¹. ნაპოლეონ ბონაპარტში რუსეთის ფეოდალური არისტოკრატის ფრანგოფობურად განწყობილი ნაწილი ხედავდა არა იმდენად რევოლუციის ჩამხშობს, რამდენადაც „რევოლუციის მემკვიდრეს“.

¹ ამ მხრივ საინტერესოა კოლიჩევის 1801 წლის 13/25 მარტის წერილი როსტოპჩინისადმი, С6. РИО, ტ. 70, გვ. 76—78.

„რევოლუციის ჯარისკაცს“¹. ამ შეურიგებელი სიძულვილის გრძნობიდან გამომდინარეობდა რუსეთის მთავრობის მიერ საფრანგეთთან შეთანხმებაზე აღებული კურსისადმი მტრული დამოკიდებულება. მათ ვერ წარმოედგინათ ასეთი ტიპის უზურპატორთან დაახლოება და მასთან საერთო ენის გამონახვა. ასეთი შეთანხმება მათ მიაჩნიათ რუსეთის სამეფო ტახტის ავტორიტეტის შელახვად. მართალია, პავლე I დაუნდობელ ბრძოლას აწარმოებდა ბატონყმურ-მემამულური მონარქიის სოციალური სისტემის ყოველგვარი მტრების და მათ შორის „გარეგანი დამარღვეველი ძალების“ წინააღმდეგ, მაშასადამე, პირველ რიგში, საფრანგეთის რევოლუციის გავლენის წინააღმდეგაც, მაგრამ ფეოდალური არისტოკრატისა და სამხედრო კამარილიის მნიშვნელოვანი ნაწილი მაინც უკმაყოფილო იყო პავლეს პოლიტიკით ამ მხრივ. საფრანგეთთან დაახლოება, მით უფრო მასთან მკიდრო კავშირის შექცევა, მათი აზრით, სერიოზულ საფრთხეს უქმნიდა ცარიზმის სოციალურ ბაზას და მათს კლასობრივ ბატონობას. აქედან გამომდინარე ისინი მოითხოვდნენ საფრანგეთთან დაახლოების კურსზე ხელის აღებას, მასთან კავშირის შექცერის თაობაზე გამართული მოლაპარაკების ლიკვიდაციას და ისევ ძველ კავშირურ თიერთობათა სისტემის განახლებას (ე. ი. ინგლისთან და ავსტრიასთან კავშირის აღდგენას). მათ ანტიპათიურ განწყობას ახალი საფრანგეთის, მისი სოციალურ-ეკონომიური სისტემისა და იდეოლოგიისადმი, უპირისპირდებოდა ანგლოფილური დაჯგუფების სიმპათია, და ცალკეულ შემთხვევაში წრესგადასული ქედმობრილობა ინგლისური მმართველობის სისტემისადმი, ინგლისის არისტოკრატის ჯენტლმენური მანერებისადმი, ინგლისის ეკონომიური მიღწევებისა და იდეოლოგიური ცხოვრების ფორმებისადმი². ს. რ. ვორონცოვი, ნ. პ. პანინი, ვ. ბ. კოჩუბეი,

¹ „Пушкин всегда за многими публицистами и историками своего времени, — всегда гоним. е. ტარლე, — пазнал Наполеона „последником и убийцей“ революции. Не только „убийцей но и наследником“. Е. Тарле, Наполеон, М., 1942, გვ. 4.

² „Знатные, больше всех страдавшие в царствовании Павла, — франсы ა. სორელი, — были все англоманы своими вкусами, модой, инстинктами; антифранцузы вследствие отворачивания к революционным принципам, они ненавидели Францию Бонапарта, как ненавидели Пруссию Фридриха. Этих бодр... ничто так не удивляло, как английский лорд, критерий эгоистичности, образец жизни высшего общества, высшее выра-

ს. ა. კოლიჩევი, კ. კრიუდენერი და სხვა რუსი დიპლომატები, რომლებიც საგარეო პოლიტიკის ხაზით მუშაობდნენ, მეტ-ნაკლებად ინგლისური წესების, ინგლისური მმართველობის, ინგლისური მანერების თაყვანისმცემლები იყვნენ. მათი მიმოწერა ნათლად მეტყველებს ამაზე.

მათი აზრით, პავლე I-ის საგარეო პოლიტიკის მიმართულება 1800 წელსა და 1801 წლის დასაწყისში საგრძობლად დაშორდა რუსეთის საგარეო პოლიტიკის ისტორიულად ჩამოყალიბებულ და მემკვიდრეობით მიღებულ მაგისტრალურ ხაზს, წინაშეობედ მიმართულებასა და ორიენტაციას. რუსეთის საგარეო პოლიტიკის ახალი კურსი და ახალი ტენდენცია მთლიანად არ ემთხვეოდა რუსეთის გაბატონებული კლასების ინტერესებსა და სულისკვეთებას. საფრანგეთთან დაახლოება და მასთან კავშირის შეკერისაკენ გადადგმული ნაბიჯები რუსეთის ფეოდალურმა არისტოკრატამ, და მასთან მკიდრო კავშირში მყოფმა მალაქა სამხედრო დაჯგუფებამ და ვაჰართა ზედაფენამ მიიჩნიეს არასასურველ ფაქტად, „რევოლუციური“ საფრანგეთის ცნობის ცდად. ამას არ შეეძლო არ წარმოეშვა წინააღმდეგობა იმპერატორ პავლე I-სა და მათ შორის. ნაწილობრივ ამ ნიადაგზე შემზადდა სასახლის შეთქმულება და განხორციელდა 1801 წლის 11/23 მარტის აქტი.

რუსეთის ფეოდალური არისტოკრატისა და სამხედრო კამარილიის მნიშვნელოვანი ნაწილის შეურიგებლობა კონსულობის პერიოდის საფრანგეთთან დაახლოებისა და მასთან ომამდელი ურთიერთობის აღდგენისადმი მარტო „ფრანგული წესებისადმი“ ანტიპათიის ფსიქიკური განწყობა და რევოლუციის შედეგებისადმი შიშის გრძნობა როდი იყო. ასეთ განწყობილებას, პირველ ყოვლისა, სერიოზული ეკონომიური საფუძველი გააჩნდა. ინგლისთან ეკონომიურ-სავაჭრო კავშირის გაწყვეტა, მასთან ომისათვის მზადება და, პარალელურად ამისა, საფრანგეთის მთაწობის „მეგობრული“ ინიციატივისადმი შემხვედრი ნაბიჯების გადადგმა რუსეთის ფეოდალური არისტოკრატის მიერ მიჩნეულ იქნა საკუთარ კლასობრივ ინტერესებზე სერიოზულ ხელყოფად.

როგორც შრომის შესავალ ნაწილში გვქონდა საუბარი, 1789 წლამდე ინგლისსა და საფრანგეთს რუსეთთან ერთმანეთისაგან

жение хорошего тона, тонской роскоши, дворянской гордости“. А. С. Дрежл, д. с. н. с., т. 6, гл. 98. სორელის მოტანილი შეხედულება მართალია ტენდენციურია და ამდენად გადაჭარბებულიც, მაგრამ იგი მაინც შეიცავს კემპარიტების ელემენტს.

მკვეთრად განსხვავებული სავაჭრო-ეკონომიური ურთიერთობა ჰქონდათ. აღნიშნულ პერიოდში ინგლისის სავაჭრო ურთიერთობა რუსეთთან თავისი თვისობრივი ხასიათითაც და რაოდენობრივი მაჩვენებლებითაც მკვეთრად განსხვავდებოდა საფრანგეთ-რუსეთის სავაჭრო-ეკონომიური ურთიერთობისაგან. ინგლისის ხვედრითი წონა რუსეთის იმპორტსა და ექსპორტში ბევრად აღემატებოდა სხვა ქვეყნების იმპორტისა და ექსპორტის ხვედრით წონას, მათ შორის საფრანგეთისაც. ასეთივე დიდი იყო ინგლისის ხვედრითი წონა სავაჭრო ხომალდებით რუსეთის ნედლეულის გაზიდვისა და რუსეთში სამრეწველო საქონლის შეზიდვის დარგშიც. ფრანგი ავტორის ზეჰერეს ცნობით XVIII საუკუნის მეორე ნახევარში პეტერბურგის ნავსადგურის სავაჭრო ბრუნვის 50% ინგლისზე მოდიოდა¹; 1795 წელს კი — 45%². ვორსტის ცნობებით 1794—1800 წლებში ინგლისიდან საქონლის შეზიდვა რუსეთში შეადგენდა რუსეთის საერთო შეზიდვის 29%-ს, ხოლო რუსეთიდან გაზიდვისა კი — 64% ს³.

XVIII საუკუნის დასასრულისათვის XVIII საუკუნის 50—60-იან წლებთან შედარებით ინგლისის წილი რუსეთთან ვაჭრობაში გადიოდა: რკინისა 75%-დან 80%-მდე, ქერელისა 40%-დან 58%-მდე, სელისა 12,5%-დან 60%-მდე. რუსეთის საგარეო ვაჭრობის ოპერაციები უმთავრესად ინგლისელი ვაჭრების მემშვეობით წარმოებდა⁴. ფრანგი ავტორის ზეჰერეს ცნობით პეტერბურგის ნავსადგურის სავაჭრო ბრუნვის ზრდის პარალელურად იზრდებოდა ინგლისის წილი ამ ბრუნვაში. თუ XVIII საუკუნის მეორე ნახევარში ინგლისის წილი ამ ნავსადგურის ბრუნვაში უდრიდა 50%-ს, 1795 წლისათვის იგი 75%-მდე გადიოდა (პეტერბურგზე კი მოდიოდა რუსეთის საზღვაო ვაჭრობის 3/4)⁵. ინგლის-რუსეთის ვაჭრობის დიდ მოცულობაზე, ინგლისის დიდ როლზე რუსეთთან ვაჭრობაში მკაფიოდ მეტყველებს ის დიდი ხვედრითი

¹ U. Seherer, Histoire raisonnée du commerce de la Russie..., ტ. I, გვ. 169.

² И. Кулишор, Очерк истории русской торговли..., гв. 190.

³ Ворст, Рассуждения о некоторых предметах законодательства и управления, ტაბულა 20.

⁴ „Очерки истории СССР, Россия во второй половине XVIII в.“, под ред.: А. И. Барановича, Г. Б. Кафенгауза, И. К. Алефиренко, Ю. Р. Клокманя, Е. Н. Кушевой, М., 1956, გვ. 127.

⁵ U. Seherer, დასახ. ნაშრ., გვ. 169.

წონა, რომელიც ინგლისს ჰქონდა რუსეთის საგარეო ვაჭრობის ბრუნვაში. ეორსტის ცნობებით 1794—1800 წლებში, როდესაც რუსეთსა და საფრანგეთს შორის ყოველგვარი სავაჭრო ურთიერთობა შეწყვეტილი იყო, ინგლისიდან შეზიდვა რუსეთში გადიდა 18%-დან 29%-მდე, გაზიდა კი—50%-დან 64%-მდე¹.

საფრანგეთის დიდმა ბურჟუაზიულმა რევოლუციამ დაარღვია საფრანგეთ-რუსეთის ეკონომიურ ურთიერთობათა სისტემა, ხოლო 1793 წლიდან სავსებით ბოლო მოუღო მათ შორის მანამდე არსებულ სავაჭრო-ეკონომიურ ურთიერთობას. ამ დროიდან მოკიდებული 1801 წლამდე ამ ორ ქვეყანას შორის არავითარი უშუალო სავაჭრო-ეკონომიური ურთიერთობა არ არსებობდა. მაგრამ ამ ორი ქვეყნის ეკონომიურ კავშირ-ურთიერთობის დარღვევას არავითარი არსებითი ზიანი არ მიუყენებია რუსეთის გაბატონებული კლასების, კერძოდ რუსი მემამულეების ეკონომიური ინტერესებისათვის. ეს აიხსნება, პირველ ყოვლისა, იმით, რომ საფრანგეთის წილი რუსეთის საგარეო ვაჭრობაში, როგორც აღვნიშნეთ თავის დროზე, უმნიშვნელო იყო. რუსეთის საგარეო ვაჭრობიდან საფრანგეთის გამოძევებით ოსტატურად ისარგებლა ინგლისმა, რომელმაც გაათავოვა რუსეთში თავისი ოპერაციები და საფრანგეთისაგან „განთავისუფლებული“ ადგილი დაიჭირა. ამასთან ერთად უნდა აღინიშნოს, რომ ზოგიერთ ფრანგულ საქონელზე, კერძოდ ღვინოებზე, თავიანთ მოთხოვნილებას რუსეთის გაბატონებული კლასები ასე თუ ისე იკმაყოფილებდნენ ამ საქონელთა გერმანიის თუ სხვა ქვეყნების მეშვეობით (არაპირდაპირი გზით) შესყიდვით. 1797 წლის 16 იანვრის ბრძანებულებით პაველ I-ის მთავრობის მიერ დაშვებულ იქნა რუსეთში საფრანგეთის და ჰოლანდიის საქონლის შეზიდვა რუსეთში ნეიტრალური ქვეყნების გემებით, იმ საქონლის გამოკლებით, რომლის შეზიდვა აკრძალული იყო 1793 წლის ბრძანებულებით. ხოლო 1797 წლის 12 ოქტომბრის ბრძანებულებით, რომლითაც წესდებოდა ახალი საბაჟო ტარიფი, პაველ I-ის მთავრობამ მოხსნა აკრძალვა რუსეთში ფრანგული ღვინოების შეზიდვაზე, თუმცა გაადიდა მათზე საბაჟო ტარიფი².

XIX საუკუნის დასაწყისისათვის ინგლისს მტკიცედ ჰქონდა ფეხი მოკიდებული რუსეთის საგარეო ვაჭრობაში. ინგლისი აწარმოებდა აგრეთვე რუსეთის საექსპორტო და საიმპორტო საქონ-

¹ В о р с т, დასახ. ნაშრ., табл. 20; И. К у л и ш е р, დასახ. ნაშრ., გვ. 190.

² С. А. П о к р о в с к и й, Внешняя торговля и внешняя торговая политика России, М., 1947, გვ. 152.

ლის მნიშვნელოვანი ნაწილის ტრანსპორტირებას თავისი მრავალრიცხოვანი სავაჭრო ხომალდებით. „რუსეთი, თუნცა იგი არ იყო საზღვაო ქვეყანა ამ სიტყვის სრული მნიშვნელობით, — წერს მეხენი, — დიდი მასშტაბით აწარმოებდა სხვადასხვა საგნებს, რომელთა გადაზიდვა წარმოებდა უმთავრესად ინგლისელთა გეგებით და უმთავრესად ინგლისშივე სალდებოდა“¹. მეხენის ეს შეხედულება კონკრეტული ფაქტებით დასტურდება. პაულე I-ის გამეფების დროისათვის რუსეთის გემები შეადგენდა იმ გემთა 7,2%-ს, რომელნიც რუსეთის საზღვაო ვაჭრობას ემსახურებოდნენ, ხოლო უცხოურ გემთა უდიდეს ნაწილს, კერძოდ ბალტიის ზღვის აუზში, ინგლისის სავაჭრო გემები წარმოადგენდნენ².

ინგლისი და რუსეთი თავიანთი სამეურნეო განვითარების ხასიათით ერთგვარად ავსებდნენ ერთმანეთს. ერთს უპირატესად კაპიტალისტური მრეწველობა ჰქონდა განვითარებული, მეორის წამყვან დარგს კი სოფლის მეურნეობა წარმოადგენდა. ამიტომ იყო, რომ მათ შორის არსებული სავაჭრო ურთიერთობა ორთავე მხარისათვის იყო ხელსაყრელი. ინგლისი რუსეთიდან იღებდა სოფლის მეურნეობის ნაწარმს — ნედლეულსა და სურსათ-სანოვაგეს, რუსეთი თავის მხრივ — სამრეწველო საქონელს, კოლონიურ ნაწარმს და ა. შ.

ინგლისთან ვაჭრობა თავისი ხასიათით მეტად ხელსაყრელი იყო რუსი მემამულეებისა და ვაჭრებისათვის. იგი მათ მატერიალური კეთილდღეობის ერთ-ერთ მთავარ წყაროს წარმოადგენდა³.

აღნიშნული ვითარება არ შეცვლილა ალექსანდრე I-ის გამეფების პირველ წლებშიც. ტილზიტის ზავის პერიოდშიც ინგლისი წამყვან როლს ინარჩუნებდა რუსეთთან ვაჭრობაში.

საფრანგეთის წარმომადგენელი სავარი 1807 წელს პეტერბურგიდან აცნობებდა ნაპოლეონს: ყოველწლიურად ნევაში შესული ათას ორასი გემიდან ნახევარი ბრიტანეთის ალამს

¹ А. Махан, დასახ. ნაშრ., ტ. 2, გვ. 25.

² С. А. Покрышкин, დასახ. ნაშრ., გვ. 130.

³ იმ გაგებით, რომ ყმა გლეხობის იძულებითი შრომა აძლევდა რუს ფეოდალ-მემამულეებს დიდი რაოდენობის ნედლეულსა და სურსათ-სანოვაგეს, რომლის მნიშვნელოვან ნაწილს ისინი მათთვის ხელსაყრელ ფასებში ყიდდნენ სწორედ ინგლისში, იქიდან აღებული ფულის მნიშვნელოვანი ნაწილათ კი ისინი ყიდულობდნენ მათთვის საჭირო მაღალხარისხიან ინგლისურ სამრეწველო საქონლს, ფუფუნების საგნებს, კოლონიურ ნაწარმს და სხვ.

ატარებს, პეტერბურგის ყველა ვაჭრის კეთილდღეობა დამოკიდებულია ინგლისთან ვაჭრობაზე; ვაჭართა დიდი ნაწილი ან ინგლისელები ან ინგლისური წარმოშობისანი არიან. დანარჩენებისათვის — გერმანელებისა ან რუსებისათვის — კომერციულმა ინტერესებმა ინგლისი მეორე სამშობლოდ აქცია. თვით რუსი თავადაზნაურები დიდი ბრიტანეთის მოვალეები არიან. ისინი ხე-ტყეს და სხვა პროდუქტებს აწვდიან ინგლისელებს. ინგლისის ნაწარმი ყველგან ფართოდაა გავრცელებული რუსეთში. გაზაფხულზე ინგლისელებს დიდი რაოდენობით შემოაქვთ მაუდი, ავეჯი, ჭურჭელი, ქალაღი, მელანი. ინგლისმა მკიდროდ დაიკავშირა მთელი რუსეთი წვრილი, მაგრამ მრავალი ძაგარი საფით¹. ინგლისი, როგორც კაპიტალისტურად განვითარებული ქვეყანა, ომლის სოფლის მეურნეობა უმნიშვნელო მოცულობით აკმაყოფილებდა საკუთარი ქვეყნის მოთხოვნილებას ნედლეულზე და სურსათ-სანოვაგეზე, რუსეთის სოფლის მეურნეობის პროდუქტების დიდი მომხმარებელი იყო. რამდენადაც იზრდებოდა ინგლისის მოთხოვნილება ხორბლეულზე, მეცხოველეობის პროდუქტებზე, ხე-ტყეზე, ცვილზე, სელზე, ქერაღზე, ტილოზე და სხვა, იმდენად იზრდებოდა მისი გაზიდვა რუსეთიდან. ეს კი, თავის მხრივ, სტიმულს აძლევდა რუს მემამულეებს განეფითარებინათ აღნიშნული საგნების წარმოება, გაედიდებინათ ყმა გლეხთა ექსპლოატაცია. ინგლისთან ვაჭრობა აღიდებდა მათ შემოსავალს. რუსი ვაჭრებიც, რომელნიც, უცხოელ ვაჭრებთან ერთად, შუამავლის როლს ასრულებდნენ რუსეთ-ინგლისის საქონელთა ცვლის პროცესში, ინგლისთან არსებულ სავაჭრო-ეკონომიურ კავშირიდან დიდ სარგებლობას ღებულობდნენ და დაინტერესებულნი იყვნენ მის შემდგომ გაფართოებაში. ამას უნდა დაემატოს ისიც, რომ ინგლისს დიდი რაოდენობით გაჰქონდა რუსეთიდან რკინა, რომლის ექსპორტითაც არა ნაკლებ იყვნენ დაინტერესებული რუსი თავადაზნაურები, რომელთაც რკინის ბევრი გადამამუშავებელი ქარხნები ჰქონდათ, თანაც, როგორც ზემოთ იყო აღნიშნული, ამ ქარხნებში ძირითადად ყმის იძულებითი შრომა იყო გამოყენებული².

რამდენადაც დიდი მნიშვნელობა ჰქონდა ინგლისს რუსეთისათვის მისი სასოფლო-სამეურნეო ნაწარმისა და რკინის გაზიდ-

¹ М. Н. Покровский, Дипломатия и война царской России в XIX столетии, Сб. статей, М., 1923, გვ. 3.

² 1793 წელს რუსეთიდან გატანილ იქნა ინგლისში 2.337 ათასი ფუთი რკინა. იხ. „Очерки истории СССР, Россия во второй половине XVIII века“, გვ. 127.

ვის მხრივ, იმდენადვე დიდი მნიშვნელობა ჰქონდა მას რუსეთში, იმ საქონლის შემოზიდვის მხრივაც. რომლის ძირითადი მომხმარებელი იყო რუსი თავადაზნაურობა. ასეთი საგნები იყო: აბრეშუმი, მაული, ყავა, შაქარი, საფეიქრო ნაწარმი, ტროპიკული ხილი და სხვ.

ინგლისთან ვაჭრობას დიდი მნიშვნელობა ჰქონდა რუსეთისათვის, კერძოდ რუსი თავადაზნაურობისა და რუსი ვაჭრებისათვის იმიტომაც, რომ იგა მათთვის მნიშვნელოვანი სარფის, ფულადი სახსრების დაგროვების მნიშვნელოვან წყაროსაც წარმოადგენდა. ეს კი იმის შედეგი იყო, რომ ინგლისთან ვაჭრობაში რუსეთს მაშინ აქტიური ბალანსი ჰქონდა. ინგლისს გაცილებით მეტი გაჰქონდა რუსეთიდან, ვიდრე შეჰქონდა რუსეთში და ამ განსხვავებას კეთილშობილი ლითონებით, კრედიტებით და ფასიანი ქალაქებით ფარავდა. 1791—1795 წლებში რუსეთის ექსპორტი 9,5 მილიონი მანეთით აღემატებოდა იმპორტს¹ და ეს სხვაობა ძირითადად ინგლისთან ვაჭრობის შედეგს წარმოადგენდა.

რუსეთის სამეფო კარის ახალი საგარეო პოლიტიკური კურსი, კერძოდ ინგლისთან ყოველგვარი ურთიერთობის გაწყვეტა და მასთან ომზე გეზის აღება, რუსეთის ექსპლოატატორული კლასების თვალსაზრისით წარმოადგენდა რუსეთის ნონარქიის ტრადიციული საგარეო პოლიტიკიდან გადახვევას, იგი მოასწავებდა რუსეთ-ინგლისის იმ მეტად მნიშვნელოვანი სავაჭრო-ეკონომიური კავშირის გაწყვეტას, რომელიც ასე ხელსაყრელი იყო რუსი მემამულეებისა და ვაჭრებისათვის. ამით ბოლო ეღებოდა მათი მატერიალური კეთილდღეობის ამ მეტად მნიშვნელოვან წყაროს. ინგლისთან ტრადიციული ეკონომიური კავშირ-ურთიერთობათა სისტემის დარღვევა დიდ ზიანს აყენებდა რუსეთის საგარეო ვაჭრობას, მაშასადამე, გაბატონებული ექსპლოატატორული კლასების ეკონომიურ ინტერესებს. ამის შედეგად რუსეთის მემამულური მიწათმოქმედების ნაწარმს ეკარგებოდა ინგლისის მზარდი ბაზარი, იქმნებოდა ამ ნაწარმთა გასაღების კრიზისის რეალური საფრთხე. ამავ დროს, ეს საშუალებას ართმევდა რუსეთის თავადაზნაურობას შეესყიდა მისთვის საჭირო მოხმარების მაღალხარისხოვანი საგნები, კოლონიური ნაწარმი და სხვ., რომელსაც აგრეთვე ინგლისი აწვდიდა მას თავისივე სავაჭრო ხომალდების

¹ С. А. Покровский II, დასახ. ნაშრ., გვ. 130.

მეშვეობით. ინგლისთან ვაჭრობის აკრძალვას დაემატა ისიც, რომ 1801 წლის 9 თებერვლის ბრძანებულებით პავლემ შესაბამისი აკრძალვა ვააგრცელა პრუსიასა და ბალტიის ზღვის ყველა ნავსადგურზე¹. ძნელი იყო რუსი თავადაზნაურობისათვის ასეთ პერსპექტივასთან შერიგება.

ისმება კითხვა, შეეძლო თუ არა საფრანგეთს ინგლისის ადგილი დაეკირა რუსეთის ბაზარზე, შეეძლო თუ არა მას დაეკმაყოფილებინა რუსეთის გაბატონებული კლასების მხარდი მოთხოვნილება ნოხმარების საგნებსა და კოლონიურ ნაწარმზე, იმ შემთხვევაში თუ ამ ორი ქვეყნის დაახლოება მკიდრო კავშირის შეკვრით დამთავრდებოდა? ჩვენ ამ კითხვაზე უარყოფითი პასუხი უნდა გავცეთ. პირველ ყოვლისა, როგორც უკვე აღვნიშნავდით, რუსეთ-საფრანგეთის ვაჭრობის მოცულობა რევოლუციამდე შედარებით უმნიშვნელო იყო და მას დიდი ტრადიცია არა ჰქონია. საფრანგეთი, იმ სერიოზული ძვრების მიუხედავად, რომლებიც რევოლუციის შედეგად მოხდა ამ ქვეყნის ეკონომიურ ცხოვრებაში, ინგლისთან შედარებით კაპიტალისტური მრეწველობის მხრივ სუსტად იყო განვითარებული. იმ სამრეწველო საქონელს, რომელსაც ინგლისი აწვდიდა რუსეთს, საფრანგეთი ნაკლები რაოდენობით ამზადებდა, თანაც ხარისხით იგი ჯერ კიდევ საგრძნობლად ჩამორჩებოდა ინგლისურ ნაწარმს, ფასი კი მასზე უფრო მაღალი იყო. აღნიშნულის გამო, საფრანგეთთან სავაჭრო-ეკონომიური ურთიერთობის აღდგენის პერსპექტივა ინგლისთან შესატყვისი ურთიერთობის შეწყვეტის პირობებში, რუსეთის თავადაზნაურობასა და ვაჭართა ზედაფენას არ აკმაყოფილებდათ. იგი მათთვის უმნიშვნელო კომპენსაცია იყო ინგლისთან ტრადიციულად არსებული კავშირის დარღვევასთან შედარებით. აქვე უნდა აღინიშნოს, რომ საფრანგეთი უმთავრესად სასოფლო-სამეურნეო ქვეყანა იყო, რომელსაც მნიშვნელოვანი რაოდენობით ჰქონდა სხვადასხვა სახის ნედლეული და სურსათ-სანოვაგე. იგი ამ მხრივ ძირითადად აკმაყოფილებდა თავის შინაგან მოთხოვნილებას. ასეთი სახის ნაწარმოებთა იმპორტს (ხე-ტყისა და ზოგიერთი სხვა ნაწარმის გამოკლებით) საფრანგეთი არ საჭიროებდა. აღნიშნულის გამო, მას არ შეეძლო ინგლისის ადგილი დაეკირა რუსეთის ვაჭრობაში. ასევე არ შეეძლო საფრანგეთს რუსი შემამულეების საექსპორტო ნაწარმის ძირითად ბაზრად გამხდარიყო და ამ მხრივ

¹ ამ ნავსადგურებთან ვაჭრობა და ნაოსნობა სასტიკად ვკრძალვებოდათ რუს ვაჭრებს და სხვა ექსპორტიორებს. იხ. С. А. Покрышкин, დასახ. ნაშრ., გვ. 154.

რუსეთის გაბატონებული კლასების მატერიალური ინტერესები დაეკმაყოფილებინა. დასასრულ, უნდა აღინიშნოს, რომ საფრანგეთს, რომლის სავაჭრო ფლოტის ტონაჟი ინგლისთან შედარებით უმნიშვნელო იყო, არ შეეძლო სათანადო მომსახურება გაეწია რუსეთის იმპორტ-ექსპორტისათვის და აქაც ინგლისის ადგილი დაეჭირა.

ამგვარად რუსეთის ექსპლოატატორული კლასების ეკონომიური ინტერესები და მოთხოვნები ვერ შეურიგდა ინგლისთან არსებული სავაჭრო-ეკონომიური და საზღვაო-სამომოსვლო კავშირის გაწყვეტას, ვერ შეურიგდა მასთან ომის შესაძლებლობის აზრს. საკუთარი კლასობრივი ინტერესები უკარანახებდათ რუსთავედაზნაურებს, მსხვილ ვაჭრებს და მხედრობის თავკაცობას კურსი აეღოთ ინგლისთან ურთიერთობის ნორმალიზაციისა და მასთან უკვე დარღვეული სავაჭრო-ეკონომიური კავშირის აღდგენაზე.

ხაზგასმული ეკონომიური მოტივის დიდ როლს იმ დაპირისპირებაში, რომელიც 1800—1801 წლების მიჯნაზე მოხდა რუსეთის ფეოდალურ არისტოკრატიასა და პავლეს შორის, კარგად ხედავდნენ რუსეთის მაშინდელი ცნობილი პოლიტიკური მოღვაწეები, რომ არაფერო ვთქვათ შემდეგდროინდელ თავკაცებსა და ისტორიკოსებზე. თავიანთ მემუარებში, თუ სხვა ხასიათის მასალებში, რომლებშიც მოცემულია ცნობები პავლე I-ის მეფობის, კერძოდ 1801 წლის 11/23 მარტის აქტის შესახებ, ისინი შიუთითებდნენ საგარეო ხასიათის ფაქტორებზე, კერძოდ ინგლის-რუსეთის ეკონომიური კავშირის გათიშვაზე, როგორც პავლე I-ის მკვლელობის ერთ-ერთ მნიშვნელოვან გარემოებაზე.

ინგლისთან კავშირის გაწყვეტამ და ამით გამოწვეულმა რუსეთის საგარეო ვაჭრობის დაკეპამ, ნავსადგურების ბლოკირებამ, ნედლეულისა და სურსათ-სანოვარის გაზიდვის შემცირებამ, ინგლისური სამრეწველო საქონლის იმპორტის შეწყვეტამ, — წერს თავის მემუარებში ადამ ჩარტორიისკი, — დიდი როლი შეასრულა პავლე I-ის წინააღმდეგ რუსეთის არისტოკრატის ამხედრების საქმეში¹.

¹ ამასთან დაკავშირებით ა. ჩარტორიისკის მოაქვს ცნობები იმ თათბირის შესახებ, რომელსაც ესწრებოდნენ პავლე I-ის მკვლელობის ორგანიზატორები. თათბირის ერთ-ერთმა მონაწილემ შეთქმულმა პ. ზუბოვმა თათბირის მონაწილეებს გააცნო რუსეთის სავალალო მდგომარეობა საერთოდ, კერძოდ იმის შედეგად, რომ უახროდ გაითიშა კავშირი ინგლისთან. ამ ეკონომიური კავშირის

ამ ფაქტორს კიდევ უფრო მკაფიოდ და საფუძვლიანად ხაზს უსვამს დეკაბრისტი მ. ა. ფონვიზინი, რომელიც ხსენებული საკითხის თაობაზე წერს შემდეგს: ინგლისთან კავშირის გაწყვეტამ სერიოზული ზიანი მიაყენა ჩვენს საზღვარგარეთულ ვაჭრობას. ინგლისი გვამარაგებდა ჩვენ მანუფაქტურული და კოლონიური ნაწარმით და, თავის მხრივ, ჩვენგან მიჰქონდა ჩვენი ნედლეული. ამ ვაჭრობის მეშვეობით ვღებულობდით ჩვენთვის საჭირო ყველა საქონელს. თავადაზნაურობა ამ გზით იღებდა შემოსავალს თავიანთი მამულებიდან, აგზავნიდა რა საზღვარგარეთ ხორბალს, გემსაშენ ხე-ტყეს, ანძებს, ქონს, ქერელს, სელს და სხვ. ინგლისთან კავშირის გაწყვეტამ დაარღვია რუსეთის თავადაზნაურობის კეთილდღეობა, რითაც მკვეთრად გააძლიერა პავლე I-ის მიმართ მისი სასტიკი დესპოტიზმით მათ რიგებში ისედაც ფეხმოკიდებულ სიძულვილი¹.

ცნობილ რუს ისტორიკოს ს. სოლოვიოვს, ჩვენი აზრით, უმთავრესად სწორედ სავაჭრო ეკონომიური მოტივი აქვს ხაზულისხმევი, როცა იგი, ეხება რა პავლე I-ის საგარეო პოლიტიკური კურსის მარცხს და ამ მარცხის მიზეზებს, წერს, რომ რუსეთის ნაციონალური ინტერესები შეუძლებელს ხდიდა საფრანგეთთან

გათიშვამ, ზუბოვის აზრით, არსებითი ზიანი მიაყენა რუს ხალხს (რაშიაც ის ცხადია, თავადაზნაურობას გულისხმობდა—ვ. დ.), ბალტიის ნავსადგურებს და თვით პეტერბურგს. იხ. Мемуары Адама Чарторийского..., М., 1912—1913, т. I, гл. 216.

¹ „Павел, сперва враг Французской республики, готовый на все жертвоуания для его подавления... вдруг совершенно измѣняет свою политическую систему и не только не мирится с первым консулом французской республики, умершим ловко похвалить ему, но становится восторженным почитателем Наполеона Бонапарта и угрожает войною Англии. Разрыв с нею нанесла пензьяспособный вред нашей заграничной торговле. Англия снабжала нас произведенными мануфактурными и колонияльными сырьем произведениями нашей почвы. Эта торговля открывала единственные пути, которыми в Россию притокало все для нас необходимое. Дворянство было обеспечено в верном получении доходов с своих поместий, отпускала за море хлеб, корабельные леса, мачты, сало, пеньку, лоп и др. Разрыв с Англией, парывая материальное благосостояние дворянства, усиливал в нем ненависть к Павлу, и без того возбужденную его жестокою деспотизмом. Мисель извести Павла каким бы то ни было способом, сделаться почти общою“. იხ. М. А. Фомзинин, Общественные движения в России в первой половине XIX в., под ред. В. И. Семевского, т. 1, Декабристы. СПб., 1905, гл. 134.

და პრუსიასთან დაახლოებას და მოითხოვდა დაახლოებას ინგლისთან და ავსტრიასთან¹.

ის, რასაც სოლოვიოვი რუსეთის ნაციონალურ ინტერესებს უწოდებს, სინამდვილეში რუსი ფეოდალური მეზამულეების (და რამდენადმე ვაჭართა ზედაფენის) კლასობრივი ინტერესები და მოთხოვნები იყო. სწორედ მათი ეკონომიური ინტერესები აყენებდა ასე მწვავედ ახალი მობრუნების საკიროებას რუსეთის საგარეო პოლიტიკაში, სწორედ ისინი იყვნენ საერთო ნაციონალურ ნილაბში რომ ხვედნენ მათ ვიწრო კლასობრივ მოთხოვნებს და შეუძლებელს ხდიდნენ საფრანგეთთან დაახლოებას.

ამერიკელი კაპიტანი მეხენი, რომელიც, როგორც ჩენი შრომის შესავალ ნაწილში აღენიშნავდით, საფრანგეთის რევოლუციის, დირექტორიის, კონსულობისა და ნაპოლეონის მეფობის პერიოდის საფრანგეთ-ინგლისის ურთიერთობის კომპლექსის გაშუქების დროს ინგლისის საგარეო პოლიტიკისა და დიპლომატიის აპოლოგიას ეწევა, რუსეთ-ინგლისის კავშირის დარღვევისათვის 1800—1801 წლების მიჯნაზე რუსეთის იმპერატორ პავლე I-ს დებს ბრალს. ისიც, თავის მხრივ, მიუთითებს ეკონომიურ ფაქტორზე, რომელიც, მისი აზრით, შეუძლებელს ხდიდა ინგლისთან აღებული მტრული კურსის წარმატებას; „რუსეთის, კერძოდ მისი გავლენიანი თავდაზნაურობის მატერიალური ინტერესები, — წერს იგი, — მოითხოვდნენ მშვიდობის შენარჩუნებას დიდ ბრიტანეთთან, მაგრამ თვითმპყრობელ მონარქს, ყოველ შემთხვევაში დროებით, შეეძლო ანგარიში არ გაეწია ამ ფაქტორისათვის“².

მ. ნ. პოკროვსკის აზრითაც, რომელიც რუსეთის ისტორიულ განვითარებაში უდიდეს როლს სავაქრო კაპიტალს აკუთვნებდა, ინგლისთან არსებული სავაქრო ურთიერთობის გაწყვეტა მეტად მნიშვნელოვანი ფაქტორი იყო, იგი ხშირად ამხედრებდა რუსეთის ფეოდალურ არისტოკრატიას სამეფო ხელისუფლების წინააღმდეგ, როგორც პავლე I-ის მეფობის დროს, ისე თვით ალექსანდრე I-ის მეფობის წლებშიც (ტილიტის ზავის დადების მომენტიდან). რუსეთის საზოგადოების მმართველი კლასები, — წერს ეს ისტორიკოსი, — საბოლოოდ ააშეღრა პავლე I-ის წინააღმდეგ მისმა საგარეო პოლიტიკამ (ხაზი ავტორისაა, — ე. დ.). აქაც,

¹ С. Соловьев, Император Александр Первый, СПб., 1877, гл. 23.

² А. Мехен. დასახ. ნაშრ., ტ. 2, გვ. 25.

მისი თქმით, რუსეთის იმპერატორი აწარმოებდა „...политику вредную для интересов дворянства и торгового капитала“¹.

ეხება რა ტილზიტის ზავის შედეგებს, მ. ნ. პოკროვსკი წერს, რომ რუსეთი უეცრად დარჩა ინგლისური საფაბრიკო ნაწარმის გარეშე, რამაც გამოიწვია თავადაზნაურობის ჩუმი უკმაყოფილება. ისინი ალექსანდრე პირველს თავისი მამის ხვედრით აშინებდნენ, ეს უკანასკნელი (ე. ი. პავლე I) აგრეთვე თავადაზნაურობის მიერ იქნა მოკლული ნაწილობრივ ინგლისთან გათიშვისათვის². მოტანილი შეხედულებაც იმაზე მიგვიბრუნებს, რომ მ. პოკროვსკი 1801 წლის 11/23 მარტის მომზადებასა და განხორციელებაში დიდ როლს ანიჭებდა ინგლის-რუსეთის ურთიერთობის აწმყოსა და მომავალს, რუსეთის გაბატონებული კლასების დიდ დანტერესებას ამ ქვეყანასთან არსებული საექსპრო-ეკონომიური კავშირის შენარჩუნებასა და განმტკიცებაში. ისიც ხაზგასმით აღნიშნავს, რომ ინგლისთან კავშირის გაწყვეტამ შელახა რუსი მემამულეებისა და ვაჭრების ეკონომიური ინტერესები, საფრთხე შეუქმნა მათი შემოსავლის გადიდების ერთ-ერთ მნიშვნელოვან წყაროს და მით აამხედრა ისინი იმპერატორის საგარეო პოლიტიკური კურსის წინააღმდეგ³.

მაგრამ მ. ნ. პოკროვსკი აქ არ სვამს წერტილს. იგი ამ დასკვნიდან აკეთებს დამატებით დასკვნას, რომელიც ისტორიულ სინამდვილეს ეწინააღმდეგება. იგი ძალზე გაზვიადებულად აფასებს ინგლისთან რუსეთის ურთიერთობის ხასიათის როლს რუსეთის ბედ-იღბალზე. თუ მას დაეუჯერებთ გამოდის, რომ რუსეთის თავადაზნაურულ მონარქიას არ შეეძლო ეარსება ინგლისთან მტკიცე და მუდმივი კავშირის გარეშე, რომ ინგლისთან კავშირზე იყო დამოკიდებული რუსეთის კაპიტალიზმის მომავალი. მ. პოკროვსკის შეხედულებით რუსეთის საგარეო პოლიტიკის მთავარი ღერძი თავისთავად განსაზღვრული იყო. ეს იყო ინგლისთან მტკიცე და მუდმივი კავშირი⁴. ინგლისთან მკიდრო ეკონომიური კავშირ-ურთიერთობიდან უმცირესი გადახრაც კი, პოკროვსკის აზრით, უდიდეს საფრთხეს უქმნიდა ახალი ეკონომიური წყობის ზრდა-

¹ М. Н. Покровский, Русская история в самом сжатом очерке, М. 1934, гл. 88.

² იქვე, გვ. 76.

³ იქვე.

⁴ М. Н. Покровский, Дипломатия и войны царской России в XIX столетии, гл. 4.

განვითარებას რუსეთში. ამ პრინციპიდან, ინგლისთან მკიდრო და მუდმივი კავშირის პრინციპიდან, ყოველგვარ გადახვევას იგი უწოდებს დიპლომატიურ შეცდომას, რომლის ჩამდენთა მიმართაც რუსეთის გაბატონებული კლასები მუდამ იმუქრებოდნენ 1801 წლის 11/23 მარტის აქტის განმეორებით¹.

მ. ნ. პოკროვსკის მოტანილი შესედულება როგორც ისტორიული სინამდვილის შეუსაბამოა, ისევე მეთოდოლოგიურადაც მცდარია. განა რუსეთის ეკონომიური განვითარება ძირითადად გარეგან ფაქტორებზე იყო დამყარებული? განა ინგლისთან ეკონომიური კავშირი განაპირობებდა ასალი ეკონომიურ ფორმების განვითარებას და არა თვით რუსეთის საზოგადოებრივ ცხოვრებაში მომხდარი ძვრები? რუსეთში ახალი ეკონომიური ფორმების ჩასახვა-განვითარება ობიექტური კანონების შესატყვისად ვითარდებოდა და არა გარეგან „ექსპორტის“ ან ერთ რომელიმე ქვეყანასთან მკიდრო კავშირის მეოხებით. ინგლისთან სავაჭრო-ეკონომიური კავშირ-ურთიერთობა, რა დიდნი მნიშვნელობისაც არ უნდა ყოფილიყო იგი რუსეთისათვის, მაინც მისი ეკონომიური განვითარების განმაპირობებელი ფაქტორი ვერ გახდებოდა.

როგორც სამართლიანად აღნიშნავს ს. ა. პოკროვსკი, პავლე I-ის ცდა—ეკონომიკა მსხვერპლად შეეწირა საგარეო პოლიტიკური მოსაზრებებისათვის და მით უხეშად დაერღვია თავდაზნაურობის ეკონომიური ინტერესები—წააწყდა ამ ფეოდალური კლასის წინააღმდეგობას; ეს გარემოება გახდა 1801 წლის 11 მარტის მოწყობილ სასახლის გადატრიალების ერთ-ერთი მთავარი მიზეზი. 1801 წლის 11 მარტის აქტმა ცხადყო, რომ რუსი თავადაზნაურობისათვის სულ ერთი როდი იყო თუ რა პოლიტიკას გაატარებდა ცარიზმი საგარეო ვაჭრობის დარგში. იგი მხარს უჭერდა თავისუფალი ვაჭრობის პრინციპს, რადგან ასეთი ვაჭრობის პირობებში იგი ხელსაყრელ ფასებში ჰყიდდა ყმის შრომით შექმნილ სასოფლო-სამეურნეო ნაწარმს და საზღვარგარეთიდან შემოქონდა ზისთვის საჭირო მოხმარების საგნები².

¹ „...малейшее уклонение в сторону, — писал М. Покровский, — усугубило родовые муки нового экономического строя, ставило под вопрос хозяйственную обеспеченность завтрашнего дня и, вызывая поголовно всех, кто владел и правил, грозило самой непосредственной опасностью выживанию совершившей дипломатической ошибки. 11 марта 1801 года висло в воздухе все время шодолного союза Александра I с Наполеоном“. М. Н. Покровский и, დასახ. ნაშრ., გვ. 4.

² С. А. Покровский и, დასახ. ნაშრ., გვ. 154—156.

ამგვარად, 1800—1801 წლების მიჯნაზე რუსეთის ცარიზმის ახალი საგარეო პოლიტიკური კურსი, რომელიც წარმოადგენდა შემობრუნებას ევროპის მთავარ სახელმწიფოების მიმართ რუსეთის მანამდე არსებულ ურთიერთობაში, შემობრუნებას ევროპის სახელმწიფოებთან რუსეთის არსებულ სავაჭრო-ეკონომიურ კავშირ-ურთიერთობის სისტემაში, შეეჯახა რუსეთის ფეოდალური არისტოკრატიისა და სხვა ექსპლოატატორული ჯგუფების მატერიალურ ინტერესებს. ამას ზედ დაერთო ფეოდალური არისტოკრატიისა და სამხედრო კამარილიის ზედაფენის -- სასახლის დაჯგუფების—აღშფოთება პაველე I-ის რეჟიმის აუტანელი დესპოტური ხასიათისა და მისი საშინაო მმართველობის „ახირებულობის“ გამო. ამ საგარეო და საშინაო ხასიათის ფაქტორების შერწყმის ნიადაგზე აღმოცენდა ღრმა კონფლიქტი თვითმპყრობელ მონარქსა და რუსეთის იმპერიის გაბატონებული კლასების გარკვეულ ფენებს შორის. ამ კონფლიქტის შედეგს კი წარმოადგენდა სასახლის შეთქმულება და პაველს თავიდან მოცილება 1801 წლის 11/23 მარტს.

ინგლისის წინააღმდეგობა, როგორც უკვე აღნიშნული იყო, ერთ-ერთი მნიშვნელოვანი ფაქტორთაგანი იყო, რომელმაც ხელი შეუშალა რუსეთ-საფრანგეთის კავშირის შეკვრას და მის ბაზაზე ევროპული მშვიდობის აღდგენას 1801 წლის დასაწყისში. ინგლისის მთავრობამ და მისმა აგენტებმა, კერძოდ ინგლისის ელჩმა პეტერბურგში უიტვორტმა უშუალო მონაწილეობა მიიღეს პაველე I-ის საწინააღმდეგო შეთქმულების ორგანიზაციაში, და, მაშასადამე, მის თავიდან მოცილებაში¹.

ინგლისის გამოსვლა რუსეთის საგარეო პოლიტიკის აღნიშნული მობრუნების წინააღმდეგ, მისი გაბოროტება რუსეთ-საფრანგეთის მოსალოდნელი დაკავშირების პერსპექტივის გამო და მათი დაახლოების მიღწეული შედეგებით, ინგლისელთა მონაწილეობა 1801 წლის 11/23 მარტის აქტის შენჯაღებაში სავსებით კანონზომიერი მოვლენა იყო. ამაში მოულოდნელი და გასაკვირი არაფერი იყო. 1800—1801 წლების მიჯნაზე რუსეთის საგარეო პოლიტიკაში შემზადებული ახალი პროცესები ხომ უშუალოდ

¹ თუმცა პაველს მმართველობის ზოგიერთი თანამედროვე უარყოფს ინგლისის, პირადად უიტვორტის აქტიურ როლს 1801 წლის 11/23 მარტის შეთქმულების ორგანიზაციაში. ასეთ აზრს აწვდიან ნიკოლაი ივ. შანინსკი, ივ. ფონიზინი. იხ. „*Вашински Фолияципа, очевидца смутных времен царст. Павла I, Александра I и Николая I, Лейпциг, 1859, გვ. 65 და შემდეგი.*

ინგლისის წინააღმდეგ იყო მიმართული. ინგლისის მთავრობა, რომელიც ასე მოქნილად და გონივრულად ატარებდა თავისი ქვეყნის გაბატონებული კლასების ინტერესების შესაბამის პოლიტიკას და რომელსაც მოწინააღმდეგე ძალებთან ანგარიშის გასწორების დიდი გამოცდილება ჰქონდა, გულხელდაკრეფილი არ დარჩებოდა და პრაქტიკულ ნაბიჯებს გადადგამდა თავისი შელახული ინტერესების დასაცავად.

1800—1801 წლების მიჯნაზე ევროპის პოლიტიკურ ცხოვრებაში შექმნილმა ახალმა ვითარებამ და შემობრუნებამ რუსეთსაფრანგეთის ურთიერთობაში სერიოზული ზიანი მიაყენა ინგლისის გაბატონებული კლასების სავაჭრო-ეკონომიურ ინტერესებს, ინგლისის ზღვაოსნობას. ამ ახალმა ვითარებამ სერიოზული საფრთხე შეუქმნა ინგლისის პოზიციებს ახლო აღმოსავლეთში და ჩაშლის წინაშე დააყენა იმ გეგმების რეალიზაცია, რომლებიც დასახული ჰქონდა მას საფრანგეთთან ომის პროცესში.

ის სავაჭრო-ეკონომიური ურთიერთობა, რომელიც რუსეთსა და ინგლისს შორის არსებობდა მათ შორის კავშირის გათიშვამდე, არა მარტო რუსეთის გაბატონებული კლასებისათვის იყო ხელსაყრელი, არამედ გაცილებით უფრო მეტად ინგლისის სავაჭრო-სამრეწველო ბურჟუაზიის, საზღვაო წრეებისა და ლენდლორდული წრეებისათვის. რუსეთის საგარეო ვაჭრობის მნიშვნელოვანი ნაწილის თავისი ფლოტით „მომსახურება“ დიდძალ ფრანტს აძლევდა ინგლისის სათანადო წრეებს. როგორც არაერთხელ იყო აღნიშნული, რუსეთის პური, ხეტყე, რკინა და სხვა ნედლეული დიდი რაოდენობით იყიდებოდა ინგლისის ბაზარზე და ამ ქვეყნის გაბატონებული კლასების კეთილდღეობის მნიშვნელოვანი წყარო იყო. ამიტომ ბუნებრივია, რომ ინგლისის გაბატონებული კლასები ვერ შეურიგდებოდნენ რუსეთთან ეკონომიური კავშირის გაწყვეტას და შეეცდებოდნენ აღედგინათ მანამდე არსებული მდგომარეობა.

რუსეთსაფრანგეთის მოლაპარაკება პარიზში¹, ინდოეთზე ერთობლივი ლაშქრობის გეგმის შემუშავება და პავლე I-ის მიერ წამოწყებული ლაშქრობა ინდოეთში იწვევს ინგლისის მთავრობის სერიოზულ შეშფოთებას. ყოველივე ეს მოასწავებდა ინგლი-

¹ ლონდონში და ვენაში ფიქრობდნენ, რომ პარიზში იმუშავებდნენ თურქეთის დაყოფის, ინგლისის აღმოსავლეთიდან გამომძევების და ავსტრიის იმპერატორისათვის შევადგოვი ხანის მიყენების გეგმებს. ია. T. Ch. R u x., დასახ. ნაშო., ტ. 2, გვ. 94.

სის საზღვაო და კოლონიურ მონოპოლიაზე, მის სამხედრო-სტრატეგიულ ბაზებზე და პოზიციებზე ხელყოფას. რუსეთ-საფრანგეთის მოსალოდნელი ანტიინგლისური კავშირის ჩაშლა, რუსეთის საგარეო პოლიტიკის ორიენტაციის შეცვლა ინგლისის საგარეო პოლიტიკისა და დიპლომატიის ყურადღების ცენტრში იქნა დაყენებული იმ მომენტში¹.

ინგლისმა თავისი ინტერესების დასაცავად და მისთვის მეტად არასასურველი პერსპექტივის ჩასაშლელად განახორციელა ლონისძიებათა მთელი წყება. ეს ლონისძიებები იყო: ბალტიის ზღვაში ძლიერი სამხედრო ფლოტის გაგზავნა და, საერთოდ, რუსეთთან ომისათვის მზადება, დიპლომატიური ინტრიგები და რუსეთის ანგლოფილურ ჯგუფებთან კავშირის შეკვრა პავლე I-ის თავიდან მოცილების მიზნით.

ინგლისის მონაწილეობა პავლე I-ის მკვლელობაში, კერძოდ ინგლისის პეტერბურგელი ელჩის უიტვორტის აქტიური როლი ამ საქმეში არავითარ ეჭვებს არ იწვევს. ამის შესახებ წერდნენ თანამედროვენი რუსეთიდან, ამას ხაზს უსვამდა ნაპოლეონი თავის მეგობრებში, ამის შესახებ არის მკაფიო მითითებები თვით შემდეგდროინდელ ცნობებშიც.

ინგლისის ელჩი უიტვორტი, გაბოროტებული პავლე I-ის მიერ მის მიმართ მიღებული დისკრიმინაციული ზომებით და ინგლისის წინააღმდეგ მიმართული ლონისძიებებით, საპასუხო ზომებს მიმართავს, უკავშირდება პეტერბურგის სასახლის ანგლოფილურ ელემენტებს, ფულით ამარაგებს მათ და აქეზებს აშკარა შეთქმულებისაკენ. შემთხვევითი არ იყო ის გარემოება, რომ უიტვორტი 1800 წლის დასაწყისში თავის საცოლვე ლედი არაბელასადმი გაგზავნილ წერილში, სიმპათიკური მეღნით მინაწერში, რუსეთის იმპერატორს არანორმალურს უწოდებს. „The fact is, and

¹ ფრანგი ისტორიკოსი ბინონი (Bignon) ძირითადად სწორ შეფასებას აძლევს იმ მიზეზებს, რომლებმაც რუსეთის ფეოდალური არისტოკრატია და მისი ზედაფენა — სასახლის. არისტოკრატია — აამხედრა პავლე I-ის წინააღმდეგ და აიძულა იგი სასახლის გადატრიალება მოეწყო. ასეთ მიზეზებად იგი ასახელებს საგარეო და საშინაო ხასიათის მიზეზებს. საგარეო ხასიათის მიზეზებში ავტორი, პირველ რიგში, წინა პლანზე აყენებს ინგლის-რუსეთის ვაქრობისა და ნაოსნობის მკვეთრ შემცირებას რუსეთის მთავრობის მიერ გატარებული რეპრესიული ზომების შედეგად. ეხება რა საშინაო ხასიათის მიზეზებს, ბინონი ხაზს უსვამს რუსეთსა და დასავლეთ ევროპას შორის, მისი აზრით, არსებული განსხვავებას. M. Bignon, დასახ. ნაშრ., გვ. 115.

I speak it with regret, that the emperor is literally not in his senses“, — წერს იგი¹.

ეს იყო გაბოროტებული ინგლისელი დიპლომატის გესლის ამონახევა იმ იმპერატორის მიმართ, რომელსაც იგი უშუალოდ ბრალს დებდა ანტიინგლისური კურსის აღებასა და ნაპოლეონ ბონაპარტთან დაახლოებაში. ჩვენს მიერ არაერთხელ ყოფილა ხაზგასმული პაველ I-ის დესპოტური ბუნება, ჭირვეულობა, თავ-შეუკავებლობა, აღზნებადობა, ხასიათის ცვალებადობა, მაგრამ არანორმალური, ჭკუიდან შერყეული ამ სიტყვის ნამდვილი მნიშვნელობით იგი არასოდეს არ ყოფილა².

ინგლისელთა უშუალო მონაწილეობას პაველ I-ის მკვლევლობის ორგანიზაციაში, კერძოდ უიტვორტის აქტიურ როლს ამ საკმეში სარწმუნოდ მიიჩნევს იმ მემუარების ავტორების უმრავლესობა, რომლებიც თავიანთ მოგონებებში საკმარ სისრულით აგვიწერენ პაველ I-ის მეფობის პერიოდის ამბებს. ამ ფაქტზე მიუთითებენ ჩარტორიისკი, ლობანოვი, ფანჩულიძე, გეიკინგი და სხვები.

ა. ჩარტორიისკი პ. ზუბოვს, ნ. პანინს, პ. პალენსა და პაველ I-ის მკვლევლობის სხვა ორგანიზატორებს ინგლისელთაგან მისუი-დულებად თვლის³.

გენ. ფანჩულიძეს თავის კავალერგარდების ისტორიაში მოტანილი აქვს თავად ლობანოვის ჩანაწერი პაველ I-ის მკვლევლობის შესახებ, რომელიც თავის მხრივ თავად ლოპუხინის უშუალო ცნობებს ემყარება. ლოპუხინი ღრმად არის დარწმუნებული ინგლისელთა უშუალო მონაწილეობაში პაველ I-ის მკვლევლობის საქ-

¹ К. Валишневский, *დასახ ნაშრ.*, გვ. 439.

² პაველ I-ის არანორმალურობის საბუთად არ გამოდგება არც ნაპოლეონ ბონაპარტის პასუხი თავის პირად ექიმ ო. ზეარასადმი. წმ. ელენეს კენძელზე თავისი გადასახლების გამს, 1817 წლის 14 თებერვალს, ხსენებულ ექიმთან საუბრის დროს, ექიმის ერთ შეკითხვაზე ნაპოლეონმა შემდეგი განაცხადა პაველს შესახებ: „...sur les derniers temps... je pense qu' il avait perdu une partie de sa raison... mais j'ai fini par changer son opinion et la faire revenir à des sentiments plus raisonnables“. იხ. O. Meara, *Mémoires Sainte de Hélène de Napoléon dans l'exil...* t. I. Paris, 1832, გვ. 364. ამ პასუხით ნაპოლეონს სურდა ხაზი გაესვა თვით იმ საგარეო პოლიტიკური კურსის უახრობისა და არანორმალურობისათვის, რომელსაც პაველ I 1800 წლამდე ატარებდა და ეთქვა, რომ მისმა დიდმა ზემოქმედებამ ამ იმპერატორზე შემოაბრუნა იგი და ნორმალურ გზაზე დააყენა.

³ Мемуары князя А. Чарторийского, т. I, гл. 216.

მეში. კერძოდ ის აღნიშნავს უიტვორტის კავშირს შეთქმულებთან ზუბოვის დის ოლა ჯერებცოვას (რომელსაც უიტვორტის საყვარელსაც კი უწოდებენ) მეშვეობით. ინგლისის მთავრობას შეთქმულების საქმისათვის ორ მილიონ მანეთამდე ფული გაუღია, რომელიც პაულე I-ის მოკვლის შემდეგ ზუბოვის დას ინგლისში ჩასვლის დროს აუღია და თვით მიუთვისებია¹.

ინავე ფანჯულიძეს მოტანილი აქვს ამონაწერი ვილაც A. H. B-ს ჩანაწერებიდან, რომელიც თავის მხრივ ნათელყოფს, რომ თანამედროვეებს კარგად ესმოდათ პაულეს მკვლელობის საშინაო და საგარეო მოტივები, ისინი დარწმუნებულნი იყვნენ, რომ ინგლისის მთავრობა აქტიურად მონაწილეობდა ამ მკვლელობის ორგანიზაციაში.

პაულემ ძლიერ გააჯავრა ინგლისი, — ვკითხულობთ ამ ამონაწერში, — „Она-то (ე. ი. ინგლისმა—ვ. დ.) ему и нанесла последний смертельный удар. Послом этой державы при дворе петербургском был Витворт. Не знаю, из Англии ли сообщена ему мысль об убийстве императора Павла, или она родилась в петербургском приятельском обществе и подкреплена из Лондона денежными пособиями, но знаю, что первый заговор о том сделан между им и Ольгой Александровной Жеребцовой, сестрой Зубовых, с которой он имел любовную связь“².

რომ უიტვორტი 1801 წლის 11/23 მარტის აქტის ერთ-ერთი ორგანიზატორი და სულისჩამდგმელი იყო და უდიდესი აღტაცებით შეეგება მას, ამაზე კარგად მეტყველებს მისი პირადი ხასიათის წერილი ს. რ. ვორონცოვისადმი (დაწერილი 1801 წლის აპრილში). ამ წერილში იგი ულოცავს რუსეთის ელჩს პაულეს თავიდან მოცილებას, განგებისაგან მოვლენილ ბედნიერ შემთხვევას უწოდებს ამ ამბავს და ზეცას მადლობას უძღვნის ამისათვის³.

¹ С. Пачулидзе, История кавалергардов 1794—1799, СПб., 1901, т. 2, гл. 263.

² იქვე, გვ. 260.

³ „გთხოვთ მიიღოთ ჩემი ყველაზე გულწრფელი მისალმება, — წერს იგი ამ წერილში. — როგორ გამოვხატო ყველაფერი ის, რასაც მე ვკრძნობ ამ ბედნიერი შემთხვევის გამო, რომელიც განგებამ (coup de la Providence) ზეგარდმოვივიღინა ჩვენ! რაც უფრო მეტად ვფიქრობ მე ამის შესახებ, მით უფრო მადლობას ვუძღვნი ზეცას... ჩვენ შეგვიძლია იმედი ვიქონიოთ იმ ბედნიერი დროის დაბრუნებაზე, როცა რუსეთი და ინგლისი ერთად იყვნენ“. Архив князя Воронцова, т. 29, гл. 394.

ის რეაგირება, რომლითაც პარიზში და ლონდონში შეხედნენ ცნობას პავლე I-ის მოკვლის შესახებ, — პარიზში ინფუარების გრძნობით, ლონდონში კი დაუფარავი სიხარულით და ალტაცებით, — ერთხელ კიდევ ცხადყოფს ინგლისის დიპლომატიისა და ინგლისის აგენტების როლს 1801 წლის 11/23 მარტის აქტის განხორციელებაში. ფრანგი ისტორიკოსები მ. ბინონი, პ. ლანფრე, ე. ბურჟუა და სხვები კონკრეტულ მონაცემებზე დაყრდნობით ხაზს უსვამენ აღნიშნულს. ცნობას პავლეს სიკვდილის შესახებ, — წერს ბინონი, — ლონდონში შეხედნენ უდიდესი საზეიმო შეძახილებით და ალტაცებით¹. როდესაც ტალეირანმა ნაპოლეონს პავლე I-ის სიკვდილი აცნობა, ამ უკანასკნელმა წაპოიძახა: „ინგლისელებს მარცხი მოუვიდათ და ამადღინეს 3 ნივთს პარიზში (იგულისხმება ნაპოლეონის მოკვლის ერთ-ერთი წარუმატებელი ცდა, ვ. დ.). მაგრამ იმათ მიაღწიეს თავიანთ საწადელს პეტერბურგში“². საგულისხმოა ისიც, რომ პავლე I-ის სიკვდილის ამბის მიღებისთანავე ფრანგულმა გაზეთმა „*Moniteur*“-მა ნაპოლეონის მითითებით ასეთი ცნობა მოათავსა: „პავლე გარდაიცვალა 24/25 ლამეს; ინგლისელთა ესკადრა გავიდა ზუნდში 31-ს. ისტორია პაუხს გაგვეცნს კითხვაზე, თუ რა კავშირი არსებობს ამ ორ მოკვლენას შორის“³. წმინდა ელენეს კუნძულზე გადასახლებაში მყოფი ნაპოლეონი ისევ დაუბრუნდა ამ საკითხს და ომეარასთან საუბარში კვლავ აღნიშნა: პავლე I-ის მკვლელობა ინგლისელების მიერ (კერძოდ უიტგორტის მიერ) იყო მოწყობილიო⁴. ამგვარად, ისტორიული ფაქტები საკმაო საბუთებს იძლევა იმისათვის, რომ საგარეო პოლიტიკის საკითხებს მეტად დიდმნიშვნელოვანი როლი მივაკუთვნოთ 1801 წლის 11 მარტის

¹ M. Bignon, დასახ. ნ. შრ., გვ. 114.

² P. Lanfrey, დასახ. ნაშრ., ტ. 2, გვ. 307.

³ E. Bourgeois, დასახ. ნაშრ., ტ. 2, გვ. 219.

⁴ ნაპოლეონ ბონაპარტმა წმინდა ელენეს კუნძულზე ო, მერასთან საუბრის დროს პირდაპირ მიუთითა პავლეს მკვლელობის ორგანიზატორებზე და დაასახელა ისინი პერონალურად. ამ მკვლელობის მთავარ ორგანიზატორებად მას მიაჩნდა ინგლისის ელჩა პეტერბურგში კავალერი უიტგორტი და პეტერბურგის სასახლის თავკაცები პალენი, ბენიკსენი, ორლოვი, ზუბოვი „...et autres personnes et acteurs de cet horrille parricide“: ინგლისის აქტიურ მონაწილეობას პავლეს მკვლელობის ორგანიზაციაში ნაპოლეონი ხსნის ინგლისელთა დიდ გაბოროტებით რუსეთ-ინგლისის ურთიერთობაში 1800 წლიდან მომხდარი მკვეთრი მობრუნებით. იხ. O. Meara., დასახ. მემუარები, ტ. 2, 1842, გვ. 51—52.

სასახლის გადატრიალების ორგანიზაციის საქმეში. ამაზე მიგვითითებს ინგლისის და მისი ელჩის უიტვორტის აქტიური როლი შეთქმულების ორგანიზაციის საქმეში, ნ. პ. პანიინისა და პ. ა. პალენის ხელმძღვანელი როლი შეთქმულთა შორის, შეთქმულ რუს არისტოკრატთა დიდი ნაწილის ანგლოფილური განწყობილება და ის მძაფრი ბრძოლა რუსეთის საგარეო პოლიტიკის შემდგომი ორიენტაციისა და მიმართულების თაობაზე, რაც გრძელდებოდა პეტერბურგის საწეფო კარზე თვით 1801 წლის 11 მარტის აქტამდე.

ნ. პ. პანიინის და სხვა ანგლოფილთა ზოოლოგიურ სიძულვილს თ. ვ. როსტოპჩინისადმი, რომელიც 1801 წლის თებერვლის მეორე ნახევრამდე საგარეო საქმეთა კოლეგიის ხელმძღვანელი იყო და საგარეო პოლიტიკის საკითხებში პავლე I-ის მთავარი მრჩევლის როლს ასრულებდა, არსებითად საგარეო პოლიტიკის მოტივები ედო საფუძვლად. როსტოპჩინს ყველა შესაძლებელი საშუალებებით ებრძოდნენ იმიტომ, რომ რუსეთში მას უშუალოდ პასუხისმგებლად თვლიდნენ იმ საგარეო პოლიტიკური ნაბიჯებისათვის, კერძოდ საფრანგეთთან დაახლოებისათვის, რაც ასე მკვეთრად გამოვლინდა 1800 წლის დასაწყისიდან.

პეტერბურგის საწეფო კარზე და საგარეო საქმეთა კოლეგიაში ანგლოფილური დაჯგუფების ბრძოლა ახალი საგარეო პოლიტიკური ორიენტაციის წინააღმდეგ გრძელდებოდა ნ. პ. პანიინის ვიცე-კანცლერობიდან განთავისუფლებისა და თ. ვ. როსტოპჩინის დიპლომატიური ბარათის მოწონების შემდეგაც. ეს ბრძოლა განსაკუთრებით გაძლიერდა 1800 წლის დასასრულიდან, როდესაც მკვეთრად გაუარესდა ინგლის-რუსეთის ურთიერთობა, შოიხაზა მათ შორის ომის კონტურები, თანაც რუსეთ-საფრანგეთის დაახლოება ამ სახელმწიფოთა შეთანხმების რეალურ შესაძლებლობაში გადაიზარდა.

ამ ბრძოლის შესახებ მიგვითითებს თ. ვ. როსტოპჩინის ერთ-ერთი წერილი (უცნობი პირისადმი), დათარიღებული 1801 წლის 17 თებერვლით. ამ წერილში როსტოპჩინი წერს: „მე გადავწყვიტე ვთხოვო იმპერატორს დამითხოვოს. მე აღარ შემიძლია შემდეგშიაც ვებრძოლო ინტრიგებსა და ცილისწამებებს და ვიმყოფებოდე არამზადების საზოგადოებაში, რომელთაც მე ვეჯავრები, და რომლებიც, ხედავენ რა ჩემს მოუსყიდველობას, ეკვი აქვთ, ისიც არც თუ უსაფუძვლო, რომ მე ვეწინააღმდეგები მათ ზრახვებს“. წერილიდან ჩანს, რომ ამ „არამზადების“ მეთაურად თ. ვ. როსტოპჩინს ნ. პ. პანიინი მიაჩნია. ამიტომაც, რომ მას „დე-

მონის¹, „ინტრიგანის“ და „მაკიაველის“ ნაშეირის „საპატრიო“ ეპითეტებით ამკობს. მართალია პანინი გაძევებულიაო, წერს როსტოპჩინი, მაგრამ იგი მაინც განაგრძობს მოქმედებას სხვა ინტრიგანებთან ერთად (იგი ასახელებს ა. ლოპუხინს, ა. კურაკინს, ა. რაზუმოვსკის, პ. პალენს), რომელთაც ჩემი თანამედრობის ხელში ჩაგდება სურთო².

როგორც ცნობილია, თ. როსტოპჩინი, მართლაც, მალე გახდა მის მოწინააღმდეგეთა ინტრიგის მსხვერპლი. 1801 წლის თებერვლის მეორე ნახევარში თ. როსტოპჩინი შეთქმულებმა დააბეზღეს პავლესთან, რომელმაც მოიშორა იგი თავიდან, გაათავისუფლა საგარეო საქმეთა კოლეგიის ხელმძღვანელობიდან, აუკრძალა პეტერბურგში ყოფნა და თავის მამულში გააძევა, ხოლო კოლეგიის ხელმძღვანელობა გენერალ პ. პალენს დააქისრა.

ზემოაღნიშნულზე მიგვივითებს აგრეთვე ცნობილი დიპლომატის ს. რ. ვორონცოვის პოზიცია და დამოკიდებულება პავლე I-ის მმართველობისადმი. იგი საფრანგეთთან დაახლოებისა და ინგლისთან კავშირ-მეგობრობაზე ხელის აღებრს დაუძინებელი მტერი იყო. ამისათვის იგი სასტიკად დაისაჯა: მან დაკარგა პატივი და რუსეთის ელჩის პოსტი ინგლისში. ს. რ. ვორონცოვი პავლე I-ის საწინააღმდეგო შეთქმულების უშუალო მონაწილე არ ყოფილა, (ამაში მას, ჩვენი აზრით, ხელი შეუშალა ლონდონში მუდმივად ყოფნამ), მაგრამ ყოველმხრივ თანაუგრძნობდა შეთქმულების იდეას და თვით შეთქმულებას. ჩვენ ვფიქრობთ, რომ ამ დიპლომატს ძირითადად პავლე I-ის მთავრობის ახალი საგარეო პოლიტიკური მიმართულება ჰქონდა მხედველობაში, როდესაც 1801 წლის 5 (17) თებერვალს ნ. ნ. ნოვოსილცევისადმი გაგზავნილ წერილში (წერილი სიმპათიკური მელნით არის დაწერილი) რუსეთს დასალუპავად განწირულ იმ გემს ადარებს, რომელსაც შემლილი კაპიტანი მართავს. ს. ვორონცოვი მოუწოდებს ნოვოსილცევს ჩააგონოს გემის კაპიტნის ახალგაზრდა თანაშემწეს, რომლის ქვეშ იგი პავლე I-ის შვილს ალექსანდრეს გულისამობს, თვით აიღოს ხელში გემის კაპიტნობა, თავისი ადგილი მიუჩინოს შემლილ კაპიტანს და მით იხსნას დალუპვისაგან როგორც გემი, ისე მასზე მყოფი ხალხი და ტვირთი². ეს ხომ პავლეს თავიდან მოცილების აშკარა მოწოდებაა. აჰ მოწოდებამდე, ამ აზრამდე კი ს. რ. ვორონცოვი,

¹ იხ. „Русский архив“, 1876, ტ. 3, გვ. 422.

² Архив князя Воронцова, ტ. 10, გვ. 2.

როგორც უკვე აღვნიშნავდით, მისმა საგარეო პოლიტიკურმა ორიენტაციამ მიიყვანა.

ამავე დროს ჩვენ ვფიქრობთ, რომ პავლე I-ის მთავრობის მიერ აღებული ზემოდასახელებული საგარეო პოლიტიკური კურსი—ინგლისთან სავაჭრო-ეკონომიური კავშირის გაწყვეტა, მასთან ომის აღმოცენების საფრთხე, საფრანგეთთან კავშირის დამყარების პერსპექტივა.—უაღრესად მნიშვნელოვანი ფიციხი მასალა იყო, რომელმაც განაწყო რუსი მემამულეების წინაშე მდებარე ნაწილი, კერძოდ სასახლის არისტოკრატის გავლენიანი დაჯგუფება პავლე I-ის წინააღმდეგ. ამ საგარეო პოლიტიკურმა კურსმა კიდევ უფრო დაუქარგა პავლეს მმართველობას „მიმზიდველობა“ და გააძლიერა ხსენებული დაჯგუფების სიძულვილი თვით შინაგანი მმართველობის ხასიათისადმი. პავლე I-ის მთავრობის საგარეო პოლიტიკური კურსი რომ წინააღმდეგობაში არ მოსულიყო თავდაზნაურობის ნაწილის ეკონომიურ და პოლიტიკურ ინტერესებთან, მაშინ მათ შესაძლებელია არც შინაგანი მმართველობა წარმოუდგებოდათ ასეთი მუქი საღებავებით. როცა ნ. პ. პანინი, ს. რ. ვორონცოვი, ვ. პ. კოჩუბეი, პ. კრიუდენერი და სხვა რუსი დიპლომატები ილაშქრებენ პავლე I-ის მეფობის წინააღმდეგ, მას უწოდებენ „ჩავარდანას“ და „ხარვეზს“ რუსეთის ისტორიულ განვითარებაში, დესპოტიისა და შიშის მეუფებას. ისინი, პირველ ყოვლისა, საგარეო პოლიტიკის საკითხებიდან გამომდინარეობენ. ეს პირები ინგლის-რუსეთის კავშირისა და ინგლისთან კავშირში საფრანგეთის წინააღმდეგ ბრძოლის გაგრძელების მომხრენი იყვნენ. პავლე I-ის მთავრობამ კი, პირიქით, სულ საწინააღმდეგო კურსი აიღო. ამ ნიადაგზე აღმოცენდა კონფლიქტი მათსა და პავლე I-ს შორის. რომ არ ყოფილიყო ეს მოტივი, ჩვენის აზრით, ისინი, შესაძლებელია, პავლე I-ის მოწინააღმდეგეთა ბანაკში არც აღმოჩენილიყვნენ. ჩვენ არა გვგონია, რომ ნ. პ. პანინი შეთქმულების ერთ-ერთი იდეური ორგანიზატორი და ხელმძღვანელი გამხდარიყო, მისი საგარეო პოლიტიკური მისწრაფებები და 1800 წლიდან პავლე I-ის მთავრობის მიერ აღებული საგარეო პოლიტიკური კურსი ერთმეორეს რომ არ დაჯახებოდნენ. არ არის გამორიცხებული, რომ შეთქმულება და თვით 1801 წლის 11 მარტის აქტი სხვა ვითარებაში შეიძლება სხვა შედეგით დამთავრებულიყო. მაშინ ხომ არა მარტო პანინის ტიპის ადამიანები, არამედ ინგლისელებიც შეთქმულების გარეშე აღმოჩნდებოდნენ.

მიგვაჩნია რა საგარეო პოლიტიკის საკითხები, კერძოდ საფრანგეთთან და ინგლისთან შემდგომი ურთიერთობის საკითხები

ერთ-ერთ მნიშვნელოვან მოტივად, რომელმაც განაწყო რუსეთის ფეოდალური არისტოკრატის მნიშვნელოვანი ნაწილი პავლე I-ის წინააღმდეგ და 1801 წლის 11 მარტის ამბავი შეამზადა, ჩვენ ამავე დროს, არ ვაპირებთ უკიდურესობაში მოქცევას და არ ვანიჭებთ მას ერთადერთი მოტივის როლს პავლე I-ის თავიდან მოცილების საქმეში, 1801 წლის 11 მარტის სასახლის გადატრიალების მოხდენის საქმეში.

ამიტომ ჩვენ ძირითადად ვეთანხმებით საბჭოთა ისტორიკოსების მიერ პავლე I-ის მკვლელობის თაობაზე გამოთქმულ მოსაზრებას იმის შესახებ, რომ საგარეო პოლიტიკის საკითხები, კერძოდ ინგლისთან შემდგომი ურთიერთობის საკითხი არ ყოფილა ერთადერთი მოტივი, რომელმაც განაპირობა ზემოაღნიშნული კონფლიქტი იმპერატორ პავლე I-სა და რუსეთის ექსპლოატორულ კლასებს შორის, რომ მთავარი როლი ამ კონფლიქტის წარმოშობაში შეასრულა საშინაო პოლიტიკის მიმართულებისა და მმართველობის საკითხებმა.

საგარეო პოლიტიკის მიმართულების ნიადაგზე, კერძოდ ინგლისთან სავაჭრო-ეკონომიური კავშირის გაწყვეტის ნიადაგზე, თვით ალექსანდრე I-ის მეფობის დროსაც წარმოიშვა მსგავსი დაჯახება სამეფო ხელისუფლებასა და თავადაზნაურობას შორის. მაგრამ იგი სასახლის მორიგი გადატრიალებით არ დამთავრებულა (თუმცა ერთგვარ მუქარას ამ მიმართულებით მაინც ჰქონდა ადგილი). განა ფაქტი არ არის. რომ ცარიზმი როგორც მმართველობის სისტემა, ისე როგორც ცალკეული გვირგვინოსანი მონარქები საშინაო და საგარეო პოლიტიკაშიც გაბატონებული ფეოდალური თავადაზნაურობის კლასობრივი ინტერესების შესაბამის პოლიტიკას ატარებდნენ? განა თვით ის მობრუნებაც, რუსეთის საგარეო პოლიტიკაში, რომელიც უშუალოდ პავლე I-ის მეშვეობით ტარდებოდა და რომლის შედეგსაც ინგლისთან კავშირის გაწყვეტა წარმოადგენდა, ისევ რუსი მემამულეების, ვაჭართა ზედაფენისა და სამხედრო კამარილიის კლასობრივი ინტერესებით არ იყო ნაკარნახევი? აღნიშნული საგარეო პოლიტიკური კურსი ხომ მიზნად ისახავდა ახლო აღმოსავლეთის პრობლემის რუსეთის ეკონომიური და სამხედრო სტრატეგიული ინტერესების შესაბამისად გადაწყვეტას. მას ხომ შავი ზღვიდან ხმელთაშუა ზღვაში გასავლელი სრუტეების საკითხიც რუსეთის გაბატონებული კლასების ეკონომიური და პოლიტიკური მოთხოვნები შესაბამისად უნდა გადაეწყვიტა. ინგლისთან კავშირის გაწყვეტაც ხომ ახლო აღმოსავლეთის პრობლემასთან — შავი ზღვის გასავლე-

ლებისათვის ბრძოლასთან -- იყო დაკავშირებული. ამ პრობლემების რუსეთის ინტერესების შესატყვისად გადაწყვეტა კი ნიშნავდა მათ გადაწყვეტას რუსი მემამულეებისა და სხვა ექსპლოატატორული ფენების ეკონომიური და პოლიტიკური მოთხოვნების შესატყვისად. ამგვარად, პავლე I-ის მთავრობა, საგარეო პოლიტიკის კურსის აღნიშნული მობრუნების მიუხედავად, რომელმაც წარმოშვა კონფლიქტი თვითმპყრობელ მონარქსა და რუსეთის თავადაზნაურობის ნაწილს შორის, ამ მხრივაც კვლავინდებურად თავადაზნაურობისავე კლასობრივი ინტერესებით ხელმძღვანელობდა. აღნიშნულის გამო, საგარეო პოლიტიკის საკითხები, მათი მთელი სერიოზულობის მიუხედავად, ვერ იქნებოდა ერთადერთი ფაქტორი 1801 წლის 11/23 მარტის აქტის მომზადებაში.

მაგრამ საქმე ისაა, რომ პავლე I-მა თავისი მეტად კაპრიზიანი, ცვალებადი და ევვიანი ხასიათით, დესპოტური მმართველობით, თავადაზნაურული არისტოკრატის ზედაფენის პირად ცხოვრებაში წვრილმანი ჩარევით და აუტანელი რეგლამენტაციით აიძუებდა არისტოკრატია და თვით ფეოდალებიც კი. პავლემ ჯეროვნად ვერ აუღო ალლო მათ სულისკვეთებას და მით თავისი თავი დონ კიხოტის მდგომარეობაში ჩააყენა.

პავლე I რომ უფრო მიხვედრილი, თანამიმდევარი და დინჯი მმართველი ყოფილიყო, მაშინ მისი მეფობა არ იქნებოდა ეგზომ დესპოტური და აუტანელი თვით იმ კლასის ზედაფენისათვის, რომელიც მის საყრდენს წარმოადგენდა და რომლის კლასობრივი ინტერესების დასაცავად იგი მოწოდებული იყო. პავლე I ხომ ისევე ამტკიცებდა და აძლიერებდა თავადაზნაურობის კლასობრივ დიქტატურას გლეხობასა და სხვა მშრომელებზე, როგორც მისი წინამორბედი ეკატერინე II. მაგრამ ეკატერინე II-ის მეფობა რუსმა თავადაზნაურობამ ბრწყინვალეების შარავანდედით შემოსა, პავლე I-ის მეფობას კი შიშის, დესპოტიის, წყვედიანისა და უგუნურების მეუფება უწოდა. ცხადია, პავლე I მოკლებული იყო დიდი ადამიანებისათვის დაძაბასათებელ ყველა ნიშანს. მას არ შეეძლო კარგად გაეგო მემკვიდრეობით მიღებული საზოგადოებრივი პირობები და ამ პირობების საფუძველზე აეგო თავისი მმართველობა. პირადმა დესპოტიზმმა, მმართველობის უაღრესმა ცენტრალიზაციამ, მმართველი ზედაფენის პირად ცხოვრებაში უხეშმა ჩარევამ—დაუკარგა პავლეს მეფობას „ინიზიდველობა“ და ავტორიტეტი გაბატონებული კლასების თვალში, მიიყვანა იგი დონ კიხოტის მდგომარეობამდე და განაპირობა მისი დაღუპვა.

რუსეთის ფეოდალური არისტოკრატის ზედაფენის ერთი ჯგუფის დამოკიდებულება პავლეს მეფობისადმი კარგად არის გამოხატული თავად ვ. პ. კოჩუბეის წერილებში ს. რ. ვორონცოვისადმი. პირველი წერილი 1799 წლის 19 აპრილს არის დაწერილი, მეორე კი პავლე I-ის მოკვლის შემდეგ, 1801 წლის აგვისტოში. ორივე წერილში უაღრესად მუქი საღებავევბია ნახმარი პავლე I-ის მეფობისა და ამ მეფობის პერიოდის რუსეთის დასახასიათებლად. პირველ წერილში კოჩუბეი წერს: შინაგანი მმართველობა უფრო და უფრო უარესდება. უკიდურესმა ეგოიზმმა შეიპყრო ყველა¹. მეორე წერილში, რომელშიც გამოხატულია უდიდესი სიხარული პავლეს თავიდან მოცილებისა და ალექსანდრეს გამეფების გამო, კოჩუბეი ისევ უბრუნდება წარსულს და ძრწოლვით იგონებს განვლილ მეფობას. „ის, ვისაც არ უნახავს პავლეს მეფობის უკანასკნელი წლები, -- წერს იგი, -- და ვისაც საშუალება არა აქვს კემშარიტი ცნობები მიიღოს იმის შესახებ, თუ რა ქაოსი, არეუ-დარევა და დეზორგანიზაცია იყო მაშინ გაბატონებული, ვერასოდეს ვერ იმსჯელებს ჩვენი მდგომარეობისა და იმ შრომის შესახებ, რომელიც უნდა დაიხარჯოს, რათა ბოლო მოეღოს ყოველივე ზემოაღნიშნულს“².

ხვალინდელი დღისადმი რწმენის დაკარგვამ, საკუთარი პერსონისადმი საფრთხემ პალენისა და პანინის ტიპის სასახლის თავკაცებს უბიძგეს შეთქმულებისაკენ პავლეს თავიდან მოცილების მიზნით.

„ეკატერინეს მემკვიდრე პავლე, -- წარს ფ. ენჯელსი, -- იყო ჯიუტი, კაპრიზიანი, უგუნური; იგი ყოველ წუთში შლიდა დიპლომატთა გეგმებს; იგი აუტანელი ხდებოდა, საჭირო იყო მისი თავიდან მოცილება. გვარდიის ოფიცერთა შორის ამისათვის ადვილად შეიძლებოდა აღმსრულებლების პოვნა. ტახტის მემკვიდრე ალექსანდრე მონაწილეობდა შეთქმულებაში და ფარავდა მას“³.

პეტერბურგის „მაღალ სფეროებში“ არსებული ასეთი განწყობილების გამო სავსებით გასაგებია ის სიხარული, რომლითაც შეეგება პავლეს სიკვდილის ცნობას რუსეთის მოსახლეობის თითქმის ყველა ფენა, პირველ რიგში კი თავადაზნაურობის ანგლოფილური დაჯგუფება. „Россия смотрела на сего монарха как на грозный метеор, считая минуты и с нетерпением ожидая по-

¹ Архив князя Воронцова, т. 18, кз. 203.

² იგივე არქივი, ტ. 14, კვ. 155.

К. Маркс и Ф. Энгельс, Соч., т. 16, ч. II, кз. 17.

следней, — წერს ცნობილი მწერალი დერევინი, — Она пришла и весть о том... была вестью искупления; в домах, на улицах люди плакали от радости, обнимая друг друга как в день Светлого Воскресения¹.

აქვე უნდა აღინიშნოს, რომ უკანასკნელ დროს აღმოჩენილი ახალი მასალებით ცხადი ხდება, რომ პავლე I-ის რეჟიმის წინააღმდეგ მიმართული ოპოზიცია მარტო სასახლის თავადაზნაურთა ვიწრო შეთქმულთა ჯგუფით არ განისაზღვრებოდა. სინამდვილეში, როგორც ჩანს, ოპოზიცია გაცილებით უფრო ფართო ხასიათის იყო. ამაზე მიგვითითებს „იაკობინთა“ სმოლენსკის ჯგუფის არსებობა, რომელსაც პოლკოვნიკი ალექსანდრე მიხეილის ძე კახოვსკი ედგა სათავეში², მასალები ძმები ევგრაფი და პეტრე გრუზინოვების საქმის შესახებ (ჩერკასკში)³ და სხვა მსგავსი ფაქტები⁴.

აქვე უნდა აღინიშნოს, რომ რუსეთის თვითმპყრობელი ხელისუფლება, თუმცა იგი გაბატონებული კლასების ინტერესებს გამოხატავდა, ხშირად ინარჩუნებდა შედარებით დამოუკიდებლობას და ცდილობდა ერთგვარად დამოუკიდებელი ორგანიზებული პოლიტიკური ძალა ჰქონოდა. ეს იმას ნიშნავს, რომ რუსეთის ცარიზმს, როგორც პოლიტიკურ-სახელმწიფოებრივ სისტემას, სურდა მთელი სახელმწიფოს, ყველა ქვეშევრდომების ინტერესების გამოხატველად გაესაღებინა თავი და თვისი კლასობრივი არსი მიეჩქმალა. რუსეთის თვითმპყრობელობის ამ შედარებითი დამოუკიდებლობის გამო, ცალკეულ ისტორიულ მონაკვეთებში ადგილი ჰქონდა დროებით კონფლიქტებს თვითმპყრობელურ ხელისუფლებასა და რუსეთის იმპერიის გაბატონებულ კლასებს შორის. ვ. ი. ლენინი „ჩრდილოეთის კავშირისადმი“ გაგზავნილ წერილში მიუთითებდა ცარიზმის ორმაგ ბუნებაზე. იგი წერდა, რომ არ კმარა მარტო აღინიშნოს ის, რომ „...თვითმპყრობელობა გამოხატავს მხოლოდ და მხოლოდ გაბატონებული კლასების ინტერესებს“, ასეთი

¹ „Записки Карамзина о древней и новой России“, „Русский архив“, 1870, გვ. 2269.

² ამის შესახებ იხ. Т. Г. Спештко, Новые материалы по истории общественного движения конца XVIII века, „Вопросы истории“, 1952, № 9, გვ. 122.

³ ამის შესახებ იხ. ი. გვინჩიძე, რუსეთის საზოგადოებრივი მოძრაობის ისტორიიდან, თბ., 1957.

⁴ იხ., მაგალითად, Г. Макаго иенко. Родствен и его время, М., 1956, თავი 7, გვ. 577—580 და შემდ.

ყოვნებულა, მისი ასრით, ზუსტი არ არის. ლენინის ასრით, ... თვითმპყრობელობა აქმაყოფილებს გაბატონებული კლასების გარკვეულ ინტერესებს; იგი არსებობას ინარჩუნებს ნაწილობრივ გლეხობისა და წვრილ მწარმოებელთა მასის უძრავობითაც საზოგადოდ, ნაწილობრივ — ბალანსირებით მოპირდაპირე ინტერესებს შორის, და რამდენადმე დამოუკიდებელ ორგანიზებულ პოლიტიკურ ძალასაც წარმოადგენს* (ხაზგასმა ჩვენია, ვ. დ.). ვ. ი. ლენინი უარყოფს რუსეთში გავრცელებულ შეხედულებას თვითმპყრობელობის გაბატონებული კლასების ბატონობასთან გაიგივების შესახებ¹.

რუსეთის თვითმპყრობელური ხელისუფლების ეს რამდენადმე დამოუკიდებლობა, მისი ცდა არ გაეზიარებინა ყველაფერში გაბატონებული კლასების მისწრაფებები, შეენარჩუნებინა ორმაგი ბუნება და მოპირისპირე საზოგადოებრივი ძალების ბალანსირებას დაყრდნობოდა, ყველაზე მკვეთრად სწორედ პავლე I-ის დესპოტური მმართველობის დროს გამოვლინდა. აქედან ლოგიკური იყო ის კონფლიქტი, რომელიც მის ზელისუფლებასა და გაბატონებული კლასების გარკვეულ დაჯგუფებებს შორის აღმოცენდა.

1801 წლის 11/23 მარტის აქტმა და მის შედეგად პავლე I-ის თავიდან მოცილებამ² ჯვარი დაუსვა რუსეთის საგარეო პოლიტიკის იმ მიმართულებას, რომელმაც ეს ქვეყანა 1801 წლის დასაწყისში ინგლისთან კავშირის განმტკიცებამდე მიიყვანა. ახალმა მმართველობამ ისევ შემოაბრუნა რუსეთის საგარეო პოლიტიკის საკე და მას ისეთი მიმართულება მისცა, რომლისთვისაც ასე თავგამოდებით იბრძოდა ფეოდალური არისტოკრატის ანგლოფილური დაჯგუფება.

¹ ვ. ი. ლენინი, თხზ., IV ტომ., ტ. 6, გვ. 196.

² 1801 წლის 11 მარტს სასაზღვრო საზღვარების გადართობის ორგანიზაციის, მის ორგანიზატორთა შემადგენლობისა და უშუალოდ თვით პავლე I-ის მკვლელობის აქტის შესახებ მრავალი მეჭვარული ხასიათის ლიტერატურა არსებობს, ეს საკითხები ვრცლადაა გაშუქებული რუს და საზღვარგარეთელი რევოლუციონარული ისტორიკოსების მიერ. არც საბჭოთა ისტორიკოსებს დაუტოვებიათ იგი ყურადღების გარეშე. აღნიშნულის გამო ჩვენ საჭიროდ არ ვთვლით კვლავ დავებრუნდეთ მას და ერთგულ კიდევ გავაშუქოთ ჩვენს შრომაში. ერთის მხრით, იგი ახალს არაფერს შემატებს ჩვენ ნაშრომს, მეორეს მხრივ, არსებითად, სკილდება ჩვენი კვლევის ფარგლებს.

პაველე I-ის მკვლელობა და სამეფო ტახტზე ალექსანდრე I-ის ასვლა ერთგვარ წყალგამყოფს ქმნის რუსეთის (პაველე I-ის მეფობის უკანასკნელი პერიოდის) საგარეო პოლიტიკის წინამორბედ და შემდგომ პერიოდებს შორის. მართალია ეს სხვაობა უფრო ტაქტიკური, ვიდრე სტრატეგიული ხასიათის იყო: იგი არ მოასწავებდა რუსეთის ისტორიულად გამოწეშავებული საგარეო პოლიტიკიდან გადახვევას და რაღაც ახალი ორიენტაციის აღებას. მაგრამ ყოველივე ეს დამოუკიდებელი კვლევის საგანს წარმოადგენს და იგი ჩვენი საკვლევი ობიექტის ფარგლებს სცილდება.

დ ა ს კ ვ ნ ბ ი

საკვლევო პრობლემის შესახებ არსებული წყაროებისა და ლიტერატურის ანალიზის საფუძველზე ჩვენ შემდეგ დასკვნებამდე მივედით.

საფრანგეთის 1789—1794 წლების ბურჟუაზიულმა რევოლუციამ, რომელმაც სრული გადატრიალება მოახდინა როგორც საფრანგეთის სოციალურ-ეკონომიურ ცხოვრებაში, ისე ევროპის სახელმწიფოთა პოლიტიკურ ურთიერთობათა სისტემაში, უშუალო გავლენა იქონია რუსეთ-საფრანგეთის ურთიერთობაზე. ამ რევოლუციის შედეგად აღმოცენებულმა ახალმა ვითარებამ მკვეთრად გააუარესა რუსეთ-საფრანგეთის ურთიერთობა და დაარღვია მათ შორის რევოლუციამდე არსებული კავშირ-ურთიერთობათა სისტემა.

1795 წლის დასასრულისათვის მეფის რუსეთსა და საფრანგეთის რესპუბლიკას შორის შეწყვეტილი იყო ყოველგვარი ურთიერთობა. ეკატერინე II-ის მთავრობა მხოლოდ ფორმალურად ინარჩუნებდა შეიარაღებული ნეიტრალიტეტის პოზიციას და ყოველმხრივ ეხმარებოდა ევროპის მონარქთა და საერო-სასულიერო ფეოდალთა ანტიფრანგულ კოალიციას, თანაც ენერგიულად ემზადებოდა რევოლუციური საფრანგეთის წინააღმდეგ ომისათვის. ეკატერინე II-ის გარდაცვალებამ და პავლე I-ის გამეფებამ ახალი ვითარება შექმნა რუსეთის სამეფო კარზე და თავისი გავლენა მოახდინა რუსეთ-საფრანგეთის არსებულ ურთიერთობაზე.

პავლე I-ის მეფობის ხანმოკლე პერიოდი, როგორადაც არ უნდა განსხვავდებოდეს იგი რუსეთის წინამორბედ და შემდგომ მეფობათაგან, არ მოასწავებდა „სრულ ჩაფარდნას“ რუსეთის ისტორიულ განვითარებაში. პავლე I-ის მთავრობის პირველი ნაბიჯები საგარეო პოლიტიკის დარგში, მისი თავდაპირველი საგა-

რეო პოლიტიკური ორიენტაცია, კერძოდ პოლიტიკა საფრანგეთის მიმართ არ წარმოადგენდა მკვეთრ გადახვევას რუსეთის ისტორიულად გამომუშაებულ და მემკვიდრეობით მიღებულ საგარეო პოლიტიკურ მიმართულებიდან. რუსეთის თავადაზნაურული მონარქიის ახალმა მმართველობამ — იმპერატორ პავლე I-ის მთავრობამ — შეინარჩუნა და განავითარა რუსეთის საგარეო პოლიტიკის მემკვიდრეობით მიღებული და ისტორიულად გამომუშაებული მიმართულება და სტრატეგიული ხაზი როგორც საერთოდ, ისევე კერძოდ საფრანგეთის მიმართ. მაგრამ ახალმა ვითარებამ ევროპის სახელმწიფოთა პოლიტიკურ ურთიერთობათა სისტემაში, რომელიც შეიქმნა ევროპაში 1796—1797 წლების მიჯნაზე, მიიყვანა პავლე I-ის მთავრობა ზოგიერთი კორექტივის შეტანის საჭიროებამდე რუსეთის წინამორბედი მთავრობის საგარეო პოლიტიკურ კურსსა და მიმართულებაში. ეს კორექტივი უფრო ტაქტიკური ხასიათის იყო, ვიდრე ძირეული და უფრო იმ ხერხებსა და საშუალებებს შეეხებოდა, რომლებითაც უნდა მომხდარიყო რუსეთის მონარქიის წინაშე მდგარი აქტუალური საგარეო პოლიტიკური ამოცანების რეალიზაცია. ისტორიული განვითარების იმ ეტაპზე საფრანგეთის რესპუბლიკის მიმართ პავლე I-ის მთავრობის მიერ აღებული კურსი და ტაქტიკური ნაბიჯები ამ კორექტივშეტანილი საგარეო პოლიტიკური მიმართულებისა და ორიენტაციის განუყოფელ ნაწილს წარმოადგენდა.

რუსეთის ახალი საიმპერატორო მთავრობის საგარეო პოლიტიკური კურსი და მიმართულება, წინამორბედის მსგავსად, რუსეთის ცარიზმის საშინაო პოლიტიკასთან მკიდრო კავშირში იმყოფებოდა. იგი რუსეთის ფეოდალური თავადაზნაურობის კლასობრივი მისწრაფებით, მისი ეკონომიური, პოლიტიკური და სამხედრო-სტრატეგიული მოთხოვნებით იყო განპირობებული. პავლე I-ის გამეფების მომენტისათვის საფრანგეთის რესპუბლიკასთან შენდგომი ურთიერთობის საკითხში რუსეთის სამეფო კარზე, რუსეთის ფეოდალური არისტოკრატის ზედაფენაში ორი დაჯგუფება უპირისპირდება ერთმანეთს.

ერთი დაჯგუფება მხარს უჭერდა მემკვიდრეობით მიღებული საგარეო პოლიტიკური კურსის გაგრძელებას, ყოველგვარი ტაქტიკური გადახვევის გარეშე, მას საკიროდ მიაჩნდა ეკატერინე II-ის მეფობის პიწურულში საფრანგეთის წინააღმდეგ ომისათვის დაწყებული მზადების ბოლომდე მიყვანა, ინგლისთან და ავსტრიასთან კავშირის განმტკიცება და მათთან ერთად რესპუბლიკური საფრანგეთის წინააღმდეგ ომის გაჩაღება. ამ გზით ფიქრობდა ეს

დაჯგუფება რუსეთის თავადაზნაურულ-ბატონყმური ურთიერთობისათვის შექმნილი საფრთხის ლიკვიდაციას, „წესიერებისა და კანონიერების“ აღდგენას ევროპაში და რუსეთის პოზიციების განმტკიცებას ევროპასა და ახლო აღმოსავლეთში. ამ დაჯგუფების საგარეო პოლიტიკურ მრწამსს ყველაზე მკაფიოდ გამოხატავენ ცნობილი რუსი დიპლომატები ს. რ. ვორონცოვი და ნ. პ. პანინი.

მეორე დაჯგუფება, პირიქით, რუსეთის საგარეო პოლიტიკის წინაშე დასმული აქტუალური ამოცანების გადაწყვეტას იმ ეტაპზე უკავშირებდა შეიარაღებულ ნეიტრალიტეტის პოლიტიკის დაცვას და დიპლომატიური ღონისძიებების გამოყენებას. მას შესაძლებლად მიაჩნდა ერთგვარი მობრუნება საფრანგეთისადმი ეკატერინე II-ის მიერ აღებულ კურსში და ამ სახელმწიფოსთან მოლაპარაკების გამართვა ყველა სადავო საკითხზე. თუ ეს მოლაპარაკება წარმატებით იქნებოდა, ამ მიმდინარეობის მომხრეებს შესაძლებლად და რუსეთის ნაციონალური ინტერესების შესაბამისად ნიაჩნდათ საფრანგეთთან ხელშეკრულების დადება ევროპის „დამშვიდებისა“ და რევოლუციამდე მათ შორის არსებული ურთიერთობის აღდგენის ბაზაზე. ამ საგარეო პოლიტიკურ თვალსაზრისს ყველაზე მკაფიოდ ანვითარებდა რუსეთის იმპერიის კანცლერი, საგარეო საქმეთა კოლეგიის ხელმძღვანელი, ცნობილი დიპლომატი ა. ა. ბეზბოროდკო (შემდეგში კი თ. ვ. როსტოპჩინი).

მეორე დაჯგუფების საგარეო პოლიტიკურმა მრწამსმა მნიშვნელოვანი როლი შეასრულა იმ კურსის შემუშავებაში, რომელიც რუსეთის სამეფო კარმა და ნათავრობამ აიღეს საფრანგეთის მიმართ 1797 წლის დასაწყისიდან.

პაველ I-ის მთავრობას, რუსეთის რევოლუციამდელ ისტორიკოსთა ნაწილში გავრცელებული შეხედულების საწინააღმდეგოდ, ხელი არ აუღია ძველ სტრატეგიულ ხაზზე, საფრანგეთის რესპუბლიკის მზარდი აგრესიისათვის გზის გადაღობვისა და „რევოლუციის ძირგამომთხრელი გავლენის“ აღკვეთის გეზზე, დავით-მონარქისტულ პრინციპის შემდგომ გამოყენებაზე. მაგრამ მან რუსეთის საგარეო პოლიტიკის წინაშე მდგარი გადაუდებელი ამოცანების გადაწყვეტა საფრანგეთთან დაუყოვნებლივი ომის ნაცვლად სამშვიდობო დიპლომატიური ნაბიჯების წარმატებას დაუკავშირა. რუსეთის მთავრობამ საჭიროდ მიიჩნია მეომარ სახელმწიფოთა შორის არბიტრის როლში გამოსვლა და საფრანგეთის სამშვიდობო ინიციატივისათვის გამომხაურება. მან შესაძლებლად

ცნო საფრანგეთის მთავრობასთან ომამდელი ურთიერთობის აღდგენის თაობაზე ხელშეკრულების დადება, თუ საფრანგეთის დიპლომატია მიიღებდა რუსეთის დიპლომატიის მიერ წამოყენებულ პირობებს. მაგრამ ამავე დროს რუსეთის მთავრობას მტკიცედ ჰქონდა გადაწყვეტილი იარაღი მოემარჯვებინა და საფრანგეთის წინააღმდეგ ეგონა, თუ მისი ახალი ტაქტიკური ნაბიჯი წარმატებით არ დაგვირგვინდებოდა. იგი ამ მიმართულებითაც სათანადო მზადებას აწარმოებდა.

ჩვენი აზრით, რუსეთის ეს პოლიტიკა საფრანგეთის მიმართ მეტად მნიშვნელოვანი შინაგანი და საგარეო ხასიათის გარემოებებით იყო განპირობებული. ეს გარემოებები იყო შემდეგი:

1. პრუსიის სამეფოს, საფრანგეთ-პრუსიის საზავო ხელშეკრულების დადების შემდეგ, მართალია, ნეიტრალური მდგომარეობა ექირა, მაგრამ ეს ნეიტრალიტეტი მერყევი და მეტად საეჭვო ხასიათისა იყო. საფრანგეთის რესპუბლიკის დიპლომატიის მზარდი ზემოქმედებისა და პრუსია-ავსტრიის დაჭიმული ურთიერთობის პირობებში გამორიცხული არ იყო პრუსიის გამოსვლა ნეიტრალური მდგომარეობიდან და მისი დაკავშირება საფრანგეთთან ავსტრიისა და რუსეთის წინააღმდეგ. პავლეს მთავრობას წინასწარ თავი უნდა დაეზღვია ასეთი საფრთხისაგან, თავისი დიპლომატიით გაენეიტრალებინა საფრანგეთის დიპლომატიის ზემოქმედება პრუსიაზე და ამით უზრუნველყო თავისი იმპერიის დასაველეთი საზღვრების უშიშროება საფრანგეთის წინააღმდეგ ომის დაწყების მომენტისათვის.

2. პირველი ანტიფრანგული კოალიცია 1796 წლის დასასრულისათვის ფაქტიურად დაშლილი იყო. საფრანგეთის წინააღმდეგ ბრძოლის გაჩაღება მეფის რუსეთს მხოლოდ იმ შემთხვევაში შეეძლო, თუ მას ეყოლებოდა მოკავშირეები. ამდენად რუსეთს ახალი ანტიფრანგული სამხედრო-პოლიტიკური კოალიციის შექმნა საფრანგეთთან ომის დაწყების ერთ-ერთ წინასწარ პირობად უნდა მიეჩნია. ახლი ანტიფრანგული კოალიციის შექმნისათვის კი სერიოზული დიპლომატიური ღონისძიებები იყო ჩასატარებელი, რაც გარკვეულ დროს მოითხოვდა.

3. რუსეთის სამეფო კარზე იმედი ჰქონდათ, რომ წარმატებით დამთავრდებოდა ის როიალისტური შეთქმულება პარიზში, რომლის ორგანიზაციაში თვით ცარიზმის აგენტებიც იღებდნენ აქტიურ მონაწილეობას. პეტერბურგში დააწყებულნი იყვნენ, რომ ამ შეთქმულების წარმატება ზედმეტს ვახდინა საფრანგე-

თის მიმართ „დაცვით-მონარქისტული“ პრინციპის მომარჯვებას იმ ეტაპზე.

4. პეტერბურგის სასახლესა და მმართველი ფეოდალური არისტოკრატის რიგებში აღმოფხვრილი არ იყო გლეხთა ახალი გამოსვლების შიში, „ახალი პუგაჩოვის“ გამოჩენის საფრთხე ისევ საშიშ რეალობას წარმოადგენდა. ამასთან დაკავშირებით შინაგანი ფრონტის განმტკიცებისათვის, „ზურგის“ უშიშროებისათვის სათანადო ნაბიჯების გადადგმის საჭიროება მეფის რუსეთისათვის საფრანგეთთან ომის დაწყების ერთ-ერთი მნიშვნელოვანი წინასწარი პირობა უნდა ყოფილიყო.

5. ეკატერინე II-ის მთავრობის არასახარბიელო მემკვიდრეობა დღის წესრიგში აყენებდა შერყეული ფინანსების წესრიგში მოყვანას, თითქმის დაცარიელებული ხაზინის შევსებას, არმიისა და ფლოტის შემდგომ შევსებას და რეორგანიზაციას, რაც აგრეთვე გარკვეულ დროს მოითხოვდა. აღნიშნულ ღონისძიებათა გატარების გარეშე კი საფრანგეთის წინააღმდეგ ბრძოლის გაჩაღება არ იყო სასურველი.

თავის მხრივ, საფრანგეთის რესპუბლიკის მთავრობას, სურდა რა იარაღისა და დიპლომატიის მეშვეობით გადამწყვეტი დამარცხება მიეყენებინა მოწინააღმდეგეებისათვის, ცდილობდა თავიდან აეცილებინა რუსეთის ომში ჩაბმვა. რუსეთის შემდგომ პოზიციასზე საფრანგეთის რესპუბლიკის მიმართ დიდად იყო დამოკიდებული საფრანგეთის აღნიშნული გეგმების რეალიზაცია. რუსეთის მიერ ნეიტრალიტეტის პოზიციის შემდგომი შენარჩუნება გააადვილებდა ამ გეგმების რეალიზაციას, ხოლო ინგლის-ავსტრიასთან კავშირში საფრანგეთის წინააღმდეგ რუსეთის ამხედრება, პირიქით, ჩაშლიდა საფრანგეთის გეგმებს.

მეფის რუსეთის ნეიტრალიზაცია, თუ მასთან მორიგება და საერთო ენის გამოხატვა შეუძლებელი გახდებოდა, აღნიშნულის გამო, დირექტორიის მთავრობის საგარეო პოლიტიკისა და დიპლომატიური საქმიანობის ცენტრში იქნა დაყენებული.

რუსეთის ცარიზმის და საფრანგეთის რესპუბლიკის ზემოაღნიშნულმა მისწრაფებებმა დროებით განაპირობეს ამ ორი ქვეყნის თვალსაზრისის დამთხვევა მათი შემდგომი ურთიერთობის პერსპექტივის საკითხში. ამ ნიადაგზე აღმოცენდა შემხვედრი სამშვიდობო ინიციატივა, შეთანხმების მიღწევის სურვილი და ბერლინში არაოფიციალური მოლაპარაკებების დაწყება მათ შორის (საფრანგეთის რესპუბლიკის უპირატესი ინიციატივით).

რუსეთ-საფრანგეთის შეჩვივადი სამშვიდობო ინიციატივა და მათი მოლაპარაკება (ეკრძოდ ბერლინის მოლაპარაკება) შეთანხმების თაობაზე წარმატებით არ დამთავრებულა. მოლაპარაკების მსვლელობაში არც რუსეთის და არც რესპუბლიკური საფრანგეთის დიპლომატიას არ გამოუჩენია შეთანხმების მიღწევის გულწრფელი სურვილი. რუსეთ-საფრანგეთის დაახლოება და შეთანხმება ამ ეტაპზე პრაქტიკულად შეუძლებელი გახდა. აღნიშნულის გამო პაველე I-ის მთავრობამ ხელი აიღო საფრანგეთთან შეთანხმების მიღწევის შემდგომ განზრახვაზე და რუსეთის საგარეო პოლიტიკური ამოცანების გადაწყვეტა მომავლისათვის ისევ ანტიფრანგულ კოალიციაში ჩაბმას და საფრანგეთის წინააღმდეგობის დაუკავშირა.

რუსეთ-საფრანგეთის გაკვიანურებული მოლაპარაკების ჩაშლა, მეორე ანტიფრანგული კოალიციის აღმოცენება, რომლის ორგანიზაციისა და ხელმძღვანელობის საქმეში რუსეთის დიპლომატიამ ერთ-ერთი ხელმძღვანელი როლი შეასრულა, და რუსეთის ამხედრება საფრანგეთის წინააღმდეგ—მოასწავებდა მორიგე მობრუნებას რუსეთ-საფრანგეთის ურთიერთობაში.

ჩვენს ნაშრომში მოტანილი მასალები ცხადყოფენ, რომ ეს მობრუნება შემთხვევით მოვლენას არ წარმოადგენდა. ამ მობრუნების საჭიროება რიგ ეკონომიურ, პოლიტიკურ და სამხედრო-სტრატეგიულ ფაქტორებით იყო განპირობებული.

იმ ახალმა ვითარებამ, რომელიც 1797 წლის მეორე ნახევარში შეიქმნა ევროპაში, აიძულა რუსეთის მთავრობა ხელი აეღო ზემოაღნიშნულ ტაქტიკურ „უკანდახევაზე“. ახალ ვითარებაში შეუძლებელი იყო მარტო დიპლომატიური ღონისძიებებით იმ ამოცანების გადაწყვეტა, რომლებიც რუსეთის საგარეო პოლიტიკის გადაუდებელ საკითხთა დღის წესრიგში იყო დასმული. აღნიშნული მობრუნებისას პაველე I-ის მთავრობა რუსეთის იმპერიის ინტერესებიდან და თვით არსებული სისტემის უკეთ დაცვის მოსაზრებებიდან გამომდინარეობდა.

მთავარი როლი ამ მობრუნებაში შეასრულა საფრანგეთის რესპუბლიკის დიპლომატიისა და იარაღის ახალმა წარმატებებმა ცენტრალურ და სამხრეთ ევროპასა და ხმელთაშუა ზღვის აუზში (კამპო-ფორმიოს ზავის დადების შემდეგ). ამ წარმატებებმა სერიოზული საფრთხე შეუქმნეს რუსეთის პოზიციებს და ინტერესებს როგორც ცენტრალურ ევროპაში, ისე ხმელთაშუა ზღვის აუზსა და ახლო აღმოსავლეთში. საფრანგეთის აგრესიამ ეგვიპტეში და თურქეთის დაპყრობის განზრახვამ უდიდესი საფრთხე შეუქმნა

მეფის რუსეთის ეკონომიურ, პოლიტიკურ და სამხედრო-სტრატეგიულ ინტერესებს და პოზიციებს ახლო აღმოსავლეთში. ეს მოასწავებდა საფრანგეთის განზრახვას განედევნა რუსეთი მსოფლიოს ამ ნაწილიდან და იქ ანტირუსული აგრესიის ახალი ბაზა შეექმნა. სწორედ ამიტომ საფრანგეთის აგრესიის ამ ახალმა აქტმა გადამწყვეტი როლი შეასრულა ანტიფრანგულ კოალიციაში რუსეთის ჩაბმისა და მის მიერ საფრანგეთის წინააღმდეგ ომის გაჩაღების საქმეში.

ერთ-ერთ მნიშვნელოვან როლს ამ საქმეში ჩვენ ვაქუთვნებთ ე. წ. „პოლონეთის საკითხს“. დირექტორიის ხელისუფლება და მისი მრავალრიცხოვანი აგენტები ცდილობდნენ ძირგამომთხრელი მუშაობა ეწარმოებინათ რუსეთის მიერ ახლად დაპყრობილ პოლონურ სამფლობელოებში და ამხედრებინათ პოლონელი მოსახლეობა რუსეთის წინააღმდეგ. საფრანგეთის ხელისუფალთა ამ საქმიანობაში და მათ მიერ პოლონელ ემიგრანტთა წაქეზებაში რუსეთის ცარიზმის შესევეურები ხედავდნენ რუსეთის იმპერიის საზღვრებისა და ტერიტორიულ მთლიანობის ხელყოფას, ერთის მხრივ, და რუსეთის იმპერიაში „რევოლუციურ ბაცილის“ შეტანის ცდას, მეორეს მხრივ. რუსეთის პოლონურ ოლქებში „წყლის ამღვრევისა“ და იქ შფოთის გამოწვევის მტრული პოლიტიკის პასუხი მეფის რუსეთის მხრივ უნდა ყოფილიყო ამ პოლიტიკის ჩაშლა და საფრანგეთის წინააღმდეგ ომზე გეზის აღება.

ჩვენი აზრით, რუსეთ-საფრანგეთის დაახლოების შესაძლებლობის სინამდვილედ ქცევას, თავის მხრივ, ხელი შეუშალა ინგლისის დიპლომატიის ბრიკებმა და მისმა ზემოქმედებამ რუსეთზე რუსეთის მმართველი ზედაფენის იმ დაჯგუფების მეშვეობით, რომელიც მკიდროდ იყო დაკავშირებული ინგლისთან, მის ეკონომიურ-პოლიტიკურ გავლენას ექვემდებარებოდა და მასთან კავშირს მოითხოვდა.

საფრანგეთის რესპუბლიკის ნიერ დიპლომატიისა და იარაღის მეშვეობით მოპოვებული წარმატებისათვის ბოლოს მოღება და ამის შედეგად ევროპასა და ახლო აღმოსავლეთში რუსეთის გავლენის დაცვა-გათართობა, როგორც მეფის რუსეთის ერთ-ერთი ამოცანა 1799 წლის ომში საფრანგეთის წინააღმდეგ, რუსი მემამულეების, სამხედრო კამარილიისა და მსხვილი ვაჭრების კლასობრივი მოთხოვნებით იყო ნაკარნახევი. მართალია, პავლე I-ის მთავრობა ამ ომში ფორმალურად ტერიტორიული გაფართოებისა და მეზობელი ქვეყნების დაპყრობის ამოცანას არ აყენებდა, მაგრამ აქედან როდი შეიძლება გამოვიტანოთ დასკვნა,

რომ რუსეთის რეაქციული მმართველები, მართლაც თავისუფალნი იყვნენ დაპყრობებისა და ტერიტორიული გაფართოების ზრახვებისაგან. საფრანგეთის დამარცხება, თუ იგი მიღწეული იქნებოდა 1799 წლის ომში, ჩვენი აზრით, ფართოდ გაუხსნიდა გზას რუსეთის მმართველთა დაპყრობითი ზრახვების რეალიზაციას ევროპაშიაც და ახლო აღმოსავლეთშიაც. ანტიხალხური, რეაქციული და უსამართლო ხასიათი ჰქონდა მეორე ამოცანასაც, რომელიც ითვალისწინებდა საფრანგეთის ტერიტორიის ოკუპაციას, საფრანგეთში არსებული მმართველობის ლიკვიდაციას, რევოლუციამდელი ურთიერთობის რესტავრაციას და რევოლუციის შედეგად მომხდარი სოციალურ-ეკონომიური და კულტურული ცვლილებების ლიკვიდაციას საფრანგეთში. ეს იყო იმავე ეანდარმის როლის თამაში ევროპაში, რასაც უკვე თამაშობდა პავლე I-ის მთავრობა საკუთარი ქვეყნის შიგნით, ეს იყო რეაქციული ძალების სათავეში პროგრესის ძალების წინააღმდეგ ამხედრება, პროგრესის წინააღმდეგ ბრძოლა.

აღნიშნულის გამო, რუსი ჯარისკაცები, მეზღვაურები და მეთაურები, დიდი მხედართმთავარი სუვოროვი და ვიცი-ადმირალი უშაკოვი, რომელთაც ამ ომში ფრანგების წინააღმდეგ ზღვაზე და ხმელეთზე ბრწყინვალე გამარჯვებები მოიპოვეს, რუსი ხალხისათვის, თვით მათთვის უცხო და უსამართლო საქმეს ემსახურებოდნენ. ისინი რეაქციული მმართველობის იარაღს წარმოადგენენ და ევროპის ეანდარმის—რუსეთის ცარიზმის—დაკვეთას ასრულებდნენ.

მეორე ანტიფრანგული კოალიცია, რომლის რიგებშიც სხვადასხვა ინტერესების, მისწრაფებებისა და გეგმების მქონე სახელმწიფოები იბრძოდნენ, შინაგანი წინააღმდეგობის შემცველ, არამყარ აგრესიულ სამხედრო-პოლიტიკურ ბლოკს წარმოადგენდა. შინაგანმა წინააღმდეგობამ, დაბოლოს, საფრანგეთის რესპუბლიკის ენერგიულმა წინააღმდეგობამ შეუძლებელი გახადა იმ ამოცანების გადაწყვეტა, რომელთაც ისახავდა კოალიცია, კერძოდ კი მასში შემავალი მეფის რუსეთი. ამიტომ რუსეთის არმიისა და ფლოტის ბრწყინვალე გამარჯვებას გათვალისწინებული შედეგი არ მოჰყოლია. ჩვენი აზრით, კოალიციის რიგებში არსებულმა ღრმა წინააღმდეგობამ ინგლის ავსტრიის მთავრობათა მიერ რუსეთის არმიისა და ფლოტის შემდგომი წარმატებისათვის ხელის შეშლამ იხსნა დირექტორიის ხელისუფლება და მთელი საფრანგეთი სრული სამხედრო-პოლიტიკური განადგურებისაგან. ყოველივე ამან კი განაპირობა რუსეთის გამოსვლა კოალიციიდან, მის მიერ საფრანგეთთან შემდგომ ომზე ხელის აღება და ძველ მოკავში-

რეებთან ინგლისთან და ავსტრიასთან ფაქტიურად კავშირის გაწყვეტა.

შრომაში მოტანილი მასალები ნათელყოფენ, რომ 1799—1800 წლების მიჯნიდან, როდესაც ფაქტიურად დაიშალა მეორე ანტიფრანგული კოალიცია და განუხორციელებელი დარჩა ანტიფრანგულ ომში რუსეთის მიერ დასახული ამოცანები, მეფის რუსეთის საგარეო პოლიტიკაში, კერძოდ რუსეთ-საფრანგეთის ურთიერთობაში ისევ მოხდა ახალი მობრუნება. კვლავ თავი იჩინა მათი დაახლოების ტენდენციებმა, რასაც თან მოჰყვა სათანადო პრაქტიკული ნაბიჯების გადადგმა.

1799 წლის დასასრულიდან რუსეთ-საფრანგეთის ურთიერთობაში დასახული მკვეთრი მობრუნება, ჩვენი აზრით, შემდეგმა ფაქტორებმა განაპირობეს:

1. მეორე ანტიფრანგული კოალიცია ისე დაიშალა, რომ მან ვერ გადაწყვიტა მის წინაშე მდგომი მთავარი ამოცანები. ამ გარემოებამ და რუსეთ-ავსტრიისა და რუსეთ-ინგლისის ურთიერთობათა შემდგომმა გაუარესებამ უშუალო გავლენა მოახდინეს მეფის რუსეთის საგარეო პოლიტიკურ მიმართულებაზე და შექმნეს პირობები ამ პოლიტიკის ახალი მობრუნებისათვის.

2. იტალიის კომპანიის წარმატებამ და ფრანგების გაძევებამ იონიის კუნძულებიდან რუსეთის სასარგებლოდ შეცვალა ვითარება ამ რაიონებში, ხოლო ეგვიპტეში ფრანგთა ლაშქრობის სამარცხვინო კრაზმა ბოლო მოუღო იმ უშუალო საფრთხეს, რომელიც რუსეთის ინტერესებისათვის შეიქმნა ახლო აღმოსავლეთში ამ ლაშქრობის პირველ ეტაპზე. ამან, თავის მხრივ, გავლენა მოახდინა რუსეთ-საფრანგეთის ურთიერთობაზე და შეასუსტა ამ ურთიერთობაში აღმოცენებული ფიციხი მასალის მოქმედება.

3. ინგლისელების მიერ მალტისადმი რუსეთის პრეტენზიის უარყოფამ და ამ კუნძულიდან ფრანგების გაძევებისათვის ბრძოლაში რუსეთის სამხედრო ნაწილების არ დაშვებამ, ინგლისელთა მიერ ეგვიპტეში ფეხის მოკიდების ცდამ და სხვა მსგავსმა აქტებმა, ამ ქვეყნის ექსპანსიის გაძლიერებამ ხმელთაშუა ზღვის ცენტრალურ აუზსა და ახლო აღმოსავლეთში, — ყველაფერმა ამან სერიოზული საფრთხე შეუქმნა რუსეთის ინტერესებს და პოზიციებს მსოფლიოს ამ ნაწილში. აღნიშნულმა ვითარებამ, თავის მხრივ, ხელი შეუწყო რუსეთის საგარეო პოლიტიკისა და დიპლომატიის ახალ მიმართულებას, მის მიერ კავშირ-ურთიერთობათა ახალ სისტემაზე გეზის აღებას.

4. რუსეთის საგარეო პოლიტიკისა და დიპლომატიის ახალი ორიენტაციის გამომუშავებისათვის მნიშვნელოვანი ფაქტორი იყო თვით საფრანგეთის პოლიტიკურ ცხოვრებაში მომხდარი ცვლილება თვრამეტი ბრიუმერის სახელმწიფო გადატრიალების სახით. აღნიშნული სახელმწიფო გადატრიალება პეტერბურგის სამეფო კარზე შეფასებულ იქნა, როგორც საფრანგეთის რევოლუციის ეპილოგი და მონარქიის რესტავრაციის პროლოგი. საფრანგეთის პოლიტიკურ ცხოვრებაში მომხდარმა ამ ცვლილებამ ზედმეტი განაღდა რუსეთის მთავრობის მიერ იმ ღონისძიებების შემდგომი გამოყენება, რომელნიც მიზნად ისახავდნენ ძველი ურთიერთობის აღდგენას საფრანგეთში. ამით მოიხსნა მორიგი ფიციხი მასალა ამ ორი ქვეყნის ურთიერთობაში და, პირიქით, გაიხსნა გზა მათი დაახლოებისათვის.

პირველმა კონსულმა ნაპოლეონ ბონაპარტმა გარკვეული პოლიტიკური და სამხედრო მოსაზრებების გამო პრაქტიკული ნაბიჯები გადადგა რუსეთთან ურთიერთობის ნორმალიზაციისათვის და მასთან შეთანხმებაზე აიღო გეზი. საფრანგეთის ახალი ხელისუფლების აღნიშნულმა საგარეო პოლიტიკურმა კურსმა, თავის მხრივ, ხელი შეუწყო ახალ მობრუნებას ამ ორი ქვეყნის ურთიერთობაში.

რუსეთის იმპერატორ პავლესა და ნაპოლეონ ბონაპარტს შორის წერილების გაცვლა-გამოცვლა, რუსი სამხედრო ტყვეების განთავისუფლება და მათი სამშობლოში დაბრუნება, დაბოლოს, ოფიციალური მოლაპარაკების გამართვა თავდაპირველად ბერლინში (1800 წლის მეორე ნახევარში) და შემდეგში პარიზში (1801 წლის დასაწყისში), წარმოადგენდა რუსეთ-საფრანგეთის დაახლოების იმ ტენდენციის შემდგომ განვითარებას, რომელმაც თავი იჩინა 1799—1800 წლების მიჯნაზე.

ჩვენი აზრით, პავლეს მთავრობა საფრანგეთთან დაახლოების პროცესში, კერძოდ ბერლინისა და პარიზის მოლაპარაკებათა პროცესში, ძირითადად იმ აგრძელებდა იმ კურსს საფრანგეთთან ურთიერთობაში, რომელიც მას მეორე ანტიფრანგული კოალიციის შემზადების წინა პერიოდში ჰქონდა (რა თქმა უნდა, იმ ახალი ვითარების გათვალისწინებით, რომელიც 1799 წლის ომმა წარმოშვა). მეფის რუსეთის მთავრობა არც ამ ეტაპზე იღებს ხელს იმ საგარეო პოლიტიკურ ამოცანების გადაწყვეტისაგან, რის რეალიზაციასაც იგი საფრანგეთის წინააღმდეგ ომის შედეგად მოელოდა. რაც შეეხება საფრანგეთის დიპლომატიას, მისი ამო-

ცანა 1800 წელს და 1801 წლის დასაწყისში იყო არა ხანგრძლივი მშვიდობიანობის აღდგენა ევროპაში, არამედ ღროის მოგება ინგლისთან გადამწყვეტი ომის მოსამზადებლად, რუსეთის საბოლოო ჩამოცილება ყოფილი მოკავშირეებისაგან და მისი იარაღად გამოყენება, დასასრულ, ევროპაში მარნგოს გამარჯვებით მოპოვებული წარმატების შენარჩუნება და ახლო აღმოსავლეთში პოზიციების განმტკიცება. რაკი 1799 წლის ომმა არ გამართლა მასზე დამყარებული იმედები და რუსეთს გათვალისწინებული წარმატება ვერ მოუტანა, რუსეთის ცარიზმის შესვეურებმა დროებით წინა პლანზე ისევ დიპლომატიური მოლაპარაკებების მეთოდი წამოსწიეს. პავლე I-ის შთაერობამ ახალი დიპლომატიური ღონისძიებების მეშვეობით განიზრახა ომით მიულწევილი საგარეო პოლიტიკური ამოცანების რეალიზაცია.

როგორც ამბების შემდგომმა მსვლელობამ ნათელყო, პავლეს ეს ახალი საგარეო პოლიტიკური ორიენტაცია და შესატყვისი ნაბიჯები, თუმცა ისინი, ჩვენის აზრით, რუსეთის არსებული სოციალური სისტემის დაცვის საქმეს უპასუხებდნენ, მაინც წააწყდნენ რუსეთის თავდაზნაურობის ერთი ნაწილის, ვაქართა ზედაფენისა და მადრობის თავკაცობის წინააღმდეგობას. ეს ნაბიჯები მათ მიიჩნიეს თვითმპყრობელური ხელისუფლების რამდენადმე დამოუკიდებელი აქციის გამოხატულებად და თავიანთი ინტერესებისათვის მიუღებლად.

რუსეთ-საფრანგეთის დაახლოების ერთ-ერთ მომენტად 1800—1801 წლების მიჯნაზე ჩვენ მივიჩნევთ ინდოეთზე რუსეთ-საფრანგეთის ერთობლივი ლაშქრობის პროექტის შემუშავებას და მისი სისრულეში მოყვანის ცდას. ჩვენ უარყოფთ ამ პროექტის ხასიათის შესახებ რევოლუციამდელ რუს და საზღვარგარეთელ ისტორიკოსთა მიერ გამოთქმულ ურთიერთსაწინააღმდეგო მოსაზრებების ნაწილს და ექვის ქვეშ ვაყენებთ და კრიტიკის ობიექტად ვხდით საბჭოთა ისტორიკოსთა ნაწილის ცალკეულ შეხედულებებს მის შესახებ.

ჩვენი აზრით, ინდოეთზე ხმელეთის გზით რუსეთ-საფრანგეთის ერთობლივი ლაშქრობის მოწყობის იდეა აღმოცენდა რუსეთ-საფრანგეთის დაახლოების პერიოდში 1800—1801 წლების მიჯნაზე. აღნიშნული ლაშქრობის პროექტს საფუძვლად დაედო საფრანგეთში არსებული ძველი გეგმები ინდოეთიდან ინგლისელთა განდევნის შესახებ. ჩვენ არ უარყოფთ ნაპოლეონ ბონაპარტის აქტიურ როლს და პავლეს თანამონაწილეობას ამ პროექტის შემუშავებაში. აღნიშნული პროექტი, თუმცა იგი ძირითადში კარ-

გად არის მოფიქრებული და ჩამოყალიბებული, მაინც არ წარმოადგენს გენიალურ გეგმას. მას გააჩნია ზოგიერთი არსებითი ხარვეზი რის გამოც ექვის ქვეშ უნდა იქნეს დაყენებული ამ პროექტის საფუძველზე გათვალისწინებული ლაშქრობის წარმატება. რუსეთ-საფრანგეთის ინდოეთზე ლაშქრობის აღნიშნული პროექტის რეალიზაციას მთელი რიგი არსებითი დაბრკოლებები გადაეღობა წინ და მათ შორის თვით რუსეთ-საფრანგეთის წინააღმდეგობა.

პაველე I-ის ინიციატივით 1801 წლის დასაწყისში მოწყობილი ლაშქრობა ინდოეთისაკენ არ გამომდინარეობდა ერთობლივი ლაშქრობის პროექტიდან. იგი ნაჩქარევად გადადგმულ სეპარატულ ნაბიჯს წარმოადგენდა და მხოლოდ სამხედრო დივერსია იყო, რაც რუსეთის ეკონომიური და პოლიტიკური ინტერესებით არ იყო ნაკარნახევი. აღნიშნული სეპარატული ლაშქრობის ორგანიზაცია პაველე I-ის მიერ ჩვენ ერთობლივი ლაშქრობის პროექტი განუხორციელებლობის პაჩვენებლად მიგვაჩნია.

რუსეთ-საფრანგეთის დაახლოების ტენდენცია და მათ შორის გაჩაღებული მოლაპარაკება, თუმცა მას ამ სახელმწიფოთა შემდგომი დაახლოება მოჰყვა შედეგად, თავის ფინალურ აქტამდე არ მისულა და წარმატებით არ დამთავრებულა. მისი შედეგი არ ყოფილა რუსეთსა და საფრანგეთს შორის მჭიდრო კავშირის დამყარება. გარკვეულ გარემოებათა შედეგად მათი შემდგომი დაახლოება შეწყდა 1801 წლის 11/23 მარტის აქტით—პაველს მკვლელობით, რის შემდეგ რუსეთ-საფრანგეთის ურთიერთობაში ისევ ახალი შემობრუნება დაიწყო.

ჩვენ არ ვიზიარებთ ზოგიერთი ისტორიკოსის შეხედულებას იმის შესახებ, რომ თითქოს რუსეთ-საფრანგეთის დაახლოებას და მათ შორის მეგობრული კავშირის დადებას არაერთი დაბრკოლება არ ელობებოდა წინ და იგი მხოლოდ პაველე I-ის მკვლელობამ ჩაშალა. ჩვენი აზრით, კონკრეტული მონაცემები არ იძლევა ასეთი იმპერატიული დასკვნის გამოტანის შესაძლებლობას. პარიზის მოლაპარაკების მსვლელობამ, პირიქით, ცხადყო ამ მოლაპარაკების წარმატებით დასრულების დიდი სიძნელე. მეტად ძნელი შეიქმნა იმ წინააღმდეგობათა დაძლევა, რომელიც წარმოშვა საფრანგეთისა და რუსეთის თვალსაზრისთა სხვადასხვაობამ.

პარიზის მოლაპარაკება პაველე I-ის მკვლელობის მომენტისათვის წარმატებით ფინალამდე არ იყო მისული, მომავალი სელშეკრულების პროექტის ცალკეული მუხლების გარშემო კვლავ ნძაფრი ბრძოლა მიმდინარეობდა. ინდოეთზე ერთობლივი ლაშქ-

ქრობის პროექტის სისრულეში მოუყვანლობა და პავლე I-ის მიერ წამოწყებული დამოუკიდებელი ლაშქრობა ინდოეთისაკენ ზვენი გვაჩნია იმ წინააღმდეგობათა გამოვლენად, რომელნიც არსებობდნენ რუსეთსა და საფრანგეთს შორის და არ იყვნენ დაძლეულნი პარიზის მოლაპარაკების პროცესში.

ჩვენი შეხედულებით, რუსეთ-საფრანგეთის შეთანხმება არც თუ ისე ადვილად იქნებოდა მიღწეული. საფრანგეთის პირველი კონსული ნაპოლეონ ბონაპარტი რუსეთის დიპლომატიის წინააღმდეგობის გამო ვერ მოახდენდა იმ საგარეო პოლიტიკურ ამოცანათა სრულყოფილად რეალიზაციას, რასაც იგი უკავშირებდა რუსეთთან შეთანხმებას და *Modus vivendi*-ს ბაზაზე მასთან სათანადო ხელშეკრულების დადებას. რუსეთ-საფრანგეთის ურთიერთობა XVIII—XIX საუკუნეების მიჯნაზე მჭიდროდ იყო დაკავშირებული ეკონომიური და პოლიტიკური ხასიათის ფაქტორთა წყებასთან. რუსეთ-ინგლისის ურთიერთობა, პირველყოვლისა მათი სავაჭრო-ეკონომიური ურთიერთობა, წარმოადგენდა მეტად სერიოზულ ფაქტორს, რომელიც უშუალო გავლენას ახდენდა რუსეთ-საფრანგეთის ურთიერთობაზე.

ინგლის-რუსეთის ურთიერთობის უკიდურესად გამწვავებამ, მათ შორის დიპლომატიური და, რაც მთავარია, სავაჭრო-ეკონომიური ურთიერთობის გაწყვეტამ და, პარალელურად ამისა, რუსეთის დაახლოებამ საფრანგეთთან, ამ ორი ქვეყნის მჭიდრო კავშირის შექვრის პერსპექტივამ—მტრული რეაგირება გამოიწვია რუსეთის თავადაზნაურობის გარკვეული ნაწილისა და მსხვილვაკართა რიგებში. პავლე I-ის მთავრობის აღნიშნულ საგარეო პოლიტიკურ მობრუნებასა და შესაბამის ნაბიჯებში მათ დაინახეს საკუთარი კლასობრივი ინტერესების უგულვებლყოფა. საფრანგეთს, რომელიც სამრეწველო-კაპიტალისტური განვითარებით, მანქანური ტექნიკით მკვეთრად ჩამორჩებოდა კაპიტალისტურ ინგლისს, არ შეეძლო შეეცვალა ინგლისი და მისი ადგილი დაეკავებინა რუსეთის ბაზარზე, მიეწოდებინა მისთვის მზარდი რაოდენობით საჭირო მოხმარების საგნები. ამასთან ერთად საფრანგეთი ძირითადად სოფლის მეურნეობის ქვეყანა იყო, რომელსაც მნიშვნელოვანი რაოდენობით გააჩნდა საკუთარი სასოფლო-სამეურნეო ნაწარმი. აღნიშნულის გამო მას არ შეეძლო შეეცვალა ინგლისი და რუსი მემამულეების იმ სასოფლო-სამეურნეო ნაწარმის ბაზრად ქცეულიყო, რომლის ექსპორტიც მანამდე წარმოებდა ინგლისში. დასასრულ, მხედველობაში უნდა მივიღოთ საფრანგეთის ძლიერი სავაჭრო-ეკონომიური კონკურენცია ახლო აღმოსავ-

ლეთში, მისი აგრესიული პოლიტიკის საფრთხე რუსეთის პოზიციებისათვის ცენტრალურ ევროპაში და რუსეთის მმართველი ფეოდალური არისტოკრატის შეურიგებლობა და ტრადიციული სიძულელი საფრანგეთის რევოლუციის შედეგად აღმოცენებული ახალი სოციალურ-ეკონომიური ფორმებისა და იდეოლოგიისადმი. ჩვენი აზრით, ყოველივე ამან და ინგლისის დიპლომატიის აქტიურმა ოინებმა ხელი შეუშალა რუსეთ-საფრანგეთის მჭიდროდ დაახლოებას და მათი მეგობრული კავშირის გაფორმების შესაძლებლობის სინამდვილედ ქცევას.

ახალმა ვითარებამ, რომელიც 1800—1801 წლების მიჯნაზე შეიქნა რუსეთ-საფრანგეთსა და რუსეთ-ინგლისის ურთიერთობაში, მკვეთრი უკმაყოფილება გამოიწვია რუსეთის მმართველი ზედაფენის ერთ ნაწილში. იგი გახდა დიდმნიშვნელოვანი ფიციხი მასალა, რომელმაც პეტერბურგის სამეფო კარის თავკაცობის გარკვეული ნაწილი აამხედრა პავლე I-ის წინააღმდეგ და მიიყვანა იგი სასახლის გადატრიალების გზით მისი თავიდან მოცილების გადაწყვეტილებამდე.

სწორედ ამ ნიადაგზე აღმოცენდა რუსეთის ფეოდალური არისტოკრატის ანგლოფილური დაჯგუფების შეურიგებლობა რუსეთ-საფრანგეთის დაახლოებისადმი, ამან გამოიწვია მათი ამხედრება რუსეთის ცარიზმის იმ საგარეო პოლიტიკური კურსისადმი, რომელიც საფრანგეთთან ომამდელი ურთიერთობის აღდგენისა და ევროპის დამშვიდების ნიადაგზე მასთან შეთანხმებას ისახავდა მიზნად. 1801 წლის 11/23 მარტის აქტი ამ წინააღმდეგობის ლოგიკურ ფინალს წარმოადგენდა, რა თქმა უნდა, შინაგანი ხასიათის მოტივებთან მჭიდრო კავშირში.

შინააკსი

შესავალი

გვ.
3—16

თავი I

წყაროებისა და სპეციალური ლიტერატურის მიმოხილვა .	17—64
რევოლუციამდელი რუსი ისტორიკოსების ნაშრომები .	33—45
სახლვარჯარეთელი ისტორიკოსების ნაშრომები	45—64

თავი II

რუსეთისა და საზრანგეთის სოციალურ-ეკონომიური მდგომარეობა და პათი უკთიმართობა 1789—1796 წლებში	65—119
1. რუსეთის თავადანაურულ-ბატონყმური მონარქია XVIII საუკუნის დამლევს (მოკლე მიმოხილვა)	65—78
2. საფრანგეთის სოციალ-ეკონომიური მდგომარეობა 1789—1796 წლებში	78—94
3. რუსეთ-საფრანგეთის 1789—1796 წლების ურთიერთობის ზოგადი მიმოხილვა	94—119

თავი III

რუსეთ-საზრანგეთის უკთიმართობა 1796 წლის დასასრულშიდან 1797 წლის დასაწყისამდე	120—174
1. აღმასრულებელი დირექტორიის ხელისუფლება საფრანგეთში და მისი ხასიათი	120—127
2. საფრანგეთის საერთაშორისო მდგომარეობა 1796 წლის დასასრულისათვის	127—138
3. პაულე I-ის გამეფება	138—163
4. პაულე I-ის მთავრობის პირველი ნაბიჯები საფრანგეთის მიმართ	163—174

თავი IV

რუსეთ-საზრანგეთის უკთიმართობა მეოცე ანტიფრანგული კოალიციის შექმნის წინ (1797 წელს)	175—231
1. რუსეთ-საფრანგეთის ურთიერთობის გაუმჯობესების ტენდენცია. მოლაპარაკება ბერლინში	175—197
2. იტალიის კამპანიის წარმატებები 1796—1797 წლებში. ლეობენის	

დახვევა და მისი გავლენა ბერლინის მოლაპარაკებაზე. ამ მოლაპარაკების კრაზი	197--213
3. კამპო ფორმიოს ზავი და მისი გავლენა რუსეთ-საფრანგეთის ურთიერთობაზე	213 --231

თ ა ზ ი V

მეშის რუსეთის მიერ საზრანგეთის წინააღმდეგ ომზე გეზის აღება. კრატტიკული ნაბიჯების გადაღება მეორე ანტიზრანგული კოალიციის შემადგენლად 232—303

1. ბრძოლა „წინაგან ფრონტზე“. ფრანგი ემიგრანტებისადმი დახმარების გაძლიერება. კონდეს კორპუსისა და პროვანსის გრაფის მიწვევა რუსეთში	232—244
2. ბრძოლა ხმელთაშუა ზღვაზე ბაზების მოპოვებისათვის. მალტის საკითხი	244—264
3. საფრანგეთის აგრესია ეგვიპტის წინააღმდეგ და რუსეთ-თურქეთის „თავდაცვითი“ კავშირის შექმნა	265—279
4. საფრანგეთის აგრესიის გაძლიერება იტალიაში და რუსეთ-ნეაპოლის ურთიერთდახმარების კავშირის შექმნა	280—288
5. პოლონეთის და ჰამბურგის საკითხების როლი მეორე ანტიფრანგულ კოალიციაში რუსეთის ჩაბმის საქმეში	288—289
ა. პოლონეთის საკითხი	289—297
ბ. ჰამბურგის საკითხი	300—303

თ ა ზ ი VI

რუსეთის მიერ საზრანგეთის წინააღმდეგ ომისათვის საგზედრო დიპლომატიური მზადების დასრულება. მეორე ანტიზრანგული კოალიციის შემდგა 304—355

1. რუსეთის და საფრანგეთის დიპლომატიის ბრძოლა პროუსიისათვის	304—324
ა. რენინის მისია ბერლინში	325—314
ბ. საფრანგეთ-პრუსიის მოლაპარაკება ბერლინში	314—321
გ. უკანასკნელი ზემოქმედება პროუსიაზე	321—324
2. რუსეთ-თურქეთის ფლოტის ოპერაციები საფრანგეთის ბაზების წინააღმდეგ ხმელთაშუა ზღვის აუზში	324—330
3. ავსტრიის ჩაბმა მეორე ანტიფრანგულ კოალიციაში	330—341
4. რუსეთ-ინგლისის სამხედრო-პოლიტიკური კავშირის განმტკიცება	342—355

თ ა ზ ი VII

რუსეთ-საზრანგეთის ურთიერთობა მეორე ანტიზრანგული კოალიციის შემდგინდან მის დაშლამდე. რუსეთის ომი საზრანგეთთან 1799 წელს 356—413

1. მეფის რუსეთის ამოცანები მეორე ანტიფრანგულ კოალიციაში	356—361
2. რუსეთის ომი საფრანგეთის წინააღმდეგ ევროპის კონტინენტზე 1799 წელს	361—377

3. რუსეთ-ავსტრიის წინააღმდეგობა მეორე ანტიფრანგული კოალიციის რიგებში 378—401
4. რუსეთ-ინგლისის წინააღმდეგობა მეორე ანტიფრანგული კოალიციის რიგებში 401—413

თ ა ვ ი VIII

მეორე ანტიფრანგული კოალიციის დაშლა და რუსეთის ომიდან გამოსვლა. მოგრუნება რუსეთ-საფრანგეთის ურთიერთობაში (1799 წლის დანახარები, 1800 წლის დანახარები) 414—459

1. რუსეთ-ავსტრიის წინააღმდეგობათა შემდგომი გამწვავება და მათი „თავდაცვითი“ კავშირის გაწყვეტა 414—431
2. რუსეთის მიერ საფრანგეთის წინააღმდეგ ომზე ხელის აღება. რუსეთ-ინგლისის ურთიერთობის დაკვირვა და რუსეთის გამოსვლა მეორე ანტიფრანგული კოალიციიდან 431—459

თ ა ვ ი IX

მოგრუნება რუსეთ-საფრანგეთის ურთიერთობაში 1800 წელს, მათი დაახლოება 460—511

1. თვრამეტი ბრიუმერის სახელმწიფო გადატრიალება საფრანგეთში და მისი შეფასება ჰეტერბურგის სამეფო კარზე 460—479
2. რუსეთ-საფრანგეთის დაახლოების სიმპტომები. მოლაპარაკება შეთანხმების შესახებ 480—511

თ ა ვ ი X

ინდოეთში რუსეთ-საფრანგეთის ერთობლივი ლაშქრობის პროექტის საკითხი 512—553

თ ა ვ ი XI

საფრანგეთ-რუსეთის კავშირის განუხორციელებლობა. კავლე I-ის მკვლელობა 554—598

1. კავშირ-მეგობრობის თაობაზე რუსეთ-საფრანგეთის მოლაპარაკების წარუმატებლობა 554—566
 2. კავლე I-ის მკვლელობა და მორიგი მობრუნება რუსეთის საგარეო პოლიტიკაში 566—598
- დასკვნები 599—612



რედაქტორი გ. უორდანი

*

გამომცემლობის რედაქტორი ე. გორგაძე

ტექნიკური რედაქტორი შ. დოლიძე

კონტროლიორ-კორექტორები { მ. თადუშაძე
მ. ინასარიძე

Донадзе Варлам Барнабович

*Русско-французские отношения
на рубеже XVIII — XIX веков*

(На грузинском языке)

Изд-во ТГУ им. Сталина
Тбилиси — 1959



შეკვეთა № 284

უპ 01581

ტირაჟი 1000

გადაეცა წარმოებას 11/II-59 წ. ხელმოწერილია დასაბეჭდად 2/XI-59 წ.
ანაწყოების ზომა 6×10. ქალაქის ზომა 60×92. სასტამბო ფორმათა რაოდენ-
ობა 38,5. სააღრიცხვო-საგამომცემლო ფორმათა რაოდენობა 37,6.

შპსი 19 შპს. 80 კპპ.

სტალინის სახელობის თბილისის სახელმწიფო უნივერსიტეტის
გამომცემლობის სტამბა, ი. ჯაჭვავაძის პროსპექტი, 1.

Типография Издательства ТГУ им. Сталина, проспект И. Чавчавадзе, 1.